

~~23=1~~ 9A=2

Int 209
no 90

THESAVRVS
ANTIQVITATVM

ET

HISTORIARVM
ITALIAE,


MARI LIGVSTICO & ALPIBVS VICINAE.

TOMI SECVNDI PARS PRIOR.



THESE AVRS
ANTIOVITVM
ET
HISTORIA RVM
ITALIAE
MARINISICO ALPVS VICINAE
TOME SECOND PARS PRIME

THESAVRVS
ANTIQVITATVM
ET
HISTORIARVM
ITALIAE,
MARI LIGVSTICO ET ALPIBVS VICINAE
TOMI SECVNDI PARS PRIOR.



LVGD: BATAV:
APVD PETRVM VAN DER AA. MDCCIV.

J. Goeree In.



ANTIOCH

BY E. J. MOORE

1844

NEW YORK

W. J. MOORE

1844

NEW YORK

W. J. MOORE

1844

NEW YORK

W. J. MOORE

1844

NEW YORK

W. J. MOORE

1844

NEW YORK

W. J. MOORE

1844

NEW YORK

W. J. MOORE

THESAVRVS
ANTIQVITATVM

ET

HISTORIARVM

ITALIAE,

MARI LIGVSTICO & ALPIBVS VICINAE;

quo continentur

Optimi quique Scriptores,

Qui

LIGVRVM ET INSVBRVM,

Seu

GENVENSIVM ET MEDIOLANENSIVM,

Confiniumque Populorum ac Civitatum Res Antiquas, aliasque vario tempore gestas, memoriae prodiderunt:

Collectus Cura & Studio

JOANNIS GEORGII GRAEVII.

Accesserunt

Variae & accuratae tabulae Geographicae, aliaeque, ut & Indices ad singulos Tomos locupletissimi.

TOMI SECVNDI PARS PRIOR.

Scriptores hujus Tomi proximo folio reperientur.



LVGDVNI BATAVORVM,
Excudit PETRVS VANDER AA, Bibliop.
M D C C I V.

THE
MAY 1871

THE
MAY 1871

THE
MAY 1871

THE
MAY 1871

THE
MAY 1871

THE
MAY 1871

THE
MAY 1871

THE
MAY 1871

THE
MAY 1871

SERIES SCRIPTORVM,

Qui in secundo Tomo Thesauri Antiquitatum Italiae
inveniuntur.

PARS PRIOR.



Andreae Alciati, J. C. Celeberrimi, *Rerum Patriae, seu Historiae
Mediolanensis, Libri iv.* ex MS. Bibliothecae Ambrosianae. Pag. 1
Tristani Calchi, Mediolanensis Historiographi, *Historiae Patriae Li-
bri xx. cum Notis Joannis Guilielmi Calaveroni.* 81

--- Residua, hoc est, *Historiae Patriae liber XXI. & XXII.
aliaque Opuscula de Nuptiis Principum Mediolanensium, è Bibliotheca Patricii Nobi-
lissimi Lucii Hadriani Cottae eruta, studio & opera Joannis Petri Puricelli, qui
suum etiam illis Indicem Familiarum & Epitomas adjecit.* 441

Josephi Ripamontii Canonici Scalensis, & Chronistae Urbis Mediolani, *Histo-
riae Patriae Libri XXIII. Ab Anno salutis MD CCC XIII. qui Tristano Calcho
Patriae Historiae finis, desumitur novi Operis initium & tempora infecuta memo-
rantur. Sed repetuntur prius extrema superioris Historiae, fusiisque & altius expli-
cantur ea, quae Calchus ipse in parte ultima Annalium suorum perstrinxit tan-
tummodo, sive omittenda putavit: atque temporis proxime antea acti facies datur in
conspectum. In III. partes digestus.* 537

PARS POSTERIOR.

Josephi Ripamontii *Historiae Patriae continuatio, comprehensa octo Libris, in qui-
bus res, quas gessit Philippus II. tam Mediolani, cum in ejus ditionem redigere-
tur, quam alibi, exponuntur.* 1089

Galeatii Capellae *de Bello Mediolanensi, seu de rebus in Italia gestis pro restitutione
Francisci Sfortiae II. Mediolanensium Ducis, ab anno MDXXI. usque ad MDXXX.
Libri VIII.* 1249




ANDREAE ALCIATI,
F. C. CELEBERRIMI,
RERVM PATRIAE,
S E V
HISTORIAE MEDIOLANENSIS,
L I B R I I V.

EX MS. BIBLIOTHECAE AMBROSIANAE.

Ad perillustrem & admodum rever. Patrem

D. MATTHAEVM VALERIVM,
Cartusiae Ticinensis Procuratorem.




PERILLVSTRI AC ADMODVM REVER.
P A T R I,
D. MATTHAEO VALERIO,
CARTVSIAE PAPIENSIS PROCVRATORI DIGNISSIMO,
JO. BAPTISTA BIDE LLIVS

S. D.



PRODIT in lucem magni Andreae Alciati, quem Jurisconsultorum haud dubie peritissimum, & Jurisperitorum disertissimum novit fama, Rerum Patriae Historia tam diu à multis expetita. Auctor ipse jam inde à principio ætatis gravia simul & amæna studia tractavit, interioresque litteras cum Jure Civili conjunxit. Inter tot igitur præstantissimi ingenii sui monumenta, quibus exoptatæ immortalitati iter sibi patefecit, historicum etiam hoc Opus, quo res Mediolanensium à primordio Urbis memorare aggressus ad Valentiniani Cæsaris tempora perduxit, quod utinam (ni forte in medio cursu oppresserit eum vitæ finis) pluribus libris complexus esset, non enim reliquam Titi Livii *Historiam*, vel Taciti *Annales*, seu *Germanica* Cæcilii Plinii *Commentaria* desideranda nobis essent. Nos ista, qualiacunque sint, nunc primum in lucem emittimus, occultata diu apud paucos, dum codicem habere privatim, quam evulgari typis malunt, Infubrum originem, Gentis vetustatem, præclara ejusdem facinora, Reipublicæ Mediolanensis formam & politiam, virosque insignes, qui tam in Imperio Romano, quam in Ecclesia Dei ex eadem patria floruerunt, publico malo, nobis invidentes. Cæterum in adornanda Operis editione, patronosque exquirendo, tu statim occurristi, ô Sacræ Cartusiæ decus & bonarum artium præsidium, Matthæe Valeri, cui neminem unum anteferre posse videremur: cui enim potius dicarentur patriæ Annales ab Alciato incredibili prudentia rerumque maximarum usu prædito, doctrinarum & artium omnium eruditione excellenti, tanta cum Valeriæ familiæ commendatione conscripti, quam tibi, qui politiori litteratura, indefesso litterarum studio, morum suavitate, vitæque innocentia singulari inter patriæ ornamenta esses? & qui Valeriam gentem in hanc usque diem Mediolani propagatam arctissima cognatione contingis? Accedit Historiæ patriæ exactissima cognitio, & singularis illa tua in me benevolentia, cui ut aliqua grati animi significatione respondere possim, hæc nomini tuo inscribere est visum. Atque quicquid hoc, vel muneris vel gratiæ esset, in eo gratiam & præsidium ex tuo nomine & mihi ipsi paratum esse, tum volumus, tum etiam speramus. Vale.

Imprimatur, Fr. Vinc. Aquens. Provic. S. Officii Med.
Fr. Al. Bariola Augustinianus Consultor S. Officii pro Illustriss. D. Card. Archiepisc.
Vidit Saccus pro Excellentiss. Senatu.





MILANO.

EXPLICATIO.

1. Basilica Cathedralis.
2. S. Gerardo.
3. Suburbium.
4. Palatium Marini.
5. S. Maria Scala.
6. S. Stephano.
7. S. Babila Episcopi.
8. S. Andrea.
9. M. della Nancio.
10. S. Antonio.
11. S. Iohann.
12. S. Caterina.
13. S. Nazaro.
14. S. Adalena.
15. S. Paulo.
16. S. Euphemia.
17. S. Laurentio.
18. S. Gregorio.
19. S. Simon.
20. S. Maria.
21. S. Orsola.
22. S. Ambrogio.
23. S. Francisco.
24. S. Victor. ad Theatr.
25. Collegio de Dottori.
26. S. Maria la Scala collegiata.
27. S. Alano.
28. S. Petro.
29. S. Vincenzo.
30. S. Giacomo.
31. S. Nicolao.
32. S. Mauricio, Mon. Magg.
33. A. S. Agnesa.
34. S. Marcelino.
35. Castellum.
36. Porta Comensis.
37. P. Boatrias.
38. P. Nova.
39. P. Orientale.
40. P. Tonfa.
41. P. Romano.
42. P. Ludovica.
43. P. Ticinensis.
44. P. Verzelina.
45. M. S. Martinus.
46. S. Maria della Stella.
47. S. Maria Gratiarum.
48. P. Capucinorum.
49. S. Martini.
50. S. Vito.
51. S. Vincenzo Hospital.
52. S. Calocero.
53. S. Euforgio.
54. S. Orsola.
55. S. Maria della Vetabia.
56. Hospital de Plurimi.
57. S. Celsa.
58. S. Apollinare.
59. S. Lazaro.
60. S. Bernardo.
61. S. Roccho.
62. S. Maria Pacis.
63. S. Pauli et Barnab.
64. S. Pauli Cist.
65. La Paglium.
66. S. Damiano.
67. S. Bartolomeo.
68. S. Dionisio.
69. S. Marco.
70. Fr. Carmelitarum.
71. S. Simpliciano.
72. S. Maria Incoronata.

ANDREAE ALCIATI,

7. C. CELEBERRIMI,

RERVM PATRIAE,

SEV

HISTORIAE MEDIOLANENSIS,

LIBER I.

EPI TOM E


LIBRI I.

Etrusci ante Urbem conditam quam late in Italia dominiati: trans Apenninum colonias mittunt: trans Padum Insubrium edificant: à Sicambri dominio deturbantur: Ducibus Medo & Olano colonias Transpadanas armis repetunt: à Belloveso acie victi Insubrium amittunt. Mediolani varia nomenclatura. Brixia, Verona, Ticini, Landi, & Novaria quinam conditores. Senonum in Italiam adventus. Bellovesus Mediolanum mœnibus cingit. Insubrum fines an Novariam attingant: quinam Dii ab Insubribus culti: Pythagora sectatores; eorundem mores & cultus. Roma à Gallis capta. Veneti Gallorum quietem turbant. Senones à Romanis deleti. Insubrum & Bojorum ad Gallos Transalpinos legatio. Veneti & Canomani Romanorum amicitiam Gallica cognationi preferunt. Apparatus Romanorum contra Gallos quam maximus: varia fortuna cum iisdem decertant. Victoria adversus eosdem. Romani in Insubres arma movent; Ananes & Canomani cum Romanis adversus Insubres. Clastidium & Acerra obsessa. Singulare certamen Viridomari Regis Insubrum cum Marcello. Consulis de eodem victoria. Mediolanum à Romanis captum. Insubres cum Taurinis decertant; à Romanis desciunt; cum Annibale foedus percutiunt. Placentia & Cremona Rom. colonia. Victoria Gallorum de Romanis. Boji eosdem cadunt. Gallorum cohortes ad Trebiam fortiter pugnant. Ducarius Insuber Flaminium ad Trasimenum obtruncat. Insubrum pedites ad Cannas Annibali victoriam peperere: cum Asdrubale & Amilcare palam, cum Magone clam in Romanos conspirant. Placentia à Gallis ferro & igne absumpta: Cremona ab iisdem obsessa: magna strage Amilcare caso à Romanis vincuntur. Babius cum exercitu ab Insubribus interfectione deletus. Iterum & tertio à Rom. vincuntur. Cacilius Statius Insuber floret. Rhati Comum devastant; à Romanis instauratur: ejusdem origo. Sulla Dictator cur Insubribus insensus.

A toriæ filium aliqui ex Græcis tradunt: quidam alienigenam, & à Pelasgis profectum opinantur. Sed hi videntur nobis admodum fabulosa profecti. A Chaldæis ejus originem trahunt alii, fuisseque Noe celebratissimi in Sacra Historia herois nepotem Janum existimant: cujus sententiæ Josippus assertor est. At Berosus, gravissimæ auctoritatis vir, Noe ipsum eundem, & Janum esse scribit, ductus præsertim nominis argumento, quod *Vitisatorem* significat; cujus rei inventionem Chaldæo ipsi mortales debere in confessio est. Fuit huic Regi ex Tubale, ut idem auctor est, filio, sive, ut Josippus mavult, nepote pronepos Subres, qui majorum vestigia secutus cum magna Tuscorum manu trans Padum profectus, quo in loco nunc Mediolanum est, oppidum condidit, quod & suo nomine, atque oraculi fidem secutus, vocavit Insubrium. Siquidem non modicæ existimationis auctor quidam scriptum posteris reliquit, consultam à Subre Themini, an Subrium pagum à se structum appellaret, negasse id ex re futurum. Quocirca Subrem, alioquin nominis sui paulo studiosiorem, negativæ particulæ additamento Insubrium nuncupari voluisse. Hac in re haudquaquam ipse meam interposuerim fidem, in negotio præsertim tam veteri, & in tanta scriptorum penuria: ut etiam non parum illos admirer, qui quæcumque de Subre dicuntur, omnia ad aniles fabellas relegant; cum tamen hæc sit in Annalibus nostris constans sententia, & ab his, quæ alii prodiderunt, nihil diffideat.

Data est semper hæc antiquitati venia, ut primordia Urbium, quo augustiora sint, in Deos etiam aperto figmento referant. Cur non licuerit in re, quam verisimillimam neget nemo, idem facere, ipsi viderint; etsi, quid unusquisque credat, curare non tam nostra intersit, quam fida oratione ea in medium proferre, quæ ab aliis tradita nos vera opinamur. Fabulantur plerique in his regionibus fuisse Herculem, conditamque ab eo Urbem Ægyptio vocabulo Ariam dictam, quæ à Liguribus instaurata sumpserit demum Novariæ nomen. Indigna Catone sententia, tametsi ejus auctoritate in vulgus edita fuerit.

Sane, quod ad nos attinet, Colonias à Tuscis quandoque trans Padum missas in Insubri (ut credere par est) agro Romanæ Historiæ auctor T. Livius attestatur. Pacatissime in novo oppido dominatus est Subres, atque ibi vitem plantare, agrum colere, fructus ferere, pacis instrumenta, primus docuit. Et quoniam coalescens indies populus subagrestis atque atrox erat, feros animos religione humaniores reddere conatus est. Tum Jani in Deos relatum numen, ejusque cultus gentibus honori esse coepit; percussa que dein moneta, quæ bifrontem, una ex parte statuam, ex alia navim, corollamve haberet; nam, & navigationis, & coronarum in-



ITALIAM, antequam Urbs Roma conderetur, & sese armorum virtute extolleret, initio tenere Etrusci, quorum opes terra, marique, longe & late flourerunt. Ostendit hoc ab eis condita Hadria, unde superum pelagus sumpsit nomen; tum plures numero Coloniae trans Apenninum missæ, quæ excepto Venetorum angulo ad Alpes usque pertinuerunt. Eorum vetustissimus Rex fuisse perhibetur Janus, quem Saturni ex Latini generis puella En-

ventorem Janum crediderunt, & Dracon Corcyrensis testatus est.

In demortui Subris locum successisse traditur ejus filius Marcomedes, cujus in patria Historia solum exstat nomen, gesta subticentur, quod nihil arbitror sub eo dignum memoria evenerit. Morientis Marcomedis fati par est conditio. Filius huic Insuber Julius fuit, celebratum posteris quoque nomen. Hoc Rege pro patria primum Insubres arma induere; nam ab extrema Venetiae ora, quae Noricis contermina, demum Aquilejense nomen sumpsit, progressus Rex Peucetius Julio indixit bellum; cumque plures annos pugnatum esset, & belli incommoda utrumque afficerent Regem, hac conventionem tandem transacta lis est, ut mutato invicem Regno, Carnos Julius regeret, Insubres Peucetius moderaretur. Quis autem Rex hic fuerit, atque unde originem traxerit, non ab re dubitaverit aliquis. Aquilejensem agrum primi exterorum tenuere Graeci, qui Jasone duce Argo navi in Colchos profecti Vellus aureum rapuerunt; ab his Colonia est Pola. Argivos igitur progenitores habuerit Peucetius, an vero Julius Alpibus superatis ex Germania in Italiam venerit, non sat ex auctoribus constat. Peucetium alii appellant; ut eum fuisse suspicer, qui Lycaonis filius Oenotrii frater ex Arcadia in Italiam venit, cujus rei & Dionysius, & Plinius Secundus meminere. Dominatus hic est non Insubriae tantum, sed Sabinis, Calabriaeque, unde & ea Regio Graecis Peucetia quandoque est dicta. Nostri auctores ex hoc Insubriae nomen inditum scribunt; quod tamen nequaquam diuturnum fuit. Nam eo defuncto ab Asia navibus advenit Mesapus universam Peucetii ditionem armis occupavit, nomenque acquisitis bello regionibus suum imposuit. Mos hic antiquis Regibus fuit, aeternitatem sibi hoc modo credentibus paratam iri. Mesapum hunc adversus Trojanos in acie pro Turno stetisse Poeta Virgilius scripsit, & Neptuno patre genitum est auctor. Plinius quoque Calabriam, Peucetii nomine abrogato, Mesapiam ab eo nuncupatam tradit. Idem & de Insubria legitur in Mediolanensium Annalibus.

Cum in humanis agere desisset Mesapus, Sicambri, Germanica natio, per Vindelicos, Rhätosque Italiam ingressi, ferro & igne omnem agrum ad Insubrem usque pagum vastaverunt; cujus tam insignis calamitatis oppidum ipsum iccirco fuit immune, quod ejus deditione à Sycambri in societatem cives sunt admissi: nec perennis ea fuit animorum cum hoste conjunctio, quod non ita multo post trans Alpes Sycambri retro, unde venerant, domum redierunt. Respirare aliquandiu ab externis armis Insubres, & jam se in libertatem asseruisse poterant videri, cum Tusci coloniam suam armis repetituri, Olano Duce exercitum comparaverunt, & trajecto Eridano arctissima obsidione eam cingentes, tandem potiti sunt munitionibus, propugnaculisque, cum magnae populi parte excisa.

Auxit eorum rem deinde Medus, & ipse ex Etruscis (uti arbitror) Principibus, licet alii Insubrem malint, ei regendae praepositus, à quorum nomine Insubria ipsa Mediolanum vocari coepit. Cujus sententiae & in *Originibus* Catonem (si modo fideles sunt vulgati codices) existisse video, tametsi ex antiquis auctoribus alii, ut Cl. Claudianus, & Solius Apollinaris, & Dacius Antistes à Sue media parte lanea nomen traxisse opinati sint. Alii, ut Sacrorum in ipsa urbe Ambrosius Praefulus, quod in medio amnium Ticini atque Abduae sita sit, Mediolanum dictam scripserunt. Quae opinio vel iccirco receptior esse debet, quod tam Graeci, quam Latini veteres, ut ex antiquioribus spectaculis cernere licet, id nomen protulere; etsi ipse malim hac in re consuetudini obsequi, quam ob-

A sequi, quam obsoletam pluribus saeculis Antiquariorum diligentiam imitari; cum haec inter ipsos quoque auctores non multum consentiant; nam, & à Catone diversa videtur sensisse Livius, dissidentiaque illi mortalibus posteris prodidisse, qui ante Bellovesi in Italiam adventum Insubrium pagum nomen tenuisse scribit, & à Gallis in Urbis formam redactum vocari tum demum coepisse Mediolanum. Plinius ad Insubres Gallos, à quibus conditum sit, Insubrii appellationem refert.

B Videbuntur forsitan haec lectori non admodum diligenti simul pugnare, quae tamen recte percepta, si summum jus absit, optime sibi constant. Nam cum per Tarquinii tempora Ambigatus Celtarum, quae Galliae pars est tertia, Rex duos fororis filios, Bellovesum, Singovesumque haberet, lectissimos armis juvenes, aliquo extra Galliam novas quaesitum sedes mittere decrevit, quod ejus regnum tanta frugum & hominum abundantia polleret, ut coalescens multitudo vix videretur posse regi. Singoveso Hercinii Saltus obvenere; Diis carior Bellovesus Italiam fortitus est. Hic Bituriges, Arvernos, Senonas, Heduos, Ambarros, Carnutes, Aulercos, fortissimos maximosque peditum equitumque exercitus, secum trahens, ne quis advenienti obviam ire posset, in Tricastinos venit; tum moram illi fecere Alpes, vel iccirco inexpugnabiles, quod ante eum nullus praeter Herculem, si Graecorum fabulis adhibenda est fides, eas superaverat. Ibi cum tanquam indagine clausi montibus Galli arcerentur, novum illis omen auxit animos. Audierant novas sedes perscrutantes navibus à Phocide Massilienses victos ab Saluciis oppugnari; quamobrem advenis advenae, veluti aequum erat, auxilio fuerunt, ut eorum ope communiti Massilienses, quem primum occupaverant, in terram egressi, loco civitatem construxerint. Ipsi per Taurinos, Juliaeque Alpibus Saltus transgressi maximis laboribus tandem Italiam attigerunt; cumque illis congressi essent Tusci, quorum ditioni, ut demonstravimus, tunc parebant Insubres, à Belloveso acie devicti, debellatique sunt. Qua victoria ille auctus cum Insubrium vicum Heduo, unde ipse plures Gallos exciverat, cognominem intelligeret, omen secutus, civitatem, ut Livius est auctor, condidit Mediolanum. Sic qui pagus fuerat, in Urbis dignationem translatus est; neque enim Bellovesum totius propagatae gentis justum titulum habere ostendit Amasenus Strabo, qui ante Gallorum adventum, Insubrem non gentis infrequentia, paucitateve, sed eo solum quod vicatim habitaretur, pagum fuisse tradit.

E Patefecit is Bellovesi transitus barbaris nationibus Alpes; nam deinde eo annitente quamplurimae Germanorum, Gallorumque copiae in Italia novas sibi sedes paravere, ut ingens Germanorum manus, quae Elithovio Duce eodem itinere per Taurinos ad eam venit Italiae partem, in qua nunc Brixia & Verona urbes sunt; post eos secuti Saluvii, qui prope Laevos Ligures juxta Ticinum amnem confederunt; ab his conditas Focellas scribit Plinius, sicut à Laevis, Maricisque Liguribus Ticinum Urbem. Venere eodem itinere Boji; tum Vocontiorum pagus Vertacomacores; ab his Novaria, ab illis Laus Pompeja originem trahit. Nec his tantum aperta Alpium claustra patuere. Nam & Peninum Boji, Liguresque transgressi, Pado ratibus trajecto, non Etruscis solum, sed etiam Umbris infesti, agro eos pepulerunt. Recentissima fuit Senonum manus, quae ducentos prope annos post Bellovesum in Italiam Duce Brenno (ut aliqui auctores sunt) venit. Sed de his pluribus agere non est praesentis instituti.

F Ceterum qua potissimum parte tam ingentes Gallorum copiae trajecerint, non injuria potuit aliquis quan-

quantumvis diligens dubitare, cum praesertim non fat constare Sabellicus in *Carnorum Historia* ostenderit, an hi sint Taurini Saltus, qui in imminetibus Aquilejae Alpibus, quas Julius Tacitus quoque appellat, difficillimo siti sunt in loco: nam ea regione Tauriscos, qui dein Norici sunt dicti, Plinius collocat. Eos autem à Taurinis non differre demonstrat Cato. Nam si, ut vulgatissima opinio est, Alpibus Grajis exercitum traduxit Bellovesus, quid est, quod sequenti tempore Annibal in his tantum elaboravit, ut maximo hominum animaliumque dispendio ægre quinto decimo die ab his emerferit. Callem certe tutissimum esse oportuit, per quem tot hominum millia prius transcendissent. Verum quo minus veritatis apud me habeant hæc argumenta, illud in primis facit, quod in Circumpadanis Campis eos primum confedisse constat, cum ab Aquileja Padus quam longissime disteat; tum haudquaquam vero simile est, Bellovesum, ubi in Tricastinos venerit, circumspiciendo altitudinem montium, itineris tantum fuisse emensum, ut per hæc Alpium juga maluerit penetrare; quin credibile est magis itineris longitudine pertæsum per quosvis difficillimos aditus transmittere potius valuisse. Nec momenti quicquam habent Annibalis in eo transitu ærumnæ, qui non Grajis Alpibus, sed Pænis trajecerit, licet vicino, non tamen dubie differente, loco; quod si eodem quandoque itinere progressus est, deceptum certe à ducibus alienigenam Imperatorem majoribus ex angustiis evasisse, quam inter Gallos Gallum crediderim. Igitur Bellovesus, ubi in Insubres appulit, mentemque ad Urbem condendam applicuisset, septem eligit viros, qui Deorum oracula sciscitarentur, qua praesertim regione fundamenta jaceret; tum, quod Diis placeret, illi imponi nomen. Responsum tradunt plerique sententia non absimili, *Nomina principumque Urbi sus lanea signet*. Explorata Deorum voluntate, cum sus inventa esset medio tergo induta lanam, eo, quo primum visa est, loco Civitas fundari cœpta ab ipso omine nomen sortita est. Scripserunt hoc ex nostris auctoribus quamplurimi, & opinione totius populi recepta res fuit, ut in medio foro, sub ipsis Palatii fornicibus marmore conspicua succula lanato dorso etiamnum visenda vetustatis signum adesset.

Munivere itaque urbem validissimis munitionibus Galli, ut exterioris muri, qui eam cingebat, latitudo pedum vicenum quinum fuisse credatur; tum tercentæ & decem turres intra moenia in ambitu structæ & speciosum & inexpugnabile opus reddebant. Sex portæ à Diis, quos religiose colebant, appellationem accepere: hi fuerunt Jupiter, Juno, Saturnus, Apollo, Mercurius, atque Mars; ex quibus in praesentiarum sola Jovis porta tenuit nomen; amittere suum cæteræ. Sic renovata Urbis facie omnia in tuto erant, unoque prælio devicti Tusci nunquam postea extulere caput.

Limites Imperii Bellovesi traduntur Ticinus atque Abdua fluvii, tum unde hi dimittuntur lacus duo, Larius, & Verbanus, Ticinum hic, Abduam ille procreat; etsi alioquin diligentissimi auctores Polybius & Strabo Abduam Verbano, Ptolomæus Lario Padum ejici scripserint, errore nimirum evidentissimo; contineri his finibus Insubres universos eruditissimorum omnium consensus est. In quam tamen sententiam nequaquam accedere creditur Ptolomæus, dum in illis Novariam collocat; & Polybius, qui Acerras, urbem inter Padum & Alpes, Insubribus videtur adjudicare.

Mores gentis, institutaque eo tempore qualia fuerint, nec post tot annos quidem in obscuro sunt. Existisse semper elegantiae leporisque studiosos nemo ambigit. Mercurium veteri Gallorum more

A coluere, quod eloquentiae lucrisque praesideat is Deus; tum Herculem, Martem, Vulcanumque, sed omnium maxime Minervam, in cujus splendidissimo templo signa belli aurea, quæ immobilia vocitabantur, servabant, ut solum eo tempore inde amoveri fas ducerent, cum ingens periculosumque bellum ingrueret. Sagulis in pugna aureis utebantur; illis enses paulo graviores, obtusique; scuta omnino debilia, ut qui, dum hostem ulciscerentur, sese parum defenderent. Thoraces etiam aureis clavis exornare; torques, armillas, viriolas, annulos ex solido auro gestare; Deorum simulacra eodem tegere soliti. Albi membra, & in universum proceri, atque optime compacto corpore, calamistro capillos inflectere, eosque arte reddere crassiores, ut, quo equinis jubis accedebant, eo pulchriores existimarent. Nobiliores genas radebant; cætera barbæ promissæ. Cibus capescere sedentes, solo luporum canumque pellibus strato, adstabant illis cum prægustatores tum pincernæ, ministrique ætate juniores; & qui ex assidentibus majorem virtutis existimationem haberet, is & melioribus epulis honorabatur. Hospites ad convivia libenter admissos, tum demum, qui forent, aut qua causa in Urbem suam venerant, rogare, cum cœnam sumpsisset. Hostium capita, si quos nobiliores propria manu cæcidissent, aromatibus condita servabant, testimonium suæ virtutis; restituereque vel depenso tanti ponderis auro opprobrii loco ducebant. Fictilia illis in usu variegata floribus; scuta producta ad magnitudinem hominis, cælata plerumque varia animantium effigie; tum galeæ cornibus, vel aviculis, vel hujuscemodi bestiolis insignes. Manus cum hoste conferturi, Pæana cænebant. Erat & apud hos locus egregiæ eruditioni; faveruntque semper Poetis; habebaturque & Philosophis gratia, à quibus instructi eadem, quæ Pythagoras, de animorum immortalitate sentiebant; qua opinione ducti in bello audaciores, tanquam non morituri aliquo tempore, præliabantur. Permanere hi mores quamplurimos annos, donec in potestatem arbitriumque Populi Romani perducti mutare pleraque.

D Successisse Belloveso ejus filius Singovesus existimatur, à patruo fortasse nomine, qui Hercinius Saltus tenuit, ita dictus. Instituit hic latronibus atque ficariis, qui infestum omnem agrum reddebant, purgare patriam. Quamobrem cognitione habita, deprehensos exilio multavit; qui Insubrium finibus pulsi in Alpibus Grajis confederunt, & condita urbe appellati sunt Caturiges; interitque tandem eorum urbs ante Plinii tempora. Crediderim Augusti Cæsaris armis fuisse deletos; nam cum hæc Alpes viatoribus propter accolarum latrocinia essent inaccessæ, Augustus Salassos, eas insidentes, aggressus, captos apud Eporrhediam sub corona vendidit. Supra Salassos autem Caturiges habitabant, eadem notati labe.

E Vixit in Imperii administratione Singovesus annos LV. Brunisendoque moriens tradidit regnum. Vir hic bellicosissimus fuit, obivitque maxima prælia; nam cum Suevi per Rhætos in Italiam properarent, in jugis Alpium eos ferro aggressus durissimo certamine fudit, fugavitque. Fuisse hunc Brennum, qui ab Insubri devictus sit aliqui auctores sunt: quo facto irritatum cum cum ccc. millibus militum rediisse, & deinde Brunisendum cepisse, urbe expugnata, tradunt, cum jam annos LXXV. regnasset. His ex ingenio suo quisque demat, vel addat fidem; ipsi mihi, cum res non admodum constet, quicquam affirmare est nefas; illud pro certo exprimere possim Gallos Senonas, quorum Dux fuit Brennus, longe prius juxta Adriaticum mare sedes occupavisse, quam deleto ad Alliam Romano exercitu urbem Romam, præter

Capitolium ceperint; quo in errore ex nostris quosdam versari video; nam nec Suevorum, ut illi existimant, Rex fuit Brennus, sed Senonum, quum Britannicæ historiæ scriptores quidam eum Britannum fuisse attestentur; tanta est auctorum quandoque cæcitas, ut etiam sacrilegum hominem, quia bellacissimus fuit, tanquam honori patriæ futurum, non sine summa vanitate genti, quorum gesta produnt, veluti civem, vindicent. Nec minus deceptum Appianum Sophisten crediderim in Commentario, qui *Illyricus* inscribitur, dum Cymbrorum Regem Brennum existimat; tanta in minima re auctorum est inconstantia. Quo nostris scriptoribus accedam, impellit me, quod hi capto Rege Mediolanum solo æquatum à Brenno enarrant; tum poenitentia facti eum ductum urbem restituisse, quam mutato nomine appellaverit Albam, licet apud posteros non obtinuerit; nam & Trogus, & Ambrosius in historia à Brenno conditum Mediolanum opinantur; quæ res mihi minime verisimilis visa fuit, ut Insubri agro abstinuisse omnino Brennum credam, tum quod communia erant Cisalpinorum Gallorum omnia consilia, tum etiam quod ex antiquis auctoribus nullus huic addicit sententiæ; nam potuit de his Gallis intellexisse Trogus, qui sub Belloveso Mediolanum condiderint, quorum aucta re post ducentos & hoc amplius annos, una cum Senonibus, Duce Brenno Roma sit capta; quam opinionem & sequi Pausanias Græcus auctor videtur. Tradit hic in *Atticis rebus*, eorum Ducem Gallorum fuisse Brennum, qui circa Padum habitant. Qua in re etiam T. Livius anceps rem proponit, nihil explorati se habere confitetur.

Omnino erant in Italia per id temporis innumera Gallorum copiae; nam præter Insubres inter Padum & Alpes habitabant Laji; post quos Lebitii occupaverant sedes, & non longe à fluvii ripa Cænomani; tum inter Apenninum rursus & Padum Ananes; post Boji; inde Eganæ; postremo Adriatici maris incolæ Senonæ, fueruntque hi inter omnes Gallos urbis captae argumento maximæ auctoritatis. Videtur tamen, ut dixi, dubitare T. Livius, Senonum-ne sola fuerit illa victoria, an Insubribus, Bojis, cæterisque Cisalpinis Gallis adiuti egregium captae Romæ titulum adepti sint. Floruere omnino ea tempestate Gallorum in Italia res, perseverassentque ea fortuna diutius, nisi sese intestinis bellis confecissent.

Initium discordiarum à Venetis venit. Hi ex Oceano Gallico in Italiam delati, Venetiæ nomen dederunt, & licet à Paphlagonibus ortos alii scribant; tamen cultus & mores Gallicæ originis esse ostendit. Hi finitimis Senonibus intulere bellum; quapropter illi derelicta Roma ad tutandos fines suos redierunt. Transalpini quoque Insubrum, cæterorumque Gallorum in Italia suspectas vires habentes, iterum atque iterum eos infestavere; sic à mutuis injuriis per aliquot annos non cessatum. Interim cum irati cum Senonibus Romani, quod prope Aretium in certamine Lucius Consul ab his esset occisus; quod violato gentium jure, qui captivos redemptum venerant legati, forent occisi, novo delectu habito bellum contra eos agere instituunt; quo bello cum conseruissent manus, late victor Romanus miles Senonas ad internecionem delevit. Quapropter factum est, ut M. Lepido, C. Flaminiō Conf. legem ad Populum alter Consul Cajus tulerit, *suberentne Quirites, ut ea Gallia Regio, quam Picenum vocant, unde ejecti fuerant Senonæ, Rom. militibus assignaretur.* Quam cum scivisset populus, Boji, Insubresque ob id gravissime sunt indignati, quod existimarent non jam de gloria principatuque, sed de manubiis, præda, & vita certare. Ergo communi consilio le-

gatos trans Alpes mittunt. Congolitanum atque Aneroesten Regulos spe prædæ, atque ingentibus promissis, sollicitant; itemque alias ejusdem Provinciæ gentes, & Gestatas in primis, qui circa Rhodanum habitant, atque ex re, quod mercenarii sint milites, nomen habent; hortantur, quam maximis possunt precibus, ut coacto exercitu contra Romanos arma sumant; si id fecerint, maximum lucrum, quod inde sint acquisituri, proponunt; cunctantibus quanta incommoda eventura sint, docent; In eam Populum Rom. amplitudinem crescere, ut etiam ipsis formidolosus non abesse possit; Odisse Romanos in universum Gallicas nationes, nihilque antiquius ducere, quam in servitutem abstractos liberis, bonis, atque agro deturbare; Si in Italiam contra illos descendere in animum induxerint, communibus auspiciis se arma moturos; neque vero quicquam esse, quod magis timere hostes possint, quam Cisalpinos Gallos; A suis majoribus captam felicissimo eventu Romam, quam menses septem cum tenuissent, rebusque, quarum Urbs refertissima erat, forent potiti, sponte restituto Romanis imperio digressos in patria tecta rediisse. Hæc jactando, atque identidem coram regibus populisque ingeminando, Insubrum, Bojorumque legati ita Transalpinos animaverant, ut maximo desiderio tenerentur gerendi cum Latino milite belli; nam neque major exercitus, neque armis instructior, neque ex fortioribus militibus in Italiam unquam à Gallis venisse creditur.

Qui motus ubi Romam perlati sunt, tantus civis terror invasit, ut confestim novos pugnatores armaverint, novas legiones instruxerint, commeatus, omniumque rerum instrumenta bellica non aliter paraverint, quam si jam adesse Galli nunciarentur, cum tamen nondum propriis sedibus excessissent. Profuit admodum Carthaginensibus ad res Hispanas hic tumultus; nam Romani dum, quemadmodum cervicibus suis imminentes Gallos repellant, consilia quotidie ineunt, rebus Hispanis neglectis, totis animis ad bellum Gallicum se præparantes, Hasdrubali, quo cum multis annos pugnatum erat, pacem dederunt, acceperuntque. Missæ item legationes ad Venetos & Cænomanos, ut Romanorum amicitiam Gallorum societati præferrent. Quæ res, ut Romanis ex animo successit, ita non modicas difficultates Insubribus attulit, quod magnam exercitus partem domi ad defendendos fines relinquere coacti sunt, ne, dum ipsi abessent, in eos Cænomanus miles grassaretur. Igitur Galli, coacto juxta Rhodanum exercitu, superatis Alpibus in Circumpadanos Campos descendunt. His se protinus jungunt Insubres & Boji. Peditum numerus traditur fuisse quinquaginta milia, tum equitum & bigarum duo milia. His Etruriam versus moverunt castra. Romani, ubi certioribus nuntiis exploratum habuere, transmisisse ab Alpibus Gallos, alterum Consulem L. Æmiliū cum legionibus auxilioque Ariminum miserunt, ut illic sese hosti opponeret transitum prohibitorus. Quod vero alter Consul C. Attilius sui Consulatus initio in Sardiniam cum classe cursum tenuerat, ejus loco in Etruriam unus Prætorum ire est jussus, qui Gallos incendiis rapinisque arceret, & si videretur, prælio rem committeret.

Interim vix dictu credibile, quantus Urbem incesserat pavor; ea fuerat virtutis Gallicæ expectatio, ut jampridem Romani nihil eorum nomine formidabilius ducerent; augebat metum vetusta cladis ad Alliam acceptæ memoria, ut tanquam Romanis penatibus fatalem gentem pertimescerent. Quocirca, tametsi ingens hominum conflatus esset exercitus, festinare tum Romani copias alias parare, juventutem armis instruere, delectusque novos

in dies habere; moniti præterea Latini nominis fortii, ut idem facerent, & quotiens opus esset, absque mora in certamen promptos, paratosque se præstarent; Municipiorum, Coloniæque & Urbium in Italia magistratibus imperatum, ut omnium militum, quos delegissent, numerum in commentariis ad Senatum referrent; ad hæc maximam adhibuerant curam frumenti, & comæatus omnium generum; tum armorum officinæ excusæ, ut quibuscunque tela suppeterent; & quo magis metuebant Romani, eo diligentius omnia belli instrumenta paraverant; nunquam major in urbe apparatus belli, nec sane in reliqua Italia quicquam tum segnius instructum, cum existimarent omnes, non de rebus, aut gloria, sed pro vita, liberisque cum Gallis dimicari. Quamobrem nemo unus fuit, qui non auctoritati Senatus, & Populi Romani majestati libenter paruerit. Quantæ tunc civitates, & quot hominum millia essent, etsi auctores inter se dissentiant, crebrius tamen Polybii sententia probatur: cum ipse integerrima fide scriptorem sum secutus.

Primum igitur Consulibus quatuor urbanæ legiones attributæ erant; peditum viginti millia, equites mille ducentos hæc continebant; his additæ sociorum auxiliares turmæ, peditum millia triginta, equitum duo. Hinc in Sicilia, & circa Tarentum præsidii causa constitutæ duæ legiones; pedites quater mille, equites ducentos singulæ habebant. Insuper Romanorum, Campanorumque multitudo traditur circiter ducenta quinquaginta millia peditum, equitum viginti quatuor millia. Nec subsidiorum omiſsa est cura. Fuere in Urbe, si quid novi accidisset, iussa Senatus expectantes hominum copiarum, viginti millia peditum Romanorum, equites mille quingenti, sociorum triginta millia peditum, equitum millia quinque. Ab Etruria & Sabinis missa peditum septuaginta millia, equitum quatuor. His præerat urbanus Prætor, quem supra retulimus statim, ubi Gallos in Italiam venisse intellexit, Etruriam versus movisse. Hos secuti Umbri & Apennini accolæ Sarfenates in expeditionem vicena hominum millia duxerunt; tum juncti Cænomanis Veneti, Romanis legatis persuasi, totidem armarunt viros, quos in Apennino jusserunt consistere, ut, cum facultas daretur, in Bojorum agros irruptionem facerent. Parata hæc à Romanis erant adversus tumultum Gallicum. Tum relatæ ad Senatum in tabulis Latinorum copiarum octuaginta ferme millia, equitum quinque; Samnium septuaginta millia, equitum septem millia; Messapiorum & Japygum sexdecim millia, peditum quinquaginta millia; Lucanorum peditum triginta millia, equites vero ad summum ter mille. Marsi præterea, Ferentani, Mauricini, & Vestini peditum armarunt circiter viginti, equitum quatuor millia. Quæ coacta gens ex omni Italia, præter Insuæres & Bojos, peditum reddebat septies centena & eo amplius millia, equitum vero septuaginta millia: etsi Livius ex peditum numero pene dimidiam portionem demat, & in equitibus ab hac summa dissentiat plurimum. Contra Fabius Pictor, qui eo bello interfuit, & Paulus Orosius octingenta armatorum millia fuisse tradunt: cui opinioni nec multum Plinius in *Naturali Historia* discrepat.

Galli, superato, ut diximus, Apennino, jam in Etruriam venerant, & apud Clusium, quæ non amplius dierum trium itinere ab Urbe Roma distat, castra fuerant metati, cum certiores facti sunt Romanorum, Etruscorumque copias, quibus Prætorem præfuisse retulimus, convenisse simul, ac decrevisse sequi. Quo accepto nuntio Galli versus eos moverunt signa: eratque in conspectu jam uterque exercitus, cum pugna superfedentes, occidentesque sole, utrique muniverunt castra. Nox erat,

A tenebrisque omnia tegebantur, cum Galli per castra de more elatis ignibus equites admonent, ut prima luce, cum omnia tutiora hostibus promittat dies, se sequantur: ipsi Fesulas versus clam iter facere incipiunt, eo id acturi consilio, ut sequenti die & suos equites in agmen recipiant, & incautius sequentes Romanos circumducant. Nec eos sua fefellit opinio; nam Romani summo mane hostium equitatum non sine tumultu abire conspicati, id eos metu & in trepidatione agere existimantes, acceleratis passibus, incomposito agmine sequebantur. Id animadvertens Gallus, qui ex pacto hac atque illac concursabat, constitit, initoque certamine victus Romanus, & Tusculus miles turpe fuga terga dedere. Erant enim Gallis animi ferocia longe impares. Amisere victi occisorum eo prælio hominum millia sex; alii in proximum tumultum, situ & loci natura munitissimum, se recepere, quos è vestigio profecti victores obsidione cingere decreverunt: obstant procedentis noctis angustia, atque eo die exantlatus labor; quibus rebus confecti id operis tunc aggredi non decreverunt; sed relictis equitum turmis interim custodiendos mandarunt, ut postridie, si deditionem non facerent, tumultum omnibus viribus aggredierentur; ipsi tum ad curanda corpora profecti, unico prælio facti divites, tantum prædæ, tantum hominum lucrati, ut vix cuiquam sit credibile.

Cæterum expugnandi tumuli consilium haudquaquam processit. Nam L. Æmilius Consul, quem Ariminum missum scripsimus, ubi per Etruriam Gallos iter facere intellexisset, ut versus Urbem Romam propere contenderent, suis suppetias laturus, in Etruriam festinaverat; tum mature superato Apennino, non longe ab hostibus castra metatus est. Cognovere hoc Romani, qui in tumulto ab Gallico equitatu obsidebantur; ex nocturnis enim ignibus illis facile fuit Consulis adventum conjectari; quamobrem spe subsidii adjuncti, animoque alacriores, ex suis militibus quosdam inermes per proximam sylvam mittunt, qui eum, quemadmodum res gesta sit, instruant, & quamprimum opem ferat, rogent. Edoctus omnia Consul, cunctandum nequaquam existimans, equestres copias tumultum versus ducit, & Tribunis militum imperat, ut legiones prima luce castris educere festinent, si necesse fuerit, vel prælio certare non ambigant. Nec latuit Gallos adventus Consul, id & ipsi ex nocturnis ignibus conjicientes. Tum advocato omnium consilio quid agendum esset, deliberare coeperunt. Hic variæ, ut in magna multitudine solet, dicuntur sententiæ. Communi demum consensu in Aneroeſtis sententiam est itum. Judicavit is, haud recte sentire, qui tunc armis decernendum censerent, quippe qui jam certo acquisitam prædam in belli dubium deferrent; quare se auctore consultius facturos, si in patriam revertentes, quod lucrati fuerant, secum demum reportarent; tum relictis ibi sarcinis, si placeret, iterum Romanis indici bellum posse; sic & expeditius pugnatos, & manubiarum securos, multum rursus victores lucri acquirere, victos minimum detrimenti passuros.

F Galli igitur Aneroeſtis consilium executuri, ante lucem motis signis, per inferi maris littus cum maxima præda patriam repetebant. Sequebatur eos Consul, si aliqua rei bene gerendæ occasio daretur, eam non dimissurus: alioquin ex composito cum tanta multitudine timebat congregari. Per idem tempus accidit, ut alter Consul C. Attilius, quem cum exercitu in Sardiniam profectum prædiximus, advectus Pisas contrario, quam Galli, itinere rediret Romam. Non longe aberant à Tusculæ Civitate Telamonæ Galli, cum quidam ex illis improviso in eos incidentes, qui Attilii exercitum præ-

præcedebant, capti, non multum abesse Gallos, & alterum Consulem pone sequi, confestim Attilio exposuerunt. Quibus cognitis ille lætus, quod inter duos potentissimos exercitus hostes objecisse fortuna videbatur, admiratus primum rei novitatem in eos ducere constituit. Admonitis itaque militum Tribunis, quid eos agere velit, ostendit: quousque finat opportunitas, legiones adversus hostes procedere jubet; ipse idoneum rei gerendæ collem prope viam conspicatus, cum expedita equitum manu occupare parat. Fecerant & id ipsum Galli, sed præventos se à Consule cum ex captivis intellexissent, existimaverunt primo id ab equitibus factum, quos L. Æmilius noctu præmississet: demum re diligentius explorata, necessario esse ferro decernendum viderunt.

Instructa itaque acie Gessatas atque Insubres contra Æmilium, qui à tergo sequebatur, constituerunt; à fronte adversus Attilium collocati Taurini, & Padi accolæ Boji, carros & impedimenta extra aciem reposuerunt; præda omnis in proximum tumulum delata, & complurium equitum custodiæ dimissa. Egregia arte ordines instruxisse Polybius tradit; nam bifrons acies, & aspectu hostibus terribilis est, & ad pugnam valde efficax, omni spe fugæ prærepta. Accedit his, quod invicem utrumque caput se protegit, estque alteri alterum auxilio. Principio in colle, quem Attilius occupaverat, est certatum, quo in loco cum summa virtute utrinque pugnaretur, tandem ab equitibus Gallorum fortissime se gerens interceptus Attilius occidit, caputque ejus ad Reges delatum; primum se prælio cœpto colle is objecerat, ut, si superati forent hostes, gloria confecti negotii penes se solum esset, qui ante collegam cœpisset pugnam. Morte alterius Consulis haud perterriti Romanorum equites non solum occupatum à se tumulum defenderunt, sed etiam viriliter occurrentes Gallicum equitatum fuderunt. Addebat his animos spes potiundæ victoriæ, quod urgentibus Gallos fatis Romano exercitu circumclusi videbantur. Terrore plena omnia. Clasticorum sonitus, Gallorumque in immensum vociferatio, & clamor, nemini non formidabilis erat.

Initium victoriæ Romanis dedere ipsi Gessatæ; nam cum Boji & Insubres auratis quoque armis conspicui essent, Gessatæ animi magnitudine, qui ingentes spiritus in re militari concipiebant, hujusmodi ornamentis abjectis ante omnes nudi capecebant pugnam, hoc se modo prædicantes magis expeditos ad bellum fore; quæ jactantia & ipsis, & omni exercitui perniciem tulit. Nam cum nudi essent, scutoque tegerentur Gallico, ipsis admodum brevi grandia eorum corpora sagittariorum ictibus maxime patebant, quos vel iccirco adversus Gessatas collocaverant Romani, quod eis superandis aptissimum hoc pugnatorum genus erat. Angebantur eo acius Gessatæ, quod ex longinquo sagitta vulnerati neque hostem ulcisci possent. Quare glisciente ira, plerumque aciem percurrentes turbare, suis terrori esse, rabie omni omiſsa disciplina agitari. Cæsis ad hunc modum Gessatis, Insubres, Boji, Taurini excepere prælium, cœptumque tandem cominus pilis & gladiis agi.

Hic atrocissimum certamen fuit, & ut animi viribus constantior Gallus, Insuber, cæterique erant, ita usu armorum Romano militi cedebant. Gallis enses graviores sunt, & cuspidē obtusi; scuta debilia; quæ omnia commodius Romano cesserant, qui & clypeis validioribus utebantur, & gladio breviori quidem, sed acuto & expeditiori. Sustinuit tamen impetum Gallus, donec è colle equites magno impetu descenderunt. Tunc omnino turbati omnes passim cæde equites citatissimis equis terga dare; pedites eo ipso, quo constiterant, loco, de-

Asperatis rebus occumbere. Tanta fuit animorum virtus, seu pertinacia magis, ut ne attentam quidem fugam ceciderint omnes. Periisse eo prælio, Polybius & Orosius auctores sunt, hominum XL. millia. Congolitanus Rex cum captivorum decem millibus in potestatem hostium vivus pervenit. Aneroestes cum quibusdam paucis comitantibus aufugisset; omnes vitæ tædio non diu post in semet vertere manus.

Hic vero illud omittere incuriosi admodum esset, Fabium Pictorem, quem Orosius auctorem habet, non apud Telamonem, ut Polybius, sed apud Arctium prælio dimicatum scribere, & cum Attilius esset occisus, qui pugnae intererant, octuaginta tribus millibus cæsis turpiter fugisse; quæ fiducia elati Galli, cum haud ita multo post manus iterum conseruissent, à Romanis ea clade fusos, ut quadraginta millia hominum desiderata sint. L. Florus cum Brittomaro Duce ab Æmilio victos Insubres scribit, discinctosque in Capitolio, ut eorum interverteret votum, qui non prius balthea soluturos juraverant, quam Capitolium adscendissent; nam his gestis rebus L. Æmilius spolia hostium misit Romam, & ut Polybius testatur, depopulatis locorum agris, ditato omnis prædæ genere exercitu, reversus, armis & torquibus (ornamenta sunt, quæ patrio more circa collum gestare Insubres consueverunt) Capitolium ornavit. Decretus illi triumphus, captivique ante currum cum præda ducti.

Sequenti anno Consules creati sunt T. Manlius Torquatus, Q. Fulvius Flaccus. Venerat in spem Senatus ex omni Italia deturbandi quicquid erat Gallici nominis: quare utrumque Consulem primo adversus Bojos mittunt; eos celeriter in jus & ditionem suam redegerunt. Scribit Strabo superatos à Romanis Bojos agro expulsos fuisse, & ex Italia digressos cum Tauriscis juxta Histri fluminis ripam regionem occupasse. Id non hoc bello factum, sed prius paulo credere libet. Sane nec perpetua fuit ea Gallis sedes; transiisse in Noricum recentiores tradunt, à quibus provincia Bojariæ etiam hodie tenet nomen.

Duxere dein Consules in reliquos Gallorum Insubres. Polybius multitudine imbrum, pestilentiaque deterritos destitisse à bello, Romanque rediisse confirmat. Pugnantia his scribit Orosius, Insubrum XXIII. millia tunc occisa, capta quinque millia. Major apud me illius est auctoritas, nisi à Fabio Pictore hoc sumpsisse Orosium crederem. Fuere autem hi Imperatores, qui primi Romana arma trans Padum protulerunt.

Post hos Consules facti P. Furius, & C. Flaminius. Hi rursus in Galliam profecti, Ananes, qui prope Apenninum habitabant, in societatem recepere. Versus deinde in Insubrum agros furor belli. Constiterat Flaminius prope Adduæ & Padi confluentes. Hic, dum amnem transmittit, dum castra munire vult, ingentia ab Insubribus, qui eum prohibitori maxima multitudine convenerant, incommoda accepit; nec jam periculis pares erant Romani. Quamobrem ab eo discedentes loco in Cænomanorum agrum profecti sunt. Eorum urbs erat forum Diugutorum, quam nostris temporibus oppidum Cremam vocari eruditissimi quique sentiunt. Illic constitisse verisimile est. Adjuti Cænomanorum, quos in societatem asciverant, armis, superiora, quæ ad Alpes spectant, loca tenuere; demum in Insubrum agros descenderunt, ferro & igne omnia vastaturi.

Præfuisse Insubribus Aristonicum Ducem Florus tradit. Hic consilio cum proceribus communicato, quod videret omnino decrevisse Romanos patriis sedibus eos deturbare, fortunam belli experiri decrevit. Igitur sublatis ex Minervæ templo, quam præcipuam colebant, signis, apparatibusque cæteris

cæteris belli instrumentis, Mediolano discedentes adversus hostes intrepide sunt profecti; hinc prope illos metati castra, hominum ferme quinquaginta millia erant; plena populo etiam tunc, nedum ætate nostra, Urbe Romani, qui se numero inferiores plane nossent, Cænomanorum auxilia implorabant. Suspecta erat illorum fides, nec ejusdem nominis viris (Galli enim omnes) videbatur multum credi debere. Sic non parum consilii anticipes extricavere sese tandem. Junctus ponte stabat Addua. Cænomanos omnes transire ad ulteriorem fluvii ripam jubent; tum rescindunt pontem. Visum id factu optimum, quod & facultatem Cænomanis se Insubribus in ipso prælii discrimine jungendi surripuerunt; tum etiam quod omni abscissa spe fugæ Romanus miles necessario acerrime pugnam aggredi cogebatur. Mox instrui cœptæ acies; qua in re Flaminius Consul artis bellicæ inexpertum rudemque ostendit. Elegerat ille locum nequaquam Romanis armis idoneum, deliqueratque in eo, quod in re militari primum perito Imperatori esse debuit. Tam prope enim fluminis ripam erexerat aciem, ut referendi pedem, quod Romanorum proprium est, facultas omnino nulla relinqueretur; ut, si vel tantillum retrocedere milites esset opus, Adduæ fluvio præcipites mergerentur. Superiores tamen eo prælio fuerunt Romani, Tribunorum prudentia & astu. Animadvertentibus bellis Gallorum gentem primo impetu supra humanas vires esse, mox paulatim labascere, & nivium modo longiore motu quasi Sole laxari; enses præterea habere non agiles, qui unica plaga fortissimi ad crebros ictus erant inutiles. Acceptas itaque à Triariis longiores hastas antesignanis tradidere. Sic incepta pugna Insubres lanceis percussi, his incidendis primum illum animi ardorem effudere, tum cominus videntes Romani phalange structa cedere hostem paulo securius cœperunt. Nam cum Insubrum, ut longiores & graves, ita nequaquam acuti gladii essent, non nisi ex loci intercapedine cæsim ferire hostem poterant. Contra vero Romanus miles edoctus à Tribunis, quam maxime poterat illi proximus ense aptior, punctim Insubrem eluso ejus ictu aggrediebatur. Magna tunc strages facta; trucidata esse Insubrum octo millia, capta decem & septem Orofius est auctor; numerum supprimunt Polybius, Florusque. Omnino magnam cladem accepere Galli; nam indomita armorum ferocia gens haud aliter à Rom. Senatu supplex per legatos quæsisset pacem. Vovisse eos, antequam pugnae incubissent, Marti suo de hostium præda torquem scribunt quidam; quam ob causam Flaminius Jovi de ipsorum torquibus, quos bello fuerat adeptus, trophæum erexit. Nobilior fuit ea victoria Consul, quod contemptis auspiciis, quibus pugnare prohibebatur, superior tamen evasit; qua fiducia aperte potuit cognosci vanam esse auspiciorum fidem. Fecisse idem adversus Parthos pugnantem Lucillum veteres scriptores tradunt, qui nefasto die ex his, quos atros vocant, initurus prælium, submonentibus id amicis, *Ego, inquit, ex atro felicissimum Romanis reddam*: cujus dictis fidem fecere minima manu fusæ innumerabiles hostium catervæ; ut religiosas mortalium superstitiones uterque Imperator non observandas experimento suo docuerit.

Peperit tamen id famæ Flamini maximam invidiam; nam redeunti, & multa referenti spolia, populus contempsit ire obviam; non multumque abfuit, quin triumphi decora non assequeretur. Iusta videbatur subesse causa præsertim religioni deditissimæ genti. Nam cum Augures vitio creatos esse Consoles dicerent, Senatus eos è vestigio

A ab expeditione revocandos esse censuit. Flaminius post superatos hostes resignare distulit litteras, ut victore exercitu rediens facesseret iussu. Tulit id ægre Populus, tanquam per superbiam factum, coactumque deponere Imperium vix privatim triumphare est passus. Potuit ea Populi Rom. se veritas temerarium Flamini animum flectere, sed eum dare poenas cogebant ultores Dei. Siquidem triennio ferme post contra auspicia, mores secutus suos, Annibali congressus, clade exercitus, & sua, insignem Thralimenum lacum fecit; ac tum quoque concessere fata, ut Insubris Equitis manu peremptus, à se interfectorum umbris lita-

B ret.

Igitur dum tot cladibus affecti Insubres pacem à Senatu petunt, M. Claudius Marcellus, C. Cornelius Consoles dicti sunt. Sollicitavere statim plebem, ut quo minus pax conficeretur, prono ad eam Senatu ipsi intercederent. Obtinuisse meliorem causam, ictumque foedus Plutarchus scribit, sed culpa Insubrum ruptum, ascitis in societatem Gessatarum triginta millibus. Ipse Polybius sententiæ accedo, qui priusquam quicquam à Senatu Galli impetrarent, festinasse cum exercitu utrumque Consulem tradit, debellasseque interim petentes pacem hostes. Cognito itaque Insubres Marcelli adventu, quod ipsi tot præliis lassii essent, Gessatarum triginta millia conduxere, atque his libertatem suam tueri decreverunt. Dissentit & hic Plutarchus, triginta millia Insubrum in armis fuisse ratus, majoremque Gessatarum exercitum, quem non Insubrum mercenarii, sed sponte sua traduxissent. Et id quidem Britomaro Duce. At hunc Livius, & Florus non illis, sed Insubribus Principem attribuunt, ut in hoc quoque Veterum fidem non ab re aliquis requirat. Firmavere Gessatæ præsidio Acerras Urbem, quam inter Padum & Alpes fuisse superius quoque diximus. Eam uterque Consul obsidione cingere decrevit, procedebatque in dies arctior, quod nihil subsidii ferre Insubres poterant, mediis locis à Romano exclusi. Quamobrem partem copiarum (decem millia fuisse tradit Plutarchus) ad obsidendum fociorum Pop. Romani oppidum Clastidium mittunt, existimantes, ut illis suppetias irent, ab Acerris soluturos obsidionem Romanos. Id dum cognovisset Marcellus, relicto ad Acerras Collega, cum equitatu, expeditionumque militum parte, obsessis ferre opem contendit. Confestim hoc audientes Gessatæ, Duce Britomaro, in aciem prodeunt; Consulem manifesta se clade oppressuros opinantur, quod paucos secum pedites haberet, equestrique prælio certandum foret, quo pugnae genere cunctos se mortales superare arbitrabantur. Marcello nec suorum corpora curare, nec ullum quieti tempus permittere celerrimo hostis adventu licuit. Inceptum igitur certamen; primo congressu paucillum superiores fuere Galli, donec eorum equitibus à Romano equitatu pariter circumventis inclinare ad Romanos victoria cœpit; mox fusi fugatique hostes plurimi, victorum metu Padum ingressi vorticibus sunt absorpti; captivi tamen & complures fuere. Eo ignominiosior clades, quod multi à paucis superati essent. Qua in re plurimum Marcelli virtus enituit, quod qui multitudine hostium superari se videret, ita aciem instruxit, ut dexterum sui exercitus cornu sinistro Gessatarum alæ jungeret; reliquam autem exercitus partem à dextro hostium cornu longe removens, quasi veru directam ostendit; ita cum eorum lævam à tergo, & à lateribus caderet, quod præstantissimos quosque in dextero suo cornu collocaverat, in fugam sunt versi hostes; nam suis laborantibus nec à dextra ala, nec à media acie succurrere prohibebat Romana acies, sese

longo intervallo porrigens. Nec minus manu quam ingenio victoriam sibi peperit Consul; cum clamore & pollicitationibus in ipso pugnae cardine suos adhortaretur, fremitu belli equo perterritus ejus impetu cessim retro ferebatur. Quapropter veritus ne tali prodigio tepescerent militum animi, attractis confestim habenis in hostes equum convertit, & ut consilio, non casu, id evenisse crederetur, supplex adoravit Solem, (Romanorum utique mos est, antequam manum conferant, salutare Deos, tametsi orientem cum colere peculiariter est in Syria militantibus) inter confertissimos hostes mox progressus opima spolia vovit Feretrio Jovi. Properabat ad votum fortuna belli; nam visus illi Viridomarus, & Regia plane statura, & armis auro atque argento fulguris instar rutilantibus, ostendit se esse Ducem. Ea itaque arma fore arbitratus, quibus vota solveret, virum adorari maturat. Non detrectavit Dux singulare certamen; sed prior Marcellus hasta illi perfosso thorace simul equi viribus innixus resupinum deturbat, rursusque bis vulnere repetito exanimem reddit. Morte regis facti hostium cunei dederunt terga; tum ephippiis defiliens Consul, apprehensis Viridomari exuviis, caelum suspexit; atque, *O magna*, inquit, *qui Imperatorem gesta vides & probas, Feretrie Jupiter, En tertius ego Romanorum Dux atque Imperator Ducem simul ac Regem propria occidi manu. Tu cape, qua tibi opima spolia do, dico, & vicissim laetis successibus res adversus hostes nostras prosequere.* Sic effatus belli reliquias persequi statuit.

At Galli, qui apud Acerras remanserant, simul atque suorum stragem Clastidii acceptam audire, celeri fuga Mediolanum contendunt. Praecipua haec etiam tunc Insubrum, ut Polybius scribit, erat urbs, pro qua, ut pro amplissima metropoli aequum fuit, Galli strenue pugnabant. Persecutus fugientes est alter Consul Cornelius, qui infelicitate dimicans obsidione circumveniri se permiserat, ut Plutarchus auctor est. Veriora tradunt alii. Cum non longe à Mediolano exercitum ductasset, nemine obviam prodeunte, agrum omnem depopulatum regredi coepisse. Tum Galli abeuntem persecuti extremum agmen laceessere, plerisque Romanorum trucidare, alios in fugam vertere: quae conspicatus Consul, conversis legionibus, omnes ad capescendum forti animo praelium cohortatus est. Paruere mandatis Romani audacissime contra Gallos pugnantes vicere; nam tot nuper affectus detrimentis Gallus non repugnavit diu, sed revocato gradu in proximos montes (eos opinor, qui Leuco oppido imminet) victi aufugere. Hos aliquandiu fugientes infectatus Consul, Mediolanum demum profectus, Urbem in Populi Rom. potestatem redegit. Sic desperatis rebus suis, & caeteri fidei Romanorum se & fortunas suas credidere. Eorum exemplum imitatae & vicinae gentes idem fecere; & ita huic bello impositus finis, domitaque Gessatarum arrogantia, qui se victores fore rati, Romana arma Vulcano, ut L. Florus scribit, promiserant. Receptae urbis Mediolani titulum Cornelio tribuit Polybius, Marcello Plutarchus & Orosius, qui ab eo caesa hostium triginta millia refert. Discrepant & alio modo maximi duo historiae scriptores. Plutarchus enim Insubres in armis fuisse comparato exercitu posteris tradidit; antiquior ille, & iccirco majoris fidei, solos Gessatas gessisse bellum, eorumque corpora solum caesa scripsit; cui & accedere Orosius videtur. Utcumque sit haud quaquam magni refert, cum illud constet, tum primum Insubres subactos cessisse Romanis. Etsi minimum de Mediolanensium jure minuit illa victoria; mansit libertatis nomen, nec externos Ma-

A gistratus, aliquave onera agnoscebant. Creavere Reges more suo, & finitimis nemine consulto indicere bellum fas erat; domiti ut amicitiam Romanam agnoscerent, nondum, ut parerent, suis legibus, suo jure utentes.

B Quievire interim anno; mox in Taurinos movere bellum, variaque victoria protrahabatur tempus, cum legati Annibalis itinere sese in Italiam accingere decernentis, ut simul foedera percuterent, venere. Norat Annibal superioribus praeliis Insubrum infensos erga Romanam gentem animos. Quamobrem in maximam spem venerat eorum nanciscendi amicitiam. Convenere itaque clam Romanos hujusmodi foedere, ut Annibal Insubribus, Insuber Annibali contra Romanos auxilio esset; bona uterque fide ageret; si Insubrum aliquis ab Afro injuria se affectum quereretur, ejus rei judicium penes Carthaginensium magistratus, aut Imperatores, qui in Hispania cum imperio erant, ageretur. Quod si contra Carthaginensis ab Insubri injusti aliquid fuisset passus, Insubrum mulieres disceptatrices esse debere. Cur injuriarum cognitionem Insubres faminis concesserint, quod mirum fortasse alicui videri poterit, Polyænus Macedo & Plutarchus ostendunt. Namque Galli, priusquam Belloveso Duce superatis Alpibus novas in Italia sedes quaesissent, seditionibus domesticis eousque sunt agitati, ut civilia bella fuscitarent; cumque ferro accincti alter in alterius perniciem constitisset, essentque discordiarum finem quaesituri, inter utrumque exercitum mulieres progressae, precibus, lachrymis, gemitu adeo flexere virorum animos, ut depositis jurgiis, atque omni odio, unusquisque ad penates suos reverteretur. Hinc apud eos orta consuetudo, si quid de bello aut de pace tractandum esset, mulieres ipsae dijudicarent, tum quaecumque cum sociis controversia nascatur, ex foederum sententia componi eam justum judicant.

D Hac itaque conventionione cum Insubribus Annibal amicitiam contraxit; quam vel inprimis conciliavit aurum per legatos illis datum dono. Cognitionem enim maximi momenti hanc societatem fore, quod regionem Insubres possiderent fertilissimam, & hominum multitudine refertam, ut sive in eorum agro cum Romanis dimicandum esset, sive novi comparandi exercitus, hujusce accessionis ergo juvare facillimum foret. Sperabat praeterea faventibus Insubribus per angustos Alpium Saltus integrum & nullo diminutum praelio exercitum traducere. Capta itaque auro gens, haud difficulter in ejus sententiam accessit. Certiores facti de Annibalis in Italiam conatu Romani, quod de Gallorum fide dubitarent, omni studio ad perficiendas, quas circa Padum duxerant, Colonias incumbebant. Placentia haec fuerant & Cremona; vici prius Gallis habitati & ignobiles, conditae & auctae tum demum propugnaculi loco adversus trans Padum agentes Gallos; & si qua alia vis per Alpes irrueret. Consules declarati T. Sempronius & P. Cornelius Scipio: aedificata jam erant moenia, structaeque privatorum domus; quamobrem Oppidanis, ut intra triginta dierum spatium adessent, mandatum; singulis Colonis hominum sex millia decreta; agerime hoc tulere adempti praesertim agri causa Insubres & Boji. Quamobrem arreptis derepente armis obsidum, quos superiori bello dederant, securi tumultu omnia implentes, in eum ipsum agrum hostiliter venerunt. Terruit eorum adventus non multitudinem tantum, sed & Romanorum Triumviros, qui ad agrum assignandum venerant, ut Placentiae moenibus adhuc non sat recenti opere coactis diffisi, Mutinam confugerint. Hos persecuti Galli obsidione Urbem cinxerunt. Verum

rum gens nequaquam expugnandis muris apta, necessarius praesertim ad haec instrumentis defectis, dolo captandum hostem judicare. Simulatum itaque de pace agi: tum captis, qui evocati ob id ipsum erant, Romanorum legatis, non aliter dimissuros se eos dixerunt, quam si sui obfides, quos priori anno Romanis dederant, forent redditi. Scribunt alii non violato jure gentium captos legatos, sed metantes agros Triumviros ab hostibus interceptos fuisse. Prioris sententiae auctores Gallos damnant, tanquam fidei & juris, quod à natura hominibus insit, proditores. Eorum patrocinium meum non est. Exemplum certe in aliis probabile fuit; cum negavit Themistocles ab Athenis redituros Lacedaemoniorum legatos, ni & ipse ab ipsis ad Athenienses foret remissus. Quod igitur tanquam egregie factum à Græco celebrant auctores, quomodo citra calumniam in Gallo milite notari possit, certe non video.

Cum hæc L. Manlio, qui tunc cum imperio vicinis in locis agebat, nuntiata essent, accensus ira Imperator obsessis ferre auxilium propere parat. Cognovere id Galli; quocirca positis insidiis, venientem temere ex sylvis, quæ circa viam incultæ & arduæ erant, erumpentes aggrediuntur. Ibi magna Romanorum, donec ægre in apertos campos evasit Consul, strages facta; deinde munita ab eis castra Gallis aggredi spes defuit. Cum sequenti die de integro Manlius cepisset iter, & adhuc clausis locis duceret agmen, iterum eos aggressi Boji, magna omnium trepidatione, octingentos ceciderunt; signa sex ademere; reliqui præcipiti, ut Polybius ait, fuga Tanctum vicum Pado propinquum contenderunt. Hoc tumultu Romam perlato, veriti Patres, ne diuturna obsidione Romani periclitarentur, C. Attilium Prætozem cum legione una, & quinque fociorum milibus, obsessis auxilium ferre jubent. Consuli, ut in eorum, qui ceciderant, locum delectum habeat, mandant. Interim Manlius Cænomanorum armis adjutus adversus crescentem indies multitudinem, quanto fortius poterat, sese tutabatur. Quare ejus debellandi spe amissa discessere Galli, junxitque se Consuli Attilius Prætor, cum nihil memoratu dignum hostium discessu liber fecisset.

Dum hæc aguntur, Insubres & Boji regulos suos trans Alpes ad Annibalem Rhodano jam trajecto spe plenum mittunt. Ipse advocata concione perinterpretem, ut milites ad trajiciendum hortentur, rogat. Fecit hoc libens Gallus, se, cæteroque Cisalpinæ Galliæ incolæ auxilio futuros pollicetur; omnino ad iter per Alpes se accingant; fore illud tutum, nec necessaria aliqua re egens; tum non admodum difficile; tantam esse locorum, per quos profecturi sunt, opulentiam, ut ea vel maximis ærumnis possit unusquisque comparare; præterea eos socios ipsis fore, quorum virtus Populo Romano superioribus annis fuerit formidolosa. His, aut certe similibus aliis compluribus dictis reguli abiire. Fuerunt & ex horum Comitatu, qui in castris remanerent. Hos ad exploranda loca, Barbarorumque, qui in Alpibus habitant, apparatus, secum Annibal retinuit.

Post hæc cum exercitu profectus egregiam Insubribus adversus Taurinos operam navavit. Moverant Taurini Insubribus bellum, gerebantque acriter. Annibal, quod videret Taurinos sibi infensos esse, Insubrum partes fovit, validissimaque eorum Urbe per triduum expugnata adversæ sibi factionis homines plurimos interfecit. Ex hoc tantus alios Barbaros terror invasit, ut vicini omnes se sponte ei dederint; idem palam facturi etiam Insubres, uti initio statuerant, ni defectionis operientes tempus Romani Consulis adventus oppressisset. Idcirco quieti nihil novabant; quin nonnulli

A se Romanis addiderant socios. Quamobrem haud cunctandum ratus Annibal, præclarum aliquod facinus aggredi decrevit, ut cæteros ad Carthaginensium partes amplectendas audentiores faceret. Armis itaque cum Romano Consule decernere quamprimum deliberavit. Prope Ticinum congressus Cornelio Consuli eum fudit. Pugnare eo prælio fortiter Galli Insubres, quos auxiliares equites Scipio in fronte collocaverat, & una cum reliquo equitatu vulneratum Consulem in medium agminis accipientes reduxerunt in castra. Ejus servati Ligur servus certiozem fama gloriam tenet. Victori prima pugna Annibali se pars Insubrum jungere festinavit; tum qui in castris Romanis erant Galli, popularium defectione audita, statuto inter se tempore apud Placentiam, quo se loco contulerat cum exercitu Consul, intempesta nocte transfugerunt; duo millia peditum erant, ducenti equites. Hi cum omnes somno intentos animadvertissent, in tentoriis prius armati, ubi constituta hora advenit, exivere, obviosque Romanos, tum ipsos vigiles trucidant. Illos Annibal benigne susceptos, ingentia munera pollicitus, ad suos dimittit, ut, si quid adhuc repugnarent, ad Carthaginensium societatem vel hortarentur, vel impellerent. Scipio eam defectionem omnes Gallos secuturos ratus, etsi gravis etiam vulnere, veritus, ne illi quoque novi hostes accederent, noctis insequentis quarta vigilia ad Trebiam fluvium, quod is colles equitatu impeditores haberet, movit castra. Secutus est & Annibal. Hic cum eos Gallos, qui inter Trebiam & Padum habitant, fide ambiguos, suam & Romanorum gratiam aucupari cognovisset, iratus quod se Gallorum accitu in Italiam ad eos liberandos venisse diceret, alios Gallos & Numidas equites misit, qui parum illud agri depopularentur, ac diriperent. Egentes ope qui premebantur, Galli Romanos Consules implorant. Fuit illis præsto cum equitatu alter C. Sempronius, qui raptorem Insubrem nactus, de divisione prædæ simul certantem, ingenti cum terrore & cæde affecit; adjutus suorum consilio instare iterum Gallus, Consulisque copias retro compellere, donec & illæ auctæ insultantem coegerunt recipere se in tutum. Fecerat hæc pugna feroci alioquin Sempronio animos, parabatque acie decertare. Id cum ex ejus natura futurum crederet Annibal, tum Gallorum exploratores manifestissimum fecerunt. Speculabantur in utriusque castris securius, quod & ex eis aliqui Romanis militabant; pugnatumque iterum est ad Trebiam. In exercitu Carthaginensium decem millia Insubrum, Bojorumque erant. Hi pedites omnes. Hi in media acie collocati, licet maximum victoriæ momentum, aliquam cladem accipere.

E Tertia fuit apud Thrasimenum pugna; conflictati prius cum nivibus frigoreque in Apennini transitu fuerant Galli, peritque eorum maxima pars; cæteros duxit Mago; nihilominus intercepti propria manu Consulis gloriam Ducarius Insuber equest tulit. Hic C. Flaminium pugnantem conspiciatus, popularibus suis testatus eum fuisse, qui Insubrum legiones ceciderat, agros & urbes erat depopulatus, *Hanc ego, inquit, victimam manibus peremptorum fœde civium dabo;* subditisque confestim equo calcaribus per confertissimos hostes ferro aperit viam, armigerumque, qui irruenti se obtulerat, transdidit, dein ipsum Consulem lancea trajectum dejecit equo; spolia detrahente parantem arcuisse Triarios objectis scutis Livius est auctor. Addit Plutarchus non prius inclinatam Romanorum aciem, quam à Ducario occisus sit Consul. Nunquam satis laudatus vir; mallem diversas secutum partes.

Nec sane minus fortiter se in Cannensi pugna gesserunt Galli. Equites ab Annibale in laevo cornu fuere positi, maxima parte Insubres, qui pedites militabant, cum Transalpinis Gallis & Hispanis inter mediam Afrorum aciem collocati, primi peperere victoriam. Nam Romanae aciei densitate oppressi, dissolutis cuneis referre pedem coeperunt. Romani audacius insecuti facile perruperunt ad Afrorum subsidia; at Galli dispositis rursus in sinum militibus, in Lunæ modum nitendo instauravere agmen; sic à tergo clausi, hinc Afris, hinc Hispano, Galloque milite pressi memorabilem illam cladem accepere; perierunt tamen eo prælio Gallorum quatuor millia. His affectos stragibus versus fortunæ impetus ex hoc tempore juvare coepit, magis Hispano & Afro, quam Insubri, quamvis eandem sequenti partes, infesta.

Transierat Asdrubal Alpes, vestigia fratris imitatus, novumque exercitum Insubri quoque pedite auxerat; perveneratque jam in Senensem agrum; ibi cum Romanis confertæ manus; fusus cum maxima clade Pœnus est, cæso etiam Duce. Insuber modico detrimento affectus, quod bona pars non interfuit prælio; qui adierant, objectu collis se protexerunt; postera die abeuntes simul cum Ligurum gente persequi destitit Consul, & suadentibus, ne eos cladis immunes discedere pateretur, quod uno agmine fugientes, sine signis, sine imperio & ordine, una militum ala potuissent deleri: *Superfuit, inquit, hostium cladis, virtutisque nostra nuncii.*

Post paulo à Balearium minore Insula, ubi in hybernis fuerat cum exercitu, in Ligures venit Mago, captaque adventu improvise urbe Genua, exercitum, quam adduxerat, majorem habere coepit, confluentibus undique in ejus auxilium Gallis. Tunc accersiti etiam Insubres, quorum cum maxima multitudo convenisset, benigne allocutus, se missum ad eos in libertatem vindicandos à Romanorum injuriis dixit; proinde æquum esse eorum se subsidii juvari: multa hominum millia ipsis armanda, si Romanorum armis resistere velint. Insubres ad hæc summam esse voluntatem suam dicebant, sed duorum Consulum exercitibus prohiberi, quorum alterum in finibus suis haberent, alterum in Etruria, non longe à conspectu suo, non audere se palam quicquam suppetiarum Pœno ferre, ne irritatis Romanis vastitate agrorum luant poenas; posse idem commodius per Ligures fieri, qui longius absint; si secreto quicquam possent, & comite, & cæteris rebus non defuturos. Sic à Magone dimissi. Interim ille clam stipendiis suis quamplurimos allexit, nihilque omnino, quod paulo occultius fieri posset, frustra ab Insubribus expetebat.

Palam tot affecti malis quiescere, donec pulso Italia Annibale, confectoque Punico bello, arma iterum sumpserit. Consilii auctor fuit Amilcar Pœnus, qui de Asdrubalis, vel, ut alii existimaverit, Magonis exercitu in his locis substiterat. Junxerunt sese illis Boji, & Ligures, & Cænomanii, Placentiamque coactis viribus expugnatam diripuerunt, ferro & flamma ita omnia fœdare, ut vix hominum duo millia morti, vel captivitati superfuerint. Profecti dein Cremonam eadem clade eam affecturi, ni vicinæ coloniæ detrimento territi cives dispositis per mœnia armatis ad obsidionem tolerandam se præparassent. Furius Purpureo, qui tunc Provinciæ præerat, cum tunc Arimini esset, ad Senatum scripsit, nobilissimarum Coloniarum, quæ nec Puniceis armis cesserant, alteram captam, alteram obsidione cingi; se auxilium non tulisse, quod hostes plus quadraginta millibus erant, & animis capta una Urbe pleni; ipse vero vix quinque sociorum millia duceret; noluisse in manifestam

perniciem eos periculis objectari. Litteris in Senatu recitatis, magna admiratio Patres cepit, eo tempore nihil minus quam Gallicos tumultus fore existimantes.

Decreverunt igitur, C. Aurelius Consul Arimini exercitum convocaret; si ipse per Remp. minus posset, Furio Prætori domandi Gallos provinciam demandaret. Missi Carthaginem legati, qui de Asdrubalis motu quererentur, & ut ab illis revocatus facinoris incepti poenas daret, postularent magis, quam peterent. Convenerant jam milites apud Ariminum. Tum Furius Prætor magnis itineribus Cremonam versus properavit: habebat secum duos legatos C. Lectorium & P. Titinium. Tam repentinus fuit ejus adventus, ut hostes per agros palantes nactus potuerit rem bene gerere; abstinuit tamen prælio, ut lassitudini militum consulere. Galli suos clamore ex agris revocaverunt, reduceruntque in castra. Sequenti die pugnaturi in aciem prodeunt; nec moram fecit Prætor. Dextera ala, quæ ex sociorum exercitu erat, in prima acie stetit; huic præfuit ipse; Legionibus, quæ in subsidiis positæ erant, M. Cæcilius, Equitibus L. Valerius Flaccus, præfæcti. Vix instruendi spacium fuit. Irrumpebant Galli, omni conatu dexteram alam oppressuri; ubi id minus procedere vident, utrumque cornu circumvenire, quod multitudine superarent, properabant. Animadvertit & id Prætor: quare deductis primæ alæ utrinque in auxilium legionibus dilatavit aciem; simul legatis imperat, ut Romano & sociorum equitatu cornua hostium infestent; sic ab equitibus cornua, medii à legione pulsi, factus etiam in castra, quo fugientes concurrebant, impetus, minus sex millia hostium inde evaserunt; cæsa captaque supra quinque & triginta millia; signa militaria septuaginta, cum carpentis amplius ducentis, quæ omni genere prædæ erant plena. Eo bello interfectus belli auctor Amilcar, & tres Gallorum reguli. His Romanis nunciatis, per tres dies supplicatio habita est. Decretus dein Furio, Fulvium Orosius appellat, triumphus: repugnare tamen factione Consul plerique Senatores, quod non suo nomine, sed Consulis, gessisset bellum. Tulisse in ærarium tradunt tercentum viginti millia aeris, argenti centum septuaginta millia pondo. Captivi & hostium spolia penes Consulem fuere. Sic pro debellatis habiti Galli & Ligures.

Restituere amissum cæteris decus Insubres; nam cum sequentibus Consulibus eorum fines esset ingressus temere C. Bæbius Pamphilus, prope cum toto exercitu est circumventus. Periere Romanorum supra sex millia & sexcenti milites; qua clade accitus ab Urbe L. Lentulus Consul, increpito acerrimis jurgiis Prætor, reliquias exercitus accepit. Re tamen nulla memorabili gesta reversus & ipse est Romanus.

Creati non multo post Consules Cn. Cornelius Cethegus, & Q. Minutius Rufus: ambo in Galliam profecti, Minutius à Liguribus orsus est bellum, & victor illis leges dedit, terminosque, quod de finibus inter illos lis esset, constituit. Durant adhuc ære incisæ formulæ, quas ætate nostra in Procobera vallē inventas Genuenses in foro publico, vetustatis monumentum, collocaverunt. Cethegus per Bojorum agros prædabundus accessit transgresso Pado. Junxerant hi se Insubribus & Cænomanis. Mox audita suorum agrorum calamitate, redituri postulavere, ut secum Insubres irent. Negavere illi se sua deserturos. Ita divisus copiis Insubres cum Cænomanis prope Mincium amnem castra metati sunt. Ab his infra quinque millia passuum confedit Consul, legationibusque clam Cænomanorum animos tentare coepit, & quod citra senio-

seniorum auctoritatem eos in armis esse comperibat, processit proditio; atque ita est conventum, ut in praelii impetu in acie quiescerent, & si qua occasio esset, Insubres persequerentur. Hanc rem non admodum exploratam Insubres habebant; dubitavere tamen eorum fidem labascere. Quamobrem structa acie nullum illis cornu credere ausi in subsidiis collocarunt, ne fluxa eorum fide totis agminibus periclitarentur. Cethegus non armis tantum, sed etiam votis pugnavit, ædem Junoni Sospitæ pollicitus, si eo die de hostibus victoriam consequeretur. Non tulere Romanorum impetum Insubres, à fociis proditi, à quibus, ut ex quorundam sententia refert Livius, facto post terga concursu, in ancipitem tumultum coniecti sunt: desiderata sunt eo praelio Insubrum quadraginta millia; è quibus captivi millia quinque, occubuerunt alii. Captus Pœnorum Imperator Hamilcar, diversus omnino à superiore, quamvis & hic concitator fuerit belli. Signa militaria amisere centum triginta, tum plura carpenta, quam ullo alias tempore. Oppida, quæ exemplum defectionis à Mediolano sumpserant, se victori tradidere.

Non fractus adhuc se animo Insubris miles. Sequenti anno L. Furio, & Cl. Marcello Coss. rursus itum in arma, verum eam passi sunt una cum Bojis stragem, ut iusto triumpho Marcellus de eis palmam tulerit. Pugnavere iterum P. Scipione Africano, T. Sempronio Longo Coss. Provinciæ L. Valerius Proconsulari potestate præerat. Transierant Padum Dorulaco Duce Boji, junxerantque Insubribus ad arma concitis suas copias. Circa Mediolanum commisso praelio vicit Romanus, decem hostium millibus cæsis. Postrema hæc est, qua Insubres cum Romanis certaverint, pugna.

Repressis hoc anno à T. Sempronio, mox haud multo post occisione debellatis pene à Q. Mutio Procons. Bojis, convaluitque tandem permanfurax pax, tanto prius sanguine fuso vix inventa. Maximæ fuit curæ Romanis semper huiusmodi hoste motum bellum; norant animos captæ semel urbis persuasionem tumescentes; norant divitias gentis: tum belli inferendi difficultatem nullam, quod & armis & viris abundarent, acrius vel ex ipsa propinquitate pugnaturi. Quamobrem quotiens eorum terror ingrueret, ortos tumultus dicebant, quod timore videlicet multo Romani agitantur; eam formidinem apparatu nedum ipso, sed & legibus sacrisque ostendebant. Immunes militiæ oneribus Sacerdotes lege iussi, nisi Gallicum bellum nunciatur. Sacrificiis cum Græco more humanissimis uterentur, eo terrore acti, ita consulentibus Decemviris, Gallum virum, & Gallam foeminam, cum muliere simul Græca, ut Orosius scribit, vivos in foro Boario defoderunt. Quæsiere etiam eorum auctores, si qua adversus Insubres cæterosque Cisalpinos Gallos feliciter gessissent, figmentis quoque augere, è converso hostium gesta deprimere. Fecit hoc inprimis vetustissimus annalium scriptor Valerius Antias, secutique cum alii, quos quandoque Polybius, nunc Livius, modo Orosius notant. Quin & illud inprimis est argumento, quod capta à Gallis Roma, Livius quoque, alioquin gravis auctor, pulsos auro, quod receperant, amisso, Camilli ductu, scribit. Contra Polybius, sponte rediisse, fictamque de Camillo fabulam ostendit. Idem & in *Tiberio* Tranquillus; ut Romano quoque testimonio Romanorum commenta confutentur; etsi à Roma vinci Mediolanum nequaquam ipse turpe duxerim, eligentibus Diis in ea urbe Imperium. Illud mihi non extorquebunt, post Urbem Romam non Italiæ solum primam Civitatem eam esse Ausonii Poetæ sententia, sed etiam & hominum copia & agri ubertate totius Occidentis nulli se, ut Procopius ait, cessuram.

A Exprobrant alii huic ætati, cuius gesta scripsimus, barbariem, quod à Gallis originem Insubres ducant, insectatique sunt eos hoc cavillo Livius, & Plutarchus, alique ex Græcis quidam. Quam quidem notam eo tempore veram non negaverim, cum & Romanum sermonem Plautus, qui tunc vixit, *barbarum* vocet; & hac injuria infimulatus Romanus in Ætolorum Concilio Legatus L. Purpureo, veluti veritatem agnoscens apud Livium, nihil ad eam respondeat. Quod si à generis propagatoribus barbaræ gentes dici debuerunt, cur eodem jure cum Romanis usi idem auctores non sunt? B Habuere certe in manibus Homerum; habuere Veteres alios Trojana agmina tercenties, ne semel dicam, *barbara* appellantes, à quibus tamen originem se trahere Romani gloriantur. Sed hæc fortasse nimis multa.

C Superioribus sane praeliis, quibus cum Romano milite Insubres conflixerunt, Cæcilium Statium Poetam comœdia celebrem à Romanorum aliquo captum, ut mihi persuadeam, conjecturis agor. Fuisse eum Mediolanensem, & vixisse Romæ Eusebii interpres Hieronymus scribit; Servum existisse nomina sunt argumento, quod Statius apud Veteres servilis conditionis indicium erat; Cæcilius patroni, à quo emissus manu fuerit, esse potuit nomen; Primas in Comœdia partes, Volcatii Sedigeti iudicio, huic tribuere; Gellium vulgo norunt omnes; Detraxit sermonis nitorem Cicero ad Atticum quadam epistola, ejus alioquin studiosus, ut Poetæ doctissimi carmina & orationibus & philosophicis disputationibus, ceu flosculos, plerumque infereret; Addit illi gravitatem gravissimus ipse litterarum censor Flaccus. Fuit in Ennii contubernio, & post mortem ejus anno ab humanis cedens in Janiculo est sepultus. Amicum maxime P. Terentium habuit, illius fabularum censor; servantibus tum eos mores antiquis, priusquam aliquid ederent, qualecumque, peritissimi cujusque iudicio summittere: nostra tempora, ut ab ingenio, ita & hac humanitate abhorrent. Fabulas supra triginta enumerari à veteribus Grammaticis observavere quidam, quarum celeberrimæ *Synephæbi*, & *Andria*; hujus titulum Terentius, illius M. Plautus sunt imitati. In pretio quoque *Nauclerus*, *Syracusa*, *Pausimachus*, *Hypobolimus*, *Epiclerus*, *Cratinus*, *Plotius*, *Astotus*, *Ephestion*, tum & aliæ, quarum nomina etiam si referam, facturus operæ pretium mihi minime videor.

E Cum in Insubribus omnia jam quieta essent, Romanisque armis domiti longo usu parere didicissent, nova clades invasit Comum. Ab Alpibus imminentes Rhæti furore bellico eam urbem diripuerunt; Provincia hæc Proconsulari imperio tunc administrabatur, mittebantque Proconsulem Romani, ut omni Cisalpinæ Galliæ redderet jura. Is, ut arbitrator, tunc erat Cn. pater Pompejus Strabo; nam & Proconsulem fuisse, & ex Gallia ductasse copias Appianus auctor est. Is ergo vastatum incursione barbarica municipium instaurare aggressus est, novos colonos in urbem deduxit. Exemplum secutus C. Scipio tria insuper hominum millia adjecit; verum complures post annos rogatione Vatiniana C. Cæsar longe auctiorem clarioremque reddidit quinque inquilinorum millibus, quos inter nobilitate insignes quingenti Græci fuere, in nova colonia descriptis. Novocomenses ipsi tum vocati cives, voce ex re addita. Amasenus Strabo Comum à principio quoque Coloniam fuisse Romanorum videtur sentire. At qui Catonis nomine vulgatus est, quantum video, non omnino malus auctor, incertam illi originem esse scribit, sicuti Oropiis Coloniis. Eas tamen ex littorali Atticæ urbe Oropo, quam & Amphiarai antiquissimi vatis mors, & Atheniensium Bœotiorumque de ejus agro frequens rixa

rixa celebrem faciunt, venisse mihi ipsi verisimile est, ut Comum Græcorum Coloniam eo auctore quis credere possit. Ipsi certe Novocomenses antiquis monumentis non Coloniam, sed municipium se colere testati sunt, originemque eorum ab Orobis esse Plinius ex Catonis auctoritate refert. Venisse à Græcis Cornelius Alexander nominis argumento ductus existimavit, quod vitam videlicet in montibus degerent, ut, quæ Catonis passim circumfertur, menda non carere lectionem rear, pertinere ad Orobios nihil Attica Urbe.

Præfuit Cisalpinæ Galliæ dein M. Brutus. Hic divisus per factiones Marii Syllæque urbibus, Papyrio Carboni junctus Mario favit, jamque exercitum ex Insubribus comparaverat, qui hosti formidabilis esse posset. Contra eum missus à Sylla partium studio Cn. Pompejus; ardore juventutis Dux hic impiger & Ducis & plerumque militis munia obibat. In conflictu obviam Gallico equitatu irruente, ferro ipse Præfectum Equitum, eundemque robustissimum hominem, aggressus, gravi hasta vulneratum interfecit. Qua nece territi cæteri equites, in fugam versis equis ita peditatum exemplo quoque traxerunt, ut restitui acies non potuerit. Occisus est eo prælio Proconsul ipse Bruti, qui Cæsarem interfecit, parens. Carbonis exercitum Placentiæ se continentem Lucullus obsessa Urbe compulit ad deditionem. Sylla Pompeji vi-

A storiis lætus, obviam sibi procedentem Imperatorem salutavit, non sine maxima omnium admiratione, quod juveni illud nomen fuisset impertitus, pro quo cum Scipionibus & Mariis certaverat. Ex eo tamen infestus Insubribus, quod C. Norbani & L. Scipionis diversæ factionis Consulibus præstitis militibus exercitum quoque auxerant. Nam eo tempore non Insubres tantum, sed Itali omnes Romanorum armis subditi, non oneribus pecuniariis, neque vectigalibus admodum gravati, milites præfertim, & arma conferre tenebantur; permansereque instituta illa in Augusti usque Cæsaris tempus; donec enim Italus miles armis sese exercuit, non montibus, non pelago Romanæ vires se continere; nulla regio tam inaccessa fuit, quæ, si victoriæ pretium haberet, Italiam virtutem non sit experta. Primus divus Augustus periculis objectare Latinum timens, mercenarium externum militem habere coepit; dein Hadrianus Imperator insuperabilibus montium jugis, tum fluminibus, fossisque vel natura, vel arte fabricatis, Romanum orbem ab hostium incurfionibus defendere orsus, milite majori parte alienigena belli usum ab Italis removit; quo factum, ut indies vertente in deterius sese rerum mole, Barbaris oppressi imperare desierint, non sine Latini nominis maxima clade & ignominia. Sed ad historiæ seriem revertamur.

ANDREAE ALCIATI,

7. C. CELEBERRIMI,

RERVM PATRIAE,

SEV

HISTORIAE MEDIOLANENSIS,

LIBER II.

EPI TOM E

LIBRI II.

Insubribus Civitas Romana data. Lambrani unde. Moguntia Lambranorum oppidum. Legiones in Insubribus a C. Casare Gallia Cisalpina Procos. & à Gn. Pompejo conscripta. Seditio militum apud Placentiam per Cæsarem repressa. M. Brutus jussu Cæsaris Gallia Cisalpina præst. D. Brutus & Antonius post mortem Cæsaris de eadem provincia decertant. L. Piso & Asinius Pollio Insubria moderatores. C. Albutius Silo Rhetor, P. Virgilius Maro Poeta, & Augustus Imp. Mediolani degunt. Proconsules & Praesides quinam, & eorum auctoritas. Mediolanensis Reip. forma. Decurionum sollicitudo, & varia munera. Valeria & Novellia familia Mediolani maxime celebris. Tiberius Christi numini favit. Barnabas sub Claudio cum Cajo & Anatelone Mediolanum venit. Christi hostia ibi primum ab eodem immolata. Missa unde dicatur? Anatelon Barnaba succedit. Nero Christianos persequitur. Nazarius & Celsus an sub eodem Mediolani passi; an etiam Prothasius & Oribasius, incertum. L. Virginii Rufi Mediolanensis gesta. Anateloni Cajo substituitur, ejusdem passio. Mediolanum, Novaria, Vercellæ &

E Eporedia Vitellio se tradunt. Ottonis & Vitellii varii in bello eventus. Theatrum Placentiæ combustum. Ottonis mors. Cremona à Vespasiani militibus directæ. Aedes sacra à Philippo & aliis Mediolanensibus sub Castritiano Episcopo adificata. Trajanus Mediolanum venit, ibidem palatium adificat. Virginii Mediolanensis obitus: ejusdem Opus de Rhetorica à Quintiliano valde commendatum. Cecillii Plinii monumentum Mediolani. Bona artes ea tempestate in hac eadem urbe florebant. Plinius senior an Novocomensis?



F VBACTA omni Italia Romani, atque transmarinarum quoque Provinciarum accessione propagatis finibus, cum non virtuti solum suæ, sed sociorum quoque armis adjuti id deberent, eos in Imperii societatem vocaverunt. Sic Italici jus Romanæ Civitatis datum. Fraudati hujuscemodi honore Insubres agre hoc latuere videbantur. Quamobrem Senatusconf. & ipsis cum omni Transpadana Gallia idem

non

non multo post concessum est, ut & illorum communis patria Roma esse coeperit. Civitati donatos Strabo, caeterique auctores pro manifestissimo habent. Asconius Pædianus Pompeji Strabonis lege id concessum tradit; quod ut verum sit, non idem certe Transpadanis omnibus juris impertitos fuisse Romanos arbitror, sed Julii Cæsaris ætate, priusquam Dictaturam invaderet, tum demum æquali jure in Civitatem omnes adscitos. Illud in comperto est, Quæstorem Cæsarem res novas moliri conantem, Transpadanos, Lambrique accolos, qui per idem tempus de petenda Civitate agitant, fuscitasse, ut eorum armis adjutus Romæ tumultum aliquem injiceret. Lamber in Mediolanensi agro fluvius ab lacu, quem Plinius *Eupolim* appellat, oritur, non sane magnam aquarum molem trahens, nisi pluviis liquescentibus nivibus, quod frequentissime accidit, augeatur. Moguntiam insigne Mediolanensium oppidum alluit, cujus accolæ à Tranquillo *Lambranos* appellatos existimaverim. Hos inprimis à Cæsare ad res novas sollicitatos, ut credam, plurima fuadent. Coloniam hanc fuisse prius forum populi nomine appellatam quidam existimant, quæ deinde cum plurimi Romani Cives, qui Mogunciaci in Germania militabant, honesta missione in ea sortiti essent fedes, Moguntia dici coepit. Ex antiquis marmorum Inscriptionibus utrumque peritissimorum iudicio comprobatur; quod in præsentem quoque diem ara exstet in majori oppidi illius delubro, quæ vetustissimis litteris fuisse in eo loco forum populi attestatur; tum prope Lambrum non minus artificii manu scriptum C. Sertorii Tertulliani monumentum exstat, qui Civium Romanorum Mogunciaci curator fuerit.

Cæterum Cæsaris consilium Cn. Pisonis morte, qui Hispanias simili exemplo concitaturus erat, destitutum est; non ideo tamen minus Lambranis jus Civitatis indultum. Quamobrem & ipsi capescendi in Urbe Roma magistratus facultatem habebant, atque una cum cæteris Tribubus suffragiorum jure, qui placuissent, ad honores evehendi illis facultas data, ut nihil ab Romanis distarent; quod omnes Itali tunc Romani, ut Strabo scriptum posteris reliquit, sunt dicti.

Faverunt autem admodum Cæsari Insuæres, contraque ille ad Principatum evectus gratum se, & munera illis præstitit. Proconsul ipsæ Galliæ Cisalpinæ præfectus, Transalpina quoque simul addita, legionibus novis Insuæribus descriptis, cum alio exercitu in Britanniam usque signa protulit. Gesta præclarissimi Imperatoris, omnibus nota, alicujus præconio non egent. Conscripsit hic ex Insuæribus, cæterisque Transpadanis cohortes quinque, & unam legionem, quorum strenua & fidei opera semper usus, cum in prælio occubissent, maximum dolorem barba capilloque submissis fuit testatus; & quamvis semper ad cutem usque tonderi solitus, non prius nutrire pilum destitit, quam eorum indignam necem vindicasset. Horum militum legati fuere Q. Titurius Sabinus & L. Aurunculejus Cotta, quos cum in hybernis inter Eburones constituisset Cæsar, Ambiorigis consilio proditis Præfectis in itinere deprehensos Belgæ interfecerunt. Nam cum adhibita hosti fide Q. Titurius ab hybernis discederet, dispositis opportuno loco insidiis, aggressus eos Ambiorix ingenti clade affecit. Ibi cum à prima luce ad octavam horam pugnassent, nihil, quod ipsis indignum esset, perpetrantes, multaque hostibus vulnera intulissent, cecidere cum Ducibus; qui superfuerant, in castra præcipiti fuga delati, desperatis rebus ad unum omnes se confoderunt.

Quapropter sequenti anno novas rursus ex Cisalpina Gallia copias, quas Consulis sacramento ad

A signa Cn. Pompejus rogaverat, trans Alpes duxit, ut amissum proxima clade detrimentum refarciret; eas postea initio civilis belli præstitis singulis militibus donativi nomine ducentis quinquaginta drachmis, Pompejo Cæsar restituit. Collocaverat eo tempore in hybernis Placentiæ magnam exercitus partem. Hi milites facta seditione, quod se diutius bello distineri dicerent, à Prætoribus Sevirisque Imperatorem postulabant; identidem acclamantes quinque minis, quas, cum Brundusii essent, viritum distributurum Cæsar promiserat, se defraudari. Hujus rei nuncio commotus Cæsar, cum Massiliæ esset, intermisso nec die neque noctu itinere, ad eos pervenit; quos pro suggestu allocutus: *Quid hoc, inquit, esse dicam, Commilitones, ut, cum maxima vestra opera opus est, tum potissimum mihi insurgatis, & quæ Imperatoris munia sunt, ea vos ipsi vobis usurpetis? Bellum indies proferri agre fertis, meque ejus noxia, quam nobis fugientes hostes efficiunt, reum ducitis. An equo avaritiam vestram animo feram? qui, cum me Duce locupletissimi in Gallia sitis facti, adhuc vestrarum pollicitationum rationem exigitis. Vos animos cunctanti ad civile bellum mihi sponte simul convenientes qui fecistis, nunc in medio deseritis rerum cursu, & tanquam elatum tollitis. Hæc-ne disciplina militaris vestra est? ut legatis & Prætoribus adversemini? Ut quorum mandatis non parere majores nostri capitale duxerunt, ab his contra fas Imperatorem postuleis. Testis mea clementia & liberalitatis sit rerum à me superioribus præliis gestarum memoria. Petreji legem deinceps imitabor. Quamobrem novam legionem, quæ seditionis causam inprimis præstitit, eam decimaturus, ad supplicium depono.* Hæc cum dixisset Cæsar, gemitus queritatusque ab universa legione facti. Prætores autem ad ejus genua procidentes suppliciter veniam petere, periculo milites eximere precibus conabantur. Cæsar Tribunorum verbis victus, repressa paulatim ira, omnium crimen paucorum supplicio ultus, ex centum & viginti seditionis auctoribus duodecim tantum percussit; quos inter cum unus delicti insons delatus esset, Tribunum, qui eum nominaverat, pari affecit poena. Quibus confectis rebus, de inimicis sumpturus poenas, ad inceptum civile bellum properavit.

Nec enim modicis injuriis, dum in Gallia esset, affectus fuerat; quarum illa ad præsentem historiam attinet, quod Marcellus Consul in Novocomensi Decurione pessimo exemplo fecit; nam Civitatis Romanæ jura, quæ deductis Coloniis Cæsar Novocomensibus concesserat, cum in ejus contemptum eripere Marcellus vellet, hac de causa existentem flagris publice jussit cædi, illa illi insignia adjecisse præfatus, ut Civem Romanum se non esse cognosceret; tum discedenti imperatum, ut vibices Cæsari ostenderet, quo facto magis irritaretur. Justis igitur de causis cum Cæsar bellum contra Marcellum, Scipionem, Pompejum, ejusque factionis cæteros movisset, devictisque hostibus orbem terrarum in suam ditionem redegisset, Insuæriæ quoque rationem habuit. Datus in ea Proconsul M. Brutus, cujus pater, cum eandem administrationem teneret, à Cn. Pompejo occisum supra diximus. Fuit hic vir integerrimus, ac Philosophiæ studiis deditus, atque ea justitia moderationeque petentibus jura reddidit, ut Statuam in foro publico Mediolani sit meritis. Cæterum conspiratione facta cum Cassio, patriæ amore ductus, cum Cæsarem interfecisset, in ejus locum Decius Brutus, & ipse Conjuratorum unus, Senatusconf. fuceffit.

Tulit hoc ægre M. Antonius, cum quod inique ferebat percussoribus Cæsaris Urbium, Provinciarumque administrationes decerni; tum etiam quod in potentissima Italiæ parte infestum tyrannis hominem suis coeptis repugnaturum augurabatur; quam-

quamobrem eum omnino à Cisalpina Gallia deturbare festinabat, nihilque intentatum mittebat, ut hominem ejiceret, & eam sibi Provinciam vindicaret. Instituit itaque, cum Consul tunc esset, eam à Senatu petere. Sed Patres id, quod erat, rati morem illi gerere negaverunt. Existimabant enim Cisalpinam Galliam, ut Cicero agebat, Italiae arcem contra Senatum parari, ejusque Provinciae viribus auctum Antonium, & oppressis libertatis amatoribus tyrannidem invasurum. His ergo insidiis obviam ituri, Decimum Brutum admonent, ut Antonii verbis nullam fidem praestet, nec Provincia aliquo modo, nisi ex Senatus sententia, decedat. Antonius, ubi Patres Conscriptos sibi repugnantes videt, ex vetere lege Plebiscito eam consequi aggressus, corruptis pecunia per ambitum Tribubus populi suffragia obtinuit. Quamobrem deportato ex Macedonia trium legionum exercitu, aliis quoque militibus ascitis adversus Decimum vim parat. Contra ille Provinciam opportunam militaribusque viris refertam nactus, & Senatorum verbis pecuniam, novasque copias privatim pollicentibus persuasus, resistere hosti parat. Verum Senatores Antonii adventu territi cum promissa non exsolvent, jam armis impar Decimus Mutinam obsidioni ferendae se preparabat. Antonius statuto, quo ille discederet, die, & in Macedoniam tenderet, adversus populi legem Brutum facientem obsidere coepit.

Interim dum extrema quaeque obsessi patiuntur, Senatorum, sed Ciceronis praesertim, factione absens oppugnatus Antonius, hostis Populi Romani judicatus est; & contra eum missi Hirtius, & Pansa, Octaviusque Caesar, qui duobus praeliis hostem victum ab obsidione discedere coegerunt; fugientem & in Gallias properantem persecutus est Decimus, & in Statiliensibus castra habuit. Cumque Pollentiam, quae in itinere erat, occupare Antonius vellet, per exploratores factus hujus consilii certior Decimus, praemissis quinque cohortibus in sua fide eam continuit. Sed paulo post prodito Senatu Octavius Antonio concors factus Remp. evertit. Decimus Brutus & amici fide, & sua vitae cupiditate memorabilem mortem fecit, à Furio, ut Valerius Maximus scribit, interfectus. Non mansit diu ea Octavii cum M. Antonio pax; sed, ut inter regni aemulos solet, apud Actium promontorium armis certatum. Victor eo praelio Augustus, ad summam rerum Imperator evectus est.

Insubres hoc tempore moderatus traditur L. Piso Caji Gentilis, quem à divo Julio repetundarum judicio oppugnatum, propter cujusdam Transpadani supplicium injustum, Sallustius auctor est. Residens hic Mediolani (quod in Metropoli habitare Proconsulem Constitutiones jubent) jurisdictionis munera exercebat. Fuit tum in precio eloquentia insignis Rhetor C. Albutius Silo Novariensis. Hic apud Proconsulem cujusdam, qui homicidii reus agebatur, cum patrocinium suscepisset, clientemque suum, ut criminis suspensionem removeret, nimis laudibus, quae fidem non capebant, extolleret, perseverare à Licetoribus prohibitus ita excanduit, ut deplorato Italiae statu, quasi in Provinciae formam redigeretur, M. Brutum, cujus statua in conspectu erat, tanquam legum & libertatis auctorem atque vindicem invocaverit. Qua audacia irritato Proconsule parum absuit, quin poenas daret. Timore igitur compulsus Silo renunciavit foro, & jam senior ob vomicae vitium Novariam reversus, convocata plebe, causisque, propter quas inedia mori destinasset, concionantis more redditus, abstinuit cibo.

Sub Augusto quoque Transpadanae Galliae praefuisse Asinium Pollionem ex auctoribus nequaquam incompertum est, etsi dubitatione illud non careat,

A Asinius Pisoni, an ex contrario Piso successor Asinio fuerit destinatus. Hunc imprimis amicitia sibi conjunctissimum Virgilius Maro habuit, sive ea necessitudine ex Augusti commendatione orta, sive (quod magis credere libet) dum Pollio in Insubribus Proconsulari imperio jura reddidit, prius coepta. Nam Mediolani Poetam Virgilium studiis dedisse operam veteres quoque Grammatici tradunt. Cum per idem tempus bellum Dalmaticum exortum esset, contra hostes iturus Octavius cum exercitu prius Mediolanum venit, eamque consuetudinem semper est secutus, ut imminentibus cum Germanis aliquibus bellis, etsi per legatos ea administraret, hanc tamen ad Civitatem à Roma usque progrediretur.

B Ei defuncto, & mox inter divos relato, successit in Imperio Tiberius Caesar; cujus tempore apud Insubres quis Proconsul fuerit iccirco non constare arbitror, quia neminem in Gallia Cisalpina hoc officio ab Augusto citra functum pariter existimo. Coepere tum ejus populi solis municipalibus Magistratibus regi; ostendit hoc Appianus Sophista, qui Augustum Cisalpinae omni Galliae libertatis jura tribuisse testatur.

C Caeterum quinam sint Proconsules, & quomodo municipii jurisdictiones exercerentur, declarare non à praesenti instituto abhorret, tum quod hujusmodi digressio utilitate non carebit; tum etiam quod qualis ea tempestate Civitatis nostrae status foret, quod historiae hujus proprium est, inde facillimum cognitu fuerit. Cum armis Romani aliquas gentes subegerant, sive prius regnum, sive Reip. alicui subditae nationes essent, eorum regione in Provinciae formam redacta, quandoque Praefides, qui & Legati Caesaris dicuntur, quandoque Proconsules ad eas regendas mittebant. Proconsul & auctoritate & dignitatis gradu Praefidibus nobilior. Principio cum adhuc Respublica Romanis salva esset, qui priore anno Consul fuerat, prorogato imperio Provincias sortiebatur, isque justus Proconsul erat. Honorem primum gessisse P. Philo creditur. Occupata per Caesares ditio, etiam qui Consulatu non fuisset functus, Proconsulatum gerebat; coepitque ea administratio non ab hominibus, sed à Provinciis adipisci nomen. Sic quicumque in Proconsularem Provinciam Imperii exercitum suscipiebat, Proconsul, etsi nunquam Consularis, dicebatur. Post Imperatorem summa illorum in ea, quam gerebant, Provincia erat potestas; Animadvertenti in facinorosos homines potestatem habebant; Jus gladii, nisi ex certa causa, alteri demandare illis nefas; In cognitionibus à Legatis, quos primum optaverant, adjuvabantur; His pecuniariae causae plerumque Proconsulis loco delegatae, tres, ut plurimum, eligebantur. Paulo insigniorem virum, qui Decurio fuisset, inconsulto Principe, etiam Proconsuli, publico judicio condemnare legibus vetitum. Apparitores ordinaria formula cccc. in Comitatu habebant. Si major numerus necessarius illi fuisset, extra ordinem augebatur. A Proconsulis sententia in levioribus causis nulla provocatio; Graviore ex appellatione Praefectus Praetorio dijudicabat; Inferiores in eo quoque Praefides, quod illis legatos habere nequaquam concessum; familia etiam minus frequente, etsi in caeteris non admodum dissimiles. Si in horum imperio aliquae exstitissent Coloniae, Magistratus illis dabant, qui Defensores Civitatum postea dicti sunt. Eorum in illis causis cognoscendis praecipua opera, quae intra tercentorum aureorum quantitatem constitissent. Si quae excedebant, Proconsulis, Praefidisve notio erat. Admittebantur & Coloniae suffragiis in Urbe Roma; etsi clariora municipum jura, qui non alieno jure obnoxii una cum reliquis Romanorum Tribubus ad honores candidatos designa-

signabant, à muneribus capefcendis fumpto nomine. Queis Principis beneficio agnofcere libertatem concessum erat, hi fuos Magiftratus habebant; Auguftales, quos & Duumviros puto, tum Quartumviros, Sextumque viros in albo cæteros præcedunt Auguftales, quod jus gladii ipfi haberent; nam & fafcibus (quæ fummi Imperii infignia funt) uti eos poffe, Imperatoriis Constitutionibus cautum eft. Et ficut nemo in Decurionum ordinem inconfultis illis admitti poterat, ita nec Auguftales nifi ab ipsis Decurionibus creabantur, conditione utrifque pari. Sextumviri iurisdictionis, mixtique Imperii, lites abfolvebant, primique de his pronunciabant. Eorum acta ex provocatione Quartumviris refcindere jus erat; unde Quartumviri appellationum dicti. Ex his Magiftratibus Decem electi vectigales fundos procurabant, & in annos certam summam præftare Reip. tenebantur. Si fertili melfis vinique proventu plus exigebant, fui id erat peculii: fi minus collegiffent, ipsis etiam, non publico, decrefcebat. Græca voce Modestinus hos *Decaprotos* appellat, Cicero in *Orat. pro Roscio*, & quandoque Julius Maternus, Latina uti malunt, *Decemprimos*que nuncupant. Erant & Sitocomæ, quos armonæ curatores dicere poffumus; frumento, hordeo, oleo, falgamisque, ne deeffent, & vinum iusto pretio darentur, hi præerant. Celebris & Ædiliū dignitas; iniusta pondera diluere, iniquas melfuras frangere, artificum dolis obviam ire, multam contumacibus indicere, illis ex officii iure permiffum. Honore hoc functum in municipio Arpinati filium fuum Cicero atteltatur. Penes hos, fi deliquiffent, Selularios, hujusmodique vulgificem flagris cædendi facultas refidebat. Nec mediocris honeftiffimo ordini erat Sacrorum cura. Sacerdotii namque munus inter municipalia onera numerabatur. Præfectus horum Pontifex Max. qua dignitate Calviffius Januarius in antiquorum memoriis apud Infubres celebratur. Huic veneratione proximus Pater patratus, cujus auctoritas in foederibus præfertim neceffaria. Gelfit hunc honorem C. Atilius Pifonius, munificencia liberalitateque in primis erga patriam infignis. Spelæum hic vi ignis abfumptum comparata area à Republica Mediolanenfi pecunia fua in priftinum nitorem reftituit: ærarium quoque, ut Romani Saturno, ita Mediolanenfes Herculi crediderunt. In vetuftis marmorum Infcriptionibus complures hujus muneris participes nominantur. Sunt & Defensores, quos Græci *Syndicos* vocant: hi, fi qua de publico lis oriretur, patriæ caufam à Decurionibus juffi tutabantur. Aliorum alia munera. Custodiendorum aquæductuum cura; Equi Circenfes; Spectacula; Viarum munitiones; aræ frumentariæ; Thermarum calefactiones; Annonæ divifio; Tributorum exactio; militum hofpitia; curfus publicus; Cenfuales libri, & id genus fimilia ad Decurionum follicitudinem omnia pertinebant; Legationesque ad Urbem Romam fummi honoris erant, præfertim his, qui gratuito hoc munere functi effent. Qua largitione memorabilis eft C. Valerius Petronianus, non minus doctinarum orbe clarus, quod nondum 33. annum attingens, Medicinæ, Philofophiæ, Jurisque prudentiæ ftudiis inclutus effet, quam quod quinquies gratuitam legationem fufceperat; quibus rebus infignis *Eudromus* appellatione Græca cognominatus, quod multas artes brevi tempore percurriffet. Excufabantur à Decurionatus onere, qui Lxx. annis majores effent. Explodi vero illos æquum cenfebant, qui centum fextertia in bonis non haberent. Si admiſſi, cum idonei effent, facultatibus dilaberentur, illis decerni alimenta ad omnem ordinem fpectabat. Quamobrem femp̄ id obfer-

A vatum, ut nonnifi potiores in muneris confortium vocarentur.

B Hæc erat eo tempore regiminis forma, ut nullos ab Urbe Roma Magiftratus fufciperent, ipfi, quos judicarent dignos, eligerent: honoris Romanorum participes, oncrum vero exfortes, nifi quod meritam reverentiam Imperatoribus debebant, & ex provocatione eorum Magiftratus adire tenebantur. Et hæc quidem publica adminiftratio nobilibus folis exercita. Plebs ipfa in tres divifa partes, Fabrum, Centonariorum, Dendrophorumque Collegia induxerat; hi ex Decurionibus aliquem deligebant in patronum, ftatuifque & elogiis æternare memoriam ejus fatagebant. Centonarii à Centonibus, tenuiffimisque velis dicti. Dendrophorum obfcurior eft fignificatio. Vox ipfa ab arboribus videtur tracta, ut facris initiatos fortaffe fignent, quod Diis sacræ fint (ut Plinius fcribit) arbores; quæ infignia Sacerdotibus non convenire nemo dixerit. Sed hæc hætenus.

C Floruit Tiberii tempore egregii operis nobiliffimæque hiftoriæ auctor M. Valerius Max. Principis amicitiam tituli ambitu profelfus. Romanum eum quidam vulgatoribus commentariis teftantur: ex Antiquis nemo eft, qui ejus vitæ, nedum patriæ, mentionem faciat. Mediolanenfem fuiſſe in tanta auctorum inopia, ut credam, ejus tumulus candidiffimo marmore effoffus ante Simpliciani ædem me adducit. Monumentum pro indice eft, cum uxore Apronia M. Valerium Max. Sacerdotem, Aftronomum, cæterorumque ftudiorum peritum electo conditorio una jacere; quo hæredes ne inferantur, nominatim præcipit. Abfurdum itaque eft eum, qui & uxorem, & hæredes, & tumulum Mediolani habeat, alibi, quam Mediolani genitum credere; cum nihil tamen errent, qui Romanum vel incolatu, vel communi omnibus Italis iure, appellant. Nam & Plinius Romanum fe dicit, qui tamen procul dubio vel Veronenſis, vel certe ex Novocomo Infuber fuit. Valeriorum plane gentem, ex qua originem Valerius Max. traxit, celebrem exftitiffe Infcriptiones funt argumento; in quibus hæc omnium frequentiffima femp̄ occurrit. Clarius fortaffe teftimonium Valerii Leonis, quem Cæſaris Julii hofpitem Plutarchus eft auctor, dum per errorem pro oleo ſibi unguentum appoſitum, ne ruſticitatis, aut negligentiae eum arguere videretur, Cæſarem largius appetiſſe tradit. Litterarum virtutisque artibus celeberrimus ille Novellius Torquatus honoribus Tiberii favore ad Proconſulatum uſque geſtis, & ipſe fat clarus; alioquin mortalium omnium bibaciſſimus; tribus congiis vini uno impetu epotis, ſpectante miraculi gratia Imperatore; damnandus certe, & ignominiae futurus patriæ, nifi eadem terra & boni & mali veneni eſſet parens. Sub hoc Principe regni ejus xviii. anno infigniter Martio menſe ſol defecit; Chriſti humani generis Redemptoris Confervatorisque mortem indigniſſimam afpicere veritus. Ab eo verum Dei cultum nuncii illius edocti orbem terrarum ad rectam fidem reducere cœperunt. Qui hoc nomine profitebantur, primo fratres appellati, demum ab omnium auctore Deo Chriſtiani funt dicti. Adjuvit invaleſcentem religionem Tiberius, ad quem cum renunciatum eſſet, ex Syria Palæſtinaque novum Chriſti numen cælitibus acceſſiſſe, cum ſuffragii fui prærogativa ad Senatum retulit, *Cenſerent ne Patres accipiendum ejus cultum*. Senatus, quia ipſe non probaverat, reſpuit, comminatus poenam religioni novæ ſeſe aggregantibus. Cæſar permanſit in ſententia, & ſe vindictam de eis ſumpturum eſt pollicitus, qui quoquomodo Chriſtianum accuſarent, deferrentque.

C

Sic

Sic impune, ita volente Deo, per Urbes Divinum nomen promulgatum; mortuoque Tiberio, Claudii Imperatoris anno vi. Mediolanum Barnabas venit. Cypri Insula hic oriundus; Hierosolymam cum diu habitasset, Christum viventem præceptorem suum secutus, Joseph Levites dicebatur. Aderant illi, quos cælesti scientia instruebat, collegæ duo, Anatelon Græcus, & Cajus Romæ natus. His adjutus palam Christi nomen gentibus prædicare cœpit; tum ex plebe primum quidam ejus dictis fidem adhibere; quidam re nova attoniti vera non dicere arbitrabantur. Delata res primum ad gentilis sacri Pontificem Julianum. Hic disputatione Barnabam aggressus, miraculorum præsertim vi superatus, cessit. Liberæ ex eo Barnabæ conciones, multisque in sententiam suam tractis, non mediocria fundamenta religionis jecit. His discessurus Anatelonem præfecit. Mandatum illud in primis, ut veluti oves pastor, sic Christianos homines diligenti sollicitudine curaret; vera fidei præcepta illis repræsentaret, quibus ipse à præceptore suo institutus fuerat, eadem aliis documenta traderet. Quibus, priusquam itineri se accingeret, dictis, hostiæ quoque sacrificium, quod passim Missam vocant, celebravit. Fons est limpidissimis aquis extra Urbis Portam, qua Ticinum recta itur prope Eustorgii fanum. Hic majorum nostrorum constans est opinio, primum Christo hostiam immolasse Barnabam: quod sacri genus deinde Missæ appellationem tenuit.

De vocis origine alii aliter sentiunt. Nobis non absimile videtur ab antiquioribus sumptum esse nomen; nam in vana illa Deorum superstitione, peracta re divina, retro ad populum conversus Sacerdos, duo hæc verba inclamabat, *Populis missio*; quibus se potestatem abeundi volentibus concedere demonstrabat. Apulejus hujusce rei mentionem facit. Eundem Sacerdotes nostros ritum servasse, imitatosque crediderim, cum libato sub sacri finem libo, versus Sacerdos, *Ite*, inquit, *missa est*. Ab hac consuetudine deductum Missæ nomen. Argumento est etiam Cypriani auctoritas, qui missa, missioneque indifferenter videtur uti.

Igitur verbis Antistes Anatelon Barnabæ vestigiis innitens, & ipse Christi sectæ non mediocri augmento fuit. Ethnicos tamen, quod ab eis diversa profiteretur, veritus, extra Civitatis mœnia habitabat; vixitque usque ad octavum Neronis annum. Octavo Kal. Octobris statis cæremoniis inter cælestes relatus, quod eo die occidisset. Corpus ejus clam sepulchro conditum, ne infaniente tunc potissimum in Christianos Nerone, nec mortuo quidem parceretur. Primus hic acerbissimo edicto veros Dei cultores persecutus exigebat de contemptoribus graves poenas; pereuntibus additæ sunt contumeliæ, ut ferarum pellibus contexti, canibus esca, dilaniarentur; pars cruce, alii flamma interirent; sic exquisitissimis torturis hos quidem punire, exemplo cæteros detertere conabatur.

In Transpadanam Galliam Anolinum quendam Præfectum miserat, qui Christiani nominis quæsitore foret. Eo tempore Nazarium, & Celsum, tum Prothasium, Oribasiumque summo supplicio affectos Sacri Scriptores, quotquot in præsentem diem mihi videre contigit, auctores sunt. Quod procul dubio à veritate longissime abest. Arguit hoc libellus, quem se ante Prothasii caput invenisse D. Ambrosius testatur. Occisos ab Astasio Comite, dum adversus Marcomanos arma compararet, Prothasium, Oribasiumque is indicat. At Marcomani Germaniæ populi, ut Cornelius Tacitus scribit, ad suam usque memoriam Romanis amici fuere, quorum armis raro Barbari, sapius

A pecunia juvabantur, eamque inde ipsi gratiam refererebant, ut vim & potentiam ex auctoritate Romana tribuerent.

B Primus Rom. Imperator cum filio Commodus, M. Antoninus Pius excitatis in societatem aliis Barbaris præferoces armis compescuit; ut eo tempore periisse celeberrimos religionis nostræ assertores conjectare liceat; deceptis iccirco recentioribus, quod Commodus Neronis moribus non impar, eo quoque titulo suas statuas inscripsit. Nam qua percussi sint tempestate, neque apud Veteres constasse Nolæ Antistes Paulinus ostendit, qui in *Ambrosii Vita*, quo ceciderit tempore Nazarius se nescire testatus est. Eum autem Prothasii ætate vixisse nemo est, qui dubitare jure possit. Accedit his, quod Astasius Comes sub Nerone esse non potuit, eo dignitatis nomine tum incognito. Sed quamvis horum morte reus non fuerit Nero, alios tamen trucidare jussisse omnino certum est; crevissetque in infinitum ejus scelera, ni iusta morte defunctus Sergio Galbæ Imperio locum fecisset.

C Præfagiverant id Aruspices, nunciato Romæ, quod repertum in Placentinis prodigium. Is erat vitulus, cui in crure caput adstabat, prope viam ortus. Interpretatio hæc rerum humanarum aliud parari caput, debile, quod in crure natum, famigerabile, quod juxta viam inventum esset. Contra Neronem movit primus arma Galliæ Præfectus Julius Vindex, communicaveratque cum Galba consilium, quo eum audentorem faceret, pollicitus se centum virorum millia posse adversus Neronis Imperium comparare. Præerat Germanicis Legionibus L. Virginius Rufus, qui audito Vindicis motu contra eum statim profectus est, confertaque cum hostibus manu, occisis viginti Gallorum millibus, cum Vindex desperatis rebus sibi ipsi mortem conscivisset, victor maximo Galbæ terrori fuit; nam Legionarii milites, cæterique Germani victoria Ducis elati cum Imperatorem salutaverunt; qua fama adductus Galba, ut se quoque in regni communionem admitteret, litteris rogare non desistebat. Cæterum Virginius non solum sibi, quamvis vi adhibita oblatum Imperium constanter renuebat, sed & non passurum se alium regnare pollicebatur, quam qui à Senatu, Populoque Rom. electus foret. Insignis moderationis exemplum, quod alii summis periculis affectant, ipse fortissimis exercitiis sepius maximo periculo maluit refutare. Electo igitur à Senatu Galba, convocatis militibus ægre persuasit, ut S. P. Q. Rom. judicio acquiescerent, quibusdam Tribunis ita repugnantibus, ut eductis è vagina gladiis, præsentaneam necem illi minitarentur, ni confestim Imperium ipse susciperet. Profectus itaque obviam Galbæ, neque admodum comiter acceptus, neque in honore repulsus est; amabat viri virtutes, prisci moris observator Galba. Contra T. Junius Virginius æmulus, & novo Imperatori amicorum summus, nequaquam pro meritis eum condigne accipi sinebat. Jussus itaque exercitum dimittere, ut tanquam Principis necessarius in illius Comitatu remaneret. Tulere id iniquo animo Germanicæ Legiones, & Virginium non remitti, sed potius reum esse, tanquam suum crimen, agnoscebant; fuitque hæc potissimum causa, ut Galbæ dein rebelles Vitellium Imperatorem facerent.

At omnino cum humano genere procul dubio melius actum fuisset, si non tantum justis tenax Virginius oblatum Romani orbis regimen accepisset; nam neque Othonis, Vitellique libidines, neque Domitiani scelestissima facinora tam acriter mortales afflixissent; optavit potius Impe-

perio dignus censeretur, quam Imperator esse; majori certe gloria, quam commodo, nec minori patriæ honestamento, quam si, quod magnitudine animi spreuit, accepisset. Fuisse Mediolanensem ex C. Cæcili epistola tradunt doctiores, indicioque est antiquis marmoribus celebris in hac Urbe familia. Clarus municipali honore inprimis Sextumvir L. Virginius Attilianus; tum Virginius Messor, & Virginius Quintianus, conspicuo in Nazarii æde tumulo æterni omnes. Inter fœminas Virginia Artemia in Dionysii servat adhuc nomen; vulgoque notior Aurelia Virginia in Celsi area, nuper ejus invento corpore etiam post tot annos integro; quod tamen ob aeris vim demum est resolutum, purpurea veste solo tactu defluente; ut tot argumentis nemini dubium esse debeat Virgini Ruffi patriam Mediolanum. Equestri familia esse ortum Corn. Tacitus auctor est, patre ejus nullis Romæ honoribus non gestis inclyto.

Floruit ea tempestate, quantum ex veteri quodam epigrammate suspicor, Petronius Jocundus Sextumvir, libertæ suæ Petroniæ munificentia memorabilis. Legavit hæc Bardomagi vici possessoribus in hermam tuendam, & rosa quotannis ornandam, sextertia quadringenta; antiquæ religioni dedita mulier, si Hermam pro Mercurio accipiamus. Præfuit tunc Anatelonis successor Cajus, qui pro more Christiano cum plures puro, qui ad Euforgii labitur, fonte lotos saniora consilia sequi docuisset, veritus Neronis edictum, sævasque Anolini ejus Præfecti executiones, ab Urbe profugerat. Secuta Principis nece, reversus indies meliora conabatur, donec ab Decurionum ordine jussus flagellis cædi per Ædituos, tanquam impietatis in Deos reus, mactatus est. Excitaverat ad ambitiosum decretum Magistratus, quod in suam sententiam quosdam etiam Decuriones Cajus traxisset. Periisse pridie Cal. Januarii Ambrosius auctor est, quotannisque eo die Insubres ejus memoriam celebrant. Paulo simpliciores, qui tum vanæ Deorum superstitioni adhærebant, hominis mortem ægre quoque tulerunt; nam cum suis precibus evidenti miraculo morbosos quosdam à mala vâletudine liberasset, Apollinis Delphici vatem existimabant; quapropter Ædituos, tanquam scelestos, odio prosequabantur.

Prophanis sacris per hæc tempora præsidebat Q. Ingenuus Maximianus, non Pontifex tantum, sed etiam publicus scriba, atque curator ærarii, pluribus officiis iccirco decoratus, quoniam hæc præsertim uni soli concedere æquum existimabant, quod in sacro ærarium esset, pecuniæque plebis sequester Sacerdos esse ex lege jubebatur; quod onus commodissime publico scribæ injungi potest. Honorabiliores omnino tunc Pontifices, Deorumque Flamines Christiano erant, quod in universum tota Civitas post centum quoque ex eo annos Gentilium sacris utebatur; rarissimi veris de divino cultu narrationibus aures adhibebant; quin si à prisca Deorum religione aliqui discessissent, tanquam vecordia capti à cæteris commercio vitabantur. His honores, Magistratus, publicaque commoda decerni lege prohibitum erat, persuasumque habebant, non unum Deum, sed vana quæpiam absurdaque simulacra à Christi ædificis coli. Permanfit ea famæ labes ad M. Antonini Philosophi Imperatoris usque tempus; qui rescripto commendata religione, adversas Christiano nomini sanctiones antiquavit, abrogavitque.

Igitur ad Imperium provectus Galba, Germanicarum Legionum defectione territus, L. Pisonem, quod senectutem suam deridiculo esse conspiceret, in filium, D. Augusti exemplo, ado-

A ptavit. Uterque demum ab Othone circumventi ejus factione militum gladiis Romæ confossi sunt; cædisque auctor M. Salvius Otho Imperator nuncupatus est. Permanfere tamen in sententia Germani, & Fabio Valente, atque A. Cæcinnæ Legatis impellentibus in Vitellii nomen Sacramento adacti sunt. Valens primus in Galbam animos militum, cum Virginium Imperatorem acclamarent, traxerat: quod ob beneficium cum haud condignam ab eo gratiam se recepisse existimaret, hostilia moliri cœpit. Cum itaque Germaniæ exemplum secutæ haud difficulter in Vitellii partes Galliæ concessissent, Cæcinnæque jam in Helvetiis transitum Alpium parans constitisset, Vitellii auspiciis Novaria, Mediolanum, Eporrhedia, Vercellæque se tradiderunt; cunctantes populos in Othonis odium concitavit Syllana ala. Hi à Nerone, dum in Africa agerent, Proconsulque illis esset Vitellius, suo veteri Duci adhæserunt; tum adventantium Legionum robur, exercitusque Germanici famam alioquin celeberrimam attolentes, ea quoque municipia in novi Imperatoris favorem compulerunt. Pergratum hoc Cæcinnæ fuit, quod non parum Vitellii fortunam adjuvare viderentur firmissimæ Urbes, ejus fidem Othone ejecto secutæ. At quoniam latissima Italia pars unius alæ præsidio defendi non poterat, Gallorum, Lusitanorum, Britannicorumque cum Germanicis vexillis cohortes, ut se Syllanis jungerent, per Grajas Alpes in Insubriam præmisit; ipse paululum moratus, an adversus fidos Othoni Noricos procederet; tandem cum plus laudis sibi comparari, ubicumque in Italia certasset, Noricosque in cætera victoriæ præmia cessuros cognosceret, Poenino itinere armis nivibusque laxum militem traduxit. Interim præmissæ cohortes, Syllanaque ala, cum apud Cremonam Pannoniorum cohortem, præsidium urbi ab Othone impositum esse intelligeret, facto certamine victores eam cepere, & haud multo post inter Ticinum, Placentiamque classici mille, centumque equites intercepti. Sic quicquid agri, urbiumque inter Padum, & Alpes (*florentissimum*, ut Tacitus ait, *Italia latus*) Vitellio parebat; non quidem, quod eum Othoni prætulissent, sed quod longa pace fracti occupantibus faciles etiam pejori commutatione se præbebant. Tam felici successu elati Vitelliani, non flumine, aut ripis arceri poterant. Itaque Transrhenani Batavique evalidis ad trajiciendas fluviorum aquas viribus Placentiam versus transgressi quosdam exploratores ceperunt.

E Tulit id ægerrime, qui in Urbe continebatur, Othonianus miles, arreptisque repente armis, advenisse universum Cæcinnæ exercitum rati, publico Marte conflicturi extra Civitatis portas contendunt. Erant cohortes tres Prætoriae, & mille vexillarii, quibus præerat Spurinna. Is, quum optime nosset falsam esse, quam de Cæcinnæ adventu opinionem milites conceperant, nequaquam eos discedere patiebatur: quoniam, si forte accidisset cum exercitu adesse Cæcinnam, tam paucas copias tanto exercitui objicere, inconsulti Ducis existimaret. Vicit tamen indomiti militis furor, qui repugnanti tela quoque intentare ausus fuerat, coque quorundam licentia processit, ut ad Spurinnam milites profecti viaticum petierint, quo ipsum proditoris accusarent, eundi ad Cæsarem. Igitur posteaquam frustra se Spurinna videt contra voluntatem cohortium niti, temeritatis alienæ fit comes, se hoc velle simulans, ut mitescente seditione plus auctoritatis consiliis inesset. Pervenerant jam ad Padum; tum appetente nocte castra vallari ex more cœptum: fregit is labor urbani militi, Scenicis quam belli artibus magis experto, animos, dolebantque, quod

peritissimo Imperatori opulentissimam Coloniam belli sedem eligenti non paruisent. Quamobrem eos facti poenitentes Placentiam Spurrina reduxit, interpolatisque mœnibus, & erectis turrium propugnaculis ad ferendam obsidionem se parabat.

At Cæcinna cum Legionibus, ubi in Insu-bres venit, trajecto Pado, Placentiam oppugnare ag-greditur, nihilque ad terrendos Oppidanorum ani-mos omisit, quod norat à felicibus oris cæteram belli fortunam pensari. Semel & iterum tentata oppugnatione frustra cessit; prima die cibo & potu graves incauti subdere muros, multisque vulneribus acceptis irrisi ac vani redierunt. Conflagravit tunc pulcherrimum Amphitheatri opus, accenso à Vitellianis, dum jaculantur in obsessos, igne, vel ab obsessis potius, dum in hostes regerunt. Muni-cipes ipsi prono ad suspensionem ingenio, à vicinis colonis fraude ob invidiam injectum crediderunt, quod nulla capacior in Italia moles esset. Rursus oppugnationem aggressus Cæcinna cum summo ir-riti cœpti pudore repulsus est. Insequebantur Præ-torios Vitellii milites armatos histriones, saltato-resque Scenicos appellabant, qui nullis militiæ artibus clari, solum imbecillis senis caput (Galbam innuentes) inter gestorum suorum decora possent referre. Quis opprobriis turbati Prætoriani, qui vana spe hostes deceptos ostenderent, fortissime di-micabant, ignaviamque & molliciem convicii pu-dorē in virtutem verterant.

Sic urbis expugnandæ spe dejectus Cæcinna Cremonam versus, ne tempus frustra tereret, ire festinat. Et jam in conspectu erat locus, quem duodecimo à Cremona distantem milliario Casto-ris vocant. Congressus ibi cum Othonianis Ducibus Suetonio, Paullino, & Mario Celso, non modicam cladem accepit, actumque de ejus uni-verso exercitu fuisset, ni Paullinus celeriter re-ceptui dedisset signum. Venerat Ticinum cum copiis Fabius Valens, cum de adversa Cæcinnae pugna ad cum nuntii accesserunt; qua de re alias quoque seditiosi ejus milites confestim Valenti mortem minitabantur. Hujusce cladis eum cau-sam esse, qui Cæcinnam cum exercitu noluerit assequi; sed expoliandis per Gallias urbibus inten-tus, lento passu incedens, hostium gladiis Colle-gæ jugulum, quantum in se fuit, objecerit. Qua-re non expectato Duce milites antere, signa ur-gere signiferos, concito gradu, ut se Cæcinnae jungerent, properare cœperunt. Sic ad Bebria-cum ventum, fatalem duabus Romanis cladibus Cremonæ vicum. Tum longioris moræ impatien-te Othone, summis viribus utrinque pugnatum; victorque Vitellianus miles, ita tamen, ut recu-perandi copias Othonianis quoque spes superesset. Maluit Otho mori, quam novis cladibus Romani Imperii nervos afficere, jussisque comitibus, ut sibi quisque discedens consuleret, sese præparabat ad necem. Non poterant id ferre æquo animo mi-lites, quos sibi fidiissimos, mortemque pro Impe-ratoris sui salute non detrectantes habebat. Quam-obrem abeuntibus exitium minitabantur, & id tentantem Virginium Rufum persecuti, clausa se domo continentem obsidebant. Quod ubi Otho com-perit, increpitis seditionis auctoribus, Consula-rem virum exemit; magno honore Virginium pro-sequebatur Otho, destinato illi Consulatu, quem Imperator factus gerebat. Eo mortuo ad Virgi-nium iterum versi milites strictis gladiis nunc, ut Imperium ipse assumeret, postulare; nunc saltem, ut legatione apud Cæcinnam & Valentem funge-retur, orant. Sed horum impetum per averfam domus portam digrediens Virginus frustratus est; absurdum enim existimabat eorum imperium, cum victores spreverat, qui victi essent, suscipere; rur-

sum legatus ad eos ire, quos sibi infensos cogno-verat, insipientis esse ducebat.

Legatorum suorum victoria lætus Vitellius; præsertimque Othonis morte, in Italiam propera-vit. Cui obviam profectus Virginus alacriter at-que magnifice exceptus est, ut communi quoque mensa secum uteretur. Vexatus iterum seditione militari vix Vitellio acriter militibus renitente evasit. Discubuerat Ticini Imperator, epulisque vicino municipio ortum Virginium adhibuerat, cum ejus servus concursanti novo terrore agmini obviis, ut Vitellii percussor insimulatur; jamque ruebat Virginii supplicium exposcens miles, cum Vitellius, licet ad omnes suspensiones pavidus, ni-hil de innocentia ejus dubitans, militem cohibuit, sui quondam Ducis exitium flagitantem. Admi-ratio & fama viri ingens æmulos Duces excitave-rat, oderantque eum milites, ut fastiditi.

At Vitellius Cremonam deinde contendit, Gla-diatorum spectaculum, quod Cæcinna illic ede-bat, visurus; profectusque demum Romam non minus eam affixit, secum deductis legionibus, quam cætera Italiæ municipia, Insu-bresque inprimis. Vagabantur barbari milites per Civitatem, ut urbanæ plebi paulo procaciori excandescences, multis eam incommodis afficiebant; nec solo ho-spitiorum damnoangebantur Cives, sed & rebus quandoque per vim, quandoque clam surreptis, cum armato militi sine manifesta perniciæ resisti non posset.

Verum haud quaquam diuturnum Vitellio im-perium fuit, in Asia Deorum hominumque con-sensu ad orbis gubernacula alio electo. Is erat Fla-vius Vespasianus, rebus antea gestis clarus. Ini-tium rerum novarum Mucianus Syriæ, & Tibe-rius Alexander Ægypti Præfecti fecerunt; Cal-juliis Alexander milites suos in Vespasiani nomen Sacramentum accipere jussit, isque dies in poste-rum celebratus est. Novem legiones Vespasianum à Vitellio diffidentem defensuræ erant, hisque bellum geri placebat. Præoccupavit Antonius Pri-mus acerrimus belli concitator longam tot legio-num expectationem, minorique manu militum se cum Vitellianis debellaturum testatus, Aquile-jam primum, mox Patavium, Veronamque cepit, dein ad insignem strage Romana Bebricum venit, indeque cum quatuor millibus equitum Be-briaco ad octavum adventantes Vitellianos ag-gressus, eos fudit, fugavitque, egregiumque optimi Ducis de se specimen dedit. Sequenti die cum sex Vitellianis Legionibus apud eundem vi-cum congressus, memorabili edita strage, pene bellum confecit. Ducta paulo post Cremonam Legionum Signa, oppugnarique primum Castra militum Vitellii cœpere. Cum acriter ab obsessis pugnaretur, C. Volusius tertiæ Legionis miles perfracta porta primus irrupit, & deturbatis, qui resistebant, ingenti voce conclamavit, capta Castra.

Sic & tum victor Antonius felici eventu omnia transigebat. Reliqua adhuc erat Cremona, viris armisque potens, & Vitellio, urgente fato, ni-mis fida. Obsidere eam cœpit, adductisque neces-sariis ad expugnationem instrumentis, Antonius primo inferri ignem amœnissimis extra urbem æ-dificiis jubet; sed nec eo quidem damno ad mu-tandam fidem trahebantur. Quare mœnia portas-que Urbis aggressus, defendentibus principio Vi-tellianis, mox per socordiam dilapsis, urbe poti-tur. Quadraginta armatorum millia irrupere. Nul-li sexui paritum est, nulli ætati, nisi quos forma conspicuos pulchritudo raptori conciliaisset. Cum his discriptæ manibus rapientium puellæ, ipsos quoque milites in mutua vulnera trahebant; tum direptis opibus omnia flammis concremata sunt.

Solum

Solum Mephitis templum ante moenia stetit; dubium, numine, an loco defensum. In tanta ejus temporis miseria illud laudandum, vicinas urbes Insubriae, Venetiaeque, ne Cremonensis populi subtracta à militibus bona compararent, conspici- rasse, irritamque sic raptoribus fecisse prædam. Digna longa pace municipia, coque tum majori laude, quo nostris temporibus damnanda tam memorabilis exempli oblivione.

Multis itaque cladibus deterritus Vitellius, focors factus, & attonito similis, tandem Romæ interfectus, Vespasiano Imperium reliquit. Egre- giam in his bellis navavit operam XIII. Legio Ger- mina, cujus Legatus Vedius Aquila etiam Corn. Tacito celebratur. Constitisse eam in agro Me- diolanensi sive in transitu, sive stativis Castris crediderim. Miramundi, quod oppidum septimo decimo ab Urbe distat, L. Magii Vari tumulus est, antiquo & insigni Eulogio, quo prædictæ Legionis militem eum fuisse testatum manet. Id mihi hujusce opinionis argumentum est.

Perempto igitur Vitellio, L. Flavius Vespasia- nus successit, Imperio vir dignus, quamvis nobi- litate generis non admodum insignis. Nullis ima- ginibus ad summum evectus gradum, parum ad virtutem stemmata conferre ostendit. Patrem ejus T. Flavium Petronium Transpadanum fuisse ex aliquorum opinione Tranquillus refert. Medio- lanensis sacri haud ita multo post Antistes fuit Ca- stricianus, vitæ sanctitate, morumque elegantia unicum Urbis specimen; cumque non exemplo solum, sed & assiduis concionibus populum à ve- teri Deorum superstitione in dies retrahere cona- retur, veritus Domitiani, qui Vespasiani filius tunc regnabat, in Christianos legem, secedere pa- rumper à tumultu decrevit. Decurio quidam ante eum fuerat, Philippus nomine, duobus filiis Fau- sto, Portioque, indole nequaquam degenerare, fe- lix. Ipse Caji tempestate mortuus domum suam Præfuli Christiano legaverat. Ea, quod paulum in secessu extra Civitatem esset, Castriciano ha- bitabatur. Verum quiescente tandem pauxillum Domitiani furore, quia nullum Christo sacrarium adhuc constitutum erat, eas aedes primus veri Dei delubrum dedicavit. Nostris temporibus Francisci appellationem tenet.

Imitati laudabilem patris munificentiam Faustus, & Portius, suadente Castriciano, ipsi quoque Deo Opt. Max. templa condidere, quæ dein sanctissi- morum virorum tumulis referta, etiamnum sole- mnibus diebus religiose salutantur, & ab auctori- bus acceptum apud peritos servant adhuc nomen. In antiquis Inscriptionibus alium quoque Faustum dignitate celebrem cernere est, qui Sextumvir, & ab omnibus Decurionibus Augustalis factus, sibi, & Viriæ Maximæ uxori, libertisque suis insignem marmore tumulum struxerit. Vixit Castricianus ad Hadriani usque Imperium, priusquam, quam moreretur, accitis, quos suæ religionis sectatores habebat, multisque precibus, ut in fide permane- rent, admonitis, senex concessit fato.

Defuncto Domitiano, Remp. accepit Nerva, factusque Imperator Consulatum una cum Virgi- nio Rufo gessit. Optimus vir non solum Collegam Virginium, pluries Imperatorem salutatum, veri- tus non est, sed & sua & illius integritate confis- sus, honoribus cumulare hominem, beneficiisque provocare non dubitavit. In municipali ordine apud Mediolanenses præcipuæ auctoritatis tunc ex- titere Vitellii duo, Veranius, & Constans, Sex- tumviri, & ejusdem conditionis M. Attilius Pri- scus. Huic æternum C. Cæcilius commendatione est nomen. Nam cum ipse de Attilii Crescentis causa, uti reor, pronunciaturus esset, quod officii necessitas exigebat, commendavit illi per Episto-

A lam Cæcilius Crescentem, sibi amicum, amænissi- mique ingenii virum, ut Priscus, sive Judex, seu fortasse patronus, nihil sibi ad ejus tutandam rem reliqui faceret. Fuit enim & ipse Attilius Crescens Mediolanensis, & ut tumulus in Ambrosii Cæno- bio nuper effossus indicat, ex Tabulario Palatii vir perfectissimus (gradus hic dignitatis ea tempestate fuit) erat, periitque admodum juvenis, trigin- ta non transgressus annos. Plinius vicino patriæ suæ municipio, nec plus quam diei unius iti- nere distante, ortum scribit; procul dubio Me- diolanum innuens, etsi Novariam alii intelli- gant, quorum errorem veteris tumuli inscriptio arguit.

B Fuere apud Christianos sub Nerva Cæsare quie- ta omnia, quod is legem tulit, ne ob eam religio- nem aliquis supplicio afficeretur, si non alicujus facinoris alia lege prohibiti idem ostenderetur reus. Illius successor, adoptivusque filius Nerva Tra- janus, paulo immitior. Principio omnes Christia- nos puniri est passus, Paulinumque ex sui Præfe- ctis unum, pertinaciæ hujus scrutatorem, Medio- lanum misit. Verum à C. Cæcilio Plinio, qui Consulari potestate Præses Provinciæ Ponti erat, nihil contra Romanas Leges Christi cultores face- re; solum vana aliorum Deorum numina existi- mantes, admonitus mutavit sententiam Cæsar; ac- cusationem permisit; sed extraordinarium inqui- sitionis remedium, quo per Præfectos agitaban- tur, sustulit, iniquo evidenter rescripto, licet priore paulo mitiore. Cum quandoque Mediola- num venisset, mira magnificentia Palatium con- struxisse auctores nostri prodiderunt; eamque opi- nionem secutus est elegantissimus Scriptor Meru- la, nihilo diligentior, ut video, hac in re aliis. Conjectura præsertim hac moventur, quod hodie existet D. Georgii fanum, quod in Palatio nuncu- patur, existitque aliquando illic Trajani Palati- nas aedes ex eo existimant, argumento certe futili. C Fuit eo in loco Luchini Vicecomitis palatium, con- spiciunturque adhuc fundamenta, murique aliqua pars; ab hoc sumpsisse cognomen delubrum illud potius crediderim. Nam quod hodie palatium quo- que media in Urbe vulgo dicitur, recenti opere nihil antiquum habet; in ejus parietibus solæ vete- res duæ mensæ exstant, non ad spectaculum, sed ut hiantia supplerent ab artifice inepto expositæ. Quarum altera C. Attilii Secundi, & Valeriæ Cro- cinæ uxoris inscriptum nomen tenet. Altera longe antiquior dilabascensibus jam notis, Q. Alsatii Triumviri, à quo forte nostra familia, monumen- tum servat. Ex hoc palatio nihil cernere quod ad E Trajanum possit referri; quod si de re cum aliis sentiam, de loco certe est, eritque mihi, donec certioribus signis id exploravero, controversia. Verum hæc utrumque sint, optime certe de Me- diolanensi Republica meritum Imperatorem, ho- nor illi exhibitus testimonio esse potest. Nam in- ter divos relato constituti Flamines, dignum cæ- lesti sede gentium credulitati persuadebant. Perve- rustum est in Divi Petri æde Bergomi marmor, quo immortalitati commendatus legitur C. Corne- lius Minicianus, cum militum Præfecturis, Tri- bunatibusque præinsignis, tum duobus Sacerdotiis longe nobilior. Quod Mediolani Divi Trajani apud Bergomum Divi Claudii Flamen esset. De- functus hoc Principe Virginus, maximumque Ci- vibus sui desiderium moriens reliquit. Habebat in Mediolanensi agro Villam Albiensem, Cæcilius Plinii possessionibus vicinam. Ibi solitus habitare, senectutis suæ nidulum appellabat, quod ea seces- sione à publicis negotiis procul sævam Domitia- ni tyrannidem, bonis omnibus infestam, evase- rat. Assumpto ad Imperium Nerva Romam re- versus tertio Consulatu cum Imperatore functus est.

est. Cum vero quartum Consul Trajani suffragio designatus esset, acturus gratias in Senatu, constitit, fallenteque vestigio fracta coxa, cum ob senectutis vitium male ossa coiissent, ea valetudine pressus, plenus annis, plenus honoribus periit. Laudatus more majorum à Cornelio Tacito tum Consule, ut hoc gloriae etiam accesserit, quod eloquentissimum mortuus habuerit suarum laudum praëconem. Publico elatus funere, in patriam dein, quod iusserat, ita translatus, ut in sua villa sepulturae mandaretur. Tradit Dion, & Cæcilius, hæredi inprimis præcepisse eum, ut sepulchro hujusmodi inscriberetur carmen:

*Hic situs est Rufus; pulso qui Vindice quondam
Imperium asseruit non sibi, sed patria.*

Quod cum hæres in decennium usque distulisset, conqueritur Cæcilius tanti viri iussa à negligentissimo hærede non capesci, quod is, cujus fama toto orbe terrarum celeberrima vagaretur, ignotus tamulo ad eam usque diem latuisset. Benemeritus erat de Cæcilio Virginius, fueratque ei à patre datus testamento Tutor: quapropter crediti suæ fidei adolescentis dignitatem maxima sollicitudine semper auxit; sibi ipsi eum Nænam composuisse facile adducor ut credam, quod & litterarum studiis apprime eruditum ostendunt, quos senex scripsit de Rhetoricis libros, Fabii quoque Quintilianii iudicio multum commendatur; ea tunc majorum nostrorum fuit diligentia, ut rei militaris scientiam litterarum cognitioni jungerent. Hac in ætate, ut in aliis plerisque, inferiori, non ejusdem esse existimantur. Celebravere ejus viventis gesta M. Cluvius Rufus, longeque elegantius Plinius Secundus Senior, qui in *Historiarum* libris de Virgini rebus scripsit. Felix ipse admodum, qui sua de se posteritas quid sentiret, vivens cognoscere potuit. Nos infelicissimi, quibus tam præclara domi militiaeque facta cum Commentariis interierunt; ut mihi ex Plutarcho, Dione, Tacito, Cæcilioque aridissimis plane rivulis ea sparsim dicta colligere necessarium exstiterit, quæ ex amplissimo auctore Plinio fuerant decerpenda.

In precio hac ætate Cæcilius quoque Plinius Novocomensis fuit; eruditissimi floridique *Epistolarum* Operis auctor, nec minus multis sibi à Trajano concessis honoribus nobilis. Libet referre latissime cujusdam marmoreæ mensæ inscriptionem, tum quod in ea suorum ipse Magistratum quidam quasi nomenclator est, tum etiam quod in Mediolanenses præcipuam ejus largitionem ostendit. Hæc est hujusmodi:

C. PLINIVS LVCI FILIVS, OLIM VETERI FAMILIA, CAECILIVS, AVGVRS, LEGATVS, PROCONSVL, PRAESES PROVINCIAE PONTI, CONSVLARI POTESTATE IN EAM PROVINCIAM, ET IMPERATORE CAESARE NERVA, TRAJANO AVGVSTO GERMANICO; CVRATOR ALVEI TIBERIS, ET RIPARVM, ET PRAEFECTVS AERARII SATVRNI, PRAEFECTVS AERARII MILITVM, QVAESTOR IMPERATORIS, SEVIR EQVITVM, TRIBVNVS MILITVM LEGIONIS VI. GALLICANAE, DECENVIR LITIBVS JVDICANDIS; THERMAS ADJECTIS IN ORNATVM SESTERTIIS TERCENTIS, ET

EO AMPLIVS IN TVTELA, SESTERTIIS DVCENTIS TESTAMENTO FIERI JVSSIT; ET LIBERTORVM SVORVM NOMINIBVS SESTERTIORVM DECIES MILLIES NONINGENTORVM SEXAGINTA SEX DEDIT; CENTVM QVINQVAGINTA SEX REI INCREMENTVM POSTEA AD EPVLVM PLEBIS VRBANAEOVLVIT PERTINERE; HIS DEDIT IN ALIMENTA PVERORVM, ET PVELLARVM PLEBIS VRBANAEO SESTERTIA CENTVM; IN TVTELAM BIBLIOTHECAEO SESTERTIA CENTVM.

Hic est splendidissimi municipis titulus nostra diligentia restitutus in lucem. Nam Veteres illi nostri, cum litteræ, bonæque artes barbaris armis cessissent, rudes penitus, quid ea mensa contineret, quod ingentis magnitudinis eam videbant, in quatuor secuerunt partes, compositamque in Divi Georgii ædícula, quæ in Ambrosiano delubro est, pro cenotaphio reposuerunt, ita in commissuris scalpello exesis notis, ut quandoque integer ordo desideretur. Verum nos ex quibusdam vestigiis conjectati (nisi fallimur) Veterum incuriam nostra sollicitudine redemimus, quodque in ea præscriptis litteris annotatum erat, maluimus hic integre referre, quod suspicabamur fore, ut plerique, quamquam docti, minus eam intelligerent. Bibliothecæ autem curam fuisse Cæcilio vel ob hoc testimonium in promptu est, quod litterarum studia quammaxime tum Mediolani flourerent, præceptoresque de publico conducti etiam vicinorum municipum liberos instruebant; quam commoditatem civibus suis non fuisse Plinius ipse quadam epistola testatur. Cæterum & alius ejusdem tumulus in Orientalis Portæ fornicibus conspici potest, quo sibi, & Cæcilio patri, uxori que suæ Calpurniæ memoriam vivus posuit. Saxum ipsum vetustate tam corrosum est, ut quædam in eo verba vix possint cognosci. Non me latet præterea auctorum consuetudinem esse, ut inscripta marmorum monumentis eulogia continuo præsertim ductu referantur. Sed quoniam & hoc quandoque à Plinio Seniore, ut in Trophæo Augusti de Alpini gentibus, factum est, & rerum ejus ætatis penuria vel faxe testimoniis ableganda est, æquum videtur esse à benigno facilique lectore mihi veniam concedi; nec tamen eam fidem hisce Inscriptionibus adhibendam esse duxerim, ut, quod aliqui faciunt contra omnium auctoritatem, hoc argumento ducti quicquam innovemus. Scripsit Tranquillus, Eusebiusque Seniore Plinium patria Novocomensem fuisse; negare hoc ausi sunt recentiores quidam, eo maxime loco opinioni suæ confirmati, quod Veronæ Secundorum familia fuerit, unicumque marmore inscriptum illic extet epigramma, Plinii mentionem referens. Sed hi, velim, mihi dicant, num & hac ratione Cæcilius Mediolanensis esset; quod ut affirmare vani hominis, ita credere insanientis prorsus est; atqui nec in antiquis Veronensium memoriis familiaris Secundum, sed ordinis nomen esse Doctores credunt; quo fit, ut in totius Insubriæ, Venetiæque vetustis tumulis vox hæc sapissime occurrat. At, inquit, sese Catullo Plinius ipse contraneum dicit. Quod argumentum etsi aliis alii confutent modis, mihi certe haudquaquam multum ad rem facere videtur. Eos esse contraneos, qui ejusdem territorii sunt, vulgo cognitum est;

est; at hoc nomine eos appellari Juris Civilis auctor Pomponius de Verb. Signific. tradit, qui sub iisdem fascibus eodem Magistratu gubernantur; non quidem à terra deducta, ut quidam opinantur, voce, sed à terrendo, quod ejus loci Magistratus intra eos fines terrendi, id est, summovendi jus habeat. Cum igitur omnis Cisalpina Gallia uni Proconsuli subesset, universi ejus populi recte conterranei, ejusdemve territorii dicuntur. His accedit, quod antiqui Codices Comensi Italiae Seniores Plinium civem asserunt, ut parum omnino ju-

are faciant, qui levissimis rationibus Eusebium, Tranquillumque (Dii boni, quos auctores!) incuriae damnent, qui totius Europae notarios contra Veronenses conspirasse in *Naturalis Historia* titulo affirmant, qui diversa ab Cæcilio patria avunculum Plinium re minime verisimili tradunt; cum praefertim Comi complurima adhuc exstent hujus gentis decora, non sororis filii tantum, sed & Plinii alterius, qui medicina insignis fuerit, tum Calpurnii Fabati, aliorumque, quorum mentio ipso Plinio quandoque habita.

A N D R E A E A L C I A T I,

7. C. C E L E B E R R I M I,

R E R V M P A T R I A E,

S E V

HISTORIAE MEDIOLANENSIS,

L I B E R III.

E P I T O M E

L I B R I III.

Hadrianus Mediolanum divertit. Salvii duo Juliani 7. C. Mediolanenses. M. Antoninus post pluviam à Christianis exercitui impetratam eisdem favet. Prothasius & Oribasius Valeria ex Vitale filii, Nazarius & Celsus, & Valeria Mediolani martyrio coronantur. Silvanus ab Insubribus cultus. Kalimeri successor Castutianus à Telephoro Pont. Rom. consecratur. Bacchanalia unde deducta? Julianus Imperator ex Didia familia Mediolanensi. Salvii Juliani decreta ad Edictum Severus rescidit. Geta ejus filius Mediolani ortus. Philippus primus Imperator Christianus. Auctor vidit senem vegetis sensibus annos centum sexdecim habentem. Monas Kalimero sufficitur, qui post multa secula Eriberto Archiepiscopo corpus suum indicat. Decius Christianos cruciatibus vexat. Pestis in Insubribus. Post Monam sacris praeficitur Mirocles: ejus precibus pestis evanuit. Aureolus Imperium invadit. Gallienus Mediolani occiditur. Aureoli occisi prope Mediolanum sepulcrum. Germani in Lucana valle deleti. Mirocletis successor Prothasius. Aurelianus Marcomanos ab excidio Mediolani submovet: ejusdem gentis origo; de iisdem Aureliani victoria. Sophia cum tribus puelis martyrio mactata. Littera Senatus Romani ad Mediolanenses de recuperato eligendi Imperatoris jure. Carus & Sebastianus qua ratione dicuntur Mediolanenses? Carinus triclinia rosis Mediolanensibus insternit. Prothasius Epiphanium Ticini Episcopum consecrat. Post Prothasium succedit Maternus. Maximianus Imperator an Mediolanensis? cum Diocletiano Mediolani commoratur: Thermas exstruit: Imperii habenas deponit. Mauritius Alexander Bergomi, Victor Mediolani, Nabor & Felix apud Laudem Pompeiani ob Christi fidem securi percussi. Sabina matrona postrema duo corpora Mediolanum advexit. Mos coronandi Imperatores Mediolani an à Maximiano incoeperit? Sebastianus Martyr epidemia propulsator à populis cultus. Caesares quinam in Imperio dicuntur? Enstorgius Gallo-Gracus cor-

pura Trium Magorum Mediolanum ex Constantino poli desert. Antistes efficitur. Tumulo Crispi Faustae Imperatricis fraude necati infertur. Circus Mediolani an à Galdino destructus? Decurionum Mediolanensium varia Inscriptiones.



ost optimi Principis Trajani mortem, annitente Plotina ejus uxore Aelius Hadrianus Romani orbis fræna suscepit. Ex Urbe Roma quandoque is Mediolanum divertisse traditur, dum superatis Alpibus frigoris & laboris juxta patiens in Germaniam contenderet, atque ut militaris disciplinae scientificus erat, ita etiam pacis munera in judiciis civilibus diligenter obivit. Institutum ab eo est, ut quatuor Consularibus Viris omnis Italia regeretur, & suis unusquisque populis pro Tribunali redderet jura. Sic Cæsari Legato Insubres parere coeperunt, cum Divi Augusti beneficio Magistratus solum municipales prius agnoscerent. Constituit & in oppidis quibusdam Reip. Curatores, è quibus P. Clodium Suram Comensibus dedit, ut ex veteris tumuli inscriptione in Faustini delubro Brixiae ostenditur. In consilio ejus judicanti adstitit Salvius Julianus Didii, qui postea Imperium auctionatus est, avus, patria, ut ex Spartiano, Eutropioque constat, huic Mediolanum; fuitque tum inter Jurisconsultos princeps, etsi quædam ejus responsa, ad quorum præscriptum etiamnum vivimus, exstent; longe tamen, quam quæ ad nostras manus pervenerint, plura conscripsit, ut *Digestorum* nonaginta libros; de *Ambiguitatibus* unum; *Ad Minutium* sex; *Ad Ursejum* quatuor; tum etiam edicta Prætorum, qui varie jus dicere solebant, in unum collegit, interpretatusque est; ut non annuæ, quod prius, sed perpetuæ leges essent. Quæ res ambitiosis Judicibus jura subinde pro libidine mutantibus gratiam sustulit. Has ob egregias virtutes cum

eum amicum & virum clarissimum appellarunt Divi fratres, & sublimissimum testem, summæque auctoritatis hominem fuisse, quadam Constitutione Justinianus Cæsar attestatur; alioquin & prudentiæ suæ non modica præmia consecutus, qui semel atque iterum Consulatu, tum Præfectura Urbis functus sit. De patria ejus etsi nemo est, qui dubitet; tamen & familiam ipsam Mediolanensem existisse antiqui operis monumenta indicant. Contigua est Sebastiani fano in hac Urbe lapidea arca, quæ Solliæ Salviæ adscriptum nomen tenet. Sunt & non absimiles aliæ complures memoriæ, quas utique hic referre supervacaneum existimo.

Vixit & ejusdem nominis & professionis alius; paulo tamen junior, quem ineruditiores quidam pro superiore accipiunt, cum procul dubio Salvii duo exstiterint, quorum Juris Civilis uterque peritissimus fuit. Superiori sane ætate in Ægypto statua quædam Græco epigrammate insignis reperta est, quam in Juliani Jurisconsulti honorem fabricatam verisimillimum esse nemo non dixerit, hujusmodi carminis sensu:

*Julianum Beroe leges mirata docentem,
Romaque Diis possunt omnia dixit agi.*

Sortitus enim horum fortasse alter Ægypti Præfecturam est; & quoniam optime se in Reip. administratione gesserit, virtutis integritatisque suæ pretium, Statuam publico consensu est meritis. Nam Divi Augusti lege Ægyptus in Provinciæ formam redacta ab Imperatoribus Romanis Præfectos accipiebat, quos à legis auctore *Augustales* appellare Antiqui solent. Legimus & Salvium Divo Pio, qui Adriani successor fuit, in precio ob legum prudentiam habitum; ut & hic dubium sit, seniorne, an secundus ille Julianus fuerit, Antonino tantopere gratus.

Cæterum per id tempus quamplurimos hujus nominis per celebres crediderim, cum in templi maximi vestibulo Brixie antiquissimum Vibie Salviæ monumentum legi possit, quo pientissima fœmina sibi & filiis suis Paculo, Salvioque Julianis tumulum ad perpetuam memoriam struxit. Maxima quoque apud posteros gloria dignus Mystes quidam Julianus, qui de ritibus sacrorum scripsit, & tam egregiæ in divinis operibus eruditionis fuit, ut siti per euntibus Rom. legionibus à Deo Opt. Max. pluvias impetraverit, quibus epotis præsentaneam mortem evaderet miles. Christianæ hunc religionis virum, & sub Marco Philosopho floruisse opinari libet; quoniam apud alios rerum scriptores Marcum legere memini, cum una cum filio Marcomanis inferret bellum, eamque ad inopiam pervenisset exercitus, ut aquæ penuria periclitarentur omnes, militis Christiani precibus exoratum largissimos imbres Deum effudisse. Quapropter optimus Imperator nedum in hanc religionem inquiri, ejusque professores edicto vetuit accusari, sed & in adipiscendis honoribus ejusdem conditionis cum exteris esse jussit; cum tamen prius eos atrocibus poenis foret persecutus. Nam subolescente hujusce belli mole adversus hostes primum misit Astatium (quod dignitatis nomen erat) Comitem. Hic cum Mediolani constitisset, profani cultus impellente turba, Prothasium, Oribasiumque Valeriæ ex Vitali gemellos partus Deis gentilibus, ut sacra facerent, compellere adnixus est. Quod cum mira animi constantia uterque renuisset, plumbatis Oribasius, capite Prothasius cæsi inter Christianorum divos relati æternum servant nomen. Eorum cadavera clam Philippus quidam, tum dives & opulens, intra domus suæ tecta sepulchro mandavit, libellumque hujus rei indicem tumulo imposuit, quem se legisse Ambrosius auctor est. Astatium tunc Comitem ab Augustis missum is tradit, ut non id sub Nerone factum, (quam vulgatam opinionem su-

pra falsam convicimus) sed Marco, Lucioque divi fratribus in Imperium assumptis credere necessarium sit, cum tum primum duo Augusti regnaverint, Marcomanosque agitaverint bello. Quæ sententia si vera sit, Philippum quoque illum eodem tempore vixisse credendum est; tamen si crebriorem secutus in hoc aliorum opinionem, Neronis tempore eum existisse prodiderim, nisi ab illo diversus hic ex nepotibus fortasse; quod veteri lege gentiles simul cognomines traduntur.

Cæterum eadem tempestate Nazarius quoque & Celsus ultimo supplicio affecti sunt, eadem delati noxa, quod Deorum sacra contemnerent. Testis indignissimæ eorum necis est extra Urbis Portam, cujus Ludovicæ nomen in præsentia dicitur, locus, qui à veteribus *Trium mororum* appellationem tenuit, nunc Celsi delubro sacer omni populo venerabilis est. Antiqui nominis causam tres mori arbores quidam opinantur, quod patrum nostrorum memoria etiam ibi frondescerent. Ipse tres Maurorum imagines lapideas potius existimaverim; nam adhuc in Portæ ipsius fornicibus vicino loco translata illic visuntur. Arbores enim hoc ætatis vivere naturæ leges non sinunt. Quod si miraculum id pro divino testimonio est, cur perpetuum, ut per ora hominum æternum vigeret, non permansit? Dii quidem, etsi omnia possint, malunt tamen majore in negotio potestati suæ indulgere. Et hæc de Nazario dicta sint satis.

At Prothasii mater Valeria, cum defuncto Ravennæ marito Mediolanum rediret, Sylvano aggressibusque Diis sacra facientes quosdam offendit, à quibus, quoniam se Christum sequi falsa erat, tam acriter verberata est, ut ægre triduo supervixerit. In maxima enim veneratione ab Insubribus Sylvanus habebatur, ut in Divi Donati pago, qui ad quartum ab urbe distat, adhuc existet Stylobates, quem voto solutus libero munere M. Magius Hermes Sylvano dedicavit. Sed & tum veri salutis publicæ auctoris Christi numen indies augescebat, procurante præsertim populi redemptionem Kalimero. Successor hic Castriciano certantibus omnium studiis destinatus erat, atque patria Romanus, degenerante tum in Græca nomina Urbe, fuisse traditur. Mirum dictum, quemadmodum hic ad Antistitis dignitatem designatus fuerit. Sed tamen plurimi auctores consentiunt, cum Romæ vivis aquis à Faustino & Jovita pro Christiano more ablueretur, auditam de Cælo vocem ad Romanum Pontificem Telesphorum deduci hominem jubentis; tum & illud mandatum, ut Mediolanensem Præful ordinaretur. Quo demum officio cum per quinquaginta tres annos esset maximo cum honore functus, pridie Cal. Sextiles ad cælestes fortunatorum cœtus migravit, memoriaque ejus hujusmodi die nostris quoque temporibus celebris habetur.

Marco Imperatori, quam ad superos viam recte vivendo affectaverat, capescenti successit filius M. Commodus impurissimus vir, quo nemo adversus atque aversus impudentior habitus est. Salvii Juliani, qui eo tempore exercitibus præerat, filium ob ætatis florem frustra tentatum eo odio persecutus, ut patri etiam ejus causâ insidias quotidie moliretur. Interim & in illum non pauca conspirationes factæ; ab insignis audaciæ latrone Materno quoque appetitus fuit. Is in Gallia miles, qui desertis castris perditorum hominum maxima manu comparata incursionibus variis Gallias Hispaniasque vastaverat; cumque maleficia hæc non impune se laturum cognosceret, magnum aliquid invadere decrevit. Quare communicato cum sociis consilio, seorsum alii ab aliis in Italiam compendariis quibusdam itineribus festinaverunt, ut improvisum Imperatorem nacti in eum grassarentur. Id igitur insi-

insidiarum tempus sunt commenti. Veris initio pompam magnæ Deorum Matri Romani celebrabant; quo die quicquid magnificum seu arte, seu materia erat, in publicum exhibebatur, ut ante Statuam Deæ perferretur. Homines ipsi ludicris incumbabant, personasque, ut cuique libitum fuerat, induti per Urbem vagabantur, Magistratumque figuras etiam assumebant, vix à veris quicquam differentes. Existimavit igitur Maternus idoneum hoc tempus, quo protectoris indutus personam Commodum interficeret. Verum ante præstitutam facinori diem à sociis proditus capite pœnas luit. Sane hujusce festi imaginaria quædam observatio in hanc diem per Insubriam omnem viget, cum appetente Vere ante quadraginta ex Christi lege dictos jejuniis dies, juvenes diversis personis tecti incedunt, lusibusque & jocis operam dantes, non tam ad Cybeles quam ad Sacra Veneris ea licentia abutuntur, sive ante januas cum matronis, quod tecti sunt, inverecundius loqui, sive cum his choreas, saltationesque agere malint. Sed & hæc choreæ, ut verisimillimum est, à magnæ Matris sacris originem traxerunt.

Cæso igitur Materno, licet Commodus ad omnem suspicionem pronus esset, tamen haud multo post Martia ejus Concubina, & Q. Ælio Læto Præfecto Prætorio id machinantibus, veneno primum, mox cunctante anima gladio attentatus est, atque in ejus locum subrogatus P. Helvius Pertinax in Apennini Villa, quæ Martis dicitur, natus. Fuit hic Didio Juliano in Consulatu Collega, & in administratione Africæ successior. Quamobrem cum Julianus filiam per sponsalia affini suo junxisset, & hac de re certiore Pertinacem fecisset, dixisse eum ad generum quidam tradunt, ut Juliano debitam reverentiam exhiberet, quod & suus Collega & successior esset. Verum hæc sanctissimi senis verba pro Imperii omine accepta sunt. Nam Prætorianorum militum scelere, infcio tanti facinoris, ut Spartianus & Herodianus scribunt, Juliano Pertinax cæsus est, delectusque militum consensu ipse, cum id prius Pertinacis focer Sulpicianus ambisset. Dion Mediolanensem Julianum fuisse tradit, & in patriam, cum ob ingentes pecunias novissemper rebus studeret, à Commodò relegatum. Herodianus crapulæ deditum, vitæque parum continentis hominem existisse. Contra Ælius Spartianus Rom. scriptor, atque adeo gravioris auctoritatis, nihil minus, quam his vitiis eum laborasse prodidit; quinimo in Imperatoria Majestate humillimum, in conviviis humanissimum, ad libertatem moderatissimum, in jure dicendo benignissimum fuisse auctor est. Hæc Græcorum fides, qui, dum historiam scribunt, nihil est, quod mentiri non audent. Didiam plane gentem Mediolanensibus vindicat M. Didius Marcellus in Nazarii vestibulo inscripto tumulo conspicuus; et si alia quoque hujus familiæ decora in Urbe sint, quæ antiquariis curiosisque id genus viris dicenda relinquimus. Educatus est Julianus apud Marci Imperatoris matrem Lucilliam; hinc ejus suffragio inter viginti viros electus; deinde Quæstor ante legitimam ætatem designatus est; nec Marcus illi defuit; siquidem eo adjuvante Ædilis factus, & Prætor, Legatusque demum in Germania fuit legionis xxii. Primi-geniæ, cui diu summa cum moderatione præfuit, resque memoria dignas, subactis, qui fluvium Albim accolunt, Chaucis, gessit. Quapropter Imperatoris judicio ob merita ad Consulatus dignitatem sublati sunt. Debellati etiam Catti; dein illius armis Dalmatia primum, & postea cum illi obtigisset inferior Germania, defensæ sunt, & de finitimis hostibus vindicatæ. Fuit & Provinciæ Bithyniæ Præses, quam non eo nominis incremento administravit, quo post paulo Africam, cum Procon-

A ful in ea datus foret. Uxorem habuit Malliam Scantillam; sed & filia illi Didia clara; utramque Senatus Augustam dixit. Adversus eum res novas primus molitus est Antiochiæ Pescennius Niger; mox in Illyrico P. Septimius Severus Afer, qui cum summa celeritate cum exercitu Romam properasset, citra pulverem, quod dicitur, Imperator dictus est, abrogataque Senatusconsulto Juliano est dignitas, & inde à milite gregario cæsus, nemine eum defendente; nam Prætoriani, qui promissorum spe eum Imperatorem fecerant, per ignaviam summumque dedecus dilapsi miserum senem deseruerunt.

B Diffusius hæc apud alios habentur; nobis sat fuit paucula delibasse, vel ob hoc saltem, ut Civem nostrum à Græcorum calumnia vindicaremus. Sepultum ejus corpus in Lavicana via est, ad quintum miliarium, in avi sui Salvii Juliani monumento. Hujus viri famæ, quod ex Didii progenitoribus esset, Severus quoque infensus, ejus decreta jussit aboleri; sed Augustæ legi prævaluit operis utilitas, & nihilominus in judiciis Salvii auctoritas observata est.

C Igitur Severus, antequam ad summum gradum evheretur, privata adhuc fortuna Juliam uxorem duxit, quod Mathematica ratione in genitura habere eam cognosceret, ut Imperatoris fieret uxor, & parens. Natus ex ea illi filius M. Antonius Geta, quem vi. Cal. Junias Severo & Vitellio Coss. Mediolani eam peperisse Spartianus auctor est; vix dum in lucem edito infante in aula purpureum ovum gallinam effudisse nunciatum fuit; quod cum jubente Julia allatum Bassianus (ex Severi filiis major hic natu) quasi puerili joco terræ allisisset, dixisse Juliam ferunt, *Cur maledictæ parricida fratrem occidisti tuum?* Quæ verba Severus audiens, futuri mali omen accepit; idem & complures, qui officii causa aderant, agnovere. Præfagium & illud evenisse traditur; in Antonini cujusdam ex plebe hominis villa, vellere in fronte coccineo, eadem, qua Geta, hora natus agnus, & domino ab Aruspiciis responsum, *Post Severi mortem fore, ut Antoninus regnaret;* quod cum sibi vir ille portenderet, veritus, ne re palam edita in aliquam prius calamitatem incideret, agnum gladio transfodit. Manifesta nimirum signa, ferro adigendum ab Antonino Getam; quæ quidem eventu nequaquam caruere. Nam Severo in Britannia mortuo inter Bassianum & Getam ejus filios tanta discordia orta est, commitentibus præsertim eos aulicis, ut nihil fere alter approbaret, quod alteri confestim non displicuisset. Quamobrem præcepta occasione Bassianus derepente Prætorium fratris ingressus eum interfecit.

E Sed & ipse hujusmodi delicta retaliantibus factis ab Opelio Macrino cæsus illi Imperio locum fecit. Opelium, ut morte pœnas daret, improbus improbum Alagabalus coegit. Fuit hic impurissimus Imperator Cajos, Neronis, Commodos sceleribus provocans. Cum privatus esset, Alexianus vocabatur, sed cum Dei, quem Phœnices Alagabalum vocant, & nostri Solem interpretantur, Sacerdos fuisset, id sibi cognomen assumpsit, in eamque prorupit insaniam, ut Deo illi suo matrimonio jungere uxorem quæreretur. Palladem, mysticum Romanorum numen ab Ænea in Italiam advectum, conservatumque maxima cura, amovit sedibus, & tanquam ejus conjugem in Palatinas ædes adportavit; mox præfatus belligeram uxorem Alagabalo non convenire, quasi facto divortio aliam induxit. Urania ab Afris colitur, quam Phœnices Astroarchen, Lunam esse dictitantes, appellant. Ejus simulacrum Carthagenensibus, omnique Africæ venerabile à Phœnissa Didone positum vetus fama promulgavit.

Congruere igitur Solis & Lunæ conjugium Imperator existimans, ejus statuam prope Alagabalum constitui jussit; tum edicta non ad Insu- bres solum, sed per omnem Italiam missa, ut ubique celebres festique dies publice & privatim agerentur. Diis ipsis nuptias celebrantibus. Hæc & hujusmodi quamplurima cum fecisset Imperator, tandem una cum Soæmide matre, quam Semiamiram alii vocant, impudicissima foemina, militum Prætorianorum gladiis confossus est, conso- brinusque illius Aurelius Septimius Alexander de- lectus in Augustum, cum jam antea Cæsar appel- latus esset. Alexandro Maximinus non ob forti- tudinem, militaremque disciplinam, cætera bar- barus homo, successit; quem à Senatu Imperatores dicti Maximus, & Balbinus, Gordianusque exce- pere. Gordianum juniorem strenuissimum adole- scentem Philippus Prætorio Præfectus fraude ag- gressus est, hacque potissimum ratione Augustalem sibi majestatem asseruit. Primus hic Christianorum professionem secutus traditur; ex eo quoque memo- rabilis, quod hoc Principe millesimum urbs Ro- ma annum attigit. Quamobrem Circensia munera cum sæcularibus ludis magnificentia inæstimabili celebrata sunt. Ivere per Insu- biam, Æmiliam, Venetias, cæterasque Italiæ regiones undique tubi- cines, qui populos ad eorum ludorum spectacu- la vocabant, quos alias nunquam visuri essent. Re- petuntur enim sæculares ludi centesimo quoque anno, qui vitæ humanæ terminus est: etsi in Ver- bani pago Malcorabia fabrum ipse his diebus vide- rim centum & sexdecim annos agentem, non in- tegris solum sensibus, sed & tam vegetum, ut ferream quadrupedi solem parvo negotio appone- ret; cujus rei etiam universa illa regio testis est. Et hæc quidem obiter.

Cæterum his diebus Monas divini in Urbe cul- tus Kalimeri successor, cum tres & quinquagin- ta annos dignitatis Pontificiæ munera administraf- set, ad superos cursum tenuit. Defuncto hic Ka- limero, cum una, quicquid Christiani nominis Mediolani erat, convenisset, ambigerentque, quisnam potissimum Præsul designandus foret, Deum maximo precati, ex his, qui aderant, unum Monam aspiciunt, augustiore forma, & aureum quoddam præ se specimen ore afferentem; tum vox incerto auctore audita, dignum honore Monam; quam exteri profecuti idem acclamarunt. Accede- bat his, quod & alios fere nobilitate anteibat; quo- circa alacrius ingeminabant, obtestabanturque, se exorabilem præstaret. Contra ille fortius renuere, indignum se tanto honore prædicare, nec ferendo oneri satis firmum. Sed incassum sanctissimus vir nitebatur; integritas ejus, cum paternis indigentibus opes ob pietatem dispensavit, omnibus nota, nullum effugium habebat. Ergo, quod necessarium fuit, præstito consensu, sacrorum assumpsit curam, diligentissimeque gessit; vicos, castra, præfectu- ras, & per Insu- biam, Liguriamque oppida omnia lustravit, ut in his aberrantes populos veram re- ligionem doceret, exemplo suo hortaretur. Vi- gebant tunc Valentini & Cerinthi reprobas opi- niones secuti quamplurimi, quas de hominum pe- catoribus sacratissimus vir evellere conabatur. Con- cessisse fato VIII. Cal. Apr. crebrior auctorum sen- tentia est. Dacius Calend. ipsis Aprilibus mavult. Clam sepulchro illatus, quod ita veritus profano- rum furor moriens mandaverat, lateretque ad- huc ignotus tumulo, ni se ipse Eriberto longo intervallo successor (res mira) noctu demonstraf- set. Ad Vitalis delatus IV. Id. Oct. religiose co- litur. Regnaverat jam quartum annum Philip- pus, cum obiit Monas. Cæterum & ipse trien- nio fere post Q. Decii Trajani factione oppressus in humanis agere desuit.

A Decius ipse Populi Romani, Senatusque amo- rem meritis, majoribus præconiis celebraretur, si modo sanguine Christianorum non temerasset manus, eos atrocibus edictis in Philippi contu- meliam undique vexans, & ut exquisitissimis pœ- nis omnes torquerentur, ubique fere inquisitiones acerrime vigebant. At Mediolani maxime misera- bilia tormenta agebantur; alios equuleo plesti cerneret; quosdam torreret flammis; hos flagra, illos pugiones quoque conficiebant. Nihil non tentatum, quod sævissimus carnifex in Principis gratiam potuerit excogitare; sed brevissimum hu- jusmodi Augusto Imperium vindices superi con- cesserunt. Vix biennium dominabatur, cum C. Vibii Treboniani Galli prodicione, qui illi succes- sit, à Scythis victus, facinorum pœnas dedit. Gallum Æmilianus superavit; ipse demum à militibus, cum Valerianum Senatus elegisset, de- collatus. Horum principatum insignis generis humani clades cognitum posteris fecit. Siqui- dem non Insu- biam tantum, reliquasque Italiæ partes infecit pestilens aer, sed universum terra- rum orbem pari contaminavit clade.

Sacrorum curam Mediolani agebat Mirocles. Vir hic in divinis admodum eruditus, vitæque sanctitate spectabilis erat. Ejus precibus non pa- rum morbidæ ejus pestis ab Urbe profligatum creditur. Valeriano infelici eventu à Persis cap- to, Valerianus junior, & Gallienus Imperatores dicti sunt. Gallienus egregii militis, Ducisque principio nomen meruit; sed dein ad delicias la- psus, exfurgentibus undique Barbaris, Tyrannif- que, Romanum pæne orbem, certantibus fortu- næ virtutisque studiis, partum amisit. Dux erat Illyriciani Limitis Aureolus, in suscipiendis nego- tiis impiger, obeundisque admodum strenuus. Hunc reluctantem admotis jugulo gladii purpu- ram assumere milites coegerunt. Cum ita negli- genter se Gallienus ageret, ut omnia citra ejus au- ctoritatem gererentur; sumpseratque jam in Asia Imperium Macrianus una cum filiis orientalis exer- citus judicio ad eum promotus gradum, quod sa- pientissimus, ditissimusque sui temporis omnium Ducum habebatur, etsi consilia ejus interverterit fortuna; nam cum Præfecto Aureoli Domitiano manu conferta fusus, ipse cum uno ex filiis, & quindecim interemptus est virorum millibus; quæ superfuerant legiones, triginta pugnatorum millia Aureolo accesserunt. Igitur tot auctum subsidii cum frustra Gallienus expugnare virum fortem ni- teretur, conventionibus bellum diremit; sed tamen parum fida, & utrinque suspecta pax secuta est. Non longe à Mediolano Aureolus cum exercitu tra- hebat moram; quamobrem tumultuarii Principis gravem adventum Gallienus indies formidabat. Hu- jusce rei conscius Dalmatarum Dux Cecropius no- mine ad eum profectus subdola oratione narravit, adventare cum legionibus Aureolum. Credidit hoc Imperator, & convocatis militibus, adlocutioneque firmatiseorum animis, quasi ad certi prælii subeun- dam fortunam procedebat, cum in itinere juxta Mediolanum incautum Cecropius aggreditur, & tru- cidat. Factum id Aureoli consilio quidam rerum scriptores opinati sunt. Nos Marciani, & Heraclia- ni jussu, qui Claudium elegerant, facinus au- sum accepimus, & constantior hæc est sententia. Occiso Gallieno, ut fratris fortem æmuleretur pe- remptus quoque Valerianus est, & Claudii jussu sepulchro ejus inscriptum, *Valerianus Imperator*. Nam ipse juventutis se principem in numismatis attestabatur. Orosius Gallienum Mediolani inter foeminas lascivientem occisum auctor est. Sed u- trumque res se habeat, illud constat, post ejus mor- tem Aureolum Imperatoris nomine jam à militi- bus nuncupatum Mediolani consedis- se, fuissetque ejus

ejus vita diuturnior, si non illi hostem Claudium à cæteris legionibus Imperatorem salutatum fata objecissent. Occisi Tyranni gloriam Aureliano, qui postea imperavit, alii tribuunt. Sed & in eo quoque dissentiunt auctores, quod invito Claudio pugnatum quidam tradunt, aliqui ab Imperatore Aureliano superatum; at vero cum Claudii Dux esset, ejus jussu armis certatum, cæterorum consensu proditum est. Priorem opinionem adjuvat elegans epigramma, quod Græco sermone Tyranni tumulo adscriptum fuit. Ab urbe XVI. distat oppidum in Fulcheriis insulis Abduæ fluvio vicinum, quod corrupta voce *Pontiololum* vulgus vocat. Pontem Aureoli fuisse nominis similitudo arguit; ab hujus morte, sepulchroque, inditam pago appellationem auctores quamplurimi scribunt. Addit Trebellius Carminis sensum, ab inepto quodam litteratore sic Latine expressum:

*Dona sepulchrorum victor post multa Tyranni
Prælia, jam felix Claudius Aureolum
Munere prosequitur, mortali & jure superstes,
Vivere quem vellet, si pateretur amor,
Militis egregii vitam qui jure negavit
Omnibus indignis, sed magis Aureolo.
Ille igitur clemens, qui corporis ultima servans,
Et pontem Aureoli dedicat, & tumultum.*

Auget, quam diximus, viri dignitatem antiqua alia, marmoreque insignis Inscriptio C. Pupii Tironis, quam sibi, atque uxori Tertullæ, parentique Alitiæ vivus monumentum posuit, ut ab antiquis regionem eam quoque plurimum cultus accepisse conjectura capesci possit, non Aureoli solum, sed & tumultis aliorum perquam illustris. In Tyranni hujus morte repugnant alia etiam ratione Veteres, apud quos non ab hoste superatum, sed à propriis militibus cæsum legere est. Cui opinioni ut accedam, illud maxime impellit, quod prioris sententiæ auctor Trebellius Pollio adeo aperte in Constantii Cæsaris gratiam Claudio favet, ut ejus mihi fides suspecta sit. Fuit alioquin ille optimus Imperator, & vir ad delendos Barbaros natus. Irruperant in Italiam Alamanni, ducenta armatorum millia, quorum audaciam cum ultum venisset Claudius, in Lucana Sylva ita illos afflixit, ut centum millia ferro ceciderit; contracto quamplurimi ex laboribus bellicis morbo desiderati sunt. Lucana Vallis in Comensi agro, qua ad Rhætos vergunt Alpes, frequentibus colitur populis, ejus nominis oppido, atque lacu ducentis circiter quadraginta stadiis protenso memoratu digna; hic deletos Barbaros credere in promptu est, ni Eutropius prope Benacum prælio certatum scriberet; quamvis & Lucanus lacus hanc appellationem potuit apud Antiquos obtinuisse.

Hoc principe, anno ejus Imperii primo pridie Cal. Decembris Præsul Sacræ Religionis Mirocles, cum annos duos & viginti præfuisset, decessit, & ob egregia viri merita inter Divos relatus, æternæ beatitudini opinione hominum mancipatus est. Successor illi destinatus è vestigio Prothasius, qui mortui desiderium probitate sua non parum leniret. Et hæc quidem Imperatore Claudio evenere; ut vix credibile sit, tot cum egregia in armis facinora gessisse, temporis brevitatem computantibus. Nam vix biennio exacto, cum Aurelianus longo orationis serie laudatum militibus, ut in sui locum deligerent, persuasisset, defunctus est necessarius hic Reipublicæ magis, quam bonus Imperator; superstites Claudio Tyrannos sustulit; Zenobiam in Ægypto, in Galliis Tetricum, propria proditione memorabilem. Sed longe difficilior illud bellum, quo Mediolano imminentes Marcomanos profligavit.

A Verum quoniam horum mentio etiam superius facta est, non absurdum fuerit, quinam hi Barbari sint, explicare. Germanicam nationem esse dubio procul constat. Eos in fronte Germaniæ, quatenus Danubio pergitur, Tacitus collocat; hancque sedem virtute partam pulsas inde Bojis auctor est. Addit Strabo Bubiemum Merobudii Marcomani, qui amicus Augusti Cæsaris fuit, regiam frequentius habitam, quod eo in oppido Cives suos omnes Rex ipse traduxerit. Ex hujus gente manserunt diu reges, sed demum & externos pati coepere, Romana primum arma experti in Galliis cum Ariovisto Duce una cum aliis Germanis eos divus Julius superavit. Quieverere demum Merobudii, sive, ut Tacitus mavult, Marobodui, ejusque nepotum auspiciis. Versatus hic in juvenilibus annis Romæ fuerat, Augusti beneficio etiam ad regale fastigium provectus; gratiam reddidit, ut in amicitia Pop. Romani gentem suam detineret; qua auctoritate freti finitimis formidolosi erant. Mansit pax in Marci Imperatoris tempus; hoc Principe rebelles facti, tandem à Rom. exercitu male habiti acceperere jugum. Cogitaverat Marcus eorum regionem in Provinciæ formam redigere; sed & hoc, ut aliæ pleræque calamitates, civilibus malis imputandum. Nam Avidii Cassii armis distentus, quod decreverat, perficere prohibitus est. Ferebatur vulgo magicis quibusdam sacris, imprecationibusque eos ita à Marco adactos, ut perpetuam cum his pacem Populo Romano futuram arbitraretur. Quæ cantamina famæ cupidi, quasi hostes deesse possent, secuti Imperatores dissolverunt. Igitur sub Aureliano rursus arma ceperunt, & superatis Alpibus Leontis in Italiam transfudere bellum. Contra eos profectus Imperator, dum paulo securius hostem contemnit, nec illis à fronte occurrere quicquam curat, clade non modica affectus est. Quamobrem cautiore, & periculo moniti Romani, quos elabi permiserant, à tergo persequiebantur. Qua necessitate ulterius procedentes illi Mediolanensem omnem agrum vastaverunt; sed & cædibus rapinisque non adhibitus modus, captivi quamplures facti. Hanc stragem Dei Opt. Max. ira in profanum Cæsarem sævientis evenisse Christiani arbitrabantur. Nam sanguinarius hic Imperator, veris religionibus inimicissimus, vetera Neronum, Deciorumque exempla revocavit. Dederat Mediolanensis Matrona, cui Sophiæ appellatio, cum tribus puellis inter Christi cultores nomen, venditisque maximis, quæ illi suppetebant, facultatibus (decem servorum millia fuisse traduntur) precium indigentibus dispensaverat; hanc etiam vi adhibita gentium numina colere reluctanter Aureliani Præfectus peremit. Sub Trajano Imperatore id factum alii scribunt; ut Decius fortasse sit accipiendus, qui hoc quoque sibi cognomen arrogavit. Territus igitur suorum occisione Aurelianus Romæ ad Senatum litteras dedit, ut consultis Sibyllinis libris referrent Patres, quemadmodum victoria ab hostibus extorqueri posset. Factum ergo Senatusconsultum, & sententiam dicente Ulpio Syllano inspecti sunt libri; ex quorum lectione docti Pontifices urbem veteri instituto lustrare; tum cantata carmina, amburbiumque celebratum, & promissa ambarvalia. Quibus rebus ex Aureliani sententia confectis, non dubitavit belli fortunam experiri. Coactis itaque omnibus copiis Placentiam versus, ut publico Marte decerneret, properabat. At Marcomani veriti, ne, si collata acie inferiores evaderent, nullus fugæ locus esset, quin Italicis populis undique circumdati, quam illis intulerant, in fugam stragem acciperent, ad insidias verso consilio, clam in densissimas sylvas delati, adventante

nocte, improvise erupere, tantamque cladem Italæ legiones subjerunt, ut Romanum pene Imperium solveretur. Sed tamen demum fufis hostibus, eos Imperator male mulctavit. Vicisse Aurelium tribus præliis, Eutropio auctore, proditum est. Placentiæ primo; deinde juxta Metaurum flumen apud Fortunæ fanum; tertio in Ticinensibus Campis. Victoriæ causa ad superos refertur; quod in ipso prælii congressu spectra quædam, monstruosæque facies sese Marcomanorum oculis effuderint, quibus illi territi fugam capefcentes occisi sunt. Commentum id Barbarorum esse quis non videt, dum ab hominibus superatos fuisse puduit, victoriam Deorum studiis acquisitam profitentium; etsi Panicos terrores quandoque legerimus, cum non monstris, sed nulla ex causa orto timore exercitus dilabuntur. Marcomana Vallis & Monti Juræ & Sequanis proxima, quæ ad Helvetiorum fines pertinet. Hic Barbarorum reliquias confedisse crediderim, & regioni dedisse nomen, quod in præsentem quoque diem vulgatissimum est; alioquin gens ipsa non in Galliis, sed trans Rhenum habitavit, præfuisseque illis Reginam nomine Fritigil legimus, quæ Divi Ambrosii litteris persuasa virum suum in perpetua cum Romanis pace detinuit. Verum hæc posteriori tempore acciderunt.

Igitur Aurelianus, cum non Marcomanos solum, sed & Sarmatas, & Gothos fudisset, plurimis victoriis inclutus, ministri à libellis manu interfectus est. Tum exercitus ad Senatum retulit, ut Imperatorem eligeret. Contra Senatores hujusce rei judicium militibus concedere; certatumque utrimque moderationis studio. Tandem militum prece, finito sex mensibus interregno, Tacitus Imperator Augustus à Senatu dictus est, missæque ad nobiliores quasque orbis Civitates litteræ, quibus Cives admonerentur in antiquum statum rediisse Rempublicam, jus eligendi Principis, & Præfecturæ urbanæ appellationem, cæteraque Summi Imperii munia ad ordinem amplissimum pertinere: quo sensu & Mediolanensibus litteras redditas Flavius Vopiscus auctor est.

Tacito Florianus frater successit, mox interfectus, cum M. Aurelium Valerium Probum milites Imperatorem nominassent; quorum judicium summo gaudio Senatus approbavit; scilicet is erat Probus, qui armorum gloria Aurelium æquaret, modestia, morumque civilitate longe illi esset prior. Cum non diu regnasset, seditione militari apud Sirmium cæsus est. Hujus posterius seu Romanorum odio, seu invidiam veriti, relicta Urbe, pars juxta Benacum, pars Comensi in agro prope Larium confedere.

Sumpsit deinde Imperium M. Aurelius Carus, quem externa bella gerentem feliciter & Populus, & miles maximo amore prosequerentur, cum superatis Persis Ctesiphontem fatalem Romanis Ducibus limitem pervenisset, de cælo tactus animam reddidit. Narbonensem eum fuisse Eutropius tradit; alii Illyricum. Vopiscus Eutropio antiquior, se Diarium quoddam legisse est auctor, quo Mediolanensem Carum fuisse testatum manet. Aureliam certe gentem, quam frequens in hac urbe exstiterit, innumera Veterum spectacula ostendunt. Ad Francisci Aurelius Eusebius Aureliæ Vitaliæ matri, tum Julianæ conjugii Sanctissimæ tumulum struxit. In Horarum vico Aurelia Placentina. At in Vitalis vetustissimo delubro Helvius Aurelius Protodomesticus æternitati ab Arcutione liberto commendatur. Quo ex monumento illud non pigebit adscribere, Aurelium à Secretis Imperatoris primum exstitisse; quod Romani (ut in *Africana Historia* Procopius tradit) domesticos appellabant in aula Imperatoria arcanorum Principis conscios. Est & Aurelius Victorinus Municipi-

palis Magistratus Quartumvir in Ambrosii fano celebris: ficuti & ejusdem nominis in Portiana porticu Januarius Signifer ex numero Dalmatarum Fortensium. Milites hi erant, quorum in Theodosii *de Palatinis officiis* commentario frequens mentio habetur. Et hæc quidem à nobis dicta sint; non quod his veluti firmissimis probationibus Mediolano Carum vindicemus; sed ut, si qui in hanc sententiam ire maluerint, aut vera, aut saltem similima vero se cognoscant sequi. Nec quandoque movere debet, quod frequentiore calculo Narbonensis fuisse approbetur; siquidem admonendi sumus, hac tempestate latissimam Gallias jurisdictionem habuisse, ut non solum quicquid in Germania Romani nominis erat, Proconsulibus illius pareret, sed etiam Cisalpinæ Galliæ bona pars. Demonstrat id *Hist. lib. xv.* Ammianus Marcellinus, qui in Lugdunensi Provincia Alpes Grajas, Poeninas, Tricastinas constituit, tum Taurinos, Mediolanumque cum aliis non æque nobilibus municipiis. Lugdunensem autem Narbonensis Provinciæ partem esse idem auctor attestatur. Non me præterit Mediolanum Transalpinæ quoque Galliæ oppidum: sed illud intellexisse Marcellinus non potuit, cum non Narbonensi, verum Aquitana in Provincia sit constitutum. Igitur nihil repugnat Carum Mediolanensem fuisse, eundemque ex Narbonensi Provincia; nam & similis conditionis Sebastianus martyr apud eum traditur, qui Christiani dogmatis Beatorum vitam memoriæ commendavit. Quæ quidem, si vera sint, illud necessario fatendum est ab Ælii Adriani de Italiæ statu constitutionibus discessum, & in Provinciæ formam urbem redactam; quod nomine libertatis evenisse Albucius Syllò apud Pisonem sub divo Augusto, ut diximus, querebatur.

Cæterum Cari Imperium filii duo exceperunt; Numerianus, quem in exercitu secum habuerat, & Carinus administrandis Galliis relictus à patre. Mores utrique fratrum diversi, ut hunc Domitianum, illum Tito æquare possis. Numerianus in litterarum studiis egregie versatus, prosa, versaque oratione pollebat, totque virtutibus probitatem addiderat. Carinus nullo non vitio imbutus, etiam florem adolescentiæ, quem fruendum dederat, Imperator factus à pusiunculis repetebat: victu juxta atque habitu mollis. Tradit Vopiscus Mediolanensibus rosis triclinia atque cubicula insternere solitum, quod hæc forsitan in pretio tum essent, etsi in præsentia honore ab aliis non discernantur. Non defuit tamen illi vigor acie contra hostem Diocletianum decertandi; sed victus apud Margum occubuit, liberaque ex eo Diocletiani Resp. in potestate relicta est.

His temporibus periisse Prothasium, quem Urbis Antistitem supra diximus, antiquorum scriptis proditur, cum per duos & viginti annos ea in dignitate florisset. Tres illis addit Dacius; minuunt alii duos, dissensu omnino futile. In Portiana æde sepultus, post cineres adhuc honorifice colitur, implorantque ejus opem mortales frequenter votis. Designavit hic in Ticinensis Christianorum Ecclesiæ Præfulem Epiphanium integritate morum, vitæque sanctitate nunquam pro meritis laudatum; cujus solemnibus communis cum Diva Agnete etiamnum est sacer dies. Primus hic Sacrosanctam potestatem oleo unctus à Mediolanensi Pontifice accepit, secutique hunc morem sunt ex ejus successoribus quidam; tametsi cum Longobardorum Principis Ariperti Regia ea Civitas esset, à Romano Pontifice id sibi honoris impendi procuraverint; profectusque Romam hac de causa, qui tum Mediolani Sacerdotibus præsidebat, Benedictus nihil profecerit, asserentibus videlicet, sibi que vindicantibus omnia Romanis. Verum quic-

quicquid tunc auctoritatis ex ea libertate acceptum diminuit illis quandoque Alexander III. cum pallio, & cruce, præcipua nimirum Sacri Præfulis insignia, Ticinensi Episcopo interdixit.

Cum cœlestibus agente Prothasio, in ejus locum suffectus est Maternus, vir moribus insignis, probitateque Deo Opt. Max. acceptissimus, & qui institutam à majoribus ad superos viam, recte vivendo, utiliaque populis suadendo, conservaret. Ea tum invalescentis veræ religionis fundamenta jactabantur, ut nonnisi vita moribusque conspici ad tantæ dignitatis infulas aspirarent. Et iccirco triginta tres pene continua serie hujusce Urbis Antistites connumerari possunt, in cœlestium Catalogo descripti. At ab everso Urbis Romæ Imperio, quæ ferrea sæcula vere appellaveris, dignitates, honoresque Sacri vel Principum favore, vel ambitu conceduntur; quapropter quo quisque magis astu, versutiaque pollet, eo ampliorem in his obtinet locum, ut unum vix, aut alterum tercentis proximis annis offendas, qui beatitudinis gloria celebretur. Et quis non credat indignatos hac de causa mortalibus cœlestes, Christianorum sanguinem belli cladibus exhauriendum permittere, Othomanorumque & hujusmodi profanorum arma in dies magis & magis auxilio prosequi? Discant utinam hi, discant tot periculis edocti, quorum interest, veteresque illos Pontifices imitentur; nam vera instructi fide, candorisque clypeo testati, nihil est, quod gentium arma timeamus. Pro exemplo nobis sint Maximi, Constantini, Theodosiique cum Barbaris bella; cum parva manu uterque innumerabiles exercitus sub Crucis vexillo internecione delevit. Sed vereor, ne expectari id æternum potius possit, quam aliquando coram videri. Auri cupiditas, quod per ambitum mox effundatur, pessum omnia dat, & (nisi dilabascensem Remp. Dii sustineant) perpetuo dabit.

Diocletianus Salonis Dalmatiæ ortus, utroque parente ignobili, virtute sibi orbis regimen acquisivit. Cum itaque reparando Imperio animum adiecisset, quod undique exsurgentes tyranni pullabant, Maximianum primo Cæsarem, dein Augustum dixit. Mediolanensem hunc exstitisse ex Castello Severi, vel, ut vernacula simplicitas appellat, Seprii, in Annalibus nostris fere ubique proditur. Nos aliquid certius ex antiquis non habemus; ut mirum sit, hominem ob res gestas clarissimum patria ignotum auctorum negligentia esse, cum & tyranni vel brevissimo tempore ad Imperium assumpti hanc injuriam evaserint. Cum igitur nostrorum auctoritati nihil adversetur, facile & ipse in eam sententiam iverim, ut Infubrem credam; nam & hujus cognominis aliquos in urbe, dignitatibus etiam illustres, haud difficulter ex antiquorum tumulis quisque deprehendet. Q. Maximianus Pontifex, scriba publicus, & curator Ærarii in Stephani æde adscriptus est. Ad Nazarii vero Maclius Maximianus Veliranius Sexti Ordinis. Sunt & id genus similia quædam. Sed hæc pro testimonio sint satis. Enimvero Maximianus armorum gloria ferox, in Galliam profectus latronum duces Amandrum, Æliumque cum scelerata factione mirabili celeritate confecit. Mox in Africam translatus militia missos Gentianos milites universam Provinciam diripientes compescuit, & de eis poenas sumpsit; Crausium quoque Britanniae tyrannum aggressus est; sed cum adversus eum incassum moveret arma, iusto foedere, quod eripere non valebat, concessit.

Superatus in Oriente jam erat Diocletiani auspiciis Persarum Rex Narses, & apud Ægyptum Achilleus; quamobrem ex omni terrarum orbe receptis spoliis victoriosissimi Imperatores triumphaverunt. Convenerat jam antea uterque Mediolani,

A cum ex Galliis Maximianus, ex Ægypto Diocletianus venisset; admissique in Urbem maximo honore, ut non solum Decuriones, quod moris est, sed tota plebs effusim obviam illis prodierit. Misit & Roma proceres suos, similitudinem Majestatis Beatissimæ (ut Mamertinus ait) per ea tempora Mediolanensem Civitati libenter impertiens, ut ibi Romam esse diceret, quo uterque Augustus venerat. Verum quamvis faustus & foelix fuerit Maximiani adventus, Christianis tamen non æque profecit; quippe per præcones edici mandaverat, ut ad vetera Deorum sacra redirent omnes, & Antiquorum credulitate revocata novam Christi fidem abalienarent; parere negantibus poena mors erat; qua affectos civium quinque millia, & eo amplius, quidam scribunt. Adduxerat secum Thebæam legionem, cujus opera fideli & strenua superioribus præliis erat usus. Horum Tribunus Mauritius, uti Christiani nominis professor, accusabatur; indeque exploratum est, non ipsum solum, sed & omnem legionem eadem de Diis opinari. Quamobrem Imperator eos primo rogare, ut meliora sequerentur, & numinibus sacra facerent, abnegantes, perseverantesque semel atque iterum decimari jussit; & cum neque his malis cederent, minisque, nec precibus avocarentur, ad unum una cum Tribuno securi percussi sunt. Quade causa, & qui Bergomi tum erat, Alexander, ejusdem legionis miles, paulo post delatus cæsusque est. Eandem quoque fortunam experti Victor, Nabor, & Foelix Mauri pugnatores; quorum Victor carceri inclusus cum Triumvirorum conspiratione, sex dies, ut inedia consumaretur, etiam pane & aquis caruisset, nihil tamen incirco affectus est; dein fustium ictui subiectus, nullo adhuc dolore movebatur; quamobrem sumpto supplicio, capite cæsus, in sylvasque bestiis dilaniandum cadaver expositum est. Quis crederet? Abstineret sancti hominis contactu feræ; & cum sexto tandem die, ut sepulchro virum mandaret, Maternus Urbis Antistes venisset, quæ carnificinam facere debuerant, duas feras offendit innoxias, arcensesque à cæteris malum. At Nabor, Foelixque Laudem Pompejam, quod tunc ibi Imperator agebat, ducti, extra urbis portam prope sceleram fluvium ultimo & ipsi supplicio affecti sunt. Sabina Mediolanensis Matrona vehiculo Mediolanum delatos sepelivit. Tradunt certissimi auctores Thermas eum cum peristylis ædificasse, quas à suo nomine Herculeas appellari voluerit; nam & Aufonius Poeta, Mediolani, inquit,

*Est regio Herculei celebris sub honore lavacri,
Cunctaque marmoreis ornata peristyla signis.*

E Exstant adhuc sexdecim columnæ striatæ, cum capitulis Ionicis; reliquæ nimirum tanti operis. Existimant alii sensisse de Herculis fano Aufonium, quod Divo Laurentio sacrum posteriores nuncupaverunt; nam ex recentibus quidam auctores sunt Herculi, quem maxime venerabatur, eum struxisse templum, in cujus umbilico aurea ipsius Dei imago erat, throno eburneo insidens, unde responsa excipiebant Cives. Structuram delubri laudaveris, quod latissima testudine, profundisque fornicibus edita, nulla tamen ferrea compage firmissima sit. Verum ipse haudquaquam arbitror Maximiani Cæsaris illud opus esse, quod & in fenestris Cruces, & ædificii ratio non satis perfecta arguunt. Quapropter aut Herculis ædem eo in loco non fuisse, aut, si fuerit, igne combustam crediderim, erectumque deinde Laurentio templum. In eo quoque anceps feror, quod firmioribus mœniis muniisse, duplicique muro vallasse urbem aliqui juniores scribunt. Mihi ex antiquis hac de re nihil compertum est, ut id facile affirmare non auserim. Et illud minus cum ferrei sæculi dictus parens sit.

Existimavere quidam hunc primum ferrea corona caput Mediolani redemisse; unde emanaverit consuetudo, ut ille non Augustus, non Imperator existimaretur, cuius tempora eo honore caruerint. Nam me nequaquam latet diversa sentire diligentiores, qui Henrico, qui Othoni Germano, qui Carolo id tribuant, horumque unus omnino accipiendus est, re non adeo usque veteri, ut Maximiani temporibus arrogetur. Atqui Germani Imperatores nihil commune cum Romanis habent, ex illis infensissima, veteribusque Germanis Alamannorum gente editi.

Hæc igitur cum Maximianus Mediolani ageret, Romæ Sebastianus, quem superius quoque Mediolanensem fuisse retulimus, Præfectus cohortis primæ Prætoriae res memoratu dignas gessit. Erant in vinculis Diocletiani iussu Marcellinus & Marcus, iccirco custoditi, quod vanam Deorum superstitionem prædicantes Christianis accessissent. Hi cum parentis utriusque precibus diu, & multum, ut sententia decederent, tentarentur, paucillumque precationibus fatigati nutarent, veritus, ut satis constantes essent, Sebastianus protinus ad Nicofrati, cuius custodiæ crediti adolescentes erant, ædes advolavit, adhortationibusque, & orationis vi, ne parentum verbis cederent, adegit; mox uxorem Nicofrati Zoen amissa ex mala valetudine loquela suis genibus advolutam (sanctæ religionis testimonium) miraculo sospitem reddidit. Quamobrem non ejus vir tantum, sed & juvenum pater Tranquillinus Christi leges acceperat. Præfectus erat Urbi Chromatius, deplorata salute æger. Hunc, si statuas, fusilesque Deorum colossos confringeret, se morbo liberaturum pollicetur. Accipit contra sponsonem Præfecti filius Tiburtius, si id minus factum sit, Sebastianum fornace crematum iri; frustra de patris salute laborabat. Nam è vestigio illum divinus vir pristino membrorum robori restituit, & quod salutare eis fuit, numen nec morte quidem atrocissima affecti contempsere. Hæc cum Præfecto Prætorii explorata essent, suggestit ille Diocletiano, quemadmodum erga veteres Deos impium militem puniendum existimaret. Primum precibus, blanditiisque Imperator egit. Cum nihil proficeret, Threicio more arbori innixum à militibus sagittis iussit peti; nec Principis iussa quisquam distulit, & nisi, cum egisse animam crederent, à Prætorianis cessatum. At Sebastianus intra paucos dies rursus ingredientem Palatinas Diocletianum redarguere, durisque verbis reprehendere. Quis iratus Imperator, quem periisse omnes arbitrabantur, donec mortem oppeteret, fustibus subigi mandavit. Traditur in Longobardæ gentis Annalibus, Cuniperto Rege Ticini Caco-dæmonem visum, qui bono genio, quæ hostia venabulo percuteret, imperanti, cum sequens parebat, quotque ictibus incussisset valvas, tot inde mortales pestilitate correpti efferebantur. Humanam opem excedebat malum, donec admonente sanctitate insigni viro dicata Sebastianiano est ædes, translataque illuc, quas in Urbe Roma, in cælum tendens, exuvias reliquerat. Sic parata populis salus: coliturque hujus præsertim morbi propulsator, eo nomine ubique terrarum celebris. Nec vero quisquam aut hæc uti minus historiæ congruentia aspernetur, aut fide indigna existimet. Videmus certe idem ab antiquis, quos tam Græcos, quam Latinos auctores habemus, factitatum. Nam, ut Epidaurii Draconis propulsata Romanis peste passim cognitum numen missum faciam, Pausanias gravis scriptor Peloponnesiaco bello in Athenienses grassante hac lue, tradit ex Delphico oraculo conditum Apollini Athenis templum, quo populis redempta est salus, fabrefactaque inde ab Leocare hujusce Dei statua, quem ille *Alexicacon*,

A quasi *malorum depulsores* dicas, appellavit. Idem in *Corinthiacis rebus* auctore est, cum Corinthiorum infantes passim occumberent, non prius cessasse iram superum, quam Mermeto & Phereti Medæ filiis annua sacra constituta essent. Si igitur profani auctores hoc Diis suis tribuere, posteritati que commendare dignum duxerunt, cur nostram fidem Christiani exemplo simili non obligemus? Igitur cum privatim hæc, hujuscemodique quamplurima adversus sacratissimos Dei cultores Diocletianus cum Collega instituisset, quod ex ipso excidio plures quodammodo emergere videbantur in universum, ne infinitæ gentes oppeterent, legem tulit, ut, si qui ejus professionis essent, altero lumine privarentur.

B Cæterum haud ita multo post, Diocletianus Nicomediæ, Maximianus Mediolani sese Augustali Majestate abdicaverunt; & in hujus locum Constantius Chlorus, Diocletiano Galerius Maximianus sunt suffecti. At Constantius, cui Occidentalis Imperii administratio obtigerat, modestus vir, & omni ambitione procul, Italiam, Africamque Collegæ cessit, & in Britanniam profectus, summam tranquillitatem quiescentibus Barbaris nactus, Eboraci demum relicto ex concubina Helena Constantino decessit. Interim Galerius, qui Italiæ præfesset, Flavium Valerium Severum Cæsarem declaravit.

D Verum quoniam diversa significatione ab Antiquis vox ista capiebatur, nescium esse non debet, post oppressam à Divo Julio Romanæ gentis libertatem, qui succedere, Cæsares, Augustos, Imperatoresque indifferente appellatos. Sed eam posterior ætas differentiam invenit, ut Cæsares hi tantum dicerentur, qui legitimi Principum filii Augustæ Majestatis hæredes designati essent, administratioque rerum illis interdicta, nisi fortasse in aliqua Provincia potestatis insignia Augusti iussu haberent. Hinc nulla eis donativi militibus dandi facultas, nulla stipendii repræsentandi libertas erat. In Comitatu illos solum officiales agnoscebant, quos retinendi Augustus potestatem fecisset. Paulo amplior Imperatoria dignitas, quod qui eo nomine decorabatur, licet Augusto subiectus, infraque eum gradum positus, quicquid tamen libuisset, munificentia gratia donare poterat, nec his adstringebatur legibus, ut ab aliis Palatinos, idque genus purpuratos assumere cogeretur. Augusti appellandi jus ordini amplissimo diu reservatum est. Usurpare demum id quoque legiones sibi; Maximianusque primum, posthabita Senatus auctoritate, ab exercitu Augustus est dictus. Cæsarem nova illa significatione primus Adrianus Ælium Verum nuncupavit; cuius deinde exemplum alii imitati traduntur.

E F Severus igitur Cæsar cum Italiæ præfesset, ab urbeque secessisset, Prætoriani milites Maxentium Maximiani Herculei supposititum, ut quidam putant, filium Imperatorem fecere, ejusque vires incredibile dictu tam cito creverunt, ut etiam acie decertare contra hostem non ambigeret; verum ille prodicione militum Ravennæ, dum ad Galerium properaret, cæsus est. Maxentius vero jam omni metu liber, adulteriis stuprisque urbem pollueret, Senatorum sanguine manus foedare, magicis carminibus nihil non postpositum habere, donec à Constantino victus juxta Milvium pontem oppressus est; inimicitiarum bellicque causam prætendunt aliqui Senatorum Urbis Romæ preces, quibus, ut eos à dira tyrannide eximeret, rogantibus, in Italiam transitis Alpibus Constantinus venerit, & Remp. iustis ultus sit armis. Potuit & illa discordiarum origo esse, quod merito infensus Constantino Maxentius ob paternam necem foret. Nam Hercules, cum, tanquam à filio ejectus, in Gal-

Gallias fugisset, Constantinique generi regno infidiaretur, per Faustam, quæ virum patri prætulit, deprehensus, & Massiliæ illo iubente occisus est. Tantum abest, ut vera sint, quæ Cassiodorus haud dubio errore tradit, dum hunc ipsum Tharsin in Cilicia periisse in sacra *Historia* testatur.

Verum quomodocumque res se gesserit, diversus Constantinus à patre moribus; regni amplificandi avidior, quamlibet causam bello indicendo, rumpendisque induciis idoneam ducebat; nam & contra Licinium, qui Orientis Imperio fruebatur, arma movit, quoniam ille Christiano nomini quam maxime adversabatur, debellatoque post multa prælia hoste, totius orbis habenas solus suscepit. Tum per Provincias ubique Præsidibus, Præfectisque successores dati. Mediolanensibus juri dicundo Eustorgium Gallogræcum præfecit, ut mandata jurisdictione Æmiliam quoque, & Liguriam omnem gubernaret. Constantino perquam gratus erat Eustorgius, tantumque ejus precibus tribuit Imperator, ut Cives solemniter etiam quacumque pensitatione immunes fecerit, eodemque annitente trium Magorum corpora, qui infanti Christo munera obtulerunt, ut Constantinopoli Mediolanum adveherentur, concessa. Exstat adhuc pergrandis eorum tumulus, seu cenotaphium magis, unde ablatis Reges creduntur, cum Imperator Ænobarbus urbem æquavit solo, transfuditque eos in Coloniam Agrippinensem. Ejus Civitatis Præsul incredibili Germanorum concursu & gratulatione, qui etiam quotannis ad sepulchrum visendum, Divosque adorandos ingenti multitudine confluent; tradidereque id quamplurimi, qui id temporis res gestas conscripserunt.

At longe diversa, planeque his dissidentia M. Paulus, qui res gestas Scythicas profecutus est, scripta posteris reliquit. Auctor hic est in Perfide Urbem Sabbam esse, à qua trium dierum itinere distat castellum, quod Calafatam indigenæ vocant, perinde ac si nostra lingua, eorum castrum dicas, qui Ingibus divinos honores exhibent. Cujus quidem rei talem assignant rationem. Fuisse quondam ejus regionis tres Principes ad Solymos, ut tum recenti nato Prophetæ, aurum, thus, myrrham offerrent. Quod cum egregie obivissent munus, ab eo vicissim clausam pixidem recepisse, cum his tamen mandatis, ne eam resignarent. Hæc cum, unde venerant, redeuntes Reges aliquamdiu observassent, dein vetita conati aperuerunt, repertumque in ea lapidem despicatui habitum merere putei aquis: res mira: de coelo protinus ejaculati ignes incendere puteum æternis flammis, quas gens illa colit, lucernasque & lampades alio accendere igne, scelus non expiabile existimat. Horum Regum tumuli Sabbæ visuntur; nimirum tres arcæ auro & lapillis insignes, vidisseque eas tercentis & eo amplius elapsis annis Marcus ipse attestatur; ut quomodo sibi hæc constare possint, non facile extricemus. Et hæc quidem Christianæ legis cœlestium par conditio est, dum quælibet Civitas sibi aliquid arrogare contendit. Innumeræ Divorum reliquæ, & plerumque eadem ubique gentium reperiuntur, & rumor falsis auctoribus principio vulgatus, ita demum animis nepotum infidet, ut verissimum esse, vel jurati, affirmant. Ecquæ Christianorum, ne dicam Italiæ, Urbs est, quæ ex Salvatoris nostri Corona spinas non habeat? tametsi tot fuisse dictu credibile non sit. Nemo tamen hunc honorem patriæ suæ non vindicandum putavit. Accedat his, quod & plures Persarum more à profanis cultoribus sepulchro illati, aromatibus conditi, quod post tot annos incorrupti, integrique sint, tanquam cœlestes, hoc explorati miraculo, vulgi opinione existimantur. Cæterum hæc nobis in commune dicta sint. Nam quod ad Magos Reges attinet, Medio-

lani existitisse apud optimos auctores constat, proculque dubio nobis est falsa prædicare, & opinari Persas, levissimam alioquin, veræque religioni semper infensam gentem.

Igitur cum Eustorgius Imperatorio nomine per aliquod tempus jura populis reddidisset, Materno defuncto, in ejus locum Sacrorum Urbis Antistes creatus est; fuitque ea res Constantino admodum grata, quod, quem ipse civili administratione dignum judicaverat, populus Mediolanensis ad Sacrosanctæ potestatis ordines promovisset. Vixit ille ea in dignitate annos sexdecim, & post mortem inter Divos relatus ad xv. Cal. Octobr. celebri memoria ab Infubribus colitur. Ea enim vitæ sanctitate pollebat, ut nihil non à Deo Opt. Max. suis precibus imploraret. Exstant adhuc antiqui versus, ut tum tempora ferebant, & culti, & sat elegantes. In his inter cætera id quoque ab eo summa omnium admiratione gestum traditur. Interpellaverat ad libidinem Crispum Cæsarem mariti ex alia muliere filium Constantini uxor Fausta, renuentemque viro detulit, debiti parentibus immemorem honoris sibi vim cum paravisse. Quamobrem præstita uxori fide credulus Imperator Polæ Histriæ oppido jussit eum interimi. Sed comperta post aliquot annos fraude, pari supplicio Faustam affecit, peremptoque indigna morte privigno parentavit novercæ manibus. Tum ejus mortis solatium superbissimum tumulum parari fecit, quo innoxii filii ossa reponeret; advehebaturque interim Polam urna magnitudine arteque juxta insignis. Ea cum Mediolanum appulisset, ulterius deferre nequaquam potuit, non si innumera armentorum paria adjunxissent, non si tota Urbs oneri inniteretur. Obstat manifestum Dei numen, cedebantque incassum operæ omnes. Quod ubi per nuncios edidit Constantinus, fatis reluctantum haudquaquam ratus, dono eam Eustorgio dedit; quam parvo jugo adjunctis bobus, quocumque sanctissimus Pontifex volebat, advexit; & cum animam superis reddidisset, in ea conditus summo honore, & majori gloria parto tumulo, adhuc feliciter cubat.

Per hæc tempora quis ordine municipali descriptus in albo Decurionum fuerit, non admodum mihi exploratum est. In antiquis monumentis eorum quamplurima nomina exstant, quorum ætates discernere neque nobis expeditum est, neque ulli præterea alii erit; quod summa brevitate compendio notati meram nomenclaturam contineant; non ab re tamen fuerit, nec à nostra diligentia abhorret, utrumque sint, ea in medium proferre. Celebris inprimis apud Moguntiam est Q. Audasius Acamazon Sextumvir Augustalis, qui Mediolani & Foro Populi Circum dedicavit. Retulimus superiori libro ejus nos esse sententiæ, ut quæ Moguntia vulgo dicitur, quandoque Forum Populi dictam credamus. Illud nunc addendum, quod ex Balbi *Commentariis* Julius Fronto de *Coloniis* tradit. Is auctor est Forum Populi Coloniam deductam, oppidumque muro cinctum, in quo iter pedum quinum denuo populo debebatur, cum ejus ager militibus Augusti assignatus esset. Nam & Imperator Vespasianus postea lege sua agrum censei jussit. Verum sitne id oppidum, cujus in Inscriptione mentio est, cum in Albano monte Foropopulienses Plinius collocet, haud affirmare ausim; libera sit unicuique absque aliquo præjudicio sententia in re tam obscura, & non sane magni momenti. Circum omnino Mediolani fuisse, præter Ausonium Poetam, indicat adhuc Mariæ ad Circum ædes, traduntque aliqui tercentis supra annis à Galdino Urbani Sacri Præsule destructum; quo potissimum nomine injuriis cum incessit Merula, tanquam crassa quadam Minerva pressus pulcherri-
ma opera, quibus etiam Barbari, & feræ gentes

pepercissent, aboleverit. Nos in re, cujus ex idoneis scriptoribus nemo meminit, si liberæ conjecturæ est locus, longe prius cecidisse opinamur; ut mirum sit, nullo auctore Merulam tam petulanter in sacra Religionis tum Principem, & divinis honoribus nunc cultum inveni. Referuntur & Decuriones Geminii tres, Elegans, & Leander Sextumviri, & hoc honore amplius Curator Ærarii L. Geminus Messius. Hujus insignis est pietas in Herculem, quod voto solutus libero munere Stylobaten illi dedicavit. Sunt & C. Cassius Thyrsus, M. Fulvius Phillius, Q. Octavius Victor, Tiberiusque Firmus, Sextumviri, & ipsi omnes dignitate quoque inter alios Princeps Aurelius Valentinianus Exarchus, omnino ante ea tempora celebris, quam Ravennæ is Magistratus Constantinopolitani Cæsaris jussu præfideret; nam antiquiorem hanc dictionem esse, etiam ex utriusque Theodosii Epistolis cognoscere in promptu est. Certe & Atheniensibus jam pridem sine provocatione jus Exarchus dicebat, & non multum ab similibus Dictatoria potestas Romæ habebatur; sunt & qui tradant, posteaquam Constantinus irato nobis Deo, nobilitatem Romanam Byzantium transcripsit, Patricium Romanum, eundemque Consulem Exarchum appellari coepisse; tamen si de Valentiniani hujus dignitate non tam disputem, quam nostra quæ sit opinio, ingenue in medium proferam; nam me quidem adiutore, nemo in Merulæ sententiam iverit, qui horum monumentorum argumento, sicut Ravennæ, ita quoque Mediolani sedes collocasse Exarchos arbitratus est; debile id frivolumque testimonium; quoniam & nomen proprium esse Exarchus potuit.

Sunt etiam superioribus adnumerandi Virilliones duo, Q. Campilius, & L. Valerius Sextumviri; quo Magistratu insignis etiam P. Ursus Paulus habetur, Curator quoque Ærarii designatus. Horum muneris est de vectigalibus fundis pensionem exigere, à Collatoribus, aut auri publici persecutoribus pecunias, metallaque percipere; ad aliamque assumi dignitatem illis nefas, priusquam hoc procurationis officio condigne functi essent. Legitur & Valerius Tacitus Sextumvir, & Nicias ejusdem gradus, nisi quod Tacitus Augustalis, Palatinus quoque libertus traditur; ut mirum sit, quomodo in municipali ordine adscriptus fuerit, cum Lege Julia Viscellia nominatim hoc honore liberti arceantur; contrariaque legi affectantes extra ordinem damnati infamia quoque notentur; nisi fortasse hac exempti poena Palatini essent, quorum omnino auctoritas erat major, ut plerumque Urbium, Provinciarumque procurationibus à Cæsare præficerentur. Laudanda etiam C. Calvisii Secundini Sextumviri junioris liberalitas, qui Herculi in Petra sacra decuriam, itemque aram statuit. Colebatur, uti arbitror, hac nuncupatione Mediolani Hercules, sive à nomine regionis, sive aliunde accita voce; nam Herculis Petram in Stabiano Campaniæ Sinu Plinius *lib. xxxii. prodidit*. Æternali quoque famæ L. Tiutii Merulæ memoriam Trebia Philumela consecravit, qui Sextumvir, Triumvir, Quartumvir celebratur. Præsignis & P. Horatius duplici Quartumviratu, quod appellationibus & juri dicundo præesset. Sed & Q. Tutilius Bassus Sextumvir junior in Marliano pago nomen servat. Memorabilis etiam Q. Lucilius Charinus Sagarius Mediolanensis Sextumvir, cujus nomine inscripta basis in Macerata agro, ex Sabini fano vetustate collapsa, in magni Juliani Sacrarium est translata; ut in peregrino quoque oppido civis noster Lucilius docta per hominum ora continuo versetur. Diversus ab hoc T. Lucilius præter Sextumviratum Augustalis, qui in Ticinensis Portæ suburbanis ædibus adhuc cognosci potest.

A Verum & operæ precium fortasse facturus sum, si integram elaboratissimi cujusdam Stylobatæ Inscriptionem retulero; hæc est hujusmodi:

AESCVLPIO, ET HYGIEAE SACRVM. C. OPIVS C.L. LEONAS VI. VIR ET AVG. HONORATVS IN TRIBV CL. PATRV, ET LIBERV CLIENTIV. ET ADCENSVS PATRONIS SANCTISSIMIS COMMVNICIBVS SVIS D.D. QVORVM DEDICATIO. NE SINGVLIS DECVRIONIBVS *X. II. *X. III. AVGVSTALIBVS, ET COLONIS CAENAM DEDIT.

B Fuit hæc liberalissimi civis munificentia, quam æquaverit, nescio, an potius superaverit C. Valerius Brocchus, qui sestertiorum denis millibus arbitratu Valeriæ sororis monumentum sibi fieri testamento jussit. Est & Tenethon P. Tutili Caliphontis VI. vir senior patronus controversiarum XII. Collegiorum, Ærarii curator, & Augustalis allectus Mediolani, tum negotiator stipis argenteæ; tot dignitatibus non adauctus tantum, sed pene oppressus.

C Cæterum & id ætatis familias, quæ frequentiores Mediolani floruerint, recensere non ab re fuerit, ut quicquid Urbis antiquitatem refert, quominus desideretur, emergat ad lucem. Nec vero mihi persuadere non possum, felices Veterum animas, si quis sepultis inest sensus, non admodum lætari, cum tot annorum curriculis oblitteratam, & ab omni recordatione excusam eorum memoriam dignitati suæ restituimus. Igitur his exceptis, quæ ex occasione supra retulimus, gentilia antiquorum hæc sunt nomina: Fabii, Primitivi, Gellii, Novellii, Caninii, Cillones, Vitellii, Piffi, Ruffii, Attilii, Sattii, Novelliones, Græcini, Statii, Sulpitii, Trutedii, Magii, Mestri, Sentii, Octavii, Junii, Septimii, Marii, Mascelliones, Cominii, Virii, Valerii, Albutii, Cælii, Surdinii, Oppii, Morrenates, Accilii, Galliones, Minicii, Pontii, Lentuli, Vitaliones, Horatii, Hermetes, Quinctiones, Albinii, Manlii, Alhii, Terentii. Horum Horatii in pago montis Orphani magis celebres; sicut Morrenates & Fabii apud Bruttianum; Terentii penes Befnatum, Vitaliones in Alciato oppido. Sunt & Areluni, Albutii, Cassiani, Curtii, Cornelii, Crassi, quorum familias nominis similitudine Arluni, Bucii, Cassani, & qui à Curte, tum Corneni, Grassique, æmulantur; etsi nequaquam ipse eorum sententiam probem, qui hac ratione ab antiquis origines auspicantur suas; tam frequenter oppressa Urbe, cæsisque à Gothis præsertim civibus; ut vix hominum mortalitatem perspicienti id possibile censendum sit. Nam si ob longam temporis intercapedinem in *Verrinis* M. Cicero se negat à M. Tullio, qui Consul fuerat, & annis pene ducentis præcesserat, prognatum, quam fiducia poterunt hi tam longa serie suos dinumerare auctores?

E L. FABIO M. F. GAL. CILONI SEPTIMINO COS. PRAEF. VRB. LEGG. AVG. PROPR. PANNON. SVPER. DVCI VEXILL. LEG. PROPR. PROVINCIA RV M OESIAE SVPER. PONTI, ET BITHYNIAE COMITI AVGG. LEGG. AVGG. PROPR. PROVINCIAE GALATIAE PRAEF. AERA. MILITARIS PROC. ITEMQVE LEG. PROV. NARBONENS. LEG. LEG. XVI. FL. ET SAMOSATE SODALI HADRIANALI. PR. VRB. TRIB. PL. Q. PROV. CRETAE TRIB. LEG. XI. CL. XVIR STLITIBVS JVDICANDIS MEDIOLANENSES PATRONO.

F ACONTIO. L. RANIO OPTATO C. V. COS. CVRATORI REIPVBL. MEDIOLANENSIVM CVRAT. REIP. NOLANORVM PROCOS. PROVINCIAE NARBONENSIS LEGATO AVG. ET JVRIDICO ASTYRIAIE GRAECIAE CVRATORI VIAE SALARIAE CVRATORI REIP. VRVINATIVM METAVRENSIVM, LEGATO PROVINCIAE ASIAE, PRAETORI, TRIBVNO PLEBI ET QVAESTORI PROVINCIAE SICILIAE, &c.

ANDREAE ALCIATI,

7. C. CELEBERRIMI,

RERVM PATRIAE,

SEV

HISTORIAE MEDIOLANENSIS,

LIBER IV.

EPI TOM E

LIBRI IV.

Magnentius Mediolani Decentium fratrem Caesarem facit. Constantius magna clade Magnentio devicto Mediolani in hyberna concessit. Ad Laurentii adem ubi Therma palatium incolit. Officiorum palatinorum nomenclatura, explicatio: quinam ex Mediolanensibus ea gesserint? eorundem eulogia. Constantius in eadem civitate genio & delatoribus indulgens Gallum, quem Caesarem fecerat, circumvenit, & occidit: ejusdem vanitas & elatio. Merobandi monumentum in Briganteis collibus agri Mediolanensis erutum. Adulatores principibus perniciosi. Ursicinus apud Constantium accusatus, quod ad Imperium aspiraret, liberatur. Flavius Julianus, Galli frater, accusatus quod res novas moliretur, Imperatoris sevitiam evadit. Idem Imperator multos innocentes obruncat, noxios liberat. Marinus in convivio liberius de Constantio obloquutus plectitur. Brigantii Lenticensesque Rhatias infestant. Silvano Galliarum Duci a Dynamio perniciosus struitur: re patefacta Silvanus liberatur: Accusator poenas luit. Silvanus rebus suis diffidens Imperatorem se facit: obruncatur. Constantius Arrianis favet. Fit Concilium Mediolani trecentorum Episcoporum. Auxentius Dionysio sufficitur. Liberius Romanus Pontifex, & Dionysius in exilium mittuntur. Constantius Athanasio Alexandria Antistiti, Orthodoxae fidei propugnatori, valde infensus. Ob ingruentes Galliarum calamitates Flavium Julianum Mediolanum accitum Caesarem dicit: eidem sororem Helenam in matrimonium locat. Hilarii Pictaviensis cum Auxentio Mediolani de divinis dogmatibus disputatio. Ab Arrianis Urbe ejicitur. Julianus parem Constantio Majestatem affectat: immemor acceptae gratiae in eundem hostilia machinatur. Martinus, qui postea Turonensibus praesuit, ab Auxentio Mediolano ejicitur. Vitis Medica à Martino plantata. Dionysius pristina dignitati restitutus moritur. Aurelius Archiepiscopus, ejus corpus Mediolanum vehendum curavit. Valentianus post multa pericula Mediolanum venit.



SUPTVLIT Constantinus senior ex Fausta filios tres, quos Imperii haeredes reliquit, diviso inter eos ita terrarum orbe, ut Constantinus Gallias, Hispanias, Alpes Cottias, Britanniamque cum Insulis acciperet: Constantio Oriens, & Thracia; Constanti quicquid Graeci nominis reliquum erat cum Illyrico cederent. Verum inter eos non diuturna pax exstitit. Adversus fratres injusta arma primus Constantinus movit, quod se in ea divisione dolo malo ab eis captum diceret. Quamobrem

superatis Alpibus Aquileiam usque subactis Italis progressus erat, cum in insidias lapsus, à Constantis Ducibus circumventus, occiditur. Constanti portio devicti fratris biennio accessit. Hinc, ut in summa felicitate sese moderari difficillimum est, converso ad delicias animo, morosior factus, provincialibus primum gravis, mox legionibus, & illiberalis visus, à Magnentio, missis percussoribus, interceptus est. Erat Magnentius Augustae Vindelicorum ordinum Comes unius convivii, quod ajunt, decreto Imperator factus; nam cum à mane ad vesperras more gentis epulum militibus exhibisset, indutum murice, & extra cubiculum egressum illi Augustum salutaverunt. Tum mox coacto exercitu ingenti agmine Italiam petiit, & Mediolani diu immoratus fratrem suum Decentium, ut Gallias tueretur, interim Caesarem fecit, percussaque in ejus nomen moneta, cujus inscriptione Augusti fortunae simul, & Caesaris victoriae dignitatis partae honorem tribuit. Sergio, Nigrianoque Consulibus haec Mediolani acta traduntur. Romae vero tyrannidem Nepotianus invaserat, Constantini consanguinitate audax juvenis, & gladiatorum princeps. Sed cum dies duo de triginta regnasset, factione Magnentii, qui, licet absens, plurimum Romae tum poterat, interfectus est.

At Constantius, qui in Oriente bellum adversus Persas gerebat, audita fratris caede, ad civilia arma se praeparavit, & ne per occasionem Persae Romanorum Provincias adorirentur, Gallum consobrinum suum Caesaris dignitate insignivit, & Antiochiam Syriae propugnaculum misit. Tum Magnentii fraudes, immeritamque Constantini necem ultum venit. Erant in armis hominum pene centum millia; vario eventu pluries certatum; novissime conferta manu, cum utrimque quinquaginta quatuor virorum millia cecidissent, victus Magnentius in Nursam Galliae Castrum fugit. Ibi exercitus reliquias allocutione firmaturus, malum omen accepit. Cum Constantium dicere vellent, Constanti, acclamaverunt, *Auguste tu vincas*; quamobrem territus Lugdunum magnis itineribus contendit, & cum alterum fratrem cum matre caesum comperisset, gladio & ipse occubuit. Domestica exempla secutus Caesar Decentius, laqueo usus est; Constantio sextum, & Gallo iterum Coss. Tum non ita multa post cum Arelate Tricennalia vota victor Augustus maximo Ludorum apparatu edidisset, Geruntium Comitem, uti Magnentii fautorem, delatum exilio damnavit; quam sortem commissio eodem delicto accusati ex Italia & Britannia quamplurimi subiere. Valentiam dein delatus cum Alamannorum Regibus * Gondeundo, Vademarioque isto foedere, solemnique ritu peractis omnibus ad hyberna Mediolanum venit; ibi omnis fortunae, vicissitudinisque securus quieti incum-

* Apud Amm. Marcellinum lib. xiv. cap. x. ubi scribitur Gundomadus, & Vadomarius.

E

bebat.

bebat. Verum qua Urbis regione habitaverit, nihilest, quod pro comperto affirmem. Dere (quando & Poeta Aufonius Palatinas in hac urbe arces celebret) non ambigitur; locus ipse controversiam solum facit. Nostrates Historici ad Georgii templum Trajani Prætorium fuisse contendunt, quod & annosa ulmus non multum inde distans, eo cognomine vulgo prædicetur. Honorii Imperatoris ædes quidam crebrioribus conjecturis ad Hortum, qui nunc Divi Ambrosii sit; collocant; decantatasque Claudiano Poetæ nuptias non alio loco contractas opinantur. At Herculi Maximi palatium certioribus (Mamertino præsertim) quin Mediolani exstiterit, nequâquam ipse dubitavero; neque ab simile vero est, Thermis, quas de suo nomine appellavit, fuisse junctum: earum ad Laurentii certissimæ ruinæ adhuc supersunt. In progenitoris sui ædibus habitasse Constantinum mihi credibile admodum videtur.

Sic Imperatoris præsentia nobilitata Civitas Palatinis quoque officiis frequens erat; quorum ordines ut paulo accuratius referam, quod ab aliis res nequaquam prodita est, maxime adducor, tum etiam quod his, quæ hoc libro dicturi sumus, non mediocrem lucem hujusmodi videntur allatura. Referuntur in primis Comites, quorum alii sacrum largitionum, alii rerum privatarum, quidam Consistoriani vocabantur. Ex his, qui largitiones procurabant, non aurum tantum argentumque, aut cætera de provincialibus munera sollicitare, sed de Judicum desidia iniquitateque ad Augustum referre tenebantur, ut si qui privatim potius sibi quam publicæ rei consulere, haud immerito plecterentur. Privata vero rei Comites in causis fiscalibus pronunciabant, harumque litium disceptatores habebantur. Consistoriani, quod Imperatoris Comitatum ubique sectarentur, dignitatis honore nec Proconsulibus cedebant. His Magistratibus Mediolanenses quoque quosdam functos opinari libet. Siquidem ingredientibus Francisci templum à læva in vestibulo occurrit antiquus tumulus; cujus epigramma, à marmorario non satis docte sculptum, sic incipit, *Lux patria*, &c.

Mittebantur etiam extra ordinem Comites, qui rei militari præessent, itemque qui Provincias gubernandas acciperent. Hi Præsidum instar primi ordinis censebantur; illi mandatam à Magistro militum jurisdictionem exercebant; plerumque etiam propria auctoritate Principis beneficio, quicquid placuerat, aggrediebantur; ductisque trans maria Legionibus Provincias defendere, cum hostibus acie congregi, aut eos obsidione submovere illis jus erat; Ducumque potentia sublevati summam potestatem in exercitu habebant, & hoc officio cum egregie functi essent, Vicariæ dignitatis post depositam administrationem privilegio fruebantur. Hinc originem traxisse Vicecomites ipse crediderim, quorum arma tercentis abhinc annis ita ex Insulribus propagata sunt, ut suorum temporum nemini aut rerum gestarum gloria aut diutino successu cedant. Nec nos quicquam moveat illa non sat Latina subrogationis vox, quoniam ea sub illis Imperatoribus inoleverat consuetudo, ut inter has dictiones differentiam non agnoscerent; nam & in Juris Civilis collationibus Viceconsules Belisarium, Basilidem, Joannem ubique Justinianus appellat; qui tamen dubio procul justî Consules fuerunt. Ufu enim vocabula innovari, mutarique accepimus. Igitur ab aliquo ortos, qui fortasse Comitibus titulo Insulribus ab Imperatore missus jura reddiderit, celebris hujusfamilie nomen argumentum est; et si alii tradant, quæ ad præsens institutum minime quicquam attinent.

Annumerantur & in Palatinis officiis Domestici, qui quoniam à secretis Principis erant, & Imperia-

lem Majestatem adorandi, & Prætorio Præfectos osculandi facultatem habebant. Eorum Tribunalum aliqui Primicerium appellant; ipse ex veteri Inscriptione Protodomesticum malim. Siquidem superius quoque à nobis Elvii Aurelii Mediolanense monumentum relatum est, qui hac dignitate honestatus fuerit. Sunt & Silentarii, quos palatii ipsius Decuriones recte dixeris. Hi triginta numero, ubi honestam missionem acceperint, inter Senatores pari honore agunt; munera tamen, cæterarumque functionum exsortes, dignitatis participes sunt. Privato quoque legis municipalis beneficio decorantur, quod à collationibus immunes, nec hospitem suscipere, nec tyronibus equos præstare, nec alium judicem, quam officiorum magistrum agnoscere coguntur. Protectores etiam parazonio illustres Principis salutem tuebantur; si per quinquennium à Comitatu abfuissent, cingulo, uti desides, illos spoliandi fas erat; Consulari dignitate fruebantur; eorum Tribuno altior gradus. Est in Victoris Martii propylæo filicea arca, innumeris inscripta notis, quæ Martiniano cuidam protectori ab hæredibus facta fuerit. Erant etiam Proximi sacrorum Scriniorum, inter quos negotiorum diversitate multa differentia. Alii namque ab Epistolis erant; quidam à libellis, diplomatibusque, quos Cornicularios appellant; à memoria, & registralii. Traduntur & agentes in rebus Ducenarii, Biaveji, Centenarii que. In his erant artifices, dispensatores, Scripturarii, & id genus necessaria Augusti officia. His qui præerant, præpositi, agentiumque Principes dicebantur; honoratissimum munus, nec nisi per gradus adeundum, quod Præfectorum Prætorio seminarium quoddam esset. His addendi Curiosi; vox frequens, & Julio quoque Firmico nota. Horum officium fuerat, commissa à Palatinis delicta referre ad Præfectos, vel si qui paulo inferioris fortunæ forent, ut poenis etiam ipsi atrocibus prosequerentur. In aula frequentes quoque Fulgones, Vestitores, Pictores, Pincernæ, similibusque professionis ministri, quos Castrensiarios vocabant. Exstat in præsentem diem apud Templum maximum marmoreus stylobates, quo T. Ponti majoris negotiatoris Lentarii, & Castrensiarii nomen legitur. Hic, non sat scio, an ad Palatinum munus quicquam pertineat; sicut & illud apud me dubium est, num qui ad Domnini legitur Rutilii Magonis ex Quatuor Annonæ Præfectis tumulus eos Præfectos significet, qui militibus, an potius Palatinis comitatu expediunt. Nam & officium id non utile tantum, sed etiam necessarium erat. Qui annonam ipsam à provincialibus exigebant, opinatores dicti sunt. In universum quatuor dignitatum gradibus officia contineri constat. Illustres primas habent, quos spectabiles sequuntur; hinc clarissimi, & inde perfectissimi. Attilium Crescentem supra retulisse meminimus ex tabulario palatii eo honore celebrem, ut perfectissimus diceretur. Et hæc quidem hætenus. Nunc ad institutum scribendi genus redeo.

Igitur Constantius cæteris apud Insulres amotis curis, quieti lufibusque operam dabat. Sola una sollicitudineangebatur, quam ratione Gallum, quem Cæsarem fecisse poenituerat, ex humanis eximeret. Immanis efferusque erat Gallus, ad omne patrandum scelus audax, naturæ malæ, pravæque, cujus alioquin temerarium ingenium conjunx, Augustique soror, Constantia, uti mortalis quædam Megera, accendebat. Hac suadente nobilis vir Clematius Alexandriæ ortus, indicta causa, occisus fuerat. Calumniam intendisse, non impetrato concubitu, iratam illius socrum tradunt. Ad hujus exemplum innoxii plures necati, alii ejecti bonis extorres eo inopiæ redacti erant, ut collaticia stipendia victarent. Non latebant Augustum scelera-

tissima horum facinora, feceratque primo eum certiore his de rebus Præfectus Prætorio Thallus;

lassus; sed incitatus maxime est Domestici & Protectoris sui Herculani nuncio. Retulit is largitionum Comitem Domitianum, Quæstoremque Montium, obviam Galli sævitiae euntes, militum gladiis ab eo objectos cruciabiliter periisse. Quamobrem dissimulata ira Constantius, litteras ad forum scribit, fictisque blanditiis, ut ad se cum viro properet, hortatur; angi se maxime eorum desiderio, tantamque sui erga illos amoris vim esse, ut absentiam æquo animo ferre non possit. Habere præterea se in Republica res novas, quæ nonnisi præsentem, consultanteque Cæsare explicari possent. Barbarorum incursionibus vastari Gallias, diripi fertilissimas regiones; quid potissimum remedii afferendum sit, cum eo se velle agere.

Hæc & his similia cum perscripsisset, dubitare primo Constantia, & quamvis germani excidio quoque gravem plerumque iram formidare. Contra, si iussis non paruisset, graviore & tanquam iusta causa commotum multo magis pertimescebat. Tandem itineri se accinxit; sed cum in Bithyniam pervenisset, apud Cænos Gallicanos febre extincta est. At defuncta uxore Cæsar longe magis cunctari, & nisi Palatinorum perfidiam veritus esset, fugam decernere; maxima enim spes suberat placandi per sororem Imperatoris; qua sublata tanquam nihil sibi reliquum esset, extrema moliturus videbatur. Impulit labantem Scutatorum Tribunus Scudilo, dicendi artem subagrestis ingenii specie occultans, & iccirco ad persuadendum magis efficax, & ut trahentibus ita fatis hominum ingenia hebetantur, sic Scudilonis pernicioso consilio usus parendum existimavit Augusti iussis. Quocirca per dispositos equos cursu publico accelerabat iter, alliciebantque eum blanditiis Comites, donec prope Polam Histriæ oppidum ventum est. Ibi Eusebius cubiculo præpositus, & Pentadius Notarius, † Mellobandesque armatorum Tribunus (quod ita in mandatis ab Augusto Mediolani acceperant) eum interrogant, quot apud Antiochiam iniuste occiderit, iudicii que causas sciscitantur, dum uxoris iussu voluntate causaret; raptus Agentis in rebus Apodemii ope, ligatis manibus in latronis noxii modum, capite cæsus est, relictumque, vultus corporisque dignitate erepta, cadaver informe, paulo antea urbibus provincii que formidatum. Nec Galli, licet impii hominis, cædem inultam percussores tulere; nam & ipsi, paria facientibus Diis, non multo post infelici morte perierunt. In Brigantiæ Mediolanensis agri collibus effossum est Merobandi monumentum, qui nescio (quod barbara nomina inversione aliquarum litterarum semper Latinis proferuntur) an is fuerit, quem * Mellobandum Consularem virum à Maximo tyranno cæsum legere memini, quod pro Valentino Juniori diversas partes secutus in acie fuisset. At Apodemius eluctante adhuc Cæsaris anima, raptis ejus calceis, citatissimis equis, ut nimio cogendi ardore etiam quosdam exstingeret, præcursorius index Mediolanum advolavit, è vestigioque Regiam ingressus, spolia occisi Principis ante Constantii pedes projecit, & ut omnis res opinione celerius transacta fuerat, eum docet. Est is nuncius summa alacritate Augusto acceptus, quod non difficilis tantum, sed pene desperata res tam felici eventu finem fortiretur. Hinc aggressi adulationibus pronas aures purpurati, virtutem fortunamque Imperatoris vocibus extollere, supraque omnem humanæ conditionis aleam positum prædicare; eas regni sui vires esse, ut nullo casu labefactari, nedum prosterni possent. Ostendisse id diversis temporibus duos Principes, quorum abjurato in Illyricis imperio Veterannius exauctoratus, in Norico Gallus neci deditus; quo adulationis studio ille allectus, applaudentium verbis fide ad-

A hibita, semet admirari, & se ipsum (quod ajunt) canere cœpit; tum veluti mortales egressus metas, immortalem se credere, & quoties rescriptis, diplomatibusque subscribendum erat, sese æternum fateri. Leguntur passim in Civili Jure Constitutiones, quibus aliquando æternitatem suam adscribit, aliquando totius orbis dominium falsa asseveratione sibi vindicat. Ea rescripta Mediolani edidisse Constantium Marcellinus auctor est. Adulatio scilicet Principum pestis, lethali mulso mentes ebrias reddit, ut nonnisi adveniente miseria excitentur, veraque tum demum audiant, cum infestus aliquis casus eos circumvenit. Sic ejecti regno quamplurimi leguntur, dum nihil ulterius sciunt, quam quod scire assidui auribus adulatores patiuntur. Quapotissimum ratione miserabilem Imperatorum sortem Diocletianus damnabat.

B Igitur iidem purpurati, & horum inprimis Arbetio percussus palpo aures innocentium quoque calumniis onerant. Defertur tanquam affectatæ tyrannidis reus Orientis Comes, atque idem animi, industriæque prope singularis Ursicinus. Ante Galli necem ex Persarum limitibus accitus Mediolanum venerat. Persuasum enim ab Arbetione Imperatori fuit, si civilibus armis cum Gallo disceptaretur, fore, ut interim Ursicinus militum studiis subnixus, præterea fortissimus Dux, majora meditaretur. Subolescere Imperio adultos ejus filios, non patristantum gratia, sed & proprio decore, suisque virtutibus claros. Quibus rebus Imperator commotus sub honoris prætextu eum accersiverat; interimque clandestinis consiliis Arbetio & cæteri tam enixe ejus salutem oppugnaverant, ut justis defensionibus oclusas aures Constantius gereret. Moverat suspicionibus etiam levissimis addictum hominem, quod per Orientis omnes Provincias longe & late Ursicini famam increbrescere delatores monuerant, eamque sibi populorum benevolentiam eum comparasse, ut jure meritoque Imperatori formidolosa tanti Ducis potentia esse posset. Igitur in Regiam deductus Ursicinus, neutiquam his malis cedere, nihil auctoritate sua indignum dicere, innocentiamque suam evidentissimis signis exponere. Sola eum macerabat cura, quod ab his, quos minime oportuit, Læsæ Majestatis reus ageretur; fortunamque secuti ejus veteres amici ad potiores desciverant. Improbis Arbetionis omnem excedebat modum, quod fictis illecebris uti fortissimum virum Collegam coram laudatum, clam insidiis appetebat. Ergo communicato paucis quibusdam arcanorum Præfectis consilio pronunciat Imperator, ut procul à militum conspectu tractus sequenti nocte Ursicinus indemnatus occideretur. Interim dum destinatum facinori tempus expectant, mutato animo, seu popularium invidiam veritus, seu melioribus consiliis fide adhibita, absolvendum esse censuit.

E Frustrati opinione sua delatores, calumniarum machinas in alios vertunt. Erat Galli Cæsaris frater Fl. Julianus, adolescens adhuc, & cujus ætas præter optimam spem præstare quicquam non posset. Is à Constantio ad Marcelli fundum, qui in Cappadocia est, relegatus, Constantinopolim venerat; quamobrem duplici crimine accusatus est, quod adversus Augusti iussu Cappadocia, sive, ut Cassiodorus mavult, Nicomedia, excessisset; itemque quod Constantinopoli cum fratre Gallo diutius verba fecisset. Itaque ad Principem Mediolanum deductus, cum dicendi copia sibi facta esset, objecta, ut Ammianus auctor est, diluit; quoniam nonnisi petita prius venia quicquam fecerat. Cassiodorus fuga Mediolano dilapsus tradit, inviosque per saltus diversis locis latuisse, donec exorato per Eusebiam Imperatoris conjugem viro abolitionem impetravit. Perductus itaque Comum, cum ibi paulisper traxisset moram, studiorum causa ad Græciam ire permissus est.

† Legendum, Mallobandes, vel Mellobandes.

* Merobandes is dicitur Amm. Marcellino, lib. xxx. cap. x. & Zosimo lib. iv. Pacatus vero in Paneg. refert, ipsum iussu Maximi mortem sibi conscivisse.

Decreverat enim Athenis philosophiae operam dare, seu quod ita vere sibi placuisset, seu potius ut per litterarum otiiue amoris dissimulationem minus Imperatori suspectus fieret. Nam & Nicomediae religionis Christianae professionem habitu Monachi ostendebat, ut digna Imperio indoles, affectandique Imperii ardor huiusmodi veste Constantium laterent.

Itaque falsis delationibus, ut plerique innocentis involuebantur, sic & rei quidam, etiam tercentas meriti cruces, iisdem annitentibus aulicis, evadebant. Gorgonio Galli Caesaris thalami cura commissa fuerat. Hic improbe gestorum cum particeps, concitator, auctor Gallo semper exstitisset, tamen reus ante Imperatorem actus, confarcinatis per regiae spadones mendaciis, periculo subtractus est. Nec contenti calumniatores haec Mediolani in ipsa Imperatoris regia fecisse, alios quoque alibi adoriuntur. Delatae Aquilejam fuerant militarium ab Oriente catervae; hi tanquam ferocientis Galli satellites, & ministri averfabantur. Quamobrem Augusti iussu Arbetio, & Praepositus cubiculi Eusebius Mediolano discedentes ad eos advolaverunt. Ibi nullo discrimine boni, malique suppliciis affecti, capitalem major pars sententiam, leviores aliqui poenas subdere. Quibus ex animo confectis rebus, ad Principis Comitatum, tanquam caeso Parthorum rege, ovantes redierunt.

Memorantur in aula duo praesertim pessimo ingenio, complicandis calumniarum nexibus infames, Paulus Notarius origine Persa, cui ex re inditum Catenae cognomen erat, & Mercurius tricinii magister, mox rationalis, vulgo somniorum comes appellatus; quod per quietem si quisquam aliquid infomniis vidisset amico (ut plerumque facere solemus) nunciasset, protinus inversum Mercurius Imperatoris nimium patulis auribus insusurrabat; ut non solum quicquam de Principe obloqui ea tempestate periculosum foret, verum etiam vel somnia enarrare capitale videretur crimen; & qui Mediolani erant, tanquam apud Atlanteos nocturnis imaginibus carentes populos nati, non somniasse solum, sed neque dormivisse externis fateri non audebant.

Inter has summis sceleribus attentatas quaestiones alia exorta est clades, inopino malo quam plurimos oppressura. Apud Sirmium intra Africani Provinciae Pannoniae secundae Praetorium discubuerant quidam. Hi amplissimis potationibus ebrii facti, tanquam absque arbitro loquerentur, praesentium temporum administrationi detrahere, Imperatoris famam fugillare, quamprimum regno dejectum iri, auguriis ita suadentibus, praedicare. Aderat his sermonibus Gaudentius quidam, qui rem inter pocula agitatam, tanquam seria esset, ad Rufinum Praefectum Praetorio Apparitorum principem detulit. Voracissimus erat Rufinus, avaritiaque & fraudulenti ingenii artibus famosus; quamobrem confestim ad Constantii regiam delatus, eorum nomina injuriasque exposuit; quibus tam acriter indignatus Imperator est, ut indicta causa Africanus, caeterique convivae sublimes ad supplicium trahijuberentur; Teutomeresque Domesticus Protector cum Rufino missus, qui pedicis, manicisque implicitos omnes perduceret; executique graviter Principis praecepta illi victos Mediolanum deduxerunt; & cum quaestionibus subditi se quaedam inter epulas petulanter obtemulentiam locutos solum confessi essent, carceribus sub aliqua absolutionis spe inclusi sunt. Solus periisse traditur perniciosi sermonis auctor Marinus, qui cum Aquilejam pervenisset, dum necessariis itineri parandis intenti essent caeteri, praerepta occasione latebat; sed inventum Teutomeres, ira, furoreque actus, naturae alioquin ferventis hominem, ense impegit.

A Dum haec domi à Constantio aguntur, foris increbrescebat bellum. Infestabant Rhætias Brigantes, Lentiensesque Alamannici pagi, nec qui pro Imperii salute in limitibus milites excubabant, tantis malis pares videbantur. Quocirca Constantius Mediolanensi Urbe derelicta, hanc sibi provinciam capefendam existimavit; profectusque Comum, superatis mox Alpibus, consilia belli exequabatur. Cum ventum ad manus esset, cederentque jam Constantii Legiones, Arinthæi, Bapponisque virtute reparatae sunt vires, & extorta de hostium manibus victoria, cadaverumque altissimae strues de Barbaris factae. Sic felicique exitu perfectis praeliis, Mediolanum, ut consueverat, laetus atque ovans Constantius rediit.

B Hic novae rursus in innocentium caput excogitatae fraudes fortissimos viros pene subverterunt. Irruperant Gallias Franci, Alamannica natio, caedibusque & rapinis omnia fœdabantur; Praefectusque illis regionibus Silvanus, etsi cautissimus Dux, coercendae tamen tantae licentiae impar erat. Silvanum ob amulationem odio prosequabatur Arbetio, nihilque apud eum antiquius residebat, quam ut ullo pacto e medio illum tolleret; hoc dies, noctesque agere. Sperabat enim futurum, ut ea sibi Provincia demandaretur. Erat Dynamius equorum, quos per dispositos locos Augustus habebat, Praefectus. Hic à Gallia Mediolanum venturus Silvanum adit, & commendaticias ab eo ad amicos Principis litteras pro mutua necessitudine petit. Nihil minus dubium Silvano, quam Dynamii fides. Igitur nil suspicans fraudis, epistolas hac de re his, quibus visum fuerat, scribit, & illis perferendas praestat. At Dynamius, ut Arbetioni morem gereret, subornatore & sceleris conscio Lampadio Praefecto Praetorio, ascitisque rei privatae ex-Comite Eusebio, * & Magistro à memoria Aedilio Collegis, Cornelia vetitum facinus comminiscitur, litteras sibi datas partim inducit, majori ex parte delet, ita ut priore ex sententia nihil reliquum permaneat; tum sola incolumi subscriptione relicta omnem contextum interpolat, & longe à veris dissidentia adscribit, tanquam obliquis verbis ostendet Silvanus Imperium se affectare, cupereque eorum auxilio hac in re uti. Dirigebantur haec litterae ad diversos Tribunos Palatinosque, quorum princeps Albinus Tuscus erat. Igitur Dynamius suadente Arbetione rem ad Augustum defert, Consistoriumque ingressus falsa illa commenta, ut verisimilia essent, fraudibus astuque facta exhibet. Quamobrem hi, quorum nomina epistolis designata erant, in custodia positi interim duriter habebantur. Non tulit hoc rei summa iniquitate percitus Gentilium rector † Malaridius; sed ascitis, in sententiamque tractis quibusdam Collegis, fremens, frendensque ad Imperatorem tendit; in conspectum admisus, per dolos ac factiones circumveniri innocentis clamitat; solum petere, ut se ad Silvanum proficiscendi venia sibi concedatur; fore enim ut quamprimum Mediolanum una cum eo rediret, ostenderentque veris probationibus falso cavillo strenui Ducis salutem oppugnari; reditus sui vadem, obfidemque (ne de fuga cogitare quisquam eum existimaret) Mellobandem Tribune dare se paratum offert; nec detrectabat munus Mellobandes; sed intercedebant huic sponcioni calumniatores; exploratum enim illis erat, si aliquis alius mitteretur, suoapte ingenio territum Silvanum haudquaquam iussis obtemperaturum; qua de re ceu contumax & rebellis fidem accusationi faceret. Haec omnia è converso casura opinabantur, si Malaridius impetrasset. Vicerunt itaque delatores, & Arbetione auctore missus est Apodemius, quo nemo peiores artes ad Imperatoris Comitatum attulerat; facinorosis

* Ex - Magistro Memoria habet Amm. Marcellinus, lib. xv. cap. v.
† Ibid. Malarichus legitur in optimis Editionibus.

sis quibusque culpæ commercio carus, & omnium bonorum perpetuus hostis. Is à mandatis, quæ proficiscenti injuncta fuerant, discedens, nec viso Silvano, nec redditis litteris illi, solum superbe admonuit, ut veniret, interimque quieta omnia proturbans, in Silvani caput sua consilia vertebat. Dum hæc aguntur, & in expectatione Silvani omnes erant, Dynamius nihil sibi reliqui facere, ut Malaridium in culpæ communionem traheret. Solitis itaque artibus Silvani & Malaridii nomine ad Cremonensis Fabricæ Tribunum litteras mittit, quibus, ut consilii particeps, moneretur, propere pararet omnia; siquidem jure veteri militaria arma fabricare privati prohibentur; habebantque Imperatores huic operi assignatum locum, quo loricae, scuta, gladii, tibialia, humeralia, galeae, idque armorum genus in usus publicos videbantur. Artifices ipsi Fabricenses dicti; eorum Præfecti Tribuni Fabricæ appellantur. Necessaria itaque res novas tentantibus hujusmodi Tribunorum opera videbatur, quod militem armis instruere, vetera reparare ipsi possent. Igitur probabili arte usus Dynamius Tribunum elegit, ad quem missæ litteræ fingerentur. Verum Tribunus rerum harum prorsus inscius per eundem nuncium, qui eas attulerat, rescribit, rogare se Malaridium, ut paulo apertius voluntatem suam exponeret; obliquas illas narrationes se non percipere, quorsum tendant. Quare crassioris Minervæ viro ea paulo perspectius explicanda esse. Sic dimissus tabellarius ad Dynamium redit. Tum ille alacer & confidens rursus adito Imperatore veteri malo novam Malaridii accusationem innectit; quæ ubi ad Malaridii aures pervenire, suam & Silvani civis sui sortem ingemiscens, adhibitis popularibus quibusdam Francis, quorum magnam multitudinem in palatio Constantius habebat, Imperatorem adit, & Dynamium ulturus calumniatorem appellat, remque tam aperte Constantio demonstrat, ut pro damnatis jam falsi accusatores haberentur; solaque eorum confessio extorquenda restaret. Mandata jurisdictione officiorum Promagister Florentius Judex constituitur. Hic cum Silvani litteras conspiciat, ex pristinis apicibus interpolatas, evidentissimam fraudem subesse Imperatorem docet. Quamobrem discussis tandem fallaciis, accusatores ex Senatusconsulto damnati, & abrogata potestate Lampadius quæstioni subditus, suspensus Eusebius, poenæ quoque de Dynamio sumptæ, & infons Albinus absolutus est. Mediolani hæc tum acta traduntur.

At in Galliis Silvanus, cujus exploratum haberet Apodemii apud se odium, nosceretque, quam faciles, pronasque aures delatoribus & inimicis suis Constantius adhiberet, ad Barbaros, unde illi origo (Francus enim erat) transfugere, ne quid indignum pateretur, decreverat; sed veritus, ne accepta pecunia aut trucidarent, aut proditum se Imperatori traderent, huic consilio superfedit. Igitur cum nil ex præsentibus tutum cerneret, extrema attentanda arbitratus est. Quapropter quosdam Centuriones, Tribunosque allocutus, maximo militibus promissio donativo, Imperatoriam dignitatem assumpsit; & quoniam decrat purpura, quam indutos salutari Imperatores moris erat, à Draconum Vexillorumque insignibus ad tempus abstracta vela coccineæ vestis vicem præstiteret. Vergebat in occasum Sol, cum hujus rei nuncius præter omnium spem Mediolanum venit. Ad Principem intromissus rei gestæ seriem exsequitur. Obstupuerat inopino casu Constantius, & dolore nimio attonitus vix sui compos credebatur. Quamobrem defecunda vigilia advocato consilio, purpurati in regiam coeunt, ut, quod huic malo remedium esset adhibendum, simul consultarent. Nullus erat, qui in commune quicquam afferret utile, seu quod miraculo rei obstupescences bona mens deseruisset, seu (quod ve-

A) risimile est magis) ne si minus ex voto res successissent, consilium quandoque consultori pessimum redderetur. Viri itaque mentio sic tantum perstringebatur, ut bellicæ rei consiliis cautissimi, & quem virtuti ejus impares frustra laceissent; quærebaturque interim Dux, qui hostis conatibus nihilo inferior illi opponeretur. Ergo quam paulo ante obdictus capite, & per filios summæ rei affectator accusatus fuerat, nunc uti impiger, atque idem optimus exercituum ductor, Ursicinus, Silvani audaciam ulturus, decernitur. Mitissimis itaque verbis compellatum, cum nimiam credulitatem Constantius excusasset, successorem tyranno destinat. B) Variis igitur sententiis dictis, in eam itum est, ut priusquam sciret Silvanus quicquam de occupata tyrannide ad Constantii aures pervenisse, mitterentur quam celerrime nuncii, qui cum honorificis litteris monerent, ut accepto successore Ursicino, intacta potestate rediret Mediolanum; sperabant enim fore, ut à calumniis absolutum se perspicere, forte contentus sua, nihil ulterius moliretur. Missi confestim sunt Tribunus cum Protectoribus decem, qui cum itineribus magnis, ut omnem rumorem prævenirent, ad celeritatem nihil sibi reliqui fecissent, Agrippinam Coloniam accesserunt. Sed jam fama (quo nullum velocius malum) eos præcesserat, omniaque erant supra, quam opinabantur, longe magis difficilia. C) Quare mutato consilio Tribunus & Protectores periculosum commentum ordiuntur. Profecti enim ad Silvanum firmandarum ejus virium causa opem suppetiasque illi allatuos mentiuntur; nec erat dubium, si novo Imperatori veritas explorata fuisset, quin uno elogio morte omnes mulctarentur. Sed deceptus Tribunum in ipso congressu ex more pedibus advolutum non erexit tantum, sed & regalis convivii honore aliis anteposuit. Ibi dum discumbunt una, ægre se tulisse Silvanus retulit, quod ipse & Ursicinus post tot exantlatos pro Rep. labores eo redigerentur, ut capitis quoque causam agere coacti forent. D) Fatigabat militem inopia & annonæ caritas; quamobrem palam circumfremebant omnes Alpium Cottiarum, queis ex Italia Agrippinam itur, angustias quamprimum perrumpendas; quæ res Tribunum conjuratosque Protectores non parum perterrebat. Igitur necem illius maturari placuit. Erant in Legione Braccati & Cornuti milites, nomina hæc ab turmæ insignibus sortiti. Hos tanquam fluxioris fidei sollicitandos Tribunus existimavit. Spe itaque pecuniæ ingentis accensos ita dimisit, ut Silvanum Principem suum se trucidaturos reciperent. E) Igitur albescente coelo subitus armatorum globus regiam irrumpit, & cæsis custodibus, audacior factus, ex Christiani ritus ædícula, quo semianimis confugerat, extractum interficiunt; dimissique è vestigio Mediolanum cursores, qui Augusto latissimum nuncium afferrent. Qua ille re cognita, inæstimabili gaudio plenus, solita quoque insolentia efferebatur, non quidem fortissimis Tribuni Protectorumque gestis rem tribuens, sed & hoc quoque adscribens suæ felicitati.

Tum ex more delatoribus admissis Silvani Domesticus Proculus admovetur equuleo. Is, etsi debili admodum corpore, ut quantumvis levissimis tormentis cessurus videretur, supra omnium spem etiam maxima fortiter sustinuit; nam tantum abfuit, aliquem uti conscium incusaret, ut Silvanum quoque excusare niteretur; nam quinto die, quam Imperator salutaretur Silvanus stipendium Constantii nomine militibus divisisset; si, inquit, ad eam Majestatem adspirasset, certe tam grave auri pondus interversurum fuisse, vero perquam simile est. Cæsi dein Asclepiodorus & Maudio Comites, aliique aliis causis; hacque potissimum ratione diris quæstionibus quamplurimi subigebantur.

At sacrae res divinusque cultus principio optimo successu fruebantur. Praerat Sacerdotibus Dionysius rectae fidei indefessus propugnator; mox omnia turbantibus Arrianis maximum detrimentum Orthodoxi accipere. Alexandriae Antistes Athanasius quorundam Episcoporum, qui Arrio haerebant, conspiratione absens per summum nefas damnatus fuerat, sacrisque illi interdixerant in Praesulum Concilio. Quamobrem Arrii invalescente factione decrevit Constantius rursus Concilium Sacerdotum Mediolani indici, ut hic utra opinio verior esset, disceptaretur. Convenere itaque ex Orientalibus locis non sane multi, quoniam eorum plurimos se-nectus, alios itineris longitudo prohibebat. Ex Occidente supra tercentos Episcopos Mediolanum venisse constat. Ubi coeptum de re agi, quos Eoae plagae miserant, statim petere, ut decretum, quo Alexandriae sacrisque Athanasius arcebat, ab Occidentalibus confirmaretur, ut tot sententia ille damnatus, si quam de reditu spem conceperat, prorsus amitteret. Negare id Dionysius, & Vercellis Praesul Eusebius, & qui meliora sequebantur, ceteri. Ex Concilio enim se proripientes coram Principe proclamabant, dolis fraudibusque Orientales agere; nihil aliud esse, quod tantopere virum sanctissimum damnent, quam ut veras religionis sententias evertant, ut abominabile Arrii dogma ubique terrarum divulgent. Igitur solutum hoc modo Concilium est.

At Imperator, qui jam in Arrii sententiam iverat, Athanasioque infensus erat, agre admodum tulit, tam vehementer, quas ipse probavit, partes oppugnari; Dionysiumque & ceteros in extremas Orientis insulas exulare jubet; cives centum & quadraginta Herculeis Thermis sub custodia esse imperat. Dionysio Auxentium, Eusebio Eunuchus impellente, sufficit. Vir hic nequam, dissimulata vera religione, Arrium sequebatur, coque potissimum in Principis gratiam sese insinuaverat.

Ceterum Constantius ad Liberium Urbis Romae Pontificem litteras dedit, rogatque, ut libello, quo Athanasius damneretur, suum & ipse nomen inscribat: auctoritas enim illius maximum pondus habitura videbatur. Detrectavit funestam rem Liberius, & minime se his assensurum respondit, qui nec visum, nec auditum hominem damnare velint. Indignatus Augustus Leontio Urbis Praefecto scribit, ut ad se captum Liberium Mediolanum mitteret. Curavit rem diligenter Praefectus. Et quoniam Pop. Rom. Opt. Pontificis amore flagrabat, seditionem aliquam veritus, noctis silentio asportari iussit, ductusque Mediolanum novis quoque delictis accusatum Athanasium cognoscit. Augurem, magumque, & aliena a Christianorum lege tractantem dicebant; nam olim cum Alexandriae Athanasius esset, praetervolantem corniculam garrientemque conspiciens; *Vox haec*, inquit, *Latina lingua, cras, sequentem diem denotat, quam Gentium numinibus fatalem auguror*; cumque accidisset, ut postridie Principis edicto a templis (quos vocant) Pagani arcerentur, existimarunt, non divino auxilio, sed magicis artibus tum polentem esse; hocque praesertim nomine virum detulerant. Igitur coram Constantio deductus Liberius, cum precatur, ut promulgata lege, quae Nicænas Patrum sententias probaret, solemnium iudiciorum more mox in Athanasium inquireretur, & qui a Nicæno diffidere reperti forent, hi darent poenas; quicquid enim antea actum fuerat, adversariorum odus, solo impetu, nulla ratione factum. Ad hæc Imperator respondet Athanasii scelera sibi comperta inprimis esse, qui Constantem fratrem suum falsis insimulationibus sibi inimicum reddere, ut civili bello cuncta ardescerent, conatus fuerat. Nec sibi tantum mala hæc explorata esse, sed universo terrarum orbi, cum Sacerdotum principes Chri-

stianæ legis sacramento eum exauctorarunt. Quamobrem alterum eligendum, ut aut cæterorum sententiam secutus damnationi subscriberet, aut in Insulam deportatus Italia cederet; huic optioni terminus tres dies dati. Cum perseveraret in sententia Liberius, post biduum in Thraciam exul eiectionus est; & cum pro viatico quingentos aureos Constantius, totidemque Augusta, ad eum misisset, spreto munere, *Non amittet*, inquit, *hanc occasionem Auxentius illi reddite, qui semper aurum sitit*. Et his quidem huiusmodi rebus per otium Mediol. operam Constantius dabat.

Verum haud ita multo post ejus animum averterunt ingruentis belli curæ. Galliarum calamitatem assiduis popularium sletibus edocebatur. Excurrebant enim Barbari, & in agros hominesque grassabantur, ut in ea Provincia nihil ab eorum incursionibus sat tutum esset. Agrippinam usque Coloniam hostes venerant, & pertinaci obsidione cingere perseverabant; neque vero Constantius satis salutis suæ consultum existimabat, si ipse in Gallias profectus bellum illud aggrediretur. Italicis enim deliciis allectus remotiores partes adire periculosum ducebat. In eam tandem, cum diu deliberasset, ivit sententiam, ut patruelem fratrem Julianum in Imperii societatem sibi asciscendum arbitraretur. Cumque voluntatem suam in consilio expressisset, idque non alia se causa facere testaretur, quam ut à Galliis Barbaros submoveret, solus tot periculis impar; tum adulescentes solito more ei animum addere; nihil esse, quod ejus virtus fortunaque tam vicina syderibus superare non possit. Re ipsa in Gallo expertum, quam Cæsaris nomen sibi cavendum foret. His rationibus, ut sententia decederet, suæ quisque saluti consulens, hortabatur: scilicet non immerito ab Juliano timebant, quem ipsi calumniis apud Constantium olim onerassent. Verum his suasionibus Imperator nihil movebatur, sed seu quieti propriæ, seu in commune Imperio consulens, irritis disceptationibus abjectis, omnino Cæsarem declarare Julianum parat. Igitur, ut Mediolanum veniat, statim eum accersit. Incumbebat litterarum studiis in Attica Julianus, cum ex Minervæ secessu ab Academia in bellum tractus, pro pallio sagum sibi assumendum judicavit. Paruit itaque Augusti mandatis designatus Cæsar; quamobrem in ipsa Urbe Tribunali pro suggestu erecto, hinc atque inde Aquilis, signisque circumdatus, convocatis militibus Imperator adscendit, & Juliani dextera manu apprehensa huiusmodi habuit orationem. Adsumus communis cum vobis causæ defensores, & pro ea re verba facimus, fortissimi Commilitones, quæ vestris animis sustinenda, vestris armis vindicanda est. Cum enim vos optimos Reip. pugnatores semper habuerim, experta mihi superioribus annis vestra fides promptiorem me, longeque fidentiorem facit. Igitur uti fabulas acturi poetæ spectatorum sententiæ acquiescunt, sic ipse vos nostræ causæ Judices, quid in præfenti re, brevissime edocebo. Sublatis è medio Rom. Imperii Tyrannis, qui propria fortuna non contenti, rabie quadam, furoreque acti, aliena tentaverant, videbantur omnia satis quieta tandem fore. Sed fefellit expectationem nostram Barbarorum repentinus in Provincias impetus, qui tanquam Tyrannorum manibus Romano sanguine parentantes Gallias insultant, & ultra limites delati, nullo metu quacumque grassantur; quam temeritatem si eos inultam ferre perpeffi fuerimus, illis certe, non nobis, parata de Tyrannis victoria videri poterit; animos eis facit, quod nos necessitatibus aliis occupati, longissimo terrarum intervallo in tempore ulcisci tantam audaciam non possumus. Huic igitur malo latius proserpenti, nostri, vestrique consulti suffragium occurrat, ut barbarum gentium animos frangamus,

gamus, & in antiquos fines restituto orbe Romano, non vires, sed voluntatem, haecenus defuisse nobis ostendamus. Id autem dubio procul fiet, si vestro favore nostra consilia adjuvaveritis. Julianum hunc fratrem meum, patrualem meum, nostis, non bonis tantum moribus, sed necessitudine etiam nobis junctum esse, spectatae fidei juvenem, industriaeque singularis omnibus, arbitror, compertum est; hunc ad Caesaris adhibere potestatem vestro omnium consensu cupio, & quam maxime desidero. Dicere super his plurima conantem fremitu, laetisque clamoribus concio prohibebat, exclamatumque est, divinum illud, non hominis esse consilium. At Imperator interrim stans immobilis, facto à militibus silentio, caetera persecutus est. Quoniam igitur vobis quoque annuentibus (quod expressus per fremitum favor ostendit) nova dignitate adolescentem ornaturus sum, laetus ipse ad honorem capebundum exsurgat, cujus mores magis imitandos, quam praedicandos esse duxerim, videorque mihi egregiam ejus indolem ex hoc vobis plenissime ostendere, quod non alium magis eligendum existimavi. Ergo, quod felix faustumque sit, Dei coelestis praesente nutu, Caesarea ego cum veste velabo. Dixit, & mox avita purpura indutum Julianum, linguis animisque favente exercitu, Caesarem declaratum his alloquitur. Recepisti dignum natalibus, dignum origine tua honorem, omnium mihi carissime frater; siquidem avo Imperatore natus jure meritoque in dignitatis partem assumendus eras; quod cum me auctore tibi sit concessum, multo majori magnificentia usus videor praestitisse, quam si uni mihi tota illa Majestas adfisceretur; ipsaque potestate sublimiorem me esse confiteor, dum consanguinitatis amorisque nexu propinquo tibi eam deferendam arbitratus sum. Adesto igitur laboranti Reip. Adesto laboris periculorumque particeps, & barbarica incursione quassatis Provinciis patrocinium tuum exhibe. Galliarum tibi omni beneficio partes fovendae sunt, ut afflictis & nisi succurratur, pereuntibus tutela, salusque sis. Cum hostibus fortasse congregari necessarium tibi fuerit; animi tui magnitudo (si ea recte mihi explorata est) scio, id non detrectabit. Tum inter signiferos ipsos fixo gradu consistite; per te audacia & vigor addatur militi, cum intrepide inter tela versantem Imperatorem suum viderit; in tempore cautissimus horator, praecundo caeteros pugnantes in Martia bella accendens, turbatos praesente animo reparabis; fulciendae tibi acies, increpandi desides erunt; quae quisque fortiter, quae foede gesserit, strenuis ignavisque certissimus testis affuturus. Proinde cum rei magnitudo ita exigat, perge vir fortis, fortes itidem viros, atque Duci suo persimiles assume. Adero tibi vicissim, salutemque meam tua potiore non ducam; indissolubili amoris vinculo una militabimus, una pacatum orbem pari pietate moderabimur, si modo maximus omnium pater, mundique auctor Deus, quod continuis precibus implorabimus, aliquando concessurus est. Quodcumque moliri placuerit, tanquam una mecum praesens aggredere, vicissimque ipse, & ante oculos semper proponam, ut alter alteri suppetias ferat, manusque (quod dicitur) manum levet. Cum enim ipse tibi quaecumque acturo non defuero, neque te nobis in mora quandoque futurum existimare libet. In summa consentientibus omnium votis publice privatimque propera; assignatam tibi velut ab ipsa Republica Provinciam pervigili cura indefessoque studio tuearis, & exornes.

Vix haec finiverat Imperator, cum rupto silentio nemo unus reticuit, sed horrendo fragore militares omnes scuta genibus allidentes conclamarunt. (mos hic est annuentis, faustaue precantis exercitus, sicut hastis percussi clypei contraria appetentes significant) Vix dictu credibile cuiquam fuerit, quanto gaudio, quanta militum promptitudine res pera-

A cta sit. Caesarem nemo non maxima admiratione prosequabatur, caligabantque ad muricis fulgorem, quo tegebatur sago, spectantium lumina. Erant & qui ex Juliano ipsius facie qualis Imperator futurus esset, praesagirent. Terribiles enim non sine maxima venustate ejus oculi optimam indolem praeseferebant; reperti sunt quidam exterioribus signis, (ut quos vocare Physionomi solent) quae ejus secreta animi consilia interpretarentur, venturaque praedicerent, & quo omnia apud Julianum augustiora essent, non supra modum vanis vocibus, ut alias soliti, milites efferebant; atque ideo sicut in Senatu Censoria gravitate equites deligebantur, sic cum militari quadam severitate approbatum videri poterat; nam & currum ejus prosequentes licentia quadam joculari stigmata in illum detorquebant; quamobrem dum in vehiculum receptus una cum Constantio in Regiam properans ea intelligeret, hunc versum ex Homérico carmine * susurravit:

Τῶν θεῶν τε βίη τε σιδήρεον ἔρανον ἦκει.

Mediolani gesta haec esse VIII. Id. Novembr. Arbetione & Lolliano Coss. Marcellinus auctor est, et si aliter alii scribant.

Igitur Constantius, ut firmiore quoque vinculo sibi novum Caesarem adjungeret, paucis post diebus sororem Helenam illius matrimonio copulavit, celebratisque summa celeritate nuptialibus festis in Gallias Julianus decernit iter. Hinc non satis frequente comitatu suscepto, Cal. Decembribus Mediolano digressus est. Discedentem deduxit Augustus ad usque locum duabus columnis insignem, qui (ut Ammianus idem tradit) Laemelum interjacet & Ticinum. Inde Julianus recta Taurinos contendit, Constantius Mediolanum reversus est. Ibi Arrianorum nefariae opinioni accedens recta sentientes odio prosequabatur. Et quoniam Mediolanensis populus ab hac scelesti factione procul abesset, Tribunos quosdam dimisit, qui summa crudelitate quampluribus contritis, Sacerdotes etiam ab altaribus per vim divellerent. Illi enim ab Sanctorum Patrum sanctionibus nihil dissidentes, Auxentium damnabant, & cum caeteris Arrianis adversus Athanasium consentientem ita impugnaverant, ut eorum judicium veriti falsi Antistites extemplo ad Imperatoris palatium transfugerent. Igitur Auxentii partes ibi defendendas Constantius existimans per edictum Mediolanenses etiam metu poenae coercitos admonuit, ut Antistitis sui sententiam probarent. Erat tunc in Urbe Hilarius Pictaviensis, Dionysio amicus, & Orthodoxae fidei propugnator. Is per supplices libellos Imperatorem admonet bonorum hostem Auxentium veritati repugnare, & à Nicæno Concilio, quod divae memoriae pater Constantinus Magnus lege promulgata probaverat, abhorre. Quibus rebus Imperator permotus Quaestori, Magistroque officiorum mandat, ut inter Hilarium, Auxentiumque cognoscant, & litis disceptatores sint. Accitus Auxentius tergiversari primo, tanquam à Saturnino quodam damnatum Hilarium audiri non oporteret. Verum Judices hac repulsa exceptione Auxentium rogant, ut quae de re Christiana sentiret in medium proferat. Ille, ita impellente Hilario, ex scripto veritati prima facie nil repugnantia recitat; sed suberant obliquis sensibus expressae fraudes, eludebaturque hoc pacto Auxentii fides Regis. Itaque ejus machinationes detegere paratum Hilarium Constantius Mediolano excedere jubet. Nihilominus tamen minus res cognita est. Detexit ille Arriani Praefulis fraudem duobus libris, qui adhuc existant, & per doctorum manus versantur. Factum id sub Valentiniano Auxentii epistola quaedam indicat. Sed cum rei gestae series satis constet, de tempore certare

* *Odyss.* O. v. 328. apud Amm. Marcellinum *lib. xv. cap. viii.* in hodiernis Edit. legitur aliud carmen ex *Iliad.* E. v. 83.

Ἐλλαβε ποσειδῶνος θάνατος ἢ μοῖρα κραταιή.

pretium operæ non fuerit. Itaque hoc potissimum modo res sacras Constantius perturbabat.

Venerat his diebus Mediolanum Magister armorum Marcellus; huic, quod obsesso apud Senonas Juliano opem non tulisset, cingulo interdixit; at ille delationibus confusus, quod his benignas aures præstare Imperatorem noverat, statim in Consistorium admissus Julianum ut procacem insimulat, & præsentia aspernatum ad altiora capefcenda validiores sibi pennas aptare. Hæc & alia licentius dicentem Eunuchus Eutherius hac de causa à Cæsare missus coarguit, auctoriq; suo semper fidum Cæsarem fore attestatur. Tantis autem Constantii aula delationibus patebat, ut si super foricis eventu, mustelæve occurfu quemque aruspiciem aliquis consulisset, unde minime existimabat, delatus, plerumque capitis pœnas lueret; quin etiam leniendo dolori si quod anile incantamentum quidam adhibuisset, ultimo supplicio affectus traditur. Per idem ferme tempus etiam accidit, ut quendam nomine Danum uxor levis cujusdam delicti reum accusaret. Ei Rufinus, quem Africani delatorem diximus, stupro illectæ suavit, ut Læfæ Majestatis maritum arcefferet, tanquam ex Diocletiani sepulchro velamen purpureum furatus, rebus novis illud fervaret. Morem amatori gessit impudica mulier, causamque perduellionis sub Mavortio Præf. Præt. & Ursulo sacrarum Largitionum Comite maritum dicere coegit. Sed convicta mendacii Rufinum totius technæ auctorem confitetur; quamobrem talionis lege de utroque sumptum supplicium est.

Id cum Imperatori nunciatum esset, ægre admodum tulit, quod salutis suæ, uti existimabat, vindex Rufinus tam foeda morte peremptus foret. Quamobrem missis equitibus minaci edicto jubetur Ursulus ad Comitatum redire. Reversus ille spreus, qui ingressu cum arcebant, Palatinis, in Consistorium prorupit, & intrepide sententiam ex Senatusconsulto Turpiliano in eos iuste latam edocens, oppressis adulatorum calumniis, se & Præfectum maximo discrimini subtraxit. Superabat enim omnium opinionem eo tempore Palatinorum improbitas; quod rarus admodum dives esset, cujus bonis hac ratione non insidiarentur. Quamobrem, cætera bonus Princeps Constantius, infame apud posteros nomen habuit. Quanto rectius Alexander Severus, qui alioquin mitissimus Imperator, erga fumi (quod ajunt) venditores implacabilis erat. Et Licinius, qui hoc hominum genus pestem aulae, atque sicuti mures à palatiis explodendos censuit.

Cæterum haud diu post Constantius apud Mediolanenses moram traxit; nam Romam profectus, ut de subactis Tyrannis triumpharet, mox Parthico bello irruente in Orientales plagas exercitum ducere coactus est. Ibi cum sat feliciter cœptis arridente fortuna uteretur, externis armis supersedere, ut civiles motus compesceret, necessarium visum fuit. Acceptæ gratiæ immemor Julianus hostilia sentiebat, & à militibus Imperator, Augustusque salutat parem Constantio Majestatem affectaverat; quam tamen in itinere inter Ciliciam, Cappadociamque eo mortuo tandem obtinuit.

Interim Mediolani Auxentius diversæ sectæ viros gravissime insectari contumeliis, & plerumque viarmata ab sacrorum cultu exigere. Ex Pannonum Urbe Sabaria Martinus, qui postea Turonensibus præfuit, secreto extra Civitatem loco sacrarium quoddam, Cœnobiumque sibi construxerat: quo in secessu procul à profanis quietiori, perfectiorique vitæ totum se tradiderat. Hunc Auxentius, quod Hilario Pictaviensi amicum, collegamque cognosceret, odio prosequeretur. Nec prius illi negotium facere destitit, quam (tantum scilicet virum nobis invidens) ædibus, urbeque deturbavit. Quamobrem Martinus unacum alio quo-

A dam Sacerdote pari calumnia depresso diu errans, Romam tandem, ut Hilarium viseret, profectus est. Celebris etiamnum Victoris Martyr templo contigua est ædes, quæ Martini nomine sacra religiose colitur; eaque populi totius opinio est, sanctum hominem illic diutius versatum, & jam vitem, quæ ibi post altaria germinet, plantavisse. Arbor adhuc exstat vel ipsa vetustate venerabilis, quam valetudinariis, morbosisque hominibus expresso liquore salutarem vulgo existimant. Cui sententiæ ut & ipse accedam, gravissimi scriptoris Gregorii Turonensis auctoritas facit. Is pari pene exemplo Martinum tradit vitem in Gallia plantasse, cujus uvam, cum Arri-
B dius presbyter eam adjecta aqua ampullæ inclusisset tanquam medicamento quodam res vix credibiles gessisset. Nam cum æger ad eum forte venisset, buccas pustulis, oculos caputque inflatione deformatus, infuso per os ex ampulla liquore, sospitem eum confestim reddidit. Puderet omnino hæc vix fidem capientia referre, ni auctoris ipsius dignitas, antiquitasque scribere dubitantem impelleret. Noningenti ad nostra tempora elapsi sunt anni, cum Gregorius hæc prodidit, & cum Sanctorum Collegio adscriptus inter cælestes colitur. Verum itaque illud, quod etiam
C Homerus, alioquin diversæ religionis vates, frequenter scripsit; *Hominum quidem potestatem intra certos terminos contineri, cæterum Deos omnia posse.*

Per idem tempus cum in Armeniam Constantius venisset, Dionysium, qui in ea Provincia apud Re-
D tejum Urbem deportatus fuerat, in pristinam dignitatem restituit. Tot enim mirabilibus gestis efferebatur, ut vitæ sanctitate illis in regionibus nemo notior esset; ægros sanare, divinam iram precibus flectere, imminetia mala repellere, illi quotidianum pene opus erat; quamobrem tam celebris ejus fama vagabatur, ut protinus illum Imperator exilio revocandum duxerit. Verum ille ad infestam turbatamque Auxentii furore urbem redire veritus, præsertim jam senex & impetu sustinendo impar,
D maluit in Armenia remanere. Erraverat enim toto orbe, auctaque de se omnium opinione, quieti & otio indulgere consultius arbitrabatur. Verum non multo post cum defunctus animam reddidisset, per sacratissimum Præfulem Aurelium Mediolanum translatus est, dicatoque ejus nomini fano conditum corpus viii. Cal. Junias religiose salatur.

Igitur cum adversus Julianum in Oriente arma Constantius pararet, fato oppressus, omni administratione perduelli cessit. Sed & ille dum contra Persas paulo inexploratus progrediretur, sagitta ictus occubuit. Milites, qui in exercitu erant, Jo-
E vinianum Imperatorem dixerunt, eorumque electioni totus Oriens acquiescebat. Sed veritus Jovianus, ne res in Occidente turbarentur, litteras ad Lucillianum socerum Sirmium scribit, ut ancipites in fide confirmaturus propere Mediolanum contenderet, & quosdam quorum fides compertior foret, industriaque clarior, sibi comites assumeret, quibus tanquam adminiculis, si ita fors tulisset, uteretur. Mandatum & illud, ut Malaridium, cujus supra meminimus, Magistrum militum Provinciæ Galliæ constitueret. Quamobrem Lucillianus cum Saniaco, & Valentiniano Tribunis statim Mediolanum venit, Malaridio se potestatem decernere paratum offert; sed eo munus illud recusante, cum
F Remos petiisset, una cum Saniaco interfectus; quam fortunam etiam Valentinianus subisset, nisi apud hospitem trepidus repertis latebris inquisitores frustratus foret; reservabant eum imperio fata, & qui tunc de salute periclitabatur, paulo post omnium Princeps futurus erat. Nam defuncto Joviano milites Nicææ Valentinianum hunc Augustum creaverunt; collegamque sibi ipse Fl. Valensem fratrem ascivit, & haud ita multo post filium Gratianum. Valens Constantinop. Valentinianus Mediolanum venit.

TRISTANI CALCHI,
MEDIOLANENSIS HISTORIOGRAPHI,
HISTORIAE
PATRIAE
LIBRI XX.

CVM NOTIS

JOANNIS GVILIELMI CALAVERONI.



TRISTANI CALCHI,
MEDIOLANENSIS HISTORIOGRAPHI,
IN LIBROS XX.
HISTORIAE PATRIAE
PRAEFATIO.

SVB tribus novissimis Mediolani Principibus continuum ab epistolis & arcanorum magisterio locum obtinuit familiae nostrae decus, & dignitatis meae auctor Bartholomæus Calchus, vir singularis in patriam pietatis, eximii erga bonas artes studii, & prudentis in re literaria iudicii. Hic efferentibus sese sæculi nostri ingeniis, animadvertit cæterarum fere Italiae urbium res gestas non mediocribus celebrari, illustrarique monumentis: remque Romanam Blondo; Florentinam Leonardo Aretino; Ligusticam Stella & Bracello; Mantuanam Platina; Venetam Sabellico; atque alias aliis commendari. Unam communem patriam Mediolanum, quæ & opportunitate loci, & soli fertilitate, & hominum frequentia atque solertia, Itali orbis fortunam cum sua conjunctam semper habuit, perparce atque imperitissime memorari. A quibus condita, aucta, inhabitata, quando vel libera, vel sub dominis fuerit, ignorari. Pariter Vicecomites, Turrianosque Heroas, quique alii in eo genere, opibus & potentia enituerunt, veluti inanes umbras, & vana nomina, in obscuro esse. Id quod ægre ferens vir probus diu animo versavit, quonam modo occurreret indignitati publicæ, efficeretque, ut in rerum gestarum memoria non cederemus iis, quos sæpe armis, dignitate sæpius, vel æquavimus, vel antecessimus. Demumque statuit viro opus esse egregio, & facundia prædito, qui ad colligenda memoratu digna, & in corpus atque historiam componenda conducatur. Vetus ei erat familiaritas cum Georgio Merula Alexandrino, viro Latini sermonis observantissimo; qui Venetiis oratorias artes summa opinione profitebatur. Hunc unum esse censuit, qui magnifice gesta æquare dictis, & ornare oratione posset: atque interim etiam publica lectione juvenes erudiret. Sed hæc sine nutu & impensa Principis effici non poterant. Igitur cogitationem suam Ludovico Mariæ Sfortiæ, qui tum Remp. administrabat, & majorum claritatibus oblectabatur, exposuit, & facile persuasit, ut hanc sibi gloriam pararet, ut primus antecessorum memoriæ consuluisse videretur. Nec mora, Mediolanum Merula revocatur, & utroque munere suscepto, in altero quidem abunde exspectationi respondit, quidque Græce & Latine polleret, uberime declaravit: in altero, deficientibus monumentis, ex quibus narranda exciperet, (latebant enim infinitis abstrusa latibulis) nec aliis, nec sibi ipsi satisfecit. Testis ipse, & complurimi discipulorum sumus, quam sæpe deplorantem illum, & miseriæ temporum, quibus nulli illustres scriptores contigissent, illacrymantem deprehendimus, cum clarissimarum rerum imaginem quandam videret, sed quia perscriptas non reperiebat, explicare non posset. Itaque inventionis difficultate retardatus, quamvis duodecim elaboraverit annos, plus tamen, quam quod ab eo publicatum circumfertur, non absolvit: è medioque raptus, decessit. Ejus jactura, cum magnum inter-

intermissi operis desiderium omnibus fecisset: & intra biennium nemo, qui in id nomen daret, comparuisset, idem ætatis nostræ verus Mecœnas Calchus ad me provinciam deferri curavit, nec expectantem sane, nec opinantem: haud quod ulla ex parte conferendum me Merulæ censeret: sed quia recens revolveram, reformaveramque Ticinensem Bibliothecam, in qua omne genus monumenta rerum Vicecomitum exstabant: videbarque facilius, quam quivis alius, ea, quæ à fine Merulæ restabant, subtexere posse. Ego autem sumpto negotio primum omnium statui rata habenda, quæ ipse effecisset, sicque filios & nepotes Matthæi Vicecomitis tractare cœpi, ut olim Hirtius, seu Oppius, posteriores libros *Commentariis* Cæsaris addidit, nihil minus futurum, quam quod postea evenit, ratus. Nam dum multa desiderans, multa inquirō, cum amicis, cum prudentibus conféro sermones, & quid ubique scripti jaceat, exploro, oblata sunt non pauca vetustiora, & in Merulanicam narrationem cadentia, quæ cum illius scriptis conferre placuit; ut quo expressa stylo forent, condiscerem, & quantum possem, deinceps æmularer. Sed eorum partim parcam admodum, & longe infra historici modum, partim nullam omnino mentionem admirabundus inveni: idque sæpius expertus, cum omnino necessaria forent, animadverti, ea non arte scriptoris, vel studio brevitatis (ut plerumque fit) omissa, sed ignorata penitus, & occulta ei fuisse: tantaque copia mox emerfit, ut necessarium duxerim omnia ab integro denuo ordiri, novoque volumine totam materiam aggredi, ac titulum ipsum ab unius gentis ad totius regionis significationem transferre. Profecto pauciora quam debuit, & ex professione ejus sperabatur, præceptor noster transtulit ex Tito Livio, Strabone, Ptolomæo, Plutarcho, Suetonio, Dione, Eusebio, Claudiano, Paulo Diacono. Præterea excerpere aliquid potuisset ex M. Tullii Ciceronis *Orationibus*, Asconio Pediano, Valerio Maximo, Appiano Alexandrino, Cornelio Tacito, Ammiano Marcellino, Julio Frontino, Suida, quos intactos penitus reliquit. Pariter non meminit consulere Ælium Spartanum, Julium Capitolinum, Eutropium, Flavium Vopiscum, duos Claudiani *Panegyricos*, cum tertii admonitus foret. Idem fecit de Principibus in Ecclesia viris, Ambrosio in primis nostro, quem pueriliter, ne dicam ignominiose, nimis tractavit: tum Augustino, Hilario, Hieronymo, Paulino, & Joanne Cassiodoro, cujus *Chronica*, & duodecim libri *Historiarum* ex tribus Græcis traductarum, non mediocrem nobis opem attulerunt. Item duo spectandæ vetustatis Codices, quorum altero indicatur, quibus Consulibus, ac locis Cæsareæ leges conditæ fuerunt; altero, quoto quoque anno bini Consules Magistratum gesserunt. Tum Sidonius Apollinaris nuper in lucem editus, & Rheginon Abbas Prumiensis Cœnobii, quod in Treviris est, qui proximus ætati Caroli Magni res illius rudi libello traditas, sed locis, temporibusque distinctas, Latinitate donavit. Præterea sortiti sumus diplomata archetypa variis in Cœnobiis Mediolani, Ticini, Laudæ, Cremonæ, Bobii, Genuæ latentia. Et in civilibus discordiis, & Sacerdotum nostrorum seditionibus, Arnulphum Mediolanensem idoneum scriptorem; & in bello Comensi indigenam quendam, qui rebus interfuit. In Frederico primo totidem libros afferimus, quot ante paginas alii ostenderunt. Auctores mihi sunt duo Laudenses Patricii, Otho pater, & Acerbus filius, cognomento Murenæ, qui ex clade patriæ peregre profecti, cum Juris scientia pollerent, eum sub duobus ante Cæsaribus, & mox sub ipso Frederico locum tenuerunt, qui Judices Curia Imperialis vocitantur. Hi itinerum focii, & expeditionum comites, primos quatuordecim annos (nec enim ulterius vixere) referunt. His accedunt Jacobus Auria, & Ca-

pharus Genuensis, qui Ligurum suorum obitis legationibus non pauca ad rem facientia litteris interim mandarunt. Tum *Chronica* Normannorum Regum, qui diutius Sicilia, Apuliaque potiti sunt, & quidam noster Mediolanensis Syre Raul nuncupatus, quæ interim in Urbe fierent, subnotavit. Et pax Constantiana Blondo intacta, Merulæ vero cura parum diligenter excussa, & nonnulla ex Archivio Dertonensi petita. Nam Epistola Cæsaris ipsius ad Othonem Episcopum Frisingensem primi tantum quinquennii acta comprobant. In ejus sobole, & Frederico altero, adjuti plurimum fuimus spatioso *Annalium Belgicorum* volumine, & *Epistolis* Petri Vineæ, qui diutius ejus arcana tractavit; & Rolandini Patavini duodecim libris, quos de vita & moribus sævissimi Tyranni Actiolini Romani scripsit; & Ricobaldi Ferrariensis *Chronica*, quamvis ab ætatis suæ rebus non recedit; & Petri Gazatæ Regiensis, qui ab suo avo nonagenario sene sparsim & tumultuarie notata ad diarium, librique formam redegit. Pariter vitam & cædem novissimi martyris Petri Veronensis didicimus ex edictis publicis, & confessione conspiratorum in vinculis causam dicentium, & privatis annotationibus Henrici Scacabarotii, illius æqualis temporibus. Originem Vicecomitum, eorumque cum Turrianis vicissitudines sumpsit Merula ex duorum Theologorum Stephanardi Vicomercati, & Calvanei Flammæ *Commentationibus*, quorum alter accepti honoris gratiam Othoni Archiepiscopo relaturus ejus gesta carmine ornare, quam simpliciter (ut ipse inquit) profæ committere maluit. Et dum poetice furit, & in plerisque licentius evehitur, neque à præposterationibus temperat, alia vero plus æquo exaggerat, alia silentio prætermittit, rem totam in fabulam vertit. Alter cælum & astra conscendere ausus minime erubuit, stirpem à Jove, Venereque per Anchisem & Æneam deducere, & ei ex Ascanio nepotem ementiri nomine Anglum, qui in regionem nostram profectus urbem condiderit nomine Angleriam; tum longa serie progenitos Sylvios, & Anglos, & Fulcones, & Facios, qui non solum Angleria & Mediolani dominati sint, sed totius Italiae Reges diutissime fuerint; quæ quam cum priorum intelligunt. At habuit Merula etiam sex primos Leonardi Aretini *de Historia Florentina* libros, & Guilelmum Venturam Hastensem, & Bonincontrum Morigiam Moguntiacum, quosdamque alios idonea tradentes: fateor & agnosco: sed his ego addo Antonium Recenatem Notarium Mediolanensem, qui quadraginta annorum res suæ memoriæ complexus est; & Genuensium, Parmensiumque *Annales*, & sex reliquos *Historia* Aretini libros, & Platinæ *Historiam Mantuanam* paucissimis hætenus lectam, & peregrinarum rerum volumina ex Gallia, Pannoniaque allata, & fastorum nostræ Civitatis libros, & numismatum, sepulchrorumque infinitas inscriptiones, quas Herculeo labore consecrati, certiora omnia, & uberiora in rebus, in quibus (ut Cicero ait) prima historiae exædificatio est, & ordinem temporum desiderat, deprehendimus. Hisque freti meritis gratias præceptorum Merulæ egimus, qui scriptione sua iter nobis aperuit, & pulcherrimo indice, quid nos sequeremur, monstravit: totumque opus sic ab initio re tractavimus, ut non illius labores intervertere, gloriamque mortuo subtrahere voluisse; sed ne manca, ne cæca historia maneret, optavisse videamur.

I N D E X

FAMILIARVM, AC CIVIVM

M E D I O L A N E N S I V M,

Quorum in hac Historia fit mentio.

A.	Biragi.	Gerardus.	Castillionei.
Abonii.	Albertus.	Cacatoxici.	Gottofredus.
Monacus.	Gaspar.	Arnaldus.	Thealdus Archiepiscopus
Robacastellus.	Bifati.	Caciae.	Mediolani.
Alberii.	Paganus.	Albertus.	Gufredus Episcopus Sabinus,
Panmilus.	Albertus.	Caimi.	postea PP. Caelestinus IV.
Aliates.	Bombelli.	Joannes.	Albertus.
Malagallia.	Arnaldus.	Caldini.	Conradus.
Petrus.	Bonati.	Milo.	Guido.
Gallinus.	Henricus.	Camerarii.	Albertonius.
Burgundius.	Ardericus.	Hugo.	Puginus.
Petrus.	Aldericus.	Albertus.	Celeres.
Ruffinus.	Ardericus.	Canevesii.	Gulielmus.
Basianus.	Bonvicini.	Oldrevandinus.	Cisnufculi.
Conradus.	Alcherius.	Oldrevandus.	Henricus.
Hector.	Alcherius.	Canes.	Cittadini.
Bonacursus.	Boffii.	Lanfrancus.	Clerici.
Petrus.	Boccafius.	Canturii.	Guiscardus.
Antimianni.	Albertus.	Arnaldus.	Coleoni.
Heribertus Archiepiscopus	Albertus.	Capelli.	Amizonus.
Mediolani.	Bruti.	Arialdus.	Concorretii.
Aliprandi.	Paganus.	Petrus.	Petrus.
Philippus.	Buffæ.	Capitanei.	Brunus.
Alzates.	Azo.	Arnulphus Mediol. Archie-	Confanonerii.
Anselmus.	Bultraphi.	piscopus.	Stephanus.
Aplani.	Aetius.	Capitanei de Curte.	Franciscus.
Gulielmus.	Adobaldus.	Henricus Archiepiscopus	Cornalliani.
Arfagi.	Adobadus.	Mediolani.	Cavallionus.
Arnulphus Mediol. Archie-	Adobadus.	Carati.	Cottæ.
piscopus.	Adobadus.	Petrus.	Ardericus Archiepiscopus
Airaldus.	Adobadus.	Albertinus.	Mediolani.
Arzoni.	Amizo.	Albertus.	Landulphus.
Beltramus.	Burri.	Carcani.	Arembaldus.
	Heriprandus.	Andreas Archiepiscopus	Atto Archiepiscopus Medio-
B.	Malastrona.	Mediolani.	lani.
Badagii.	Cigo.	Landulphus Archiepiscopus	Malconventus.
Anselmus Episcopus Lucen-	Paganus.	Mediolani.	Astulphus.
sis, postea Papa Alexan-	Niger.	Landulphus Episcopus Co-	Rainerius.
der II.	Gulielmus.	mensis.	Craffi.
Balbi.	Ghizo.	Blancus.	Marcus.
Gulielmus.	Dominicus.	Otho.	Petrus.
Alcherius.	Henricus.	Albricus.	Credendarii.
Bandi.	Gulielmus.	Martius.	Otho.
Manfredus.	Lanfrancus.	Franciscus.	De Crema.
Basabelletæ.	Squarcinus.	Franzinus.	Henricus.
Tancredus.	Gulielmus.	Cardani.	Cribelli.
Basilicapetri.	Otholinus.	Milo.	Rogierius.
Oldratus.	Landulphus.	Milo Archiepiscopus Me-	Arialdus.
Oldradus.	Bufnati.	diolani.	Obertus Archiepisc. Me-
Carbonus.	Squarciapartes.	Carnisii.	diol. postea PP. Urba-
Bebulci.	Manfredus Prat. Med.	Casati.	nus VIII.
Guido.	Bufcæ.	Rancia.	Danesius.
Otho.	Petrus.	Comes Cardinalis.	Cressonus.
Bellabuccæ.	Guercius.	Leo.	Henricus.
Benalii.	Bufsolæ.	Albertus.	Rogierius.
Philippus.	Busti.	Gulielmus.	Cressonus.
Bernadigii.	Amizo.	Cassinæ.	Ludovicus.
Gaspar.	Bufseri.	Ardericus.	Cressonus.
Besutii.	Petrus.	Castaneanegæ.	Cripæ.
Conradus.	Obertus.	Hugo.	Manfredus.
Pelicia.		Castani.	A Cruce.
Albertonius.	C.	Castelletti.	Lanfrancus.
	Cacapisti.	Florinus.	Obertus.
		Ortolanus.	Trenta.
			F 3
			Cruceii.

I N D E X

- | | | | |
|--|--|---|--|
| <p> <i>Cruceii.</i>
 <i>Andreolus.</i>
 <i>Crucii.</i>
 <i>Leonardus.</i>
 <i>Crustæ.</i>
 <i>Hugo.</i>
 <i>Cumini.</i>
 <i>Obizo.</i>
 <i>A Curte.</i>
 <i>Lanfrancus.</i>
 <i>Curtedini.</i>
 <i>Ungarus.</i>
 <i>Curtii.</i>
 <i>Lancio.</i>
 <i>Otho.</i>
 <i>Lanterius.</i>
 <i>Leo.</i>
 <i>Simon.</i>
 <i>Cufani.</i>
 <i>Guido.</i>
 <i>Cuticæ.</i>
 <i>Accursus.</i>
 <i>Beltramus.</i>

 <p style="text-align: center;">D.</p> <p> <i>Didii.</i>
 <i>Julianus Imperator.</i>
 <i>Gallus.</i>
 <i>Dugnani.</i>
 <i>Manfredus.</i>

 <p style="text-align: center;">E.</p> <p> <i>Ermenulphi.</i>
 <i>Castellinus.</i>
 <i>Malsocius.</i>
 <i>Ceredonius.</i>

 <p style="text-align: center;">F.</p> <p> <i>Feræ.</i>
 <i>Gulielmus.</i>

 <p style="text-align: center;">G.</p> <p> <i>Gambari.</i>
 <i>Guilielmus.</i>
 <i>Nazarius.</i>
 <i>Garbagnates.</i>
 <i>Gaspar.</i>
 <i>Franciscus.</i>
 <i>Garzolæ.</i>
 <i>Bernardigius.</i>
 <i>Tertiagus.</i>
 <i>Gattarossæ.</i>
 <i>Lanfrancus.</i>
 <i>Gattoni.</i>
 <i>Gottofredus.</i>
 <i>Gerlani.</i>
 <i>Philippus.</i>
 <i>Ghifulphi.</i>
 <i>Guiscardus.</i>
 <i>Grasselli.</i>
 <i>Guffredotus.</i>

 <p style="text-align: center;">H.</p> <p> <i>Horti.</i>
 <i>Anselmus.</i>
 <i>Ubertus.</i>
 <i>Otho.</i>
 <i>Horumbelli.</i>
 <i>Hostioli.</i>
 <i>Guercius.</i> </p> </p></p></p></p></p> | <p style="text-align: center;">I.</p> <p> <i>Incinates.</i>
 <i>Ubertus.</i>
 <i>Inchoardi.</i>
 <i>Paganus.</i>
 <i>Busnardus Prator Mediolani.</i>

 <p style="text-align: center;">Judices.</p> <p> <i>Heriprandus.</i>
 <i>Heriprandus.</i>
 <i>Heriprandus.</i>
 <i>Conradus.</i>
 <i>Passaguerra.</i>
 <i>Conradus.</i>

 <p style="text-align: center;">L.</p> <p> <i>Lampugnani.</i>
 <i>Joannes.</i>
 <i>Pagnerius.</i>
 <i>Rogerus.</i>
 <i>Albertus.</i>
 <i>Philippus Archiepiscopus Mediolani.</i>
 <i>Rogerus.</i>
 <i>Gulielmus.</i>

 <p style="text-align: center;">Landriani.</p> <p> <i>Ubertus.</i>
 <i>Guido.</i>
 <i>Henricus.</i>
 <i>Guido.</i>
 <i>Conradinus.</i>
 <i>Telinus.</i>
 <i>Guido.</i>
 <i>Abiaticus.</i>
 <i>Beltramus.</i>
 <i>Jacobus.</i>

 <p style="text-align: center;">Lantelmi.</p> <p> <i>Petrobonus.</i>

 <p style="text-align: center;">Legnani.</p> <p> <i>Franciscus.</i>

 <p style="text-align: center;">Levenates.</p> <p> <i>Hugo.</i>

 <p style="text-align: center;">Littæ.</p> <p> <i>Guido.</i>

 <p style="text-align: center;">Luini.</p> <p> <i>Anselmus Archiepiscopus Mediolani.</i>

 <p style="text-align: center;">M.</p> <p> <i>Madii.</i>
 <i>Mainerii.</i>
 <i>Joannes.</i>
 <i>Jacobus.</i>
 <i>Andreas.</i>
 <i>Barisaldus.</i>
 <i>Caldinus.</i>

 <p style="text-align: center;">Maini.</p> <p> <i>Antonius.</i>

 <p style="text-align: center;">Maipolæ.</p> <p> <i>Arnoldus.</i>

 <p style="text-align: center;">Malcalzati.</p> <p> <i>Maloperæ.</i>

 <p style="text-align: center;">Martinus.</p> <p> <i>Mandelli.</i>
 <i>Tatinus.</i>
 <i>Anselmus.</i>
 <i>Tatinus.</i>
 <i>Robacomes.</i>
 <i>Albertus.</i>
 <i>Tatinus.</i>
 <i>Otho.</i>
 <i>Otho.</i>
 <i>Albertus.</i>
 <i>Ruffinus.</i> </p> </p></p></p></p></p></p></p></p></p></p></p></p></p> | <p> <i>Othorinus.</i>
 <i>Othorinus.</i>
 <i>Otho.</i>
 <i>Princivallus.</i>
 <i>Facius.</i>
 <i>Otho Prator Mediol.</i>

 <p style="text-align: center;">Manlii.</p> <p> <i>Carus Imperator.</i>
 <i>Carinus Imperator.</i>
 <i>Numerianus Imp.</i>
 <i>Theodorus.</i>
 <i>Flagrius.</i>

 <p style="text-align: center;">Mantegatii.</p> <p> <i>Joannes.</i>
 <i>Paulus.</i>
 <i>Boschinus.</i>

 <p style="text-align: center;">Marcellini.</p> <p> <i>Milanus.</i>
 <i>Petrotius.</i>
 <i>Rogerus.</i>
 <i>Pravedus.</i>
 <i>Rogerus.</i>
 <i>Drudus.</i>
 <i>Ardiotus.</i>
 <i>Actiolinus.</i>
 <i>Aribertus.</i>
 <i>Antefossa.</i>
 <i>Ardigotus Prator Med.</i>
 <i>Oliuerius.</i>

 <p style="text-align: center;">Marinoni.</p> <p> <i>Artusius.</i>

 <p style="text-align: center;">Maripolæ.</p> <p> <i>Arnaldus.</i>

 <p style="text-align: center;">Marliani.</p> <p> <i>Albertus.</i>
 <i>Durantis.</i>

 <p style="text-align: center;">Matregnani.</p> <p> <i>Obizo.</i>

 <p style="text-align: center;">Medicei.</p> <p> <i>Ambrosius.</i>
 <i>Oldradus.</i>
 <i>Lanterius.</i>
 <i>Guido.</i>

 <p style="text-align: center;">Medæ.</p> <p> <i>Menclotii.</i>
 <i>Adelmanus.</i>
 <i>Gaspar.</i>
 <i>Gaspar.</i>
 <i>Gaspar.</i>

 <p style="text-align: center;">Merati.</p> <p> <i>Petrus.</i>

 <p style="text-align: center;">Mirabiles.</p> <p> <i>Ubertinus.</i>

 <p style="text-align: center;">Moguntiaci.</p> <p> <i>Albertus.</i>
 <i>Jacobus.</i>
 <i>Cabrius.</i>
 <i>Henricus.</i>
 <i>Gabrius.</i>
 <i>Cavalchinus.</i>

 <p style="text-align: center;">Monetarii.</p> <p> <i>Hildeprandus.</i>

 <p style="text-align: center;">Morigiæ.</p> <p> <i>Aliprandus.</i>

 <p style="text-align: center;">Muzani.</p> <p> <i>Henricus.</i>

 <p style="text-align: center;">N.</p> <p> <i>Naselli.</i>
 <i>Ardericus.</i>
 <i>Niguardæ.</i>
 <i>Accursus.</i>

 <p style="text-align: center;">O.</p> <p> <i>Oldani.</i> </p> </p></p></p></p></p></p></p></p></p></p></p></p></p></p></p></p></p> | <p> <i>Conradus.</i>

 <p style="text-align: center;">Origoni.</p> <p> <i>Thomas.</i>

 <p style="text-align: center;">Osnagi.</p> <p> <i>Admiratus.</i>

 <p style="text-align: center;">Offæ.</p> <p> <i>Offa.</i>
 <i>Albertus.</i>
 <i>Gulielmus.</i>
 <i>Obertus.</i>
 <i>Manfredus.</i>

 <p style="text-align: center;">Ozeni.</p> <p> <i>Carnelevarius.</i>

 <p style="text-align: center;">Oziani.</p> <p> <i>Ubertus.</i>

 <p style="text-align: center;">P.</p> <p> <i>Pagani.</i>

 <p style="text-align: center;">Apolus.</p> <p> <i>Obizo.</i>

 <p style="text-align: center;">Palatii.</p> <p> <i>Ardericus.</i>

 <p style="text-align: center;">Palatini.</p> <p> <i>Monacus.</i>

 <p style="text-align: center;">Palearii.</p> <p> <i>Ambrosius.</i>

 <p style="text-align: center;">Paravicini.</p> <p> <i>Tignaca.</i>

 <p style="text-align: center;">Pasquales.</p> <p> <i>Arnulphus.</i>

 <p style="text-align: center;">Peluchi.</p> <p> <i>Jacobus.</i>
 <i>Boccassius.</i>

 <p style="text-align: center;">Pernisii.</p> <p> <i>Jacobus.</i>

 <p style="text-align: center;">Petrasancæ.</p> <p> <i>Paganus.</i>
 <i>Guido.</i>
 <i>Gabriel.</i>
 <i>Guiscardus.</i>
 <i>Guido.</i>
 <i>Riciardus.</i>
 <i>Philippus.</i>

 <p style="text-align: center;">Petrogoffi.</p> <p> <i>Petrus Cardinalis.</i>

 <p style="text-align: center;">Pirovenci.</p> <p> <i>Ubertus Archiepiscopus Mediolani.</i>

 <p style="text-align: center;">Algisus.</p> <p> <i>Algisus Archiepiscopus Mediolani.</i>

 <p style="text-align: center;">Uberius Archiep. Med.</p> <p> <i>Gufredus.</i>
 <i>Actius.</i>
 <i>Gufredus.</i>
 <i>Actius.</i>
 <i>Jacobus.</i>
 <i>Adoardus.</i>

 <p style="text-align: center;">Pontiroli.</p> <p> <i>Cabrius.</i>

 <p style="text-align: center;">A Porta Romana.</p> <p> <i>Amicius.</i>

 <p style="text-align: center;">Præaloni.</p> <p> <i>Passaguerra.</i>

 <p style="text-align: center;">Pusterlæ.</p> <p> <i>Anselmus Archiepisc. Mediolani.</i>

 <p style="text-align: center;">Codemalins.</p> <p> <i>Petracius.</i>
 <i>Burgarus.</i>
 <i>Gulielmus.</i>

 <p style="text-align: center;">Pusterlaci.</p> <p> <i>Tricafolia.</i>
 <i>Hugo.</i> </p> </p></p></p></p></p></p></p></p></p></p></p></p></p></p></p></p></p></p></p></p></p></p></p></p></p> |
|--|--|---|--|

CIVIVM MEDIOLANENSIVM.

<i>Gulielmus.</i>	<i>Beltramus.</i>	<i>Manfredus.</i>	V.
<i>Gulielmus.</i>	<i>Jacobus.</i>	<i>Turriani.</i>	<i>Valiani.</i>
<i>Gulielmus.</i>	<i>Scantii.</i>	<i>Martinus.</i>	<i>Traversus.</i>
<i>Bonifacius.</i>	<i>Septalæ.</i>	<i>Ubertus.</i>	<i>Velatenfes.</i>
<i>Gulielmus.</i>	<i>Manfredus.</i>	<i>Bonioannes.</i>	<i>Guido Archiepiscopus Me-</i>
<i>Gulielmus.</i>	<i>Passaguadus.</i>	<i>Ardericus.</i>	<i>diolani.</i>
<i>Facius.</i>	<i>Passaguadus.</i>	<i>Paganus.</i>	<i>Vicecomites.</i>
<i>Jacobus.</i>	<i>Lanfrancus.</i>	<i>Martinus.</i>	<i>Otho.</i>
<i>Gulielmus.</i>	<i>Albertus.</i>	<i>Martinus.</i>	<i>Petrus.</i>
<i>Pufferulæ.</i>	<i>Henricus Archiepiscopus</i>	<i>Paganus.</i>	<i>Heriprandus.</i>
<i>Gufredus.</i>	<i>Mediolani.</i>	<i>Martinus.</i>	<i>Ricardus.</i>
<i>Obuzonus.</i>	<i>Hugo.</i>	<i>Raymondus Episcopus Co-</i>	<i>Heriprandus.</i>
<i>Manfredus.</i>	<i>Franciscus.</i>	<i>menfis.</i>	<i>Marchesius.</i>
<i>Puteobonelli.</i>	<i>Serazoni.</i>	<i>Philippus.</i>	<i>Guido.</i>
<i>Guerrentius.</i>	<i>Gulielmus.</i>	<i>Napus.</i>	<i>Hugo.</i>
<i>Manfredus.</i>	<i>Sextii.</i>	<i>Paganinus.</i>	<i>Ardengus.</i>
<i>Manfredus.</i>	<i>Jacobus.</i>	<i>Franciscus.</i>	<i>Gerardus.</i>
<i>Beriolus.</i>	<i>Guidotus.</i>	<i>Carnevarius.</i>	<i>Codeguerra.</i>
	<i>Solerii.</i>	<i>Manfredus.</i>	<i>Otho.</i>
Q.	<i>Amicio.</i>	<i>Castonus.</i>	<i>Rogerus.</i>
<i>De Quinquaviis.</i>	<i>Sorcfinaæ.</i>	<i>Gottofredus.</i>	<i>Petrus.</i>
<i>Lanterius.</i>	<i>Manfredus.</i>	<i>Guido.</i>	<i>Rogerus.</i>
	<i>Spinus.</i>	<i>Musca.</i>	<i>Marchesius.</i>
R.	<i>Paulus.</i>	<i>Herrecus.</i>	<i>Guido.</i>
<i>Rainerii.</i>	<i>Albertus.</i>	<i>Lombardus.</i>	<i>Bermustinus.</i>
<i>Joannes.</i>	<i>Paulus.</i>	<i>Bartholomæus.</i>	<i>Ardengus.</i>
<i>Raudenfes.</i>	<i>Gulielmus.</i>	<i>Salvinus.</i>	<i>Leonardus.</i>
<i>Anselmus Archiepiscopus</i>	<i>Mutius.</i>	<i>Avonus.</i>	<i>Obizo.</i>
<i>Mediolani.</i>	<i>Theodatus.</i>	<i>Imberalis.</i>	<i>Otho Archiepisc. Med.</i>
<i>Joannes.</i>	<i>Conradus.</i>	<i>Oliverius.</i>	<i>Thebaldus.</i>
<i>Heriprandus.</i>	<i>Jacobus.</i>	<i>Muschinus.</i>	<i>Matthæus.</i>
<i>Romus.</i>	<i>Mutius.</i>	<i>Guido.</i>	<i>Gaspar.</i>
<i>Raules.</i>	<i>Conradus.</i>	<i>Martinus.</i>	<i>Guidetinus.</i>
<i>Syre.</i>	<i>Othorinus.</i>	<i>Napinus.</i>	<i>Ubertus.</i>
<i>Refedini.</i>	<i>Stampæ.</i>	<i>Angefossus.</i>	<i>Petrus.</i>
<i>Gulielmus.</i>	<i>Lanfrancus.</i>	<i>Andreottus.</i>	<i>Matthæus Episcopus Nova-</i>
<i>Rizoli.</i>	<i>Baldicionus.</i>	<i>Zonfredus.</i>	<i>ria.</i>
<i>Vicecomes.</i>	<i>Baldicionus.</i>	<i>Leonicinus.</i>	<i>Galeatius.</i>
<i>Rociones.</i>	<i>Surigoni.</i>	<i>Paganus Episcopus Patavi-</i>	<i>Albertonus.</i>
<i>Benedictus.</i>		<i>nus.</i>	<i>Andreas.</i>
<i>Rozoli.</i>	T.	<i>Paganinus Senator Roma-</i>	<i>Ubertus.</i>
<i>Henricus.</i>	<i>Tenebiagi.</i>	<i>nus.</i>	<i>Henricus.</i>
<i>Ruzoli.</i>	<i>Joannes.</i>	<i>Paganus.</i>	<i>Lodrisius.</i>
<i>Ubertus Archiepiscopus Me-</i>	<i>Tertiaghi.</i>	<i>Gallonus.</i>	<i>Luchinus.</i>
<i>diolani.</i>	<i>Ubertus Archiepiscopus</i>	<i>Adoardus.</i>	<i>Vicomercati.</i>
	<i>Mediolani.</i>	<i>Rainaldus.</i>	<i>Alcherius.</i>
S.	<i>Jacobus.</i>	<i>Floramons.</i>	<i>Pinamontes.</i>
<i>Salæ.</i>	<i>Albertus.</i>	<i>Castonus Archiepiscopus</i>	<i>Pinamontes.</i>
<i>Caldinus.</i>	<i>Jacobus.</i>	<i>Mediolani.</i>	<i>Guido.</i>
<i>Opicio.</i>	<i>Thepoldi.</i>	<i>Zanfredinus.</i>	<i>Algisius.</i>
<i>A Santa Maria.</i>	<i>Bulgarus.</i>	<i>Franciscinus.</i>	<i>Rogerus.</i>
<i>Rogerus.</i>	<i>Triultii.</i>	<i>Simon.</i>	<i>Stephanus.</i>
<i>Scacabarotii.</i>	<i>Bibus.</i>	<i>Simoninus.</i>	<i>Villæ.</i>
<i>Bertramus.</i>	<i>Trotti.</i>	<i>Zaninus.</i>	<i>Monachus.</i>
		<i>Jacobinus.</i>	

TRISTANI CALCHI,

MEDIOLANENSIS HISTORIOGRAPHI,

HISTORIAE PATRIAE

LIBER I.


EPITOME.

Multitudinis innumerabilis Gallorum, quae, quod patrio solo capi jam non poterat, Duce Belloveso transscensis Alpibus totam inter has, & Padum, superumque mare regionem occupavit, pars illa, quae Ticinum inter & Abduam pulsus Hetruscis substitit, Insubrium agrum pagi Heduarum cognominem nata, omenque sequuta urbem condidit, quam vel de sue medio corpore lanata, vel de pago item apud Gallos cognomine, Mediolanum appellavit. Post firmatas sedes Cisalpini omnes Galli cum Romanis saepius vario eventu pugnarunt: sed eos tandem Romani capto, direptoque Mediolano totius gentis metropoli, & Cremona, Placentiaque Colonis deductis subegerunt. Sed Annibale in Italiam adventante ad eum deficiunt; iterumque adversus Romanos insurgunt; & Duce Amilcare Placentiam vastant. Ad Cremonam ipsi magnam cladem accipiunt; nec multo post aliam ad Mincium ob Cenomanorum perfidiam: & subinde subjectionis impatientes datis & saepius acceptis cladibus Romanos fatigant. Tandem post Bononiam & Aquilejam Colonias collocatas, Cimbroque & Teutones a Mario debellatos, Romanis parent: fideque in Marsico bello & in Marrii Syllaque discordiis probata, Civitate donantur; Italiaque ad Alpes extenditur. Mortuo Sylla per M. Brutum Lepido adiunguntur: sed mox ad Senatum per Cn. Pompejum traducuntur: qui cum ab exercitu suo trucidatus fuisset, Senatus Mediolanensis de facinoris auctoribus callide sine turbis supplicium sumpsit. Postea Julius Caesar Cisalpinam Galliam pra omnibus Provinciis eligit: Comum a Rhaetis vastatum, refectumque a Pompejo Strabone Novocomo auget; & trajecturus in Africam adversus Catonem & Scipionem Provinciam M. Bruto superioris filio, a quo postea interfectus fuit, commendat: qui integre adeo illam administravit, ut Statuam Mediolani in foro commeritus sit: de qua postea Augustus Mediolani per jocos dicit, Mediolanenses foedifragos suum apud se hostem habere. Christiana religio Mediolani per Barnabam primum seritur, Anathalane primo Episcopo creato: deinde per Cajum hujus successorem, & Nazarium strenue promovetur. Othoniano bello Cispadana Municipia a Vitellio stant. Otho apud Cremonam debellatur, sponteque moritur. Paulo post Vitelliani a Flavianis ibidem caduntur, & Cremona vastatur. Vespasianus Imperator ex Cispadana Italia oriundus. Domitiano Imperatore moritur Cajus Episcopus: Christiani metu persecutionis delirescunt sine Pastore: sub Nerva se produnt: Castritianum Episcopum dicunt, a quo primum Philippi, tum Fausta, & Portiana ades dedicantur. Plinius uterque Comensibus adjudicatur. Post Castritianum Kalimerus, Monas, (a quo parochia primum Mediolani constituta) Mirocles, Maternus (qui primus facultatem impetrat Christianis palam agendi, & docendi) ex ordine Mediolanensem Ecclesiam administrant sub variis Caesaribus usque ad Constantinum. Alamanni in Italiam irrumpentes a Claudio in Lugana sylva proteruntur. Aureliano Imp. Marcomanni Italiam Cir-

cumpadanam populantur; paulo post ab eodem prope Ticinum debellantur. Diocletianus & Maximianus Mediolani sedent, & principio quidem in Christianos bene affecti; postea serviunt immanissime. Sub iis passi sunt Alexander, Victor Maurus, Fidelis, Xantus, Carpophorus, Nabor, Felix, Firmus, Sebastianus Mediolanensis. Mediolanum amplificatur, cingitur mœnibus, Palatium turribus augetur, columna, quae ad D. Laurentii, erigitur.

MEDIOLANVM à Gallis conditum inter celebres rerum scriptores convenit: sed alii alios auctores nuncupant. Trogius Pompejus, ut ex Justino colligimus, Gallos in universum dixit; Plinius Insubres; Titus Livius Bellovesum Ambigati Celtarum Regis nepotem; qui, ut regnum praegravante populo exoneraret, Bellovesum & Sigovesum natos ex sorore, magno hominum excito numero, è finibus Galliarum ad novas sedes quaerendas emisit: quorum alteri sorte data Transrhenana Provincia, saltusque Hercynii obtigere; Belloveso Italia: quem secuti sunt Bituriges, Arverni, Senones, Hedui, Ambarri, Carnutes, Aulerci; superatque Alpibus haud longe à Ticino fluvio Thuscis, qui prius ea loca incolebant, duodecimque urbes jam condiderant, fudere: mox cum in agrum Insubrium venissent Galli cognominem Insubribus, qui pagus erat Heduarum, omen loci secutus Bellovesus, urbem condidit, quam Mediolanum appellavit.

Haud inficior longius, quam instituti operis sit, me digressurum, si Gallorum ipsorum originem hoc loco quaeram: sed tamen, quia nec id quaesitum alias fuisse video, & fortasse observata ex remotae vetustatis memoria conferendo, non ingrata suspitionem facere possum, quid mihi in variae lectione occurrerit, exponam. Scribunt magnis auctoribus nixi Plinius & Solinus Gallorum propaginem fuisse Umbros vetustissimos Italiae populos, quorum trecenta oppida Thusci ex Lydia profecti deleverint: & dictos fuisse Umbros, quasi Imbrios, quod inundatione terrarum imbribus superfuerint. Hebraeorum autem libris habemus, primos illos homines, qui post magnum Diluvium progeniti sunt, abundante multitudine, varias in terras coloniarum more fuisse translatos. Translatum autem, & transferens, ac inundationem, illorum lingua Gallim, & Galliam, & Galatiam dici Divus Hieronymus in verborum interpretatione, & in Commentariis Epistolarum Pauli, docet. Huc attende ergo, quod ex quo antiquiores Umbri, qui proximi Diluvio fuisse ex significatione etiam sui nominis videntur, Galli dicuntur, id nomen ex antiqua lingua mansisse penes eam multitudinem suspiror, quae in Europam transmissa novo generi humano inter Mare Mediterraneum & Occanum primordia dederit. Lactantius tamen opinatur, Gallos





Gallos antiquitus à candore corporum Galatas nuncupatos; & id significare Virgilium * voluisse, cum dixit,

— lactea colla

Auro innectuntur,

quia potuerit dicere candida.

Quo autem tempore sit condita urbs nostra, quæri solet: quod etsi sit ambiguum, haud multum tamen aberrabimus. Scribit Livius Bellovesum ad Alpes venientem tantisper in Tricastinis superfedisse, dum novos advenas Phocenses Græcia pullos, & tum in littus Gallicum descendentes, armis, opibusque juvaret adversus Salluvios, qui eos agro prohibebant. Ita victores Græcos condidisse urbem, quam Timeus docet fuisse nuncupatam Massiliam à verbo Æolico *μάσσειν*, quod *religare*, & *μάσσειν*, quod *piscatorem* significat: quoniam auspicata voce rector navis projectum funem defixo palo alligari petiit ab homine, qui tunc forte in littore pisces hamo captabat. Ea autem civitas auctore Eusebio in *Chronicis*, & item Solino in *Collectaneis*, condita fuit Olympiadis quadragesimæ quintæ anno tertio, qui primus & vigesimus regni Tarquinii Prisci quinti Romanorum Regis venit; à quo ad natum Christum Deum sexcenti computantur: quibus additis, quos inde numeramus, sunt duo mille & centum anni. Dissentiunt parumper ab his Julius Hyginus teste Gellio, & Ammianus Marcellinus, qui Massiliam cum oppido Velia agri Lucani conditam tradunt sub Servio Tullio Tarquinii successore. Eodem autem tempore, quo Massilia, conditum fuisse Mediolanum ex lectione Liviana manifestum fit.

* Lib. viii. Æneid. §. 660.

1 A quo ad natum Christum, &c.] Mediolanum à Belloveso conditum, vel potius ex parvo alius nominis oppido in amplissimam hujus nominis urbem reformatum sub idem tempus, quo advenæ ex Phocæa ad Gallicum littus australe prope Rhodani ostia appulsi Massiliam posuere, satis testata res est apud Livium lib. v. Dec. 1. ubi primum Gallorum cis Alpes transcursum commemorat. Auctor est enim Bellovesum Phocæensibus adversus Salluvios insensu Galliarum eos prohibere contendentes adjuvis, per Taurinos saltus in agrum Insulbrum excessisse. Ubi vero simillimum est, nihil eum habuisse antiquius, quam ut in eo felicissimo terræ tractu, quem infederat, regiam sibi collocaret, tantæ populi multitudini, quam secum eduxerat, satis laxum tentorium. Itaque Livium, præter Tristandum, sequuti sunt alii passim rerum nostrarum scriptores, Andreas Alciatus, Bernardinus Corius, & Auctor ætatum mundi ex Trogo Pompejo, & quicumque historias, quam fabulas, scribere maluerunt. At de tempore Massiliæ à Phocæensibus collocatæ haud æque constans est fama. Sane Eusebius in *Chronico* id factum adsignat Olympiadis xlv. anno tertio, eique consentit Solinus in *Polyhist.* cap. viii. quos imitati sunt Tristandus, & ei par Corius, & Timeus apud Marcianum, cum ait, eam conditam cxx. annis ante pugnam Salaminiam, quæ contigit initio Olymp. lxxv. triginta videlicet Olympiadibus post. Si tamen vera narrat Ammianus Marcellinus lib. xv. cap. ix. necesse est Massiliam multis post annis conditam fuisse. Scribit enim à Phocæa Asiaticum populum Arpali, Cyri Regis præfecti, inclementiam vitantem Italiam navigio petiisse: ejusque populi partem unam in Lucaniam Veliam, aliam in Gallia Viennensi Massiliam condidisse. At Olympiade xlv. vix, ac ne vix quidem, natus erat Cyrus, nedum præfectum habebat Arpalum; ut notavit Sallianus anno Mundi 3454. num. 2. Similiter quod additur ab Auctore de anno xxi. Tarquinii Prisci Romanorum Regis v. Eusebii Chronologiae consentit. Sed si verum est, quod ait Dionysius, & approbat Sallianus anno Mundi 3439. Tarquinium auspiciatum fuisse regnum anno 2. Olympiadis xli. consequens est Tarquinium Olympiadis xlv. anno tertio regni annum xv. i. egisse. Denique ab anno 3. Olympiadis quadragesimæ quintæ connumerato annus natalitius Christi Domini juxta Chronologiam Salliani, Gordonii, & aliorum, est quingentesimus nonagesimus septimus; quia juxta illos natus est Christus Olympiadis exciv. anno 3. Juxta Baronium autem quingentesimus nonagesimus sextus: eo quod putet annum nativitatis Christi incidisse in annum secundum ejusdem Olympiadis. Ex dictis porro facile est cognoscere quoto Mundi anno inchoatum sit à Gallis Mediolanum. Nam juxta Chronologiam Salliani annus tertius Olympiadis xlv. quem diximus fuisse, juxta communio rem sententiam, Mediolano natalitium, incidit in annum Mundi 3456. quia annus nativitatis Christi juxta eandem Chronologiam est 4052. ab orbe condito. At juxta Chronol. Gordonii cum annus natalitius Christi, atque adeo tertius Olympiadis exciv. sit 4001. consequens est annum tertium Olymp. xlv. esse Mundi 3045.

A In nominis origine variæ quoque opiniones habentur. Fama fuit etiam priscis temporibus de sue lanata, quod monstrum facientibus mœnia Gallis apparuerit: quam secutus videtur Claudianus eruditus, ingeniosusque Poeta, qui in *Nuptiis Honorii Cæsaris Mediolani utique celebratis*, locum more poetico designans, facit Venerem relicta Cypro Genuam perveni, & inde transcurso Apennino descendere:

— — — ad mœnia Gallis

Condita lanigera suis ostentantia pellem.

Cui haud dubie succinuit Sidonius Apollinaris, claras urbes commemorans:

B Et quæ lanigero de sue nomen habet.

Nam imperite, superstitioseque nimis Claudianum vitiant, qui *ovis* legunt. Ejusdem monstri imago rudi sæculo incisa filice nunc quoque in foro exstat: indignumque est vilis tabernulæ tecto occultari. Ut autem hæc possunt & poetici figmenti, & vani sculptoris arbitrio laborare: ita quod Strabo in sanctionibus Aquitaniae, quod Ptolemæus bis in Gallia, bisque in Germania, nec non in Britannia insula Mediolanum scribunt, haud incongruum fortasse erit ab aliqua Transalpina urbe nomen sumptum suspicari; præsertim cum & regionis ipsius appellatio Insulbrum competeret. Non ignoro nuper transmissum ab Roma sub nomine *Originum* M. Catonis, ab Olano & Medo Ducibus formatum nomen, quorum alter fundaverit urbem, alter auxerit: sed id me quoque infatuare fortasse potuisset, si Fragmenta illa, vel Catonem ipsum, vel cujuspiam eruditi hominis doctrinam saperent; ac non & per se nimis frivola, & collatione A. Gellii in primis coarguerentur.

Cæterum Insulbres appellari ab idoneis auctoribus animadvertimus id tantum terræ, quod inter Rhæticas Alpes, & his subjectos lacus Verbanum atque Larium clauditur, & quatenus eorum alumni fluvii Ticinus & Abdua in Padum exonerantur, nisi quod Ptolemæus Novariam etiam inter Insulbres annumerat. Contendunt quidam Mediolanum in Liguribus esse positum, quod contra Priscorum observationem est, qui Liguriam Pado terminant, & cum fluvium non excedere docent. Scripserant etiam nonnulli Duce Brenno eos in Italiam descendisse Gallos, à quibus sit Mediolanum conditum. Sed hos confutant Livius & Polybius, negantes eos, qui primi in Italiam venerunt, Gallos Clusium, & subinde Romam obsedisse: sed constare ducentis ante annis Gallos Alpes transivisse, & cum Populis, qui intra Apenninum incolebant, sæpe Gallicos exercitus ante Brennum pugnasse. Nam eodem Belloveso regnante, faventeque, alia Transalpinorum manus Elitovio Duce eodem Taurinorum saltu transcendit in Italiam: & Libui, Salluvii, Boji admisti Lingonibus omnia inter Padum & Alpes occuparunt: & Vercellas, quas *Apollineas* Martialis poeta appellat, Libyci; Vertacomacori Vocontiorum Novariam; Lævi & Marici Ticinum; Boji Laudem Pompejam; Orobii, montana gens, Comum, Bergomum, Licini Forum; Cænomani Brixiam; Euganei Veronam; alii Vincentiam, & Tridentum condidere: & Licini quidem Forum ex loci, verbique affinitate haud incongrue conjicimus fuisse, quod posteriores Incinum dixere; quod diu celebre oppidum fuisse ruinæ docent. Merula libenter à vulgari consuetudine recedens, Uncinum appellat.

Causam Gallis eo modo superfundendi sese Ita-

1 Et Libui, Salluvii, &c.] Totus hic locus, quod attinet ad Subalpinarum gentium nomina in quinque exemplaribus, quæ ad meas manus pervenerunt, mendosissime legebatur. Sed cum non esset obscurum divisionem hanc Subalpinæ regionis pene ad verbum sumptam esse ex Plinio lib. *Naturalis Hist.* iii. cap. xvii. & Livio lib. v. facile ex emendatis horum auctorum codicibus castigavi.

G

lia,

liæ, hanc primum fuisse Livius & Plinius scribunt, quod Helico ex Helvetiis Romæ diu ob artem fabrilem moratus, domum deinde remeans, ficum siccam, uvam, & olei ac vini copiam secum tulerit: quarum frugum dulcedine, novaque tum voluptate capta, illectaque gens fuit, quam aliquin intestinæ discordiæ, seditionesque urgebant. Jam ergo universa hac regione capta, sedibusque firmata, eam alteram Galliam vocant: & qui mediam interlabitur fluviorum Rex Eridanus, antea Phaethontis poena illustratus, Gallicum nomen Padum sortitur ab arbore Picea, quæ plurima circa fontes ejus nascens, & ædificiis necessaria, per eum ad proximas civitates deducitur, Padus Gallice dicebatur: quamquam Strabo & Herodotus negent exstare usquam Eridanum, qui vicinus Pado sit, & mare ad Septentrionem subeat.

Bojorum autem opes procedente tempore ita coaluerunt, ut latius effuso nomine Boicus quoque ager appellatus sit, in quo Mediolanenses sunt, ut Festus Pompejus innuit; & circa Apenninum, centum & duodecim Tribus habuerint. Senones vero longius prolatis viribus à superno mari Senogalliam, Anconamque condidere: ab infero autem ad Ufentem usque, qui Terracinam præterlabitur, fines habuere. Exactis vero ducentis prope annis, eodem die, quo Romanorum Dictator Camillus Vejos cepit, Insuæ, Boji, & Senones Melpum oppidum in tractu nostro opulentia præcipuum deleverunt. Tum Brenno Duce ex Clusina obsidione profecti, Romam diripuerunt, atque incenderunt. A Camillo fugati juxta Isaurum Piceni fluvium afflicti, ibique in memoriam pensati auri urbs Pisaurum nuncupata, ut Serino placuit: nam Vibius Sequester ab amne præterfluente dictam mavult. Inde octoginta fere interlapsis annis, Ariminum, qui Italiæ, Galliæque terminus esset, condidere.

Primo Punico bello confecto Romani novos hostes habuere Gallos Cisalpinos, variaque forte pugnatum. Valerio Cos. uno conflictu tria Romanorum, altero quatuordecim Gallorum millia cecidere. Consulatu L. Æmilii Pauli & Attilii Reguli cætera Italia sine Transpadanis, nunciato Gallico tumultu, armavit octoginta millia equitum, peditum vero septem centum; consternatusque est Senatus Romanus defectione Cisalpinæ. Cum vero, & ex Ulteriore Gallia ingens adventare exercitus nunciaretur, totius Italiæ vires ad præsidium Imperii contraxit. Commissum est prælium in Thuscia, non procul Aretio. Attilius Consul cecidit: reliquus exercitus turpiter dilapsus. Hic Insuæ, Duce Britomaro, sese jurejurando obstrinxere, non prius soluturos balthea, quam Capitolium conscendissent. Factum & est; sed secus, quam putarant; victos enim, captosque, alter Consul Æmilius in Capitolio discinxit: Ariovisto, seu Ariftonico, Duce (nam in nomine variant Florus & Eutropius) vovere de Romanorum manubiis Marti suo torques; sed intercepti Jupiter votum, & de torquibus eorum aurum trophæum Jovi Flaminio crexit. Lucio Cornelio Lentulo, seu, ut Paulus Orōsius habet, Torquato, & Fulvio Flacco Consulibus, primum Romani exercitus trans Padum ducti fuere. Pugnatum cum Insuæ & Liguribus, qui aliquot præliis victi deditionem fecerunt, atque de eis Romæ triumphatum. Iterum Flaminius & Fulvius copias in Insuæ duxere, quibus acie victis, fugatisque, in eorum agrum incursionem Flaminius fecit.

Sed his Consulibus veluti vitio creatis, ac propterea de Provincia revocatis, subrogantur Cn. Cornelius Scipio, & M. Claudius Marcellus; & cum de pace ageretur, bellum multitudini Marcellus suavit. Ergo in Acerras, quod in Padi ripa oppidum erat, impetum Galli faciunt, & Vindo-

marus Rex eorum finitimam oram populatur. Marcellus relicto ad Acerras collega, cum expeditis militibus ad hunc proficiscitur: inventum circa Capidium, vel, ut apud Polybium legitur, Clastidium vicum lancea transfigit, stratumque spoliatur. Interim Scipio castra ad urbem ipsam Mediolanum promoverat: quæ quidem, ut Strabo ait, vicus fuerat: hoc vero tempore, ut Plutarchus docet, populosissima Civitas erat, & gentis metropolis, & pro qua Galli strenue pugnabant. Quocirca Scipio infeliciter jam rem gerebat, & obsidione claudabatur; sed mox adventu victoris collegæ, ac Vindomari cæde vulgata, sublevatus est.

Tum ambo Consules Mediolanum oppugnant, vique captam urbem diripere; cujus exemplo exterrita reliqua tractus hujus oppida deditionem fecere. Ita Marcellus duplici victoria lætus, magnificum Romæ triumphum egit, ceu de universa gente edomita, & tertius à Romulo opima spolia suscipendit: deductæque fuere in agro de Gallis capto Cremona & Placentia coloniæ, quæ utramque Padi ripam complexæ, ceu totidem arces ferocibus populis oppositæ starent: & Placentiam quidem tertiam & quinquagesimam coloniam fuisse

Asconius Pedianus commemorat: sexque millia hominum novi coloni Latini positi fuere. Pacem Punicam frangente Annibale, Boji sollicitatis Insuæ ad eum profecti sunt, & correptis armis impetum in novas colonias faciunt: tantumque terroris ac tumultus fuit, ut triumviri Romani, qui eo ad designandum agrum venerant, diffusi moenibus Placentiæ, Mutinam confugerint: ubi cum obsiderentur, & legati ad colloquium pacis evocati à Gallis retinerentur, L. Manlius Imperator agmen ad Mutinam duxit; & quamvis fallentibus sylvis in insidias bis incurrerit, tamen octingentis militum Gallorum occisis, exercitum incolumem perduxit Cannetum, qui adhuc ibidem vicus exstat: hicque opportunitate fluminis, & auxilio Brixianorum, Gallorumque nonnullorum se tutatus est, donec hostes discessere. Hærebat adhuc circa Rhodanum Annibal ambiguus, utrum cœptum in Italiam iter intenderet; an cum eo, qui primus occurrisset Romanus exercitus, conflingeret.

Interim supervenere Bojorum, Insuæque legationes, & Regulus Matalus; qui se duces itinerum, sociosque periculi offerentes, integris viribus aggrediendam Italiam suaserunt; apertæque tum fuere Alpes, Punico exercitu transeunte: quas diu ante invias indomita ingenia, infociabilesque omni hominum generi animi habuerant. Motum erat per id tempus bellum à Taurinis adversus Insuæ, incertusque stetit Annibal, cui potissimum parti faveret. Ne videlicet offenderet Gallos se præsentem secuturos. Interim à Placentia in agrum Insuæ traducitur Romanus exercitus, Ticinumque pontibus junxere: ubi, quia de urbe nulla fit mentio, dubitat Blondus, utrum ea adhuc condita fuisset. Ego vero pariter miror, Plinium & Ptolomæum nullum verbum facere Cottuæ, ad cujus confinia sitam urbem Ticinum cum amne ejusdem nominis supra Placentiam triginta sex miliaria Strabo meminit. Cæterum cum Annibale Scipio conflixit, & victus Placentiam confugit.

Victorem autem Annibalem frequentes Gallorum Padi accolarum legationes adunt, gratulanturque rerum successum. Trajecto mox Pado, Clastidium frumento refectum per prodicionem capit; ad Trebiam eundem Scipionem una cum C. Ilega Sempromio debellat. Cannensi clade perpetrata, Lucius Posthumius Romanus Consul designatus, viginti quinque armatorum millia in Bojorum agrum inducere tentavit, per Litanam sylvam, sed Galli ita arbores succiderunt, ut immotæ starent, parvo autem mo-

A.M.
383.
ante
Christ.
221.

A.M.
383.
ante
Christ.
227.

A.M. 3839. ante Christ. 214. mento impulsæ occiderent. Igitur, *ubi agmen intravit, ruina arborum undique facta Romani interclusi ad unum obteruntur. Consul caput inventum, & ex calva ejus auro cincta vas ad sacrificia Galli consecere. Ex qua clade tanta consternatio Romæ fuit, ut clausis tabernis, velut nocturna solitudine, plusculi dies acti sint; nec nisi per Senatum dato Ædilibus negotio, ut aperirentur, publicæ mœstitiæ species adempta est.

A.M. 3847. ante Christ. 206. Interea Annibalis frater Asdrubal ex Hispania profectus Placentiam obsedit, ac vi captam diripuit, missis à Carthagine ad revocandum Annibalem legatis; Quintilius Varus Prætor, & M. Cornelius Proconsul in agro Insubrum Gallorum, cum Magone altero Annibalis fratre signis collatis confligere. Ictus Mago in fœmore, amissis quinque millibus hominum, & viginti duobus signis militariibus, aufugit, & per Ingaunos Ligures elapsus, dum mare trajicit, exstinguitur. Pace altera cum Pœnis facta, aversisque omnium animis in bellum Macedonicum, repente Gallicus tumultus exortus est. Insubres, Boji, Cænomani, excitis Ligusticis populis, Amilcare Pœno Duce, qui in his locis de Asdrubalis exercitu substiterat, Placentiam invaserunt. Qua directa, atque incensa, Padum trajiciunt, Cremonam obsident: sed vicinæ urbis audita clades spatium colonis dederat ad claudendas portas, & paranda obsidioni necessaria. L. Spurius Purpurio, qui Prætor Arimini agebat, consulari exercitu accepto, ad liberandam Cremonam contendit. Certatum est omnibus copiis. Gallorum quinque & triginta millia deleta sunt. Dux ipse Amilcar, & tres nobiles Gallorum principes occubere. Placentini captivi ad duo millia liberorum capitum colonis reddit. L. Furius ingenti lætitia, triumpho acto Romæ intulit ærario ccc. & xx. millia æris, & argenti CLXX. millia pondo. Proximo anno C. Bebius Pamphilus prætor temere Gallorum Insubrum fines ingressus, prope cum toto exercitu circumventus est, supra sex mille & sexcentos milites amisit. Qua ex causa L. Lentulus Consul ab urbe excitus, trepido exercitu accepto, cum probis Prætorem dimisit: neque tamen ipse memorabile quidquam egit. Altero deinde anno, cum in armis Insubres essent, assumptis Cænomanis & Liguribus, duo Consules hanc provinciam susceperunt, Cn. Cornelius Cethegus & Q. Minutius Ruffus: quorum alter recta via cis Apenninum, alter ad Ligures flexo itinere, ac bello cœpto Litubium, quod nunc *Voltabium* dici Merulæ placet, & Clastidium, quindecimque alia oppida & hominum viginti millia cepit: inde in agrum Bojorum, qui non multo ante trajecto Pado junxerant se Insubribus, legiones duxit. Boji postquam audirent suos exuri agros, postularunt, ut universi laborantibus opem ferrent: negavere Insubres se sua tali tempore deserturos: ita dissensionem orta copiarum dividuntur. Profectis Bojis ad suas res tutandas, Insubres & Cænomani confedere fecus Mincii fluminis ripas; & infra eum locum Consul Cornelius castra sua applicat Flavio: inde mittendo in vicos Cænomanorum, & Brixiam com-

* Ubi agmen intravit, &c.] Cladem hanc Romanorum descripsit Auctor ex Livio lib. III. Dec. III. à quo aliquanto fufius narratur. Sed enim prope fidem excedit, Romanos, militiæ alioqui peritissimos, adeo temere per hostium fines duxisse, ut nullo viarum, protectionumque discrimine, nulla agminum, turmarumque divisione, nullis præcurrentibus emissariis, spisso agmine, silvam nullatenus exploratam intrarent; præsertim adeo vastam, ut maximorum exercituum alterius alteri non aspectum modo, sed etiam suspicionem omnem adimeret: adeo densam, ut arborum aliarumque casu suo sternerent casu. Neque admodum simile est vero, cæteros ejus cladis scriptores tam inusitatam insidiarum rationem præterituros fuisse: & tamen Polybius in calce lib. III. solummodo scribit Consulem nec opinantem in insidiis illapsam cum toto exercitu à Gallis esse deletum: & Zonaras, in transitu silvosi montis insidiis exceptum, à Bojis cum toto exercitu casum periisse.

A perit non ex publico consilio juventutem defectio- ni Insubrum adhæsisse: tum accitis principibus omnia molitus, ut Cænomani eos desererent, obtinuit, ut vel in acie quiescerent, vel si qua occasio foret, adjuvarent etiam Romanos. Itaque educta acie non solum sese præsidio sociorum subtrahere infidi focii, sed repente Insubrum terga adorti, pugnantibus à fronte Romanis, causa rarissimæ cladis fuere: cæsa enim sunt hominum quinque & triginta millia, & alter Amilcar Pœnorum Dux, qui belli auctor fuerat, cum septingentis captivis in potestatem Romanorum venit.

B Rebellarunt item Insubres & Boji à L. Curio & Claudio Marcello subacti, deque eis Marcellus triumphavit. Marco Portio Catone Consule in Hispania bellum gerente, alter Consul L. Valerius Flaccus cum Bojorum manu juxta Litanam sylvam conflixit: octo millia Gallorum interfecit, & reliquum æstatis circa Padum Cremonæ, Placentiæque egit. Idem proximo anno Proconsul circa Mediolanum cum Insubribus & Bojis, qui Duce Borulaco rebellantes Padum transierant, acie depugnavit: decem millia hostium cæsa sunt. T. Sempronius Consul in agrum Bojorum legiones induxit, quorum tres Reguli fratres, tota gente in armis concitata, castra apertis locis posuerant, pugnaverunt æquis viribus, & pari spe; ceciderunt tamen Gallorum undecim millia, Romanorum eo numero minus dimidio. Consul Placentiam, Galli in intima finium se recepere. Adversus Antiochum bello à Romanis suscepto, legati Placentinorum & Cremonensium in Senatum Romanum introducti exposuerunt civium suorum inopiam: quorum alii belli casibus & morbo, alii tædio accolarum Gallorum continenter cædibus & incendiis vexati, colonias dereliquerant. Decrevit Senatus sex millia familiarum in supplementum mittenda: nec eo multo post Bononia colonia Latina in agro de Bojis capto deducta est. Tum Parma, Mutina, Pifaurum instaurata. Per quæ tempora claruit Ennii Poetæ contubernalis Cæcilius comædiarum scriptor celeberrimus: cui primas in eo dicendi genere partes Priscorum consensus detulit. Notum est epigramma Volcatii Sedigiti decem Poetas judicantis:

Cæcilio palmam statuo de comico:

Plautus secundus facile exsuperat cæteros.

Hunc Eusebius in *Chronicis*, Olympiade centesima quinquagesima, Insubrem Gallum, & patria Mediolanensem fuisse perhibet. Gellius addit servum fuisse, & servile nomen Statium habuisse; & eo in cognomentum verso dictum Cæcilium Statium. Non me fallit Merulam hos versus in *Historia* Nigidio Figulo adscribere; quod tamen in *Epistolis* non tenet, & nos Gellii scripto inhæremus.

Circa exitum belli Macedonici, Aquileja colonia Latina in agro Gallorum deducta est. Consu- latu P. Scipionis Africani & T. Sempronii Longi apud Mediolanum decem Gallorum, quinque Romanorum millia cæsa fuere: capto Jugurtha Rege Numidarum. Q. Cæpio & Mallius male adversus Gallos pugnarunt. Quare ita exterriti sunt Romani, ut cum cætera omnia virtuti suæ prona esse experirentur, cum Gallis faterentur, non pro gloria se, aut imperio, sed pro vita, saluteque dimicare. Ac subinde victor Numidæ C. Marius absens Consul factus est, & Gallia Provincia ei decreta. Dein Cimbri & Teutones, quanta nunquam antea barbaries Romanum concusserat Imperium, tripartitis copiis Alpes transivere, effusosque in plana Marius quinto Consulatu suo fudit apud Vercellas, ut

I Consulatu Titi Semp. Longi, &c.] Hoc de Tito Sempronio, tacito Longi cognomine, pagina præcedente memoratum est. Hoc vero tempore nullus Sempronius consulatum gessit, nec clades ista apud alios legitur Gallis illata. Quare conjicio idem bis memoratum fuisse; primum loco suo, hic autem alieno.

Plutarchus; juxta Eridanum, ut Eusebius; apud Athesim Veronæ, ut Livius & Florus tradunt: fortasse, ut quibus quique faucibus proruperant deprehenfi, ac debellati, locorum nomina apud varios scriptores sortiti sunt. Ac nescio, an ex reliquiis eorum ac victoris nomine factus sit in Novariensi agro arcus Marianus, & mons Marius, & in Mediolanensi Marianum oppidum. Edomitos tunc feroces animos, & Romanis Magistratibus paruisse Gallos argumento est, quod instante Mar-
 A. M. 3963. fico bello Q. Sertorius Quæstor Galliarum Circumpadanæ designatus delectum militum, & armorum præparationem fecit tanta celeritate & diligentia, ut viri impigerrimi & in rebus agendis maxime efficacis gloriam reportaverit. Flagrantibus mox Marii & Syllæ discordiis Consules amicam & obsequentem in augendo exercitu Galliam Circumpadanam habuerunt. Deinde Lucullus reliquias Papirii Carbonis circa Placentiam obsedit. Tumque Italicis populis Civitas Romana à Senatu data est, & sublatum ex Italia Boicum, Senonicumque nomen est, quos simul, & Caturiges Insulbrum exules penitus interiisse Strabo & Plinius meminere. Insulbres vero durare, & Mediolanum eximie dignitatis urbem esse iidem ajunt.

Igitur, & Italiae nomen ab antiquis terminis ad Alpes ipsas, quacunque ambiunt, promovetur; & Cisalpinii omnes Itali, Romani, & Galli togati appellantur. Ac tunc demum solida quies domi
 A. M. 3965. fuit, & adversus externa florere Romani, cum Transpadani populi in civitatem recepti sunt: alioquin enim

— quoties Romam fortuna laceffit,
 Hac iter est bellis.

Mortuo Sylla, M. Brutus pater ejus Bruti, qui Cæsarem interfecit, Cisalpinam omnem cepit, ac
 A. M. 3977. M. Lepidi partibus adjunxit. Missus est adversus eum à Senatu Cn. Pompejus: qui Provincia recuperata Brutum Mutinæ obsessum, ad deditionem, mortemque compulit. Trucidatus Mediolani Senatus ab exercitu fuit. Pompejus ne tumultum moveret, si solos ejus criminis participes evocasset, iussit ad se venire mixtos illis etiam eos, qui extradelictum erant. Ita omnibus sine suspitione, quod culpæ causa vocarentur, comparentibus, memorabili stratagemate, ut apud Frontinum est, de noxiis sumpsit supplicium.

Ab eodem Pompejo conditam Laudem Pompejam post devictos piratas, & purgata prædonibus maria Merula scribit: sed, cum id nullo Priscorum testimonio comprobetur, non video quomodo vir pereruditus, & à Blondo admonitus, receperit: & potior suspicio cadit in Pompejum Strabonem hujus patrem, quem colonias Transpadanas duxisse constat. M. T. Cicero Romanæ pater Eloquentiæ regionis nostræ ope non caruisse se adversis temporibus suis quodam in loco confessus est, & Placentinos in primis de se optime esse meritos: eosdem cum tota Italia certavisse, cum de illius reditu ageretur, & honoratissima decreta erga eum fecisse, memorat Asconius Pedianus.

C. Julius Cæsar jam Consul uxorem duxit Calphurniam L. Pisonis filiam; cujus avum Mediolanensem præconem fuisse Cicero in *Invectiva* objicit, & Asconius Insulbrem mercatorem consentit; patrem vero Placentinum, ex quo etiam semi-Placentinum Cicero appellat. Ipse vero Cæsar in *Commentariis* L. Pisonem avum L. Pisonis foceri sui, legatum fuisse scribit L. Cassii Consulis, qui à Ti-

1 Senonicumque nomen est, &c.] Post hæc verba in aliquibus exemplaribus legebantur illa, *Omnes Itali Romani*: quæ ideo expunxi; quia non dubitavi, ex margine in contextum irrepsisse: argumento est, tum quia ea erat sententia verborum irrepsisse: tum quia ea erat sententia verborum irrepsisse: tum quia junctura verborum non constat, si ea verba in contextu retineantur: tum denique, quia in aliquibus exemplaribus non habentur.

gurinis pago Helvetiorum est interfectus. Cæterum eodem focero suffragante ex omni Provincia-
 A rum copia Cæsar Galliam potissimum elegit: & primo quidem Cisalpinam, mox etiam Comatam accepit: per quod tempus conflato ab Helvetiis bello, qui per Sequanorum fines in agrum Heduorum pervenerant, duas legiones in Cisalpina conscripsit, & tribus aliis ex Aquileja evocatis ab Ocello, extremo hujus Provinciæ oppido, septimo die pervenit in fines Vocontiorum, & Allobrogum. Cum vero inde cis Alpes rediisset, exercitum circa Eridanum reduxit; quo in tractu, ut Vitruvius scribit, Larignum castellum obsedit ob denegatos com-
 B meatus, atque inter oppugnandum miratus turrim oppidanorum ex trabibus constructam, ardentibus sarmentorum fasciculis subjectis non potuisse magis quam saxum in calcem cremari, didicit Larignam materiam, cujus maximæ copię in his locis sunt, ignes non facile concipere, & conceptos non nutrire. Illustres interim gentium, & exercituum Duces, & Magistratus adierunt, ut centum & viginti fascies circa eum uno tempore visi fuerint. Venere item Pompejus & Crassus, atque inter se Remp. partiti constituerunt, ut iterum Pompejus & Crassus consulatum inirent; Cæsar in aliud quinquennium Provinciam obtineret.

Interim Mediolanum divertit Cæsar, ubi à Valerio Leone coena exceptus, singulare modestiæ specimen edidit. Nam cum asparagis inditum foret oleum conditum pro viridi, nonnulli ex convivis rusticitatis arguere hospitem coeperunt, insolitum cibi genus subinde aspernantes: at contra Cæsar illius honori prospiciendum ratus, affatim comedit, & sodales redarguens, rusticos ipsos esse dictitabat: quibus satis esse potuisset appposito obsequio non uti, nedum, ut de hospitis simplicitate obloquerentur. Hoc loco Merula, dum iterum revolvere semel lecta non curat, Parhistoriam admittit: ait enim Cæsarem eo cibo appposito respondisse hospiti: *Non putaram me tibi tam familiarem*: quod prorsus frigidum, & à viri prudentis ingenio alienum est: divique Augusti id fuisse docet Macrobius in *Saturnaliis*, nimia improvisi prandii parcitate expressum: sed & simili errore lapsum Ciceronem A. Gellius observavit, ac magis miratur non postea animadversum fuisse à Tullio Tyrone ejus scriptorum emendatore, cum is Ajacem pro Hectore de sepultura sollicitum ex Homero traduxisset.

Como urbe à Rhætis vastata Pompejus Strabo, Magni Pompeji pater, colonos in eam restituerat, & jus Latii dederat; id est, jus petendi Magistratus Romæ, & cætera agendi, ut Latinae coloniae habent. Inde C. Scipio tria hominum millia adjecit: postmodum C. Julius Cæsar quinque inquilinorum millia induxit, in quibus quingenti illustrissimi fuere Græci, quos civitate donatos in habitatorum numero descripsit: sed non in eodem loco domicilium habuere; in proximo Novum Comum condentes Novocomenses appellati sunt omnes. Quo in loco diligentiam in Strabonis Interprete desiderare haud injuria Merula videtur. Rerum vero Imperio adspirans Cæsar cum omnia à Senatu obstinatius fieri contra se videret, pepigit cum adversariis, ut dimissa Ulteriore Gallia Citeriorem cum duabus legionibus retineret; tanti faciebat nostræ gentis vires, & Provinciæ opportunitatem, quam etiam Cicero in *Philippicis* florem Italiae, firmamentum Imperii, & ornamentum dignitatis appellat, & præsedisse semper huic Imperio, libertatique communi affirmat. Nam & alibi dictum est ex ejusdem emolumento idoneam esse materiam triumphorum.

Trajecturus deinde in Africam Cæsar adversus Catonem & Scipionem, huic Provinciæ præfecit Mar.

Mar. Brutum, cum ipsum, à quo postea fuit interfectus. Cujus cura & administratione visi faelices sunt populi, & fidem erga Caesarem constanter coluerunt: cum ceterae regiones Praesidium contumeliis & avaritia lacerarentur, diriperenturque; Brutus vero humanitate & iustitia pollens, requies suis & consolatio erat. Unde cum rediens Caesar Italiam circuiret, dulcissimum praebere spectaculum civitates, quibus Brutus praefuerat. Cui (quod in memoriam meritorum tribuebatur) Mediolanenses aream statuam illi persimilem medio foro posuere, ut Suetonius in *Claris Rhetoribus*, & Plutarchus in *comparatione Dionis* meminerit. Eandem Togatam Galliam bello civili rexit M. Callidius orator clarissimus, Caesarianas partes secutus; & interim Placentiae obiit. Apud eandem Placentiam Caesar nonam legionem ob factam seditionem totam cum ignominia dimisit.

Mortuo Caesare Mar. Antonius, ut juvenem Octavianum, qui postea Octavianus, ut Dion Graecus declarat, & Caesar Augustus fuit, deprimeret, palam illi adversatus, exercitum in Gallia Transalpina paravit, Decium Brutum Mutinae obsedit, caeteraque succedere inter eos bella, & Triumviratus cum Lepido in Insula Padi, & quae circa Derthonam, & Statiensium fines acta *Epistolis* Ciceronis & Bruti, tum Appiani Alexandrini, multorumque aliorum scriptis nota sunt. Quibus cum ingentes pecuniae caeteris nationibus imperarentur, sola Gallia, quae intra Alpes est, ex decreto prioris Caesaris, novo Caesare poscente, immunis relicta est.

Potitus vero rerum Augustus, cum Germanica, aut Pannonica bella gereret, aut per Legatos administraret, ne longe abesset, progredi ab urbe Roma solebat Ravennam, vel Aquilejam, vel Mediolanum usque. Ubi & statuam Bruti paulo ante memoratam conspiciens, juxta eam substitit; auscultantibusque multis, principes civitatis accersivit; & se eos foedifragos deprehendisse dixit, qui penes se suum tenerent hostem. Et initio quidem Mediolanenses inficiabantur, seque invicem intuentes, unde id forte evenisset, percunctabantur. Tunc ad statuam conversus Caesar, contracto vultu: *Nonne iste*, inquit, *interdum hic manet hostis?* ad hanc vocem trepidi, & ceu convicti obmutuere. At Caesar subridendo dixit, simplicitatem fidei eorum se recognoscere, quod amicis etiam praeter fortunam constantes viderentur: collaudansque eos, imperavit, ne statua omnino loco moveretur: existimabat enim officiosi Principis esse, respicere rationem temporis, quo quid honoris & gratiae benemerentibus reponitur; non autem, quo postea in odium venerit. Eiusdem memorandum iudicium Valerio Maximo visum est de foemina Mediolanensi, quae se inferere ausa est bonis minime ad se spectantibus, tanquam foret Rubria, quae falso crederetur incendio periisse. Cui cum neque ex tractu Mediolanensi splendidi testes, neque cohortis Augusti favor deesset: tamen veritate comperta, irrita voti dimissa est.

Eidem divinos honores constitutos fuisse, et si multorum scriptis intelligatur, tamen id etiam testatum manet Comi lapidea tabula sic incisa:

T. ANNIO. T. F. QVIR. MAXIMO.
POMPONIANO. FLAM. DIVI. AVG.
AVGVRI. PRAEF.

Duo ejusdem Caesaris privigni Tiberius, qui postea imperavit, & Drusus bellum in Germania gerentes, cum hac iter crebro facerent, structi à se muri memoriam reliquerunt. Exstat apud Laudenses nigri marmoris tabula, praegrandibus litteris ad hunc modum inscripta:

T. CAES. AVGVS. F. AVGVSTVS. DRVSVS. CAESAR. AVG. F. AVGVSTVS. PORTAM. F. C.

Idem Augustus cum eorum juvenum matre Livia via Ticini erat, cum victor hostium Tiberius, ad eos salutandos, amplectendosque venit, & mox nunciatum est Drusum fratrem ex fractura cruris inter fluvium Salam & Rhenum gravissime laborare, ex quo protinus ad eum proficiscens Tiberius, mutatis subinde equis, ducenta passuum milia die ac nocte confecit.

Jam Virgilius Poetarum maximus, ex pago Mantuano natus, Cremonae ad virilem usque togam educatus, Mediolani litteris operam dedit. Imperante utique Augusto L. Piso Proconsul Mediolanum missus, jura publice reddidit; coramque eo complures causas egit, clarus tunc Rhetor C. Albutius Sylo Novariensis. Quod Albutii nomen frequens Comi fuisse, marmoreae tabulae praeae elegantiae testantur, in quibus adhuc legitur:

Q. ALBVTIVS. GALENVS. ET. C. ALBVTIVS. BLANDIRO. VI. VIRI.

Sub Tiberio Caesare Novellus Tricongius Mediolanensis memoratur; Torquati cognomen Merula nescio unde addidit. Is è Praetura gestis honoribus ad Proconsulatum usque provectus est, & rara gloria potitum Plinius scribit; tres enim vini congios uno impetu & sine respiratione haurire solitum esse, indeque & *Tricongii* nomen; & spectari eum aliquando miraculi gratia ab Imperatore; quod ita nec sermone labaret, nec vomitione, aut alia corporis parte levabatur; aut quin matutinas obiret vigilias, non impediabatur. Hujus gentilem non immerito dixerimus alterum Novellum, cognomento aequalem, cujus memoriam antiqui operis tabula in suburbano posita, nunc quoque servat. Claudio Principe in Italiam transmissa Christiana religio iisdem pene diebus, auctoribusque Mediolani, quibus & Romae recepta est. Invaluit apud quosdam opinio Barnabam Pauli Apostoli socium ejus rei principem fuisse: memorantque id scriptum à D. Hieronymo in *Epistola ad Cromatium & Heliodorum*; item à Dorotheo Dionysii Areopagitae discipulo in libro, quem is fecerit de *Actibus Apostolorum*: alius ex *Epistola* Clementis idem constare adstruit: quae ego testimonia, etsi alieno quoque studio usus peravide conquiverim, hactenus tamen non inveni. Unum quidem apud Clementem in itinerario observavi, Barnabam Roma in Gallias profectum, Christi nomen primum vulgavisse, ex quo facile potuit in amplissimam tunc urbem Mediolanum divertere.

Caeterum magis convenit, Anathalonem genere Graecum primum in Episcopatu à Barnaba ipso institutum, qui injuncto munere constanter perseverans ad octavum Neronis annum pervenit. Cajumque civem Romanum virtutibus & eloquentia praestantem successorem designavit. Caji praedicatione non crassum modo vulgus, & multitudo imperitior, sed in nobilitatem penetrante sermone, Praefides & Magistratus in nomen Christianum cesserunt. Inter quos duo opibus & genere illustres Vitalis & Philippus fuere, quos secuti sunt liberi, tota familia, & complures cives Senatorii, Equestrisque ordinis, quos omnes Cajus lustravit sacra aqua ex perenni fonte, qui via Ticinensi non longe à moenibus ortus, nunc quoque perdurat, mansitque mos posteris inde lavandi, quos in nomen Christianum recipiebant, quoad recepta intra urbem religione tuto alibi exercere sacrum munus licuit. Ultimo Neronis anno cum patriae, tum Petri, Paulique Apostolorum visendorum gratia Romam petere Cajus constituit. Et quamvis in itinere necis eorum obvios nuncios habuerit, nihilominus quo

intendebat ireperrexit: atque Clemente convento, à quo rem omnem gestam didicit, Mediolanum reversus est.

Per idem tempus Nazarius civis Romanus adolescens clarissimus, cujus mater à Petro baptizata fuerat, in Ligures transmissus, Genuæ primo, dein Placentiæ Christi præcepta aperuit. Quod & Mediolani mox fecit, Celsumque summæ nobilitatis puerum ad idem pertraxit. Syrus quoque Aquilejensis genere, & Juventius Hermagoræ ministri, qui postea à Marco Euangelium accepit, Ticinum venere, novæque tum ibidem religionis fundamenta jecere; atque ex propinquitate locorum frequenter ad communicanda cum cæteris Christianis consilia Mediolanum ventitabant. Tradunt quidam Neronis iussu, qui plurimum in Christianos sæviebat, Nazarium & Celsum fuisse pariter trucidatos, sed Paulinus Nolanus, qui *Vitam Ambrosii* scripsit, aperte fatetur incompertum sibi esse tempus cædis Nazarii.

Sublato Nerone, interfectoque Galba septimo Romanorum Imperatore, Othonianum bellum circa Padum efferbuit. Syllanæ alæ milites, qui non procul erant, & Proconsulem Vitellium in Africa habuerant, ejus sacramento accessere, atque ut quo poterant beneficio novum Principem demererentur, firmissima, ut Cornelius Tacitus inquit, Transpadanæ regionis municipia illi adjungere, Mediolanum, Novariam, Vercellas, Eporediam, totumque hoc florentissimum Italiæ latus, & quantum inter Padum & Alpes camporum, urbiumque est, armis Vitellii adjunctum, haud dubium aditum illi ad terrarum Imperium fecit. Nam hac virium accessione territus Otho, ac apud Bebricum, qui Cremonensium vicus nunc quoque aliquam nominis similitudinem retinet, debellatus, se mox Brixelli interfecit, atque inter oppugnandum Placentiam Amphitheatri opus pulcherrimum, & quo nulla tam capax in Italia moles erat, conflagravit. Vitellius ex Ulteriore Gallia reversus, Senatus Romani legationem Ticini audivit.

Ingruente mox in Italiam Vespasiano, quia terrestribus exercitus per Pannoniam & Dalmatas adventabat, occupatæ sunt Vitellii nomine Verona, Vicentia, Hostilia, Forum Alieni, quam nunc Ferrariam dici cruditis placet. Illic enim junctus ponte Padus brevem & percommodum ad eas urbes transitum præbebat. Oppressis Vitellianis cohortibus, tum deficiente Cæcina, qui Vicentinus genere fuit, vis belli circa Cremonam incubuit, & victoribus Flavianis nobilis & prædives civitas, & tum mercatus tempore plenior, direpta, combustaque fuit, anno, ex quo condita fuerat, ducentesimo & octogesimo sexto. Ipsi Vespasiani proavum Titi scilicet Flavii Petronii patrem non negat Suetonius fuisse ex regione Transpadana mancipem operarum, quæ quotannis, ut nunc quoque fit, ad culturam agrorum commeare in Etruriam solent.

Imperanti Tito divinos honores ex aliorum Cæsarum more datos, indicat Epigramma, quod Comi in saxo legitur, ad hunc modum:

MINICIVS. L. F. EXORATVS. FLAM.
DIVI. TITI. VESPASIANI. CONSENSV.
DECVRION. TR. MIL.

Durat in Ambrosianæ ædis pariete antiqua tabula perelegantibus litteris scripta in hunc modum:

D. S. I. M. P. ACILIVS. PISONIANVS.
PATER. PATRATVS. QVI. HOC. SPE-
LAEVM. VI. IIGNIS. ABSVMTVM. COM-
PARATA. AREA. A. REP. MEDIOL.
SVA. PECVNIA. RESTITVIT.

Id autem sub hæc tempora contigisse, cum nomina ipsa vere prisca Romana, nam C. quoque Acilius

A Cæsarianus miles legitur, qui apud Massiliam prælio navali injecta in puppim hostium dextra, eaque abscissa transilivit in navem, umbone obvios agens; tum argumento est illud *ignis* gemino ii scriptum: tradit enim Fabius Quintilianus in *Institutionibus Oratoriis*, ætate sua in usu fuisse, ut producendam vocalem geminarent, & Ciceroni quoque placuisse *ajio*, *majiamque*, geminato ii scribere. Præterea Florentiæ nuper florentibus Mediceorum opibus visa numismata sunt, sub imagine Galbæ Cæsaris, in quibus, & *felix* per duplex ee, & *virtus* per duplex ii leguntur: ibidem *absuntum*, sine p ante t, scriptum animadvertimus.

B Quinto Domitiani Imperatoris anno, qui secundus & vigesimus erat, ex quo Ecclesiæ Mediolanensi Cajus Episcopus præfuerat, spiritum posuit; sepultusque in Poliandro Philippi. Ita vocarunt locum in hortis, quos prædices homo usui religionis dicaverat. Nunc id spatium Ambrosiana æde cœnobioque occupatur. Cæterum Domitianus, cum in alios virtute, doctrina, & moribus claros viros sæviret, Philosophosque urbe Roma & tota Italia pelleret, Christianos quoque acerbius exagitavit, nullo non genere tormenti in eos edito. Ita ne in totum convulsis sectatoribus religio periret, non pauci latitando, dissimulandoque, carnificum manus declinare; furoreque Tyranni evitato, se in meliora tempora servare. Nam quo occultiores forent, nullum sibi Episcopum toto illius Principatu creavere.

C Succesit Nerva vir optimus, & qui inique à Domitiano acta rescidit, erepta bona veteribus possessoribus restituit, exules reduxit. Ita Mediolanensis quoque juvenus, quæ Christum colendo latuerat, è tenebris in lucem prodiit, & solita conciliabula frequentavit. Deerat caput, & qui primarii inter multos nomen aliquod teneret, quem haud difficile invenire fuit. Inter Caji discipulos egregius habebatur Castricianus. Hunc eligunt communi consensu Clerus & Populus, qui statim domum Philippi hortis imminentem à Cajo sibi traditam sacravit, ac primum orandi templum fecit. Nec ita multo post aucto Christianorum numero (etenim ingentia in dies miracula edebantur) duas alias ædes illi propinquas consecrat; atque de duobus Philippi filiis Fausto & Portio, hanc Faustam, quæ postea in Sancti Vitalis, illam Portianam, quæ in Sancti Martini ad corpus nomen transivit, appellat.

D Trajanum Cæsarem non solum frequenter Mediolanum venisse Merula absolute scribit, sed etiam Palatium in ea urbis parte ædificavisse, quæ adhuc Palatii nomen tenet. In quo ego lapsus amore laudum civitatis arbitror; cujus gloriæ nimium favebat; quia nec id apud Latinorum quemquam idoneum scriptorem, quod viderim, legitur, nec ipse in *Vita Imperatoris*, quam ex Dione Græco Latinam fecit, meminit: nec ratum habeo, quod Blondus temere magis, quam judicio aliquo dixit, Romanos Imperatores, quoad per occupationes liceret, Mediolani habitasse Nervam, Trajanum, Hadrianum, & deinceps alios, de quibus, quid ipse sentiam, suis locis res ipsa docebit.

E Plinium quidem Juniores Mediolani Vicarium à Trajano datum quodam in *Commentario* legeram. Hujus rei mox fidem auxit tabula marmorea, quam quatuor in frustra divisam nobile Lothario Regi sepulchrum facturi quidam Litterarum ignari in formam arcæ compósuerunt. Ac nescio an Plinii gloriæ invidentes ad illius memoriam oblitterandam intrinsecus litteras obverterunt, ut nisi immisso lumine non legantur. Vacua autem nunc ea arca est in æde Ambrosiana, dimidiataque ex fractura sunt interdum non solum verba, sed syllabæ litteræque ad hunc modum:

C. PLI.

C. PLINIVS. L. F. AVGV
LEGAT. PROCONSVLARI
POTESTATE. IMP. CÆSAR
NERVA. CVRATOR. ALVEI
TI. PRÆF. ÆRARIII
SAT. QVÆSTOR. IMP
ADIECTIS. IN
LIVS. IN. TVTELAM. LIBER-
TORVM. SVORVM. HOM
EMENT. POSTEA. AD. EPV-
LVM. S. DEDIT. ALIMENTA
PVERI. N. TVTELAM
BIBLIOTH

O. V. F. CÆCILI. PR
PROVINCIAE. PON
IN. EAM. PROVINCIAM
E. TRAIANO. AVG. GER-
MÆRIS. ET. RIPARVM
ENI. PRÆF. ÆRARIII. MIL
SE. VIR. EQVITVM
TIB. IVDICANS. THERA
ORNATVM. HS. CC. HS. CC
T. F. L
HS. XVIII. LXVI. DCLXVI
RE
PLEB. VRBAN. VOLVIT
PERTIN. ET. PVLEARVM
PLEB. VRBAN. HS. CÆS
HS. C

Nisi forte propter mentionem Bibliothecæ, & alim-
entorum pueris designatorum dubitandum quis
censeat; utrum potius fuerit Comi, id est, in pa-
tria, quam Mediolani posita tabula, & inde per
temporum varietates transvecta; siquidem in *Epi-
stolis* sermonem se apud suos municipes habuisse scri-
bit, cum esset dedicaturus Bibliothecam, & mu-
nificentiam suam erga patriam declarans, *Non, in-
quit, ludos, aut gladiatores; sed annuos sumptus in
alimenta ingenuorum pollicebamur.* Ægre etenim fe-
rebat, præceptores & studia litterarum in patria
non haberi; sed mitti Mediolanum adolescentes,
educarique procul conspectu parentum, si qui dare
operam litteris vellent, atque ut conducerentur
magistri, se tertiam partem impensarum daturum
ostendit.

Admonet me propinquæ urbis & illustris viri
mentio, ut adversus illos, qui extorquere nobis
majorem Plinium nituntur, præter auctoritatem
Eusebii, in cujus *Chronicis* Novocomensis scribitur,
subijciam Inscriptiones nonnullorum lapidum in
Comensi regione existentium, quibus multiplicem
fuisse Comi Pliniorum familiam colligitur. Nam &
P. PLINII. PLINIANI. ET. M. PLINII fra-
gmenta exstant, & manes C. PLINII. VALE-
RIANI. MEDICI. QVI. VIXIT. ANN. XXII.
M. VI. parentes condidere, & C. PLINIVS.
PHILOCALVS. C. COESIDII. EVZELI. A-
MICI. OPTIMI memoriam posteritati consecra-
vit, & hunc ipsum, de quo modo loquebamur, C.
PLINIVM. CAECILIVM. SECVNDVM.
CONS. AVG. CVRATOREM. TYBER. cujus
Epistola elegantissimæ, & *Panegyricus* Trajano di-
ctus, habentur, gessisse colligimus aliqua ex iis
officiis, quæ nova excogitasse D. Augustum Sue-
tonius memorat; quo plures partem administrandæ
Reip. capefferent; curam scilicet operum publico-
rum, aquarum, viarum, & alvei Tiberis, quæ
honestissima fuisse abunde Julius Frontinus docet.
Hic etiam subijciendum venit epigramma, quod
Bergomi exstat incisum marmoris ad hunc mo-
dum:

C. CORNELII. C. F. VOT. MINICIA-
NO. PRAEF. CON. PRIMARIO. DAMAS.
TRIB. MIL. LEGIONIS. III. AVGVSTI.
PRAEF. FABR. CVRATORI. REIP. O-
TESINORVM. IIII. VIRO. I. D. PON-
TIFICI. FLAMINI. DIVI. CLAVDII. BER-
GOMI. PATRONO. FLAMINI. DIVI.
TRAIANI. MEDIOLANI. PLEBS. VR-
BAN.

Ex quo non solum Claudio, Trajanoque divinos
in patria nostra habitos honores colligimus; sed

etiam Otesinorum nomine admoniti observavimus
diligentius Plinium in octava regione Italiæ, cos
inter Padum & Apenninum non longe à Placen-
tia, Parmaque coloniis memorantem; ubi & nunc
quoque exiguus vicus *Otesella* dicitur.

Traiano successit Hadrianus, quem quidam tra-
dunt cum Mediolani, Brixiaque ageret, duos
Brixianos fratres Faustinum & Jovitam, cum pri-
mo pollicitationibus & minis non potuisset à fide
avertere, Romam pertraxisse, ac diu excruciatos
necari iussisse. Ejus tamen sævitiam evasit Castrici-
anus, qui ultimo Hadriani anno moriens Epi-
scopatus sui unum & quadraginta annos vidit. De-
cennio ante Kalimerus nobilis Romanus Faustini
& Jovitæ prædicationibus institutus, atque The-
lesphoro Pontifice sacris initiatus, Mediolanum ve-
nerat, & à Castriciano receptus inter clericos ædis
Faustæ ad eam doctrinam & integritatis opinionem
pervenit, ut omnium consensu in defuncti locum
subrogaretur. Igitur Mediolanensis Ecclesiæ Anti-
stes Kalimerus in Commodi Imperatoris tempora
pervenit: sub quo recipientibus religionem Trans-
padanis, Martianum discipulum, comitemque
suum Derthonensibus misit. Erat enim Derthona
insignis civitas, ut Strabo quoque dixit, & men-
tione digna. Cæterum Kalimerus à cultoribus A-
pollinis, cujus fanum Mediolani non longe ab æ-
dibus Episcopi distabat, interceptus necatur. Id
quia permissu Imperatoris factum creditum est,
biennio Episcopalis dignitas vacavit.

Mox cessante metu, habitis in Portiana æde co-
mitiis, nobilis & Consularis vir Monas ex Kali-
meri schola sacrorum Antistes creatur, qui benefi-
cio longæ ætatis multa ad incrementum religionis
contulit, auctaque est adeo multitudo eam profi-
tentium, ut jam non sufficeret nominatim quem-
quam, & per cognomina denotare, sed per vicos
& regiones urbis in quibus habitarent designari
Christiani cives cœperint: quas *Parochias* dixere ab
antiquo fortasse verbo *Parochia* appellatione sumpta,
qui præbenda publice Magistratibus expediebat,
ut apud Horatium, lib. 1. sat. v.

— & *Parochi, quæ debent, ligna, salemque.*
Quod etiam verbum ætate nostra vir doctissimus
Hermolaus Barbarus, cum Patavii ærarium publi-
co nomine curaret, mutuatus est, & præceptor
Merula concessit. Quidam tamen primam Parochia-
rum mentionem in Maternum transferunt. Vixit
autem Monas quam diutissime: nam cum octoge-
narius esset, undeseagesimum Episcopatus annum
attigit.

Interim P. Helvius Pertinax, qui circiter tres
menses Romæ imperavit, è finibus nostris oritur,
villa Martis in Apennino ut Julius Capitolinus, ut
vero Græcus Dion Alba Ligurum, quæ Pompeja
cogno-

A.C. 195. cognominatur: Julianus Didius, qui adversus Pertinacis focerum Flavium Sulpitium licitando Imperium Romæ adeptus, paulo plus duobus mensibus tenuit, Mediolanensis genere fuit. Scribit idem Dion eum, cum pecunias, quas ingentes habebat, intemperanter expenderet, in patriam Mediolanum fuisse à Commodò relegatum: addit Ælius Spartianus etiam avum paternum Insubrem Mediolanensem fuisse, cujus tempore, cognomineque collato haud importune junxerimus eum aliqua propinquitate Didio Gallo, quem Cornelius Tacitus inter claros insulæ Britanniae Præfectos commemorat.

Juliano successit Septimius Severus Afer, qui se cognominari Pertinacem in honorem Pertinacis à Juliano interfecti voluit. Huic nondum Imperatori Galliam Provinciam administranti, uxor Julia Syra cis Alpes à viro, propterea quod ventrem ferret, relicta, Mediolani filium Getam peperit.

Haud multo intervallo, absumptis Antonino Caracalla, Macrino, Heliogabalo illo impudicissimæ vitæ monstro, tum Alexandro Mammææ, Maximino & Gordiano, ad duos Philippos patrem & filium res devenit, qui primi ex Augustis Christiani fuere, edidereque ludos sæculares magnificentissimos, cum incidissent in annum millesimum ab urbe Roma condita: sed mox Veronæ pater, & Romæ filius interficiuntur, sexto Imperii sui anno, qui & ultimus Monæ Mediolanensis Præfulis fuit; cui Mirocles vir sanctitate clarus, & D. Ambrosii scriptis celebratus sufficitur. Cujus Episcopatus duo & viginti anni attribuuntur.

A.U. C. 3000. Christi 249.

Per quod tempus Decio Philipporum proditore, & Gallo Hastiliano, & Volusiano paucisque aliis Cæsaribus absumptis, res Christiana validior effecta est; atque interim Galienus majoris Valeriani filius, quindecim annos maxima cum infamia vixit; demumque abjecta penitus Reip. cura Mediolanum se contulit, ubi à libidinibus non temperans conspiratione Aureoli, qui exercitus Illyricianos regebat, & Martiani, ac Cecropii Dalmatarum Ducis interficitur; & continuo junior Valerianus frater ejus, sed alia matre genitus, ibidem occiditur.

Cumque Aureolus ipse usurparet Imperium, Flavius Claudius, jam Galieni sententia Imperator designatus, & ad quem Ticini agentem indumenta regia is miserat, & nunc judicio militum electus, copias adversus eum duxit, conflictuque habito non longe à Mediolano devicit, atque interemit juxta pontem, cui cognomen Aureolidiu fuit; & fortasse circa Abdum fluvium prælium gestum est, ubi non ignobile oppidum Pontirolum vocitatur: nam & Græcum epigramma positum illic ferunt, quo maxima Claudii humanitas celebratur, qui parentalia hosti non negans:

Dona sepulchrorum Victor post multa Tyranni

Prælia, jam felix Claudius Aureolum

Munere prosequitur mortali, & jure superstes

Vivere quem vellet, si pateretur amor.

Militis egregii vitam, qui jure negavit

Omnibus indignis, & magis Aureolo.

Ille tamen clemens, qui corporis ultima servans,

Et pontem Aureoli dedicat, & tumulum.

Circa Mediolanum quoque sepulto Valeriano titulus hujusmodi additus fuit, CLAUDII JVSSV. VALERIANVS. IMP. Imperat ergo Claudius, virtute ille, & summa probitate inclutus, cui Senatus ob devictos Gothos auream statuam, aureumque clypeum decrevit: hic ducenta millia Alemanorum exitio Italiæ imminuentium, circa lacum Benacum in sylva Lugana delevit: nisi forte propter nomen Luganæ, quod nunc celebre oppidum est inter Verbanum & Larium, erravisse scriptorem in nomine lacus arbitrari velimus, & clarissimam victoriam propius Mediolanum contigisse.

A Ab eodem Claudio adoptatur Valerius Aurelianus, sub quo Marcomanni ex Hercynia sylva barbari Italiam invaserunt, atque Circumpadanam effusi late regionem populantur, rapinis, cædibus, incendio fœdant: quos dum Aurelianus ipse in castra profectus adoriri à fronte negligit, mavultque à tergo insequi, ingentem cladem ex errore accipit, erumpentibus enim ex angustiis, quibus clausi credebantur, hostibus, omnia circa Mediolanum evastata sunt. Non imprudenter studiosus lector rem effectum maximam uberius declarari optaverit, sed desiderium remittat oportet, cum pluribus verbis traditam non inveniamus.

B Nam & paulo post cum copias omnes circa Placentiam Marcomanni contraxissent, occurrere eis Aurelianus cum toto exercitu conatus est; & cum aperto Marte congredi Barbari non possent, in proximas sylvas delituerunt, atque incumbente vespere in Italos invecit tantam cladem intulerunt, ut pene Romanum solveretur Imperium: consultique sunt Romæ libri Sibyllini, quibus, quæ fieri jubebantur, peractis rite sacrificiis parta victoria est, & bellum Marcomannicum finitum in campis Ticinensibus, ut Eutropius innuere videtur. Domitis Marcomannis cunctos alios, qui innumeri Romanas Provincias atterebant, Barbaros affixit; unde & apud Flavium Vopiscum Junius Tiberianus Præfectus urbis dixit totum orbem per eum fuisse Romano nomini restitutum; & eodem titulo marmorea tabula Placentiæ exstat:

RESTITVTI. TOTIVS. ORBIS. SVI.
DOMINO. IMP. CAES. L. DOMITIO.
AVRELIANO. PIO. FELICI. VICTO-
RIOSQ. AVGVSTO. VAL. SABINVS. A.
V. RAT. DEVOTVS. NVMINI. MAIE-
STATIQ. EIVS.

D Hoc tempore vixisse Prothasium & Gervasium Martyres Mediolanenses crediderim: quia cum jussu Aftasii Comitis decollatos fuisse omnes consentiant, nec fide digna habeatur columna, quæ adhuc manet juxta Jovis arcem, qua eam cædem factam utique Aftasio Comite scriptum est; sed anno quinquagesimo septimo ab Christi, ut ajunt, Incarnatione, qui in principium Neronis Cæsaris caderet; sed nec verba ipsa, nec characteres litterarum illis temporibus congruant; (quippe longe posterius, & à parum peritis sculpta columna fuit) & alii in alia tempora eorum mentionem transferant: ego quodam loco non abrogandæ fidei observavi, cæsos eos fuisse jussu Aftasii Comitis ad bellum Marcomannicum proficiscentis.

E Interea defuncto Mirocle suffragiis Cleri, Populique, Mediolanensi Ecclesiæ præficitur Mater-nus, civis honestissimis parentibus natus, & qui primus à Cæsaribus obtinuit, ut libere quocunque loco

1 Prothasium & Gervasium, &c.] Prothasium ac Gervasium cæsos esse anno Christi 171. M. Aurelio & L. Vero Imperatoribus, & quidem jussu Aftasii Ducis ad bellum Marcomannicum proficiscentis; quod ei ab Idolorum Sacrificulis denuntiatur erat, victoriam nonnisi illorum morte posse constare, satis testata res est apud sacros Historicos, ac Chronologos, Baronium anno Christi 171. & Adnot. ad Martyr. Gordonum eodem anno, Gualterium in Tabula ab anno 100. ad 200. à qua sententia discedere non potest Auctor, cum & ipse pro certo habeat, eam cædem patratam esse ab Aftasio ad bellum Marcomannicum proficiscente: quæ expeditio eodem anno suscepta est. Quod igitur tradit, passos fuisse bello Marcomannico ab Aureliano Imp. gesto, centum scilicet integris annis post, nec veritati, nec superiori ejus positioni recte coheret. Sed falsus est, cum similitudine nominum Aurelii & Aureliani Imperatorum, tum commemoratione belli Marcomannici, quod unicum credidit; cum revera bis à Romanis contra Marcomannos pugnatum sit: primum M. Aurelio Imp. ab Aftasio Duce; deinde post annos 100. ab ipsomet Aureliano Imp. Necessè est autem Prothasium & Gervasium eo bello Marcomannico coronatos fuisse, quod ab Aftasio gestum est, à quo constat occisos; nimirum primo, quod anno Christi 171. parabatur.

ver-

versari Christianis, & Dei sui nomen impune prædicare liceret; modo intra certum numerum disciplina staret; cætera multitudo ludis Theatralibus, & civilibus negotiis vacare permetteretur; ne penitus videlicet populi ab antiquarum ceremoniarum cultu ad hanc unam religionem nimia prædicatione traducerentur. Verum nec intra regulam stare, nec ullo Imperio cohiberi potuit hominum ardor, nemine non capto vi penetrantis in omnium corda, animosque divinitatis; adeo ut Consules, cæterique Magistratus, ac carnifices ipsi, qui paulo ante hunc atque illum excruciauerant, Materni oratione converterentur. Cæterum Derthonenses Episcopo caruerant, ex quo Martianus eis à Kalimero datus decesserat, soloque Presbyterorum & Diaconorum officio contenti, propter sævitiam & acerbiteriam persecutorum fuerunt: nunc mitiore temporum conditione vocatus trans Padum Maternus Derthonam proficiscitur, miroque gaudio privatim, publiceque exceptus, ut magnus Metropolitanusque Pastor in urbem introducit, ubi & religionis statum reformavit, & Maliodorum Levitam spectatæ integritatis virum Episcopum instituit, hisque peractis Mediolanum revertitur.

Cæso Aureliano Tacitus eximia virtute clarus, qui genus ad Cornelium Tacitum historicum referebat, consensu Patrum Cæsar creatur: quam creationem, quod maxima omnium lætitia subsequuta sit, dignam censuit Romanus Senatus, quam Mediolanensi civitati peculiaribus litteris significaret. Post quem Probus Sirmienfis è Pannonia Imperatorum clarissimus, compressis undique Barbarorum eruptionibus, solida pacē quietas, securasque omnes orbis partes habuit. Hujus posterius collatis in provinciam nostram opibus circa Larium, Benacumque lacus sedes & larem constituerunt.

Non multo post imperat Carus Manlius, qui in Perside apud Ctesiphontem urbem fulmine ictus interiit. Et quamquam incertæ originis prodatur, tamen Flavius Vopiscus eum Mediolanensem in quadam Ephemeride legisse se meminit: quod ut minus fide careat alio quoque loco docebimus, clarā Mediolani fuisse Manliam familiam; & hac ratione duo alii Cæsares Numerianus & Carinus Cari filii Mediolanenses erunt. Carino vero luxuriosissime viventī inter cætera objectum ferunt, quod cubacula & triclinia sterneret rosis Mediolanensibus.

His succedere Diocletianus Dalmata, & Maximianus Herculeus, qui domitis in Gallia rebellibus, per Julias, Cottiasque Alpes in Italiam transgressi, Mediolani confedere: scribit Mamertinus in *Oratione Genethliaca*, eos in Mediolanensi Palatio primum ab iis adoratos, qui primi ex ordine dignitatis admissi fuerant. Cum vero egressi limine per mediam urbem incederent, ab ingenti populo in publicum proriente salutatos; atque ipsam Romam gentium dominam, ubi adventare Cæsares cognoverit, lumina Senatus sui misisse beatissimæ illi per eos dies Mediolanensium civitati similitudinem majestatis libenter impertiendo, ut ibi esse tunc sedes videretur, quo uterque venerat Imperator.

Non multo post, &c.] In exemplaribus, quæ mihi præsto fuerunt, ita legebatur, Non multo post Proclus homo Ligur Albingauno urbe oriundus imperat Carus Manlius. Veruntamen non dubitavi, omiſſa Procli commemoratione, legendum esse, Non multo post imperat Carus. Primum, quia aliter non constabat Historiæ veritas. Proclus enim non imperavit, nec Probo successit, cum ab ipso, quod Imperium affectaret, occisus sit. Deinde, quia junctura verborum corrumpebatur, ut legenti manifestum est. Tum, quia si verba illa retineantur, non dicitur Carus successisse Probo, cui tamen vere successit. Denique, quia non adstrueretur Imperator, quod tamen postea ponitur esse.

A Idem à principio clementes adeo in Christianos se præbuere, ut conjuges etiam & liberos cum familia omni transire in eorum nomen & disciplinam paterentur: mox aliorum exemplo admoniti, ut crescenti nimium turbæ modum adhiberent, omnia everterunt. Igitur atrociam per edictum denunciant, minas, sævosque terrores ingeminant, si quem deinceps Christi religione teneri compererint: sed nihil timebant devotæ Deo animæ, quoque magis comprimebantur, eo plures emergebant Christi cultores: unde Sacerdotes ipsi, simulque cives & nobiliores matronæ in supplicia rapiebantur, bonisque mulcebantur. Reliqua plebs virgis fustibusque cædi cœpta est: demum jussi parentes liberos deferre, & frater fratrem, soror sororem, promissa impunitate: qua voce soluta pietas est, & præ multitudinem accusatorum, velut in prædam civitate concessa, passim dilapsi carnifices obvium quemque jugulant, domos diripiunt, rationum libros in triviis coacervatos comburunt, ubique atrocissimæ cædes, ac fœdum & funebre spectaculum.

B Nominatim in hunc temporum turbinem incidisse memorantur Cassius, Severus, Secundus Licinius, Alexander, Victor genere Maurus, quorum alii in carcere, alii in Circo, Theatroque, vel bestiis objecti, vel securi percussi sunt. C Tum ex Palatio Cæsareo Carpophorus, & Xantus, cum Fidele Materni socio Comum petentes, ex itinere abstrahuntur, jugulanturque. Ex his Fidelis elapsus trans Larium lacum non longe ab oppido, quod nunc celebre Clavenna dicitur, in vico Summolocano, cui adhuc nomen manet, obtruncatur. Item Nabor & Felix milites Imperatori notissimi Laudem Pompejam, & Veronam Firmus Bergomensis ditissimus, Mediolano deducti obtruncantur. His adjungitur Sebastianus, qui primæ cohortis Præfectus, maximas opes consecutus fuerat. Hunc Mediolanensem fuisse Divus Ambrosius in interpretatione *Beati Immaculati* auctor est. D Et quamquam alii Narbonensem scribant, tamen Mediolani educatum, & liberalibus institutum disciplinis concedunt.

E Interim ad ornandam urbem variis operibus conversus Maximianus, urbis ambitum ampliat, ac muro circumdat; Palatium duabus turribus sublimē facit, quod postea Cœnobio Ambrosiano donatum fortasse verius, quam Trajani opus, quod nullum constat, regioni urbis nomen dedit. Præterea statuas, signa, columnas passim erigendo simillimam Romæ efficere studuit. Durant adhuc sexdecim columnæ striatæ, quas Merula male numeravit, & opinatur esse vestigium Propylæi, seu peristyli ejus templi, quod juxta structum posteriores Laurentio Martyri dicaverunt; sed an ita, ut Merula scribit, ut templum ipsum à Maximiano conditum fuerit, dubium faciunt Aufonii verba Herculeum lavacrum non templum dicentis. Nam si idem est lavacrum, quod balneum, id in alia urbis regione fuisse ostendemus. Templum vero ipsum regali quidem & Cæsareo opulentia structum magnifice est, quippe Romano Pantheo altitudine par, sex & septuaginta brachiorum latitudine equatuor amplius. Præterea quadrata rotundæ formæ adjecta quatuor præaltis turribus arcis in morem assurgit: nihil tamen quod hæcenus viderim, probat Maximiani potius, quam cujusvis alterius Cæsaris fuisse. Cæterum vigesimo Imperii sui anno pertæsi rerum Cæsares, ut olim Romæ L. Sylla Dictaturam, Diocletianus Nicomediæ, Maximianus Mediolani Imperium posuerunt.

TRISTANI CALCHI,
MEDIOLANENSIS HISTORIOGRAPHI,
HISTORIAE PATRIAE
LIBER II.

E P I T O M E.

Constantinus Occidentis Imperium, quo se Maximianus
socer abdicaverat, Constantius pater moriens exceffe-
rat, excipit apud Britannos degens. Sed, quod à pa-
tre, non vivente re ipsa, sed moriente per tabulis id
acceperat, ceu vacante Imperio variis Ducibus in ejus
se fortuna spem erigentibus, ipsique Britannia, Gal-
liarumque Ducibus rebellantibus; harum Provincia-
rum motibus sedatis, fugientes in Italiam hostes inse-
quitur; Segusii & Taurini in apparatu belli uno im-
petu expugnat: Mediolani magno plausu excipitur:
ubi Licinium Constantiae sororis conjugem, ac Caesarem
facit. Ad Brixiam contractas ab hostibus copias fugat
adventu. Verona vi, reliqua Italia deditione capta,
suo imperat merito: per qua tempora Mediolanensi
Ecclesia post Maternum Eustorgius Graecus praefuit. By-
zantium urbem in invidiam Roma regie ornatam
de suo nomine Constantinopolim vocat, sedemque facit
Imperii. Vita excedens tres filios Constantinum, Con-
stantium, & Constantem in Imperio relinquit: sed
tandem Constantius, mortuis fratribus, Magnentio-
que debellato, Mediolani imperat solus. Ubi Ariana
haeresi studens, Concilio indicto, abutitur potentia in
Episcoporum judiciis corrumpendis, ut in Athanasium
subscribant: sed eam Eusebius Vercellensis singulari ar-
te pessumdat: quamobrem ipse, alique catholici Epi-
scopi exilio mulctantur; quorum in numero fuit Dio-
nysius Mediolanensis Episcopus: quo absente Auxen-
tius Arianus Episcopatum invadit: quem mox hare-
sis reum facit Hilarius; sed ipse damnatur exilio,
in quo adversus Constantium scribit. Gallus Magni
Constantini nepos, Juliani frater, tam sanus moribus,
quam pulcher aspectu, Caesar dicitur à Constantio,
Orientis administratione accepta; sed quadriennio post,
quod in ejus odium populi rebellabant, latronis in mo-
rem capite plectitur. Julianus frater variis criminibus
accusatus absolvitur, & in Graecia liberalibus disci-
plinis dat operam: interim Constantius cum Aleman-
nis feliciter pugnât, Mediolanumque revertitur: quo,
Barbaris Gallias, Rhenumque populantibus, revocatus
Julianus Caesar appellatur, & Helena Constantii sorore,
una cum Galliarum administratione, accepta, in Ale-
mannos mittitur. Coloniam Agrippinam ab illis vasta-
tam instaurat; eosdemque apud Argentoratum memo-
rabili conficit clade, Rege Chonodomaro capto, & in
triumphum Romam ducto. Mediolani Auxentius saepe
damnatus, Episcopatum tamen gerit; Martinum Tu-
ronensem, itemque Maurilium Patricium Mediola-
nensem, postea Andegavensem Episcopum, & Gau-
dentium Eporediensem civem, postea Episcopum Nova-
riensem, finibus exigit. Constantius Mediolanoprofici-
scitur in Illyricum contra Sarmatas; mox in Asiam
contra Parthos, ibique diem obit. Succedit Julianus
jam Apostata; hoc solum bonus Imperator, quod bre-
vis: divinationum tam studiosus, quam insensus Christi
divinitati, quam in expeditione contra Parthos fulmi-
ne ictus ringens agnoscit. Jovianus Imperator ab exer-
citu acclamatus Lucillianum socerum cum exercitu
mittit Mediolanum, unde Gallicos contineat motus:
sed brevi Lucillianus militari seditione, Jovianus in-
certo casu exstinguitur. Valentinianus ex obscuro loco
ad Imperium vocatus Valentem fratrem collegam adsci-

scit: hic Constantinopoli sedet; ille Mediolani, ubi
Diocles & Diodorus occisi ad Innocentes humanantur:
jubeturque lex de appellatione suscipienda: ratio anno-
na curanda reformatur. Alemanni, alique Barbari
debellati in Italiam deducuntur ad agrorum culturam.
Ambrosius Mediolanum mittitur Cisalpinam admini-
straturus: ubi Auxentio mortuo, vel ejecto, accla-
matur Episcopus; frustraue restitans Valentiniano ap-
probante initatur. Romam adit, inde Pannoniam: ubi-
que miraculis claret. Valentinianus Gratiano & Valen-
tiniano filiis Occidentis Imp. legat, quos Justina mater
Mediolani educat. Augustinus eodem vocatus, dum
Rhetoricam docet, Manicheam haeresim ab Ambrosio
dedocetur. Justina Ambrosium multimodis vexat: Si-
ricius Papa defendit: ille interim constans musicam ad
animorum solatium inter sacra usurpat, reliquis Oc-
cidentalibus imitantibus: Prothasii, Gervasiique cor-
pora divinitus indicata refodit, honestioreque loco re-
ponit, miraculis eam pompam illustrantibus. Valente
Orientis Imperatore vita functo Gothi, Alani, &
Longobardi in Graeciam, Asiamque irrumpunt. Ma-
ximus ab Helena stirpe Occidentis Imperium armis
vindicat. Gratianus Theodosio prius Imperatore crea-
to, Valentinique in Oriente subrogato, ei occurrens
suorum & hostium proditione occiditur: ad ejus ca-
daver obtinendum, pacemque conciliandam Ambro-
sius à Valentiniano legatus, nihil consequitur. Ma-
ximo in Italiam movente Valentinianus Mediolano ce-
dit. Theodosius, debellato Maximo, Valentinianum
Regno restituit Mediolani, ubi ab Ambrosio ob The-
salonicensem cadem vehementer objurgatus, Templi-
que aditu prohibitus, sed post diuturnam poenitentiam
Sacris restitutus, Lege cavet, uti deinceps durius
imperata triginta dies in tabulis habeantur, tanquam
gladius in vagina reconditus. Symmachus idololatriæ
assertor Roma Mediolanum adit Valentinianum pro
Ara Victoria, & Vestalibus virginibus restituendis:
sed Ambrosio perorante repulsam patitur. Valentinia-
nus ab Arbogaste & Eugenio Praefectis suffocatur; I-
talia Circumpadana vastatur; Ara Victoria restitui-
tur, caeremoniarum sumptus supeditantur: Ambro-
sius Mediolano secedit; exstinctum revocat ad vitam:
sed postea redux Theodosio victoriam de iisdem gratu-
latur: eidem post Honorium Mediolani, Italia Prin-
cipem datum, alterumque Concilium adversus Aria-
nos celebratum vita functo panegyrim dicit.

His succedit Constantinus
Magnus duplici jam affi-
nitate junctus: nam & di-
missa Helena matre Con-
stantius pater, novercam
ei superinduxerat Theodo-
ram Maximiani privignam;
& ipsius Maximiani filiam
Faustam Constantinus u-
xorem duxit, quæ nuptiæ
eleganti panegyrico celebrantur. * Destituto au-
tem Caesaribus Imperio, cum varii Duces in spem
cel-

* Destituto autem Caesaribus Imperio, &c.] Quin potius tres
hoc anno Constantini primo, qui fuit Christi 306. Occidentale
Impe-

A. C. 312. celsioris fortunæ erigerentur, & subinde Tyrannidem usurparent, Constantinus mortuo jam patre Præfecturam Occidentis excipit; & rebellantibus Britanniae, Galliarumque Ducibus, postquam eas Provincias à tumultu vindicavit, fugientes in Italiam adversarios cum exercitu insequitur. Segussii & Taurini exceptos, ac bello necessaria parantes expugnat; & in militari impetu duæ claræ urbes direptæ. Mediolanum deinde veniens maximis universi populi studiis accipitur. Gratulabundi Principes spectandam pompam exhibuere: cives omnis ætatis, sexusque læti, ornatique se ostentant: denique tantus omnium plausus fuit, ut & triumphare Imperator, & non Circumpadana Provincia recepta videretur, sed Roma. Aliquot dies moratus Mediolani Constantinus, spatium præbuit contumacibus populis in medium consulendi. Sed interim ingentes copias circa Brixiam hostes contraxere, & quia equitatu in primis valebant, illius victoriam remoratos se sperarunt. Sed hi ne primum quidem advenientis Constantini conspectum sustinere; fusi ac fugati Veronam ad majora ibi collecta præsidia se contulere. Situ moenibusque prævalida tunc urbs erat, & intus Ruricius vir bello experientissimus, & Tyrannorum columen, cives verbis, factisque militaribus in spe, fideque alebat, & ne obsidione clauderetur, sæpe crumpebat: novissime uni prælio rei summa commissa est, & nimia suorum cæde afflictus Ruricius, atque intra moenia compulsus interficitur. Victor exercitus urbem per vim ingressus, totam diripuit: cujus cladis exemplo exterrita Aquileja, missis statim, qui futuram eam in potestate Imperatoris dicerent, veniam meruit; quam secuta Mutina, reliquaque Italia mox est.

Cæterum Mediolani agens Constantinus † Consulatu Arbetiani & Lolliani xiv. Kal. Martias legem condidit, ad concilianda, conservandaque hominum studia percommodam; namque gravem illam & cunctis exosam testandi necessitatem sustulit, qua quondam in extremis tabulis scribere heredem Imperatorem homines cogebantur: iussitque liberam unicuique esse testandi facultatem, & quem quisque maluerit, heredem nominandi.

Imperium habuisse Imperatores visum est, ut tradunt Eusebius, Victor, Eutropius, Sozomenus, Socrates, & Cassiodorus. Nam Maximianus Galerius Orientis Imp. Kal. Martii Galerium Valerium Maximinum, & Severum nepotes Cæsares dixit: utque illi Orientis, sic isti Juliae (quam una cum Africa Constantius Chlorus Hispaniarum, Galliarum, Germaniae, Angliaeque, imperio contentus, illius potestati permiserat) administrationem dedit. Constantius vero Julio exeunte Eboraci in Anglia moriens Constantium filium Occidentalis Imperii heredem scripsit: simulque ab exercitu indutus purpura, & acclamatus est Augustus prius, quam patrem extulerit, ut narrant Eusebius, Zosimus, Victor, Gallicanus Orator, Baronius, & Gordonus: quapropter Eusebius diserte scribit, morte Constantii Imperium nequaquam destitutum remansisse: quippe Constantium paternam purpura indutum patrem tamquam à mortuis ad Imperium regendum denuo revocatum suo ipsius vultu & effigie omnibus representasse: tertius denique Maxentius Maximiani Herculii filius, ut scribit Zosimus, vel gener, ut ex numero nuper invento probat Baronius, cum de Constantini Imperio Romæ nuntiatus esset, Prætorianorum militum votis elatus Imperium invalit exeunte Septembri, ut tradunt Zosimus & Victor in Maximiano. Sed Auctor ideo fortasse scripsit *destitutum Cæsaris Imperium remansisse*; quia Constantinus tamen tum à patre, tum ab exercitu statim acclamatus fuerit Augustus, Cæsaris tamen nomine contentus, Augustum non nisi post nuptias Faustae Herculii filiae induit; ut ex *Panegyricis* colligunt Baronius & Gordonus. Vel potius ita scripsit Auctor, quia existimavit Constantium Constantini patrem Imperium non gessisse, sed Præfecturam dumtaxat Occidentis, ideoque à Constantino non hereditario jure statim acceptum, sed postea armis vindicatum. Argumento est, tum quod ait Constantium Diocletiano & Maximiano successisse, tum quod non Imperium mortuo Patre, sed Præfecturam excepisse.

† *Consulatu Arbetiani & Lolliani*] His nominibus adnotatum Consulatum tempore Constantini nullum invenio: sed Constantii anno 19. seu Christi 355. qui est quadragesimus tertius à primo Constantini in Italiam ingressu. Quare necesse est eam legem, cujus hic est mentio, latam fuisse à Constantio.

A Mediolanum quoque accito Licinio, Constantiam sororem matrimonio junxit, & mox eundem Cæsarem fecit. Mater autem Helena religionis causa Hierosolymam profecta, Cruce & Clavis inventis, quibus Christus Deus confixus fuit, sacrum diadema & frænum filio fabricavit, quibus Divina ope præditis ab universis periculis tutus præstaretur. Quod ideo memini, quia cum mutationis Clavorum locupletissimi auctores sint Ambrosius & Rufinus, sciant lecturi frænum ipsum jamdiu in urbe nostra haberi, præcipuaque religione coli.

Per hæc tempora autem Mediolanensi Ecclesiae post Maternum præfuere Eustorgius Græcus, & Auxentius Arianus, paribus fere annorum spatiis, videlicet uterque septemdecim.

B Cæterum, quod Julio Cæsari maximam invidiam conflavit, cum fama increbuit, cum migraturum Alexandriam, vel Ilion, translatis simul Imperii opibus, exhaustaque Italia delectibus, & procuratore urbis amicis permixta, id nunc, urgentibus rem Romanam fatis, Constantinus effecit. Bosphori namque Thracii situ delectatus, eo transferre sedem, & Byzantium urbem augere opibus, Romæque simillimam efficere constituit; atque translatis Italiae opibus, quinto & vigesimo Imperii sui anno eo commigravit, urbemque celsius instauratam atque amplificatam de suo nomine Constantinopolim appellavit. Res Italas per procuratores administrare cœpit, qui fons & origo cladis Italiae, & malorum, quæ postea universo in orbe subsecuta sunt, fuit.

Eo defuncto tres ejusdem fere nominis filii successere; Constantinus, Constantius, & Constans: quorum discors Regnum & dominatio fuit, ac intra tredecim annos, primo & tertio varia bellorum fortuna absumptis, res ad unum Constantium devenit.

Interim Magnentius sub Constante ordinum Præfectus Imperium Galliarum arripuit, atque in Italiam transgressus; Decentium fratrem Mediolani Cæsarem dixit: sed mox utrumque Constantius debellat, atque solus Imperio potitur. Ejus Principatu Ariana hæresis non mediocribus nutrita studiis, multum invaluit: de qua, quia creber sermo nobis habendus est, pauca de ejus origine & incrementis repetam.

Quartodecimo majoris Constantini anno, Arius presbyter Alexandrinus nova quadam interpretandi sacras Litteras cupiditate ductus, & plaudentium sibi adstipulatione incensus Scripturarum sensu acutius rimari, & novas significationes excogitare cœpit: & ducente gloriola, eo vanitatis & audaciæ erupit, ut nec doctiores audire, nec perperam à se prolata vellet emendare: & sectante collaudantium, approbantiumque turba Ecclesiam Christi Jesu, quæ integra hætenus, & sub uno nomine, unaque fide coaluerat, primus discidit: nam tota Ægypto, Syriaque commenta ejus cum circumferrentur, & ei errori Athanasius Alexandrinæ Ecclesiae Antistes, ac plerique alii sese opponerent, latius vulgata controversia est ex Asia in Græ-

1 *Cæsarem fecit*] Eutropius lib. x. Zosimus lib. 11. Scaliger ad Eusebium, Baronius, & Gordonus anno Christi 307. scribunt, Licinium à Galerio Maximiano Cæsarem dictum fuisse, & Severo Maximiani Herculii fraude necato suffectum anno 307. atque adeo sex annis ante, quam Mediolanum à Constantino evocaretur.

2 *Mater autem Helena, &c.*] Quod de Helena, & fræno scribitur, contigit multo post Licinii nuptias, ut videre est apud Gordonum & Baronium anno Christi 326.

3 *Post Maternum præfuere Eustorgius, &c.*] Baronius anno Christi 346. circa medium, certissimum putat, Materno successisse Prothasium: huic Dionysium, cujus fit mentio paulo post. Anno vero 355. narrat Auxentium hunc subrogatum fuisse in locum Dionysii in exilium pulsū, quod subscriptionem in Athanasium recusaret: quod ipsum narrat Auctor paulo post.

ciam, & inde ad Italos perlata magis proanimorum habitu & factionum studio, quam iudicio, accepta est: nam & nova nomina diversa sentientium per orbem excitata sunt Ariani & Catholici. Conatus est nascenti malo occurrere Constantinus, & per epistolas, & edicta cohibere furentes à contentione inani & improba, nec desiderata ab ullo ante, nec instituta, aut satis digna, quæ nunc quoque quæreretur: ac exemplo parvi ignis, quo sæpe magna incendia excitantur, deterruit. Verum nec preces, nec monita Principis valere, & obstinatus suam quisque sententiam, perseverantiusque tutatus est: & eo magnitudinis discordia exarsit, ut publico conventu discutienda fuerit. Nicææ habitum est nobilissimum Episcoporum Concilium, quo tandem damnatum Arii impium dogma fuit: sed neque ex eo convelli ex animis hominum pestis potuit, & Mediolani recepta validius continuavit.

Constantius vero ipse in eandem delapsus, non occulta ope fovebat. Demum nixus Occidentalem A. C. Clerum in Arianum traducere, Mediolani Concilium indixit. Venere ex Gallia, finitimisque Provinciis trecenti amplius Episcopi; ex Transmarinis autem adversarii admodum pauci: qui ante omnia postulantes, exauctorari Athanasium, haud fefellere collegas, quo fine id quæreretur. Is enim erat tunc columen recte sentientium: eoque amoto causa cadebant. Itaque reclamantibus ejus fautoribus, res magna contentione extracta est. Mox tamen ex Arianorum sententia confecta tabula est, cui undetriginta Episcopi à Constantio conterriti subscripserunt, in quibus & Dionysius Mediolanensis erat. Defertur mox ad Eusebium Vercellensem, qui pariter subscribat. Vir hic fuit Sardus quidem genere, sed ingenio & doctrina excellens; tum ætate & gravi iudicio venerandus, & cui universi plurimum deferrent. * Hic cum tabulæ minime adstipularetur, & fortasse aperte derogare, neque prudens, neque tutum consilium fore videretur, memorando stratagemate eam subvertit: *Præpostere, inquit, & sine ullo dignitatis, ætatisve respectu primo loco juniores subscribere, & præceptorum gradum occuparunt discipuli, apertum fatuitatis & impudentiæ publicæ signum: absit, ut nostris quoque manibus ista confirmetur: quin si nostro suffragio auctoritatem constitutionem vultis, scindite male subscriptam tabulam, & novam date, cui cuncti ex ordine extremam manum imponamus.* Visum sapienter consultum: ac prima illa tabula corrupta statim fuit: dum vero novam scribunt, Eusebius, ne quis postmodum nomen in ea daret, erroris singulos admonendo, curavit. Atque ita quidem apud Cassiodorum, & in *Vita Eusebii* habetur.

Divus quoque Ambrosius huic sententiæ accedere videtur, qui in *Epistola* ad Juniorem Valentinianum ita scribit: *Episcopi sinceram primò fidem scripserant: sed dum volunt quidam de fide intra palatium judicare, id egerunt, ut circumscriptionibus illa Episcoporum judicia mutarentur, qui tamen inflexam statim revocare sententiam.*

At vero Hilarius Pictavorum Episcopus, qui rei interfuit, ad hunc modum narrat. Is Constantium Cæsarem mollire, & ab infano consilio revocare studebat: ad eum scribens, inquit: Eusebius Vercellensis Episcopus est vir omni vita Deo serviens: hic post Arelatensem Synodum cum Paulinus Episcopus tantis istorum sceleribus contraxisset, Mediolanum venire præcipitur: collecta jam illic pravorum synagoga erat: decem diebus ad Ecclesiam vetitus est accedere; ubi libitum est, advocatur: adest cum Romanis Clericis, & Lucifero Sardi-

* Hic cum tabula minime adstipularetur, &c.] Rem gestam paulo aliter narrat Maximus Taurinensis *Sermone* in Natali die S. Eusebii habito. Vide etiam Baronium anno 355.

niense: conventus ut in Athanasium subscriberet, ait, de Sacerdotali prius fide debere constare; quia compertum sibi foret, quosdam ex iis, qui adefsent, hæretica labe pollutos. Nicæni Concilii fidem in medio posuit, spondens se omnia facturum, quæ illi vellent, si pro fidei professione scripsissent.

Dionysius Mediolanensis chartam primus accepit, atque ubi profiteri scribendo cœpit, Valens, qui unus ex Arianis erat, calamum & chartam è manibus violenter extorsit, clamans non posse aliquid inde confici. Post multum clamorem res in conscientiam plebis deducitur: gravis inde dolor omnibus, qui fidem impugnabant; & populi iudicium veriti, è Dominico ad Palatium transeunt, ubi sententia in Eusebium scripta, Constantius Dionysium, cæterosque Italicos Episcopos, & Paulinum Trevirenses, & Luciferum Caralitum in Asiam relegavit. Interim Auxentius absentis Dionysii locum invasit, sub quo intolerabilem tyrannidem, ut Hieronymus ait, tota Italia catholica fides sustinuit. Hilarius autem Mediolani aliquamdiu post hæc substitit, & cum non desineret Imperator gravibus edictis perturbare Ecclesiam Mediolanensem, processit in medium, & Auxentium incusat, ceu impium, & Christi hostem indubitatum; qui aliter sentiret, quam Rex ipse, aut alii omnes tenerent: quibus permotus Constantius, audiendos eos à Quæstore & Magistro Palatii decrevit. Acta res coram Iudicibus magna contentione. Convictus Auxentius tandem in Hilarii sententiam concessit, scripsitque. Sparsa ejus rei fama Regem vehementer commovit, qui diversa omnia cupiebat: eamque protinus operam dedit, ut non obscure Deum & homines ab eo pariter eludi Hilarius intelligeret: ac simul iussus Mediolano discedere, propterea quod tuto ibi consistere non liceret, in exilium abiit, acerbissimamque invektivam in Constantium scripsit; qui hæc scelera, hæc propudia in Ecclesiam foveret; Mediolanensemque piissimam plebem furens vario terrore perturbaret, Tribunos immitteret, qui per omnem crudelitatem in populo sævientes, sacerdotes etiam ipsos ab altari pertraherent. Hæc Mediolani per ea tempora circa religionem acta.

Cæterum Constantino Magno Constantius frater fuit: ex quo & Galla, sorore Ruffini & Cerialis Consularium virorum, nati sunt Gallus & Julianus. Horum Gallum quintum & vigesimum ætatis annum agentem Constantius patrius Cæsarem Mediolani creavit, ac rebus Orientis præfecit. Sævus hic natura, & humanitatis expertus, nimia in subditos asperitate efferebatur, accedebatque aptum ejus moribus instrumentum uxor Constantia præsentis Augusti germana, quæ opum simul & sanguinis avida, veluti Megæra quædam dira omnia & inhumana suadebat: quorum cum inaudita undique flagitia, rapinæ, & intolerabiles crudelitates nunciarentur, ac subinde populi rebellarent, ejus capite satisfaciendum cunctis Constantius statuit: & opportuna tunc occasio imminentis tum ex Germania belli ad omnia simulanda accidit. † Gondoundus & Vademarius fratres, Alemannorum Reges, crebris excursionibus circa Rhenum factis, confinia terræ Galliæ vastabant: profectusque in præsentia est Constantius ad eorum motus quacumque ratione compescendos. Sed cum præ multitudine hostium transire Rhenum non posset, pactione & fœdere præsentia pericula discussit: ipse Mediolanum revertitur. Interim congeminatis litteris revocatus ex Oriente Gallus in Noricum pervenit: ubi detentus, vincusque abstrahitur in Histriam; ac juxta Polam urbem, religatis post terga

† Apud Amm. Marcellinum *lib. xiv. cap. x.* in accuratis Editionibus legitur *Gundomadus*, & *Vadomarius*.

manibus, latronis instar, capite mulctatur, anno quarto, ex quo ad Imperium promotus fuerat: vir aliquin forma decorus, & dignus, cui melior mens, meliores mores contigissent. Comparat eum Ammianus Marcellinus † Domitiano, sicut & Julianum Tito Vespasiani filiis. Galli caput Mediolanum non sine gratulantium adulatione Constantio delatum fuit.

Productus inde Julianus variis criminibus infimulatur, quibus confutatis, tum suffragante Eusebia Regina, Comum dimittitur: ubi paucos dies moratus in Græciam abiit, operam liberalibus disciplinis per otium daturus. Sed Alemannis denuo Rhenum hostiliter transeuntibus, quamvis iterum ut praesentibus malis occurreret Constantius Rheticas Alpes transgressus sit, & acie victos pene ad internecionem deleverit, & lætus victoria ovans Mediolanum sit reversus; tamen assiduis nunciis, alio super alium, afferentibus novam Barbarorum multitudinem vastare denuo omnia, deploratas Gallias, igni & ferro cuncta foedari: tuncque digredi Italia non tutum sibi videretur, Constantius ad Julianum animum coniecit, cujus ingenio & prudentia parte praesentium curarum levare se posse speraret. Eo igitur ex Achaja evocato Mediolanum, frequenti concione habita, quam Aquilæ, cæteraque signa militaria circumdata ornabant, praesentium temporum conditiones exposuit, subinde laudatis patruelis Juliani virtutibus, cum ex altiore suggestu purpura, cæteroque principali amictu induit, & Cæsarem appellat: tum Galliarum administratione donat. VIII. Id. Novembris hæc acta fuerunt, Arbetione & Lolliano Consulibus: * quem annum periti temporum trecentesium & xxix. à Passione Christi Dei computarunt. Sed & foedus foederi, & affinitas affinitati adjicitur. Sororem Helenam matrimonio novi Cæsaris Constantius jungit. Tum Kal. Decembris paratis omnibus ad expeditionem necessariis ab urbe deduxit ad locum usque duabus tunc columnis insignem, inter Ticinum fluvium, & Gaomellum oppidum, quod nunc quoque nomen retinens, *Laomellum*, primæ litteræ g in l mutationem patitur: sic enim apud Ptolemæum & Ammianum Marcellinum † scribitur. Inde per Taurinas Alpes Viennam profectus Julianus, magna ubique lætitia, ceu numen quoddam, & salutare sydus excipiebatur.

Sed inter hæc moestus nuncius animos perculit: Coloniam Agrippinensem clarissimam Rheni urbem penitus excisam fuisse: sustinuisse quidem Colonos aliquamdiu obsidionem; sed mox hostes vi ingressos totam diripuisse, & in ædificia sævientes, uno omnia incendio concremasse. Excitus ea re Julianus, eo quam maximis itineribus potest, per Heduos, Remos, & Britomagum contendit. Et digressis Colonia Alemannis urbem collatis opibus instaurari curavit. Interim apud Senones periculum ingens adiit: & obsessio Marcellus Praefectus Equitum suppetias non tulit: quo audito Constantius, cum sacramento solutum abire castris iussit, qui ceu gravi injuria affectus, quædam in Julianum molitur, confusus Augusti auribus in omne patentibus crimen. Eo digresso mittitur Eutherius Armenus Cubiculi præpositus: qui, si quæ objicerentur, responderet: quod nesciens Marcellus

A Mediolanum venit, & in consistorium admissus, Julianum, ut virum procacem, & rebus, quas tractaret, minime idoneum, infimulat: jamque licentius loquebatur, cum inductus Eutherius, vana, falsaque eum dicere coarguit, & convicit.

Apud eosdem Senones hybernans Julianus, occasione conferendi manus cum hoste oblata, memorabilem illam, & multorum scriptis famigeratam cladem intulit, qua apud Argentoratum quinque & triginta millia Barbarorum cæsa fuisse produntur: & Rex * Chonodomarus captus Romam in triumphum deductus est.

B Cæterum antequam Mediolano digrederetur Constantius, octavo suo, & Juliani secundo Consulatu legem tulit, qua illius bona confiscantur, qui ex Christiano Judæus effectus sacrilegis coetibus aggregari non desineret. Quæ adhuc inter primarias leges scripta habetur. Ariminensis dehinc Synodus habita; & Auxentius, quamvis multis Conciliis damnatus, sacerdotioque interdictus, Ecclesiam tamen retentans, Martinum Turonensem Episcopum varia Mediolani cœnobîa instituentem, finibus exegit. Item ab eo eruditos Maurilium splendidissimis parentibus Mediolani ortum, & Gaudentium Eporediensem, quorum uterque postea ad Episcopatum pervenit, ille Andegavensis, hic Novariensis civitatis.

C Interim alia barbaries alterum Imperii latus invadit. Sarmatæ Moesiam, & eam Pannoniæ partem, quæ in honorem filiae Diocletiani Cæsaris, Valeria coeperat dici, incurfabant; quibus ut occurreret Constantius, in Illyricum se contulit; & hinc longe gravius bellum inferentibus Parthis, in Asiam transit. Ubi non ita multo post moritur: & uni Juliano tantarum rerum moles incubuit: quem Ecclesiastici Scriptores Apostatam vocant; propterea quod à recepta semel religione Christiana declinaverit, seque penitus ad Aruspices, & divinandi artem profitentes contulerit. Is adversus Parthos profectus, rebus optimam in spem erectis, fulmine ictus intercipitur; & abnegatæ religionis penas acerbissimo casu luit.

D Hic Jovianus ab exercitu Cæsar creatus, octo mensibus imperat: nam cum Persis foedere icto, reversus in Italiam præmisit ad Lucillianum focerum, qui tunc Sirmii militia deposita agebat, ut Juliani mortis famam præveniens Mediolanum convolare, eosque secum adduceret equitum, peditumque Magistros, quos ipse in epistola annotaverat: atque rerum gubernatione assumpta, operam in primis daret, ne quid novi Galliae molirentur: & si quos ancipiti animo nutare cognosceret, omni arte confirmare studeret. Is Malarichum rei familiaris curatorem, ut magister militum foret, † Sinancum, & Valentinianum Tribunos adduxit: sed mox Malarichus, recusato magisterii munere, ad exercitum Remos profugit; & militari turbine concitato Lucillianus & Sinancus Tribunos interficiuntur. Valentinianus, quem in majoris fortunæ auspiciis fata protulerant, trepidus, & quo confugeret ignarus, fide amici, beneficioque hospitis servatus periculum evasit.

E Cæterum Jovianus fines Asiae non excessit, inter Galatas & Bithyniam incerto casu extinctus. Tot Principum funeribus cumulatis, cum multi in spem rerum novarum erigerentur, nec deessent, qui Imperio aspirarent, prævaluit tandem Valentinianus, in Bithyniam Asiae jam reversus: quem præter militum favorem, virtutum insita opinio commendabat; communique omnium con-

* Lege, *Chonodomarius*; sic enim apud Amm. Marcellinum scribitur, lib. xvi. cap. xi.

† Restitue, *Seniauchum*, prout habet Marcellinus, lib. xxv. cap. x.

† Lib. xiv. cap. xi.

* *Quem annum periti temporum, &c.* Hæc ex Ammiano lib. xv. fere id verbum. Veruntamen ratio temporis non admodum exacte subducta est. Nam Arbetionis & Lolliani Consulatus incidit in annum Christi 355. quo anno etiam à Baronio, Gordonio, Socrate, Scaligero hæc gesta narrantur. Ex quo annorum numero si 33. anni vitæ Christi, qui trigessimum quartum Passionis præcesserunt, subducantur, superest numerus annorum 322. à Christi Passione, ipso Passionis anno primo loco numerato, non 329. ut habet Auctor.

† Apud utrumque legitur *Laumellum*.

sensu Augustus pronuntiatur: obscuro quidem genere ortus, ut cujus patrem Gratianum à Cibala urbe Pannoniæ funes venales circumtulisse constet: sed tamen qui brevi ad militiam translatus, Tribunus, ductorque exercituum in Africa, Britanniaque claruerit.

Cæterum Valentinianus non ita multo post, Valentem fratrem in societatem rerum assumpsit, Augustumque nuncupavit. Sirmium profecti ambo fratres, Rep. ad arbitrium composita, Valens Constantinopolim, Valentinianus Mediolanum discessere, ubi levi ex causa cæsis Diocle Comite Largitionum Illyrici, & Diodoro quodam, Christiani memoriam eorum colentes, locum, ubi sepulti sunt, prope Mediolanum ad Innocentes vocaverunt. Tunc complures Alemanni circa Rhæticas Alpes devicti, & in Italiam transmissi, circa Padum fertilibus campis acceptis, tributarii effecti sunt: ex Thracia * Phrygiderius Romanarum copiarum ductor, cæso Pharnobio Gothorum Taiphalarumque Duce, ingentem multitudinem eorum, ne interficeret exoratus, in Italiam exterminavit; deductique fuere Barbari circa Mutinam, Regium, & Parmam rura culturi.

A. C. 363. Consulatu Joviani & Varroniani Mediolani condita lex est, qua Judicibus imponitur necessitas, non solum appellationis suscipiendæ, sed etiam triginta dierum spatium ex die sententiæ expectandi: quæ lex adhuc observatur. Inito mox ab ipsis consulatu ratio curandæ annonæ Mediolani reformatur, ac duplici persona administranda decernitur, Præfecto urbis, & altero, qui huic uni rei peculiariter præset. Cum vero summo magistratu Provincia Cisalpina careret, nec nisi notæ integritatis & prudentiæ viro demandanda foret; Valentinianus è medio Romano foro delegit Ambrosium Oratorem clarissimum, Mediolanumque misit, *Præfectum prædialis curiæ*, ut Cassiodorus nuncupat; *Judicem*, ut Paulus Diaconus; ut vero Paulinus, *qui Consulari potestate Æmiliam, Liguriamque regeret*. Ita variant in ejus titulo auctores. Fuit ei pater ejusdem nominis, vir illustris, & qui Gallias aliquando administraverit.

Diximus supra Dionysium Mediolanensem Episcopum, Arianorum invidia cum nonnullis aliis Catholicis pulsum fuisse in exilium, Auxentiumque absentis sedem invasisse. Forte hoc tempore, & defuncti peregre Dionysii nuntius acceptus, & Auxentius populari seditione è medio sublatus est. Mortuum Paulinus & Hieronymus in *additione Chronicorum* scribunt: vixisse vero, & procul ab Italia exulasse, editæ in eum ab Ambrosio *Orationes* probant: sed & Hieronymus, in libello *de muliere Vercellensi septies percussa*, emendasse se videtur: *Ad Euagrii*, inquit, *nostri nomen pervenimus; cujus ego laborem pro Christo susceptum si arbitrer à me dici posse, non sapiam; si penitus tacere velim, voce in gaudium erumpente non possum: quis enim valeat digno canere præconio, Auxentium Mediolani incubantem, hujus excubiis sepultum pene fuisse, antequam mortuum?* Eundem Euagrium idem Hieronymus inter illustres Christianæ religionis viros describit. Et Eusebius ex stirpe Pompejani Franci oriundum tradit, qui sub Aureliano Augusto strenue in Syria adversus Zenobiam Palmyrenorum Reginam pugnavit.

Ergo vacante utrinque Episcopali dignitate Mediolani, Valentinianus de successoris ingenio & virtute sollicitus concionem Sacerdotum ex finitimis urbibus & provinciis convocat; & docet, quanti universæ rei interfit, Mediolanensi Ecclesiæ virum præesse, qui moribus & doctrina polleat, errantem Clerum regere, populum melius instruere, de-

* *Erigeridus* legitur apud eundem Marcellin. lib. xxxi. cap. 1x.

A nique qui Episcopi personam congruè agere, ac onus sustinere sciat; *Cuique nos*, inquit Cæsar, *ut sacerdoti sine simulatione assurgere, capita submittere, & salutaria monita audire sincere valeamus*. Circumscriptione ista gravati Patres, quasi impossibile magis foret, quam difficile, designatum virum invenire, ad Cæsarem verbi: *Eligas, tu Auguste, qui sapiens es*, inquirunt. At ille: *Vestrum munus est, vestra hac electio, qui sacrosantam vitam agentes, quæ Ecclesiæ sunt tueri, & quarere debetis*. Proinde ite in suffragia, inquit, *alacres, & bene Deo conciliati, ut eo aspirante, quem maxime idoneum duxeritis, eligatis*. Victi cohortatione Sacerdotes, spatium ad deliberandum fumunt; diemque, quo ob hanc causam denuo convenirent, condicunt. Inde discursatio in urbe, & ex diversis studiis æmulatio: his Arianum, illis Catholicum Episcopum creari contententibus. Jam dicta dies aderat, & in Comitium ituri Patres expectabantur. Ambrosius submoven-ditumultus gratia, in Palatium cum militari manu venit. Tum congregata multitudo, & quod initium rei foret, spectante, ab incerto auctore vox insonuit, *Ambrosium Episcopum*: quod omen accipientibus cunctis acclamantibusque pariter utriusque factionis studiosis, Valentinianus summa voluptate perfusus: *Tibi, maxime rerum conditor Deus, maximas*, inquit, *ago gratias, quod cui ipse paulo ante præsentis vite negotiorum, tu futura, æternæque, & animarum ipsarum curam committis*. Et confestim baptizari Ambrosium, ordinarique pontificem jussit. Ambrosius honoris novitate perculsus, & ab ea penitus abhorrens, ne eam omnino admitteret, bis nocturna fuga recedere Mediolano tentavit: sed cum semper sub lucem iisdem erroribus viarum ad urbem reducentium longius abire non posset, arbitratus se non sine divum numine peti, vocari- que ad insulam sacerdotalem, passus est octavo die, operante Catholico Episcopo, initiari: quadriennio inde Romam petit, ubi balneatricem paralyticam contactu vestis sanavit. Et mox in Pannoniam profectus, cum Justina Valentiniani uxor, quæ genere Gotha erat, favens Arianis ordinari ab eis Anemium Sirmiensium Episcopum curaret, Ambrosius, ut potius à Catholico consecraretur, contendit; & demum obtinuit, miraculo extinctæ subito intemperantis ancillæ, quæ ausa sacerdoti manum injicere, statim moribunda intercidit.

Reversa deinde in Italiam Justina, moritur Valentinianus, superstitibus duobus liberis, Gratiano, qui tum apud Ambianos Ulterioris Galliæ populos Augustus appellatus est, & Valentiniano juniore, qui Romæ erat. Utrumque Justina ad se Mediolanum vocat; ut tutius teneræ ætatis pueros educaret: simulque Imperii negotia penes se, ubi uterque heres foret, retineret. Reversus pariter Mediolanum Ambrosius, sedulo instituendis in rectam Christi fidem populis operam impendit.

Interim Augustinus Tagastensis Afer ab urbe Roma artis oratoriæ docendæ gratia, publico stipendio dato, accersitur: sequuntur eum plussculi discipuli, & amici, & mater Monica atque Adeodatus filius; vacavitque triennium ei professioni. Per quod tempus in suburbano Cassiaco frequenter secedens, tres libros Academicos, & unum Grammatices absolvit; cæterarum vero disciplinarum singulos inchoavit, qui & exstant. Audiebat etiam subinde Ambrosium de fide Catholica concionantem; & tandem ejus oratione dissolutus erroribus opinionis Manichææ, quam hætenus tenebat, transire ad eum, sequæ doctrinæ ejus penitus tradere constituit. Quod & obtinuit, intercedente Simpliciano vetere hospite, & Romæ jam familiariter cognito. Non longe à Cœnobio Ambrosiano

fiano distat ædícula rudis, informisque, qualis tunc fuisse creditur, in qua baptismate lustratum & sacris institutionibus eruditum ferunt. Nec ita multo post Adeodatum egregiæ indolis & spei adolescentem amisit.

At Justina magno mariti obice, veluti scopulo quodam libera, infestior in Ambrosium insurgit; fuscitatisque Arianis, nova negotia facessit: legem enim sub adolescentis Valentiniani nomine promulgari curat; qua Ariminense Concilium, quod omnibus Catholicis improbatum erat, confirmaretur. Simul revocatus Auxentius, litem ei de Episcopatu intendit. Is apud Scythas interea versatus, mentito nomine Mercurinum vocari se fecerat. Eum vero sectabantur Jovinianus, Genialis, Geminator, Prontinus, Januarius, Martianus. Citatus Ambrosius, ut in Palatium ad dicendam coram Cæsare causam veniret, eo se iturum pernegat; neque id se commissurum affirmat, ut causam religionis, religiosus ipse extra Ecclesiam, extra locum sacrum agat, & coram Iudice juvene nondum baptizato, & qui denique sit muneri impar, jure dissimilis, quamquam Cæsar, quamquam Imperator Maximus. Exstant acerrimæ *Orationes* in hac causa ab eo scriptæ; quibus auditis Justina excandescit, irascitur, furit, minatur, denique exilium contumaci indicit; non obtemperantem dolis excipere parat: denique & currus adductus quandoque fuit, quo per insidias captus imponderetur, ac per noctis silentium extra fines deportaretur. Sed Sacerdos domi se, & intra Ecclesiam continebat. Juxta vigilabat pia plebs, custodiebatque ne qua vis sancto Dei servo inferretur: tunc tactus memoria Orientalis Ecclesiæ Ambrosius, ad levandum longioris moræ tædium, excitandosque languentium animos, musicos modos Ecclesiæ quoque suæ introduxit, meditatufque hymnos & antiphonas, altiori ea voce quæ submissa aliàs dici solebant, cani jussit. Quæ res non solum leniendæ præsentis molestiæ plurimum, ut desiderabatur, profuit: sed ita cunctis placuit, ut & Gelasius Romanus Pontifex, & reliqui omnes Occidentalis Ecclesiæ brevi Musicen receperint: ac subinde tibiis, fistulisque additis interstrepentum varie duxerint; donec ad hanc ætatem ventum est, quam argenteis organis, suavissimisque oculis, quæ mille modis flectuntur, ornayimus.

Diu attonita civitas cum mansisset, auditum no-

¹ Nec ita multo post Adeodatum, &c.] Anno scilicet sequenti: verumtamen non Mediolani, sed in Africa. Baptizatus enim Augustinus anno Christi 388. eodem Romam iter suscepit, inde navigaturus in patriam. Ubi cum hiemasset navigationis opportunitatem expectans, ad ostia Tiberina descendit, ac substitit aliquamdiu matris ægritudine ac funere detentus: quare non nisi anno 389. Africam tenuit. Ibi librum *de Magistro* conscripsit, cujus alteram partem, scilicet interrogantis, Adeodatus gessit jam sexdecim annos natus, qui sacrum fontem quindennis descenderat: ut colligitur ex Augustino lib. ix. *Conf. cap. vi.* qui nullam usquam Adeodati maturioris mentionem facit; quin potius loco citato subjicit: *Cito de terra abstulisti vitam ejus, & securior eum recorder, non timens quidquam pueritia* (quæ scilicet baptismo expiata est) *nec adolescentia*, &c. (quam vix attingit) *nec homini illi*, &c.

² Simul revocatus Auxentius, &c.] Fuere & alii, qui Auxentium hunc à Justina in Ambrosium excitatum cum priore illo, cui Ambrosius in Episcopatu subrogatus est, eundem esse opinarentur: quasi Ambrosius non mortuo illi, sed ejecto suffectus sit. Baronius tamen, anno Christi 386. non modo ex Socrate, Sozomeno, Theodoro, Paulino, Hieronymo, sed ex ipso Ambrosio eam opinionem manifesti erroris coarguit. Breviarium quoque Romanum priorem Auxentium diem obiisse confirmat antequam Ambrosius initiaretur: necesse est igitur Auxentium hunc, qui, ne prioris invidia Mediolani laboraret, dici voluit Mercurinus, alium fuisse, qui propterea dictus est Auxentius junior.

³ Coram Cæsare, &c.] Scilicet Valentiniano, Justinæ ipsius filio. Ita tamen causam fidei coram Imperatore in Palatio dicere recusavit Ambrosius, ut Auxentium, ejusque sectatores in Ecclesiam ad populi judicium provocaverit in libello ad Imperatorem dato, qui legi potest apud Ambr. *Epist. xxxi.*

A visissime est, auctoritate Siricii Pontificis Romani fuisse adversarios Ambrosii Ecclesiæ & sacris omnibus interdictos: qua re concita plebs, impios, nefariosque ædibus, tabernisque omnibus exturbat, nulloque non ignominia genere affectos patria & finibus pellit. Vidit deinde per quietem Ambrosius, ubi sepulta jacerent Prothasii, Gervasiique corpora: quibus terra effossa inventis, ingentia miracula edita sunt, auctaque plurimum Catholicorum fides est. Ea vero in ædem suam Ambrosius A.C. transtulit: quæ dum sic perferuntur, multi variis morbis laborantes divino munere sanantur. ^{387.}

B Sed omnem prope fidem, admirationemque supergressa est cæci illuminatio. Notus erat tota urbe Severus jam inde à pueritia oculis captus: hic audita concursantis populi causa, eodem se adduci curavit: & sudario sandapilæ, qua sancta corpora ferebantur, injecto, oculisque inde admoto, diem vidit. Hoc se præsentem factum Augustinus in *Confessionibus*, & in ultimo *de Civitate Dei* libro testatur: remque fuisse celeberrimam dicit; tum quod perquam frequens populo civitas esset; tum quod forte per eos dies aderat Imperator. Meminit & Hieronymus in libro *de Martyribus*, idque necessario in Italia processisse ex eo colligit, quod in ea gravius hæresis Ariana fuerat dominata: bonoque Ambrosio proprie præ cæteris Mediolani id fuisse concessum: quod in hunc ipsum adversariorum confundendorum, & spei nostræ erigendæ gratia, omnis cælestium gloria, & Martyres omnes consensisse viderentur. Ejusdem rei fama Justinam, si non ab hæresi, ut multos alios, saltem à persecutione Ambrosii cohibuit.

C Aliud quoque, & memoria dignum miraculum Mediolani accidisse Augustinus in libello *De cura pro mortuis* refert: *Per solverat*, inquit, *pater debitum, non accepto chirographo, & filio non monito: idem mox defuncto patre creditor malignus repetit à filio, prolata cautione. Contristatus homo gravissime, quod nihil sibi moriens pater dixisset, perpetua molestia angebatur. Demum apparuit ei pater in somnis, & ubi satisfactionis præstite reposita memoria foret, indicavit: qua inventa juvenis, atque producta, intentatam sibi calumniam & falsi debiti onus evitavit.*

D Moritur interea Valens patruus puerorum Imperatorum, sub cujus tutela sat quietæ res ab externis bellis eis steterat. Ejus morte perturbata sunt omnia. Evaferat ex gregario milite atque adeo lixa egregius, & præstans Ductor, vir genere Britannus, nomine Maximus, stirpem trahens à parentibus Helenæ Constantini matris, quam omnino ignobilem fuisse, vel illa Ambrosii & Eusebii verba ostendunt, quibus Helenam stabulariam, & Constantii concubinam fuisse traditur. Ergo Maximus ex Ductore exercitus in Britannia per occasionem temporum Imperator effectus, cum insula Gallias omnes occupat: simul aliis motibus Oriens perturbatur.

E Gothi gens Scythica, aliàs Getæ dicti, qui olim sub Galieno in ditionem Romanam irruptione facta Thraciam, & Macedoniam, indeque Pontum, & Asiam vastaverant, sub Maximiano Herculio Burgundiones, quos Plinius partem Vindelicorum, & Ammianus Marcellinus Transrhenanos populos fuisse docent, exciderant: & Vandalis, Gepidisque arma intulerant: ac tandem à Claudio Cæsare domiti, & subinde ab Aureliano, & Constantino magno profligati, nunc quoque recuperatis viribus; tum adjunctis Alanis, quos Messagetas antea vocatos Ammianus Marcellinus auctor est, Thraciam invasere; & Longobardi propinquis Vandalis infesti, novos metus afferebant.

F Tot simul curis anceps, pressaque Justina, conditionibus cohibere Maximum tentavit: disertumque & grati nominis Ambrosium Oratorem ad eum mit-

mittit. Profectus in Treviros usque Ambrosius, nihil valere verba, nec Sacerdotii majestatem profuisse renunciat: omnia armis tecta, atque in vi & virtute spem omnem ponendam. † Ergo Gratianus adversus illum in Galliam transit: simul Orienti prospiciens, Theodosium Hispanum altero Theodosio genitum, virum bello inclytum & probatae virtutis, Cæsarem dicit. Et quo plus opinionis & fidei viro injiceret, eundem affinitate propinquissima devincit. Gallam sororem ei in matrimonium dat. Ita ornatus titulis & maxima potestate, Constantinopolitanis rebus, & Gothici belli curæ Theodosius destinatur: quod & brevi feliciter confecit. Valentinianus secundus apud matrem in Italia retinetur.

Caterum tres simul Cæsares Mediolani legem condidisse apparet eo anno, qui Ausonium Poetam, & Olybrium Consules habuit: qua lege cunctas hæreses vetitas, ipsi quoque Cæsarea constitutione tollunt. Is vero annus, ut idem Poeta docet, ab urbe Roma condita millesimus centesimus & decimus octavus erat, & à Passione Christi trecentessimus & quinquagesimus primus; nam si tres & triginta, quibus in terris Deus vixit, addideris, numerabuntur ab ejus, ut nunc mos est, ortu quatuor supra trecentum & octoginta.

Ausonii Consulis mentio, qui patria Burdegalensis, Cæsaris Gratiani præceptor fuit, Poeta aliquin eruditissimus, me admonet, ut hic subjiciam, quæ is in patriæ nostræ commendationem sponte scripsit in *Catalogo nobilium Civitatum*: qui libellus cum injuria temporum majori ex parte mutilatus foret, & dimidiata carmina; ac proinde nec sensus, nec metri ratio congrueret, nos vetusto codice ex Ticinensi Vicecomitum Bibliotheca prolato, redintegravimus: & ubi quinque tantum imperfecta habebantur, nos decem & octo absoluta *Urbium Epigrammata* edidimus: inter quæ septimo loco est:

*Et Mediolani mira omnia; copia rerum;
Innumera, cultaque domus; sacunda virorum
Ingenia; antiqui mores; tum duplici muro
Amplificata loci species; populique voluptas,
Circus, & inclusi moles cuneata theatri;
Templa, Palatinaque arces, opulensque moneta;
Et Regio Herculei celebris sub honore lavacri;
Cunctaque marmoreis ornata peristyla signis;
Mœniaque in valli formam circumdata * limbo.
Omnia quæ magnis operum velut æmula formis
Excellunt: nec juncta premit vicinia Roma.*

Eodem tempore Maximus philosophus Alexandrinus inter viros claros à Hieronymo relatus, infignem de fide adversus Arianos librum scripsit,

† Ergo Gratianus adversus illum, &c.] Quod de Gratiano hoc loco commemoratur, omnino est contra temporum rationem: nam legationem, de qua hic agitur, certum est fuisse secundam, quæ videlicet Justinæ in Ambrosium furias sequuta est, & de qua infra plura dicam. Facile hoc ex Auctoris quoque verbis colligitur. Cum enim ait delectum à Justinâ grati nominis Oratorem Ambrosium, prorsus indicat, ideo delectum fuisse Ambrosium, quod priore legatione adeo gratus existerat Maximo, ut quæ rogabat, facile impetraret: ut infra latius dicam. Hanc ergo legationem, qua Ambrosius nihil dicitur effecisse, certum est esse secundam, atque adeo obitam ab Ambrosio fuisse anno 387. planum est apud Baronium eodem anno. Gratianum autem in expeditione contra Maximum proditione suorum militum, & insidiis Andragathii Maximi ejusdem Ducis interiisse ante quattuor annos, id est, anno 383. constat ex Baronio & Gordonio. Theodosium quoque Cæsarem à Gratiano in Gallias proficiscentem, & Valenti in Orientali Imperio subrogatum anno 379. legitur apud eosdem. Denique supputatio temporis, quo lex de Hæreticis lata est, non congruit cum diligentiori Chronologia eorundem, apud quos Consulatus Ausonii & Olybrii, atque adeo ejus legis sanctio incidit in annum Christi 379. Jam quod dicitur ex Ausonio de annis ab Urbe condita, advertendum est ex Baronio in *Apparatu* sub finem, Ausonium aliter supputare annos ab Urbe, quam antiquiores communiter duce Varrone consueverint: quam ob causam Christi anni non tuto ab Urbe condita numerantur.

* Alii legunt, *labro*.

A quem Mediolani Gratiano Principi dedit. Item D. Ambrosius eidem quinque eodem titulo, & tres de *Spiritu Sancto* libros interim dedicavit. Cæterum inter barbaricorum motuum expectationes, Satyrus Ambrosii frater ex Africa recens Mediolanum reversus, diem obiit; quem & fratris ipsius causa, & propriarum illius virtutum gratia, civitas universa desolevit.

† Profectus autem Parisios usque Gratianus, circumvenitur fraudibus à Merobaudio magistro militum; & retrocedere coactus cum obviis civitatibus non reciperetur, Lugduni demum defecit: cujus cadaver cum in Maximi potestatem devenisset, * secunda ad eum legatio Ambrosio demandatur, ut illud in patria humandum terra repeteret. Quo vix digressio Victor Comes à Valentiniano submititur cum mandatis, ut pacem quoque pariter petat. Moguntia ambo Maximum convenere: sed cum is successu rerum elatus æquum duceret, peteretque Valentinianum ad se, tanquam filium ad patrem, venire; ad eam rem significandam Victor Mediolanum remittitur: quod cum se minime facturum Valentinianus respondisset; neque pacem, neque Gratiani corpus Maximus concessit: ac pergens bello rem suam prosequi, in Italiam & Mediolanum venit: sed mature Justinâ cum filio cessit, profecta que in Illyricum, Valentinianum in Græciam ad Theodosium misit, qui suppetiarum deprecator efficacissimus foret. Nec tardavit communem suscipere causam Theodosius. Classe igitur instructa, in Adriaticum mare denavigat. Jam universa Circumpadana Italia Maximo parebat. Quare adventanti Theodosio Maximus Aquilejæ occurrit, atque acie victus in ea urbe obtruncatur. Clarissimam victoriam celebrat carmine Claudianus, & Drepanus Pacatus *Panegyrico* perelegantissimi.

D Inde in regnum Valentinianum, pristinasque opes reducit Theodosius, Mediolanumque pariter venit. Ubi plures dies moratus, animadvertit minime se ab Ambrosio salutari, adirive, ut consueverat. Miranti, quærentique causam objicit Ambrosius Thessalonicense facinus. Forte Thessalonica cum seditione populari pulsati Judices fuissent, Theodosius subita ira percitus militarem manum in populum immisit, qui promiscua cæde obvium

† Profectus autem Parisios, &c.] Socrates, Sozomenus, Zosimus, Hieronymus, Rufinus, Prosper, Marcellinus, & cum his Baronius & Gordonus anno Christi 383. scribunt Gratianum occisum partim suorum proditione, partim insidiis Andragathii.

* Secunda ad eum legatio Ambrosio demandatur] Gratiani cadaver secunda legatione ab Ambrosio petatum esse, ipsiusmet Ambrosii testimonio consentaneum est. Nam in *Oratione* in funere Valentiniani, Ego tuus, inquit, iterum legatus repetivi Gallias: & mihi dulce illud officium fuit, pro salute tua primo, deinde pro pace, atque pietate, qua fraternas reliquias postulabas: nondum pro te securus, & jam pro fraterna sepultura honore sollicitus. Hoc ergo indubitatum est, Gratiani cadaver secunda legatione ab Ambrosio petatum esse. Idque Baronius quoque anno Christi 387. totius legationis seriem texens ratum habet: observatque Ambrosium prudenter specie petendi cadaveris Gratiani, ejusmodi legationem, quæ ad explorandum Maximi animum suscipiebatur, velandam putasse. Quod autem Auctor videtur hanc legationem secundam appellare, quasi ea, cujus supra mentionem fecit, fuerit prima, non est consentaneum veritati. Nam legatio supra narrata, Auctore etiam consentiente, Justinæ in Ambrosium odium & furias consecuta est, obitaque fuit anno 387. prima vero præcessit; obita enim fuit anno 383. statim à morte Gratiani. Maximo Italiam imminente. Deinde prioris legationis exitus felicissimus fuit, cum Maximum, ne in Italiam irrumperet coercuerit Ambrosius, pacemque obtinuerit, ut idem diserte testatur in *Epist.* xxvii. ad Valentinianum: ut propterea *Epist.* xxxi. scribens ad sororem questus sit, se post ejusmodi beneficium Justinæ factum, multa maleficia ab ingratis formis sustinuisse: ejus autem, quæ supra commemoratur, nullum existisse fructum Auctor ipse fatetur: non fuit igitur prima. Unam ergo legationem, quia tum pacis, tum cadaveris redimendi causa suscepta est, in duas secuit Auctor, quod aliunde compertum illi esset, Ambrosium bis ad Maximum fuisse legatum.

quem,

quemque obtruncantes, in commune publicam injuriam ulciscerentur. Illi in miseram plebem irruentes, intemperantiusque mandata executi, sine ullo discrimine personarum, sexusve, & ætatis, ad septem millia innoxiorum capitum trucidarunt: cujus facinoris fama summum illi odium toto orbe conflavit. Ergo Ambrosius, ceu adhuc cruenti, polluti que hominis conspectum devitabat: perque epistolam respondens, veterum Regum exemplis cum hortatur, ut nefandum crimen à se amoveat: sed nihil epistola profectum; nulla que expiatione facta Theodosius accedere ad templum voluit. Intercessit ergo Ambrosius, & objectu corporis illi se opponens: *Homo, inquit, sanguinarie, vir cruento, istis manibus, isto ore adire templum Domini potes, sacra adipiscere audes?* His vocibus increpitus Theodosius substitit, & recordatus patræ impietatis, retro conversus ad Regiam rediit: nec solum eam reprehensionem in bonam partem accepit, sed diutinas in lacrymas provolutus, complures dies publico mœstus abstinuit.

Demum supervenit magister aulae Ruffinus, magnæ confidentiæ vir, qui grave Reip. & Cæsareo nomini indecorum esse docet, cum hoc mœrore diutius affligi: *Quare surge, inquit, & tristitiam deponere. Dies instat natalis, qui cum sit maxime religiosus, adire templa, salutare numina oportet: si quid à Pontifice hasitas, ego ad eum jam propero, & te noxa ista ut solvat, faxo.* Hærenti inter spem & metum Ruffinus suadet, ut modico intervallo præeuntem se sequatur. Festinansque incipit affari Antistitem; cui corrugata fronte Ambrosius: *Et tu hic ades, inquit, vir impie, & inauditi sceleris suator, & minister? atque canum impudentiam imitatus, audes adversus imaginem latrare Divinam?* Percussus homo inexpectatissimo responso supplicat; jamque adesse Cæsarem ostendit, cujus honoris ratio tali die, & tanta populi frequentia habenda est. Ergo *ista me, inquit Ambrosius, ratione circumvenis, & prævaricaturum speras? Atqui quantum voce, viribusque valebo; sacris adibus ipsum arcebo: etsi vim fecerit, vel emori possum.* Pallens, trepidusque Ruffinus ad Cæsarem recurrit, duram nimis Pontificis mentem nuntiaturus, ac proinde ne veniret moniturus. At is jam media via à Palatio processerat; & audito responso: *Nonne, inquit, ista omnia tibi prædixi: mihi notum ingenium, nota illius constantia est: sed egone pergam? & justam in faciem accipiam contumeliam?* perveniensque ad Ambrosium, seorsum cum in salutatorio vocat. Hicque ad genua provolutus: *Nullusve, inquit, penitentia, nullus venia locus est? Andio nullum tam grave delictum committi, quod sit inexpiabile apud Deum, quodque Divina gratia majus sit.* Paratus sum omne genus pœna subire, quod jubeas. Te igitur obsecro, obtestorque hanc à me noxam depreceris, ac Deum mihi concilies, propitiumque facias. Quibus auditis Ambrosius dignum absolutione censuit, atque ad sacra admittit. Tum ei pœnæ loco subjunxit, ut qui per iram & furorem peccasset, contra deinceps ratione sese cohiberet; & spatio temporis impetus animi moderaretur. Ita perpetua lex sancita tum fuit, ut durius, ferivusque imperata triginta dies suspendantur, maneatque intra litteras, quo locus esse penitentiae possit, si forte sententiam mutet Princeps. Ea lex adhuc apud Jurisconsultos scripta habetur. Inde ingressus templum Theodosius, non stans, nec genuflexo, sed toto corpore procumbens Davidicum illud lachrymavit: *Adhæsit pavimento anima mea: mox cum altari munus offerret, constitit intra cancellos: sed nec id tulit Ambrosius, eumque per Simplicianum Archidiaconum certior fecit differentiae locorum, quibus seorsum à laicis sacerdotes tantum admitte-*

rentur. Id quod perlibenti quoque animo Theodosius accepit; & allegans ignorantiam suam, & pariter consuetudinem Græcam, cessit; semperque postea servavit, identidem dictitans: *Veritatis tandem inveni magistrum: Sacerdotis, & Cæsaris intellexi differentiam. Denique unum scio, & juste vivere Ambrosium, & merito vocari Pontificem.*

* Sub his acta est nobilis causa Aræ Victoriæ, quam adhuc cum virginibus Vestalibus, ceu quasdam antiquitatis reliquias colebant nonnulli cives Romæ in curia veteri. Sed eam Christiani Principes nonnulli ante labefactaverant, Constantinus iustulerat, & Valentinianus superior, & filius Gratianus datis rescriptis antiquaverant; & opulentissimi sacerdotii prædia in fiscum redegerant. Vetustatis vero amatores contra niti, & ut reponerentur, laborare non desinebant. Itaque legationem instruunt; cujus princeps fuit eminentis ingenii & facundiæ vir Symmachus Patricius, & urbis Præfectus. Sed is quamquam ea amplitudine vir, obstitentibus apud Imperatorem adversariis, neque auditus, neque ad Cæsaris conspectum admittus fuit. Irrita legatione eo Romam reverso, oblata mox est opportunitas ætatis junioris Valentiniani, & quorundam, ut asolet, fautorum. Ac denuo idem experiri eodem Oratore constituunt. Ita Mediolanum profectus Symmachus: *Iterum, inquit, publicarum querelarum legatus à Senatu lectus venio. Posteaquam Romæ cognitum est, purgari à piis Principibus famam priorum temporum. Rei Divina causa est: instituta majorum, patria jura, atque fata peto. Eum statum religionum assero, atque defendo, qui diu Reip. profuit. Diis patriis, Diis indigetibus pacem; fatales genios, & eos cultus, quibus dudum in Romanas leges orbis imperium cessit; patrocinium urbis, & amicum triumphis numen, Victoriæ. Sacra illa, quæ Gallos à Capitolio, Annibalem à mœnibus, & nuper Marcomannos à cervicibus nostris repulerunt, desidero: si longa ætas auctoritatem rebus facit, servemus tot sæculis fidem; sequamur parentes nostros, qui secuti sunt feliciter suos. Tum recentium Cæsarum exemplo excusato, ostendit bonorum Principum fiscum non debere damnis sacerdotum crescere; sed spoliis hostium: abesseque oportere à puritate ærarii profana compendia. Quid fraudamus igitur hoc veluti stipendio castitatis dicatam publicæ salutis virginitatem? quæ cœlestia præsidia imperio, numinum virtutes armis nostris, Cæsaribusque ipsis applicat, & efficacia vota pro omnibus suscipit.*

Jam vi Orationis ejus audientium animi nutabant: sed continuo adfuit Ambrosius, qui per internuncium monitus, qua de re sermonem habe-

* Sub his acta est nobilis causa Aræ Victoriæ, &c.] Quæ de Theodosii penitentia ab Ambrosio imperata narrata sunt, satis constat ex Baronio & Gordonio accidisse anno 390. quare non satis congruit temporum rationi, quod ait Auctor, sub his actam esse causam Aræ Victoriæ à Symmacho apud Valentinianum Mediolani, Ambrosio contradicente. Nam ex libello ejusdem Symmachi ad Valentinianum dato, titulo, *Relationis Symmachi Urbis Præfecti*, planum est, legationem hanc à Symmacho susceptam anno Præfecturæ ejusdem, causamque Victoriæ utroque nomine Præfecti ac Legati roboratam. Sic enim loquitur: *Ut Præfectus vester gesta publica prosequor; & ut Legatus Civium mandata commendo.* Præfecturam autem urbanam gessit Symmachus Consulibus Ricimere & Clearcho. anno Christi 384. ut Imperatoris rescripta ad ipsum eodem anno data testantur L. 44. de Appellat. Cod. Theodos. & approbant Gordonus & Baronius, qui etiam observat Symmachum usum esse occasione obitus Gratiani fratris Valentiniani, & Maximi tyrannidem exercentis: cum Valentinianus puer timore exagitatus, omnes timens, exemplo fratris edoctus, qui milites expertus fuerat proditores, nihil non concessurus esset magistratibus. Gratianus autem anno præcedente 383. occisus fuerat. Et Maximus anno 388. duobus scilicet annis antequam Theodosius aditu templi ab Ambrosio prohiberetur. Denique S. Augustinus Confession. lib. v. cap. xiii. scribit se à Symmacho Urbis Præfecto Mediolanum esse missum: at missus est anno 384. eodem igitur anno acta esse à Symmacho causa Aræ Victoriæ; sex videlicet annis ante Theodosii penitentiam.

ret Symmachus, advolavit, atque ut potuit, ex tempore, ita contradixit: *Si de re militari consulere- tur, paterer, ut exercitati in praeliis viri sententia exspe- ctaretur: si civilis causa esset, ut diversa parti responso servaretur. Hic tractatus religionis est: quare Episcopus convenio.* Tum calore dicendi longius proventus, demonstrat, non convenire Christiano Principi alienorum deorum curam habere, eorumve sacer- dotibus commoda ulla conferre. Sacram fidem tu- tam non esse, ubi minus integre Christus colitur, & alienis ceremoniis quis favet: nec in verbo vim esse, ut appellaretur restitutio potius, quam no- va collatio, si quid eis detur ex iis, quæ dudum confiscata fuerint: *Aut quo jure, quo vultu au- dent postulare privilegia Vestales, cum sacra Deo vir- gines nulla adhuc emolumenta habeant: & ii ipsi, qui pauci admodum totius senatus nomen mentiri audent, numquam Christianorum rebus, non sanguini peper- cerint, & quantiscumque potuerunt, incommodis af- fecerint, ac ipsam loquendi usum, omnibus aliocum communem, Juliani lege interdici curaverint? Jam ex- ardescerebat, & ad divinas interminationes evehebatur: &, si, inquit, aliter staveritis, haud aequo animo feremus Episcopi: neque proderit minorem aetate alle- gare Caesarem, quando omnis aetas integra Christo est: & quidquid Caesaris manu subscribitur, id ejus nutu & voluntate factum censetur. Itaque si his annuerit Caesar, & mox ad Ecclesiam venerit, vel illic non inveniet sacerdotes, vel inveniet resistentes.*

His auditis confirmati omnium animi sunt, & sine ambiguitate data Symmacho secunda repulsa est, sicque Oratione Ambrosii Vestales sublata, & æterni illi ignes in perpetuum extincti sunt. Cæterum ex præfatione Symmachi coram tribus Cæsaribus agi res videtur, ingentique is voce ap- pellat Imperatores dominos, inclutos, victores, Augustos, triumphatores, Valentinianum, & Theodosium, & Arcadium. Paulinus vero ab- sentem Theodosium facit. Ambrosius quoque cum interdum plures, sæpius, & in novissima O- rationis suæ parte, unicum Valentinianum nun- cupat; simulque suadet, ut hanc rem ad Theo- dosium Principem, & parentem referat. Forte, ut oratorum mos est, ad præmerendam unam omnium gratiam, absentium etiam nomina invo- carunt.

Septimo inde anno Valentinianus in Galliam transit. Circa Lugdunum proditus ab Arbogaste & Eugenio præfectis Viennæ suffocatur. Cujus per- acerbum casum deffens Ambrosius, eo in pri- mis nomine dolet, quod vocatus ad eum bapti- zandum pervenire non potuerit: properanti enim sibi nuncius mortis in jugis Alpium occurrit. De eo autem scribens ad Theodosium, admonet pul- cherrimum labrum porphyreticum adesse, quo Regio more, & quemadmodum olim Maximia- nus fuit, sepeliri possit. Mox Valentiniani inter- fectores occupato Galliarum imperio, in Italiam transivere, Mediolanoque, & Circumpadanâ omni potiuntur, non sine gravi populorum cla- de, ac ruina civitatum. Iidem pariter aram Victo- riæ restituerunt, & sumptus ceremoniarum concess- erunt. Quarum rerum causâ Ambrosius Medio- lano secedit, Bononiam, & inde Faventiam pro- fectus, invitatur à Florentinis, ut ad se veniat. Ita adscendit in Hetruriam, secumque attulit è Bo- nonia Florentiam ossa Vitalis & Agricolæ Mar- tyrum. Tum Pan sophium Decentii hospitis sui fi- lium malo spiritu laborantem liberavit, & sub- tancio morbo gravatum, exanimatumque vitæ re- stituit.

Jam Theodosius nefandissimi sceleris admoni- tus, & parricidarum audacia cognita, validissi- mum in Græcia præaverat exercitum: eoque ter- ra, marique præmissis in Italiam iterum conten-

dit, atque Aquilejæ, fatali victoriis suis urbe, oc- currentes Arbogastem & Eugenium opprimit, & capitali supplicio afficit. Inde Mediolanum ad com- ponendum rerum statum accessit. Eodem reversus Ambrosius rem feliciter gestam gratulatur. Quanta vero malorum eo tempore acceptorum magnitudo fuerit, haud quidem aliunde uberius, distinctiusve, quam ex *Consolatoria* ejusdem ad Faustinum de obitu sororis ejus collegi: Nempe de Bononiensi urbe ve- niens, à tergo Claternam, ipsam Bononiam, Mutinam, Regium relinquebamus. In dextra erat Brixellum: a fronte Placentia, ipso adhuc nomine veterem nobilitatem sonans: ad levam Apennini inculta, & florentissimorum quondam populorum castella diruta, & in perpetuum pro- strata jacent. Addit Hieronymus Vercellas, quæ po- tens olim civitas, suo tempore semiruta erat.

Compositis aliis una supererat gravis causâ Aria- næ hæreseos cognoscenda: novum Concilium Me- diolani habetur. Inter cæteros sacerdotes Chro- matius & Heliodorus viri clarissimi se affuisse scri- bunt. Interim Theodosius non vulgaribus laudibus extulit Gregorium Cordubensem Episcopum, qui vir eruditissimus singulari quadam diligentia cum plurium Martyrum extremos dies in libellum col- legisset (quo veluti certo quodam ordine uniuscu- jusque memoria quotannis coleretur, & se admo- dum id probare Imperator ostendit) simul exhorta- tus universos est, ut & ipsi pro virili explorare stu- derent, si qui alii superessent digni, quibus divini honores tribuerentur, & eodem libro adnotarent: scriptumque nominatim ad Divum Hieronymum fuit, ut quos ex *Chronicis* Eusebii, aut varia alio- rum lectione haberet, transmitteret. Ita compositus libellus est, quo conscriptum habemus, quoto cui- que die honor habendus sit.

Triennio abhinc elapso in valetudinem adversam Theodosius incidit; vitæque metuens, posteritati consulit. Duos ex Placilla Hispana prima conjuge liberos jam susceperat, Arcadium, & Honorium, qui cum forte ambo in Græcia educarentur, mino- rem Italiæ Principem daturus Mediolanum evoca- vit; alterum Constantinopoli imperare jussit: ad- ventum Honorii pulcherrimo Panegyrico † Clau- dianus celebrat:

*Spectandi studio matres, puerisque severi
Certavere senes, cum tu genitoris amico
Exceptus gremio mediam veherere per urbem,
Velaretque pios communis laurea currus.*

Ex hujus lætitiæ affectu levatus modicum ægri- tudine pater, in Circum etiam cum filio descen- dit, ludosque magnificos parari in pomeridianam horam jussit: quibus mox gravatus cum ipse non posset, interesse Honorium voluit; nec in alteram lucem postea supervixit. Defunctus insigni anno Consulatu duorum, quod numquam ante conti- git, fratrum Olybrii & Probinii, ætatis sexagesi- mo, Imperii decimo sexto, Olympiadis vero du- centissimæ nonagesimæ quartæ primo: qui ab ortu Christi Dei * nonagesimus septimus supra tercen- tum computatur. Ejus funus quadragesimo die, as- sistente altaribus Honorio, eleganti Oratione cele- bravit Ambrosius: tum cadaver Constantinopolim delatum.

† De III. Conf. Honorii, §. 127. & seqq.

* Nonagesimus septimus supra tercentum, &c.] Theodosii obi- tum in Consulatum duorum fratrum Olybrii & Probinii incidisse satis est exploratum. De anno Christi difficultas est. Nam Ba- ronius dictum Consulatum, obitumque Theodosii cum anno Christi 395. conjungit, non 397. citatque pro se Prosp. & Mar- cell. in *Chron.* & Socratem lib. v. cap. xxv. Consentit Baronio Gordonus. In Olympiadibus quoque recensendis uno anno pec- catum esse arbitror. Nam esto, natus fuerit Christus Olympi- adis exciv. anno 3. quæ est sententia Epiphani & aliorum, quos sequuntur Salianus & Gordonus; si huic numero 396. annos ad- jicias (nam primus annus Christi cum tertio dictæ Olympiadis convenire debet) qui xcix. Olympiadas conficiunt, pervenitur ad Olympiadis cxciii. annum 2.

Cæterum quoniam in nullo ante proposito occurrit, hic subijciam, quod Ambrosius ad testandam morum ejus integritatem, solidamque opinionem scribit in *Epistola ad Paternum*: Theodosii decretum fuisse, ne fratres patruels, & consobrini conjugia inter se misceant; gravissima poena indicta, si quis tantam necessitudinem, & pia fratrum pignora temerare audeat; quod quidem po-

steris traditum, ac inter jura mortalium receptum religiose observatur; & interdum pro commodo rerum, & temporum conditione Romanus Pontifex magnos inter Reges, Principesque dispensat. Superavit in hoc Nervam Coccejum Theodosius; qui tantum prohibuit ne fratris filiam uxorem quis duceret.

TRISTANI CALCHI,

MEDIOLANENSIS HISTORIOGRAPHI,

HISTORIAE PATRIAE

LIBER III.

EPI TOM E.

Stilico ex Scytharum, vel Vandalorum gente humili loco natus; sed ob militarem virtutem summo à Theodosio habitus, Serenam ex fratris stirpe ab ipso adoptatam in matrimonium accipit, una cum Orientalis & Occidentalis militiae magisterio, utriusque Imperii procuratore, juniorumque Caesarum Arcadii & Honorii tutela. Ambrosius migrat è vita, cui Simplicianus subrogatur, vir adeo sanctus, ut statim ab obitu in beatorum numerum à populo relatus sit. Post Simplicianum Venerius, Marolus, Martinianus, Cicerius ex ordine Mediolanensi Ecclesia præsere. Stilico filiam Mariam Honorio matrimonio jungit Mediolani: unde mox in Graciam movet adversus Rufinum sue glorie ac potentie emulatione Imperium perturbantem, eumque suorum prodicione facile victum pari crudelitate atque ignominia necat. Mediolanum ad Honorium reversus in Gildonem in Africa rebellantem immisit, brevi opprimit. Subinde Grotunnos transmissis Danubio Romanas Provincias populantes interitione delet. Non multo post Gothi Radagayso, & Alarico Ducibus, reliqua cis Danubium Romana ditone occupata, Italia se inferant. Per Apulos, Calabrosque in Campaniam effusi, Roma, quam Itali proceres tuebantur, præterita, Radagayso Hetruriam invadit: Florentiam diu obsidet; sed Ambrosio per somnium deditionem dissuadente, & postera diei victoriam civibus pollicente, eorundem eruptione victus, captusque occiditur. Alaricus ad Pollentiam cum Stilicone congressus, post ingentem utrinque cadem paratam, in Veronensem agrum evadit incolumis. Sed quod fidem pacis ac fœderis datam non præstitit, prope Abduam altero prælio debellatur. Ab hac victoria Honorius cum Stilicone, ejusque filio Eucherio Romam immigrat prope triumphans. Serena vero Mediolani eadem S. Nazario sacram marmore sternendam curat, illustri victoria anathema. Post hæc Alanis, Gothis, Vandalis, aliisque Barbaris alias Europæ, Africæque Provincias populantibus, Stilico cum Eucherio filio ab exercitu annuente Honorio trucidatur; quod tandem ad sue gentis perfidiam relapsus, ut imperii continuandi occasionem haberet, elabi Alaricum, Barbarosque grassari passus esset. Sed ejus tamen morte Romanum labare cepit Imperium; fidemque facere Vettii Mathematici divinationi, qui sub id tempus, duodecimo scilicet seculo, casurum, ex duodecim vulturbus, qui Romulo Urbem auspicanti visi fuerant, conjecit. Honorius tertio post S. Hieronymum anno vita excedens Imperium legat sororis filio Valentiniano tertio hujus nominis Imperatori. Hic Ardaburis opera primum Castinum Consulem ex Ulteriore Gallia capeissentem Impe-

rium ad Vercellas profligat: deinde Hunnos, aliosque Barbaros Italia submovet, Vandalis pace conciliatis: postremo Constantinopolim profectus, à Theodosio juniore, qui post Arcadium Orienti imperabat, Eudoxiam patruelis Theodosii filiam accipit uxorem. Hoc Italia imperante, sub obitum Theodosii, Marciani-que successoris principium, Attila Hunnorum Rex ingenti cum exercitu Barbarorum primo Germaniam, tum Gallias flagellat immanissime; sed Actio Valentiniani Duce, ac Theodorico Visigothorum Rege conspiciantibus, ingenti clade accepta in Pannoniam se recipit: ubi reparatis viribus in Italiam signa movet infecta: & Aquilejam, Patavium, Veronam cadibus, incendiisque funestat. Nihilominus Mediolanum ingreditur: ubi conspicatus in pariete pictos sue originis Scythas captivos ad Romanorum Imperatorum pedes abjectos, accersito pictore, commutare fortunas jussit, Romanis ad suos pedes saccos pane, atroque exonerantibus. Romam deinde contendenti ad Mincii, Padique conjugium à S. Leone Papa persuasum est, uti retro signa converteret. Attila excedente, parva Italia pax est: qua frui Valentiniano non licuit; suorum enim prodicione interemptus est; Romano Imperio vix superstiti. Avitus enim susceptum in Gallia Imperium vix Placentiam usque detulit: Majorianus avium rapacium ad aucupium instituit, Ravennæ Caesar salutat, quadriennio post ad Scriviam obtruncatus est: Anthemius Leonis Orientis Imperatoris Dux, & mox Occidentis Imperator à Ricimere Insubria Præfecto, eodemque genere, non multo post bello victus occiditur: Augustulus in scena morem impositam ab Oreste patre Imperatoriam personam, metu Odoacri statim depouit. Odoacer enim cum Erulorum exercitu Italiam ingressus, oraque Cispadana potitus, Orestem prope Laudem Pompejam acie victum Ticinum concludit: captum mulctat capite; urbem incendiis funditus vastat. Roma deinde universaque Italia potitus adversariorum publicat bona: sed cum Theodoricus ab Orientis Imperatore Zenone in Italiam missus, multis cladibus affectum Roma, Mediolano, omnique Circumpadana ora exiit: Ravenna diu se tuentem ad regni societatem admittit; tandemque perfidia suspectum interimit; ac Anastasio Zenonis successore volente, jubenteque in Italia solus regnat. Epiphanium Ticinensem Episcopum ad Gondubadum Burgundionum Regem legat, qui captivos ex Subalpino agro transductos redimat, eventu felicissimo. Mediolanensem Ecclesiam fovet; Theatralibus muneribus, ædificisque præcorum Imperatorum magnificentiam æquat: inter dissidentes circa se Principes omnes fœderibus, præcipuos affinitatibus sibi conjunctos pacem constituit: sed Eutharicum generum, regni-que heredem adsciscit. Severini Boetii ac Symmachi

nece iniquissima numinis in se iras, mortemque eodem anno promeretur: post quem Athalaricus ex filia nepos sub matris tutela regnat annos circiter decem: subinde Theodatus: cum Romanorum Imperio consueundo quoque temporum ab urbe condita censendorum intercidit, & chronologia à Christo nato deduci coepta est. JUSTINIANVS interim Constantinopoli Imperium nactus, Bellisarium cum exercitu in Italiam mittit: hoc Siciliam, Lucaniam, Calabros, Apuliosque, denique Neapolim obtinente, Victigis Theodato à Gothis suffectus centum circiter pugnatorum millibus ex eadem gente Ravennam contractis, Romanam à Bellisario expugnatam obsidet: sed Ariminum ab ejusdem Ducibus capto, obsidione digreditur: qua occasione Mediolanum missa sunt auxilia, Mundila & Fidele ejus urbis cive Ducibus, qua Datius Episcopus Romam ad id munus legatus petierat: illi ad Ticinum commisso cum Gothis praelio, eos in urbem compellunt, Mediolanumque profecti propinquas urbes obtinent deditione: sed Victigis Francis advocatis, Vraja Duce Mundilam Mediolano inclusum fame ad deditionem urbis compellit, quam mox Gothi cade & incendiis mulcant. Bellisarius interim Victigem Ravenna expugnatum cum regis thesauris Constantinopolim in triumphum trahit: reliqui Gothi circa Padum Castrum novum adificant, & Bellisario Italia digresso, sub Idovado, Vitali Justiniani Duce acie victo, repetunt regnum, quod Totila post Idovadam deseruit: qui numerofo exercitu per Italiam effusus, Roma potitur, quamdiu Narfes Italia Praefectus cum exercitu, Thejamque illi suffectum trucidat, & Gothos Italia tota submovet. Justiniani Ducibus arma tractantibus, ipse Leges & Consultorum responsa pacis praesidia in Juris Civilis corpus conformat. Pandectarum archetypa Florentiae magno in honore habentur.



Sub Theodosio claruerunt duo obscurae originis viri, summasque ad opes provecti sunt, Rufinus ex ultimis Galliarum finibus ortus, in quem acerrimae Claudiani invectivae extant: hic curae Arcadii datus; & Stilico vir genere Scytha, ut Suidas Graecus auctor est: nam Paulus Diaconus detrahendo ei, e Vandalorum perfida gente oriundum scribit. Hujus adeo excellens virtus, & militaris industria visa Theodosio est, ut supremam in eo spem collocare potuerit, atque sua consanguinitate dignum facere: quippe Serenam ex Honorio fratre neptem, & adoptione filiam illi matrimonio locavit, & novissime * Honorio filio curatorem, rerumque ejus

* Honorio filio curatorem, &c.] Advertendum est ex Baronio in principio quinti Tomi, Theodosium Constantinopoli decedentem adversus Eugenium, tum Arcadium, tum etiam ipsum Orientale Imperium Rufino commendasse: ut propterea, si ejus temporis ratio habeatur, merito dicat Auctor, Stiliconem solius Honorii ac Occidentalis Imperii curatorem constitutum fuisse. Verumtamen instante morte utrumque filium, & Imperium in unius Stiliconis clientela esse jussisse; in cuius etiam potestate uterque erat exercitus, cujus rei idem Baronius multiplicem reddit causam: tum quia Stiliconis fides Theodosio in multis cognita, planeque perspecta jam fuerat: tum quia arctius illum sibi obstrinxerat juncta illi conjugio Serena: tum quia sciebat, illum esse pium, atque idolorum cultus implacabilem adversarium; ut propterea ipso Imperium administrante, verendum non esset, ne Ethnici Senatores, qui duos jam Tyrannos Maximum & Eugenium ad Imperium evexerant, Gratiano & Valentiniano maxime piis Imperio ac vita pulsatis, simile aliquod facinus adversus Arcadium & Honorium molirentur. Quapropter Rufinus Stiliconis gloria & potentia stimulatus cum Gothis adversus Imperium conspiravit: id quod cecinit Claudianus adversus Rufinum principio lib. II. his versibus:

Jamque tuis Stilico Romana potentia curis,
Et verum commissus apex: tibi credita fratrum
Utraque majestas, geminaque exercitus aula, &c.

Arbitrum constituit. Is autem suscepta rerum administratione, ante omnia habendum in honore Principem duxit. Itaque tertium deferri Consulatam Honorio adolescenti curavit; simul venationem ejus nomine in theatro Mediolani exhibet: cui spectaculo dum intenta multitudo esset, emissi sunt milites, qui Cresconium virum multis latrociniiis infamem comprehenderent. Is autem in aedes sacras confugerat, atque inter aras & sacerdotum amplexus detinebatur: sed fecerunt imperata milites absque loci reverentia: vique abstractum in carcerem perducunt. Tulit iniquissime factum Ambrosius: plurimumque indoluit, tali modo jus Ecclesiae violari: proinde querelam Stiliconi deferendam parat: sed dum scribit, audit sese praeventum ultione divina: quia pardi ad aliarum ferarum certamen emissi, statim raptos in theatrum reverbos, quasi cognoverint, solos crebris moribus appetitos in tanta turba dilaniaverunt: quo miraculo exterritus Stilico, jussu statim Cresconio relaxari, Ecclesiae satisfacit.

B Non ita multo post Frigidigil Regina Marcomanorum domo profecta, ea tantum causa, ut praesentem alloqueretur Ambrosium, quem literis & multorum fama cognoverat, eo forte momento Mediolanum pedem intulit, quo Deo & naturae sacerdos satisfacit, anno videlicet tertio, ex quo ex humanis Theodosius excessit. Hic est Ambrosius Christiani nominis constantissimus cultor, acerrimus propugnator, & ut Rufinus dixit, non solum Ecclesiae Mediolanensis, sed etiam omnium aliarum columna quaedam, & turris inexpugnabilis. Qui in conspectu persecutorum Regum non expavit veram tueri religionem: cujus nomen, ut tutelaris Deus, Cathedrali aede apud Mediolanenses colitur; quos & ipse vivens unico dilexit: nam in funere Satyri fratris, posteaquam infinitorum hominum lacrymas, publicumque luctum vidit, se ipsum consolans, gaudet coepisse se jam non esse peregrinum in ea urbe, in qua melior sui portio esset: & hunc tumulum gratiorem sibi genitili solo esse dicit, in quo non naturae, sed gratiae suae fructus foret. Nec video, quid in eo desideraret Hieronymus, cum scripsit, se suum de eo adhuc vivente subtrahere judicium, ne in alterutram partem reprehenderetur in se, aut adulatio, aut veritas. Nam si ad libros Hexaemeron respicit, quos ex Basilio; & ad Commentationes Evangeliorum, quas ex Didymo; aliisque Graecis transfussisse videtur, satis ei occurrat Rufinus, necessitatem allegans excerpere undecunque opportuna, & accelerandi editionem, ut infanientibus haereticis in tempore responderet; neque pro eo labore hanc continuo gratiam meruisse subjungit, ut furta ejus detegerentur; magnorum quoque virorum exempla eum tuerentur: quando obscura non sunt, quae Plato ab Aegyptiis, à Platone Cicero, atque ab Aristotele, Xenophonteque mutuati sint, atque alii ab aliis: sed & arbitrari licet, eundem postea verbi illius poenituisse, & alio loco satisfacere illi voluisse: nam de virginitate scribens, Lege, inquit, libros Ambrosii nostri, qui nuper scripsit ad sororem opuscula, in quibus tanto se effudit eloquio, ut quicquid ad laudes Virginum pertinet, exquisierit, expresserit, ornarit.

F Eiusdem vero templum, cum plusculis antiqui operis rebus ornetur, quatuor in primis columnae porphyreticae spectantur; & magna pars Antiquitatum Josephi Judaei in antiqua papyro scripta; qualem ex junco, palmave confici solere Plinius docet. Sunt & duae effigies, una marmorea visendae pulcritudinis; ambiguntque literati homines, utrum Herculem, an Pana repraesentet: quoniam leonem cauda in sublime tenens, altera manu minax verberaturus baculo incurvo videtur, & pellis caprina ab humeris demissa nudi hominis pudenda brevi nodo





*Delineatio Frontispicii Majoris. sive Cathedralis Templi Mediolanensis, quæ monstrat ejus uniformitatem cum ipso
Templo, additis fenestris portisque Romano more factis per Carolum Butium, urbis architectum.*

nodo tegit. Alterum signum marmoreae columnae superstat ex aere serpens, arrecto capite, hianti ore, & vibranti lingua, cauda in ventos sinuosa, media vero corporis longitudine penitus in orbem convoluta: cujus auctorem equidem adhuc non probo; neque admitto fabulas, quae vulgo circumferuntur; quibusdam dicentibus allatum Constantinopoli ab Arnulpho Mediolanensi Archiepiscopo, delectum, optione facta, ex omni Imperatoris Gaza; & ejus vice annulum cum pergrandi gemma ab eo depositum: vanitatis enim argumentum censui, quod alter Arnulphus Archiepiscopi gentilis, & rerum diligens scriptor, nullam omnino mentionem de eo facit. Alii asserunt relatum ab Othone Vicecomite ex spoliis Saraceni Equitis, apud Hierosolimam singulari certamine devicti: quod etiam Merula laudibus magis Vicecomitum indulgens, quam historiae veritatem attendens, admisit; ac verba cumulando, eodemque sensus repetendo suadere nititur: Blondus vero in *Triumphantis Roma* libris minime dubitanter adstruit, Phoenices felicem daemona serpentem appellare, & ei velut divinissimo animali, sicuti ceteris Diis immolare solitos. Divumque Ambrosium, ut gratiorem hominibus Christi religionem redderet, voluisse in sua Mediolanensi Ecclesia conservari serpentem, qualis à gentilibus Italiae Phoenices imitantibus coleretur. Id quod potuissent quidem conniventibus oculis pertransire, ac finire, ut ex illius fide ac periculo legeretur; nisi potior veri cupiditas, unde saltem id de Ambrosio sumptum sit, desiderare me cogeret. Nostri sacerdotes, & à sacerdotum studiis non alieni cives, æquum censent, credi ex Hebraica similitudine positum. Notum est, ut in populum Judaeum immissi igniti serpentes cum atrociter affligerent; & ut divino monitu Moses æneum serpentem conflavit, atque spectandum erexit, cujus intuitu percussi fatali morbo sanabantur: sic hunc oppositum imagini Christi, quae in adversa columna religiosius adoratur: & ex veteri consuetudine Paschalibus diebus nutriculae ad eum spectandum infantes deferunt. Mihi vero prisca rimanti, & quando conjecturis agitur, in omnem partem animum intendenti occurrit non infrequens, & religiosa, ac magni semper auspicii plena de serpentibus mentio. Atque ut à fabulosis incipiamus, notum est¹,

ut prima noverca.

Monstra manu, geminosque infans eliserit angues.

Et cum equus Trojanus in urbem veheretur²,

gemi à Tenedo,

transmissi dracones

Laocoonta petunt.

Ad sepulchrum Anchisae³,

lubricus anguis

Septem ingens gyros septena volumina traxit.

Et in ipso belli Trojani principio,

Danti videre draconem

serpere

In platannum, caepis quae stabat proxima sacris:

à quo octo pullis aquilinis in nido, & matre circumvolante absumptis, Calchas augur dixit, gaudete, Pelasgi: vincemus, Trojaque nono demum cadet anno. Ex historia vero Romana habemus, quod cum civitas gravi pestilentia continuo triennio laborasset, consultis libris Sibyllinis, jussi sunt Romani Aesculapium ab Epidauro, quae Dalmatiae civitas jam multis seculis mutato nomine Ragusia dicitur, advehere. Missi eo legati, & benigne auditi, divinam opem quaesivere in templo, quod ab ea urbe distabat quinque millibus passuum.

A Tunc in lucem prodiit serpens, raro alias, sed numquam sine magno Epidaurorumbono, visus; & triduo per celeberrimas partes urbis, mitibus oculis, & leni tractu spectandum se praebeuit: dehinc legatorum navem sponte adscendit, & in cubiculo primarii innoxius sese locavit. Tum cis mare deportatus, Antii primum, postea in insulam Tiberis egressus, ibi mansit. Et quia numen in eo esse credebatur, constituta ibi aedes est Aesculapio, & statim salus populo subsecuta est. Tiberio Graccho in Lucanis sacrificanti, duo angues ex occulto prolapsi repente adeo jecore hostiae, quae immolabatur, easdem in latebras refugerunt; & iterum ac tertio instaurato sacrificio idem fecerunt; quod Aruspices ad ipsius Imperatoris salutem pertinere dixerunt. Annibali vero bellum maximum adversus Romanos animo agitant, visa est per somnum species serpentis immensae magnitudinis, qui concitato impetu omnia proterens, vastitatem Italiae significavit. L. Syllae, qui primus Romae Dictator perpetuus fuit, apud Nolam sacrificanti, prolapsus anguis ab una parte arae, Samnitici belli victoriam, quod ei amplissimae fortunae fundamentum, & gradus fuit, portendit. Pariter Spartaco illi, quem servilis belli ductorem M. Crassus debellavit, cum servus venditus Romae adhuc esset, dormienti sub capite draco in spiram complicatus apparuit; quod vaticinandi perita mulier signum esse dixit magnae cujusdam & formidabilis futurae potentiae. Et Severo Afro, qui apud Romanos imperavit, cum adolescens adhuc & privatus Romam venisset, dormienti in stabulo serpens caput cinxit; & expergefactis atque acclamantibus famulis sine noxa abiit: idque inter signa futurae ejus amplitudinis numeratum. Quale prodigium recentioribus etiam temporibus contigit Actio Vicecomiti juveni multis aliis victoriis inclyto, prout suo loco docebimus. Olympias autem, Magni Alexandri mater, qua nocte eum concepit, visa est per quietem cum ingenti serpente volutari. Item Pomponiae matri P. Scipionis Africani, post diuturnam sterilitatem, observatum in cubiculo simile animal fecunditatis, & clarissimae futurae sobolis auspicium attulit. Sicut & Actiae matri Caesaris Augusti, quae cum Sacra Apollinis media nocte celebraret, cum ceteris matronis obdormivit, dracoque ad eam repente irrepsit, & paulo post egressus est: illa expergefacta, quasi à concubitu mariti se purificavit, statimque corpori ejus adhæsit macula, velut picti draconis; quae nunquam potuit eximi: adeo ut matrona postea publicis balneis perpetuo abstineret. In cubiculo quoque Agrippinae matris Neronis Caesaris visa anguis est, & circa ejus cervicalia deprehensae sunt serpentis exuviae, quas aureae armillae inclusas Nero dextro brachio aliquandiu gestavit.

His sic expositis observo verbum apud Trebellium Pollionem in *Vita Galieni*, qui ponit dracones pro signis collegiorum in civitate Romana fuisse: quod in memoriam fortasse alicujus ex memoratis miraculis institutum fuisse haud negaverim: nam in castris quoque primum post aquilas obtinere locum, indeque Draconarii signiferi crebro nominantur apud Ammianum Marcellinum, Sidorium Apollinarem, & Flavium Vegetium rerum militarium scriptorem. Nam sicuti C. Marius quatuor alia priscorum signa antiquavit, in totumque castris, ut Plinius meminit, abdicavit, Lupos, Minotauros, Equos, & Apros, retenta sola Aquila; potuit & aliquis Caesar viperæ signum, quo salutari usus sit auspicio, tollere. Nec sane ejus effigiem expressius referre in tabulis pictores mihi videntur, si colorem demas, qui tunc purpureus erat, quam carmine fecerit Claudia-

¹ Ex Virgilio, *Aeneid.* viii. §. 288.

² Idem *Aeneid.* ii. §. 203.

³ Apud eundem, *Aeneid.* v. §. 84.

aus*, apud quem Honorio Casare urbem Romanam introeunte, cum populi multitudo equitum turmas, peditumque ordines, & reliquam pompam cum admiratione spectaret, simplex, ignaraque rerum virguncula;

Nutricem consultat animum, quid fixa draconum

Ora velint; ventis fluitent, an vera minentur

Sibila, suspensum rapturi faucibus hostem.

Et alibi†:

Hi volucres tollunt aquilas, hi picta draconum

Colla levant: multumque tumens per nubila serpens

Trans stimulae Noto, vivitque receptis

Flatibus, & vario mentitur sibila tractu.

Et alio loco*:

Mansuescunt varii vento cessante dracones.

Dracuntius quoque Vandalorum temporibus non incultus verficator, cujus opus, quamvis alius sibi gloriam arroget, nos tamen ex Bobiensi pen- trali retulimus, & ex barbaricis characteribus in consuetas transcribendum formas dedimus, sic scripsit;

Sericus in ventos gemmato lamine serpens

Tenditur, & rutilas vibrat per lumina cristas.

Eorum vero uterque, & item Sidonius Apollina- ris in *Panegyricis* æmulatus videtur Ammiani Mar- cellini verba, qui ante sic dixerat: *Dracones hasta- rum aureis, gemmatisque summitatibus illigati, hiatu vasto perflabiles, & ideo velut ira perciti sibilantes, tandemque volamina relinquentes in ventum.*

Ex his arbitrari ego vellem à clarissimo aliquo Principe, post vel miraculum, vel victoriam quampiam (ut olim Romæ Capitolio servato, an- ter ex argento positus est) hunc ex ære factum, atque in primario urbis templo locatum: cujus postea imaginem usurpaverint ii, qui sub Ambro- sii nomine populi favorem aucupabantur; ac de- mum in Vicecomitum gente peculiariter manserit, quæ & miraculum suscepit, & diutius in hac urbe regnaverit. Eiusdem Ambrosii instituto, vel potius peculiari cuidam indulgentiæ in plebem Mediolanensem attribuitur, quod nos quinque diebus breviorē quam cæteræ nationes antepa- schalem agamus abstinentiam, cui ex dierum nu- mero Quadragesimæ nomen inolevit: sed opinor, non tam Ambrosius, divini alioquin cultus custos observantissimus, aut quisquam alius nostræ Ec- clesiæ Præses quidquam ex religione vetere im- minuit; quam in aliis Catholicæ Ecclesiæ Provin- ciis Summorum Pontificum decreto aliquid adje- ctum est ad eum dierum numerum, qui passim quidem, sed cum magna varietate observabatur. Quanquam enim (ut Hieronymus ad *Marcellam* adversus Montanum, & Leo in *Orationibus* per id tempus ad populum Romanum habitis scribunt, habeturque *Can. Apost. LXVIII.*) quadragenarium ejusmodi jejunium ab *JESU CHRISTI* Apostolis con- stitutum, universæque Ecclesiæ injectum sit, & vero etiam cultum quam constantissime; non una tamen ubique ab omnibus inita ratio est ejus abstinentiæ præstandæ, ut probati Scriptores tradidere. Retinuerunt quidem omnes spatium quadraginta dierum, quod frequens in veteri

* De VI. Conf. Honorii, §. 566. & seq.

† De III. Conf. Honorii, §. 138.

* In *Rufinum* lib. II. §. 365.

¶ Ut probati Scriptores tradidere, &c.] De quibus, simulque de to- ta hac controversia videri postest Bellar. Tom. III. de bonis operibus lib. II. c. XIV. & XV. Cæterum monendus est lector, hunc locum paulo aliter ab Auctore tractatum fuisse, quam in impressis codi- cibus habeatur. Scripserat enim, ab initio nascentis Ecclesiæ nullam fuisse Quadragesimam, sed consuevisse Christianos ma- gnum toto anno ciborum abstinentiam nullo præcepto adactos præstare. Veteri autem disciplina collapsa, jure humano, hoc est, sacrorum Antistitum decreto inductam fuisse; verum alibi aliam: quem errorem hausisse videtur Auctor ex Cassiano *Collat. XXI. c. XXX.* ubi pene eadem scribit. Refutat vero Bellarminus loco laudato: ex quo Auctoris quoque sententiam castigavi- mus.

Scriptura, novissime Dominus ipse *JESVS* bis facto suo consecrasset: primo continuo totidem dierum noctiumque jejunio; deinde cum à mor- tuis resurrexit, quousque in cælum adscendit. Nam Moyses quoque cum divinas leges accipe- ret, & Elias Thesbites, cum in montem Oreb proficisceretur, quadraginta dies jejunarunt; & superbæ civitati dictum fuit: *Adhuc quadragin- ta dies, & Ninive subvertetur*: quam calamita- tem jejunio incolæ averterunt. Ulturus quoque Deus scelera generis humani, perpetuos quadra- ginta dies pluit, perpetuisque imbribus immis- sis uno omnia merfit diluvio. Jam & totidem annos

Israeliticus populus in deserto habitus est. Et Mo- saicæ Legis observantia, qua primitiæ, deci- mæque Deo dabantur, congruit: nam si totius anni dies decimando dividas, triginta sex partes, & semis invenies: compone semisses in integras, erunt quinque, quæ quadagesimam nostram conficiunt. Cæterum quod Dominicis diebus jejunare populi nulli solerent; aliqui non solum Græci, sed etiam La- tini, inter quos Mediolanenses, ne sabbatis qui- dem, earum Provinciarum Præsules ad censuram revocarunt prandia sabbatorum; & unam hebdo- madam jejuniis addentes, * *Quinquagesimam* ef- fecerunt. Sed eam consuetudinem non modo Am- brosius reprehendit; sed etiam plura Concilia sus- tulerunt. Quatuor vero dies, quibus pleræque Ec- clesiæ nostrum jejunium superant, tametsi constet à Romanis Pontificibus adjectos esse, quod ad qua- dragenarium numerum deessent; eamque consue- tudinem antiquam esse, (quod tum alii Scriptores, tum S. Leonis *Orationes* planum faciunt) tamen eam, vivente Ambrosio, nondum viguisse facile adducor ut credam.

Haftenus singula quæque quantum potuimus, suis locis & temporibus apte retulimus; nunc nonnulla ex frequenti lapidum inscriptione petita, digna, quæ vel ob patriæ mentionem, vel ob fa- milia vetustatem, vel latentem aliquam eruditio- nem memoretur, hic acervatim conferre consti- tui; ut illud:

C. CASSIVS. C. F. THYRSVS. VI. VIR. V. S. L. M. ET. C. FABIVS PLACENTIVS. MONVMENTVM. SIBI. ET COELIÆ. O- LIMPIADI. VXORI. POSVIT.

Cæterum leguntur &, C. COELIVS, &, VALERIA PICROCIN, &, M. FVLVIVS. VI. VIR, &, C. LVCVLLVS. FLORVS, &, C. ATTILIVS. SECVNDVS, &, ATTILIVS. MACRINVS. SECVNDVS, &, M. SVLPITIVS, ACASTVS, &, M. SVLPITIVS. ACCEPTVS, &, P. VRSIVS. POLLIO. PATER, &, VE- CTIA. LEPIDA, &, AVRELIVS. EVSEBIVS. AVRELIAE. MATRI, &, ÆMILIA. POM- PEIA. MATER. L. GRÆCINVM. POMPEIA- NVM. SEPVLCRO. CONDIDIT, &, Q. PVBLICIVS. PHILETVS. PVDENS. LVCI- DVS, &, M. MESTRIVS. CENSORINVS. Cujus cognominis alter Comi est, M. MESTRIVS.

* *Quinquagesimam effecerunt, &c.*] Consuetudinem hanc Me- diolani Ambrosio adhuc superstitē viguisse, constat ex libro ejus- dem de *Elia & Jejunio* cap. x. ait enim: *Quadragesima totis, præter Sabbatum & Dominicum jejunatur diebus.* Reprehen- sam vero ab eodem non solum Auctor affirmat; sed ipsa quo- que reprehensio, quæ Ambrosii *sermone* xxxiv. continetur, omnino testatum faceret: nisi merito dubitaret Bellarminus de illius auctore. Ut ut tamen res se habeat: certum est, eam re- prehensionem non eos petere, qui quattuor dierum jejunium ad triginta sex dies adjungebant: sed illos, qui, quod volebant diebus Sabbatis æque ac Dominicis prandere, septimam heb- domadam jejunabant eodem more, ut numerum 36 dierum impleant: quam consuetudinem ex Græcia allatam, & Me- diolani adhuc vigentem merito reprehendit: quamque antiqua- tam voluerunt Concilia Agathense *Can. 8.* Aurelianense primum *Can. 11.* & Aurelian. quartum *Can. 2.* Vide Bellarminum. Monendus vero est Lector, hunc quoque locum paulo aliter fuisse tractatum ab Auctore, quam nunc habeatur impressus.

SECUNDVS. VI. VIR. Habemus etiam in sub-
urbano istud, T. AVILIVS. ONESIPHORVS.
MORENNAS. ETINÆ. HORNATÆ. VXO-
RI. Et in Novariensi oppido Fontanecto, T. AC-
CELLIO. CLA. INGENVI. F. PATRI, &
CAPRONIÆ. CICERONIS. F. VERÆ. MA-
TRI. OPTIMÆ, &, T. ACCELLIO. T. F.
CLAUDIO. IVLIO. FRATRI. VI. VIR, &
STATVTIÆ. L. F. VALENTINÆ. VXORI.
IVLI, &, T. ACELLIO. T. F. CLAVD. VE-
RO. DECVRIONI, &, ACELLIÆ. T. F.
IVLIÆ. FILIUS. EORVM. E. ACCELLIVS.
VERINVS. FACIVN. CVRAVIT. Et item hoc:
D. M. TERENTIORVM. GALLIANI. SA-
TVRNINI. FILIORVM. MESSIMORVM. TE-
RENTIVS. TROPHIMVS. VI. VIR. ET. AV-
GVSTALIS. PATER. OPTIMVS. FECIT. ET.
SIBI. ET. BITTONIÆ. VXORI. MESSI. FIL.
PINNILLÆ. VXORI. OPTIMÆ. ET. SVIS.
V. F.

Defuncto Ambrosio successit Simplicianus, vir
etate provectus, ac ingenio & doctrina præstans,
& quem ob virtutes ipsas vivens adhuc Ambrosius
designaverat: namque & de eo antiquæ rei expo-
sitionem quærente, hæc idem quandoque scripse-
rat: *Quid est, quod dubites, & à nobis requiras?*
cum fidei & acquirenda cognitionis divinæ gratia totum
orbem peragraveris? & quotidiana lectioni nocturnis,
ac diurnis vicibus omne vitæ hujus tempus deputaveris?
ac præsertim ingenio nec intelligibilia complectens, qui
philosophiæ quoque libros, quam sint à vero devii de-
monstrare soles. Idem Romæ agens Victorinum Rhe-
torem clarissimum ad recte sentiendum de Christo
pertraxit, ac baptizavit. Tum ab Anagnia Sisinii,
Martirii, & Alexandri Martyrum ossa Mediolanum
attulit. Defunctum vero cives summis honoribus
prosecuti etiam in numerum cælestium retulerunt;
dedicatoque templo religiose ejus memoriâ ad-
huc cuncta civitas veneratur.

Ejusdem focius atque discipulus traditur Theodulus Mediolanensis notarius, qui magna cum laude Episcopus Mutinensi præsuit Ecclesiæ: vixit autem in Episcopatu Simplicianus annis quatuor. Cui successit Venerius: huic Marolus Syrus: ab eo Martinianus; postea Glicerius: quorum indistincta tempora posui; quia ob inopiam & discordiam Scriptorum insulsa nimis traditum, nihil, quod hic infererem, inveni.

Interea Stilico non contentus sub curatoris & for-
rorii nomine omnia posse, celsiorem gradum appe-
tit; tuncque demum solidam fortunæ suæ vicem
facere se putavit, si Imperatoris focer efficeretur.
Ita non multo post Maria filia Honorio desponsa-
tur: actæque sunt Mediolani nuptiæ, quas pul-
cherrimo *Epithalamio*, & *Hymnis* Claudianus profe-
quitur. Alteram pariter filiam Serenam Palladio
Orientis Præfecto despondet. Mox ad convellen-
dam Rufini potentiam, qui ob inexplebilem ava-
ritiam, & intolerabiles crudelitates, omnium mor-
taliū odio flagrabat, animum convertit, ac fa-
cile hominem fastigio illo rerum dejecit: siquidem
ut primum in Græciæ finibus Stiliconis copiæ ap-
paruerunt, Rufinus à propriis militibus desertus
ac proditus gladio transfigitur, membratimque dis-
cerptus fuit: tum caput lancea præfixum totis
castris gratulante multitudine circumlatum est:
ejus morte voti compos factus Stilico in Italiam &
Mediolanum revertitur.

Per quod tempus novum bellum sibi ortum com-
perit. Præfectus Exercituum Africæ nomine Gil-
do usurpare interea Imperium ausus rebellaverat.
Itaque eo hoste declarato classis prævalida in Ligu-
rum Etruriæque littoribus instructa est, per quam
transportato trans mare exercitu, Gildo breviop-
pressus est.

Mox Grotunni, gens barbara, Duce Odotheo Danubium transivere, ac Romanas Provincias late populati sunt: sed hos Honorius quarto suo Consulatu, quem collega Eutychiano gessit, ad inter-
necionem delevit. Eutychiani vero nomen fami-
liare regioni nostræ fuisse, duo hæctenus mihi com-
perta Epigrammata antiquis & priscae elegantiae
litteris incisa marmoribus indicant: quorum alte-
rum Mediolani habemus hoc modo:

D. M. C. VALERII. PETRONIANI.
DECVRIONIS. PONTIF. SACER. IYVEN.
MED. CAVSIDIC. QVINQVE. GRATVIT.
LEGATION. VRBICIS. ET. PEREGRI.
NATION. PRO. REP. SVA. FVNCTI. QVI.
VIXIT. AN. XXIII. M. IX. D. XIII. C.
VALERIVS. EVTYCHIANVS. VI. VIR.
AVG. PATER. FILIO. INCOMPARABILI.
ET. SIBI.

Alterum Comi:

APPIVS. EVTYCHIANVS. SCHOLÆ.
VEXILLARIORVM. H-S. $\overline{\text{xxx}}$. N. LX.
LARGITVR.

Valeriorum quoque inclytam gentem fuisse, & hic, & supra in cœna Cæsaris, & variis aliis Epitaphiis apparet, ut illo Mediolani:

P. VALERIO. P. LIBER. PALAT. TA-
CITO. VI. VIR. SENIORI. ET. AVGV-
TALI.

Et Comi :

L. COELIO. VALERIO. VI. VIR. ME-
DIOL. &, CALPHVRNIÆ. OPTATILIÆ.
VXORI, &, M. ÆMILIO. COELIO. COE-
LIANO. DECVR. MEDIOL. &, NOVAR.
&, M. COELIO. CATIANO. COLLEGIVM.
CENTONARIORVM. HONORE. ACCE-
PTO. IMPEND. REMISER. ET. IN. TV-
TELAM. DEDERVNT. H-S. II.

Eum annum sequitur Consulatus Theodori Man-
lii carmine Claudiani celebratus; quem ausim ci-
vitati nostræ adscribere, & stirpi Cari Manlii Im-
peratoris annectere: nam & eum Ligurem Poe-
ta facit, & Ligurum appellationem video his tem-
poribus citra Padum fluvium usurpatam frequen-
ter esse. D. Hieronymus Vercellas urbem Ligu-
rum vocat. Ambrosius post mortem Eusebii ad
Vercellenses scribens, dolet eorum Ecclesiam, ex
omnibus Liguriæ, Æmiliæ, Venetiæque urbibus
carere adhuc officio Sacerdotis. Paulinus in *Vita*
Ambrosii dicit, cum suscepisse insignia consularita-
tis, ut regeret Liguriam, Æmiliamque Provin-
cias, venissetque Mediolanum, ubi sedem ejus fu-
isse non est amplius repetendum. Idem Claudia-
nus in *sexto Honorii Consulatu* annes Ligurum vocat
Ticinum & Abduam, sicut Venetorum Minci-
um, Athesim, & Timavum. Merulæ enim inter-
pretatio nimis morosa videtur, qui opinioni co-
rum, qui dixerunt Mediolanum in Liguribus po-
situm, opponens auctoritatem priscorum Geogra-
phorum ponentium terminum Liguriæ Padum flu-
vium, excusare nititur Hieronymum, quod forte
Vercellas urbem Ligurum dixerit à lævis Liguri-
bus, quos quidem non ignoro circa Ticinum olim
incoluisse: sed jam nomen eorum abierat in desue-
tudinem, sicut & multa alia desuisse videmus; ac
propterea non arbitror Hieronymum ad hanc glo-
riolam respexisse, ut in re jam vetustate abolita
doctior videri studuerit, & à communi usu re-
cesserit.

Præterea Mediolani Manliam familiam illustrem
probamus : & forte ejusdem Theodori foror fuit
religiosa matrona , cui tale Epitaphium in æde
Ambrosiana antiquitus positum manet :

*Martyris ad frontem recubent qua membra sepulchro
Ut, Lector, noscas, est opera pretium.
Clara genus, censu pollens, & mater egentum,
Virgo sacrata Deo Manlia Dedalia:
Que mortale nihil mortali in corpore volvens,
Quo peteret cælum, semper amavit iter.
Sexaginta annos vicino limite tangens,
Reitulit ad Christum celsa per astra gradum.
Hec germana tibi Theodorus frater, & haeres,
Que relegant olim secla futura, dedi.*

Præterea in Gallia juxta Turonem urbem celebri
cœnobio exstare audio perrari ad hanc diem ex-
empli opus Flagrii Manlii Mediolanensis, qui Val-
entiniani Cæsaris præceptor Virgilii *Georgicon* erudi-
tissime interpretatur.

A. C.
400.

Cæterum Theodori Manlii Consulatum excepit
Stilico, & Aurelianus. Quo anno Gothi Ducibus
Radagayso & Alarico ex Pœuca Danubii insula
oriundo, occupatis cæteris cis Danubium Pro-
vinciis, Italiam invadere: per Apulos, Calabros-
que in Campaniam effusi, Roma, quam Itali pro-
ceres tuebantur, prætermittit, in Etruriam trans-
eunt. Florentiam potentem jam tunc urbem obsi-
dent. Cumque jam longo tædio, & continentibus
malis affecti cives facturi deditiorem viderentur,
vidit unus per quietem Divum Ambrosium Episcopum
hortantem, suadentemque, ut constanter
universi perseverarent in defensione patriæ, & pro
ea fortiter pugnarent: futurum enim, ut postera
die victoria omnino potiantur. Ita deinde illius
prædictione confirmata cives prælium inierunt:
victusque Radagayso fuit, qui & captus in car-
cere necatur. Alaricus cis Apenninum in plana de-
scendit, & collectis reliquiis per Æmiliam ad Al-
pes Gallicas contendebat: sed clausit cum Stilico

A. C.
402.

inter Astam urbem, & Pollentiam nigro vellere
claram, & quondam M. Antonii clade nobilitatam.
Claudianus profligatum Alaricum describit. Chro-
nicorum vero alii scriptores pari Marte discessum;
alii victum & acie fugatum Stiliconem referunt.
Utcunque fuerit ingenti cum hominum cæde pu-
gnatum est, & incolumis Alaricus in Veronensium
agrum evasit. Hicque pace petita, foedus etiam
superadditum est, quo diuturnior concordia inter
eos futura videretur. Sed mox id alio animo fe-
cisse Alaricum patuit: quippe is brevi reparatis
viribus bellum renovavit. Indignatus Stilico no-
vas in iras exardescit; & pro periculi magnitudi-
ne à remotissimis nationibus petenda auxilia cen-
suit. Itaque ad Comum transmissis Lario lacu in
Rhetos & Vindelicos profectus, ultimi etiam
Istri accolæ in arma excitati. Reversus in Insu-
bres non longe ab Abdua Alaricum debellat: tum læ-
tus & triumphans per Flaminiam & Picentes cum
Honorio sextum Consule, atque Eucherio filio
Roman proficiscitur, labantisque jam Reip. sta-
tum confirmat. Dum longius abesset, sollicita de
ejus salute uxor Serena vota faciebat, ædemque
Mediolani Divo Nazario sacram sterni marmore
jussit. Qua de re tale Epigramma exstat:

*Qua sinuata cavo consurgunt recta recessu,
Sacrateque crucis flectitur orbe caput.
Nazarius vite immaculabilis, integer arius,
Conditus exultat hunc tumulo esse locum,
Quem pius Ambrosius signavit imagine Christi,
Marmoribus Libycis sedit Serena polit,
Conjunctis ut reditu Stiliconis læta fruatur,
Germanisque piis, pignoribus propriis.*

A. C.
403.

Dehinc Constantinopoli moritur Arcadius, re-
lictis successoribus Theodosio filio hujus nominis Im-
peratoris secundo, primæ juventæ adolescentulo.
Cæterum excita Barbaries, cui semel arma con-
cessa fuerant, haud ita facile postea comprimi po-
tuit: & cum materia belli longius abesset, in fini-
timos & proximos quosque exercere se cœpit. Go-

A thi & Turingi adjunctis Thaiphælis, Vandalos,
Gepidasque sedibus suis pellunt. Burgundiones A-
lemannorum agros occupavere, quos tamen maxi-
ma cum clade mox amisere. Franci, Alani, Qua-
di, superato Rheno, Gallias occupant: unde Hie-
ronymus in *Nepotiano* jam viginti & amplius annos
deslet, quidquid terrarum inter Constantinopolim
& Julias Alpes est, quotidie Romano sanguine fœ-
dari, Scythiam, Macedoniam, Thraciam, Epi-
rum, Dalmatiam, cunctasque Pannonias Gotho,
Sarmata, Quado, Alano, Hunno, Vandalo,
Marcomanno vastari, trahi, diripi; quæ calami-
tates cum vitio Stiliconis adscriberentur, quo oc-
casione continuandi Imperii haberet, permitten-
te Honorio à militari multitudine una cum Euche-
rio filio interficitur. Cujus morte accedentibus
exercituum discordiis, & æmulatione Ducum, res
Honorii maximum detrimentum accepere. Et si
enim pro viribus & ingenio ingruentibus malis
occurreret, superavere tamen Barbarici impetus,
& discordantium furores: & depopulatis Galliis in
Hispaniam, Africamque effusi sunt: Denique Van-
dali Carthaginem ipsam occupant, & alterum Re-
gni caput constituunt.

Ita laceris undique rebus, & in omne scelus la-
xata audacia, veluti orbis compage soluta, Roma-
num concidit Imperium, & urbs gentium Regi-
na, & Domina, indigesteque terrarum Dea, cui
par nihil erat, & nihil fuit secundum, regnare
desiit: quod eo tempore futurum Vestius insignis
Mathematicus, & auguriorum peritissimus M.
Varroni prædixerat. Floruit sub Alexandro Mam-
mæ Censorinus Grammaticus eruditissimus, qui
de ratione seculorum scripsit. Corruptum, &
quod deterius erat, tribus schedis mancum opus
paulo ante vulgo habebatur. Nos dum antiquita-
tes rerum diligentius scrutamur, reperto codice
vetustissimo redintegravimus. Is natalem urbis Ro-
mæ diem accurate supputat, & ex duodecim vul-
turibus, qui Romulo apparuerunt, dixisse Ve-
stium refert, duraturum Romanum Imperium us-
que ad duodecim secula. Et quidem hoc tempore
duodecimum seculum agebatur, hoc est, mille
centum & septuaginta ab urbe condita anni: quan-
quam Blondus centum & triginta ex hoc numero
detrahat.

D

Mortuus est inter hæc Divus Hieronymus se-
nex nonagenarius: quem, cum aliquando in Gal-
lias transiverit, Mediolanum divertisse Rufinus
innuit. Mortuus & Honorius Romæ est sine libe-
ris: supererat nepos ex sorore Galla Placidia no-
mine Valentinianus Romanus Imperator tertius,
qui successor declaratus, Ardaburem expertæ vir-
tutis & industriæ virum præmisit cum exercitu
in Circumpadanam Italiam, quam occupaturus
Castinus Consul ex Ulteriore Gallia profectus vi-
debatur. Juxta Vercellas obvii Duces pugnare.
Victus & captus Castinus ad Valentinianum per-
ducitur. Hunni, & qui alii sparsi per Italiam Bar-
bari erant, territi, attritique variis cladibus in
Græciam abiire. Tum Vandali pace conciliati:
Burgundiones vi & armis edomiti.

E

Rebus sic compositis, Constantinopolim profi-
ciscitur Valentinianus. Eique Theodosius patrue-
lis filiam matrimonio jungit. Vixit per hæc tem-
pora vir quidam insignis, nomine Anatolius ora-
tor: decessitque Consulatu Hierii & Ardaburis,
cujus mentionem eruta nuper in tabula invenimus
ex ædibus Simpliciani.

F

Cæterum cum Barbaris nec tranquilla unquam,
aut diuturna pax, nec bellum apertum fuit, quoad
junior Theodosius vixit. Eo mortuo, & successore
constituto Marciano, sub annos Domini qua-
dringentos & quinquaginta, Attila apud Hunnos
summam potestatem nactus, numerosum supra fi-
dem

dem fere exercitum contraxit ex innominata antea barbarie. Hi Heruli, Turcilingi, Marcomanni, Scyri, quos Plinius inter Transdanubianos populos refert. Cum his Germaniam primo vastavit. Deinde trajecto Rheno, Gallias ita perturbavit, ut cunctis jam Provinciis terrori esset. Conspirare in unum † Meroveus Francorum Rex, Aetius Patricius Romani exercitus ductor, & Theodoricus Visigothorum, qui Narbonensem Provinciam tenebant, Rex. Hi Attilae occurrerunt in campis Catalaunicis Matronae fluvio adjacentibus, ubi pugnatum est celebratissima hominum caede. Tandem fufus Attila in Pannoniam se recipit, ubi reparatis viribus Italiam tentat: Aquilejam evertit, Patavium, Veronam, & quae ad Insubres usque pertinent urbes. Tum Mediolanum ipsum, & Ticinum diripuit, ac majori ex parte incendit.

Cæterum cum Mediolanum ingressus esset Attila, vidit in pariete pictos Romanos Imperatores aureis solis sedentes, & Scythas captivos servili habitu ad pedes eorum jacentes: qua imagine offensus Attila, quod ex Scytharum genere ipse esset, statim pictorem accersiri jussit: à quo se superius in throno depingi jussit, & Romanos Imperatores infra ad pedes suos inclinatos, & gestantes humeris faccos plenos, ex quibus panem & aurum effundebant. Cum deinde Hetruriam & Romam ipsam petiturus esset; summæ rerum metuens Valentinianus Leonem Pontificem, qui majestate sacerdotii & eloquentia plurimum pollebat, permovit, ut communem omnium causam suscipere, & quibuscunque conditionibus ac precibus posset, Barbarum averteret. Maturavit iter Leo: & ad confluentes Mincii & Padis Attilam convenit: à quo benigne auditus, quod petiit, obtinuit.

Abeunte Attila quies Italiae parta: sed qualis & quanta clades accepta sit, quia cæteri scriptores nimium festinantes ista prætereunt, ut declaretur, subjicienda censui verba Maximi Taurinensis Episcopi, ex sermone, quem ad Cives Mediolanenses de reparatione Ecclesiae & urbis habuit: Dominus, inquit, Omnipotens iram nobis descendenda desolationis intulit, & ut clemens pater, desiderata reparationis præstat effectum: qui ut ostendat futuris temporibus, se hujus urbis faciem, velut reparati post obitum corporis, redditurum, Ecclesiam ante suam, quæ utique caput est civitatis, rediviva constructione renovavit: mox & membra, ut jacentia consurgant, daturus. Imperiti enim nimis quidam harum perturbationum interpretes videntur, qui dicunt: Perit hac civitas, collapsa est Ecclesia: Non est jam amplius causa vivendi. Immo enim causa vivendi est. Nam Deus, qui cuncta magno consilio dispensat, hostium manibus, non civitatem hanc, quæ in vobis est, sed habitacula tradidit civitatis; nec Ecclesiam suam, quæ vere est Ecclesia, consumi jussit incendio, sed in emendationem nostram habitacula Ecclesia permixta exuri. Nam post tantum & tam lugubre excidium, ecce summus Sacerdos adstat incolumis; Clerus integer, & plebs ipsa, licet sub quotidiano adhuc metu & mœsta vivens, tamen in libertate perdurat. Hac quæ nostra videbantur, aut prado diripuit, aut igni, ferroque consumpta perierunt.

Cæterum Valentinianus trigésimo Imperii sui anno proditus à suis interficitur: in quo potius, quam in Augustulo, ut quibusdam placet, defecisse Occidentis Imperium dixerim: nam etsi per quindecim adhuc annos nonnulli nomen Augusti arripuerint, vix ego inter Cæsares computandos censeo:

† Meroveus Francorum Rex, &c.] S. Gregorius Turonensis scribit Aetium cum Francis, Gothisque conjunctum adversus Attilam conflixisse. Sed Sidonius, qui ejus belli tempore vixit, aut recenti adhuc illius memoria, & post eum Baronius tradunt Francos ab Attila stetit.

A qui ludibrium potius quoddam fortunæ fuerunt, & umbram labantis dignitatis, quam certum dominium tenuere. Et sicut in finibus nostris versati Avitus, qui susceptum in Gallia Imperium mox Placentiæ deposuit; Majorianus Ravennæ Cæsar salutatus, quarto anno post obtruncatus apud Iriam fluvium Derthonensem, qui nunc Scrivia dicitur; cui interim, & focero ejus Theodoro, elegantissimum Panegyricum dixit vir illa tempestate clarus Sidonius Apollinaris Arvernorum Episcopus: & inter ejus laudes disciplinam memorat avium rapacium ad alias aves captandas instructarum: quod quia Blondus, nostrorum temporum historicus, recentius inventum existimat, idque Friderico secundo Parmam obsidenti attribuit, versus Sidonii subjiciendos esse existimavi:

Quid volucrum studium, dat quas naturarapaces

In vulgus prope cognatum, quis doctior isto

Instituit varias per nubila jungere lites?

Alite vincit aves, celerique per athera plausu

Hoc nulli melius pugnator militat unguis.

Cæterum Beorgor Alanorum Rex juxta Bergo- A. C. mum à Ricimere Patricio debellatus est. Anthemius, 464. cujus aurea numismata ex imperiti aurificis manu nuper redemimus, à Leone Principe Orientis missus, posteaquam pulsus Barbaris, Regiam Romæ constituit, Ricimerem generum adscivit, eumque Mediolano, & adjacenti Provinciæ præfecit. Hunc absolute quidam Scriptores Gothum vocitant; sed Sidonius Apollinaris illis temporibus æqualis, matrem quidem ejus Getam, patrem vero Suevum fuisse refert. Cæterum Anthemius, unde rerum suarum fundamentum & conservationem speraverat, inde perniciem, malorumque omnium originem invenit. Nam Ricimer sua forte non contentus, contractis viribus gentis, cui præerat, arma in focerum vertit: quas discordias componere A. C. nixus Epiphanius Ticinensium Episcopus, repres- 472. sit magis ad tempus, quam sustulit: pacem enim inter eos conciliavit: verum non ita diu coluit Ricimer; ac Romam infesto cum exercitu profectus Anthemium obsidet, captumque crudeliter interficit. Verum neque ipse diuturna nefariæ victoriæ, impiique voti lætitia fruitur, intra tertium mensem ex eo morbo absumptus.

Hic † res Romana ad Augustulum Orestis Pa- A. C. tricii filium defertur: & pater ipse summam ex eo 475. potentiam nanciscitur. Interea Odoacer ab extremis Pannoniis profectus cum Erulorum, Scyrorumque exercitu in Dalmatia regnum constituerat; & inde cognito, quam incerto motu res Italicæ fluctuarent, amplioris in Imperii spem erectus est, perque Forum Julium & Venetiam transmissis copiis, Cispadana potitur ora. Orestes cum Paulo fratre, contractis ad Laudem Pompejam copiis, adventanti Odoacro occurrit. Victus ad Ticinum refugit. Hic longa obsidione clausus, captusque, cum Paulo Placentiam missus capitis poena mulctatur. Ticinensium agri non solum vastati, & direpta bona, sed etiam ædificia publica, privataque incensa. Negat Blondus parem cladem ab inclinato Imperio usquam acceptam fuisse. Augustulus continenti metu exterritus insignia Imperii cum nomine deposuit.

Tunc Italia omnis Odoacro paruit: qui Romana urbe potitus eorum bona publicat, qui sibi adversati fuerant: ex quibus Vigilio viro in Liguribus illustri non tam ereptæ, quam commutatae opes sunt: exstat tabula antiqua ex papyro, quæ Flavius Paulus Andreas Odoacrus Vicarius Mediolani agens ex Regio mandato curat rependi Vi-

† Res Romana ad Augustulum, &c.] Post Olybrium, qui menses septem; Glycerium, qui minus quam duos annos; & Nepotem, qui pari temporis spatio Imperium Occidentale tenuere.

gilio in Beneventanis, & Campano agro fundum Phormanum; Massam Ododianensem, & Venticanensem, & Vellanam, & Cilicensem: quæ ex jure nobilissimæ, ut inquit, Placidie, Regio Fisco adolvebantur. Regnavit in Italia Odoacer quatuordecim annos.

Tum jubente Zenone, qui Leoni in Constantinopolitano Imperio successerat, profectus Theodoricus, vir bellicæ artis experientissimus, novam Gothorum manum adduxit sub annos Christi quadringentos & septuaginta: obsistere Odoacer in primo Italiae limine conatus, apud Natifonem Aquilejæ fluvium, qui nunc vulgo *Sontius* dicitur, fusus fuit, ac Veronam sese cum copiis recepit. Ubi expectato hoste altera clade imminuitur. Juxta Abduam vires reparavit: sed hic quoque debellatus fugit in Hetruriam. Theodoricus Mediolano & Circumpadana omni potitus, fugientem persecutus, Roma quoque potitur. Odoacer victoris è manibus elapsus Ravennam se contulit. Cujus urbis situ fretus, studia belli haud intermittit, & cum majora venientibus ad se militibus stipendia proponeret, majorem fere copiarum partem à Theodoro avertit: quo metu adeo exterritus est Theodoricus, ut fortunæ suæ ambiguus, aliquandiu Ticinensium finibus egredi non sit ausus; neque item occurreret Gondubado Burgundionum Regi, qui cis Alpes traducto exercitu, quantascunque volebat prædas ex infelicibus populis agebat. Eo tamen non ita multo post trans Alpes remisso, Ravennam obsidet: triennium durasse ea obsidio dicitur. Et inclusus Odoacer, societate Regni pacta deditionem facit: sed cum minime sincere pacem coleret, dolis tandem interceptus obtruncatur.

Rerum Italicarum potitus Theodoricus, ab Anastasio Imperatore, qui interim Zenoni successerat, petiit, ut eo volente, jubenteque, Regnum Italicum curare liceret. Tum cum finitimis pace inita, quietas undique res habuit; misitque ad repetendos à Gondubado captivos Epiphanium Ticinensium Episcopum, qui tum fortasse inter Italos cum integritate vitæ & sanctimonia, tum ingenio & dicendi copia plurimum pollebat: atque cum pretio alios, tum sex millia gratis & sola sacerdotii majestate obtinuit.

Cæterum Theodoricus duodequadraginta regnavit annos, quo spatio Epistolarum ejus magister Cassiodorus docet, longe, lateque Imperium extendisse: nam & in Pannoniis præscam potestatem obtinuit. Qui Sirmiensi Provinciæ dedit gubernatorem Colloseum virum illustrem; Transalpinæ Galliæ Gemellum; Avenioni Vandilum; Massiliæ Merobaudum; Siciliae Valerianum; Brutiis & Lucaniæ Venantium; Romæ Artemidorum Zenonis Imperatoris affinem; Rhætiis Servatum. Et Merobaudi quidem nomen etiam legimus in lapidea tabula in colle montis Briantix, tanquam illic antiquitus sepulti. Mediolanensem quoque Ecclesiam commoditatibus fovit: nam & immunem vectigalium onere decrevit, & Eustorgio Episcopo hujus nominis secundo nonnulla prædia in Insula Sicilia Ecclesiæ assereenti, ne favor ei adversus injuriam decisset, Præsidi scripsit.

Cum vero graves subortæ contentiones essent inter potentissimos Reges Athalaricum Visigothum, Loduinum Francorum, & item Erulos, Guarnosque, Theodoricus, qui propter inclytam prudentiam pari apud omnes gratia pollebat, arbiter factus, dissidia per Legatos sustulit, pacemque constituit, atque inter munera Clepsydræ, id est, horologium fluxum aquæ horas denotans cum magistris ignoti ad eum diem Burgundionibus instrumenti, Gondubado misit. Idem magnificentia rerum nemini postferendus. Scribit in *Chroniciis* Cassiodorus, Theatralibus muneribus certavisse cum

A cum quolibet præcorum Imperatorum. Et ipsemet in quadam *Epistola* ædificia sua commendans: *Abst*, inquit, *ut ornatu cedamus Veteribus, quibus impares non sumus beatitudine seculorum.* Reliquos ejus mores, vitæ ordinem, & corporis formam eleganter describit idem Apollinaris.

Cum jam pene universos Europæ Principes foederibus, & omnino præcipuos conjugis & affinitatibus, Theodoricus conjunctos haberet; ex omnibus unum delegit Eutharicum Cillicam genere quidem Alemannum, sed diutius in Hispania versatum: cui successione ad Imperium spem ostenderet; eique unicam, quam habebat, filiam Amalasinutam matrimonio copulat. Per eadem tempora idem Apollinaris scribit, Petronium Maximum per singulos honorum gradus ad Augustale culmen pervenisse, qui bimestre tantum imperavit: quod ideo adnotatum sit, quia audio nullam alibi de eo fieri mentionem.

Claruerunt quoque insignes doctrina & eloquentia viri Symmachus, & * Boetius Severinus, qui quod innocentem Senatui majestatis crimine postulatam libere defenderant, calumniose delati, quasi delatorem, qui documenta deferret, quibus Senatui læsæ majestatis reum faceret, impedissent: vulgatisque insuper Boetii nomine literis, quibus Romani in spem libertatis erecti erigerentur, per summam injuriam inauditi damnati, Ticinum in carcerem missi, eoque diu macerati, tandem capite cæsi sunt: adhuc manet turris pervetusta, cui inclusus Boetius nomen dedit: nec longe ab ea sepulchrum visitur.

Post Theodoricum Athalaricus ex filia nepos sub tutela matris regnat annos decem: quidam quatuor tantum scribunt. Eodem defuncto vidua mulier, & liberi orba, ad gubernationem, societatemque Regni vocat affinem Theodatum, a quo dolis circumventa interficitur.

Amisso hoc modo Romanorum Imperio, consuetudo quoque supputandorum ab urbe condita temporum desit. Cumque alii aliunde, quidam Græci Mathematici eam rationem à principatu Diocletiani Cæsaris instituere cœperunt. Quod animadvertens Dionysius Abbas Romanus, vir utriusque linguæ doctissimus, cum Paschales revolutiones explicaret, abhorruit, abominatusque est impii hominis memoriam hujusmodi in celebrationem venire: *Quin potius*, inquit, *Christiani homines auctoris nostri auspiciatissimo nomini hunc honorem damus: notiusque facimus spei nostra exordium.* Ita supputato diligenter numero, ab Incarnatione, ut tum quoque vocabant, Christi Dei, quingentos & triginta duos annos ad hanc ætatem fluxisse docuit: quem secuta fere omnis posteritas, quod is cogitaverat, retinuit.

Retenta quoque consuetudo est à Constantino Magno instituta, ut duos extremos hebdomadæ dies, qui antea ex duorum Planetarum appellatione Solis & Saturni dicebantur, Sabbatum & Dominicum vocaremus: nam in aliis quinque præscæ nomina à totidem utique Sideribus sumpta manserunt, Lunæ, Martis, Mercurii, Jovis, Venerisque, quod antiquissimum Ægyptiorum inventum fuisse Dion Græcus fatetur.

Cum in hoc statu res forent, Justinianus Imperator Constantinopolitanus felicioribus auspiciis creatur. Hic ad comprimendos Barbaros animo adjecto, Orienti primo prospexit: missoque in Asiam Bellisario, Persas represit: dehinc in Africam tracto exercitu, eodem Duce Vandali devicti sunt,

* Boetius Severinus, &c.] Hic quoque monendus est Lector, Auctorem aliter de Boetio sensisse, ac scripsisse, quam viri sanctitas, ac veritas historica postulare: ergo ne censuram ipse pateretur; expuncta Boetii ac Symmachii censura, veram causam iniquissimi supplicii supposui.

& internecone deleti. Tunc in Gothos sumpta arma, ac per Siciliam in Lucanos transgressus Bellisarius deditibus se populis late Calabria, Apuliaque potitur. Neapolim pervenit, eamque diutius obsessam, tandem per aqueductum cepit.

Tum Gothi Theodato ob ignaviam ejecto, Regem sibi creant Victigitem, virum humili quidem genere natum, sed strenuum, & rei militaris experientissimum: qui ubi Neapoli potitum Bellisarium cognovit, urbem Romam praesidio firmat. Ipse Ravennam profectus, dispersos per Italiam Gothos in unum contrahit, ad centum & amplius pugnatorum millia convenisse traditur: cum quibus Victigis Romam, quam jam à Bellisario occupatam audierat, properat. Interea Datus Mediolanensis Ecclesiae Antistes cum nonnullis civibus ad Bellisarium venit. Mediolanum in potestate Imperatoris futurum promittunt, si eo vel mediocre praesidium mitteretur: nam opes, quibus se non solum tueantur superesse; sed plane etiam quibus tota, quae intra Alpes est, Provincia pelli hostes valeant. Hos Bellisarius libenter audivit, collaudatosque cum spe dimittit: cum tempus foret, eam rem sibi curae futuram. Victigis urbem magis urgebat: sed postquam cognovit Ariminum à Bellisarii Ducibus captum, Romana obsidione digreditur.

Tunc Mediolanensibus Oratoribus data auxilia: quo pluribus ex locis facesserent hosti negotium. Praefectus his copiis Mundilas, vir animi magnitudine & militari scientia praestans; & cum eo Fidelis Mediolanensis, Regiae olim domus praefectus. Hi per Tiberim in Tyrrhenum mare delati, Germanam navigant. Inde Apeninino superato ad Padum veniunt. Circa Ticinum obstitere Gothi, qui eam urbem cum arce praevalida tuebantur. Commissio certamine intra urbem Gothi compelluntur. Mundilas & copiae per vicinum pontem transierunt: sed Fidelis equo excussus moritur. Cujus viri casu jactura aliqua facta est: Mundilas Mediolanum pervenit, eique se statim dederunt Novaria, Comum, Bergomum; quod ubi rescivit Victigis, Vrajam fratris filium in Insubres dimittit, ut quae civitates nondum defecerant, in fide retineret; quae desciverant, recuperaret. Simul ad Theodebertum Francorum Regem Legatos ad foedus paciscendum mittit; decemque millia Burgundionum auxilio sibi dari obtinuit: quibus in Italiam adductis non procul Mediolano castra locat. Et dum alia belli munia obit; ne quid commeatum in urbem importetur, curat. Mundilas haud magnum equitum numerum habebat: oppidani, qui concordēs erant, urbem satis defendebant, sed ex difficultate annonae fames timebatur. Haec ubi cognovit Bellisarius, alios Duces cum majoribus copiis mittit: sed hi ad Padum, quem praemultitudine hostium trajicere non audebant, desedere. Tum inter Duces discordia orta omnia subvertit. Missus à Justiniano ad rem adjuvandam erat Narfes Eunuchus, vir bello egregius, ac primo concorditer cum Bellisario communicare consilia, negotia agere; deinde malorum mater invidia orta. Unde simulas, & aemulatio, rerumque negligentia subsecuta est. Ergo cum nihil auxilii obsessis afferretur, ad ultimum inopiae deventum est: nec ulla re abstinere, quae mandi posset. Qua necessitate coactus Mundilas, saluti suae consuluit, pactus, ut cum peregrino milite abire liceret. Ita Mediolano & reliquis oppidis praesidia deduxit. Tum Gothi urbem ingressi caedibus & incendiis omnia miscuerunt: sine discrimine aetatis, aut sexus obvi interfecit, & mulieres passim abstractae. Caesa in ea vastitate feruntur circiter triginta hominum millia. Excidio primariae urbis exterriti, qui defectionem secuti fuerant, ad pristinum statim Imperium redierunt.

A Datus Episcopus, seu tum manus hostium effugiens, seu declarandi periculi causa, ad Constantinopolitanum Imperatorem proficiscens, Corinthum devenit. Ubi cum laxam domum quaereret, qua totus comitatus hospicaretur, proposita est ampla quidem & spaciofa, sed nocturnis strepitibus infamis, & inhabitata. Quod ut audivit, hanc ipsam volo, inquit; conductamque sterni, instruique rebus necessariis jussit. Cum deinde nox intempesta jam quiescentes oppressisset, varii stridores, horrendique sonitus perstrepere incipiunt. Hinc caeli tonitrus, illinc ruina parietis, & saxa in praecipex ex alto mitti videbantur. Interim elephantes, leones, tauri, sues varias voces emitere credebantur. Quibus excitatus Datus, Jam ades, inquit, o bellua, jam venis. Tu in caelo cum pulcherrimus esses, secundum à Deo locum teneres, in Conditorem ipsum audaculus insurrexisti: eoque non concedente, parem illi sedem tenere te posse putasti. Ab quo te tua duxit superbia: recede seculi vitium, mundi flagitium, discordia caelestium, brutorum tene corpora, quorum vocem, vitamque imitaris. Ac simul cum verbo cessavere strepitus, & expiata domus, atque habitata inconditis manes postea non sensit.

Interea revocato in Graeciam Narsete, solus Bellisarius rem Italiam administrat. Victigitem Ravennae obsidet, ac fame ad deditionem compulsum, A. C. Constantinopolim ingentibus cum thesauris duxit. 541. C Caeterum Gothi viribus & laborum munitione in Circumpadanis plurimum pollebant: siquidem ii, qui Derthonae commorabantur, oppidum in propinquo condiderant, cui Castronovo nomen fuit; duratque in praesens opulentia clarum, in quo non temporaria, ut alibi, sed perpetua stativa, ut in Epistolis auctor est Cassiodorus, habuere, ne alioquin per hyberna divisi, ubi hostis irruisset, dum congregarentur, vel moram rebus afferrent, vel carptim opprimerentur. Et Ticinum, quae civitas videtur per haec tempora Papiæ nomine celebrari coepisse, obtinebant. Hi digressi Italia Bellisario, arma sub Rege Idovado resumunt, & iusto exercitu contracto, nutantibus populis, non dubitarunt acie dimicare adversus Vitalem, qui Justiniani copiis praerat: victor Idovadus Gothos ad regnum denuo parandum erexit.

Eo casu summa rerum defertur Totilæ illius ex fratre nepoti: qui tunc forte Tarvisii imperabat; ubi & natus, educatusque Blondus affirmat. Hic Rex appellatus confestim Papiam concessit, atque A. C. 542. universa regione ad obsequium redacta, id copiarum comparavit, ut Italiam fere omnem non sine multorum populorum pernicie pervagaretur; A. C. 547. Romanque per summam rerum inopiam devicerit: Nec potuit Bellisarius cum novo exercitu & classe ornatissima reversus illum obsidione submovere. Eodem mox Constantinopolim reverso Narsetem Justinianus denuo rebus Italicis praefecit. Quem cum pecunia venientem sequuntur Heruli, Hunni, Longobardi, Gepidae, Persae. Cum quibus A. C. adversus Gothos congressus, eos acie vicit, Totilasque cecidit. 553.

In regnum sufficitur Thejas, qui cumulatam Papiæ aurum atque argentum in renovando bello, viribusque colligendis effundit: cum Francorum Rege Theodeberto foedus init: mox in Campania cum Narsete congregitur, ubi fortiter dimicans interficitur. Tunc debellati in totum fuere Gothi, & qui cladi superfuere, per Legatos impetrarunt, ut sine injuria excedere Italia liceret. Id quod factum esse auctores scribunt anno quingentesimo quinquagesimo sexto à Christiana dinumeratione. A. C. 559.

Caeterum Justinianus, sicut bello & armis Barbaricam Tyrannidem toto orbe excgit, ac pene pristinam ad dignitatem Imperium restituit, ita, quibus

quibus in pace viverent populi, ex infinita librorum copia leges civili vitae commodas eligi, in unumque corpus contrahi iussit: quas quinquaginta libris distinctas *Pandectas* antiquo vocabulo appellavit: atque hic quidem Jurisprudentium responsa habentur. Nam altero volumine Principum rescripta; & alio Constitutiones, quas ipse novas condebat, inclusit. Archetypa Pande-

ctarum, nescio qua tempestate delata in Italiam; diu Pisis servata sunt: inde Florentini in Curiam suam transtulerunt, & instar rei sacrae accensis funalibus, in thesauro ostendunt: scripta sunt majusculis litterarum characteribus sine intervallo dictionum, ac item sine notis, quibus interdum in breve spatium longius verbum coarctamus.

TRISTANI CALCHI,

MEDIOLANENSIS HISTORIOGRAPHI,

HISTORIAE PATRIAE

LIBER IV.

EPI TOM E.

Narses Gothico Regno in Italia conciso, Longobardicum non multo mitius excitat: calumniam apud Imperatorem passus, & Occidentis praefectura contumeliose abire ad lanificium iussus, Longobardorum in Pannonia Regem Alboinum ad paratissimum Italiae Regnum invitat. Hic cum infinita suorum, ac Saxonum liberos etiam ac conjuges post se trahentium, multitudinem ab Julii Alpibus in Venetas urbes detonat: Tarvisum, Veronam, Vicentiam, aliasque praeter Patavium & Mantuam, primo impetu subigit. Mediolanum per Honoratum Archiepiscopum in deditiorem acceptum perfide patitur diripi. Papiam quadriennio obsessam tandem obtinet: per qua tempora Mediolani Fronto Honorato vita functo Episcopatum pecunia male quassatum, nibilo sanctius administrat. Longinus ab Imperatore, qui Narsesi succederet, missus regia potestate quidem, a qua provocatio non daretur; nova tamen appellatione Exarchae, Ravennae sedet: unde ipse, ac ceteri postea Exarchae Urbem cum aliqua Italiae parte in Imperatoris fide ac potestate habuere, Longobardo in reliqua late dominante. Alboino per Peredeum a Rosimunda ejus conjuge pudoris usura conductum, quod eam paterno in cranio bibere coegerat, sublato, Clephonem Proceres subrogant: eoque mox ob sevitiam interempto, Aloin Mediolanum, alii alias Italiae urbes nomine Ducis, libertatemque vindicant. Hac reipublica forma sine religione ac legibus Italiam in frustra disceptam decennium vexant: & ex Gallia multa caede patrata, praedas agent ingentes. Deinde rursus Regem creant Anterim, & Caesarum amulatione Flavii praenomen adjiciunt ad posteros Reges transiturum. Hic Brixellum, cujus Dux Droctulphus ad Exarchum defecerat, moribus exiit: Francilionem Como pulsum in Insula Larii deditiione captum ad Exarchum ire permittit, ejus gaza retenta: Childebertum Francorum Regem a Mauritio Imperatore in se concitatum sibi conciliat: & vicissim Eoin Tridenti Ducem in Mauritium exstimulat, a quo Istria incendiis ac rapinis male mulstatur: Theodolindam Bavavorum Ducis filiam in matrimonium per legatos petitam ipse mentita legati persona invisit, reversusque in Italiam, Theodolinda non multo post subsequuta, nuptias Sardis magno Procerum conventu celebrat: Childeberto iterum in Italiam movente cohibito, & Italia ad fretum usque Siculum victoriis peragrata, Papiæ veneno exstinguitur. Theodolinda, Proceribus acceptantibus in Regem quem ipsa conjugem deligeret, Agilulphum Taurinorum Ducem in Regnum asserit: qui Mediolani ferrea corona, qua hodieque Modestia visitur, accepta, eundem ut morem posterius

Reges ac Caesares eodem delati usurparent, effecit: Christianam religionem amplectitur imitantibus multis: S. Columbano Bobium cum latifundiis ad amplissimi cenobii proventus largitur: Patritio Exarcho propinquas urbi civitates armis vindicante, Mauritionem Ducem ad Romanos transfugam Perusia opprimit: ne ad urbem signa moveat Gregorius Magnus Theodolinda precibus impetrat: pacem cum Hunnorum, Francorumque Regibus, & Exarcha Patritio init: quam quia Patritii successor Gallicinus violat, filia ac genero Ravennam abductis, eam injuriam Agilulphus ulciscitur multarum urbium vastitate; quousque Smaragdus Gallicino suffectus, filia generoque restitutis pacem impetrat, foedusque cum Phoca Imperatore sancitur: Adalnuadum adhuc impubere ad regni societatem admittit; quem, Agilulpho & Theodolinda e vita digressis, Proceres, cum mentis impotem, regno amoveant, Arioaldo promoti. Hunc sequutus est Rotharicus magnum Arianorum columen: quippe binos in quamlibet diocesim Episcopos Catholicum & Arianum induxit: in hoc profecto justitia prodigus, cui alioqui Longobardorum legibus scriptis consuluit: Theodorum Calliopam Exarchum ad Pannorum debellat: Liguriaque in ditionem redacta, ampliore in Regno Rodualdum filium relinquit. Hujus conjux Gondiperga, Theodolinda matris exemplo, Papiæ S. Joanni Baptista templum ponit: adulterii insinuatam minister, singulari certamine cum calumniatore, qui in eo cecidit, suscepto, ejus criminis suspitione liberat: a quo dum non temperat Rex occiditur. Regnum excipit Aripertus basilica Salvatoris Papiensis auctor. Subinde Gondipertus, & Pertericus fratres. Sed Grimoaldus Dux Beneventanus ad illorum controversias componendas accersitus, illo occiso, hoc fuga ad Hunnos dilapsa, Regnum induit, illorum sorore in ejus ac fori societatem admissa: cujus mox precibus Pertericus gratiae ac patriae restituitur; sed eum populi favor in suspitionem & insidias Regis rursus adducit, quas vix singulari servi fide & industria declinat. Grimoaldus Gallorum exercitum prope Aftas delet: Constanti Imp. Heraclii nepoti cum exercitu occurrit, eumque Romanam includit. Lupum Foro-Juliensem Ducem, quem ad bellum proficiscens Insubria praefecerat, Regem perfide gerentem per Cachanum ulciscitur, Vesteri Vicentino Foro Julii praefecto. Forum populi & Opitergiam funditus vastat; sacerdotibus etiam pro victimis ad aras mactatis. Fato illi imminente, Pertericus ejus adhuc iram in Britanniam fugiens incognita originis voce Mediolanum revocatur: & in itinere obvius habet nuncios regnum deferentes: quo resumpto, Albaim Tridenti Ducem in spem Regni se erigentem comprimit, & pluribus basilicis Salvatoris, S. Mariae ad Per-

Perticas, & S. Agatha Papiae excitis, Chuniperto filio regnum moriens legat. Intercipit Albais sane ingrate; quippe ejus olim gratia à Perterico victore bene acceptus, Brixiaeque administratione donatus: sed ejus crudelitatem detestantibus Proceribus, Chunipertus restituitur, Albais prope Abduam profligato. Is Rodoldum Foro Julii Ducem fovet, victo & excoecato Antifrido ejus adversario. Vinilindam sororem Grimoaldo Beneventano Duci in matrimonium collocat: denique Luitpertum filium moriens regni relinquit heredem: sed is à Ragimberto semel acie victus regno, iterumque ab Ariperto ejus filio ac successore vita spoliatur. Idem Aripertus securitati consulens arcem in Insula Larii munitam tutum rebellantibus asylum demolitur: Asprandi filium Sigiprandum, à quo timeri aliquid poterat, excoecat; Luitprandum vero, quod stolidioris mentis vulgo crederetur, vivere patitur: Cottias Alpes Romana Ecclesia restituit: quo fere tempore Papiensis Episcopus de potestate Mediolanensis Archiepiscopi Pontificis sententia eximitur. Asprandus Aripertum regno ac vita exuit; acie victum in fuga Ticinus absorbit: illo vix tribus mensibus superstiti, Luitprandus filius regnat. Qui cum Carolo I. amicitiam inivit adeo, ut Carolus filium adhuc impubem Pipinum nomine cis Alpes ad ipsum miserit, ut capillo illi solemni more detonso, religiosum quiddam (ut habebat illorum temporum opinio) necessitudinis accederet: S. Augustini corpus ex Sardinia Papiam deportandum curat eodem tempore, quo Saraceni primo Gallias tentant, ac repelluntur: eisdem majori conatu irrumpentibus, urbesque aliquas obtinentibus, auxilia ad Carolum mittit, quibus adventantibus Saraceni discedunt. Carolo emigrante, superstiti fuere duo filii Pipinus & Carlomanus, qui post quadriennium monastica vita delectatus, integra omnia Pipino fecit. Ceterum Luitprandus anno 725. bellum adversus Romanos & Exarchum aggressus, multos annos pugnavit vario eventu. Ravennam obsidione obtinuit, direptionique permisit; quam Exarchus Venetorum auxilio recuperat: hoc tamen, vel potius Aistulpho regnante, finem accepit Exarchatus, & Orientis in Italia Imperium. Hildebrandum filium post se Regem designaverat, vivensque regni consortem fecerat: Proceribus tamen ob triste augurium repudiantibus Ratckisum habet successorem. Hoc vero se abdicante, regnat Aistulphus, qui Ravennam aliasque Exarchatus urbes non paucas ferro, flammisque populat: Romam quoque ac Pontificem Stephanum II. vexat usque adeo, ut in Galliam ad Pipinum rogatum auxilia concedat. Ergo Pipinus Rex Galliae paulo ante appellatus, in Italiam movet: & Aistulphum acie victum, Ticinique obsessum spondere cogit, Romano se Pontifici satisfacturum. Sed Aistulphus fidem non praestat: iterum igitur à Pipino Papiae obsessus praestitutum spondet, & moritur. Regnum excipit Desiderius, cuius filiam Carolus II. Pipino suffectus uxorem ducit, & mox repudiat; & Desiderium ipsum, quod Pontificem opprimeret, exercitu in Italiam traducto, Ticini captum cum suis omnibus in Gallias deportat: Regnumque Longobardorum in Gallicum Imperium conce-
dit; relicta non modica vulgaris lingua corruptela.



ost sublatum ex Italia Gothicum Regnum, Narfes ad reformandum rerum statum conversus, multa humane liberaliterque agendo, populorum gratiam quaesivit: redieruntque Galliae ad obsequium, quibus duos Patritios Romanos praefecit; Ulteriori

Amatum, Citeriori & Mediolano Francionem: quorum fide & diligentia quietas diu res habuit. Verum ex aemulorum invidia infimulatus variis

A apud Justinianum calumniis, cum ignominia, contumeliaque revocatur, ceu semivir ad pensa, la-
nasque tractandas. Qua injuria laceratus haud ita
facile superbiae inimicorum & Principis ingrati-
tudi cedere decrevit; sed rescribens, se talem or-
diturum telam, qualem adversarii retexere nesci-
rent, nova consilia, resque inexpectatas aggre-
ditur.

B Quibus peragendis peropportuna visa est virtus Longobardorum aliquot locis supra à nobis memo-
ratorum, qui militari gloria praestantes tunc late in Pannoniis regnabant. Ejus gentis origo, pro-
pter varias de ea sparsas fabulas, hoc loco à no-
bis quaerenda est, ac totius erroris fons & auctor Paulus historiae scriptor, & ut audio, ex eorun-
dem stirpe progenitus, coarguendus est, qui pro-
fectos tradit ex Scandinavia, quae insula maxima est in Godano sinu Septentrionalis Oceani, sedibusque suis digressos, cum editae in colle urbi appro-
pinquarent, mulieres, quas secum trahebant, praemissile, revocato in frontem capillo ora tegan-
tes: quibus procul visis, cum speciem prolixioris barbae praerberent existentibus in arce, & Vinuli dicerentur; coepisse tunc ab ea velut longitudine barbae Longobardos appellari: quem secuta omnis fere posteritas ita est, ut Palmerius etiam & Blon-
C dus, & Platina, & Sabellicus, ac noster quoque Merula solitus alias gentibus & populis praeficas ap-
pellationes dare, eodem scopulo allisi sint: ac nonnullis, quibus etiam accedere Angelum Politia-
num miror, ea nominis interpretatio sic placuit, ut quasi novam dictionem commodius per a in pri-
ma syllaba Langobardos, quam per o scribi cen-
seant: propterea quod lang longum significet. Nec inficior, eo utique modo haberi in vetustissimis quibusque Pauli codicibus: mirum namque est, tot eruditissimos antiquitatum indagatores non ad-
vertisse, hos populos ab antiquioribus ipso Paulo auctoribus nominatos. Ptolemaeus in Geographia sic
D habet: *Habitant Germaniam, qua circa Rhenum est, à parte prima Septentrionali Bructeri parvi appellati, & Sicambri, Oqueni, Longobardi.* Et paulo infra: *Interiora atque mediterranea maxime tenent Suevi, Angli, qui magis Orientales sunt, quam Longobardi.* Et item paulo inferius: *Inter Cauchos minores & Suevos jacent Angrivarii; post Longobardi; sub quibus Dulgium non procul Trophæis Drusi.* Apud Cornelium quoque Tacitum bis leguntur: qui in Claudii Augusti rebus*, cum sermo esset de Italo Flavio Cheruscorum Germaniae populorum Rege: *Secunda, inquit, fortuna ad superbiam prolapsus, pulsusque ac rursus Longobardorum opibus refectus, per leta, per adversa, res Cheruscas afflictabat.* Et in libello de situ Germaniae†, naturam & mores eorum exprimit. Post Suevos & Senonas, quorum latissimi fines, & innumeri populi erant: *Contra, inquit, Longobardos paucitas nobilitat; quod plurimis & valentissimis nationibus cincti, non per obsequium, sed praeliis & periclitando tuti sunt.* Ex quibus, procul dubio, omnis illa Pauli traditio, qui nihil supra memoriam suam sapit, corrui: cum etiam mediae Germaniae indigenas fuisse appareat.

F Huic genti per haec tempora imperabat Alboinus, quem Narfes, non jam, ut saepe antea, ad pericula, certaminaque vitae, sed ad tutam, paratamque Italiam, cujus portae sua in manu essent, possessionem vocat. Veniret, liberosque & conjuges cum viris adduceret, quo firmiores sibi sedes futuras arbitraretur. Venientem Alboinum non solum omne fere Longobardorum genus, sed viginti etiam millia Saxonum cum uxoribus & liberis secuta sunt. Anno post natum Christum quingentesimo & sexagesimo octavo per Carnos transiens Al-

* Annal. lib. xi. cap. xvii.

† Seu de Moribus Germ. cap. xl.

boinus, Ghisulphum nepotem in Foro Julio Ducem constituit. Inde Tarvisum, Veronam, Vicentiamque, & reliquas Venetiae urbes praeter Patavium & Mantuam capit. Tercio anno in Insubres profectus, intra urbem Mediolanum suasu Honorati Archiepiscopi recipitur, quam mox contra promissa diripi a Barbaris permisit. Cujus rei indignitate permotus Honoratus, exulatum Genuam abiit. Dein Papiam Alboinus aggreditur. Munita fuisse magnis opibus civitas videri potest, quae in quartum annum obsidionem protulerit: demum comiteatu & spe auxilii destituta deditionem fecit. Defuncto interea Honorato, Fronto primus Ecclesiasticorum morum corruptor, pecunia & largitione quaesivisse Episcopalem sedem traditur; ac subinde cum Ecclesiam spoliaret, calicem sustulit, olim munere Theodosii Caesaris & Ambrosii opera sacratum: exstat in eum Epigramma felix plenum: sed quod per flagitium adeptus est, condigno exitu, vix decennio exacto, reliquit, hiatu terrae, igneque flamma abreptus.

A. C. Interim Nares Romae * moritur, & Longinus illi successor a Constantinopolitano Imperatore destitutus novum in Italiam magisterii nomen advexit, Exarchus vulgo dictus. Id nomen sonat, a Principe, quasi videlicet procurator a Principe, id est, Caesare missus. Graeca omnino dictio est, & ab Atheniensibus profectam Merula opinatur, auctore Julio Polluce; quod idem Exarchus apud eos fuerit, qui Romae Dictator. Sed & Trebellius Pollio Galienum Archontem Athenis, id est, summum Magistratum fuisse scribit: & Demosthenes pro Ctesiphonte Aeschinem appellat Exarchum vilissimorum in sacrificiis ministrorum. Obibat autem in Italia Exarchus ea omnia, quae Regiae vicis sunt: nec ab eo provocatio erat. Sedem Ravennae diutius habuit, cum caetera Italia Longobardorum armis teneretur.

A. C. Caeterum Alboinus, antequam in Italiam descendere, cum Gepidis bellum magnum & periculosum gesserat; atque in praelio eorum Regem Chunimundum occiderat; de cuius cranio fecit pateram laminis aureis ornatam, quam caeteri Reges in pretio habuerunt. Nam & Paulus historiae scriptor illam se vidisse refert in manibus Ratchisii Principis. Alboinus ex eadem victoria inter captivas excellenti forma virginem repertam Rosimundam Chunimundi filiam uxorem accepit, ac sociam omnis fortunae, gloriaeque habuit. Novissime agens Veronae, ludis, & subinde largioribus epulis, operam dabat: atque inter caetera coegit Rosimundam bibere de poculo, quod ex patris capite factum fuerat. Infensa dehinc viro mulier, consilia cum Helmigi de eo occidendo init: quod & perpetravit, ministro Peredeo adultero. Sed cum mox ipsa Regnum tenere non posset, Ravennam confugit, ad opes Longini Exarchi, apud quem pudicitiae primo honore posito, cum insuper minime pro expectatione haberetur, diutius ludibrium de se captum non tulit: haustoque veneno interiit.

A. C. Interea Longobardi apud Ticinum congregati, Regem sibi creant Clephim; quidam Daphonem appellant; alii Cleb †: sed hunc nimia crudelitate in subditos saevientem secundo anno Proceres interficiunt; & sese in libertatem vindicantes, ubi quisque vel opibus, vel dignitate pollebant, Tyrannidem corripere; ac se Duces urbium, quas incolebant, vocare: ut Aloin Mediolani, a quo forte vicus ejus domicilio media urbe nobilitatus, curiae Ducis apud posteros nomen tenuit: & Zaban Ticini; Wallaris Bergomi; Alahis Brixiae; Eoin Tridenti, cui Gon-

* Gordonus in Sicilia mortuum scribit anno 566.

† Alii Clephonem.

A] doaldus Rex Bavarorum (ita jam tunc pars Germaniae vocari coeperat) filiam matrimonio spondere non dubitavit: alii quoque alibi sedes occupaverunt. Triginta hi omnino fuere, qui per decem annos Italiam sic lacerare, nullis legibus, nulla religione servata, ac si hostibus concessa praedae omnia fuissent. Atque interim superatis Alpibus Galliam invadunt: multisque Burgundionum milibus interfectis, Amatoque Patricio fugato, ingentes opes in Italiam reportaverunt.

Tunc Antherim * Clephi, seu Daphonis filium Regem creant. Cujus titulo ornando praenomen, quo complures olim Caesares usi sunt, imponunt Flavium, quod & reliqui deinde Reges usurpaverunt. Tenebant adhuc ceu quasdam Constantinopolitani nominis reliquias Sisinnius Segusium, & Francilio Taurinos, Eporediam, & Comum; nec non Droctulphus Dux Brixillum †: qui gente Suevus, longe opes inter Longobardos auxerat: & nunc Regi rebellis, quoscunque poterat milites, in arma contrahebat; nec parum fidebat munitionibus oppidi, quod firmissimis tunc muris cinctum fuisse lego. Sed Antheris missio exercitu illum expulit, & oppidum in potestatem redactum moenibus denudat. Droctulphus ad Smaragdum Patricium tunc Exarchum profectus, bellum illi suadere conatus est. Sed Antheris conditionibus & pecunia id avertit. Ita exul Droctulphus Ravennae moritur. Ejus sepulchro duo & viginti versus inscripti sunt, quos & Paulus Operi suo inseruit.

Hortatu deinde Mauriti, qui Constantinopoli imperabat, varie bello petiti fuere Longobardi a Childeberto Francorum Rege; sed & ab ea molestia brevi se liberarunt; nunc fortiter pugnando; interdum pacis condiciones & spem nuptiarum circummittendo. Subinde Francionem Como pelunt, qui se in insula Larii, quam firmissima arce muniverat, inclusit. Sed cum caetera omnia Regi parerent, nec longam obsidionem loci exiguitas pateretur, in potestatem hostium cum uxore venit, & clementius acceptus Ravennam abire permittitur. Antheris eo congestos thesauros sustulit. Tum ulturus Graecorum injurias, dato negotio Eoin Tridentinorum Duci, bellum Istris movet; illorumque fines variis rapinis atque incendiis vastati fuere.

Interea Rex Antheris spe Gallici connubii frustratus, mittit ad Garibaldum Bavarorum Ducem, qui matrimonio sibi deposcerent ejus filiam Theudelindam †. Mirifice eam laudari ex forma pariter & moribus acceperat. Igitur cum caetera jam ita convenissent, ut prope ad virum traducenda esset virgo, avidus eam conspiciendi vir, mutato habitu Alpes transivit. Tum salutato Garibaldo, simulans se oratorem sponsi esse ad visendam sponsae effigiem missum, & cujus unius verbo ac judicio staturus Antheris foret, admitti se intra penates petiit. Ibi non solum vidit egregia specie foeminam; sed etiam ex eodem poculo bibit: nec temperavit incallescens amore vir, quin digitum ejus arctius comprimeret, ac manu leviter vultum attrectaret: quae animadvertens nutrix, virum ipsum esse, & neminem alium talia ausurum, dixit. Inde eo in Italiam sic, ut ierat, reverso, traducitur Theudelinda. Magnifico apparatu celebratae nuptiae sunt Sardis Veronensium vico. Convenerant, ut moris est, multi Proceres; inter quos haud in postremis habitus Agilulphus Taurinatus Dux: cui familiaris aruspex ex tonitru & fulgure, quo tunc forte caelum perturbatum erat, captato augurio, praedixit, hanc, quae modo Antheris esset, aliquando ipsius conjugem futuram.

* Sigonius Antherim nominat.

† Alii Brixillum.

† Alii Theodolindam.

Dum hæc aguntur, missus à Childeberto ad Mauritianum Grippus Legatus fœdera conciliaverat; quorum summa erat, ut quam maximis uterque viribus Italiam invaderent, & Regno Longobardum pellerent. Quibus cognitis, Childebertus exercitum cis Alpes mittit: cuius terrores Mediolanum usque pervenire. Sed cum nusquam postea ulla Græca manus apparet, & propterea Gallinceptum bellum proficui non possent, multis suorum amissis, domum redierunt. Eo metu liberatus Antheris, omnem pervadit Italiam; penetravitque usque ad fretum Siculum. Unde reversus Papie Nonis Septemb. moritur, veneno, ut creditur, interceptus.

Mox, cum de creando Rege ageretur, Proceres convenerunt, ut is Princeps haberetur, quem sibi virum Theudelinda delegisset. Illa non minus quæ in publicam, quam quæ in privatam conferrent utilitatem pensatis, Agilulphum in Taurinis dominantem virum impigerrimum, & vigore ætatis, tum forma juxta conspicuum maritum sibi, & Longobardis Regem, nominavit. Gaumelli oppido inter Ticinum fluvium & urbem Novariam actæ nuptiæ sunt, mense Novembri. Proximo Majo coronam Mediolani, & reliqua Regum insignia, Flaviusque prænomen accepit: & hinc fortasse consuetudo inolevit, ut is demum legitime in Longobardos regnare credatur, cui Theudelindæ diadema imponatur, & simulacrum veteris Imperii accipiat in eo loco, ubi Regia sedes diutius manserit: nam & cæteri postea Reges ac Cæsares ipsi, simulac Mediolanum venire, inter præcipua & solemnia ornamenta id accipiebant. Est autem circulus ferreus, quem corona aurea gemmis, margaritisque ornata extrinsecus circumducta completur. Intus ferrum apparet, à quo & nomen tenet. Servatur ea in oppido Moguntiaco medio inter Mediolanum & Abduam fluvium: Modæciam vulgus appellat; quæ tamen dictio à Paulo usurpatur. Nos vero innitimur Inscriptione saxi, vetustissimis litteris ad hunc modum ibidem insculpti:

C. SERTORIUS. L. F. OV. VETERANVS LEG. XVI. CVRATOR. CIVIVM. OMN. OR. MOGVNTIACI.

Opulentum oppidum est, & Lambro amne aluitur. Hic Theudelinda pulcherrimum templum in honorem D. Joannis Baptistæ extruxit, ac thesauris ornavit, quorum adhuc magna pars visitur.

Declaratus Rex Longobardorum Agilulphus, primum omnium pacem à Gallis quæsit, & impetravit. Tum Minulphum Ducem Insulæ Divo Julio sacræ, cui de proximo Novariensis agri oppido nomen est Hortæ, quod cum Gallis sensisset, fustulit. Gaidulphum Bergomensem circa Larium latibula quærentem ad deditionem compulit, ac mox libertate donavit. Vulpharus item in Tarvisanis rebellans captus est. Interim sanctitate morum & prudentia conjugis mitior factus Agilulphus, ad Religionem Christianam convertitur, aureamque Apollinis, ut ferunt, imaginem consilendam in calices & alia sacris nostris apta vasa concessit. Quo exemplo moti cæteri, qui adhuc falsos Deos colebant, iis derelictis, ad eandem professionem transiverunt.

Per quæ tempora Mediolanum venit Columbanus, vir integritate vitæ & severiori Religionis cultu venerandus. Gothum genere Merula opinatur. Sed Reginon Abbas ex Hybernica Insula profectum scribit: alii ex Scotia, quæ Britannicæ Insulæ pars est Septentrionem spectans: qui Burgundionum finibus expulsus à Brunichilde Regina, benigne à civibus acceptus, locum condendo cœnobio quæsit. Concessit ei Flavius Agilulphus humilem tunc vicum Petri & Pauli sacello notum,

A cui Bobio nomen erat. Is supra Placentiam xxx. millibus passuum ad corrivantes in unum alveum Trebiæ fontes, in profunda valle, modica planicie adjecta, quam altissima Apennini montis juga in morem Amphitheatrici circumdant, situs est. Id omne spatium, quod ab infimo alveo quaquaversum quinque amplius passuum millibus patet, dono Agilulphi, cujus archetypum diploma vidimus, Columbanus accepit, initiumque cœnobio dedit; quod sectatoribus auctum, & Regum liberalitate ditatum, in immensum opibus crevit. Nam & ducentos una confraternitate Monachos in eo vixisse accepimus; & non solum agros & oppida in finitimis regionibus obtinuit; sed etiam prætores juri dicundo Gardam & Pischeriam ad lacum Benacum jacentia Abbas & Comes Sancti Columbani Bobii mittebat.

B Qua in parte, ut rerum ipsarum ignorantiam, valetudinis infortunio, Merulæ condonemus, (nam ego in rem præsentem profectus, omnia abunde cognovi) certe prudentiam in eo desidero, qui opinatur, locum ipsum à conditore Columbanum primo dictum; deinde cum in civitatem traductum fuit, id est, cum ei Episcopalis dignitas delata est, quod multis post seculis, ut ostendimus, contigit, Bobii nomen accepisse: quod manifeste falsum, & pariter nativam loci dictionem Bobium esse, hæc ipsa, quæ inde petivimus, archetypa monumenta declarant. Sed & inter Alpes Cottias sitam hanc urbem existimavit, ex eorum scilicet traditione, qui Alpes Cottias in Liguribus, & Apennino ipso positas putant; qui communis pene omnium recentiorum error est: nam Plinius & Ptolemæus ad limites Germaniæ juxta Helvetios non procul à Rheni, Rhodanique fontibus locant. Strabo vero finitimas Vocontis; & alteram ex duabus viis, quæ ex Gallia Narbonensi in Italiam ducunt, haberi per vicos Epeprodunum, Brigantium, Cingomagum, & Ocellum, ubi terræ Cottii finis sit. Quod etiam nostri temporis locorum peritis, propter nominum similitudinem, quæ in præfenti durat, summopere placet. Cornelius Tacitus tradit, Vitellium ex Inferiori Germania redeuntem jussisse Fabio Valenti, ut Gallias allicere tentaret, & si abnuerent, vastaret; tum Cottianis Alpibus in Italiam irrumperet. His vero duodecim urbes attributas fuisse idem Plinius meminit. Sed mihi ipse demum satisfacere, si, quæ Ammianus Marcellinus de iis tradit*, subijciam: *Alpes, inquit, Cottias Rex Cottius, perdomitis Galliis solus in angustiis latens, inviaque locorum asperitate confusus, lenito tandem timore in amicitiam Octaviani Principis receptus, molibus magnis extruxit, compendiaris & viatoribus opportunas, medias inter alias Alpes vetustas. In his Alpibus Cottis, quarum initium est à Segusione oppido, præcelsum erigitur jugum, nulli fere sine discrimine penetrabile: est enim à Galliis venientibus prona humilitate devexum, pendentium saxorum altrinsecus visu terribile, præsertim verno tempore; cum liquente gelu, nivibusque solutis calidiore flatu ventorum, per disruptas undique angustias, & lacunas pruinarum congerie salebrosas, descendentes cunctantibus plantis homines, & jumenta procidunt, & carpenta. A summitate autem hujus Italici clivi, planities usque ad stationem nomine Martis per septem extenditur milliaria: & hinc alia celsitudo erectior, ægreque superabilis, ad Matronæ porrigitur verticem: cujus vocabulum casus femina nobilis dedit: unde declive quidem iter, sed expeditius, adusque castellum Virgantium patet. Hujus sepulchrum Reguli. Segusione est moribus proximum.* Hæc Ammianus. Cæterum archetyporum fides à me citata sublevat ab opere confutandi longiori oratione scripta Pauli Longobardi, qui Columbanum longe ab hoc loco refert sub A-

* Lib. xv. cap. x.

rioaldo. Blondus quoque parum docte hanc partem tractavit: qui & fabricatum cœnobium impensa Adavaldi Theulindæ filii, & Abbatem non Columbanum, sed Gallum, scripsit.

Interea Patricius Exarchus Romanæ cum exercitu petens, Perusiam, Sutrium, Tudertum, aliaque ejus regionis oppida à Longobardis occupata recepit. Agilulphus, qui tunc Ticini agebat, graviores tumultus ratus esse, quam qui per legatos comprimere posset, præmissis copiis in Hetruriam contendit: Mauritionem Longobardum Ducem, qui ad Romanos defecerat, Perusiæ obsedit, atque captum occidit. Effervescente dehinc gravius bello, Gregorius Pontifex Romanus, comparata prius

A. C. 599. Theudelindæ Reginae gratia, & studio, preces de pace interposuit, & quietem urbi, civibusque impetravit. Agilulphus Ticinum revertitur. Exstant epistolæ Gregorii ad Regem, Reginaeque gratias concessæ pacis agentis. Eidem Reginae suos *Dialogorum* libros idem Pontifex donasse fertur: in quibus multa de moribus & gestis Longobardorum, si quis nosse cupiat, exponuntur.

Incunte dehinc Januario mense, stella cometes per totum cum mensem in ortu, occasuque solis visa est; adductique tunc fuere bubali & caballi sylvestres, insolita Italici animalia. Venere item Mediolanum Legati Cachani¹ Hunnorum Regis; quibus pacem petentibus Agilulphus concessit: idemque factitatum cum Gallicino² Exarcho Patricii successore, & Theodorico filio Childeberti Francorum Regis, & Brunichildis. Post hæc rebellantes Zangrulum Veronensem, & Gaidulphum Bergomenses Duces, & Vernacutum in potestatem redegit, & Ticini ultimo supplicio affecit. Tum mortuo Zothone Beneventanorum Duce Arichis Ghisulphi Foro-Juliani Ducis consanguineis, & filiorum ejus educator, jubente Agilulpho Rege, subrogatur. Ad hunc exstant Gregorii Pontificis epistolæ petentis ex finitima sylva trabes in instaurationem Romanæ ædis, quæ Principibus Apostolis Petro & Paulo dicata extruebatur. Gallicinus Exarchus, missus in agrum Parmensem exercitu, interceptit filiam Agilulphi cum viro ejus Gudeschalcho, quos & Ravennam adduxit. Cujus rei indignitate exacerbatus Agilulphus, Patavium, quæ civitas nullum adhuc Longobardorum Imperium senserat, obsedit; captam diripuit, atque incendit. Inde in Histrorum fines pervenit, ac obvia quæque ferro, ignique vastavit. Tum acceptis à Cachano auxiliariis copiis Cremonam invadit, captamque & spoliatam solo æquavit. Mox Mantuam quoque expugnat. Qui Brixellum tenebant, vicinarum urbium clade perterriti, fuga locum incendio prius vastatum deferuerunt. Tot populorum damnis motus Smaragdus, qui ejecto Gallicino ad Exarchatum redierat, pacem petit, eamque restitutis filia, genero, cæterisque captivis, impetravit.

A. C. 601. Peperit inter hæc Theudelinda filium marem in oppido Moguntiaci, quem Secundus Tridentinorum Episcopus Paschali die baptismate lustrans, Flavium Adavaldum[†] appellavit. Eundem mox, quamvis adhuc impuberem, in Circo Mediolani spectantibus Legatis Theodeberti Francorum Regis, cum quibus perpetuam pacem firmaverat, Agilulphus consortem Regni fecit, & ornamentis regni insignivit, filiaque Theodeberti ejus matrimonio desponsata est. Cum Smaragdo Exarcho bis pax renovata. Missus quoque est Constantinopolim Stabiltianus, qui fœdus & amicitiam cum Phoca Imperatore junxit: à quo Legati cum muneribus ad Agilulphum confirmandæ benevolentiae gratia missi sunt.

Per hæc tempora Ghisulphus, Foro-Julienfis Dux, bello à Cachano petitus atque acie devictus interfi-

¹ Alii Chaganum. ² Alii Calicinum.
[†] Alii Adavaldum, alii Adalwaldum.

A citur; prolesque ejus omnis paternis opibus pulsa est: nam Romilda ejus uxor cum octo liberis, & constanti in fide populo, cum potuisset vel bellum extrahere, vel periclitando Martem honeste fortunam experiri, corrupta spe Regiarum nuptiarum portas hosti aperuit: à quo statim urbs direpta, ac igni flammisque subiecta est, puberes omnes, & qui ferre arma possent, caesi: ipsi non alia, quam quæ impudicæ & proditrici debebatur, merces reposita est: nam Regi primò, dein ministris prostituta palo infigitur: quod novum tormenti genus tunc mortalibus visum est. Filii partim capti, alii alio dilapsi varia exilia petiere.

B Cæterum Theudelindæ frater Gundaldus sub Ducis titulo Principatum Astensium obtinebat: hic ictus sagitta ab incerto auctore missa interiit. Subsecutus mox est Agilulphus, cum quinque & viginti annos regnasset.

Sub idem tempus atrox & memoratidum facinus in Galliis accidit. Regnaverant diu solida concordia & paribus auspiciis Theodebertus & Theodericus fratres, Brunichildæ nepotes, quorum alterum pellice natum sæpius apud alterum criminando, ac proinde minus legitimum, qui æquam Regni portionem obtineret, dicendo, inexpressibile odium inter eos avia servit; ex quo ad arma, bellumque prorupere: in certamine captus Theodebertus cum duobus filiis necatur. Sed nec ita diu rerum potitus victor, ejusdem aviæ dolis veneno interceptus est, & pariter duo filii ejus interficiuntur: quorum morte destitutum Principibus Galliarum Regnum ad Clotarum deferitur, qui statim redactam in potestate Brunichildam, ut veneficam, & funestam mulierem caudis equorum alligavit, & lacerari in frusta jussit.

Cæterum Theudelinda impubis filii curam & tutelam suscepit, regnumque illi incolume servavit, quamdiu vixit: & vixisse decennium perhibetur. Defunctam autem anno à Christiana numeratione vigesimo octavo supra sexcentum¹, in pariete ædicolæ Moguntiacæ per vetustis litteris notatum est. Ea defuncta, filius Adavaldus, seu quod nondum per ætatem regni capax esset, seu quod, ut Paulus innuit, inops mentis à communi sensu declinaret, consensu Procerum ejicitur; & ejus loco Rex creatur Arioaldus². De cujus rebus, cum 12. regnaverit annos, Paulus fatetur se nihil legisse. Ergo ad Rotharim regni summa deferitur, qui in Arianam hæresim delapsus, universos in eandem Longobardos traducere conatus est: nam & instituit, ut bini diversa sentientes Episcopi in unaquaque civitate haberentur, nec ab ea sententia divelli unquam potuit Rex, alioquin fortis animi, & justitiæ cultor. Cum Ticini ageret, anno ætatis suæ xxx. ab adventu autem Longobardorum in Italiam septimo & septuagesimo, leges in scriptis redigi primus curavit: nam antea ex quodam usu & vulgari consuetudine Longobardi vixerant, & jura reddiderant. Eas autem breves & apertas proponi temporis & morum qualitas coegit: quæ à posteris acceptæ ad ætatem pervenire nostram. Idem Theodorum Calliopam Exarchum Heraclii, qui Phocæ successerat, apud Scultenam Mutinensium amnem, qui vulgo *Panarus* dicitur, debellavit. Deinde Ligures, gentem hætenus Longobardorum armis incognitam, à Luna Hetruscis finitima, usque ad Galliarum fines domuit.

F Interim Beneventanorum Dux Arichis, qui in regno vixit annos quinquaginta, moritur. Et cum unicum filium haberet Ajonem nomine, ob haustam Ravennæ olim medicatam potionem in insaniam actum, duos instituit hæredes Rodoaldum & Grimoaldum: qui Foro Julio extorres ad ejus opes confugerant, atque eorum altero intra quinquennium crepto, rei summa stetit penes Grimoaldum

¹ Bellarmino & Baronio An. 626. Gordono 624.
² Bellarm. 639. Baron. 638. Gord. 636.

per quinque & viginti annos. Rotharis autem, exactis regni sui sexdecim annis & quatuor mensibus, Moguntiae decessit, & in Theudelindae templo sepelitur.

A.C. 652. vel 653. vel 654. Successit Rodoaldus filius, qui brevi uxorem accepit Gundipergam Agilulphi & Theudelindae filiam; in qua maternae religionis, virtutisque specimen inesse videbatur: nec falsa fuit opinio; nam sicut illa Moguntiae, ita haec Papiæ Divo Joanni Baptistae aedem erexit. Adulterii interim insinuat apud virum; & dum quaestio agigaretur, Carellus minister vel periculo suo ostensurum se dixit, falso id ei crimen impingi; probaturumque, sanctum & castum dominæ suae corpus esse; ac inibi accusatorem in certamen provocat: cujus exitu proposita suspicio decidetur: pugnatur spectante Rege, nec multo labore prostratus criminator, ut mendacii convictus jugulatur; sicque discrimini Gundipergae consultum. Sed Rodoaldus, dum à vitio, cujus insinuari Reginam passus fuerat, ipse non temperat, à viro, cujus uxorem constupraverat, quinto Regni sui anno interficitur. Cui sufficitur Aripertus ex Gundaldo fratre Theudelindae nepos, qui novem * regnavit annos. Papiæ templum Salvatoris juxta portam Marencam construxit. Moriturus regnum duobus adolescentibus filiis ita divisit, ut alter Ticini, Mediolani alter imperaret: Gundiperto illi, huic nomen Perterico † fuit. Sed inter fratres nec pietas, nec gratia diu stetit. Discordiae inter eos impudenter nutritæ, utrique exitum attulerunt: nam ad eas tollendas accersitus Grimoaldus Beneventanus Dux, utrumque pariter regno circumvertit: nam Gundiperto Ticini oppresso, occisoque, Pertericus fuga elapsus, ad Cachanum Hunnorum Regem se contulit. Capta ejus uxor Rodolinda & Chunipertus filius Beneventum relegantur. Inventa quoque est soror: sed hanc quia ex Regia stirpe erat, uxorem Grimoaldus accepit. Ticini nuptiæ celebratæ. Cujus mox precibus restitutus gratiæ Pertericus, ex Hunnis & Avaribus revocatur. Reversum in patriam nimium frequens gratulantium numerus, & salutantis populi concursus suspectum eum Regi reddidit; ne quandoque studio amicorum ad res novas, affectandumque Imperium excitaretur. Itaque perdere eum Grimoaldus constituit: sed insidiæ non processerunt; has enim illi parari, ut animadvertit Unulphus servus, alii Unoldum vocant, statim ei culcitram imposuit, & instar vilis mancipii oneratum pugnis, contumeliisque exagitans, toto palatio expulit: inde beneficio noctis adjutum per funem è mœnibus dimisit: ille trajecto Ticino, Padoque, ad Astenses pervenit; ac inde, superatis Alpibus, in Gallias ad Dagobertum, qui Clotario successerat, evasit. Grimoaldus, cognita arte, qua sibi substractus is fuerat, non solum fidem & industriam servi admiratus est, sed digna præmia obtulit; si isto erga se animo morari in aula vellet; simul facultatem abeundi, eligendique quos optaret, fecit; si Pertericum sequi mallet, atque equos omnibus & viaticum abunde præbuit.

Post hæc invaserunt Italiam Galli, quibus mature, & priusquam agrum Astensem excederent, Grimoaldus occurrit: juxta vicum Rivulum castra posita. Grimoaldus comitatibus abundans, occasionem insidiarum hostibus faciendarum quaesivit, structisque affatim mensis, & cadis vini derelictis, fugam simulat. Galli vere aufugisse rati, irruunt in castra, vinoque & epulis implentur, stratique passim obdormiunt: per intempestam noctem reversus Grimoaldus cunctos pecudum more interfecit.

A Eo depulso terrore, alter è Græcia tumultus incubuit. Constantinus † Heraclii Athenis comparata classe Tarentum navigat. Inde Beneventum petit, & urbem obsidione circumdat, quam tuebatur A.C. 663. Romoaldus Grimoaldi filius. Cui excitus pater cum ferret opem, jamque per Hetruriam copiae iter facerent, Constantinus Grimoaldo inducias dedit; atque Romam profectus, æreas imagines & omnem fere priscorum ornatum sustulit; pariterque exercitum in Siciliam transportavit: & Syracusis sex annos moratus, demum à suis in balneo proditus interficitur.

B Cæterum Grimoaldus Ticino discedens, procuratorem Circumpadanarum rerum tradiderat Lupo Foro-Julienfium Duci, qui diutius abfuturum Regem, aut fortasse nunquam reversurum ratus, ita sese in exigendis tributis, ac dicendo jure gessit, ut omnino rationem reddere non posset. Quare redeuntem Grimoaldum non exspectavit, & Forum Julium aufugit: ubi dum res novas molitur, à Cachano Avarorum Rege rogatu Grimoaldi oppressus interficitur. Nihilominus ejus filiam Theodoratam jure matrimonii filio Romoaldo copulavit, simul Foro-Julienfibus rebus præfecit Væterim genere Vicentinum, qui Ticinum ad salutandum Regem cum venisset, audivit Dalmatas, seu Histros, in Provinciam suam irruptionem fecisse. Quocirca domum quam celerrime reversus, & contractis copiis eos ad Natifonem fluvium fudit, ac delevit.

Vertit deinde arma Grimoaldus adversus Forum populi: quam urbem observata solemnitate Sabbati ante diem Paschæ, quo quidquid infantium erat, una lustratione baptizari solebat, & propter religionis reverentiam quies esse debebat, improvisus tanto cum impetu irrupit, tantaque fuit militaris intemperantia in cædendis oppidanis, ut etiam Sacerdotes ad ipsa altaria trucidarentur: qua desolatione affecta nobilis Colonia, nunquam postea opes aut dignitatem recuperavit. Opitergium quoque pari clade subversum est, ac funditus dirutum, cujus ditio tribus finitimis civitatibus Foro Julio, Tarvisio, & Cenete divisa est.

Novissimis vitæ suæ temporibus Grimoaldus amicitiam & foedus cum Dagoberto Francorum Rege init: qua ex re suspicatus Pertericus, ne quid in perniciem suam duo Reges constituisent, Gallorum finibus & ditione excessit, profectusque in Morinos, trajicere in Insulam Britanniam destinaverat: cumque navem jam conscendisset, vocem humana augustiorem audivit, qua in terram revocabatur; atque in patriam quamprimum redire jubebatur; quoniam tertio jam die Grimoaldus decessisset. Ergo reportatus ad terram, cum neminem auspiciati verbi auctorem invenisset, se tamen omen accipere, & cælestium significationem secuturum dixit. Nec ita multo post cum ad Italiam A.C. 672. iter cepisset, veri nuncii cum litteris & illustres legationes occurrerunt, cum in patriam & in Regnum ipsum revocantes: sic deductus Ticinum, Garibaldum Grimoaldi filium ex sorore sua genitum domo exturbat, tertio mense, ex quo ille obierat; tum Legatio Beneventum missa, quæ Rodolindam conjugem, & Chunipertum filium reduceret. Procedente tempore templum Deo liberatori, & Divæ Agathæ condidit eo loci, quo per funem demissus, infesta patria infelicitate cesserat. Regina autem Mariæ matri aedem exstruxit, cui de viri nomine corruptum apud posteros vocabulum mansit ad Perticas.

Cæterum, cum jam octo regnasset annos, Chunipertum filium consortem regni fecit: decennio inde

† Alii Constantium: Theoph. Baronius, Bellarm. Gordonus Constantem.

* Bellarmino an. 2. Baronio 4. Gordonus autem 6.
† Alii Pertharicum.

elapso, diuturnam ejus tranquillitatem interruptit Tridentinorum Dux Alhais, qui superato Gravione, Bavariae Comite, tantum virium & nominis accessisse sibi putavit, ut vel Regi ipsi bellum inferre posse consideret: itaque Regem irritat, sed cum pernicie sua. Fuerat vero vetus ei consuetudo cum Chuniperto, cujus intercessione & precibus non solum venia donatus est, sed etiam Ducis titulo Brixiam gubernandam accepit. Moritur dehinc Pertericus Ticini, atque in Salvatoris aede sepelitur.

A. C. 689. Chunipertus successor declaratus, Hermelindam Saxonam uxorem ducit: sed, ut fere accidit, maximum acceptum beneficium Alhais maxima ingratitude rependit; nec dubitavit discrimine vitae liberatus in capitis, fortunarumque omnium periculum auctorem suum deducere: facta enim conspiratione cum Aldone & Graufone Brixienfibus fratribus, per opportunitatem absentiae Chuniperti, urbem Ticinum, regiamque sedem invasit: sic deceptus Chunipertus in insulam Larii se recepit, & quas potuit opes contraxit. Verum non diu potitus rerum Alhais tam avare, crudeliterque imperavit, ut nec amicis suis tolerabilis, quos in acquirendo regno amicos, fautoresque habuerat; iidem auctores, ministrique ejus intervertendi fuerint; hi enim clam cum Chuniperto pacti salutem & gratiam, quam in pellendo eo praestiterant, eandem in restituendo operam pollicentur: hortantesque ne sibi ipse deficeret, ostendunt, Tyrannum crudelissimum odio omnibus esse. Ita re composita, & tempore observato, quo longius in venationem Alhais processerat, Papiam irrum-punt, & Palatium occupant. Frequens populus laetus & gratulabundus accurrit; avare, crudeliterque ab antecessore gesta detestatur, & abroganda censet: invisum est omnibus hominis nomen. Alhais fraudis sibi impositae nuncio accepto in Placentinos festinat; inde ad Venetiae civitates abiit: ex Foro Julio, Histriaque, & Dalmatia non spernendas copias contraxit, cum quibus ad Insubres contendens, obvium circa Abduae ripas Chunipertum habuit. Accensi utrinque in alterum animi erant; illis arte sua ereptas sibi opes, proditumque regnum indignantibus; his vero, ne denuo in saevi Tyranni manus devenirent, enitentibus: nec mora, in aciem descendunt, collatisque signis dimicatur: cruenta undique editur pugna: demum cessare loco Foro-Juliani, & denudatus ab eo latere Alhais vulneratur, atque irruentium impetu obruitur. Patratae nobilis victoriae locum Chunipertus signavit, aede excitata in honorem Divi Georgii. Venit deinde ad eum Rodoaldus Foro-Julianorum Dux, pulsus domo fraude & armis Ansfride, qui Veronensem etiam statum tentare ausus capitur, & Ticinum ductus exoculatur. Forum Julium autem mittitur Addo Rodoaldi frater, qui Conservatoris nomine res administraret. Erat soror Chuniperto nomine Vinilinda: hanc ut pro dignitate, & praesentibus opibus matrimonio locaret, junxit Grimoaldo Beneventanorum Duci, filio Romoaldi, qui Tarenti, & Brundusii, totique Apuliae, pulsus Graecis, imperabat.

A. C. 672. Caeterum cum jam agerentur à Christo DCLXXII. anni, quanquam quidam addant decennium, Synodus habita Constantinopoli est, causa discutientis haereseos à Gregorio Patriarcha non multo ante excitatae. Missi ab Italia Legati complures, auctore Agathone Romano Pontifice, fuere: inter quos Damianus Ticinensis Episcopus & Mansuetus Mediolanensis multa ad rectum judicium coadjuvandum attulerunt: per quae tempora ex insula Britannia profectus Cedoal Rex, Romanae peregrinationis gratia, iter per Circumpadanas civitates habuit, in quibus benigne & ampliter à Chuni-

A. C. 702. pto susceptus fuit: quo Romae defuncto, Chunipertus quoque diem obiit, sepultus Ticini in aede Salvatoris: successorem reliquit Luitpertum puerum sub tutela Asprandi viri notae fidei & prudentiae: sed neque tutoris auctoritas & diligentia, neque pupilli aetas & innocentia tutum eum à vi praestant.

B. Ragimbertus Taurinatum Dux, cujus pater Gundipertus à Grimoaldo occisus fuerat, atque ipse domo ejectus per laeta, per adversa jactatus, paternas tandem opes recuperaverat, bellum Regi puero intulit: apud Novariam acie decertatum: victi Luitpertus & Asprandus finibus cedunt; sed exigui temporis usuram regni Ragimbertus cepit; etenim intra annum fatis concessit: cujus morte Aripertus frater * regnat. Hic inquietas primo res habuit; nam, molientibus res novas Luitperto & Asprando, quibus auxilia praebant Rotharis Bergomensium Dux, & non pauci alii Longobardorum Proceres, maximum in Regni, salutisque periculum adductus est: denique non procul Ticino res Marte discussa est. Captus Luitpertus in balneo exstinguitur. Asprandus in insulam Larii, quae munitissima arce tenebatur, Rhotaris Bergomum confugere. Aripertus victoriae cursum secutus, Laudem primo Pompejam, in quam aliamanus adversariorum sese receperat, deinde Bergomum expugnat. Captum Rhotarum & Fereodum Regem capillo & barba tonsos in Taurinates relegat: quibus cognitis Asprandus insula & toto Lario cessit, atque per Clavennates saltus ad Curiam Rhaetorum urbem, Vallemque Rheni, & inde ad Theodopertum Bavarorum Ducem evasit. Aripertus insula potitus, arcem, quae dissidentium receptaculum, & quoddam veluti asylum rebellantibus fuerat, demolitur.

D. Clavennatis tractus mentio admonet, ne silentio transcamus, hunc esse Comensis Italiae locum, in quo Plinius tradit gigni lapidem tornatilem, & qui in vasa coquendis cibis & esculentis utilia cavatur, quem Merula parum peritus regionis in alteram lacus ripam Bergomatibus contiguam, cui vallis Saxinae nomen dicunt, transtulit; ubi nulla prorsus ejus lapidis vena est.

E. Caeterum duos habebat Asprandus filios, qui ambo in potestatem victoris venere: quorum alteri Sigiprando eruti oculi sunt; Luitprando saluti fuit simplex aetas, & hebetis ingenii vulgata opinio; ex quo servatus incolumis securiori postea seculo ad patrem etiam abire permissus est: nam & duas ex regia stirpe superstites matronas Theodoratam conjugem, & Aurnam filiam Romoaldi, quod intempestivis sermonibus non desinerent consilare invidiam Regi, quasi Regnum ad se jure spectaret, auribus & naso mutilari Aripertus jussit; vir alioquin minime crudelis, & justitiae cultor: solebatque saepe dissimulato habitu per urbem ambulare, sciscitando, explorandoque, qui de se sermones vulgo haberentur, & quae integritas in Magistratibus foret: eundem Merula secutus Blondum credidit donavisse Romanae Ecclesiae Cottias Alpes; sed Paulus historicus non tam primae donationis auctorem, quam ab aliis jam factae confirmatorem docet fuisse.

F. Eodem tempore orta in Longobardis est controversia inter duos Episcopos de jure Ecclesiae. Benedictus Mediolanensis, qui Mansueto successerat, jus sibi esse asserbat instituendi, sacrandique Ticinensem: at contra Papiensis majores suos non nisi à Romano Pontifice insignia Episcopalia suscepisse contendebat: demum rejecta res est ad Constantinum, qui tum Romae summum Sacerdotium obtinebat: & is secundum Ticinensem judicavit; ex quo deinde per omnem posteritatem ad nostra usque tempora Romanam solam, &

* Alii filium scribunt,

non etiam Mediolanensem Ecclesiam sine contro-
versa Papiensis agnovit.

Interim Addone defuncto, Perdulphus genere
Ligur, titulo Ducis Foro-Julium mittitur: qui
vicinis Dalmatis ad bellum irritatis, & populis suis
calamitatem & sibi ipsi exitium attulit; nam acie
victus interiit, cui suffectus Corbulus brevi exo-
culatur, & res ad Pemomem Bilonis filium defer-
tur, qui pace undique parta, Ratpergam conju-
gem sortitus, tres filios mares sustulit, Ratchi-
sum, Ratchaitum, & Aistulphum, quorum ne-
mo non majoribus fortunæ magnitudine atque di-
gnitate præluxit.

A.C. 712. Cæterum Asprandus, cum jam novennium apud
Bajoarios exulasset, contracto iusto exercitu, ad
Italos rediit. Aripertus, se haud dubio bello peti-
cernens, in aciem descendit, & victus est, &
cum ex fuga Ticinum equo transnaret, mergitur,
cujus cadaver postridie ejus diei cum auro inven-
tum, communi aliorum Regum sepulchro in Sal-
vatoris æde tumulatur. Frater ejus Gunipertus
trans Alpes in Gallias evasit: quem secutus Ra-
gimbertus filius, quo honestius exilii incommoda
ferre posset, Aurelianensis urbis præfecturam ad-
ministravit. Asprandus autem post eam victoriam
tres tantum menses vixit.

Luitprandus filius consensu Procerum in Regno
firmatus, ante omnia foedus & benevolentiam
Theodeberti, cujus opibus & fide diuturnas exilii
ærumnas toleraverat, ac demum regnum recupe-
raverat, continuandam, conservandamque perpe-
tuo duxit: ita Gontrudam ejus filiam brevi uxore
accepit: amicitiam quoque cum Carolo hujus
nominis primo, Principe trans Alpes longe poten-
tissimo, inivit. Erat jam tum, potestate Regia se-
questrata, & nomine solo retento, jus omne Im-
perii penes Aulæ Magistrum, qui *Majordomus* vo-
citabatur, quem gradum assecutus ante pater ejus
fuerat Pipinus hujus nominis primus; singulari
namque probitate & prudentia vir à Clotario Re-
ge datus custos Dagoberto filio Austriam regenti,
ita adolescentem tractaverat, ut postmodum idem
vir factus, & defuncto patre, Rex Francorum
nominatus, Sigibertum filium eidem educatori ead-
em in Provincia instituendum reliquerit, cujus
muneris diuturnitate summas opes, auctoritatemque
nactus, primum potentiae locum obtinuit, eadem-
que in spe Carolum filium enutrivit: & quamvis
ei post sublatum ex humanis Pipinum non parum
difficultatis æmulatorum invidia & contraria studia
fecerint, novissime tamen, superatis adversariis
cunctis, Carolus prælatus est: oblatam Longobar-
di Regis amicitiam tanti statim Carolus fecit, ut
filium, quem tunc impubem habebat de patris no-
mine Pipinum, cis Alpes ad Luitprandum mise-
rit, cui capillum solemni more detraheret; id enim
officii genus religiosum quoddam & necessitudinis
vinculum inter contrahentes conciliabat. Tonsus
cæsariem Pipinus, ac Regiis muneribus ornatus,
ad patrem rediit.

A.C. 732. Cum vero jam duos & viginti annos Carolus po-
titus rerum esset; in discrimen Imperii venit, in-
vasione novæ in terram Galliam Barbariæ. Sarace-
ni, gens quidem multis hinc retro per Europam
celebrata victoriis, sed cujus originem, situm,
moresque ab eruditissimis scriptoribus memoriæ tradi-
tos hic à nobis colligi operæ pretium sit, ob negli-
genter nimis tractatam hac parte à recentioribus an-
tiquitatem: nam nescio, quomodo nisi à se exco-
gitata etymologiæ ratione insatuati quidam non du-
bitaverint scribere, ab Sara Habraæ uxore forma-
tum fuisse Saracenorum nomen, quibus M. Anto-
nium Sabellicum rerum Venetarum scriptorem ac-
cessisse miror: qui tamen, ut reconditi aliquid af-
ferret, opinatus est à Sarraea Felicis Arabiæ op-

A pido formari id nomen potuisse: ego vero in *Chro-
nicis* Eusebii ad hunc modum lego: *Habraam ex
ancilla Agar generat Hismaelem filium, à quo Hismae-
litarum genus, qui postea Agareni, & ad postremum
Sarraceni dicti.* Ammianus Marcellinus in descri-
ptione Persidis, contingere eam dicit Albanos, ma-
re rubrum, & Scenitas Arabas, quos Sarracenos po-
sterior ætas appellaverit. Ptolomæo quoque re-
ceptum id nomen est in Arabia Petraea inter Me-
lanes, id est, nigros montes, & Ægyptum. Fla-
vius Vegetius in libris *de Re Militari*, Persis sagit-
tandi peritiam, Hunnis, Alanisque equitandi
scientiam, & decorem, currendi velocitatem In-
dis, Sarracenisque attribuit: & quamvis paulo

B longiora videantur quæ de iisdem habet idem Mar-
cellinus*: tamen quia graphice omnia exprimun-
tur, & digna sunt, quæ ubique legantur, ea sub-
jiciam: *Saraceni tamen nec amici nobiscum, quam nec
hostes, ultro citroque discursantes, quicquid inveniri po-
terat, momento temporis vastabant; milvorum rapaci
vita similes, qui prædam despexerint celsius, volatu ra-
piunt celeriter. . . . Apud has gentes, quarum exordiens ini-
tium ab Assyriis ad Nili cataractas, & consinia Blem-
myarum porrigitur, omnes pari sorte sunt bellatores, semi-
nudi, coloratis sagulis pube tenus amicti, equorum ad-
jumento pernitiunt, graciliumque camelorum per diver-
sa reptantes, in tranquillis, vel turbidis rebus. Nec eo-
rum quisquam aliquando stivam apprehendit, aut ar-
borem colit, aut arva subigendo victum quarit, sed er-
rant semper spatia longe lateque distantia, sine lare, sine
sedibus fixis, aut legibus; nec idem perferunt diutius ca-
lum, aut tractus unius soli illis placet. Vita est illis sem-
per in fuga; uxoresque mercenaria conductæ ad tempus
ex pacto; atque ut sit species matrimonii, dotis nomine
futura conjux hastam & tabernaculum offert marito,
post pactum diem si id elegerit, discessura: & incredibile
est, quo ardore apud eos in Venerem uterque solvitur
sexus. Ita autem, quoad vixerint, late palantur, ut
alibi mulier nubat, in loco pariat alio, liberosque pro-
cul educet, nulla copia quiescendi permessa. Victus uni-
versis caro ferina, lactisque abundans copia, qua su-
stantantur, & herba multiplices, & si qua alites capi
per aucupium possunt; & plerosque nos vidimus frumen-
ti usum & vini penitus ignorantes.* Hactenus Ammia-
nus. Hi ergo prolatis Asia, Africa, & magna par-

C te Europæ armis Galliam nunc tentabant. Carolus⁷²⁵
eos ad Narbonem fudit: sed cum jam tenerent Sar-
diniam, Baleares, & Hispaniam universam, faci-
le reparatis viribus, biennio post eandem Provin-
ciam invadunt. Transmissi navibus ad Stœchades
insulas, & ostia Rhodani, quas nunc vulgo *Aguas*
mortuas vocamus, urbem Arelatem capiunt: majo-
ris negotii res hæc Carolo visa est, quam quod
propriis tantum exercitibus sustinere, aut confice-
re posse confideret: itaque ad auxilia & opem ami-
corum circumspiciens, Luitprandum in primis ro-
gat, ne sibi adversus immanem, perniciosamque
gentem desit: haud cunctatus Luitprandus Alpes^{A. C. 730.}
transit: advenientis fama haud dubie conterriti Bar-
bari, collectis vasis recesserunt.

E Vixit deinde biennio non amplius Carolus, cum
ageret Principatus sui annum vigesimum sextum;
ex quo autem Christum Deum habemus septies
centeno & quadragesimo secundo, duobus liberis^{A. C. 742.}
superstitibus, Pipino, cujus supra mentio facta
est, & Carlomanno, qui divisum inter se Regnum
haud ultra unius Olympiadis spatium habuerunt;
nam Carlomannus Divinorum meditatione captus,
ac Romæ Monachum professus, integra omnia Pi-
pino fecit.

F Certior interim factus est Luitprandus, ossa D.
Augustini, quæ vastantibus Africam Vandalis,
translata olim in Sardiniam fuerant, nunc nul-
lo in pretio ibidem haberi, & posse vel modico
* Lib. XIV. cap. IV.

ære ab ignaris Barbaris redimi. Ergo Luitprandus missis cum pecunia nunciis, ex insula Papiam deportari sacrum corpus curavit, ubi nunc quoque religiose adoratur.

Cæterum Luitprandus per duos & triginta * annos, quibus regnavisse cum lego, multa præclara & memoratu digna egit, sed inopia scriptorum, & mutilatione Pauli, cujus potiore, quæ de suis temporibus erat, partem subtractam video, vix summa rerum capita colliguntur; nam & Feroaldum Spoletanum Ducem obsidione Ravennæ decessisse memorat, & posteaquam restituta Romanis fuerit, ab eodem Luitprando obsessam, classem hostium fugatam, & deinde gravem cladem apud Ariminum cæso exercitu acceptam, pulsum Italia Exarchum, Eldeprandum Luitprandi nepotem, & Peredeum Vicentinum Ducem curiæ urbis Ravennæ Præfectos; Exarchum ad Venetorum opes confugisse, quorum auxilio & classe adjutum Ravennam renavigavisse, cum hostibus prospere pugnasse, captoque Eldeprando, Peredeum fortiter dimicantem occubuisse: decessisse deinde in Italia versari Exarchum arbitror; quamquam alii in Æstulphi tempora rejiciant: causa, ratioque in obscuro est; sed quoniam nonnulli crediderunt, hunc Magistratum Ravennæ fines non excessisse, coarguendum errorem hic esse duximus. Haud quidem abnuo, præcipuum Exarchi domicilium Ravennæ fuisse, & inde eam Provinciam Exarchatum nuncupatam; sed alibi quoque id nomen viguisse probabitur: nam & Gregorius Pontifex Romanus Epistolam inscribit Gennadio Patricio, & Exarcho Africæ, & Merula noster in quadam *Epistola* testatur, Paulum Diaconum tradere, Exarchum Italiæ Mediolani sedem habuisse: cujus rei quidem diu anceps fui, nec nunc quoque satis liquet. Quod vero magis ad rem facit est tabula antiqui operis in æde Portiana ad hunc modum inscripta:

D. M. AVRELIO. IANVARIO. SIGNIF
EX. NVM. DALMAT. FORT. ET
AVRELIO. VALENTIANO. EXAR-
CHO. POSVIT. AVRELIVS. PATER
IANVARIVS. VIXIT. ANN. XXII
MENS. V. DIEB. VI. VALENTIANVS
VIXIT. ANN. XXXII. MENS. III
DIEB. V

Cæterum Eldeprandus† ex ea captivitate dimissus, ad patrem rediit, designatusque successor ægrotanti fuit: acta res Ticini: sed cum perambulanti urbem cuculus avis scepro, quod manu tenebat, infedisset, ac querulam vocem emisisset, ceu obsceno ostento deterriti Proceres, Regem repudiarunt, quem tamen restitutus valetudini Luitprandus consortem regni habuit: cumque jam tres & viginti annos regnasset, Manigunda matrona opulenta Cariati vico Sepriensis Præfecturæ coenobium Mariæ Virgini extruxit, prædiisque ditavit, quo perpetuæ virginitatis mulieres alerentur: inventumque nuper ibi cadaver est, cum veteres ruinae purgarentur, aurea veste, auricisque fibulis, & cingulo circumdatum. Exstant archetypæ tabulæ conditricis commendantis tutelam loci Anastasio Bernardo Ticinensi Episcopo; ut tamen à Mediolanensi Antistite consecratur, & perpetua ejus sub commendatione maneat.

Cæterum compluribus aliis locis sacras ædes Luitprandus extruxit, & in Bardono Parmensis Apennini jugo Bercetum, & in Palatio suo Salvatoris domum cum sacerdotibus, quod nulli Regum ante fecerant: prisco Longobardarum legum volumini non pauca addidit: & cum forte obequitans, quiddam parum ex fide mensurari animadvertisset, ad corrigendam mensuræ iniquita-

* Bellarmino xxx.

† Alii Eldebrandum.

A tem pedem suum super lapidem circumscribi jussit: unde & Luitprandi pedis appellatio, cujus mensura sesquipedalis est, & in stillicidiorum controversiis dirimendis usurpatur.

Post Luitprandum Ratchisius regnat, qui pace A. C. cum Romanis in viginti annos constituta, eam mox 743 fregit; cumque jam multa in Hetruscis, Umbrisque occupasset, Perusiam obsedit, à quo bello hortatu Zachariæ Pontificis destitit. Reversus Ticinum, recenti Carlomanni exemplo regnum Aistulpho fratri resignat; cum uxoreque & liberis Romanam profectus, religioni se dedit. Agebantur

B jam anni à Christo septingenti & quinquaginta, A. C. cum Natalis Archiepiscopus Mediolani templum, 750 in quo & sepultus est, Georgio Martyri ædificavit in ea urbis parte, cui Palatii nomen est. Et trans Alpes Pipinus, domitis rebellibus, rebusque ad arbitrium compositis, dignum potentia titulum quaerit. Adstipulante Zacharia Pontifice, conventus nobilitatis Gallicæ Sueffione habetur, ubi so-

C lemni more, operante rem divinam Bonifacio Moguntienfi Archiepiscopo, Rex creatur, & sacro oleo unctus ex auctoritate Zachariæ coronatur. Sequenti anno, cum interim defuncto Zachariæ Stephanus Secundus suffectus fuisset, Aistulphus Ravennam occupat: inde multis aliis Flaminiae, Picenique urbibus captis, Umbriam, Tusciamque populatur, propiusque Romam castris collatis, tributa populo imperat; Sacerdotes varie vexat; & cum neque precibus, neque auctoritate Pontificia, ut cessaret, moveretur, Stephanus in Gallias contendit, illatas à Tyranno injurias expostulat: sed quo minus optata decernerentur, obsuit adversa ejusdem valetudo, qua per anni pene curriculum ad extremum usque spiritum laboravit: pulso tandem morbo, pristinoque robore recepto, solempni die Pipinum Regem, Bertradamque Reginam, & ex utroque natos liberos, Carolum, cui postea de rebus gestis *Magno* cognomen fuit, & Carloman-

D num, omnemque eorum posteritatem in Franco- A. C. rum Reges sacrauit anno 753. Tunc veluti in im- 753 pios Barbaros peregrinatione indicta, magnis apparatibus bellum adversus Aistulphum suscipitur: quos motus sentiens Longobardus, vires regni circa fauces Alpium contrahit, aditusque occupat; sed minime arcere hostem potuit: expositis ergo in plano copiis, acie decertatur. Victus Aistulphus Papiam se recipit, in qua inclusus de concordia agit, polliceturque, se Pontifici satisfacturum, in idque datis quadraginta obsidibus inducias, & mox firmam pacem impetrat: quibus constitutis Pipinus exercitum solvit, & Pontifex per ejusdem Legatos Romam reducit: sed promissa Aistulphus non præstat; quin immo contractis undique militibus, denuo Romam bello incescit: qua re revocatus in Italiam Pipinus, cum iterum Papiæ obsedit: compulsus Aistulphus ad easdem conditiones paciscendas, quæ sua erant Ecclesiæ restituit; dumque hæc transiguntur, ictus ab apro in venatione occiditur, anno Christi 755. Ejus morte Desiderius regnat, qui aliquot annos pacem & foedera cum Ecclesia coluit. Coenobium Clivati in Incinati præfectura in honorem Petri Apostoli condidit, & locupletissimum fecit.

F Jam agebatur annus à Christo 767. cum Fran- A. C. corum Rex Pipinus Parisiis octavo Id. Octobris 767: fatis & naturæ concessit; & duo filii regnum dividerunt: ortaque inter eos simultates, quadriennio alterius morte finitæ sunt: transcuntibus in alterius partes Volcano & Folrado Episcopis, & Verrino atque Adalardo Comitibus, qui præcipuam auctoritatem sub Carlomanno obtinuerant, ad unum Carolum integri Regni nomen devolvitur; qui Longobardi Regis amicitiam retinendam statuit, atque adeo filiam Desiderii non sine magnis Bertra-

dæ matris precibus uxorem accipit Carolus: sed hujus consuetudinem haud diu coluit: causa ignota est: eam post annum repudiavit, & quidem plurimum reclamante Bertrada: duxit deinde ex heroiibus Germaniæ Hildegardam Suevam. Desiderius quoque inde sibi generum adscivit Taxillonem Bavariae Ducem, & aliam filiam nuptui collocavit Arichi Beneventanorum Duci, cui Aldeperga nomen est.

Orta est deinde gravis seditio Romæ de Pontificatu: & cum Desiderius plus æquo diversæ parti favisset, non levem à Stephano Tertio offensam contraxit, quæ aucta est alterius sacerdotii controversia; namque defuncto Sergio Ravennate Archiepiscopo, Desiderius & Mauricus Ariminensis Michaeli nullis sacris initiato, Stephanus, Clerus, & universa civitas Leoni Archidiacono studebant. Desiderius vi potior terrorem adversariis undique incutiebat: cum ad bellum haud dubia res spectaret, Stephanus moritur; Hadrianus nobilis Romanus ei sufficitur. Hic majoribus viribus resistendum hostibus ratus, Petrum familiarem per mare ad Carolum misit, qui suppetias oppresso Pontifici & laboranti Ecclesiæ rogaret. Carolus magnæ deliberationis gratia Proceres ad consilium vocat, & omnium consensu bellum decernitur. Præmissis per varios saltus copiis, Carolus ad lacum Lemanium, & Gebennam oppidum profectus, ad Eporediam descendit, & Bernardo avunculo, qui per montem Jovis venerat, conjunctus est. Jam Desiderius venientium fama cognita, quo propius Alpes eis occurreret, castra supra Vercellas contulerat: sed veritus à multitudine circumveniri, retro Papiam se recepit; id quod pro confessione fugæ Galli accipientes, quicquid terrarum relictum

erat, populantur; deinde Papiam obsident, munitionibusque circundant, & necessaria bello expediunt. Inclusi omnia perferunt, atque in hyemem res pertrahitur: & solemnes Christi nativitate dies Carolus in castris egit. Mox cum longior obsidio futura videretur, subeunte vere anni 774. relictis Ducibus, qui castris præessent, Romam Pontificem adoraturus proficiscitur; & Pascha apud Hadrianum celebravit: reversus Papiam vi cepit. Desiderium cum uxore, filia, & thesauris captivum in Galliam duxit. Filius Adalgisus victoris manibus elapsus, cum de regno actum cerneret, in Græciam ad Constantinopolitanum Imperatorem abiit: cæteri Proceres Cisalpinæ oræ, & ex reliqua Italia legationes amplissimæ tunc Papiæ Carolum adierunt, ac se, suæque dedentes ad ejus nutum res composuere.

Ita Longobardorum Imperium, qui in Italia ducentos & eo amplius annos regnaverant, & de quorum nomine nobilissima pars terrarum, quæ inter Alpes & Apenninum patet, Longobardia dicta est, desit: per quorum tempora video etiam, aucta linguarum colluvie, novum hoc genus sermonis, quo vulgo Itali utimur, exortum; nam cum plurima Latina, multa mixta ex aliis atque aliis habeamus, quæ hoc latus Italiæ influxerunt, ut ex Græcis *cometem* pro sydere terrifico, & *paraphrenalia* bona, quæ dotibus adjiciuntur, ex ipsis Longobardis, *Barbam* pro patruo, vel avunculo, & *Matriniam* pro noverca, *curtem* pro aula, *curiave*, *soldum* pro certa pecunia, & non pauca alia, quæ in eorum legibus leguntur, retinimus. Cæterum Carolus rebus Italiæ compositis, & relictis Papiæ Gallico præsidio, trans Alpes abiit.

TRISTANI CALCHI,

MEDIOLANENSIS HISTORIOGRAPHI,

HISTORIAE PATRIAE

LIBER V.

EPITOME.

Carolus sapiens in Italiam revertitur: semel ad Longobardorum reliquias consumendas; iterum cum uxore ac filiis Pipino & Ludovico, quos Romæ ab Adriano Pontifice sacro fonte lustrandos, Regesque, hunc Aquitania, illum Italia, dicendos curavit; tertium Adriani evocatione, qui Herigantum Beneventanum bello agitari cupiebat: per quod tempus Mediolani xenodochium infantium expositorum constitutum, ædesque Sancti Ambrosii aucta cænobia est; postremum ut Leonem Pontificem, qui à Romanis male acceptus ad se confugerat, loco restitueret: à quo cum sua in Romanos Pontifices observantia fructum retulit, quod Magnus, & Imperator, & Caesar appellatus est. Eodem in Galliam revertente, Italicum, Gallicumque solum ingenti tremore concussum est: inibi vero deinceps sedentem Legati ab Rege Persarum non semel cum peregrinis muneribus convenerunt, horologio præsertim horas pulsante valde operoso, à quo reliqua postea exstiterunt: ætate jam devexa, scripto testamento filium Pipinum Italia Regem constituit: qui maritimis aliquot contra Saracenos & Venetos praliis feliciter gestis Mediolani fato præpropere tol-

litur: demum pace cum Michaelis Orientis Imperatore firmata, Bernardum Pipini filium Regem Italia, Ludovicum vero Pium, seu I. solum ex tribus filiis superstitem, Imperatorem dicit, ac moritur; cubiculi suppellectile Metropolitanis sui Imperii Ecclesiis legata: quadriennio post Bernardus à Ludovico patruo, quod ejus in caput conjurasse diceretur, seu bello, seu dolo captus, supplicio afficitur: nec à suis liberis securior Ludovicus, quam à fratribus fuit: illis enim una cum Episcopis, & Proceribus conspirantibus, Regno ac libertate spoliatur: sed utrique restitutus, filiisque in gratiam receptis, diem obit. Lothario totum sibi imperium vindicante, Carolus & Ludovicus fratres jus hereditarium bello prosequuntur: apud Fontanicum fraternis odiis tanta utrinque clade pugnatum est, ut Gallica virtus concidisse sit visa: certe externis hostibus destitit esse formidini. Regnum deinde fratres ita partiti sunt, ut Carolo Occidentalem, Ludovico Orientalem Gallia partem adveniente, Lothario Narbonensis, & ea, quæ postea de ejus nomine dicta est Lotharingia, una cum Italia, & Imperatoriis insignibus cesserit: quam totam ditionem anno imperii XV. tribus filiis partitur: & Lothario juniore Lotharingia;

Carolo Narbonensi, Ludovico hujus nominis Imperatori II. Italia cum Romani Imperii prerogativa permessa, monasticam vitam amplectitur. Ludovicus II. junioris Lotharii morte Lotharingiam adeptus cum Beneventano Duce una cum magna veteris Italia parte ad Gracum Imperatorem deficiente bellum gerit: Ravenna in deditionem accepta, Beneventi obsidione digredi cogitur; nec multo post etiam vita: ergo Carolus II. frater, cognomento Calvus ad urbem festinat, & Imperii insignia ab Joanne VIII. accipit, quae mox in transitu Alpium cum vita deponit: excipit filius Ludovicus Balbus, eaque sequenti anno moriens Carlomanno filio relinquit: triennio post Carolus Crassus Ludovici fratris superioris Caroli filius ex Germania in Italiam profectus, cum ipsam totam deditione, tum Imperatoris decora ejusdem Pontificis propensione accipit: Germaniamque repetens Saracenos Galliam vastantes cum Carlomanno, & Ludovico Regibus ad pacem traducit, Normannia illis permessa, eorumque Rege de sacro fonte, quo etiam gens universa initiata est, suscepto: Carlomanno vita excedente, Galliae Regnum deferentibus Proceribus capeffit; sed triennio post inutilis ad res gerendas abjicitur, deseriturque ab omnibus; & rerum omnium inopia laborans magnum praebet fugientis fortuna documentum: interim aliis gentibus Regem alium adsciscitibus, Normanni & Hungari late sese in Galliam, Italiamque effundunt. Vnido in Italia, exacto Berengario, imperat: sed tandem Arnulphus Transmontanorum votis pridem ad Imperium vocatus, in Italiam profectus a Formoso Pontifice coronatur Imperator, quo cum triennio post Carolorum progenies interit: quare Itali Berengario insens, eo iterum submoto, Ludovicum Bosonis filium ad Imperium Italia evehunt, quod Berengarius, eo occiso, tandem occupat, & ad Henricum I. usque producit, Andrea Carcano interim Mediolanensem Ecclesiam administrante.



BIENNIO post Rotgandus Foro-Julianorum Dux ex reliquiis Longobardorum nova adversus Gallos inire consilia visus est: cujus motus tanti Carolus fecit, ut iterum in Italiam sibi descendendum statuerit: & profectus Forum Julium, Rotgandum cepit, & capite

mulctavit; & Tarvisii Pascha egit ejus anni, qui septingentesimus septuagesimus sextus: tum in illis urbibus, quarum fidem nutare cernebat, custodiis impositis, in Gallias revertitur: exactis inde duobus annis; per quod tempus Saxones Germaniae, & Caesaraugustam, & Pompejopolim, ac Pampiloniam Hispaniae urbes domuit, Carolus tertio in Italiam venit, Hildegarda conjuge comitatus, & Pipino, ac Ludovico filius. Papiæ brumalibus diebus peractis, sequenti vere anni 781. Romam proficiscitur, lustrarique filios baptismo ab Hadriano Pontifice, & declarari Reges, illum Italiae, Ludovicum Aquitaniae curavit, seque Francorum, Longobardorumque Regem, Patriciumque Romanum inscripsit; & profectus cis Apenninum Mediolani Ghislam filiam ab Thoma Archiepiscopo baptizari curavit: inde reversus in Galliam Hildegardam conjugem, & matrem Bertradam, eodem anno, qui fuit à Christi supputatione septingentesimus & octogesimus tertius, amisit. Et jam quidem Hildegarda sex ei filios procreaverat, Carolum, & quos duos supra memoravimus, Pipinum, & Ludovicum, & totidem foeminas Ruotradam, Bertam, & Ghislam. Duxit deinde Rex Fastradam ex Transrhenanis Francis oriundam: tum bellis Britannicis triennio absumpto, ultro pace hostibus data, quarto in Italiam venit:

A. C.
776.

A. C.
781.

A. C.
783.

A. C.
786.

A natalem Christi, & cæteros brumæ dies Florentiae egit: ineunte mox vere anni 787. Romam profectus, Capuam usque pertendit, hortatu Hadriani Pontificis, qui bello agitari Herigautum Beneventanum cupiebat, sed eo pacem per Oratores petente, & filios cum magna pecunia obsides dante, Romam repetiit, & mox in Galliam revertitur.

B Per hæc tempora nullus Mediolani locus publicus fuerat, quo infantuli, qui pudendis matrum nuptiis atque adulteriis geniti, tum inopia premente, exponi solent, reciperentur: quare cum multi clam necarentur, & ad tegendum scelus cloacis, fluminibus, & sterquiliniis mergerentur, ad avertendam impietatem unius civis prudens & liberale consilium oblatum est. Dateus nuncupabatur, Magercario patre natus, inter Sacerdotes Archipresbyteri titulum obtinens: hic domum emit juxta Ecclesiam majorem media urbe, & suppellectili ornavit: tum continuis proventibus locupletatam huic usui dedicavit, & Græco vocabulo, quod adhuc ibidem durat, Xenodochium nuncupavit: huc mercede conducebantur nutrices, & pueri post ablactationem in septennium educabantur. Et subeunte anno septingentesimo nonagesimo tertio Fastradam Carolus amittit, ex qua duas tantum filias susceperat, Theodoratam, & Hildrudem: duxit deinde Luitgardam genere Alamannam, sed ex qua nihil liberorum tulit.

C Inter hæc Mediolani Divi Ambrosii ædes notabili additamento augetur: nam cum uno tantum Canonicorum ordine celebris esset, Petrus Archiepiscopus Monachos adjecit, & ædificato cœnobio, domos, quas inhabitarent, & proinde cultiorem locum facerent, novis sacerdotibus, dedit: horum Antistes Abbas Hebraico vocabulo, quod patrem sonat, nuncupatus est: factum ipsum diplomate Caroli confirmatur: exacto inde triennio Hadrianus moritur, in cujus locum Leo Tertius sufficitur: per quod tempus Theophilus orator Nicetæ Siculorum Praefecti cum litteris Græci Imperatoris Carolum adiit: nec ita multo post Aldephonfi quoque Galliciae, Asturiaeque Regis legatio oblatis muneribus foedus confecit: tum Saxones repetens filios, Ludovicum ad Hispaniam, Pipinum in Italiam misit.

D Deinde, cum ageretur annus DCCCXVIII. ab Irene Constantinopolitana Imperatrice profecti Oratores docuerunt, Constantinum filium ob scelera in matrem & in cæteros inhumanas crudelitates comprehensum fuisse à domesticis & oculis excæcatum: pacemque nomine matronæ petentes, simul impetraverunt, ut sibi concederetur Sisinius frater Tarvisii Episcopi Constantinopolitani, qui jam pridem in Italia captus fuerat.

E Sequenti anno seditione quorundam Romanorum vis est illata Leoni Pontifici, quem in carcerem conjectum tot, tantisque contumeliis nefarii viri affecerunt; ut vulgo rumor invaluerit, oculos pariter & linguam ei erutos fuisse: sed mox amicorum opera substractus vinculis, & in Transalpinam Galliam deductus, Carolum permovit, ut de novo in Italiam descenderet. Et ineunte anno seculari à Christi natali die DCCC. per Noricos Ravennam petiit, ubi à filio Pipino salutatur: quo cum exercitu præire jussu, Romam pergit, ac maximis honoribus exceptus, præcipuam adventus sui causam esse docuit id, quod de Pontifice intellexerat: cui cum non levia crimina impingerentur, copiam unicuique sui adeundi faciebat, querelas deferendi, propterea quod omnia æquo animo audiret, quod justum, quod æquum foret, ipse decerneret. Cæterum nemo comparuit. Tunc Leo ab editiori loco congrua temporis locutus iurejurando affirmavit, nihil à se actum, propter quod male audire debeat: eaque voce calumniam omnem diffussit: dehinc, ut Carolo dignam virtute, meritis,

A. C.
787.

A. C.
793.

A. C.
795.

A. C.
798.

A. C.
800.

A.C. 801. tis, & potentia gratiam referret, sequenti die Natali Christi anni DCCCI. propius altare cum accivit, & inusitati ornamenti diadema protulit, ac bona & felicia precatus, *Matte, inquit, virtute Rex Carole Magne, benemerite, pacificator, accipe signum, quo Roma olim inclytos vita, victoriaque Duces donavit, & quo jam pridem Italia non sine perniciē Reipubl. caruit: indue capiti coronam hanc, estoque tu, successorumque tui dehinc Imperatores Augusti, Caesarumque.* Ita eo ornamento donatus Carolus, subsequente magnis clamoribus universa concione, novus Caesar, novusque Imperator (siquidem per trecentos & triginta annos ea dignitate carueramus) prodit, & omisso Patricii, Caesareum titulum prætulit: tum punitis, qui manus Pontifici iniecerant, Spoletum venit; atque hic plusculorum dierum moram trahenti motus terræ accidit pridie Kal. Maji vehementis, ut Italia omnis, Galliaque, non sine multarum ædium ruina tremuerit: ex Spoletum Ravennam, & inde Longobardos repetiit; per quorum urbes, Papiam, Vercellas, Eporediam incedens, continuum agere triumphum visus est, concursu populorum, & frequentia Legationum, quæ novum honorem, faustissimosque titulos verbis, gestuque gratulatum undique confluebant.

Cæterum, & rerum gestarum magnitudo, & virtutis fama pellexit etiam remotissimos Reges ad ejus amicitiam ultro petendam. Nam & quadriennio ante Hierosolymitanus Patriarcha, & Azan Præfectus Ascalonisurbis Palæstinæ, sacra, reliquias, & varia alia munera miserant, & ipse è converso alia majora remisit. Tum Naaron Amirmulin Persarum Rex, & Abraham Admiratus Africæ, auditis Isaac Hebræo, & Lantfrido, ac Sigismundo familiaribus ejus, adeo delectati sunt sermone, quo laudes Caroli memorabantur, ut alios ipsi Oratores peregrinis instructos muneribus ad eum decreverint, qui eo forte tempore, quo Carolus Papiam prætervehebatur, in Pisenum portum delati sunt: & per Octobrem mensem cis Apenninum deducti, cum audivissent, nivosas sibi transcendendas superesse Alpes, quia plurimi impedimenti res traherant, & præsertim Elephantem animal frigoris maxime impatiens, Vercellis hyemaverunt: fuitque celebrior per id tempus ea civitas, confluentibus eo spectandæ belluæ gratia hominibus. Sequente ætate anni octingentesimi secundi, transmissi in Galliam novum Cæsarem Aquisgranum convenerunt, & cum cæteris rebus Elephantem exhibuerunt: ejus species non ante ibi visa plurimum populis admirationis attulit; & Carolus alios Oratores cum eisdem in Asiam remisit.

A.C. 802. Biennio proximo nihil aliud memorandum lego, nisi legationes ultro, citroque ab Irene & Nicephoro, qui Remp. Constantinopoli tenebat, ad Carolum, & ab eo ad ipsos missas. Anno deinde DCCCIV. prolata fama est, sanguinem Christi Mantuæ repertum: cujus rei certius sciscitandæ gratia, Carolus Pontificem rogavit, ut eam quam diligentissime exploraret: obtemperans Leo Circumpadanæ circumivit civitates, & quid in re invenerit, non proditur: nihilominus eodem itinere penetravit Alpes; & apud Rhénos Carolum allocutus per Bajoarios Ravennam, & inde Romam repetiit.

A.C. 804. Sub idem tempus Mediolani Oldepertus, qui in Archiepiscopatu Petro successerat, donat Ari-gauso Abbati ædem Divi Vincentii in Prato, ut jam tunc vulgo nuncupabatur. Cum deinde subisset annus DCCCVI. Legati ex Oriente redierunt: cum quibus Abdela Regis Persarum, & Georgius, ac Felix missi ab Thoma Hierosolymitano Patriarcha, in sinum Adriaticum delati, per Tarvisios, Tridentum, & inde Aquisgranum ad Carolum pervenere; obtulereque munera exotica, balsamum, unguenta, odoramenta, & vestiendis pa-

A rietibus aulae, & castrensis usus tentoria, quos papiliones vocari Divus quoque Hieronymus auctor est: quæ omnia spectandæ magnitudinis byssina fuisse Rheginon scriptor tradit; & insuper vestes holosericas, & duo candelabra mirandæ proceritatis, & horologium ex aurichalco mechanica arte fabrefactum, quo rotis quibusdam sese circum-agentibus, ad clepsydram duodecim horæ vertebantur, & totidem æreæ pilulæ super cymbalo cadentes sonoris ictibus eandem pulsabant: ea mirifica rei novitas fuit; quippe cum olim syderalis scientiæ periti umbris tantum solaribus, & interim lapsu aquæ oculis spectandam horarum distinctionem fecissent; nunc sonitu æris obstrepente auribus percipi, & nubilo etiam, ac mediis noctis tenebris sensu altero numerari cœpere: cujus rei novitate captis ingeniosorum hominum animis, complura ad ejus exemplar fabrefacta sunt, & in Italia ampliatis machinamentis quatuor & viginti horarum circuitus die ac nocte factus est. Ad ornatum vero hujus, de quo loquimur, duodecim ærei equites additi erant, qui totidem portis erumpebant ad singula horarum momenta, & rursus condebantur, qualia etiam nunc multa exstant: quibus Aquensi Ecclesiæ dedicatis, Legatos ampliter donatos Carolus dimisit: eodemque tempore obingravescentes jam annos posteritati consulturus, testamento ex consilio Procerum condito, regna filius partitur: ex quo Pipinus Italiam sortitus duplex bellum administravit. Nam & prædones Saracenos Sardinia, Corsicaque insulis fugavit, & in Venetia longo ac difficili negotio detentus est.

C Orta controversiæ erant cum Præfectis Constantinopolitanæ classis, quæ circa Illyricum versabatur, & novissime Niceta Patricius inducias impetraverat, & Paulus Cephaloniæ præfectus tractare pacem cœpit: sed fraude Villarii & Beuti Venetorum Ducum deceptus, re infecta, abiit: ex quo irritatus Pipinus Insulam eorum obsedit, ac fame ad deditionem compulit. Duces ipsi capti, & in Galliam relegati. Tum ad vastanda littora Dalmatiæ classis emissâ, quam à maleficio cohibuit repentinus Pauli reditus: quibus rebus sic se habentibus, Pipinus florentissima ætate, præter omnium expectationem moritur; nec traditur, quo genere morbi: decessit autem Mediolani octavo Idus Julii anni à Christo octingentesimi decimi: cujus obitum præcessit mense uno Rotrudis soror.

A.C. 810. Tum Dani ac Normanni ex Cimbrica Cherfoneo cum ducentis navibus profecti, terram Frisiam & finitima Rheno oppida populantur; sed mox eorum Rege Gottifredo gregarii militis manu interfecto, ac propterea Duce destituti Barbari sponte disparuere. Ex Hispania vero legati Habulæ Cordubensis Regis pacem petentes Hermirionem Comitum aliquot annis ante à Saracenis captum redierunt; & Arsaphionem Nicephori Constantinopolitani spatarium Carolus ex liberalitate Venetiam remisit.

Per quod tempus Elephas quoque in Germania decessit, & pestilentia bubulum genus invasit tanta perniciē, ut ejusmodi animal in castris primo Cæsaris, dein tota Gallia, Germanique defecit. Prodigium quoque cœleste, nescio an unquam aliàs visum, contigit: bina amborum syderum Eclipsis; solis quidem v. Id. Julii, & pridie Calend. Decemb. Lunæ vero sexto Calend. Julii, & decimo nono Cal. Januarii.

F Cæterum Carolus, ut solidiorem cum Græco Imperatore amicitiam faceret, legationem instruit: cujus Principes fuere Haido Episcopus Basilicnsis, Ugo Comes Turonensis, & Ajo Foro-Julienensis è genere Longobardorum, cum quibus Leonem spatarium natione Siculum, qui jam decem annos patriâ profugus, ad Carolum Romæ Augustalia infir-

gnia accipientem venerat, & nunc in patriam reverti optabat, & item Villarium Ducem Venetum Constantinopolim deducendum tradidit: qui dum proficisceretur, Nicephorus commissio cum Bulgariis, à quibus jam præclaras victorias tulerat, prælio interfectus est, anno DCCCXII. & Michael gener in Imperio successit, qui Caroli Legatis benigne exceptis, pacem & foedus, quod petebant, iniit: ita ad Carolum remissi Arsalphius, Michael Episcopus, & Theognostus protospatarius, qui Aquisgrani Carolum conventum Græce βασιλέα appellaverunt, id quod Latine Regem sonat: quibus dimissis, convocat Imperator Heroas Regni, magnæ deliberationis causa; & Bernardum defuncti Pipini filium Italiæ Regem decernit, eique cis Alpes venienti comitem & rectorem dedit Vallonem ex Bernardo patruele ortum: cuius fides & militaris industria multis periculis probata fuerat, & tunc maxime opportuna fore videbatur, ob Saracenos prædones, qui ex Africa, Hispaniaque profecti infestum mare Ligusticum habebant: nec ita multo post novi Regis auspiciis in Sardinia, Corsicaque oppressi, ac deleti hi fuere.

A.C. 813. Subsequenti anno, quia Carolus quoque primogenitus fato functus biennio ante fuerat, tertium natu filium Ludovicum ex Aquitania evocat, & consensu Procerum Augustum creat, ac Cæsareis ornamentis donat: tum Hamalarium Trevirensis Archiepiscopum, ac Petrum Abbatem Nonantularum Constantinopolim ad confirmanda cum Michaelle conventa misit: interim febre ipse corripitur, quadiutius vexatus, septuagenarius senex spiritum posuit: quo in æde à se condita sepulto, testamentum legitur: nam suppellectilem cubiculi, quæ immensi pretii erat, ita ablegavit, ut duæ partes ex tribus darentur Metropolitanis Ecclesiis intra fines Imperii sui existentibus. Quæ cum una & viginti numerarentur, nostræ quoque Mediolanensis ratio habita est; & his injectum, ut suffraganeos suos in partem muneris acciperent.

A.C. 818. Cæterum regnantem in Italia Bernardum, fama est cum Episcopis quibusdam & primoribus urbium adversus Imperatorem conjuravisse, & prælio victum ultimo affectum supplicio fuisse: Rheginon vero per dolum & injuriam evocatum trans Alpes, & Aquisgrani captum, ac securi percussum. Nos autem in Ambrosianis ædibus, quæ à fundamentis subruuntur, & opere magnifico reformatur, vidimus erutam novissime tabulam marmoream sic inscriptam:

BERNARDVS. CIVILITATE. MIRABILIS. CETERISQ. PIIS. VIRTVTIBVS. INCLITVS. REX. HIC. REQUIESCIT. REGN. ANN. IV. M. V. OBIT. XV. KAL. MAII. IND. X. FILIVS. PIÆ. M. PIPINI.

Cadebat autem id tempus in annum Christianum DCCCXVIII. à quo xx. alios annos Ludovicus regnat, tanta rerum & scriptorum obscuritate, ut Rheginon illis vicinus temporibus nihil eorum in manus suas venisse fateatur.

A.C. 833. Demum igitur cum in invidiam apud suos Ludovicus venisset*, conspiratione Ebonis Episcopi Remensis, & quorundam Procerum in vincula conjicitur; & Imperium Lothario filio defertur: sed non ita multo post opera & industria alterius filii de nomine patris Ludovici, & favore Nobilium custodiæ subtrahitur, & in pristinam potentiam restitutus, auctores injuriæ persequitur: hi in Italiam se conferunt; sed cum nusquam tuto consistendi locus foret, trans Alpes Germanicas abeunt. Ludovicus eosdem sequutus, dum circa Rhenum copias contrahit, in morbum incidit; atque in fluminis insula moritur sub annum Christi DCCCXL.

* Vide Gordonum anno 833. & seq.

A Per cujus tempora Mediolani Werolphus Erchemarii filius cognominatus Peto, non longe à vico quinque viarum in propria area ædem crexit in honorem Sanctissimæ Mariæ, quæ adhuc ex illius cognomine Pedonis vulgo dicitur.

B Lotharius autem in Galliam reversus, Imperium arripuit; & fratres indigne ferentes, se nulla rei portione excipi, sed illum unum omnia sibi vindicare, excitis amicis, exercitum quantum maximi possunt contrahunt. Apud Fontanicum Altisiodorensis agri vicum tanta utrinque cæde pugnatum ferunt, ut absumptis inde viribus, Galli deficerent terrori gentibus esse, ac demum mala sua agnoscetes, pacem invicem inierint, partiti Regna hoc modo; ut Carolo occidentalis plaga à Britanico Oceano ad Mosam fluvium; inde ad Rhenum Lothario, quæ & ex ejus nomine frequentius usitato, cum diu Lotharii Regnum dictum fuisset, Lotharingia appellationem tenuit; ultra quicquid ad Orientem erat Ludovico cessit.

Cæterum Lotharius ex Hermingarda conjugetres liberos suscepit, unum sui nominis Lotharium, & Ludovicum, & Carolum: inter quos sic Regnum anno Christi 855. divisit, ut titulus Imperii cum Italia penes Ludovicum primogenitum foret; Lothario Provincia sui nominis, Carolo Narbonensis obveniret. Quibus constitutis, abjecta rerum cura, in Prumiense cœnobium, quod Trevirensis ditionis esse diximus, concessit; ibique sumpto Monachi habitu consenuit*.

D Junior vero Lotharius sub anno Domini 869. Romam profectus Hadrianum Secundum Pontificem adoravit: apud quem interrogatus, an adhuc redisset in gratiam cum Thietberga conjugē, castissimæ quidem vitæ femina, sed quam propter amores Vuldradæ pellicis dimiserat, pejerare, & de ejusdem manu sacram hostiam sumere non erubuit: cuius sceleris poenas mox luit: nam dum reverteretur, exercitu ex itinere variis modis tentato, & pene absumpto, ipsum Placentiæ spiritus destituit sexto Idus Augusti: ejus morte fratres Carolus & Ludovicus Regnum partiuntur. Carolus, juvante Adventio Metensi Episcopo, Aquas, & Coloniam Agrippinensem petiit; Ludovicus Lotharingiam ulteriorem adjecit Italiæ: in qua diutius detentus est; rebellionē Adalgisii Beneventani Ducis, qui secum traxerat Samnites, & Campanos, & Lucaniæ populos: & simul omnes cum Græcis sentiebant. Ergo ad obsidendam Capuam Ludovicus duxit, quam, deditibus se oppidanis, recepit: atque hic dum morantur, Angilberta uxor consors Imperii, & Tado Mediolanensis Archiepiscopus interceserunt, ut confirmaret Petro Abbati ea, quæ majores Ambrosiano cœnobio concesserant: archetypum adhuc exstat diploma: inde Beneventum aggreditur. Inclusus Adalgisius partim se fortiter defendendo, interim pacis conditiones proponendo, & ex iis aliquid immutando, id consecutus est, ut diuturniore mora interjecta, maximam sit hostilis exercitus, cum morbis, tum fugamilitum, imminutionem passus; & paucitatem eorum conspicatus Adalgisius omnibus simul portis eruptionem fecit, & ex improvise cæteris jam castris occupatis, ad locum, cuius munitione Ludovicus defendebatur, ventum est, demumque pacisci cum coegit, ut excedens finibus incolumis, amplius eo non reverteretur, nec ullo ultionis genere hanc injuriam prosequeretur.

E Per hæc tempora mirum dictu, & multorum literis celebratum, sed nulli diligentius quam Rheginoni expressum prodigium apparuit: Locustarum novum genus, paulo consuetis grandiores, senas alas habentes, per Augustum mensem advolarunt, tanta multitudine, ut magna terrarum spatia

* Paulo aliter Gordonus A. 855.

operirent: à nona hora ad ortum subsequenter diei moratae in agris, in quibus descendissent, omnia infesto morfu abrodebant: inde evolantes spatium quatuor aut quinque miliarium procedebant, & quicquid herbidi ac pabuli inerat contactu adurebant: ita continua calamitate & dira quadam peste fruges eo anno afflictæ fuere. Gallia maxime id malum sensit; ubi & extinctum: nam sicuti quæ ex regione venerint non traditur: ita cum ad Britannici Oceani littora pervenissent, sublata vento in mare deciderunt; cujus aestu in terram rejectæ, & variis cumulis acervatæ tantum foetorem fecerunt, ut oborta peste, alterum populis sit discrimen allatum: quod ne quis miretur, sciat alias magna cohorte ex Africa infestasse Italiam, & Romæ aditos sæpe fuisse Sibyllinos libros inopiæ metu, & tot partibus terrarum vagari id malum solitum, ut in Syria militari Imperio necarentur; & in Cyrenica regione lex fuerit ter anno eas debellandi, obterendo primo ova, deinde foetum, postremo adultas, ac in Lemno insula certam mensuram præfinitam fuisse, quam singuli enecatorum ad Magistratus referrent.

Nec ita multo post Tadone defuncto præfinitur Ecclesiæ Mediolanensi Anspertus generosi animi vir, & qui sacra pariter & Rempublicam cum laude administravit.

A. C. 874. Cum ageretur Christi annus DCCCLXXXIII. è vita Ludovicus excessit, ac nescio, an in hujus potius, quam superioris memoriam compositum epigramma fuerit: quo & statim genito, ne prima dies regno, solioque vacaret, Hesperia sceptrum avum reliquisset, & Saracenorum jugo liberatam fuisse Romam dicitur: prægrandi tabulæ marmoreæ inscripta carmina in æde Ambrosiana leguntur: ejus autem morte Carolus frater Romanus perrexit, & salutato reverenter Joanne Octavo Pontifice Augustalia insignia, & titulum Imperatoris accepit, secundus hujus nominis: deinde anno DCCCLXXVII. Romam iterum profectus est, & inde in Longobardiam reversus, Papiæ publica acta recognovit: sed excitus interim repentino nuncio novarum rerum, quibus nonnulli studerent, trans Alpes contendit, & in transitu earum, morbo correptus prid. Non. Octobris decessit: petito veneno fraude Sedechiæ Medici Hebræi, quo familiari utebatur, ferunt: cadaver feretro impositum extulerunt ministri paucorum dierum itinere: nam foetore putrescentis deterriti, terræ mandant, alio tempore Parisios delaturi: quidam Mantuæ mortuum eum tradunt: sed apud me potior est Rheginonis auctoritas, illud ex notitia recenti tradentis: proximo anno utrumque sydus eodem mense hebetatum est; Luna decimo sexto, Sol vigesimo nono die Octobris.

A. C. 879. Nec ita multo post Ludovicus Caroli filius Balbus cognominatus, eo quod linguæ impeditæ foret, moritur. Hic uxorem nomine Ansigardam habuit, ex qua duos suscepit liberos: unum de suo nomine Ludovicum, alterum Carlomannum: quem Regem Longobardorum in Italia fuisse constat. A. C. 879. testamento Ansperti Archiepiscopi Mediolanensis condito ejus Regni anno secundo: cujus quidem lectione duo alia commemoranda animadverti: veritatem cognominis ejus, cum se dicat genitum patre Albutio de Blasono, & matre Garidtruda: recentiores autem Chronographi illum inserunt Confanoniorum familiæ; haud, equidem opinabar, tam vetustam. Blasonum vero vicus est non longe à Moguntia, Lambroque flumine; quem etiam opulentissimus Sacerdos xenodochio, & variis sacellis locupletavit: idem domum in urbe Divis Satyro Ambrosii fratri, & Sylvestro dedicavit; nostra ætas collapsam restituit, pulchrioremque longe & laxiorem fecit; cumque aliis urbanis cœno-

A biis multa largiretur, Monasterium quoque Majus in partem nuncupat: unde secundi erroris argumentum capio, contra eos, qui scribunt, longe posterius, & sub Othone primo fundatum hoc cœnobium fuisse: qui ex recta conjuge cum nullam prolem suscepit, genuit ex nobili quadam Matrona Arnulphum de nomine Arnulphi Metensis Episcopi, qui summa probitate & sanctimonia vir sub Clotario, & Dagoberto Regibus, una cum primo Pipino claruit.

B Anno deinde DCCCLXXXI. Carolus ex Germania A. C. 881. in Italiam profectus, universos pene populos obsequentes habuit, & Papiæ agens, precibus & religionem Petri Abbatis, Ambrosianum Mediolani cœnobium mirifice locupletavit; nec domos solum & prædia, sed oppida & jurisdictiones est largitus Felicianum, & Roboretum in Transpadanis, & Palatium Mediolani duabus turribus insignitum, & adhuc nomine Maximiliani celebre: & hoc dixerim illud, ex quo regioni urbis, ad palatium durat, quod Merula vulgarem imperitiam secutus Trajano adscripsit diplomati, quod archetypum vidimus; subscripsit Petrus Vicecomes. Et hæc prima mentio Vicecomitis, quod observaverim: ac nescio an tum officii, dignitatisque appellatio foret: quæ postea crebrius frequentata in gentis Mediolani clarissimæ cognomen transierit.

C Carolus vero Romam profectus à Joanne Pontifice diadema & nomen Imperatoris tertius accepit. Proximo anno Anspertus Archiepiscopus Mediolanensis, vir magnificus, cum Ecclesiæ præfuisset tresdecim annos & dimidium, fato fungitur: laus ei marmorea tabula scripta manet, quod dirutæ urbis moenia restituerit; Stiliconis domum (durabat adhuc illud nomen) restauraverit, templa refecerit, & propriis opibus collatis Ambrosiano cœnobio octo Monachorum in perpetuum alimentata constituerit.

D Per eadem tempora Normanni terram Galliam tanta multitudine & agrorum vastatione pervaserunt, ut Carolus accepta prius ex prælio gravi clade duxerit è Rep. pacem eis, & partem regionis habitandam concedere; quæ deinceps ex illorum nomine Normannia dicta est: eorum Regi Gottifredo Gisla Lotharii filia matrimonio data, & gens universa baptizari se passâ, Christianum in nomen transivit: ipsumque Regem Imperator, quo honestior celebritas foret, è sacro fonte sustulit.

E Subsequenti anno Ludovicus moritur, cujus Regnum Carlomannus frater excipit: supererat autem ex Lothario filius Ugo; qui erectus in spem Regni recuperandi, amicos & sui nominis studiosos evocat: & accedentibus undique prædonibus, & scelestissimo quoque, sat magnum effecit exercitum: & cum jam late rapinas, incendia, cædes exerceret, id, quo nihil optabilius ei tali tempore evenire potuisset, contigit: nam Carlomannus è medio morte creptus est, & Normanni in arma excitum tumultum augent: hosque sibi Ugo conciliat: sed Galli Proceres Carolum, quem diximus hujus nominis Imperatorem tertium, in A. C. 885. Regnum accersunt: mox Gottifredus Normannorum Dux ab Everardo Comite per simulationem colloqui gladio confoditur: cujus morte periculo omni discussio Ugo capitur, & ex oculatus in cœnobium Prumiense relegatur.

F Cæterum apud hunc Imperatorem summo à secretis loco claruit Liuthardus Vercellensis Episcopus, atque amplissimas opes confluxit: sed ut in aula numquam invidi & honorum æmuli desunt, nimis cum Regina familiaritatis insimulatus, Regia interdicatur. Et quamquam Ricarda, hoc erat Reginae nomen, jurejurando sæpius affirmaret, se non solum cujuscumque alterius viri, sed mariti ipsius,

ipſius, quo cum nupta jam decimum annum agebat, congreſſu caruiſſe, tamen Caſareo conſpectu excluſus, collectis theſauris in Italiam & ad ſedis ſuæ urbem ſe recepit, & Imperator Ricardæ divortium indixit: quæ religioſiſſimo cœnobio delecto, ad colendam habitu quoque, quam re obſervaverat, virginitatem, conceſſit.

A. C. 887. Nec ita multo poſt in languorem Carolus incidit, communelſque ſenſus & animi rationem amiſit: quibus vulgo enunciatis, ſubito omnia immutata ſunt: nam, ut veteri proverbio dicitur, *quo ſe fortuna inclinât, eo & favor hominum ſequitur*: non ſolum Duces & exercitus, ſed familiares & domeſtici, cuſtodeſque ipſius cubiculi ab eo deſecerunt, adeoque deſtitutus remanſit ſervitio omni, ut nec quidem, qui neceſſaria ægro ſuggererent, habuerit, notabili fortunæ rerum ſpectaculo, indigere cum alienis opibus, & ex aliquo Religioſorum cœnobio teſtum, & alimenta petere, quem paulo ante Numinis inſtar gentes adoraviſſent.

A. C. 888. Univerſi vero ad Arnulphum tranſiere, quaſi ad eum, cui uni ſumma rerum jure ſpectaret; ſed illi haud quietum regnum ſtetit: nam cum alia natio alium creare Regem contenderet, & in Italia quidam Berengario Everardi Foro-Juliani Ducis filio; alii Vuidoni Lamberti Spoletani faverent, ad arma ventum eſt: & victore Vuidone Berengarius pulſus ad Arnulphi opes confugit; ſed ne, quod optabat, tunc conſequeretur, impedimento fuere Provinciarum diſcordiæ. Galliæ Regem ſibi creaverant Odonem Rotoberti Pariſienſis filium, cujus multa egregie geſta adverſus Normannos celebrabantur; & Rodolphus Conradi filius fortitus Regnum inter montem Sura & Alpes Apeninas, nunciis in Regnum Lotharii miſſis populos ad defectionem ſollicitabat; & Normanni conceſſis finibus non contenti, adverſo amne Sequana navigantes, cum Lutetiam inſulam Pariſiorum, obſiſtentibus civibus, tranſire non poſſent, naves per ſiccum protrudentes duobus amplius millibus circa urbem in ſuperiorem partem pertraxerunt, ac rurfus alveo redditis, ad Senones uſque navigarunt, & perpetuo ſex menſium tædio populata Burgundia, eodem itinere & arte reductis navibus, poſteaquam Pariſienſem urbem præterveſti ſunt, Matronam fluvium iniverunt, & urbe Trecaſ incenſa, Virdunum & Tullenſe uſque oppidum vagati ſunt.

Hungari quoque gens Scythica, nec ante ullis rebus memorata, ſedibus ſuis pulſa aliquot ante annis, in Pannonias & Avarorum terras ſeſe contulerant, & Bulgaris Maraclenſibus, & Carantanis domitis ad Italos, Galloſque pervenit, incredibili cum populorum clade; quibus novæ barbariæ importunos, inhumanosque mores experiri contigit: quibus ſeptem fere annis diſtractus Arnulphus, & quiete demum parta, in Italiam proficiſcitur, &

A. C. 894. Berengarium in priſtinas opes reſtituit. Et Arnulphum quidem Placentiæ fuiſſe lego, anno Chriſti DCCCXIV. inde reverſus trans Alpes Vormantiæ conventum habuit DCCCXV. Quo quidem tempore Tuendaboldum filium pellice ſuſceptum Lotharii regno præfecit. Poſtero anno Italiam repetit, & Romæ, deferente diadema Formoſo Pontifice, nomen & jura Imperatoris accepit. Inde morbo contracto, cum diu elanguiſſet, tertio tandem Kalen. Decembris anni octingentefimi nonageſimi noni ſpiritum poſuit; & juxta patrem apud Odineas ſepultus; & in eo Carolorum progenies deſecit.

A. C. 896. Cæterum per tempora Caroli tertii militari gloria claruerat Boſoildis Reginæ germanus: eique nupta fuit Hermingarda Ludovici Imperatoris filia, & ſimul habenda Narbonenſis Provincia data: hujus filium Ludovicum, nutantibus ex morte Arnulphi Italiæ rebus, ii, qui Berengario adver-

A fabantur, vocarunt; & compluribus certaminibus pellitur iterum regno Berengarius, & Ludovicus Imperatorium nomen uſurpat. Quorum contentionibus exciti Hungari fines Longobardorum invadunt, & Liuthardus Vercellenſis Episcopopus, ſumptis theſauris, quos ingentes, ut diximus, retulerat, fugam tentavit; ſed errore viarum in ipſorum hoſtium manus delatus, & pecunia & vita male mulctatur.

B Quadriennio poſt Ludovicus Imperator, nimia rerum ſecuritate concepta, nec quicquam violenti aliunde metuens, negligentius ſeſe ac Remp. habere, ac ſolutis exercitiſus nulla pene cum cuſtodia agere: dum ſic Veronæ verſatur, ecce repente Berengarius, qui apud Bajoarios exulabat, contractis circa Veronam copiis apparuit, incluſumque urbem Caſarem obſedit; portæque noctu cives novo domino aperuerunt: ita capto & exauctorato Ludovico, Berengarius Regnum Italiæ obtinet.

C Haſtenus narrationem noſtram, & rebus uberio-rem, & temporibus diſtinctam fecimus, adjuti ope Rheginonis mei, qui ætatis ſuæ memoranda colligebat; reliqua non ſic poſſumus: hac enim in parte plurimum claudicant Scriptores; & Blondus fatetur ſexaginta ſubſequentium annorum res, nec ſcire ſe, nec poſſe diſtinguere ob ignorantiam & diſcordias Vincentii Bellovacenſis, Martini Poloni Caſenſis, Sicardi Cremonenſis, Riccardi, & Gulielmi Monachorum, Gottifredi Viterbienſis, & Ptolemæi Lucenſis; hos enim hiſtoriæ ſuæ auctores habebat: qui utique recentiores, & in indaganda veritate minime diligentes, inanibus verbis, & interim ſtultitiis non mediocribus, ingentia volumina replerunt: quorum ignavitas & confuſio jam ex eo manifeſte coarguitur, quod iſti tres fuiſſe hoc tempore Berengarios tradiderunt; quorum unus regnavit quatuor annos tantum, alter ſeptem, tertius duos; ac ætate tam propinquos, ut tertius fuerit primi ex filia nepos: quod falſum arbitror; cum & ex lectione Rheginonis unus tantum eſſe comprehendatur, & duæ publicæ tabulæ exſtent, quas haſtenus viderim, quarum una eſt confeſta anno quintodecimo, altera vigesimo Regni Berengarii, (quo tempore Andreas Carcanus altero Andrea natus, Archiepiſcopatum Mediolorum promotus fuerat anno DCCCXV.) & quidem hæc poſtrema ſub annos Domini DCCCXVIII. cum Papiæ ageret cum Berca-la conjuge, & Regni conſorte: priore vero teſtamento manet, quemadmodum locupletiore faciebat ædem Raphaëlis Archangeli media urbe à ſe conditam in confinio, ut ipſe deſcribit, Eccleſiæ æſtivæ, quæ nunc majoris pars eſt, & Vincendæ, quam poſteriores Redegundæ dixere, & Simpliciani minoris, & Balnei antiqui: quo verbo admonitus, cum propinquæ ſint ſignificationis balneum & lavacrum, dubitavi, utrum huic congruentius veniret illud Auſonii *;

E *Regio Herculei celebris ſub honore lavacri,* quam templo D. Laurentii, quod ſitu & verbis ſignificantia longe à balneo diſtat: inſuper Lectorem admonco, non ignorare me, in cognomento hujus Præſulis Scriptores variare. & pro Carcano Lampugnanum ſcribi: ſed hæſi ego monumento publico, & vetuſtiſſimo, & in quo etiam patris nomen redditur.

F Cæterum ut ad Berengarium revertar, ſive unus, ſive duo fuerint, lego in publico diplomate, eum agere in urbe Papiæ anno Chriſti DCCCXVII. & A. C. biennio poſt Henricus Caſarum hujus nominis primus, imperare cœpit, notior haſtenus ſtirpis gloria, quam ſua, quamvis duodeviginti regnaverit annos: hanc ipſam ob cauſam tantum eum nominavi, ut ſciant ſecturi, ab hoc proceſſiſſe tres, de quibus mox dicemus, Othones; & cum ſeptem

* *Declaris Urb. in Mediolorum.*

in omni ævo Henrici imperaverint, & reliquorum res gestas abunde tractemus, non desideretur unius quamvis parca & jejuna, mentio. Luitprandi Regis,

A | cœnobio S. Petri Savinionis, & Principiani, quæ ambo loca haud longe inter se distantia faucibus Apennini Diœcesi Derthonensi, adhuc nomina servant.

TRISTANI CALCHI,

MEDIOLANENSIS HISTORIOGRAPHI,

HISTORIAE PATRIAE

LIBER VI.

EPITOME.

Hugo Arelatensis Comes ad Italia regnum, exacto Rodulpho, evocatus, Mediolanensi Ecclesia, quam Lothario filio adhuc minori destinaverat sponsam, Ardericum Cottam annis jam gravem, tanquam exigui temporis paranymphum præsiciendum curat: sed spe falsus (etenim duos & viginti annos sedit) ejusque mortem insidiis conatus prævertere, optimo Prasuli reconciliatur, & opima ejus Ecclesia pradia largitur: cui etiam postea ab Athone Vercellensi Episcopo Leventina & Blemia valles accessere. Papiæ Rex salutatus, quinquennio post Lotharium filium Regni participem facit. Arderico è vivis excedente, Manasse Arelatensi & Adelmano Menclotio (qui Basilica S. Georgii ad puteum album à se posita pradia largitus est, quæ non nisi ad suæ familia calibes pervenirent) Episcopatum, illo Regis, hoc populi studio ambientibus, Mediolanensis sedes quinquennium vacat: donec Valpertus specie sequestris interveniens, utroque ut jure litigioso cederet persuaso, eandem occupet. Mortuo Lothario, regnum init Berengarius Longobardus una cum Adalberto filio. Sed cum postea Otho Magnus, Henrici filius, Italis Proceribus evocantibus, suadente Valperto, allicienteque conjugio Adhelegide Lotharii uxoris, in Italiam proficiscens victum, Regnoque spoliatum, exilio cum uxore ac liberis mulctat. Othone in Germaniam reverso, Adalbertus Reginam Adhelegidam in Italia relictam bello aggreditur: Atho Malaspina defendit, & ab Othone reduce, pecunia atque agro abunde donatur. Demum Otho, filia in Italia Aledramo Montisferrati Marchioni nuptui tradita, Viennam reversus, filium Othonem II. Imperatorem dicit, & moritur. Is in Italiam profectus Theophaniam Orientalium Caesarum sobolem ducit: Mediolano digressus contra Saracenos Calabriam populates, in potestatem hostium venit: sed dolo statim elabatur. Mediolani interim Landulphi Carcani Archiep. fratres, divitiis & potentia abutentes, populari conspiratione urbe pelluntur, multa riringue cade patrata. Landulphus, civibus pacatis, cœnobium S. Celsi adificat, amplisque prædiis ditat. Othoni II. Roma extincto succedit Tertius ex Theophania genitus: hic Crescentio Principatum, & Joanne Graco Placentino Episcopo Pontificatum Roma vindicantibus, in Italiam à vero Pontifice Gregorio V. accersitus, illum capite mulctat, hunc varie delusum, naribus atque auribus mutilat: & à Gregorio sedi restituto inungitur Imperator. Uxorem ex Theophania matris genere ducturus, Arnulphum Arfagum Mediol. Archiep. ad Constantinopolitanum Imperatorem legat: forma eligendi deinceps Romanos Imperatores, qua hodieque retinetur, à Gregorio constituta, sine liberis deccedit. Longobardi Proceres & Episcopi in Italia Arduinum, in Germania Electores Henricum Imperatorem dicunt. Henricus Imperium in Italiam capeffens ad Comum acie victus in Germaniam reflectitur: unde resectis viribus rediens, Arduino

fugato, Longobardia potitur: Papiamque diutius restitantes mulctat incendio. Arduinus, comparatis in Subalpina novis copiis, aliquandiu movet laceratos: sed tandem Henrico Romæ coronato, deposito imperio, Monachum in Cœnobio Fructeria proficitur. Henricus contra Saracenos versus, Capua illis, Græcisque Troja submotis, inter vivos connumerari desinit. Per hæc tempora Humiliatorum Ordo ex humilibus sane principibus, Italis scilicet apud Germanos exulibus, sese extulit: & diversarum legum Romane, Longobarda, & Salica, seu Morganica professione ejusdem urbis cives distributi: Arnulphus Mediol. Archiep. Oldericum Astensi Ecclesia ab Henrico præfectum, non nisi se jubente præesse, armis cogit: vita decedens successorem habet Heribertum Antimiano oriundum; qui à Corrado Henrico suffecto, Landensem Episcopum constituendi jus obtinuit; quo etiam usus est adeo, ut Landenses, quem ipse designasset, admittere recusantes, bello coegerit. Eidem Corrado Italos Proceres adjunxit: & cis Alpes profecto coronam Mediolani imposuit: & Romæ augustalia sumenti, cum ipse per se, ut moris erat, non posset, per alium præsto fuit: Ravennate Antistite, qui id muneris invaserat, & Imperatoris recusatione, & Synodali in posterum sanctione prohibito: denique Burgundia regnum advenientem armis juvit: cum vero in magna potentia, rebusque admodum secundis in suspensionem venisset dominationis, bellandum illi cum civibus fuit, & Corradus in Italiam evocandus; à quo tum ipse sub custodiam missus; tum Mediolanensis civitas, quæ jam illi fuga elapso militabat, obsidione, & incendiis vexata est: donec Ambrosius Coloniensi Prasuli sacra facienti visus Imperatorem ingentibus minis deterruit. Quare Heriberto sede dejecto, Italisque Principibus sacramento in Mediolanenses armatis, Italia, & mox vita digreditur, Henrico filio Germania Rege pridem creato: qui pace Mediolanensibus data, Italiam ingressus Gregorium VI. Pontificatu exiit, Clemente II. subrogato, à quo Imperator eo nomine II. insignitur.

Mediolani interim popularis seditio excitatur adversus milites, quæ tandem in Nobiles conversa, eos una cum Heriberto Archiep. urbe pulsos in patria obsidionem, oppugnationemque armavit: sed extincto tandem Heriberto, Casare intercedente, sedatur: cuius etiam opera Guido Velates Mediolanensem Episcopatum init. Henrico II. extincto, dum Henricus filius adhuc minor in matris tutela adolescit, Mediolanenses tum cum Papiensibus in Campo mortuo; tum inter se civilibus odiis confligere, Landulpho Cotta primum, deinde Arembaldo fratre Archiepiscopum, totumque Clericorum ordinem seditiosissimis sermonibus, concionibusque in populi, ac Romani Pontificis invidiam adducentibus adeo, ut Sacerdotes à furente multitudine sæpe non modo compilati, sacris prohibiti, templis exclusi; sed ad ipsas quoque aras pulsati, casique sint: ne ab Archiepiscopo quidem manus absti-

abstinere: qui insuper Mediolano abire, Roma causam dicere, & tandem dignitate se abdicare malorum mole compulsus est. Seditionis quoque auctorum infelix exitus fuit. Landolphus vocem ecclesiasticis maledicendo decoxit pulmonibus tunc confectis: Arembaldus à populo egerrime ferente Ecclesia sua ritus expungi, minui dignitatem, jura labefactari, sub concionem concisus est: denique Arialdum, qui totum incendium excitaverat, foedissima morte Nobiles tot sacerdotum manibus litavere. Calamitosissimarum autem contentio-
(quod iis non semel Romanus Pontifex tum à turbulentissimis hominibus appellatus, tum cupiditate accidende Mediolanensium Antistitum potestatis per legatos intervenit) is fere exstitit fructus, ut Clericorum mores non nihil castigarentur; & Mediolanensis Ecclesia Caesarum potentia minus confissa Romano Pontifici (qui etiam per eadem tempora in Alexandro II. Mediolano ex Badagiorum familia oriundo non Casaris, sed Cardinalium suffragiis creari coeptus est) amplius subjaceret; illique demum Episcopi ubique terrarum legitimi haberentur, quos Romanus Pontifex praesse iussisset. Quare Gottofredus Castellionensis, qui Guidonis Archiepiscopatu se abdicantis insignibus ad Casarem delatis, cum eisdem Mediolanum Archiepiscopus ab eo appellatus redierat, à Pontifice anathemati subjectus est; & à populo repudiatus; & duce Arembaldo, primum urbe, deinde Varisio pulsus, & Castellioni obsessus, donec ob immane urbis incendium cives obsidione digressi sunt. Sed Arembaldo postea Athonem adolescentulum non sine Pontificis favore Archiepiscopum asserente, rem indignati cives, hoc rejecto, Gottofredum deposcunt; interposito sacramento, non alium se accepturos, quam quem Henricus Imp. iussisset, quem jam Gregorius VII. hostem Ecclesia judicatum jure eligendi Episcopos spoliaverat.

A. C.
925.

VM vero jam annus ageretur vigesimus quintus supra nongentesimum, Hugo Burgundus vir in Italia praepotens, & Regio nomini proximus, haud infra dignitatem suam duxit familiarem habere Ecclesiae nostrae Praefecturam, atque adeo filium Mediolanensium Archiepiscopum designari: verum quia per aetatem adolescens capere munus non poterat, id interim demandari curavit Arderico Cottae homini jam seniori, & qui tantisper supervicturus videbatur, dum recentis tonsurae clericus capefscendo sacerdotio idoneus evaderet: verum illius opinionem fefellit vivax hominis senectus: atque impatiens morae Hugo tollere eum insidiis paravit; id quod cum saepe frustra tentasset, demum conventum Papiæ indicit. Confluxere clarissimi quique sacerdotis: inter ministros quorum rixa oritur; dumque alius alium defendit, & armis res geritur, nonaginta viri ex Nobilitate Mediolanensi cecidere: atque Ardericus ipse à tumultu aegre servatus est; quod pro miraculo Hugo habuit: & exinde ad poenitentiam reversus, Sacerdoti per internuncios reconciliatur, atque in emendationem injuriarum ingentia praedia Ecclesiae donavit.

A. C. 929. Jam aperte Regio titulo insignis Hugo in Circumpadanis versabatur anno nongentesimo vigesimo nono, qui & Regni ejus tertius erat: nam Papiæ agens confirmat jura coenobii Aurei Caeli. Biennio post Lotharium filium Regem Italiae nuncupat; & exactis inde novem aliis annis, qui erant à Christo DCCCXL. ambo Reges Hugo pater, & Lotharius filius Bobium profecti, aedem D. Columbari religiose salutarunt, amplique coenobii privilegia confirmavere: nec mediocri nobis voluptati fuit archetypas eorum tabulas apud Monachos perlegisse.

A. Dehinc anno quintodecimo Imperii Lotharii Augusti, & regnante utique Hugone patre, Atto Episcopus Vercellensis praedia alia Ecclesiae suae, id est, Eusebianae; Mediolanensi autem, cujus sacerdotes partim Cardinales Ordinarii, alii Decumani Canonici dicebantur, duas valles, Leventinam & Blenniam, è quibus Ticini fontes oriuntur, donat; Eugeniumque Pontificem, & Lotharium Imperatorem praesentes rogat, ut consensu quoque & praerogativa sua hoc decretum affirmarent, juberentque ratum perpetuo haberi. Annuere benigni Principes, idque ut sanctius in omnem aetatem facerent, diris execrationibus addixere fortunas, capitaque eorum, si qui unquam infringere ea conarentur: subscribere huic tabulae quatuor & viginti Italiae Episcopi, & Berengarius Marchio, & Guido Comes Palatii: qua ex re duo rursus scribentium discordiae opponenda colligimus; primum quindecim annos Imperio Lotharii attributos, cui quidam octo tantum, alii duodecim ad summum adscribunt: alterum, quod sub hoc Lothario Hugonis filio memoratur Eugenius Pontifex, quem illi in Lotharium Ludovici referunt. Ceterum rem in Curte Marenga actam traditur: quem locum Castrum Maricorum fuisse crediderim, quod duobus millibus passuum ab Alexandria distat: Marengi vulgo appellari etiam Merula attestatur.

Ardericus autem Cotta Mediolanensis Ecclesiae Pontificatum tenuit annos duos & viginti: quo defuncto, contentio inter quosdam oritur, quae incertos civium animos in quinquennium habuit, cujus potior causa foret. Manasses genere Burgundus, Arelatenfis jam urbis Episcopus, praerogativam regiam praetendebat: Adelmanus vero Menclotius populi suffragia, & antiquum eligendi morem allegabat. Hic amplas opes nactus, aedem Divo Georgio Orientali porta struxit, cui de propinqui lapidis colore putei albi appellatio mansit, & praedia constituit, quae nemo, nisi ex cognatione & vita caelebs fortiretur: cui dum multi inhiant, ac proinde matrimoniis abstinent, pernicios nobili familiae parata est, penecque ad interitum gens Menclotiorum devenit: crexit quoque sibi statum Adelmanus, quae quotannis albo, nigroque colore interpolatur, & xenia vicinis mittuntur: ardet insuper lampas honestissimo in loco majoris templi; cui tabella bicolor cum titulo viventis suspenditur. Ceterum contentioni duorum Praesulum intulit se medium Valpertus, vir acuti & prudentis ingenii. Hic Manassem & Adelmanum diversis temporibus allocutus, utrique suasit, ut incerti juris honore & magni dispendii lite cederent: ita vacuum rursus locum ipse invadit, & Mediolanensium Antistes Valpertus nuncupatur.

Interea Lotharius Papiæ moritur, & Berengarius Longobardus regnat, qui Adhelegidam, ut in archetypis tabulis vidimus, non autem, ut Blondus & alii eum secuti scribunt, Alidam, vel Alundam Lotharii conjugem, aliqui filiam memorant, in vinculis Mediolani habuit, ac inde in arcem Gardae ad lacum Benacum transtulit, ex eo quod opulenta mulier nuptias suas constanter aversabatur: tum usurpato Imperatoris titulo, Adalbertum filium Italiae Regem dicit. Interim Adhelegida, corruptis spe ingentium praemiorum custodibus, carcere effugit: favebant autem ei, & Johannes Decimus hujus nominis Romanus Pontifex, & Adelardus Rhegiensis urbis Episcopus, & Atto Malaspina genere Lucensis, qui ea tempestate opibus inclytus Canossam oppidum in Rhegiensi condiderat. Huc ergo delata Adhelegida tandem ab hostilibus insidiis servata est, donec & auctoritate Pontificis, & precibus Italarum populorum, quibus invisa Berengarii avaritia erat, & spe illu-

illustrium nuptiarum excitus Otho Henrici filius Germanorum Rex opem tulit: nec defuit magni rebus momenti homo Valpertus Archiepiscopus Mediolanensis, qui Berengario infensus in Germaniam profugerat, ac Regnum Italiae affectanti Othoni haud dubie spondebat. Igitur praemissi Oratores restitui primo Valpertum curarunt: tum Litulphus * filius cum exercitu subsecutus adeo illius animos fregit, ut minime patenti campo expectare ausus Berengarius, in Novariensis regionis insulam confugerit, quae exiguo lacu circumdata de sepulto in ea Antistite Sancti Julii, deque adiacente oppido Ortæ nomen tenet. Hic aliquandiu inclusus, cum nec fugæ, nec auxiliorum spes foret, sive proditus à suis, ut quidam opinantur, sive ultro ea ejus deditione in potestatem Litulphi venit: nam ab eo nihil gravius pati, quam ut magno Principi Othoni Cæsari parere disceret, coactus est: mox Litulphus ipse, dum in praesenti gloria minus cogitat, quam quod accidit, veneno petitus interiit; cujus obitus opportunitate excitatus Berengarius res novas molitur, vocatisque ad rebellionem amicis diversarum partium fautores bello persequitur: tunc Otho precibus Adhelegidæ in Italiam proficiscitur; occurrentemque Veronæ Reginam desponsat: mox Berengarium desecutus prælio apud Ticinum vicit, captumque cum Viulla conjugæ, & filiabus in Sueviam relegat: tres vero mares filii Adelbertus, Guido, & Conradus diversa exilia petiere: exstat hujus rei mentio archetypis tabulis Papiæ confectis octavo Kal. Februarii, anno † nongentesimo quinquagesimo primo: abiit deinde ad Suevos Otho, relicta in Longobardis Adhelegida, quam Adelbertus Berengarii filius bello aggreditur: obsessam Atto Malaspina defendit, & acie dimicans hostilem fudit exercitum, & liberam Reginam, & pacatam Provinciam adventanti in Italiam rursus Othoni reddidit: cui pro ingenti merito grandem pecuniam, & oppida, ac jurisdictionem Otho largitus est; diutiusque cis Alpes moratus Adhelegidam Regni consortem appellat, cum Papiæ ageret sub anno Domini DCCCLXII. Quo etiam tempore sub Kal. Augustas Ortam profectus Ecclesiæ Sancti Julii prædia quædam donat in Plumbiensi Præfectura sita: quorum fructus in usum & sumptum Canonicorum, & non etiam Episcopi Novariensis cedant. Ex Adalberto autem progeniti liberi, atque nepotes mediocres opes in Liguribus Circumpadanis sortiti, ut aliquo titulo claritudinem suam & Regiam progeniem se esse ostenderent, à nomine avi Berengarios se nuncuparunt: seque inde ortam putat nobilis ejusdem cognominis trans Padum familia.

Caterum suscepit Otho ex Adhelegida duos, quod compertum habeam, liberos; marem, qui de ejus nomine Otho secundus vocitatus est, & foeminam, cujus nomen non traditur: sed video, hanc Aledramo † juveni impigro nuptam; nam & Aledramum generum publicis tabulis Otho nuncupat, cum Ravennæ esset Aprilis mense anno DCCCLXVII. quibus eum, intercedente Adhelegida uxore, Marchionem Montisferrati creat: jam enim sic vocabatur pars Liguria, quæ ab Apennino procedens media inter Padum & Tanarum fluvijs confurgit; & ab his multiplex propago varias, pro locorum nomine, appellationes sumpsit, Montisferrati, Salucienfis, Carrecti, Ancisæ, Cævæ, Boschi, Buschæ, & quorundam aliorum, quorum nobilitas jam obsolevit. Non ignoro circumferri, quasi mutuo amore capti Aledramus, & Regia virgo, iram parentis post furta fugientes,

* Alii Litulphum, alii Lindulphum.

† Annus hic est desponsatæ Adhelegidæ, non Berengarii legati. Vide Gord. anno 964. & 952. & Baron. ibid.

‡ Indigenæ Aleramum dicunt.

mutato habitu, in Liguriam maritimam pervenerint, & vilissimas operas, atque adeo carbonariam juxta Albingaunum urbem exercuerint, donec repertos Otho, quia factum corrigi non poterat, honestiorem in partem consulens, Montisferrati ditio-ne donavit: sed quia hæc res nec ab idoneo scriptore, quod hæcenus viderim, traditur, & speciem fabulæ sapit, eam nec affirmare, nec refellere in animo est.

Digressus Italia Otho Viennæ anno nongentesimo sexagesimo octavo moritur †. Filius vero, ut diximus, hujus nominis secundus, Germanici Regni heres, cum prudentia matris firmæ quoque ei stetit Longobardæ opes, ad Italos proximo venire venit, & dum Cassiani moratur, concedit Arduino inclyto Marchioni, & Adam, & Amicho, & Manfredo, & Odoni possessionem legitimam earum rerum atque urbium, quas jam in Italia obtinebant: cujus rei archetypam tabulam in Ticinensi Bibliotheca vidimus. Idem uxorem duxit Theophaniam ex Constantinopoli. Cæsaribus ortam, quam & consortem Imperii publicis monumentis appellat.

Inter hæc Valpertus jam decem & octo annis Mediolanensis Ecclesiæ præses moritur: cui successus Arnulphus tertium, & Gottofredus quintum annum cum duobus mensibus non excessere: cumque jam agerentur nongenti septuaginta duo anni, Otho secundus Mediolanum profectus, diversarumque in Cœnobio Ambrosiano mense Julii, cohortante Adhelegida matre, confirmavit Abbati Bobiensi ea, quæ præfci Reges Cœnobio Columbani concesserant: idem fecit Papiensi Cœnobio Cæli Aurei, cum esset Magdeburgæ Saxoniarum urbe an. DCCCLXXVIII. qui erat Regni sui decimus octavus, & Imperii undecimus.

Cum autem quæta undique Othoni pareret Italia, Saraceni ex Africa transmissi Calabriam & Salentinis invasere: adversus quos comparato exercitu Otho contendit, & prælio infeliciter commisso, simul cum Regina capitur. Narrat Arnulphus rerum scriptor, captivos Othonem & Reginam ad littus maris deductos fuisse, ut in Africam deportarentur; sed dum conscenderent naves, impetrasse ab hostibus, ut quos servos quotidiano ministerio adhibere consueverant, præsentis quoque infortunii comites ducerent: ac simul Othonem clanculum monuisse, ut plures viri muliebribus vestibus tecti arma ferrent, & ancillarum specie deceptis custodibus, citra suspicionem naves adscenderent, & memorandum facinus peragerent: ita instructi cum paululum à terra recessissent, dato signo, gladios in navarchos stringunt, & ad unum jugulant: quibus trucidatis, terræ redditus Otho incolumis evasit, atque iterum regnavit.

Dum vero hæc agerentur, Mediolani mortuo Gottofredo Antistite, Landolphus Carcanus favore Othonis, & ut fama fuit, corruptis largitione sacerdotibus, sufficitur: ei pater Bonicio fuit; fratres quoque nonnullos habuit, viros natura superbos & alieni appetentes, quorum cupiditati permittente Landolpho amplas sacerdotii opes, in omnem audaciam perrupere: & dum his intemperanter abutuntur, affectare majora civili mediocritate visi sunt. Fit ergo in eos conspiratio, & populariter sumptis armis, urbe pelluntur: in agrum Sæprium hi abiere; turba infestis animis insequitur; juxta Carbonariam vicum collatis signis conflixere; cædes magna edita; ex qua cum servulus quidam vidisset dominum suum interfectum, inauditi facinoris consilium sumpsit: nam Mediolanum propere reversus Bonicionis domum petiit,

† Gordonus, Baronius, Sigonius, & alii anno 973. mortuum scribunt: sed tum anno 968. Otho II. consors Imp. factus in Italiam venit, ut habet Gordonus.

quixtate gravis domi quietus remanserat: ad hunc igitur, ceu magna de re sermonem habiturus, intromitti cum se petiisset, stricto pugione Bonicionem transfixit. Pace postmodum inter cives facta, Landulphus in emendationem eorum, quæ de Ecclesia averterat, cœnobium extra urbem inter Romanam & Ticinensem portam crexit, in honorem S. Celsi Martyris, amplisque prædiis ditavit, atque moriens

A. C. 982. sepeliri ibidem voluit anno DCCCCLXXXII. Quo etiam tempore Otho dum expeditionem transmarinam parat, Romæ fati ereptus est: successit ex Theophania genitus adolescens, nomen patris, avique simul

A. C. 983. referens Otho Tertius. Per cujus tempora Pontifex tribus mensibus fuit Joannes Decimus quartus, quem nonnulli patria Papiensem fuisse prodiderunt. Item Conradus Marchio Berengarii Regis filius, & Richelda uxor Ecclesiæ Mediolanensi donant Trechatum Novariensis agri oppidum anno

A. C. 989. DCCCCLXXXIX. & Joannes Græcus, apud Theophaniam sacrorum minister, favore ejus Episcopatum Placentinum adeptus est, qui deinde factione Crescentii Nomentani Romæ affectantis Imperium

A. C. 996. Gregorium V. Pontificatu dejicere conatus est; & summovit quidem ad tempus: nam ipse, Apostolorum sede occupata, decem menses Joannes Decimus septimus fuit: sed accersitus in Italiam Otho Crescentium capit, & capite mulctat, & adulterinum Pontificem post varias ignominias inversæ asinæ impositum circumduci per fora urbis, ac demum narius, & auriculis mutilari jubet. Restitutus pariter in sedem Gregorius, ut accepti beneficii gratiam Othoni referret, illum solenni die Imperatorio titulo, & Augusti nomine donavit anno DCCCXCVI. Triennio post idem Otho Papiæ per Octobrem mensem agens confirmat privilegia à Majoribus concessa Bobiensi cœnobio: idque factum est rogatu Gerberti Abbatis, & pariter Archiepiscopi Ravenatis; ac mox Romam profectus, eadem affirmat Petro Aldo, qui demortuo Gerberto in Bobiensi tantum sacerdotio suffectus fuerat.

Eodem tempore & Mediolani defuncto Landulpho Carcano sufficitur Arnulphus ex gente, ut quibusdam placet, de Arfago, quem Otho uxorem ducturus, ex eadem natione, ex qua Theophaniam matrem fortitus fuerat, Constantinopolim paciscendarum nuptiarum gratia, misit.

A. C. 996. Interea de constituendo apud Germanos Imperio actum est: & sub specie, ne amplius ceu res hereditaria ad pueros, indignosve supremum in terris munus perveniret; aut ab eo, qui armis plus posset, usurparetur; sancitum est, ut ex septem Heroum suffragiis Princeps virtute & meritis clarus eligeretur Romanorum Rex, qui deinde Romæ à Pontifice coronatus, Imperatoris nomen acciperet. Jus vero ejusmodi suffragiorum esset penes Coloniensem, Trevirensensem, & Moguntinum Archiepiscopos, nec non Marchionem Brandeburgensem, Comitem Palatinum Rheni, Ducem Saxoniam, & Regem Boemiam: quod eo facilius confectum fuisse crediderim; quia præter continuam trium Othonum seriem, Gregorium quoque ipsum genere Saxonem fuisse audio.

A. C. 1002. Cæterum brevi post eam rem constitutam, fati concedens Otho sine liberis decessit; & seu rem de Imperio inter paucos actam Itali ignorarent, seu ratam non haberent, seu cupiditate regnandi unicuique insita, Arduinus * nobilis Eporediæ Marchio conventum Papiæ habuit, atque ibi Longobardorum Rex declaratur: quo facto, cum Arnulphus Archiepiscopus Constantinopoli rediisset, nullo non officii genere cum sibi conciliare Arduinus studuit; seu spe earundem nuptiarum, quas Othonis nomine is procuraverat; seu ut potentissimi Sacerdotis prærogativam quoque regnaturus in Italia prætere-

* Alii Arduinus.

A posset. Tum ad Laudem Pompejam Episcopos finitimarum civitatum, & Proceres amicos convocat, atque eorum decreto Imperator declaratur: & ex eo ingentia prædia Papiensi Ecclesiæ donavit, cujus tum Præfles Guido nuncupabatur. Cum sic plurima Italia Arduino, velut legitime Imperanti, pareret, Germani Proceres pro jure sibi à Gregorio concessio Romanum Regem creant Henricum Bavarorum Ducem hujus nominis Secundum, quem in Italiam profectum fuisse lego anno Christi MIV. siquidem archetypis quibusdam tabulis constat, eum pridie Non. Junii pernoctavisse apud Cadampinum vallis Agni vicum, qui locus in Comensi tractu est: dimicavit autem Henricus cum Arduino, & acie victus in Germaniam refugit: ubi novis copiis comparatis in Veronensem agrum descendit; ubi mature quidem Arduinus occurrit; sed destitutus à suis omittere in præsens negotium, & mox penitus à belli consiliis recedere coactus est. Igitur victor Henricus res Longobardas ad arbitrium componit: Papiam profectus, cum cives in rebellione diutius perseverarent, uno urbem cremavit incendio: cujus exemplo A. C. 1004. exterriti alii populi imperata obedienter fecerunt.

Interim Arduinus ad Subalpinos populos se contulit, & collecta quam maxima poterat armorum manu, per occasiones, interimque rogatus ab iis, quibus insolentia Germanorum militum gravis erat, hostilem adhuc animum ostendebat. Jam vero, & Vercellas cepit, & Novariam obsedit, & paulo post Comum invasit: demum tædio laborum & fortunæ, cum in cæteris, tum in bello nunquam fidelis, more Diocletiani & Maximiani Cæsarum deposuit Imperium: privatamque deinceps vitam agens consenuit in cœnobio Fructeriæ, quæ sita est inter Doriæ & Morgum Taurinensium flumina. Tunc veluti extincto pene æmulo, cuncta sine difficultate Henrico obtemperare: simul quattuor inclyti in Italia Marchiones, Ugo, Actius, Adelbertus, & Obicio, atque alii non pauci, qui partibus adhæserant, fortuna afflictæ, universis opibus cecidere: inter quos Episcopus Astensis reliquum vitæ Mediolani exul peregit: cujus dignitatem Henricus deferri curavit Olderico Mamphredi clarissimi Marchionis fratri, invito tamen, & usquequaque recusante Arnulpho Mediolanensi Antistite.

Cæterum Henricus cum sub annos mille & duodecim in Germania esset, novum in Italia bellum suscepit, & Romæ à Benedicto Octavo diademate Augustorum biennio post donatus fuit. Quo quidem tempore, ut publicis tabulis Papiæ legimus, Ubertum Comitem, Philippum, Obertum Marchionem, & liberos ejus, ac Albertum nepotem cunctis rebus exuit, ea ex causa, quod cum Arduino hoste suo sensissent, Romanumque Regnum cædibus, rapinis, & incendiis vastassent; cæterique rebellionis populares, in quibus non pauci Mediolano, Comoque oriundi fuere, in Germaniam relegantur. Dehinc adversus Saracenos Henricus contendit; quos Capua expulit: inde Trojam Apuliæ urbem obsidet, & deditibus oppidanis cepit.

Inter hæc Oldericus, cum nullis precibus Mediolanensem Antistitem flectere potuisset, ut in Astensi Episcopatu confirmaretur, Romanum Pontificem adiit; atque ab eo consecratus ceu legitimus Sacerdos Astam repetit: quo cognito, Arnulphus incredibili ira exardescit; fraudemque istam minime se laturum declarat; reum Majestatis citat; obaudientem damnat, contumacemque execratur, & divinis omnibus interdicit: tum sumptis armis persequitur; trajecto Pado exercitum in Astensium fines deducit; agri exuruntur, præda ingens undique agitur; denique arcta obsidione urbem cingunt: quæ mala cum diutius ferre cives non possent, frequentes Oldericum & Mamphredum circumstant, orant, obtestantur, patriæ commoda ne privata commoditati postponant: tum

tum circummissis legationibus, pacis condiciones convenire: atque Ecclesiae Mediolani de injuria hoc modo est satisfactum. Reverso domum Arnulpho, Oldericus & Mamphredus magna clientum & amicorum comitante manu, cis Ticinum, atque adeo ad tertium ab urbe milliarium pervenire: hic remotis equis, pedibus nudis urbem ineunt: celeberrimum fuit spectaculum, tantam nobilitatem tali habitu incedentem visere; sed Principes ipsi à cætera turba distincti. Oldericus sacrum volumen, Mamphredus catellum humilitatis & fidei signum dextera portabant. Ambrosiano templo intromissi sedentis Arnulphi genibus advolvuntur, & errorem confessi, veniamque precati, in gratiam recipiuntur: tum de manu Archiepiscopi deferri sibi insignia Astensis Ecclesiae Oldericus rogat: quo facto, Arnulphus dignum sacerdotio pronuntiavit, ac vestibus sacris & annulo donavit: tunc Mamphredus ingens pondus argenti altari imposuit, seu donum sponte factum, seu imaginariam quandam belli expensarum emendationem; ex qua pecunia crux deinde argentea fabrefacta fuit. His in Ambrosiana aede peractis, ad Majorem, quæ in Mariæ Virginis, & Matris honorem in media urbe colitur, transeunt, eodem habitu, atque iisdem ibi caerimoniis repetitis integram gratiam, & universi populi reconciliationem meruere. Talis ultor Ecclesiae Arnulphus cum fuerit, decessit anno Christi decimo nono supra millesimum, qui & dignitatis ejus undevicesimus erat; vir pari in cunctis laude dignus: quidam ferunt, ab hoc æreum serpentem ex Constantinopolitana legatione relatum, & in Ambrosiana aede locatum; quod anteparum fidele existimanti mihi, penitus vanum ut credam, facit Arnulphus Chronicorum scriptor, hujus, ut arbitror, ex fratre pronepos; qui reliqua ejus acta diligenter pro viribus ingenii executus, serpentis nullam omnino mentionem habet.

Huic magnis hominum studiis sufficitur Heribertus Antimiano vico Canturiensis Præfecturæ urbi Como finitimæ oriundus, & tum Mediolanensis Ecclesiae Diaconus: pater ei fuit Gerardus, & nepos hujus nominis, qui commodissimum sub Henrico Cæsare locum nactus, epistolarum magister diu fuit.

Sed jam fatis debebatur novæ origo religionis, & opulentissimi sacerdotii principium: namque exules in Germania agentes, diuturnioris moræ pertæsi, vestem cum animo majora concupiscendi mutant, & unum omnes habitum sumentes cinerei coloris penulam induunt, castigatisque sponte moribus, divinarum rerum sermonem instituunt; casta & religiosa ubique loquuntur: jam opibus contemptis mediocritatem diligere, & vitia omnia uno abhorreere decreto, ac, ut nihil simulate facere viderentur, lanificio victum quærere: quod quotidiano victui superesset, tenuioribus erogare: tetigit ea res universi populi animum: deinde ad Henrici quoque aures perfertur: qui diutius observari eos cum jussisset, comperissetque vera religione trahi; atque in primis liberos & conjuges ad idem genus vitæ allicere, crimine absolvit, ac in patriam redire permisit: reversi suam quisque familiam novis instituere moribus: vicini, exemplo spectato, in disciplinam accedunt: cum jam plures essent, & capite, quo regerentur, indigerent, Antistitem sibi creant, ac locum consilii constituunt, quem Conventum dixerunt; universi *Fratres de Convento* nuncupati; ac postea à magnitudine operimenti capitis, quo in peregrina terra uti consueverant, *Berretani*; deinde à constantia mentis, qua genus omne superbiam sequestraverunt, *Humiliati* dicti; tum promissas ad talos tunicas, cinereo incandidum colorem verso, sumptere; & congreg-

sum mulierum vitantes, in regulam Divi Benedicti concessere: & quamquam tam vetusta habeatur hujus origo religionis, tamen intra Italiam stetit, nullis aliis nationibus recepta. Non me latet, à quibusdam referri hæc in Friderici primi tempora: sed his, ut imperitis, manifeste adversantur Pontificum tabulæ, qui Fratribus Humiliatis aliquid ante Friderici ætatem concessere.

Per ea quoque tempora, & in trecentos amplius ab hinc annos, video, invaluisse morem distinguendi homines ex trifaria legis professione: nam ut olim Romæ ex Tribubus civitatis, & nunc ex Porta, Parochiaque, ita nunc alius lege Romana, Longobarda alius, alius Salica se vivere profitebatur, quoties nomen in publicum monumentum dabant: quarum primarum nomina satis clara per se sunt; de Salica vero diu dubitavi; demum occurrit Gallicanarum rerum scriptor, qui tradidit, Faramundum Francorum Regem, temporibus Honorii & Arcadii Cæsarium, ejus legis auctorem fuisse: in novissimo vero Cæsarei Juris volumine scriptum est, cum quis susceptæ proli ex conjuge nobili novercam minus nobilem inducit, & in contrahendis sponsalibus paciscitur, quid rerum ex hereditate genitis jam liberis, quidve futuris ex recenti matrimonio pervenire velit, in reliqua Italia Salicam legem, Mediolani autem Morganicam, & interdum Morganaticam vocari.

Mortuo Henrico, magna apud Germanos de successore orta contentio est; de qua litteris Gerardi fratris admonitus simul, & impulsus Heribertus Mediolanensis Antistes eo proficiscitur, anno, qui jam à Christiana nuncupatione numerabatur, millesimo & vicesimo quarto: sed jam Conradum Franconiae Ducem Cæsarem electum offendit; cui congratulatus, quidquid vires suæ, & auctoritas amplissimi sacerdotii posset, obtulit: quæ gratissima novo Cæsari ut fuere; ita Heribertus ab eo retulit auctoritatem constituendi Laudensis Episcopi, quem omnino & consecrare antea solebat: inde reversus ad Longobardos litteris, & legationibus, ac multa dando, pollicendoque, tota amicos illi Italia comparavit: triennio post profectum cis Alpes Conradum Mediolani coronat, ac inde Romam deducit: ubi, cum solemni die ad Joannem Vicesimum pro foribus ædium Petri sedentem augustalia ornamenta accepturus Rex accederet; & eo forte momento cum quadam necessitate coactus Heribertus Mediolanensis non adesset, Ravennas Præful, cui simile nomen Heriberto erat, dextram Cæsaris invadit, eamque tenens usurpaturus videbatur id, quod erat muneris Antistitis nostri: quod cernentes Longobardi heroes, tacite primo obmurmuravere, dein aperte indignari, & jurgiis contendere adversus temerarii hominis importunitatem; denique se opponunt, & munus interdicunt: crescente rixa, Conradus gradum sistit: *Et equidem ego*, inquit, *à majoribus accepi; solere eum Augustum, Imperatoremque à Romano Pontifice declarari, quem Mediolanensis Antistes initiaverit, ac ferreo diademate coronaverit: ac propterea eundem ungendum eidem Pontifici ab eodem Mediolanense offerri: & cum hoc verbo manum à Ravennate retraxit, simulque Mediolanensem acciri jubet: sed is non comparebat, aliqua forte necessitate districtus; differri quoque initæ caerimonie non poterant: ergo per Vicarium ex suffraganeis lectum præsentis negotio, & Præfulis dignitati consulitur. Ardericus Vercellensis Episcopus adstabat, insigni statura vir: hic vice Mediolanensis accitus Conradum ad solemne sacrum deduxit septimo Cal. Martias anni millesimi & vicesimi septimi: & mox publica synodo sancitum est, ne in posterum ullis Pontificalibus conciliis Mediolanensi Præfuli sese Ravennas anteponeret.*

Anno

A. C. Anno quarto Imperii Conradi Benedictus, qui
2027. & Rocio vulgo nuncupabatur, cum Ferlenda uxore ædem proprio solo media urbe struxere in honorem Divæ Trinitatis, & memoriam locorum, quæ Christus Deus nascendo, moriendoque, & interrim baptizatus, excruciatuque à Judæis, & novissime cælos adscendens sacrauit, singulaque facella singulis nominibus distincta diu mansere, donec celebrius vocabulum Sancti Sepulchri invaluit: ejus cultui quattuor Canonicos & octo Monachos adscriptos fuisse lego; licet posteriorum negligentia, illos jam diu desideremus: durat tamen nobilis structura subterraneo specu, pensilibusque cellis, marmoreo pavimento & duabus turribus egregia.

Forte per ea tempora Præses Ecclesiæ Laudensis decessit: cui Heribertus, pro jure sibi à Cæsare concessio, decrevit Episcopum Ambrosium ex ordine Cardinalium Mediolanensem: hunc vero se minime accepturos, aut quemlibet alium, quam quem ipsi patrio more, aut majorum ritu elegerant, ostendunt: at Heribertus designatum ornare pergit, & confirmat; recusantes admittere, bello persequitur; urbem eorum obsidet; agros late miles populatur, tandemque compulit & pacem, & Episcopum accipere: qui etsi doctrina, probitateque excelleret, nec ullo officio non studuerit sibi conciliare cives, haud tamen illi unquam bono animo in gratiam se rediisse ostenderunt.

Per eisdem dies, defuncto Rodulpho Rege, Conradus invadere Burgundiam Provinciam constituit, vocavitque in auxilium Longobardos Heros; è quibus profecti trans Alpes cum magna manu sunt Heribertus Mediolanensis Antistes, & Bonifacius Marchio illustris, quorum auctus copiis Conradus hostem premit, atque ad deditionem compulit: tumque bipartita Burgundia fuit: habita victoria læti Longobardi in Italiam redeunt. Conradus Rheno adjacentes urbes petit, & Basi-

A. C. læa erat anno millesimo & tricesimo tertio: per
2033. quod tempus Heribertus Mediolani suburbanæ ædi in honorem Dionysii & Aurelii conditæ porta Orientali cœnobium adjecit, quod paternis fundis, quoniam census Sacerdotii non sufficiebant, locupletissimum fecit, ac perhorrendo edicto sanxit, ne quis ullo unquam tempore acta à se immutaret: cæterum, ut nemo fere in secundis rebus modum cupiditatibus adhibet, Heribertus sacerdotali potentia major urbis dominium affectare visus est: tacti suspicione cives, magnam illi invidiam conflant; nocturnos conventus, arcanaque consilia ineunt: ordo tunc in urbe erat militum, qui vulgo *Valvassores*, sive quod civitatis portas custodirent, seu ex aula Cæsarea alicujus dignitatis nomen allatum sit, dicebantur: durant adhuc in plerisque urbibus familiæ Valvassores cognominatæ: apud hos in primis conspirationes & conventiculi fiebant: sed cum consilia non procederent, uno omnes agmine egressi ad montana abeunt; hisque applicatur Nobilitas; & Laudenses Episcopalis injuriæ memores ad eisdem egregiam juvenum manum mittunt: quibus occursurus Heribertus quantascumque potest copias contrahit. Confluxere in loco, cui jam pridem *mali* cognomen erat. Ingens pro numero edita cædes: inter confertos cecidit Olericus Astensium Episcopus, cujus morte finitum bellum: nam & hi magno Duce, & discordiarum nutritore amisso, confusi, & illi duro adversario liberati, facilius ad pacem convenerunt, solutisque exercitibus domum abierunt.

A. C. Interea vero Heribertus de summa rei sollicitus
2037. Conradum Cæsarem in Italiam vocaverat, qui per Tridentinas Alpes Veronam transmisit, Mediolanum venit. Verum invaluit paulo post rumor, co-

A gitare Cæsarem de accidenda, minuendaque Præfulis potestate: quod cum populus ægre ferret, spectaretque ad tumultum, Conradus Papiam secessit, eodemque Principes sacerdotum frequentes vocati, coivere. Heribertus quoque Mediolanensis accessit; & in vincula conjicitur, custodiendusque Patriarchæ Aquilejensi traditur: ea re Mediolani nunciata, stupor, horrorque universos cepit: mœsti quid agendum sit consultant: tres civitatis ordines, Clerus, miles, plebs censent, communi nomine intercedendum, ut liber Pastor restitueretur: mittuntur ultro citroque nuntii; obfides Conradus petit: quibus acceptis, non solum non reddit Heribertum, sed tres alios amicos Episcopos detinet, Vercellensem, Placentinum, & Cremonensem: tum vero mœstum silentium ferocia Mediolani consilia oppremit: undique murmura, undique lachrymæ, gravioraque in dies exspectabantur: sed ecce carcere emissus Heribertus inopinat, inexpectatusque, secundo post mense comparuit tanta hominum lætitia, ut nihil supra optari posse videretur: at Conradus, quod se infcio, invitoque evasisset, hostem Imperii declarat, & bello persequitur, milites, undecumque potest, accersit: jam justus videbatur exercitus, & populando agros Landrianum oppidum expugnat, diruitque:

B mox propius urbem castra adinovel, & obsidionem instituit: contra Mediolanenses opportuna loca munire, hostiles in stationes erumpere, varia prælia committere: hic Merula recepit, sed, ut video, ex recentioris cujusdam Scriptoris traditione, quendam Baverium equitem viribus ferocem, & propinqua Cæsaris cognatione elatum, jurejurando se obstrinxisse, non prius cibum sumpturum, quam hastam intra urbem emitteret, vel portas configeret: cumque is muris obequicaret, Heriprandum Vicecomitem, qui portæ præsidebat, armatum ferocienti hosti occurrisse, reque cominus gesta, suffossam gladio barbarum cecidisse, ejusque capite reciso, Heriprandum ad suos gratulandum revertisse. Cum religiosa dies Ascensione Christi Dei ageretur, Conradus veluti supremam fortunam tentaturus, copias in aciem eduxit: in dextroque cornu Germanos, in sinistro Italos collocavit: nec detrectare certamen oppidani; instructisque ordinibus obviam procedunt, collato pede vir viro hærebat; cæduntur multi, cæduntque invicem: jam Guido signifer Cæsareus, & Marchio Italiæ, & quidam alius inter Germanos insigni corporis proceritate occubuerant; quorum jacturam ægre ferens Conradus, suburbana ædificia uri jussit: sed sive tædio longioris moræ, sive virtute &

C patientia obfessorum extrema omnia ferentium fatigatus, sive ex eo deterritus, quod Bruno Coloniensis Præsul rem divinam agens, vidit imaginem amplissimi Sacerdotis, quem Divum Ambrosium crediderunt, stricto gladio terribilem, & Regi, exercituique exitium minitantem, collectis sarcinis, Papiam concessit; ubi iras in Heribertum exercet, Episcopali munere eum interdicendo, unumque ex familiaribus in vicem ejus substituendo: contra Heribertum Othonem Francorum Comitem ad spem regni Italici excitat: sed is maluit nonnullis Germaniæ urbibus prius bellum inferre, quo implicitus & denuo victus obtruncatur: cæterum

E Conradus, nulla alia re memorabili gesta, dolore
F pedum oppressus, Italia cedere constituit: sed prius
A. C. amicos, quoscumque potuit, jurejurando obstrinxit, facturos bellum anniversarium Mediolanensi civitati, ejusque agrum quotannis populaturos: ergo, Conrado in Sueviam proficiscente, negotium adversarii facefiunt: Heriberto varias insidias tendunt; reliqui Proceres pro suscepto jurejurando, ad vastationem segetum veniunt. Heribertus multitudinem in arma vocat, & quibus modis geri bellum

bellum oporteat, docet: affirmat Merula, novum in Longobardis per hæc tempora excogitatum fuisse militiæ signum, quod *Carrociū* vocavere: quo certe ego video, non solos Mediolanenses, sed unamquamque civitatem, ex iis, quæ inter Alpes & Apenninum sunt sitæ, ducentis & amplius annis usos fuisse: erat autem currus editior coccineo obvelatus panno: in cuius medio procera statuebatur pertica, à qua vexillum album pendens rubra cruce interfecabatur; terni boves concolori instrati veste vehiculum trahebant: præficiēbatur ejus curæ vir bello prudens, quem *Carrocerium* vocitabant: Sacerdotes non paucirei Divinæ gratia, & octo tubicines sequebantur: juxta incedebant primarii ductores, & robustissima pars exercitus: ubicunque Carrociū subsistebat, ibi prætorium erat, & consilia gerendi belli administrabantur: faucii in pugna, aut pulsi ab hoste eo refugiebant, fomentaque & vires resumebant: tali ergo signo præmissi, Mediolanenses cum castra constituissent, & necessaria expeditioni nusquam intermitterentur, Conradus fato concessit: cujus obitu vis omnis hostilis soluta est: colligo defunctum eum anno Christi MXXXVIII. & uxorem habuisse Ghislam nomine, ex qua Henricum suscepit, qui adolescens adhuc paterno regno susceptus est, & pacem Mediolanensibus dedit, & postea anno MXLIII. cis Alpes profectus, Ticini conventum habuit, decimoque tertio Kal. Majas immunitate donavit Cœnobium S. Felicis: cui annuerunt Heribertus Mediolanensis, Rainaldus Papiensis, Luitprandus Novariensis, & Litigerius Comensis Episcopi, tum Ricardus Vicecomes sacri palatii Judex subscripsit.

Interea, Romæ tribus de Pontificatu certantibus, in Hetruriam Henricus adscendit: Placentiæ obvium habuit Gregorium Sextum, qui, Bonifacio Nono cedente, titulum prætendebat: tertius erat Sylvester, quem Romani creaverant pariter, & exauctoraverant. Henricus igitur, his omnibus abdicatis, Syndergium Bambergensem sufficit, & Clementem Secundum nuncupat: tum, sedatis discordiis, coronatur, atque Imperator hujus nominis Secundus, & Regum Tertius salutatur.

Cæterum Mediolanensium pacem foris partam bellum intestinum excepit, & quidem parvis initiis excitatum. Miles quidam privata causa irritatus, plebejæ fortis hominem pulsavit primo, & mox, incalcescente ira, occidit: affines facinus atrox & intolerandam contumeliam querulis vocibus apud suæ factionis homines detulerunt, & injuriam verbis cumulantibus turbam concitarunt: fit ex improvviso impetus ad domos militum, compluresque cæduntur: ignari causæ inexpectati furoris novitatem admirantur simul, & correptis armis vim vi repellunt: interfecti multi utrinque fucere, alii vulneribus debilitati: auxit hæc rixa iratorum odia, quibus non mediocriter incentivum statim accessit Lancio Curtius, cui magnis opibus par audacia juncta; inconditæ multitudini sese applicavit, & non tolerandas injurias prædicans, seque omnium ultorem ultro offerens primum inter eos locum brevi nanciscitur: jam caput turbæ constituitur, & ut aliquo titulo honestior foret, Capitaneus populi, & Defensor plebis vulgo nuncupatur; ferociaque in dies consilia agit: jam vero & nobilitas eum metuere, & communicatis cum militia consiliis, in unum conspirare, & dum nemo intercedit, neque furentium animos aliqua industria comprimit, ad seditionem erumpere: jamque non viri solum gladiis & acutis fudibus rem agebant, sed foemina quoque superne à fenestris & tectis ædium saxa tegulasque devolventes, multos contrebant, superanteque ob multitudinem plebe, pars altera urbe cedit: ejecti cum conjugibus & liberis suburbana castella petunt, ad quos brevi se confert He-

ribertus Archiepiscopus: qui maximo cum gaudio exceptus maximum momentum rebus attulit: nam ejus exemplum secuti qui nobilissimas regiones Sepriensem & Martianam incolunt, partibus accessere: quibus aucti copiis sex opulentiora oppida communiant; trienniumque ea dissensio infestam urbem habuit: his commeatus importari prohibentibus, fataque passim conterentibus: illis adversus importunos prædatores frequenter erumpentibus: tandem, supervenientibus Cæsareis Oratoribus, eorum auctoritate induciæ primo, & hostilium actionum suspensio; dein pax certa conciliata est; quam ratam fecit obitus Heriberti Archiepiscopi, qui per eos dies contracto Moguntia morbo Mediolanum deportatus, naturæ concessit; & in Dionysiana æde à se magnis prædiis donata sepultus est. A. C. 1045. cui successus fuit Guido ex numero Valvasorum, oppido Velate oriundus: id quod opera Henrici Cæsaris factum traditur; cujus voto recentes discordiæ, & civium calamitas peropportuna accidit, ne quis electioni novi hominis, hoc est, qui nondum in numerum Cardinalium ordinariorum receptus fuisset, refragaretur: veteri namque instituto observatum fuerat, ut ex hoc ordine Archiepiscopus eligeretur.

Cum autem jam annus quinquagesimus supra mille subiisset, Lanterius, vir operibus inclytus, cognomento *de Quinquaviis*, & Guida uxor multa prædia testamento Cœnobio Ambrosiano legaverunt; quorum redditibus alimenta crevere duodecim Canonicorum, quæ ultra priscum numerum constituta sunt: oleum lampadi in perpetuum arsuræ; & epulum quotannis quinquaginta egenis præbendum.

Per eadem tempora Arnulphus scribit, habitum in pratis Roncaliæ ab Imperatore conventum, & multorum querimonias auditas: inter alios gravissimis criminibus accusatum Adelbertum Marchionem, ac publico judicio damnatum Cæsar ferreis vinculis addixit. Item Leo Nonus Clementi successus jus creandi Pontificis à Cæsaribus ad Romanam civitatem traduxit: nam habitu & insignibus, quæ ab Henrico acceperat, ante urbis ingressum dimissis, privati more Romam iniit, & vocato populo ac Clero ab iis se eligi & ornamentis decorari curavit: id quod maxima arte & astutia Hildebrandi Monachi factum traditur, qui Soana Hetruriæ urbe oriundus promptitudini ingenii non mediocrem sacrarum Litterarum eruditionem junxerat; & statim ob ingens meritum in ordinem Cardinalium adscitus fuit, & cum vigore animi cunctis præstaret, facile primum locum inter sacerdotes obtinuit: nec multo post Leo in Cispadanam Provinciam profectus, conventum Vercellis habuit, in quo Berengarium Turonensem novæ hærescos auctorem convicit, & damnavit.

Reversus in Germaniam Cæsar decessit anno Christi MLIV. quantum ex inscriptionibus successoris ejus colligitur; nam alii triennium vitæ ejus addunt: moriens ex Agnete conjuge susceptum filium impubem reliquit: cui mox Regi Romanorum declarato Henrico Quarto nomen fuit: qui dum sub tutela matris adolescit, ingentis belli femina Mediolanensibus cum finitimis orta sunt: ex propinquitate locorum & commerciorum frequentia illatæ forte hinc inde inter privatos injuriæ sunt: quibus reprimendis cum nemo studeret, & in Magistratibus vel negligentia, vel iniquus favor, quominus jure emendarent, perspiceretur, ad prædas & latrocinia, inde ad cædes & incendia ventum est: quibus exacerbatus Papiensis externum militem conducit; impetum in Mediolanensium agros facit; fata populatur; quicquid occurrit, ferro prosternt; contra Mediolanenses adjunctis ex foedere Laudensibus, illorum fines incurrit:

N deni.

denique iusti exercitus utrinque scribuntur; castra in confinio locantur; & collatis signis pugna committitur; tantoque hominum cruore certatum est, ut loco nomen *Campi mortui* inditum fuerit, sive, ut alii scribunt, alia clade eam appellationem sortitus instauraverit: certe in hunc diem durat *Campi mortui* vicus ea regione percelebris. Cæterum Papienses, defuncto Episcopo suo, successorem datum à Cæsare & à Romano Pontifice confirmatum, admittere volebant; novumque ipsi eligunt, qui sacra procuret: eorum exemplum sequuntur Astenses: idque indignum plerisque videbatur. Idcirco certatum in urbe est, & post varios conflictus, & incendia facta, demum Adheleidæ Comitissæ prudentia & auctoritate pax conciliatur; & Episcopus, quem Pontifex sacraverat, receptus, altero ceu adulterino rejecto.

Interea Mediolani privatorum intemperans audacia in publicam perniciem exiit. Erat inter domesticos Guidonis Archiepiscopi vir philosophia & moribus ad continentiam compositis insignis, nomine Arialus, humili quidem genere natus, sed ob virtutem in Decumanorum ordinem, qui secundi sunt à Cardinalibus Ecclesiæ nostræ, adscitus fuerat: is cum opinione doctrinæ, tum familiaritate Archiepiscopi nixus, Clericorum mores taxare, ac acerbius mordere quibuscumque sermonibus coepit: simul Landulphum Cottam genere & opibus inclitum, cui ingenium & facundia ad aucupandam hominum gratiam supererat, sibi conciliat, eoque adduxit, ut quamvis nullis Ecclesiasticis Ordinibus institutus, auderet tamen in ædibus sacris concionari, ac rectam Christi fidem palam prædicare: qui, ceu peculiaris in Clericos provincia demandata sibi fuisset, nullis non triviis illorum impudentiam, cupiditates, avaritiam, largitiones, ambitus commemorare; tum nocturnas ambulationes, arcanæque commercia cum matronis, & occultas libidines objicere; nec solum eos non colere fidem, quam profiterentur; sed nec sancta, religiosaque esse sacra, quæ administrarent: quæ sæpius vulgo decantata, & avidis auribus recepta, multitudinem in damna Sacerdotum armarunt; & omnibus quandoque vicis ad eorum domos discursum est, & suppellex omnis direpta: nec ita multis post diebus turbam in foro Landulphus convocat, & denuo multa obloquutus, &, ut se sequerentur hortatus, ad templum procedit; & divina celebrantes inopinus invadit, pugnis, fustibusque cædit, ac toto choro sacrarioque fugat: tum legem promulgat de castitate Clericis servanda, cui subscribi cunctis ab Ordinibus curavit: quibus de rebus conquesti primo apud Episcopos de injuria; deinde, quia in eis nihil opis apparebat, ad Stephanum Nonum Romanum Pontificem deferunt: nam jam Leo, & post eum Victor Secundus decesserant. Pontifex per litteras, & populum, ut à vi temperet, & Archiepiscopum, ut in concilio Patrum rem cognoscat, & ex æquo, bonoque finiat, hortatur. Fontancti (id non procul Novaria oppidum est) conventus habitus: ubi indignissima fecisse Landulphum declaratum fuit, & sacrilegii, manifestæque impietatis damnandum censuerunt, nisi & in futurum abstineret, & de præteritis satisfaceret: enimvero Landulphus excandescere, ac magis magisque insolescere; uni eidem culpæ, criminique cunctos annexere; sibi omnia perspecta esse: valebat populari favore, ut diximus, Cotta, & fere cunctorum civium concursu, qui Clericorum probra libenter audiebant; alii inopia vel ære alieno pressi, & spem omnem in præda & rapinis locantes, nihil minus quam pacem & civitatis concordiam optabant: igitur agmine conflato, in verba sua iurejurando adigit, & laicam multitudinem, & non exiguum Ecclesiasticorum numerum; simul Arialum

A Romam mittit, qui plurima de statu patriæ obloquutus, demum docuit, in orbe Christiano unam adhuc Mediolanensem Ecclesiam superesse, quæ Romanæ non pareat: indignumque esse, ut ceu alterius religionis caput, diversique cultus usquam locorum ferantur: se vero, & Landulphum Cottam ex longo usu & auctoritate jam parta peridoneos esse, qui populum, quocumque velint, impellant: quod si Pontificis Romani modo nomen præstetur, profecto omnia sine difficultate ad votum successura: ea oratione non solum conflatum jam sibi omne odium deprecatus est; sed etiam singularem Landulpho gratiam comparavit: decretique fuere Legati, qui ad inspiciendas res, componendasque venirent, Hildebrandus, quem supra memoravimus, & Petrus Ostiensis, & Anselmus Lucensis Episcopi, quorum Ostiensis contemplatus majestatem Cleri Mediolanensis, cujus Archiepiscopo duodeviginti assident suffraganei Episcopi; & cunctis caeremoniis assistunt variæ dignitatis sacerdotes, duo Archipresbyteri, major, minorque, totidem Primicerii, unus totius Cleri, alter sexdecim Lectorum, Præpositus, & Archidiaconus; tum duo & viginti Cardinales ordinarii coccineis vestibus splendidi, Secundicerius, quatuor Clavicularii, decem Terminarii, quatuor Notarii, & totidem Magistri litterarii, qui & Maticonii vocitantur; octo pueri, decem viri seniores, totidemque vetulæ panem & vinum ex antiquo more Hebræorum offerentes, quos Divi Ambrosii scholam vocamus, qui in caeremoniis cunctos ordines præcedunt: est & Cimiliarcha cum custodibus sexdecim: sunt & duodecim Canonici Decumani, qui ex plebeis tantum legi solebant, scorsum ab Cardinalibus, inter quos non nisi nobiles admittebantur, munia sua celebrantes. Hæc, inquam, speculatus Ostiensis, *Namquam equidem, ait, Deum testor, tam honestum, tam venerandum Sacerdotum collegium cognovi.* Deinde tamen fastu Legationis inflatus, voluit sese in publicis actionibus Archiepiscopo nostro præferre: sed populus in propria diocesi temerari Ambrosianam dignitatem non laturus, frendere, ac tumultum circa facere coepit: eo metu deterritus Ostiensis, proposito destitit: & quæ instabant negotia, confecit; atque iis, qui quid deliquerant, pro magnitudine delicti, varias ultor poenas irrogabat: alios dilatione data in aliud iudicium reservabat. Denique ut novus censor, & rerum nostrarum arbiter, veteres consuetudines mutat; novas leges inducit; litteris, signisque suis obfirmat; iisdem ut subscriberent Archiepiscopus, & Ordinarii Mediolani, incitata multitudo, ni obsequerentur, effecit: hinc digressi Oratores Romam evocari Archiepiscopum nostrum curarunt. Quo ad dexteram Nicolai Pontificis sedente, Arialus meditata oratione in faciem repetivit ea, quæ absenti quondam objecerat, vitam, moresque Clericorum lacerando: cui pari animo, prudentiaque restitere tres Episcopi, Astensis, Taurinensis, & Novariensis; atque ita acute & diligenter objecta diluere: ut nihil, quod contra hisceret, Arialus haberet; ac penitus erubescens sponte sua concione abiret: juravit deinde Archiepiscopus in verba Romani Pontificis: annulum, cæteraque Ecclesiasticæ auctoritatis insignia accepit; atque in patriam revertitur. Eodem tempore Landulphus Romam petiturus, dum per Placentinos iter facit, telo percussus retardatur, Mediolanumque relatus haud brevi temporis spatio convaleuit: sed cum non cessaret Ecclesiasticis viris allatrare, ac Romano etiam Pontifici non parceret, pulmonis vitium contraxit, & cum eo vocem amisit; tum biennium ita conflictatus, animam non sine manifesta divinæ iræ ultione efflavit: sed eo nihil deterritus Arialus, quod in Landulpho Duce amiserat, in ejusdem fratre Arembaldo Cotta reparat: hunc

crebris cohortationibus excitat; tandemque impellit, ut fraternam vicem, gloriamque, cui causa publica annexa foret, exciperet: improbos esse Sacerdotes universos, & nihil magis quam ventrem & gulam curare: eosdem palam concubinas alere, contaminatos altaria adire; & dum sacra sic tractare non erubescunt, omnia profanare: interdicens in primis esse eis mulierum consuetudinem; nec committendum esse, ut nostra deterior ulla Priscorum religione videatur, apud quos placuisse in sacerdotibus castitatem, vel uno antiqui poetae versiculo admonemur:

discedat ab aris,

Cui tulit externa gaudia nocte Venus.

His vocibus Arembaldus negotium fraterna agitatione jam familiare suscepit: & ceu Cajus Gracchus Romae Tiberio fratre in Tribunicio furore succedens, diversae factionis homines longe acius infectatus est: namque instante Litaniarum tempore, quibus maxima cum celebritate circuire omnes urbis fines solemus, Arialdus intercessit; inanem esse ritum dicitur, nulla Christi vel Discipulorum institutione traditum; ab antiquis tantum Idolorum cultoribus usurpatum, qui vere ambire agros in honorem Bacchi, Cererisque solebant. Contra cives, vetus institutum, & ex Divi Ambrosii caeremoniis receptum morem retenturos se ostendebant. Cum diversae sententiae, diversae forent studia, certatum armis triduo in urbe est: tandem victus Arialdus non sine suorum caede fugatur.

Interim defuncto Coenobii Celsiani Abbate, Guido Vellates Archiepiscopus Mediolani successorem dare parabat: sed Arembaldus occurrit: clamat, indigna facere Guidonem, minas intentat: denique jubet, & imperat, ne quid in eo Archiepiscopus tentet: at nihil ista curat Guido; institutum Abbatem consecrare, atque ornare pergit, & in rei possessionem ducit: tunc Arembaldus penitus exardescere, & veluti furore incredibili percitus praesentem multitudinem contra eum concitat, & alios aliunde accersit; multos armat; denique jam majore turba circumdatus sacra ipsa conturbat; & Archiepiscopum urbe pellit: tandem a vi & armis quiescere: seditione composita, Romam proficiscitur, ubi Romana jura & sua studia erga multitudinem summi Sacerdotii praedicando, facile quemcunque voluit favorem aucupatus est; litterasque & novas legationes deferri in patriam curavit: tum ipse signifer Ecclesiae declaratur, & vexillo Sancti Petri donatus abiit.

Interim moritur Nicolaus Pontifex, cui Anselmus Lucensis Episcopus sub annos Domini MLX. sufficitur. Is patria Mediolanensis, Badagiorum familia, Alexander II. nuncupatus, aedulam Mediolani, cum adhuc inter ordinarios Cardinales foret, condidit in honorem Divi Hilarii, quae in hanc diem sub patrocinio Badagiae familiae curatur: mutatione Pontificum diri syderis Cometes spatio unius mensis apparuit; terrae motus frequentes aedificia concussere, & signanter Paschae dies bis mane, ac vespere, homines, ceu ruiturae urbes essent, conterruit.

Fuit autem Alexander primus, qui non veteri more arbitrio Caesaris, aut per studia populi, sed, ut paulo ante Hildebrandus instituerat, & Nicolaus sanxerat, Cardinalium suffragiis creatus est. Id quod agre ferentes Henricus & Agnes mater, quoniam majestati Caesarum plurimum detrahi videbatur, oppugnare toto studio ac penitus evertere nixi sunt: vocatisque in Concilium Longobardis Episcopis, alterum Pontificem creari curant: ex quo Alexandro opponitur Cadolus Parmensium Episcopus: qui bis Romam cum exercitu profectus, cum hoste acie congressus est; & ex clade in molem Hadriani, quae tunc arx Crescentii dice-

batur, compulsus, ac servatus paulo longius id bellum fecit: demum, victore Alexandro, Cadolus, mutato habitu, ab urbe profugit: tum ad saniora consilia conversus Henricus in potestate Pontificis se futurum pollicetur; atque ut locum, in quem declarandae rei gratia convenirent, diceret, petiit.

Mantua ad id electa de Regno Matildae, quae multis Aemiliae Hetruriaeque urbibus imperitans inter Itolorum discordias Romani Praefulis partes semper fovit: & quamquam Caesari ipsi jure sanguinis propinquior, quippe Beatrice Henrici Secundi Imperatoris sorore genita, patrem vero tradunt Bonifacium Lucensem virum opulentissimum, quorum ditioni paruerint Luca ipsa, & omnis ea pars Hetruriae, cui patrimonium Sancti Petri nomen dicitur; tum Longobardia, Mantua, Parma, & Regium Lepidi: Ecclesiae tamen, cujus observantissima erat, potius favit.

Mantuae posteaquam congregati fuere, Henricus non solum se Alexandri genibus advolvit, ac proinde sinceram in gratiam rediisse visus est; sed etiam Cadolo veniam, & Giberto Parmensi, quem aliquando Regni Italici Gubernatorem habuerat, Ravennatis Ecclesiae Archiepiscopatum impetravit: dimisso Concilio Romam repetens, dum Luca iter faceret, memor sui olim Episcopatus, majorem aedem dedicavit: eundem sequebatur Arembaldus Cotta, qui cum saepe allocutus de communis patriae rebus, Clericorumque in primis non toleranda libidine, binas litteras retulit, quibus Clero Mediolanensi commercium matronarum, & concubinarum licentia interdicitur; haec adhuc leguntur in Pontificum decretis: his litteris redditis, nihilominus ingerere probra, & maledicere sacro ordini non cessabat; proinde Archiepiscopus referre ad populum, & conqueri aperte, favoresque reprehendere quandoque statuit; delegitque ad eam rem diem solemnem Pentecostes, qua densior populi multitudo templa adire solet, atque ex edito loco cum orare is coepisset; contra Arembaldus Arialdusque nonnullos e plebe suscitant, qui dicenti obstrepant, & calumniis jurgiisque dicta sua excipiant: peragunt viri mandata licenter, atque in tumultum omnia vertunt: seditione excitata, media in aede concursare partes, & diversa clamantes sese compulabant, ac pugnis manibusque confligere; si copiam gladiatorum habuissent, rem atrocius gesturi: denique dum alii alios fugiunt, vel insequuntur, solus Antistes in aede relinquitur. In quem convertuntur adversarii, & fustibus intemperanter caedentes semimortuum dimisere: inde aulam ejus petunt; & hostili more quicquid auferri potuit, diripuerunt: cujus rei indignitate perpesta, reliqua pars civitatis in commune consulunt: decernunt, non amplius ferendam seditionum hominum impudentiam & temeritatem: horum iram devitans Arialdus, urbe cessit; adeoque deterritus est, ut nulli hospitio confisus, latebras subinde per noctes mutaret: ad postremum tandem inquisitorum manus non evasit: captus namque, & in urbem reductus, naso, auribus, labiisque mutilatus fuit: mox lingua praecisa, & oculis effossis foeda morte mulctatur: tunc Arembaldus quoque quievit; sed ad tempus; nam & rem gestam Romanis Praefulibus, unde opem sperabat, significavit, & interim, urbe digressio Archiepiscopo, per ejus absentiae occasionem, iterum res novas molitur: paratisque primo ex agresti juventute robustissimis defensoribus, pristinam excitat seditionem; a civibus jusjurandum exigit, in presbyteros arma sumit, alios in via occurrentes caedit, alios domi opprimit, & suppellectili spoliatur; revertentem Archiepiscopum, ac forte obvium pene interemit.

Interea ab Roma venere Legati de caede Arialdi cognituri: cujus causa dum componitur, Cleri

etiam & populi controversia majorem in modum adaucta est, & Legati scripsere, quid fieri oporteret: deinde Arembaldus Romam iterum proficiscitur, & communicatis consiliis cum Hildebrando, constitutionem recepit, qua decernitur non esse Canonicum cujusunque Ecclesiae Praefulem, quem non Romani Pontificis auctoritas sanxisset, & electos populorum, vel Cleri studiis, aut Regali jussu haberi illegitimos: quam rem in patriam afferens, amicis primo clanculum communicavit; deinde palam produciens, jurare in eam Clerum, & multitudinem coegit: tum perniciem Guidoni molitur. Is vero, ne quod ille optabat, omnino assequeretur, excogitavit: gravis annis erat homo, & membris solutus, ut non diuturnam sibi futuram vitam speraret; igitur accedente tædio civilium discordiarum, & Arembaldi victus importunitate, è medio cedit: participem & ministrum arcanorum omnium habebat Gottofredum Castillioneum Mediolanensis Ecclesiae Cardinalem ordinarium: cum eo transigit, ut, se sacerdotio abdicante, annulumque & baculum ad Cæsarem remittente, ipse in Germaniam proficisceretur, atque eadem ab Imperatore acciperet; id, quod pergratum fore Henrico, minime dubitabat: proposita invicem probant atque exsequuntur; & Henricus retinendi juris, quod jam Romani Sacerdotes labefactaverant, occasione lætatus, liberaliter confert Castillionco signa, & ornatum Mediolanensis Archiepiscopatus, quibus acceptis, Castillioneus in patriam revertitur, lætitia, fastuque plenus: sed hic contraria omnia sunt; nam Itolorum animis jam nominis Romani majestate & auctoritate constitutionis Apostolicæ imbutis, ludibrio utique haberi coepit; & ceu profanum atque detestabile monstrum undique repudiari: nec ita multo post novo ab urbe Roma interdicto igni & aqua arcetur; ita ægre qui alimenta præberent inventis, ad notæ regionis oppida se recepit. Ea inter Verbanum Lariumque celeberrimos lacus crebris collibus attollitur, quorum unus Varisio oppido supereminens jam sacello Divæ Virginis, & Matris nobilitatus; nunc etiam templo & cœnobio multarum mulierum religiosissime ibi viventium, toto orbe notus est. Huc amicorum manum Gottofredus contraxit, cujus multitudo suspecta civitati foret: missio ab Arembaldo exercitu, facile loco nullis mœnibus munito pellitur, & dilapsis per avia fautoribus, ipse in gentiliū oppidum Castillionum pervenit: id & naturali situ Olonæ amni subterlabenti appositum, & humano opere structum, inexpugnabile prope tunc erat, illuc affines & studiosos partium evocat, & justis jam copiis contractis, in adversariorum agros palatur, urendo, prædandoque ingentis belli speciem facit.

Interea Guido, seu poenitentia tanti tumultus excitati ductus, seu lenitate senili mutatus, ad Arembaldum Cottam mittit qui docerent, cupere se illi reconciliari, nosse illius potentiam & magnanimitatem; omnia, quæ velit, se facturum; reversurum ad urbem, si cum dignitate liceret: à Gottofredo namque se deceptum & destitutum, tamen sibi adhuc multa superesse, quæ ultori illius grata esse possint: attendit Arembaldus propositis, & oblatam occasionem optimam ratus rei bene gerendæ, si cum virum sibi adjungeret, officiose respondet; denique recipit, se illum in intermisso Archiepiscopatus honore restitutum: data, acceptaque fide, Guido Mediolanum venit; appropinquanti Cotta sub specie honoris, cum multitudine amicorum obviam proficiscitur, occurrentem salutat, & satellitibus circumdat, & declinata urbis via, in Celsianum cœnobiū perducit, atque custodiæ commendat.

Interea excursionibus Castillioncorum irritata ci-

A vitas, exercitum conscribit; & Arembaldus signifer agrestem juventutem contrahit: jam castra ad oppidum locantur, murales machinæ expediuntur; saxa, variumque teli genus miles intorquet; tum prædando hostium agri uruntur: sed inclusi nihil ejusmodi damnis moventur: comiteatu jam ante conveccto abundabant, nec prohiberi aquatione poterant: itaque eo diuturnior obsidio fuit; jamque ab initio veris ejus anni, qui fuit MLXXI. ad extremos magni jejunii dies duraverat, cum inopinatæ, inexpectatæque calamitatis nuncius universum conterrefecit exercitum. Casu nescio quo fuscitatum domi pridie incendium, universam prope urbem absumperat, & præter privata ædificia, publica quoque opera corruerat: inter quæ sacra Laurentio Martyri ædes combusta, nudatæque peristyllo suo sexdecim illæ, quæ adhuc exstant, columnæ striatæ: qua re consternati omnes uno impetu pene recesserunt. Arembaldus magno studio restitit, ne castra penitus desererentur; paucique relictī sunt: quibus contemptis, oppidanerumpunt; tantum tumultus & terroris fecere, ut extremo in periculo Arembaldus versaretur; qui fortiter resistendo, sociosque hortando, ne sibi deessent, castra tutatus est, & hostem intra munitiones compulit: mox cum ab urbe nihil opis submitteretur, & ipse recessit: quippe mœsti cives refarciendis domibus, componendisque, quæ miseranda à clade superfuerant, rebus, studiosiores erant. Hic ignis diu ab loco, in quo tum armata plebs confederat, Castillioneus vocitatus est.

Inter hæc Guido Velates cœnobio Celsiano dimissus, evaserat ad Transpadanos populos, & non procul Derthona defunctus, Bergoglii ad Tanarum amnem sito oppido sepelitur, anno sexto & vicesimo, ex quo Mediolanensi præfuit Ecclesiae. Quo sublato, Arembaldus denuo cives jurejurando obstringit, non recepturos Gottofredum Castillioneum, neque passuros Ecclesiastica munera obire: sed cum mox ipse alium ex nutu Hildebrandi Cardinalis Romani creare Archiepiscopum niteretur, obstitit Civitas, & minime discedendum à veteri ritu & Cæsarium prærogativa statuebat: sed à se eligendum, quem Augustus confirmaret.

Venit iterum Mediolanum Bernardus Legatus Apostolicus: quo adstipulante, concionem in majori æde Arembaldus vocat, & præfatus congrua desiderio suo, Attonem adolescentulum tunc primum attonsum, & qui nondum per ætatem muneris capax erat, proponit, sacrarique Antistitem petiit. Id quod non sine admiratione ac indignatione simul cives exceperunt: aperte stomachari, & inter se conferre, hucine spectassent tot Arembaldi curæ, labores, vigiliæ, contentiones cum civibus, pulsationes Clericorum, inita cum Romanis consilia, & peregrina jura accersita: hic-ne demum defineret patrii ritus abolitio, ut puerum, nec sacerdoti, nec sui ipsius satis gnarum, haberent; tot patribus, tot præclaris doctrina, virtute, usu rerum viris antepositum spectarent: sed obaudit ista Arembaldus; nil curat vulgi murmura; designatum Praefulem in aulam inducit; & epulis magno apparatu structis excipit, Cereri & Baccho læti indulgent: sed non integra ea voluptas fuit; nondum enim expeditis mensis, dum pocula adhuc & extremæ dapes inferuntur, turba irruit, & subitaneo impetu omnibus perturbatis, obvia quæque diripit: ministros pariter, & discumbentes cædit: alii pugnis, alii fustibus vapulavere. Atto in angulo adium latitavit; quoad validissimis juvenibus adnitentibus, abreptus periculo, atque in templum perductus fuit; ubi primo pronus aras salutavit: dein pulpitum adscendens, spectante multitudine, sese dignitate abdicavit, sedemque in perpetuum abjuravit. Legati quoque Romani eo tumultu lacerata vestis.

Qui-

Quibus Romæ cognitis, Hildebrandus suprema excanduit iracundia: & simul Gottofredum Castilioneum, ceu seditionis auctorem, novo anathemate notat, & Attonem habilitari, confirmarique Archiepiscopum curat: tum pecuniam ad Arembaldum mittit, qua adversantium animos sollicitaret: sed interea Longobardi Proceres, accepto Cæsareo rescripto, apud Novariam coacti, Gottofredum Archiepiscopali dignitati restituant, & consecrant: exinde ille ceu justus Præsul copias contrahit; castella diocesis suæ in potestatem vendicat; in Comensem transgressus, Brebiam recipit; inde Leucum tentat: sed repulsus, & inter conferendas manus amisso Marchione, viro tunc in militia præclaro, qui ab hostibus de rupe præcipitatus fuit, bellicis consiliis abstinit, Brebiæ statione contentus.

Inter hæc Alexander, cum Romano Pontificatui præsedisset annos xi. & eo amplius menses sex, moritur: cui confestim sufficitur Hildebrandus, unus ille cunctorum Romanæ urbis negotiorum administrator, & ante re quam nomine Pontifex, decimo Kal. Majas anni millesimi & septuagesimi tertii. Gregorium Septimum nuncupare: ad quem sine mora Atto convolvit: exceptusque perbenigne, ac publice à Pontifice ipso laudatus, in penitentiorem familiaritatem admittitur: speque amplioris fortunæ oneratur. Nec ita multo post Arembaldus, nova pecunia accepta, tum conjuncti Pontificis favore auctus, inflari animo, tumensque incedere; multos ad amicitiam, fœdusque allicere; denique præ uno Romano Pontifice, cæterorum nomina, dignitatesque parvi pendere; ac Cæsari ipsi non multum concedere. Tum sumptis armis Gottofredianos insectatur, sacra Ambrosiana contemnit, & inhibere nititur. Cæterum pridie Pentecostes, cum ex absentia Præsulis soleat per unum ex suffraganeis Episcopis sacrari oleum, quod mox lustrationibus & baptismo adhibetur, Arembaldus vascula corripuit, illisq; humo, & pedibus conculcavit; aliudque ipse exhibuit, nulla, quod sciretur, sanctificatione dedicatum, ac ex eo confici baptisma iussit: quod admirati sunt plurimum homines, & penitus abhorrentes, abire illoti, quam tali piaculo pollui maluerunt: non pauci tamen inventi sunt, qui Cottæ gratia in hujusmodi facinus manum dedere: Patarinorumque hæresis jam ante cœpta plurimum fomenti ex hinc accepit, sparsique per vicos, oppida, & urbes novi sectatores Arembaldi nomen ubique celebrare, eumque unum Provinciæ Longobardiæ dominum, & Ducem loquebantur. Quæ iniquo animo ferens Henricus, novum negotium Pontifici, ex cujus nutu hæc omnia fieri persuasum habebat, innectit.

Jam Normanni, quos supra frequenter in actis Carolorum memoravimus, ex Gallia in Italiam profecti, novas sedes in Apulia constituerant: regnabatque apud eos Robertus, aliis de causis Gregorio insensius: ad hunc Henricus Legatos mittit, qui fœdera jungant: & simul orent, ut se Romam eunte, ab altera parte bellum moveat. Profecti Legati cum litteris intercipiuntur, & cognitis consiliis, Pontifex Henricum hostem judicat, & ceu

rebellem Ecclesiæ detestatus, auctoritate creandorum Episcoporum per edictum privat: neve ceteri laici rerum Ecclesiasticarum contractus facerent, prohibuit. Ita quicquid ubique Ecclesiastico nomine censebatur, sub Romanis Pontificibus arrogatum est.

Cum autem jam annus quintus & septuagesimus ^{A.C. 1075.} supra mille ageretur, altero incendio civitas afflicta est. Adhuc ob recentem cladem ex arida & levi materia ædificia constabant: & dies erant proximi Resurrectioni Dominicæ, cum nigræ caliginis fumus repente exortus obnubilare meridiana solem visus est; terruitque subito procul prospectantes; quibus ad opem ferendam concurrentibus, incubuit flammis vis venti, & in proximas domos impulsus ignis labores hominum vincebat: jamque in cælum flammivomi vapores volitare, & latius malum serpere: denique tota civitas adusta, & illustris ædes Teclæ, quæ primaria habebatur, & ei propinqua Hyemalis, & Nazariana labefactatæ; Stephaniana vero penitus absumpta est; cui quamquam posteritas egregiam hanc, quæ exstat, substruxerit; haud tamen priori parem esse inscripti in limine ejus versiculi admonent. Ibidem costili lapide incisa rota est cum his verbis, **NOTA SANGVINIS FIDELIVM**: quorum quidem ratio adhuc ignota mihi est; tantumque illud occurrit, quod forte in dissensione civili cæsi rectius de fide sentientes, illic seorsum à Patarinis sepelirentur.

At Arembaldus publicis patriæ incommodis nihil deterritus, minime ab instituta seditione cessare, & instantibus Paschalibus cærimoniis oleum iterum in medium protulit, quo baptizandi inunguntur; sed cum illud ceu profanum sacerdotes respuerent, piaculumque & nefas ducerent eo in sacris uti, intulit se medium Luitprandus Compitaliciæ ædis Pauli sacerdos, qui votis Arembaldi obsequens, id, in quo ceteri hæsitabant, est complexus, & prompte obivit. Enimvero tunc actum penitus de Ambrosiano sacro, & universa ejus Ecclesia, nobilitas, & militaris ordo, magnaque plebejorum pars censuit; & palam de indignitate facti conquesti, urbe abeunt, seque jurejurando obstringunt, non accepturos alium Episcopum, nisi qui prisco more electus nutu Cæsareo confirmaretur: quibus sic constitutis, in urbem redeunt, & concionanti Arembaldo occurrunt, seque vim facturos ostendunt: descendit ille è suggestu, & vocatis ad aram factiosis, vexillum S. Petri explicuit. Jam utrinque frequentes armati coiverant, nec cohiberi furor & ira poterat. Itaque irruptione facta, cum multitudine adversarii prævalerent, opprimitur Arembaldus, innumerisque vulneribus confossus est. Jacuit diu insēpultus, & veste denudatus, saxisque contusus, pueris ludibrio fuit; demum sine ullo honore humatur. Luitprandus alieni sacri * temerator, ab hostibus captus, naso & auribus mutilatur. Seditiosissimi hominis cæde lætata civitas, populariter ad templa ire, Numinibus gratias agere, Divoque in primis Ambrosio hymnos canere; biduo publicæ supplicationes actæ. Atque hic decem & novem annorum contentionum & hujus libri finis.

* Vel olei.

TRISTANI CALCHI,
MEDIOLANENSIS HISTORIOGRAPHI,
HISTORIAE PATRIAE
LIBER VII.

E P I T O M E.

Henricus Imperator à Gregorio Pontifice exauctoratur: quod pristino more, ipso non annuente, Thealdum Castillioneum Mediolanensi Ecclesiae praefecerit: sed postea tum ipse penitens ac supplex Canusii restituitur: tum Mediolanenses, qui Thealdo suscepto Imperatori consenserant, per Pontificis Legatos expiantur: iterum insensus Gregorio, illo abdicato, Guibertum Pontificem asserit. Thealdo Anselmus à Rhaude, Arnulphus ex Capitaneis, Anselmus de Luino, Grossolanus, Jordanus Clivius, Henricus ex Capitaneis de Curte, Anselmus Pusterla, & Robaldus ex ordine succedunt. Expeditio in Palestinam multorum votis dudum expetita, tandem in Placentina Synodo stabilita: terra Godifredo, Balduino, Boemundo, Tancredo, & aliis; marique Rascherio, Ingone, Obertisque Ducibus, suscipitur: Mediolanensi Archiepiscopo Anselmo à Rhaude, ac populo eam strenue adjuvante. Antiochia Boemundus primum, postea Tancredus; Hierosolymis Godifredus, deinde Balduinus regnant. Papiensis Episcopi dignitas amplificatur: Ravennatis ditio acciditur. Mediolani Casti & Polymii corpora, aliaeque sacra reliquiae comperiuntur, diesque festus sub appellatione Agios illarum cultui decernitur. Laus Pompeja à Mediolanensibus funditus exscinditur, ac duris legibus multatur. Henricus Imperator natura concedit: succedit Lotharius, ac Mediolani coronatur: quod Comenses Landolphum Carcanum, quem illis Episcopum dederat Caesar, urbe pulsam tandem necaverant, Mediolanenses diuturnum, ac fortuna varium bellum adversus ipsos gerunt; adjuvantibusque oppidis Como finitimis, & sociis civitatibus, ipsum tandem expugnant, & mœnibus ex parte nudato parant. Innocentius Pontifex urbe excedit ob schisma Petri Leonis: ex itinere in Galliam Syrum Episcopum Genuensem asserit; in reditu Archiepiscopum facit: eaque occasione Bobiense oppidum urbem dicit. Cœnobium Clarevallense ad Mediolanum à S. Bernardo excitatur. Guido Vicecomes Massini Abbas constituitur à Guarnerio Constantiensi, & finitimorum aliquot oppidorum ditio ab Imperatore donatur. Lotharium excipit Conradus II. is, qui Genuensibus moneta cudenda potestatem fecit, eisdem Pontifex annum tributum condonat. Nova expeditiones duae suscipiuntur ab Italis, altera in Palestinam, in qua Martinus, altera in Baticam, in qua Ubertus Turriani enituerunt.



A re audita Henricus Caesar magnopere laetatus est, scripsitque ad amicos, quemcumque Praefulem Mediolanenses desiderarent, se declaraturum. Interim in Thealdum Castillioneum, qui jam diu in aula versabatur, oculos conjicit, idoneumque muneri existimat, atque Archiepiscopum pronunciat. Is autem eo honore insignis, in patriam transmissus, à populo,

Cleroque perbenigne accipitur, & solemni more à suffraganeis suis consecratur: quod factum recogitantibus mox hominibus inusitati instar monstri visum est: cum tres eodem tempore ejusdem cernebantur Ecclesiae Pontifices; Atto Romae apud Gregorium; Gottofredus circa fines exul oberrans; & Thealdus novissime receptus. Ex ea vero causa iracundior factus Gregorius, Henricum gravioribus taxat censuris, & publice abominatur: Proceres Germaniae, ne impio homini & sacris interdicto pareant, monet; & ad rebellionem provocat: & defecerunt ab ejus fide Bertaldus, Rodolphus, & Volphius illustres Duces, & complures Episcopi. Mox intercedente Agnete matre, & opera Cluniacensis Abbatis reconciliatio tractata est; & decretum universale Concilium: ad Cannosiam Regiensis agri oppidum convenere. Ubi universi ampliter, & splendide excipiuntur opibus Matildae Reginae; ejusdemque prudentia conficiendae praesenti rei percommoda fuit. Ergo Henricus in emendationem A. G. 1073
errorum nudis pedibus Gregorium adiit, eoque suppliciter rogato, & veniam & illustre Augusti nomen meruit.

D His peractis, Mediolanenses expiandum crimen, quod ex promotione Thealdi contractum existimabant, decernunt; facilem enim in eo Pontificem futurum opinabantur. Mittitur Legatio Romam, in qua se quoque fuisse memorat Arnulphus hujus historiae auctor, & benigne Pontificem respondisse, & optata pollicitum, duos Episcopos dedisse Lucensem, & Ostiensem, qui rem omnem conficerent. Hi Mediolanum profecti, magna populi gratulatione & gaudio excepti, habitis triduo concionibus sacris, molesto animi vinculo civitatem absolverunt: quem vero legitimum Archiepiscopum decreverint, Arnulphus non meminit; tantumque subjicit Thealdum ista aegre ferentem conatum omnia turbare, seditionemque movisse; sed cum ex sententia res non succederet, quievisse.

E Cæterum Germani Proceres hostili animo adversus Henricum perseverabant; summamque rerum Rodolpho Saxono detulerant. Caesar autem ipse, qui tunc Ticini agebat, conscripto exercitu ex Italis pariter & Germanis militibus per Veronensem, Tridentinumque agrum profectus, trans Alpes ad eorum motus comprimendos contendit: quibus brevi compositis, ortisque denuo cum Gregorio discordiis, ad Italos revertitur, & alterum Pontificem creat Gibertum † Parmensem, quem paulo ante Ravennatis Ecclesiae Praefulem institutum fuisse diximus. Tum juxta Parmam copias Matildae, quae adventanti se opponebant, fudit; Romamque profectus, adulterinum Pontificem in sede locat, & Gregorium in arce obsidet, qui ope Guisgardi Normanni Apulorum Ducis substractus, Salernum perducitur: atque ibi anno Domini millesimo octogesimo quinto moritur. A. G. 1085

F Per quod tempus Thealdus quoque Castillioneus, dum male sumpti sacerdotii ærumnas circa Verbanum latebras & diversoria solatur, Arona, quod peropulens est Emporium, decessit, atque ibidem est

† Alii Guibertum.

sepul-

sepultus. Ei succedit Anselmus Raude vico oriundus. Gregorio autem patrum decreto, sufficitur Victor tertius. Quo intra paucos menses erepto, Urbanus Secundus Princeps Sacerdotum declaratur anno Christi MLXXXVII. Mox Papiam Henricus venit: atque interim defuncto Anselmo Raudense, & post eum Arnulpho ex Capitaneis Portae Orientalis, Archiepiscopus Mediolani decernitur alter Anselmus hujus nominis Quartus ex Valvassoribus, qui de Luino cognominantur.

Per quae tempora nobilis expeditio in Syriam suscepta, & magnifice obita est. De qua quamquam apud cunctos fere rerum Scriptores mentio habeatur; tamen quia & nostra praetermissa video, & quantum ex Ligurum Annalibus colligitur, primam originem ignorant, ab re non erit, eam quoque à nobis tractari. Gottofredus Bugnonus, alii Bullionum scribunt, Bononiae Morinorum & Robertus Flandriae Reguli, assumptis in societatem nonnullis aliis Gallici nominis Heroibus, solvendi Hierosolymis voti, quod conceperant, causa, domo egrediuntur, & Genuae Ligustica navi conscensa, ad littora Aegypti, urbemque Alexandriam deferuntur: ubi in terram expositi reliquum iter jumentis confecere. Ad urbis Solymae introitum Barbaris mos est certam stipem à singulis advenis exigere. Nec id ignorans Gottofredus, eam qui daret ministro non procul sequenti reliquerat, nihil pensi futurum existimans, utrum ipse, an alius nomine suo daret. Ergo petenti Barbaro pecuniam, cum daturum illum, qui non longe abesset, significasset, Barbarus ludificari existimans, elata manu hominem in faciem graviter percussit: tulit æquo animo, vel potius dissimulavit contumeliae magnitudinem Gottofredus, & data stipe sepulchrum Domini, & praesepe, & Jordanem amnem, quæque alia loca Christi Dei actione illustra exstant, reverenter adierunt, & vota rite solverunt: quibus peragendis triduo absumpto, Alexandriam ad navem suam revertuntur; & reportati Genuam in Gallias transeunt; ubi gratulantibus amicis exposita itineris commoditate, & rerum majestate, & quam facile foret Christianos illis potiri, dignamque Gallica virtute provinciam esse, facile nationem avidam per se rerum novarum incenderunt desiderio sacrae peregrinationis incundæ, & tanti exercitus ducendi, ut quocumque pervenissent ab externa vi tuti forent: tum tota Gallia, finitimisque regionibus fama increbrescere novæ deliberationis, nemo unus eam non probare, & pro virili opem polliceri.

Ergo ut Duces constituerentur, & necessaria omnia expedirentur, & Apostolica auctoritate augustiora fierent, conventum indicunt; Urbanumque Pontificem, ut adsit, rogant: nec detrectavit adeundi laborem Urbanus, & Roma in Longobardiam profectus, per æstatem anni millesimi nonagesimi quinti Placentiæ synodum multorum Episcoporum habuit: ibi quæstiones agitatae de iis, qui sacerdotia & honores Ecclesiasticos pecuniis & per occasionem Schismatis adepti fuerant: tantusque ibi fuit hominum concursus, quos vel negotiorum necessitas, vel legationis officium, vel desiderium videndi amplissimi Sacerdotis attraxerat, ut ituris in comitium nullius templi laxitas sufficeret, conciliumque sub dio haberi oportuerit.

Septimo die compositis ex dignitate rebus, & aliis alio abeuntibus, Urbanus Mediolanum, & inde Comum divertit, ubi per Junium mensem sacrae vix ædem Divi Abundii, quæ visenda specie durat: mox in Gallias transgressus, relaxando crimina, & poenas inferorum, & cæli sedes aperiendo iis, qui institutam peregrinationem obirent, innumerabilem bellatorum concivit multitudinem; qui variis itineribus per Germaniam, Pannonias, Thraciasque in Asiam perrupere. Duces erant Gottofredus

A Bugnonus, & Balduinus frater, Robertus Flandrensis, Raimundus Egidienfis, & Boemundus Roberti Guiscardi Apulorum Ducis filius; nec non Tancredus ex ejusdem filia nepos. Cum vero etiam necessariam mari classem existimarent, duo Genuam destinati Episcopi sunt, Gratianopolitanus, & Aureliacensis, qui eam pararent. Hi sanctam militiam, & quid jam alii fecissent prædicando, tum opulentiores privatim hortando, tresdecim triremes armatis impleverunt sub Anselmo Rascherio, Ingone Haono, duobus Obertis Marino & Basso, cum quibus in Syriam delati, non procul Iconio ad portum, cui Sancti Simconis appellatio est, descenderunt.

B Galli vero, qui per Asiam profecti, capta Nicæa Antiochiam obsidebant, eorum adventu miserant nuncios, qui gratularentur, & de statu rerum edocerent, & quibus copiis bellum adjuturi forent, referrent: ac omnibus cognitis partem exercitus misere, qui venturos in castra deducerent. Navarchi, ne penitus naves exhaurirent, sex centum viros in præsentem concessere; qui dum Antiochiam proficiscuntur obviam Turcarum turmae dati sunt mille & amplius expeditorum equitum, à quibus circumventi ad unum interimuntur: sed nec longe victores abiire; nam dum revertuntur ad suos præda onerati à Gallico exercitu fuere interclusi, &

C qualem intulerant, cladem accepere. Quibus deletis, propius portas Antiochenas Galli accesserunt, & obsessos urgere durius coeperunt. Tunc duo fratres duarum turrium, quas à propinquitate loci & structuræ similitudine sorores vocabant, custodes clam in castra veniunt; ad Boemundum perducti, ostendunt, in sua manu esse id, quod ipsi quærent: & primo se baptisma, & Christianum nomen assumpturos, deinde, si placeat, se eorum milites in geminas illas turres, à quibus in urbem dolo transmitterentur, perducturos. Collaudatis propositis Boemundus eos diligenter asservat; tum reliquis Ducibus in unum vocatis, docuit, suo in arbitrio esse vel proxima nocte absque cæde & detrimento Antiochia potiri: sed ne postea de Principatu controversiam habeat, se perpetuam ejus ditionem petere, & ut communi omnium consensu decernatur, rogare: annuerunt cuncti, favendumque ejus felicitati responderunt; tunc transfugas introduxit, & quæ sibi narrassent, exponere jubet: approbavere universi consilium, & amplexandam occasionem, ceu divinitus oblatam, censuerunt; ac inibi duo Barbari, administrante sacra Leodiensi Episcopo, baptizantur; datisque centum validissimis juvenibus in turres remittuntur. Profecti secreto alios atque alios introducunt, & cum

D jam idonea multitudine abundarent, in urbem discurrunt, *Kyrie eleison*, *Kyrie eleison* repetitis vocibus inclamantes, quibus terrefacti oppidani in varia diffugere: sicque capta Antiochia est, & quidem peropportuno tempore: nam paulo post multa Perfarum millia eodem ferendæ obsessis opis causa veniebant, quæ cumulante victoriam felicitate fusa, fugataque fuere.

E Deinde submittente commeatus Babyloniorum Principe, Hierosolymam ipsam aggrediuntur, quam quinquagesimo die, ex quo obsidere coeperant, in potestatem redegerunt: cujus urbis tutela & administratio Regni Gottofredo Bugnono demandatur. Ad eam rem in Italiam significandam supplementumque petendum duo Navarchi Ligures demissi Gulielmus & Prunus cognomine Embriaci. His vero Mediolani cognitis, populus plurimum lætatus, passim ad templa exire, Deo auctori grates agere; sed una præ cunctis Sancti Sepulchri ædes, jam septuaginta ab hinc annis media urbe condita, religiosius, frequentiusque salutatur: huc Anselmus Archiepiscopus longos sacerdotum, nobiliumque

viro-

virorum ordines duxit, & locum in huius facti memoriam dedicavit; & ut celebriorem faceret, delictorum absolutionem constituit, ex tertia parte ejus, quod petentes re ipsa Hierosolymitanam Ecclesiam consequerentur: & pace interim perduellionibus data, anniversarium quindecim dierum mercatum constituit: exstant archetypæ Antistitis, qui etiam Reip. præsidere videbatur, tabulæ Idibus Julii confectæ anni secularis millesimi & centesimi ab ortu Christi Dei.

A. C.
1100.

Interim ex finitimis Provinciis nova in arma multitudo concitatur. Genuæ sex & viginti triremes & quatuor onerariæ conscensæ sunt, & ad littora Syriæ delatæ, multa adversa audivere: nam & Gotofredus jam vita functus erat; & Boemundus ab hostibus in prælio captus; & Raimundus Egidienfis ex eadem pugna elapsus, in Thraciam redierat. Rex vero interim Hierosolymis constitutus fuerat Balduinus Gotofredi frater, & Antiochiæ Tancredus Boemundi ex sorore nepos: hinc Cæsaream Palæstinæ turrin Stratonis ante vocatam obsident, & potiuntur ea brevi. In cuius præda repertus traditur Crater ille smaragdinus singularis inter naturæ opera excellentiæ, qui Genuæ custoditur, ex unica gemma magnitudinis incomparabilis excavatus, fere eadem, aut non multum dispari illi, quam Cicero sexta in *Verrem* accusatione celebrat Antiochæ Trullæ.

Quidam scribunt, sed sæpe à nobis vanitatis convicti auctores, ex hac peregrinatione Mediolanensi juventuti novam accessisse gloriam: Othonem scilicet Vicecomitem cum ferociente Barbaro pugnas- se, & occiso, illustre spoliū Viperam, quam ille clypeo & galea pictam gestasset, retulisse. Idem Merula quoque, sed ab iisdem scriptoribus traditum, recipit, laudibusque effert, & reversum in patriam Othonem Legionibus dicavisse memorat: sed & de Vipera satis supra in Divo Ambrosio disputavimus, & præfens istorum mendacium id arguit, quod Othoni Vicecomiti socios adscribunt Joannem Raudensem, & Benedictum Rocionem, qui postea in memoriam peregrinationis ædem Mediolani condiderit, quæ S. Sepulchri nuncupetur; quæ quam veritati congruant, superius exposita doceant.

Cæterum Archiepiscopum Mediolanensem conscendisse Genuæ classē Ligustici Annales habent: & nostri petiisse Constantinopolim, atque ibi defunctum, sepultumque in divi Nicolai æde perhibent; eique suffectum Grossolanum, jam ante nescio cuius alterius Ecclesiæ Episcopum, qui quod non sine ambitu & largitione assecutus honorem sit, Simonicus vulgo nuncupatus est. Eodem tempore Paschalis Secundus demortuo Urbano sufficitur, sub quo labentibus annis quinque supra mille & centum, Guido Papiensis Episcopus impetravit ius gestandi pallii, crucem præmittendi, equo albo insidendi, & primo loco ad sinistram Romani Pontificis sedendi. Anno sequenti in Longobardos Paschalis venit, & conventu Guastallæ in Parmensi apud Matildam habito opes Ravennatis Ecclesiæ magna accisione imminuit, subtraxitque ab illius jurisdictione quinque Emiliæ viæ Episcopatus, Bononiensem, Mutinensem, Regiensem, Parmensem, Placentinum: ac interim ipse majorem Parmæ ædem sacra- vit.

A. C.
1105.

A. C.
1106.

A. C.
1107.

Altero anno res admirandæ venerationis Mediolani repertæ in æde Mariæ, cui ad portam cognomen est: hæc fuere pars Sindonis, & Sudarii, & Crucis Domini, & vestis Virginis Matris ejus, tum ossa Casti & Polymii discipulorum Ambrosii, quas omnes mirifica religione profecuti cives, diem illam, quæ fuit septimo Idus Majas, solemnem anniversariis cæremoniis, supplicationibus constituerunt, festumque *Agios* vocavere: eo quod urbem circum-

A euntes, accensas faces, & palmarum olearumque ramos præferentes, subinde *Agios Theos Agios oros* canerent. Insuper mercatum Trinundino celebrem fecere, exulibus etiam securitate concessa, & bellis cum hoste suspensis. Exstant litteræ publico nomine Cardinalium Ordinariorum, Primicerii, universique populi & Cleri, ac cunctorum ordinum civitatis Mediolani ad omnes Sacerdotes Diocesis suæ plenæ gratulationis & novæ denunciationis: credo absente Episcopo eas sic fuisse inscriptas.

B Idem annus insignis habetur creatione Henrici Quinti Romanorum Regis, qui postea Romæ coronatus Imperatorum Quartus censetur. Cum vero elapsis octavo & nono annis subisset decimus à millesimo & centesimo, Jordanus Clivius Grossolano defuncto in Archiepiscopatu sufficitur: quo tempore Merula scribit magnam Mediolani partem iterum conflagrasse, & tunc facile fuisse oborto semel incendio proxima quæque aduri, propterea quod à recenti everisione restituta urbe, ex stramine, cratibus, & reliqua levi materia ædificia constabant: & tunc metu incendiorum lege vetitum fuisse, ne spirante vento quisquam ignem accenderet, & quandoque nec panem coctum, nec obsonia in urbe inventa fuisse: sed cum nec hanc rem ab alio, qui idoneus sit, tradi videam, & Merula rationem temporum non teneat, arbitror potius hæc contigisse altero ex duobus incendiis, quæ supra ab hinc quadraginta annis facta retulimus. Nam huiusmodi malo hoc tempore civitatem non fuisse affectam, illud quoque ostenderit; quod sequenti anno ingens manus auxilio Brixienfibus missa est, adversus Cremonam, & superato hoste Laudem Pompejam circumfedere, ac funditus evertere, duobus templis adhuc exstantibus exceptis: verisimile enim cenfeo, si tunc hoc detrimentum accidisset, Mediolanenses talem alienarum rerum curam non fuisse suscepturos; cum satis superque suarum, in quibus exercerentur, haberent. De Laudis vero Pompejæ everisione haud immerito prudens Lector uberiora desideraverit: sed mecum transeat oportet, cuius in manus plura in eam rem, etsi diligenter perquisiverim, non venerunt. Cæterum constat & duras leges, & foedam servitutem victis impostam fuisse: dejectisque cæteris ædificiis, & urbis mœnibus vix agrestium similes vici, & pauperum tuguria miseris civibus, quæ inhabitarent, relicta: & pro magno commodo existimatum, quod vicum cognomine Placentinum reliquerint, in quo solitum mercatum octavo quoque die continuarent: sed nec rem alienare, matrimonia contrahere, post occasum solis in publicum prodire, certosve fines excedere inconsulto Magistratu Mediolanensi licebat: si quipiam paulo remotius sermones contulissent, continuo novorum consiliorum suspecti ære mulstabantur, aut fustibus cædebantur: quibus ærumnis indignati plurimi diversa exilia petere maluerunt, & perpetuo patriis finibus carere.

F Jam Henricus Quintus Romæ coronatus in Longobardos venit, & Novariæ erat Kalendis Septembris anni decimi quinti supra millesimum & centesimum à supputatione Christiana. Quo tempore Matilda clarissima matrona jam septuagesimum agens annum, pressa morbo, naturæ concessit apud Bondenum decimo ab Ferraria milliario adverso Pado navigantibus oppidum. In cuius loci mentione pereleganter Merula Blondum taxat, quia is credidit, idem Bondenum esse, quod Antiqui Bondicomagum dixerunt: Plinii vero testimonio declaratur Bondicomagum Ligurum verbum esse, & significare amnem fundo carentem, ibique præcipuam Padi altitudinem incipere, quod à Bondeno distat ducentis & eo amplius passuum millibus.

Cæterum Matilda Regio funere elata sepelitur illustri cœnobio, quod avus in honorem celeberrimi

A. C.
1110.

A. C.
1111.

A. C.
1115.

mi Monachorum non procul Mantua ampliter considerat, ac ipsa cumulatib opibus longe locupletius fecerat. Hujus grata mentio, & virtutum opinione undique celebrata, sed parca rerum memoria intendere coegit curam, ut quidquid sub illius nomine occurreret, observarem. Ita dum Germanicos Annales evolvo, alteram ejusdem nominis Regiam sub eadem fere tempora floruisse animadverto: ea vero Imperatrix habetur, quippe hujus, de quo agimus, Henrici uxor desponsata Moguntiae Germaniae urbe, posteaquam is à Paschale Pontifice Romae coronatus eo redierat. Filia autem perhibetur fuisse alterius Henrici, qui Anglorum Rex fuit, & filium genuisse ejusdem nominis. In hanc Imperatricem, & duorum Henricorum filiam, matremque duo ejusdem sensus Epitaphia edidit Arnulphus Lexoviensis Episcopus, qui per tempora Friderici Primi claruit. Nec indecorum volumini nostro quis ducat, si Epigrammata ipsa, quod acuendae studiosorum diligentiae gratia facio, vel parum elegantia, aut quod paulisper mutatis verbis idem significant, subjunxero:

Regia progenies, stirps Regia, Caesaris uxor

Hic est magna brevi clausa Matilda loco.

Qua tutum titulis humani culmen honoris

Excessit mulier, nil mulieris habens.

Septembris decimo regno post regna recepto

Editur aeternum continuasse diem.

Aliud:

Regis mater erat, & Regibus orta Matildis,

Exultatque thoro nobiliore genus.

Sed magis egregia virtutum luce coruscans

Fortunam generis vicerat, atque thori:

Septembris decimo sub prima transit hora

De nostra ad verum nocte reventa diem.

A. C. Anno deinde MCXVIII. Jordanus Clivius moritur: titulum, remque Ecclesiae Mediolanensis excipit. Et Henricus cognomento ex Capitaneis Curtis. Et postea sequenti anno Mediolanum venerunt tres religione insignes viri, Thebaldus Prior, Bernardus Monachus, & Landulphus eorundem socius, qui populum in Theatro sedentem praestolati (durabat enim adhuc antiquissimi operis usus) prodierunt in medium; & gratis actis, quod eorum omnium consensu, & impensa fundatum, exstructumque foret in Bergomatium vico Pontida coenobium in honorem Divi Jacobi, idque jam commodum, & habitatorum capax; rogarunt, ut insuper vellent, juberentque immune & liberum servari ab iis oneribus & vectigalibus, quibus pergravari interdum praedia solent: id quod exaudientes universi, una voce succlamantur fiat, fiat: inibique publicae tabulae traditae fuerunt, iussique omnes siue Cives, seu Capitanei, seu Valvasores nihil omnino ex facris Deo, dicatisque coenobio opibus attingere. Subscribere diplomati, ut qui mos foret tunc tabulas conficiendi, quinque & triginta viri nullo publico titulo honorati, sed puris tantum nominibus, & cognominibus ad hunc modum notati, (libet enim eos subungere, ut veteres familiae suum recognoscant nitorem) Heriprandus à Raude, Ubertus Landrianus, Heriprandus, & Marchesius Vicecomites, Ubertus Ozianus, Ortho Curtius, Manfredus Septala, Joannes Mantegatius, Hildebrandus Monetarius, Rogierius Cribellus, Joannes Tenebiagus, Joannes Mainierius, Apolus Paganus, Ardericus Palatius, Heriprandus Burrus, Malastrona ejus filius, Lanfrancus Stampa, Arialdu Capellus, Guarentius Puteobonellus, Gigo Burrus, Arnulphus Adami Pasqualis, Ungarus Curtedinus, Petrus Caratus, Paganus Brutus, Nazarius Gambarus, Guiliermus filius ejus, Ambrosius Medicus, Azo Buffa, Petrus Concorretius, Manfredus Trottus, Lanfrancus Gattarossa, Joannes Lampugnanus, Henricus Rozolus, Paganus Inchoardus, Guido Litta.

A Anno vero MCXXIII. defuncto Henrico Archiepiscopo, Anselmus Pusterleus subrogatus, & tertio inde anno Henricus quoque Caesar moritur; in quo Gibellinam defecisse domum Merula nescio cujus auctoritate nixus scribit; & quidam alii utique recentiores non exiguam jacturam fecisse ajunt: quod quomodo procedat, non agnosco; cum haecenus ne nomen quidem ipsum Gibellinum, ne dum, ut domum, aut gentem ullam hujus appellationis quis asserat, legamus: imo nec centum adhuc annis circumferri coeperit: nam & paulo post Merula sibi ipsi contradicit, cum ait in Conrado orta ab eo esse Gibellinae factionis nomina, quamvis non protinus per Italiam dispersa.

B In Henrici locum suffragio Procerum Augustus eligitur Lotharius, hujus nominis Tertius, qui ad Italos profectus, ferreo diademate Mediolani ab Anselmo Pusterleo coronatur; sub quo civitas Comum eversa est: cujus rei narratio paulo altius nobis repetenda est, situm etiam regionis paucis explicando. Larius lacus ab Alpibus Rheticis ad plana Longobardorum protensus, duo in cornua scinditur; dextero urbem Comum, altero Leucum oppidum petit: media, quae intercedit, Peninsula nobilitatur fonte Pliniano, qui adhuc statis horis crescit, decrescitque, ripae omnes frequentibus oppidis, vicisque accoluntur: à dextero latere alius lacus est, & vallis nobilissima à celebri oppido Lugani dicta, & ultra eam Verbanus parum distat; atque in hunc Luganensis per Tresam amnem sese exonerat: ad sinistram autem Larii partem Bergomatem tractum habemus, & ibidem emissarium Adduae in Padum affluentis: nam Comensis sinus penitus restagnat, nec ullo aquarum exitu aperitur: quod contra Blondum dixerim, qui falso existimavit Lambrum amnem, vel, ut ipse inscito vocabulo appellat, Umbronem, inde enasci: caeterum media prope Larii longitudine insula exsurgit Longobardorum Regum aetario celebrata, & paulo supra, ubi Alpium fauces aperiuntur, Turris Olenia mediis fluctibus fundata, admirationem spectantibus facit. Ultra eam sinuatur in angustam quandam veluti caudam, quae ad saltum Clavennatem, & illustrem vallem, quae à Tillio oppido Tellina nuncupatur, non autem, ut novus iste Originum Catonis inventor, Volturena, pertinet.

C Caeterum per Henrici Quarti tempora, duo Comensis Ecclesiae Episcopatum diverso jure asserabant Landulphus Carcanus praerogativam Caesarem, & Guido Grimoldus à Gavalasca vico oriundus, Romanorum Pontificum decreta & votum Cleri praetendebat: eundem caeteri populi favor sequebatur. Exclusus urbe Landulphus continebat se Castro Sancti Georgii non procul Agnio oppido vallis Lugani. Hunc tollere è medio Comenses decreverunt: itaque Adamo Pirro & Gaudenzio Fontanella Consulibus, magnae deliberationis gratia concionem habuerunt; tum nocte profecti, locum armato milite complent, muris scalas admovent, conscendunt arcem, excubias obtruncant, aedificiis ignem imponunt. Tumultu audito Landulphus, & Otho, & Blancus nepotes, dum arma capiunt, ac inter faces & tela discurrunt, interimuntur. Non ita multo post conjuges & propinqui intersectorum vestes laceras, & adhuc sanguine infectas, Mediolanum deferunt, & cum lacrymis & miserabili ejulatu Jordano Archiepiscopo ac cuncto populo ostentant; rogant, ne tam saeva ac inhumana crudelitas inulta relinquatur; ne innocentissimorum hominum sanguinem impune effusum patiantur. Moverunt lacrymae & habitus squalentium facile omnes ad commiserationem; resque diu privatim, publiceque agitata est; tandemque decretum bello prosequendam injuriam esse. Primo apud amicos indignitas rei exposita, & auxi-

auxilia ex foedere petita: cum accolis insulae Larii, imprimis id actum, qui opportunitate loci, & peritia navali adjuturi rem plurimum videbantur: cum his ita constitutum, ut adjunctis Leucomensibus, quatenus progredi aqua possent, bellum Comensi à lacu facerent; à terra vero Mediolanenses, & sociorum copiae urgerent. Ita Comum anticipi metu circumvenitur: sed citius & major vis à terra ingruit: quare & his sese oppidani opposuere, & montem Baradellum portae urbis, qua hostes venturi erant, imminentem conscendunt; ac mox subeuntibus hostilibus copiis descendunt, committiturque certamen non minoribus animis, quam viribus: his patriam, focos, lares tueri nitentibus; illis pro salute & praeda, quam brevi sperabant, acriter pugnantibus. Jam signifero Comensium interfecto, primae Mediolanensium acies urbem ingressae rapinas, caedes, & incendia facere: quibus irritati cives, & suum ex propinquo malo periculum aestimantes tanto ardore in hostes jam praeda onustos invasere, ut ex victis coegerint, sed circiter mille eorum interfecerint: hac amicorum clade audita Insulani, & Grabadonenses, & qui Belasium accolunt, de summa rei consilia communicant: demum communi nomine Oratores Mediolanum mittunt, qui doceant, quid animorum, viriumque in ipsis & caeteris accolis amicis sit; suadeantque ut bellum navale fiat: ita classem instruunt milite armato, & commeatu abunde complent; & Comum navigantes, terroris quidem multum, cum improvisi, inexpectatique venissent; caeterum damni nihil fecerunt. Interea Mediolanenses ad socias civitates mittunt, qui & veteris amicitiae jure, & novo foedere, stipendioque oblato, militem vocarent. Foederatae autem Civitates erant Brixia, Bergomum, Cremona, Parma, Mantua, Ferraria, Bononia, Verona, Vercellae, Novaria, & Transpadani populi.

Igitur cum justus jam convenisset exercitus, majorisque apparatus fama increbresceret apud Comenses, multa & ipsi providere, vires quantascunque possent contrahere, custodias pro muris disponere, commeatus ex agris in urbem comportare, nihil, quod ad defensionem, tolerandamve obsidionem pertineret, intentatum relinquere. Jam excurrentibus ad portas urbis hostibus levia certamina inibantur, praedae & caedes fiebant: sed non perseverare cum bello hostes, primoque paulatim dilapsi, ad postremum collectis vasis abire. Non cessarunt tamen minitari, se proximo Augusto cum majoribus copiis venturos: quare Comenses nullum studium intermittere, nullis laboribus & expensis parcere, fossas purgare, muros reficere, & reliqua ad arcendam vim necessaria agere: nec frustra ea parata sunt; nam non ita multo post affuere iterum hostes, qui tamen nec aliam memorabilem rem, praeter magnum terrorem fecerunt. Tunc Comenses duodecim naves armant, & inimicum oppidum Tremensium diripiunt & incendunt, tres hostiles naves opem illi ferentes capiunt, Belasium spoliunt, turrim Lierni pulchritudine spectandam cremant, Lucinum peropulentum & nobile oppidum in praedam vertunt, magnumque inde pecudum numerum abigunt; tum in hostium naves sparsim terrae alligatas invehuntur, & partim incensas mergunt, alias Comum pertrahunt. Affecti tot malis adversarii in Insulam conveniunt, atque ibi constituunt, non inultam huiusmodi injuriam praetermittendam; conflataque brevi centum navium classe urbem petunt, ingentique terrore suburbana complerunt: sed occurrentibus mature oppidanis, non solum à maleficio prohibiti sunt, sed etiam in naves repulsi, abire coacti sunt. Tum consilium iniere cives Copellae

A capiundae: ea erat turris quodam in scopulo emicans ipsorum rebus valde importuna: hanc dum obsident, sentiunt ab Insula venire, qui inclusis opem ferant: igitur acrius eam oppugnant, & vi in potestatem redigunt; qua re cognita Classiarum domum iter verterunt.

Sequenti anno per Majum mensem, Comenses A. G. de publico consilio hostiliter petiere Varisium oppidum, & cum noctu improvisi supervenissent, imparatos & semisomnes facile trucidarunt, alios vinculis inditis captivos egerunt, & cum ingenti praeda abire. Nec ita multo post in eandem regionem reversi Binagum & Vedanum oppida tunc muris cincta invadunt, atque capta & direpta incendunt. His peractis bellum in Luganensem oram transfertur: incolae Mediolanensi nomini studebant, & arcem Sancti Martini, quo omnia ex fide agere viderentur, tradiderant: contra Comenses transmissis in vallem Intelavi copiis, secuti consilium Joannis Boni Vesozoni, qui locum diligenter speculatus, docuit aditum esse in superiorem rupem, & ex ea haud magno cum periculo desiliri in muros posse, eo profecti juvenes impigri, & qua praecipuus locus erat, per funes delapsi, ex improvise saxa, fudes, & tegulas totis aedibus prouunt: ita fugam undique hostium fecere, ac munito loco potiti sunt. Qua re Mediolani cognita, constitutum est, ut classis lacu instauraretur, cui Insulani remiges & commeatum suggererent: in vallem Portetiam delati, Castrum S. Michaelis circumfidunt: ubi dum diutius morantur, supervenit Anselmus Pusterleus, qui tum Mediolanensi sacerdotio praerant, ratus se negotium celerius confecturum, seu timor contumacibus adversariis faciendus opinione & praesentia Antistitis; seu opera, & auctoritas interponenda conditionibus, si quae inirentur, foret: sed in neutram partem profuit ejus adventus: nam & à vi fortiter sese defendentibus Comensibus, & ex confidentia rerum pactiones omnes recusantibus, infecta re abire coactus est, & occurrentibus novis copiis commissa pugna, in qua praecipuus nobilitate vir Aledramus Quadrius cecidit, & complures combustae naves: deinde Arduinus Advocatus turrim Melani, & Gisilbertus Clericus è media plebe homo arcem Pantagani, accepta pecunia, Mediolanensibus tradiderunt: at Comenses Insulam adnavigant, oppidanos ad pugnam provocant: illi è tuto loco tela conjicientes, Oldradum Natalem, & viginti alios nobiles viros interfecerunt; quorum caede irritati hostes, quod in homines non poterant, in aedificia deserviunt: inde Comum reversi cives cohortantur, ut majoribus copiis locum jam semirutum invadant, & quod superest, sine mora avertant: assentientibus universis, nova classis instruitur, ad Insulam navigatur, militibusque expositis cuncta ferro, igni foedantur, vites, caeteraque frugiferae arbores passim succiduntur: jam muri ipsi frequenti ariete concutiebantur, cum nova Menasientium classe, qui auxilio obsessis veniebant, perterriti, omittere incepta, Insula cedere coacti sunt. Fortasse etiam suorum litteris revocati; propterea quod finitimus hostis Canturianus agrum igni ferroque vastabat: cum quibus etiam commisso certamine in ripis torrentuli, cui nomen Sevifo, sexaginta hominum jacturam fecerunt. Nec ita multo post submissa ab urbe Mediolano ingenti multitudine, novo in periculo Comum constituitur: quod tamen intra mensem sublatum est, ex inopia commeatuum hoste digressio. Paulo post ex Tellina valle Quaestores peractis exactionibus argentum & varium genus commeatuum Comum deportavere; quibus acceptis, denuo de excidenda Insula deliberant, transmissoque exercitu oppugnant: sed plures ab arce & turribus sagittis conficiebantur, in quibus vir clari

clari nominis Paganus Beccaria fuit: quo accepto detrimento Comum copias, quæ supererant, reducunt: dehinc novam classem instruunt, cui oram solventi fausta precatus Guido Episcopus Comensis brevi interit. Naxium autem petiere, obviosque habuere Leucenses, congressique cruentum prælium fecere. Victores Comenses prædam & captivos domum deduxere. Quod tantam suis animorum accessionem fecit, ut ultro erumpentes in hostem, qui à terra infestam regionem habebat, circiter mille hominum vel ceperint, vel occiderint. Inde Verematum venire, & illic quoque superatis adversariis, oppidum ipsum incendunt: pariter à Canturio & Marliano ingenti cum pecudum hominumque præda redierunt. Tunc Mediolanenses quammaximam multitudinem armarunt, & adversus exultantem tot victoriis hostem profecti, eum vel invitum, & terga dare nitentem ad pugnam compulerunt, & memorabilem stragem ediderunt, ex qua ingens luctus Comi fuit. Trium, qui strenue mortem optierint, nomina memorantur; Araldus Galignus, Rogierius Fontanella, & Pandulfus à Canonica. Subinde nuntiatum est, Lucinum oppidum, prodeunte Arialdo Advocato equestris dignitatis viro, in manus hostium pervenisse: quod pari animorum consternatione, ac recens hominum cædes, receptum est. Ejus vero proditionis infamiam ferens ægerrime Otho Arialdi frater inter confertos equites, qui ad explorandum certius rei statum advolarunt, profectus, & cum hostibus congressus interficitur. Non multo ab his intervallo Conradus Dervienfis castrum Dervium, in quo non exigua vis auri, argentique erat, pariter Mediolanensibus prodidit. Et in Tellinam usque vallem progressi hostes prædam bovum, pecudumque abegerunt. Ex arce quoque Antixiti dejectum præsidium à Leucensibus noctu fuit, & rebus omnibus oppidum spoliatum.

A. C. 1127. Sed jam subibat annus vigesimus septimus supra mille & centum, cum de publico consilio Comenses Albricum Bregnanensem ab exilio revocant, & pristinae gratiæ restituunt. Vastri ingenii erat homo, & varia fortuna agitatus, haud facile injuriarum oblitus, dolos patriæ nectit: nam commentus Mediolanenses ad certam diem prædatum venturos, struendas illis opportuno loco insidias esse suavit: tum ad hostes clanculum delapsus, quo loco, & quo numero armatorum acies positæ forent, docuit. Profecti igitur Mediolanenses duplici agmine insidiatores ipsos circumvenerunt, & conturbatos, attonitosque, ex eo in primis, quod Albricum ipsum inter hostiles acies impune versari, & multa jactare audiebant, contrucidarunt. Hic cecidere viri nobiles Vindradus Pirrus cum filio, Petratus Fontanella, Jafredus Validus, Arnaldus Vertemates, Marchius Azola, Joannes Bessola, Vicedominus Comensis.

Mediolanenses ea victoria usi, ad obsidendum urbem ipsam Comum pergunt; locumque castris deligunt suburbanam S. Martini ædem, quam vallo, fossa, & duabus præaltis turribus muniunt, & mutato nomine castrum novum, & interim villam novam nuncuparunt; cujus custodiæ Moguntiaci primum inventus est imposita, quæ à Comensibus, non ita multo post, ob nimiam importunitatem, & ferociam trucidata est: his suffecti fuere Cremonenses; sed hi quoque multis præliis imminuti, hosti prædæ fuere. Interim prædatorii equites in Luganensem vallem missi ad Tresiam fluvium, per quem lacus ejus regionis in Verbanum exoneratur, pervenire, & igni, & ferro omnia fœdare. Interea à fociis Civitatibus, quas supra memoravimus, missa auxilia, & inter Novarienses puer altæ indolis Blandrati Comes memoratur rudimenta militiæ fecisse, & qualis vir futurus foret, auspicia dedisse. Accersiti quoque ex Liguribus fabri, qui aptio-

A res bello naves facerent: ita classi Leuci instructa, adjectis Insulanis totius lacus Imperium obtentum est. Terrestres vero copiæ cum infesta jam omnia circa urbem haberent, quatuor turres conjunctas trabibus, ac cratibus, & corio tectas erigunt, totidem arietes inter eas collocant, quas sub lato militari clamore & præcinentibus tubis ad urbem promovent, nudatosque propugnaculis muros quatunt: contra oppidani fortiter agere, die, noctuque in opere esse, nullus sexus, nulla ætas labori parcere, omnes pro patria, aris, fociis pugnare: sed cum hostes multitudine abundarent, nullamque propterea quietem fessis darent, sed pugnando diem noctibus conjungerent, suis faucibus integros & recentes submittendo, consilium exonerandæ civitatis turba inutili inierunt: sicque infirmam ætatem navibus imponunt, robustiores in urbe retenti: sed hi quoque brevi in desperationem rerum adducuntur, & desertis custodiis in vicum se recipiunt: sic vocatur pars extramurana sinistrae lacus ripæ adjacens. Quibus cognitis Mediolanenses urbem ingressi, omnia prædantur: sic potiti Como Mediolanenses fuere; qui mox de pace rogati, eam polliciti sunt, si mœnia ad locum usque duabus turribus insignem, quas Cluviolas vocabant, dedicerent: qua conditione recepta, denudata muris civitas est, & victis reditus in eandem concessus.

Sequentis anni hyems insolita asperitate dirigit A. C. 1128. adeo, ut Padus ipse glacie concretus genus omnium jumentorum & plaustra onerata ad utramque ripam transmitteret.

Anno vero mcccc. Innocentius Secundus hujus A. C. 1130. nominis Pontifex Romanus, multipliciter à Rogerio Siciliae Comite vexatus, eo quod Regium titulum ambienti non conferebat, in Hetruriam venit; & ad littus descendens, triremibus Ligusticis excipitur, ac Genuam delatus vacanti tunc forte ejusdem urbis Ecclesiæ Episcopum dedit Syrum, hominem ingenio & sanctitate clarum: pariter bellum, quod tunc cum Pisanis gerebatur, suspendit. Inde in Ulteriorem Galliam transgressus, duobus Conciliis Rogerium Siculum, & Petrum Leonem Pontificium munus sub Anacleti nomine Romæ usurpantem, hostes Ecclesiæ declarat, & palam Christianis sacris interdicat. Quibus peragendis triennio absumpso, in Italiam revertitur, & Placentiæ novum conventum vicinorum Principum habuit: mox superato Apennino Cornetum Hetruriæ urbem, comitante Lothario Cæsare, pervenit. Huc Syrus & octo alii Ligures Legationis principes tredecim triremibus advecti, pacem cum Pisanis, hortante Pontifice, confecerunt. Tunc Syro novus titulus accessit: nam qui olim suffraganeus Mediolanensis Antistitis fuerat, nunc illi subtractus, & suæ ditionis factus, aliis etiam imperare coepit; constitutusque octo Civitatum Metropolitanus, quatuor in insula Corsica sortitus est, Marianensem, Acienensem, Nebienensem, & Aprumacensem; cæteræ in continenti sunt: sed cum tres tantum forent, Albingaunensis, Naulensis, & Brugnatenensis, ad explendum numerum, tunc primum Bobiensis oppido civitatis nomen inditum, & novus creatus Episcopus; cujus dignitatis tuendæ gratia locupletissimi ad eam diem Cœnobii Columbani opes accisæ magna ex parte, ac illi traditæ fuerunt. Perrexere ad urbem Innocentius & Lotharius; nec difficulter ad officium redeunt Romanos in gratiam recepere. Eodem anno Mediolani moritur Paterleus Præsul, eique suffectus Robaldus, jam Albæ Ligurum Antistes.

Anno deinde mcccciv. Guido Vicecomes nobilis Mediolanensis Othone genitus munere Guarnieri Abbatis S. Galli Constantiensis, instituitur Abbas Massini in Longobardis, quam olim Sancti Galli

Galli Cœnobio contulerant Carolus Augustus, & Berengarius Imperator, & primus Otho confirmaverat. Durat adhuc Massinum edito in colle, quem Verbanus lacus exiguo ab Arona spatio alluit; & juxta spectatur Invorium, duo celebria Vicecomitum domicilia, adeo ut inde ortam clarissimam familiam plerique crediderint: sed antiqua ipsimet indigenæ mihi quandoque monumenta ostenderunt, quibus inveteratæ illius gentis origo ad civitatem Mediolani refertur. Bernardus quoque Monachus peragrata Gallia atque Germania ad Italos reversus, Mediolani Cœnobium quarto ab urbe milliaro fundavit, civibus opes offerentibus, quod Caræ Vallis dicitur. Et anno MCXXXIX. Lotharius post multa egregie gesta, & conditas leges, quarum non paucas posterum in corpus novi juris recepere, cum etiam per agrum Novariensem, & signanter vico Momo diversatus fuisset, Veronæ moritur.

Deinde Conradus Secundus ex Henrici sorore, & Frederico Scophio, ut quidam opinantur, cognomento Suevorum Duce genitus, Imperium excipit, & Mediolani, præbente diadema Robaldo Archiepiscopo, coronatur. Idem Genuensibus facultatem cudendæ monetæ primus concessit: ex quo illius memoriæ hoc grata posteritas instituit, ut nomen Conradi Romanorum Regis alteri nummorum parti semper inscripserint.

A. C. 1140. Anno MCXL. mense Februario Papienses & Placentini fœdera inierunt mutui inter se auxilii, quod equitatu, peditatuque præstari posset adversus quemlibet populum excepto Novariense, & salvo sacramento erga Cæsarem dato, ut omnia pro amicis contra inimicos agant, quæ usus & occasio rerum postulaverit. Et biennio post Guido Vicecomes, quem paulo ante memoravimus, in Germaniam profectus à Conrado Cæsare jurisdictionem retulit curiæ Massini, & Elbuzagi, & Besenzati: diploma hujus rei archetypon Papiæ vidimus cum præfatione, quod Guidonis avus pro fide Imperii à Romanis fuerit interfectus.

A. C. 1143. Anno sequenti, qui fuit XLIII. supra M. & C. Innocentius Pontifex moritur: cui spatio sexdecim mensium duo successere, sui quisque nominis Secundus, Cælestinus, & Lucius: hic Genuensibus multa

A per Legatos petentibus, annum unius libræ auri tributum remisit. Pontificatum maximum inde tenuit Eugenius Tertius Pisana urbe oriundus, Bernardi Monachi discipulus, qui intestinis Romanorum discordiis pulsus urbe, ad Gallos trans Alpes se contulit. Ubi cum cognovisset Christianos, qui Hierosolymis regnarent, gravissimis cladibus à Barbaris attritos, maximo in periculo reliquæ salutis versari; nec ignorans quibus animis, quantisque viribus sexaginta ab hinc annis terram Syriam Galli ingressi forent, Ludovicum Francorum Regem de auxilio miseris ferendo alloquitur, ejusque animo satis explorato, Conradum Cæsarem de eadem re compellat, eoque non abnuente crebræ circummittuntur legationes: denique suscepta expeditio anno Christi MCXLVII. Inter Italos Proceres, qui eodem profecti sunt, Codices Mediolanenses celebrant Martinum Turrianum, qui ab eximia corporis & virium specie Gigantis cognomen meruerat, qui fortiter pro Christi nomine pugnans, captus à Barbaris, & excruciatu tormentis expiavit.

Eodem tempore Genuenses ejusdem Pontificis hortatu in altera orbis parte non involvendum silentio bellum gessere, florentissimumque exercitum ducentis & viginti sex navibus in terram Baticam transportarunt; Almeriam urbem maritimam diu obsessam expugnarunt. Ejus expeditionis Duces fuere Ubertus Turrianus, Philippus Platealonga, & Anfaldus Auria Consules Genuenses, nec non & Raimundus Bellingierius Barcinonensis Comes, unus fortasse ex stirpe Regis Berengarii, quam supra in Liguribus confedisse sub eo cognomine diximus. Et subsequenti anno Tortosam citerioris Hispaniæ urbem terra marique oppugnatam per deditioem cepere. At Conradus rebus in Syria improspere gestis, & Damasco frustra obsessa, in Europam revertitur, & morbo affectus apud Barbergam Germaniæ urbem moritur. Eugenius autem ex Gallia reversus, iter per Circumpadanæ urbes fecit, & Novariæ agens confirmavit indulta à majoribus Cœnobio Cerreti Laudensis agri, quod paucis ante annis illustis Comes Albericus in proprio solo Saltarico condiderat.

TRISTANI CALCHI,

MEDIOLANENSIS HISTORIOGRAPHI,

HISTORIAE PATRIAE

LIBER VIII.

EPI TOM E.

Post Conradum imperat fratris filius Suevorum Dux Fridericus I. Anobarbus, famam ex Mediolani vastitate & reliqua Italia malis nactus. Constantia conventum Principum celebrantem Laudenses duo nulla publica auctoritate interpellare pro patria vim à Mediolanensibus passa: & vindices litteras ac legatum ad eosdem impetrare. Is Laudem delatus, tametsi cives metu graviorum injuriarum, intentatam volebant legationem, Mediolanum profectus est, ubi cum Cæsaris litteræ contumeliose acceptæ sunt; tum ipse summum in discrimen adductus. Mediolanenses clade per idem tempus ad Verruculam à Papiensibus accepta mitiores facti, Cæsarem legatione ac muneribus sibi

E reconciliare conantur: sed is tamen Laudensium, aliarumque finitimarum urbium querimoniis valde permotus in Italiam per Taurinas Alpes cum exercitu proficiscitur. Germanos, qui evocaverant, primi suis oppidis excepere Laudenses: moxque hostes sensere, cum à Placentino vico totius ditionis opibus divite eorum impetum agre propulsare. Cæsar interim Roncalia Placentiam inter & Cremonam Mediolanensium Legatos admittit: & post fidem sibi à Laudensibus annuente Mediolanensi Senatu sacramento obligatam, trans Ticinum movet, commeatu Mediolanensibus imperato: cujus difficultatem Germanus miles Landriani ac Rosati vastatione ulciscitur. Novariam progressus Fridericus, cum ea urbe ac Papiæ fœdus init: Ligurum Oratores audit: Mediolanensium vero, tametsi pactam

in Roncalia pecuniam representantes, omni rescisso foedere non sine objurgatione ab se rejicit denunciatis, Velle se Laudensem, Comensemque ab ipsorum potestate exemptum sibi uni parere: mox Galiatum ac Treccatum in potestatem redacta mœnibus nudat. Trajecto Pado Montisferrati Marchione auctore Astam expugnat; ejusdemque ditioni adjungit. Inde Derthonam apud se à Papiensibus postulatam, cum Mediolanensium fulta praesidio causam dicere detractaret, invadit: & quamquam certis conditionibus in deditionem acceptam, perfide patitur diripi, flammisque vastari: tum Papiensibus dono dat ultra incendium & interitum servituri. Non multo post ab auxiliaribus Mediolanensibus in propinquo opportunitatem captantibus recuperata reficitur, Senatu primum improbante, discessionemque imperante: deinde prospera fortuna, submissis auxiliis, velificante. Ergo per id tempus Papiensem Caesaris praesidio ferocem & ad Derthonam nostrae jam urbis coloniam (quod data ad eam littera & consanguinitatis insignia testantur) fortiter sustinimus; & Septezano, quod à Scaranis occupatum obsidione repetebat, expulimus: & Stabulum, Cunasium, & Ceredanum expugnavimus: & Lugani Vallem rebellantem subegimus. Fridericus Romam interim petens Adrianum Pontificem inde pulsum Sutrii obvium reverenter excepit: & professus ob id muneris gladium se & Imperatoris nomen accepisse, in Urbem reduxit, ubi ab eodem Coronam suae dignitatis insigne suscepit. Sed subita Populi Romani irruptione uterque captus esset, nisi eum accersitus è propinquo exercitus, non sine ingentis caede, submovisset. Inde retro signa convertens Spoletum de Caesareis nunciis male meritum direptione & incendio mulctat. Anconam progressus honorificam Constantinopolitani Imperatoris legationem audit suadentem bellum adversus Gulielmum Sicilia Regem. Sed tanta expeditionis difficultatem & periculum astimanti, antiquior in patriam reditus fuit: quem quia pecunia à Mediolanensibus accepta obsidere conati sunt Veronenses, non leves victori pœnas dedere.



CONRADO in Romano Regno Procerum suffragiis suffectus est Fridericus frater*, ejus nominis primus, quem de capilli colore insignem vulgus Barbarusam, paulo eruditiores Rubrobarbum, nos æquiore, ut arbitramur, & ex aliqua antiquitate Romana petito vo-

cabulo, Anobarbum nuncupabimus: eum vero in Romani Regni fastigium electum fuisse colligo anno Christiana enumeratione millesimo centesimo & quinquagesimo primo, aut certe secundo. Acta celebritas est Franchfordiae urbe Germaniae Mogamo anni apposita, qui Rhenum juxta Moguntiam influit. Inde Aquilgranum delatus, sacri olei unctione perlinitur, & coronatur. Rem sacram & solitas caeremonias peregit Arnoldus Colonienfis Archiepiscopus, reliqua administrare Hellinus Trevirensis Antistes, Albertus Marchio Brandenburgensis, Henricus Saxonum, & Matthæus Lotharingorum Duces.

Postea per ætatem celeberrimum Messleburgo conventum habuit, in quo Petrum Danorum, qui in Cimbrica Chersoneso siti Daci nunc dicuntur, Regem declaravit, suaeque manu diadema & reliqua ejus rei insignia ei detulit. Tunc subortas cum Romana Ecclesia, cui tum Eugenius Tertius praerarat, contentiones quadam in epistola ipsemet fateatur; quae, qualesive, aut qua ex causa fuerint, nec ipse narrat, nec apud quemquam hæctenus

* Alii fratris eodem nomine filium scribunt; vide Gordon. A. 1152.

comperi. Moxque tamen eas ita sua opera sopitas fuisse subjicit, ut quod à se bene constitutum erat, auctoritas Apostolica confirmarit.

Annus deinde quinquagesimus tertius habetur insignis obitu duorum summorum in Ecclesia virorum, Eugenii Pontificis, cui Anastasius Quartus suffectus est, & Bernardi Abbatis, qui sacrarum Scripturarum studio, virtute, & peregrinationibus ad exteras quoque nationes in fide nostra instruendas obitus clarus, multa ampla & opulenta cœnobîa ædificavit: plurimosque statim sectatores habuit, quorum via, vitæque posteris per manus tradita, quoniam tuto cœlestes ad sedes ducat, nunc quoque observatur. Extant vero ejusdem ingenii multa & præclara monumenta, plena pietatis & meditationis rarissimæ, quibus, quamvis Latinæ litteræ eo tempore obsolevisent, tamen nec inelegans, nec infacundus Bernardus probatur.

Eodem anno Fridericus alterum conventum Constantiæ habuit, æque celebrem frequentia, & Heroum dignitate ac Messleburgensis: nisi quod hic amplius accesserunt duo Romanæ Ecclesiæ Principes, Bernardus S. Clementis, & Gregorius S. Angeli, ille Presbyter, hic Diaconus, Cardinales; item Vulpho Dux Spoleti, & Marchio Tusciæ. Forteque apud Hermanum Constantiensem Episcopum duo Laudenses cives privatam ob rem in Germania negotiantes diverterunt, Abernandus cognomento Alamanus, & Homobonus de Magistris: qui dum in aula spectant novam Heroum speciem, hominum frequentiam, & rerum majestatem; animadverterunt, crebris tenuiorum querelis deferri ad Cæsarem injurias, oppressionesque potentiorum; & Cæsarem æqua omnibus & justa præstari jubere; efficacissimasque in eam rem litteras dare: ac propterea calamitatum patriæ reminiscentes, ejus publicam causam agere constituerunt: & velamenta supplicum sumentes, è proximo templo cruces proferunt, & in conspectum hominum cum flebili lamentatione prodeunt, nomen & clementiam Cæsaream invocant: quibus, circumfundente se multitudine, Fridericus dari locum jubet, ut accedant. Interrogati, qui essent, quid peterent, quæve tantarum lachrymarum causæ, Abernandus Linguae Germanicæ peritus, Laudenses, inquit, sumus, omnium, qui vivunt, miserrimi, & qui à Mediolanensibus ea patimur, quæ ne Barbari quidem pati hostem cogerent. Nota res est, sicuti patriam nostram Laudem Pompejam vetustate, & Romani conditoris fama claram, injusta ira perciti Mediolanenses everterint. Sacra ades, quæ exstant, amplo documento sunt opulentia, dignitatisque ejus; nam his tantum pepercere hostes, cetera, domos, mœnia, turres ita sustulerunt, ut jam novem & quadraginta annis videamus campos, ubi Troja fuit: (ut accommodemus dictum clarissimi poeta) ex cujus excidio multi in varia exilia dilapsi, errant adhuc: & nos nimis certa exempla ejus rei sumus: reliquum populum sex vicis, cen totidem ergastulis conclusum, foedissimam in servitutem redegerunt: avarissimis Magistratibus parere cogunt: quibus nisi statutis diebus, atque horis indictas pecunias persolvamus, vincula, cruciatus, tormentaue intentantur: denique nullum genus est impietatis, scelerisque, quod non miseros nos, conjuges, liberosque nostros servissimi domini victores exerceant. Sed vide, Caesar Auguste, quid longa tot malorum consuetudine factum fuerit: jam tolerabilia ista erant, & in extrema servitutis calamitate nihil desiderare audebamus, nullam querelam ne nunc quidem faceremus, haud ullam abs te opem optare animo subissemus; si nos in pauperrimis illis miseria nostra reliquis permisissent: sed quo non intras livor improbe? quo non venena spargis invidia? aut quid impotentissima superbia satis humile videri potest? erat civitas nostra dum stetit totius fere Circumpadana ora emporium;

porium; conferebantur à finitimis merces, quæ octavo quoque die inter advenas commutabantur: posteaquam vero eversa civitas est, id continuari in maiore sex vicorum nostrorum, cui Placentino nomen est, Mediolanenses permiserunt: in quo, etsi exhausti opibus magna emere aut vendere non poteramus, tamen externis hospitibus saltem parando, commeatus expediendo, plerique victum quærebamus: credo, paulo opulentiores fieri, & reculam augere iis visi sumus: invidenda, formidandaque erat conditio nostra: itaque de sapientum suorum, ut vocant, (qui utinam recte saperent) consilio nobis interdiciunt, ne amplius in Placentino vico mercatores excipiamus, sed in proximo campo sub dio nundinemur, soli, pluvisque merces exponamus: id quod fuit nobis, non panem ipsum ori detrabere, sed prorsus, quod dici solet, *Vade, & suspende te*: nam eo dicto vulgato, statim omnia apud nos cessarunt, deserunt advenire peregrini, merces mittere, & omnia contorpuere, extincta omnium industria, ubi spes lucri non adest: sic defecti opibus, & undique destituti cum inopia, cum ignavia jam diu certamus. Hoc est, quod nos urget, quod gravat, quod conficit, sacratissime Cæsar, vosque excelsi Principes: hoc unum rogamus, ut pristinum morem, locumque mercatus restitui curetis. Commoverunt facile concionem lachrymæ, simul rei, quæ petebatur, exiguitas, honestasque: itaque litteræ decernuntur perquam efficaces in eam rem; quibus scriptis nova difficultas oboritur nuncii, per quem litteræ Mediolanum perferrentur; quia haud dubio facturos vim, si quispiam Laudensis accederet, opinabantur. Ex aula Cæsaris deligitur Sicherius diligens & impiger juvenis, cui etiam injungitur, ut quantum posset, viva oratione causam Laudensium commendaret.

Interea in patriam reversi Abernandus & Homobonus suos edocent, ubi fuerint, quæ viderint, quid fecerint; brevique cum litteris affuturum Cæsareum nuncium significant. Id permolestum atque abominabile primores censuerunt, quibus nota erat Mediolanensium iracundia, & quidam quasi furor in Laudense nomen, cum quicquam novitabatur: neque omnino temperaturos existimabant, quin alias super aliis injurias, ubi hoc rescivissent, in se cumulerent: alii mitiora augurantes, moerentium animos solabantur ea ratione, quod fortasse apud Cæsareum Senatum fidem publicæ rei gerendæ non habuerint Abernandus & Homobonus, qui privato nomine in Germaniam profecti, nullo publico mandato, signove firmare petitionem potuerint.

Sed haud ita multo post Sicherius affuit lætus, & spe uberioris emolumenti plenus, concioneque advocata, gratiam Cæsaream, & felicioris seculi primordia nunciat; tum cujusmodi litteras attulerit, enarrat: respondent ei, se Cæsari gratias agere immortales: sed mox triste silentium & effusæ lachrymæ mœstos omnium animos esse declararunt; & admiranti Sicherio natu tandem major hæc alta voce subjunxit: *Si ea, quæ tu modo, & paulo ante duo cives nostri attulisti, non optanda nobis, ac votis omnibus expetenda sunt, saxei, ferreique, & omnino Cæsarea benignitate indigni sumus: nam nec rebus nostris conducibilius quidquam, nec animo jucundius contingere potest, quam Cæsaream istam liberalitatem, qui simplici duorum hominum rogatu causam nostram suscepit, teque oratorem miserit: quibus unquam verbis, quibus factis satis digna à nobis agi, referri gratia poterunt? Etenim nullum majus nobis viget in terris nomen, nihilque eorum quæ cernimus, quæ audimus supra Augusti majestatem, amplitudinemque ducimus: sed vera, & rei necessaria fateri liceat, parum tempestiva est tentatio ista; novimus inclementiam vicinorum nostrorum; & quam iniquo, incivilique animo ferent hæc; & quibus nostris malis suspiciones suas expiabunt, cum procul esse intelligant, qui vim vi, arma armis opponat: nam Cæsaris*

A quoque ipsius absentis opinionem haud multi facient. Quare cum causa nostra agatur, & ex commodo nostro agere te deceat, hortamur, rogamusque ne Mediolanum omnino accedas; aut si accesseris, nihil in rem nostram loquaris; dissimules mandata, & quidquid vis aliud, quam Laudensem Populum nomina. Et quo ad nos, Cæsari quantas maximas humanus animus capere potest, gratias agas suæ in nos declarata voluntatis; cujus fructum in commodiora tempora servandum nos censuerimus: nam si quando contingeret ejus præsentia illustrari res Italas, haud profecto aliud à Deo maximo expetendum ultra existimaremus. Conturbatus est hoc sermone Sicherius, quem eo tendere perpexit, ut eam rem, ob quam potissimum venerat, omnino non tentaret. Itaque indignatione plenus: *Si vel dena*, inquit, *auri pondera hic mihi represententur, non committam unquam, ut partem ullam mandatorum meorum neglexisse videar: quo enim vultu, qua spe, qua fiducia in conspectum Domini mei veniam, rebus, propter quas tam procul domo missus sum, intentatis? an adeo incivis, superbusque Mediolanensis est, ut non possit aquis auribus audire etiam ea, quæ vel minime velint? certe legatos audire omnes solent: nec fraudi cuiquam fuit non grata dixisse: nam illorum postea est respondere, quod libuerit: proinde alio dirigite cogitationes vestras: meliora mihi suadete.* His dictis Mediolanum Sicherius proficiscitur; ubi Senatui litteras Regias exhibet; & mandata in commendationem rei Laudensis exponit: quæ haud secus accepta sunt, ac Laudenses prædixerant: nam absque ulla Cæsaris reverentia perciti ira, & quodam furore Consules tabulas ipsas in terram elisere, & pedibus conculcantes ceras, quibus obfignatæ erant, fregerunt, imaginique Cæsaris insignem contumeliam fecerunt. Quod videns Sicherius, & sibi deteriora metuens, inter obstrepentem multitudinem effugium invenit, & noctu Laudem repetit: quid egerit, viderit, quove in periculo fuerit, enarrat. Inde in Germaniam contendit. Laudenses vero trepidavere: & sane sæva consilia adversus eos Mediolani tractabantur: sed sive poenitentia facinoris, ne bis in Cæsarem peccarent; sive bellum, quo cum Papiens detinebantur, ab ea cogitatione averterit, in incerto est. Namque trans Ticinellum fluvium, quo Ticino derivatus medius inter Mediolanum, Papiamque campos interlabitur, exercitum miserant, lateque agrum hostilem populati apud Lardiragum vicum confederant. Certatumque juxta Verruculam atroci certamine; & cum in castra rediissent, inani quodam pavore, ut fortuna cum in cæteris humanis rebus, tum maxime in bello dominatur, solutus est Mediolanensium exercitus: nam cum quidam faucii ad curanda vulnera domum repituri, vasa colligerent, strataque humi tentoria festinantius ministri complicarent, procul conspicientibus imaginem fugæ præbuerunt. Itaque illis quoque raptim sua auferentibus, & aliis atque aliis extremum exercitui casum advenisse suspicantibus, & ex alieno metu territis, omni ex parte fuga facta est, castraque commeatu omnifariam plena prædæ hostibus relicta; notabili impressione ad vada Ticinelli facta, alio alium in aquas impellente præ studio celerius fugiendi.

Eo detrimento accepto, Mediolanenses, & quasi referret iratum Cæsarem habere recogitantes, placandum eum, omnique arte in primis demulcendum statuerunt. Itaque cum muneribus Oratores mittunt, qui incivile factum quoquo modo excusarent, & veniam errori peterent: dataque in id patera aurea cum multa pecunia numerata: sed jam aliquanto ante Laudenses Cæsaris animum in indignatione firmaverant; & data aurea clavi Guiljelmo Marchioni Montisferrati, qui gratia & propinquitate plurimum apud illum pollebat, ad Cæsarem perferenda occupaverant. Quibus accessit

cesserunt, ceu totidem testes extra omnem exceptionem prompti, Papiæ, Cremonæque Oratores, qui oblatis & ipsi muneribus pretiosis, nefaria bella, intollerandasque injurias à Mediolanense acceptas conquesti, non solum veriora veris esse, quæ de Laudensium malis dicerentur, asseverarunt; sed prorsus longe majora, gravioraque omnem aurium fidem excedere: fuerunt & qui Comensium cladis mentionem facerent, & quam multis ab aliis Longobardorum populis Cæsareum numen expeteretur, quo vesana, importunaque Mediolanensium superbia contunderetur: tanta autem vis horum omnium fuit, ut communi Heroum consilio venire proximo autumno in Italiam Fridericus decreverit, paræque interim necessaria iusserit.

A. C. 1154. Quibus satis paratis, exercituque instructo, iter Octobre mense anni quinquagesimi quarti init: per Taurinas Alpes transmissus, & per plana Longobardiæ progressus, in Laudensem agrum venit: signanterque Castillonem ad tertium Kal. Decembris diversatum lego. Quo tempore prima virtutis & militiæ rudimenta apud eos posuere Germani, qui tantopere eorum expetiverant adventum: nam sive inopia comæatum, ut asseruerunt, sive, ut alii crediderunt, avaritia ducti, & cupiditate proinde incensi vicum Placentinum, in quem ex infirmioribus omnibus vicinis locis congestas opes audierant, prælio adorti sunt, nec levi certamine oppugnaverunt. Verum fortiter resistere oppidani, quibus & natura loci muniti, & metus amittendarum opum animos faciebant. Itaque repulsi, cum etiam multi ex suis cecidissent, aut vulneribus debilitati forent, Germani quiescere. Et Fridericus inde movens concessit in Roncaliam, locum inter Placentiam & Cremonam: hicque habito consilio Mediolanensium legatos audit. Qui eorum sermo fuerit, haud sane usquam scriptum comperi; tantum porrecta, acceptaque munera, & insuper quater mille marchas argenti promissas: id genus ponderis est, quo maxime argentarii utuntur. Interim cum Laudense actum, ut in Cæsaris verba, fidemque juraret. Id quod libentissime facturum Populus respondit: sed quia in aliena ditione sit constitutus, legitime quidquam citra dominorum consensum facere non posse. Itaque sumpto spatio ad consulendum Mediolanensem Senatum, missaque eo Legatione, quod optabant, haud difficulter impetrant: & exinde maxima cum lætitia & celebritate Cæsari sacramentum dixerunt; existimantes, se tunc tandem durissimæ tyrannidis jugum exuere. Mox Fridericus trans Ticinum reversurum se pronuntiavit; ac propterea, quo commodius incederet, duces itineris, & qui necessaria expediri curarent, à Mediolanensibus petiit: dati qui & recta & compendiosa ex fide ducerent: sed quia continentibus bellis cum Papiense, & recenti vastatione combusta omnia erant, suspicionem peregrinus miles cepit, quasi dedita opera eo deductus foret, ubi ab rerum omnium inopia, viri pariter, equique conflictarentur. Et primo quidem Landrianum, dein Rosatum venire: in quibus cum nec satis quidem pabuli ad reficienda jumenta inventum fuisset, excanduerunt ira Germani; nec temperare, quin iussis decedere omnibus, qui inerant, ipsi cuncta prædarentur; notabilisque Barbarorum inclementia atque inhumanitas visa est, qui nullum spatium migrantibus ad componendas res concesserint; sed incommodissima hora, hoc est sub occasu solis, & lubrica omnia facientibus imbribus, universos exegerint, ægros, senes, matresfamilias, & cum parvulis natis nuptas, innuptasque puellas: transactaque nocte, subiecto ædificiis igne, uno omnia concremaverunt incendio. Inde Abiatum profecti, Ticinum transeunt junctum duobus Mediolanen-

A sum pontibus, quos & statim demoliri nixi sunt. Inde Novariam, & Blandratum, quod percelebre oppidum Sessæ anni appositum est, petunt.

Eodem advenerunt Oratores Mediolanensium promissam in Roncalia pecuniam afferentes; quos Fridericus undique finitimorum nostrorum querelis oneratus, gravibus verbis corripuit, & foedifragam eorum civitatem arguens, cum eadem foedera, si qua promissit, rescindere se dixit, velleque duobus propinquis populis Laudensi, Comensique integram libertatem servari, neque alterum eos dominum, quam Cæsarem recognoscere, ac simul spreta pecunia excedere castris eos jubet.

B Hac ceu non dubia belli denuntiatione accepta Mediolanenses, confestim arma circumspectare, & novarum rerum consilia agitare.

Convenit item Blandrati Fridericum honesta Ligurum Legatio; cujus capita erant Capharus Genuensis inter auctores nostros assumptus, & Hugo Archidiaconus, qui postea ad Pontificatum urbis Genuæ pervenit: quid autem egerint, attulerintve, nec Capharus ipse volumini suo inseruit, nec alibi memoratum inveni. Cæterum Fridericus nova foedera cum Papiense, Novarienseque init; & duo Ecclesiæ Mediolanensis oppida in finibus Novariensibus sita Galiatum atque Trecatum obsidet, & non multa vi in potestatem redacta moenibus nudat. Et cum jam December mensis efflueret, natalitia Christi festa ibidem celebrarunt.

Tum ineunte anno quinquagesimo quinto Ver-
cellas, Taurinumque petiere, & inde trajecto
Pado apud Cherium peropulentum oppidum con-
stitere; ubi bellum Astense decretum est. Inha-
bat ejus urbis imperio Gulielmus Marchio Montisferrati, & præsentem cernens favorem, infimulavit cives vetustæ injuriæ; quod debita sibi antiquo jure oppida occuparent, & repetita non redderent. Igitur bis, terque monitos, ut Marchioni satisfacerent, nec obediens Cæsar admoto exercitu perterret, impares viribus, & nulla re ad tolerandum bellum provisos, facile in potestatem redegit. Ingressi milites omnia in prædam verterunt, atque aliquot locis ambusta civitas fuit. Tum Marchioni dono data, qui veteribus & importunis destructis novas & rei suæ commodas arces statim ædificavit.

Eam victoriam dum circumfusi amici lætantur, gratulanturque, capiunt exemplum Papienses, qui finitimæ urbis odio flagrabant; & Derthonam magnis criminibus infimulantes, infidum semper Cæsareo nomini ejus Populum, & unius Mediolanensis amicitia & favore superbum esse dicunt, & occupare multa ditionis suæ oppida, quæ ut restitueret, nullis unquam precibus, nullis juridicialibus petitionibus adduci potuit; vi & armis, ut modo Asta fuit, cogendum esse: respondet Cæsar, *æquum videri, ut jure primum agatur, sequedonem arbitrum, & discipiatorem magna litis futurum.* Missi igitur nuncii, qui Derthonensem ad dicendam causam invitarent, nullum civile responsum retulerunt. Indignatus Fridericus vim ostendat: territi cives præsentaneo bello, à Mediolanensibus opem implorant.

F Erant tunc Mediolani Consules decemviri, Arvadius, Amizo, Gottofredus, Petrutius, duo Arrialdi, Petronus, Gilbertus, Guilielmus, & Marchisius; qui de publico consilio in auxilium sociorum decrevere ducentos equites, totidemque pedites: hisque præfecti Hugo Vicecomes, Joannes Rainerius, Rancia Cafatus, Albertinus Caratus, duo Lafranchi, unus à Curte, alter à Cruce cognominati, & Rogerius à Sancta Maria: neque enim piget omnium, qui à fidelibus Scriptoribus memorantur, nomina atque cognomina, ut unicuique familiæ suus honos habeatur, referre. Hi igitur cum
recta

recta per Papiensem, Novariensemve agrum parum tuta foret, in Laudensem, Placentinumque declinare, & per montana Malaspinarum, jam tum per ea loca late dominantium, Derthonam perducti sunt. Quorum adventu cognito Fridericus, castra urbi-admovet, notabili die incipientis magni jejunii; quod eo anno Idib. Februarii contigit: atque ita obsidionem firmavit, ut deinceps nulla manus ingredi potuerit. Interim clausi frequenter erumpentes, vim hostium tentabant, & praelia inibant: sic fortiter agentes cecidere cum magna parte suorum nobiles Mediolanenses Vicecomes, Mainerus, Rogerius, & Albertinus: sed jam arctiores in urbe res erant, & fame in primis laborabatur; & altera societas à Mediolano missa ingredi non potuit: suburbia ipsa & reliqua circa hostis tenebat: itaque illi in oppida haud longe distantia Larzanum, Horasum, & Garlimiam se receperunt; speculaturi, si quam fortuna objiceret suis ferendi auxilii occasionem; sed urgente inopia commeatuum, cum extracta obsidio esset in III. Kalend. Majas, oppidani ad deditionem coguntur. Bruno Bagnolus adeo Abbas Caravallensis, vir cum opinione sanctitatis, tum habitu venerandus. Hic ad tentandas condiciones emissus, vix impetravit fidem, ut quantum quisque rerum tollere posset, auferret: sed nec id servatum est; nam intromissus hostis omnia diripuit; tum aedificiis ignem supposuit. Qua ex re Bruno magnitudine mœroris affectus brevi expiravit. Contra salutem alteri ea res fuit: conjecerat in carcerem Obizo Malaspina, vir ea tempestate clarissimus, nobilem quandam Græcum: nec nomen, nec causa proditur: habebatur autem in arce; ad quam cum venissent victores, statim vinculis solutum abire permiserunt: sic evacuata cunctis rebus civitas Papiensi habenda traditur. Is turribus primo, & magna parte mœnium disjecta, domos etiam nobiles solo exæquat. Dein Papiam cuncti reversi, triduo epulis publicis & variis ludis, ut in significatione victoriæ fieri solet, indulgere: seque Ænobarbus, & Germani Heroes palam inter convivas spectandos præbuerunt.

Interea Genuenses, quibus obsides & graviora tributa imperabantur, metuentes, ne in se arma verterentur, præsidia opportunis locis disposuerant: sed Fridericus haud tentandos eos postmodum duxit, sed aliud animo prævertens, contentum se fore significavit usuraria aliquot illorum militum opera.

Cæterum cohors illa Mediolanensis, quæ secundo loco missa urbem ingredi non potuit; sed in propinqua secessit, accitis Derthonensibus civibus, qui à clade superfuere, conspicati urbem penitus desertam, & nullo custode teneri, de ea in potestatem asserenda consilium ineunt; & posteaquam nullo prohibente id fieri posse cognitum est, eam invadunt, vocatisque exulibus, agrestibusque viris, & quotquot ad inhabitandum venire voluerunt, communiunt, tecta, vallumque instaurant; comneatus affatim importari undecunque curant: denique in spem prope certam eriguntur restituendæ urbis carissimæ, fidissimæque, & simul nuntios ad urbem Mediolanum mittunt, qui conata doceant, & opem, copiasque petant, quibus tueri bene coepta valeant: sed Senatus temerarium id factum, & inanis spei rem plenam censuit; quæcunque de restauranda Derthona invito Papiensē præsumerentur: Responsumque est, ut, dum incolumibus liceret, loco infelici & male tuto decederent.

Forte fortuna contigit, ut, dum hæc Mediolani agerentur, à Papia ad illos deturbandos transmissa haud magna manus fuerit: qui sive paucitate sua diffusi, eo quod majorem, quam sustinere ipsi possent, inesse multitudinem opinarentur, sive dissuasionibus Guilielmi Marchionis

A Montisferrati inhibiti, sine ullo effectu domum revertuntur. Id vero pro confessione vel fugæ, vel inertiae, oppidani interpretantur; alacrioresque proinde facti, nuncios, undecunque auxilia sperarent, mittunt, & opem efflagitant: tuncque efficaces fuere preces; & cum aliæ aliunde copiae venirent; tum à Mediolano binarum portarum, ut fieri solebat, per modica intervalla juvenus transmissa est, primo Ticinensis & Vercellinæ, deinde Orientalis & Romanæ: quorum adventu tantum animi, viriumque omnibus accessit, ut non solum nihil dubitarent se intra mœnia tutos fore, sed ultro erumpere & hostem laceßere posse considerent. Itaque Salam oppidum non longe à Padi ripa situm proficiscuntur, ac diu acriterque oppugnant; sed se fortiter tuentibus accolis, pari hominum utrinque cæde facta, abierunt.

B Interea tertia societas à Mediolano missa est, portæ Novæ scilicet & Comensis; quæ Ticinensis & Vercellinæ munus, vicemque exciperet, ac eis redditum in patriam renuntiaret. Præerant autem his, qui reverfuri domum erant, duo Consules Malagallia ab Aliate, & Hugo Passalucus; qui dum itineri accincti essent, senferunt novum exercitum Papiensium propius urbem accessisse, castraque in pratis fabricæ ad radices montis posuisse. Ergo antequam recederent, cum his dimicandum censuerunt, collatisque signis vehemens & cruenta pugna commissa est; & cum neuter pedem referret, interquievit paulum Papiensis, & collecta in cunctum acie, impressionem in adversarios fecit tanta vi, ut eos in fugam verterit: recipientesque sese intra mœnia insecutus, pene cum eis ingressus est: sed vallo exclusus in hostium tentoria convertitur, & ea diripit, non sine ingenti præda auri, argentique cum in pecunia numerata, tum in vasculis in usum mensæ repertis. Trepidatum est in urbe, & noctem illam insomnem egere, vallo instaurando, cæterisque expediendis incumbentes: quæ mox orta luce plurimo usui fuerunt; namque ubi illuxit, minime cunctatus Papiensis, copias explicat; grande præmium iis, qui primi vallum conscendissent, proponit. Dato signo sese ruinis multitudo circumfudit, tantoque animorum ardore certatum est, ut Papienses urbi duo vexilla intulerint. Enimvero robur oppidanorum circa ea conglobatum est, notabilisque cædes edita; nec ante remissum certamen, quam hostilis cohors cum signiferis repulsa, ejectaque est extra munitiones: tum è coelo cadens imber, veluti Divinum auxilium supervenit, aciesque dirimit, nec diutius obsidionem Papiensis tenuit, virtute & obstinatione adversariorum supra fidem suam deterritus.

E Cæterum nobiles Scarani Septezanum oppidum per occasionem temporum occupaverant; id quod indigne ferentes Papienses quarto decimo Kal. Julias circummissis copiis recuperare nixi sunt: sed supervenientibus Mediolanensium cohortibus, ingentique clamore sublato, terrorem hosti iniecerunt, & fuga pariter facta ducentos ex iis captivos duxerunt, & centum alii occisi reperti sunt: inde quies instaurantibus urbem Derthonam fuit. Nec ita multo post litteræ à Mediolano hujusmodi ad eorum confirmationem datæ sunt: *Consulatus, Populusque Mediolanensis Consulibus Derthonensibus, omnique Populo salutem: Urbem vestram, quam deinceps nostram confidenter dicemus, nostris auspiciis restauratam, cunctorumque nostrorum civium opera, sudore, diligentia, circumdatam muris, & in melius divina ope reformatam, gaudemus plurimum, & universo Imperio Romano notum esse volumus. Quare tria civilia ad vos in presenti conjunctionis, & mutui amoris nostri signa mittimus; Tubam æneam, qua incrementum vestrum significantes in concionibus vestris, & cum populus in unum vocandus est, utamini; Vexillum album*

album rubra Cruce interfectum, à cruentis inimicorum manibus liberatos vos esse, & ad candidum vitæ saculum perductos significat: idem Solis ac Lunæ imagine ornatum est, quo, sicuti notum est illam à Sole luminari, ita Derthonam à Mediolano vim, vitamque accipere intelligatur: his additur sigillum duarum civitatum effigie insculptum, ut eo ob signata littera vestra quocunque deferantur, nobis pares animos, pariaque studia esse declarent; hasque nostras in perpetuum apud vos custodietis.

Cæterum non cessabat Papiensis fraudibus, dolisque eos petere; & per transfugam eis significavit arce Puteoli potiri se posse, si certam pecuniam & non magnum præsidium eo mitterent. Igitur datæ cohortes, inter quarum primarios ductores Obizo Malaspina erat, eo proficiscuntur: cumque designato loco appropinquarent, ecce ex insidiis confurgens Papiensis terret inopinantes, atque agmen impetu perturbat: forte oborta nebula longiorem conspectum utrisque negabat; quare cum cœu in tenebris versarentur, neque ubi amicus, ubi hostis foret satis discernere, alii alio dilapsi sunt; & ducenti è Mediolanensibus capti fuere. Ipseque Malaspina Obizo aggre clapsus, per nota compendia domum abiit: sed mox à Derthona supervenit, quod reliquarum copiarum superfuerat; & redintegrato certamine adversarios victores retardant, atque impeditos præda & numero captivorum debellant: nec solum suos recuperare, sed ducentos ex hostili exercitu captivos egere, qui & Mediolanum in vinculis ducti.

Eodem anno Mediolanenses pontem in Ticino juxta Brinatum vicum construxerunt, ut haberent commoditatem transeundi fluminis ex superiore loco, quam hostes duobus ad Abiatum labefactatis ademerant. Et Fridericus, qui hæcenus consilia de obsidenda Placentia agitaverat, deposita spe ejus potiùs Romam versus iter inivit.

A. C. 1156. Et interea subeunte anno quinquagesimo sexto, lego duo à Mediolanensibus vi capta & funditus excisa oppida Stabulum & Cunasium: sed nec causa belli, nec qua in regione ea sita sint, traditur. Deinde submissis à Brixienfibus ducentis equitibus, totidemque peditibus Ceredanum oppidum, quod non procul Novaria Papiensi milite repletum erat, sub Idus Junias obsident: altera hostium manus ad Sozaghum vicum præfluenti Terdubio appositum confederat: à quibus explorator in castra Mediolanensium missus comprehenditur: perductus ad Consules, ingenue fatetur, se speculatum eorum castra venisse, veniamque supplex rogat. At Consules generose cum eo agentes, circumduci per omnia tentoria, & diligenter cuncta perspicere, tum argenteo scypho, ut fortasse hilarius epulabantur, potare, & quæ vidisset suis renunciare jussunt. Et subinde aciem educunt, Ceredanum expugnant: quo audito hostes, qui Sozaghi & Morgenghi erant, fuga salutem consuluerunt: tum turrim Mommi, & Mosezum, & Farra, & nonnulla alia ignobilia oppida sponte deditionem fecere; quibus præsidio munitis, victores læti domum redeunt. Nec mora, duas eodem tempore averfas in regiones mittere exercitum oportuit: nam & Lugani vallis ampla & populosa rebellaverat: sed ea, captis per vim viginti fere castellis, ac nonnullis direptis, brevi imperata fecit. Et Papiensis ex altera parte infestus, magno prælio, magnaue clade repressus fuit.

Dum hæc aguntur in Insucribus Fridericus Italiæ longitudinem emensus Sutrium pervenit: ubi obvium factum Hadrianum Pontificem reverenter excepit. Is seditione Romæ orta, pulsus urbe à populo fuerat, & peropportuno Cæsaris adventu lætatus, in colloquium cum eo descendit; injuriam sibi illatam, & seditionis ordinem, capitaque expo-

A nit; tum coronam & Imperatoria insignia pollicetur, si se reducto, contumeliam Ecclesiæ ulciscatur, religionis jura & summi Pastoris honorem tueatur. At ille, Immo hoc ipsum, inquit, appeto, hoc profiteor eo nomine, quod Rex Romanorum sum; hoc, inquam, juravi, cum hunc gladium ab Electoribus meis accepi. Quibus dictis Romam versus iter capiunt. Interea Oratores Romani populi nomine occurrunt, indigna quædam, & temeritatis plena petentes: qui sine effectu repulsi, quo in statu res forent, suis renunciarunt: itaque ad vim & arma cives spectare. Pontifex vero & Fridericus, ut tumultum evitarent, in ædes Petri per posticum ab Octaviano Cardinale recipiuntur. Et postero die Hadrianus infulis Pontificalibus ornatus, solemniter more incescit; folioque sedens, celeberrima hominum adstante multitudine, Fridericum genibus advolutum, dignum virtute & meritis in Ecclesia pronunciavit; qui Augusti nomen Imperatorumque titulum sortiretur; atque in his super inclinati caput aureum diadema imposuit: reliquis inde ex religionis ritu & sacrorum more peractis, ad prandium discessere. Dum vero sine ulla suspitione epulantur, ecce subitus clamor, irrupisse armatos in atrium, & tumultum fieri significans, cunctos à mensa excitavit. Irruerant autem Romani, interfectisque duobus Cæsareis apparitoribus, & nonnullis Cardinalibus spoliatis, comprehensisque omnia inexpectato metu & trepidatione repleverant: propeque venerant, ut Pontifici ipsi manum injicerent; nisi foribus objectis & armatis quotquot tali tempore potuere, Fridericus tandiu eam vim sustinuisset, donec exercitus, qui in Neronianis prædiis confederat, instructus raptim accederet. Itaque pugnatum ad inclinatum diem est, & mille fere ex Romanis interfecti, in Tiberimque abjecti: quantacunque vero ea victoria fuerit, haud incruentam stetisse argumento fuit, quod postero die Pontifex, & Cæsar, ac Cardinales universi Albam secessere; aliquotque ibi dierum mora facta, de reditu in patriam Fridericus cogitavit. Per Umbriam autem transiens, injurias nonnullis nuntiis suis illatas ulciscitur. Spoletani illac iter facientem Guidonem Guerram Comitem Vintimiliensem, & quosdam alios retinuerant; nec, ut eos dimitterent, ullis litteris Cæsareis, comminationibusve adduci potuere. Ergo illorum urbem bello aggreditur, & contumaces obsidione cingit. Oppidani vero, cum & natura loci, situ, opereque muniti, & propria virtute aliquandiu hostem frustrati essent; denum observaverunt horam prandii, qua soluti armis, curisque Germani esse solebant: pluribusque globis & magnis catervis distincti, oppido erumpunt, inopinantes, & epulis intentos invadunt. Fridericus strepitu excitatus, stricto gladio in medium prodit; quid rei novæ foret, intelligit; suos territos & jam diffugientes in pugnam revocat, & se pari periculo objicit. Interea armato exercitu Spoletani à tergo petuntur, & non jam tumultu, & per fraudem, sed justa acie, & aperto prælio dimicare coguntur, plurimisque suorum cæsis, terga vertunt: dumque catervatim introeunt, immixti illis hostes pariter ingressi sunt; & ferro, & igne cuncta foedantes, nulli ætati, nulli sexui pepercerunt: tum ingenti præda facta ædificia concremarunt.

F Inde in Picenum flectentes, Anconam petiere: in cujus portum delata classis Græca advexerat nobilem legationem Emanuelis Secundi Constantinopolitani Imperatoris, cujus Principes fuere Paleologus & Meleduca, (nisi Megaducem, id est, magnum Ducem dicere maluerit) qui admissi in conspectum Friderici, conati sunt ei suadere, ut bellum susciperet adversus Guilielmum quartum hujus nominis ex Normannorum genere, Sicilia regem; quem Apuliæ & Calabriae per injuriam & de-

decus Italorum imperare asseverabant. Nam cum eam partem Italiae diu quondam Saraceni, ac postea Graeci possederent, novissime sub anno Domini m. x. Normanni, qui ea tempestate armis ac militari gloria plurimum in Europa pollebant, excitati fuerunt ad illorum jugum, graveque nimis, ut videbatur, imperium excutiendum. Normannos autem Merula noster à Comitibus Longobardorum ortos, quodam loco scripsit: quod fallum esse, & ex Cimbrica Chersoneso profectos supra in rebus Caroli ostendimus. Igitur venientes in Italiam, Ducibus filiis majoris Tancredi, strenuam operam praestitere, pulsiq; regno fuere Graeci. Verum non Italis parta haec victoria est, sed Normannis ipsis, qui arma tenentes minime cedendum aliis imperium censuere, ac se ipsos dominos in Apulis constituere: adeoque crudeliter, superbe, & avarè imperitarunt, ut quos olim saevos, intolerandosque Barbaros existimaverant, perhumanos, perdulcesque cives fuisse praedicarent.

Ex his Robertus Guischarus, Apuliae, Calabriaeque Dux, obtinuit à Nicolao Secundo, anno Christiano m. x. ut Romanae Ecclesiae perpetuo obnoxius, & (ut verbo usitato dicam) Vassallus, Feudatariusve esset: ab eo progenitus Rogerius hujus nominis tertius, & Siciliae Insulae Rex primus, duos genuit filios, quartum Rogerium, & Guilielmum item quartum: quorum Rogerius apud Robertum Leccii Comitem versatus, in amorem, complexumque ejus filiae devenit, & ex ea sustulit duos liberos Tancredum juniorem, & Constantiam; deinde in morbum cum incidisset, à patre impetrat, ut concubinam desponsare cum ejus venia in uxorem liceat; ut eo videlicet titulo nata soboles legitimum nomen fortiretur. Ea desponsata, spiritum juvenis posuit. Ejus vero mortem adeo aegre pater tulit, ut Roberto, cujus fraude inductum in amorem puellae filium suspicabatur,

A omniq; ejus generi gravissime iratus, extrema quaeque minaretur. Nec expectavit ille adventantem, sed cum nepote Tancredo ad opem Graecorum Constantinopolim confugit. Constantiam vero, ut ei perpetua virginitate spem partus idem adimeret, Cœnobio Panormitano includit. Eoque paulo post sine liberis defuncto, & simul absente Tancredo, res Siculae ad Guilielmum quartum delatae sunt: unde exulum querelis fatigatus Emanuel, per occasionem Friderici bellum in Italia gerentis, restituere eos cogitaverat; atque in eam rem ingens pecunia promittebatur.

B His autem auditis Ænobarbus haud equidem animo à proposito negotio abhorrebat; sed aëstimenti vires suas, & magnitudinem rei, atque periculi, destitit, pergereque in patriam maluit. Ita per Picentes & Flaminiam in Venetiam pervenit, ubi novos hostes Veronenses, qui sibi negotium facesserent, invenit. Hi enim pecunia à Mediolanensibus accepta, haud spernendum exercitum adventanti objecere; nec multos milites Fridericus habebat: quare in magno discrimine positus viam ferro aperiendam statuit: instructis ergo aciebus in certamen venit. Fridericus ipse in acie versatus, & militis, & Imperatoris officioungebatur, C nominisq; sui majestate multos terrebat: caedes ingens facta fuit; & demum superati Veronenses terga dedere, quamplurimis suorum desideratis; ex quibus mille omnino vivi capti, variis poenis mulctati sunt: nam ducenti arboribus laqueo suspensi, totidem alii denasati, ac labia praecisi in urbem remissi sunt. Quorum foedo, miserabilique exemplo exterrita civitas, statim conflato magno argenti pondere, reliquos captivos à simili poena, & in posterum pacem redemit: qua confecta Fridericus nullius alterius molestia tentatus, in Germaniam penetravit.

TRISTANI CALCHI,

MEDIOLANENSIS HISTORIOGRAPHI,

HISTORIAE PATRIAE


LIBER IX.

EPI TOM E.

Friderico Italia digresso, Papiensis Guilielmi à Monteferrato, & Obizonis Malaspina societate auctus, contractis ad Viglevanum copiis, Mediolanensem in se excitat: nec modo populatione vexatur, acieque vincitur, sed etiam Viglevano exigitur: adeoque affligitur, ut erigere se deinceps non audeat. Hac quiete parta, Mediolanensis per otium restaurat oppida, & munitiones sua ditionis bello labefactata, populo ad sustentandos sumptus vectigalibus onerato. Animo inde ad Laudensem converso, fidelitatis ab eo sacramentum exigit: & praestare recusantem, ne perjurus in Casarem fieret, domorum compilatione, vinculis, & prope altera urbis vastatione mulctat. Hanc Caesaris, pariter ac Numinis injuriam non diu impune tulimus. Etenim non multo post Fridericus, assumpto Boemia Rege, ingenti cum exercitu per Tridentinas fauces in Italicum solum iterum erupit: perque Veronensem ac Brixianum agrum ad Adria ripam delatus, primum Cornelianum vadis, deinde Cassianensi ponte in Insubrium trajicitur: & Triceni arce, ne hostem haberet à tergo, expugnata, ad Lambrum in

E Castiragi, Salarianique campis consistens Laudensium expostulationes audivit: nec modo novam ipsis urbem ponere permisit; sed ipse propemodum auspiciatus est, & insignibus atque immunitatibus donavit. Finitimarum interim civitatum auxilium auctus in Mediolanenses conversus urbem undequaque circumfedit, oppugnavitque, donec incolumi libertate se dederet. Moguntiam digressus Sepriensis agri, & Martesana Procures qua muneribus, qua praclaris dignitatum nominibus, qua ingentium praemiorum pollicitatione adeo sibi conjunxit, ut eos postero bello hostes expertissimus omnium infensissimos. Inde Roncaliam iterum profectus, cum eo frequentes principes, & civitatum legationes convenissent, adhibitis Jureconsultorum peritissimis, doceri voluit, quid quisque ditionis quo jure sibi vindicaret: Genuenses, nisi ubi aperto latrocinio advena violarentur, omnino sui juris esse permisit, & Monaco ad Corvum promontorium libere dominari, fidelitatis tamen sacramento per legatos exacto, qui Intemeliensum à Genuensibus defectionem occupata arce adjuverunt: tota Longobardia Potestates eum summo imperio constituit, plerosque Germanos homi-

homines: anno vertente Montem Ferratum hyematum concessit, unde opulentiores Longobardiae civitates, ad extorquendam pecuniam, belli ac vastitatis denunciatione terrebat. Sed Placentini tamen sua urbis munitiones labefactare, & Mediolanenses Casaream Potestatem acceptare iussi adeo recusare, ut à legato- rum injuria non temperaverint. Ergo Bononiam profectus Mediolanensem populum sacri hostem Imperii, ac perduellem solempni more pronuntiavit: qui, ut factis nomen impleret, Tricensi arce, quo ingentes opes Fridericus condiderat, expugnata, suum inde ararium ditavit: & socio Cremonensi dilectam Casari Laudem invasit. Sed & tunc repulsus est: & paulo post fraude à Casare circumventus cladem accepit. Crema vero diu obsessa & acriter oppugnata eandem deditio- nem facit: & exactis incolis, ad extinguendas in- surgentes ex praeda partitione discordias, ex sui nomi- nis omine uno incendio concrematur. Nos interim Pla- centinis ac Brixianis conjuncti, iuncto cum Hadriano Pontifice foedere, non facturos nos pacem cum Casare, nisi annuente Pontifice, impetravimus, uti Ha- drianus Casari interdicere sacris, nisi intra quadra- gesimum diem res componeret. Sed Hadriani obitus initam pacandae Italiae rationem intercidit. Schismate enim ab Octaviano adversus Alexandrum verum Pontificem excitato, cum Anobardus in Papiensi conciliabulo ad id sedandum indicto, rejecto Alexan- dro, qui interesse & causam agere indignum putave- rat, Octavianum appellatione Victoris verum Pontifi- cem renunciasset; Alexander vero per Legatum Car- dinalem ipsum Victorem, & Fridericum, simulque utriusque affectas Romana Ecclesia hostes, & Schi- smaticos Mediolani declarasset; Mediolanensis populus religionis causa cum omnes, tum vero Laudenses pro- pinquos bello persequendos putavit: quod Fridericus foeda Mediolanensis agri populatione, & Pontiroli ac Farra expugnatione compefcuit.



INTEREA Papienses, & Gulielmus Marchio Montisferrati, nec non Obizo Malaspina, qui jam in diversas partes transive- rant, non mediocres co- pias circa Viglevanum contraxerant: quæ mul- titudo cum Mediolanen- sibus suspecta foret, cau- sam eis præbuit mittendi exercitum trans Ticinum fluvium hyeme quamvis aspera, & nivosa subeun- tis anni quinquagesimi septimi. Transitus autem fuit per pontem, quem supra coeptum diximus, nunc autem mirando opere absolutus erat; & sine mora ad hostem profecti, eis spectantibus populari Viglevanensium agros coepere: & Ducem habebant Guidonem Comitem Blandratensem, cujus supra mentionem habuimus. Is vero tripartitam agebat aciem: commeatus, & impedimenta cum præsidio præmittebantur; ipse cum Brixianis auxiliis subse- quebatur; tertium agmen Mediolanenses tenebant, cum quibus haud congregi hostis ausus est. Ex quo illi circumflectentes Gambolatum, tribus inde mil- liariis distans oppidum, pervenire; & non sine la- bore captum, spoliatumque destruunt. Dum re- deunt cum præda, temperare sibi Papiensis nequi- vit, quin fortunam tentaret: & moenibus Viglevani egressus commeatus invadit: verum facile repulsus est. Mediolanensis autem præsentem favorem se- quitus, oppidum ipsum obsidet, & dispositis custo- diis curat, ne quis intro extrave eat. Ita cum ar- ctiores intus jam res essent, & fames obsessos urge- ret, nec spes auxilii aliunde appareret, mense Junio ad pacis condiciones descendunt. Concessa salus est duobus Marchionibus Montisferratenfi, & Mala- spinæ Obizoni, cæterique Principes incolumes abi-

Are permitti. Arx ipsa dedita est cum ducentis obli- dibus ex nobilitate lectis. Cætera arbitrio Magistri Guintelmi remissa, addito jurejurando, ut quicquid is censuisset, observarent. Potuerunt tunc penitus subigi Papienses, adeo afflicti hoc bello visi sunt, si persequi bene coepta victores voluissent: sed hi sola arcis Viglevanensis demolitione contenti, & præda, domum gaudentes revertuntur. Nec diu- turna ea pax fuit, occasionem belli quærente Pa- piense, qui nec exsequi declarata per Guintelmum arbitrum voluit, & Cremonensem in auxilium suum excitavit. Ita quinque portarum juvenus confestim trans Ticinum missa, urere hostium agros, & late populari coepit, & Laumellum oppidum à Papiense eversum refecit, atque instaurat. Eodem tempore exercitus Papiensium, ut adventanti Cremonensi conjungeretur, Landrianum petebat. Huic ergo incommodo providendum Mediolanensi fuit: unde unus ex Consulibus cum militia portæ Ticinensis, quæ sola ad custodiam urbis relicta fuerat, teleriter profectus, Papiensi primo occurrit, quem sine magno certamine fudit, & fugavit. Cremonensi- bus vero eodem die non longe ab Addua existentibus, conspecta ingens pulveris nubes, quam præ- tereuntes armentorum greges excitaverant, terro- rem fecit, quasi hostium agmina adestent: ac ita sponte cedens turpiter aufugit. Hæc mense Augu- sto acta: quieti dehinc Mediolanenses, per autu- num, hyememque instaurandis compluribus oppi- dis, arcibusque operam impenderunt: restitutaque in Laudensi sunt Maleum, Cornu, Cavacurta, & in Novariensi Laumellum, quod supra ab antiquis scriptoribus Gaumellum vocitatum fuisse docui- mus, Galiatum, Trecatum, Mons Marius, & Mons Oldradus. Urbs quoque ipsa Mediolanensis exterioribus fossis repurgata: ingens ubique pecunia im- pensata; nam supra quingenta millia marcharum ar- genti absumpta referuntur: quibus cogendis mira vexatione affecti populi, quibus & nova vectigalia imposita, & inter cætera interdictum, ne quis pa- ternum fundum distraheret inconsulto, & non an- nuente Præsede Mediolanense: & ea gratia non exigua pecunia redimebatur; secus facientes re- pretioque mulctabantur: si quis extra finem efferre rem quampiam voluisset, aut dimigrandi consilium eodem inscio suscepisset, bonis omnibus ereptis, exilio damnabatur. Vectigal antiquum, quod *fo- drum* vocitabant, solito acerbius exactum; oportebatque semper præsentaneas esse pecunias; aut vin- cula & supplicia intentabantur. Aliorum domus immisso satellite diripiebantur: quidam absentium etiam portionem perolvere compellebantur.

E Insuper Consules Mediolanenses per mensem Ja- nuarium anni quinquagesimi octavi Laudem pro- feci, eum populum in verba sua redigere conati sunt: dubitabant non parum de fide ejus: Laudenses vero coacto consilio responderunt: *Se quidem pa- ratos in omnibus obsequi: sed excipi oportere sacramentum Casareo nomini paulo ante, permittentibus ipsis Mediola- nensibus, dictum.* Quo responso attoniti Consules pa- riter & victi, aliud injungunt, jubentque ut se Me- diolanum sequerentur sexaginta viri Laudensium primarii, seque coram Uberto Piroveneo Archiep. statuerent. Iverunt duo Lanfranci unus Episcopus, alter Præpositus Ecclesiæ Laudensis; tum Abbas Cerreti, & Albertus Prior Pontis, ac reliqui hone- stioris tituli Sacerdotes; & post eos complures juve- nes, qui societas Circaclunæ nuncupabantur. Hi ge- nibus Uberti Antistitis advoluti, cum eadem pete- rentur, in lacrymas soluti rogitant, ne in manifestum perjurium vocarentur. Uberto ex petitionis hone- state & religionis respectu obortæ lacrymæ sunt: sed neque ejus auctoritas tanta erat, ut solus compotes voti dimittere vel posset, vel auderet; aut ut rogatu suo Consules de sententia decederent: itaque perseve-

rantibus profano proposito animis, domum sine effectu illi redeunt.

Forte haud ita multo post ab urbe Roma duo supervenere Cardinales Arditius Rivoltella, & Otho Brixienfis, qui trans Alpes à Pontifice mittebantur. Hos circumfistunt Laudenses homines, rogant, obtestantur sui misereantur, causam suam Mediolanensibus, per quorum civitatem iter facturi erant, commendarent, istiusque sacramenti necessitatem omnino à se deprecarentur. Polliciti operam Mediolanum tendunt, & post aliarum rerum sermones, mentionem rei Laudensis inferunt: leniter & blande causam, pro qua jus, fas, piumque staret, commendant; pertinaces severioribus verbis increpant, & argumentis convincunt, atque Apostolica auctoritate obstringunt, ut obstinatum mentem exuant: obtemperare demum Magistratus; sed tantisper, dum in Longobardis Cardinales steteret. Nam eis digressis, insurrexere asperioribus modis nostri Consules; & quamvis alienissimo tempore, hoc est, ob Christi Passionis memoriam reverendo, & quo etiam Barbari remittere operas & dare inducias hostibus solent, ad conturbandos Laudenses proficiscuntur: instant, urgent, bonorum publicationem, exiliaque eis indicunt; nisi quamprimum juxta formulam, quæ tum exhibebatur, jurarent: octo dies ad deliberandum præscripti: diu anxii fuere cives, quid potissimum facerent: demumque rationem religionis, ne temere modo in has, modo in illas partes transire viderentur, & fidem utrinque amitterent, tum Cæsarei adventus spem cuicunque fortunæ anteponendam statuerunt. Qua re perspecta Mediolanenses, etiam ante tempus eos damnant: tum accitis militibus arma inferunt, undecunque territant, tum plaustra & jumenta inducunt, frumenta, vasa, vestes, & quicquid suppellectilis reperiiebatur tollunt, hominibus ipsis vincula injiciunt, ac foedum in modum trahunt captivos. Quod ut multitudo vidit, statim in diversa fugam arripuit: pars magna Piziguitonum Cremonensium oppidum petiit. Mediolanenses vero desertas domos, & vacuum cultoribus urbem succendunt, ac denuo excindere Laudem visi sunt. In vicinis quoque locis Monticelli, Castillioni, Sancti Viti, & Camairagi turres, & munimenta demoliuntur: eadem ad Cavamcurtam tentantes, disturbantur adventu Laudensium, qui adjunctis Piziguitonensibus, & non paucis Cremonensibus ad ulciscenda aliqua ex parte tot damna accelerarunt. Cum vero castra ad Salvamterram posita fuissent, nulla alia re memorabili gesta, soluti exercitus sunt.

Jam forte fama de novo Friderici adventu aures pulsabat, qui habito Heroum Germanorum concilio, assumpto Boemiæ Rege, per Tridentinas fauces circiter Kalendas Julias in Veronensem agrum descendit, & inde in Brixianum: ubi cum militaris turba licentius vagaretur, rapinis & agrestium contumeliis non temperaret, populos irritarunt: & ut sparsi per vicos erant, facile pauciores à pluribus pulsabantur, equis, armis spoliabantur, donec in ordines suos coacti incedere turmatim didicerunt: tuncque sine periculo longe, lateque palantes, quotquot voluerunt, ad arbitrium quindecim dierum spatio vexavere: & Brixiam urbem, quam Mediolanensibus amicam & foederatam noverant, in verba sua jurare coegerunt; inde in Insubres festinantibus suadet, ut ad Cassianum oppidum, ubi ponte Addua jungebatur, properarent, pontemque ipsum occuparent: sed is jam Mediolanensium custodia tenebatur. Itaque ea spe frustrati ad ripas divertunt, quærentes loca opportuna, quibus vadari fluvius posset: qui cum vorticosus admodum sit, & saxorum molibus frequentes habeat gurgites, multos in

A præceps traxit: denique circiter ducenti absorpti undis fuere, prius quam transmeabilis alveus inveniretur: postremo juxta Cornelianum vicum transmissi non pauci vagari, discurrereque, & prædari obvios coeperunt. Quibus procul conspectis, Cassianensis custodia credidit universum transivisse exercitum: ac propterea territi, nec se adventantium vim sustinere posse arbitantes, & pontem, & oppidum ipsum pariter deserunt, ac Mediolanum variis itineribus reversi, metu & trepidatione omnia complent. At Fridericiani oppido potiti, signis, clamoribusque ab adversa ripa vagantes ad pontem revocant; quorum præ lætitia tantus concursus fuit, ut præ multitudine urgentium degravatus pons subfederit, sitque cum multorum perniciæ solutus. Mox tamen refectus, quicquid copiarum fuit, transportavit; & interim evagati longius præcursores interceperunt nobiles Mediolanenses Ardengum Vicecomitem, Alcherium Vicomercatum, Robacastellum, & Monacum Abonios, Tancredum Basabelletam, & nonnullos alios: proximum inde Tricium, quod in peninsula Adduæ situm, natura opereque munitissimum est, oppugnari Fridericus jubet, & brevi in potestatem redactum præsidio munit: inde jam tuto progredi posse existimantes, ad Lambrum amnem veniunt, & in pratis Castiragi, Salarianique consistere, pridie Kalend. Augusti.

C Quo in loco Fridericum frequentes viri Laudenses adeunt, nova querela aures ejus pulsan; avaritiam inexplebilem, injurias inauditas, tyrannidem intolerandam, quam sub Mediolanensibus pertulerint, deplorant; nihil amplius contumeliis, calamitatibusque suis addi posse, finem aliquem ærumnis, carceribus, vinculis, quæ omnia extrema miseria pressos sequuntur, optare, petereque; neminem id nisi Cæsarem dare posse. Mixtæ lacrymæ verbis, tum vestes horridæ, & impexi capilli squalor, spectantium omnium animos permove: & interroganti Principi, quid facto opus ei foret: *Loco, inquit, munito, in quem veluti certam in urbem, tuto res nostras conferre, lares constituere quandoque liceat, ne semper vicatim sparsi, & casulis quibusdam divisi, ut ovium greges vagantibus lupis, sic homines nostri incurrentium hostium furori pateant: coalescere multitudo, & civiles mores sortiri facile poterit, si in unum contrahatur, & sic firmetur, ne quemvis vicinum inimicum, ut antea, perimescere habeant. Id vero præstare muneris Cæsarei esse, a nemine alio quam à Cæsare peti, cujus honorem, nomenque simul, laudesque apud nos semper manere, & instar numinis haberi aquum ducimus. Te auctore patriam innovare, & certas sedes facere cupimus. Annuit his Cæsar lætus, lubenque, & quoniam locorum peritiores ipsi indigenæ forent, eos, quem mallent inspicere, eligereque jussit: tum unus ex iis subjunxit: *Distat ab antiquæ Landis fundamentis quatuor milliaribus mons Ghezonus, quem à duabus partibus Addua, à cæteris paludes, & sylva Græca muniunt: in eo, puto, optime manebimus, cum ad agricommoditatem fluminis etiam opportunitas accedat, futura perutilis negotiationibus nostris. Annuente Cæsare, & auspicia sua, quo novæ urbis primordia augustiora fierent, pollicente; (se enim in locum præsentem venturum dixit) postero die, instructis ordinibus, & prælato vexillo Cæsareo rupem Ghezonom ascendunt, & late collustrantes, urbem designant; fossas, moenia, portas constituunt: foro, templis, palatio, tum privatis domibus condendis certa spatia deligunt: quibus intenti dum forent, ecce repentinum imbrem inexpectata nubes effudit: quo etsi paulo humectior terra facta fuerit, tamen quia agentes opus ab incepto minime cessarunt, pro bono, faustoque signo acceptum est. Erant tunc Consules Laudensium Ramphus Mu-**

rena,

rena, Archembaldus Summaripa, & Lotharius A-
bonius: his Cæsar vexillum, quo perpetuo uteren-
tur, tradidit, & jura civitatis concedens, locum
ipsum legitime teneri Diplomate declaravit, & por-
tum, ac navale, & pontes in toto Addua fluvio
eos solos, & neminem alium, habere, decernit.
Tum per cuncta Longobardorum flumina immu-
nem navigationem à vectigalibus eis servari ju-
bet.

Dum sic nova Laus exsurgit, Fridericus copias
Mediolanum versus emisit, quæ latius per cam-
pos effusa agrestium opes populando ad Nocetam
pervenerunt: is exiguus nunc quoque vicus porta
Romana haud amplius duobus milliariis distat.
Quod perindigne ferentes Mediolanenses densis
agminibus erumpunt, certaminaque fiunt non mi-
noribus viribus, quam animis: & fortissimus quis-
que cadebat. Longe tamen plures ex Barbaris desi-
derati sunt; & inter eos vir illustris Adelpertus Co-
mes: sed ea clade nihil deterritus Fridericus, castra
ad ipsam urbem movet, & signis ante portam fixis,
stationem suam fecit in hortis Brolii nuncupatis, in
quibus omnium Sanctorum tunc celebrabatur me-
moriam: & ad Celsi Rainaldus Colonienfis Archie-
piscopus, Rex vero Boemus ad Dionysii confedit;
& reliqui Proceres intermedia occupare spatia,
& mixti peregrinis Itali ex Papia, Laude, Nova-
ria, Brixia, tum Vercellis, Bergolio, Gumundio,
Marengo, & remotioribus urbibus Parma, Crema-
na, Ferraria, Verona, Vicentia, Patavio, Raven-
na, Bononia, quibus medius fere urbis Mediolani
ambitus à Ticinensi, Romanaque & Tonfa ad O-
rientalem, Novamque portam claudebatur. Cæ-
terum extra Romanam Arcus antiqui operis ex-
stabat, ab aliquo triumphali viro erectus, qui to-
tam viæ latitudinem complexus, quatuor subtus
fornicibus, portisve aperiebatur: egregia moles spe-
ciem marmoreæ arcis præbebat; juxtaque eam po-
steri ædem Divi Lazari struxere, quæ dicta Mor-
bonia fuit; & nunc etiam inopis turbæ Hospitalis
Arcus Romani nomen tenet. Hanc molem veluti
excelsam quandam turrim defensoribus superne im-
positis Mediolanenses compleverant, & inde pro-
pugnantes multa hostibus damna impune infere-
bant. Hanc ergo Fridericus ante omnia tollendam
decernit, & submissa validorum juvenum manu,
oppugnari acriter jubet: sed facile ex superiori
parte inferiores obtrebantur. Itaque sæpius sub-
moti hostes rem majoris opinionis difficultatis esse
didicerunt. Fridericus autem exercitum armat, &
tot, tantosque subire pugnam jubet, ut superes-
sent, qui faucibus integri, & fessis recentes succe-
derent, hostesque continuato labore conficerent:
sicque ad deditionem, qui arcem tenebant, com-
pelli sunt; eaque ipsi postmodum hostes ad oppu-
gnandam civitatem uti sunt. Machinam arte Me-
chanica in ea construxerunt; quam à jactandis sa-
xis *Petrieriam* illi vocabant. Hinc enim complures
simul emissi lapides imbrium modo infesti tectis,
hominibus pariter pluebant, multosque ex impro-
viso opprimebant: sed contra hanc duas oppida-
ni erigunt, crebroque lapidum jactu perticam il-
lius eliserunt, & mox reliqua compage perfracta
inutilem penitus reddiderunt. Interim ab aversa
urbis porta erumpens globus juvenum castra Boe-
morum, Papiensiumque invadit, pugnamque acer-
rimam facit, vallumque ipsum complures adscen-
derunt, & parum abfuit, quin castris potirentur:
sed celeriter accita Germanorum turma, intentum
jam prædæ hostem, impeditumque oneribus jam
raptis retardat, atque perturbat, atque omittere ea
cogit: moxque toto exercitu gravius urgente, Me-
diolanenses intra urbem fugantur, non sine multo-
rum perniciæ. Inter quos desiderati sunt virtute &
nobilitate clari Gerardus Vicecomes, & Tatius

A Mandellus: nec ita multo post porta Tonfa (nam
tunc quoque sic vocabatur) altera eruptio fit; sed
tumultus major quam clades ex ea facta est. Ger-
mani namque, adjunctis Longobardis, mature ar-
ma corripientes prælium excepere, commodeque
sustentavere, donec cæteræ cohortes instruerentur;
quæ cum numero Mediolanensem longe superarent,
eum ad moenia usque repulerunt, multitudoque ipsa
cum pontis angustias introire non posset, in fossas
præcipitabatur. His peractis, experiri tertio rem
Mediolanensibus placuit: & porta Romana egres-
si, Germanis, Laudensibusque occurrunt, indi-
gnantibusque animis certamen incunt; in quo cum
multi utrinque perierint, tres agniti sunt nobiles
Laudenses, Petratius Pusterlæus, Joannes Ju-
dæus, Hugo Cononus. Interea hostes latius per
agros evagati, omnia populabantur; domos agre-
stium spoliare atque incendere; vites succidere; nu-
ces, alias frugiferas arbores grandiores, quas nimii
operis fuisset incidere, decorticabant, ut perirent,
arva conculcabant, segetes immaturas in pabulum
defecabant. Ita illud omne spatium, quod Seprii &
Martesanae nomine protenditur (nam etiam tunc ea
nomina exstabant) evastatum. Quibus cognitis Me-
diolanenses, cum omnem spem annonæ sublatam
cernerent, simul fames intra urbem augeretur,
ad pacis conditiones venire: quæ nec iniquæ
admodum proponebantur: pristina libertate ci-
vibus servata, Imperatori vetera jura, & quæ
consuetudines centum ab hinc annis inolevis-
sent, præstare jubebantur: quidquid captivorum
apud eos superesset, reddere; tum præsentī pecunia
novem millia marcharum argenti persolvere; & tre-
centos obsides ex nobilioribus adolescentibus dare:
hostes vero, si conditiones acciperentur, intra
tercium diem finibus Mediolanensium excederent.
Quæ cum placuissent, sexto Idus Septemb. egressi
agminatim Ubertus Pirovencus Archiepiscopus, &
Primarii Sacerdotum cum infulis, crucibus, & or-
namentis Ecclesiasticis, tum cives nudis pedibus
nudos enses manu præferentes, (quod deditionis
signum erat) ad Fridericum accessere, atque pro-
positas conditiones firmavere. Cæsar vero cum
eos nutu, gestuque, nonnullos osculo excepisset,
universos absolvit, & civitatem Romana Aquila
donavit. Tum relictis, qui suo nomine cæ-
tera conficerent, Moguntiam divertit. Cives au-
tem in urbem reversi, & Aquilam protinus in
summa arce, (ea autem erat turris Ecclesiæ majoris,
omnium, quæ in Longobardis essent, pul-
cherrima & maxima) statuerunt; & captivos circi-
ter mille restituerunt.

E Agentem Moguntia Fridericum circumstetere
non solum peregrini, sed domestici quoque hostes.
Hi erant agri Seprii & Martesanae Proceres, qui
complurium castellorum domini varios honores ac
titulos, nonnulli etiam pecuniam ab eo retulere; alii
promissionibus & spe ingentium præmiorum onera-
ti abiere. Uni tamen Comiti Gozolino natione Ger-
mano utriusque regionis præfectura delata est. Se-
priensis autem fines, uti illis temporibus descriptos
legimus, erant à Padregnano, Parabiago, Caro-
noque vicis, ac Seveso fluvio ad usque Ticinum, &
lacum Verbanum, & Trexiam fluvium, quem su-
pra docuimus ex Lugani lacu in Verbanum influe-
re. Et ejus caput video fuisse Castrum Seprium,
ab antiquis Insubribus fortasse nuncupatum, situm
in monticulo vastis vallibus circumciso, vix uno
aditu accessibili in ripa Olonæ amnis, qui me-
dius intra superscriptos labitur: nam quale in ea
fuerit oppidum, ruinæ docent, & ædes, quæ sola
integra mansit, testatur. Nec longe ab eo sunt
Castillionum jam supra à nobis celebratum, &
Cariatum, utraque juxta eandem Olonam sita op-
pida. Martesanam vero dicimus planitiem, quæ

Lambrum inter & Adduam, ac montes à Brian-
tia olim oppido nuncupatos interjacet: cujus caput
est Vicus Mercatus Moguntiae finitimus. Caterum
hi nostri adeo illis ceu incomparabilibus Caesaris
beneficiis allecti sunt, ut renovato bello, nullos
pertinaciores, magisque infestos hostes patria sense-
rit: nam ea pax haud diuturna fuit.

Ex Moguntia Fridericus Cremonam, Ronca-
tiamque, quo ad tertium Idus Novembris conven-
tum indixerat, concessit. Convenere frequentes
Principes, & civitatum Legationes: quibus injun-
ctum, ut docerent, quo jure quid possiderent, seu
Romano ab Imperio recognoscerent. Eique curae
praefecti quatuor clarissimi ea tempestate Jurecon-
sulti è gymnasio Bononienfi, Bulgarus, cujus inge-
nii monumenta adhuc exstant, Martinus Goffia, Ja-
cobus, & Hugo de Porta Ravegnana: quibus addi-
ti bini ex singulis Longobardis civitatibus pariter
legum prudentes: factusque coetus est duorum &
triginta Jurisperitorum, quibus omnibus ad judicia
ejusmodi expedienda assignata mansio est Contre-
bia, qui nunc exiguus vicus est non longe à Tre-
bia Placentinorum fluvio. Tunc Fridericus Ora-
tores Genuenses audit. Hi erant Ido Gontardus
Consul, Capharus auctorum nostrorum unus, U-
bertus Spinula, Gulielmus Cigala, Guido de Lau-
de, Ogerius Becoronus, Otho Judex, & quidam
Albericus: ac primo gratias egerunt, quod supe-
riori anno Caesar privilegium misisset, quo feudi no-
mine habenda Reip. Genuensi concedebatur omnis
ora Ligustica à Monaco ad Corvum, quo quidem
promontorio portus Lunensis, seu Veneris, inclu-
ditur: quod item Guido Guerra Comes Vintimi-
liensis in jus civitatis Genuae venisset, atque oppida,
juraque illi resignasset, quae mox sub feudi vinculo
assumpsisset: inde cum à se pecuniam desiderari
sentirent, & ipsi daturi non forent, composita
oratione suadere Caesari coeperunt: *Nihil esse, quod
à Genuensi populo magis expectetur, quam singularis qui-
dam amor, & fides, devotio, observantia: propterea quod
eo loci sita Genua sit, in quo nonnisi magno cum labore, in-
dustria, sudore partis rebus vitam ducant: saxos hinc
montes, & scopuli, incultaque Apennini juga nos claudunt:
inde vastum & jactabundum mare inertia ferit littora: ita
sive terram respicis, sive aquas, non nisi procul convectis
vescimur frugibus, vestibusque induimur, aut aliis uti-
mur opibus: & quidem majori nunc nobis pretio ea omnia
veniunt, quam olim patribus, avisque nostris, quibus pro-
pter singulare meritum (maria enim, quacunque navigaba-
mus, libera à predonibus, barbarisque praestabamus) com-
muni quodam consensu, & spontanea gentium liberalita-
te concessum erat, ut immunes ubique haberentur: tan-
tum Caesari exiguum quiddam honoris gratia pendebant.*
Nunc vero avaritia, nescio, majore, an malignitate ho-
minum, portoria passim exiguntur, vectigalia maxima
Regibus, Populis, Principibus, quorum ex ditione pro-
mercale quidquam evehimus, danda sunt, indignaque
dispendia patimur. Ita undique imminuti, tibi magna
dare, aut polliceri, Caesar, non possumus; fidem,
studium, virtutem, maritimam industriam, & operam
abunde offerimus. Quibus auditis cum & speciem
veri ea saperent, & Ligurem magnis, difficillimis-
que montibus exclusum, & propterea nulla vi ten-
tandum Fridericus non ignoraret, pactione mille
& ducentarum marcharum argenti contentus, nihil
gravius eis injunxit, quam ut fidem erga se cole-
rent; ipse eorum protectionem teneret; cujusquam
querelas contra eos non audiret; jure, an injuria
quicquam possiderent, non quaereret; nisi ubi a-
perto latrocinio advenae violarentur.

His constitutis Rainaldus Colonienfis Archie-
piscopus, & Guido Blandratenfis Comes ad exi-
gendum à Genuensi populo sacramentum & pecu-
niam accipiendam proficiscuntur: pariter alii Sa-
vonam & ad reliquas maritimas urbes dimittuntur.

A Qui Intemelienfium sponte Genuensi infestos ani-
mos nacti, incentivo addito, facile ad defectionem
pertraxerunt; atque ipsi nuntii Caesaris arcem oc-
cupavere. Quod permolestè tulerunt Genuenses,
novamque ad Fridericum legationem expostulan-
dæ injuriæ gratia decernunt: & quo honestius
causâ probaretur, ab origine rem sic exorsi sunt.
Intemelienfes, quorum ingenia locorum natura
effervit, cum saepe aliàs vivere raptò, tum ma-
xime regnante Conrado Secundo, spoliare pere-
grinos, publica ex via grassari consueverant: cum
multos in vincula duxissent, & ingentem pecu-
niam pro salute pacisci coegissent; & complures
die constituta pecuniam non praesentantes occidif-
sent, mandavit nobis Conradus, ut praedones in-
sectaremur, & tolleremus, fines tutos, jusque
ipsum gentium praestaremus. Genuenses dicto Cæ-
saris audientes, exercitum scribunt, classem compa-
rant, vicinos, & qui damna passi fuerant, in socie-
tatem belli vocant, atque Intemelium obsident: nec
ita multo post oppido potiti, praedones omnes in
potestatem redactos in crucem sustulerunt: atque
exinde oppido dominati sumus: quod nunc nesci-
mus, quomodo, ex quo ministri tui eo accesserunt,
perduellionibus nostris repletum est. Sed prius-
quam eis responsum daretur, retulerunt à Contre-
bia Jureconsulti ea, quae super controversiis com-
pererant: & in summa, rerum Italicarum arbi-
trium Caesari spectare affirmabant. Opponebant sese
in multis, & non pauca confutabant Ubertus Ar-
chiepiscopus, & Consules Mediolanenses, & ceteri
aliarum civitatum procuratores: sed Caesar jussit,
ne quid amplius simul, communiterve agerent,
sed seorsim unusquisque de sua re loqueretur: sic
deterriti sunt omnes à prosequendis causis, quia
non audebant singuli, quod universi. Caterum &
pax confirmata est, & in quaecunque optabat Cæ-
sar, cuncti transierunt.

D Inter hæc Fridericus Longobardis civitatibus
novos Magistratus dedit, qui à summo rerum im-
perio Potestates vocabantur: duratque in hodiernum
diem appellatio, & ex longo usu ex foemineo
in masculinum articulum *Potestas* pro Praetore po-
sita transivit: praefuitque diu rebus publicis, &
Princeps exercitus in bella prodibat, donec inva-
luere Tyranni; quorum metu à publicis negotiis ad
jus dicendum relegati Potestates fuere. Merula
noster, quem saepe diximus rationem temporum
non tenere, quique cum in aliis, tum in Frideri-
co Aenobarbo infans est, credidit, post pacem de-
mum Constantiae, & non ante eam Potestates Italis
urbibus datos: cujus dicto, ut paucis agam, oppo-
no duos Murenas nostros, patrem, filiumque; quo-
rum uterque eo vocabulo abundans longe ante pa-
cem Constantiae, de qua suo loco dicemus, decessit:
E & cum eis Placentini Annales concordant, ut suo
loco ostendemus: eosque ex Germanis fere legere
solebat Fridericus: tribus tantum Papiæ, Laudæ,
Cremonæ ex merito, & vice magni muneris con-
cessit, ut ex suis civibus eos crearent, & Pote-
states Caesareas vocitarent.

F Eodem tempore petente Petro Episcopo Papien-
se coenobium Cariati (quod juxta Castrum Seprium
esse docuimus) recipi in tutelam Caesaream, Fri-
dericus amplissimas immunitates donavit: quarum
diploma integrum, omnique injuria illæsum vidi-
mus: dimisso Roncaliæ conventu Aenobarbus
Cremonam, & inde trans Padum concessit: ad
Boiscum Derthonensis agri oppidum cum venisset,
Oratores Genuensium iterum audivit: à quibus co-
gnovit, & domi populum magno conatu, studio-
que construendis civitatis muris intendere, & fo-
ris montana loca, perviosque colles armatis ho-
minibus munivisse; paratosque qui vim facerent,
ac fortiter resisterent; si quis invitis patribus
in-

ingredi Apenninum auderet. Itaque rata Fridericus habuit, quæ ante concesserat, & in Monteferratum hybernatum abiit.

Cæterum idem Capharus, rerum Ligusticarum scriptor, pro insigni portento memoriæ prodidit, à Kal. Maji hujus anni ad usque extremum Martium subsequens vix semel, aut iterum pluuisse; & tanta siccitate animantes laborasse, ut cum plerique fontes, puteique exsiccati sint, vix qui necessitatibus quotidianis sufficeret, humorem homines invenirent.

Deinde mense Januario anni quinquagesimi noni agens Ocimiani Montisferrati oppido Fridericus, menteque agitans varios in se Italorum populorum affectus, eis, quibus majores opes adesse audiebat, atrocia minabatur. Placentinis signanter imperatum, ut turrets eminentiores ad viginti brachiorum altitudinem deprimerent, & fossas urbis implerent: quibus exsequendis dum moram innectunt, par mandatum Cremæ promulgatur: simul fama invaluit, ingentem pecuniam, id est, quindecies mille marchas argenti dono Cæsari, ut id fieri juberet, datas à Cremonensibus; propterea quod ægre ferrent, propinquum oppidum copiis, opibusque augeri. Quocirca oppidani adeo graviter, molesteque illud tulerunt, ut tumultu facto parum defuerit, quin nuntios Cæsareos trucidarent: saluti fuga eis fuit.

Eodem tempore Mediolanum venire Rainaldus Coloniensis Archiepiscopus, & Otho Comes Palatii, qui hospitium in Cœnobio Ambrosiano honorifice sortiti, vocatis præsidibus consilii civitatis, suadere eis nixi sunt, ut ipsi quoque Potestatem Cæsaream, quemadmodum aliæ urbes fecerant, acciperent. Id vero novum erat, & manifeste contra conventa proximæ pacis apparebat. Quare studiosi libertatis Actius Bultrafius, Castellinus Ermenulfus, & Martinus Malopera ingenti animo sese opposcentes, multitudini suaserunt, ne omnino huic jugo colla submitterent, manifestæque servituti sese addicerent. Quorum oratione adeo incensi, inflammatique sunt odio peregrini Magistratus civium animi, ut ad ejiciendos ab urbe legatos concurrerint, & tumultu ipso illi pene obtriti fuerint. Hi ad Fridericum reversi, illatam injuriam retulerunt; nec mediocriter conceptam in Mediolanenses indignationem auxerunt.

Interea appetente vere ex Monteferrato Fridericus movet, & Cremonam profectus sexto Idus Martias, Diploma dedit, quo universos homines de Mandello in protectionem suscipiebat, exceptis Tarranorum familiis, qui fortasse diversæ factionis vel principes, vel fautores erant. Ex Cremona Bononiam tenuit, ubi & sacros Paschæ dies transegit, & in Mediolanenses conceptas iras expandit, rebellem populum, & sacri Imperii hostem solemniter more declaravit. Qua denuntiatione Mediolanenses haud segniter agendum censent, & primo quidem de Triciana arce deliberant, cujus custodiæ præerant Conradus Macen, & Rodegerius cum lectis peditibus probatæ virtutis, à quibus haud quieti vicini accolæ permittebantur. Huc itaque missis copiis Mediolanenses, quanta maxima vi possunt aggrediuntur. Condiderat autem eo loco Ænobarbus ingentem vim auri; & propterea ejus obsidionis nuncio accepto, quam maximis potuit itineribus, ad opem ei ferendam contendit, Laudemque pervenit; sed prius expugnatam arcem, sublatosque thesauros, & ductos in captivitatem suos intellexit, quam auxilii quidquam submittere potuerit. Mox haud magna manus Mediolanensium ad laceßendos Laudenses profecta, jacturam

A fecit paucorum quorundam, inter quos Arnaldus Cacatoxicus interfectus, & quatuordecim vivi capti fuere. Quam pro ingenti victoria ducentes Laudenses, dignam judicavere, quam Friderico absenti non solum litteris, sed viva eorum, qui interfuissent, voce, & significarent, & gratularentur: magnaque voluptas & lætitia in tota aula ex eo fuit. Et postquam Fridericus est in urbem reversus, populum pro concione ejus rei nomine laudavit, & captivos Papiam custodiendos misit.

Interim Mediolanensem inter & Cremonensem actum est, ut uno tempore Laudensem urbem diversis ex partibus invaderent, & ancipiti certamine distractum populum trucidarent. Nec ita multo post conventa exsequuntur. Cremonenses primi ad ripam Adduæ accedentes, pontem, quo fluvius jungebatur, noctu aggressi sunt: sed haud fallere custodias potuerunt: defensus enim fortiter locus est. Interim à silva Græca Mediolanensium cohortes profiluere, & muros urbis à parte sua oppugnant. Tum tot simul strepitibus excitati cives, arma omnes corripiunt, & prælium subinde excipientes in lucem, & inde in meridianam horam pugnare, quoad sponte hostes, multis suorum desideratis, receptui cecidere. Quibus peractis Fridericus nova init cum amicis suis consilia, & arte petendum C Mediolanensem constituunt. Itaque Cremonensibus injungunt, ut ipsi Cremam obsiderent, Cæsar & alii Mediolanensibus insidias tenderent: quarum ignari Mediolanenses, ut posita ad Cremam castra audire, jussu unum ex Consulibus Manfredum Dugnanum ei opem ferre, eique quatuor centum pedites dedere, in quibus eminebant clari viri Obizo Matregnanus, Oldratus Basilicæpetrus, Squarciapartes Busnatus, Gaspar Menclotius: quos adventantes ut Ænobarbus cognovit, operam dedit, ne oppido appropinquarent.

Cæterum Laudæ erat societas hominum ultimæ fortis, & qui nullo discrimine vitæ vel necis habitato, in prælia ruebant: his castrorum cura maxime commendata est. Inde Fridericus reliquas copias partitus, Papienses Septezanum, alios ad Vicum majorem, & Gazanum ire jussit: ipse cum Bertoldo Azarengo Duce, & trecentis veteranis militibus Landrianum se contulit. Tum præcursores Mediolanum versus pergere, ac portas ipsas urbis petere, irritareque cives dictis, factisque ad pugnam, & simulare fugam, ut quam longissime pertraherent, jubet. Hi mandata strenue peragunt. Itaque nuntii ad cives convolant, vastari quacunque agros, igni ferroque cuncta foedari,

E & prædas undique agi; festinare cuncti, nec paterentur, impunitam esse apud hostes tam temerariam audaciam. In re tam gravi & subita trepidatio magis quam consilium fuit: discurrentes ad arma eques, pedesque sine Duce, sine ordine prodire; mox tamen in unum convenientes, hostem præda oneratum comprehendunt, ac remorantur, & spoliunt: ingens numerus erat, & diu certatum est. Fridericus nuntios ad horas constitutas non redire conspiciens, ac propterea de suorum fortuna sollicitus, copias bifariam partitur, & cum duæ viæ Mediolanum versus ducerent, altera Papiense agmen ire jubet, altera ipse cum reliquo exercitu incedit. Forte Papienses primi hosti occurrere, & ex certamine maximam cladem accipere: sed admonetur Ænobarbus, commissas esse acies, & rem gladio geri, festinato opus esse. Is haud cunctatus advolvit, & quamvis jam finito certamine advenerit, tamen cum adhuc in præda colligenda occupati Mediolanenses forent, inectus in eos jam fessos & onustos perturbavit; & pulcherrimæ victoriæ honore privavit: circiter enim quadringentis equis, & trecentis viris captis, cæteros

in fugam vertit. Inter captivos nominabantur Codemalius Pusterla, Paslaguadus Septala, Guido, & Henricus Landriani fratres, Paganus Burrus, Niger Burrus, Ambrosius Palearius, Hugo Crusta, Manfredus Bandus, Ardericus Nasellus, & nepos Milani Marcellini.

Ex ea clade satis fractas Mediolanensium vires, & disturbata consilia cum Fridericus arbitraretur, ad obsidendam totis copiis Cremonam proficiscitur, transque Serium amnem ipse constitit. Conradus Comes Palatinus Rheni, Fridericus Conradi Regis filius, & Otho Palatinus Comes, & Robertus Palavilla ad portam Umbrianam, alii ad Planengam, & ad Magoliam castra posuere. Cremonenses è regione portæ, quæ Ripaltam respicit, turrim ingentem extrabibus ædificaverunt: lata erat brachia triginta, & bis eo alta: duos item arietes, & tres machinas jactandis faxis, quas *Manganos* vocant, erexerunt.

Quæ dum aguntur, supervenit ex Germania Beatrix Augusta cum Henrico Saxono, & Guelfo Bavaro Ducibus, qui etiam magnum armorum numerum trahabant. Fuit autem Beatrix, ut apud Germanicarum rerum scriptorem, recentem tamen legi, Rainaldi Comitis Burgundie filia, quæ unica patris superstes, & propterea ampli dominii & magnarum opum hæres, diu in vinculis à Gulielmo patruo, bona ejus intervertere cupiente, habitata fuit; demumque effractis carceribus impas illius manus effugit, & Friderico Cæsari proposita, adeo illi ex formæ & ingenii venustate placuit, ut altera conjuge dimissa, hanc duxerit: post autem salutatum in castris virum, Laudem, xi. Kal. Augusti venit; ubi universi populi lætitia, & pompa, ac matronarum concursu excepta est.

Interea obsessi haud quiescere, dies, noctesque ea moliri, quæ eludere, frustrarique hostem possent: interdum in Cremonensium Castellum eruptiones facere, & illi ignem supponere, sed prohibiti prælia ineunt, & pauciores à pluribus sæpe fugati; tum arietes admoventur, quos quoniam latitudo fossæ muris applicari non sinebat, & vorago impleri non poterat, ratem ex colligatis vasis vinariis faciunt, quam virgultis, & sarmentorum fascibus multa humo ingesta consternunt, qua veluti certo solo incendentes, machinas promovent: his vero arcendis oppidani incumbabant. Manganos enim, & ipsi quinque, & petrerias complures fecerant, quibus ingentia saxa jaculati, non magistros, defensoresque tantum, sed machinarum ipsarum hostilium latera, & juncturas elidere: tunc Ænobarbus jussit captivos & obsides eis alligari, & qua maxime ictus patebant, exponi; fretus oppidanos, ne eos interficerent, à jactu cessaturos: sed non ea pietas tunc viris fuit, ut ob paucorum salutem, & quidem dubiam, patriæ propugnationem intermittendam censerent. Itaque non desinentibus illis jaculari, miserandum in modum expositi affligebantur: alii capite, pectoreve, alii brachiis, aut tibiis elisi interficiebantur: perierunt eo modo Codemalius Pusterla, Henricus Landrianus, Pagnerius Lampugnatus, Henricus Bonatus, & tres alii: supererant adhuc novem vivi varie mutilati, quorum casum miseratus hostis, detrahi jussit, & pariter castellum reduci, ut confractæ partes instaurarentur. Oppidani autem, ut pro hujusmodi suorum supplicii vicem reponerent, captivos, quos ex Germanis, Italisque habebant, laqueo muris suspendere: quorum horrendo spectaculo irritatus Ænobarbus, reliquos Mediolanenses rapi ad necem jussit: sed circumsteterunt amici, & pro insontibus orantes, ne plus novem occiderentur, impetrarunt.

Dum sic Crema obsidetur, Brixia, & Placentia cum Mediolanensibus arctius in fœdus coeunt: & communi trium civitatum nomine ad Hadrianum Pontificem legationem mittunt. Is tunc Ariani de-

A prehenus est oppido Etruriæ ab urbe Roma viginti millibus passuum distante, condito, ut Blondus ait, tempore Divi Gregorii in prædiis Theodoræ nobilis Romanæ, & ab Ara nuncupato. Cesserat autem Hadrianus furori populi, & infantiæ Consulium, qui imaginem priscae libertatis restituere conabantur. Ibi igitur ictum fœdus, non facturas pacem Civitates cum Ænobarbo, nisi consulto & annuente Pontifice: & Hadrianus sacris Fridericum interdicere; nisi intra quadragesimum diem res componerentur. Quo cognito Cremonenses studia mutarunt, & in societatem Pontificiam transierunt: quorum favore spes erigi in melius cœpere; nisi, ut sæpe accidit, ex novo & inopinabili casu aliorum vota cecidissent: namque proximo Septembri Hadrianus mortuus est; cujus obitus, non solum his civitatibus & Italiæ, sed universo orbi Christiano maximam rerum mutationem attulit. In quibus, etsi paulo remotiores à proposito nostro videantur, tamen quia vulgati hætenus scriptores, & ii maxime, quorum propria farrago erat, parum felices in his fuere, haud importunum putavi modice immorari.

Sublato ex humanis Hadriano, Cardinales, qui tunc Romæ erant duo & viginti, Conclave ingressi sunt novi Pontificis creandi causa: triduum varie vere suffragia: tandem in Rolandum Senensem Sancti Marci Cardinalem, & tunc Ecclesiæ Cancellarium concordarunt, & Alexandrum Tertium dixerunt, qui infirmitatem humanam cum tanto rerum culmine conferens, nec ad id accedendum sine cerimonia & humilitatis confessione ratus, tanto, ut fit, se munere indignum dixit, & inter accipiendum honorem rogari, ut acciperet, velle visus est. Quod conspicati Guido Cremenensis, & Joannes Sancti Martini Cardinales, & verbum illius arripientes: *Si tu minus*, inquit, *hic idoneus erit*, ostendentes Octavianum Romanum * genere, & titulo Sancti Clementis Cardinalem, simulque is pallium, quod prior Diaconorum Alexandri collojamjam imponebat, rapuit, & fugiens abstulit; nisi per quandam ex senatorio ordine recuperata vestis fuisset. Tunc Octavianus ordine recuperata vestis aliam extorsit, & sibi induit tam propere, ut præposteram posuerit, sicque vestitus ex conclavi proruperit, atque risum pariter & indignationem moverit prospicientibus Apostolicam dignitatem tam irreverenter, tamque impudenter haberi ab iis, qui religionis principes aliis exemplo colendi sacerdotii esse deberent. Cæterum Octaviano favebant Otho Palatinus Comes, & Guido Blandratenensis, qui tum forte Romæ Friderici nomine agebant, aderantque armorum catervæ, quibus se immiscens propudiosus Pontifex, sese Victorem Tertium nuncupat. Tunc Alexander vim veritus, & qui justum eum Pontificem existimabant, in penitiores aedes se recipiunt. Inclusis Victor custodiam apponit, ac novem dies obsedit. Demum populo tumultuante, & necem custodibus minitante, producti quidem in præfens fuere, tanquam liberi; sed mox trans Tiberim alterum in carcerem ducti sunt: id vero Romani longe indignius ferre, & jam arma furibundi intentare; donec liberum Alexandrum viderunt, quem publico plausu & campani æris tinnitu passim edito exceperunt: locum in urbe Roma ex antiqua memoria *Nymphæ* vocant: hic congregati Cardinales Sabiniensis, Hostiensis, Portuensis, Albanensis, Signiensis, Terracinenensis, ac complures alii Sacerdotes, & frequens populus, & Nobiles Alexandrum, ut legitimum Pontificem, consecraverunt: & diademate Pontificali imposito coronaverunt. Inde Terracinam Alexander abiit. Victor autem, etsi potentia & armis in Urbe præstaret, aliosque pecunia & pollicitationibus

* Infra Cremenensem dicit.

alliceret, alios metu & Cæsarei nominis opinione territaret; tamen qui consecrationi suæ interessent, manumve admoverent, alii reperti non sunt, quam duo supra nominati Cardinales promotionis ejus auctores, & Episcopus Ferentinas, à quibus in ædem deductus, neque sanctum locum profanare, neque Apostoli Cathedram temerare desiit: atque hæc ex *Epistola* Alexandri ipsius ad Archiepiscopum & populum Genuensem de origine schismatis, quo diu agitati populi sunt, sumpta.

Fridericus autem, cui ea controversia permolesta erat, tollere eam, & nascentis incendii principia opprimere per legatos primo nixus est: sed majus negotium erat, quam quod per ministros componeretur: itaque utrumque ad se litteris evocat, & ut Papiam veniant, hortatur. Hic se disceptatore, & Primoribus religionis cognoscentibus, certamini perniciosissimo finem imposituros: speransque neutrum eorum id detrectaturum, eodem tempore ex omnibus Provinciis clarissimum quemque Theologiæ consultum in mensem Martium invitat.

Quæ dum aguntur, apud Cremam res summa vi gerebatur; jamque ingens muri spatium ab arietibus apertum latus denudaverat, & Cremonensium castellum instauratum, & sarmentorum fascibus, ac corio, & lanceis globis tectum, quæ materia ictibus cedens, minus violentiæ inferri solidis partibus patiebatur: in hanc machinam, ceu in Equum Trojanum, cum ad muros promoveretur, omnium oculi conversi sunt; & ab oppido immania saxa, & genus omne telorum conjecta; nec minus operæ obstruendo muro impensum: trabes, cratesque objectæ, ac novum vallum exstructum: suffoderant etiam tuniculum, quo ad hostiles machinas clanculum accederent, atque everterent: sed conspecti sunt à castello: nec solum in eo opere disturbati; sed jaculis à castello in omnes urbis partes emissis, passim configebantur, nullo fere loco tuti, cum hostium adspectui omnia paterent. Et quamvis tot simul malis Cremenses premerentur, haud tamen unquam animo defecere: par quoque in hoste obstinatio fuit: qui, quamvis sæviente hyeme, in obsidione perseveravit, bellumque sub pellibus & tentoriis per intoleranda frigora continuavit; nive interim & pruinis obrutus. Cum enim dies Epiphaniæ, qui postridie Nonas Januarias agitur, anni sexagesimi supra mille & centum à Christo illuxisset, nova moles ab oppidanis nudato lateri objecta apparuit; vasa pice, oleo, sulfure plena congesta in eum locum fuere, & additi virgultorum fascies, quibus, dum hostes ingredi niterentur, supposito igni, flamma incredibilis repente emicuit, & favillæ, carbonisque in hostium munitiones volarunt, quibus non minori damno quam admirationi id fuit: improvisa namque flamma multi correpti perierunt, & Cæsar quoque sub ariete deprehensus, non sine periculo salutis fuit: & ne latius vagaretur incendium, uni ejus restinguendi operi universum occupavit exercitum. Cæterum & alii arietes alias murorum partes labefactaverant, & repleta fossa, commoditatem pugnandi in pomœrio præstabat, multumque spei adhuc tolerandæ obsidionis superesse videbatur; cum repente columen virtutis & fomentum totius rei defecit. Marchesius erat Architectus machinalis scientiæ peritissimus, & qui, ceu alter Archimedes Syracusanus, moles hostium contrariis machinamentis eludens, victoriam Marcelli moratus est. Is, seu tædio longioris obsidionis, & desperatione victoriæ, seu auro corruptus, noctu à muris delapsus, ad hostes transivit, & à Cæsare comiter exceptus, pecunia, equo, vestibus donatur. Tum brevi machinam fabricavit altitudinis, quæ muros superaret, & ex ejus summitate pontem emittebat in muros ipsos, per quem milites facile in

oppidum transgrederentur: ea perfecta, & opportuno loco statuta, ingentia præmia transituris proponuntur: & cum multi alacriter in id nomen darent, satisque præmii ducerent, vel emori in conspectu Cæsaris, signum pugnæ datur: & protento ponte, Conradus Friderici frater cum signifero primus adscendit, atque in oppidum delapsus est: secuti eum pauci alii sunt; alii hæsitantes ab oppidanis uncis ferreis rapiebantur, vel longioribus perticis de muro & ponte dejiciebantur; demumque pons ipse revulsus est. Ita signifer & commilitones Conradi circumstante multitudine obtriti sunt; ipse enim cum maxima difficultate, cum nonnullis vulneribus debilitatus foret, ad suos se recepit.

Hic oppidani sese colligentes, cum affectas res suas esse cernerent, nec appareret, unde auxilia sperarent, de deditione agendum decreverunt. Missique ad Cæsarem legati referunt, ita demum pacem habituros, si peregrini milites sine armis, & oppidani ipsi cum iis tantum rebus, quas secum ferre possent, exituri forent. Hæc dura conditio erat, patria, domo, focus, laribus cedere, cuncta hosti relinquere, ipsos in summam inopiam abire: vicit tamen necessitas; ne simul corpora quoque perirent. Itaque sexto Kalen. Februarias utraque ex parte jurata pacificatio est, & postero die exeuntibus incolis, Barbari ingressi refertas variis rebus domos nacti, ingenti præda ditari poterant, si civiles etiam mores pati bello assueti didicissent: sed cum primi occupatores omnia sibi arrogarent, neminemque in partem commodorum accipere vellent, videreturque ea discordia haud dubiam contentionem in exercitu factura, cunctos uno modo tractandos Ænobarbus decrevit; & quidem eo, quo invidia omni tolleretur: immisissique incendiariis, qui pluribus locis ignem ponerent, omnia combussit, atque ita universa Crema est concremata. Cujus in posterum restituendæ, ut spes quoque interciperetur, muri, qui adhuc integri supererant, disjecti sunt, & sacræ etiam ædes solo æquata: præterea machinæ omnes, & tormenta bellica, quoniam amplius usui futura non videbantur, ambusta pariter dedita opera fuerunt.

Ænobarbus autem quinque dies ibi moratus, Laudem & Papiam ad conventum peragendum concessit. Eo namque evocati ob summam sacerdotii causam, jam accedebant clarissimi ex Italia, Transalpinisque Provinciis Theologi, principesque religionis, & novissime Victor ipse, qui in causa erat. Alexander autem venire omnino neglexit, ac ne legatos quidem, qui huic interessent, misit; indignum ratus, se, qui humanum culmen legitima electione supergressus fuerat, extraque omnem exceptionem positus esset, imparium judicium subire, pariter & inimicorum arbitrio se exponere.

Igitur eo absente, tertio Idus Februarias ad hunc ferme modum res transacta Papiæ est. Sederunt pro tribunali Fridericus Cæsar Ænobarbus, ceu Minos, aut Rhadamanthus Inferorum animas judicaturi; à dextra, sinistraque præcipuus quisque dignitate Sacerdos, & principes Regni ordine suo: tuncque introducti testes, qui asseruerunt, cum Romæ eligendus novus Pontifex foret, viginti tantum Cardinales affuisse: nam ex duobus aliis, quorum alter Vinculorum Petri, alter Sancti Martini titulum tenebat, cum alter Anagninæ ægrotaret, alterum ad illius votum explorandum accessisse: atque sic Conclavi abfuisse duos: ex viginti autem, novem prudentiores Octavianum prætulisse, & eundem trina promulgatione facta, confirmatum, acclamatumque Victori Tertio felici, & fausto, solemnesque hymnos in choro cantatos; Rainaldo Senense spectante, pallium Apostolicum eundem accepisse, infulis, cæterisque insignibus Pontificiis ornatum

incessisse, in Petri cathedra sedisse, à templo in palatium transivisse: Rainaldum ipsum à Principibus Romani Cleri interrogatum, esset, nec ne, deferendus honos Victori, dixisse, illi esse parendum, & sibi numquam fuisse delatum pallium; atque id postea in terræ Siculæ ignobili loco sumpsisse. Hæc jurati affirmarunt Petrus Christianus Decanus, duoque ejusdem fratres proprio & collegii Beati Petri nomine, cujus publicas litteras exhibuerunt. Idem octo alii Præsules Romani, qui agendis rebus interfuerant, & negotia tractaverant, deposuerunt: & vir illustris Petrus urbis Romæ Præfectus, & complures alii adstabantidem confirmaturi; nisi satis superque ea ad præsentem rem esse Judices dixissent. Tunc Hermanus Verdenfis, & Daniel Pragensis Episcopi, atque Otho Palatinus Comes in medium prodeuntes testantur, se jussu Cæsaris ivisse ad utrumque Pontificem Papiam accersendum, terque per legitima intervalla monuisse Rainaldum, ut veniret: sed cum, asseclasque ejus aperte recusare in judicium descendere. Quibus sic probatis, Patriarcha Aquilejensis, novem Archiepiscopi, octo & triginta Episcopi, tres laici Duces Henricus Saxonus, Bertoldus Turingus, Fridericus Rotemburgensis, & totidem Palatini Comites, Rhenensis, Saxonus, Bavarius pronunciarunt, Victorem habendum, adorandumque Pontificem; atque equo albo impositum per urbem cum populari plausu deduxere. Dimisso inde Concilio Saxonus & Turingus Duces in Germaniam redierunt. Cæsar & Beatrix trans Padum diverfantes, longi jejunii dies contrivere; nihilque faciebant execrationes, quas subinde Alexander in eos repetebat: cujus nomine etiam Mediolanum venit Joannes Aragnius Cardinalis, qui adventus sui causâ cum Uberto Archiepiscopo communicata, aram majoris templi adscendit, palamque detectatus est Octavianum Cremonensem, qui adulterato nomine Victorem tertium sese nuncupabat, & Fridericum Ænobarbum, qui Cæsareum regnum usurparet: eosque, eorumque asseclas hostes Ecclesiæ, religionisque Christianæ rebelles declaravit: eorundem crimini nominatim adscripti sunt tres Circumpadani Episcopi Cremonensis, Mantuanus, Laudensis, & Marchio Montisferrati, & Guido Comes Blandratenfis, rectoresque, & Consules civitatum Cremonæ, Papiæ, Novariæ, Vercellarum & Laudæ; tum Seprii & Martesane Comites, & Ludovicus arcis Baradelli Præfectus: inibique cuncta Cæsaris acta Apostolica auctoritate rescidit: tum Concilium Papiæ habitum inane fuisse docuit; quod non auctore Alexandro Pontifice, neque celebrantibus aliis Regibus, Principibusque Christianis indictum foret. Quibus rationibus populus adeo permotus est, ut statim arma ceperit, impios, nefa-

A riosque homines, quacumque exagitandos statuerit: nec temperavit, quin ipsis sacræ hebdomadæ diebus, quibus alias parcere laboribus, & dare quietem etiam inimicis in bello solemus, infesta signa Laudensium finibus inferret, atque cædibus & populatione vexaret.

Quibus Friderico nunciatis, cis Padum copias misit, & mox ipse subsecutus, in agrum Mediolanensem sub Idus Majas excurrit; populatusque est omnem eam oram, secus Lambrum fluvium, quæ à Medilio ad usque Briofchum, & Veranum, & Vertematum pertinet; & transiens in Sepriensem, Nervianum, Legnanum, Polianum, Venzagum, & Raudem evagatus, frugiferas quasque arbores vel succidendo, penitus extirpandove, vel decorticando corrupit, nec usquam sistere eum, quamquam magnis copiis insequeretur Mediolanensis potuit, quam ad Quintum & Sanctum Romanum ventum est. Hic castra demum posita, & explicatis aciebus copia pugnandi facta. Quadrifariam vero partitus eorum exercitus erat: primo centum falcati currus leves & expediti, novo tunc invento Guintelmi artificis eximii; tum Carrotium cum sagittariis, peditatuque prævalido; sequebatur eos equitatus cum Signiferis, deinde Placentina auxilia cum ducentis equitibus. Quorum adventum ut sensit Ænobarbus, per noctis silentium vasa colligit, præmissis impedimentis, Baradegium, Morimundum & Papiam abiit. Mediolanenses autem cum diu in acie stetissent, cognito demum hostium recessu, conversis signis in urbem revertuntur.

Nec ita multo post Laudem profectus Fridericus, & laudata ejus populi fide, & virtute, transaduanam expeditionem suscepit, ubi adhuc nonnulla oppida Mediolanensi Imperio obtemperabant: primaque cura fuit pontis interciendi, quem Mediolanenses magno sumptu juxta Pontiorum oppidum construxerant. Nec difficile fuit utrumque uno impetu capere, propterea quod remota ab hostibus, ac suspicione belli negligentius custodiebantur; & pons statim confractus fuit: circa templum, in quod oppidani, ceu in asylum, confugerant, plus operæ fuit, & cum expugnari aliter non posset, accersita à Laude machina muralis est: qua procul conspecta, tum quod jam fame inclusi laborabant, deditionem fecere. Inde Farra non sine prælio cruento capta est: cujus auxilio cum missæ à Mediolano cohortes circa fluvium scrutandis vadis errarent, indignationem Germanis fecerunt, qui amne interclusi, nulla ratione ad eos transire poterant: deterriti exemplo Riccii Sacchi Laudensis, & Uberti Vetuli Cremonensis, qui amnem tentantes obruti vorticibus fuere. Nec aliud memorabile gestum in ea Provincia fuit; repetensque Ticinum & Novariam Fridericus exercitum dissolvit.

TRISTANI CALCHI,
MEDIOLANENSIS HISTORIOGRAPHI,
HISTORIAE PATRIAE
LIBER X.

EPI TOM E.

At Mediolanensis acceptas à Friderico clades finitimis ejus sociis de more remetiri. Laudensem sapius adorti id effecimus, ut jam non luteas munitiones nobis, sed murum objiceret. Ergo aliorum in Carcanum oppidum urbi infestissimum conversi, duce Archiepiscopo, dum geminas arces milite ac machinis premimus, à Casare arctissime interclusi per tela, per hostes viam feceramus ad victoriam gloriosissimam, prædamque opulentam, nisi utrique se Casar fuga subduxisset: quam postero die interceptis commeatibus, & auxiliis Laude, Cremonaque ad Casarem missis, cumlavimus. Obsidione ob ejus difficultatem digressi, Herbenses & Ursinenses, quorum opportuno subsidio patrata victoria fuerat, jure civitatis atque immunitate donavimus. Dum Fridericus Papiam dilapsus nova in sequentem annum auxilia amicis civitatibus imperat, nostra interim magnam partem incendio ex privatis adibus erumpente conflagravit. Ergo miles in propinqua oppida hybernatum deducitur: nec interim vacat; sed refecto ad Pontirolium ponte, Laudensem vexat, Placentino adjuvante. Ineunte vere Castillionum obsessum habuimus, donec Casar subsidio illi veniret: qui novis copiis ac Ducibus ex Germania auctus castra Mediolano admovit; & milite late circumducto, quidquid usquam frugiferum erat, ferro, pedibus concidit, obrivit: quo tempore octodecim in urbe annonæ præpositi sunt, qui magnis ex ejus caritate incommodis occurrerent. Casar exercitum in circumposita oppida partitus, inditum in causa Alexandri & Victoris conciliabulum Laude celebravit, in quo Mediolanensis Archiepiscopus, alique veri Pontificis assertores schismatici judicati sunt. Inde castra ad urbem movens erumpentes ad pugnam cives partim cecidit, partim captos Laudem in custodiam misit. Diuturni belli & obsidionis incommoda pacis nobis amorem conciliaverant: sed Oratores ad Casarem profecti hostiliter cæsi, fugatique sunt; & urbs obsideri arctius cæpta, barbære obruncatis, qui annonæ aliquid inferre tentarent. Ergo fame intus usque ad parricidia sæviente, post tentatas eruptiones ac prædas, primum legati ad petendam certis conditionibus pacem missi; deinde his rejectis, Consules, ac primores civitatis ad Casarem supplices adire; ac præter alia deditionis argumenta, dedere fidem, imperata se facturos, futura, sine dubio, opinione sua longe duriora: postremo magna equitum ac peditum manus ad ejus pedes provoluta, delatis clavibus, ac Carrotio religioso quodam civitatis pignore, solemnī deditione Imperatoris se arbitrio permiscere: qui quadringentis amplius obsidibus acceptis, reliquorum vero civium (præter Archiepiscopum, aliosque non paucos fuga jam elapsos) fide sacramento sibi viritum obligata, cum tantum muri ad singulas urbis portas ejus jam edito dirutum esset, quantum sufficeret exercitui quadrato agmine ingressuro, horrendum tandem insonuit, cives ut omnes urbe intra octiduum emigrarent. Quantus tunc Mediolani gemitus? quæ comploratio? quibus diris ac furis barbarum Imperatorem devoverunt? Sed populi, militiaque principibus partim dilapsis, partim

in obsides datis, movere lacertos, tutarique diutius patriam ignobile vulgus, ut maxime vellet, non valebat. Ergo in agrum suæ quisque regioni proximum sub extemporales casulas immigrarunt, ut, quatenus servare non poterant, occidentem patriam lacrymis prosequerentur. Imperator enim ingressus, tametsi augustissima urbis aspectu mitigatus parcendum innoxiiis adificiis judicaret, finitimis tamen hostibus nostris urbem ad vastitatem & incendium deposcentibus tandem permisit: quorum machinis, manibusque (sicubi flamma non proficeret) verius, quam Barbarorum aratro, salisque satione Mediolanum funditus eversum est. Fama de Angleria Comitibus, & origine Vicecomitum Mediolani ruinis obruitur. Fridericus, cæu tota Longobardia in uno Mediolano tandem subacta, Longobardorum Rex Papiæ coronatur. Inde Brixia, Placentiaque per legatos in deditionem acceptis: & sua Potestate tum Mediolanensibus aliquot jam vicis circa veterem urbem colementibus, tum etiam in reliquis Longobardis civitatibus relicta; novo etiam cum Genuensibus iusto fœdere, Flaminiam ingressus viam Bononia, Faventia, Imolaque excipitur. Turisendum Gardensis arcis Dominum parere recusantem bello per legatos subigit: quod dum geritur, ipse Vesontionem ad inditum de vero Pontifice Concilium revertitur. Ex itinere, Taurini Genuensium ac Pisanorum discordiis per legatos expositis inducias imperat. Dissoluto reinfecta Concilio, ex Gallia in Germaniam excurrit, Longobardia suorum magistratuum intolerandis rapinis permessa.



EDIOLANENSES autem minime quiescere, Laudensemque in primis agitare, cui hujusmodi insidias tendere: cohortes validas ad populandum agrum mittere, quarum pars Cornelianis substitit, reliquæ sub urbem missæ, ut irritarent civem; & pugnando, interimque fugam simulando, quam longissime à mœnibus pertraherent. Igitur Laudenses audito suorum clamore, & repentino hostium strepitu, erumpunt, & prædatoribus apprehensis, pugnas miscunt, illosque cædendo multos suorum recuperant: jamque viginti numero à Laudense tenebantur, cæterique urgebantur, nec simulare fugam poterant, cum ex desperatione virtutem fumentes, modicum morantur, seque in ordinem colligunt; deinde vim, impetumque facientes propellunt loco hostem, in fugamque avertunt, nec paucis in fossas impulsis, octo omnino ex Laudensi nomine captivos adduxere, in quibus cogniti fuere Vitus Trexenus, Bernardus Bagnolus, Albericus Lomellinus, Othobellus Cacamuftus, & Otho Mediusparens: ex Mediolanensibus autem confutit quatuordecim intra urbem Laudem ductos, Codeguerram Vicecomitem, Monachum Palatinum, Brunum Concoretium, Obizonem Paganum, & Burri filium, Othonem Bellabuccam, ac reliquos. Reversi inde Mediolanum, quia tentata haud

prosperè successerant, novos dolos excogitarunt. Profecti iterum ad eandem partem, præmiserunt non multos equites, qui à Cornelianâ via præter portam Cremonensem excurrentes, elicerent alios Juvenicum versus, ubi intercluderentur, caperenturque, qui insequi eos ausi forent: peractis omnibus, ut constitutum fuerat, jam multi Laudenses palantem circa portas hostem desequabantur; cum ex specula turris Imperialis visa est nubes densi pulveris, & interlucentia signa, armorumque fulgor: quæ timens custodia statim receptui cecinit, atque in urbem suos revocavit.

Hac quoque spe frustrati Mediolanenses, nihilominus tertiam suscipiunt expeditionem, in quam & Carrotium, & machinas, ac tormenta bellica misere. Quarto decimo Kal. Augusti fixa signa sunt in tumulo ex adverso portæ Imperialis: & cum reliquæ copiæ circa reliquas urbis regiones constitissent, unoque tempore oppugnare cœpissent, tamen fortiter sese tutati sunt oppidani, pluresque ex hostibus missili telo interficiebant, quam ipsi vulneribus afficerentur: & quamquam à Placentia novæ copiæ advenerint: tamen quia fama increbrescebat, Fridericum Cæsarem cum Papiensi adventare, soluto exercitu, Mediolanum redierunt.

Laudenses vero, qui hætenus urbem fossâ, & aggere tumultuario, cratibusque, & tabulatis munito cinctam habuerant, circumdare muro tunc cœperunt, & Albricus Merlinus urbis Episcopus solemniter primum lapidem deposuit in fundamento portæ Cremonensis. Universi operis Præfectus fuit Tinctus Musa Cremonensis, cognomento de Gatta, nobilisea tempestate architectus: ac simul misere, qui pontem juxta Gropellum à Mediolanensibus fabricatum in Adduam subverterent; quem à paucis custoditum facile dissolverunt.

Ab his in averfam regionem versa vis omnis belli est. Diximus in Larium lacum mediam percurrere peninsulam inter Comensem sinum, & quo Addua effluit Leucensem, eamque Incinatem præfecturam, & montes Briantiæ complexi. Horum radicibus complures, iidemque piscosi lacusculi ex proximis oppidis nomina sortiti Montorphan, Herba, Mongutii, Pusiani, Annoni adjacent: unicum Plinius judicavit, Eupilim vocat, qui Lambrum annum emittat: forte cum imbribus augentur, ut sæpe faciunt, in unum conjunguntur, & nascenti ex montibus fluvio mixti ortum præstare videntur. Eum Blondus Umbronem vocans se minime Plinianæ lectionis observatorem fuisse ostendit. In hac regione Carcanum oppidum duas bicipiti in colle arces habuit, quas profunda vallis inaccessas facit: idem refugium diu fuit his, qui adversus Metropolitanam urbem, & communem patriam Mediolanum arma inferebant; & nunc quoque quotiens in Papiensem, vel Laudensem exercitus mittebantur, tergo inhærentes procurrebant, agrosque vastando, aut commeatus avertendo, consilia perturbabant. Ergo familiarem hostem tollere nunc demum civitas decrevit: & Julio mense trium portarum armatam juventutem eo misit; statimque imperata fecerunt. Paravicinum, Herbam, Urfinicum petunt, quorum locorum opportunitate Carcanum medium circumfident; & quo arctius premerent, aliarum portarum militiam evocant: tum ligneum castellum & varias machinas fabricant: quibus perspectis, oppidani nuncios ad Fridericum mittunt opem petentes, ac rogantes, ne locum natura & opere munitissimum in manus præpotentis populi cadere ulla ratione permetteret: illud esse frænum hostium, quod quamdiu duret, bene sperare de communibus rebus liceat; eo amisso, nullum in Comensi oppidum, quod non Mediolanensium partibus accedat. Haud multum rogari se passus Fridericus copias ab amicis civitatibus accersit,

A Papia, Novaria, Vercellis: venerunt vero Proceres Dux Boemiæ Bertoldus, Dux Turingiæ, Conradus Bellanuces, Marchio Montisferrati, Guido Blandratensis. Bertoldus autem, quia privatam ob causam in Italiam redierat, pauciores, quam dignitati ejus conveniret, habuit milites.

Cum iustus jam foret exercitus, profectus Ænobarbus qua periti locorum ostendebant, postriedie Nonas Augusti in valle Texaria, quæ subtus Urfiniculum est, constitit, coegitque hostiles copias concedere inter eandem Texariam & Carcanum: quo factum est, ut interclusi commeatibus, & spe auxilii, obsessis, quam obsidentibus similes Mediolanenses forent: apud eos autem summam negotii administrabant Uberrus Pirovencus Archiepiscopus, Milo Cardanus Archipresbyter, Caldinus Sala Archidiaconus, & Algisius Pirovencus Cemelarcha; ita quatuor primarii Sacerdotum exercitui præerant. Hi cognito discrimine, in quo ob adventum Cæsaris constituti erant, habito consilio, decreverunt, nullum nisi in dextra salutis remedium esse; in virtute spem omnem ponendam; & quam unusquisque pro magnitudine animi, viriumque facere posset, aperiendam viam esse. Itaque per noctem ea, quæ morituri solent, faciunt, corpora, animosque curant: & mane re divina peracta, arma induunt, & se invicem cohortantes, quasi ultimo prælio se accingunt aciem struentes; partem peditum custodiae castrorum, ne qua vis à Carcano ingrueret, relinquunt. Jam Signiferi & Carrotium in apertum prodeunt, & præcursores laceßere hostem incipiunt. Ex adverso Fridericiani pariter instruuntur, & ordinibus distincti pugnam excipiunt, crebrescenteque Marte, sævo tumultu, fœdoque cruore omnia complentur: & cum non eadem ubique fortuna foret, alibi victores, alibi vincebantur: sed qua Fridericus versabatur, illic hostium acies sternebantur. Jamque ad Carrotium ipsum pervenit, & fugatis ejus custodibus, boves solvit, vexillum detrahit, Carrum in proximam fossam devolvit. In altero vero cornu Sacerdotes Mediolanenses rem fortiter sustinebant: moxque ceu impendentes nubes ab Urfinico, ubi ducenti Brixiani milites collocati fuerant, & Herba auxiliares cohortes admixtis oppidanis per dorsum montis defluxere: quorum adspectu conturbati primo Fridericiani sunt: tum vero propius accedentibus, & manus conferentibus, adeo affecti, ut nec pedes, nec eques sat suum exsequeretur officium. Jam nec Germana cohors tuto consistere, nec honeste fugere posse videbatur. Interea Ænobarbus tergendis sudoris causa in tentorium se receperat, & varios strepitus, clamoresque sentiens, *Vicinus ne, cuidam ex astantibus ait: at ille respondit: Immo quidem victi sumus: nonne vides ut undique hostes nostris insultant, ut spoliant, ut cadunt, ut omnia nobis infesta sunt?* Ducenti autem integri adhuc circa Cæsarem stabant, quibus assumptis fugam capit, ac per Urfinici & Montorphan vallem evectus, non ante constitit, quam Comum pervenerit. In qua urbe cum nec tutum se existimaret, arcem Baradelli, quæ præcelsa in colle sita est, ascendit. Marchio autem Montisferrati, & complures alii Angleriam & reliqua Verban lacus oppida petivere, quibus in alteram ripam transmissi evanuerunt. Mediolanenses autem eorum fuga cognita, castra invadunt, & incredibili rerum copia potiuntur. Cætera militi præda permissa, regiæ gazæ diligentia habitæ, & in ararium relata. Quinto Idus Augusti gesta ea sunt.

Sed ut plenior, absolutiorque victoria fieret, contigit, ut postero die novas copias ab Laude, Cremonaque profectas (trecenti equites erant præsidio commeatibus inde missis dati) ad Marlianum oppidum pervenisse, atque inde ad hostes ituras

gre-

gregarius miles Consulibus exercitus renunciaret : his auditis, statim equitatum Canturium versus Consules præmiserunt, qui agmen retardaret : sed jam prima pars præterierat, & ad Aquam nigram (ita vocatur palus sub Baradello monte) penetraverat : cum strepitum à tergo cuncti sensere, ac perturbari sequentes, & onera jumentis detrahi : ex quo facta à militibus fuga, integra præda Mediolanensi relicta est. Et cum hæc prospiceret ab arce Ænobarbus, continere se non potuit, quin cum paucis illis, quæ eum assecutæ fuerant, reliquis descenderet : servatique sunt nonnulli ejus adventu, & quidam Mediolanensium capti : reliqui victores in castra reversi obsidionem Carcani obfirmant ; & mox difficultatem negotii metiti, cum etiam ambustæ machinæ suæ fuissent, recesserunt duodecimo Kal. Septembris. Domum reversi, fidei & virtutis eorum, qui se fortiter juvissent, habendam rationem censuerunt ; ac propterea Herbenfibus, Ursinacibusque amplissimas immunitates constituere, eosque omnemque eorum posteritatem civitate Mediolanensi donaverunt eodem jure, quo urbana plebs & intramurani cives censentur. Exstat diploma archetypum, cum præfatione, laudeque, quod eorum studio & diligentia nono Augusti victus, superatusque fuerit Fridericus Ænobarbus, ejusque castra omnifariam præda plena capta : confirmatumque id eis à successoribus Principibus in hanc diem integrum beneficium, & honor civitatis illorum posteris manet.

Interea Fridericus ex Baradello Papiam se recepit, ubi de re gesta ad amicos, ut eos in fide confirmaret, scripsit : hortatusque est Episcopum Novariensem, Vercellensem, & Astensem ac Marchionem Montisferrati, Obizonem Malaspinam, Guidonem Blandratensem, & Nobiles Guasti & Buschi, ne quid desperantes ad se venirent, & quantum quisque posset copiarum in futuri anni principia pararent. Tum ex Ticino classem in Padum deduxit, navigaturus Placentiam, eversurusque pontem, quo ituri in auxilium Mediolanensium transibant : sed eo consilio cognito Placentini pontem solvunt, ac naves & tabulata in tutum recipiunt. Fridericus autem Cremonam proficiscitur, atque exitinere Bagagnatam famosum latronem suspendio afficit.

Interea Mediolani gravissime civitas affecta : ex domo Lanfranchi Canis excitatus ignis ingentem fumum nubem emisit : tum flamma proximas quasque contignationes & ædificia comprehendente, maximum emicuit incendium, quo tertia pars urbis absumpta est : à porta enim Comensi, ubi coepit, in Vercellinam, & Ticinensem, ac Romanam diffusum malum ad ipsas usque urbis fossas pervenit, & cuncta pene prostravit. Ex quo deficientibus in urbe ædificiis, militare turmam proxima oppida, & vicos hybernatum mittere oportuit : & cum alii Aplanum, Indunum, Arcisatum secesserint, Ubertus Archiepiscopus cum centum viris Varisum se contulit.

Instauraverant interea Mediolanenses pontem Pontiroli, & assumpto Comite Henrico cognomento de Crema, in Laudensem agrum excurrunt ; & constitutis circa Doariam oppidum insidiis, quosdam eo pertraxerunt : captique sunt Bernardus Baggnolus jam altera ex captivitate redemptus, Airaldus Arfagus, qui paulo ante Mediolanensem civitatem cum Laudensi mutaverat, & Manfredus Murena auctoris nostri filius.

Fridericus autem ex Cremona reversus Laudem, familiæ Mandellæ jus totius oppidi Mandelli feudali diplomate obsignavit, & inde hyematum Papiam concessit. Mox appetente vere anni sexagesimi primi, Placentini cis Padum transmissi in sylva Pulignana delituerunt, parte Laudem versus ad


A irritandos cives missa : & quamquam non latuerint insidiæ, capti tamen sunt Petraccius Pusterla, Maldotus Vignates, Zanucallus Guascus, Bonioannes Turrianus, & alii complures, & juxta Fossadoltum Prætor ipse Laudensium Tricafolia Pusterlaus, & Hugo ejus propinquus.

B Mediolanenses autem expeditionem adversus Castillionum Sepriensis regionis oppidum supra à nobis memoratum suscipiunt ; propterea quod eo adhuc domicilio infesti patriæ viri utebantur : præcipua autem cura fuit, ut aquatione oppidanos prohiberent : id quod sane difficile erat propter Olonæ amnis, cui imminet, propinquitatem : sed arietes quoque, & aliæ machinæ muris admotæ ; contra quas cum oppidani audacter erumperent, ignem majori supposuerunt, atque concremarunt : cujus tanti momenti jactura fuit, ut frustratis hostium consiliis, spatium Castillionæ habuerint mittendi nuncios ad Fridericum Cæsarem, ac remedia malis præsentibus petendi. Et statim quidem ille ad Lambri ripas comparuit cum Comite Barcinonense, qui paulo ante ad eum salutandum venerat, sexaginta equitibus sociatus, & interim litteras ad amicas civitates Papiam, Novariam, Vercellas, Laudem, Bergomum, Cremonam, Parmam, Regium dederat, ut ad se militares copias mitterent : sed Mediolanenses, antequam ii convenirent, obsidionem solverunt.

C Præterea cum novas copias ex Germania accersivisset, per hæc tempora in Italiam venerunt Conradus Palatinus Comes Rhæni Ænobarbi frater, Fridericus patruelis ejusdem Conrado patruo natus, & Lantgravius eorum cognatus, Rainaldus Colonienfis Archiepiscopus, & Cancellarius Imperii, qui quingentos ; Dux Rotemburgensis, qui sexcentos ; Dux Boemiæ, cum filio Regis, qui trecentos armatos ducebant. Quibus copiis auctus Ænobarbus tertio Kal. Junii castra ad urbem Mediolanum movet ; agrosque evastat ad ædes usque altera statione jam notas omnium Sanctorum, & Barnabæ, & Calimeri portæ Romanæ, nec non & Dionysii Orientalis : inde ad Comensem, & Vercellinam, & Ticinensem sese transfert : ubi quidquid frugiferum intra decimum milliarium exstabat, succisum, vel vagante milite conculcatum, obtritumque fuit. Quamobrem cum inopia com meatuum jam premeret obsessos, & inde pretia rebus majora fierent, tum usuris multi absumerentur, adhibendum modum ex publico consilio statuerunt ; vocaruntque ex omnibus Parochiis binos viros, quibus rerum necessitate exposita, decem & octo elegerunt, videlicet ternos ex singulis portis, quibus ea cura demandata est : è quibus unum se fuisse nominatum inter auctores nostros Syre Raul scribit : cujus cognominis raritate excitatus, observavi in æde Portiana tabulam marmoream ad hunc modum inscriptam :

IOANNES RAVLE DE BVSTI ARSICIO OBIIT M. CCC. XI. IANVARII.

F Cum vero satis omnia evastata Ænobarbus censeret, dimisso exercitu in suburbana oppida, Laudem proficiscitur celebraturus Concilium, quod Victor Pontifex indixerat. Jamque convenerant Pelegrinus Patriarcha Aquilejensis, Guido Ravenas, Rainaldus Colonienfis, ac item Trevirensis, ac Viennensis Archiepiscopi, & complures alii principes Sacerdotum, à quibus acta superiori anno Papiæ collaudata sunt ; & inibi recitatæ litteræ Regum Daniæ, Norvegiæ, Boemiæ, Pannoniæ, & sex Archiepiscoporum, viginti Episcoporum, & aliorum multorum Præsidum Ecclesiæ, quibus absentiam suam excusantes, Provinciarum etiam suarum nomine Victorem comprobabant : simul publice ignominia notati, proscriptique ex numero Christianorum Ubertus Pirovencus Medio-



diolanensis Antistes, & Episcopi Placentinus, Brixienfis, Bononienfis, & earundem civitatum Senatus, Consules, Magistratus: & qui vim intulerant Moguntino Archiepiscopo, qui per eos dies fuerat per prodicionem interfectus. Patavino vero, & nonnullis aliis concessum spatium intra Kal. Augusti in foedus veniendi: dimisso Concilio Ænobarbus Cornariam arcem, quam ducenti viri defendebant, expugnat: & Gozolinus Comes Baldronem vicum combussit.

Jam annua dies venerat Carcanensi praelio notata. Ea die à Melegnano castra Mediolanum versus promoventur, & praemissis, qui lacescendo cives extra moenia pellicerent, cogitata succedere; effusaque adversus praedatores multitudine, iusta acie pugnatum est: sensim vero Ænobarbus ipse subsequebatur, sed signis procul conspectis, retro se recepere cives. Tunc vero hostes magis instare, & quod consilii erat, fugam existimare. Igitur in confertos signa infert Fridericus Rotemburgensis Caesareus Vexillifer, fugientesque cedit. Ænobarbus quoque ipse successibus instans, & faventi plaudens fortunae, ad Arcum usque Romanum pervenit, quem locum casu suo signavit: namque ibi prolapsus equo cecidit, provolutusque in terram ambiguus salutis fuit, nisi quod confestim à suis sublatus, & in equo repositus incolumnis recessit. Ab eo certamine trecenti amplius capti, & Laudem in custodiam perducti.

Nec ita multo post iterum hostilis ad moenia exercitus rediit, & magno praelio certatum est. Quibus continuis laboribus, vigiliisque, tum urgente fame affecti Mediolanenses pacem optabant, & quascunque in conditiones descensuri videbantur. Habito consilio idoneos interpretes, intercessoresque statuerunt Lantgravium Ducem Boemum, & Comitum Palatinum: ad quos missi nuntii fidem impetrarunt, ituros sine noxa in castra Oratores, qui rem conficiant. At hi cum proficiscerentur, occurrere equitui Archiepiscopi Colonienfis, & ex itinere intercepti sunt. Qui vero fidem, & inducias datas esse sciebant, eos ab injuria vindicare conantur; simul Archiepiscopo succensent, quasi ejus dolo violatum jus gentium foret; & cum undique obstreperent, vim veritus Rainaldus in tabernaculum Caesaris confugit innocentiam suam expositurus: sed jam res propior certamini, & pugnae, quam verbis erat. Audito tumultu Fridericus, haud operae tunc esse dicens querelas audire; in medium prorupit, Rotemburgensem, & alios Duces cohortatus, ne communi rei deessent. Dum sic certamen gliscit, Mediolanenses inter tela & Barbaros sine dolo suo positos se intuentes, referre pedem coeperunt. Tunc ceu in hostes investiti Germani, multos cecidere, octoginta equites, peditum vero ducentum sexaginta sex cepere. Ænobarbus ipse, qua discrimen rerum vocabat, intrepide versans suffosso equo cadit, & vulnus quamvis exiguum cepit: claraque ea pugna periculo Augusti fuit. Ita disturbata pacis mentione, ad bellum convertuntur: & collatis ad urbem ipsam castris, omnem meridionalem, orientalemque regionem populantur: & quia adhuc non nihil commeatum à Brixia, Placentiaque importabatur, dispositis ad loca opportuna custodiis interceperunt, castigatis severissime iis, qui advehere auderent: nam deprehensos quinque & viginti uno die obruncatis manibus domum remisere. Caeterum in alios variis etiam modis saeviebant; alios enim imbris diu noctuque expositos, & frigore & terrestri coenomaceros, ad paciscendam redemptionem quantacunque pecunia cogebant; alios aliis terroribus, tormentisque affectos in urbem remittebant: nam sex exoculatos unus oculo ob hoc ipsum condonatus, sed alterius oculi vice naribus praecisus, longa fune al-

A ligatos domum reduxit.

Cum vero satis affectum agrum Mediolanensem Fridericus censeret, neque vim à populo pertimesceret, Laudem reversus est, & missionem concessit equitui Lantgravii Ducis Boemiae, & Rainaldi Colonienfis: & cum in ejusdem partes transivissent Joannes cognomento de Sancto Victore, & quidam nuncupatus Bragamayta, obsedit Ripaltam Siccam, ac vallo & aggere circumdedit, quia adhuc aliena studia fovere videbatur. Caeterum Mediolani res frumentaria perangusta erat: fame, inopiaque cuncti urgebantur, vir uxorem, focrus nurum, frater fratrem, pater filium strictis gladiis incessebat, quod pane fraudarentur; passimque domesticæ discordiæ, & privata jurgia audiebantur: alii in Consules crimina retorquebant, quasi per eos stare, quo minus pax iniretur. Quare ex publico consilio eliguntur peritissimi illius temporis Jureconfulti Ossa de Ossis, Albertus ejus filius, & Anselmus Hortus, quibus formandarum pacis conditionum cura delegatur.

Interea Fridericus cum Beatrice conjuge Cremonam petiit, cumque secuti sunt Conradus frater, Gulielmus Marchio Montisferrati, Fridericus Rotemburgensis, Rodolphus Lindonensis Comes, & filius Ducis Guelfi: per quod tempus Guido Blandratenfis arcem montis Brionis captam muniebat, & Marchardus Grumbach arci Sancti Gervasii non procul Tricio praesidebat. Quingenti quoque equites Mediolanenses ad urbem Laudem profecti, ingentem praedam retrahebant. Jamque ad silvam Pulignanam pervenerant, cum eos assécuti Laudenses cum peregrino milite retardarunt, illaturique maximum detrimentum eis fuerunt, nisi ex silva repente profiliissent recentes cohortes; quarum auxilio ita restaurati sunt Mediolanenses, ut sine detrimento domum redierint. Hæc Decembri mense acta.

Cum vero annus secundus & sexagesimus inivisset, mittuntur ad Caesarem Oratores, qui pacem peterent, Potestatem in primis admissuros Mediolanenses, murum, fossamque civitatis sex partibus æquatuos dicerent, & si quæ alia juberet Caesar, facturos: obaudivit primo ista Ænobarbus indignationem ostendens, quasi victi victoribus conditiones ferrent. Unam tantum sperare eos oportere, responsum est, ut quicquid imperaretur, sine exceptione facturos se reciperent. Quæ domi significata, dura admodum & nequaquam admittenda visa sunt iis, qui vim verbi ex vera significatione metiebantur. Alii vero, ut aliud, si possent, ipsi remedium afferrent, respondebant; extremam urgere necessitatem, nec superesse trium dierum cibaria. Vicit igitur hæc sententia; quæ etiam clementiorem fore Caesarem augurabatur, ubi ejus arbitrio summa rei relinqueretur. Et Kal. Martii Consules Otho Vicecomes, Ossa, & Anselmus Jureconfulti, Amicius à Porta Romana, Anselmus Mandellus, Ardericus Cassina, Gottofredus Gatonus, Heriprandus Judex, Ardericus Bonatus, & octo alii equestri ordinis viri, Laudem, quo paulo ante reversus Ænobarbus erat, proficiscuntur: admissi in conspectum, causam adventus, quæ ad pacificandum spectaret, exponunt; simulque nudos enses, quod solemne deditionis signum erat, porrigunt: tum sacramento adacti, quæcunque dixerat, facturos jurant: cum his domum reversi benignitatem, liberalemque Caesaris clementiam palam prædicant, concedendumque in ejus vota autumant. Igitur quarto inde die trecenti equites singula vexilla manibus præferentes eodem accesserunt, & advoluti genibus Imperatoris pedem exosculantur. Guintelmus Architectus portarum claves obtulit: omnia hilari vultu accepta melioris fortunæ spem faciebant. Caeterum postulatum ab eis

eis est, ut cuncti mitterentur, qui tribus ante annis Consulatum gesserant, quique pedestrem militiam exercuissent. Ita mille pedites acciti; Carro-
tium etiam advexerunt pergrandi vexillo conspi-
cium, nam minora signa sex & nonaginta circum-
stabant, & duæ æreæ tubæ, quæ universi populi
supremum consensum significabant: ex omni au-
tem eo numero Ænobarbus centum & octoginta
sex delegit, quos obsidum nomine retinuit: reli-
qua turba domum dimissa, jubet tot insuper alios
ex nobilitate mitti, ut prioribus adjuncti quatuor-
centum numerum explerent. Postquam autem du-
centos & quatuordecim alios recepit, imperat, ut
tantum muri ad omnes portas, turreſque demo-
lirentur, & fossas implerent, quantum sufficeret
quadrato agmine ingressuro exercitui: simul sex
viri Germani totidem Italici adiunctis in urbem à
Cæsare missi, qui bini per singulas regiones dimis-
si, ab universo populo iuramentum viritum exige-
rent; inter quos Acerbus Murena rei scriptor, &
Laudensi Prætura insigni electum se fuisse memo-
rat; ac sibi pariter & Friderico Asiano Augustæ
aulico portam Novam; Romanam Conrado Bel-
lanuci, ac Gerardo Cornazano; Comensem Hu-
goni Alemanno, & Guidoni Sancto Nazario; O-
rientalem Tetrico Germano, & Rodolpho Judici
Mantuano obtigisse; sicque alios alias fortitos;
quatrimumque scribendis nominibus Notarios la-
boravisse.

Quæ dum aguntur, principes Sacerdotum U-
bertus Archiepiscopus, Milo Caldinus, & Al-
gisius, seu manifestam patriæ desolationem, rui-
namque imminentem cernentes, seu iratiorem si-
bi fore Cæsarem ominati, urbe cedunt, seque
Genuam, quo superioribus mensibus adnaviga-
visse Alexandrum constabat, conferunt, seque
unam cum eo fortunam habituros ostendunt: nam
injurias sibi illatas haud amplius ferendas statuens
Alexander, in Galliam migraturus eo diverſerat;
& ampliter ac officiose à populo, Cleroque Ge-
nuensi exceptus, ut obsequii gratiam aliquam re-
ferret, Ecclesiæ eorum Episcopatum Albingaunen-
sem adscripsit.

Satis vero iis, quæ imperata fuerant, Mediolani
peractis, Ænobarbus, & Beatrix, & reliqui Du-
ces, tum Fredericus Marchio Saxonus, & Ultri-
cus Lantburgensis Comes, qui paulo ante ad Cæ-
sarem venerant, Papiam concedunt: ubi horren-
di carminis lex constituta, ut Mediolanenses univer-
si laribus cederent, novasque domos extra urbem
facerent; in eas afferrent quid quisque vellet; ur-
bem vacuum Cæsari, militique intra octavum
diem vacuuro relinquerent; alioquin male parati
diem vultu mulctabuntur. Quibus Mediolani expositis, hor-
ror omnium mentes accepit: obstupere cuncti,
& lacrymis undique ortis, miseriam temporum de-
plorabant: alii hoc ipsum ex feritate, inclementia-
que barbarica dubitasse ajebant: alii proditi-
onis & perfidiæ Consules Magistratusque notabant: sed
quid agerent inopes, inconsulti, ultima miseria acti,
quorum Duces, & rerum prudentes, vel bello ca-
pti, vel obsidum nomine apud hostes detineban-
tur? Cum ergo suprema dies advenisset, quæ fuit
septimo Kal. Aprilis, instaretque miseris compul-
sos barbarus, tota urbe magnis agminibus demi-
gratum est; & qui quidem affinitates & clientelas
in vicinis urbibus, oppidifve habuere, ad amico-
rum opes sese contulerunt: ignavum vulgus, &
crassa multitudo cunctæ patriæ moenibus hær-
tabernaculis ex stercora, crate, tabulis sarmento-
que excitatis apud aedes suæ cujusque regioni propin-
quas, ut Dinonyſii, Celsi, Simpliciani, Vincen-
tii, Victoris, & Syri ad vepam.

Affuit mox Ænobarbus, & circumvectus nobi-
liores urbis partes, haud quidem ulterius sævituri

A animi signa ostendit: sed circumſteterè vicini nostri
latrantes, commemorantesque injurias præteritas; &
affirmantes, nunquam certum illi Imperium in
Longobardis futurum, donec potentissima civitas
staret: eorumque importunitate victus, annuit,
ut quod quisque vellet, ageret. Tunc furori datæ
habenæ, & catervatim discursum in regiones, ra-
ptisque ignibus, & mille per tecta, domosque in-
jectis, tum cremia materia accumulata, quale à
Græcis Trojæ, aut à Nerone Romæ excitatum in-
cendium est. Firmiora ædificia, quæ violari igne
non poterant, securibus, rastrisque dissipata: se-
ptemque dies in eo laboratum est. Cessationis,
B quietisque concedendæ instans dies Palmarum,
Olivarumque cæremonia religiosus admonuit, qui
eo anno Kal. Aprilis contigit: tulitque sacros ra-
mos Fridericus è templo Ambrosiano, à quo sacri-
legam manum abstinuisse hostes, indicio est An-
gilberti Archiepiscopi lamina aurea argenteaque
multis ante sæculis altari circumdata. Cæterum
contemplatus ruinam Murena, vix bimestri spatio
eam fieri potuisse judicavit, & vix quinquagesimam
partem immunem mansisse: tanta fuit rabies, libi-
doque ulciscendum, explentiumque antiquæ sitis
ardorem. Nam Laudenses in primis, Papienses-
que notati; qui cum Ticinensem & Orientalem
C assumptissent, in auxilium Cremonensem ad adu-
rendam Romanam, avidissime se contulerunt: re-
liquas confecerunt, Comenses ad se versam, No-
varienses Vercellinam, Seprienses, & Martesani
Novam: ex moenibus autem, turribusque centum
ob materiæ duritiem & cæmenti soliditatem non
multum disjici potuisse, & Murena affirmat, & re-
liquæ diu declararunt. Theatrum, Circum, &
alia priscæ magnificentie opera tunc quoque cor-
rupta fuisse colligo ex Raule meo, qui pulpura,
cum fortasse voluerit dicere pulpita, labefactata
meminit. Turrim major ædes habebat quadrato si-
lice substructam, omnium, quæ Italia spectaret,
nobilissimam: hanc invidere maligni in invisâ urbe
stare: quare sic eam suffoderunt, ut ejus casus du-
plicem ruinam faceret; cadens namque supra ædem,
illam quoque confregit: jacuerunt diu immania sa-
xa, donec centesimo post anno, eruto subterraneo
specu, in proxima arca, quam tunc quoque *Aren-*
ghi nuncupabant, congesta fuerunt. Ab his Æno-
barbus soluto exercitu Papiam abiit. Et hæc Me-
diolani everſio, quæ omnium litteris atque linguis
famigerata, paucis tamen nota fuit: cum nihil am-
plius ignari homines traderent, quam per septem
annos obsessam urbem, & cum fame, tum proditi-
one captam, profcisam aratro, ac sale etiam, si
E Diis placet, sparsam traderent.

Hoc loco multa prætereo eorum, quæ nostro-
rum aliqui commemorant de Comitibus Angliæ,
vel (ut elegantius dici quidam existimant) Inglesii,
qui inter cæteros Longobardos nobilitate, opibus,
honore, potentia claruerint; & quoties Germaniæ
Reges Mediolanum diverterent, Præfuli assiden-
tes ferream coronam illorum capiti imposuerint;
& in præſenti bello à patriciis proditi duo & vi-
ginti jussu Friderici Ænobarbi securi percussi sint,
uno superstite & profugo Viviano, qui deinde
reversus restituendæ patriæ, & vindicandæ liber-
tatis, tum instaurandæ stirpis auctor fuerit; pro-
genitis ab eo filii, & nepotes ad extenuandam
F veteris gloriæ invidiam non novo quidem cogno-
mine, sed ex vetere, nobilique familia, quasi ado-
ptione mutato, Vicecomites sese appellaverint.
Quamquam nihil vetat Angliæ Comites ex ea-
dem fuisse Vicecomitum gente: sed interim, quod
sæpe fit, non communem totius familiæ, sed pro-
priam ab dominatu appellationem usurpare soli-
tos, quo deinde depulsi, communem revocave-
rint.

Ab hac narratione solo nomine discrepat, quod litteris quoque mandatum inveni. Galvanum Angleriae Comitem, Mediolanensem Procerum facile principem, ac prope urbis Dominum, in Germaniam in custodiam deportatum: indeque non multo post elapsum Mediolanensibus, aliisque foederatis civitatibus auctorem fuisse repetendae libertatis, ac belli adversus Caesarem renovandi, quod postea perscribemus. Adjuvat ejusmodi famam non parum allatum non ita pridem ex Germania testimonium, quod Vicecomitis cujusdam sub Friderico custodiae fidem facit: sic enim habet: *Federicus Romanorum Imperator Primus, filius Hermani generosi Ducis Sueviae anno Dominicae Incarnationis millesimo quingentesimo. Imperavit triginta sex annos: anno Imperii sui decimo destruxit Mediolanum: in qua destructione soror unius Vicecomitis, qui erat in potestate Federici, propter liberationem fratris ivit ad Reverendum Patrem nomine Rodolphum, & Dominum Archiepiscopum Coloniensem, & ostendit corpora trium Magorum, &c.* Potuit enim hic Vicecomes esse ille ipse Galvaneus, seu Vivianus; & à sorore non impetratus, custodiam tamen postea sefellisse.

Addit vero Merula, jura quoque Feudorum auctores habuisse Angleriae Comites. Horum ego, ac similibus, quamquam non modo privatim Vicecomitum familiae, sed etiam publicae rei Mediolanensis dignitatis asserere plurimum possint, facile tamen omnium patior jacturam; maloque penes auctores ipsos, quam penes me fidem esse. Iis enim me, quominus omnino acquiescam, duo potissimum impediunt. Alterum est quod apud alios auctores, qui nostris de rebus scripserunt, nullam cernimus Comitum Angleriae mentionem, qui vel Reges coronaverint, vel Friderico praeter ceteros sint adversati. Nec Blondus in tota historia, nec Dantes Aldigherius, nec Fatius Ubertus Poetae Florentini, viri praeclarae eruditionis, & plurimae in recenti memoria lectionis, quum in operibus suis plurimos Italiae Heroas, clarosque viros recensuerint, nullius Angleriae Comitum Viviani, aut Galvanei Mediolani Domini, aut civis meminerunt. Alterum quod qui ista tradiderunt, alia non pauca litteris mandare non satis testata; in quibus approbandis ipsorum non immerito posteri requirant prudentiam. Narrant enim Mediolanum prius dictum fuisse Albam, & Mesapiam, & Pucentiam: & urbem Genuam in principio cum parva esset, dictam fuisse Janiculum; & propinquum civicum Sestrium, Saturniam: & Francos Gallicam gentem deduxisse, & genus, & nomen à Francone Trojani Hectoris filio: Sapientem quendam ex Graecia Romam venisse exploratum, an hi digni essent, quibus leges Atheniensium communicarentur: & illi Romanos opposuisse virum insanum: qui cum nutibus inter se agerent; Graecus uno digito elato innuit, an unum Deum crederent Romani: stultus vero timens sibi erui oculum, duos extendit, indicem & medium, & cum eis pollicem, quasi illi duos oculos eruturus. At Graecus putavit ex tribus digitis significari Trinitatem. Praeterea illum extendisse manum, quasi significaret plana & aperta omnia Deo esse; stultum timuisse alapam sibi dari, & pugnum strinxisse, ut repercuteret; sed Graecum intellexisse Deum ab illo significari, qui omnia manu contineret; & sic existimasse dignos munere, quod petebant. Haec, & similia, non modo fidem ipsa non merentur, sed auctoritatem quoque approbantibus abrogant. Quia tamen eorum vitae ratio, qui de Comitibus Angleriae scripsere, minime persuadet, ea ab ipsis fuisse conficta, sed ex privatis potius ejus gentis monumentis eruta nonnulla, quorum publica omnis memoria interciderat: praesertim in tanta rerum omnium perturbatione, tot civium cladibus, totius urbis incendio, & vastitate: minimeque ra-

tionem consentaneum est, aliarum gentium annales res nostras adeo diligenter attigisse, ut quidquid in ipsis perscriptum non est, falsum illico, aut dubiae fidei habeatur, rem totam in medio relinquentes, ad institutum nostrum revertamur.

Papiae agens Fridericus, solemnem die Paschae coronam Regni Longobardorum, quod non ante subactum Mediolanum facere animo firmaverat, sumpsit; Beatricemque conjugem pariter ornavit: sicque insigniti Reges, & Episcopi, Abbatesque mitrati convivium celebrare; cui interfuere Conradus Caesaris frater, & Henricus patruus Dux Austriae, & Gulielmus Marchio Montisferrati, & Obizo Malaspinga, & duo Guidones Blandratensis, & qui è Sancto Nazario Papiensi familia cognominatur; item Gilius Doarius, & Otho Perficus, & Acerbus Murena, quoniam is Magistratus, hoc est, Potestas Laudensium foret: larga fuit potatio, & abundans epularum copia, quippe in laetitiam & gratulationem praesentis victoriae multa profundeantur: his triduo indulsere.

Tunc adversus Placentinos bellum decretum fuit, quod ne in se mox verteretur dubitarunt Brixiani: atque officio iram hostis praeventiunt: nam sicut olim victa Carthagine, vinci neminem illorum temporum puduit; ita hic, everso Mediolano, herbam dare, collumque jugo submittere tutissimum unicuique visum est: missi itaque Oratores primarii civitatis nudos enses, ut tum mos erat, dextris manibus praeferebant, sese, patriam, aras, focos fidei & arbitrio Caesaris absque conditione dederunt. Accepti in gratiam, ita domum dimittuntur, ut turres, moeniaque destructuros se pollicerentur; fossas aequare; Potestatem Caesaream recipere; pecuniam omnem à Mediolanensibus mutuo sumptam causa belli faciendi, ac insuper sex millia veteris monetae repraesentare; cunctis arcibus, locisque munitis decedere; nomen in militiam, quoties Caesar in Longobardis, Romaeve, aut in Apulia gerere vellet, dare. Haec tum Brixiani.

Soli dehinc restabant Placentini, quibus victoris ira formidini ex merito esse deberet; neque ipsis id dissimulandum erat; sed cujus opera aditum pararent, insinuarentque se, non habebant: subiit demum memoria beneficiorum olim in Conradum Caesaris fratrem publice collatorum. Hunc igitur, & veteris meriti jure appellant, & novis muneribus conciliant; tum intercessore usi, veniam primum impetrant, deinde missis Consulibus, & nobilibus legatis quinto Idus Maji, evaginati ensibus porrectis, deditionem fecerunt: sex millia marcharum argenti daturus, muros, fossasque solo aequaturos, arces dedituros, Potestatem accepturos pollicentur.

Sic universa Longobardia Fridericus Aenobarbus potitur: Potestatesque cunctis civitatibus datæ; & quidem Placentiae Aginulphus primo, & mox Arnaldus Barbavaria, qui in septennium continuavit; Brixiae, Bergamoque pariter Marcoaldus Grumbat, cujus ferme statio Tricii fuit; Ferrariae Conradus Bellanuces; Parmae Aetius; Como Magister Paganus, qui arcem Baradelli pro domicilio habuit; & alii alibi. Mediolano autem praefectus fuit Henricus Leodiensis Episcopus; qui sparsam vicatim multitudinem quatuor veluti in ergastula coegit, pauloque remotius ab urbe, quam sibi ipsi ante elegissent, sedes constituit; his Vigentini, illis Nocetæ, quæ non longe à Caravalle est; aliis Lambrati; aliis ad Carariam; aliis ad Syri Vepam designatis: terminabaturque ejus jurisdictio Seveso fluvio, Legnano, & Busto Garulpho oppidis. Papiensibus autem, ut supra diximus, nec non & Cremonensibus, suis uti Magistratibus permisit: & quanquam idem etiam Laudensibus concessum foret, tamen dehinc praefuisse eis legitur Henricus Suevus.

In-

Interim moniti Genuenses, negotia esse Cæsari cum eis communicanda, miserunt, quæ ea intelligerent, duos Consules Gulielmum Buronum, & Grimaldum, tum præstabiles viros Gulielmum Ventum Marchionem Voltæ, Henricum Auriam, Ogerium Guidonis, Obertum Spinulam, Philippum de Juxta, Bonvasallum Bulfericum, quibus Papiæ honorifice exceptis significatum est, oportere Genuam cæterarum civitatum exemplo, novo sacramento, ætiorique fœdere Cæsareum Imperium recognoscere, multaue alia dicta sunt, quibus libenter acquieturam civitatem responsum est: sed quoniam ipsi mandatum non haberent, non posse fidem ejus obligare. Igitur confestim datæ novæ litteræ, ut altera legatio omnium conficiendorum causâ instrueretur. Veneruntque paulo post duo alii Consules Ingo Volta, & Nivelonus, quos sex primarii cives comitabantur; atque in hæc jurarunt: quoties Cæsar voluerit bello persequi populum Saracenum, Hispanorum Regem, & item Regem Balearum insularum, exacto octennio, quo cum Baleario pax durabat, se adiuturos navibus, viris, armis, bona fide, sine fraude: si vero maluerit in Siciliam trajicere, & Gulielmum Normannum Campania, Calabria, Apulia exigere præsto futuros, neque pacem, induciasve, non consentiente Cæsare, inituros; hæcque viritum affirmaturos cunctos cives ætatis maturæ à decimo sexto anno ad septuagesimum: posthæc privilegia civitatis eis, & Bonifacio gentis Carretæ viro illustri diploma Marchionatus Savonenfis detulit.

Ab his Fridericus iturus in Flaminiam, ex obsidibus Mediolanensibus, qui Papiæ custodiebantur, cæteris dimissis, centum tantum retineri jussit; & eos subinde per singulos menses demutari. Cum autem ad Rhenum Bononiensium fluvium venisset, occurrerunt quatuor illi, quos supra memoravimus, legum interpretes discernendis juribus Imperii, & populorum admotos. Horum gratia, qua apud Ænobarbum plurimum pollebant, freta civitas edoceri eum curavit, quamvis diversarum partium aliquando studiosi Bononienses visi fuerint, tamen à belli consiliis semper abstinuisse, & litterarum studia omnifariam colendo, plus doctrinarum disciplinis, quam armorum certaminibus indulgisse; petere veniam erroribus, vel si multi in Cæsarem peccarint. Eviçtus est eorum sermone, & commendationibus irati Principis animus hæcenus animadvertere contenti, ut pecunia & necessitate accipiendæ Potestatis res componeretur, & quantum muri, & fossæ juberet, complanaretur. Inde Imolam & Faventiam itum, quæ sine difficultate imperata fecere.

Sed supererat adhuc unus in Veronensi Turisendus, qui arcis Gardæ Benaco lacui adjacentis dominus, loci opportunitate, munitioneque confusus Ænobarbo constanter adversabatur. In hunc decretum bellum est, & id geri per Legatos placuit; contractusque exercitus est ex milite finitimarum civitatum, Brixie, Bergomi, Veronæ, Mantuæque, quibus fortiter resistens Turisendus, in annum obsidionem sustinuit: demum, & amicis, & commatibus destitutus, deditionem fecit.

Inter hæc Alexander Pontifex ex Genua in Gallias transiverat, secutique sunt eum Sacerdotes Mediolanenses, & qui nobiles exilium magis pati, quam fœdissimam servitutem, & patriæ miseriam spectare statuerunt. Posita vero querela est apud Regem de adulterino Pontifice; & Friderico Ænobarbo, qui malorum omnium fons, & fomentum, temerare Ecclesiam Dei, & Christianam religionem, cujus summi protectores semper Galli fuere, perdere non cessaret: ac propterea, si unquam aliàs, nunc maxime consilio, manuque Gallica, communi salutis conservandæ opus fore. Rejecta res ad Concilium est, quod brevi legitimum, frequentissimumque indiceretur. Vefontio metro-

A politana & amplissima Sequanorum civitas ad id electa; quamvis alii Divionum scribant.

Quo dum Ænobarbus proficiscitur, Taurini apprehenditur duabus sibi invicem infestis legationibus Genuensium, & Pisanorum, quorum discordiæ causam & originem paulo altius repetere operæ pretium est. Nam multis ante annis cum hi populi bello sese varie afflixissent, in eandem demum compositionem devenire, ut pax in cæteris orbis partibus inter eos esset, nulla vis, nulla fraus fieret: solum in Sardinia bellum duraret: cujus insulæ Imperium sibi arrogantes Pisani, haud contentabantur dimidiam tantum partem recipere: sic diu salvis ubique rebus, jure belli abstinentes, si qua controversia orta est, judiciis certarunt: non temperabant tamen Pisani scurrilibus probris Ligurum, quotiens occurreret, lacerare: demum Constantinopoli, cum magni ex utraque natione mercatores versarentur, plures Pisani, quippe circiter mille, in pauciores Genuensium (trecenti fere non amplius erant) uno tempore impetum fecere; atque à sole orto ad occasum inexpectato tumultu oppugnare: sub noctem cessatum; & data fides, ne qua posthac vis tentaretur: sed illucescente postera die, majore conatu, & Venetis, Græcisque adjunctis, denuo Pisani stationes Ligurum invadunt, effractisque foribus, quidquid mercium, opumque fuit, diripiunt: nec sine cæde tanta rixa patrari potuit.

Indignati supra modum Genuenses, quam primum in patriam revertuntur, injuriam, vim, perfidiam, damna, cædes tota urbe prædicant: non ferendam ignominiam, & quocunque modo querendam ultionem, & persequendos infidos homines, veteresque hostes, clamare: non multis concitandi cives fuerunt, quorum nemo fere expers Constantinopolitanæ cladis fuit. Igitur brevi duodecim triremes armatæ, quibus in portum Pisanum ex improvviso delati, turrim expugnant, ac demoliantur; naves opulenta merce refertas capiunt, & rebus spoliatas incendunt: quatuor aliæ triremes in Sardiniam missæ alteram prædam de Pisanis egerunt: & Otho Ruffus, ob interfectum Constantinopoli filium adolescentulum, quosdam ex nobilioribus captivis ultimo supplicio multavit.

Hinc nova odia, vindictarumque studia inter utrumque populum exarsere; & cum alter in alterius perniciem armaretur, forte supervenit Rainaldus Coloniensis Archiepiscopus, qui Cæsarea auctoritate pollens, tantisper, ut à vi superfederent, hortatus est, dum Cæsarem adirent, eique causam omnem exponerent. Ergo ab Genua cum decem Oratores venissent, in quibus Grimaldus Consul, Lanfrancus Piper, Simon Auria, & Boldizonus Ufusmaris fuere. Hi ita rem suam absentibus adversariis egerunt, & vacuis hominum auribus, animisque impresserunt, ut mox supervenientes Pisani, quorum capita erant Henricus, & Petrus Consules, Rainerius Cajetanus, & Marzochus, & Gerardus Gufredi, toto atrio, totisque ædibus exhiberentur, exploderenturque perfidi, impii, detestabiles vocitarentur: demum tamen auditi sunt: sed festinans Cæsar trans Alpes, judicium in aliud tempus distulit, inducias interim inter eos induxisse, contentus.

F Inde Vefontionem profectus, jam frequentes advenisse Heroas comperit, Regem Francorum, Alexandrum, & Victorem, innumeramque Principum, & Heroum multitudinem, causam omnium maximam, & hæcenus sine exemplo inter duos Pontifices de summo in terris honore audituri. Cui expediendæ hæc ratio adinventæ est; ut uterque quinos expertæ fidei & religionis Episcopos daret, quorum judicio res decideretur: sed mox id periculum subire Alexander renuit, urbeque discessit.

R

Ita

Ita sine effectu dimisso Concilio, Ænobarbus cum Beatrice Germaniam, Victor Italiam repetiit, Cremonæque hiemavit. Henricus quoque Leodiensis Præses rerum Mediolan. Cæsarem trans Alpes secutus, curam urbis reliquit Petro Cuvin avarissimo homini, & in emungendis pecuniis nulla non arte abutenti: nulla fides, nulla pietas illierat. Nec ita multo post Colonienfis Præsul, summa cum auctoritate reversus, Longobardiam, Picenum, Etruriamque peragravit, civitates amicas in officio confirmando, novas ad obsequium alliciendo, demum nonnullos sacerdotum, qui Victori refragabantur, sacerdotiis & opibus multavit. Subsecutus illum est Hermanus Saxonus Verdensis Episcopus, qui causas civiles, appellationesque, Regia auctoritate finiret: sed sub specie ista oves lupis objectæ sunt.

Nam primo Petrus Cuvin permutari captivos, ut Cæsar instituerat, non permisit; morientium sine liberis opes sibi arrogavit; quantum ex quocunque genere vini, tritici, aliarumque frugum libido incessisset, sine discrimine, sine specie coegit; creditoribus pecuniam in numerato dari vetuit; & cum ex antiquis vectigalibus nullum remissum sit, nova etiam addidit; nomine porci per hiemem, subeuntibusque Paschalibus diebus titulo agni, hædorumve miranda extorquebantur. Vomeris item, & quæsito-

A rum duæ partes ex tribus omnium reddituum, item fœni, nucis, & castaneæ tertia exigebatur.

Et cum hæc communis esset omnium populorum conditio, differentius Mediolanenses habiti; quibus tertia tertiæ, hoc est, nona tantum pars relinquebatur. Præterea, quæ in fundis nostris aliena in jurisdictione existentibus nascebantur, varii carpebant Præsides: quæ in Laudensi Henricus Suevus: quæ circa Tricium ultra Molgulam Marchoaldus: quæ in Martesana & Seprio Gozolinus Comes, & Ostiensis Advocatus: quæ in Comensi Paganus Baradelli Præfectus. Sed non minor vexatio & importunitas ex ædificiis fuit: cum & turrim apud Nocetam pro ærario, & Palatium Viglentini, & Moguntia, & Landriani; & in Laudensi ad montem malum, varias arces exstruerent; ad quæ loca cogebatur Mediolanensis turba deportare ex ruinis propriis saxa, trabes, & gratuitas operas præbere. Interea Leodiensis Episcopus, cognito Vicarium suum Petrum Cuvin avare nimis se gessisse, ineunte jam Septembri mense anni sexagesimi tertii eum abrogavit, alterumque dedit nomine Fridericum Clericum à ludo litterario, Grammaticesque professione petitem: qui & præsentis inopia & recenti dignitate impulsus, brevi ditescere nixus, nihilo melior Petro fuit; quæ ille residua fecerat, quæ tertiæ, quartæve nomine miseris relinqui solita erant, nova Charybdis integra absorbuit.

TRISTANI CALCHI, MEDIOLANENSIS HISTORIOGRAPHI, HISTORIAE PATRIAE LIBER XI.

EPITOME.

Ænobarbus veritus, ne Longobardum, in primis vero Mediolanensem, servitutis pigeret, puderetque, & recentis adhuc memoria libertatem se absente repeteret, in Italiam propediem revolvitur. Laudem appulsus, dum S. Bassiani Leipsana in novam urbem ex vetere deferuntur, humerum ipse pia sarcina supponit. Inde Papiam progressus, accepta ob eam rem à populo pecunia, alterum Derthona mandat excidium. Confanoneros ob egregiam in bello fidem atque operam feudis ac vectigalibus remunerat. Moguntiam proficiscens per Mediolani suburbia, exorari se patitur, ut datos obsides diuturno carcere maceratos liberos abire patiatur. Parma postmodum agentem Genuenses à Barisone Sardinia Tetrarcha legati rogant, eam ut insulam eidem Regis nomine tenere liceat. Ille Barisone ad se accedere iussu, adversus Veronenses, Vicentinos, ac Patavinos defectionem ordientes movet: sed illis intrepide occurrentibus, detrectata pugna, Ticinum refugit: & Barisonem nuper appulsu, Pisanis nequidquam obstrepentibus, Sardinia Regem dicit, non absque presenti pecunia; cujus causa Barison à Genuensibus, qui eam numeraverant, in custodia habetur, donec eam representet. Papiense etiam novis juribus ornato, in Germaniam novas in Veronensem copias contracturus proficiscitur. Nobis interim non modo novis in dies vectigalibus, ac tributis fortuna, sed etiam sacra pignora Sanctorum Magorum, itemque Naboris & Felicis, auferuntur: nec mitius cum Placentinis agitur. Pisani Cæsarem prosequuti Sardinia ditionem mercantur: & mox iusta classe Albingaunum improvisti occupant: pradaque navigiis imposita, tectis ad-

E moventignes. Genuensis hoste fuga dilapso, acceptam in continenti cladem in Sardinia vindicat, Pisano nomine insula tota exacto. Alexander igitur Victora quidem vita, Ænobarbo autem Italia digressis, ad Gulielmum Sicilia Regem confugit: Romamque ab eo honorifice transmissus, summa omnium ordinum gratulatione excipitur. Uberto autem Piroveneio in itinere vita functo Caldinum Salam nuper Cardinalem sufficit. Cum interim Fridericus Italia quartum signa infert infesta. Ab Tridentinis saltibus ingruens Brianiano ac Parmensi solo statim incumbit; & evastatis agris, & obsidibus, ne moliri res novas possint, imperatis, Lande subsistit. Interim Genuensium ac Pisanorum discordias suo vitio renatas sedare negligit: ac plerisque Longobardis civitatibus de Magistratum rapinis expositulantibus nullum ultra verba solatium prabet. Inde rursus Alexandro infensus via Emilia ad urbem movet: & aliquibus populatis, alias urbes incusso terrore, pecunia emungit. Eo deinde Ancona obsidione distento, Canomanorum civitates nupera conjurationis exorsa palam, constanterque pertexunt: sublatoque ad libertatem signo, Insubres etiam in fœdus adducunt. Initium restitutionis ab ipso capite Mediolano ducitur, ejus ruinis tum privatis, tum publicis in ades ac munitiones reformatis. Deinde Laudensis nomen in fœdus dare, quia recusat, vexatione cogitur: subinde Triciens ærce Cæsaris ærario in potestatem redacta, pecunia omnis Mediolanum avehitur. Cæsar interim Ancona obsidione soluta, castra propius urbem admovet: & Romana acie primo congressu disjecta, eadem potitur. Alexandro fuga dilapso, Paschalem asserit Pontificem: a quo Imperii decora iterum accipit. Exercitu pestilentia pene confecto, & Romanis

nis fidelitatis sacramento obligatis, Papiam in ipsius fide perseverantem per avia revertitur: & lacertos adhuc movere frustra conatus, in urbibus ultra Ticinum suis identidem sedes quasi latebras mutat. Caladinus Mediolanum ab Alexandro dimissus initum inter Longobardos foedus, causamque Alexandri fovet, Laudensibus, ut schismaticum Episcopum urbe pellant, persuasis. Denique, dum non modo alia in dies civitates, sed etiam finitimi Proceres Caesaris amici foederi accedunt, Guidone Blandratense excepto, cuius ampla ditio hoc nomine foederatorum populationibus vexatur, Enobarbus per Taurinas Alpes Italia tota more fugientis excedit. Foederati, ne Papienses cum Gulielmo à Monteferrato, qui adhuc à Cesare stant, coire possint, & mutuis se auxiliis confirmare, novam trans Padum urbem quasi coloniam collocant, quae ab Alexandro, quem Pontificem coluit, dicta est Alexandria: alia etiam ad commune bonum spectantia in Laudensi conventu decernunt. Alexander Beneventi agens legatos audit tum Graci Imperatoris opem ad Romani Imperii restorationem deferentis, tum Regis Anglorum cadis Thome Cantuariensis crimen ab se removens. Barison in Sardiniam deportatus constituta ratione representanda Genuensibus pecunia, Genuam in custodiam reportatur. Mediolanenses otium nacli veteri urbi inaedificant novam, ambitu undequaque laxato.



DVM sic Itali populi lapidantur, Fridericus tertio ex Germania reversus cum Beatrice conjuge per Octobrem ejusdem anni mensem Laudem se contulit, novumque inter Proceres adduxit Moguntinum Archiepiscopum Conradum Othonis Palatini Comitis fratrem. Eodem mox accessere Victor Pontifex, Aquilejensis Patriarcha, & Abbas Cluniacensis: jam commodum incrementum tam publicis, quam privatis in aedificiis ea civitas acceperat; visaque idonea aedes, in quam ex veteri urbe ossa Divi Bassiani transferrentur; supposuereque humeros sacro oneri Pontifex, Caesar, & cuncti Heroes, donavitque in fabricam Enobarbus triginta libras denariorum, & Augusta quinque.

Tum semi exacto Novembri Papiam itum: ubi ingentem pecuniam conferente populo, concessum est, ut Derthona, ceu in communem contumeliam instaurata, denuo dirueretur: missis extemplo fossoribus cum praesidio, sine labore capta, & solo æquata fuit. Venit inde in suburbana nostra Fridericus, & tertio Nonas Decembris transeunti per Viglentinum obtulit sese multitudo squalida, inops, foeda imbrī, obvoluta cœno, denudatisque capitibus, pauca audire rogavit; ut finem miseriae, modumque afflictis rebus imponeret. Respondit Caesar, nec locum, nec tempus competere, ut quidquam deliberaret: sequerentur se pauci Moguntiam, ubi commodius foret, quæ optarent decernere. Profecti calamitatem edocent, inopiam ostendunt: sed maxime omnium duram conditionem censent eorum, qui carceribus adhuc macerantur. Igitur, quod humani Principes instantibus Christi Dei natalibus noxiis interdum concedere solent, iis ut impertiretur rogant, qui non sua culpa, sed sorte quadam lecti, obsidum nomine jam diu detinerentur. Annuit his Caesar, & ex vultus hilaritate visus est etiam gratuito concedere: sed mox Rainaldus Colonienfis Praeful, & officio Cancellarius, nec non Comes Blandratensis duodenos ex singulis suburbiis ab urbe evocavere, & blandis allocuti innuunt, honesto aliquo munere recognoscendam Caesaris gratiam, quo & in posterum magis propitium reddant; hortan-

A turque, ut ipsi sponte proponant, quantum daturi sint: jucundius fore, quod ultro, quam quod impulsu fecerint. Admirati cives tergiversantur, advolvuntur pedibus, & in gemitus resoluti ostendunt, nihil præter uberes lachrymas, & bonam mentem superesse, quod dare, quod offerre possint: sit loco pretii animus, quem etiam in servili & victa persona non contemnendum esse sapientes prædicant. *Omittamus istam sapientiam*, inquit Colonienfis, *pecunia enim opus est*; & brevibus agendo, jussit eos, antequam recederent, cavere soluturos intra Kal. Februarias octingentas octoginta libras Caesareæ monetæ.

B Inde cum structuram Landriani Palatii visitaret Enobarbus, recognovit merita & fidem egregiam Aloni Papiensis Vexilliferi, eumque, & Gulielmum fratrem, ac Joannem nepotem, & bona in protectionem accipit, legitimumque decernit, quidquid possiderent in Cassiolo, Cerano, Candia, Cottio; & item vectigalia ibidem pendi solita, præter collectionem auri Viglevanensis, & vinarium censum à mercatoribus inter Padum & Ticinum exigi solitum: duratque in hanc diem eorum genus, Candia adhuc, & propinquæ illi Villatae, cujus aedificia sessites annis abrasit, domini: & à signo ferendo Confanonerios posteritas nuncupavit.

C Hinc profectum in Picentes Fridericum lego; & Februarii mense anni sexagesimi quarti apud Faventiam urbem cum Legatio Genuensium apprehendit, ^{A. C. 1164.} cujus principes erant Balditius Ususmaris, Corfus Sigismundi Consules, Bonvasallus Antiochia, & Gulielmus Jordani, qui venerunt sciscitaturi, quid vigore foederis juncti à se agi Caesar vellet, moturus arma adversus Gulielmum Normannum Sicilia Regem: sed tunc perpaucos suorum Fridericus habebat, causatusque absentiam eorum, quorum uteretur consilio, respondit se certiora in Longobardis declaraturum: reversusque Parmam dixit, se trans Apenninum iturum, cupereque propterea adiri se pro dignitate à frequenti Ligurum nobilitate Serzanæ, vel quocunque alio circa portum Veneris oppido: sed nondum Parma digresso superveniunt duo alii Genuenses Legati Philippus Justa, & Bonvasallus Bulphericus, & cum his Hugo Episcopus Sanctæ Juliae, (quæ civitas in Sardinia posita aliquid prisce nominis servat, siquidem Juliolam Ptolomæus describit) qui Barisoni Judici Arboreensi novum titulum quærebant. Etenim quatuor in præfecturas tunc Sardinia dividebatur, quas *judicatas* vocabant, & earum Magistratus Judices: duarum antiqua nomina durant Calaritana Colonia, & Turris Libiſſonis Plinio, Ptolomæoque memoratæ: reliquæ Arborea, & Caluris: in qua re Merula bis deceptus est, qui & tres tantum Insulæ partes existimavit, nec eas distinxit; & qui non Calurim, sed Galluram, secutus vulgarem sermonem, scribit: nec partem Insulæ, sed cognomen nobilis Pisanorum familiae arbitratur.

E Barison ergo Arboreensis, tantum fortasse tunc opibus & potentia æqualibus suis antecedens, ambiendum sibi nomen Regium duxit: & cum non ignoraret Caesarem circa Padum obversari, duosque invicem populos æmulos, quibus ob ingentes mercaturas obnoxius ipse esset, Pisanum & Genuensem, plurimum apud illum pollere, diu anceps fuit, per quem potissimum insinuaretur: tandem placuit Genuensium opera uti, missisque simul Legatis, mentem Caesaris exploravit: demum pro honore adipiscendo quatuor mille marchas argenti paciscuntur: datique ex aula Caesarea, qui pariter cum Oratoribus ad Barisonem ex insula deducendum proficiscerentur, Guido Guerra Intemelienfis, Obizo Malaspina, Obertus Olevanus, & Burgundius Sanctonazarius Papienses.

Interim Ænobarbus, omisso Lunensi itinere, Laudem & Papiam venit, cognoscitque consilia nova agitari Veronæ, Patavii, & Vicentiæ; & pecuniam à Venetis subministrari; timebatque quorsum ea tenderent; promptaque metus causa erat, inhumanitas plusquam barbara, avaritia inexplebilis, sævitia intolerabilis, cum cæterorum omnium ejus ministrorum, tum Comitum Palatini, cui post sublatum Turisendum, donata Garda fuerat: veritus itaque Fridericus, ne latius id malum serperet, præmissis eo Ducibus cum parte copiarum, qui, si possent, & præsentia sua & fama affuturi Cæsaris male cogitantes terrarent, ipse à deditissimis civitatibus Cremona, Laude, Pavia, Novaria Magistratus, & primarios cives evocat, humanioribusque verbis compellans, ut in fide perseverent hortatur, si qua injuste patiantur, querelas ad se deferant, quoniam vel jure, vel compositione rebus confuleret, adeo conscientia sua terrebatur, ut etiam de horum fide dubitaverit. A quibus cum bono animo esse juberetur, & tuta omnia, & officii plena esse responderetur, in Veronenses iter init, & quoniam perexiguas ex Germanis copias haberet, quotquot possint, Longobardorum se sequi jubet. Et jam præmissi Duces Rivulum & Aspendium permunitas tunc arces (nunc vix earum nomina extant) occupare. Quarum defectione, vel majestate jam adventantis Cæsaris nihilo territi conspirati, magno illi animo, paribusque viribus se opponunt; explicatisque aciebus ostenderunt, quibus cum res ei futura esset. Quibus perspectis, diffusaque paucitate suorum Ænobarbus, non sine ignominia detrectati certaminis recepit se retro, & silentio collectis vasibus Papiam rediit.

Quo tempore pariter reversi ex Sardinia Legati Barisonem adduxerunt: & constitutis, quæ ad rem necessaria erant, tertio Nonas Augusti in majori æde sacris rite peractis, coram Cæsare in solio sedente statuerunt, cui Fridericus coronam imposuit, & reliquis ornamentis decoratum Regem Sardorum pronunciavit: inde triduum ludis, venationibus assumptum; & interim mensæ, epulisque Cæsareis Barison adhibetur: id quod ægre tulere Pisani; quia in eo negotio postpositi Genuensibus erant. Itaque non temperare, quin Cæsari ipsi factum ut iniquum exprobrarent, suamque esse vetustissimo jure, possessioneque, Sardiniam asserentes, Barisonem ipsum non solum vectigalem suum in Arborea regione, sed rusticum quondam inopem paulo ante ab aratro productum casu ignoto emeruisse in dignitatem, quam nec integram teneret, objecerunt. Non tulere probrum, indignaque convicia legati Genuenses: & jam relicta Barisonis causa, quem pernobilem ac prædivitem Tetrarcham probarent, & ex illius ditione quotidianum victum querere Pisanos dixerunt, his congregiuntur: *Vestram, ô Pisani, vos jactatis esse Sardiniam, & id coram Cæsare, nobis spectantibus, audientibus? quo jure, quo merito, quibusve armis, aut quo tempore paria vobis insula est? an ignoratis, obscurumve apud exterarum nationes est, Ligurum Tyrrheni maris dominum late imperio aquarum, insularumque potiri? & ut de hac ipsa terra agamus, nonne satis exemplo est Mussaytus Caralitani promontorii tyrannus, quem avorum memoria aditu insula nos prohibere conantem, & navigantibus omnibus infestissimum piratam aperto bello persecutissimus, victumque, & in potestatem redactum duximus in triumphum, ac inde in Germaniam ad Romanum Cæsarem misimus; ex qua victoria non solum pax nobis, & quies in Sardinia fuit, sed consensu etiam gentium hoc tributum genus nobis constitutum est, ut quotiens peregrinus mercator in Sardo mari occurrat nobis, sponte offerat, & ut accipiamus, hortetur, clypeum pane plenum, binas piperis pixides, & totidem vini amphoras: id quod fecere Itali, Siculi, Afrique*

A homines, atque in primis Calabri, Apuli, Neapolitanique negotiatores, qui centum abhinc & quinquaginta annis nostra maria versarunt. Adde quod sub festum Resurrectionis Dominica Judex Caralitanus Genuensi multitudini, qua in insula sit, quotannis tantum casei tribuit, quantum duo juncti boves carro vehere possint. Præterea magna reddituum pars, quibus Ecclesia nostra prædives est, in Sardis sita est.

Quibus auditis, parantes responsum Pisanos ultra non tulit Fridericus, ac iis tacere jussis, ornando, ampliandoque novo Regi intenderunt; triduoque jucundis rebus exacto, declaratur Barisoni, numerandam esse Cæsari pecuniam: fatetur is debitum, obnoxiumque semper Cæsareo numini se futurum dicit: sed propter inopinatum suum ab insula recessum, & factas expensas, non esse sibi in præsentia facultatem: fidemque obstringit, se quamprimum omnia ab domo missurum: sed surdis auribus fabulam canebar; affirmatur enim, cum Pavia non digressurum, donec argentum repræsentetur. Inops re, consilioque ad Ligurum convertitur: & quos auctores dignitatis habuerit, iidem ut conservent, rogat: denique mutua conceditur: qua per soluta, Genuam petit, ampliterque acceptus gratias collati, cumulatque in se beneficii agit: tum de pecuniæ cautione tractatum, quæ cum præsens nulla ratione esse posset, insuper adjuncta est impensa classis, qua novus Rex ad insulam transportaretur: sed injuncta Præfecto cura est, ne prius in terram cum exponeret, quam satisfactionem accepisset: nam non parum suspicionis ex eo Rex ipse fecerat, quod Pisanum scribam officii causa forte Genuam secutum secreto à Patribus in colloquium admiserat. Nec vana eorum suspicio fuit; siquidem posteaquam ad insulam perventum est, crebris nunciis in terram dimissis, non nisi verba & procrastinationes numerandæ pecuniæ renuntiantur: mox cognitum ex industria necti moras, pararique insidias; propterea quod & in proximo nemore frequentes convenirent armati, & non procul in mari visa fuisset Pisana classis, quæ si propinquaret, haud dubie vim faceret. Adeo ingeniosi fuerant Pisani, ut quem pugnando deprimere non potuerant, obsequendo, demulcendoque, & qua ratione Genuensem pecunia intervertere posset, insinuando, reconciliaverint. Sed non processere doli. Ligur enim ductor ut ea cognovit, sublatis anchoris Genuam renavigat, & creditoribus regem victum tradit.

Inter hæc Victor Pontifex Lucam profectus moritur, cui asecularum suffragiis, intercedenteque Rainaldo Coloniensi Præfule, sufficitur Guido Cremonensis, quem Paschalem tertium vocare.

E Eodem tempore Fridericus ut Papiensium animos magis sibi obnoxios redderet, novum privilegium dedit, quo & Consules suos tam publicis rebus, quam juridicundo eligerent; & ex fluminibus aquas pro irrigandis prædiis ducerent, Ugonia, Tordubio, Ticino, Olona, Barona, Coirono, Staphola, Cadrona: additum, ne quisquam in Ticino Plumbiam usque pontem fabricaret: qua ratione Mediolanensem jure amnis excluderent, cujus longitudinem Plumbia fere terminat: item sancitum, ne Laumellum oppidum unquam in posterum instauraretur.

F Tum memor acceptæ in Veronensi ignominie Cæsar, per Septembrem mensem in Germaniam ad comparandas majores copias contendit; secuti que sunt Pisani Oratores, quos Sardinensis causa angebat: nec destitit ambiendo, obsecrando, pecuniam maximam pollicendo, donec totius insule ditionem impetrarunt. Exstat diploma quatuor, quas supra retulimus, præfecturas complectens.

Interea Mediolani novis vexationibus, novisque tributis populus exagitari: nomine mansionis quotannis

annis viritim tres solidi exigebantur; in singula boum juga nummi duodeni; & in singulos focos totidem; ex molis frumentariis, quæ navigabili amne versarentur, viginti quatuor; ex aliis tres solidi veteris monetæ; piscatores, maxime inops hominum genus, tertia piscationis parte intervertebantur; aucupes & venatores tota præda & gravi ære multati, flagris insuper cædebantur.

Auxit temporum calamitatem rei sacræ longe omnium eminentissimæ jactura. Erant trium Magorum, qui Christum Deum recens natum adoraverunt, corpora in suburbana Divi Eustorgii æde prægrandi sepulchro, quod & exstat, clausa. Quorum excellentiæ admonitus Rainaldus Præsul ea, simul & ossa Naboris & Felicis, quarto Idus Junii sustulit, & in suæ Diocesis Metropolim transfudit, ubi adhuc summa populorum veneratione coluntur.

Augusto mox mense Henricus Leodiensis Episcopus Papiæ moritur, cui in Præfectura Mediolanensi sufficitur Marchoaldus Grumbrach, & illi Ruynus in Triciana: bimestri post pervenit ad Nocetam Marchoaldus, cui ob recentem honorem prægrandis scyphus pecunia plenus dono à populo Mediolanensi datur: æstimatio argenti fuit quatuordecim millium librarum. Tunc omnibus in verba sua adaectis, Vicarium posuit Abbatem Cæli Aurei Papiæ, cui socios exigendis tributis addidit Henricum Arbeliam, Nordanum Scacabarotium, Anselmum Hortum, & Aliprandum Judicem, qui miserorum reliquias vorantes, verbis insuper illudebant; & nova vectigalia excogitabant, ut in præta jam secta, & nemora incisa, & terras infra viginti annos cultas; librumque confecere, qui à re ipsa, *Tristium* nuncupabatur: in eo relata debitorum nomina, & quid quisque pendere teneretur. Præterea mille lignorum plaustrea exacta, quingentique porci, & fœnum, & pulli, & coacti gratuitis operis trabes, faxaque etiam Papiensium (quod maxime cruciabat) condendis domibus, palatiis, villisque convehere.

Idem annus insignis fuit bis sexto & defectu lunæ, quamvis duodecima tantum esset, postridie Nonas Junias. Egelida quoque hiems fuit, & notatum ab Idibus Decembris duodecies cumulatam nivem, incubasse terris, in Idus usque Martias subsequentis anni sexagesimi quinti; ad eamque diem nullos coli agros potuisse: atque inde in Julium usque mensem nulla res memorabilis acta.

Tunc Marchoaldus duodenos ex singulis Mediolani suburbiis viros Moguntiam evocat, & coactos in concionem docet, oportere intra viginti dies quadingentas nummorum libras expediant: à quibus etsi difficultates allegarentur, mox tamen traditæ sunt: reliquorum tributorum viriles portiones qui in tempore non pendebant, in duplum damnati; alii totis prædiolis multati sunt.

Tunc quoque Arnaldus Barbavaria Placentinorum Potestas decessit, non sine opinione infinitæ, quam brevi congestisset, pecuniæ; cum à duobus tantum civibus Hugone Speronis, & Alberto Malnepote undecies mille marchas argenti extorsisset fama fuerit; & Divi Antonii templum tunc donariis opulentum spoliaverit; & in implendis fossis urbis, & condendis turribus, quas omnes ad altitudinem viginti brachiorum depreffit, multa alia exegerit.

Cæterum Pisani privilegio Cæsareo tumidi, quinque & viginti triremes armant: & improvisti Albingaunum petentes, eam urbem diripiunt, atque succendunt, & præda navibus imposita abeunt. Genuenses ea re audita, confestim duplo majorem classem armant, atque eodem navigant; sed jam digressum hostem, qui altum petiverat, & fumantia tecta invenere. Inde ergo in Sardiniam vela di-

A/rigunt, & capta Arborea præfectura, ad Caralitanam transeunt; cujus Judex Petrus imperata facere coactus, decem millia nummum persolvit, ac tributum annuum centum librarum argenti Fisco Genuensi, & unius mensæ Archiepiscopali pollicitus est: tuncque Pisanum omne nomen tota ditione exactum.

Ineunte mox anno sexagesimo sexto Alexander Pontifex per mortem Victoris, & absentiam ^{A.C. 1166.} Ænobarbi, oblatam sibi occasionem cernens rei gerendæ, ad Italos redire constituit: atque ex mediterraneis Galliarum urbibus præmissis ad Narbonensis Provinciæ littus Cardinalibus suis, & Mediolanensibus exulibus, parata navis oneraria est ad Magalonam urbem, quam ex situ & nomine affinitate opinor à prisca Agatham, & interim Agathopolim vocatam. Cum mox Pontifex navem adscendisset, prospectæ procul sunt advenientes Pisanæ triremes; quibus visis, referri in terram se Alexander jussit; & illi accedentes, cognito illic non esse Pontificem, sine injuria recesserunt. Tum iterum conscendit Alexander, & prosperam navigationem precatus, oram solvit, brevique Messanam Siciliæ urbem delatus est: quod ut Gulielmo Regi nuntiatum est (is tunc Panormi agebat) statim legationem amplissimam cum muneribus misit, quæ adventum gratularetur; ac deinde quinque triremes expedit, quibus Alexander Salernum, & inde ad Tiberim transmissus Romam subvehitur: ubi summa populi, Clerique lætitia exceptus, & cœu novum sidus adoratus, in ædes Sancti Pauli diversatus est.

Interim magna pars peregrinorum, & in primis Mediolanenses sacerdotes maritimum iter pertæsi ab Salerno Beneventum transiverant: hic Ubertus Archiepiscopus senio, morboque solutus naturæ concessit; ibidemque in Sophiæ templo tumulatus. Ei Alexander decimo tertio Kal. Majas rogatu omnium, qui aderant, successorem dedit Caldinum Salam Archidiaconum, multis virtutibus & doctrina præditum, & quem paulo ante ordine Cardinalium sub titulo Sanctæ Sabinæ donaverat. Ita exiguo intervallo duos amplissimos honores calamitatis & exilii solatia Caldinus accepit. Et eodem tempore Mediolani Præses Marchoaldus moritur: cui Henricus Disce Comes Potestatis nomine subrogatur; eique statim mille & quingentas libras enumerari oportuit.

Alexandri vero adventu multi ad spem rerum novarum erecti sunt. Et Ænobarbus Longobardorum rebellionem veritus, quam primum ad eos contendit. Veniens igitur per Tridentinos saltus, Beatrice uxore comitante, Novembri mense quarto in Italiam descendit: ex itinere Brixianorum, Parmensiumque agros evastavit; & quod de eorum fide dubitaret, sexaginta obsides imperavit. Laudæ conventu habito, de petenda Roma, pellendoque iterum Alexandro deliberavit. Interim populi, quibus superbe avareque nimis imperabatur, circumfusi expostulant injurias, deplorant verbera, cædes, extorsiones, vitamque qualibet morte deteriore. Mirari se ista Fridericus, & nova videri, & si vera sint, præter voluntatem suam fieri, respondit: daturumque se operam, ne quis impune auctoritate abuteretur. Mite responsum spem hominibus dedit, acta castigaturum: sed nulla re mutata, nullo admonito, ut saltem in futurum humanius agerent, opinio invaluit, in victoria Barbaros nihil minus, quam subditorum commoda curare, nulli magis rei, quam pecuniæ studere: nam nihil postea injusti, nihil impii fuit, quod non licere sibi arbitrarentur; quod admittere non auderent. Miranturque temporum illorum scriptores, tantam hominibus patientiam fuisse, ut taciti omnia ferrent, ut nemo ferrum in prædones illos verius, quam

quam Magistratus, strinxerit: nemo hiscere audebat, nemo à terra tollere oculos, cum & paucissimorum colloquia suspecta forent, nocturni conventus prohibiti adeo, ut si quis ultra crepusculum domo exiisset, fustibus caesus, pecunia insuper mularetur: teterrima ubique servitus erat.

Cæterum Gulielmi Marchionis Montisferrati soror, nupta præpotenti cuidam Saraceno in Hispania fuerat: ex ea natus nepos eodem nomine Gulielmus jam adultus, per hæc tempora ad salutandum avunculum venit, non paucorum equitum manu comitatus. Hujus adolescentis præsentia, & vicini Cæsaris opinione Gulielmus Marchio insolentior factus, tum prodicionibus fretus Palodium Genuensis ditionis oppidum invadit, & brevi potitus est. Detulere Genuenses querelam ad Cæsarem, qui nihil aliud decrevit, nisi ut Palodii pretium Marchio persolveret. Quo responso indignati Ligures, ne id quidem accipere voluerunt. Hic Pisani subjunxerunt, ut Cæsar juberet, illos Sardinia decedere, qui infensi jam essent, & ubi amicos se ostendunt, nihil nisi verba afferunt; se vero & gratis aliàs multa officia exhibuisse, & novissime, quia Christianus Moguntinus Archiepiscopus Augustali nomine dominos insulæ nuncupaverit, sacramentum exegerit, tredecim millia marcharum argenti persolvissè: æquumque censere, ut id Cæsar ratum haberet. Aderat Moguntinus, affirmavitque omnia.

Quare conversus ad Ligures Ænobarbus, ut de cætero Sardinia abstinerent, monuit: sed minime æquis auribus accipere Uberrus Spinola, & Simon Auria, quibus quamvis calor animi graviora suggereret, mox tamen composita mente sic locuti sunt: *Sine fraude liceat coram Cæsare verba facere, & conceptum animi exponere, aqua præsertim & iusta petenti: contraria qui foveant, qui appetunt, erubescant penitus, & ab aula recedant. Non desunt Pisani & tibi, & nobis pariter molesti esse; favore tuo recuperare Sardiniam nituntur, quam & civili, & belli jure amiserunt: nam novissime etiam quasiti à nobis tota in insula, inventi non sunt: certe aut sponte cesserunt nobis, aut ubi signa nostra fulgent, comparere non audent: nam quod recens conventa cum Moguntino Præsule pratendunt, habeant sane, utantur diplomate, si à nobis te cum ipso inita non anteponenda sunt, si nihil Cæsaris fides, & iusjurandum valet: adhuc in viridi littera est, qua te nullam pacem, nullum compositionis genus cum Pisanis initurum recepisti, nisi consulta, assentienteque civitate Genuensi; & nisi Pisani quingenta millia librarum persolverent: & de Sardinia ipsa Barisonem propria manu coronasti; alios nunc dominos nuncupare æquum non videtur: & à majoribus accepimus, non solere Cæsarem duobus eadem de re privilegium conferre: nec jactandi gratia dictum sit, multa sæpe nobis oblata fuisse, quæ cum Pisani juris esse cognosceremus, accipere nolimus, ne boni vicini aliena usurparemus, quemadmodum jam tandem eos facere deceret: nam si jure contendunt, tolle Cæsar editum, nec verbo tuo præjudicium feceris, & quibusvis Aula Heroibus causam judicandam committe, aut tute ipse cognoscas.*

Surrexit ad hæc Cæsar, & dextera pileum tenens, *Vera te, Uberrite*, inquit, *fari arbitror, & conventorum inter nos memini, & propterea insula non pello: veruntamen quæ Pisanorum sunt, vobis tribuisse nolum, nec, si quid Barisoni datum est plus, quam jus, fasque sit, intelligi oportet.* Victi hac oratione Pisani, haud tamen quiescere; sed probris Ligures lacerare non cessantes, fidem suam, devotionem, adita pericula ob nomen Cæsareum jactabant: denique facta oblatio est, ut armis altercationem finirent, pari modo pugnantes: jus victoriam sequeretur: tractata res diu verbis evanuit: mox decretum, ut Colonienfis Archiepiscopus

utramque civitatem adiret, resque componeret; quod ille nec executus est.

Peracto Laudæ conventu, Fridericus tertio Idus A. C. Januarii anni sexagesimi septimi, quamvis insolita¹¹⁶⁷ frigora prodigiosa, id est, duorum cubitorum altitudinis nives induxissent, iter tamen Romam versus capit. Bononiamque profectus, cum civium fidem nutare dubitaret, illorum fines populatus non ante reliquit, quam centum obsides acceperit, quos Parmam in custodiam misit; item sex mille libras Lucensis monetæ exegit: tum per Flaminiam incedenti, ut à maleficio abstineret, pecunias dabant Forum Cornelii, quæ jam inveterato vocabulo Æmilia dicitur, Faventia, Forum Livium: inde obsidendæ Anconæ cura implicatur.

Interea in Longobardis varii rumores, arcanique susurri novarum rerum circumferebantur, quibus territus Henricus Disce Mediolanensis Potestas centum ex primariis viros describit, quos ire in carceres Papiam jubet; simul ingentem pecuniam imperat: persolutæque quingentæ libræ: mox cum certior fama insonaret auribus, circa Venetiæ & Cænomanorum civitates fœdera jungi, exercitus scribi, ad pileum, ad libertatem fervos vocari, ex iisque omnium animi nova expectatione suspenderentur, Henricus, ut Mediolani coetus cohiberet, & ab his studiis territaret, diversos viros Papiam captivos mittit; mox centum alios imperat; ignem tectis rebusque minatur.

Verum industria & simulatione quorundam procrastinata res est tantisper, dum omnia in apertam mutationem venerunt: namque brevi ex Transaduanis regionibus advolarunt armatorum agmina, quæ pulsas, cæsis, captis Friderici Cæsaris nomine agentibus, Italiam fœdo Barbarorum jugo liberarunt. Conspirationis auctores fuerunt exules Mediolanenses, & civitates Brixia, Bergomum, Cremona, Mantua, Ferrara. Cum quibus ita cautum est, ut quoniam Mediolanum caput, & emporium universæ Longobardiæ foret, illud in primis restitueretur; plebes suæ reducerentur, præsidia non prius inde recederent, quam ipsimet se undique tutos judicarent: idem erga reliquos socios futurum, & mutua fore auxilia, quacunque hostis ingrueret.

Igitur, quod faustum utileque fuit, quinto Kal. Majas diutino magis quam longo postliminio iis adjuti copiis cives nostri in urbem revertuntur; notos quisque lares repetunt, quamvis informes, squalidos, muscosos subeunt, rudera moliantur, tecta obducunt; dumque privata reficiunt, minime negligentes in publicis se præbent: siquidem fossas repurgant, vallum erigunt, ac cætera gnæviter peragunt, quæ præsentī necessitati conducere videntur. Nam & Laudensium vicinitas, quanti referret in primis æstimata; laboratumque enixe est, ut hi quoque in societatem venirent: & quia perdifficile id futurum non ignorabant, eam curam susceperunt Cremonenses, quibus vetus amicitia & multiplex necessitudo cum illis intercedebat; ac proinde major fiducia tentandi eos inerat.

Profecti igitur Oratores vocatis in concionem Laudensibus, quid actum nuper sit à Longobardis populis, & quæ civitates nomina dedissent, quæque propediem expectarentur, exponunt: & quibus Præsidum injuriis, contumeliisque coacti ipsi coeuntibus in fœdera accesserint; amare se Laudenses, pro quibus & sæpe arma tulerint, & cum hostibus pugnaverint; cupere nunc quoque se eis utiles socios esse, ac propterea, hortari, rogare, ut & ipsi transirent in partes; non tam quidem Cæsari repugnaturi, quam cum aliis non passuri, injuste, indigneque à barbaris hominibus & se, & vicinos populos amplius lacerari: obtestantur insuper, ne com-

communi libertati deesse velint; ne ob aliqua unius civitatis odia universae Longobardiae stragem, calamitatemque nutrant: hoc uno merito posse cuncta praeterita aboleri; non semper eadem tempora esse; nec aeterna inter homines emanare odia certum est.

Abhorruere statim, abominatique sunt ista Laudenses, & increpantes proposita, mirari se admodum haec à Cremonensibus non solum dici, circumferrique veteribus sociis atque amicis, sed vix cogitari potuisse, qui tot sacramentis adstricti, innumeris beneficiis aucti, benignum, clementem, liberalem Caesarem experti essent: proinde faceissent, & prudentia magis, utilioraque cogitare dominos suos juberent.

His auditis Cremonenses non dubitavere iterum idem experiri, secundamque in eam rem legationem misere: sed his multo acerbius à Laudense responsum est. Quae sociis civitatibus significata, commoverunt omnium animos, ut decernerent, aut statim habendam amicam Laudem, aut inimicam nocere non posse. Terrestres, navalesque copiae undique accersuntur, machinae expediuntur: mittitur interea tertia legatio, quae, & dicta prius repetat, & excidium urbis denunciaret, nisi propositum cedant: exposita haec Laudensibus moestam quidem multitudinem fecere: sed cum infideret animo Caesarem nomen, à quo & novae sedes datae, nova civitas condita, libertas constituta, dimoveri sententia non potuere: juvat gratos esse, juvat extrema quaeque tantis pro meritis subire.

Interea Lambertus Caesaris Procurator, & Comes Lantelmus Cremenensis, & Manfredus Murena, quatuorque alii equestri dignitatis viri Papiam ad explorandos ejus populi animos proficiscuntur. Longobardi vero desperata Laudensium pace, bellum eis quarto Idus Majas inferunt; totis agris hostiliter discursant; tum propius urbem copias contrahunt: erumpunt in hos oppidani, multasque stationes obsidentium perturbant; quin & pontem in Addua fabricant, quo ab altera ripa juvari com meatibus possint: confugerat autem intra urbem ingens agrestium turba, & omnis generis pecora, jumenta coegerat, quae jam deficiente pabulo moriebantur: eademque necessitas jam homines comprehendebat, cum tandem impulsis fame, simul quia nondum reversis Oratoribus à Ticino, Papiensem in partes transivisse quodam rumore vulgatum est, animo flectuntur: mittunt ad Duces hostium, qui dicant, se optata facturos: benigne recepti conficiunt tabulas, quarum formula adhuc extat: *Socia civitates Mediolanum, Cremona, Brixia, Bergomum, agrum Laudensem ab omni injuria tutum praestarent: civitatem ipsam qui defenderent, ubi vis ingrueret, mille & amplius viros armatos propria impensa darent; moenia ejusdem lata duo, alta duodecim brachia construi adjuvarent; decima olim Mediolanensibus praestari solita, amplius non pendatur; libera quoque foret terra, quam tenent trans Adduam Mediolanenses à ponte Fanzagi ad Castrum Episcopi Cremam versus, & à Juvenico veteri versus Cremonam liberos commeatus, liberamque mercaturam à vestigalibus civitatum, liberamque Padi navigationem aque ac Papienses haberent; & ante omnia pax à Pontifice impensa sociorum redimeretur. Contra Laudenses socios non laderent, nec etiam Mantuanos; bello & pace adjuvarent Venetum, Veronensem, Vicentinum, Patavinum, Tarvisinum, Ferrariensem, Parmensem, Placentinum, & si qui alii nomen in foedus darent; & id quidem salva fide Friderico Caesari dicta.*

Quibus constitutis, obsidionem solvunt; & sine intermissione Tricium ducunt: cujus arcem muro crassissimo Germani munierant, & turrin altissimam immanibus saxis quadratis inaedificaverant.

A Durat adhuc mirandum opus, in quo Caesarem gazam Ruinus Praefectus aservabat: hanc obsidione cingunt, muralibus machinis quatunt, ponte Adduam jungunt, & in altera ripa necessaria expediunt. Inanes tamen conatus omnes cessere, quoad quae mandi possent, suppeditarunt. His deficientibus, victa arx est, & tandem decimo Augusti die dedita. Ruinus, & Germani, paucique Longobardorum cum pecunia multo studio & diligentia congecta Mediolanum perducuntur.

B Dum haec in Longobardis aguntur, Fridericus circa Anconam in Julium mensem frustratus desidet: mox pactus pecuniam, & quindecim obsidibus acceptis, Romam versus pergit. Praemissi Antesignani duo Archiepiscopi Colonienfis & Moguntinus; tum Robertus Basavilla, Andreas à Rupcanina, Macharius Comes, & alii Proceres Tusculum pervenerunt, majore longe fama, quam res foret, adventantis exercitus Romam usque transmissa: vix enim mille bellatores equites cum forent, supra decem millia esse jactabantur: discordabant tunc forte à Romanis Tusculani ob tributum, quod solito gravius petebatur: idque tanto constantius pendere hi recusarunt, quo praesentiorum opem ex propinquitate peregrini exercitus, alioqui Romanis ob receptum Alexandrum Pontificem infensi, sentiebant: ergo Romani, ut his occurrerent, quantas maximas possunt copias contrahunt, (ad triginta millia armatorum coivisse, proditum est) quae Tusculanorum fines incurrunt: objicit se his Germanus exercitus, diuque ancipiti Marte pugnatum est. Cumque jam multi utrinque cecidissent, & Romanus multitudine praevaleret, haud cunctandum diutius ratus Colonienfis Praeful, Aquilam de manu signiferi rapuit, & clamans, *O Commilitones hac iter nobis est*, medios in hostes irrupit: secutique cum robustissimi juvenum tanto impetu sunt, ut irruentes nemo sustinuerit: repente fuga facta, memorabilem cladem Romani accepere: nam supra duo millia intersectorum, & tria captivorum desiderata fuisse referuntur, qui Viterbium in carceres ducti: nec mora Alexander relicta Roma, Beneventum se contulit.

E Ænobarbus autem audita suorum victoria, Tusculum nono Kal. Augusti ingressus, Romam lætus accessit: simul ad amicas civitates, Pisas, Genavamque scribit, ut quamprimum auxilia pro viribus mitterent, quibus deficientium suorum numerum suppleret. Et Pisani quidem ne rivalem Ligurum haberent, integrum ipsi numerum polliciti sunt. Cæterum Friderico quamvis nonnulli adhuc sese opponerent, tamen potitus urbe, Paschalem introduxit; & ab eo circulo primum aureo, deinde diademate amplo, gemmis margaritisque fulgente, simul cum Beatrice coronatur: tum in urbem procuratores dimittit, qui à populo sacramentum exigent: quæ dum fiunt, nubes atra clarissimam matutini cæli lucem infecit, & ex ea densissimus imber effusus, subsecuta iterum serenitate repentina, peste aerem contaminavit: maxime noxius peregrinis morbus fuit, adstrictisque vitalibus, sine mora homines moriebantur: ac tam frequentes cadebant, ut vix officium vespillonum sepeliendis cadaveribus sufficeret. Invasit quoque exercitum Friderici pernicialis lues, nec in gregario solum milite perbacchata est, sed in Proceres etiam, & honestos viros desæviit: supra duo millia Nobilium in rationem Libitinæ venisse memorantur: inter quos Fridericus Rotemburgensis Ænobarbi ipsius patruelis, Guelphus Guelphi Ducis filius, Colonienfis Archiepiscopus Rainaldus, Carolus Conradi filius, Henricus Leodiensis Episcopus, & complures alii, quorum nomina litteris non sunt tradita.

F Acerbus quoque Murena scriptor noster diu febri affli-

afflictus, tandem juncta duobus equis lectica in patriam redire constituit: sed Senas non excessit; ibi namque prægravante morbo, defecit XIV. Kal. Novembris, viaque Æmilia sepultus, quæ quidem sacra recipiendis peregrinorum cadaveribus habetur. Vir fuit honestissimi ingenii, industria, & probitate Cæsari gratus, & ut olim Mediolani, sic nunc quoque Romæ inter procuratores exigendi à populo sacramenti delegatus.

Jam nimia suorum clade deterritus Ænobarbus, infecto cælo cedere constituit: relictoque Viterbii Paschale cum iis, qui pauci supererant squalidi, macilenti, abradi capite, Pisas & Lucam contendit: ad Macram amnem cum appropinquaret, claustra Pontremuli oppidi ab inimico populo occupari intellexit, quominus Apenninum transfret. Igitur adscendit montana Ligurum, & per difficillimos calles erranti præsto affuit Obizo Malaspina, qui propriæ ditionis per oppida ductum, equis, pecuniaque adjutum, Papiam perduxit pridie Idus Septembris: ad quem statim Gulielmus Marchio Montisferrati, & Guido Blandratensis convolare, rerumque statu cognito, quantascumque possunt copias, contrahunt; quibus in agrum Mediolanensium emissis, qua ad Ticinum campi patent, populantur. At sociæ civitates promissa auxilia Mediolanensi submittunt, quibus adventantibus copias Fridericus Papiam revocat, & trans Padum in Placentinos ducit: sed ibi nulla re memorabili gesta, cis Padum reversus Mombriionem adurit: nec aliud per eam hiemem egisse traditur, quam subinde veluti mutando latebras diversatum Novariæ, Vercellis, Astæ, & in Monteferrato; cum paucitate suorum diffusus, & magnitudine virium adversariorum uno in loco consistere non auderet.

Interea ad confirmandos amicorum animos, & novos conciliandos, erigendumque statum religionis ab Alexandro Pontifice Caldinus Mediolanensium Archiepiscopus dimittitur. Is navigio Venetias delatus, inde mutato habitu ad urbem venit: cujus in ingressu sumptis insignibus amplissimi Sacerdotii, summa omnium lætitia & gratulatione accipitur. Nonis Decembribus in ædes Ambrosianas deductus est, ubi admissis Reipublicæ Præsidibus, & quo in statu res forent, & quæ agenda superessent, dixit. Satisque pro tempore his compositis, ad Laudensem Ecclesiam animum dirigit: mittit, qui doceant Paschalem illegitimum, adulterinumque Pontificem esse; Ænobarbum quoque impium & detestabilem, qui vitio creatos Sacerdotes foveret; Albericum pariter Melinatem, qui pro Episcopo à Laudensibus colitur, indignum esse, qui sacra tractet. Quibus auditis, Laudenses frequenti concione Albericum Episcopatu dejiciunt, acta rescindunt; & Albertum Ripaltæ Siccæ Præpositum, qui magna virtutum opinione vir, in Bergomatibus tunc agebat, deligunt; accersitumque, & auctoritate Alexandri institutum in sede locant. Quibus peractis confirmata pax Laudensis est pridie Kalendas Januarias subeuntis anni sexagesimi octavi, auctoritate decem Mediolanensium Consulium, Manfredi Sorefinatis, Petrotii Marcellini, Arialdi Cribelli, Alberti Carati, Malfiotii Hermenulphi, Gerardi Cacapisti, Oldradi à Basilicapetri, Andreoli Crucei, & duorum aliorum. Subinde Novaria, Vercellæ, Parma, & Obizo Malaspina cernentes novam Longobardorum societatem in dies validiorem fieri, & Ænobarbum inopem ludibrio populis esse, in partes concesserunt.

Unus infensum servabat animum, cujus auctoritas & potentia formidabilis erat, Guido Blandratensis. Nam Cæsareo diplomate ejus ditioni attribuantur septem & triginta Novariensium oppida, & quibus clariora referre haud incongruum judice-

A tur: Blandratum ipsum, Guilelmgum, qui nunc Vicus Longus dicitur, Cavalianum, Berenzagum, Olegium, Briona, omnes accolæ Sessitæ annis, quem jam diu vulgus *Sicidam* vocat, Comitatus Ossolæ vallis Magiæ, quæ non longe à Verbano lacu Alpes Germanicas attingunt, tum Massinum, Camodegia, Mons Acutus, tota Ticini ripa à Verbani ostio, usque Ceredanum; & in adversa ripa Castanum, & Lonatum. Igitur tam potentem, & in visceribus constitutum inimicum non sic ferendum decernunt. Ineunte vere contractis copiis caput ipsum, & domicilium Guidonis Blandratum appetunt, & obsidione cingunt; reliqua populando vexant. Quibus cum nullam opem ferre posset Ænobarbus, ne diutius dedecora sua spectaret, Italia cessit; perque ditionem Uberti tunc Sabaudia Comitit, cui pater Amadeus fuerat, profectus, mense Martio in Germaniam penetravit. Nam & paulo ante Paschalem morte amiserat; & illi quamquam infausto Joannes Sirmiensis è Pannonia Tusculanorum tunc Episcopus suffectus fuerat. Ænobarbi autem recessu cæteræ Longobardæ civitates Asta, Segusio, Comum, Comites Seprienses, & Belfortenses foederatis accessere.

Et quia Monsferratus adhuc, & Papia alienum, implacabilemque animum ostendebant, providendum censuerunt, ne facile communicare consilia, opeque, & proinde minus nocere possent, interponendo propugnaculum munitiori loco, & injuriæ, repentinisque incurfionibus minus obnoxio, quam Derthona bis diruta foret; delectusque locus fuit in confluentibus Tanari & Burmidæ, octo millibus passuum à Pado recedens, viamque Æmiliam juxta Bergolium vicum interfecans, medio fere itinere Derthonam inter & Astam Coloniæ. Hic ergo designata urbe, septem confluxere vicina oppida Gamundium, Marengum, Roboretum, Ovilia, Castellatium, Solerium, Quarnietum: & ad quindecim millia hominum in eam commigravisse creditum est. Quare & eo ipso, quo ædificari cœpta est anno, fossa, aggere, valloque cincta est. De nomine aliquandiu inter populos certatum est, aliis Cæsariam, aliis Civitatem Novam appellantibus: fuere & qui in honorem Pontificis, quem legitimum colebant, Alexandriam, quod postea invaluit, dicerent. Papiensis in contemptum Paleam nuncupavit: duratque apud nonnullos cognomen Alexandriæ Pælaris. In cujus structuram, cum cæteræ urbes plurima conferrent, Genuenses maluerunt mille solidos in præsentem, & totidem proximis Consulibus polliceri, quam in communem societatem, prout invitabantur, nomen dare.

Ergo coalescentibus hoc modo animis, cum vera concordia, & una voluntas in Longobardis esset, ad eam confirmandam, stabiliendamque in urbem Laudem convenere Consules, & Legati civitatum Mediolani, Cremonæ, Bononiæ, Patavii, Veronæ, Mantuæ, Parmæ, Placentiæ, Brixia, Bergomi, Comi, Novariæ, Vercellarum, Astæ, Derthonæ, & nuper conditæ Alexandriæ, nec non Obizo Malaspina. Et paulo post Placentiæ alio conventu habito, Mediolanum, Brixia, & Cremona promiserunt fossas ipsius urbis ex quatuor partibus repurgare, quintam oppidani sibi retinebant. Promissa est etiam damnorum refectio, si quis quid detrimenti ab Ænobarbo pateretur.

F Interea Alexander Beneventi agens, Legatos Regum Gallorum, Britannia insulæ, & Græciæ audivit. Britannorum causâ fuit cædes recens patrata in Thomam Cantuariensis Ecclesiæ Præsulem, virum virtutibus & sanctimonia notissimum; à cujus culpa quamquam Henricus Rex se procul abesse assereret; tamen quia publice patratum scelus fuerat, publica expiatione luendum Patres decrevere. Ita Britannia vectigalis & tributaria Roma-

Romani Pontificis facta est. Et Alexander exploratis miraculis, quæ interim ad sepulchrum Thomæ spectata fuerant, cum divinis honoribus donavit.

Græci autem Oratores fuere Stephanus Cunto, Munitus Costa, & Doxa Patri, ab Emmanuele Constantinopolitano Imperatore missi, redintegrationem Romani Imperii, ut Platina memorat, quærentes, & subinde quæcumque optassent, adversus Fridericum Alexandro pollicentes: sed five hæc, five quæcumque alia causa fuerit, certe sine effectu dimissi, propterea quod simulationum & mendaciorum plane circumferre credebantur, Genuam se contulerunt, ubi paratam navim redituri in patriam conscenderunt.

Barison quoque per eisdem dies pactus cum Genuensibus, apud quos hætenus in vinculis manserat, & se, & uxorem, & liberos, & quos alios voluerint obsides daturum; præterea totam regni sui administrationem eorum arbitrio, donec mutuas pecunias recuperassent, permittitur, iterum ad insulam transmittitur; & evocatis Magistratibus, Procuratoribusque, impositoque Almerico Porta, qui ærarium, arcesque, & vectigalia universa curaret, simul cum liberis & uxore Genuam in alterius quadriennii carcerem reducit.

Sequenti biennio nihil penitus, quod ad rem nostram faciat, scriptum inveni. Septuagesimo autem primo supra mille & centum à Christi diminutione anno, idem urbi Mediolano, quod olim Athenis, Græciæ urbi clarissimæ, accidit: quæ à Persarum Rege Xerxe diruta & incensa, cum mox reficeretur, longe pulchrior, & prolatis mœnibus amplior facta est. Nam publicis tabulis constat, eas ædes, quæ nunc intramuranæ sunt, ante tempora Friderici extra urbem fuisse; quæ celebrantur titulis Ambrosii, Laurentii, Nazarii, Eusebii. Tantum enim animi, viriumque accessisse sibi hoc spatio cives existimavere, ut antiquo termino neglecto, novam fossam, nova-

que mœnia, quibus suburbana ædificia includerentur, condiderint. Exstat novi operis memoria, prægrandibus litteris saxo in limine Portæ Romanæ incisa, cum versiculo, ut illa ferebant tempora, neque inepto, neque inauspicati hominis:

Fata vetant ultra procedere; stabimus ergo.

Habentur & nomina decem Consulium, qui tunc Reipub. præerant, & opus fieri fecerunt:

Passaguadus Septala.
Ardericus Turrianus.
Pinamontes Vicomercatus.
Ubertus Hortus.
Malconventus Cotta.
Arnaldus Maripola.
Adobaldus Bultraphus.
Malagallia de Aliate.
Malfocius Ermenulphus.
Rogerius Marcellinus.

Qui propria impensa Emislarium ejusdem fossæ cum turri protegente, *Clusiam* vulgus vocat, extruxere. Quibus faciendis opes non supererant, ut longe materiam quærent, & saxa abunde suppeditabant, veteres ruinæ, & desita exerceri Theatrum, Circus, Balneum, & jam labefactatus Arcus Romanus: cernimus adhuc quadratos lapides, & in aliud, quam nunc locati sunt, opus incisos: Caldinus Præsul Episcopale Palatium, quod ad ima fundamenta erutum jacebat, sibi restituendum desumpsit: ex quo à re ipsa repercutitur Merula noster, qui invidiam in Caldinum colligit: quasi is pulcherrima opera, singulæ vetustatis monumenta, quibus etiam Barbari & feræ gentes percussissent, demolitus sit: debuit certe Merula rei præsertim ignorans, prudentius de Principe tunc religionis nostræ, & postea divinis honoribus affecto loqui. Veterum locorum nomina adhuc durant sacris ædibus inædificatis Divi Victoris ad Theatrum, Mariæ ad Circum, Lazari in Arcu Romano.

TRISTANI CALCHI,

MEDIOLANENSIS HISTORIOGRAPHI,

HISTORIAE PATRIAE

LIBER XII.

EPI TOM E.

Dum Longobardus Casareo excusso jugo, cessantibus armis vires facit, Casar Etruscos ac Ligures in fide retinere per Legatum studet, eorum rebus in Lucensi conventu compositis, Sardiniaque Genuensibus adjudicata: incolumi tamen jure Barisonis per idem tempus arc alieno ac custodia liberati. Jam vero refectis biennio viribus, ab Taurinis Ostiis Italiam quintum ingressus Segusionem & Astam brevi subigit. Inde castris Alexandria, quæ tum primum Episcopum ab Alexandro obtinuit, statim admotis, obsidionem instituit: & per gelidam hiemem ad sextum mensem bona fide producit: tandem ad fraudem conversus sub religiosissimum Paschatis tempus, quo induciarum dederat fidem, validam militum manum cuniculo per noctem in urbem immisit. Sed oppidani ab excubitoribus exciti casis grassatoribus, & cuniculi faucibus obstructis, eruptione facta, securum in castris hostem adorti cede & incendiis obsidionis arumnas abunde

ulciscuntur. Casar cum suis Papiam dilapsus, veritus ne includatur, simulat pacem, donec foederatorum exercitus solvatur: ipse vero evocatis ab Germania auxiliis invalescat. His vero cis Verbanum jam expositis dum occurrit cum reliquis copiis, foederatorum exercitus ad Ticinum, qua Busti campos præterfluit, intercedit: collatisque utrinque signis, hoc tandem gemino pralio Fridericum debellat, direptis castris, & milite internecione deleta. Is enim Commum inclusus clade ac belli difficultatibus æstimatis, Legatos ad Alexandrum mittit, qui pacem ac veniam exorent. Alexander imperatis inductis, convenire illum Venetias jubet, ac per se veniam contumacia ab Ecclesia deprecari. Eo igitur delatus Alexandri plantis collum frendens, Petrumque interim reputans calcandum, submittit: & post solemnem expiationem, ipse Augustus, Henricus vero filius Casar appellatur. Demum Pontifice Romam deducto, & in Petri solio collocato, iterum expiatus in Germaniam concedit. Hæc foris. In urbe Caldinus Archiepiscopus, dum Catharos Hæreticos &

suggestu ardentius exagitat, sub concionem labore confectus natura concedit: cui *Algisus Pirovenensis* sufficitur.

Reddita pace, Ticini pars navigabili alveo ad urbem derivatur. In Germania *Henricus Saxo* perduellis à *Friderico* pronunciatur. Constantinopoli *Emmanuele*, Roma *Alexandro*, Hierosolymis *Gulielmo* Longaspata vita sanctis, Imperium *Alexius filius*, Pontificatum *Lucius III.* Regnum *Baldunus V.* & mox *Guido Lusignanus Rex Cypri* incunt. *Ferraria* *Estenses* Marchiones fortunis & potentia augentur. Demum Italia pax triennio postea quam parta est stipulantibus Longobardarum civitatum Oratoribus, spondenteque *Casare*, certis perscriptis legibus, *Constantia* primum celebratur: deinde *Friderico* in Longobardis agente, iterum *Placentia*, quod quidem ad nos attinet, conditionibus paullo melioribus. *Algiso* interim mortuo, *Ubertus Cribellus Archiepiscopus* init: inde statim ad Pontificatum *Urbani* nomine evectus, *Milonem Cardanum Mediolanensibus* praefert. *Fridericus* pacata Italia, & *Henrico* filio commissa, Germaniam petit.

Saladinus Egypti Rex ducto in Syriam exercitu, Hierosolymis, ceterisque urbibus potitur. Tyrum Montisferrati *Marchio Conradus* periculo eximit. Sicilia Regnum *Tancredo* juniori populi studio decernitur: sed *Celestinus Pontifex III.* iure feudi ad se devolutum contendens, *Henrico VI.* Romanorum Regi desert, *Constantia Rogerii Regis* filia in iuris subsidium conjugio eidem copulata. *Fridericus* terra, Gallia & Britannia Reges mari in Syriam adversus *Saladinum* Pontifice auctore movent. *Friderico* in Armenia fluminis, in quem refrigerandi causa descenderat, undis absorpto, primum ejusdem nominis filius maritimis copiis adjutus, deinde eo quoque sublato, ceteri Duces bellum urgent: subactaque Syria, Hierosolymitanum Regnum una cum *Isabella Balduini IV.* sorore obtinet *Conradus à Monteferrato*. Interim *Henricus* in Italiam descendit utramque Siciliam armis vindicaturus. Ex itinere Longobardis aliquot civitatibus, & Proceribus, itemque *Pisanis* multa indulget: sed *Genuenses* potissimum in belli societatem ingentibus promissis allicit. Sed morbo in Neapolis obfidione contracto, in Germaniam se recipit. Biennio post mortuo *Tancredo*, resumptis armis, *Genuensium* classe adjuvante utroque Regno potitur: multisque profanis, pariter & sacris in Sicilia crudeliter obruncatis, *Genuensibus* vero promissis, ac spe falsis, anathemate insuper à Pontifice ictus, in Germaniam concedit: indeque *Friderico Rogerio* *Constantia* genito in Imperii societatem adscito, in Italiam reversus eundem in avunculi regno collocat. Nobis interim cum foederatis civitatibus suborta discordia: & *Milone* extincto, *Ubertus Tertius* praelatus est.



Dum sic confirmantur Longobardorum opes, unumque omnes retinent conservandae libertatis studium, *Aenobarbus*, quem ignominia amissarum rerum, & perseverantium infide amicorum pericula urgebant, haudquaquam animo quiescere, *Christianum Moguntinum* Archiepiscopum ad sollicitandos *Ligures*, *Etruscorumque* populos mittit. Is hoc tempore superatis *Alpibus*, *Padoque*, *Genuam* profectus, honeste ab eo populo excipitur; peractisque, quae sibi agenda erant, *Lucam* transmittitur; inde *Senas* pergit, haud dubia figura praebens res novas, novumque bellum in Italia procurantis. Longobardi autem inter caetera, quibus illius consilia cluderentur, frumentum & alios commeatus trans *Appenninum* portari communi decreto prohibuerunt:

A & *Obizo Malaspina* cum *Maruele* filio ex propinquitate locorum varia incommoda *Liguri* inferebat. Eodem tempore, cum exacta in *Sardis* pecunia debitum omne *Barisonis* absolvisset, is in noviregni possessionem dimissus est.

B Incunte mox anno septuagesimo secundo, evocati à *Moguntino* *Senas* Itali Heroes convenere, Praefectus urbis Romae *Conradus*, *Marchio Montisferrati*, *Marchiones Anconitani*, *Guido*, & *Aldebrandinus* Comites, Oratoresque ex civitatibus *Piceni* & *Umbriae*; tum à *Pisis*, *Luca*, *Genua*: quid actum haud quidem resciri potuit: tantum contentiones *Pisanorum* cum *Genuensibus* innotuere. Praevaluitque favore *Ligur*; atque ut *Pisanum* bello agitare liceret, obtinuit: quin *Moguntinus* sponddit captivos *Lucensium*, qui *Pisis* detinebantur, liberaturum: contra *Pisani*, quod maxime optari ab adversariis sentiebant, id maxime negare. Eorum vero contumacia irritatus *Moguntinus* litteras hujusmodi *Genuam* scribit: Explorata fides vestra, meritorumque vestrorum erga Casarem dignitatem magnitudo me admonet, ut praecunctis Italia populis vos amem, ornarique curem. Nuper in amplissimo conventu *Pisanos* cum Oratoribus vestris altercantes audivimus; quorum tam superba & impudens oratio fuit, tam aliena ab aequis auribus petitio, ut tota concione explosos, indignos judicaverimus, quibus promissum ullum, privilegiumve servetur. Interdiximus ergo eos omni beneficio Casareo, privavimus jure Sardiniae, littorum, maris, libertate, fide, vestigalibus patris, & eo, quod ex ditione *Comitis Ugolini*, & *Reginae Matilda* percipiebatur. Denique eos, spes, opes servitio, praeda, injuria omnium exposuimus. Licet, quantum in nobis est, unicuique perfidos, abominabiles Imperatoris hostes persequi, agitare, vexare: socii, foederatique vestri *Lucenses*, qui interfuerunt, uberius hac omnia enarrare poterunt. Unum superest, ut, quod à vobis desideramus, minime differatis; quinqueaginta triremes ut armetis, quibus vos mari, dum nos terra, eorum urbem oppugnemus: praeterea pecuniam nobis promissam expeditis: neque in classis impensam deducendam censatis.

C Laeti favore *Genuenses*, impigre classem, quantum maximam possunt, ornant. Cujus apparatu deterriti *Pisani*, flexere animos, & ad pacem descenderunt, quam *Lucæ* contractam mille viri ex quatuor urbibus *Genua*, *Pisis*, *Luca*, *Florentia* jurejurando sanxere. Ita imminens periculum *Pisani* declinavere. Verum dum postea arma vertunt in oppidum *Miniatense*, quod Germanico praesidio tenebatur, novas inimicitias, novique in se belli molem concitarunt.

E *Mediolani* autem quid interea, & quid sequenti anno gestum sit, nihil praeter nuda Consulum nomina legi: isti fuere duodecim: *Rogerus Vicecomes*, *Jacobus Maynerius*, *Paganus Turrianus*, *Manfredus Putcobonellus*, *Lanterius Curtius*, *Prævedus Marcellinus*, *Leo Curtius*, *Oldrevandinus Canevesius*, *Tatius Mandellus*, *Heriprandus Judex*, *Adobadus Bultraphus*. Et item leguntur nomina octo Praefectorum annonae, qui pretia rerum, ponderaque moderarentur, *Ceredonus Hermenulphus*, *Aliprandus Morigia*, *Petrus ab Aliate*, *Amizonus Coleonus*, *Guiscardus Ghisulphus*, *Jacobus Pernisius*, *Oldradus Medicus*, *Paganus Bisatus*.

F Cum autem ageretur annus septuagesimus quartus *Gulielmus Normannus Siciliae Rex* diem obiit, filio ejusdem nominis quinto superstite relicto; cum quo *Genuenses* reconciliati, bellum, quod cum patre gesserant, pactionibus finierunt. Idem & cum *Obizone Malaspina*, *Manueleque* filio factitatum; emptaque ab his duo *Portus Veneris* oppida, cu Reipublicae suae incommoda, *Illicem*, quem *Ptolomæus Hericem* appellat, & *Petram* tectam subruere.

Octobri deinde mense Ænobarbus quinto in Italiam venit: per Taurinos saltus iter fuit; subitaneoque adventu Segusionem & Astam oppressit; & octavo die ad officium redegit. Inde ad nuper conditam urbem ducit, cujus coloni cum sponte libertatis cupidi, tum crebris sociorum litteris, nunciisque admoniti, portas claudunt, & sine intermissione auxilia expediebantur. Exploratum quoque erat, quæ copiarum eum ex Transalpinis sequebantur; & quidquid Monsferratus & Papienses efficerent, exiguum fore tantæ societati collatum. Præterea instabat hiems, incommodissimum anni tempus bellum sub dio gesturis. Nihilominus Fridericus quarto Kalendas Novembris obsidionem instituit; opera, munitionesque circumdat; tabernacula continuando per frigora bello ædificat. Interim nivibus, & pruinis obrui, glacie aduri.

^{A. C.}
^{1175.} Perseverarunt in fide oppidani, & in subsequen-
tis veris principia rem extraxerunt. Quo demum
tempore suppetentibus abunde sociorum auxiliis,
castra collata sunt inter Clastidium & Viqueriam,
unoque omnes animo Mediolanensium Carrotium
sequebantur. Illud Prætorium erat; castrensis inde
testera petebatur; consilia dabantur. Auxit
quoque obsessorum animos Alexandri Pontificis
munus, qui Episcopum dedit, & exinde urbi no-
men Alexandriae invaluit.

Jam semiacto Aprili dies Resurrectionis Domini-
cæ instabat: qui cum maxime religiosus sit, &
cunctis laboribus parcere soleamus, hostibus quo-
que induciæ in bello dantur: & Fridericus quietem
certo illo die pollicitus est: sed fallax homo in-
sidias molitur: actus erat cuniculus mediam in
urbem ducens; per quem intromissi ea nocte du-
centi delecti viri sunt: sed oppidani, ne qua fraude
caperentur, integras noctes qui vigilarent, con-
stituerant. Hæc igitur excubiæ impetum à cuniculo
exeuntium excepere, ac tamdiu sustinuerunt, do-
nec excitata multitudo illos oppressit: simul obs-
truso cuniculi ostio, portas aperiunt, ultroque
erumpentes castra invadunt, castellum ex trabibus
compactum adurunt, hostem nihil tale timentem
credunt, commeatus & impedimenta diripiunt.
Ænobarbus fuga salutem consulit, & trajecto Pado
cum iis, qui superfuera, Papiam se contulit: ac
ne hic ab hostibus circumveniretur, pacis men-
tionem proposuit: cujus condiciones dum tractan-
tur, & serio se agere simulat, exercitus adversa-
riorum solutus est.

Interim Ligurum & Etruscorum Legationibus
auditis, discordias Genuensium & Lucensium,
cum Pisano, Florentinoque pace composita,
sopivit, dimidia Sardiniae ditione Genuensi adju-
dicata.

^{A. C.}
^{1176.} Vertit se inter hæc annus, & septuagesimus se-
xtus subiit Caldino Antistiti fatalis. Diximus su-
pra, varia Hæreticorum genera ex variis homi-
num studiis exorta apud Italos esse. Quibus ma-
gnum fomentum dedere bella & continentes discor-
diæ. Sed Mediolani in primis Cathari invaluerunt.
Hos Caldinus, ut à pravo sensu recederent, sæpe
monuerat, obstinatos terruerat; ac pro auctorita-
te & jure Ecclesiæ acerbius taxaverat: nec pauci
ad saniora consilia reversi spem uberius in futurum
fructus fecere: quare ardentius in cæteros invehi
cœpit. Sed cum jam senio & longinquis peregrina-
tionibus affectus, vehementiam suam non tole-
raret, in sudorem solutus ipso in pulpito repente
deficit, atque accurrentibus ministris, inter manus
attollentium, refocillantiumque, reclinato capite
expiravit. Ut olim clarus inter septem Græciæ
Sapientes Bias Priæus, qui post peroratam pro
amico causam, jam vetulus & labore fessus in
gremio nepotis sui conquievit; & dum Judices

^A sententiam in favorem dicentis ejus ferunt, ipse
animam effluisse compertus est. Decessit autem
Caldinus sui Archiepiscopatus anno decimo, die
anniversaria, quartodecimo Kalendas Majas: cui
ex more ductis Parentalibus, sufficitur intra men-
sem Algisus Pirovencus Uberti, qui Caldinum
anteceffit, consanguineus. Ita Caldinus inter duos
Pirovencos summa in dignitate cum intercesserit;
& interim alterius eorum alumnus, alterius in
omni fortuna æqualis, & negotiorum particeps,
peregrinationumque socius fuerit, ex eo natum er-
rorem apud posteros arbitror, qui Caldinum non
Sala familia, ut etiam Murena locuples testis est,
sed Pirovenca ortum perhibent.

^B Cæterum Ænobarbus sub prætextu tractandæ
pacis, novas ex Germania copias accersivit. Quæ
per Disertinæ saltum descendentes ad fauces Bellin-
zonæ, Osluæque supra lacum Verbanum venerunt.
Longeque majoris numeri, quam res foret, famam
vulgaverant: quippe qui vix mille equites erant,
eos supra decem millia fama erat: sic credebant
fama ista terreri adversarios posse: sed per explo-
ratores brevi cognita veritas est; & adventanti-
bus audacter occursum; & cum transitu Verbani
prohiberi non possent, ea opera in primis acta, ne
cum Cæsare conjungerentur: nam de eorum ad-
ventu certior factus, à Papia ipse non exiguum ma-
num trahebat. Igitur Mediolanenses inter utrosque
castra ad Legnanum, Dairagum, Bustum, Bursanum
Sepriensis agri vicos contulerunt: ex quibus
locis ad ripam usque Ticini patentes campos pro-
spectabant. Neutri, ubi in conspectum venire,
certamen detrectaverunt. Mediolanensis quam la-
tissime aciem explicavit; ac proinde minus validam
ad pugnandum fecit: utilem vero præsentem nego-
tio, ne circumveniretur. Carrotium in medium
cum robusta juventute animos & vires cunctis da-
bat. In altero cornu auxiliares copiarum militabant:
in quas inveciti hostes, fugam, trepidationemque
fecerunt; sed edocti ad Carrotium redire, resumpto
spiritu, positoque pavore in hostes convertuntur.
Jam totis campis certabatur, junctusque viro vir,
proximi cujusque sanguine cruentabatur. In altera
acie, quæ à tergo imminebat, pugnabant Papien-
ses: inter quos adhortator ipse Fridericus, & Du-
cis, & militis officio fungebatur, & dum acrius in-
stat, signifer cadit: occubuerunt & multi cum eo.
Tunc Germani terga vertere; & Comensis debella-
tur: reliquo exercitu dissipato, castra hostium Me-
diolanenses invadunt, & cuncta diripiunt. Fride-
ricus cognito jam quo in periculo constitutus esset,
per devia abreptus cum paucis Comum incolumis
evasit. Hæc illius clades finem tandem malis at-
tulit: nam & magnitudine detrimenti accepti de-
territus, & inopia rei pecuniariæ affectus, quæ
nunc ex Germania suppeditabatur, & Papiensem
pergravabat; & hostium desperatione, qui extre-
ma omnia prius pati, quam pristinam servitutem
amplius subire, decreverant, perspecta; & acce-
dentibus dissuasoribus magnis viris, quibus jam diu
nec bellum ipsum, nec belli causa probabatur,
quod non jam adversus homines, sed Deum ipsum
geri videbatur, animum composuit, cogitationes-
que omnes ad pacis consilia contulit.

^F In primis conciliandus Alexander erat: ad hunc
ergo amplissimam legationem decernit; cujus prin-
cipes fuere Christianus Moguntinus Præsul, qui
vice Colonienfis defuncti Cancellarium Imperii
agebat, Archiepiscopus Magdeburgensis, Electus
Vormaciensis, Protonotarius Augustalis. Hi Ana-
gniæ Alexandrum convenerunt, salutatum reve-
renter adorant, Cæsaris novum animum, novam-
que mentem edocent; jam deferbuisse iras, &
calores ætatis, quibus interdum meliora cernentes
deteriora sequimur; præteritorum omnium sum-

mopere poenitere: videri caelesti quodam fidere afflatum, qui sic penitus à belli proposito discesserit: petere veniam, rogare pacem. Ea oratione lætatus plurimum Alexander, quæ summo Pastori conveniebant, respondit: amplecti se bonam mentem ejus, & petitioni assentiri; sed ex diuturnitate belli, & magnitudine injuriarum, non sibi quidem, ut homuncioni, sed Deo ipsi, & Ecclesiae, & tot Populis illatarum, tot, tantisque difficultates inesse, quæ nisi à præsentibus purgari, expiari, emendarive possint. Quare deligeretur locus, in quem tuto convenirent. Venetiae, Bononia, Ravenna, & Flaminiae urbes nominatae fuerunt: sed dum super his deliberaretur, interim induciae dantur, arma ubicumque suspenduntur; & Alexander Ubaldum Episcopum Ostiensem, atque Rainerium Cardinales remittit, qui & propositum gratias agerent; & simul animum ejus certius explorarent.

Tum supervenere à Juniore Gulielmo Siciliae Rege Romoaldus Secundus Salernitanus Archiepiscopus, Rogerius Comes Andriae Magnus Comestabilis, & Magister Justicianus Apuliae. Quibus comitantibus Pontifex ab Anagnina Beneventum concessit: ubi Natales Christi dies, & Epiphaniam incipientis anni septuagesimi septimi agit.

Inde Trojam, Sipontum, & Vestam petit, Vesticem aliàs nuncupatam Blondus scribit: ipse Vestiam appellat: ea sita est ad radices Gargani montis, qua Orientem adspicit, & Adriaticum mare attingit: hic reliquum hiemis moratus, alteram legationem ad Fridericum mittit Gulielmum Portuensem Episcopum, Hiacyntum Sanctae Mariae de Silva Graeca, nonnullosque alios Cardinales, & Moguntinum ipsum, qui jam Ravennam profectum Caesarem invenere, & confirmata undique benevolentia, Alexander septimo Idus Martias classem à Gulielmo Siculo per Ionium mare transmissam adscendit, & cum eo Manfredus Palaestinus Episcopus, Joannes Neapolitanus, Hugo Bononiensis, Busonus, & Cincius Capellus Cardinales, tum Siculi Legati: undecim vero fuere triremes, quibus tunc Ecclesiae lumina alto sece crediderunt. Nec ita multo post intumescens undis ad littus Illyrici impulsus Iaderam tenuere: ubi ceu totidem numina caelo demissa à Populo Cleroque accipiuntur. Inde reliquam Dalmatiam, Histriamque prætervecti, nono die, ex quo à Gargani littore digressi fuerant, Venetias appulere: nec urbem quidem ingressi tunc sunt, sed in littorali coenobio Divi Nicolai pernoctaverunt.

Postero die apparata civitate, & ut in tanta re decebat, in omnem pompam effusa, cum incredibili navium numero accessit Sebastianus Cianus Dux, Patriarcha Aquilejensis, & Senatus Venetus, Alexandroque salutato, adoratoque reverenter, cum in urbem deducunt; inque aede Divi Marci quam magnificentissime ornata locavere.

Transfretavit eodem mox Ænobarbus. Ita duorum summorum in orbe Christiano Principum hospitio nobilitatae tunc Venetiae fuere; coque illustriores redditae, quo diuturnior eorum mora fuit: siquidem in ix. Kalend. Augustas extracta variis disputationibus res fuit. Tandemque exauctorato adulterino Pontifice, induciae in sex annos Mediolanensi populo & sociis civitatibus datae: tum cæteris compositis, amplissima concione spectante, submisit se ad genua Alexandri Ænobarbus, humique stratus, calcandam cervicem illi præbuit: cui imposito pede insultavit Alexander, illud identidem divini Vatis repetens: *Super Aspidem & Basiliscum ambulabis, & conculcabis Leonem & Draconem.* Non continuit linguam Ænobarbus, subjecitque: *Non tibi, sed Petro.* Et Alexander iterum impressit plantam, percussit verbum verbo: *Non Caesari, sed Friderico.* Ita dignus venia judica-

tus, expiato scelere Augustus, & Beatrix Augusta, & Henricus filius Caesar, Romanorumque Rex ejus nominis sextus renunciatur. Cianus Dux, qui interpres & arbiter moderandis conditionibus intercesserat, longèque discrepantes ad concordiam perduxerat, ornamenta, quibus deinde ipse & posteri Duces illustriores incescere, retulit. Rem præclaram, & sine dubio seculorum memoria dignam, in atrio Veneti pinxere: sed quoniam rei series non fuit litteris explicata, variarum fabularum occasionem posteris dedit: aliis interpretantibus certatum navali prælio fuisse, & captum Othonem Friderici filium, ejusque opera contractam pacem: aliis adstruentibus, Pontificem ipsum parva navicula, dissimulato habitu, & quidem ad coqui speciem, ut videantur etiam minuta didicisse, Venetias navigasse, & cum diu sic latuisset, paulatim se cognoscendum præbuisse; multaque alia his similia, vix satis digna, quæ dormitantibus pueris aniculae decantent. Nam rem, ut supra exposuimus actam fuisse, non solum apud Genuenses, & Siculos Annales, ex quibus ea excerptimus, constat; sed nostrates quoque illorum temporum æquales consentiunt. Placuit enim oblectionis raritatem paulo uberius comperta explicare. Ergo & integra est gloria Mediolanensium perpetrati belli, & Venetorum tractatae, confectaeque pacis: litigat vero Merula adversus Sabellicum de re, quam neuter noverat; utriusque errores satis ex narratione nostra colliguntur.

Digredientem Venetiis Pontificem Fridericus Romam usque deducit; & in Sede Petri locat, exosculatisque de more pedibus, integram delictorum absolutionem meruit. Inde cum jam ageretur annus septuagesimus octavus, divertisse Genuam cum Beatrice Ligustici Annales memorant; atque aliquot dierum mora facta pro urbis magnificentia & dignitate donatum abiisse; profectum vero in Germaniam, quamquam quo itinere hætenus non repererimus, liquet. Idem annus insignis est obitu Ciani Venetorum Ducis, cui ob compositam inter summos Duces pacem, illud Epitaphio additum est: *Binos conjunxit gladios.* Nec aliud eo anno factum lego.

Pauca quoque in sequenti nono & septuagesimo video. Jam enim deposito armorum studio, populi ad muniendas urbes, concinnandaque ædificia conversi, pacem colebant: & Mediolanenses Incilem Ticino fluvio jam multo ante derivatam, & Ticinelli nomine Papiensium agros irrigantem, novo alveo juxta Abbatum oppidum excavato, Gazanum, Corsicumque deduxere; ac mox ad urbem ipsam usque navigabilis facta est: nec solum pluribus rivis aridos quondam campos uberrimos fecit; sed etiam incredibili compendio Verbani lacus, Alpiumque opes civitati conjungit.

Octogesimo autem anno agens in Germania Fridericus, conventum Magdeburgae habuit, quo Henricum Saxonem Majestatis reum, Imperii hostem declaravit; & altero inde conventu in Gheleusem idem judicavit, & continuo contra contumacem arma sumpta: nec vim is expectavit; sed regno cedens cum uxore & liberis ad socerum Henricum Britanniae Insulae Regem confugit. Jam enim Heleinardam illius filiam in matrimonium duxerat, & Gulielmum genuerat, atque Othonem, qui postea augustiori fortuna usus, quartus fuit, ut infra docebimus, Romanorum Rex.

Per Septembrem mensem Emmanuel Græcus Imperator Constantinopoli decessit, superstite Alexio filio: quasi sæculum illud curreret fatale mortibus Regum, subsequenti anno Alexander moritur, cui successus est Lucius Tertius genere Lucensis. Huic pax in primis, & quies populorum cordi fuit;

fuit : obiit item Hierosolymis Gulielmus Longa Spata Marchio Montisferrati, relicto successore Balduino Quinto Hierosolymorum Rege, quem puerum mox Guido Lusignaneus avunculus, vir genere Pictavus, opibus & Regno circumvertit : sed non multo post & ipse inde eiectus, in Cyprum demigravit ; & opulentæ Insulae imperium stirps ejus in tempora nostra, quibus in Venetorum ditionem transmissum, retinuit.

Ferrariæ quoque dominium ad Marchiones Estenses delatum hoc modo fuit. Gulielmus Marchesellæ nuncupatus, vir erat in ea urbe ditissimus. Huic cum nulla proles foret, moriens Marchesellam neptem ex Thedelgrado fratre hæredem ex asse nuncupavit : ea octavum ætatis annum agebat : interim apud Salinguerram virum ea tempestate inter Ferrarienses potentissimum educabatur : ejus vero inimici tantam illi accessionem opum fieri invidentes, favente etiam Petro Traversario Ravennate, puellam furto subtraxere, atque Actio Estensis factionis suæ longe Principi obtulerunt. Ea recepta, Actius hæreditatem aditurus Ferrariam se contulit : & quo titulis ornamentum potentiae prætenderet, Capitaneum se alterius factionis creari curavit, in qua plurimum poterat Gulielmus puellæ patruus : sed interceperunt fata virginem. Instaurata hæreditas nobilibus Ferrariensibus, quibus Joculis cognomen erat, spectabat ; sed hanc illi appetere non ausi, Actio cessare. Ita his opibus aucti, tum conjunctis tot amicorum studiis, potentissimi deinde Ferrariæ Estenses Marchiones fuere.

Proximus annus sine ulla memoria transitur. Sequens autem, qui tertius & octogesimus est, illustratur stipulatione pacis, quæ ab urbis nomine, in qua confectæ tabulae sunt, Constantiæ cognomen tenuit. Ejus summa ad hunc modum se habet : Longobardi, qui hæcenus adversati fuerunt, fruuntur quiete perpetua ; Legibus, consuetudinibus suis utuntur ; saluum societatis privilegium servant ; Urbes & oppida, ut libet, fossa, vallo muniunt ; nulla sit in alterutram partem injuriarum, damnorumque actio. Mediolanum solitam jurisdictionem in agro Seprio, Martiana, Burgaria, aliisque regionibus exerceto ; tantum abstinetis, quæ inter Adduam & Ollium Bergomates obtinent, & item Romano vetere, Barrianoque. Firma item habento fœdera cum Laude, Bergamo, Novaria : quæ vero Hugo Episcopus in Castro Arquato, & Placentini in portorio pontis Padi innovarunt, irrita sunt. Cæterorum pontium, fluviorumque, viarum jura, immunitatesque salva sunt. Unum de Proceribus, qui conventus peragat, lites cognoscat, jus sine provocatione dicat, Cæsar dato : idem quinquennio quoque sacramentum à Populis nomine Cæsaris exigit ; civitates solita Consules ab Episcopo accipere idem in posterum servant : cetera à Cæsare recipiunt, qui priusquam Magistratum incant, fidem Cæsari jurant. Actiolinus, qui aliquando Cæsari adversatus sit, deinceps amicus, & extra suspicionem esto. His apud Cæsarem tractandis interpretes adhibiti Gulielmus Episcopus Astensis, Henricus Marchio Savonensis, Theodorus ejus frater de Silva Benedicta inscriptus, & Rodolphus Cæsaris Cubicularius. Nomen vero in has condiciones dedere Mediolanum, Novaria, Vercellæ, Laus, Placentia, Parma, Rhegium, Mutina, Bononia, Faventia, Mantua, Verona, Vicentia, Patavium, Tarvisium, Brixia, Bergomum, Obizo Malaspina Marchio ; & in diversa parte Cæsar, Pavia, Cremona, Comum, Asta, Alba Pompeja, Derthona, Cæsaria. Excluduntur vero penitus Imola, Feltrium, Bellanum, Cenetæ, Bobium, Castrum Sancti Cassiani, & plebs Grabadonæ. Item Ferraria, nisi hæc intra bimestre, ex quo Legati in Italiam redierint, in partes transeat. Nam Mediolanensium Legati ea pertrahere Guido Landrianus, Pinomontes Vicomercatus,

Adobadus Bultraphus, Gulielmus Burrus, Guercius Bussiola, Aldericus Bonatus, Rogerius Marcellinus, Lanterius Medicus.

Nostr Merula credidit, & in *Epistolis* contendit, ex hoc primum tempore datos civitatibus eos magistratus esse, qui *Potestates* vocantur ; sed satis ex superius expositis, & vel unius Murenæ jam pridem defuncti scriptione redarguitur.

Eodem tempore Cistercienses religiosi jam quinquaginta annos ante ad Insubres traducti, fortitque agros in Ticini ripa, templum formarunt, adjuncto cœnobio, cui de vici appellatione Morimundi nomen est. Id à posteris subinde locupletatum, omnium opulentissimum Sacerdotium est.

Anno octogesimo quarto, cum Alexandrini gratiam à Cæsare inivissent, (nam & in superiore contractu in parte ejus nomen illorum describitur) Oratores in Germaniam miserunt Anselmum Gonzanum, & Theobaldum Vasconum, qui Fridericum patrem, & Henricum filium in conventu Nuringburgensi allocuti, hujusmodi fœdus quinto Idus Martias inivere. Cives suos omnes quodcumque Cæsar vellet, urbe exituros, tantisperque extra eam moraturos, donec Cæsareus nuncius solemniter eos introduceret, ut actu isto & ille dare, & hi accipere de manu Cæsarea patriam, lares, focos viderentur ; novumque veluti exordium, ac nomen Cæsariæ, quia adhuc varie appellata fuerat civitas, fortiretur. Annuum Consules honorem à Cæsare, quando in Italia ageret, acciperent ; si secus, ab ejus nuncio ; vel quinto quoque anno in Germaniam mitterentur, qui id peterent ; bellum & pacem ex nutu Cæsaris facerent, præstoque amicis essent : contra Cæsar non patitur urbem cujusquam imperio subdi ; nuncium in ea constituet, qui cum Consulibus magnarum causarum judicia exerceat ; rerum publicarum curam gerat ; Portorium pontis Tanari, reliquaque vectigalia exigit ; & ubi aliqua ope indigeat, eam petat à finitimis amicis civitatibus Pavia, Derthona, Asta, Alba, Aquis, quas Statielas antiquitus vocatas nostrer Merula docet, tum Casali, & Marchionibus Guaschis, Boschi, Ocimianique.

Subsequenti hieme Fridericus ad Italos sexto profectus est : & xi. Kal. Februarias anni octogefimi quinti Placentiæ Longobardarum civitatum legationem audivit. Coiverant ad eum frequentes, affirmandæ pacis Constantianæ gratia. Inter Mediolanenses habetur Petrus Vicecomes ille ; cujus cognomine offensus Merula, nescit, quomodo purget antiquitatem Comitum Angleriae, ut tam cito potuerit ab eorum interitu & exilio Viviani enasci nepos novi cognominis, & personæ ad hanc legationem idoneæ. Itaque valeant, qui adhuc opinionem Angleriorum retentant.

Ex Placentia Parmam, Rhegiumque progreditur Fridericus. Hic assecuti quatuor Consules Mediolanenses Pinomontes Vicomercatus, Heriprandus Judex, Adobadus Bultraphus, Hugo Cameraarii, & cum his sex alii honesti cives, Rogerius Vicecomes, Arnoldus Majirola, Gulielmus Ossa, Aldericus Bonatus, Otho Credendarius, & Alcherius Bonvicinus, novam gratiam ab eo retulerunt, ut salva paratica, id est, iis, quæ Cæsaribus præstari solita sunt quotiens Mediolani, vel Moguntiae coronantur, redintegrentur jurisdictione totius tractus sui à Ticino ad Adduam cum statione Leucensi, & transfadduanis oppidis ad Ollium pertinentibus. Item Cæsarem instinctu Papiensium non facturum amplius bellum Mediolanensium ; neque Papiensi pariter gratia Mediolanensium ; sed potius curaturum finire discordias eorum compositione, vel jure ; & si Papiensis alienam opem invocaverit, Cæsar pro Mediolanensi stabit. Neque ipsum, neque Henricum filium societatem, fœdusve

foedusve cum ullo Longobardo, aut Flaminiae, Picentiumve populo facturum, inscio, inconsultove, & non assentiente Mediolanensi Magistratu: paria se quoque facturos Mediolanenses recepere.

Per idem tempus Algisius Pirovencus Archiepiscopus Mediolani tertio Kal. Aprilis moritur, sepultoque in majori aede, ut moris est, sufficitur Ubertus nobili & vetusta Cribellorum familia Mediolanensi oriundus.

A. C. 1186. Subeunte anno octogesimo sexto, Ubertus Vicecomes genere Placentinus Praetura Mediolani inivit, primus externorum, qui Potestatis titulo in hac urbe jus dixerit: cum interea Consules Rempubicam administrarent, Marchesius Vicecomes, Guercius Hostiolus, Baldicionus Stampa, Hugo Castancanega, qui & nuncius Friderici Imperatoris nuncupabatur.

Februario mense Fridericus Papiæ agens, Guidoni Rogerio Nobili Parmensi contulit Felinum, & nonnulla alia oppida, quæ postea Rubeorum familia in Parmensibus præpotens in nostra usque tempora tenuit. Junio deinde mense Castrum Manfredum Cremonensis agri Cæsar adiit, atque ibi jurisdictionem Mediolanensibus ampliavit, integra auctoritate concessa oppidorum omnium, quæ ab Addua ad Ollium pertinent: mox abiens in Germaniam Henricum filium Italiae præfecit, in qua is statim novi belli semina jecit.

Eodem tempore Lucius Veronæ moritur: cui in Pontificatu successit Ubertus Cribellus, secundus ad eam diem, qui urbe Mediolano oriundus, Romani sacerdotii culmen conscenderit. Urbanum Tertium vocavere. Ei vero in Mediolanensi Archiepiscopatu successit Milo Cardanus ex ordine Cardinalium ejusdem Ecclesiæ.

A. C. 1187. Anno octogesimo septimo, mense Junio, Saladinus Ægypti Rex potentissimus, ex discordia nostrorum nactus occasionem pellendi omne nomen Christianum ex Syria Provincia, eam maximis cum copiis invasit, profligatisque Guidone Lusignaneo, qui paulo ante Hierosolymitano Regno circumvererat Gulielmum Seniore Marchionem Montisferrati, cepit Solymas ipsas, Sidonem, Beriton, Acalonem, & cunctas fere alias amplissimæ Provinciæ urbes, excepta Tyro: cui salutis fuit Conradi Montisferrati pariter Marchionis adventus; qui per eos dies desponsatæ Constantinopoli Cursaci Imperatoris sorore, inde Ligustica nave vectus, eo mature appulit, & urbem alioquin situ inexpugnabilem, ab imminente periculo servavit; simul ad Occidentales Reges scripsit de clade accepta, & miseranda omnium conditione: aliquam tamen spem restituendæ rei adhuc superesse, si protinus subveniretur.

Affecit hic rumor universos immenso mœrore: mirifice in primis doluit Urbanus Pontifex, quem ea maxime cura urebat, quia ob importunitatem Henrici Sexti nullum illis remedium ab Italia ferri posse cernebat. Nam ipse quoque ab ejus infidiis parum tutus Veronam se contulerat. Atque hic cum adiit vir divini ingenii, & vaticinandi peritus Joachim Siculus Abbas ex Calabria profectus: sed mox Ferrariam concessit: ubi Syriacæ litteræ redditæ certius omnia aperuerunt; adeoque earum lectione consternatus animi est, ut languore pressus, brevi vita excesserit, Pontificatus sui biennium nondum expleto. Is autem, ut posteritatis suæ opes ex sacerdotio in patria firmaret, cœnobium condidit in Ticini ripa juxta vicum Brinatum, quod ex mandato ejus in familiæ Cribellæ tutela mansit ad nostra usque tempora, quibus ad aliorum administrationem traductum est. Ei in Pontificatu successit Gregorius Octavus: sed eo intra bimestre Pisis absumpto, Clemens Tertius creatur: per cujus tempora genus Normannorum Regum

A] in Sicilia defecit, & novi Imperii accessio rebus Friderici Cæsaris facta.

Diximus supra, ejus insulæ Regnum per exilium Rogerii Quarti, & Tancredi junioris devenerit in Gulielmum Quartum, & inde in Quintum, qui postremus sine liberis decessit. Perierat & Rogerius in exilio. Ergo amici Tancredum ex Græcia devocant, & Regem declarant. Id vero Clemens indigne ferre, quod Regnum jure feudi ad Ecclesiam spectans, se inconsulto traditum foret homini etiam natali macula laboranti: qui concubina progenitus minime capax rei foret. Igitur jura sua vindicaturus, arma in eum paravit: sed mox superfedidit, ne consulentes rebus Orientalibus Principes bello forte isto inturbarentur.

B Mors deinde Clementem eripuit, & ad Cælestinum Tertium summa rerum delata est: qui haud intermittendam. Sicularum rerum curam ratus, cum absque externa ope nihil se proficere posse cernebat, ad florentem tunc Henrici Sexti gloriam coniecit animum: nec ita multo post Rex Siciliae, ejusque terræ Italiae pronuntiatur, quæ Apuliae, Calabriaeque nomine censetur: & ut publico privatum foedus prætenderetur, Constantiam amplissimi patrimonii hæredem Panormitano claustro subtrahit, religione solvit, regalibus ornamentis restitutam, quamvis jam natu grandiore, & fere consuetos pariendi annos egressam, connubio tamen adolescentis copulat. Aetas Mediolani nuptias quibusdam in *Commentariis* legi, & cohospitatos in Ambrosiano cœnobio: pater, ni fallor, socerque Fridericus utrumque coronavit, huncque Regem, nurum Reginam Romanorum dixit. Forte hujus matrimonii conficiendi causâ, & pacis inter Longobardos constituendæ ad Italos septimo redierat. Nam & à Pontifice missus Cardinalis Petrus Dianus, genere Placentinus, ejusdem pacis gratia Placentinos cum Parmensibus & Obizione Malaspina reconciliavit: & Henricus Albanensis Cardinalis, & Hierosolymitanus Legatus in Gallias & Germaniam profecti, complures Principes, Regesque ipsos ad sumenda pro defensione Orientis arma impulerunt: quin & Ænobarbus ipse, seu ista cum Alexandro, ut quidam opinantur, expiandi sceleris gratia convenerat, seu recenti deliberatione sacræ expeditioni sese devoverit, nomen proficitur. Dum necessaria comparat, Oratorem præmittit Henricum Deytze, qui Saladino adventum suum nunciet; & suadeat, ut Christiano solo decedat: alioquin abruptis foederibus bellum indicat. Henricum quoque filium ex Italia revocatum, rebus Imperii præficit: is autem jam prole auctus ex Constantia erat: puero avi avunculique nomen inditum, isque Fridericus Rogerius vocatus est.

E Copiæ & commeatus ad Ratisbonam & confinia Pannoniæ contracti sunt: jamque satis omnibus paratis, subeunte anno octogesimo nono, iter A. C. 1188. ingreditur: filium sui nominis Fridericum * Successorum Ducem cum Antesignanis præmittit: ipse cum cohorte Principum & robore militum subsequitur.

F Pacato per Pannonias & Tazirgas, qui nunc vulgo Poloni dicuntur, incessere. Thraciam ingredienti præmiserunt Constantinopolim Episcopum Monasteriensem, & Robertum Maschen, qui expediri itinera curarent. Sed Cursacus Imperator contraria jubet, retentisque Oratoribus, quicquid potest, impedimentorum objicit. Itaque cum Fridericus Cæsar Philippopolim pervenisset, claudentem portas urbem invenit; sed vi adhibita expugnavit. Inde Adrianopolis petita tertio mense, ex quo domo digressi fuerant. Utraque civitas ad Hebrum fluvium Thraciæ nobilissimum

* Alii Conradum. Vide Ursperg. Nauclerum, Sigonium, Gordonum ad an. 1190.

fit est; sed Adrianopolim duo ex diversis in Hebrum confluentes, & lapideis pontibus juncti amnes illustrant, ac longe opulentiorum naturali quadam amoenitate reddunt. Dum mora hic fit, redierunt à Constantinopoli Oratores pacata omnia referentes, & patere iter ad Hellespontum per Gallipolim urbem: eoque profectus Fridericus in Asiam trajecit.

Interea Philippus Franciæ, & Ricardus Britannæ Reges, Dux Burgundiæ, alique Heroes in Italiam transmissi, ubi satis de summa rerum collocuti sunt, Genuæ, Pisique parata navigia conscendere: in Syriam incolumes delati*, intelligunt terrestres copias jam Cilicia & Armenia superata non longe ab Iconio esse. Sed jam instabat Friderici fatum: pervenire, quo tendebat, non potuit: varia fama, spontene exemplo Alexandri Magni, qui ut calidum corpus frigido flumine ablueret, in Cydnum Ciliciæ fluvium descendit; an coactus in amni Saleph † mersus, adstrictis subito vitalibus enectus est. Mortuum sui Tyrum pertulere; atque solemniter more tumulatus est, ut Germanici Annales habent: nam nostrates, quibus non æque crediderim, ibi sepultum, ubi mortuus sit, ferunt.

Imperatoris obitu, etsi jactura non mediocris facta sit, tamen cæteri Principes minime à proposito deteriti sunt; nam propinquo præsertim laboris sine, & quominus amissum videretur, personamque tantum, non etiam nomen mutatum gentes existimarent, Fridericum filium supra à nobis memoratum copiis præficiunt: mox Gallis, Britannisque adjunctis Acrim, quæ olim Ptolemais fuit, per vim capiunt, Ascalonem obsident. Hic inopinata vis morbi Fridericum novum Ducem oppressit*; ejusque interitum secuti sunt Philippus Flandriæ, Theobaldus Blesensis, & Stephanus Sacri Palatii Comites, aliorumque nobilium non parvus numerus. Cæteri continuata obsidione urbem expugnant, & naves, quas Saladinus serpentibus opleverat, mergunt.

^{A.C. 1190.} Anno nonagesimo supra mille & centum ab ortu salutis nostræ nihil aliud actum Mediolani lego, quam circa Kal. Januarias per Consules Conradum Judicem, Alcherium Bonvicinum, & Jacobum Sextium renovatam societatem cum Laudensibus ita, ut alterius amici pro amicis, & inimici pro inimicis haberentur; & quod tribus Laudensibus civibus Petratio Pusterulæ, Zenario Habono, & Guidoto Guzigo noxæ non foret, quod partes Mediolanensium secuti fuissent; permittiturque libera Laudensium jurisdictio Cavacurtæ, Montis Mali, Sancti Columbani, Grasignanæ, Valeriaræ, Sogotii, Somazani, Gardellæ, & Ronchadelli.

^{A.C. 1191.} Anno nonagesimo primo Rodolphus Concessus, quæ familia Brixienfis est, Secundus Potestas Mediolani Magistratum inivit. Per quod tempus Henricus Rex animo ad res Siculas adjuncto, ex Germania cis Alpes venit, Constantiam Reginam, & infantem filium adduxit. Dum Mediolani diversatur, privilegia à patre Papiensibus olim data affirmavit. Mox per Laudenses transiens, eorum pariter diploma confirmat: & Bonifacio Marchioni Montisferrati ob singularia ejus & parentis merita, donat Gamundium, Marengum, & Forum oppida, ex quibus conditam non exigua ex parte urbem Alexandriam supra diximus. Affuere officii causa Milo Archiepiscopus noster, tum Guilielmus Ravennas, Sicardus Cremonensis; tum Novariensis, Astensis, & Tridentinus Præfides, ac item Ubertus Blandrati, forte defuncti Guido-

^A nis filius, & Guilielmus Laomelli Comites. Mox Pisas profectus Kal. Martiis foedus cum eo populo, & rationem belli adversus Tancredum pariter & Genuenses gerendi init; & diplomate, quale nulli ante Cæsares fecerunt, concessit, quidquid de rebus Imperii hætenus occupassent, tum Cerviam, Portum Herculis, Barbiellam, quicquid inter Tignosium montem, & Ebulam, & Burrianum interjacet; tum vicos numero sexaginta circa portum Matronum, & fines Lucensium; item insulas Iluam, Caprariam, Gorgoniam, Planusiam, ipsamque Corsicam; & decernit, ne qua arx ædificetur Pisani invitis, ab ostio Arni ad usque Corvum, qui Liguriæ terminus est. Romam inde perrexit, ubi à Cælestino jura Imperii & Augustalia insignia accipit: simul quia sine Ligurum ope irritos futuros omnes conatus cernebat, Oratores, qui ab iis classem, classianosque milites peterent, mittit. Haud ita facile, quod petebatur, præstitum: sed erant, quæ Genuenses quoque ipsi à Cæsare desiderarent. Itaque cum Germanis Legatis Oratores quoque ipsi remittunt, qui necessaria transigerent. Profecti jam obsidentem Neapolim inveniunt, sine mora, sine difficultate foedera tertio nonas Junias scribuntur: quibus & paternæ immunitates confirmatæ, & novæ concessæ. Præterea promissa Promontorium Monachum, Gaviu in Apennino oppidum, & Syracusæ Siciliae civitas longe clarissima, & vectigalia vallis Noth, & Marchia, & Comitatus. Quibus Genuæ renunciatis, statim instructa classis trium & triginta navium longarum Ducibus Bellobruno Castello, & Rolando Carmadino: qui Tusco mari enavigato, cum littoribus Neapolitanis oberrarent, audiunt, Henricum adversa valetudine correptum, belli consilia intermisisse: assuetus Germanicis nivibus calores Neapolitani cæli ferre non poterat: semivivus Capuam relatus gratias Genuensibus agit exhibiti officii, bonamque eorum voluntatem laudat; sed quoniam fata nunc sibi inviderent, alio tempore eorum opera usurum: in præsentem se patrium solum repetere. Ita illis dimissis, ipse quoque circiter Idus Novembris Genuam venit, & inde Germaniam repetiit.

^{A.C. 1192.} Quæ interea in Longobardis fuerint, præ inopia scriptorum in obscuro sunt. Nam sequenti quoque anno nonagesimo secundo nihil aliud invenio, nisi quod Conradus Marchio Montisferrati, rebus in Syria bene gestis, Regnum Hierosolymitanum nactus est per nuptias Isabellæ Balduini Quarti sororis, & hæredis. Alterum jam virum Unfreonem Turonensem matrona habuerat; sed cum nihil liberorum ex eo suscepisset, secunda vota secuta est. Verum cum vix gravida effecta fuisset, hunc quoque virum gladio confossum amisit: maturo postmodum ventre puellam edidit nomine Mariam. Inde ipsa tertias nuptias amplectitur, juncta Henrico Trecensi, Ricardi Anglorum Regis nepoti: quo etiam satis erepto, quartum matrimonium fecit cum Alymerico Lusignaneo fratre Guidonis, qui interea Cypriorum regnum adeptus fuerat.

^{D.C. 1193.} Tertio vero & nonagesimo anno, video ingens bellum exarsisse inter Mediolanenses, & foederatas civitates Papiam, Laudem, Cremonam, Comum, Bergomumque. Quarum factioni accedens Bonifacius Marchio Montisferrati Papiam venit: ibique in concione jurejurando se adigit, futurum se vel acerrimum Mediolanensium hostem, nec passurum quidquam mercaturæ ab Genua, Savona, aliisque Liguriæ urbibus, tum Transalpinis quoque regionibus ad eam urbem deportari. Proximo Decembri idem Marchio ab Henrico Sexto in Germania agente ditionem oppidi Cæsariæ impetravit cum vectigalibus, & quidquid juris Imperatori ex ea spectaret.

Interea

* Non tamen prius quam anno 1191. vide Gordon.

† Alii Serram dicunt, annumque signant 1190. vide Gord.

* Sed juxta aliorum Chronol. an. 1191.

Interea defuncto Tancredo Siciliae Rege, super-
stes uxor cum filio impubi, & proinde injuriæ
cuilibet obnoxio, fuit. Quam rem cognoscens
Henricus jam valetudine confirmatus, Neapolita-
nam expeditionem iterum suscepit, incunte anno
nonagesimo quarto. In qua cum in primis necessa-
riam sibi duceret Longobardorum concordiam,
componere diffidia eorum curavit. Ejus tunc nomi-
ne Legatum in Italia agebat Drusardus, qui acce-
pto pacificandi mandato, conventum Vercellis au-
ctore Alberto Episcopo habuit; in quo Mediola-
nenses fuere Consules Bertramus Scacabarotius,
Rogerius, & Albertus Lampugnani, Guido Vi-
cecomes, Passaguerra Præalonus; à Placentia item,
& Cremona, & Cæsaria, & Grabadona missi Ora-
tores simul juraverunt, se in pace, induciis, &
rerum restitutionibus facturos, quidquid Cæsar
Henricus Sextus, & Drusardus Legatus jussissent.

Quibus peractis, Henricus in Italiam venit per
Junium mensem, Genuamque profectus, hortat-
ur cives, ut pro veteri instituto, & fide sua clas-
sem parent, secumque festinent ad eas opes, quæ
titulo, nomineque tenus Cæsaris, usu vero, &
re ipsa eorum ipsorum futuræ essent; nec in co ne-
gotio difficultatem ullam metuerent; cum morte
Tancredi regnum in manu viduæ & pueri relictum
sine adversario inventuri sint. Haud multis opus
fuit in excitandis sponte currentibus: statim naves
expeditæ; viri, arma, equi impositi; conscende-
re Duces Marchoaldus Cæsaris procurator, Boni-
facius Marchio Montisferrati, Ubertus Olevanus
genere Papiensis, honore Genuensium Potestas.
His accessere nonnullæ Pisanorum triremes. Datis
in altum velis, Cajetan primo deferuntur, quam
sponte deditibus accolis sine tumultu recipiunt:
pari facilitate Neapoli potiuntur. Comes Alielmus
eam tradidit. Inde Henricus dum Salernum obsi-
det, reliqua classis sparsas Tyrrheno pelago Insulas
Ænariam, quæ jam tunc Isella vocabatur, Ca-
preas, Prochyta, & Gironam recipit. In Sici-
liam mox navigare, & ad Messaniam, Mamerti-
norum infamia olim celebratam, descendere: at-
que hic Olevanus Prætor fato functus: cui statim
Navarchorum suffragio succedens Otho Carretus.
Tum jussis abire Pisanis, propterea quod ex eo-
rum invidia & æmulatione discordiæ metuebantur,
Catanam Genuenses proficiscuntur, quam à Sara-
cenis cum fautoribus Reginæ obsessam liberarunt:
mox Syracusæ illæ situ nobilissimæ, & speciem
quatuor urbium præbentes in potestatem venire:
quarum exemplum reliquæ civitates, excepta Pa-
normo, sunt sequutæ.

Quæ dum in insula aguntur, Henricus terre-
stres copias ducens Apulia, Calabriaque potitur:
tum Messaniam transfretavit, coque revocatis Ge-
nuensibus, nullas non preces adhibet, & quidli-
bet pollicetur, dum se non destituant, & bene-
gestam provinciam non deserant. Unam superesse
Panormum ad integram victoriam, solidumque Si-
ciliæ nomen obtinendum. Nec multa Ligur exspe-
ctavit: terra, marique obsessam urbem brevi ad
deditionem compulerunt.

Confecto bello, Genuensis præstari promissa à
Cæsare petit: sed is ad excludendos Regni focos
acuta tergiversatione usus, dixit, non videri quid-
quam legitime confici posse eorum Prætoris demor-
tuo: nam hunc, qui ejus loco succedens sit militari
suffragio, cum de voluntate & mandato civitatis
non constet, publico nomine conficere tabulas non
posse: sic eis dimissis, convertitur in fautores Tan-
credi, stirpisque ejus, in primisque nonnullos E-
piscopos & Sacerdotes sustulit; quos sine ulla re-
ligionis reverentia violatos, & per omne tormento-
rum genus excruciatos interimiri jussit: bonaque eo-
rum, ac templa ipsa diripi. Id quod ægerrime fe-

reus Pontifex, vehementer corripuit: nil timen-
tem diris execrationibus persequitur, Christiano-
que nomine privat.

Parum ista curans Henricus res Siculas ad arbi-
trium componit; & cum thesauris in Longobardos
revertitur, sub annos quinque & nonaginta. Pa-
piæ agentem, & Salvatoris Cœnobio diversantem
apprehendit nova Ligurum legatio: cujus princi-
pes fuere Bonifacius Archiepiscopus, Jacobus Mai-
nerius Potestas Mediolano oriundus, Fulco Castel-
lus, Joannes Advocatus, Anfaldus Bufferius, qui
reverenter Rege Henrico salutato, gratulantur
victoriam celeriter, feliciterque partam: tum ad
foederis & conventorum mentionem descendentes,
ex scripto etiam publico, ne quid dissimulare
possit, memoriam illi renovant. Satis eorum me-
minisse se Henricus respondit: *Sed vultis-ne nunc
mecum ponere rationes, & ad calculum cuncta redigere?
scio desiderium vestrum eo spectare, ut angulum aliquem
in Sicilia habeatis: sed fallimini, si creditis ullum vobis
mecum esse posse in ea consortium: semper, ut nostis,
improbata fuit apud sapientes regnorum societas: nequa
prudens quispiam diviserit, quod integrum habet. Novi
præterea ego militum mores: nulla umquam erit pax in-
ter meos Germanos, & vestros Italos; semper ex propin-
quitate nova certamina, novæ rixæ committuntur, quæ
sæpe à privatis ad Principes, Regesque transeunt, & Res-
publicas evertunt. Quare cogitate, si qua alia in Pro-
vincia extra Siciliam, Calabriamque, & Apuliam, com-
modo vobis esse possim, & ope, auxilioque meo ad arbi-
trium utimini. Digna sunt merita vestra, quæ liberali-
tas Cæsarea recognoscat. Et ut minus spei ad terram Si-
culam ponatis, etiam vos iis interdico, quæ olim conce-
dente Rogerio, patientibusque duobus Gulielmis possedi-
stis. Fidem plusquam Punicam in Cæsare spectan-
tes Ligures, cum sic aperta ratione abnueret, de-
trectaretque conventa præstare, domum abeunt,
identidem repetentes, maxima quæque beneficia,
maxima solere rependi molestia, ingratitudeque.*

Hinc trans Alpes euntem Henricum septem Me-
diolanenses Consules Comum usque deduxere A-
dobadus Bultraphus, Passaguerra Judex, Alber-
tus Lampugnani, Guido Vicomercatus, Man-
fredus Puteobonellus, alique duo. Sequens virum
uxor Constantia, in Cœnobio Medæ pernoctavit.
Ab Henrico autem Mediolanenses tunc in transitu
Larii impetraverunt, ut pacem cum Laudensibus
inire liceret.

Incunte sexto & nonagesimo anno Consulatum
Mediolani sortiti sunt Gulielmus Pusterleus, Con-
radinus Landrianus, Ghizo Burrus, Lanfrancus
Septala, Martinus Turrianus, Robacomus Man-
dellus, Albricus Carcanus, Gaspar Menclotius,
Albertus Camerarius, & Guido Medicus: qui ldi-
bus Septembris pacem cum Comensibus fecere: ex
qua remissæ utrinque injuriæ, rapinæ, cædesque,
& nominatim cædes Conradi Biragi, qui forte per
eos dies interfectus fuerat. Additum foederi, ut
sefe invicem mutua ope adjuvarent, si qua vis ali-
unde alterutri intentaretur. Et quoniam prove-
nerat inter eos causâ finium & ditionis quatuor
Populorum; ita cautum est, ut Mandellum, &
Cuvia vallis, & Mercuriola, & Doveda, & Lave-
na, & reliqua ea vallis à Trefia amne Seprium ver-
sus, nec non & Montorphanus Mediolanensi acce-
derent: Comensis vero Finum, Ogiatum, Gru-
viascam, Grabadonam, & Domasium obtineret.
Neque his fraudi foret, quod Mediolanensium par-
tes secuti fuissent. Eodem anno, defuncto Milone
Archiepiscopo, Ubertus Tertiagus sufficitur.

Anno deinde nonagesimo septimo Consules Me-
diolani leguntur Albertus Moguntiacus, Astulphus
Cotta, Monachus Villa, Arnaldus Canturius,
Albertus Septala, qui & Judex ac nuncius Fride-
rici Imperatoris inscribatur.

Dum

Dum autem Henricus in Germania moram trahit, Fridericum Rogerium Constantia genitum Casarem dici, consortemque Imperii decerni ab Heroibus curavit. Mox eundem in Italiam adducit, Neapolimque, & inde in Siciliam profectus, ibi eum veluti legitimum avunculi heredem, successoremque coronat, & populis imperare jubet. Ipse Messanam reversus, pridie Kal. Octobris moritur, ætatis tempore florentissimo, quippe quar-

atim & trigessimum annum non excedens: quorum duos & viginti cum patre, septem solus regnaverat: quidam ibidem sepultum, alii Neapolim translatum ferunt. Eodem tempore Drudus Marcellinus Mediolanensis Præturam Genuæ biennio gessit, continuatus in Magistratu opinione probitatis, & propter Rempublicam bene & prudenter administratam.

TRISTANI CALCHI, MEDIOLANENSIS HISTORIOGRAPHI, HISTORIAE PATRIAE LIBER XIII.

E P I T O M E.

Philippo I. & Othone IV. de Imperio dimicantibus, Longobarda aliquot civitates nobiscum foedus jungunt amicitia pace & bello, undecumque hostis ingruat, conservanda. Papiensis contra & Cremonensis communicato consilio distrabendi, infringendique vires nostras, ab sua quisque parte bellum pariter nobis inferunt. Sane primus cum Papiense congressus parum nobis feliciter cedit: sed iterum lacesiti Viglevano capto, in foedus venire compellimus. Derthonensis item & Alexandrinus in Aquensem Diocesim conspirant.

Baldunus Flandria Comes, & Bonifacius à Monteferrato pulso Alexio Gracum invadunt Imperium, Venetis adjuvantibus: prædamque adeo opimam ita dividunt, ut Thessalonica Regnum Bonifacius, Insulas toto pelago frequentissimas Veneti capebant; Balduno reliquum Imperium reservetur: quod eo in expeditione extincto, brevi ad Henricum fratrem pervenit. Genuenses Syracusas à Pisanis occupatas in pristinum afferunt statum. Mediolani Galiardorum societate pulsa, abrogatisque Potestatibus, restituitur Consulatus: & Ubertus Pirovenensis hoc nomine II. Archiepiscopatum suum excipit purpura. Apud Germanos Philippo interempto, regnat Otho: qui Mediolanensium amicitia litteris & aliquorum civium opera conciliata, in Italiam securus descendit: & Mediolani primum ferro, deinde Roma auro redimitus, audit Imperator ejus nominis IV. Sub idem tempus Mediolani statuta reciduntur, & Henricus Septala Ubertum excipit. Otho Pontifici recusanti Patrimonio Ecclesie à Matilda legato cedere, fit inimicus: ideoque Neapolitanum Regnum, quod ille una cum Friderico Rogerio adhuc impuberi inclientelam acceperat, invadit. Quamobrem hostis Ecclesia declaratus, Imperio movetur, eodem Friderico promotus: qui in Germaniam movens ad id capebundum, quamquam Papiensium ac Cremonensium presidio stipatus, agre finibus nostris excedit, Othone, Calabria expeditione deserta, eodem festinante. Nos interim cum Cremonensibus, Papiensibusque haud sane impune configimus, simulque civilibus discordiis astuamus, quas restitutus Prætor externus sedat. Othone una cum novo socero Ferdinando Flandria Comite à Philippo Francorum Rege debellato, Fridericus Rogerius Aquigrani Caesar sacratur. Syria rebus magis in dies laborantibus, Innocentius primum, deinde Honorius sacrum in Europa Classicum canit: & Henrico Constantinopolitano Imperatori mortuo Petrum Altissiodorensis ejus generum sufficit: cui in eam expeditionem comes proficiscitur Archiep. noster Septala, lecta bellatorum manu succinctus. Sed nec apud Longobardos ferro cessatur: nos cum Papiensibus varia fortuna con-

gredimur: & nostras interim leges unum in volumen digerimus. Hæreses primum S. Dominici prædicatione, deinde legibus ac judicio persequimur. Fridericus in Italiam reversus, Papiæ ac Derthonæ administrationem ordinat, simulque jura & ditiones à Mediolanensibus & Placentinis adempta reddi jubet. Roma omnium ordinum gratulatione excepto, & Augustalibus insignito Hierosolymorum Rex Joannes Isabellam filiam Regno dotatam despondet. Tam prospero fortuna afflatu in Siciliam delatus Genuensium inibi jura & opes accidit: Henricum filium Romanorum Regem inungendum curat.

Mediolanenses vacationem ab externis hostibus nati, civili bello profana inter se odia exercent: plebs adversus Nobiles, quorum honores & munia appetebat, ferrum ac flammam corripiente. Nec aliis conditionibus, quam sacerdotiorum communione tempestas deservit. Caesar deinde Cremonæ agens Savonenses adversus Genuenses expostulantes rejicit: qui repulsam passi una cum Albingannensibus Sabando se Comiti dedunt. Sed brevi sub jugum iterum mittuntur. Mediolanum deinde, aliasque Longobardas civitates Imperii perduelles judicat, quibus etiam ab Legato Pontificis interdicatur sacris. Inter hæc Archiepisc. Sephala ex Syria redux Mediolanum appellitur, & suffraganeos, qui per absentiam defecerant, Præsules ad officium reducit: nec multo post vita digrediens Uberto Ruzolo loco cedit. Hoc Præsule media urbe Prætorium Palatium exstructum est: & S. Francisci sectatoribus ades Naboris & Felicis attributa: & clandestinum foedus cum Henrico Friderici filio initum. Sed Fridericus ab Aëtolino Patavii Tyranno in Italiam evocatus, nostri exercitus cade, & Vicentia incendio, conspirationis flammam in Longobardis & in Germaniam advolans fomitem ipsum Henricum exstinguit: Conradoque minore filio Germania gubernaculis admoto, in Italiam reversus Mantua in deditionem accepta, duplicem nobis intulit cladem: exercitus casti, agrique populati. Salinguerra ejus presidio insolens, Ferrarieque Tyrannus, Pontificii Legati, Italarumque Procerum conspiratione in ordinem, carceremque redigitur: demumque adversus Fridericum Ecclesie hostem Crucis sublato vexillo, Classicum canitur.



MORTE Henrici, qui propter cæsos in Sicilia sacerdotes, & templa spoliata, hostis Ecclesie declaratus, legitimum Imperii titulum amiserat, magna in Christiano orbe orta sunt de amplissima dignitate certamina: nam Friderico Rogerio, cum ob puerilem ætatem, absentiamque, tum ob paternam maculam post-

T

habito,

habito, Germani Proceres Franchfordiæ de more
 A. C. congregati sub annum nonagesimum octavum su-
 1198. pra mille & centum ab ortu Christi, eligunt Phi-
 lippum Sueviæ Ducem Henrici demortui fratrem,
 ut in stirpe Magni Friderici Augustale decus con-
 tinuaretur: duo tantum ex eis diversa sentien-
 tes Adolphus Colonienfis, & Theodorus Trevi-
 renfis Præfules in Agrippinenfi Colonia Othonem
 Pictaviæ Comitem Henrico Saxono genitum pro-
 movent, ac eidem per Legatum Apostolicum tunc
 in Germania agentem Pontificiam prærogativam
 deferri curarunt.

Id vero factum indigne Electores tulere, Le-
 gatumque ipsum, quasi qui alienum usurpaverit,
 & persona sit abusus, coram Innocentio Tertio,
 qui Cælestino successerat, postulant: audita con-
 troversia Pontifex, iustum, rectumque Cæsarem
 Othonem pronunciat; averfatus Philippum, quia
 ad eum quoque pertineret contagio infamiæ, &
 execrationis in Henricum fratrem effulminatæ: sic
 Otho Aquisgrani coronam & alia Cæsarum in-
 signia fuscipit, & quartus à tribus illis, qui ducen-
 tos ab hinc annos regnaverunt, huius nominis
 Augustus appellatur. Nam priscus ille Otho Sal-
 vius, qui inter duodecim Cæsares apud Antiquos
 describitur, in hunc ordinem à posteritate rece-
 ptus non est.

Philippus vero hac repulsa, ceu insigni contu-
 melia notatus, furore excandescit: iratus, mi-
 narumque plenus, quidquid potest copiarum con-
 trahit, amicos quibuscumque modis, donando,
 pollicendo, preces interponendo comparat; Du-
 ci Boemiæ coronam, nomenque Regium defert.
 Contra Otho, & eosdem sollicitat, & alios con-
 ciliat.

Cum sic Germanæ res fluctuarent, & in earum
 eventum Itatorum animi erecti nutarent; septem
 Longobardæ civitates communi saluti consulentes,
 Veronæ conventum indixere; cumque cele-
 braverunt: à Mediolano Martinus Turrianus; à
 Brixia Henricus Confanonerius; à Mantua Bona-
 ventura Judex; à Vercellis Jacobus; à Novaria Phi-
 lippus Sefius; à Tarvisio Madius; & civitatis
 ipsius Veronensis summus Magistratus: & iv. Kal.
 Majas hæc fœdera junxere: sese futuros mutuo au-
 xilio tuendis iis opibus, quarum in possessione de
 præfenti essent, adversus vim cujuscumque in con-
 tractu non nominati: & si cui ex sociis bellum in-
 feratur, consurgent omnes bona fide, sine fraude
 ad propulsandum hostem atque injuriam. Non pa-
 cem, non inducias, non genus ullum compositio-
 nis etiam cum Cæsare ipso facient, nisi ex com-
 muni consensu: quæ ab hostibus in cujuscumque
 perniciem tractari quispiam sociorum audiet, ea
 in commune conferet, & nota faciet. Comensi
 spatium intra Kal. Decembris datum accedendi in
 societatem.

Interea Mediolani locus publici consilii, quo-
 niam hætenus certus non fuerat, constituitur,
 in quem magnis de negotiis tractaturi convenirent.
 Credentiam Divi Ambrosii nuncupavere. Specta-
 tur adhuc media urbe Turris, & titulo celebris, &
 diu pro Curia habita fuit. Eodem tempore creati
 Consules Martinus Turrianus, Gufredus Pusteru-
 la, Obizo Cuminus, Conradus Judex, Obertus
 Ossa: & gestum prælium atrox & cruentum inter
 Vercellas, & propinquum oppidum Sulugiam le-
 go; sed inter quos, & qua ex causa, non traditur.
 Et defuncto Uberto Tertiago, sufficitur in Ar-
 chiepiscopatu Philippus Lampugnatus, qui annos
 decem, & quatuor menses in eo sacerdotio vixit.

A. C. Sub Idus Januariæ anni nonagesimi noni, pax
 1199. cum Laudensi inita: confecerunt eam Joannes
 Rufca, Comensis genere, tum Mediolani Prætor,
 & Consules Justitiæ, Credentiæque, & Mercato-

rum. Tum mense Majo suscepta expeditio est ad-
 versus oppidum Sanctum Donninum in Parmensi:
 junxereque communiter arma cum Mediolanensi-
 bus Placentia, Brixia, Comum, Vercellæ, No-
 varia: ab Asta quoque & Alexandria nonnihil au-
 xiliorum missum. His adversabantur Parma, Cre-
 mona, Rhegium, Mutina. Certavere acies magnis
 viribus. Demum victi, qui oppugnabant, fusique,
 & fugati ducentorum & eo amplius equitum jactu-
 ram passi, obsidione abierunt.

Deinde pridie Idus Junias Mediolani conventus
 fit. Hunc celebrare Magnum Consilium ipsius
 civitatis, Placentia, Vercellæ, Asta, Alexan-
 B dria, Bonifacius Marchio Montisferrati, & Guliel-
 mus ejus filius: fœdus his conditionibus inivere, ut
 salvi ubique communes subditi haberentur; mutua
 ope sese invicem adjuvarent, si quod bellum aliun-
 de oriretur, vel ipsi inferre alicui decreverint, præ-
 terquam iis, quos nominatim excipiebant. In qui-
 bus cum finitimi fere omnes descripti fuerint, ex-
 ceptis Papiensibus & Cremonensibus; haud dubie
 adversus se hæc duæ civitates iniri consilia cogita-
 runt. Permissumque est onus deliberandi supra re-
 bus futuris Consilio Mediolanensi & Placentino,
 quidquid hi duo intra Kal. Januariæ decernerent,
 id se observaturos cæteri jurarunt. Nomine au-
 C tem Mediolanensis civitatis stipulati id sunt, Ru-
 sca Prætor, Consules Telinus Landrianus, Tra-
 versius Valianus, Algisius Vicomercatus, Jacobus
 Peluchus, Arnaldus Bombellus. Præterea nobiles
 cives Martinus Turrianus, Beltramus Scacabaro-
 tius, Rogerius Lampugnatus, Baldicionus Stam-
 pa, & complures alii.

Moxque anno sæculari millesimo & ducentesimo, A. C.
 bellum, quod gravidis animis parturiebatur, exar-
 1200. fit à Papia, Cremonaque: Papienses vicinos Ticino
 Mediolanensem agros invadere, ac populando late
 evastare. Cremonenses ab Soncino alterum ne-
 gotium moliebantur: sic dividere copias Mediola-
 nenses coacti, adversus alterum minus virium
 habuere; infelicique circa Ticinum pugna facta,
 utramque expeditionem intermisere.

Inter Ferrarienses quoque & Ravennates eo-
 dem anno aliud prælium gestum lego, & Ar-
 gentam oppidum iterum captum, combustum-
 que, & ingentes catenas, quibus Padus claud-
 ebatur, effractas, Ferrariamque delatas pro foribus
 Episcopatum ædium, ubi adhuc visuntur, in tro-
 phæi morem suspensas.

Anno sequenti Mediolani tres Potestates juri A. C.
 dicundo præfuerunt, Albertus Mandellus, Rai-
 1201. nerius Cotta, & Drudus Marcellinus; & socie-
 tas validissimorum juvenum facta, qui à vi-
 rium vi & significatione *Galiardi* nuncupaban-
 tur.

Cæterum Parmensibus oppidum Donnini mutatis
 studiis obsidentibus, missa fuere à Mediolano auxilia,
 id quod ægre ferens Papiensis, in agrum Mediola-
 nensem excurrit. Irritati Mediolanenses Ticinum
 ponte jungunt, traductisque ad xi. Kal. Junii co-
 piis, Viglevanum obsident: trium portarum eo mi-
 litia ducta; à fœderatis quoque civitatibus Como,
 Novaria, Vercellis, Alexandria, Placentia submis-
 sa auxilia: munitus erat locus muro, fossaque utrin-
 que vallata; & propugnatores impigri inerant: qui-
 bus fortiter sese defendentibus, reliquarum porta-
 rum juvenus à Mediolano accersitur, tormenta,
 machinæque murales adhibentur: unius & dimidii
 mensis labor fuit. Demum expugnatur oppidum,
 & diripitur: captivi Mediolanum ducti. Ab ea vi-
 ctoria iterum feliciter cum Papiense pugnatum,
 profligatisque hostibus, cum multi capti fuerint,
 alii cum singulis vestimentis domum remissi, alii
 cum Placentinis captivis permutati, causa fuere,
 ut tandem pax, fœdusque cum Papiense jungeretur.

Nam

A.C. 1102. Nam sequenti anno confociati Mediolanensibus Adduam transivere, & undecim dies populati sunt agros Bergomensium.

Sicut supra Drudum Marcellinum diximus biennium in Prætura Genuensi continuatum; ita hic occurrit memorandus Gufredotus Grassellus, qui triennium eandem Præturam cum summa laude gessit.

A.C. 1103. Anno millesimo ducentesimo tertio externus Potestas creatus est Saccus de Saccis Laudensis: sed eo mox abrogato, sex ejusdem tituli Magistratus creantur, Tacius Mandellus, Dominicus Burrus, & Manfredus Ossa ex collegio Credentiae: tres alios Galiardorum societas dedit. Per Martium mensem pontem in Ticino struxere Mediolanenses juxta Morimundum cenobium, quem Regina cognominaverunt. Et Transpadani populi, Derthonenses, & Alexandrini in mutuam defensionem conspirantes foedus jungunt; quo etiam invaderent, & ea nominatim, quæ dicerentur esse Episcopatus Aquensis; & quæ acquirerentur, æquis portionibus dividerent.

Per idem tempus Mediolani decessit Petrus cognomento Buserus, qui sacellum Mariæ Montanæ septuaginta annos Archipresbyter curaverat: & Imperium Constantinopolitanum à Græcis ad Gallos traductum. Nam duo illustres Proceres Balduinus Comes Flandriæ, & Sancti Pauli, adjuncto Bonifacio Monteferratense per Longobardos Venetias delati, classem conscendere: ex itinere Jaderam expugnarunt, Venetisque ex compacto tradiderunt. Constantinopolimque inde navigantes, ejecto Alexio, Regni tres partes fecerunt, urbem Byzantium cum tituli majestate Balduinus, Marchio Bonifacius Thessalonicensis, Veneti insularum imperium sortiti sunt.

A.C. 1104. Anno ducentesimo quarto sex iterum Potestates Mediolani creantur, Gulielmus Pusterlaus, Tacius Mandellus, Danesius Cribellus, Dominicus Burrus, Manfredus Ossa, & Oldrevandus Canevefius. Quo tempore Ligustici Annales habent, Arragonum Regem Genuam venisse: & Genuenses adjuvante Henrico Piscatore Comite Insulæ Melitæ, Syracusas Siciliæ urbem de Pisanorum piratarum tyrannide recepiſſe, ac urbis Episcopo & fratribus ejus restituisse.

A.C. 1105. Anno mccc. Galiardorum societas Mediolano est pulsa, & gliscente civili discordia bellum inter eos & plebem urbanam conflatur; & prætermisso Potestatum Magistratu ad Consules civitas rediit. Eodem anno Amizo Bultraphus Mediolanensis Præturam Alexandriæ gessit: quo auctore, & stipulante Gulielmus Marchio Montisferrati pro magno munere remisit portorium, quod pendere Alexandrini negotiatores ad Felicianum transcuntes consueverant; & ejusdem pater Thessalonicensium Rex persecutus Alexium res novas in Peloponneso molientem profligavit, & Corinthi cum uxore & filio cepit, navique impositos Genuam, & inde ad filium in Montemferratum misit: simul filiam accersivit, quam matrimonio Balduini jungeret. Sed dum sponsa Ligurum triremi advehitur, Balduinus ad obsidendam Adrianopolim profectus est, atque ibi cum trecentis nationis suæ militibus interfectus: cujus morte Constantinopolitanum Regnum excipit Henricus frater.

A.C. 1106. 1107. Fluxere dehinc anni duo, sextus, & septimus. Quibus Præturam Mediolani gessit Ubertus Vicecomes genere Placentinus. Et defuncto Philippo Lampugnano, Ubertus Piroveneus hujus nominis secundus, jamque Romanæ Ecclesiæ Cardinalis, Archiepiscopatu Mediolanensi præficitur. Et Gulielmus Monteferratenſis, annuente Bonifacio patre, vendidit Papiensibus oppidum Valentium, quod in Padi ripa situm Forum Fulvii dictum fuisse eruditis placet.

A Cum vero jam subiisset annus octavus, & Philippus ad Imperium Germanicum adspirans, bellicis victoriis claruisset, excipitur insidiis Bertolphi Vintilimbacensis Palatini Comititis, cujus miserranda cædes maximum auctori odium paravit apud cunctos Germanarum civitatum Proceres. Nec ita multo post surgentibus in eum ultoribus, patriis finibus ejicitur, & ab Henrico Calatino obtruncatur.

Otho autem solus Imperio potitur: qui ut opes magis firmaret, atque opinione matrimonii validius cuicumque resisteret, nuptias filiae defuncti adversarii pollicetur*. Tum ad rem Italiam animum adjicit: Mediolanensium in primis amicitiam sibi necessariam statuit: sed cum eam difficilem fore sibi arbitraretur propter veteres & prope inexpiabiles inimicitias, quæ cum priscis Cæsaribus intercesserant, interpretum operam adhibuit. Hi fuerunt Gallinus, Burgundius, Petrus, & Rufinus fratres de Aliate, quorum auctoritas non contemnenda, neque mores ingrati civibus erant. Horum igitur industria usus Otho, foedera cum Mediolanensibus jungit, atque in memoriam meriti, his fratribus, eorumque nepotibus, privilegium dedit, quo soli Notarios, & Tabelliones crearent, cæteris omnibus, qui eandem auctoritatem haberent, interdictis; eisdem titulo Comitum Palatinorum Mediolanidonat. Item eidem Gallino, & Alberto Mandello feudi nomine Forum Novum & Mozanicam eodem jure, quo Episcopus Cremonensis à Cæsari-bus obtinere solebat, & Gudum, & Antebiagum, & Villam Lanterii, & quicquid ibidem, atque in jurisdictione Mediolanensi Cœnobium Cæli Aurei Papiæ possidebat; sed propter suborta bella, & temporum mutationes, nihil eorum, nisi creandorum Notariorum auctoritatem, obtinuerunt. Et ut posteris stirpem recognoscant, hi juvenes alterius Petri filii fuere; ipsi vero filios genuerunt. Gallinus Basianum & Conradum; Burgundius Hectorem; Petrus Bonacursium Jurisconsultum & Petrum Canerum.

D Exploratis Mediolanensium animis, Otho Volfgerium Patriarcham Aquilejensem eisdem ad confirmandos, & aliorum studia tentanda, præmisit. Is Martio mense litteras Cæsaris Potestati, qui tunc forte erat Albertus Auricus Fontana Placentinus, ac Consulibus, & populo Mediolanensi reddidit in hæc verba: *Si vestri erga nos amoris & studii oblivio nem nobis obrepere umquam pateremur, profecto honori nostro, rerumque nostrarum incolumitati parum cautum fateremur; nam & ipsi ingrati nomen, quod maxime alienum à Principe esse debet, subiremus, & ceteri populi exemplo deteriti alio animos averterent: sed absit, ut qui officiosissimi semper fuimus, & dictorum, factorumque nostrorum summam constantiam tenuimus, meriti cujuspiam immemores videamur: vestrum nomen, atque devotio nobis infixæ cordi hæret: qui maximis nostris perturbationibus atque periculis nullo hostium terrore, nullis minis ab amore nostro dimoveri potuistis; ac propterea, ut cunctos, singulosque vestrum unice diligamus, & præ cunctis sacri Imperii populis claros, honestosque faciamus, jura, libertatem, consuetudines vestras servemus, meremini. Nam Legatio amplissima cum pretiosis muneribus ad nos missa, quando satis digne à nobis laudabitur? certe, quo sapius eam animis revolvimus, gratior, acceptiorque fit; nec umquam ulla est in nobis deletura oblivio: ceterum virum clarissimum Volfgerium Patriarcham Aquilejensem totius Italia Legatum mittimus, qui vices nostras identidem obeat: optamus, ut vos quoque hunc aque reverenter ac nos ipsos accipiat, ope, auxilio juvetis; ut & ipse digna se, digna nomine nostro agat, & vos ab instituto vestro discessisse non videamini. Hæc litteræ ex Augusta Germaniæ urbe mense Januario scriptæ fuerant. Quibus Mediolani perlectis, nihil eorum prætermisum, quæ ad honestandum, ornandumque tanti viri adventum pertinerent.*

* Juxta alios, jam duxerat anno superiore.

Tum Papiam, Placentiam, Cremonam, Bri-
xiam, cæterasque urbes adiens Volfgerius ostende-
bat, quid auctoritatis sibi datum à Cæsare in Lon-
gobardia foret, Tuscia, Umbria, Flaminia, Pice-
no: denique cum prona omnia votis haberentur,
digreditur Germania Otho, quem sequuntur
Albertus Magdeburgensis Archiepiscopus, Ludo-
vicus Bavarie, Bernardus Carinthie, Otho Ha-
muræ Duces, Hemardus Goricie, Artemannus
Vertembergensis Comites. Jam plana Italie tenen-
ti sese adjungunt Lotharius Pisanæ, & Henricus
Mantuanæ Ecclesiæ Præfules, Actius Estensis
Marchio, Salinguerra Ferrariensis, Actiolinus
cognomento de Romano, qui tum apud Tarvisanos
magnis opibus florebat. His associatus Otho, Me-
diolanum accedit, ubi maximis studiis, maximis-
que honoribus accipitur. Traditum litteris est, mis-
sam illi obviam fuisse multitudinem puerorum, ad
prima urbis limina, qui linteis induti non inju-
cundum Cæsari præbuere spectaculum. Hic illu-
stri die Resurrectionis Christi Dei anni mccc. ope-
rante rem sacram Uberto Pirovenco Archiepisco-
po, adstanteque Volfgerio Patriarcha in æde Am-
brosiana, ferrea corona Otho insignitur. Affuit
& vir inclytus Gulielmus Pusterlaus, qui jam Ale-
xandriæ, Placentiæ, & Mediolani magna cum
laude Præturæ munere functus fuerat. Hunc Otho
equestri Parazonio accinxit, & Astensis urbis feudo
locupletavit: quibus peractis Mediolano sub
Kal. Majas digreditur; Laudem novam, & Pla-
centiam transmeat; ubi Ligurum legatio, Pisanorumque
Oratores eum alloquuntur. Durabat exi-
tiale bellum inter eos. Otho his auditis suspendi arma
jubet, & captivos, qui utrinque essent, sibi
tradi. Paruere utrique; ita hos Alexandriæ custodi-
ri, illos in Sancto Miniato & Frixeto Etruriæ op-
pidis asservari jubet: mox Parmam progressus, con-
ventum Italorum Procerum habet. Inde Ferrariam
itum, ubi Actii Estensis Marchionis, & Salinguer-
ræ præpotentis viri discordias fustulit. Tum in Bo-
nonienses movet: ad Rheni ripas agenti adstiterunt
Comites Blandratenses, Conradus, Guido, & Obi-
zo filii Rainerii; item Ubertus, Gotifredus, Ga-
zolinus, & Otho filii Uberti, & nepotes magni
Guidonis, qui sub Friderico Ænobarbo claruit,
confirmationemque veterum privilegiorum impe-
trarunt: pergens reliquum iter Otho, Romam per-
venit, ubi magna celebritate ab Innocentio Tertio
coronatur. Eodem anno petitem veneno Vercellen-
sem Episcopum à nonnullis civibus suis lego: &
quia is esset ex gente Vicecomitum, ejus cadaver
in Castro Seprio sepultum.

A.C. Subeunte anno mccc. Gulielmus Landus Me-
diolani Præturam sortitur; sub quo leges Munici-
pales & statuta populi reformantur; ratificataque
societas Credentiæ Sancti Ambrosii, & item mer-
catorum; quæ vulgo *Mota* cognominabatur. Item
fancitum, ne ullus umquam Magistratus jus diceret
Ugoni Rogerii, & Conrado, & Henrico Rodul-
phi è gente Vicecomitum: deliquerant hi fortasse
nescio quid, publica animadversione plectendum,
ac propterea etiam eorum rationes, quæ erant super
pistrinis exercendis, & furnis, ac sextariis signan-
dis, in ærarium redactæ fuerant. Consultum vero
rei Capitaneorum de Arsago, quorum impensa
maximi compendii pons in Addua ad Vaprium vi-
cum exstructus fuerat, expositumque in id opus
fuisse constabat pretium trium millium & ducen-
tarum librarum: itaque cis in emendationem con-
stituuntur bini solidi perpetuo ex singula libra pen-
dendi.

Interim Mediolani moritur Ubertus Archiepisco-
pus; cui sufficitur Girardus Sessius Apostolica le-
gatione tum in Longobardis fungens: sed is Cre-
monæ brevi raptus, in Sacerdotio nostro non peren-

navit. Ergo illud excepit Henricus Septala ordina-
rius Cardinalis, & Cimiliarcha Mediolanensis, &
tum litteris operam Bononiæ impendens.

Inter Othonem quoque & Innocentium haud
diuturna grãtia stetit: suborta controversia est cau-
sa ejus terræ, cui Patrimonii inveteratum jam co-
gnomen est: id quod pertinere ad Imperium Otho,
cei minus legitime donari per foeminam Ecclesiæ
potuerit: contra Pontifex, & donari à Matilda
Regina potuisse, & jam centum annorum posses-
sionem prætendebat: qua sententia cum divelli
non posset, irarum plenus Otho Roma digreditur;
& Campanos petens, statim dedente urbem Petro
Celani Comite, Capua potitur. Tum Neapolim
recepit: nec multo post cuncta Apulia, atque Ca-
labria, ac Tarentum ipsum ejusdem dicto audien-
tes fuere.

Cujus successu offensus Pontifex, Othonem
Ecclesiæ hostem pronunciat; simul ut eidem pa-
rem potentiam opponeret, Fridericum Rogerium
ex Constantia Sicula natum excitat, atque ad avi-
tum Imperium capeffendum hortatur, ac præroga-
tiva sua firmat, omnemque opem, quam præstare
Pontifex valeat, pollicetur; penetret modo in Ger-
maniam, (nam tunc in terra Sicula adolescens age-
bat) & quæ cum Heroibus transigenda forent, ex-
pediret: namque ab Othone suafu Pontificis de-
ficiebant Lantgravius Dux Lotharingiæ, Rex Boe-
miæ, Dux Austriæ, duo Archiepiscopi Treviren-
sis, & Moguntinus: haud spernenda proposita ami-
ci suadebant, & comparatis per hiemem itineri ne-
cessariis, quatuor triremes conscendit, & Kal.
Majis anni mccc. adnavigavit Genuam, ubi in
Idus Julias moratus est, scrutandis Longobardorum
animis, qui suspensi exitum fortunæ speculabantur.
Demum superato Apennino in Alexandrinorum
agrum descendit: festinantem ad Padum Papien-
ses primi excepere, & in urbem suam ductum am-
pliter habuere: trans Adduam ducere animus erat,
ut inde ad Alpes expeditus properaret; sed eorum
studiis adversabantur Mediolanenses; jamque co-
pias, quæ aditum præcluderent, secus Lambri ri-
pas disposuerant: verum inusitato modo Fridericus
ad umbilicum usque mersus, amnem tranavit. In-
de Cremonenses, & Estensis Marchio trans Ad-
duam & Alpes usque incolumem perduxere. Fru-
strati ista spe Mediolanenses, præsidio Papiensium
occurrere, atque ad conferendam pugnam compu-
lere: dispari Marte res transacta. Nam Mediola-
nenses septuaginta ex hostibus captis, ipsi diuidium
ejus numeri ex suis desideraverunt.

Mox Novembri mense Actius Estensis moritur;
superstitibus duobus liberis Aldrovandino & A-
ctio Novello: transitu Friderici in Germaniam co-
gnito, nutantibusque Heroum factionibus, Otho
eodem festinandum ratus, Apuliam, Calabriam-
que deserit. Nam & Pisana classis quadraginta tri-
remium auxilia, & comitatus ei comportans cum
Neapolim pervenisset, & expositis in terram explo-
ratoribus nusquam terrarum eum comperisset, in-
tegris copiis domum renavigavit.

Sequens annus quatuor Prætores Mediolani ha-
buit, Othonem Mandellum, Manfredum Busna-
tum, Ardigotum Marcellinum, & Busnardum In-
coardum. Eodem anno bellum Cremonensibus il-
latum, sociique habiti Comenses; Laudenses, &
Placentini: certatum cruento Marte est ad Castrum
Leonem die Pentecostes, quæ tunc pridie Kal.
Junias fuit. Fusi Mediolanenses Carrotium cum
quatuor hominum millibus amiserunt: subinde Ale-
xandrini & Derthonenses Papiensium fines inva-
dunt; Salam oppidum sibi propinquum expu-
gnant, ac spoliatum incendunt. Mox imploratis
auxiliis ab Vercellis, Alba, Aquis, Gulielmo &
Conrado Malaspinis, & septingentis viris à Medio-
lano,

lano, Casellas Papiensium oppidum petunt: ubi castris imprudenter positis, & fugam facere incipientibus Mediolanensibus, cæteri profligantur, & Papiensis castris, incredibilique rerum copia potitur. Anno MCCXIV. Ubertus Vidalta Placentinus Mediolani Prætor declaratur, qui prudenti consilio vir, ut contentionum causam tolleret, quæ inter Patres & plebem, hoc est, inter Capitaneos, Valvasoresque, & Motam, & Credentiam oriebantur, sanxit, ut urbani Magistratus pari deinceps numero utrinque crearentur, & communes dignitates, publicaque munera haberentur.

Interea Otho, qui Germanorum studia in Fridericum manifeste inclinata cernebat, in Galliam Belgicam se contulerat; & opibus Henrici Lotharingæ Ducis adharebat; cujus & filiam Mariam, ut certiori foedere devinctum se ostenderet, uxorem accepit: in Trajectensi urbe nuptiæ actæ. Mox ambo simul auxilium Ferdinando Flandriæ Comiti adversus Philippum Francorum Regem tulerunt, pugnatumque acie Kal. Augusti ad pontem Bovinensis Tornacensium agri. Ferdinando adversa fortuna fuit: nam vivus in potestatem hostium venit: item ex ejus exercitu capti Comes Bononiæ, quæ est in Morinis, & Comes Hollandiæ, & Regis Angliæ frater. Otho vero & Henricus fœderato ex reliquiis cuneo diu vim Gallorum sustinere: sed mox & ipsi debellati mutata veste, abjectisque Regiis insignibus, hostium manus evasere: nec ullo deinde illustri negotio Otho celebratur. Fridericus vero Regio titulo Franchfordiæ assumptus, per Julium mensem anni MCCXV. Aquisgranum defertur: ubi à Syfredo Moguntino Archiepiscopo, quia tunc forte Colonienfis Ecclesia vacabat, sacratur, & Cæsaris corona condecoratur.

Eodem tempore rebus adversis ex Syria nuntiatis, Innocentius Pontifex Crucem prædicari jubet, hortaturque Principes Christianos, ut in spem salutis æternæ sacram suscipiant expeditionem. Multi ei audientes fuere: sed dum inter Heroas ratio gerendi belli apud Lateranum initur, Pontifex Perusiam proficiscens, moritur: cui statim suffectus Honorius Tertius, nihil eorum, quæ ad peregrinationem inceptam pertinerent, omisit: sed cæteris in sacro proposito confirmatis Petrum Altissiodorensis Constantinopolitanorum Imperatorem designat, & Romæ cum Jole uxore coronat. Ei comites accessere Joannes Columna Cardinalis Romanus, & Legatus Pontificius, & Henricus Septala Archiepiscopus Mediolani cum egregia juvenum manu, quorum non instrenua opera usus, post longos labores pariter in patriam redactus est.

Inter hæc Aldrovandinus Estensis veneno petitus moritur, Beatrice filia superstiti, quam deinde successor rerum Actius nuptui Regi Ungariæ locavit. Et circa fines nostros res minime quietæ erant: nam Mediolanensis adversus Papiensem bellum gerens, post varias illatas, acceptasque clades, in agrum Laumellinum profectus Garlascum non ignobile oppidum evertit. Inde trans Padum emissâ quatuor Portarum juvenus montem Calvum, Suriascum, montemque Othonem ceperunt. Parmensis & Cremonensis contra Placentinos, quia cum Mediolanense sentiebant, arma intulerunt, & juxta Nuriam amnem cruento Marte certatum. Ad Cruviacum quoque duo potentes viri Rolandus Nucetus, & Petrus Guidonus Rogerii mutuis injuriis se conficiebant. Agebat tunc Præturam Mediolani Jacobus Malcorigia Placentinus, qui tentatum à Brunasco Porta Novariense de publico civitatis consilio opus confecit. Adhibitis namque peritissimis viris Guffredoto Grassello, Alberto Marliano, Leonardo Crucio, Gaspare Menclotio, Vicecomite Rizolo, Othone Horto, ac paucis quibus-

busdam aliis, redegit in volumen consuetudines, quæ Mediolani pro legibus servantur, easque caste servari mandavit.

Anno MCCXVII. sub Idus Julias Papienses, qui majoribus hætenus odiis, prope quam viribus cum Mediolanense bella gesserant, nescio qua causa impulsî, in partes Mediolanensis cesserunt, ejusque & Placentinorum mandatis obtemperaturos jurarunt. Anno MCCXVIII. Potestate Mediolani Amizone Sacco Laudense, Otho Cæsar Majore mense fato functus, liberum Friderico Rogerio Imperium reliquit. Mox intercessione atque auctoritate religiosorum quorundam virorum per Junium mensem pax fuit conciliata inter Mediolanensem, Papiensem, Placentinum, Derthonensem, & Alexandrinum, & conjunctis copiis profecti Gibellum, cum Parmensibus & Cremonensibus infelicitè pugnarunt: post patratam victoriam supervenit in auxilium Parmensium Rhegiensis juvenus, qui ludibrio habiti, occasionem proverbio dederunt, ut cum vellent significare, quempiam post actum negotium venisse, dicerent, *Rhegiense auxilium*.

Interea Dominicus Calaguna Hispaniæ vico oriundus ad Italos venit: & multiplicibus sectis labefactatam Christi religionem, vir Theologia polens restituere, & declaratis erroribus veram fidem docere coepit. Ingens erat viri opinio, nova sanctimoniarum exempla, & dicendi vis prope divina. Quare cum Mediolanum concessisset, & frequenti populo sæpius concionaretur, multos ab hæresi avertit; inter quos clari doctrina & celebres juris scientia viri Amicio Solerius, Guidotus Sextius, & Rogerius Vicomercatus magna exempla reliquorum animis præmovendis præbuerunt. Ita pluribus in ordinem venientibus constituta brevi ea Fraternitas est, quæ albam tunicam nigro pallio tegens ex munere ipso *Prædicatorum* nomen retinet; & cum hætenus usi essent precario hospitio ædium Sancti Nazarii, crescente turba proprium diversorium paratum illis publice fuit, lectæque ædes D. Eustorgii porta Ticinensi, quam tenebant Ubertus Marinonus Præpositus, & quatuor Canonici; qui hortatu Ugolini Cardinalis, qui tunc Legatum Apostolicum agebat, jussi commigrare in Laurentianam Ecclesiam, ubi octo Sacerdotes degabant, tredecim deinde collegium constituerunt. Et quia res indigebat auctoritate Episcopali, hanc adhibuit Hugo Septala Cimiliarcha, & absentis Henrici Vicarius. Mox Bononiam profectus Dominicus, biennium non supervixit, atque ibi sepultus, celeberrimo cœnobio initium dedit.

Eodem tempore floruit & Franciscus, genere Picens, alterius Fraternitatis auctor, quæ cinereo colore vestita, toto jam orbe diffusa *Minorum* cognomen sortita est.

Ineunte Januario anni MCCXX. Fridericus Rogerius in Italiam venit: quidam Mediolanum divertisse sub spe coronæ ferreæ scribunt: sed aliàs imperiti & mendaces, hic etiam imprudentiæ suæ argumentum relinquunt: quod cum haberet nobilitatem sibi faventem, & non item assentiretur plebs cum Consilio Credentiæ, ab urbe Papiam concessit: & Papiæ agens ei civitati restitui jussit Viglevanum, Pontem Ticini, quem Mediolanenses occupabant, & montem Donicum, Ulmulum, Martianum, Monticellum, quæ veteri bello sub Friderico primo gesto Placentini capta adhuc tenebant. Eisdem civibus Papiensibus paulo post mandat, ne sibi Potestatem ullam, seu Reip. sive Justitiæ administrandæ causa crearent usque ad decennium: sed duodecim viros legerent, quorum sex militaris Potestas daret; reliquos popularis turba proponeret.

Inde Mutinam profectum assecuti sunt Rambertinus Guido, Bonarellus Prætor, & alii nobiles viri

Genuensium Oratores, qui petebant confirmari promissa de Insula Sicilia. Responsum, nihil posse satis certi constitui, donec in rem presentem ivisset; quare se sequerentur saltem Romam usque. Illi cum Bononiam pervenissent, augurantes se frustra ituros, causati non longius sibi demandatam Legationem, domum rediere.

Interim Fridericus Etruria emensa, Novembri mense montem Rosulum, & Sutrium pervenit: quod dum obsidet, privilegium maximum Papiensi dedit, quo illi trans Sessitem amnem, transque Tanarum prolata jurisdictione centum & xiii. oppida concedit, quorum nobilissima nunc quoque exstant trans Padum; Frassinum, Ticinum, Aquæ, Valentia, Bassignana, Viqueria. Et Derthonensibus pariter confirmat conventiones initas cum Friderico avo, & Henrico patre, & à se concessa, cum possessione rerum, quas tenebant, cum fidem jurarunt Eberardo Lutrio ipsius Caesaris nuncio; & etiam, quæ sexaginta ante annis habuerant; & donat jurisdictionem, & gladii potestatem in facinorosos, & causarum cognitiones in civitate, & duobus & quinquaginta vicis circa eum positis: irritaque facit ea, quæ aliis contra Derthonenses concesserat.

Mox Romam profectus, magnis honoribus à Senatu, populoque accipitur; & sub Idus Decembris ab Honorio Pontifice Augusti corona, & nomine Imperatoris donatur. Cujus rei tanto major celebritas fuit; quia forte per idem tempus Joannes Hierosolymitanus Rex eodem venit: salutatoque Pontifice, Isabellam filiam ex Maria posthuma filia Conradi Montisferratenfis, & Hierosolymorum Regis susceptam Friderico despondit, & matrimonio junxit cum amplissimo regni titulo; ex quo deinde omnes posterii, qui Siciliam imperio tenuerunt, Reges Hierosolymorum sese appellarunt. Et nescio quomodo Scriptores in nomine mulieris varaverint Jolem appellantes Joannis uxorem, quam nos Mariam in Ligurum Annalibus legimus.

Sic veluti augustior factus Fridericus Neapolim & in Siciliam contendit magna cum opinione rerum, quæ mox ab ipso gerendæ forent. Et haud dubie insolentiorum factum primi Genuenses didicere. Nam cum ad eum venissent Ubertus Volta, Sorleonus Piper, & Ubertus Novariensis eorum Legati, & causam rerum Siciliensium accurate egissent; non solum nihil eorum, quæ petebant, impetrarunt, sed Palatio Margaritæ, quod diutissime possederant, & reliqua omni immunitate privati, succumbere decimæ cum cæteris peregrinis jussi sunt; & Comes quidam Alemannus Syracusana gubernatione, & Gulielmus Portus Præfectura maris, quia amici Genuensium credebantur, submoti sunt. Interea Parmæ exstructum Palatium Prætorium est, in cujus pariete marmoreum Taurum posuit in sui nominis memoriam Taurellus Strata nobilis Papiensis, qui tunc forte Præturam ejus urbis gerebat, & quam etiam sexto anno post iterum fortitus est.

A. C. 1221. Cum deinde subiisset annus xxi. supra M. & cc. & Præturam Mediolani gereret Amicejus Saccus Laudensis, gravis orta seditio est. Infana plebs, vulgusque profanum raptis populariter armis, Nobilium domos invadere, & direptis, quæ auferri potuerunt, in ædificia etiam sæviebant, domos diruebant. Jam sacerdotum jura violare, & divina humanis permiscere nullum pensum erat: quin & Henrici Archiepiscopi jam diu absentis memoriam in vestigiis, eum publico edicto exulem declarant, bona publicant, & inde cœnobium Caravallis magnum incrementum accepit. Fovebant in his plebem Capitanei & Valvasores. At Nobiles Othonem Mandellum Prætozem sibi creant, & plebeji Ardium Marcellinum; sub quibus deinde mense

A Augusto reconciliati pacem inivere: sed ea haud diuturna fuit, & proximum triennium intestinis armis vexata civitas est. Per quod tamen tempus nihil aliud narratum invenio, nudaque tantum Prætorum nomina leguntur; quorum Spinus Sorensinus Genuensem Præturam biennium continuavit, adjutus consilio duorum Jurisperitorum, utique Mediolanensem, Conradi Oldani, & Opicionis Salæ; & Mediolanensem gessit Paxius Manembius Brixiensis anno mcccxxiii. & pariter Massiliensem Carnelevarius Ozenus Mediolanensis. Novarienses vero bellum quoddam in Verbano lacu habuerunt, quo armata apud Angleriam classis Palantiam oppidum bis ceperunt.

B Interim quoque Fridericus ex Sicilia in Germaniam reversus, magna contentione obtinuit à Proceribus, ut Henricum filium Romanorum Regem dicerent, quem mox Aquisgrani Engilbertus Colonienfis Archiepiscopus sacravit, & unxit.

Anno vero xxiv. Avenus Mantuanus Præturam Mediolani exceperit, atque etiam sequentem annum continuavit. Interim eo Duce cives trans Ticinum arma tulerunt, & de Papiensi ditione ceperunt Cottium, Candiam, Bremiden, & Lexiam. In Transpadanis vero Alexandrini ægre ferentes Capriatam oppidum à Genuensibus teneri, auxilia ab amicis implorarunt: trecentos milites Mediolanum, Derthona, & Vercellæ alios miserunt. Impetus primo ad Peretum factus, atque hinc non sine cæde repulsi ardorem acceptæ contumeliæ in Capriatam verterunt, nonnullaque ædificia incenderunt, agrumque populati sunt. Mox certiores facti venientium ab urbe Genua copiarum, quibus longe impares numero erant, collectis sarcinis domum abierunt.

Cæterum continuabant Mediolani seditiones, intestina bella, & odia inexpiabilia. Quinque autem in partes divisam tum urbem fuisse accepimus, quarum unaquæque suum creabat Potestatem. Capitanei & Valvasores Guidonem Landrianum; Plebs Ardium Marcellinum; Capitanei Seprii Obuzonum Pusterulam; Capitanei Marthesanæ Henricum Cifnusculum; Mercatores, & qui varia negotia tractabant, Busnardum Incoardum; qui capita factionum, diuturno jam magistratui assueti, & propterea in privatam vitam redire nescii, odia confovebant.

Avenus autem Potestas secundo sui magistratus anno, mense Julio, ita abrogavit eos, ut in eorum locum alius non sufficeretur; aut si vellent Magistratum cives, Consules, ut antea solebant, crearentur: deinde etiam hoc decrevit, ut Ecclesiæ majoris honores, qui hætenus intra nobilitatem steterant, spe tantum Episcopalis gradus excepta, Plebejis communicarentur; scilicet, ut locum inter Cardinales Ordinarios sortiri possent: concessum item Nobilibus est, ut æque ac Plebeji inter Decumanos sacerdotes admittantur. Cautum quoque est; ut tot alii sacerdotes ex aliis Ecclesiis in Majorem cum redditibus earum transferrentur, ut cum Decumanis numero, censu, suffragio Ordinariis æquarentur? haberenturque nihiliominus unum corpus, una fraternitas, unum collegium, & quæcumque agenda dies attulisset, conjunctim agerent. Additum foederi, ut debitum, cujus supra mentionem fecimus, ex causa pontis Vaprienfis, Capitaneis de Arfago perfolveretur; Leges, quas seditionum sator Ardium Marcellinus tulerat, antiquarentur; damna Archiepiscopatu illata prudentum virorum æstimatione emendarentur. Leucum Transadduanum oppidum Larii Emissario adjacens, & Canturium Como finitimum, jure, immunitateque Mediolanensis civitatis, qua donata jam fuerant, fruuntur; & ut rata haberetur pax jam undecim ante annis, auctore Uberto Vidalta, inita.

Post

Post hæc in Longobardos Fridericus descendit, Cremonam, Parmamque adiit, coramque eo Savonenses insolentius, quam veteri eorum in Genuenses obsequio conveniebat, quædam egerunt, nec impetravere, quæ optabant à Cæsare. Igitur ad Thomam Sabaudianum Comitem versi, se suaque illi dedunt: Albingaunensem civitatem in societatem trahunt, quibus non deerat omnium particeps & auctor Henricus Carretus. Nec mora, in oram Ligusticam descendens, populos sacramento in verba sua adegit. Genuensis manifestæ rebellionis eos damnat, hostesque declarat: & dum alia bello necessaria pararentur, Bermustino Vicecomiti quatuor triremium Navarcho negotium deferunt curandi, ne qui commeatus interea ad illos perferrentur. Eodem anno Gulielmus Marchio Montisferrati in Græcia fato functus est.

A. C. 1226. Subsequenti anno Ardeugus Vicecomes ex Ædituo Abbas Ambrosiani coenobii creatus est; ejusque cadaver nostro sæculo erutum cum Pontificali Lituo fuit, quem eburneæ viperæ adornabant. Guazinus Rusca Præturam Mediolani sortitus est.

Julio mense Fridericus ex Parma Burgum S. Donnini profectus inimicas civitates judicavit Mediolanum, Bononiam, Faventiam, Mantuam, Patavium, Tarvisium, Veronam, Vicentiam, Brixiam, Laudem, Alexandriam, Vercellam: easque sic jure omni privat; sicuti Sanctæ Ruffinæ Cardinalis Episcopus Portuensis Legatus Apostolicus sacris interdixerat.

A. C. 1227. Anno xxvii. Præturam Mediolani gerente Lanfranco Ponte Carato Brixienſe, cui Buccabarla cognomento erat, Xenodochium suburbanum in porta Vercellina à Vepra nuncupatum ædificatur. Et Henricus Septala Archiepiscopus Hierosolymitana peregrinatione obita, nono Kal. Februariæ affirmavit ædium Eustorgianæ & Laurentianæ commutationem. Cæterum diuturnæ ejus absentiae occasione nonnulli ex suffraganeis defecerunt ab officio sedis Metropolitanæ præstari solito: sed eo reverso cæteri brevi ad obsequium redire: unus Omnibonus Cremonensis neque adhortationes, neque præcepta audiit; ex contumacia damnatus, Forum Romanum adiit; ubi magno judicio victus, tandem Mediolanum venit, & in Templo Teclæ spectante populo sese ad Henrici genua submisit, & petita venia admitti in gratiam meruit.

Interea in Liguribus varium bellum gerebatur: sed Alexandrini, & Derthonenses, Astaque, & Alba civitates controversias suas Mediolanensi Senatui remiserunt componendas. Savonam vero Genuenses acrius premebant, eamque Patris Thomæ auspiciis tuebatur Amadeus Sabaudianus, qui collem Recordatæ in arcis formam redegerat: sed Genuenses Albizola & Stella captis, eam magnis animis, viribusque aggrediuntur, atque expugnant: certaminis spectatores adhibiti fuere Legati Mediolanenses, & foederatarum civitatum, qui ad sedandum tumultum, & Genuam in foedus accipiendam missi erant: tunc Savonam ipsam obsident: obstinati cives omnia tolerant: in octavum Kal. Junias rem extraxere. Demum coacti inopia rei frumentariæ, emissio Amadeo incolumi, deditionem fecere, sese sine ulla exceptione fidei & arbitrio Genuensium permittentes. Illi vero publico decreto urbem moenibus denudarunt, fossias impleverunt, & portum inter nobilia naturæ opera numerandum, qui in cochleæ morem circumflexus, quamlibet magnas, onustasque naves medium in forum deportabat, immerſis molibus inhabilem fecerunt; tum arcem eminentiori in colle condiderunt.

Inter hæc conceditur Mediolanensi facultas componendæ pacis: qua mox pronunciatum est, ut Capriata, Arquatum, & mons Janus Alexandrinis

A redderentur. Quare eo, qui secutus est, anno A. C. xxviii. Gufredus Piroveneus Mediolanensis jus ex 1228. Prætura Genuæ dicens, cis Apenninum, ut eam publico nomine exsequeretur, venit. Ingressus oppidum, efferri, quæ exportari poterant, ut vacuas & inanes domos traderet, jubet. Id vero fraudi esse, nec omnino tolerandum Legati Alexandrini statuentes, quantum pro viribus poterant, conquerendo, irascendoque, prohibere conati sunt; & cum nihil proficerent, reversi Alexandriam postero die militarem manum adduxere: sed jam major, meliorque pars rerum, tum liberi & conjuges in propinquum Gavium traductæ erant. Quare indignatione pleni Alexandrini, quod reliquum illi fecerant, diripere. At Genuenses, pace rupta, foedus cum Bonifacio Marchione Montisferrati, Astensibusque faciunt; bellumque inde exarsit circa Albæ Pompejæ fines; quod mox auctoritate Mediolanensium Oratorum, nova pace inducta, finitum est.

Per idem tempus in Mutinensi agro alterum bellum gerebatur: oppugnabant Bazonum oppidum Bononienſes, magnisque sociorum copiis adjuti circumſidebant: namque eis auxilia præbebant finitimi Ferrarienses, Faventini, Himolenses; tum remotiores Placentini, Mediolanenses, Brixiani aderant, & nonnulli Florentini: contra oppidum tuebantur Veteres Domini, Mutinenses, Parmensesque adjunctis Cremonensibus; à quibus post diuturnam obsidionem mille equites, & quatuor milia peditum cum Carrotio missa fuere, qui via Claudia profecti, Mutinam ipsam, locumque obsessum transiverunt: ad Rhenum usque pervenientes, hostium agros urere, diripere, ac vario injuriarum genere ultro laceſlere cœperunt. Ita coactis ad sua defendenda redire Bononiensibus atrocissimum confertum prælium est; quod ut diuturnum, (ab orta enim luce in occiduum solem certatum est) ita & cruentum fuit. Victi demum Bononienſes vel cæsi, vel capti ad unum cum incredibili rerum copia fuere; cum quibus postmodum permutatione facta, non pauci Mutinensium captivi redempti sunt. Florentini quoque capti, qui ita Reip. suæ donati fuere, ne deinceps Florentinus populus populo Parmensi bellum faceret. Interea tempus præscriptum Astensibus ad dandum nomen in societatem Longobardiæ effluxit. Quocirca Præsides sociorum Prætori & populo Alexandrino scripsere, ut illos hostium numero habeant, ac per præconem id vulgari jubeant; tum commercia etiam vitantes, hostilia omnia in eos exerçant.

E Eodem anno Mediolani Præturam tenuit Aliprandus Faba genere Brixienſis, & sub eo forum mutatum fuit; & novæ leges latæ adversus Hæreticos, quorum multiplices & inauditis nominibus distinctæ sectæ erant: nam præter Patarenos, quorum supra in Arnulpho meminimus, Cathari, Carani, Concoretii, Furfici, Vanii, Speronistæ, Carantani, Romulares nuncupabantur: hæcque labes non minus ad foeminas quam viros pertinebat. Ita utrique sexui interdicta superstitio est: proposita poena capitis & domorum destructionis iis, qui in ea perseverarent, aut tecto reciperent, aliquove A. C. 1229. juvarent. Et subsequenti anni mense Januario Gufredus Cardinalis sub titulo S. Marci Legatus Pontificius Mediolanum ingressus lege sanxit, (de communi tamen Archiepiscopi, Ordinariorum, & populi consensu) ut Prætor damnatos judicio Ecclesiastico intra decem dies capitali poena afficiat.

Habitus dehinc est Veronæ mense Majo conventus celeberrimus sociarum civitatum: ad quem Oratores misere Mediolanum, Vercellæ, Novaria, Alexandria, Placentia, Bononia, Ferraria, Brixia, Vicentia, Tarvisium. Statutum inter omnes est,

est, ne ullum omnino commercium haberetur cum Cremona, Parma, Mutina; & diligentem operam Prætores darent, ut id observaretur. Et postea per Decembrem eadem civitates, & insuper Comum & Taurinum Prætores suos cum nonnullis civibus Mediolanum misere, ubi annuente Henrico Archiepiscopo, & Varalla Hispano Episcopo Brixienſe, & Legato Apostolico ex Fraternitate Prædicatorum, confirmavere societatem olim initam in vico S. Zenonis Morii.

Eodem anno è Mediolano in Apuliam adversus Fridericum Cæsarem profecti sunt Uberrus Buxerus, & Panmilius Alberius cum centum claris militia viris. Fridericus autem, indigens opera Genuensium, eos per internuncium monuit, ut ad se Oratores mitterent: quibus cum de communibus rebus loqueretur; lecti Gulielmus Maris & Henricus Domusculata non ante subsequentem Februarium ivere.

Interea Alexandrini, indignantes Capriatam, præter conventa in sententia Mediolanensi everſam, eam moenibus, arceque instaurabant; sed ad eos deturbandos misere Genuenses quingentos equites, à quibus ita impeditum opus fuit, ut sequente anno, qui fuit trigessimus post mille & ducentum, Jacobus Tertius Mediolanensis Alexandrinorum Prætor, cum nonnullis ex primoribus civium profectus Mediolanum, Placentiam, Bononiam, ac reliquas foederatas civitates, obtinuerit ab omnibus simul mitti Legatos Placentiam; ubi novo inito consilio copiam Alexandrinis decretam sunt, quibus bellum ubi vellent, facerent: qui cum Genuensium fines minime tentandos censerent, in montem Barrutium Montisferrati oppidum iras direxere. Id dum obsident, supervenit à Genua Prætor Spinus Soreſinas Eques Mediolanensis cum valida peditum manu; & auxiliares à Papiæ equites: quibus Astensem jam agrum tenentibus, sic infracti Alexandrinorum animi sunt, ut pacis conditiones quaesierint; cujus arbitri constituti Sardus Archiepresbyter Albensis, & Gulielmus minister Hospitalis Sancti Joannis, Capriatam Genuensi adjudicarunt.

Per idem tempus res miranda apud eosdem Genuenses contigit. Quatuor insignes piratæ Ligustini infestum habebant univertum mare Tyrrhenum, Durantus, & Recuperus, portus Lunensis accolæ, & Gulielmus Vintimiliensis, & Rubeus Molinellus: finitimorum querelis diu fatigati Genuenses, tandem provinciam adversus eos decreverunt Anſaldo Bufferio. Is armata classe, brevi eos capit, ac Spino Prætori puniendos tradit: hic vero damnatos efferri in crucem die festo properabat; nam & ratione Dominicæ, & anniversario Divorum Nazarii & Celsi religiosus habebatur: ob eam causam ingens ad Prætores concursus fit rogantium, flagitantiumque tantisper differri supplicium, dum sacra dies efflueret: renitebatur Prætor, insidensque equo late circa multitudinem arcebat: sed labente equo crus fregit: nihilo deterritus tolli in crucem maleficos homines jubet. Cæteris jam extinctis, duo Recuperus & Gulielmus emori non potuerunt. Quo miraculo Prætori & populo enunciato, statim dissolvuntur. Cumque indicassent ope D. Joannis Baptistæ sese adjutos, de publico consilio liberantur. Prætor vero ipse, cum ægre à vulnere convalescisset, esu anserinæ carnis enectus est. Interea Mediolanensis quoque Archiepiscopus Henricus Septala, cum aliquandiu æger in vico Brebia fuisset, decessit. Cui successus est Uberrus Ruzolus.

Per Octobrem vero mensem ingentes pluvie & perpetui imbres molesti fuere; aquarumque mole cuncta Circumpadanæ Italiæ flumina plus solito inundarunt, & Ticinus duos etiam pontes abruptit.

A Sub exitum anni Friderico Cæsare conventum Ravennæ habente, ad eum Longobardæ civitates Legatos misere Prætores suos, nobilibus civibus associantibus, ad hunc modum: Parma Gulielmum Amatam cum octo viris; Cremona Ferrarium Canem cum xvi. Papiæ Qualeam Coazanum cum sex; Mutina Gerardum Albinum cum octo; Derthona quatuor; Genua quoque Ugolinum Rubicum cum sex civibus; qui foedera & rationes gerendi adversus hostes belli inirent: sed Fridericus unum ante omnia sanxit, ne quæ ex sociis civitatibus Prætores acciperet ex ullo adversariorum populo oriundum. Id quod permolestum Genuensi fuit, qui in primum annum sic obfirmaverant Paganum Petrasanctam Mediolanensem, ut ejus rationem sine publica infamia non habere non possent. Itaque conati excusare apud Cæsarem Ugolinus & collegæ fidem civitatis, nihil tamen impetrarunt. Quin Cæsar unum ex Aula dedit Joannem Rhegicensem, qui Genuam proficisceretur, & quæ decreta forent, populum doceret: sed ejus oratione populus Genuensis non modo nihil à proposito mutatus est, sed confestim nuncios Mediolanum dimisit, qui Paganum ad capeſſendum Magistratum adducerent.

B Sic inchoato jam anno primo & trigesimo, literæ à Gregorio IX. qui tunc Reate agebat, afferuntur ad Archiepiscopum Mediolanensem, & pariter ad electum Mantuanum, quibus hi monebantur, onerabanturque, ut cum populo Mediolanensi agerent, suaderentque, ut pontem in Ticino paulo ante exstructum demolirentur, & Viglevanum oppidum Papiensi restituerent. Quid fuerit responſum, haud certe comperi.

C Cæterum eodem anno gestum bellum video in Taurinatibus, Duce Uberto Stricto Mediolanensem Prætores, & captum Clavarium; in cujus oppugnatione Ardiotus Marcellinus plebeji agminis ductor cecidit, & multi alii vario telorum genere vulnerati.

D Per idem tempus Antonius Olyſiponenſis ex ſcætoribus Divi Francisci, & qui multis virtutibus apud Italos claruerat, mortuus est: cui divinis honoribus donato cognomen Patavino ab urbe, in qua spiritum reddiderat, sepultusque fuerat, mansit.

E Pagano autem Petrasanctæ ingreſſo Præturam Genuensem anni trigessimæ ſecundæ, iratus Fridericus, qui tunc in Apulis agebat, jussit detineri quidquid hominum rerumque Ligustici nominis in Regno suo erat. Ex quo anxia civitas, Oratores ad Longobardos populos misit, qui animos explorarent, foederaque ſecum proponerent: sed mox facti ſui Fridericum poenituit, allato nuncio ex Syria, exercitum, quem paulo ante eo miſerat, victum, debellatumque fuiſſe; & statim per Mancinum Magistrum Curia, ac Thadæum Sinueſianum ſignificari clementiam, benignitatemque ſuam curavit, & ſi rogaretur, reſtituturum ſe cuncta Liguri ablata: nec falſo ea prædicata fuere, efficacissimis litteris in eam rem datis.

F Eodem anno Bonifacius Marchio Montisferrati vendidit Derthonenſibus oppidum Novas ad radices Apennini ſitum: cujus pretium fuere quinquies mille & quingentæ libræ pecuniariae. Ejusque accolæ ſtatim jure civitatis Derthonenſis donati fuere; brevique turris ampla ibi condita. Mediolani vero interea Præturam geſſit Petrus Ventus homo Ligur; cujus memoriae attribuitur inſtauratio portæ urbis Algiſſi tunc cognominatæ, quam diu obſtructam noſſime Ludovicus Sfortia aperuit, & de conjugis nomine, quamvis jam deſunctæ, Beatricem nuncupavit.

Per idem tempus concedente Gulielmo Archiepiscopo

piscopo, Fratres, quos superius nominavimus, Humiliati novum Cœnobium condidere porta Vercellina, cui de primarii ipsorum & Senioris nomine Othacii nomen fuit.

A.C. 1233. Anno tertio trigesimo Præturam Mediolanensem fortitus est Oldradus Grossus Dresena vetere Laudensium familia ortus: sub quo emptus est publice locus media urbe ad novum forum faciendum commodum, & æque in omnes respondens. In medio substructa est Basilica, infra deambulatoria; supra Prætoris statione, tribunali que frequentata: utrinque area patet, cujus latera cingunt mensæ Numulariorum, cancelli Notariorum. Illinc consulti de jure respondent; hinc salem cives accipiunt. In Basilicæ pariete stat Equestris imago Prætoris Oldradi cum titulo, *quod ultor Hæretica malignitatis, Catharos, ut debuit, ussit.*

Venerat autem per eadem tempora Mediolanum Frater Petrus Veronensis ex Dominici sectatoribus Theologus eximius, quem Pontifex Romanus Inquisitorem Hæreticorum nominaverat, & cum publicis litteris ad Longobardos miserat. Eo igitur auctore scriptæ in Prætorio Leges, quæ & exstant: quibus pessimo hominum generi interdicitur omni usu, commerciis, opibus, connubiis, & sepultura; infames, intestabilesque declarantur. Et cum plurimi convincerentur, eos ignibus Prætor tradebat.

Hoc etiam tempore in urbem recepti sunt sectatores D. Francisci, quos Fratres Minores vocamus: eisque non procul Ambrosiana concessa ædes Naboris & Felicis.

In Germania vero Fridericus Henricum primogenitum eximiæ indolis juvenem designari Romanorum Regem curaverat; atque ad exigendum in verba novi Cæsaris juramentum ab amicis populis venire duo Legati Anselmus Intigenfis Marescallus Regius, & Valcherius Januembrus Archidiaconus Herbipolensis: sed hi, nescio qua prudentia, viri, dum delegatum munus peragunt, aliud effecere: à factiosis arbitror subornati, conspiracyonem inivere Henrici nomine adversus civitates Friderici patris amicitiam colentes. Conventus Mediolani actus est xv. Kal. Januarias, in quo hæ civitates, Mediolanum, Marchio Montisferrati, Brixia, Bononia, Laus nova, & Novaria (cujus ultimæ Oratores fuere Petrus de S. Petro, & Ardicionus Cavallacius) sic stipulatæ sunt: *Cuncti Henrico Regi dediti, fidelesque sunt: dolo, fraudi, consilio in ejus perniciem non consentiunt, sed pro viribus disturbant, aperientque Regi: tributum ullum non pendunt: militares copias invitæ extra Longobardos fines non mittunt: non obsides, non pignora dedunt: Societas, quæ Longobardia, Marchia, Romundiolaque nuncupatur, salva esto. Contra Henricus hos omnes, & si qui alii præterea foederi accesserint, ab injuriis tueto, nominatimque à Papiense & Cremonense, cum quibus nec pacem, nec inducias inconsultis, invitique Mediolanensibus facito.*

A.C. 1234. Nec ita multo post, cum subiisset annus quartus & trigesimus, societati accessere Patavini & Camniates, qui intolerabiles injurias patiebantur à Tarvisinis, & Actiolino Tyranno nefario, de quo plura suis locis referemus. Patavini autem, quo sinceriores in his animum ostenderent, Prætozem iterum accepere Othonem Mandellum, non minus virtute, quam nobilitate clarum Mediolanensem, cujus etiam pater Albertus eundem Magistratum gesserat: sub his bellum mense Julio exarsit: hinc Mediolanenses, Placentini, & Brixienfes, illinc Papienses, Cremonenses, & Parmenses infesta Carrota emisere: ad Zenevoltam exercitus coivere, & signis collatis pugnare: ingens ardor animorum utrinque fuit; & cum cruentum admodum certamen fuerit, par utrinque clades æquavit for-

A tunam. In castra cum redissent, illata pacis mentio est, brevique suspensis per inducias armis, domum abiire: mansit deinde quies in totum proximum annum.

Quo quidem tempore, cum unum sociarum civitatum studium foret, ne Fridericus in Longobardos descenderet, unus inquieti animi vir Actiolinus Tyrannus, à Romano in Patavinis oppido cognomentum trahens, in Germaniam transivit; hærentemque Cæsarem hortando, docendoque quos amicos in Italia haberet, permovit, ut omnino brevi se venturum polliceretur. Erat Actiolinus audacis ingenii homo, & inter Italos ea tempestate Tyrannus gravis, & multis formidandus, de cujus origine, quæ apud certum auctorem Rolandinum Patavinum comperimus, omisfis, quæ vulgatis scriptores circumferunt, in medium ponenda duxi.

B Sub Conrado Secundo Actiolinus cognomine Balbus ex Germania profectus non mediocres opes in Patavinis & Honoriam vicum adeptus est. Is ejusdem nominis filium reliquit, qui paternæ ditioni adjecit Bassianum oppidum; & deinde Romanum, in quod translata sede cum diutius habitaverit, oblitterato Honorie cognomen Romani sumpsit; & ducta uxore Adeleita Etrusca Comitum Mangonum sorore, sex liberos genuit, quatuor fœminas, & duos mares, Actiolinum hunc de quo loquimur, & Albericum, quem alii Albertum vocant. Hic autem tertius Actiolinus natus est octavo Idus Aprilis anni Christianæ dinumerationis millesimi, centesimi, & nonagesimi quarti, qui deinde in famigeratam illam humani generis faciem, quæ omnium litteris celebratur, evasit.

C Cæterum hujus anni hiems aspera gelu, & insolita nivium magnitudine fuit. Frugiferæ arbores oleæ, ficus, vites exaruerunt: subsecuta pestis in quadrupedibus veterina fere omnia animalia, equos, bovesque nulla apparente causa confecit. Inter aves quoque gallinarum generi perniciofa fuit.

D Subsequente anno mcccxxxvi. Februario mense, A.C. 1236. Fridericus institutum iter in Italiam suscepit, & per Tridentinos in Veronensem agrum transmisit; Gazum & Marcharium oppida diripit: nitebatur favore, Cremonæ, Parmæ, Mutinæ, Rhegii, Papiæ. Et quamquam adversariorum exercitus ad Nigrizolum usque Brixianum vicum processerit, ipse tamen montem Clarum obsedit, ac tormentis admotis expugnavit. Mox Olio pontibus juncto, in Bergomates transit. Hic mentione pacis jactata, non abnuitt, quin per Magistrum domus Sanctæ Mariæ Teutonicorum tractaretur: sed nimis difficultatibus, quæ proponebantur, offensus, rem Marti committere maluit; & circummissis copiis iter comiteatum Mediolanensibus intercepit: illi metu deteriorum perterriti, in proximam silvam confugiunt: circumfundentibus sese Fridericianis cinguntur, ac cæsi, spoliatique atteruntur.

E Parta ea victoria, Cæsar Cremonam se contulit, ubi in autumnum usque moratus, accersitur ad capiendam Vicentiam hoc modo. Actiolinus Romanus, & Mantuani exules, qui ob interfectum Episcopum suum solum verterant, quibusdam civium persuaserant, ut gratiam Cæsaris, præsidium ejus intra urbem recipiendo, sponte compararent. F Ergo hujus rei admonitus Fridericus, uno die ac nocte continuato itinere prid. Kal. Novembris eo pervenit, apertisque portis, intromisso exercitu, sine ordine direpta civitas, & magna pars ædificiorum incensa est, tantaque rerum jactura facta, ut hæc inter raras illius urbis clades numeretur. Cujus defectione abrupta societas est Longobardarum civitatum, quæ ex veteri foedere conferre invicem auxilia tenebantur, & quantamlibet peregrinorum vim repellere solebant.

Inde Cittadellam Fridericus petiit, cujus pulchritudinem, & inexpugnabilem situm admiratus, ad Castrum Francum Tarvisinorum, & Fontanelam transmisit, ratus futuram Tarvisii deditionem: sed ea spe frustratus remisso Vicentiam Actiolino, ipse Aquilejam, ac inde Germaniam perrexit, ubi jam perceperat nova adversus se agitari consilia, ex conspiratione Henrici filii legitimi cum Longobardis, & nonnullis Germanis Heroibus, qui Regnum Italiae ei pollicebantur: repentinoque adventu Fridericus rem oppressit: & captum filium in Apulia relegavit: sed is in itinere defecit, seu in carcere confectus, seu, ut quidam dicunt, ex alta rupe sese praecipitaverit, desperatione veniae. Tunc pater alterum filium Conradum ex Isabella Joannis Hierosolymitani Regis filia susceptum, Regem Alemannorum nuncupat.

Hoc anno vir nobilis Mediolanensis Jacobus Terzagius Praeturae Genuae sortitus abundantem plus nimio adulterinam monctam magna diligentia coercuit, & sustulit.

A. C. 1237. Anno septimo & trigésimo Actiolinus proditio-
ne quorundam civium Patavio urbe potitur, eisque Praetorem imposuit Simonem Apulum Comitem Theatinum; divisitque in praesidia arcium quadringentos milites partim Germanos, partim Saracenos. Mox cum familiariter se victurum cum civibus simulasset, & proinde non paucorum amorem captasset, docuit nonnullos sibi suspectos esse. Quocirca à quibusdam obsides fidei pignora accepit, aliisque, ut ad paucos dies urbe secederent, suavit; quos deinde longius patria relegatos summovit, proditores Imperii & rebelles subinde eos vocitans: exemplo territi complures alii, compositis clanculum rebus, sponte patria abiere. At Actiolinus eos revocat, non revertentes hostes judicat, eorumque domos & turres evertit: à quo incepto, cum non desisteret, adeo processit, ut dimidia fere pars urbanorum aedificiorum data ruinae fuerit. Jordanes erat Praefes coenobii D. Benedicto dicati: penes hunc duarum civitatum Patavii & Vicentiae summa diu steterat; & cum nutare res vidit, auctor fuit, ut & Vicentiae Praetura Actio Marchioni Estensi demandaretur; & Patavii xvi. viri crearentur, quorum consilio & nutu publica negotia administrarentur. Hunc comprehensum abstrahi, mutarique latebris iussit ita, ut numquam is postea Patavii comparuerit. Arnaldus quoque Sanctae Justinae Abbas in exilium abiit.

Deinde Julio mense Actiolinus oppidum S. Bonifacium obsedit; quod situ, operaque munitum magno etiam animo tuebatur Leonisius Comitis Ricardi filius: cumque jam magna pars arcis tormentis muralibus disiecta foret, supervenit rediens e Germania Fridericus Caesar, ac inceptam obsidionem intermittere jubet, & Mincium amnem transit. Ad Godium agenti adstitit nobilissima Legatio Mantuanorum, & Ricardi Bonifacensis, qui tunc Mantuae agebat, urbemque & incolas omnes in fide & obsequio Caesaris esse docuerunt.

Tum inter Actiolinum & Jacobum Carrarium Patavinum civem ditissimum rixa suboritur, & incalcescentibus ex contentione animis, adeo in iram exarsere, ut gladium Actiolinus strinxerit, haud dubie cum jugulaturus, ni in corporis sui objectu Caesar ipse intercessisset, ictumque avertisset. Inde Montem Clarum petiere, vique captum diruere.

Interea Actius quoque Marchio Estensis in partes Caesaris transiverat. Et Mediolanenses, & Placentini, caeterique focii, cernentes vim belli & molem omnem barbaricam in se venturam, contracto exercitu obviam eis proficiscuntur: non longe ab Olio fluvio juxta Curtem novam castra locata, commissumque praelium atrox est admodum, & perin-

A de cruentum. Elati praesentia Caesaris Papienses, Cremonensesque, tum veteribus odiis ad memoriam revocatis, acerrime pugnabant. Fridericus ipse alacritate eorum conspecta, in aciem Mediolanensem invehitur, cujus impetum excepit Henricus Moguntiacus ejus societatis ductor, quae à vi & virtute Robustorum dicebatur. Aderat item Praetor Mediolanensis Petrus Teupolus claritate Natalium illustris, quippe filius Jacobi Teupoli Venetiarum Ducis, qui strenue pro signis pugnantes Barbarum aliquandiu sustinere. Mox occasione superfundentium sese imbrium diremptum certamen est.

B Postero die recensens exercitum Fridericus sex millia captivorum invenit. Quidam captum quoque fuisse Mediolanensem Carrotium dicunt; alii partem tantum ejus ferunt: opinantes pridie ab Henrico Moguntiaco post afflictas opes laceratum, & ornamentis omnibus detractis carrum ibidem relictum, quem Fridericus in trophaei morem ad amicas civitates miserit. Captum vero constat Teupolum Praetorem, & elephantum impositum per urbem Cremonam & Laudem circumductum: sequebatur multitudo captivorum, qui post ostentationem, in Apuliam, partim in Germaniam relegati sunt. Praetor ipse excruciat in custodia perit: scribunt nonnulli, eos Mediolanenses, qui ab ea pugna superfuerunt, ex fuga in Bergomensium montana se recepisse; & in Saxina valle opibus & impensa Pagani Turriani, qui in ea praepotens foret, adjutos incolumes in patriam rediisse; atque ex eo merito non exiguum gratiam apud universum populum ei quaesitam. In eadem pugna Actiolinus Romanus luxatus humero est, & Patavium rediit.

A. C. 1238. Anno MCCXXXVIII. mense Majo Fridericus Caesar Papiam agens, petenti Guidoni Comiti Blandratenfi, Magni Guidonis, qui sub Aenobarbo fuerat, nepoti, affirmavit majorum privilegia, eum in fidem & protectionem suam cepit. In Caesarea Aula tunc fuisse lego tres Marchionis titulum praeseferentes, Bonifacium Montisferrati, Manfredum Saluciensem, Manfredum Lanceam cognomento de Buscha, Thomam, & Belingerium Romagnani Comites; item Henricum Guidonem, & Bertoldum Valpergenses Comites.

Eodem anno Genuensis civitas, existente Praetore Paulo Sorensinate Nobili Mediolanense, duplicem Legationem emisit; unam ad Fridericum, quae fidem & obsequium populi ei juravit; alteram ad Pontificem, quo auctore pax cum Venetis facta est.

E Deinde ineunte Januario mense anni MCCXXXIX. A. C. 1239. Cremona movens Fridericus Patavium petiit, ubi ab Actiolino jam Domino, & primariis civibus passim opes ostendantibus, maximo cum honore accipitur; quin & Matronae gemmis, margaritisque perornatae, equis phaleratis incessere. Duorum mensium & eo amplius mora ibi facta est; & deum Dominica Olivarum congregato de more populo in prato Vallis, adstitit Imperator eminenti tabulato coronatus, ornatusque solemni habitu; & quaedam proloqui Petrum Vineam iussit, quae ad populum in benevolentia & fide firmandum spectabant.

F Erat autem Petrus Vineam vir illis temporibus disertissimus, genere Apulus, & qui ex infima sorte ad illustrem fortunae gradum evectus, Iudex, & arcanorum omnium particeps, & maxime apud Fridericum erat. Inibi is subjunxit multa in excusationem Caesaris, quem per eos dies Gregorius IX. Pontifex Romae agens, ignominia maxima affecerat; rebellem Ecclesiae, divinique nominis hostem pronunciaverat: conatusque est, id inique & immerito factum, suadere. Inde Trevisum profectus est,

est, Prætoresque ibi constituto Jacobo Mora Apulo, Patavium revertitur, & Vicentiam venit.

Tertio Nonas Junii obortis media die tenebris, Sol Eclipsim duarum pene horarum fecit: quo portento deterritus (multum enim Astrologiæ tribuebat, & actiones suas ex consilio peritorum fideralis scientiæ dirigebat) solvit exercitum, & in Longobardos proficiscitur; & bello adversus Mediolanenses suscepto pro Laudensibus, Melegnanum diripuit, atque evertit; & per quatuor ac viginti dies solum Mediolanense populatus, tandem ad Padi ripas se convertit, ubi Octobri mense, & jugibus pluviis, & repentina fluvii inundatione, vitæ periculum adiit; & impedimentis omnibus, ac lectulo ipso amissis, Cremonam incolumis evasit; & paulo post Laudem reversus, jus cudendæ monetæ civitati ipsi concessit: quod maximi muneris loco æstimatum est; propterea quod perexiguus tunc erat auri argentique usus; unus in mensa scyphus, unaque paropsis pro multis poculis uni familiæ sufficiebant; non candelæ è sevo, pingui cera æreis candelabris splendebant, sed ex rudi materia faces arcendis tenebris manibus puerorum sustentabantur: vestes viris, matronisque non serico, textile argento, aut auro, & peregrina pelle pretiosæ, sed simplici cannabe, linove, aut laneæ, bombycinæve, sine fultura, aut ovino vellere, sine tegumento: adeo attritæ hominum opes, exhaustique populi diuturnitate bellorum erant: in ædificiis quoque non elegantia, sed utilitati penitus studebant; nam, & turres præaltas condebant, quarum adhuc pleræque exstant; aliæ etiam ætate nostra pondere laborantes suo, Papiæ, Bononiæque corrueunt. Palatia vero illorum temporum invenusta trabium congerie compacta, sua illa deformitate cognoscuntur.

Cæterum erat Ferrariæ iisdem temporibus vir inter cives opibus & potentia pollens, Salinguerra nuncupatus; qui gratiam Friderici consecutus, quingentos ab eo equites acceperat: eoque præsidio & favore Cæsaris subnixus, gravi urbem tyrannide premebat: cumque magna in invidia apud Italos Heroas foret, conspirant in eum Gregorius Montelongus, Gregorii Pontificis in Ravennate Provincia Legatus; Jacobus Teupolus Dux Venetiarum; Actius Estensis, paulo ante ab Actiolino Romano patriis opibus & oppido Estensi ejectus; & Ricardus Bonifacensis: quibus accessit Albrius Actiolini frater, quasi illi inimicus, & ex magna causa iratus. Ineunteque anno quadragesimo ultra mille & ducentum, mense Februario, reliquo exercitu conscripto, accersivere etiam auxilia à Mediolano & Bononia, atque aliis foederatis civitatibus; & triremibus à mari Adriatico subvectis, terra, fluvioque Ferrariam circumdant. Nec defuere occasione suæ patriæ pulsi cives; & cum diuturnitate obsidionis arctæ jam res in urbe essent, Hugo Rambertus, cujus secunda inter cives auctoritas erat, seu sponte sua ad pacis consilia incli-

nares, seu clam ab adversariis subornatus, Salinguerram convenit, & parum in urbe virium esse sibi videri dixit ad sustinendos, nedum ad propulsandos, hostes, quorum infinitæ copiæ cernerentur: & si paterentur ejus anni segetes evastari, unde postea populo, jumentisque alimenta suppeterent: sed jam tormentis muralibus quassata mœnia, & fere hostibus patere aditum in urbem, adjiciebat multa in eum sensum, quibus facile ambiguum mentem, & à bello alienam Salinguerra perspiciebat: *Age, inquit, quando sic libet, faciamus: sed profecto dum mihi genitalia, tute tibi nasum abscindis, abnuere ego non possum, quin, quo velis, sequar.* Ita de pace agere coeptum. Salinguerra ex urbe evocatus, in castra sub fide publica venit, ac magno honore accipitur, ne tamen, si velit, effugere possit, observatur: simul præmissis militaribus turmis, urbem cuncti ingrediuntur, ceuque victores triumpharunt: in Palatio paratis epulis discubere; adhibitus quoque inter convivas est Salinguerra, & post varios jocosos sermones, Paulus Traverserius Ravennatum dominus in Salinguerram conversus, cum gravibus verbis compellat, acerbiusque taxat; tum scelera illius recensendo, criminatur: objecta diluere homo exorsus, tota concione obstrepente exhibilatur: agnovit tunc, quo sua res loco esset Salinguerra, qui mox sine dissimulatione captus, & victus Venetias deportatur, ubi reliquum vitæ, quæ illi in octogesimum annum contigit, in custodia transegit: supererat illi filius Jacobus Taurellus nomine: is demigrare Patavium jussus in Actiolini Aula consenuit.

Compositis Ferrariæ rebus, Stephanus Baduerius Prætor datus est, & exercitus soluti. Inde Gregorius Cardinalis Genuam proficiscitur; eodemque mox subsecutus ab Roma Patriarcha Hierosolymitanus, crucem adversus Fridericum & reliquos Ecclesiæ rebelles prædicavere; nec minora præmia daturis nomen in hanc, quam in Judaicam Sepulchri expeditionem, repromittebant. Quibus mota Genuensis civitas in foedus Mediolanensium & Placentinorum concessit, & ad ejus obsequium universa Occidentis ora, quæ rebellaverat, præter Savonam & Albingaunum, rediit. Alexandrini vero defecere, atque in partes Friderici transeuntes, Vicarium illius acceperunt Manfredum Lanceam: isque per Novembrem mensem in oram maritimam transgressus, Petram, oppidum in confinio Finarii & Albingaunensium, obsedit: obsessis auxilia ferebant Genua, Mediolanum, Placentia. Interim ab Orientali ora Ubertus Palavicinus Vicarium Cæsareum sese agens, ex Parmensi in Lunensem agrum transmissus, perturbare rem nunciatur: sed is haud magnos effectus addidit, coactus cis Apenninum ad sua tuenda redire; propterea quod adversus eum mittebatur Henricus Moguntiacus Genuensium Prætor, & multa alia in Longobardis parari sentiebat.

TRISTANI CALCHI,
MEDIOLANENSIS HISTORIOGRAPHI,
HISTORIAE PATRIAE
LIBER XIV.

E P I T O M E.

Fridericum Ravenna accessione ferociorem, ipsique pariter ac nobis dura denuntiantem Gregorius Pontifex hostem judicat: Conciliumque Romam indicit. Genuenses nec Pisanorum legatione sollicitati, nec civium Friderico studentium conjuratione territi, in amicitia, cultuque Pontificis perseverant: & classem, qua Galli Longobardique Antistites Romam deportentur, adjiciunt. Sed ea à Pisanis intercepta, Praefules, qui vehebantur, in custodia habentur: Francorum Rege apud Fridericum frustra exoptulante. Gregorio satis erepto primum Caelestinus IV. è Castilionea Mediolanensi familia, & mox Innocentius item IV. è Flisca Genuensi Pontificatum init. Huic, prater Genuenses, non pauci Longobardorum Dynastarum, & pleraque nobiscum civitates dant nomen adversus Fridericum. Et Genuenses quidem Savonam, reliqui fere Taurinum bello aggrediuntur. Sed utramque urbem Caesar, submissis auxiliis, incolumem praestat. Et Genuenses vicissim Innocentium ab eodem specie reconciliationis Romae vocatum, & jam pene obsessum, seu amore religionis erga Pontificem, seu pietatis erga concivem, submissa classe, periculo, ac prope vinculis eximunt. Fridericus dissimulata conscientia sacrilegi consilii, Pisas delatus, novam de pace ad Pontificem Genuae agentem legationem mittit: qui nihilo minus in Gallias iter suscipit, tot, tantisque Ecclesiae & Italia malis remedium aliquod deprecaturus. Christianorum igitur Regum ac Principum conventu Lugduni habito, Fridericum anathemate ictum de Imperii culmine deturbat: eoque nihilominus sua fortuna conscientiam retinente, seque apud Principes, populosque purgare satagente, Henricus Turingia Lantgravius Germania Principum suffragiis renunciatur Caesar: & acquisitam alieno beneficio dignitatem propria virtute inietur, debellato Conrado à Friderico patre in ipsum immisso. Inter hac Fridericus Papiam, & Henricus filius Cremona nobis pariter inferunt bellum: sed brevi desperata victoria, finibus excedunt ad opprimenda in Parmensibus defectionis consilia, bellumque Genuense in Etruria apparandum: ubi Aulicorum in Friderici caput conjuratio detegitur ac vindicatur. Parma ab exulibus Guelphis ope Pontificii legati capta; & Mutina, Rhegio, aliisque in dies tum oppidis, tum Dynastis, Pontificis partibus accedentibus, Fridericus Parmam obsessurus novam urbem pro castris dimidio à vetere milliario molitur: & de nomine omen facturus, Victoriā dicit. Sed & foederatorum auxilia sibi, ac commeatibus viam in urbem fecerunt: & Cesare ad aucupium longius progresso, corruptaque in castris disciplina, eruptione facta, victa ipsa est à Parmensibus, & evastata Victoria; & Imperii insignia in triumphum ducta. Triremis insuper, qua ducenti amplius Neapolitani pernobiles Savonam Friderici jussu vehebantur, à Genuensibus intercepta est; & Mediolanenses aliquot in ea captivi, in libertatem asserti. Nec amuli Caesaris morte diu gavisus est, Gulielmo Hollandiae Comite brevi, adnente in primis Pontifice, subrogato. Victoria demum non semel frustra tentata, in Apuliam concedit: rei

Longobarda cura Henrico filio Sardorum Regi commissa: qui brevi pro Mutina cum Bononiensibus congressus, victus, captusque è vita citius, quam carere, emigravit: quem Fridericus non multo post sequitur. Florentini Apulia oppido (quod nomen sibi fatale genealogiaci hominis denunciatione declinaverat in Etruria) sanctius multo, quam vixerit, moritur: relicto testamento, quo quidquid jurium aut ditioris Romana Sedi ademerat, relaxabat.



PER idem tempus vacante Mediolani Pontificia Sede, Archiepiscopus decernitur Leo Peregrinus ex Fraternitate Minorum. Et cives in Comensi bellum gerentes, Lucinum oppidum funditus everterunt. Paulus quoque Traverserius fato functus est; & ex ejus obitu Ravenna civitas in ditionem Friderici concessit. Cujus urbis accessione auctus Fridericus, ferocia consilia agitare, Pontificem tollere, & Mediolanensi civitati cladem, qualem avus intulisset, illaturum se jactare. Quibus irritatus Pontifex, illum solemnem die hostem, rebellemque Sedis Apostolicæ declarat: & quid impius homo in Religionem moliretur, Regibus Hispaniæ, Galliæ, Britanniaeque perscribit. Simul Romæ Concilium magnæ deliberationis parat, eique negotio destinatus Cardinales Jacobum Prænestinum Episcopum, Othonem Theonengum Diaconum. Et quia ituris ad id obstabant tota fere Italia Friderici exercitus, vel amici populi, delecta Genua est; in quam ab Occidente profecturi convenirent; & postmodum navibus transportarentur ad ostia Tiberina. Septem & viginti triremes, præter multa alia minora navigia, ad id instructæ fuere. Interea, quæ opponeretur, & conatus infringeret, altera classis numero navium & bellatorum virtute superior Pisis armabatur: cui præfectus fuit Ansaldus è Mari cum Andreolo filio Genuæ extorres. Simul excitati Ubertus Palavicinus, & Marinus Ebulus, facere negotium Liguri à terra conati sunt. Sed nihil deteriti Genuenses in sancto & pio proposito perseverant.

Tunc Legati à Pisis venere, dicentes, Veterem amicitiam, & confinium terræ, ac maris inter utrumque populum in causa esse debere, ut idem animus, eademque voluntas ambobus sit: rogare, quoniam ex novo apparatu adversari Casari velle videantur, ut ab incepto desistant, irritare Fridericum cessent: quia Pisani, & pro veteri suo jure & recenti adstricti, detrectare imperia Casarea non possunt, quacumque vi & opera sunt eis sese opposituri.

Respondere Genuenses, non negare se, quæ de affinitate terrarum, ac maris natura constituisset, quæque de vetere duorum populorum benevolentia dicerentur: sed se jampridem didicisse uno habitu, unaque fide Ecclesiam Romanam colere, & Pontificis præcepta servare: opinari se eandem mentem Pisanis esse; neque eos ad injuriam revocatu-
ros,

ros, si Christiani Principes, & religiosi viri religionis causa Romam petaturi Ligustico ab littore transfretare studeant. Quos si Pisani impedire voluerint, sciant, Genuensibus ut voluntatem, sic & vires ad ea, quæ instituerunt peragenda, non defuturas. Cum his dimissi Pisani abiire.

Peregrini vero Principes, & Longobardi Oratores, in quibus Mediolanenses, Placentini, & Brixienfes erant, cum jam frequentes adeflent, & jam consensuri naves forent, inopinus casus pene cuncta oppressit. Interceptæ fuerunt litteræ Friderici Cæsaris ad Fridericum Grillum, & Joannem Strejaporcum opulentos cives Genuenses in hanc sententiam: *Dinturna & constans fides vestra, multisque periculis probata devotio gratissima nobis est. Audivimus ea, quæ Ansaldo Marinus nomine vestro nobis retulit, non sane discrepantia ab his, quæ nos ipsi ad contundendos hostes nostros in ista civitate constitueramus: sed rem majoribus etiam viribus agendam duximus. Nam mari classem paramus haud dubio hostili superiorem, & terra ab utroque littore, nobis jubentibus, inferunt Ubertus Palavicinus & Marinus Ebulus noster in Longobardis Vicarius. Quæ dum agimus Faventiam obsidemus, quæ nunc operibus nostris cincta sic undique est, ut absque dubio in potestatem nostram brevi ventura sit. Hinc propinquam Bononiæ petemus. Jamque premissimus Henricum filium nostrum Regem Turitanum, & Galluris, ac universalem Imperii in Italia Legatum, qui & exercitum ab amicis, fœderatisque nostris contrahat, & cetera expeditioni necessaria preparat.*

Hæ litteræ ad Prætorem Genuæ, qui tunc erat Gulielmus Surdus civis Placentinus, delatæ, suspectam eorum, ad quos scribebantur, fidem fecere. Itaque Prætor, ut ad se venirent eos citavit; simul comprehendi Mainetum quendam Florentinum eorum internuncium curavit. Sed hunc, cum à satellitibus traheretur, Rubeus Volta intercurrentis eripuit, & extorsit. Illi vero Magistratui minime audientes, nam interceptas litteras sensere, sese domi adversus impetum quantumcumque poterant, muniebant; arma, tela, viros congregabant. Nam præter supra nominatos conscii conjunctionis erant Gulielmus, & Ingo Volta, & Ingo Grillus, & Thomas Spinula, & nonnulli ex familia Auria. Quos ut pari contumacia teneri Prætor cognovit, senioris ætatis, & primores populi, ut armati in ædem Divi Laurentii venirent, monuit. Ubi, quæ de civibus improbis & domesticis hostibus comperisset, exposuit; litterasque interceptas perlegi jubet. Quibus cognitis una omnium sententia fuit proditores patriæ ultimo supplicio afficiendos. Et præmissis Capitaneis populi, atque signiferis, domum Joannis Strejaporci petunt, quam adorti, transfugiente ad Voltas Joanne, diruerunt, & spoliarunt. Inde ad Voltas & Aurias convertuntur. Hic Fratres Prædicatores & Minores intercessere, aliquantisper à vi supersederi rogantes, quoniam Auriæ facturi imperata erant. Temperavit Prætor, inhibuitque multitudinem ab impetu. Sed cum denuo vocati non comparerent, iussit Prætor, juventutem armatam ex triremibus, quæ jam paratæ stabant, descendere, & domum Spinulæ oppugnare. Nec mora: statim confractæ fores fuere, apertaque domus, & turris; & in ipso conflictu lapide ictus Thomas interemptus est. Expugnatum Palatium Prætor munit; superveniente deinde nocte, vigiles armatos dare operam jubet, ne quid detrimenti Resp. caperet. Conjurati autem casu Spinulæ territi, in Prætoris potestate se futuros dixerunt, & promissa fecerunt cuncti, præter unum Joannem Strejaporcum, qui in tanto periculo perstitit.

Sedato tumultu, ad expedienda reliqua profecturis Romam necessaria intenderunt. Reposita in

A triremibus juventute, duo adjiciuntur Oratores, qui simul irent Reip. Genuensis nomine, Othobonus Malonus, & Trinchierius Ismael, simul & Petrus Ventus, & Gulielmus Niger. Totius autem classis Præfectus, quem inveterato verbo *Admiratum* vocant, fuit Jacobus Malocellus: vii. Kal. Majas Genuasolventes, portum primo Delphinum, dein Levantum tenuere. Ubi motus Palavicini audientes, in dubio fuere Duces descendendi in terram illum persequuturi, nam ad quattuor milia sagittariorum præsidii nomine ducebant. Verum metuentibus Cardinalibus, ne ipsis absentibus hosti ipsi præda forent, subistere, & navigationem continuantes, in portum Veneris deferuntur. Hic cognoverunt, & navium, & propugnatorum numero, & virtute validiorem suam classem Pisis armari: quare instrui octo alias Genuæ curarunt. Sed fatis urgentibus, non expectatis eis, Cardinales festinare voluerunt; sicque dantes vela ventis, Pisanum littus prætervecti sunt. Sed procul conspicatus Andreolus Anfaldi filius, velis, remisque nixus, apprehendit eos trans Helbam insulam, ad Gilium scopulum, non procul Telamonio Senensium portu; atque cominus congressus, duas & viginti eorum triremes in potestatem redigit: nam aliæ quinque cum Malocello Admirato ægre evaserant. Cardinales, & clarissimi Sacerdotes, Legatique ipsi Genuensium capti, & cum his ingens vis auri argentique. Cujus rei fama invulgata, exercitus terrestres insolentius agere, & cum omnia sibi prona esse deberent, superbius finitima oppida ad deditionem cogere. Unum Levantum Palavicini cursum confregit, victoriamque moratum est. Afflictis rebus solatii loco fuit, quod Romeus Villanova Raymundi Berengarii Provinciæ Comitis Legatus, ab eadem clade servatus, declinavit Sardiniam versus, & in itinere occurrit Pisanæ navi mercibus omnifariam onustæ, eam prælio aggressus expugnavit, & Niciam perduxit.

Cæterum rei à suis feliciter gestæ nuntios ut Fridericus accepit, litteras toto orbe diffudit, lætitiæ & gratulationis plenas, causam suam & Pontificis inde judicari petens.

Genuæ autem major cura Magistratum & Præfectos Reip. subiit: confestim Mediolanum & Placentiam Oratores missi ad nova auxilia petenda; & ipsi die noctuque reficiendæ classi intendere, quæ victori & propinquo, hora si ingrueret, resistere, & præsidio navibus suis, quas mercium plenas ex Orientali negotiatione reverti sciebant, esse possent: nam eisdem inhiare Pisanos, Fridericianosque milites constans fama erat. Sic brevi quinquaginta triremes effectæ, hostem ab nova hinc inde molestia cohibuerunt, & tuto ingentes opes Genuam perductæ: quin ad terrestres exercitus conversi, finibus cedere coegerunt. Nam & Mediolanensis, ut hostem ab Genua revocaret, agrum Papiensem auspiciis & ductu Gregorii Montelongi invasit. Papienses autem cum copiis ad sua tutanda reversi illi occurrere, & inito certamine haud mediocrem cladem intulere. Capta est ingens turba hominum, & copia commeatum, tubæ, buccinæ, vexilla, & signa Pontificia, urbisque Mediolanensis; neque tunc satis cognitum, quæ Montelongus ope evaserit.

Interea Francorum Rex suorum detrimento per motus, ad Cæsarem scripsit, dimitti captivos petens, quandoquidem nihil commississent, qui obedierent, quo Pontifex Romanus petisset, iter intendissent: præterea antiquam Gallis cum Cæsariibus amicitiam intercedere, quæ ad salutem calamitosorum, non ad poenam errantium valere debeat. Quod si precibus non sit apud eum locus, haud defutura arma, viresque, quibus ostenderetur, Gallicum nomen, dignitatemque, ne à Cæsare quidem

dem sperni debere. Hic respondit Fridericus, nihil esse, quod Regem gravet, aut ad injuriam Galli revocent, si æque ac Longobardi in vincula coniecti sint; quoniam simul comprehensi, debellatique, in pari causa esse censentur: & si aliena à bello mens eis fuisse dicatur, illorum tamen speciem & numerum auxere, qui Cæsari hostilia & ignominiosa parabant. Nec ita multo post eos in Apuliam, Siciliamve relegavit. Pisani non paucos cum suis, qui Genuæ servabantur, commutarunt.

Mox potitus Faventia Fridericus, per Picentes in Romanam terram proficiscitur, præfecto rebus Longobardiæ cum suprema potestate Henrico filio notho, Galluris & Sardinia Rege.

Libuit supra nominati viri titulos repetere, propter mirandam & imperitiæ plenam de nomine ejus varietatem. Nam Blondus, & omnis fere posteritas, Entium, interim, addita littera, *Entium*, aliquando *Entium* vocant. Merula, ut pleaque alia, eruditius pronunciatum se existimavit, si à communi usu recederet, & *Egentium* nuncupavit. At in *Epistolis* Friderici patris, quarum bina exemplaria vetustissima atque incorrupta vidi, & diplomatibus auro obsignatis, quæ adhuc Cremonæ servantur, legitur Henricus illegitime natus, ut naturalis maculæ nota ab Henrico legitimo & quandoque Cæsare designato distingueretur. Eundem autem, cum ingenio & militari exercitatione poleret, & Sardorum regno, quod, nescio quomodo, in Fiscum venerat, donavit; & sæpe exercitiis præesse voluit.

A.C. 1241. Subiit inter hæc annus primus & quadragesimus, cujus mense Augusto Gregorius Pontifex moritur. Et discordantibus Sacerdotibus, quadragesimo demum die electus est Gufredus Patricius Mediolanensis è gente Castillionea, & tunc Episcopus Sabinus. Pontifici nomen indidit Cælestino IV. Vir sane multiplici laude commendandus, in quo & præstabilis litterarum doctrina & vitæ integritas probaretur. Sed hunc ostendunt terris tantum facta. Senex enim & valetudinarius IV. Idus Novembris, qui à Pontificatu decimus septimus dies erat, inter homines morari desit. A cujus obitu Sedes deinde plusculos menses vacavit.

Eodem anno lego, sed perparce scriptum est, IV. Id. Maji certatum prælium fuisse inter Mediolanensem populum, existente Prætoris Philippo Vicedomino Placentino, & Papiensem exercitum, ad Pontem Longum juxta ignobilem vicum ad Genestas nuncupatum, & multos hinc inde captos: inter quos Manfredus Pusterula Mediolanensis Papiam ductus, permutatione deinde facta patriæ restitutus est: detrimento autem Mediolanensibus fuit mutatio Consilii, quo tendere insidias hosti statuerant, sed eas postea omiserunt.

A.C. 1242. Anno quadragesimo secundo, Prætor Luca Grimaldo Genuense, Mediolanenses bellum in Comensi gesserunt; Belinzonam primo, deinde Mendrisium in Luganensi valle receperunt: & ad suburbana usque Comensia populabundi devenerunt.

Interim VII. Kal. Julias Principes Christianæ Religionis Anagninæ congregati, Pontificem Summum creant Innocentium Quartum, qui è Liguribus oriundus Sinibaldus Fliscus antea vocitabatur. Quod ut Fridericus audivit, non mediocri dolore correptus est: nec sine gemitu conversus ad adstantes: *Amicum*, inquit, *amismus*. Non enim ferre potest Pontifex Romanus idem, & Gibellinus esse: expertus enim fuerat Sinibaldum Fridericus sui studiosissimum; neque inter Principes Sacerdotum temere alium magis amicum & benevolentem habuerat. Compresso tamen eo dolore, nobilissimam Legationem ad gratulandum honorem mittit; cujus capita fuere, Magister domus Sanctæ

A Maria Teutonicorum, Anfaldus à Mari, Regnum suorum & Imperii Admiratus, Petrus Vineæ, & Thadæus Sinuessanus magnæ curiæ Judices, & B. Marefcallus Decanus Messanenensis.

Gibellinum autem & Guelfum, duarum in Italia factionum diversa & perniciosi studii nomina, jam invaluerant; & hi Romanæ Ecclesiæ partes, tuebantur, illi à Germano Cæsare stabant. Unde orta ea nomina sint, multa quidem traduntur: sed, quod probem, adhuc non legi: durat in nostra tempora feralis & domestico furore comitata appellatio, nec sine urbium excidiis, bonorum direptionibus, humani sanguinis effusionibus in nepotum animos transmissa.

B Sub ejusdem anni finem convenere Genuæ Mediolanenses & Placentini Oratores, & hæcenus eorum studiis adversati Bonifacius Monteferratenensis Marchio, & Manfredus Carretus, & Georgius, ac Emmanuel Ceva oriundi; atque ibi reconciliatis populorum animis, pacem facere, seque obnoxios Ecclesiæ fore receperunt, atque hostes eorum, qui ei adversari vellent. His constitutis reversus domum Bonifacius, Genuensem admonet, videri opportunum, si nunc poenas rebellionis Savonenfis civitati irrogarent; seque auxiliis non defuturum docet, & ne quid opis ad inimicam urbem per ditionem suam deferatur, curaturum.

C Igitur appetente vere anni MCCXLIII. his fretus A.C. 1243. Genuensis, hostiliter Savonam petit; castra, machinasque murales moenibus admovet; nec minus immissa classe mari obsidetur; simul Legati ad Bonifacium mittuntur, qui promissorum observationem peterent. Sed is nullo certo responso dato, Mediolanum majoris negotii causa vocatus proficiscitur. Gregorius Montelongus duarum urbium Novariæ, Vercellarumque studia in partes Pontificis, Romanæque Ecclesiæ officium trahebat; sed confici res absente Marchione non poterat. Ejus adventu haud cunctanter communi foederi accessere. Bellumque Laudensibus illatum; quorum in auxilium & Cremonenses Carrotium misere, & Henricus Sardorum Rex venit: sed & ejusdem discessu, nec ulla alia re memorabili gesta utrinque exercitus soluti sunt.

D Translata deinde arma sunt in Taurinates, quam urbem Præfecti palatio & nonnulli nobiliorum tuebantur, à quibus & favor vulgi stabat. Principes vero hostilis exercitus, in quibus Gregorius Montelongus Apostolicus Legatus, & Leo Peregrinus Mediolanensis Archiepiscopus dignitate eminebant, Vercellas se contulerunt, ut ex propinqua & opulenta urbe suis facilius necessaria subministrarent. Summa vero exercitus cura Bonifacio demandata erat, qui dum obsidet urbem atque oppugnat, supervenit in obsessorum auxilium Fridericus Cæsaris nepos, superiori Longobardiæ Præfectus cum juventute Cremonensi, Papiensi, Alexandrina, Astensi, à quibus pulsus Marchio est, & non pauci ex ejus exercitu capti. Hoc loco Cæsar Marchionem immemorem acceptorum beneficiorum, & affinitatis suæ appellat, & reconciliatum Pontifici hæc ingrato erga se animo facere dicit; Vercellenses quoque proditores nuncupat.

E Interim multifariam sollicitati Guido, qui Rainerio patre natus erat, & Ubertus patruus Comites Blandrati à factione Cæsarea ad Pontificiam desciverunt. Profectusque Vercellas Guido tabulas publicas accepit, quibus Gregorius, & vinculo excommunicationis, & sacramento, quo erga Fridericum Imperatorio nomine indignum tenerentur, absolvit; & ipsos, resque eorum in fidem & protectionem Ecclesiæ suscipit: nec ullam futuram pacem aut inducias cum adversariis, nisi ipsis quoque salvis, promittit: ac etiam integras eis

eis pactioes olim inter eos & civitatem Mediolanensem initas; ac praeſtiturum, ut mille marchae argenti eis debita à Rep. Mediolanensi, Placentina, Brixienſi, Bononienſi, ac aliis urbibus foederatis perſolvantur. Hæc III. Idus Maji acta.

Interea obſeſſis Savonenſibus laturus opem Caſar, terra marique copias ſcribebat: nam & Henricus filius, atque Manfredus Lancea circa Aquas Statiellas (locus eſt in Liguria celebratus calidis aquis, & omni morborum generi medentibus, haud procul Alexandria inſignis) ex Alexandria ipſa, Derthonaque, Alba, & Papia ſatis magnum militum numerum effecerant. Et Piſis octoginta triremibus inſtructis, tantum terroris Genuenſi injectum fuit, ut ſponte obſidionem ſolverit; & derebus ſuis dubitans, domum redierit.

Simulavit dehinc in gratiam redire cum Pontifice Fridericus; nam ineunte anno quarto & quadrageſimo, qui bonum animum declararent, ad eum miſit celeberrimos ex Aula viros, Robertum Comitum Tolosanum, Petrum Vineam, & Thadaeum Sinueſſanum. Et quia Caſar haud tuto in urbem Romam venire ſe poſſe exiſtimabat, rogari Pontificem juſſit, ut in propinquum aliquod oppidum conferre ſe non gravaretur, ubi citra ſuſpiciones colloqui ambo & neceſſaria tranſigere poſſent: interea reſtituturum ſe quicquid de Eccleſiae rebus, ditione ve teneret, repromittit. Latatus tali nuntio Innocentius Cardinales quosdam ad eum mittit, qui eam mentem gratularentur, in propoſito confirmarent, & reſtituenda reciperent: nec ita multo poſt Sutrium ipſe concedit. Convenere eodem varii Principes, & legati ſociarum maxime civitatum, ceu novum ſpectaculum viſuri. Sed circumducere verbis intempeſtive nimis Cardinales coepit; nec quicquam eorum, quæ promiſerat, præſtare; & pene in omnibus facta verbis diſcordare; Viterbii, Tuſculi, & in multis finitimis oppidis armatos contrahere: denique agnoſcit Innocentius, ſalutem quoque ſuam, niſi cito conſulat, in diſcrimen verti. Et, ſive redeundi Romam facultas jam non eſſet, ſive omnino longius proficiſci inſtituiſſet, Bojolium fratrem ex Ordine Minorum propere Genuam contendere jubet; & ſummum ibi Magiſtrum, paucosque edoceat, quo in ſtatu ſit; nec niſi unam evadendi periculi rationem eſſe, ſi ſine mora claſſis ad civitatem veterem mittatur, qua ſublatus ad ipſos naviget: malle enim ſe ſuorum, quam importuniſſimi tyranni manibus credere: oportere autem diligenter rebus neceſſariis inſtrui naves, & optare, ut nepotes ſui juvenes è gente Flisca, ac Prætor ipſe Genuæ, qui tunc erat Philippus Vice-dominus civis Placentinus, & honoris & ſolatii gratia ad ſe in iſdem navibus venirent.

Proſectus Bojulus per avia & devia, tandem Genuam pervenit, ac rem Prætori exponit. Is pauciſſimos ex primatibus, & quibus tuto tanta res committi poſſet, convocat, & quæ allata eſſent, indicat. Obſtupeſcunt cuncti, & admirantur facinus barbaricum, dolentque vicem Præſulis in terris ampliſſimi. Tum cunctis viribus enitendum, opeſque exponendas in ejus ſalutem conſtituunt. Id vero prudenter & occultis conſiliis agendum cenſent; ne qua notitia ad hoſtes perſeratur, & proinde perniciem ei, quem ſalvum volunt, accelerent. Duæ & viginti triremes in portu paratæ ſtabant ex recenti Savonenſium bello, & nondum ſedato hoſtium metu inſtructæ: has, inquit, ſub prætextu navigandi adverſus piratas conſcendemus: ſed ut Albertus quoque, & Jacobus, & Hugo Pontificis nepotes abſque ſuſpicionem, admiratione ve hominum accedant, conſulto opus eſt. Fingamus, inquit unus, controverſiam, ut coram Prætor quædam importuna illi ſagitant: neget Prætor ſe ea conceſſurum: illi pertinacius agant: contuma-

ces jubeat ſe inſcio urbe non recedere. Ita altercatione ex compoſito facta, crediti ſunt ſerio litigare. Tunc Prætor ceu invitos jubet ad naves perducere: ſic adſcendentes contrarium quoque iter cepere, Occidentem verſus iter dirigunt; atque interim redeuntes ab ora Gallica, mercatorias naves tutas ab inſidiantibus hoſtibus præſtitere: tum ad Auſtrum & Orientem verſi, Corſicam prætervehuntur; & ad littus Italiae ſectentes, in portum civitatis veteris devenere IV. Kalend. Julias.

Eorum optato adventu cognito, Innocentius conſeſtim mutato habitu, ac tribus tantum comitibus aſſumptis, monitiſque ſex Cardinalibus, ut ſe pariter ſequerentur, Sutrio noctu digreditur. Nec ita multo poſt una omnes ad littus pervenere, & in proxima ædicula divertentes, Pontificium veſtium reſumpſere; & bonum, fauſtumque iter precati, Prætoriam triremem adſcenderunt Pontifex ipſe Innocentius, & Cardinales Sabinen. Episcopus, Gulielmus nepos ejus, Petrus Capocius Romanus, Joannes Toletanus, Joannes Cajetanus, & Petrus Barenſis. Qui feliciter oram ſolventes, III. Nonas Julii portum Veneris tenuerunt: atque hic maritima jactatione ſatiſditi, in terram biduum quievire: inde Genuam enavigant, ubi non minori admiratione ex inopinato, inexpectatoque adventu, quam lætitia, honoribus, & pompa excepti ſunt. In ædibus Episcopaliſibus Innocentio diverſorium fuit. Ad quem ſtatim viſendum, ſalutandumque Principes & Legati ex univerſa fere Italia confluxere. Bonifacius Marchio Montisferrati inter primores fuit; & Oratores ex Mediolano, Brixia, Placentia, Vercellis, Novaria.

Fridericus vero fuga Sacerdotum cognita, ſtupore pene dirigit; nec ſatis excogitare poterat, quo modo, qua via, quibus adjuvantibus, ex inſidiis elapſi forent. Mox re certius explorata, non ſine ſuſpirio ad adſtantes dixit: *Cæperam ludere latrunculis cum Romano Pontifice, ſicque eum circumveneram, ut nullo pacto evadere poſſet; ſed ecce venerunt Genuenſes totius ludi perturbatores, qui injectis alveo manibus, importune nimis me mea ſpe fruſtrati ſunt.* Et relicto, quod tunc agebat, negotio, Piſas contendit; unde ad diſſimulandam conſcientiam nuntios ad Innocentium miſit, qui dicerent mirari ſe, quod cum reconciliatio tractaretur, inſtaretque compoſitionis dies, tam repente, inopinatoque evanuerit; ſe vero in priſtina ſententia, ſi conſicere negotium placeat, permanere. Simul Robertum Comitum Tolosanum proficiſci Savonam jubet, qui eadem prædicaret, & pacem brevi conventuram diceret.

Sed obaudivit omnia Innocentius, & tranſire in Gallias in animum induxit, ubi Chriſtiani nominis Principes edoceret, quæ, qualiaque in ſe Fridericus moliri non ceſſaret. Verum ægritudine correptus id conſilium diſferre cogitur. Febris erat valida, & tanto viro metuenda. Evocati è Longobardia Medici mutandum hoſpitii locum in primis ſuaſere. Sic in vicum Sextum, ubi ſpatioſiores campi patent, tranſit, ac Divi Andreae cœnobio colligitur, decubuitque in Octobrem menſem; ſub cujus principium, cum remiſſa vis morbi proſperam in poſterum valetudinem polliceretur, Prætor Genuæ & Principes civitatis evocat, gratiſque actis de officio, fide, & liberalitate exhibita conſilium petendi Lugduni aperit: ita animo inſitum erat, ut vel humeris hominum deferri ſe, ſi equo inſiſtere non poſſit, decreverit. Cognita Pontificis mente Genuenſes claſſem offerunt, Maſſiliam, vel Arelate, & quo longius voluerit, deportaturam. Is vero maritimum iter ſubiturum ſe negavit. Igitur Voraginem & Stellam, non incelebres vicos juxta littus, terra comitantur. Hinc Manfredus Carretus, & Bonifacius Monteferratenſis exceperunt, &

& per iuga faucesque Apennini incolumem ad Padum usque præstitere. Inde per Taurinas Alpes ingressus, Novembri mense Lugdunum pervenit, subsequenter cum cæteris Cardinalibus, quorum pars per urbem Mediolanum iter fecit, tres omnino in Italia mansere, Rainerius Viterbiensis Romæ Pontificius Vicarius, Otho Theonengus in Monteferrato, & Gregorius Montelongus Longobardo bello implicitus.

A. C. 1245. Cæterum ad Innocentium Lugduni agentem incunte anno XLV. convenere magnæ deliberationis ergo vocati finitimi Reges & Principes Christiani. Fridericus vero sæpe monitus, cum in Concilio comparere non auderet, ne tamen aperte recusando contemnere penitus Pontificium nomen videretur, varias necessebat moras: atque ex Pisis cum Parmam venisset, ejus desiderio peropportune accidit, ut conventus Veronæ clarissimorum Principum haberetur. Scribit Rolandus Patavinus interfuisse Imperatorem Constantinopolitanum, Moraviæ, Carinthiæ, & Austriæ Duces: propeque fuisse, ut neptem Austrii duceret uxorem Fridericus, nisi interdixisset Pontifex, ne cum nefario homine nuptiæ contraherentur.

Dimisso eo Concilio, Fridericus Papiam petit, Placentinorum agros ex itinere populatus. Hic Alexandrinorum Oratores claves urbis suæ attulerunt, seque & sua in ejus arbitrio fore ostenderunt. Pariter ad eum defecerunt Bonifacius Monteferratis, Manfredus Carretus & Cevenenses Marchiones. Quorum accessione fretus Fridericus Padum trajicit, simulansque trans Alpes proficisci ad Concilium, quo sæpe citatus fuerat, Astam, & mox Taurinum sub Idus Julias petiit. Sed hic certior fit promulgatæ, pronuntiataque in se excommunicationis. Quod maximum ignominiae genus inter Christianos, & maxime tanto Regi, habetur. Et retrocedens Papiam rediit, ubi collecta in unum rerum exactarum memoria, sic causam suam tueretur, ut in Pontifices ipsos retorqueret quicquid fraudis & injuriæ sibi impingeretur, qui nec fidelem operam proficiscenti sibi in expeditionem Hierosolymitanam præstitissent, sed se absente regnum perturbaverint, & nuntios ad Soldanum Aegypti miserint, juncturos fœdus cum eo, atque rationem inituros, qua Fridericus ipse perderetur: iniquitatis autem in se non aliam causam agnoscere, nisi quod affectantibus Italiæ regnum, nunquam eis jus & arbitrium in res Longobardas permisit, & novissime nuptiis neptis Innocentii cum Henrico filio Rege Sardiniae sit adversatus. Sed fremant licet, frendant quantumlibet, jactentque incomparabilem illam ligandi, absolvendique in terra & in cælo potestatem; nusquam tamen compertum esse, ut pro arbitrio Imperium & Regna transferant, non magis quam quilibet alius Sacerdos, qui more majorum solitus sacrare quempiam Regem, si forte iratus exsequi officium, perungereque recusaverit, id facere potest, ut quem Heroes elegerint, is Rex esse desinat. Multa alia ad varios scribens Principes, in sui excusationem addebat. Quæ cum nota orbi essent, magna ex parte ficta, commentitiaque habebantur. Itaque eis obauditis perseveravit Pontifex in concepta indignatione, infamem ac ignominiosum apud cunctos mortales statuit. Et Proceres Germani solemnibus conventibus, ceu in vacuum legitimo possessore Romanorum Regnum, promovent Henricum Turingiæ Lantgravium.

Accessit eidem ad molestiam fuga nobilis captivi, quem in custodia Papiæ habebat. Is erat filius Regis Castulonensis, eodem quo Cæsar Fridericus nomine nuncupatus, qui clam effractis vinculis Laetarellam vicum, & inde Mediolanum profugit. Ubi latis animis acceptus, in ædibus Episcopalibus cohospitatus honorifice est.

A Tunc Cæsar, hortantibus etiam Papiensibus, exercitum circa Morimundum & adjacentem Ticini ripam contrahit, proximum Abiatum obsidet: contra Mediolanenses ne id occuparet, nituntur. Brixiani, Placentini, Novarienses, Genuensesque auxiliares copias misere. Ad Albairatum sub Carrotio constiterunt. Incilis fossa, quæ Ticino derivata, Ticinellum dicitur, utraque castra dirimebat: & ex propinquitate invicem probra, scurrilia, & militares gerræ jactabantur. Obiciebantque in primis nostri Friderico natalium maculam ex Monaca vetula, gibba, Como oriunda. Eundem hostem Ecclesiæ declaratum, inferisque devotum, inanes Imperii titulos jactare. Sic viginti & eo amplius diebus assumptis, Fridericus castra movet, & juxta Buffaloram confedit, tentans, si qua transire Ticinellum posset. Sed ubique Mediolanenses se opponebant.

B Eodem tempore Henricus nothus ejus filius cum Cremonensium & Bergomensium manu ad ripas Adduæ constitit, novum inde negotium Mediolanensibus facturum, dumque illi pars copiarum opponitur, Papienses Ticinellum transeunt, & Fridericus castra ad Casternum, Cottarumque turrim contulit: quæ duo loca cultoribus fugatis subversa sunt. Interim Henricus invento juxta Cassianum oppidum vado, flumen transiit, & Gorgonzolam sese recipit. Sed hunc confestim circumfedit Simon Locarnus, Mediolanensium ductor, & locum nullis mœnibus fossive munitum facile expugnavit; Regemque Henricum ipsum cepit. Sed nequaquam remissum ex eo prælium est: institere acius hostes, & quasi amisso Rege victuri amplius non forent, quicquid virtutis & scientiæ militaris haberent, effuderunt. Ita vehementius pugnantes, non parvam Mediolanensium, qui jam victores se putabant, stragem edidere, Simonemque ipsum cum Præfecto Sagittariorum Genuensium cepere. C Equata hoc modo fere pugna fuit. Et dirempto certamine, placuit Ducum permutationem fieri. Sic & Henricus, & Simon liberati cum cæteris captivis incolumes rediere. Solis Liguribus illata injuria est, quibus alter oculus effusus est, & dexteræ manus præcisæ fuere. Sic extracta res est in hiemis principia:

Et Fridericus cernens, nihil sibi succedere ex sententia, agro Mediolanensi discessit, ac Papiam primo, Cremonam Parmamque petiit, ubi res novas agitari audiebat. Nec vana suspicio erat. Bernardus Rubeus Hugone Nobili Parmensi natus, id moliebatur, ut civitas ad obsequium Romani Pontificis rediret; sed adventu Cæsaris destitit, patriaque cedens, & se, & consilium in commodius tempus servavit: deinde in Etruriam se contulit Fridericus, & Grossetum maritimum Senensium oppidum divertit; unde bello agitare Ligurum terra marique parabat.

Cumque jam subiisset annus XLVI. venerunt Genuam Legati Regis Francorum, petentes accom-
A. C. 1246. modari naves, quibus exercitus Gallicus trans mare deportaretur; quoniam novisset Ludovicus Rex bellum facere Saracenis, Afrisque, & cæteris Barbaris, qui fidem Christi non colerent. Impetratis XVI. navibus, quæ satis ad vehendam multitudinem visæ sunt, iidem ad Fridericum Cæsarem proficiscuntur, exploraturi, daturusne nomen in eandem expeditionem ipse foret. Sed eo prætentente indignationem ex eo, quod Genuam prius, quam se adiissent, sine certo responso dimissi sunt.

Sed nova cura mox eundem incessit. Thibaldus, Franciscus, & Pandolphus cognomento Fasanelli, nec non Gulielmus Sancto Severinas, & Andreas Cicala haud postremi nominis in Aula Cæsarea, in necem ipsius conjuraverant; sed detecta conspiratione per Comitem Casertensem, confestim

ex Aula dilapsi, alii Romam, alii alio diffugere. Thibaldus & Franciscus in Apuliam arcu Capacii sese incluserunt. Hos desequutus Fridericus, tam diu obsedit, donec disiectis muris, & cisternis labefactis, deficiente humore, præ inopia aquæ deditiōnem facere coacti sunt. Captos vero fune illigavit, & ex altissima rupe in subjectos maris scopulos, undasque præcipitari iussit. Id XIII. Kal. Julias actum.

Per Augustum vero mensem Conradus Friderici filius jam Rex Alemanniæ designatus adversus Lantgravium novum Cæsarem lectum in Germaniam à patre missus cum hoste confligit. Victus vires reparavit, iterumque juxta Franchfordiam fortunam tentavit; sed acie profligatur, turpique fuga elapsus est.

Anno sequenti qui fuit XLVII. Mediolani Martinus Turrianus primum in urbe locum sortitur, titulo Anciani ejus Societatis, quæ Credentia S. Ambrosii nuncupabatur. Isque VI. Kal. Junias convocata concione in templum Theclæ (convenisse autem ad quinque hominum millia traditur) leges, quibus universi cives viverent, tulit: signanterque cautum est, ne quis Tarvisinam Præturam, invitis duobus fratribus Henrico & Gulielmo Burris; & item Lucensem citra duorum aliorum fratrum consensum Gufredi, & Actii, Pirovenerum iniret.

Fridericus autem pacem Pontificis appetere iterum simulans, ab Etruria in Longobardos revertitur; & nemini nocens Taurinum usque processit; oppidumque Rivolam Comiti Sabaudiensi benigne restituit. Dumque illic, ceu trans Alpes iturus, moram trahit, Gibertus Corrigius à Dente cognomen tenens, & Gerardus Arcilis, & Jacobus Bencetus Parmenses exules Mediolanum veniunt; arcanos sermones cum Gregorio Montelongo conferunt; deque patria à tyrannide Bartoli Tabernerii, qui eam Cæsaris nomine procurabat, Sacerdotum interim bona delapidando, & cunctos acerbè vexando, qui nomen Pontificis profiterentur, vel litteras afferrent, avertenda agunt: docentque tres potentissimas Parmensium familias idem sentire, Corrigios, Lupos, Rubeos; inter quos præcipuè auctoritatis habetur Bernardus Rubeus, Rolando patre natus, cum privatis opibus, tum conjugis, quæ Innocentii Pontificis soror erat, claritate illustris. Re bene constituta, biduo post Idus Junias patrios fines cum exercitu invadunt, ad Tarrum usque (quinque millibus passuum ab urbe distat) prima incursio facta est. Hic opposuit se magna pars populi sub Henrico Testa, qui genere Aretinus tunc Parmensem Præturam iterum gerebat. Nec mora pugna facta est; dumque atrocius dimicatur, & Prætor ipse, & Manfredus Cornazanus, & Hugo Mangiarotus, & plerique alii ex primariis ceciderunt: eorumque casu vulgato, reliqua acies terga vertit.

Ingressi urbem victores, cunctos contrariæ factionis populares exigunt. Gerardus Corrigius Præturam occupat; tum amicorum, foederatorumque copiam accersuntur; Gregorius Montelongo mille Mediolanenses equites; Estensis Marchio, variis ab Actiolino Romano injuriis, fraudibusque exagitatus, manum Ferrariensium; Riccardus Bonifacensis, & Beaguinus Caminas Mantuanam juventutem adduxere; quadringenti etiam equites Placentini affuere. In summa crediti sunt ad tria millia equitum convenisse: qui & commeatus abunde in urbem, cæteraque futuro bello necessaria comportarunt: & ne uno in loco sua multitudo conficerentur, in suburbana loca, & opportunas stationes dispersiti fuere. Nec ita multo post supervenere à Liguribus, impendio Flischorum, sexcenti sagittarii. Pontifex quoque mille equites ex Gallia pollicitus est.

A Eodem tempore Henricus Sardorum Rex Quinzanum oppidum rogatu exulum Brixienfium obsidebat: & nuntio rebellionis Parmæ accepto, maxima cum trepidatione relicto omni bellico apparatu, refugit Cremonam.

B Simul Fridericus monitus, obstupuit ea re audita: deinde Papiam, Cremonamque reversus, studia, cogitationesque ad recuperandam Parmam convertit; & ad Blanconessum circa Tarrum vicum cum parte copiarum transire jubet. Parmæ mutatio magnum quoque aliis in locis momentum attulit. Nam & Mutinæ quinquaginta equites, qui missi ab Parma auxilio frumentatoribus Fridericianis erant, intercepti, spoliatique sunt; & adolescentes, qui liberalibus disciplinis operam dabant, capti, & in vincula coniecti. Et Rhegienses idem fecere iis, qui paulo ante Cæsaris iussu Cruviacum petierant. Et in Liguribus tractus omnis Orientalis ad officium cum civitate rediit. Et Lunenses adjutantibus Grafignanæ incolis Vicarium Cæsarem apud se versantem in carcerem posuere. Et Otho Malaspina, quicquid antea amiserat, recuperavit. Et in Patavinis Actiolinus Romanus duo oppida Esten & Calanem de ditione Marchionis Estensis furtim occupavit.

C Cæterum cum jam mensis Augustus ageretur, Mediolanum ampla cum auctoritate & pecunia ad mille & quingentos equites conducendos venit Cardinalis Octavianus, Ligustici Annales Othonem Avianum habent. Quibus brevi comparatis, Brixellum petiit, rem Parmensem pro virili adjuturus. Sed huic se opponit Actiolinus, qui ex Patavinis, Vicentinis, & Veronensibus egregiam bello juventutem adduxerat Guastallam, cui adjungitur Henricus Rex; & fugarunt copias Octaviani, Brixellumque occuparunt. Et jam cuncta pene circa Parmam, exceptis Colurnio, Vigoleno, Alpefelis in potestate hostium videbantur. Urbs vero ipsa valido munita præsidio, nisi magno apparatu, & diuturna obsidione capi non poterat; & oppidanorum animi erant, ut nisi per vim aut alimentorum inopia coacti deditiōnem non facerent.

D Igitur Fridericus castrametatus inter Fregnani, Grollæque vias, dimidio ab urbe milliario constitit, aggere, valloque munit, & ceu novam urbem conditurus, ambitum aratro fecit; templa, forum, lateritiaque domos extruxit; derivatoque flumine, rotas etiam frumentarias fabricavit, ut milites sui haberent, non solum quo se tuto ab incursionibus reciperent, sed etiam ubi commode hiemare, & quævis aspera frigora tolerare possent: loco auspiciatum nomen *Victoria* indidit, quasi haud dubio superaturus hostem: & quo id majoris spei foret, astra etiam observavit, cum urbem novam designaret. Jam hinc ceu in regia constitutus, & jura populis reddere, & legationes exterarum gentium audire, Senatui cogere, monetam cudere; qui Nummi *Victoriat* sunt appellati. Non longe ab eo tendebant Papienses, & qui à Cremona Carrotium adduxerant. Jam eruptiones hinc inde fieri, & levia certamina committi, ex quibus, utri vicissent, non decerneres.

E Interim adverso Pado subvecta est classis à Venetis, Ferrariense, Mantuanoque missa; & à Mediolano, Brixiaque supplementa suis advenere: qui Henrico, Actiolinoque oppositi, bimestre absumperunt speculando, tentandoque occasionem omnem vel pugnandi, vel commeatus obsessis intromittendi. Interim Fridericus portam Ulmi aggreditur, val-lumque magna ex parte laceravit: sed hanc strenue Bonifacensis Comestutatur, hostemque multorum cum cæde repulit. Henricus autem Colurnium obsidere coepit: at Parmenses nova industria usi aperunt cataractam fluminis eo sese exonerantis, ac diluvio facto, quo viri pariter & jumenta

mergebantur, digredi coegere. Jam Octobermensis exibat, cum navalis exercitus pontem, quo hostes Padum junxerant ad Brixellum, adoritur: & multis Cremonensium, qui in custodia erant, caesis, expugnat, ac dissolvit. Patuit tunc libera commatibus via; & hostes desperatione potiundæ urbis imbuti, nihil amplius necessariam ab ea parte operam suam rati, in hiberna abiere. Actiolinus domum se cum suis recepit.

Interim de permutandis captivis actum. Parmenses suos, qui per Italiam variis in ergastulis servabantur, recuperavere. Bergomenses, quorum nonnulli nobiles in carceribus Mediolani erant, à Friderico impetrarunt, ut quos Mediolanensis nominis in Apulia haberet, adducerentur. Hi Neapolitanæ triremi impositi advehebantur. Sed accolæ portus Veneris eam intercipiunt: compertosque in ea Guidonem, & Gabrielem, nec non & Guiscardum illos fratres, hunc vero filium Pagani Petrasanctæ, qui olim Genuæ jus ex Prætura reddiderat, ac ex modestia magnam cum ea civitate gratiam iniverat; eos statim Genuam deportarunt, ubi pro veteri Pagani hospitio liberaliter habiti, atque muneribus donati, citra ullum redemptionis impendium dimissi in patriam sunt. Cæterum in eadem triremi capti fuere Robaconus Bergomensis, qui nuntius ad illos deducendos ex Apulia iverat, & Alexander Genuarius nobilissimus Neapolitanus, cum filio ac nepote, & ducenti alii Neapolitani, qui omnes in spem novæ compositionis servati fuerunt.

Per idem tempus Jacobus, ex gente Carreta in Liguribus pernobilis, duplici munere à Cæsare augetur: nam Genuensium tunc hostis erat. Publicum unum erat, Præfectus, Vicarii titulo, Provinciæ, quæ supra Astartem ad Apenninum & mare pertinet: alterum privatum; nam ei filiam, quamquam illegitime natam, matrimonio locavit.

Supervenit dehinc optatus ex Germania nuntius, Lantgrævium Thuringium profluvio sanguinis exhaustum expiravisse. Quod etsi magno gaudio Friderico fuerit, propter æmulationem ex ejus obitu sublatam; tamen id haud diuturnum fuit. Namque hortatu Pontificis, qui litteris, nuntiisque impellere non cessabat; & præsertim opera Cardinalis Petri Capotii, Germani Heroes III. Kal. Octobres in demortui locum suffecerunt Gulielmum Hollandiæ Comitem, viginti non amplius annos natum: quem & Rex Boemiæ parazonio accinxit, & Colonia Agrippinensis Antistes unxit, Romanumque Regem imposita Corona dixit. Ludi magnifici & hostica certamina ob rem feliciter actam edita.

Cæterum dum Genuæ impensiori cura instruendæ classi intenderent, qua Galli trans mare deportarentur, Fridericus veritus, ne eorum adventus studiis suis maxime officeret, perturbandum Genuensium apparatus censuit: evocavitque ob eam rem à Neapoli Savonam quinque & viginti Siculas triremes, & à continenti infestum exercitum immittebat.

Sed dum ipse unum agit, aliud fortuna interfert: XII. Kal. Martias (sunt qui Idibus Februarii scribant) anni quadragessimi octavi, cum Parmenses solliciti admodum de Columnio essent, & Henricus Rex cum exercitu appropinquaret, fortissimorum juvenum manum ad tuendum oppidum misere. Hos conspicatus procul Fridericus, alam equitum ad intercludendum iter præmisit. Riccobaldus Ferrariensis intentum aucupio fuisse tradit: & hic Blondus repertam fuisse opinatur artem instituendi aves rapaces in venationem infirmioris generis; quod septingentis ante annis in usu fuisse, nos supra in Majoriano Cæsare docuimus: sive er-

A go rei præsens Cæsar fuerit, sive studio venandi, ut multi opinantur, longius à castris provectus foret; & omnia in castris per luxum & licentiam corrupta essent, Gregorius Montelongus, & Basalupus Mediolanensis speculati occasionem, qua Germani prædabundi à Victoria Parmam usque venerant, quicquid copiarum in urbe erat, emiserrunt: qui certis distincti ordinibus, hostes circumvenere, & congressi magnis viribus, animisque acrem pugnam excitavere. Opportune ad certamen accurrentibus Columniensibus, stragem, qualem nunquam antea viderant, ediderunt: caesisque, aut captis plurimis, pauci intra munitiones Victoriæ refugere. Sed Parmenses una cum eis ingrediuntur. Nec minor ibi cædes edita. Versabantur in prima acie Episcopus Tripolitanus, & Parmensium Prætor Philippus Vicedominus genere Placentinus, & Genuensium mercenaria manus; qui in tentorium Cæsaris penetrantes, præsidem tunc cubiculo Thadæum Sinuesianum Judicem oppresserunt, trucidaruntque; & pretiosam omnem suppellectilem diripuerunt. Parmensis vero quidam, cui de statura corporis Curtipassus vulgo nomen erat, Coronam Augustalem abstulit. Sic victores post multam prædam ignem ædificiis Victoriæ subjecerunt; cujus fumo procul confecto Imperator, prius eam captam dixit, quam nuntius ad eum pervenerit. Re deinde, & magnitudine detrimenti accepti intellecta, haud diutius immorandum ratus, propere Donnini Burgum, & trajecto Pado Cremonam se recipit. Ex Cremonensibus ipsis ad tria millia capti sunt: & eorum Carrotium, quod *Bertaciola* dicebatur, Parmam perductum, diu in memoriam rei servatum est: reliquos fugientes ad Tarrum usque defecutus Montelongus, spoliis onustus suos ad urbem reduxit.

Cum vero se collegisset Fridericus, reminiscereturque non solum amissam Coronam, sed & scriinia, & obsignandarum litterarum typos, scripsit statim ad amicos, ut ab errore & fraude caverent, in quam astutia adversariorum induci per ea signa possent. Et ad solatium cladis acceptæ subjecit, aliquam partem rescaram esse virtute Henrici filii, qui eodem momento occurrit nonnullis Mantuanis navibus, quibus trecenti pedites in auxilium Parmensium subvehebantur, easque per vim expugnavit & cepit. Ipse paulo post, collectis, qui à cæde & captivitate supererant, novoque milite conscripto, Parmam iterum petiit, & Victoriæ suam aggressus, quam Parmenses valido præsidio muniverant, circiter centum ex iis interfecit, sexaginta vivos in servitutem abduxit. Tuncque captus vir inclutus Bernardus Rubeus fuit, & capitali supplicio affectus. Cujus injuriæ sævi ultores cives, quatuor nobilissimos Proceres ex Fridericiano exercitu captos, & in eam diem servatos publice decollarunt. Quibus cognitis Fridericus, cernens sibi rem esse cum pertinacissimis hominibus; & qui extrema omnia subituri essent, in Placentinos abiit, & diversarum partium populos infestando, Astartem pervenit; ubi & totam hiemem exegit.

Eodem tempore Actiolinus Romanus trium jam in Venetia urbium dominus, duas alias imperio adjecit, Feltrum, & Bellunum, quas prodicione civium, quibus Beaquini Caminatis dominatio infensa erat, eo pulso, nullo labore recepit. Quod factum tale augurium præcessit. Nam petenti Feltrum pica avis in summa majoris vexilli lancea adstitit; & cum militari strepitu nusquam deterrere, demissa paulatim hasta capi se permisit. Id auspiciatissimum ducens Actiolinus, servari aviculam iussit, & cavea conditam iisdem, quibus ipse utebatur, cibis nutrit; & secum semper, quibuscumque itineribus ac expeditionibus circumferens, habuit.

A.C.
1249,

Anno XLIX. Præturam Mediolani sortitus Supramons Lupus Marchio Soragnæ, quæ pernobilis familia adhuc in Parmensibus clara est: eo auctore Mediolanenses oppidum Ardenæ, quod lacui Lario ex præalto montis cacumine impendit, obsedere. Locus fuerat ditionis Guidonis Canis: ejusque arce expugnata, mœnia diruerunt, atque in lacum provolverunt. Parmenses vero interea Brixiellum recuperarunt, & nova arce excitata, munierunt. Mox Fridericus denuo accessit, & Victoriæ castra ingressus, magno terrore Parmenses affecit, ne novam civitatem institueret, & se denuo obsideret. Sed siue virtute hostium de exitu belli desperaret, seu graviore de causa motus, summa rei Longobardæ Henrico Sardonum Regi tradita, in Apuliam proficiscitur: atque ex itinere Pisis diversatus, diplomam multorum oppidorum Uberto Palavicino concessit. Non ita multo post populati sunt Bononienfes Mutinensium agros: & cum ab injuria cessaturi non viderentur, nisi par potentia eis opponeretur, Henricum ab Cremona accersivere. Is cum Prætoris Cremonensis haud cunctanter profectus, in prædatores invadit. A quibus, cum longe inferior militum numero foret, & pugnam declinare non potuerit, quamvis fortiter dimicaret, captus & Bononiam in vincula ductus est. Sunt qui tradant sponte ipsum ab Mutina Bononienfium fines invasisse, ut auxilio foret novis copiis, quas ex Faventino agro evocabat; & dum locis quibusdam obequicaret, confectæ hostium manui occurrisset, & commissio certamine captum fuisset. Merula, nescio quo auctore, tradit, solum Regio habitu deposito, ut majestatem occultaret, exploratum metandis castris locum ivisse, & à milite Bononiensi agnitum; qui cum pedes esset, in clunes equi ejus improvisus insiluit, & utroque brachio retracto obligasse illi manus, & arrepta equi habena Bononiam perduxisset captivum, eoque viso, obruptione à Bononiensibus universum illius exercitum profligatum. Utcumque res fuerit, constat ipsum cum multis Cremonensibus & Mutinensibus captum. Exstant patris epistolæ rogantis primo, deinde minantis atrociam Bononiensibus, qualem Fridericus avus Mediolanensibus intulerit cladem, ni confestim filium Henricum Sardiniae Regem dederint, ac liberos abire reliquos captivos permiserint. Sed neque preces, neque minæ incolumem illum præstant. Nam ædificata in palatio Bononiensi ligneis ex trabibus cavea, in qua noctu recubabat, interdum haud longius quam in proximum cœnaculum ire poterat: adeo, ut Parmensis scriptor expresse, *duos & viginti annos custoditus, ibidem demum spiritum posuit, & in eadem Divi Dominici elatus, sepultusque est*: ostenditurque in hanc diem conditorium ejus.

Cæterum fama captivitatis ejus vulgata, insurrexit tota Italia *Guelphum* nomen, & contrariæ factioni insultans, omnia sibi vindicare; à fide Cæsarea Longobardos, Etruscos, & quicquid in Flaminia erat, avertere. Quæ Fridericus sentiens, qui jam ad Apulos, urbemque Fogiam pervenerat, indignatus maxime est; & parando pecunias, arma, viros in proximum annum, litteras ad hostes, amicosque pariter scribebat: ut & illi minacibus verbis deterrentur, & hi spe nutriti in fide permanerent.

Et quoniam in peregrinis quoque regionibus dignæ memoratu res gestæ sunt eodem tempore, quæ parum expeditæ ab iis, quorum professionis erant, referuntur, hic subjiciendas duxi. Nam & in Hispania, in qua hætenus Saracenorum regnum viguerat, Ferdinandus Castulonensis Rex Sibiliam urbem clarissimam, opulentissimamque, & quam nonnulli antiquam Hispalim, quæ olim toti Provinciæ nomen dedit, existimant, de barbara

A servitute eripuit, & cum singulari Christiani orbis lætitia ac gratulatione Regno suo adjecit.

B Et Ludovicus Gallorum Rex suscepta Orientis expeditione, cum claris Ducibus Alfonso Piçtaviense, Roberto Atrebatense, & Carolo fratre in Cyprum navigavit. Inde Damiatam Syriæ urbem jam cultoribus vacuum occupat, quam mox Arabes per vim recuperant. Robertus Atrebas eo prælio cecidit: ac reliqua multitudo passim defugiente Rex ipse cum fratribus in potestatem hostium venit. Quibus saluti fuit subsecuta confestim Soldani Ægyptiorum Regis mors. Cum cujus filio adolescente tractata pace, & in redemptionem suam pactus Damiatam, & centum millia marcarum argenti, decimo nono die, ex quo captus fuit, dimissus est. Reversus Aconem Ludovicus, instaurandis veterum ædificiis plurimum auri impendit. Carolus vero repetita patria amplis opibus per nuptias augetur, sortitus uxorem Beatricem filiam unicam, & hæredem Raimundi Berengarii Comitis Provinciæ Narbonensis, & Furchalerii, qui septennio ante defunctus, pupillam filiam sub protectione Romanæ Ecclesiæ, & Romæ Villanovæ procuratoris rerum reliquerat.

C Subit annus quinquagesimus supra mille ducenum nostræ dinumerationis: cujus principio Præturam Mediolanensem inivit Jacobus Rubeus Parmensis. Et mox Majo mense apud Leucenses extremi Larii accolæ, qua emissarium est Adduæ, bellum susceptum est: nutare illorum fides cœperat: oppidum vi captum, & dirutum fuit. Cum autem Parmæ summa inopia rei frumentariæ laboraretur, quatuor millia modiorum cum præsidio Mediolanenses ad Padi usque ripas misere, id tradituri Placentinis, qui inde sociæ civitati porrigerent. Sed hi jam clandestina consilia cum hostibus iniverant: & averso frumento, in partes Papiensium, Cremonensiumque transivere. Et facta conspiratione cum exulibus Parmensibus, & cum exercitu accessere; freti famelicum populum facile ad res novas venturum. Sed his opposuere se cives: & ut consensus publicus appareret, Carrotium quoque adduxere. Id panno albo vestitum, vulgo *Blancardum* vocabant. Pugnatum est acerrime: desiderati ex iis sunt mille, quadringenti, ac septuaginta quinque; & Carrotium ipsum in hostium potestatem pervenit, & perductum Cremonam loco trophæi fuit. Ex hac victoria, & pollicitationibus, quas subinde Cæsar ex Apulia faciebat, nonnihil animorum & spei Gibellina factio sumpserat: sed quæ cuncta abruptit, his quoque fluctuationibus mediam se mors intulit; & multorum cogitationes in omnia alia, quam quæ opinabantur, avertit.

E Ex Foggia urbe Fridericus forte Luceriam petebat: sed procul inde sexto milliario, in oppidulo, cui nomen Florentinum dicitur, diversantem febris apprehendit, validiorque vis morbi urgere cœpit. Tum audito loci nomine, fatalem sibi eum esse, extremumque diem imminere dixit. Vates astrorum peritissimus, quibus alioquin Fridericus multum tribuebat, ei prædixerat, ut in omni vita Florentinum caveret: ob quod, quotiens per Italiam commeabat, Florentinorum omnem agrum sponte devitabat, Pisas, Senasque semper divertendo. Sed effugere nemo statutam sibi horam potest. Quare deprehensus adversa valetudine Fridericus, deque salute desperans, numinum saltem reconciliationem optavit: quam spatiis exclusis iniquis cum à Pontifice Romano non posset, utcumque ab alio impetrare curavit: accersitis namque Archiepiscopo Panormitano, & compluribus aliis Ecclesiæ Præsulibus, mirificam ostendit errorum poenitentiam, atque mœrorem. Conditoque testamento, jussit, quicquid urbium, terrarumve ex jurisdictione Ecclesiastica occupasset, restitui; ingentem vim

A.C.
1250.

auri Templariis, Hierosolymitanisque Equitibus refarciri, quorum sacerdotia multis jam annis intervererat; & impensam expeditionis Hierosolymitanæ, quæ ex Consilio ipsorum Equitum susciperetur, gerereturque; hostibus universis, rebellibusque injurias remisit, exceptis Apulis, Calabrisque, & cæteris, qui Regni Neapolitani finibus comprehenduntur: quoniam cum ab iis graviter nimium læsum se & proditum arbitraretur, ad ditionem causæ illos judicio remittebat: captivos item, qui ubique haberentur, laxari jussit: & sibi ullam funeris pompam, & honores, qui Cæsari- bus sepeliendis adhiberi solent, fieri vetuit. Hæredem universi Imperii Romani & Neapolitani Regni nominavit Conradum filium, jam utique Alemanniæ Regem; & Henricum juniorem ex legitimis nuptiis procreatum insula Sicilia ex nutu Conradi regnare, & centum mille uncias auri habere jussit. Fridericum nepotem, ex Henrico majore natum, Austriæ Ducem pronunciat, additis in pecunia decem millibus uncis auri. Manfredum ex concubina genitum Principem Tarenti, procuratoremque Italici Regni, nisi ubi Conradus Cæsar adesset, instituit. Cæteros filios Conrado, seu legitime imperanti, parere jubet. Quibus constitutis, cæterisque rebus ad religionem spectantibus, ut tum poterat, obitis, spiritum emisit Idib. Decembris, anno, ex quo regnare coepit, tertio & vigesimo, ætatis vero sexagesimo. Inde Manfredus filius cum Regia pompa, & quantis potuit honoribus transfudit in Insulam Siciliam, & juxta Panormum Monte Regali sepelivit. In Florentino Apuliæ vico decessisse eum Mainardinus Episcopus Himolensis tradit; & cum eo Genuensium Annales concordant: unde ob loci sepulturam errasse eos crediderim, qui mortuum Panormi credunt.

A Addunt quidam fraudem à Manfredo filio factam, qui convalescentem coniecto in os pulvino suffocaverit. Hunc vero ex nobili Astenfi scœmina genitum plerique omnes autumant. Ego vero in vetusto codice legi Agnetem Torniellam Novariensem. Genuensis scriptor subdit, neptem ex Blanca filia Manfredi Marchionis Lanceæ. Nec discrepat Ricobaldus Ferrariensis, natum eum ex sorore Marchionum Lancearum. Quibus compositis colligo Blancam filiam Manfredi Marchionis Lanceæ, quem Astensem fuisse satis constat, nupuisse in gentem Torniellam, & hinc genitam Agnetem in amplexum Cæsaris venisse, & Manfredum peperisse: eundem vero legitimum postea factum nuptiis parentum Ligustici libri habent, propterea quod jacentem extrema valetudine Agnetem Fridericus desponsaverit.

B Floruit sub eo Petrus Vinea supra à nobis honestissimis in rebus nominatus, de quo, quia rerum fortuna exemplum fecit, quæ comperta habemus, priusquam à Friderici rebus digrediamur, hic subiicienda duximus. Fuit enim genere Apulus, obscuro loco, ignotisque parentibus natus; Bononiæ litteris operam dedit, quamvis extrema inopia pressus, & mendicando victum quaereret. Mox scripturariam apud Tabellionem egit, & quotidiana mercede honestior factus, legum scientiam amplexus est. Transiit mox in Aulam Cæsaris, in qua visus ingenio & solertia pollere, summam gratiam, & locum ab Epistolis, quo arcana omnia tractantur, sortitus est, & immensas perinde opes consecutus, ut inter potentissimos sui temporis haberetur. Demum Fortuna vertente proditiōis infimulatus, in vincula conjicitur, & teterrimo carcere maceratus defecit.

TRISTANI CALCHI,

MEDIOLANENSIS HISTORIOGRAPHI,

HISTORIAE PATRIAE

LIBER XV.

EPI TOM E.

Friderici II. obitum magna Longobarda rei permutatio sequuta est. Gibellini jacent; Guelphi contra in omnem fortune spem se extollunt. Innocentius prope septennium exul, in Italiam reversus, in plerisque urbibus honorifice, Mediolani vero victoris ac triumphantis in morem excipitur, moraturque aliquamdiu, praeclara interim virtutis ac doctrinae praebens exempla. Laudenses adhuc adversantes sacris spoliatis omnium manibus armisque permittit, ac devovet. Igitur Ducibus Pratore & Succio Vistarino Laudensi exule eam urbem brevi subigimus, & Rempublicam pro arbitratu ordinamus. Conradus Friderici filius Italiam ingressus, Regnum Neapolitanum, Siculumque, cedente Manfredo, capeffit: & Henricum fratrem parricidii in Fridericum nepotem suspectum praefocat. Petrus Veronensis sacer è Dominicana familia Quasitor Hæreticorum conjuratione occiditur, & ille quidem frequentibus singularis sanctitatis signis, religiosoque populorum plausu statim clarus, in Divos, adjecto Martyris cognomento, refertur: horum autem aliqui eandem ingressi familiam dignis poenitentiae fructibus sanguinem ex-

E piant, quo expiantur; & ceu subacti hostes, martyris triumphum cumulant. Conrado Neapoli fraude Manfredi fratris extincto, Hispano & Anglo Regibus ambientibus, Imperium duodeviginti annos vacat. Interim Innocentius Neapolitanum Regnum bello repetit; accipit deditiōne, mox satis ereptus Alexandrum IV. successorem habet. Pisani Cæsare defensore destituti, duris conditionibus vexationem à finitimis redimunt. Brixia ab Aetiolino subigitur: nos pacem foris partam civilibus discordiis, bellisque foedamus: invisum hominem Pratorem à populo asertum non ferentes Patricii, egressi in pagos, alio Pratore dicto, suis & amicarum civitatum copiis crescentem in dies populi arrogantiam tantisper comprimunt. Sed mox totius Reipublica cura uni homini Martino Turriano populi suffragiis permessa, civitas iterum in plura scinditur capita. Patriciorum non pauci urbe cedunt: à quibus sollicitatus Aetiolinus, cruentissimus Patavii & finitimarum urbium Tyrannus, adversus Mediolanum signa movet: paucisque oppidis potius, occurrente hinc Turriano, inde instantibus Venetarum urbium copiis, desertus à suis in hostium potestatem venit, & à rustico homine domesticæ injuriæ ultore vulneratus, magno Italiae bono vive-

vivere desinit. Turrianus ea victoria populo gravior factus, potentia in Patricios abuti; nec Mediolano modo illos, sed propinquis quoque urbibus longius submovere; comprehensos supplicio afficere; eorum Ducem Soresinatem ingentibus ad se promissis allicere; externa quoque auxilia evocare; sublato publico consilio, Rempublicam suo unius arbitrio administrare. Sub eadem ferme tempora, lege lata, qua rusticani homines maleficia prodere, vel detrimenta sarcire jubentur, rusticandi, atque itinerum securitati consultum est; & fame in urbe ac pestilentia laboratum.



MORTE Friderici Secundi universa factio Cæsarea conterrita admodum est, & ceu de rebus suis actum penitus foret, animos despondit. Contra Pontificii in nullius non rei spem, libidinemque attolli, nihilque non pronum sibi futurum existimare. Pontifex quoque de reditu in Italiam cogitare.

A.C. 1331. Interim inchoato anno quinquagesimo primo supra millesimum & ducentesium, Præturam Mediolani iniit Jo. Henricus Ripa genere Mantuanus, uno nomine vocitatus Giroldeus. Hoc auctore pax cum Papiensibus ix. Kalend. Aprilis contracta. Item Caravagium oppidum Transaduanum, quod diu receptaculum & tuta mansio exulibus fuerat, captum & spoliatum subruitur. In urbe vero forum ampliatus fuit, substructæ porticus, & cancelli, sedesque Jurisconsultorum, & Scribarum, & Nummulariorum. Eodem tempore in Liguribus maritimæ omnes civitates Monacum usque, & Proceres Carreti, Cæsaream factionem fovere solitæ, in partes & imperium Genuensis urbis, missis Legationibus accipiendas quasque conditiones, cessere. Mox cum Venetis antiquum fœdus renovatum in octo annos est.

Jam Innocentius iter in Italiam moliebatur. Sextus agebatur annus, & mensis nonus, ex quo illa veluti matre caruerat. Igitur ex Lugduno Massiliam petit; inde Genuam navigat. Cujus adventu cognito, Legationes amplissimæ tota Italia eos salutandi, gratulandique gratia convolvare. Ex Mediolano Prætor Giroldeus cum nobilissimis civibus profectus, eum navi descendente excepit, deosculatusque est: tertio post Idus Majas die tum mirificam omnium lætitiæ & populorum amorem brevi oratione explicans, hortari, rogare, & suadere cœpit, ut Longobardos invisceret, Transpadanæque regioni, cui præ cæteris carus erat, & summo desiderio expectabatur, videndum sese præberet. Eo nihil gratius præstari posse genti, quæ ob ejus nomen mille pericula, infinitasque clades passa fuerat, adjecit. Efficax fuit oratio, & preces ad persuadendum accommodatæ. Sed dum iter paratur, dum cæteri renunciant futurum in Circumpadana Italia Summum Sacerdotem, & Christi Vicarium: Giroldeus ipse intercipitur; raptus enim adversa valetudine ibidem excessit e vita.

Pontifex autem quinto & trigesimo die Genua digressus, per fauces Apennini, qua Gavium & Capriatam transiit, Alexandriam, deinde Novariam venit. Inde cis Ticinum profectus, ad Petri Ulmum, quod non ignobile Cœnobium est, pernoctavit. Proximo illucescente die, qui vii. Idus Julii fuit, Mediolanum porta Vercellina introivit. Comitabantur eum sex Cardinales, & Nicolaus Patriarcha Constantinopolitanus, quem genere Placentinum ex familia de Castro Arquato oriundum fuisse, in Placentinis Annalibus legi. Quatuor & viginti Primores civitatis, rutilantibus to-

A gis conspicui, umbellam perticis præfixam supra caput incedentis, quod supremi honoris signum est, tulere. Longe effusa populi multitudo, & cum matribus parvi liberi identidem Innocentii nomen conclamabant. Ovantium voces & gestientium plausus simillimum triumphanti sacerdotem faciebant. Ubique per vias & compita claves Petri suspensæ, & Thiara Pontificalis picta inter urbis insignia conspiciebantur. In ædibus Ambrosianis hospitium ei fuit. In quibus duos menses moratus, nullo pene die à publico privato munere vacavit: nam & rem divinam in clarioribus templis sæpe ipse fecit; & conciones de fide & religione Christiana audiente frequenti populo habuit; & de Theologicis quæstionibus palam disputavit. Vir enim doctissimus suæ ætatis fuit: & nova sæculi laus, novum miraculum habebatur, videre summum in terris hominem, Pastorem ipsum universalem conscendere suggestum, facundi Oratoris, & excellentissimi Theologi munia obire; exemplo nec ante eum, quod sciatur, post Ambrosios, Augustinos, & Gregorios, nec post eum usurpato. Nicolai quoque Patriarchæ, qui per idem tempus obiit, exsequias sua & Cardinalium præsentia honestare, dum is in Cœnobio Minorum sepeliretur, haud dignatus est.

C Interim Prætor Mediolani in demortui Giroldeus locum subrogari curavit Girardum Rangonem Mutinensem exulem; tum summo studio pacem & discordiarum abolitionem suadere populis contendit. Sed Laudenses pertinacissime in partibus perseverabant: tenebant eorum arcem Germani, quos Fridericus imposuerat: exulabantque non pauci, & in primis Sucius Vistarinus cum universa cognatione sua. Nonnihil tamen factio sua adhuc poterat, & intra urbem tutelæ gratia manum Papiensem & Cremonensem habebat. Cæterum contumacius agentes Pontifex sacris interdicat, & diris imprecationibus exagitatos spoliare ubique & bello persequi licere declarat. Tunc Rango Prætor D Mediolanensis & Cremonenses contractis exercitibus, urbem obsident. Brevi inopia rei frumentariæ, quanto in discrimine cives forent, ostendit: & primo, ut nocturnis congressionibus, deinde etiam interdiu, ut inter se decertarent, coegit: tandem victis diversæ factionis fautoribus, Prætor Mediolanensis, & Sucius Vistarinus intromittitur. Et ne intemperantius injurias suas hi ulciscerentur, & perinde civitas affligeretur, statim arbitri duo Legati Mediolanenses Accursius Niguarda, & Artusius Marinonus, qui controversias componerent, advenerunt. Hi & perpetuam inter eos pacem, & præteritorum oblivionem, & ut universa E gens Vistarina in patriam rediret, & Sucius in decennium societatem populi regeret, atque omnes ab interdicto Ecclesiæ absolverentur, pronuntiarent. Sic Vistarinus dominationem in urbe sua consequitur. Quarto Idus Octobris hæc gesta sunt.

F Interea vero Innocentius Mediolano digressus in Cœnobio Cresentiago pernoctavit. Eum diem, qui fuit vi. Id. Septembris, religiosum fecit decreta in perpetuum unius anni & quadraginta dierum remissione poenarum, quæ luendæ post fata nobis supersunt, iis, qui Templum majus, in quo ultima sacra celebravit, quotannis reverenter inviserent. Ex Cresentiago Tricium petiit: hinc Brixiam, Ferrariamque adiit; ubi palam concionantem audivisse se puerum Ricobaldus scriptor meminit. Dehinc Bononiam, & Etruriæ civitates prætervectus, Romam incolumis pervenit. Et ut qui nullam stabiliendæ quietis curam remitteret, Genuam misit Martinum Parmensem Præpositum, qui exulibus reconciliatis, prædia restitui, damna refarciri (decem millibus librarum Ligusticæ monetæ æstimata fuere) curaret.

Per idem tempus novus Cæsar Conradus Germania movens, per Tridentinam regionem Veronam venit, ac Cremonam usque penetravit: reversus mox ad Venetos & Histros, conscendit sexdecim triremes, & in Apuliam navigavit: ubi à Manfredo fratre rerum procuratore, cæterisque Provinciæ Heroibus reverenter excipitur, & Rex Siciliae Hierosolymorumque salutatur. Paruere quoque illi civitates cunctæ, excepta Neapoli, quam detrectantem obsequium præstare, vi & armis aggredditur.

A. C.
1252.

Sequitur annus quinquagesimus secundus: cuius initio Gerardus Rangonus ex Prætura Mediolanensi in Religionem transiens, habitum, moresequesectatorum Divi Francisci assumpsit. Magistratus populi iussu demandatur Petro Advocato civi Comensi. Sub quo res annalibus digna contigit, perstricta quidem à nonnullis exiliter, & jejune: nos vero confessiones reorum, & acta in publicas tabulas relata vidimus; ac idcirco rem integram referemus.

Diximus supra duos Inquisitores Petrum Veronensem, & Rainerium Sacconum Placentinum in Longobardis versari coepisse, & Apostolica auctoritate hæreticos, quorum plurimæ sectæ inoleverant, exagitare prædicationibus, miraculis terre, atque alios ad bene sentiendum de Christo convertere; alios, à quibus insana & perversa opinio depelli non poterat, condemnare; damnatos Magistratibus ad poenam luendam tradere. Ab iis vel perpetuis carceribus macerabantur; multi ignibus addicebantur. Assidua hæc & acris infectatio plebrosque in necem Prædicatorum armavit.

Forte ejus anni Quadragesimam Petrus Comi, Papiæ alter exercuit: & interim Mediolani conjuratio in eos inita hoc modo. Glussianum oppidum est, medio fere spatio inter Mediolanum & Comum, paulum à recta via distans. Hinc non ignobilis familia cognomen in urbe tenet. Eo paucis ante resurrectionem Christi diebus accessit Stephanus Confanonerius Aliato vico oriundus, rei confcius, statimque convenit Manfredum Clironum Glussianensem in horto, ut sit, sub occasum Solis diversantem: *Et quid censes?* inquit: *Credentes de Mediolano (sic factio perversa cognominabatur) tollere è medio Fratrem Petrum Veronensem, cujus eloquentia & vi dicendi in dies labefactati imminuuntur, decreverunt; nam nisi caratione vite sue prospicere non possunt. Quid tibi videtur?* Prudenter, inquit, *fætuos censeo. Ergo*, subjicit Stephanus, *ambo Mediolanum eamus, & quæ negotio necessaria sunt, transigamus.* Profecti Guidotum Sacchellam conveniunt, & de re appellant. Is quinque & viginti libras nummum promptas se habere dicit. Inde Jacobum, cui nomen à Clusa portæ Jovis erat, allocuti, tantumdem pecuniarum parasse cognoscunt: ac insuper cum Papiam concessurum ad alterum hostem conficiendum. Ita pacti pretium Stephanus & Manfredus Glussianum ad parandum percussorem redeunt: moxque Jacobus cum pecunia affuit: numeratas quadraginta libras nummis totidem denariis ratione mensæ deductis, facculo obsignant, & Fatio Glussianeo sequestri tradunt Manfredo repræsentandas, cum impendens facinus patratum foret. Idem Jacobus Papiam maturat. Manfredus autem Petrum Balsamum, qui Charinus vulgo dicebatur, pecuniæ spe proposita, & magnorum virorum gratificatione declarata, ad necem invisi hominis invitat. Charinus haud abnuit; sed se solum hanc operam navare non audere dicit, optareque socium. At quem? Albertinum Porrum cognomento Mignissum è Lentate propinquo vico. At hunc minime adhibendum Manfredus repetit: quia ejus exilio mulctandi auctor ipse fuerat. *Abstiste*, inquit Charinus, *metu isto: omne periculum, ne tu hujus crimi-*

A *nis unquam accuseris, ego præstabo: quia neque Albertino, nec cuiquam alii te hac scire dicam. Age ergo*, inquit Manfredus, *vado, & ut libet, facito.* Sic dimissi, Paschæ solemnes dies elabi patiuntur. Tunc Manfredus & Stephanus Comum proficiunt. Nec ita multo post Charinus affuit, sed solus, ut qui ex composito Albertinum domi reliquerat, ubi commoda occasio peragendi sceleris futura videbatur. Ampla inerant nemora & solitudo latronibus apta. Triduum morati Comi, subinde Charinus à diverforio ipso Fratris Petri sciscitabatur, quando is digressurus, ut Mediolanum peteret, foret. Cumque discessisset ante lucem ejus dici, qui primus à Pascha Sabbatus, & mensis Aprilis sextuserat, Charinus à Manfredo, ut equum suum sibi accommodaret, quo celerius abeuntem consequeretur, efflagitavit. Sed eo excusante, equum manifesto indicio sui esse posse, pedes abiit: & illum consequutus eo, quo focus expectabat, loco, gemino vulnere confecere: unum in capite illatum fuit, vasto hiatu cranio aperto pondere impactæ falcis; quæ in duo cornua more lunæ ad cuspidem crescens adhuc servatur: alterum in humeris, pugione infixio. Simul Dominicum Petri socium lethaliter confossum juxta mortuum reliquere. Locutus, in quo id facinus perpetrarunt, Feronia vocabatur, situs inter Barlassinam, Boysiumque, ac Medam, & Sevissum vicos.

C Non ita multo post supervenientes viatores rem atrocissimam vident; spirantem adhuc Dominicum Medam deferunt, ubi is sexto die penitus defecit. Mox totis finibus fama devolat, virum religiosissimum, ejusque comitem obtruncatos in via Comensi fuisse. Attonita civitas atrocitate sceleris, aliquantulum stetit. Tum missi, qui cadaver curarent, sepeliendum ad urbem retulerunt; & in æde Simpliciani, quæ suburbana est, tantisper reposuerunt: dum postero die funebris pompa instrueretur; ac per mediam urbem, prosequente omni civium, religiosorumque ordine, ad Eustorgianum templum, quod sui Ordinis Fratres tenent, translatum est.

D Non ita multo post, nescio quo indicio aut suspicione delatus sicarius Charinus comprehenditur: ad Prætorem Petrum Advocatum, ut causam in vinculis dicat, retrahitur. Producta res fuit in decimum diem, quo præter omnium spem & opinionem carcere evasit. Datum in id ingens pretium Prætori, custodibusque suspicata statim civitas est. Et proinde populari tumultu concursus in Palatium est, & direptis opibus, Prætorem ipsum cum tribus Judicibus, & apparitoribus reos fraudis ad Tribunal Archiepiscopi statuunt, ac Magistratu omnino abdicant: ægreque eis vita concessa.

E Erant tunc forte Mediolani amicarum civitatum Oratores, Papiæ, Placentiæ, Brixiae. His intercedentibus decimo die Prætura demandatur duobus, Uberto Roncoveteri Placentino, & Martino Concesso Brixienfi, qui in Idus Majas in Magistratu fuerunt. Mox ad unum restituta dignitas demandatur Uberto Cacaninico Bononienfi.

F Interim alter carnifex Albertinus, non ausus ipse comparere, Huncelerium patrem submisit, qui depactam pecuniam à sponse Manfredo Olirone repeteret: nam is statim à Fatio sequestre acceperat. Sed is, seu amore argenti, seu indicium contra se metuens, constanti vultu negavit, se quicquam earum rerum habere: ita, quam merito debuit, humani sanguinis emptor mercedem retulit.

Deinde unus ex conjuratis Daniel Glussianus, poenitentia sceleris ductus, Ordinem defuncti religiosi ingreditur, seque totum disciplinæ ejus dedit, atque

atque ex officio conscios nominavit. Hinc capti Manfredus & Fatus rem gestam in vinculis apud Inquisitores Eustorgiani Coenobii enarrarunt. Charinus autem ex fuga Forum Livium se contulit, ubi facti sui pariter pertæsus eandem religionem ingreditur; & tanta acerbitate se sponte maceravit, ut coelestis gratiae emerita, & reconciliati numinis divini manifesta signa viderit; & propterea memoria ejus consecrata, & marmoreo sepulchro, quod adhuc exstat, honestata fuit.

Eodem anno pax à Papiensibus, qui Ubertum Marchionem Palavicinum defensorem sibi, & civitatis Rectorem paraverant, fracta est; & Mediolanenses indicto eis bello, pontem in Ticino juxta Cassiolum vicum fundarunt Septembri mense, & Octobri absolverunt. Signa quoque terrifica in caelo apparuerunt.

A.C. 1233. Initio sequentis anni MCCLIII. Præturam Mediolani sortitus est Manfredus Marchio Lancea, quam quidem triennium continuavit. Eo duce Mediolanenses injuria Papiensium irritati, exercitum in agrum Laumellinum deducunt; & fines Viglevanensium populati, Gambolatum illi finitimum cum arce capiunt. Dehinc Mortariam obsident, & auxiliantibus ex foedere Novariensibus, muros quatunt, & fossam quamvis latam implent: sic multa vi oppidum captum & spoliatum: supererat difficilioris operæ arx, & præsidio Palavicini firmata. Ea omissa cœptum agi de pace est; & ex hostili agro copiae deductæ: credo gravius tunc negotium mente Palavicinus agebat. Nam mox Parmam profectus cum exulum manu, & Cremonensi auxilio impetum ad ipsa urbis moenia fecit: excitatoque tumultu, cives diversa sentientes arma sumptere. Dum hinc inde metus suspensos homines habet, pax conficitur: dimissi captivi; restituti exules ad trecentum, & duo de viginti fuere. Et Gilbertus Corrigius, qui cum Palavicino sentiebat, præturam urbis, ejecto Henrico Moguntiaci Mediolanensi, in sex annos perpetuos excipit.

Per idem tempus Conradus Neapoli potitur, & ex insula Sicilia evocat Henricum fratrem, quem veneni Friderico majoris Henrici filio, ac communi nepoti dati suspectum habebat. Vocatus non comparebat: ergo contumaci variæ insidiæ tenduntur. Et cum inter multa excogitata, nec venena ipsa procederent; quia is non nisi prægustatos cibos sumere instituerat; demum dato negotio Joannino cubuli præfecto, strangulari eum curavit.

Interim multa miranda ad sepulchrum Fratris Petri visa fuerunt. Mirificus erat populi concursus: plurimi vota persolvebant; summaque veneratio omnium animos incessebat. Quin receptam caelo animam divinis honoribus decorandam, atque ab ipso Romano Pontifice sacrandam censent; illustremque Legationem desumpserunt Leo Peregrinus Archiepiscopus, plerique nobilissimi cives, & trecenti ex Fraternitate & Sectatoribus defuncti: Italiaeque longitudinem emensi, Innocentium Perusiam apprehendere: quæ Mediolani facta forent, in diesque agerentur exponunt; & quæ vidissent miracula, jurejurando affirmant. Pontifex omnia ad concilium Patrum retulit. Illi ceremonias antelucanas decrevere in primam diem Dominicam Quadragesimæ, quæ tunc VII. Idus Martias inchoata erat. Et his recte peractis, Petrum Martyris cognomento addito ex eo, quod recentissimo martyrio affectus foret, caelo dicaverunt, templaque & aras poni etiam jussit. Colitur etiam in præsentipræcipua religione; sed tertium Kalendas Majas ei adscribere; ut celebrior anniversaria ejus memoria maneat: quoniam si diem cædis, ut plerisque omnibus factum fuit, sacrascent, plerumque merito honore caruisset, cum in Quadragesimam frequenter incidat, qua Ambrosiana Ecclesia nullum festum ad-

A mittit. Concessit præterea Innocentius privilegia & immunitates expiandorum scelerum, quo promptius ea Fraternitas stipem mendicaret, & largius populi conferrent.

Anno quinquagesimo quarto Conradus fatis ruptus iniquis, Neapoli moritur, Conradino filio impubi & hærede in Germania superstite. Petitionem vero illum veneno fraude Manfredi fratris, universo Regno Apuliæ, Siciliaeque inhiantis, plerique suspicati sunt.

Innocentius stimulis amicorum impulsus, qui hortabantur, ut Apuliæ Regnum saltem sibi vindicaret, vocavit in Italiam Gulielmum Hollandiæ Comitem, à Germanis Cæsarem designatum. Qui pollicitus operam, domestico bello prævertitur. Frisones rebellaverant, adversus quos infeliciter pugnans, pridie Nonas Februarii occiditur. Easpe destitutus Innocentius Nepotes Gulielmum S. Eustachii Cardinalem, & Albertum Fliscum Lavanianæ Comitem exercitibus præfecit, & Neapolitanos fines ingreditur. Admissus, ubique deditibus se populis, cuncta brevi in potestate habuit. Manfredus quoque ipse inermis occurrens, peditis officium præstitit, manu habena equi Pontificii apprehensa. Cum in urbem Theanum Innocentius pervenisset, Manfredus hominem illi gratissimum Borellum Agnonum interfecit, manusque irati Pontificis evitans, contulit se Luceriam, urbem Saracenis dominatam. Missi exercitus ad eum persequendum, Trojam & Fogiam urbes cepere. Sed hic obstitit Henricus Sparoaria Comes Manfredi partium defensor; acieque decertans fugavit Marchionem Framburgensem, & ejus fratrem, multaque præda potitus cursum victoriæ illorum infregit.

Non ita multo post correptus valetudine adversa Innocentius Neapoli moritur: & Pontificio more elatus, in æde Laurentii sepelitur. Ex ejus obitu magnus, gravisque moeror omnium animos tenuit, propter summas virtutes & decora animi, quæ cum summa dignitate conjunxerat: doctissimus in primis erudita fovebat ingenia, & mansuetudinem ingentem nulla fortunæ amplitudine mutavit. Et cum multi sub eo libros in Philosophia, Theologiaeque ediderint, ipse volumina composuit, quæ universa posteritas Juris Pontificii studiosa avidissime legit & observat. Et sicuti olim apud præfatos Romanos Flamen Dialis, qui Sacerdotum maximus erat, solus galero albo utebatur, ita Innocentius, ut Cardinales, qui sunt Ecclesiæ Principes, soli rubrum galerum, & concolorem spiram dependentem haberent, quo illustri gestamine distincti à cæteris Episcopis internoscantur, instituit. Ei Alexander Quartus genere Anagninus suffectus fuit: quem pellere Neapoli Manfredus Regium nomen in Apulis usurpans parat. Sed is relicta urbis cura Octaviano Cardinali, Ubaldina gente progenito, Romam sponte proficiscitur anno LV.

Cum recenti duorum Cæsarum obitu longa discordia certassent Germani Proceres, quem potissimum illi sufficerent, demum ea dignitas, quæ unum capere consuevit, duobus defertur, Alfonso Hispaniarum Regi, & Enobarbi ex Philippi filia pronepoti, & Ricardo Cornubiensi Anglorum Regis fratri; quorum gravior contentio, decem & octo ferme annos suspensos ubique hominum animos habuit. Idque maximo Pisanorum malo contigit, quos Cæsareo favore destitutos Florentini, Lucenses, & Genuenses communi bello adorti afflixere adeo, ut has subire conditiones coegerint. Primo ut Lucensibus Motronum oppidum, & portum restituerent; Episcopo Lucensi Montem Tepulum, & quicquid trans Arnum ejusdem Ecclesiæ tenebant; Bonifacio Marchioni Malaspinæ Massam & Cornariam; Genuensibus Illicem & Trebianum; Florentinis ingentis pecuniæ creditoribus Ri-

Ripam Fractam, oppidum tamdiu possidendum relinquerent, quoad aeri alieno satisfactum foret: item ut arcem juxta fluvium Heram exstructam diruerent, nec constituendi amplius jus foret.

A. C. 1256. Anno quinquagesimo sexto, Prætor Mediolani Henrico Sacco gravis cum populo Comensi orta discordia est: cujusmodi ea fuerit, haud sane accepi. Tantum traditur Henricum ipsum ab urbe profugisse, & Magistratu abdicatum fuisse, atque in ejus locum suffectum Bennum Gozadinum Bononiensem, qui paulo ante exigendis vectigalibus, publicisque oneribus præfectus fuerat. Idque adeo ægre tulerunt Capitanei & Valvasores, ut sequenti anno cum invisi hominis conspectum ferre nollent, catervatim abirent; & Castro Seprio occupato, hostiles animos adversus patriam ostenderint. Leo quoque Peregus Archiepiscopus Varisium se contulit. Plebs urbana hostes illos judicat; & dato Prætori exercitu Castrum Seprium obsidet. Auxilia obsessis à Como venere. Jamque prope erant, ut prælio sese conficerent, cum intercessere pacis sequestres amicæ civitates. Communicandorum consiliorum gratia Oratores Mediolani aiebant Brixia, Bergomum, Crema, Novaria, Pavia, Luca: aderat & Ægidius Comes Curtis novæ; quorum intercessione induciæ certamini datæ sunt; & controversia ad arbitrium Pontificis rejecta: interim profugis reditus in urbem concessus. Sed eo beneficio Leo Peregus uti non potuit, qui ex Febri Legnanum delatus, pridie Idus Octobris decessit. Ex cujus obitu quinquennium fere sedes Episcopalis vacavit.

Eodem anno Incilis fossa, quæ Ticino derivata, late agros irrigat, cum negligentia curatorum limum contraxisset, & oppleta arena foret, repurgata est, & pristina aquarum abundantia restituta.

A. C. 1258. Cumque nullum studium à concilianda pace remissum foret, tandem ineunte Aprili anni quinquagesimi octavi, coactis in Coenobio Ambrosiano primoribus ambarum factionum, in has condiciones convenit: *Ut in eligendis Consiliariis Reip. & Magistratibus creandis, paria forent hinc inde suffragia, admitterenturque ad honores æque nobiles, ac plebei: Alberto Mandello, Henrico Muzano, & Petro Busca signanter, & in universum cateris exulibus reditus in patriam pateret: Pax antiqua & recens contracta cum Comensibus rata maneat, & damna eis post inducias Parabiagi initas illata, vel restitutione bonorum, quæ compareant, vel æstimatione resarciantur: Idemque erga Novarienses, modo eadem civitates idem juris erga Mediolanensem servant: Nulli fraudi esto populo Sepriensi, Varisiensi, Anglerienti, & cuicumque alii eo nomine, quod fautores partium nobilitatis fuerint: Andreas Maynerius cum Barifaldo filio invitatus non dimittito earum terrarum juris Marchionis Montisferrati, quas tenet, possessionem, nisi credita pecunia recuperata: Petitionem Marci Crassi, & Leonardi Vicecomitis Consilium videto: Res ereptas Beriolo Puteobonello, posteaquam nobilitas urbe cessit, æstimatione facta, resarciunt: Capitanei quoque Arsagi veteris impensa pontis Vaprii tandem satisfiunt: Oppido Canturio perpetua, absolutaque immunitas esto, extra ducentas libras Capitaneis & Valvasoribus quotannis præbendas, ut hi deinde onera, si qua populo incumbunt, sustineant. Hisita constitutis rei nomen ex loco mansit Pacis S. Ambrosii: eam confecere duo Prætores ambo Placentini, qui forte eodem tempore juri dicundo præfuere, Philippus Vicedominus, & Ricardus Fontana. Sex vero & viginti ex factione Nobilium, tres supra nominati Maynerius, Crassius, & Puteobonellus; & totidem Gulielmi, Serazonus, Lampugnani, & Balbus; totidem Alberti, Cacia, Castillioneus, & Blancus, & Soresinas; duo Guidones Petrasancta, & Bebulcus: præter eos Ami-*

A zo Bustus, Obizo Vicecomes, Martius Carcantus, Bugarus Pusterla, Boccasius Bosius, Actius Pi-rovenceus, Conradus Besutius, Jacobus Scacabarotius, Ruffinus Mandellus, Tertiagus Garzola, & Bernardigius. Ex adversa parte triplex factio erat, Mota, Credentia, & Populus. Nomina vero familiarum, Aliatès, Marcellini, Cuticæ, Cittadini, Medæ, Malcalzati, Hermenulphi, Prealoni, Surigoni, Mirabilæ, Scantii, & qui à Cruce dominantur. Sed eas condiciones haud diu servavere plebei: iterumque irritati Capitanei & Valvasores correptis armis urbe egrediuntur, tractum Comensem petunt, Canturio inclusi Potestatem sibi creant Paulum Soresinatem; continuoque Rusconi cum valida manu eis adhæscere: missique nuntii ad amicos, qui ex Pavia, Novaria, Cremona novas copias adducerent. Quarum fama populus exercitum conscribit, & duobus prænominatis Prætoribus addito tertio Capello Lavizario, Vertematum petit. Hic positis castris, obvii hostes facti sunt, & cruento utrinque prælio certatum. Cum neutri cederent, mentio pacis illata est. Cum confici in castris non posse videretur, missi Comum Oratores: ibi quoque frustra actum. Venere ergo Canturium, sed dolos tendi à plebejis Nobiles cognoscunt, eruptionemque ex oppido faciunt, & capto ponte, per quem commeatus ad hostes ducebantur, eos in Prato Pagano simillimos obsessis habuere. Nec ita multo post necessitate & inopia rerum adducti plebei ad æquas condiciones descendere: paxque Ambrosiana revocata.

Interim pares furie civitatem Novariam agitant; duæ factiones invicem adversæ nomina mutaverant. *Sanguinea* vocabatur, in qua Brusati & Lambertengi plurimum poterant; *Rotundos* sese Tornielli appellabant. Cum ergo anno superiori nonnulli ex Sanguineis stricto ferro aggressi Joannem Torniellum forent, isque à suis defensus Rotundos in arma vocasset, ingens tumultus factus est, & non paucorum cæde edita, fugati ex urbe adversarii sunt cum Prætor Acurzio Niguarda. Nunc autem anno fere interjecto Sanguinei reparatis viribus, & inita cum plebe conspiratione, de tentis per fraudem, Torniellis, & sub specie componendæ pacis in urbem intromissi sunt.

Uberrus vero Palavicinus retenta Cremona, superioribus annis Placentiæ & Papiæ dominium amiserat: nunc rursus eisdem urbibus imperare cœpit. Tum ab Actiolino Romano invitatus cum Bosio Doaria ad bellum adversus Brixienfes susceptum perrexit; & copiis circa ripas Ollii fluvii emissis, duo oppida occupavit. Occurrerunt valida cum manu adversarii, quorum Duces memorantur Philippus Fontana nobili Ferrariensium familia ortus, qui Ravennatis Ecclesiæ Antistes Pontificium Legatum agebat; tum novus designatus Veronensium Episcopus Beaguinus Caminas & Prætor Mantuanus. Sed hi primo hostium adspectu conturbati, ne telo quidem emissio, in fugam averfi sunt: sed capti, & in potestatem hostium ducti, eo plenior victoriam illis fecere: & Brixia in jus trium virorum venit. Ubi dum sine ulla suspitione viverent, Actiolinus, ut erat versuto & calido ingenio, Palavicinum, cujus longe firmiores quam Doariæ opes non ignorabat, seorsum compellat, *Num quem in Cremonensi haberet, qui votis & imperiis obsistere posset? Non, inquit ille, hoc uno dumtaxat excepto: Bosium Doariam significans. Quin ergo, ait Actiolinus, cum tollis, ac sine amulo regnas? Haud improbare proposita Palavicinus; sed è re communi tunc esse non visum est, gravius in illum agere, quam per speciem honoris procul domo detinere. Sic illi Præturam Veronensem Actiolinus desert, non sine blandimentis & inusitato verborum lenocinio. Utrum-*

trumque illi & non quaesiti honoris novitas, & blandius alloquium suspicionem latentis doli iniecit: & recusata Praetura numquam postea nisi armatus & caterva juvenum stipatus Bofius in Actiolini conspectum venit: quin Palavicinum, quid periculi ab infido socio & fallaci homine ambobus immineret, cmonet; & ut uterque eo consilio uteretur, auctor fuit, *Hec fuge crudeles terras, fuge littus avarum*. Sic relicta ei uni Brixia, ipsi Cremonam rediere, ubi dolos & versutias illius secum reputantes, summa odia, summamque inimicitiam ab eo induerunt: quam ita exercuerunt, ut pernicialia illa nomina Gibellini, Guelphique, quae longa defuetudine pene in oblivionem abierant, excitata denuo sint, ac quidam crediderunt tum primum orta.

A. C. 1239. Subeunte inter haec nono & quinquagesimo anno, Praeturae Mediolanensem sex menses tenuit Fedrigellus Galiciensis Cefennas. Quo auctore pridie Idus Januarii lata populo consentiente lex est, *Ut si cui injuria clanculum ruri inferatur, universa plebs ejus vici teneatur auctorem maleficii deferre, vel magis ad tribunal Praetoris rem statuere; aut omnino damnum emendare*. Quae quidem ut tuta viatoribus itinera, & nobilibus in rure mora sit, excogitata res est, & per successores in praesentem diem continuata; magno quidem plerumque solatio eorum, qui detrimenta acceperunt, sed & pari saepe agricolarum miserorum discrimine, quos infontes falsi calumniatores, & commoditate legis abutentes, fraude circumvenire, & totis fundis, ut ipsi ditarentur, evertere.

Mense deinde Aprili publicum civitatis Concilium habitum est, quod Credentiae dicitur, idque in templo Theclae, (exstabat enim vetustissima, pulcherrimaque aedes in medio urbis) in quo post varias hominum contentiones & diversa studia, tandem numero suffragiorum longe superior evasit Vir antiquae stirpis, & multis locis supra a nobis celebratae, Martinus Turrianus: unusque is declaratus est, penes quem omnis Reip. cura administraretur. Cumque in populi & Credentiae commodum jurasset, & stipatus armata juventute domum rediret, illi ceu Dictatori Actiolinum Marcellinum, titulo Anciani, veluti Magistrum equitum adjungere. Sed duorum honore minime contenta reliqua civitas plurifariam scinditur. Nimium auctoritatis Turriano concessum Nobiles videbant; & posse hunc unius Principatum facile in Tyrannidem verti. Sic, ut diversa sentiebant, arcana colloquia & nocturnas congregationes habere; mox in apertum venire; & praelatis vexillis, quem quaeque turma coleret, ostendere. Hi Turriano, aut Marcellino; illi Gulielmo Sorefinati, aut Mandellis, & Horumbellis studebant. Alia pars Communitatis nomen jactabat.

Exacta inter haec Praetura Fedrigelli est. Ei successit Petrus Advocatus Novocomensis, ille idem arbitror, qui ob neglectam intersectorum Divi Petri Martyris custodiam, maxima cum ignominia ejectus eodem Magistratu fuerat: sed nec nunc quoque in eo perseveravit. Nam vocatus ad Pisanam, eo transivit. Ergo in ejus locum suffectus est Patutius Concessius Brixienfis. Sub quo discordante utique civitate, & Turriano impellente, per Septembrem mensem dies dicta Gulielmo Sorefinati, pariterque illius filio.

Interea pestilentia urbem, & simul fames invasit: cumque graviter laboraretur, passim mortui cadebant, sineque ullo funeris honore sepeliebantur.

Ceterum sicuti Actiolinus Romanus hoc anno Brixia potitus est, ita superiori Patavium per defectionem civium amiserat: inaudita Tyranni cum quolibet Antiquorum comparandi sevitia, & intoleranda crudelitas ultimam in desperationem homines egerat. Nescio minusne fidei, an plus ad-

A mirationis, commiserationisque simul habitura sint, si quae Rolandinus Patavinus per singulos annos in vita illius tradit, hic breviter complexus fuero. Nam cum jam non sufficeret omnia crimina capitalia habere, & levissima quaque ex causa singulos excruciare, a quibus nec domesticos, nec familiares exceptos habuit; (siquidem & Medicum, a quo ipse luxatus humerum curatus fuerat, & Rizardum Parmensem a cubiculari septemdecim annorum officio ad Equestrem dignitatem promotum, & Carnarolum ditissimum Veronensem, saepius mensa dignatum, cum ejus fratre Felice Magistro ordinis Alemannorum, nullis evidentibus causis excruciatos dilaniavit) instituit turmatim homines occidere, occisorum cadavera Patavium devchere, atque structo rogo comburere. Ut in mortuos etiam saevire didicisse cognosceretur. Nepotem ex sorore habuit Ansedesum Guidotum, virum nullum sceleris genus abhorrentem, & propter morum similitudinem pergratum. Hunc Patavinis Praetorem dedit. Ad hunc delatum fuit, quempiam in atrio viso accipitre illos concinuisse versiculos:

Accipitrem milvi pulsorum bella columba

Accipiunt Regem: Rex magis hoste nocet.

homo nequissimus interpretatus id in contumeliam Principis, non solum cum, qui cecinerat, sed & cunctos, qui audiverant, in carcerem detruxit; atque in primis Bonaventuram Caranzonum, quem Vicarium juri dicundo ipse destinaverat, & Notarios, & quotquot alii circa Tribunal tunc affuerant, ac eorum conjuges & liberos: quibus cum graviora nunciarentur, coivere frequentes propinqui & affines ad Actiolinum pro innoxia multitudine intercessuri. Id quod sentiens Actiolinus, immisissis satellitibus cunctos a petitione deterruit. Mox uxorem ducens Beatricem claram & honestae formae virginem, (Bontravorfii Castronovi filia ea erat) supplicio & sanguine miserrimorum cas nuptias celebres & illustres fecit. Defectione Patavina cum exercitum Veronae pararet, sciscitatus, quid clausi carceribus loquerentur (plurimos namque variis in locis habebat) audivit nonnullos dixisse, irritam futuram quamcumque adversus eam urbem susciperet expeditionem; & cuidam exploranti excidisse sortem:

Stat grandi damno, nec erit victoria nostris;

cos omnes, & qui audivissent laqueo suspendit. Deinde clausis urbis portis, vocavit in unum multitudinem, & ceu de summis rebus consulturus, ut sine armis venirent, monuit. In his maxima pars, ad undecim millium capitum, Patavini nominis erat, & cum eo in castris militaverat. De quibus E quid ageret amicos consulens, cum alii alia respondissent, & quidam retinendos omnino censuissent, ne transeundi ad hostes potestatem haberent: ipse uno edicto necari iussit: subtractisque alimentis, alios inedia & frigore, alios pestilentia injecta ad mortem compulit; & si qui diutius supervivere, eos gladio, igni, laqueo absumpsit: plurima alia injuste, crudeliterque facta ejus memorat idem Rolandinus, adeo ut nullum pene exire diem videas, quin sicuti olim Titus Vespasianus amicam comparabat, ita hic alicui injuriam non intulerit. Denique Pontificiis decretis Christiano coetu eliminatus, quotannis in Coena Domini inter impios, sceleratosque nominabatur.

Novissime conspiravere in eum finitimae civitates Patavium, Venetiae, Mantua, Ferraria, nonnullique alii populi, designatique futurae expeditionis Duces Ubertus Palavicinus, Bofius Doaria, & Actius Estensis, vir Actiolino ob perfidiam & erepta oppida longe infensissimus: tum a Romano Pontifice novus Legatus Henricus genere Britannus, dignitate Archiepiscopus Epebrodunensis: est autem Epebrodunum una ex civitatibus

Cottianis, ut supra auctore Ammiano Marcellino docuimus. Accessit his Martinus Turrianus amplæ urbis Mediolani opes, viresque prætendens. Quæ societas ut firmior foret, consopita fuit vetus controversia, quæ diu inter duas urbes Mediolanum & Cremonam causâ oppidi Cremæ viguerat. Ad Actiolinum vero confugerant exules Mediolanenses, illique opes & auxilia pollicentur. Et quia illum agere videbant de Hispano Rege, qui Cæsar designatus erat, in Italiam evocando, favorem suum peropportuno ostenderunt ad parandam illi ferream Coronam, qui præcipue in Longobardia regnaturis honor habetur: reducat se modo in patriam, & ab maxima injuria se vindicet; obsideque filios, ut de fide sua cautior sit, accipiat. Hæc dum aguntur, adversarii contractis in Mantuano copiis, prædatum excurrunt in agrum Vicentinum, Friolamque in confinio Bassiani capiunt.

Advolavit eo confestim Actiolinus, & fugatis hostibus, oppidum recuperat; atque in furias solitas elapsus, in omne genus hominum sævit; nullius ætas, sexus, conditio incolumem quemquam præstitit: non religione Sacri, non Sacerdotis insignes impias manus evasere: quin Christi quoque Dei imago violata est. Tum dictitans, se profecturum ad expeditionem, qua post Carolum Magnum nec major, nec clarius visa sit, in Insubres iter cepit; fretus per discordias civium se Mediolano urbe positurum. Sed in hujus exitus præfagium versum fuit, quod pridie Kal. Februarias per quietem se vidisse narravit. Somniaverat enim, se ex diuturna venatione fessum jussisse parari coenam in propinqua villa; ministros perperam excepto mandato intruxisse mensam procul inde centum millibus passuum. Opipare erant epulæ, & Regalibus condimentis optabiles; sed ipse jejunos & siccis faucibus esuriens, nisi immensum adhuc spatium perambulare, eas se assequi non posse videbat: quocirca furens & indignabundus in servos insurgit, & catenas, vinculaque, ac tormenta intentans experscitur, diu desiderio suo frustratus. Recessit autem Brixia exeunte Augusto, hora à Mathematicis, quos secum semper habebat, indicta. Ex itinere Viceos oppidum tentat; sed loci munitione deterritus, agro tantum circa evasato, ad Ollium fluvium festinat, & juxta Palatiolum transit. Ejus motibus auditis focii Turrianum exciverant. Ilique ad Cassianum Adduam, quo in Cremonensem facilius trajiceret, ponte junxit. Et cum Soncini, quod clarissimum oppidum est, idem copias haberet; Actiolinus, vado paulum supra Cassianum invento, Adduam transivit; & in latos Mediolanensium camposeffusus, Vicummercatum opulens oppidum, & Buserum, ac Pellanum vicos occupavit. Et ut eo principio famam clementiæ & liberalitatis colligeret, nihil prædæ fieri permisit: Moguntiamque tentat: reculantem imperata facere obsidet, tormentisque & cædibus captivorum territat. Interimque exules in urbem progressi, amicorum animos ad res novas impulerant. Sed superventu Turriani, qui de inopinato Actiolini transitu certior factus, celeriter cis Adduam copias reduxerat, omnia compressa sunt. Sicque cum non procederent in urbem ea, quæ agitaverat Actiolinus, animo consternitur: & veluti proditus ab iis, quorum in auxilium venerat, in rabiem vertitur, & igni ferroque, quicquid potest, foedat. Repulsus Moguntia, Tritium ducit: sed hic quoque spectavit arcem, non cepit; cum inexpugnabilem ex situ, opereque cerneret, subjecta ædificia incendit. Et inde digressus, Cassiani pontem debellato præsidio, occupat; atqui eundem Marchio Estensis, qui adversam ripam tenebat, accitis incolarum naviculis, & equitatu à terra disposito, & citeriori ex parte urgente Turriano, qui populum Mediolanensem sub signis habebat,

A pontem recuperat. Instaurabat prælium Actiolinus, & ferocius pugnans, Ducisque & militis officium pariter faciens, sinistro in crure sagitta trajicitur; hæsitque alte ossibus ferrum: tulit sine doloris signo id aliquandiu, sed mox cecinit receptui: & Vicummercatum reversus, vulnus obligat, milites curare corpora jubet, infesta terra digressurus. Sed observabatur ab hostibus, ceu inclusa retibus fera: itaque transvadata Addua, hostes, qui circumfusi omnia observabant, non fefellit: sed illorum acies spectans, modicum hæsit ambiguus. Interim Brixiana manus, quæ eum secuta fuerat, ad Turrianum transit. Quorum defectione nihil moveri fingens, exclamavit veteri proverbio, *Brixianos fidem in lacinia gerere*: sed mox reliquos quoque exercitus animo & solita alacritate defecit. Stupidi & hæsitabundi sine prælio capi se, & omnia sua in prædam sinebant. Sic Actiolinus quoque ipse in potestatem hostium cedens, *Hæu*, inquit, *Cassian*, *Assan*, *Bassan*: recordatus ex propinquæ arcis Cassiani nomine id genus desinentia loca fatalia sibi olim ab astrorum peritis dictum fuisse: sic captus cum teneretur, & cætera multitudo contumeliis, opprobriisque, ceu sævum, crudelissimumque Tyrannum incesceret, quidam rusticus elanculum pone accessit, & telo in caput percussit, injuriæ fratris ultor, quem is olim uno pede mutilaverat. Ejus mox vicem miserti Duces, cum in tentorium Bosii Doariæ deducunt: inde Soncinum perducto, & honorifice hospitato, Medicos curandis vulneribus adhibent: sed sive gravitate morbi, sive moerore amissarum rerum, & desperatione recuperandæ dignitatis actus, & remedia & cibum respuit; atque ita undecimo die, ex quo captus fuit, qui iv. Kal. Octobris contigit, vitalibus defectus expiravit; celebrique funere & pompa fore Regali sepultus est.

Ejus capti primo, dei mortui fama grata adeo, optabilisque universo orbi fuit; ut primo vix credere homines, dein hæsitare metu, ne vel laxaretur, cum adhuc viveret, vel defunctus revivisceret. Postea vero quam sepultum fuisse affirmatum est, populi summa lætitia perfusi, de exuenda penitus tyrannide, restaurandisque sacris, quibus diutius caruerant, statuerunt. Albricus sane illius frater, & scelerum conscius, ut pelleretur urbe Tarvisio non exspectavit; sed in montana se abripiens, quicquid ex tempore potuit, abstulit. Tuncque in sedem rediit Albertus ejus urbis Episcopus utrique Tyranno insensus. Carrotium quoque, quod xvi. annis intermissum fuerat, & proinde pulvere & carie squalibat, restauratum est. Veronæ opulens civis Martinus Scaliger Præturam adeptus, tanto populi cum favore vixit, ut continuatus ei fuerit per biennium Magistratus: moxque Capitaneus creatus, perpetuum se dominum fecerit. Vicentia Actioliniano milite pressa, exercitum Patavinorum exspectavit: sed tertio die post, clam cunctis diffugientibus, libera mansit. Idem in cæteris urbibus, oppidisque factitatum. Et supplicationes multorum dierum actæ.

Interea Mediolani quoque Martinus Turrianus, reducto domum exercitu victore, & præda opulento, clarius, potentiorque evaserat. Jam uni, ceu domino, cuncti in civitate parere, aut ejus sententiæ refragari non audere; ipse vero ex Creditæ Consilio nihil amplius agere; nihil cum aliis communicare; omnia ad arbitrium facere, administrareque, quosque suspectos, aut invisos habebat, eos fere omnes bonis & patria mulctat. Pulsi magna pars Laudem se conferunt, & à Summaripis, quæ familia nec inops, nec ignobilis erat, excepti, paulo benignius tractantur. Periculosum id sibi existimans Turrianus, cum inimicos longius finibus summos vellet, exercitum conscribit, agrumque Laudensem

denfem ingreffus populatur, & graviora fubinde minatur, ni ftatim oppido adverfarii pellantur. Cives vero non folum hoc, quod petebatur, effecere, fed & apertis portis Principem intromifere Turrianum; eique urbis dominium detulere.

Cujus rebus compofitis Martinus, ut nobilitatem Mediolanenfem duce veluti capite privaret, avertere ab eis Paulum Sorefinatem instituit. Illius foror Turriano nupta erat: per eam ergo hominem aggreffus, blandimenta, precesque adhibet, jura affinitatis commemorat, tum magna pollicendo evicit, ne furgentem mariti potentiam univerfum quandoque genus illuftraturam, vel infringere conaretur, vel impediret. Igitur Sorefinas, ex iis, quæ ejus fidei credita erant, quædam remiffius agere, alia conniventibus, ut ajunt, oculis diffimulare, prætermittereve: cum manifestam confpicati negligentiam Patricii hominem deftituunt, feque in tutelam Jordani Rufconi, qui in Comenfibus potentiffimus erat, conferunt. Qua ex re commota plebs Mediolanenfis voluntati, imperiisque Turriani intentius obfequitur, ejusque potentiam auget. Ille vero, ut peregrina etiam ope rem fuam firmiorem faceret, Ubertum Palavicinum foedere fibi adjungit, & quinquennale ftipendium pactus, ad fe accivit. Is vero, ut fecuriore animo abeffet, duas Parmenfium factiones in unam fententiam redegit; Gbertumque Corrigium feptimo jam anno Præturam urbis continuantem depulit Magiftratu: & compofita ad arbitrium Rep. Mediolanum proficifcitur: ubi III. Idus Novembris maxima hominum lætitia & plaufu exceptus fuit.

Tum dies dicta fratri Rainerio, cujus concionibus taxatus acerbe fæpius fuerat, quem Placentinum illum effe cenfeo, in cujus pariter & Petri Martyris necem conjuratum fupra fuiffe oftendimus. Acres enim Religionis Christianæ affertores nec parcere Principibus, quos ab æquo & jufto aberrare cognoverint, folent; & fupervixiffe nonnullos annos post Petri obitum Rainerium legi.

Cæterum Turrianus, cum ea fere cum Palavicino communicaret, quæ ad ftabiliendum Regnum & proferendos fines pertinerent; Palavicinus, ut erat ingenio acri & exercitato, contemplatus reliqua urbis commoda, & civium multitudinem, atque induftriam, dixit, facile Regnum Mediolani conftitui poffe, fi fuma rerum penes unum foret, qui intestinas difcordias & feditiones cohibere, & Plebem, & Patricios affiduis ab certaminibus arcere fciret. Quo fermone incenfus Turrianus, Crendentiam populi in totam fufcult, negotiaque publica pro arbitrio adminiftravit.

Inter hæc annus fexagefimus fupra mille & ducentum fubiit. Eoque nova quædam Religio ab Hetrufcis ad Longobardos defluxit. Auditam Perufiæ cælitus vocem ferunt, eam urbem brevi interituram, ni hæc facra fubinde fierent. Nudi terga fe ipfos flagellis verberabant, & flebili voce, inconditisque hymnis pacem à Deo quærentes triduum peregrinabantur: oblique injuriarum populi, & odiorum, in amorem & mutuan benevolentiam conciliabantur: & quafi novo quodam vinculo adftricti, religiofius divinum numen colebant: defcendentes ab Apennino recepti fuere Bononiæ, Mantuæ, Parmæ, &, quod legam, Ticini. Cremona vero & Novaria penitus exclufi: Mediolani quoque capitalis poena promulgata in eos eft, qui finibus pedem inferrent.

Novariæ autem interea glifcebat difcordia civium. Tornielli, ut in patriam redirent, peregrinum auxilium comparaverant: obverfabatur ea tempeftate finibus vir quidam infigni corporis & animi ferocitate: Aymerico nomen fuit; Rabiæ cognomen inciviles & feri mores fecerant. Jacobum Crufmalam vocitatum patrem tradunt. Is Rabiæ au-

A fpiciis olim magnorum Principum, Francorum Regis, Ducis Sabaudia, Marchionis Montisferati, & Vercellenfium ftipendia fecerat, copiarumque ordines duxerat. Huic igitur Tornielli fe applicant, & eo ductore reditum in patriam moluntur: opponunt fe conatibus illorum Sanguinei, & commiffo apud Guilengum vicum prælio, multos fuorum amifere. Jamque præfligati desperata falute, diffugiebant, cum incerto cafu occubuiſſe Aymericum intellexere. Ex quo refumptis animis, viribusque, urbem rurfus tenuerunt. Et Tornielli fruftrati victoria, quam pene manibus jam tenebant, in exilium iterum abiire. Tanti momenti fuit unius viri mors, vitæque.

B Eodem tempore foederatæ civitates, quarum cervicibus adhuc immincebant invifæ Actiolini reliquæ, & populando fines fccleratam illius memoriam fubinde reftricabant, tollendas, exftinguendasque penitus decreverunt. Albricus erat ejus frater, qui ab arce Sancti Zenonis in fubjectos agros excurabat. Igitur communibus impenfis exercitum confcribunt, oppidumque circumdant: in tertium mensem fufientata obfidio fuit. Id quod opera & diligentia Mefæ architecti nobilis factum fuiſſe creditum eft: fiquidem ejus mox ad hoſtes tranſitu ſpes omnes obfeſſorum cecidere: & Albricus animum

C penitus deſpondens in penitiorem turrin Margaritham uxorem, liberosque, quorum ſex mares, duæ foeminae erant, vocavit; ac extremam, fatalemque, diem adeſſe confeſſus, illos, ut viverent, hortatus eft: caput enim ſuum haud dubie ab hoſtibus petiti. Inde ad amicos converſus; *Quando, inquit, eo ſita ſunt res noſtra, ut hoſtium manus evadere non poſſimus; in meque & fratris memoriam omnis belli hujus flamma exardeat; accipite infelicem animam, & illis me dedite, ut diuturna multorum ſitis meo tandem ſanguine exſtinguatur. Vos meliori fortuna & rebus, ſi licuerit, ſervate ſecundis. Unum equidem optaverim. Intercedit mihi affinitas cum Marchione Eſtensi; ejus filio Rainaldo Adheleitam filiam matrimonio junxi: & quidem id etiam non volente & reſiſtente Actiolino: credo, in calamitate humanum animum jura ſanguinis tangent; & ſi qua in me duriora ab adverſariis decreta ſunt, emollient. Huic ergo curate, ut tradar. Tunc oppidani rebus conſulentes, ab arce deditionis ſigna exponunt; colloquium petunt: quo impetrato, ſalutem & res, ut ſalvæ forent, paciſcuntur; Albricum cum uxore, & liberis, ac auro, & multorum damno congeſtis opibus tradunt. Homini ſtatim tranſverſum in os lignum indidit Marcus Badocrius Tarviſinorum Prætor; ſicque in triumphum per caſtra ſpectandum circumduxit; tum tormentis excruciatum neci cum filiis addixit; uxorem & filiam igni combuſſit: ſicque nocentiſſimum hominum genus VI. Kal. Septembris exſtinctum in univerſo eft.*

D Anno ſexageſimo primo Prætura urbis Mediolani, gratia Uberti Palavicini deſertur Gulielmo ejus gentili ex Scipione oppido. Nobilitas vero Mediolanenfis, quæ patria pulſa erat, haud quieſcere, agros urbi propinquos populari, vicos diripere, infeſta omnia longe, lateque facere. Contra Turrianus ſumptis armis, quantum poſſet, à maleficiis arcere; ſi qui in poteſtatem venirent, quo cæteris exemplo eſſent, male mulctare. Illi ex fuga Bergomum ſe recipiebant, atque ex foedere auxilia, & commeatus impetrabant: quibus aucti per Aprilem mensem cis Adduam veniunt, Ligurtum vicum deprædantur. Scipioneus Prætor cum populo trium portarum Orientalis, Novæ, & Ticinenſis deſequutus abeuntes Tritium uſque & Vaprium contendit: ſed hoſte non invento, domum copias reducit.

E Tunc miſſi nuntii Bergomum ad repetendas res, & nova cum Turriano, urbanaque plebe foedera ineunda, cum quibus undecim Oratores à Bergomo venire, reſartionem damnorum, æſtimatione facta pollicentes,

tes, & exules amplius in finibus Bergomatibus tutam mansionem non habituros. Hisque cognitis, Mediolanensis nobilitas, relictis inconstantibus amicis, incolas lacui Eupili imminentes, & quos Lambrus & Addua intercludunt, (Briantiae nomen est) se recipiunt, & nota Tabiagi arce conduntur; multoque frumento & vino complent, ut copia comitum in primis suppeditaret. Tunc ambo Palavicini Prætor & Ubertus, delectu ex urbe facto, exercitum adversus eos ducunt, compulsoque in arcem obsident; tormenta frangendis muris adhibent: & quamquam nulla spes, nec fugæ, nec auxilii esset, tamen ad nullam pacis mentionem prius descendere, quam defectu aquæ viderunt, aut sibi inopia moriendum, aut in manus hostium

veniendum esse. Sic Palavicini arbitrio depositis armis se permittunt, vitam tantum rogantes: sed eos Turrianus carceribus & variis tormentis addicit; arcemque demolitur. Qua facti atrocitate territi cæteri, qui in urbe supererant, Patricii, longius à patria concedere, & inopiam perferre potius, quam tyranni sævas manus, & suo simul sanguine imbutas spectare, decreverunt. Aliique Parmam & Rhegium, partim Mantuam, aliasque in urbes abire: quingenti & eo amplius propriis impensis equo meruerant, cæterorum ingens numerus, qui tamen virtute & amicorum beneficio ita calamitatem sustinebant, ut etiam adversarios domi regnantes, parum quietos sinerent.

TRISTANI CALCHI, MEDIOLANENSIS HISTORIOGRAPHI, HISTORIAE PATRIAE LIBER XVI.

EPITOME.

Othone Vicecomite ab Urbano Pontifice IV. Mediolanensibus pralato, veteres Patriciorum & Popularium discordia juvenescunt. Martinus populi princeps Vicecomitum agros & ditiones, nunc sane modicas, invadit; & Othonem Arona potitum persecutus, fugere cogit dissimulata persona: mori proximus principatum urbis Landæ & Novaria ditione auctum, tamquam avitum, Philippo fratri committit: à quo mox in Telsinam vallem, & in Comenses, ac Bergomates longioris Præture nomine prolatus est. Eo repente sublato, Napuleo ex fratre nepos jussu populi Mediolanum nomine Rectoris perpetui, finitimas vero urbes nomine Potestatis, sub apertum Imperium accipit adeo non civile, ut statim Paganini gentilis sui Vercellis occisi Manes quatuordecim supra centum Patriciorum civium cade placaverit. Carolus Provincia Comes annuente Clemente Pontifice, Turrianisque adjuvantibus, utriusque Sicilia regnum adit, & victo, casoque Mansfredo, Romani Imperii Vicarius dicitur. Hac propter res Pontificia in Longobardis adeo crevit, ut Germanum Regem Conradinum sola urbes Verona & Pavia Casarem agnoscerent, & in Italiam evocarent. Qui dum cunctatur, Turriani isto cum Carolo ac reliquis Longobardis foedere, Papienses Viglevani expugnatione vexant: & cum Othone Vicecomite de Episcopatu judicio contendunt apud Pontificem: à quo non modo ipsi, quamquam Caroli clientela uterentur, repulsi, sed urbi etiam interdictum est sacris, quo ab Othone admissa, Pontifici paruerunt. Conradino Italiam ingresso primam cladem intulere Mediolanenses adeo, ut agre Papiam evaserit: alteram Carolus in ipso Regni aditu: ubi debellatus, captusque, judicio cum sociis necatus est: quo accepto nuncio, ejus classis cepta feliciter Sicilia oppugnatione digreditur. Romana Sede sub obitum Clementis biennium vacante, Turriani Mediolanensem ab Othone iniri non sinunt. Ille Squarcini Burri Patriciorum Antesignani filia Matthæo Vicecomiti ex fratre nepoti, heroica indolis adolescenti, conjugio copulata, Nobilium sibi opes ac vires, atque adeo Marchionis Montisferrati, ejusque soceri Castalonensis Regis, quibus cum foedus inierant Nobiles Squarcino in Hispaniam legato, patrocinium, auxiliumque adiungit. Inter hac discordia in Parmensibus sedantur: S.

Donnini oppidum Palavicino ereptum excinditur: Mozanica hæreseos sæpe damnata flammis vastatur: Laus à Turriano in potestatem redigitur: Ludovicus Francorum Rex in Africana expeditione diem obit: Philippus frater à Tunitano Regno pecunia submotus, Mediolano in patriam revertitur. Tandem Tibaldus Vicecomes, genere Placentinus, nomine Gregorii X. Pontifex acclamatur. Sed ne ab hoc quidem, cum Mediolano in Gallias proficisceretur, indeque rediret, aliud Otho impetravit, quam aliquos sue Ecclesie proventus; quorum causa, quod eos percipere prohiberetur, Mediolano rursus adempta sunt sacra. Turrianos vero, à quibus honorificentissime Gregorius exceptus est, ornavit, Raimundo ad Aquilejensem Patriarchatum promoti. Napuleo quoque à Rodolpho Imperatore Casarei apud Longobardos Vicarii appellatione coonestatur. Sed interim Nobilium factio auxiliis ex Hispania evocatis Turrianos, Mediolanensemque ditionem excursionibus vexat.



INTEREA Alexander Quartus Pontifex maximus moritur; & ei sufficitur Patriarcha Hierosolymitanus, qui genere Gallus erat. Urbanum Quartum dixere. Et Mediolani post diuturnam Archiepiscopatus vacationem (post Leonis namque Peregrini obitum nemo adhuc legitime subrogatus fuerat) inter cives de Præfule creando certatum est. Duo ad eam dignitatem aspirabant, Raimundus Turrianus Martini nepos ex Pagano fratre, & Franciscus Septala. Turrianus prærogativa suorum (quia hujus sacerdotii honor haud dubie maximi momenti ad firmandam potentiam erat) plurimum juvabatur. Septala contra suffragatione eorum, quibus suspectæ Martini opes erant, & quibus vir egregiæ moderationis, & tanto oneri ferendo magis idoneus videbatur, nitebatur. In hac dissensione & discordia tertius insurgit Apostolica auctoritate creatus. Is fuit Otho Vicecomes utique Mediolanensis, Obizonis, quem paulo supra memoravimus, (ut quidam opinantur) frater, & humilibus tum Sacerdotis contentus, Præpositura Decii pagi, Cardinalatu ordinario

nario Mediolani, ac Canonatu Ecclesiae Ambrosianae.

Tenuis tunc erant Vicecomitum opes, & parvi vici loco magni patrimonii habebantur in ora Verbanus lacus, Inverium, Massinum, Vergantum, Olegium. Nam per hæc quoque tempora Soldanus Vicecomes filius Alderici incolæ Inverii, sed referentis originem ad urbem Mediolanum, emit nonnullos fundos ab Actio, Lantelmo, & Castellano Othonis Vicecomitis Massinensis ex Rogerio filio nepotibus, quorum quartus frater Uberrus demigravit penitus finibus patriis, & in Leuca Vercellensium oppido confedit. Huic autem alteri Othoni Episcopalis dignitas collata est, favore & enixa opera Octaviani Cardinalis Ubaldini; cuius intima familiaritate utebatur, & domesticis officiis carior honorem promeruerat.

Accessit ad fovendam ejus amplitudinem ejusdem Cardinalis in Turrianum indignatio. Nam ex legatione Gallicana reversus Octavianus, cum Mediolanum divertisset, atque in ædibus Ambrosianis benigne à Sacerdotibus templi acceptus fuisset, exaruit in gemmam fulgoris eximii, quæ inter donaria & thesauros diu servata sæpe aram exornabat. Hanc concupiscere illum, & quandoque surripere ex altari voluisse Æditui animadverterant: & vimtinentes, Martino, quid is animo voveret, renunciant. Martinus haud cunctanter cum magno suorum comitatu, consensu equis in arcem, quæ ante ædes patet, accurrit; & officii causa se advenisse ostendit, ut quem paratum ad iter esse intellexerat, (petiturus enim Romam erat) debita Procerum multitudine prosequente, ex urbe deduceret. Simulata verba quo tenderent, legatus cognovit, & statim abiit. Opinantur quidam non servandi thesauri gratia id à Turriano factum; sed quia Otho Vicecomes in Cardinalis comitatu foret, illi longe carissimus, & proinde suspectus, ne vir ingentis spiritus, & in quo exules ob amicitiam Ubaldini non modicum spei collocabant, populum ad res novas concitaret. Hinc offensus Ubaldinus, quam primam vidit referendæ Turriano gratiæ occasionem arripuit, atque omni ope nixus effecit, ut Othonem Vicecomitem Urbanus Pontifex maximus Mediolanensis Ecclesiae Antistitem declararet, & institueret: & quo justius id fieret, etiam Septala sponte sacerdotio cessit, qui omnino impar æmulis erat. Quod ægre ferens Turrianus, Palavicinum, qui in Placentinos reversus Albertum Fontanam rebellantem afflixerat, iterum advocat; eorumque agros invadit, & populatur, qui per amicitiam Pontificis à vi securos sese existimaverant. Enimvero iratus Urbanus Othonem magis fovere, & si quæ decrant ad solidam Sacerdotii dignitatem obtinendam, ultro conferre; cunctisque ornamentis donatum consecrat, & opibus juvat.

Caeterum Palavicinus Mediolanum profectus, Præturam urbanam deferri in sequentem annum sexagesimum secundum Uberrino nepoti, cui Pellegino cognomen erat, curavit. Cumque satis firmæ res viderentur, ludis & convivali voluptati publicitus indulgere. Suburbanus locus delectus est S. Syri ad Vepram porta Vercellina: ubi ob inopiam tectorum, simul ut Solis ardores arcerentur, & castrensis tabernacula, & ex frondibus umbracula excitata sunt, sub quibus varii ludi edebantur, epulatique sunt Principes, & socii ministrique consimili veste ex bicolore panno induti. In urbe quoque expositis per vias mensis plebs epulabatur; & salutationes agitabant. Tunc constituere, ne quis exulum intra fines Mediolanenses maneret. Sic quicquid captivorum erat, trans Ticinum ejectum est.

Caeterum pergelida hiems hoc anno fuit, & cu-

jus rigore adstrictæ nives in Paschales usque dies terris incubarunt. Rursus æstas per quam calida, & cujus ardore exsiccatis humoribus spes pene omnis frugum peribat: nisi sæpe indicta supplicatio causâ eliciendæ aquæ, & misso publico nuntio, imbres inducti fuissent, quorum abundantia omnia revirueret. Quod miraculum similimum antiquo Romano mihi videtur, qui quoties Manalem lapidem in urbem propter nimiam siccitatem pertraherent (erat autem petra quædam extra portam Capenam juxta Martis ædem) statim pluviae insequerentur.

Anno tertio & sexagesimo Otho Vicecomes dimissus à Pontifice, ut ad capeiendam dignitatem veniret, ac simul adversariorum superbiam reprimeret, in tractum Novariensem contendit, ubi cum opibus, & paternis amicis, tum majestate Sacerdotii, & Pontificis Romani auctoritate, manum exulum congregat, & nudam præsidio Aronam occupat. Turrianus & Palavicinus tumultuaria manu collecta Angleriam petunt, & reliquos portus citerioris ripæ muniunt: alias turmas trans Ticinum mittunt, quæ prohiberent quicquam opis aut auxilii Aronam accedere. Tum convectis toto lacu navibus, oppidum obsident. Cum sic se undique cinctum & veluti lupum cavea clausum Otho perspiceret, salutisque suæ & sociorum alia ratione, quam occulta fuga, consulere non posset, clanculum noctu elapsus est: oppidanique statim deditionem fecere. Martinus arces, quæ receptacula hostium fuissent Aronæ, Angleriae, Brebiæ suspectas alioquin, quoniam vetusto jure Archiepiscopalis domini forent, demolitur, & Mediolanum postridie Kal. Majas ovans revertitur: & subsequenti Junio Novariensi dominio potitur. Brusati & Cabalatii tumultuantes, quatuordecim viros ex gente Torniella occiderant, & reliquam factionem urbe ejecerant. Palavicinus & Papiensis, utrique factioni juxta infensi, suburbana infestabant, igni & ferro cuncta foedabant. Cives, quorum agri à peregrino pariter & intestino hoste urebantur, Martinum Turrianum, cujus opibus & majestate regni defenderentur, accersivere; & tradita rerum administratione, dominum fecere. Novo imperio lætus Turrianus, Mediolanum venit; mox Laudem profectus, haud multum supervixit, valetudine adversa per Novembrem contracta. Et cum æger decumberet, Philippum fratrem summam rei curare jussit. Is pro templo Theclæ, & mox in foro concione habita, tutelam populi, & administrationem Creditæ suscepit, seque Ancianum proficitur. Quibus mature peractis Martinus spiritum posuit xii. Kal. Decembris. Relatum ad urbem cadaver: postea in Carævallis coenobio sepultum est, ubi & ante Jacobus pater, & Mathia mater conditi fuerant. Elatus autem fuit summo cum honore. Tulere Capitanei, & Valvasores, & primarius quisque civitatis: turbaque militum & civium prosecuta est. Manet adhuc imago ejus picta cum inscriptione juxta sepulchrum.

Fraterno funere absoluto, Philippus Canturium petit, vocatus à Vitana Comensium factione, qui adversus Rusconos de urbana Prætura contendebant; optabant & nitebantur Rusconi, ut Conrado Venostæ Magistratus deferretur. Turrianus autem, qui opibus pollebat, sexcentos sagittarios & magnam peditum manum statim comparavit, ac Comum petens, Conradum & Simonem Locarnatem urbe fugavit. Fugientes Lanfrancus Burrus desequitur, deprehensosque in transitu Trexiae amnis, quem diximus ex Lugani lacu in Verbanum fluere, Mediolanum traxit. Turrianus Comensium Prætura potitus, res ex amicorum sententia

tentia componit. Reversus Mediolanum hostes victos in arcem Pessani custodiendos misit: sed hi non multo post fractis vinculis carcere effugiunt: sed mature superveniente Philippo ipso, iterum capiuntur. In quorum certamine cecidit Raynucius Locarnas, qui simul cum eis & septem aliis detinebatur. Reducti Mediolanum, ædificata in Palatio cavea lignea conduntur, atque in multos annos servantur. Interea Philippus, ut magnis affinitatibus opes muniret, studebat: Agnetemque filiam uxore ex gente Niguarda genitam Gulielmo Pusterlæo in matrimonium locat: & ipse viduus ex Biragorum familia alteram uxorem ducit.

A. C.
1267.

Sequenti anno idem Ubertus Palavicinus Scipionensis Præturam Mediolani iterum obtinuit: & Turrianus reliquias hostium, qui in Tellinam vallem se receperant, persequutus, eam vallem ad obsequium redegit; & in Novariensi castrum rebellium cepit. Per quod tempus Gulielmus Marchio Montisferrati urbem sibi finitimam Aquas Statielas de Manfredi Carreto, & oppidum Novas Derthonensibus eripuit. Affecti injuria populi, opem à Turriano petunt. Is magnum Ubertum Palavicinum cum exercitu concessit. Contraxit is copias ex Mediolanense, Papiense, Derthonense, Cremonense. Alexandrini quoque, quorum intererat, ne Marchionis potentia cresceret, accessere. Brevi castrum expugnatum fuit, quod regendum filio suo Palavicinus tradidit. Sed Turrianus, sive subornatus à Gulielmo pollicitationibus & occulto fœdere, sive suspicatus ex eorum affinitate, quampiam inter eos futuram fraudem, (nam idem Palavicini filius filiam Gulielmi uxorem duxerat) seu re vera inopia ærarii, quæ causabatur, tolerandis militiæ impendiis non sufficeret, sive parum necessariam dehinc operam ejus putaret, exacto quinquennio, per quod tempus illum conduxerat, Palavicinum missum fecit. Quo indignatus Heros, nihil antiquius duxit, quam sui desiderium primo quoque tempore illi facere: mercatores Mediolanenses, qui Cremonæ & per Padum negotiabantur, detinere; merces diripere, alios spoliare. Obmurmurare cives, & detrimenta liberius expostulare. Sed Philippus neque ea emendare, neque res repetere voluit. Majores cum curæ sollicitabant. Nam Bergomenes bello adortus, eo confestim redegit, ut non solum pacem per legatos peterent, sed ultro ei Præturam deferrent. Ipse eo profectus Magistratum in continuum decennium accepit. Mox Laudem quoque recepit.

Inter hæc Urbanus Pontifex moritur, cui sufficitur Clemens Quartus. Et Decembri mense Mutina & Parma civili seditione in arma excitatæ, à Cæsarea ad Ecclesiasticam factionem traductæ sunt. Et Parmæ duo Prætores simul dati Gibertus Corrigius, qui sæpe alias, & Jacobus Tabernerius, ejecto Manfredi Pio, qui genere Mutinensis erat.

A. C.
1265.

Sexagesimus dehinc & quintus annus sequitur, quo Carolus Provinciæ Comes, & Ludovici Francorum Regis frater, duorum Pontificum Urbani & Clementis rogatu adversus Manfredi Apuli injurias vocatus in Italiam descendit. Exceperat autem Carolus Provinciæ regnum, & Furqualerii dominium comitatus titulo per hereditatem uxoris. Nam eorum locorum prior Dominus Raymundus Berengarius, quatuor ab hinc & viginti annos vita functus, unicam & ampli matrimonii heredem filiam Beatricem reliquit, sub cura Romani Pontificis, & Romæ Villanovæ arcanorum suorum participis, & arbitri. Et cum tunc infans puella foret, posteaquam adolevit, illustri juveni Carolo matrimonio juncta est.

Hic igitur præparatis jam bello necessariis, appetente vere, bipartitis copiis, Romam proficiscitur. Ipse Tyrrenico mari navigans, quadraginta

A longas naves duxit: nec ita multo post subsecuta virum uxor, eodem appulit, protinusque à Clemente coronati ambo, Regni Siculi atque Apuli titulum accipiunt. Altera copiarum pars, terra iter faciens, in Longobardiam descendit. His Manfredus opponere Palavicinum tentavit, qui Brixianos & Vercellenses in fœdus traxit. Nam cum ipse teneret Cremonam, & Placentiam, Æmiliæ castra, atque in Parmensi oppida pervalida, facile, illis adjuvantibus, interclusurus Gallos videbatur. Et strenuam operam præstitit, missio nepote Uberto Scipionense cum exercitu adversus Marchionem Montisferrati. Sed is mox circa Alexandriam & Nicæam Palearem profligatus, quingentos equites amisit. Qua victoria patuere omnia Gallis; & cum Marchione Mediolanum venientes, benigne à Turriano accipiuntur; pecunia, veste, comæatu sublevantur: & ut fœdere aliquo firmasse amicitiam viderentur, Emberram Balsium Narbonensem hominem Mediolani Prætorem constituunt. Ita Galli per reliquam Circumpadanam transmissi, quo tendebant, incolumes pervenere.

Per idem tempus stella Cometes, cauda in morem hastæ protensa, visa diutius est. Et Philippus Turrianus, qui mira indole animi, tum arte querendi Regni præstabat, postridie Octobris subita morte raptus est; & juxta Martinum fratrem ambobusque parentes in Caravalle sepultus est: manentque adhuc eorum imagines uno pariete pictæ. Post Philippum Napuleo, (sunt qui Napum vocent) ex Pagano patre altero nepos, statim Rector Mediolani perpetuus, & reliquarum urbium Potestas declaratur. Perseverabant namque in ejus obsequio Comam, Bergomum, Laus, Novaria.

Eodem tempore nova manus Gallica ab Alpibus descendit, Apuliam petitura. Sex millia equitum erant sub Comitis Flandriæ gubernatione. Hi x. Kal. Decembris Mediolanum usque nemine repugnante pervenere. Eisdem favebant, & auxilii gratia copias contraxerant in Mantuanorum, Ferrariensiumque finibus Comes Bonifacensis, & Obizzo Estensis, Actii superiore anno defuncti ex filio nepos, ac successor. Medius inter hos adhuc adversabatur Palavicinus, sociumque assumpserrat Bosium Doariam, & munita diligenter Brixia exercitum circa Soncinum contraxerant loco opportuno ad invadendos, quocunque hostes iter intenderent. Sed Mediolano digredientibus Gallis Turrianus Carrotium cum urbana militia tradidit. Quo præsidio tuti per Bergomates, & præter ipsa Brixia mœnia transierunt. Conflictus tamen in itinere factus est, cujus summa apud Gallos jactura fuit, Ducem ipsum Flandriæ Comitem amisisse: is enim confossus cecidit. Palavicinus vero quadringentos equites ex suis & mille pedites desideravit, moestissimusque Cremonam abiit. Eo superato Galli neminem, qui resisteret, reliqua Italiæ longitudine non inveniunt, abierunt.

Anno sexagesimo sexto Paganinus Turrianus, A. C. 1266. faventibus cognatis Vercellensem Præturam sortitur. Quem ceu hospitio suo disturbando, & amicis seducendis appositum rati exules Mediolanenses, haud diu in ea urbe dimittendum statuerunt. Itaque elanculum accita Papiensium manu, nocte, quæ iv. Kal. Februarias præcessit, impetum ad urbem ipsam fecerunt, atque ab amicis intromissi, in Prætorio ipso Turrianum capiunt atque obtruncant; domum spoliant; & dum cædibus adversariorum in aliena terra avidius indulgent, & injurias prosequuntur, reliquos cives, & eos maxime, qui pro Turriano stabant provocant: à quibus repulsi, repulsi non paucis suorum amisissis fuere: nam xiii. Mediolanensium, Papiensium vero septuaginta amplius capti, detentique fuerunt: quos Napulco, Franciscus, & Herrecus fratres ad primum novi

novi motus nuntium advolantes Mediolanum re-
traxerunt: & eodem præmissio cadavere, ad Dio-
nyfii ædem, quæ extra muros est, publicum
funus duci jusserunt. Manet adhuc ejus sepul-
chrum, signo Turris insculptum. Cæterum hor-
rendo facinore hujus inferiæ cumulatae sunt:
nam juxta sepulchrum producti cuncti illi Ver-
cellis capti, & decem & octo, qui Tritii, &
tredecim alii, qui in porta Nova Mediolani ha-
bebantur, miserando omnium spectaculo, ceu to-
tidem victimæ, quæ manibus defuncti sacrificia-
rentur, mactatae sunt. Atrox factum, & dira ul-
tio, quantum odii & invidiæ sibi paraverit, sensit
mox Napuleo ex luctu & lachrymis eorum, quo-
rum propinqui & infantes præcipue interempti
fuerant. Quod ut declinaret, Emberræ Prætoris
& crudelitati & barbariæ omnia imputavit, eum-
que Magistratu submovit. Antonius Recanates,
qui hæc diligenter collegit, ægre unum precibus
adolescens filii Napuleonis condonatum memo-
rat: qui cum audivisset Medicum, cujus opera
aliàs ipse è gravissima valetudine servatus fuerat,
(Magistro Bono nomen, Tabiagio cognomen erat)
pariter cum aliis ad supplicium trahi, ad patrem
accurrit, & obtestando, adjurandoque, se vel fer-
ro, vel inedia periturum, nisi sibi incolumis is, à
quo ipse salutem recepisset, redderetur, ne occi-
deretur impetravit. Hunc, quod alium ejusdem
nominis in stemmate Turrianæ gentis eo tempore
non lego, licet diminutiva appellatione, ut tum
mos erat, Paganinus scribatur, arbitror fuisse Na-
pulconis ipsius patrem. Dehinc Napuleo in Bri-
xianis invitatus, ad eam urbem cum exercitu pro-
ficiscitur. Benigne acceptus captandæ benevolen-
tiæ officium obit; discordias civium composuit;
& ut æquo jure cum cæteris exules viverent, ope-
ram dedit; & Francisco fratre Prætoris imposito,
Mediolanum revertitur.

Interea Carolus Apulorum Rex designatus, ab
Roma in Samnites progressus, Ceperanum oppi-
dum, & Montem S. Germani occupat; trajecto-
que Liri amne Capuam petebat. Hic Manfredus
occurrit, quantiscumque potuit viribus contractis;
& in certamen ventum est: paribus animis ac
studiis uterque pro gloria, uterque pro vita age-
bat: v. Idus Februarii, alii v. Kal. Martii, depu-
gnatum scribunt; & fraude suorum petitem Man-
fredum occubuisse. Comes namque Caferti, &
Thomas Comes Sertæ, ambo ejus sororii, & qui-
bus plurimum fidere merito debebat, de compo-
sito recesserunt, medio in discrimine Rege relicto.
Qui à quibusdam monitus, ut saltem sibi fuga
confuleret, *Malo, inquit, Rex mori, quam exul
vivere.* Et in confertos hostes invehens dum acer-
rime dimicat, ilia trajicitur, & moribundus equo
devolvitur. Mortuum inter aliorum cadavera re-
pertum Carolus aurea veste ornari, & more Re-
gio sepeliri jussit. Tres vero claros Duces Comi-
tem Jordanem, Petrum Assinium, Ubertum, &
Bernardum Castaneam repertos in numero capti-
vorum in Galliam relegavit. Cæterum præda præ-
tiosior facta est quatuor Coronis Regiis, in quibus
& Friderici Cæsaris una agnita fuit: nec deinde
aliud, quod fortunam Caroli moraretur, fuit. Ad
eam victoriam gratulandam è Mediolano Franci-
scus Turrianus cum duodecim primariis civibus
mittitur. Eidem injunctum est, ut foedera aliàs
inita renovaret. Eum Carolus comiter excepit,
& aliquot dies apud se magnifice habuit: tum ima-
ginaria militia & amplis muneribus donatum di-
misit.

Cæterum diuturna armorum licentia & civium
dissensiones protulerant, ut crebra furta, rapinæ,
homicidia in agris fierent, variaque receptacula
fures & grassatores haberent: quæ omnia Napu-

A leo publicæ utilitati consulturus disjici, subruique
jussit.

B Interea in Parmensi Ecclesiastica factio multum
vires auxit; Columnium, Soraniam, Nucetum,
Ægidiolæ domum, cui Sancto Secundo cognomen
erat, ceperunt, multosque ex his locis captivos Parmam
duxerunt. Quibus ex rebus multum Palavicini
potentiæ detractum est. Subsecutaque mox est
urbis Cremonensis defectio, ac item Placentiæ. Qua-
rum motibus comprimendis, quatuor è Mediolano
portarum juvenus emittitur; auxiliareque copiae
à Brixia, Bergamo, Laude, Mantua, accessere.
Castrum Covum in Cremonensi à Bosio Doaria con-
ditum obsident: arcem turribus & duplici fossa
munitam pertinaces viri defendebant: tormenta
muris adhibita, & cuniculi subterranei acti: inter-
rim finitimos agros Soncinum usque prædantur:
demumque arx Covi dedita, & solo æquata est.

C Succedente anno sexagesimo septimo, Pontificis A. G.
Legatus, qui Cremonæ agebat, revocato in urbe ^{1267.}
Amatino Amato, qui diu exul fuerat, diversæ fac-
tionis Principem Bosium Doariam circumvertit.
Cum sic tota pene Italia factio Ecclesiastica præva-
leret, adversarii, quorum jam nomen vix duæ Pa-
piæ & Verona urbes retinebant, ad externam
opem studia, animumque adjecerunt. Conradinus
erat Conradi Cæsaris in Germania filius, ad quem
hereditario jure Sicilia spectabat. Huic igitur ad
capefendam hereditatem venturo se applicant, &
opes, viresque suas pollicentur. Quod ut sensere
alii Longobardi, conventum Mediolani indixere:
veneruntque duo Marchiones Montisferratenfis &
Estensis, tum Bonifacensis Comes, & bini Ora-
tores à Vercellis, Novaria, Como, Ferraria,
Mantua, Parma, Vicentia, Patavio: à Bergamo
autem & Laude quaterni: à Brixia duplex legatio
duplicis regiminis indicium fuit. Sex Communita-
tis, & quinque populi nomine erant. Mediolanensis
vero urbis partes egerunt Napuleo Turrianus per-
petuus populi Rector, & Franciscus ejus frater, &
Beltramus Græcus Prætor, qui genere Bergomensis
erat. Pridie Nonas Aprilis in id conventum est, ut
quidquid Mediolanum & Montisferrati Marchio
statuerent, seu quocumque mittendi exercitus, quid-
ve aliud ad frangendos hostium conatus prospice-
rent, id cæteri simul exsequerentur. Nec ita multo
post Cremona & Placentia societati accessere. Tunc
promoto trans Ticinum Carrotio, Mediolanenses
Bergomensibus adjunctis, Viglevanum, quod in
Papiensium partibus perseverabat, obsident; & va-
stato late agro, machinis muralibus moenia qua-
tiant, ac demum ad undevigesimum Junii diem in
deditionem receperunt.

E Inter hæc Clemens Pontifex, quo plus nominis,
viriumque suis adderet, Carolum ex Apulia Ro-
mam accersit; novisque titulis honestatum, Ro-
mani Imperii Vicarium nuncupat, & rerum Etru-
riæ procuratore augeat. Ejusdem intercessione in
gratiam recepit Ligurum nationem, restitutis Ge-
nuensi populo sacris, quibus jam septennium ca-
ruerant, Urbani Pontificis interdicto, qui ægre tu-
lerat adjutum classe & opibus Ligustinis Constanti-
num Paleologum, cum is adversus Balduinum, &
Venetos, Græcorum Imperium invasit. Sed non
æque valuit Carolus Clementem flectere, quamvis
pro amicissimis rogaret, ut designatum Mediolani
Archiepiscopum Othonem Vicecomitem destitue-
ret: quin etiam Urbani exemplum sequutus Me-
diolanensem populum publice detestatur, nisi intra
præscriptam diem Othonem sine fraude reciperent.
Quo facto cives in Turrianum fremere, tumultus
in urbe ferere, per varia loca & conciliabula inju-
riam humanam & Dei contemptum expostulare.
Quibus vocibus permotus Napus, Legatos Ro-
mam, qui causam Sacerdotii agerent; & populum pari-

pariter solvi religione curarent, mittit. Sed Clemens neque causam audire, neque homines mœnibus recipi voluit. Reiecti ad Carolum Neapolim contendunt, ut eo deprecatore uterentur. Rex eos benigno vultu excepit; & posteaquam desiderium intellexit, opes regni pollicitus, Oratores dedit, qui cum Turrianis Romanam proficiscerentur. Utrosque Pontifex Regis causa admisit; accersitoque Othone in Consistorium introducuntur. Tunc Regii priores in hunc modum verba fecere: Si pro amicis atque sociis, quorum dignitas atque fortuna in discrimen versantur, Pontificum Maxime, deprecari venimus, haud equidem mirari te oportere existimamus; immo magis desertos atque proditos eos opinari deberes, si secus ageretur, quibus cum fœdus, & amicitia sit inita jam pridem, & novis subinde meritis creverit. Neque Rex noster dignos patrocinio & favore duxisset, si contumaces in te hos perspiceret; qui sic de Mediolanensi Sacerdotio contendunt, ut utilitatem publicam, patria quietem privata cupiditati anteponant: ne des quem Praesulem volueris; sed equum censent, ut semel audias, atque cognoscas, salubriusne, & ex publici status commodo magis sit, Raymundum Turrianum, an Othonem Vicecomitem Ecclesia sua praesse. Sed, dicet aliquis, cur non continuo imperata fecere; constitutum Praesulem in urbem admisisse; & illi de more Ecclesiastico obedientes fuere? facta nempe hac forent, Pater amplissime, nisi ab diuturno odio & perpetuis seditionibus, novi in urbe tumultus certo certius futuri fuissent. Haecenus igitur imperiis tuis repugnare visi sunt, ut cladem à patria & exitiale bellum avertere procurarent. Nulli tuorum vim aut arma intulerunt. Tui enim sunt Turriani, si cetera intueris. Jam quo vultu, qua liberalitate Regis nostri Caroli ab Alpibus descendentes Duces, & copias exceperere, quam benigno hospitio, quanta rerum largitate prosequuti sunt? quam fortiter atque fideliter arma contra amulos sumpserunt? qui si in ipso Italia limine sese nobis opposuissent, aut cum hostibus consilia agitaissent; profecto enim per infestas terras transire non licuisset: his vero adjuvantibus, & com meatu large suppeditantibus, & tenentes arma adversarios compressimus; & si qui alii nos laceessere parabant, exemplo deterriti quieverere; & velut amici nihil denegantes, Romam usque transmisere. Hinc incluta illa victoria, & quidquid juris & imperii in Italia habemus, & Romana Ecclesia post casum Manfredum accessit, Turrianis acceptum referri oportet. Audias igitur, clementissime Pater, eorum Oratores, qui tibi obtemperare, tuique juris esse volunt: hoc Rex invictissimus rogat; hoc concedere debes, ne tales illius amicos damnassemus indicta causa videaris.

Cum Regius finem dicendi fecisset, & mitigatus aliquantulum Pontifex videretur, Turrianus ita exorsus est: Nisi tibi, Romane Pontifex, parere deiretum nobis esset, & Majestatem Apostolicam unice coleremus, profecto à te spreto, atque repulsi, domum ad nova consilia, ad amicitias, & fœdera concilianda, denique ad inimicos tuos accessissemus; ut quacumque ope subnixi, alienum animum ostenderemus. Verum in eo perseverantes, quod equum, quod debitum, ac saluberimum est, cum Regem adimus, & deprecatorem paravimus, quem sciebamur amicitia & magnitudine beneficiorum tibi conjunctissimum esse; qui ita Regno potitur, & Regium nomen ita exercet, ut fateatur, se id munere & nutu vestro accepisse, ac propterea ad arcendas injurias & defendenda Sacerdotum jura potentiorum, promptioremque non noverimus. Hujus gratia in conspectum tuum admissi, breviter, quid optemus, exponemus. Mortuo Leone Perego, qui per omne Sacerdotii sui tempus nihil antiquius habuit, quam in civitate ira, odiisque ardente Patricios in plebem armare, perniciose certamina fovere; plebs ipsa pro vetere jure & consuetudine eorum, qui rei divina Praesulem dare consueverant, Raymundum Turrianum Archiepiscopum designat. Hunc fratres & propinqui, cum jure sanguinis & nova in gente sua dignitatis

A amplexi sunt; tum quod cernebant eo Pastore perpetuam inter cives concordiam fore. Sed ut magno in populo plerumque usu venit, Franciscus Septala, vir nulla ex parte nostro conferendus, paucorum suffragiis electus est. Urbanus vero Pontifex neutri horum subscribens, tertium delegit, & quidem è numero eorum, qui continuos motus, certamina, & cades fecerant, & urbe pulsi rapinis & latrocinii fines perturbant. Contradiximus, fateor, edicto Pontificio, designatumque Antistitem recusavimus, non ut Majestati vestra derogaremus, sed ne hic sub nomine & potestate Sacerdotii excidium patriae moliretur. An obscurum est, quantum cladis civibus suis, quid dedecoris Romana Ecclesia gens superba & ferox semper intulerit? Nonne cum Actiolino Romano Tyrannorum omnium sevisimo per causam recuperanda patria fœdus & arma junxerunt? eoque occiso Palavicinum sectati, quid non injuriarum & maleficii in suos edidit? Aronam oppidum, Bebbiamque adorti, exulum manum obarmare, multitudinemque latronum finibus inducere conati sunt, unde tamen non sine multorum sanguine & agrorum populatione repulsi, ad auctoritatem vestram confugientes, per Ecclesiasticas execrationes jus Sacerdotii sibi vindicare nituntur. Et is quidem rei divina administrationem sibi deposcit, cui (cum venia dictum sit) conducibilis foret delitescere in occulto, & velut ignarus mysteriorum, peritis se tradere, & quid carimonia, quid Sacerdotes nostri velint, ediscere. Nisi forte illi animos facit uterque parens, qui à recta fide abhorrentes, nihil non opis contulerunt iis, qui disputationibus, & vario certamine veram religionem oppugnabant: aut sororis nuptia, qua homini heretico, & Ecclesia rebelli in matrimonium data est. Tantum abest, ut nostra sacra Otho Vicecomes capebat, ut nemo magis ab hoc ministerio arcendus, & in ultimas terras deportandus existimeatur. An parum nota sunt mala, quae urbs pertulit, cum Ecclesia pravam & seditiosum Antistitem nata est? cui cum incubaret Auxentius vir nefarius, & Ariana haeresos signifer, intolerabilem tyrannidem (ut Divus Hieronymus inquit) tota Italia fides Catholica sustinuit. Longobardi Reges, nisi expulsis Archiepiscopis, quietas res non habuere. Ardericus Cotta, cum morem gerere Hugoni Italia Regi recusaret, miseranda cedi & agrorum populationi materiam praeiit. Quis commode explicaret duorum ejusdem Arderici gentiliū, Landulphi, & Arembaldi Cottarum seditiones, qui per decem & novem annos Sacerdotem & universum Clerum vexaverunt, quo antistitem, quem vellent, constituerent, ut nullum non sacrilegii genus admiserint; nihil impollutum reliquerint; fustibus, gladiisque succincti ab aris & templis celebrantes sacra deurbant; sacro oleo sparso, profanum, quo uterentur, protulerint; denique, pro nefas & inauditum scelus! tres uno tempore Praesules Ecclesia haberet, exulem unum, in carcere alterum, & qui sedem suffocaret, puer imperitus centum patribus illorum imperio prelatum. Quos vero tumultus, quae bella non excitavit Eribertus Antimianus, qui sex & viginti annos in eodem Archiepiscopatu sic vixit, ut & dominium urbis aperte affectaverit, & Germanos Principes, barbarasque nationes, ut cupiditati suae satisfaceret, accersere, & populos praeda exponere non dubitavit? Interest nimium, Pater Beatissime, non tam sacrorum & religionis, quam publicae quietis, qualem Praesulem sortiamur: quo enim se pastor noster inclinaverit, eo imperia & opes steterunt; quinetiam Romano Sacerdoti reliqua Occidentis Ecclesia parere, ubi Mediolanensis succubuit. Quare, Patrum amplissime, te publico nomine, & ex religionis & sacrorum nostrorum utilitate rogamus, atque obtestamur, ut quae ad publicos usus & cultum Christi faciunt, atque in commune conducunt, ea omnia solerter circumspectas, eumque nobis Praesulem des, qui sit miti ingenio, sincera mente, procul ab imperandi, procul ab ulciscendi libidine, urbana tranquillitatis & concordia studiosus, publicam utilitatem amplectatur, & pro communi negotio & salute invigilet.

Sub hæc dicta obmurmuravere Patres, quasi superbius, quam deceret, detestabiles causam Turriani egissent. Tum Otho sic respondit: Nec novum, nec inopinatum mihi est, Summe Sacerdotum, vosque ceteri religionis Principes, à seditiosis hominibus, improbisque Tyrannis ea objici vitia, quæ ipsi patiuntur: qui postea quam aliquo numero in urbe esse coeperunt, illustres familias odio implacabili & pulsos patria cives bello insectari non destiterunt, & nomen omne patritium ex professo perosi, plebem longo & continenti servitio opprimunt. Feras obsecro æquo animo, Pater optime, paulo uberius calamitatem nostram me conqueri, & quanta adversariorum crudelitas fuerit, exponere. Hi non imperare ceteris, & suo nutu urbem regere tantum postulant, sed sanguinem miserorum appetunt, opes, fortunasque sitiunt, funditus perditos, quos semel odere, cupiunt. Cumque nemo à vi & injuria liber, nemo à damno & contumelia tutus foret, spes una miseris reliqua in Sacerdotii reverentia posita est: de cujus jure docte & prudenter adversarius hic noster fecit, quod parce loquutus est; controversiam omnem ad publicam causam & populorum quietem rejecit: ut quod per summam injuriam & Romana Sedis contumeliam occupant, quod adversum decreta duorum Pontificum agunt, id videantur publici commodi & tranquillitatis ergo facere: qui pacis ipsi studiosi, statim ut in me inclinari suffragia videre, facto tumultu, correptis armis, domo & urbe ejecerunt: confugi ad hoc sacratissimum orbis terra Consistorium: data sunt rescripta, ut me Antistitem reciperent; sed vix fines ingressum hostili modo arcent. Fateor amicorum manu succinctus Aronam cepi, non ut detrimenta patriæ inferrem, sed ut quocumque modo in Dicecesi mea constitutus, possessionem mihi designatam assererem. Sed audaces & impii homines, quos nulla reverentia Sacerdotii, nullus Dei metus, nulla Pontificis auctoritas tangit, subito tumultuarium militem contrahunt, oppidum obsident, pastorem operibus & machinis oppugnant. Frustra sæpius auxilium & fidem tuam invocaui, Pater clementissime: nihil Majestas tua, nihil Pontificiale nomen juvare potuit. Cedere furentibus malui, quam committere, ut civium meorum sanguis ex certamine effunderetur. Tam insignem contumeliam & Apostolica Sedis contemptum ne impunitum ferrent, diras in eos praeceptor tuus injecit, ac civitatem omnem sacris interdixit; ut scilicet sacris multati, ad venerationem & obsequium redirent. Sed nihil is profecit. Tu eadem repetisti: quid reveriti sunt? & audent detestabiles in conspectum tuum venire? At, dicet aliquis, adsunt venerabundi, supplices, pacem exposcentes, ad genua procumbunt. Nimirum, Pater Sanctissime, non facturi imperata huc venire: parituros se simulant, cum maxime recusent. Libera populi voces, & acres querimonia eorum, qui sacris carere diutius non possunt, & gravis regni invidia, & rebellionis infamia hac illos facere cogunt. Sed imprudentes homines tantum sibi arrogant, ut Romano Pontifici Sacerdotii potestatem adimant. Praesulem, inquit, des nobis mitis ingenii, sacrorum peritum, & qui partium studio non teneatur. Ecce non erubescunt conditiones proponere, à quibus si defeceris, ad majorem credo Magistratum provocabunt: vecordes sane, & inaudita temeritatis homines velint, nolint, arbitrio Romani Pontificis stabunt; illi obtemperabunt; & cœu perpetuo ac singulari domino servient. Optarem sane, ut sacrosancti hujus loci rationem aliquam habuissent, neque tanta petulantia ejus amplitudinem laxissent. Ausi sunt, me, parentesque meos hæreseos insimulare, quos ipsos prius omni crimine vacare oportuit, qui manifesta contumacia tenentur. Sed finite, quaeso, quietos meorum cineres. Pax sit cum mortuis: parcite manibus: satis enim eos constat pie & religiose decessisse, qui ex ultima voluntate Christiano ritu sacro in loco sepulti sunt: quorum ossa non à profanis, ut vos estis, sed à religiosis viris componuntur. Sororis quoque maritum taxare

A placuit, cujus ego causam longiore oratione non prosequor. Vivit enim, & quidem loco celebri, ut facile quorum hominum fautor sit, & quæ dogmata sequatur, perspicui possit. Objiciunt nobis Aetiolini vires, quem numquam novi; & Uberti Palavicini societatem, cujus ipsi quinquennali militia usi sunt: & post intoleranda damna amicis suis illata, mox plebi Mediolanensi illudentes, nomen & imperium Credentia, quod olim infima turba adversus improborum licentiam comparaverat, cujusque ordinis tanta potestas, auctoritasque fuit, ut bello, paceve id demum ratum foret, quod Credentia jussisset, penitus sustulerunt. Soli Remp. tenent & gubernant. Protector populi nuncupatur, qui patriam nobilitate exhaustam, & plebem juxta circumscriptam opprimit tyrannide insolentissima: quippe minus multo calamitosum plerique duximus exulare, longeque a patria finibus vitam agere, quam libidini & intemperantia eorum parere, apud quos nullum rapinis, ferro & cadibus modum esse videbamus. Nam & quæ Carolo Regi præstitisse se jactant, ea non in Pontificis gratiam facta sunt; sed ut illo socio, amicoque uterentur; ejusque umbra subnixi regnum stabilirent, patriamque omnem per scelus & libidinem lacerarent. Porro quæ immanitas, quæ savitia nuper admissa est, cum ob unius necem ab incerto auctore factam, centum & quatuordecim viri, nihil commeriti, & quorum pars maxima absuerat, uno edito contrucidati sunt, & carris impositi per ora vulgi circumvecti, infandum spectaculum præbuere? Quos tunc gemitus, quas lacrymas, quam lamentabiles querelas tota urbe auditas fuisse creditis? Certe animus meminisse horret. Et tamen funesti homines in medium procedunt, sacerdotium petere, de pace agere, & de concordia civium tam insolenter loqui in hoc amplissimo cœtu audent?

D Non est passus ultro proloqui Othonem unus proscriptorum pone adstans, qui dum atrocissima illa cædes ad sepulchrum Turriani ederetur, crebris confixus vulneribus, morienti similis inter acervos occisorum jacens supervixit, ac munere carnificis servatus evasit: hic conversus ad Pontificem, nomina & numerum interfectorum connumerare coepit, respersam cruore humum, distracta cadavera, & diras insultantium voces repetendo; tantum odii & irarum in Turrianos concitavit, ut de Consistorio abire Legati juberentur. Nec longiori consultatione inter Patres facta, decretum fuit, ut tamdiu sacris interdicta maneret Mediolanensis civitas, dum Pontifici deditio facta, atque in sedem receptus Otho foret. Mox iidem in Concilium revocantur, & cum imperiosius verba facere Pontificem, ac cæteros omnes in se obmurmurare cernerent, ne graviores iram concitarent, imperata Pontificis facturos se dixerunt. Ita de Concilio dimissi, hi ad Carolum, illi Mediolanum rediere.

E Sed Otho non ignarus metu magis, & querelis popularium, quam reverentia religionis confensusse, & proinde tyrannos promissis agre staturos, unum è numero Cardinalium deligi curavit, per quem in patriam & sedem reduceretur. Advenienti Legato occurrit Turrianus cum longo Sacerdotum ordine & civium turba, atque honorifice exceptum in urbem deducit. Postera die vocatis in Concilium primoribus Sacerdotum, Legatus mandata exponit; docetque si parere voluerint, reconciliari statim, & populum ab execrationibus liberari posse. Nihil recusavit Napuleo, & deditioem secundum Legati postulata fecit: Ut res Mediolanensis maneat obnoxia Summo Sacerdoti, ut recipiatur Otho, illique jurisdictio tradatur; ac arces, oppida, agri, quos antecessores sui possederant, ei restituantur: præterea Cæsarum & Pontificum edita confirmari placuit, ut immunitas templorum rata maneat; nec tributa Sacerdotes pendant; neque patria & bonis mulctare liceat: quod si quippiam

detrimenti eis illatum fuerit, id æstimata injuria rependeretur. Conditionibus acceptis urbem ab interdito sacrorum & ignominia detestationum Legatus absolvit. Tunc templa patuere, sacræ ædes populo repletæ, & pro Christiano more frequens opera cærimoniis data. Interea oppidis quoque traditis, præsidia Legatus imponit, ut sub nomine Pontificis ea custodirentur. Reversusque Romam omnia ex voto Othoni confecta renunciat. Qui dum itineri se accingit, & reliqua ineundo Sacerdotio necessaria componit, complusculi dies effluxere.

Interim Conradinus comparatis susceptæ expeditioni necessariis per Tridentinum saltum in Italiam transmissus, Veronæ apud Martinum Scaligerum ejus urbis dominum tres menses substitit, non quidem socordia aut deliciis urbis captus, ut nonnulli Scriptores imprudentia magis quam livore peccantes autumant, sed magis suspensus conspiratione adversariorum quam majorem opinione offendit; ac propterea etiam, quibus amicis se crederet, diligentius scrutaturus.

Cœperat autem dominari Martinus ex quo Actiolinus ex humanis raptus est, primo per speciem administrandæ in annum Præturæ; deinde antequam Magistratu abiret de publico consensu Capitaneus urbis & populi declaratus. Ergo cum ad tria millia Germanorum contraxisset, satis fidens viribus, Januario mense anni octavi & sexagesimi digreditur Verona, ac per Brixianos & Cremonenses ad Adudum profectus, juxta Cavenagum vicum in Laudenses transit. Inde trajecto Lambro, excipiente Papiense, ad ædes Divæ Christinæ pernoctavit: inde in urbem Ticinum summa cum hominum lætitia intromittitur; statimque se ei applicat Ubertus Landus cum exulum Placentinorum manu. Septuaginta numero fuisse nobilitate insignes produntur: atque is Venafri Comitatum jam munere Manfredi concessum, & insuper Murusium oppidum in Apulis sibi curavit conferri.

Tum Conradinus Papia movens pontem Mediolanensem, qui juxta Morimondum exstabat, intercipere tentavit. Sed mature occurrerunt Turriani cum Mediolanensi turba: certaveruntque juxta turrim Alberti Turriani non longe à fossa, cui Ticinelli nomen est. Hic acie succumbens Conradinus magna suorum amissa parte, cum impedimentis ægre Papiam regressus est. Ubi dum itineris ambiguus, quo in Etruriam transiret, varia agit confilia, Genuam diversis è regionibus Oratores applicuere: hi ex Gallia à Ludovico Francorum Rege, illi à Carolo ex Apulis, foedus & amicitiam Ligurum petentes, quibus dum ex varietate sententiarum & ambiguo favore nihil certi responderetur, ecce Conradinus ope Manfredi Carreti, quem supra diximus Aquensi civitate à Marchione Montisferrati spoliatus, ac propterea illi infensus, contraria studia fovebat, per anfractus notos trans Apenninum ductus, ad Vada Sabatia descendit; acceptisque centum delectis militibus ex præsidio filii Ducis Austriæ, qui eum sequebatur, decem Pisanorum triremes, quæ classis mature illi adfuit, inscendit: & velis in altum datis, vi quidem tempestatis in portum Delfinum rejectus, & paucos dies retentus est. Sed tamen absque injuria Pisas mox enavigavit. Austrius ut eum mari creditum vidit, cis Padum reversus, à Papia reliquas copias expedit: & per Placentinos & montana Parmensium superato Apennini jugo, in Lunensem agrum, & inde Pisas traduxit. Ex quo arbitror nonnullos Scriptores existimasse Conradinum ipsum eodem itinere usum juxta Placentiam prætervectum esse. Conjuncti Conradinus & Austrius, vastatis Lucensium agris, Senas petunt. Sed inter Aretium & Fuliginem Præfectus copiarum Caroli, (*Mareschalcum* patria lingua vocant) & Episcopus Florentinus eis

obviam dantur. Ventum ad certamen est vi. Kalendas Julias. Multi ferro, plures calore insueto, sitique confecti cecidere: ad tria millia hominum desiderata fuisse traduntur. Victi Galli Ducem ipsum amiserunt.

Tum à Senense grandi pecunia exacta, Romam, unde Clemens, ne tanto rerum turbini interesset, cesserat, contendunt: ubi Magistratum, quem antiquo magis nomine, quam re, *Senatorem* vocant, agebat Henricus Hispanus Castulonensis Regis frater, Caroli quidem quondam amicus, sed nunc ob defraudatam pecuniam, quam mutuum dederat, hostis factus. Hic comitantibus Proceribus Romanis, honorifice, humaneque Conradinum excipit, & pro officio Augustum Imperatorem consalutat: dehinc in Marfos transeuntem deducit. Adventanti Carolus contractis regni viribus occurrit ad Maxilavim & Vexanum oppida. Et quando in virtute & ferro jus omne ponebatur, Marti rem committit. Pugnatum est non minori vi quam odio; non solum de gloria & imperio, sed & de vita agebatur. Succumbit demum Conradini acies; & desperatis rebus dilapsi sunt varia fuga Duces. Henricus Senator Romanus in propinquum Cœnobium devenit. Quo cum instar asyli tutus ob religionem esse debuisset, Abbas tamen hospitem prodidit, atque ad Carolum misit. Conradinus ipse, Duxque Austriæ, & Calvaneus Comes, ejusque filius Girardinus Pisani, ad Asturam fluvium in Laurenti agro, non longe à Taracina pervenerant, in cujus transitu à domino ejus loci detinentur. Nec ita multo post Præfectus Regiæ classis Robertus Lavenus applicuit, atque triremibus captivos excepit, & Neapolim perduxit ad Carolum.

Quibus sic in potestatem redactis, inauditi in terrarum orbe facinoris deliberatio sumitur. Consilium peritorum Juris vocat Carolus; & quod supplicium inferret, quærit invasori regni, seu quietis perturbatori, & sacrarum ædium prædoni. Cum variæ, ambiguæque sententiae dicerentur; Guido Suzaria, vir præcipuæ doctrinæ ac existimationis, in mitiorem partem inclinatus, docuit; eum nec Læsæ Majestatis argui merito posse, qui avitum regnum quoquo modo repetisset, & ab aliis occupatum vindicare conatus esset; tum quod inclinante fortuna sua digredi prælio maluit, ut simul hominum cædem devitaret: templorum quoque direptiones imputari ei non debere, sed intemperantiæ & licentiæ militari, & improbitati eorum, qui fere sine stipendiis castra sponte sequuntur. Sed apud eundem, & læsum, & Judicem, & in vindictam ardentem non valere elegantia & è media Juris disciplina petita verba. Nec deerant, qui ei assentientes animadverti in reos debere censerent. Sic veluti publico judicio damnatos capitali poenæ addixit. Tenebatur forte ludo latrunculorum (*Scacchos* vulgus vocat) Conradinus, cum ei ultima dies denunciatur. Quo verbo attonitus, projecto ludo Sacerdotem petit, quo cum loquutus ea, quæ ad salutem spiritus pertinent, ad tertium & vigesimum diem Augusti, extra urbem in Amphitheatrum producit; atque ibi novum humanæ fortunæ exemplum atque ludibrium, viduæ parentis reminiscens, *Heu Mater*, inquit, quem mox de me nuntium accipies; & in hac voce inclinans cervicem, carnifici præbuit: quod certe miraculo proximum fuit, æstimantibus toto orbe hominibus, Virum Cæsareum illo Augustali, illo Imperatorio titulo fulgentem, & quod majus est, sanguine procreatum, miserrimi Siccarii morte affectum. Sed eadem mox securi percussi sunt Austriæ Ducis filius, Calvaneus pater, & Girardinus filius Pisani: qui omnes sine honore sepulturæ, ac ne sacro quidem loco hu-

humati sunt. Ita Riccobaldus Ferrariensis ab amico, qui Regis supplicio interfuit, accepisse se refert. Nam postea alter Carolus inædificato templo, atque cœnobio Carmelitanorum professionis sacra terra donari curavit.

Interim navales copiae Conradini auspiciis navigantes in Tiberim primo, deinde in Siciliam penetraverant: erant autem octo & viginti triremes, quæ capto Melatio portu, expositisque in terram militibus, & Gallos magnopere conturbaverunt, & magnam Insulæ partem occuparunt. Et quamquam postea infelix adolescentis Conradini exitus fuerit, & reliqua classis Pisas renavigaverit, in Insula tamen remanserunt Duces clari duo Friderici, unus Castulonensis Regis filius, & alter cognomento Lancea, & Siculorum titulo Capitaneus; item Henricus Comes Vintimilliensis, & Conradus Trechæ, & alter Conradus cognomine Cacapitius.

Interea Beatrice conjuge, per cuius hæreditatem Provinciæ Narbonensis imperium adeptus fuerat Carolus, defuncta, secundas nuptias appetivit, de pactusque Margaritam neptem Ducis Burgundiæ. Ea Octobri mense Mediolanum cum patruo venit; biduumque morati nullum non genus honoris à Turriano accepere. Inter cætera epulum populo exhibitum, mensis palam per trivium & compita expositis. Duo etiam cives Aribertus Marcellinus, & Bocassius Peluccus militari auro donati. Inde Laudem, Placentiamque profecti, Neapolim pergunt. Hoc anno Carmelitanorum fraternitas Mediolani recepta est, constituta ei sede extra portam Comensem.

His sic se habentibus, Clemens Pontifex moritur; & dissensione Patrum extracta successoris creatio est circiter biennium. Ex quo Othoni Vicecomiti Mediolanensis Episcopatus possessionem affectanti novus labor, novaque agitatio orta est. Namque Napuleo temporis occasione usus, promissa abnuvit, & nulla conventa agnoscens, illum patria & finibus arcet. Tunc vaga nobilitas, ne sine Duce dispersa oberaret, opulentum hominem ex gente Burra, atque in gerendis rebus minime ignavum Principem sibi constituit. Squarcinum alii, quidam Francinum vocitant. Eundem Otho arctiori vinculo & privato fœdere devinciendum curat. Erat Burro filia ætate adulta, Bonacosa nomine; Othoni nepos ex Thebaldo fratre, & Anastasia Pirovæna genitus. Matthæus is fuit, qui cum varietate casuum & magnitudine fortunæ, tum prolis gloria gentem Vicecomitem illustravit. Ergo inter hos juvenes matrimonium conciliatur, quo certior quoque animorum conjunctio foret. Erat autem in Matthæo vigor quidam & spiritus privata conditione major, jam inde à nativitate patris diligentia expositus. Natus est enim primo anno Jubilæo, quinquagesimo scilicet supra mille, & ducentum à Christiana dinumeratione, tum insigni ex obitu Friderici Rogerii Cæsaris secundi, nocte diei xv. Augusti: statimque armenta, quæ in stabulis ligata habebantur, effractis vinculis sponte in campos procurrerunt, gravesque & insolitos mugitus edidere: ad cuius rei miraculum cum multi concurrissent, excitus simul pater (nam id in vico Invorio, sive, ut quibusdam placet, Massino finitimis locis contigit) optimam de puero spem concepit, lætusque prodigio diligentius educari curavit. Ipse vero per omne pueritiæ tempus alacris & sui fidens fuit, atque ex sono vocis rugitui proximo, Brugia inter æquales nuncupatus.

Peractis his nuptiis vicinorum auxilia quæruntur. Cum Gulielmo Montisferrati Marchione actum, ut nomen & copias soceri evocaret quam maximas posset; peregrinas enim manus magno usui partibus futuras. Comprobato consilio Gulielmus, & litteras, & nuntios dat ad Ferdinandum Regem Castulonensem, (is enim socer erat) quibus eum

A commodè rogabat. Legationis vero Princeps deligitur Squarcinus Burrus, qui viva voce idem agat, & doceat, quanta commoda genero parari possint vel mediocri præsidio dato, cum propter vicinas opes, tum quod inter se certantes populi ultionis avidi omnia subituri sint, modo acceptas injurias hosti reponant.

Dum in Hispaniam Burrus proficiscitur, Turriani in Vercellensi agro Bosiolam & Rivulam oppida exulum forte receptacula per vim capiunt, ac diruunt. Caroli quoque Apuli auctoritas ex Etruria in Longobardos ampliata; siquidem Parmæ civitati Capitaneum dedit nomine Conradum Montemagnum, qui primus externi generis eum Magistratum cepit. Ibidem tunc Prætor fuit Manfredus Saxolus. Quibus auctoribus pax cum exulibus ejusdem civitatis facta. Tum Burgum Sancti Donnini petiere, ut ibi ex compacto decretum conderent. Nam Ubertus Palavicinus inde cedere coactus est. Cum vero qua potissimum parte locum munirent, quidam ambigerent, & nonnulli totum oppidum una arce cingendum dicerent, fuerunt qui priscorum bellorum & diuturnæ calamitatis reminiscens, delendum potius censerent. Inclinatique omnibus in hanc sententiam operarios adhibere, qui nobile Æmilie oppidum funditus delere, ac ne in posterum renovaretur, decreto fanxere. Palavicinus pulcherrimarum civitatum imperio amisso, tum afflictarum partium mœre confectus, Varanum primo, deinde Gysaligium Placentini oppidum agri se contulit; ubi morbo perit A. C. 1169. Quo etiam tempore Papienses afflictam penitus factionem suam cernentes, ad pacem cum Mediolanensibus inclinavere; concesseruntque, ut quæ pars murorum Viglevani supererat, præter arcem, omnino dirueretur. Mozanica vero oppidum Transadduanum in confinio Cremonensium & Bergomatium, sæpe pravæ hæreseos repressum, & convictum, cum pertinacius errori inhæreret, permittentibus Eustorgianis fratribus, damnatur, & immisso exercitu per vim captum comburitur. Ei dominabatur Ægidius Comes Curtis novæ, qui imperata se facturum respondens, in gratiam receptus est.

Interea in Laudensi res novæ conflata. Overnagi, nobilis familia, quæ per adventum Innocentii Pontificis pulsa fuerat, nunc restituti civilem seditionem suscitavit: ad quam comprimendam missus à Mediolano exercitus, populando agros, quam præliis, infestior civitati fuit: ingruente hieme nulla re alia memorabili edita reducitur.

Cum vero per tempus sequentis anni, qui fuit A. C. septuagesimus supra mille & ducentum, licuit, 1170. E denuo Turrianus agros Laudensem devastavit, evocatisque auxiliis à subjectis civitatibus Novaria & Bergamo, & à sociis Placentia & Cremona, junctis navibus pontem in Addua faciunt, & urbem Laudem obsident, premunt, undique hostilibus modis, & hominum pariter prædæ, & pecorum aguntur. Demum Summariparum factio, quæ tunc patria extorris exulabat, missò Pagano Teriagio Prætoris suo potestatem facit Raymundo Turriano tunc Comensi Episcopo componendi negotium inter se, & Napuleonem, Franciscum, & Carnevarium Turrianum, ac reliquos ex ea cognatione viros, Raymundus vero ad tertium & vigesimum Junii diem pronuntiavit pacem inter eos, & remissis utrinque damnis, mutuum commercium. Item ut Summariparum factio, quæ adhuc intra urbem erat, id ageret, ut Albertus Catafiscus tunc in urbe Prætor, & Bosius Doaria cum exulibus Cremonensibus, & Placentinis, & Mediolanensibus urbe & finibus cederent intra sextum diem: & Prætura urbis deferretur Napuleoni Turriano, qui etiam, quem velit, Vicarium instituat.

His sic constitutis iterum premit urbem Turrianus; & triduo post Kalendas Julias fugatis adversariis, urbe potitur. Ingressus & vulgi favore exceptus Napuleo, dum pranderet, novus tumultus oritur. Overnagi duce Sucio Vistarino arma iterum sumpserunt. Jamque pulsi Summaripæ pene succumbebant; nisi abjecta confestim mensa, Turrianus forum occupasset, atque mature auxilium laborantibus attulisset. Itaque instaurato certamine Franciscus Sucii filius, & triginta duo amplius ex eadem factione cecidere: à cæde ad diripiendas domos discursum. Sucius & alter filius Antonius in Turriani palatium confugerunt, à quo servati Mediolanum, ceu procul ab inimicorum furore, mittuntur. Tunc auctus legione trium millium peditum, qui à Mediolano supervenere, Napuleo liberam urbis potestatem habuit. Et geminas arces, unam, qua Mediolanum versus civitas adspicit; alteram ad portam Regalem exstruxit. Tunc Fisiragam familiam Vistarinae infensam opibus & honore cumulat, atque obedientem in posterum urbem habuit.

Dum hæc in Longobardis aguntur, Francorum Rex Ludovicus expeditionem Africanam suscepit. Et quo majoribus viribus rem gerere videretur, tres filios secum adduxit, Philippum, Petrum, Tristanum; & Alfonso fratrem Pictaviæ, Tolosæque Comitem; ac item generum Navarrorum Regem. Ex portibus Provinciæ Narbonensis solvantes, Sardiniam primo tenuere, inde antiquæ propinquæ Carthagini Timetam petunt. In ea classe fuere quinque & quinquaginta varii generis Genuensium navigia, qui etiam Quætanam oppidum prius quidem à Rege tentatum expugnarunt. Sed cum fere unusquisque cælum alienum ægre ferret, (Libyci maxime graves æstus esse solent Septentrionalibus hominibus) febre Rex & Tristanus filius corripuntur, ac brevi spiritum reddidere. Philippus primogenitus in demortui parentis locum suffectus Rex creatur. Biduo post Carolus patruus ex Apulia adnavigat; & quamvis adventus ejus multum opis favorisque attulerit, cum tamen pene omnia infelicitate succederent, infesta terra discedendum censuere: itaque pace Tunitano Regi data, atque eo nomine exactis centum millibus marchis auri, abeunt. Dum iter molirentur, Edoardus Britannia Insulæ Regis filius, generosi animi juvenis, cum Aimone fratre applicuit. Cum iisdem erat & Henricus Alemannus patruelis filius Ricardi Romanorum Regis electi. Edoardus autem, ut pacem factam audivit, adeo moleste tulit, ut partem Barbaricæ pecuniæ sibi oblatam accipere præ indignatione noluerit. Cæterum simul vela ventis dantes, in Siciliam transfretavere. Dum Drepani naves reficiunt, Rex Navarra ex febre moritur, quem mox sequuta est Philippi uxor Arragonum Regis filia, Cossentia, cum in Italiam trajecisset, equo prolapsa: quorum ossa plumbeis loculamentis condita, dum in patriam referunt, Viterbii, ubi in creando Pontifice contendebant Cardinales, & dum rei Divinæ operam darent, Henricus Ricardi Romanorum Regis filius gladio à Guidone Comite Montisferrati transverberatur. Alfonso vero Pictaviæ Comes cum uxore, quæ filia fuit Comitis Tolosæ, mari domum redeunt, Savonæ intra biduum perire. Sic mirum dictu, quam pauci ex tanto numero domum redierint.

Philippus vero, & Petrus frater, appetente vere anni septuagesimi primi, cum jam Padum trajicerent, Cremonæ à Francisco Turriano, quem quatuor & viginti nobiles Mediolanenses sequebantur, honorifice excepti, Bergomum primo, deinde Mediolanum ducuntur. In cujus introitu Napuleo, præmissis Carrotio milititer instructo, cum nobilissimo civium ordine occurrit, & cum parata quoque staret umbella, ejus honorem Philippus, ob-

A præsentem luctum devitavit. Mox Montisferrati Marchio advolavit, & Philippum equis, armis, veste à Turriano donatum comitatu excepit, & trans Alpes deduxit: atque inde in Hispaniam ad consultandum Ferdinandum socerum Regem Castulonensem proficiscitur.

B Iisdem diebus Cremam oppidum obtinebant nonnulli Cremonenses, qui præstare quiddam patriæ cum tenerentur, nec id observarent, bello petuntur. Turrianus auxilia obsidentibus, vastantibusque agrum præbet. A Junio mense in Septembrem sustentatum negotium est. Tunc septingenti equites à Carolo Rege adjunguntur Brixianis, Mantuanis, Veronenfibus, Placentinis, Cremonensibus, & Manerbium oppidum, quod pariter ab hostibus tenebatur, circumdant. Tunc Mediolanensis Carrotii fama invulgata, deditio maturatur; & reconciliatis animis affinitates & connubia contraxere.

C Per idem tempus Viterbii Principes Religionis post diuturnam & jam pudendam contentionem, cum in neminem ipsorum præsentium convenire possent, in absentem animum coniecere. Thibaldus erat Vicecomes, patria Placentinus, Leodiensis Ecclesiæ Archidiaconus, Syriarum rerum causa, quas Edoardus Britannus tentabat, in Judæam proxima hieme profectus. Hunc igitur eligunt, & mutato nomine Gregorium Decimum appellant. Ad quem salutandum cum multi, & nobiles Principes, & illustres legationes proficiscerentur, Carolus in primis Apulorum Rex enavigavit, & navi sua receptum in Italiam, Romamque perduxit. Et cum multi ad eum visendum confluerent, Vicecomes ipsius Pontificis frater, designatus Mediolani Prætor in proximum annum septuagesimum secundum, substituto in Magistratu Bonifacio Vialata Papiense, Romam contendit. Eodem mox gratulationis causa missi duodecim à Mediolano Oratores, ex nobilioribus electi. Subsequentur pariter D Otho Vicecomes rogavit, ut quod morte antecessoris prohibitum sibi fuerat, id quam primum jussu & auctoritate ipsius consequeretur. Cujus postulata, quamvis Gregorius justa & æqua censeret, tamen exsequi distulit; quia indicto Lugduni Concilio, haud exasperandos Turrianorum animos censebat.

E Interim Majo mense prodigiosa papilionum multitudo apparuit, ex qua dirum quiddam & infausum pertendi cum homines augurarentur, non ita multo post Novariæ Philippus Mussus fraude Guilielmi occisus est. Cujus cædis causa profecti Novariam Napuleo & Franciscus, captos factionis Brusatæ, & Caballatiæ primores Mediolanum relegarunt. Et Franciscus ibi Rector moratus arcem inædificare coepit. Eodem tempore Mediolanum venerunt Montisferrati Marchio, & Legati Caroli Regis viri honestissimi. Quid attulerint egerintve, incertum est. Henricus quoque Sardorum Rex, quem diximus magno Scriptorum errore, ab aliis Entium, ab aliis Rentium, & interim Egentium nominari, in vinculis Bononiæ moritur. Et Mantuæ Guido & Matthæus Corrigii, diu summo Magistratu potiti, à nepote Pinamonte Bonacosa circumventi, regno & opibus dejiciuntur. Pinamonfque ipse factionem Cæsaream professus, & à Verona militaribus copiis acceptis, urbis dominium sibi vindicavit.

F Cæterum mense Martio ineunte anni septuagesimi tertii, Edoardus cum Eleonora conjuge (ea for- A.C. 1272. ror erat Alfonso Castulonensis Regis) reversus ex Syria Neapolim appulit; ubi magnis honoribus à Carolo Rege exceptus, impetrare tamen non potuit, ut Henricus uxoris frater ex sociis Conradini adhuc in vinculis supervivens, amico sibi atque hospitii condonaretur. Ab Neapoli terrestre iter in-

gressus, Bononiæ civilem dissensionem componere, sed frustra, studuit. Jam Cispadanam oram tenentem Franciscus Turrianus Laudæ, & mox Mediolani Napuleo cum maximis honoribus excepere. Ubi triduum moratus Edoardus varia generosi animi documenta præbuit; atque interim narravit, ut olim, nono videlicet ab hinc anno, Insula Britannia Duce Simone Monteforte rebellavit, Regemque Henricum patrem, Edoardum ipsum, Ricardum patrum, & Ricardi filium una conspiratione captos in vincula coniecissent: & ut elapso anno ipse custodes elusisset, manusque hostium evasisset: tum coacto exercitu, implorataque paternorum amicorum opera Simonem debellasset; eoque capitali poena multato, parentem regno, patrum, & patruels liberatos pristinae dignitati restituisset. Et ut novissime in Syria summo discrimine sit pervagatus. Insinuatus illi intima familiaritate erat Barbarus quidam, qui per speciem speculandi, renuntiandique hostium consilia adeo domestice Edoardo utebatur, ut sæpe remotis arbitris solus in cubiculo retineretur. Hic igitur trucidandi ejus consilio capto, super coenam ingreditur; & ceu arcana quædam relaturus, ut ministri cederent, innuit: tum stricto gladio illum appetit. Rex vero, qui naturali vigore egregie valebat, pugno, ut potuit, in tanto discrimine percussit tanta vi, ut illico in terram cadens expiraverit. Famuli ad clamorem, strepitumque excitati, & casum mirati, perfidiamque barbaricam incusantes, Regi vulnus obligant, quod cum haud grave fuerit, brevi cicatricem obduxit. Exacto triduo Edoardus Legnanum oppidum Sepriensi regione non ignobile quarto Kalendas Junias ductus, novo sumptu atque honore à Turrianis afficitur: atque inde superato Ticino trans Alpes abiit.

Proximo Octobri Gregorius Pontifex, Lugdunum petiturus, in Longobardiam venit. Sequebatur Otho Vicecomes spei plenus, tunc demum Sacerdotii sui adipiscendi, ut sæpe Pontifex pollicitus erat. Sed sive jam præoccupatæ à Turriano illius aures forent; sive ita fatum Othonis ferebat, jubetur tantisper circa Padum secedere, dum necessaria alia conficerentur. At, ut æquiori animo abesset, video illi concessas fuisse quasdam terras Ecclesiæ: siquidem cum Cerranæ oppido Derthonensium oberraret, mandatum confecit in fratrem Bartholomæum Ministrum Ordinis Minorum, qui exigeret vectigalia Aronæ, Verganti, Tili, & vallis Saxinæ, quæ sibi nomine Archiepiscopatus Mediolanensis debebantur. Trajicienti Padum Pontifici affuit Raimundus Comensis Episcopus, & Manfredus Turrianus Archipresbyter Mediolanensis cum sexaginta nobilibus civibus, quos singulos octoni, senivequis sedentes viri sequebantur. Ex Laude cum in vicum Boldonum venisset, advoluti genibus, & pedem deosculati sunt Napuleo, & Franciscus Turriani, & Bonifacius Carretus, qui tunc Mediolani Præturam gerebat. Et urbem introducentes, quicquid nobilitatis & religiosi nominis erat, stare longas per vias jusserant. Tum infinita populi multitudo & turba incondita cætera complebat. Non minus spectaculi ex admirando hominum numero Pontifex capiebat, quam ipse ex Majestate sua illis præberet. Vehebatur autem curru arcuato, & per fenestram cuncta videns, manu signa bene omnibus dicentis faciebat. Pone sequebantur decem Ecclesiæ Principes, & Pontificis focii, quos inveterato vocabulo Cardinales dicimus, rubro galero insignes: inter quos Othobonus Flicus Innocentii Quarti nepos; & Bonaventura Bagnaretus ex fraternitate Minorum, ob excellentem Theologiæ peritiam promotus, & Gulielmus, ac Vicedominus ex gente Vicedominorum, quæ inter Nobiles Placentiæ nunc quoque habetur. In adi-

A bus Ambrosianis datum ei hospitium fuit: ubi tres dies moratus, paucissimos in colloquium admisit: tum muneribus ampliter donatus, noctu sine ulla comitatus pompa abiit trans Ticinum, Alpesque superavit. Nec ita multo post Raimundum Turrianum Comensem Episcopum Patriarchatu Aquilejensi donavit. Et Novariæ Brusati, & Caballatii repentina invasione arcem à Turriano conditam hostili manu fossa, valloque circumdederunt. Napuleo, Franciscus, & Cassionus Turriani, necnon Carretus Prætor contracto tumultuario exercitu, eo proficiscuntur. Sed jam adeo validas hostium munitiones offendere, ut penetrare ausi non sint; atque irritum proposito revertentibus, decimo die arx dedita, reliquæ urbis defectionem traxit. Amissa Novaria, Turriani percussorem Othoni Vicecomiti, proposito præmio subornant. Sed ille cognitis insidiis, & quanto in discrimine versaretur animo revolvens, infesto solo cedendum statuit; & Lugdunum proficiscitur.

Interea ineunte anno septuagesimo quarto No-^{A. C.} varienses cum Papiense arma confociant, & con-^{1274.} junctis viribus ditionem Mediolanensem inrumpunt. Pontem in Ticino, qui juxta Turbigum fabricabatur, expugnant: circa accolarum fuga & trepidatio fuit; & Napuleo haud segniter occurrit. Mox intercedentibus amicis pax conciliatur; & dimissi captivi utrinque sunt.

Per quod tempus Mediolanum venit Imperator Constantinopolitanus, & Abbas Cœnobii Montecassinensis Caroli Apulorum Regis Legatus: contractaque inter eos affinitas est, pollicente Carolo filiam infantulam matrimonio nepoti Imperatoris, cum uterque per ætatem contrahere maritalia jura possent. Ejusdem Caroli nepos Roberti Artefii Comitis filius, ex Gallia in Apuliam proficiscens, hic pariter decem super dies sedit, Regiis honoribus decoratus.

D Cæterum Germanorum Imperium, in quo nullus quattuor & viginti annis legitime regnaverat, ad Rodolphum Comitem Havensbergensem eodem tempore delatum est. A quo non multo post Napuleo titulum retulit Vicarii Cæsarei in Longobardis. Tum Raimundus frater mirifica pompa instructus Mediolano digreditur, petiturus Aquilejam amplissimi sui Sacerdotii urbem: sexaginta viri domestico servitio addicti erant: his quinquaginta nobilissimi cives honoris gratia adjunguntur; quos singulos quaterni famuli equis sedentes sequebantur. Præterea sexcenti alii agmen ingens faciebant. Vix eo digressio, cum apud Pontificem rei suæ non deesset Otho, significaretque neque suos in Sedem recipi, neque liberos sibi proventus Sacerdotii relinqui; nova ignominia Turriani afficiuntur, & universa civitas sacris rursus interdicatur. Ex Hispania vero petita auxilia nunc demum comparere coeperunt. Trecenti equites, & novem centum pedites navibus Genuam delati peropportune applicuerunt.

F Cum res novæ in Liguria Caroli auspiciis agitantur, adversus invasores ejus regionis fœdus ineunt Gulielmus Marchio Montisferrati, Genuensium, Astensiumque Oratores, ac item Papiensis. Hispanorum cohors cis Padum traducitur, & Papiæ in hibernis collocatur. Eidem ductor Bonifacius Doaria decernitur. Ad hunc Otho Vicecomes reversus Lugduno, & cæterorum exulum manus confugit. Tunc Mediolani repentinus rumor & susurri increbuerunt, eos brevi in urbem venturos. Confestim Napuleo convocatis amicis, in forum & per compita discursat; quid novi fieret, explorat; armari studiosos sui, & ex villis agrestem turbam acciri jubet. Quorum postero die tanta multitudo comparuit, ut vel hinc quantum vulgo diligeretur Turrianus dignoverit. Nec ita multo post

A. C.
8275.

diem Gulielmo Pusterlæo, Othorino Mandello, & Francisco Canfanonerio dixit. Quos abeuntes ducenti fere alii sequuti sunt. At hi incunte mense Januario anni septuagesimi quinti Novariam profecti, eo reliquos exilii & ærumnarum suarum confortes, & Hispanos ex hibernis accivere: ac subito pontem, quo Ticinus fluvius juxta Galiatum oppidum jungebatur, invadunt, & territis, exturbatisque defensoribus, capiunt, & abrumpunt: tum Galiatum aggrediuntur, cui dum à Turriano submittuntur auxilia per alterum pontem, qui juxta Viglevanum erat, hostes vado fluvium, ut tum forte exilis aqua erat, in citeriorem partem transeunt; aggerem incilis fossæ, quæ Mediolanum defluit, ac maxima emolumenta importat, rescindunt; & late evagati, opulenta cum præda abierunt: ac Pombium oppidum cum arce parvo negotio, cum à paucis custodiretur, capiunt. Inde cum jam signa veris appeterent, Montisferrati Marchio adjungitur; & Viglevanum invadendum statuunt. Cumque ex improvviso accessissent, strepitu & trepidatione omnia compleverunt: ædificiis ignem subjicientes, fugam habitatorum à suburbis, oppidoque in arcem fecere; parumque defuit, quin ea potirentur; sed ab ea impedimento cataraetæ, quæ mature demissa fuit, exclusi, Novariam revertuntur. Cumque iterum eos Ticinum venturos, & agrum Seprium invasuros, pro explorato Turrianus haberet; misit equitatum Mediolanensem, & turmas Gallicas in vicum Caratum: ubi dum negligentius custodias agunt, & nimium securi Baccho indulgent, & totas noctes dormiunt, supervenere hostes paulo ante diluculum, & in eos

A irrumpentes, multos occidunt, alios spoliant, aut captivos vinculis adstringunt, pauci inermes, & semivestiti fugæ viam invenerunt. Audito tumultu, Napuleo confestim adequitavit: sequebatur eum ingens numerus equitum, peditumque: adversarios adhuc ibi cum impeditos præda tum præstolantes auxilia ex Transadduana regione, offenderunt: & tela in eos vibrantes facile incompositos perturbanunt, & universos fere ceperunt. Qui ab clade superfuere, Papiam divertere, atque inde nova manu contracta, agrum Mediolanensem rursus incursant, ac Cassinum usque, qui vicus sexto tantum milliario distat, pervenere. Inde abeuntes cum præda adjunguntur copiis Marchionis Montisferrati, & Cremenis; Viglevanumque invadunt, suburbanisque ædificiis adustis, evanescere.

B Interea sparsa per Italiæ urbes fama reditus Gregorii Pontificis ex Gallia, Raimundus Turrianus, quo honorificentius is Mediolani acciperetur, ab Aquileja rediit. Descendenti vero ab Alpibus Gregorio affuit Otho, instabatque, ut in patriam, & demandatum sibi Sacerdotium reduceretur. Sed neque tunc ex usu & utilitate publica visum Pontifici est id tentare: cum per contumaciam Napuleonis id sine armis & sanguine confici non posse perspiceret. Igitur jussus secedere Bugiellam, quod C Vercellensium oppidum est. Otho turbatus, & mœrens, speque omni deposita recuperandi Sacerdotii, cum sic bis à Pontifice ipso frustratus foret, abiit. Gregorius ipse in urbem ingressus, in ædibus Ambrosianis cohospitatur; perfacilisque tunc aditus fuit quibuscumque cum alloqui cupientibus.

TRISTANI CALCHI,

MEDIOLANENSIS HISTORIOGRAPHI,

HISTORIAE PATRIAE

LIBER XVII.

EPI TOM E.

Sed jam Fortuna Turrianos pertasa Othonem Vicecomitem sequebatur. Nimirum Turrianos Pontificia auctoritatis non semel sprete flagitium ad interitum urgebat. Igitur Otho Arona & Angleria potiri frustra conatus, & clade insuper accepta, omnique spe obtinenda dignitatis disiectus, pulcherrima occasione rei bene gerenda repente erigitur. Napuleonem, & pleraque Turriana capita in vico Decio non magno praesidio septa unius transfuge indicio facile per noctem circumvenit: & aliquibus in ipso conflictu necatis, aliis captis, & Baradellum in custodiam missis, bellum prope confectum est. His enim Mediolani cognitis, adeo cum Fortuna favor populi conspiravit, ut Turrianorum ades populari tumultu direpta sint; & Oratores ad Othonem missi, qui victoriam gratularentur, urbemque dederent. Qui suis, ut ne ultra bellum, ac victoriam savirent, alloquio persuasis, Pontificio insignis cultu Mediolanum, aedque Ambrosianas ingreditur: sacrisque operatus, ac de pace praefatus, tandem in Pratorio Principatu civitatis Episcopum induit: & magistratus pro arbitratu constituit, eorum temporibus ad semestre contractis, ne fides diuturnitate corrumpetur. Dies, quæ Deciana illi nocti illuxit S. Agnetis memoriam Vicecomitum generi religiosissimam fecit. Turriano-

E rum reliquia, quæ Mediolano profugerant, Laude, Cremonaque exclusæ, Parma & Verona in potentium amicorum clientela aliquandiu quiescunt: tum evocatis ex Germania auxiliis, & accito Raymundo Aquilejensi Antistite cum valida militum manu, Laudensibus, ac Cremonensibus denuo nobis insensibus adjuncti bellum renovant: & Crema, aliisque compluribus oppidis recuperatis, agrorumque vastatione Othonem adeo vexant, Gulielmum à Monteferrato, delato stipendio, atque urbis principatu, evocare cogatur. Dumque ad faciliorem Laudæ obsidionem Gorgonzola sedens Adduam avertere in Lambrium molitur, à Turrianis occupatus, non modica clade accepta, in latebris salutem invenit. Napuleone in custodia defuncto, Gulielmus pacem inter Vicecomites, Turrianosque conciliat: sed ea inter dissidentes adeo voluntates diu vigere non potuit. Igitur eductis copiis, Tricium, totamque Fulcheriam, adjuvantibus Triviliensibus, ob eam rem civitate donatis, in potestatem redigit: deinde Incinum Turrianorum perfugium funditus excindit: tum ad Gorgonzolam ingenti praelio Raymundum debellat, totisque Longobardorum finibus exigit: demum ex Hispania cum auxiliis reversus, dum Laudenses obsidione premit, submissis amularum circa urbium praesidiis submotus, pacem ea conditione firmat, ut inde Turriani, Mediolano exulenti Vistarini. Sed

cuna

cum nostris ac foederatorum copiis egregie instructus in acie staret adversus Transaduanas civitates; & in urbe magistratus pro arbitratu decerneret; novaque insuper in Comenses dominatione actus esset, Othoni aliisque Nobilibus suspecta admodum ejus cepit esse potentia. Pace igitur clam illo cum hostibus facta, cum indignans ob id Gulielmus urbe cesseret; & bellica Matthaei Vicecomitis virtus in recenti adversus Comenses expeditione comperita esset, ejus quoque Vicarium Pratura atque urbe depulere per idem fere tempus, quo Gallicum nomen Siculo Vespere Insula tota disunctum est. Mox evocatis ex Germania auxiliis ad Derthonam & Castellatium cum Gulielmo pugnatur varia utrinque fortuna: multoque acrius ad Seprium cum Turrianis ac Comensibus una cum Gulielmo adversus Othonem conjuratis: quo bello abdicato Carrotio vexillum album rubra notatum cruce ceptum est usurpari. Pace demum Comensibus data, Turriani finibus cedunt: Otho Seprio oppido res novas molientibus obnoxio radicitus exstirpato, in invidiam ac suspicionem nimiae dominationis venit: cui amovendae duodecim populares in consilium, partemque dominationis adhibet; simul ad securitatem imperii Turrianorum studiosos in exilium agit. Inde ad conformandos Cle-
ricorum mores convertitur.



Quintus nuncupatus fuit. Is Carolum à belli studiis in Genuenses suscepti avertit, ac pacis contrahendae auctor fuit: sed haud longiorem illi vitam fata concessere: nono Kal. Julias Romae moriens, successorem habuit Othobonum Fliscum, qui Adriani Quinti nomine inscriptus, quinque dies supra mensem non vidit. Ergo ad Petrum Hispanum (è Lusitania hic oriundus erat) res deferitur: Joannemque vocant inter Pontifices hujus nominis primum & vigesimum.

Per quod tempus Locarnas, jubente Napuleone, Francisco vero fratre multum repugnante, è carceribus, quibus jam duodecimum consenuerat annum, dimittitur, exacto palam jurejurando, ipsum rem semper, & fidem Turrianorum culturum: missusque est Comum, ut eam urbem, in qua non exiguae auctoritatis erat, in societatem & foedus adduceret: sed is diuturnae injuriae ultor, & partium memor, contraria omnia curavit. Comensium animis sibi conciliatis, arcana consilia cum Othone Vicecomite init, pactus Capitaneatum Mediolani in triennium, ubi recuperata civitas foret. Ejus autem magistratus stipendium annuum erat duodecim millium librarum monetæ minutioris, cujus nummos *Tertiolos* vocant. Tum Manfredus Langusculus, qui opibus & clientelis Papiæ plurimum poterat, convenitur; & majoribus promissis oneratus, futuræ societatis Prætor declaratur. Ita sensim copias & vires circa Verbanum lacum contrahunt: Aronam & Angleriam denuo obsedere: sed constantia oppidanorum aliquandiu sustentatæ, mox prælio commisso debellantur, ac cæso Langusculo fugantur: capti quoque fuere duo & viginti ex primoribus Patriciorum Mediolanensium, in quibus Tibaldus Vicecomes Othonis Archiepiscopi frater fuit: quos uno decreto Gallarati oppido capite mulctatos ferunt: qui à clade superfu-
erunt, Vercellas se recipiunt, atque Othonem,

A ob fortunam toties improspere tentatam de summa rerum desperantem offendunt: tum verbis solati, neque cedendum adversis, neque cessandum ab earum rerum præparatione, quibus tot malis fracti in melius tandem erigantur; & nefaria amentia illorum, qui sacerdotis jura occupant, aliquando comprimatur: sic olim viros Romanos, quamvis multis cladibus attritos, ac exercitibus ipsis deletis, numquam inflexisse animos, aut pacem ab hoste petiisse. Confirmatus ea oratione Otho: *Ego equidem, inquit, is non sum, qui pericula detrectem.*
B Nam pro sacerdotio & patria recuperanda vel emori possum. Aderat Rizardus Langusculus Manfredino opibus & dignitate proximus: hunc quia ad eum quoque accepta injuria pertinebat, ac proinde acriorem vindicem fore existimabant, Rectorem societatis creant, & Præturam urbis perpetuam pollicentur, cujus tunc annum stipendium erat librarum decem millium.

His sic constitutis, cæterisque, quæ ad bellum necessaria videbantur, ex integro comparatis, men-
A. C. se Januario anni septuagesimi septimi per Novariensem agrum in Sepriensem effunduntur, adjectisque Comensium auxiliis, Seregnum, Caratumque oppida occupant. Cum omnia novo motu plena, & fugam ex agris undique fieri Napuleo audivisset, quantum in re subita potest virium contrahit; Fratres & alios Turrianæ cognationis Principes præire jubet, qui interim amicos confirmarent; ipseque cum Prætoris urbis, qui tunc fuit Pontius Amatus Cremonensis, subsequitur: haud amplius septingentis equis in promptu tunc habuere; cum quibus Decium vicum, qui Carato, Seregnoque confinis est, se omnes contulerunt. Simul Canturium mittunt, qui Cassonum Napuleonis filium (is alio nomine Ubertus vocabatur) & Gottofredum Turrianum, qui triennio ab hinc Præturam Patavinam gesserat, ibi cum septingentis aliis equitibus hiemantes, in auxilium vocarent. Ab urbe autem urbana multitudo postero die affutura Carrotium instruebat: sed tunc sua ipsos fata urgebant. Elapsus transfuga Deciensis Othonem monuit, paucissimos milites in vico suo hospitatos esse: adesse vero capita ipsa Turrianorum, ceu pisces in nassa inclusos, numquam opportuniorem datam occasionem rei bene gerendæ, si viri sint, & hac fortuna uti sciant: haud cunctatus Otho, Principes exercitus statim vocat, & quo sita res loco foret, docet. Consistentibus omnibus utendum commoditate, arma intempesta nocte capiunt; Decium profecti ædificia omnia circundant; alii faces, & tela injicientes tumultum excitant. Jam clamor & strepitus undique fieri, hospites in domibus cædi, alii equis, armisque spoliari, alii jam expediti prælium capeßere: jamque cuncta atroci miscebantur certamine, cum Franciscus Turrianus apprehendenti equum suum militi brachium amputavit: moxque ipse, & Andrejetus consanguineus, ac Pontius Prætor multis affecti vulneribus cecidere: cæteri vero inditis vinculis capti fuere. Napuleo ipse, Carnevarius frater, (alii Cavernam vocant) Conradus agnomento Musca, Napuleonis filius, & Guido Francisci ibidem capti; tum Herrecus, & Lombardus cognationis Turrianæ, qui omnes in potestatem Comensium devenere; & Comum ducti in arce Baradelli custodiendi locantur. Captis Ducibus, in quibus tota vis belli pendeat, facile fuit reliquæ multitudinis curam dissimulare: adeptis armis, equisque, dimissi cives sunt.

F Perlata Mediolanum fama rei gestæ, statim concursus est ad ædes Turrianorum, ac tumultu populari direptæ, spoliataque sunt: sic jam cum fortuna favor hominum mutatus erat. Cassonus & Gottofredus ex fuga suorum rem male actam audientes, sed haud ita gravem jacturam existimantes, Mediolanum

lanum decurrunt, & quamquam in ipso limine prohibere ingressu urbis quidam sunt conati, vi tamen facta penetrarunt: ad domos paternas cum pervenissent, ac eas vacuas & desertas offendissent, moesti in forum pergunt, aliasque urbis regiones discursant, voce, tubaque studiosos partium suarum vocantes: sed perpauca audientibus cognoverunt, quo res suae decidissent; ac jam parum tutam moram suam in urbe existimantes, porta Romana egressi Laudem versus abeunt.

Eodem tempore Oratores ex urbe ad Othonem proficiscuntur gratulaturi victoriam, petiturique veniam populo multis calamitatibus afflicto, & qui non tam sponte sua, quam paucorum contumacia in eum peccasset; simul significaturi, patere illi, quandocumque vellet, liberum in urbem reditum. Ad ea Otho pauca de lenitate sua loquutus, quo minore in metu illos relinqueret, qui adversariorum arma secuti fuerant; consolatur supplices, speque futurorum recreat; placere sibi vocem illius, qui dicebat sanguini civium parcendum esse, & ultra victoriam minime favendum, tantumque fringendos gladios, vibrandaque tela, dum in acie ferox staret hostis: eo abjecto, & colla submittente, quid amplius Sacerdotes in primis volumus, quam confessionem veteris adagii: *Divinam iram ad sui vindictam eo graviore supplicio, quo lentiori gradu, solere procedere.* Quare scirent omnes partam esse cunctis pacem. Ab hoc sermone laeti & plaudentes Legati optimam & vere religiosam Praesulis voluntatem collaudant; & domum reversi, pacata, feliciaque omnia renunciant, necessaria expediri curant: ut Otho pro reverentia Religionis & dignitate reciperetur: atque is interim, priusquam viam ingrederetur, ut suorum animos ab impetu & ira temperaret, sic eos allocutus est: *Quotiens exilium grave, & diuturnas arumnas, gesta cum civibus bella, acceptas subinde clades, & continuata damnis damna, unam hanc pugnam, qua novissime debellati hostes sunt, intueor; hoc certius affirmare soleo; Omnipotentem & omnia videntem Deum ab iis semper stare, qui mitiore viventes ingenio, iustiora arma tractant. De Imperio, pro recuperanda patria, bonisque certavimus, & tandem vicimus: debellatus jacet hostis, veniamque petit, aut certe longe finibus cedit. Quid volumus ultra, nisi ut partis fruamur humanitatis memores, ac mansuetudinis illius participes, qua docemur à crudelitatibus recedere, injurias & crimina vindicanda Deo relinquere. Quis credet, post dura & calamitosa exilia, post tot cohortes casas, spoliata castra, rem totiens male gestam iniquissimo anni tempore, praeter omnem spem, atque opinionem, unius noctis eventu nos patriam, opes, dignitatem recuperasse; atque hostem uno, ut ajunt, alea jactu ita superavisse, ut nec plus quidem poenarum ab eo expetere possimus, quam ut vivens spectet, quod maxime nollit: nos victores rerum dominos, tanto majori benevolentia, quanto equiori jure eadem in civitate vivere. Certe id non sapientia nostra, aut constantia animi, militumve virtute, sed divino nutu, ac beneficio effectum est. Ille superbiam, scelera, rapinas adversariorum, nostrorumque mortes ultus est, qui ex alto mentes nostras respicit. Eidem ergo, & afflictæ patriæ injurias, & vindictæ cupidinem condonantes, ingrediamur urbem laeti, & ovariantes, conditis gladiis mites, & incruenti, & nihil in perniciem cuiusquam molientes, auspiciūque perpetuae pacis & futurae tranquillitatis hinc faciamus. Spectet nos secunda civitas, nec secus, quam deceat, Pastorem suum accipiat.*

Ab hac oratione laeti omnes, & jucundi acclamare, prudenter, sapienterque hæc monita esse, & libenter facturos, quæ suaderentur. Tunc Otho ex religionis more ac ritu mitram & pallium induit, & antecedente aurca Cruce, pastoralique li-

A tuo Mediolanum versus ire coepit. Universa protinus effunditur civitas. Sacerdotes primi generatim pro habitu psalmos & hymnos canebant Deo. Tum cives olivarum ramos, & paciferam frondem gestantes incedebant, alii herbis terram sternebant, procumbentesque humi, venientem Praefulem salutabant. Sic urbem ingressus primo in aede Ambrosiana, thure frequentibus aris succenso, grates Deo egit, & suscepta vota persolvit. Cæterisque ineundo Sacerdotio ex more majorum peractis, versus ad populum: *Hodie, inquit, pacem vobis & longi certaminis finem attuli: jam quies cadibus, injuriisque erit. Quare nunc vos invicem reconciliemini; abhorrete praeteritorum malorum memoriam; operam date, ut animi in unum coalescant; opes concordia & mutuis beneficiis augeantur, quæ disidio nimio pessum vivere; & posthac sibi nemo metuat; nemo alteri fraudem moliatur, aut de urbis statu sollicitus, aliud, quam quod sua rei & commodo privato conducatur, curet.* Deinde in Prætorium transivit, ubi admissis primoribus civium, idem, qui sacrorum Praeses erat, urbis Dominus constituitur. Prætura Rizardo Langusco, Capitaneatus populi Simoni Locarnati, Praefectura portæ Romanæ Gulielmo Burro demandatur. Dies ipsa, qua debellato Turriano, lætiora omnia evenere, cum alioquin annua memoria D. Agnetis sancta, religiosaque esset (fuit enim duodecimo Kal. Februarii) in perpetuum ob rem bene gestam consecrata est; indictumque ne Prætor jus ea dicat, nec lege quisquam agat, & ab omni munere publico, privatoque opere populus abstineat. Honoribus quoque affecti sunt, qui relictis adversariis statim in partes transivere. Tres omnino familiae veteres in Curiam tunc electæ feruntur, Mirabiles, Marcellini, Castani.

Cæterum adversæ Turrianorum pugnae fama ad finitimas urbes, populosque statim pervolavit; & cum fortuna favor hominum est mutatus. Quare & reliquiis eorum Cassono, Gottofredoque ex fuga salutem, suppetiaque quærentibus, clausæ fuerunt urbes Laus & Cremona. Parmæ demum confugium patuit, jure, credo, veteris hospitii, & affinitatis cum præpotenti familia contractæ: nam Bartholomæus vir in Turriana gente præclarus uxorem duxerat Franciscam Guccioli Rubei prædivitis filiam, cum qua, & liberis, magnaque amicorum caterva is cedens patria, Veronam se contulit, atque ibi coemptis domo & prædiis, larem sibi, posterisque suis constituit. Eosdem secuta gens Madia Brixiae constitit, è quibus senior quidam solebat quotannis infelicitis prælii diem contumeliosis verbis excipere, & semper aliquid operis manu agere, non quidem lucri captandi, quo minime indigebat, causa; sed in Divæ Agnetis ignominiam adeo, ut, cum cætera deessent, lateres inertes, & jacentia domi saxa ex uno angulo in alterum, nulla necessitate impulsus, deportare se diceret.

Eodem anno, & Joannes Pontifex novo genere mortis Viterbii obiit, pressus videlicet ruina domus; & Martinus Scaliger conspiratione Scaramellorum & Pigotiorum octavo Kal. Novembris interfectus est; sicuti & octo supra annis Rocha frater Villæfrancæ fraude oppidanorum interceptus fuerat. Cæterum Mastini cæde non tam dominata civitas, ut forte conspirati cogitaverant, liberata est; quam domini persona mutata: namque statim Albertus frater Capitaneus declaratus, Imperium excepit, parricidasque male mulctavit.

Interea Mediolani Otho negotia publica paulatim ad arbitrium componens, Magistratuum tempora contrahi curavit. Prætura in primis, quæ annua esse consueverat, semestris facta est; & eo spatio evoluta Langusci auctoritas circumscripta est, atque in Magistratu Albertus Fontana subrogatus continuavit in sequentem annum octavum & septuaginta.

septuagesimum. Per quod tempus, quamvis Otho in conciliandis finitimis, augendisque amicis plurimum eniteretur, tamen Turriani non cessabant populorum animos sollicitare adeo, ut in Incinati praefectura, non longe ab Eupili lacu arx Montorphani in eorum fide perseveraret, nec parum spei turbandae rursus civitatis praeberet. Ceterum pax cum Laudensibus durabat: tamen seu suffragante Othone, seu adjuvantibus aliis, qui in administranda Rep. pollebant, Overnagi & Summaripae exules Castellum Barganum occuparunt. Id de publico Mediolanensium consilio, ac propterea contra foedus factum existimantes Laudenses cives, continuo Cassionum Turrianum, qui non longe à Cremonensibus amicos congregaverat, & Germanos milites conduxerat, advocant; eoque intra urbem recepto, penitus ab amicitia & foedere deficiunt. Otho haud contemnendam tam propinqua urbis rebellionem ratus, quantum potest copiarum ab amicis implorat, & quo omnes convenirent, Albertum Praetorem cum Carrotio Laudem veterem praemittit, eique mox conjunguntur, Papiensium, Novariensiumque, Vercellensium, & Comensium auxilia; qui quidem rapinis, & populando agros satis detrimenti finitimis attulere: sed mox inter se jurgiis & seditionibus certantes, rem rursus in periculo constituere: siquidem dilapsis plurimis, exercitus adeo imminutus est, ut satius visum fuerit Carrotium reducere, quam congressum hostium expectare. Nec ita multo post supervenit ab Aquileja Raimundus Antistes cum equitatu trecentum Lancearum, quos multi Sagittarii comitabantur: collegerat hos ex Histria, Illyricianisque populis magnus Sacerdos, & plurimae apud illos opinionis. Qui dum ab itinere reficiuntur, conveniunt eodem consortes exilii, & qui ambigua fide alteram fortunam praestolantes, haecenus dissimulaverant. Barganumque aggressi praelio, recuperant: inde excursions in agrum hostium factae, praeda ingens acta; ac igni & ferro multa foedata; pons quoque Adduae interruptitur: inde Mediolanum versus excurrentes ad sextum usque, septimumve milliarium praedabundi pervenere. Mittitur ab urbe ad eos compescendos exercitus, acieque pugnatur: acuebat indignationem Turriano amissarum rerum dedecus, & detrimentum. Quare acriter urgendo hostem loco pellit; tum fundit & fugat: caedes non mediocris edita; capti non pauci Mediolanensium, & supra centum è nobilibus, nominatimque Mutius, & Theodatus Sorefinates, Gaspar Vicecomes, Antefossa Marcellinus, Romus Raudensis, & ex Landrianis, Lampugnanis, Littis, Carnisiis, Prealonis, Pontiorolis, & à Cruce cognomen habentibus. Ea victoria potiti Turriani, Adduam versus se recepere, Cassianumque & Tricium, & Vaprium, Montemque Briantiae, ad Incinates usque in potestatem redegere. Tum ultra Adduam Bregnanum, Trivilium, Caravagium, & quae alia armis Vicecomitum tenebantur, expugnata. Crema quoque per vim capta, supposito aedificiis igne, crematur. Inde propius Mediolanum processere, atque Ticinensis portae suburbis insultantes, cum neque ad pugnam, neque ad tumultum pellicere oppidanos possent, trans Adduam rediere. Hoste paulo longius remoto, respicavit aliquantulum Otho, & Cassianum profectus opulento potitur oppido: sed dum pontem restituere parat, tanta multitudo supervenit adversarii, ut relicto opere, Mediolanum refugerit. Turrianus haud longius descutus arcem praesidio firmat, & agros circa populatur.

Cumque sic in summo discrimine res versaretur, Otho ad peregrinum auxilium mentem erexit, atque ad veterem amicum Gulielmum Marchionem Montisferrati misit, qui pollicerentur supremam

A urbis administrationem, & perpetuum quinquenni stipendium, cujus annua summa foret viginti millium librarum monetæ. Is accepta conditione Papiam primo, deinde Mediolanum per Augustum mensem venit, tercentumque lancearum equitatum adduxit: exceptus magna gratulatione, & plausu populi, in Forum pervenit. Hic Jacobus Moguntiacus inter Jureconsultos facundia pollens, aptam rei, temporisque orationem habuit, & cum Capitaneum, & dominum urbis appellavit. Tum jurejurando Gulielmus affirmavit, se ex fide, curaue diligenter acturum, quidquid è Rep. fore perspiceret: inde in aedes Ambrosianas diversatus est.

B In hac lætitia aliquid triste accidit, & moestum: Gulielmus Pusterlaus opibus & dignitate inter cives clarus, honoris gratia adventanti Marchioni obviam iverat: juxta quem dum incedit, in urbis introitu casu equi crura confregit: ex cujus obitu publicum pene luctum civitas egit.

Auctus Otho magno nomine ac praesidio bellum Laudensi infert. Praemissum Carrotium tuebantur Rainerius Zenus Venetus, qui proximis Kal. Juliis Praetoram Mediolani iniverat, & Simon Locarnas: quibus paulo post conjuncti sunt Zanonus Beccaria Papiensium Praetor, & Gulielmus Preda, & Comensis manus: Laudemque veterem petiere, nec longe distantes vicos Fossimaltum, Mombriorem, & Barganum recipere. Quorum locorum arces simul & vicinum Lambri pontem adurunt, & demoluntur, diffusi ea se tueri posse; cum in auxilium adversariorum venire audivissent longe numero superiorem à Cremona, Parmaque hominum multitudinem. Itaque illis relictis, & nullo impetu expectato, integri Mediolanum redeunt. Tum Otho arduum & perdifficile opus aggreditur, divertendi Adduam in Lambrum, quo fictiore illius alveo Laudem facilius obsideret; fossoreque & operarios praemisit cum exercitu, qui opus agentes ab impetu hostium tutos praestaret: cum his Zenus Praetor cum equitatu Meltium proficiscitur. Circiter triginta dies sine ullo effectu praeteriere: moxque Otho ipse, ut praesentia sua rem urgeret, Gorgonzolam pertendit. Id Turrianus ut sensit, parem sibi oblatam occasionem existimavit rei bene gerendae, qualem adversarii ad Decium habuerant, & exitum minimo minus similem habuit. Nam quantas maximas potuit copias ab Laude ducens, noctu Gorgonzolam petiit, & subitaneo impetu facto, pluribus simul locis supponi ignem curavit; quo turbati magis hostes, quid caverent, nescirent. Ita undique inexpectato clamore, & tumultu orto, inter flammam & tela militaris omnis turba, quae Othonem secuta fuerat, & inquilini fere omnes trucidati sunt. Philippus Pusterlaus in certamine cecidit. Otho sui sollicitus inter trepidantes elapsus, delituit in turri aediculæ, quam excutere adversarii, cum caetera aedificia ambusta forent, non curarunt. Itaque cum reliqua praeda & magno numero captivorum, inter quos quinquaginta Novarienses fuere, Laudem rediit.

E Otho postero die incolumis Mediolani comparuit; & quoniam Marchio Montisferrati paulo ante domum abierat, indignatus praefinitum sibi, ceu mercenario, esse stipendium; neque absolutam, sed temporariam urbis Praefecturam esse traditam, rursus Otho ejus opem implorandam decrevit: missoque Bonifacio Pusterlao Abbate Cœnobii Celsiani, qui quamvis conditionem offerret, conduxit. Ingenti spe allectus Gulielmus iterum, & quidem hieme pergelida Mediolanum venit; sed prodire in castra, aut quidquam agere in publicam utilitatem noluit, nisi libera rerum potestate sibi permessa. Duodecim dies absumpti sunt altercationibus multorum, quibus tantum arbitrii peregrino & potenti permittendum non videbatur.

Demum in decennium dominus sine exceptione Gulielmus pronuntiatur. Iſque ſtatim, ut in commune conſuleret, ad Raimundum & alios Turrianos miſit, qui docerent, quantum auctoritatis ſibi tributum foret; in manu ſua belli paciſque jura eſſe; ſi velint injuriarum oblivifci, & controverſias ex æquo componere, id ſe arbitro facile conſequi poſſe.

Hæc dum aguntur, Napuleo Turriani nominis maximus, in arce Baradelli mœrore confectus moritur: quidam ſcripſere ſqualore & illuvie maceratum corpus, natis ſubinde pediculis, foediſſime abſumptum; nec ceſſaſſe in morte eorum iram, quibus in dominatu is ſuperbe, crudeliterque imperaviſſet; ac de carcere pedibus tractum, more ſilveſtris belluæ ſine ullo honore in proximo nemore, quia nondum fortaſſe expiatus à Pontificio interdicto fuerat, ſepultum. Alii, quibus explorata magis res fuiſſe videtur, tradunt, eum teſtamento mandaſſe, ut indutus habitu Fratrum D. Franciſci in eorum templo ſepeliretur: ſed jubente Joanne Epifcopo Comenſe, humatum eſſe in propinqua arci ædícula, cui S. Nicolai titulus nunc quoque manet; & illum biennio inconfum prolixitate barbæ venerandum fuiſſe.

Cum nihil pacati à Raimundo reſponderetur, Marchio, & Henricus Prætor (is genere Papienſis, è gente Comitum Laomelli erat) pridie Kal. Januarias incuntis anni ſeptuageſimi noni cum exercitu Moguntiam petiit: ibi octiduum explorandis conſiliis hoſtium, qui Vicomercato occupato, haud longius quinque millibus diſtabant, abſumpſit, eorumque viribus ſatis perſpectis, Tricium tentat: id fruſtra cum adiſſet, Vaprium aggreditur. Ibi multis ſuorum ſæpe pugnando amiſſis, hæſitabat Marchio, quid conſilii caperet; demum rumor increbuit, deſtitutum ab hoſte oppidum, & ſine mora vallum conſcendendum: id temere creditum. Quare ſubiſſe ferocientes, & parum cauti: moxque repugnantibus acriter deſenſoribus, detruduntur ab aggere, quem jam conſcenderant, & multis ſauciatis plures interfecti ſunt. Ea quoque ſpe fruſtratus Marchio receptui canit, & juxta Tricium pontem reficit.

Interim à Bergomenſi civitate duo Oratores venerè Beltramus Græcus, & Albertus Rivola de pace acturi, obtinueruntque, ut ejus arbiter Marchio foret. Ergo induciæ die celebri S. Agnetis publicantur. Quibus feriante ferro, abſtinentes ab injuriis milites ad utraque caſtra ſæpe commeavere, enixumque ſtudium erga veteres Dominos turba declaravit. Quo perſpecto Marchio faceſſere illos trans Adduam juſſit, & vacua relinquere oppida, quæ citra flumen tenebant. Quod cum obedienter feciſſent, non ita multo poſt conceſſit eiſdem, ut Mediolanum ſine metu fraudis venirent: convenereque Melegnanum Marchio, Raimundus, Caſſonus, Gottofredus, Salvinus, & Avonus Turriani, & Conradus Caſtillioneus præcipuè tunc inter cives auctoritatis. Habito colloquio decrevit Marchio, quamvis invitis, & multum repugnantibus Vicecomitibus, Puſterlæis, Soreſinatibus, Mandellis, atque Cribellis, ut quidquid hinc inde acceptum injuriarum foret, pars utraque remitteret; captivos gratis liberaret; erepta bona, agros, reſque moventes, quæ comparerent Vicecomes, ſociique, Turrianis reſtituerent; arces & oppida communes amici cuſtodirent; exules omnes in patriam redirent: ſoli Comenſes negabant eos, quos in arce Baradelli habebant, diſmiſſuros: & Laudeneſes pacem cum Papienſe inivere. Cum ſic quies haberetur, Beatrix Hiſpana Marchionis uxor Mediolanum gratia viſendæ urbis nobiliſſimæ, & in qua vir plurimum dignitatis haberet, venit. Et Kalendis Juliis Lotharius Ruſea Præturam,

A Capitaneatum vero Populi Joannes Pozius inivere.

Sed haud diu ea pax manſit: exulceratis odio animis infida omnia, & plena infidiarum apparebant. Laudem Turriani ſe receperant: quam urbem cum obſidere pararent Mediolanenſes, illi citato agmine eam regionem petiere, qua minime exſpectabantur, Ticini videlicet ripam, qua Abiatum Graſſum opulens eſt, & finitimos vicos Albairatum, Mazentamque prædantur; & cum multos alios ab impetu & ira occiderint, ſignanter nobilis unus Gulielmus Puſterlæus trucidatus eſt. Marchio autem Adduam verſus ducens, Tricium invaſit, & per vim cepit. Inde trajecto flumine faventibus Trivilienſibus, univerſa ea terrarum pars recuperata eſt, quæ Serio Bergomatum amne terminata, uſitato tunc vocabulo Fulcheria inſula nuncupabatur. Et quia id merito Trivilienſium ſucceſſiſſe viſum eſt, eis tunc Mediolanenſis civitatis jus donatum eſt, decretumque, ut eadem immunitate, qua ci-ves ipſi, uterentur. Marchionis proſperitate conterriti Turriani, Marchionem adeunt, violata fœdera conqueruntur, atque iniquum & indignum eſſe docent, ſe ſub ejus verbo, fideque eſſe circumventos. Is autem, qui affectis rebus nullum remedium videret, & importune urgeri ſe cognoceret:

C Fateor, inquit, nec inſiciari poſſum, me pacis veſtræ conditiones poſuiſſe: ſed nunc vos quarite Prætozem, qui obſervari promiſſa faciat. Hac veluti ſpontanea ipſius perfidia non pauci abalienati ſunt; & ſibi timentes iis locis ſe continuere, in quibus munitione ædificii, aut amicorum præſidio tutos ſe exiſtimarent. Quorum novitate læſus Marchio convivium parat, iram omnem diſſimulat & amicos ſimul, & eos, qui dubiæ fidei videbantur, invitat: ſuſpectæ fuerunt quibuſdam epulæ, & inſolita manſuetudo. Duo in primis, qui haud dubiè perniciem parari ſibi crediderunt, eaſque inſidias quaſi exploratas habebant, Conradus Caſtillioneus & Ubertus Incinas, ſic evitaverunt, ut amplius in urbe eſſe noluerint. Caſtillioneus Laudem, Incinas in oppidum ſui nominis proſectus, eodem recepit Gottofredum Turrianum, qui quingentorum militum agmen trahebat: & factis utrinque populationibus, vaſtationibus agrorum, atrox ruſſus & diu anceps bellum exarſit. Otho quantam conflare potuit pecuniam, conſcribendo militi dedit, Caſtrum Incini ante omnia impugnandum ſtatuit, idque ita obſedit, ac multa vi concuſſit, ut brevi in poteſtatem redegerit: ac ne iterum id ſibi adverſaretur, ſola æde relictâ, quæ quatuor & viginti Canonicorum collegio inſignis erat, cætera dirui atque ſolo æquari juſſit: manet ſolum nomen, & frequentium olim ædificiorum veſtigia viſuntur. Gulielmus autem Monteferratenſis, ſeu de conſenſu Othonis, & pecunia ab eo ſubminiſtrata, ſeu ſponte ſperans poſſe facile occupari imperium urbis tot cladibus deſolatæ, & cujus vires ex civili diſcordia affectas videbat; in Hiſpaniam iterum ad novas copias conducendas proficiſcitur.

Non involverim ſilentio mentionem monſtroſæ fœcunditatis, quam per hæc tempora contigiſſe Ricobaldus Ferrarienſis meminit in Matrona Mutinenſe, (Antoninæ nomen erat) quæ cum ageret annum ætatis quadrageſimum, numerata ſobole, quam ſæpe ternos, quaternosve, ſæpius vero geminos, ſemelque omnino ſex pariendo genuerat, duorum & quadraginta filiorum matrem ſeſe comperit.

Anno octogefimo ſupra mille & ducentum, nihil aliud Mediolani actum invenio, niſi Præturam mutatis vicibus geſtam à Cabrino Treſeno Landenſe, Thoma Advocato, & Joanne Lucinate Comenſibus; & nobilem civem, & Eccleſiæ noſtræ Archidiaconum ex familia Caſata (Comiti nomen erat)

in collegium Cardinalium Romanorum adscitum; quamvis Bartholomaeus Platina paulo posterius id factum dicat, sub Martino Quarto Pontifice.

A. C. 1282. Appetente vere anni octogesimo primi Raimundus Turrianus Laudem reversus, quingentos equites Illyricianos adduxit, & ejus consanguinei Cassionus, Gottofredus, Salvinus, & Manfredus, qui tunc Ecclesiae Moguntiacae Princeps presbyterorum erat; tum ducenti Cremonenses accessere, & longe circa Adduam evagati, demum Vaprii constiterunt. Extemplo à Mediolano exercitus Gorgonzolae contrahitur: quem iusto numero adhuc inferiorem rati hostes, invadendum primo quoque tempore censuere, instructasque acies in campum deduxere: mille & quingenti equites erant, peditum circiter duo millia: sed longe aliud agmen adversariorum fuit: equitatus duplo amplior, peditatus vero triginta millium armatorum speciem praebebat. Nec mora pugnae facta: confluxere pari odio & viribus; & cum uterque non dare terga instituisset, eo plures vulnerabantur, cadebantque. Demum Turrianorum acies, quae longe impar numero erat, inclinavit, fusique protinus hi fuerunt. Cassiono amputatum caput in ipso certamine est: cecidit etiam Praetor Laudensium, qui genere Parmensis ex gente de Portascorta dicebatur: multi dum ferrum fugerent, in Adduam praecipites se dederunt. Raimundus, ceu plane actum de fortuna & spe recuperandi Regni foret, cum paucissimis, qui à clade superfuerant, Aquilejam concessit: capti sunt supra octingenti viri, & signa militaria complura; & nominatim vexillum civitatis, quam urbem *Cividalem* vocant: eaque omnia, ut testata omnibus victoria maneret, Mediolanum relata, & in foro posita. Gesta ea sunt septimo Kal. Majas.

Quo tempore Gulielmus Montisferratenensis ex Hispania reversus, triremibus Ligurum Genuam advehitur: quingentos milites & centum sagittarios adduxit, cum quibus Vicecomiti adjunctus est. Tunc addito Mediolanensium Carrotio, Laus vetus petita, auctusque exercitus Novariensium, Vercellensium, & Comensium auxiliis. Inde Marchio Laudem novam aggreditur, agrum circa vastat, vites, variasque arbores succidit, vicos, castellaque diripit: in autumnum extracta obsidio fuit: & demum nulla alia re memorabili gesta discessum; & per hibernum tempus circummissis de pace legatis, quamvis in totum non convenirent, tamen captivi permutati sunt, & exulibus reditus in patriam concessus.

Cæterum sacris interdicta manserat civitas Mediolanum ex controversia, qua per injuriam gens Mirabilia Priorem Ecclesiae Pontidae premere videbatur: eam ignominiam tolli curavit Cardinalis Casatus auctore Martino Quarto Pontifice, si trium mensium spatio quietum Priorem facerent.

Per idem tempus Clementia Rodulphi Romanorum Regis filia ab Tridento Italiam ingressa, iter Patavio, Ferrariae fecit, proficiscens in Apuliam ex sponsione nuptiarum filii Caroli Regis. Et Cremonenses, atque Parmenses ad abolendam veteris ignominiae memoriam mutuam invicem Carrotiorum restitutionem fecere; his Bertatiolam in clade Friderici Secundi, illis Blancardum biennio post captum reddentibus, mirificaque suorum laetitiae & gratulatione signa utraque recepta: coeque arctius in foedus ambae civitates, ut auxilio Laudensibus forent: iidem in societatem traxere Mutinam, Rhegiumque urbes, & Marchionem Estensem; conscriptoque exercitu Pizeleonem venerunt; & cum Montisferratenis Marchio Laudensium moenibus obequitaret, praedandoque & spoliando propinquos agros infectus regioni esset, ingens detrimentum ab illis accepit; & eo Mediola-

num reverso, adversariorum quoque exercitus solutus est. Tum Bosius Doaria, & Cabrius Moguntiacus quatuor centum equites Mediolanenses, & totidem pedites Cremam in hiberna duxere.

Dum in proximum annum secundum & octogimum ingens bellum exspectaretur, pax conciliata est. Quinto Idus Januarii Mediolanum venerunt duo Laudensium Oratores Othobellus Carnesella, & Bassianus Carthenagus, sedenteque Gulielmo Montisferrati Marchione, & Domino Mediolani, (eo enim titulo palam utebatur) nec non Ruffino Gutuerio Praetore (is genere Astensis erat) & Giraldo Castello Capitaneo, octingentis praeterea viris magnum consilium habentibus, sic convenere, ut Othonem in primis Archiepiscopum amicum haberent, & universo Clero Mediolanensi damna post victoriam Decianam illata quadantenus emendarent: injuriae hinc inde acceptae oblivione sopirentur: tum Mediolano sic pellerentur Vistarini & Overnagi, sicut Laude Turriani: servaretur quoque Cremonensibus pax proximo anno cum eorum Procuratore Viviano Alifero eodem Marchione auctore contracta.

Sic exclusi Laude Turriani, Cremonam se conferunt; & sub idem tempus Bosius Doaria digressus Crema per prodicionem cepit Soncinum, & Rumenengum pervalida Cremonensium oppida: quod ægre ferentes inimici, simul metuentes, ne latius malum serperet, confestim exercitum contrahunt, & in consilium vocant amicos & socias civitates, ut quibus rebus atque auxiliis res hæc tractanda foret, decerneretur. Ergo Cremonam venerunt Legati à Placentia, Parma, Rhegio, Mutina, Brixia, Bononia, Ferraria. Estensis vero Marchio se ipsum venturum ad expeditionem, & Florentia, aliaeque civitates Etruscae, nec non Joannes Appiae Flaminiae Procurator se auxilia missuros scripsere. Missa quoque nobilis Legatio est ad Martinum Quartum Romanum Pontificem, quæ doceret, quo in statu res Longobardæ, & urbes ejus nomini & Ecclesiae factioni devotæ forent. Hos motus sentiens Otho cum Montisferrateni arctius conspirat, & ex subditis populis, & foedere adjunctis civitatibus quantas maximas possunt, vires contrahunt, Carrotium ab urbe promovent, Vapriumque perduxere, & mox Doariensi conjunguntur.

Interim Comi seditio oritur: hinc Lotherius Rusca, & Simon Locarnas, illinc Episcopus urbis, & Thomas Advocatus, & Joannes Lucinas, quorum factio Vitana dicebatur, in mutuam perniciem arma rapuerant. Demum Vitanis profligatis ejectus urbe Episcopus est, & ejus Palatium concrematum. Rusca, ne quid exules in se gravius molirentur, rei gestae Marchionem admonet, ac, ut ad componendum urbis statum veniat, rogat. Profectus Gulielmus Dominus appellatur, mille librarum annuae ei decernuntur, ut Episcopum & ejus factiosos perpetuis inimicitiis prosequatur, pactus tantum se urbem non ingressurum cum multitudine, quæ sollicitam facere posset civium quietem, & à Præturæ munere se temperaturum: sub his eo magistratu submovent Antonium Languscum, & Mutium Sorefinatem sufficiunt. Inde Marchio cum florentissimo equitatu Mediolanum reversus in castra proficiscitur, quæ longe aucta reperit copiis Derthonensium, Alexandrinorum, Astensium, Vercellensium, & qui à Novaria, Papiæque accesserant. Adversarii Castrum Leonem, & Paternam oppida tenebant, & mutuo metu hæsitare videbantur: sed spes pacis suberat, quæ clam Marchione tractabatur: qua comperta indignabundus ille domum abiit. Inclinabat autem ad pacem Otho cum veteribus amicis Pusterlæis, & Mandellis, quorum gratia Guido Castillioneus, & gens Carcana, quique à Moguntia cognominantur, favori

ejus accessere: quibus omnibus jure suspecta erat Marchionis potentia; qui & Prætores, Capitaneumque urbis, quos volebat, imponendo, & gentem Sorefinatem ultra æquum augendo, variisque aliis artibus affectare Regnum aperte videbatur: eo igitur submoto Brixiani, Placentinique Oratores cum Othone sic contrahunt, ut unaquæque civitas alterius exules ab se dimitteret: qui nisi intra quintum decimum diem finibus cederent, capi eos liceret: & si abeuntes bellum moliantur, communibus impensis, mutuaque ope rem gerant, & vim propulsent. Exclusus hoc foedere Bosius Doaria, qui nimium sibi fidens cedere Soncino atque Rumenengo recusabat. Et habito mox Cremonæ altero concilio, fugatus primo Soncino, deinde Rumenengum quoque & Cremam ipsam deferere coactus est; eoque celerius hoc negotium maturatum est; quia civitas Parmensis, quæ socia Cremonæ erat, & civilibus discordiis laborare solebat, in unum hoc tempore coivit, & nobiles familiæ conjugii auctæ sunt. Namque duo præpotentes fratres Gulielmus & Ugolinus Rubei uxores duxere, ille Donellam Carrariam ex Principibus Patavinis, hic Helenam Cavalcabovem ex Dominis Vitalianæ progenitam, quarum nuptiarum celebritas uno prope mense acta est; & ut cumulatissima lætitia foret, novi mariti cum hostibus suis pacem & contractis affinitatibus perpetua amoris pignora facere.

Dum hæc agerentur, Comenses Mediolanensium exules recepere, & faventibus Philippo Benalio & Tignaca Paravicino, qui ignobiles alioquin viri, per occasionem temporum non mediocres opes in Incinati Præfectura paraverant, Clivatum & Leucum oppida invadunt, atque occupant. Cujus inopinato nuncio audito consternatus plurimum Otho, diu quid consilii caperet, dubius mansit. Demum magnitudine periculi exposcente animum componit, & quibus tantum negotium committeret, deligit Matthæum nepotem, Guidonem Castillionem, & Thomam Origonum. Qui contracto exercitu adversus hostem profecti, strenue rem gessere; non solum suorum agros à populatione tutati sunt, sed conferta manu castra hostium expugnarunt & diripuerunt: redactisque ad officium oppidis, quæ defecerant, victorem exercitum cum ingenti præda, parique gloria reduxerunt. Lætatus est mirifice Otho ex hac re, cum quod hostes, priusquam latius excurrissent, oppressisset; tum quod domi strenuos Duces habere se perspiciebat; poteratque contemnere peregrinos, quorum fidei numquam satis tuto maxime res creduntur: statuitque ex urbe ejicere Marchionis omne nomen. Joannes enim Podius Prætor adhuc ejus Vicarium agebat. In hunc Otho stipatus multitudine suorum, impetum facit, ac Magistratu pulsum graviora passurum ostendit, nisi confestim abeat. Is Vercellas, ubi tunc Marchio agebat, se contulit, & quæ in contumeliam suam acta forent, docuit. Prætura autem delata fuit Jacobo Summaripæ Laudensi.

Amisit hoc anno pulcherrimam regni partem Carolus Gallicus Apuliæ Rex, & quidem horrenda suorum clade, quæ toto orbe famigerata à loco & hora *Siculorum Vesperæ* nuncupantur. Incivilliter nimium & libidinose dominabantur in insula, eoque intemperantiæ proruperant, ut mores eorum æquo animo ferre nemo posset. Erat celebre templum in suburbio Panormitano, quod Paschalibus diebus tum religionis, tum animi causa adire frequens populus sub solis occasum solebat: prodibant & matronæ frequentes, & eis immixtæ innuptæ puellæ. Galli cas lingua, & quod gravius erat, manu licentius incessere, quam publici pudoris ratio pateretur, coeperunt. Irritati parentes,

A propinqui, & amici facta conspiratione pridie Kalend. Aprilis universos concidere: confestimque moniti Syracusani, Messanenſes, Drepanitani, aliarumque civitatum & oppidorum populi, idem fecere: jurejurandoque invicem affirmarunt, nunquam se passuros regnare in insula Gallicum nomen. Tanti facinoris auctoribus protegendis, & universorum voto conservando, opportuna contigit Petri Aragonii ex Hispania adnavigatio. Is enim, seu jam multo ante invitatus ab iis, quibus invisi Gallorum mores erant, seu diuturnis uxoris precibus stimulus (ea Friderici secundi filia jure sibi spectare Dominium insulæ existimabat, præterea ut veterem ignominiam, qua cumulatim funeribus Manfredi fratris, & Conradini patruelis, moesta vivebat, aboleret, sæpius hortata ad id fuerat) armatis triginta varii generis navibus, Africæ litoribus obnavigabat: vocatusque insulæ imperium ita accepit, ut, quamvis postea Carolus magnis exercitibus, classibusque, eam recuperare tentaverit, semper tamen repulsus irritis conatibus Neapolim redierit.

Inter hæc Otho subeunte anno octogesimo tertio Oratores in Germaniam misit, qui favores & auxilia quibuscunque foederibus compararent. Libenter ea Germani audire: & inito foedere, Basileensis Episcopus nonnullos milites (sunt qui centum equites & sexaginta sagittarios referant) adduxit. Quibus acceptis, Otho satis rebus consultum ducens, Capitaneum populi creat Alamanum Pigotium genere Placentinum; simul Episcopum Derthonensem sibi conciliat, cujus auctoritate nobilis Alexandrinorum familia, cui à Puteo cognomen est, adjungitur; & communi consilio hi Castellatium, ille Diocesis suæ urbem occupant. Tum Otho Mediolani Archiepiscopus exilio mulctat suspectos cives Albertum Tertium, Cabrium Pontirolium, Alcherium Balbum, nec non Bonifacium, & Guiscardum cognomento Clericos, & Mutium, Conradum, & Jacobum fratres Sorefinates, quorum etiam Palatium recenti Turrianarum domorum ruina constructum diruitur.

Sed unde Otho maximum rerum suarum præsidium speraverat, inde vel præcipuum periculum adiit. Nam Basileensis Præsul, sive ex numeratione pecuniæ fraudem sibi fieri suspicatus, seu plus, quam debebatur, appeteret, nec ejus desiderium per inopiam ærarii impleri posset, repente, atque, ut ajunt, hospite insalutato, recessit. Cujus digressu resumpsere animos adversarii, & Marchio Montisferrati, rogantibus Alexandrinis, Castellatium obsidet, quod intra mensem ad conditionem compulsit; sed ea Puteanis concessa conditione, ut & patria, & bona sibi restituerentur, & viginti obsidum periculo cautum foret, ne cæteri exules ad decimum milliarium Alexandriae appropinquarent. Inde exercitu Derthonæ admoto, Episcopus profugit: sed mox opera Abbatis Sancti Marci cum eodem reconciliatus est: sed non diu pax servata. Idem Episcopus cum exulibus Alexandrinis Derthonam denuo occupat, & Prætores Jacobum Tertium Magistratu dejicit, atque in ejus locum Durantus Marilianus sufficitur; tum ædes Gulielmi Montemerli, qui diversæ factionis fautor habebatur, diripit, illumque urbe pellit; denique urbem sic munivit, ut quamvis Marchio cum exercitu sit reversus, nihil efficere potuerit. Nam & cum brevi revocavit domestici periculi ratio, quia Advocati Vercellenses eisdem diebus præcipuum Montisferrati oppidum Montem Calvum occupaverant. Comensium quoque studia ab Othone averſa sunt. Et permittente Lotherio Rusca, ac stipulantibus, ut vulgo creditum est, Guidone & fratribus Castillionis, Guido Turrianus ab arce Baradelli pridie Kal. Novembris profugit; Musca & Herrecus,

non nimis aperta fraus videretur; in vinculis subistere. Ceteri vero Carnevarius, Lombardusque, sicuti Napuleo, in carceribus obierant.

A. C.
1284.

Anno octogesimo quarto Prætura Mediolani senis mensibus gessere Balduinus Ugonus, & Gulielmus Rubeus Parmensis; Capitaneatum vero populi Guidotus cognomento Archidiaconus Cremonensis. Per quorum tempus invaluit rumor, Gulielmum Monteferratensem cum Turriano & aliis exulibus conspiravisse, & finitimas urbes Alexandriam, Vercellas, Comum, Laudem socia arma junxisse. Res adhuc incerta erat, & fusturris causam dederat Accursius Cutica, qui sæpe ad hostes clanculum commeaverat: & ecce repente nunciatur Derthonam defecisse. Gulielmus Montemerlus concitata suorum factione Putcanos debellaverat, & in tumultu Episcopus captus, interfectusque est: diuque is extra pomerium insepultus jacuit: urbemque Monteferratensi tradidit; qui ea recepta, Papiam, Viglevanum, Novariamque adiit, & Oratores Mediolanum sub specie petendi auxilii, cum fortasse aliud acturi forent, misit: sed hi sine ullo effectu recessere. Ex alia vero parte Guido Turrianus trans Adduam ad conducendos ex Bergomate mercenarios milites abiit.

Quibus cognitis Otho Vicecomes, & Simon Locarnas, minime cunctandum rati, exercitum in Comensium fines inducunt, & opulenta Verbanæ oræ oppida, Luganum, Locarnum, Belinzonamque capiunt. Inde Canturium reversi, castra juxta Comum constituunt: sed superveniente hieme, copias Mediolanum reducerunt: & Guido ex Bergamo Comum rediit: ubi annuente Rusca, & utraque factione consentiente, cupientissimisque omnium animis duodecimo Kal. Januariæ, qui duo supererant nominis Turriani Musca & Herrecus ex carcere dimittuntur. Quorum liberationis ut publica lætitia fuit, ita ipsi pro concione gratias universis egerunt, & perpetuas inimicitias cum Vicecomite, & cunctis Comensium hostibus, nominatimque præfente Episcopo se gesturos juraverunt.

A. C.
1285.

Eodem anno Carolus Claudus, Caroli Apulorum Regis filius, ex Provincia Narbonensi, in qua regnabat, à patre ob rebellionem Siculorum accitus, duodecim triremibus armatis, Neapolim navigabat; à cujus littoribus cum non longe abesset, datus illi obviam est Rogerius Loria Hispanæ classis Præfectus: qui cum se longe superiorem adversario cerneret (octo enim & triginta triremes agebat) Carolum pugnare coegit, ac facile circumvenit: captum deligere novem tantum, quos ex omni comitatu vitæ socios haberet, jubet: quoniam reliqua multitudo immolanda erat manibus Conradini Cæsaris, quem tam impie nefarieque Carolus occiderat. Ita electis paucissimis, ducenti ferme jugulantur, & in mare piscibus esca projiciuntur. Dux ipse Carolus Messanam perductus custodiendus traditur Friderico Petri Aragoni filio ex ea, quam amitam Conradini ipsius fuisse diximus: ex cujus infortunio moestissimus pater fuit, ac ne rebellarent ceteri populi, dubitavit. Cum vero paulo post intellexisset, illum in carceribus graviter ægrotare, duos alios filios Robertum & Ludovicum dedit, ut illum redimeret; moxque moriens pridie Nonas Januariæ anni quinti & octogesimi successorem in Regno habuit.

Mox fama increbuit, Marchionem Montisferratifovere Turrianum nomen, arcanoque fœdere cum eis conspirare; demique sex adolescentes obfides accepisse, & fidejussionem Placentiæ præstitam centum millium aureorum in id, ut Turriani conventa ex fide servarent: quorum Gottofredus circiter Idus Martias ex Bergomeni ducentos equites Comum duxit, multisque aliis convenientibus Castrum Seprium repentina invasione cepit: priusque occupa-

A tumid fuisse; quam egressos Como hostes Mediolani cognitum est. Igitur Otho operam dat, raptim contracto milite, ut Prætor Albertinus Confanonerius, is genere Placentinus erat, & Mutius Bergomenis Capitaneus populi primo quoque tempore eis obviam irent. Qui Galaratum profecti castra ad Bassianum vicum notum alias, cum exul Otho eandem Seprii arcem Turrianis eripuit, posuerunt. Interea Simon Locarnas & Joannes Lucinas Varisium occupant: & Matthæus Archiepiscopi nepos eodem cum equitatu proficiscitur, ut simul prohiberent, & commeatus & auxilia obfessis transmitti. Sed oppidani nullius pene rei indigentes, fossa & aggere se tuebantur: & Guido Castillioneus, cujus consilio captum Seprium ferebatur, necessaria trahendo bello mature importari curaverat: procedente obsidione dum prælia & irruptiones tentantur, cœu etiam bellum cum celo foret, juges pluviae & importuni imbres accidebant, ut neque eques in acie stare, neque pedes lubrico solo, & præsertim loco acclivi, certis posset vestigiis insistere: turbines præterea grandinibus immixti jam conscendentes oppidum à vallo repulere: iidem, quominus copiarum, quæ à Brixia, Cremona, Placentia, Crema, auxilio Vicecomiti mittebantur, applicarent, impedire: pariter quoque retinuerunt trans Ticinum Montisferrati Marchionem, qui contra obfessis opem laturus erat; & pontem Viglevani jungere ob molem aquarum frustra tentavit. Ergo tædio longioris inutilisque moræ affectus Otho Mediolanum rediit, & Marchio pariter trans Padum abiit.

Mox pacis mentio illata est: & sæpe ejus causa commeaverant Oliverius Marcellinus Guidonis Castillionei avunculus, & Franciscus Carcanus Nepos, tum Cresonus Cribellus, & Abiaticus Landrianus. Idibusque Majis suspensa arma sunt; permixtusque liber ad utraque castra commeatus, & Castrum Seprium arbitrio & custodiæ Guidonis Castillionei traditum. Sed mox Legati ab Como redierunt, non impetrata conditione, qua petebatur unicum & sine provocatione constitui judicem Othonem Archiepiscopum. Ita cæteris quoque posthabitis, in bellum denuo prorumpitur. Turriani in Montem Briantiæ percurrentes, Tabiagum, Meronum, Correnum, aliaque obscura loca populantur, & incendunt. Incinnum quamvis semirutum cum propinquis castellis recuperant. Inde Comum prætervecti, in Lugani regionem infunduntur, & Belinzonam usque omnia in potestatem redigunt. Inde cis Comum reversi, Vertematum expugnant; proximos vicos incendunt; & Varisium obsidere tentarunt: sed valido præsidio & virtute oppidanorum repulsi statim fuere. Ad quorum motus comprimendos dum Otho multa providet, in primis allicere Guidonem Castillioneum cupiebat; nec quicquam prætermisit, quod ad eum reconciliandum conducere putaverit, honestissimas conditiones proponendo, & ejus affines, amicissimosque interpretes, & fidei sponsores adhibendo, ut sibi arcem Seprii traderet: sed is posteaquam diu satis ambiguus responsis suspensum Othonem habuit, demum ad Turrianos inclinavit, & eis in arcem receptis, ipse Comum cum factionis suis demigravit. Tum Otho cum, Albertonumque, & Puginum fratres hostes patriæ declarat: publicatisque bonis, eorundem domos destrui iussit; pariter Gasparem & Albertum fratres à Biragorum gente relegari Placentiam curavit.

Inter hæc Carrotium cœu ineptum, & in bello magni impedimenti opus, abdicavit à castris, solumque vexillum album cum rubra cruce interfecante retinuit, superaddique imaginem D. Ambrosii voluit; ejusque curæ præfecit Gasparem Garbagnatem.

Isque primum cum Pusterlæo Abbate Celsiani cœnobii Gallaratum protulit : quibus mox junctus est Ugolinus Rubeus Parmensis, qui tunc urbanam Præturam gerebat ; & inito consilio de obsidendo Seprio copias promovent, domos eorum diripiunt, atque succendunt, qui pertinacius in arce defendenda perseverabant. Duorum ex his nomina in notitiam venire, Gulielmus Resedinus, & Philippus Gerlanus : nam multi facta potestate auferendi quidquid possent cum conjugibus & liberis migrabant, & residuis rebus, ne miles impius potiretur, ignem subiciebant. Cum fere totum Octobrem mensem in his absumpsissent, diuturnioremque obsidionem viderent, de Fagnano petendo ortus est sermo : transire Alonam fluvium oportebat, qui ex copia aquarum vadari tunc nusquam poterat : pontem juxta Castillionum oppidum cum magna pars trajecisset, Othorino Mandello, & Henrico Moguntiaci revocantibus ab instituto itinere, Bustum divertunt. Ibi octo dies sine aliquo effectu morati sunt. Tunc Pusterlæus indignatus mutatum fuisse consilium, & per inertiam pulcherrimam gerendæ rei occasionem amisam, ex castris discessit : ejusque exemplo idem cæteri fecere. Tum Otho in Caravallis cœnobiū secessit, ibique intercedente Manfredino Beccaria, recepit in gratiam Sorefinates, & reliquos, qui causa Marchionis exulaverant, patriamque & bona restituit, tribus exceptis Cabrio Pontirolo, Gulielmo Aplano, & Magistro Gothorino Bergomense. Tum Capitaneus populi Mediolani pronuntiatur Rogerius Catastius Papiensis, cum jam Kal. Decembris instarent.

Cæterum hic annus & principio & fine morte Regum insignis fuit : nam principio præter Carolum Apulum, Martinus etiam Quartus Pontifex decessit : nunc vero Octobri, Novembrique mensibus Philippus Francorum Rex, cui alter Philippus, cognomento Pulcher ; & Petrus Aragonus, cui in Siculo Regno Jacobus trium filiorum medius successit, obiit.

A. C. 1186. Initio autem anni octogesimali sexti, cum asperitas hiemis à bello gerendo homines coaceret, actum de pace est multifarium. Nam primo Henricus Cribellus, & Joannes Caimus, & Oliverius Marcellinus, eam tractare : cumque spes aliqua conficiendæ subesset, Otho Legnanum progressus, colloquium habuit cum Lotherio Rusca Prætor Comense, & Guidone Castillioneo : iudiciæ in decem dies datæ : tunc Nonis Martiis Barlassinæ rursus contulere sermones, sed nihil confectum est : mox alii interpretes Lantelmus Benzonius cognomento Guisca, Cremonensis, Anselmus Alzates, Gaspar Garbagnates, Jacobus Moguntiacus, & Albertus Bossius Jureconsulti negotio suscepto, præstitutoque die cum Comensibus Lomatii sub Kal. Aprilis conventum habuere : affueruntque Prætores amicarum civitatum, Cremonæ, Placentiæ, Brixiae, Cremæ, Papiæ, & Novariæ, quorum opera bini utrinque arbitri constituti. Otho Archiepiscopus, & Gulielmus Prætor Mediolani, & Lotherius Rusca, & Guido Castillioneus congressi medio campo, qui patet inter Lomatium & Rondellum, conditiones proponunt atque approbant : mox in patriam reversi factum præconis voce declarant : tum ab Como venire Gulielmus Guilizonus, & Rubeus Interlignus, quos Otho pro concione sedens audivit. Eorum oratione peracta, Prætor Mediolanensis, multa de pacis laudibus & commodo præfatus, subjunxit ; licere etiam Marchioni Montisferrati, si velit, nomen in eam dare : & Turrianorum omnium habitam rationem, quibus creptæ fortunæ restituerentur ; tantisper extra urbem moraturos, dum reliqua conficerentur. Brixiani composita oratione rem collaudarunt. Tum Otho ex sacris

A Litteris petitum versiculum succinuit : *In terrâ pax hominibus bona voluntatis* : & Leo Casatus nomine populi, & Comenses jurarunt ratam pacem fore. Turriani, cum quæ acta forent cognovissent, sublatamque spem renovandi belli cernerent, finibus penitus cessere.

B Dum sic quieta omnia in Longobardis forent, tertio Kal. Septembris Mediolanum venit Joannes cognomento Bochamazes, civis Romanus, dignitate Cardinalis Tusculanus, à Romano Pontifice in Germaniam ad novum Cæsarem salutandum destinatus, acceptus est solitis honoribus : & Laudem usque quatuor & viginti primarii cives illi obviam missi.

Cum autem ver appeteret anni octogesimali septimi, quidam ab Ossola profecti in Castrum Seprium sunt ; ubi sine ulla suspitione hospitati, tranquilla enim omnia erant, arcem quinto Kal. Aprilis occuparunt per prodicionem, ejectoque Guidone Castillioneo, Othonem Vicecomitem admonent, quid fieri vellet, rescriberet : ille statim misit amicos, quibus plurimum fidebat, & adhibitis fossoribus, & destruendi peritis, funditus everti antiquum, sed sæpe publicis rebus importunum, oppidum jussit ; ac lege in perpetuum sanctum est, ne unquam instauraretur, aut lapidem lapidi superaddi Prætor Mediolanensis pateretur. Etiam nunc habetur hæc inter primas, in quas incuntes magistratum jurant. Relicta tantum ædes priscae dignitatis indicio est, & morientibus subinde presbyteris ejus sacerdotia avidè captantur. Eo facto non exigua invidia conflata est in Othonem, quasi qui ultro pacem & tanta cum nobilis oppidi jactura fre-gisset. Itaque cum suspitionibus plena omnia viderentur, nova etiam consilia viciatim agitari dubitabat ; proindeque armatas cohortes die noctuque circumire urbem, & ne conventus inter cives fierent, curare jussit : & ne solus omnia agendo invidiam au-geret, sed potius negotia cum multis communicando minus affectare regnum videretur, duodecima ex popularibus consilii & gubernationis causa delegit, ad quos magna pars negotiorum devolve-retur. Eisdem sedes in foro veteri constituta : sed ne ex diuturnitate Magistratus æmulum sibi collegium fieret, & coalescentes invidorum animi per publicum munus occasionem conspirandi arctius haberent, præcidit illis tempus, bimestresque dumtaxat consiliarios esse voluit, cum tamen ipse semper primarium locum obtineret.

E Interea Rogerius Damianus rerum novarum suspectus capitur, & gravem omnino conjurationem aperuit. Agebatur inter potentes familias de recipiendis in urbem Turrianis, ac Marchione pariter Montisferrati. Quibus cognitis centum fere cives in exilium acti ; in quibus nominantur Rogerius Cribellus, Gaspar Bernadigius, Beltramus Cutica, Carbonus Basilicapetrus, Caldinus Mainierius. Nonnulli certis finibus relegati ; Mutius, & Conradus fratres Sorefinates Genuam, Paulus Mantegatius Bobium, Guido Cufanus Florentio-lam, Beltramus Landrianus in sui cognominis oppidum. Turrianorum vero bona partim publicata, partim diversæ factionis civibus divisa : sicque illi, & agris, & prædiorum fœnore privati, in Venetiam ad Raimundi opes, qui Aquilejensis Ecclesiæ sacerdotio & majestate in veneratione erat, confugere. Liberatus hac sollicitudine Otho, ad componendos Sacerdotum mores convertitur ; quorum norma non secus, ac cæteræ plebis, ex civili dissensione soluta erat. Ergo convocatis suffraganeis Episcopis, & reliquis Sacerdotum primoribus, in templo Teclæ concio habetur, ex qua secessit Vercellensis Episcopus, quia adversus æmulum Brixianum sella ei ad dexteram præfulis concessa non fuit : summa reformationis fuit, ut statutis primo cano-nibus,

nibus, decretis Pontificiis, & actis Conciliorum, ac Friderici legibus pro Ecclesiastica libertate contra hæreticos, pro cultu Divino & honestate Clericorum servatis, Sacerdotes nullo genere aleæ, talorum, chartarumve luderent; ne accipitres, aliasve aucupio aves nutrent, aut venationibus ope-

ram darent; ne mulieres sacræ funus sequerentur; ut Parochi Sacerdotes tertiam partem impensæ funerum, quæ extra eorum Parochiam ducerentur, haberent; multaue alia in eorum formula leguntur constituta, quæ prætermittere, nullum historiarum dispendium est.

TRISTANI CALCHI, MEDIOLANENSIS HISTORIOGRAPHI, HISTORIAE PATRIAE LIBER XVIII.

EPITOME.

Illud jam erat Othoni reliquum, ut tam præclarum Imperium, tot laboribus ac periculis partum, in familia retineret, & tamquam hereditarium transmitteret ad nepotes. Deinceps igitur Matthæum nepotem militari gloria plausibilem admodum, ac popularem in dies magis ornare, & cum aliis, tum vero Capitanei honore collato, Reipublica admovere. Contra vero Gulielmus Marchio, qui jam pridem tanta urbis, atque adeo provinciae regno inhiaret, Vicecomitem fortuna omni ratione obsistere: cujus consiliis illud accidit opportunum, quod turbata civili tumultu Papiæ, imploratus ab exulibus ejus principatum, cœu sequestrem pacis, accepit: nec multo post Novaria quorundam prodicione potitus est: & Mediolani invenit Bonifacium Pusterlaum, qui patriam certa pecunia desponderet. Sed enim hujus conjuratio detecta, & de publico consilio vindicata est: & de arcendo Marchione Longobardæ civitates pleraque conspiravere: & cum Astam foederis sociam obsidione premeret, Papiam aggressa, digredi obsidione coegere: denique Alexandria, cum eo ad opprimenda conjurationis initia festinaret, persuasum, ut sine milite, quo ferox populus irritaretur, intraret, coniecit in vincula, quibus non nisi morte solutus est. Exinde Alexandria, Derthona, Novaria, Vercella Mediolano reconciliata Matthæum Vicecomitem Capitaneum dixerunt. Papiæ ad pristinos rediit Beccarias. Inter hac classicum canente Pontifice ad Hierosolymitanam expeditionem adjuvandam, Mediolanensis pubes non segniter arma corripuit. Matthæus adspiranti fortuna velificans, Communi civilibus discordiis agitata occupat. Inde adversus Montem Ferratum movet: ejusque præcipuis munitionibus vi captis, totius regionis Capitaneus inscribitur, volente ipso Joanne Gulielmi filio ex foedere in ejus vivere clientela, cui obsistere non valeret. Vicarius a Casare in Longobardis appellatus, cum honorem non nisi annuente Senatu usurpat. Novam Laudem sibi suspectam bello petiturus, Veterem novis operibus munit. Othonem interim senio confectum, quem Franciscus Parmensis excepit, Mediolanensis, immo & totius Longobardæ rei non modica permutatio sequuta est. Derthonam Genuenses ac Papienses à nobis abstraxerunt. Vercellas ac Novariam Joannes Montisferrati Marchio sua ac paterna ultor injuria occupavit, & cis Ticinum progressus prædas egit ingentes: denique Casalem avitam sedem inivit. Matthæus collectis interim copiis, hinc Joannem, ac Papienses; inde Estensem, ac Cremonenses victor exegit: & agrorum populatione, ac Mortaria vastatione multavit. Ne tamentanti belli mole opprimeretur, intercessere Veneti, quos ipse haud multo ante à Genuensibus ingenti clade afflictos conciliata pace sublevarat. Non multo post Novariam ac Vercellas confligentibus inter se civibus recuperat: Philipponum Languscum adjuvat in obti-

nenda Papiæ: denique Galeacium filium Beatricis Estensis conjugio ac dominationis societate promovet. Hoc tandem anno emerfit ad lucem probrosa quadam religio barbara libidinis, ac stuprorum lena, quæ à peregrinis invecita per incuriam ac civiles discordias adeo creverat, ut nonnisi multorum supplicio, plurimum dedecore repressa sit: & Matthæi potentia bonis civibus, quamquam amicis, ac consanguineis gravis videri coepit. Hac invidia scintilla brevi in apertum conjurationis incendium exarsit, quo omnis ejus potentia conflavit. Sublato à conjuratis signo, & castris cis Aduanam collocatis; tum Mediolanensi populo palam deficiente, ac veterem libertatem postliminio revocante, Matthæus pacem, salutemque imperii abdicatione pacisci, mox etiam exilium & proscriptionem pati compulsus est, amulis in urbe interim regnantibus, & Turrianos in patriam & avita jura afferentibus.



ic jam ab hoste securus Otho statum civitatis ex sententia componit, atque ut regnum in suis constitueretur, prospicit. Matthæum nepotem, cujus militarem virtutem & prudentiam expertus jam erat, administrationi Reip. collatis paulatim honoribus, admove: atque, ut idem publico consensu fieri videretur, duodecim viris tribui à populo auctoritatem retractandi leges, scita plebis abolendi, atque in primis legendi Capitaneum, quem voluissent, curat. Illique Matthæum in unum quidem annum legunt, ut invidia diuturnioris Magistratus in principio evitaretur: eumque honorem Kal. Decembris is inivit: mox Præturæ mentione habita, cum ad eam vocati Ubertus Beccaria Papiensis, & Bernardinus Poletanus Ravennas venire recusassent, ne sine Magistratu civitas, dum alius accersiretur, maneret, id quoque munus Matthæo demandatur: ita utroque titulo insignis tribunal adscendit, & jus in novo foro reddidit.

Subiit mox annus octogésimus octavus, cujus initio Oratores Comenses ad jungendum, incundumque foedus inter Othonem & Lotharium Ruscum venere: è re communi erat, eos conjunctis animis, opibusque vivere. Vocatus interea ad Præturam Jacobus Perusinus, eam cedente Matthæo Kal. Martiis inivit. Cum September mensis ageretur, leges rursus reformatæ sunt, & Capitaneatus Matthæo in sequentem annum ampliatur: quod admirationi multis fuit, cum contra recentes leges factum, & instar Regiæ potentiae videretur: sed maxime molestum uni Henrico Moguntiaci id accidit, cui Placentinam Præturam genti de-

A. C.
1283.

ti designatus is Magistratus erat: forteque Mediolanum eodem die excepturus honorem venerat: quare recessit subito ira, indignationeque plenus. Gulielmus quoque Montisferrati Marchio magna invidia flagrabat, cum interclusam sibi spem cerneret potiundæ urbis populossimæ, in qua supremum nomen ac potestatem aliquando habuisset. Itaque multa cogitare, ac moliri, quibus si posset, crescentem Vicecomitis fortunam infringeret: sed ejus cogitationibus occurrere finitimæ civitates, Mediolanum ipsum, Papiæ, Placentia, Cremona, Brixia, Genua, Asta illius vexationibus fatigata, quæ legationibus Papiæ fœdus mutuae amicitiae & defensionis percussere. Eodem anno Mutina nobilis Æmiliæ civitas ditioni Obizonis Estensis Ferrariæ Marchionis accessit, partim deditione civium, partim nuptiis Aldrovandini filii, qui uxorem ex nobili ac potenti familia Rangona, & cui propterea in dotem civitas caderet, duxit.

A.C. 1239. Anno octogesimo nono Papiæ urbana militia Manfredino Beccariæ, qui Domini vicem obtinebat, infensa, illum exturbare patria nixa est: asseverabat enim non perpetuos debere esse Magistratus, sed sorte mandandos honores, & Capitaneum in primis ex externis urbibus eligendum: & concitato ad tumultum populo, Manfredinum, urbisque Episcopum fugat. Hi Laumellum, & Bassignanum, quam Bavenorum Augustam primis sæculis vocitatum Merula arbitratur, se recepere: hinc Marchionis præsidium ad insignem injuriam ulciscendam implorant: nec mediocre exercitum brevi contraxere: cives detrimenta agrorum veriti, quantas & ipsi possunt adversus illos copias vocant; à Mediolano Ubertus Beccaria Prætor patriæ publicam causam privatae consanguinei injuriæ prævertens, & alter Ubertus cognomine Selvaticus, unus ex Matthæi collegis, cum equitatu Gallico, qui tunc Mediolanensium stipendiis militabat, & sex millibus peditum concessis, Garlascum petiere: distabantque exercitus non amplius septem millibus passuum, avidique pugnae erant: cumque acies instructæ starent, exaudita vox est sanguini civium parci jubentis: prope enim esse, ut conditionibus scriptis, non autem ferro, dissensio ista finiretur: sicque conversis agminibus, sua quisque in territoria rediit. Circumvolitaverat autem pacis conditiones ferens Gulielmus Preda, vir singularis prudentiæ, & virtutis opinione utrique parti gratus: pax Laumelli percussa, qua Marchio Papiensis urbis dominus declaratus est. Is Prætozem Manfredum Paravicinum, Capitaneum populi eundem Gulielmum Predam nominavit. Tantæ, tamque propinquæ urbis adeptione auctum Marchionem moleste ferentes finitimæ civitates, novum conventum Cremonæ celebrant: & quantum militum ali oporteat, ut instructi semper ac parati subitaneos quoscunque Marchionis impetus, conatusque excipere possint, constituunt. Inter quos Astenses soli octingentos equites habituros se receperunt.

Interim inita conspiratio est, turbulentissimorum consiliorum plena; cujus particeps Lanfrancus Mota interceptus, tormentorum metu sponte confessus est, vetere se uti consuetudine Bonifacii Pusterlæi Abbatis Sancti Celsi: ab eo se ad Marchionem Montisferrati crebro missum fateri; circumtulisseque conditiones fœderis inter eos. Præterea Abbatem in Ticini ripa sermones arcanos habuisse cum Henrico Cerreti Comite, atque scripta quædam ad Marchionem perferenda clam dedisse, ad quem etiam Languschi agentem alias litteras miserat per Gerardum Caselam Vercellarum Prætozem, ac tandem ita composuisse: ut Marchio posthabitis penitus Turrianis, Abbati suppeditaret pecuniam quatuor millium librarum, quibus se amicosque armis & equis instrueret, & quas

A aliàs expensas, damnave in futurum subiret, bona fide & sine fraude emendaret: tum propius urbem Marchio accederet; ut perpetuum ejus dominium, quod se traditurum Abbas pollicebatur, capefferet. Item se ad Albertum Scaligerum Veronæ Dominum ivisse rogatum, ut is Manfredinum Beccariam Marchioni Montisferrati reconciliaret. His cognitis Otho concionem in forum vetus vocat: cohortes armatæ circa dispositæ gravis negotii suspicionem adeuntibus fecere: sedentibus jam Patribus, jubente Matthæo Capitaneo, Notarius Pelicia Besutius ex scripto recitavit ea, quæ Lanfrancus in carcere confessus fuerat. Rogati sententias, censuere omnes exilio mulcandum Abbatem, qui præ cupiditate sua nullam publicæ tranquillitatis & otii rationem haberet; sicque missio uno ex collegis Matthæi, sine mora Abbas cedere finibus ac Brixiam migrare jubetur.

Jam vero Marchio, ejus pollicitationibus allectus, Mortariam usque venerat; ubi cum audisset hæc, quæ Mediolani acta sunt, Vercellas iter flexit. Sequebantur Manfredinus Beccaria, & Rofianus frater ejus: tum Henricus Brusamantica, & octo alii nobiliores viri. Nec ita multo post prodicione quorundam Novaria potitur. Kal. deinde C Juliis Mediolani Præturam init Balduinus Ugonus genere Brixienfis, qui persuasa civitate facile, si celeritas adhiberetur, potiri Papiæ posse, eo repente cum expeditis militibus profectus est; urbemque ad jactum sagittæ ingressus, cum pacata omnia reperisset, silentio ipso territus, speraverat enim, ut se adveniente tumultus concitaretur, signa convertit, ac domum sine maleficio rediit.

Tum retractata lex fuit de Capitaneatu continuando; decretumque ut is duos collegas, tres Jureconsultos, duodecim equites haberet: æquatulque est Prætori stipendio & auctoritate, concessumque arbitrium est vel creandi novum, vel retinendi D veterem, atque in imperio confirmandi. Tunc Præfides populi vicem agentes, viginti viros creant, quorum suffragiis Capitaneus diceretur. Hi Matthæum Vicecomitem, cujus virtus, militarisque industria favorabilis admodum erat, nominaverunt. Id cum sine cujusquam æmulatione successerit, nemini dubium fuit, quin domi, & antequam suffragia inirentur, composita res foret. Matthæus vero prorogato Imperio, armatos viros quotidie circa se habere, militiam & bellica negotia semper agitare. Mox Kal. Decembribus, præmissis tubicinibus, & duodecim Ancianis forum adscendit; & sedentibus Patribus, Franciscus Legnanus, clarus tunc inter Jureconsultos, *Quod præsentis, inquit, statui, Mediolanensium felix, salutareque sit; & contra Marchioni Montisferratenfi infansum, & abominabile, Tu, Matthæe, hunc populum reges, & quæ ad ejus incolumitatem & jura conservanda pertinerint, curabis: Ecclesia dignitates, reformationes Conciliorum, Romanasque leges, quantum pro viribus & auctoritate licebit, tueberis.* Atque in ea Matthæus juravit.

Interea Turriani Musca, Herrecus, & alii cognati non cessabant Laudem, Papiam, Montisferratum adeundo, perniciem Vicecomiti quacunque arte moliri. Demum Marchio per hiemem anni nonagesimi, qui tunc supra mille & ducentos inibat, eos cum Oratoribus subditarum civitatum in concilium Bassignanum vocat, atque bellum adversus Astensem decernit; & appetente vere, comparato exercitu, agrum populatur, & pro portis confidendo urbem arctius premit. Tunc exules Papienses Placentinum & Cremonensem vocant: his adjungitur equitatus Matthæi, à quibus dum prædando ager Papiensium adureretur, coacti sunt cives revocare suos ab obsidione Astensium; quibus discedentibus, Marchio quoque ab incepto

coepo destitit. Tunc Amadeus Sabaudiae Comes ab oppidanis accitus, Astam cum quingentis lanceis, & septem millibus peditum ingreditur, atque Alexandrinorum animos sollicitare coepit. Et dum copias undequaque is contrahit, Mediolanenses Duce Matthæo Papiam hostiliter petunt. Marchio in obsessæ urbis auxilium accitus venit, & ne ab infinita multitudo civitas opprimeretur, aliquot dies sustinuit: vastationes, populationesque agrorum prohibere non potuit: demum quarto Kal. Julias nulla alia re memorabili gesta, ex castris in patriam Mediolanenses ultro rediere.

Per quod tempus invulgata fama est cladis acceptæ in Syria, & urbis Hierosolymitanæ à Barbaris occupatæ: cujus rei gratia dimissi ad Christianos populos religiosi remissionem poenarum spiritalium, & sedes cælestes ex mandato Romani Pontificis prædicare coeperunt, hortarique juvenes ad suscipienda arma in expeditionem tam sanctam, tam commendabilem, & salutem animarum necessariam. His orationibus excitati cum aliunde plurimi, tum quadringenti omnino ex urbe Mediolano nomina professi sunt; qui constituto sibi Duce Petro Merato, Venetias, ubi classis parabatur, se contulerunt. Eorum exemplo alii, atque alii crucem sumpsere, eam ex rubro panno candidæ vesti induebant: & cum ea multitudo in dies augesceret, incedebant turmatim per fora, & sacras ædes, succinctique armis terrori sæpe Magistratibus erant, & tumultum aliquando excitatum ægre Matthæus compefcuit.

Cæterum Gulielmus Montisferrati Marchio, ab Papiam movens Morimundum versus ad Gelatam vicum constitit, bellum Mediolanensi facturus: sed cum metu copiarum ingentis populi, & amicorum civitatum, quæ auxilia mittebant, tum certior factus Alexandrinos ad defectionem spectare, eos enim Amadeus, & Astensis pecunia, & magnis promissis alliciebant, trans Padum contendit: occurrere supplices Alexandrini, non procul ab urbe, rogaruntque ne militem introduceret: nullius fidem in eum mutatam docent, periculum tantum fore, ne si militaris turba feroci populo immisceatur, à tumultu & cædibus non temperet: satis ergo fore, si aulicos tantum secum habeat. Haud adspersus id consilium Marchio, cum paucis urbem Alexandriam ingreditur, atque in palatio cohospitatus est. Id vero intempesta nocte conspirati circumsteterunt, & tumultu facto Marchioni ipsi manum iniecerunt, ac vinctum in privata custodia habuere; donec in palatio constructa cavea lignea est, in qua positus duo de viginti menses vixit, ac demum vita excessit. Denunciatum illi infortunium per somnium ferunt: nam pridie Idus Augustas, qua quidem die captus est, vidit per quietem circumveniri se à multitudo mugientium bovis, & humi stratum ab his subinde proculcari. Ejus clades tanti rebus momenti fuit, ut confestim Mortaria, Viglevanum, & Viqueria in potestatem Manfredini Beccariæ cesserint; & Alexandria, Derthona, Novaria, Vercellæ in foedus Mediolanensium redierint; ac universum nomen Alexandrinum ex tota regione Montisferrati revocatum; simulque memoria omnis Gulielmi abolita, disjecta signa, oblitteratæ, abraseque inscriptiones: exstat decretum in eam rem cum jurejurando, ne paterentur unquam quempiam stirpis Montisferratenfis Alexandriæ regnare.

His actis, Papiam quoque studia mutavit: nam capto & in vinculis conjecto Gulielmo Preda, Manfredino Beccariæ se cives dedere, atque Capitaneum in decennium creavere. Eundem titulum Novariæ, Vercellisque Matthæus Vicecomes excepit, dimissique ad Præturas exercendas Othorinus Mandellus Papiam, Gaspar Garbagnates Novariam, Guidetinus Vicecomes Alexandriam, U-

Albertus Vicecomes (nescio an hic Matthæi frater) Vercellas, & Petrus item Vicecomes Bergomum. Mediolanensem autem Bernardinus Polentanus Ravennatum Dominus, qui non ita multo post, conditione temporum offensus, Magistratu decedens domum abiit, in ejusque locum duo Alexandrini cives Albertus Guasus ab Alice sex primos menses, & Nicolinus Merlanus, quem Merula noster inter proavos suos censet, sex posteriores successere.

Contigit hoc tempore ut homo materna origine, nascendique loco Venetiis oriundus ad Regni Pannonici Imperium pervenerit: cujus rei narratio etsi nihil commune cum Mediolanensi habeat, tamen & exempli nobilitas, & laborantis in historia sua Sabellici hallucinatio facit, ut quid mihi ex varia lectione compertum sit, in medium ponam. Andreas Pannoniarum Rex hujus nominis secundus Bele Tertiæ filius amissa priore conjugē Gertrudi, Hierosolymitanam peregrinationem suscepit, atque peregit supra ab hinc annis quinque & quinquaginta. Dum rediret, Italiam invisit: inter cætera Ferrariæ magnifice, ampliterque apud Aldrovandinum Estensem hospitatus est, atque interim ejus oculis obversata egregia specie puella Beatrix filia mire placuit: exarsit repente in ejus amorem peregrinus, & ne jura hospitii violarentur, legitimis nuptiis eam sibi copulat, atque in Pannoniam abduxit: nec ita multo post decessit, gravida relicta Beatrice, quæ cum mores Pannoniarum perferre non posset, in patriam revertitur, ac Ferrariæ ventrem solvit: edita proles mascula: Stephanum vocarunt: is in spem, titulumque Regni Ungarici educatus aliquandiu est: demum insidias Aldrovandino materno avo cum molitus esset, nec cogitata processissent, ejectus finibus est. In Hispaniam exul abiit, postea ad Italos reversus, jus ex Prætura Ravennæ dixit: inde Venetias commigravit, ubi Thomasinam Maurocenam cum opulenta dote uxorem sortitur. Natus ex ea filius, de paterni avi nomine Andreas nuncupatur. Et Stephanus quidem inter privati opes consenuit: Andreas vero auspiciationibus fatis genitus, ad aviti Regni imperium pervenit, per occasionem cædis Ladislai quarti, qui à domesticis suis interfectus fuit: nam ex eo destituta Rege Provincia, facile Andreas, cui jura hereditatis favebant, nec opes avunculorum defuere, è Proceribus admissus est.

Inter hæc res Orientales in deterius relapsæ sunt, A. C. 1294. & cum nostrorum clade Ptolomais amissa. Agebatur autem jam annus primus & nonagesimus: ergo Nicolaus Quartus Romanus Pontifex, ad Occidentales Reges & populos scripsit, ut unusquisque pro virili opes & copias conferret: quo expectantibus reliquis auxilia rursus mitterentur. Otho Mediolani Archiepiscopus, acceptis in eam rem litteris, primores populi, & suffraganeos Ecclesiæ suæ Episcopos in unum vocavit; apertisque litteris, quid Summus Pontifex mandaret, docuit; hortatusque est, ut cuncti crucem & arma caperent; expeditionem religiosissimam susciperent læti, & grandia præmia, cælestes ædes accepturi: irent, cogitarent, atque intra certum diem ex scripto referrent, quid facto opus fore censerent: observatum nunc quoque est concione abstinere Episcopum Vercellensem maluisse, quam non supra Brixensem sedere: sententiæ omnium fuere, rogandum primo peculiaribus supplicationibus Deum, ut res suas meliores faceret: tempus præfigeretur iis, penes quos jus est creandi Cæsaris, intra quod tandem eligerent; alioquin Romanus Pontifex pro auctoritate sua eum nominaret: Gallico Regi summa totius belli demandaretur: cæterique Principes orbis Christiani admonerentur, qui crucem & peregrinationem susciperent: inter Venetos, Pisanos, Genuensesque,

quorum classibus in navigatione uterentur, concordia procuraretur: eadem quoque inter ceteros Italos, in primisque Longobardos ageretur: mercatores, ne quid trans mare negotiarentur, prohibendos: & Oratores ad Pontificem mittendos, qui agenda confirmarent. Hæc omnia collegit Otho, & litteris perscripta misit Romam ad alterum Matthæum Vicecomitem, qui Novariensium Episcopus designatus, tunc apud Pontificem agebat.

Non ita multo post reversus ex Gallicana Legatione est Giralduus Blancus Cardinalis Parmensis, & cum urbem Parmam ingrederetur, quam maximus à populo præstari potuit, honore acceptus est: nec ingratus ipse erga suos; multa cœnobiiis religionum mulierum, & Canonicis, ex quorum ordine aliquando ipse fuerat, nobile prædium donavit. Veronæ autem Bartholomæus Alberti Scaligeri primogenitus uxorem duxit Constantiam Conradi Antiocheni Principis filiam.

A. C.
1292.

Cum mox subiret annus secundus & nonagesimus, biduo ante Kal. Januariæ per seditiones Comensium Matthæus Vicecomes ejus urbis imperium adipiscitur: nam cum Petrus Adolescens Lotharii Ruscæ paulo ante defuncti filius summam rerum ibi teneret, indignati adversæ factionis Principes Joannes Lucinas, Otho Mandellus, Henricus Monguntiacus, & Franciscus Carcanus, & sectatores Episcopi, suburbium, cui vico nomen est, invadere, ac per vim cepere. Inops rerum & consilii Rusca sumere arma adversus eos non ausus est: & triduo post Matthæus Vicecomes cum valida manu affuit, atque urbem ingressus, receptis arcibus, & imperio classis, quæ totum Larium pervagari solebat, Capitaneus Comensium in quinquennium declaratur, constituto annuo stipendio trium millium librarum: tum quindecim dies ibi moratus, interdictæ ab Episcopo civitati sacra restitui curavit: Prætozem imposuit Otholinum Burrum uxoris suæ fratrem, & restitutis exulibus civiles discordias sustulit.

Per eisdem dies Montisferratenfis Marchio in Alexandrinorum carcere moriens, suis ad sepulchrum concessus est. In dominio successit Joannes filius, cujus adolescentiam opportunam voto suo nactus Matthæus bellum illi parat. Triduum oppidum inter Padum & Vercellas situm valido cum exercitu obsidet. Accolæ bifariam divisi, diversa sentiebant: nam cum alii exhibendam fidem veteri Principi censerent, seque in munitiorem arcem recepissent; alii frustra moram interponi viderent; proindeque maturandam deditionem dicerent, hi Matthæi signa intra vallum recipere; nec ita multo post contumaces inopia fregit. Ergo Matthæus arcem recipit, & imposito præsidio Casalem duxit; quod totius Montisferrati Emporium S. Evassii cognomen tenet: ibi nulla difficultate inventa, quin rerum potiretur, Capitaneus universæ ejus regionis declaratur. Mox apud Alexandrinos qui ei finitimi sunt idem honoris, nominisque meruit.

Inter hæc Comi res novantur. Vitane factionis homines Episcopus, Joannes Lucinas, Advocati, Lavizarii, Lambertengi Remp. capeffivere, & Otholino Burro Magistratu pulso, quatuor viros creavere, quos Rectores nuncupaverunt: ne tamen adversus Matthæum facta rebellio videretur, Oratores Mediolanum missi antiqua jura affirmarunt cum eo, & Franzinum Carcanum Prætozem receperunt: orta deinde inter cives contentione, Matthæus eo profectus res ad arbitrium componit, & exauctorato Franzino, uterinum fratrem Uberum Vicecomitem juridicundo præfecit.

A. C.
1293.

Subeuntibus Idibus deinde Majis anni xciii. venire Mediolanum Ubertus Cochonatus, & Franciscus Tilli Oratores Montisferratenfes, qui nomine

A Joannis Marchionis amplissimam fortunam Matthæo gratulati, initum jam fœdus affirmavere: *Matthæus Vicecomes summa cum potestate Capitaneus Montisferrati in quinquennium esto; stipendium trium millium librarum habeto; Joannem Marchionem intutellam, protectionemque suscipito; Vicarium necessarium Reip. imposito; & quidquid hinc retro, seu stipendii, seu quavis alia ex causa civitas Mediolani Gulielmo deberet hæres ejus amplius non repetito.*

Eodem anno pridie Kal. Martias Obizo Estensis cum triginta annis Ferrariæ dominatus esset, spiritum posuit. Tribus filiis divisisse Regnum testamento vulgus credidit; atque primogenito Actio Ferrariam; Aldebrandino Mutinam; Rhegium Franciscino assignasse: sed Actius per vim uni sibi omnia vindicavit. Aldebrandinus autem parum etiam tutam salutem suam in loco, ubi frater jurisdictionem exercere posset, arbitratus, voluntarium exilium Bononiam delegit. Interea in Germanis Anaxonæ Comes Adulphus, quem Merula & nonnulli alii *Arnulphum*, quidam *Astaulphum* imperite vocant, in Romani Regni culmen electus biennio ab hinc fuerat.

Nunc vero subeunte anno nonagesimo quarto, A. C. 1294. missi sunt à Mediolano Legati Gaspar Garbagnates, & Manfredus Cripa Jureconsulti, qui & novo Regi excellentem dignitatem gratularentur, & Matthæo Vicecomiti procuracionem rerum Longobardarum demandari curarent: facile postulatis annuit Cæsar, & quatuor Legatos in Italiam misit: inter quos Medicus ejus fuit Landulphus Rayacocta, Galliano Cantuariensi vico oriundus: qui postridie Kal. Majas Mediolani frequentissima concione advocata, litteras recitarunt, quibus primum veteres immunitates & privilegia à Cæsari-bus civitati concessa confirmabantur; deinde Matthæus Vicecomes Cæsareus Vicarius universæ Longobardiæ decernitur, ac cunctis ejus terræ populis mandatur, ut ei ceu Imperiali Procuratori pareant. Matthæus, quia præsens erat, ostendit se nisi volentibus & jubentibus Patribus eum honorem non accepturum. Ergo inivere consilium primores, & mox, ceu latis suffragiis, Mafæus Madius Brixienfis urbanus Prætor Nobilium manu stipatus, ad eosdem Legatos accessit, & verba faciente Matthæo Stampherio, qui Latinam orationem habuit tempori & rei accommodatam, docuerunt, Matthæum Vicecomitem læto, libentique animo recipi Vicarium Cæsareum, ut paulo ante lectæ litteræ constituebant. Tum Matthæus ipse in medium processit, & recte casteque eam Præfecturam gesturum se juravit: simul sublata aquila est, quam Adulphus signum fœderis & benevolentiae tradebat. Ita Matthæus Vicecomes non spreto, ut Merula ait, Capitanei titulo, sed honestiore interim quæsito, Generalis Vicarius Imperialis vocitari cœpit; quem prisco vocabulo Procuratorem Augustalem recte dixerimus. Nec ita multis interjectis diebus, iidem Oratores Cæsarei, & Mediolanenses circumvivere aliquot urbes & oppida finitima, hortantes, suadentesque, ut in ditionem Matthæi, ceu Augustalis Procuratoris concederent, inque ejus verba jurarent: sed irrita ubique, ut impudens, eorum postulatio est. At non ita contempnere Matthæi honorem atque amicitiam Albertus & Conradus Ruscæ Comenses exules, qui acciti statim Mediolanum venerunt, atque conjugali fœdere cum eo jungi non dubitarunt: namque Petri Vicecomitis filia Conrado desponsata est. Eo facto Vitani, rati in perniciem suam junctas cum adversariis Vicecomitum opes, intra urbem Comum nova certamina excitavere, quibus ipsi demum succubuerunt: pulsi que patriam, & bona victori Ruscæ concessere: tumque traducta ad virum nova sponsa fuit, & nuptiæ sumptuosius celebratæ.

Non

Non cessabant quoque Turriani ab occultis machinationibus, & cogitandis iis, quibus in patriam reditum pararent. Et cum de Laude & Crema maxime dubitaretur, indictum Mediolani concilium fuit: ad quod misere Legatos Brixia, Cremona, Placentia, Papia, Derthona, Alexandria, Genua, Asta, Casalís, Vercellæ, Novaria: quibus auxilia decernentibus præmissus in agrum Laudensem est Zanaria Salimbenus, tunc sex ultimorum mensium Prætor: cum subsequitur Matthæus; Muciam fluvium, vel magis fossam incilem Addua derivatam, juncto ponte transeunt; ac nemine, qui per vim maleficia prohiberet, prodeunte, onusti præda domum rediere. Deinde sexto Kal. Octobris ad Pontiliatum vicum Laudenses excurrere; quibus mature obstitit equitatus Mediolanensis, commissoque certamine, non solum recepta præda est, sed etiam ex hostibus capti supra ducenti; in quibus Imberalis Turrianus, & duo filii Uberti Ozeni, & Lupus Parenzonus, qui in carceres ducti, illi Tricium, hi Septezanum sunt. Mox Matthæus, exeunte Decembri, de publico consilio in aliud quinquennium Capitaneus populi Mediolani decernitur.

A.C. 1295. Et subsequente vere anni quinti & nonagesimi reliquias veteris Laudis, id est, Pompejæ, vallo fossaque circumdedit, ac imposito præsidio munit: postea Castrum Leonem adjuvante exulum manu occupat. Id ut recuperaretur, Cremona, Cremaque auxilium Laudensibus misere: id jam machinis oppugnabatur, cum Henricus Tangetinus urbanus Prætor præmissus, ac mox Matthæus cum ingentibus copiis accessere, hostemque ab Castro Leone fugavere. Tum propius Laudem duxere: præbant sexcenti sagittarii; tum robur equitum, & quatuor millia peditum; sequebatur urbana militia: hæc erat delecta juvenus ex nobilitate equo merens, & popularis turba adeo frequens & densa, ut viginti quinque millium numerum explere videretur: tum Alexandrini mille, & varius numerus à Vercellis, Novaria, Placentia, Brixia: nec magno ab his intervallo duo millia lanceariorum agmen clauderant: hostis à muris prospectans nullam pugnae copiam fecit. Matthæus, ne diutius frustraretur, copias Mediolanum reduxit. Hæc mense Junio acta: per quod tempus Mediolani decessit Petrus Petrogrossus, civis quidem Mediolanensis, sed Romanæ Ecclesiæ Cardinalis, non sine multorum lætitia. Hic quoniam videbat Othonem Archiepiscopum jam senio premi, ambiverat multos civium, ut ea dignitas nepoti suo designaretur: sed cum plurimi refragerentur, expectandumque tempus legitimum, & arbitrium eorum, penes quos eligendi potestas esset, censerent; curavit eam auctoritatem ad Romanum Pontificem evocari, atque Fraternitatem Humiliatorum ritu Ambrosiano hæcenus sacra tractare solitam, ad Romanam disciplinam traduci. Ex quibus non minimum invidiæ atque odii in civitate consecutus est: nec tamen improbi voti compos evasit; siquidem ipse ante ab humanis abreptus est, quam Ecclesia vacaverit: quamquam non ita multo post Otho sequutus eum est.

Jam relicta rerum cura Matthæo, secesserat in coenobium Carevallense: Medici ab ejus latere non discedebant, quia octavum & octogesimum annum agentem facile quacumque vi morbi casurum cernerant: hic adversa valetudine correptus, spiritum posuit sexto Idus Augusti: inde ad urbem relatus magnificentissimo funere, & quod omnium ordinem cives celebrare, sepultus est, ac rubri marmoris arca in majori Æde conditus.

Cæterum Otho multa in commune bonum, ac templorum ornamenta, & opera publica contulit. Divæ Agneti proprium sacerdotem constituit; stipendia annua Interpreti Theologiæ, & qui

A sacras Litteras publice in Æde majori profiteretur, unde Stephanardi, cujus in principio operis minimus, gloria; tum Medico, qui inopes ægrotos, aut ferro ictos curaret dependi voluit. Tradit Merula per hæc tempora duos varia virtute, gloriaque floruisse cives, Ubertum à Cruce, qui currentes equos manu comprehendens retrectaret, ac moraretur; jumenta farcinaria saccis plenis onusta sustineret, & humeris contra scalas ferret; altero pede insistentem nemo unus dimovere vestigio posset; & Gulielmum Pusterlæum, quem primis vix litteris imbutum peritissimi Legum Interpretes in dijudicandis causis, controversisque, admirabantur, nullius ingenio, operave utentem; adeo prudens naturæ beneficio habebatur. Æstimata quoque est singularis populi multitudo, & opificum copia: nam cum numquam otiosa civitas fuerit sive ab externo bello, sive à domestica seditione, adhuc tamen in rationem annonæ veniebant centum quinquaginta & eo amplius civium millia.

B Cæterum defuncto Othone titulum Ecclesiæ nostræ detulit Romanus Pontifex Bonifacius Octavus Rufino Frixeto, genere Lucensi: quod maxime homines admirati sunt, atque indignabundi tulerunt; quia hominem extra Mediolanensem Cardinalium ordinem promotum, quod nunquam fere antea acciderat, videbant; ignorantes videlicet, quæ Cardinalis Petrogrossus clam cum Pontifice egerat: sed nec is in eo honore perennavit; aut semel omnino adivit: nam paucorum mensium spatio absens obivit diem: eique suffectus est Franciscus Parmensis.

Cæterum ex morte Othonis multi in spem novæ fortunæ erecti sunt: nam & in Comensi Vitana factio universam Tellinam Vallem in partes suas contraxit, & Littardus Castellus, qui obses cum multis aliis Comensibus in custodia Mediolani habebatur, elapsus Bellasium in ora Larii oppidum, quod olim ditionis majorum suorum fuisset, quasi quodam jure, adjuvantibus paternis amicis, occupavit, atque bellum Comensibus fecit. Matthæus civitati, quantum auxilii opus erat, misit. Derthona vero à Mediolanensium obsequio & fide subtracta est: nam opera Conradini Spinolæ, & Manfredi Beccariæ restituti in urbem exules sunt. Tum ut discordiis civilibus occurrerent, uterque undenos delegere, quos Genuam, Papiamque, ut obsidum vice custodirentur, dimisere: simul ejusdem urbis Prætura filio Conradini, & Capitaneatus populi Henrico Brusamanticæ civi Papiensi demandatur. Parmæ Rubea factio Sanctovitalem expulit. Mantuæ Bardelonus Bonacossia Pinamontis paulo ante defuncti filius, Tangentinum fratrem in vincula cum ejusdem filio conjecerat: nunc autem exilibus ad duo millia hominum in patriam restitutis, fratrem, nepotemque carcere solutos extra fines Mantuanos relegavit, à quibus nec turbidius quidquam postea passus est.

E Bergomi quoque, quæ civitas perbeata videbatur, quod nullæ eam civiles discordiæ, nulla externorum bellorum mala contigerant, Suardi, & Coleoni diversæ factiones, Martio mense anni nonagesimi sexti, arma in mutuam perniciem, & quidem parvo ex initio, sumpserunt: siquidem unius tantum caedes memoratur Jacobi Mutii, qui ex parte Suarda fuit in foro mercatorio à diversæ factionis homine lancea vulneratus: ex eo sævientibus ultra modum vulgi animis, pugnatum atrociter intra urbem est, & succumbentibus Suardis, ejusdem Jacobi domus succensa, & direpta est. Albriginus autem Mediolanum profectus, à Matthæo auxilia impetrat, quibus adversariorum opes afflixit. Prætorem tunc à Matthæo Bergomenses accipere Othorinum Mandellum, qui in sex menses jurisdictionem exerceret: sed ea postea vix trime-

stris fuit: namque Coleoni ex fuga Cremam se receperant, ubi dum vires reparant, duas familias Rivos, & Longos, quorum contrariis studiis & potentia pulsi domo fuerant, in primis sibi conciliarunt. Conspiratione facta noctu in urbe tumultus excitatur: adfuere in tempore Coloni: quatuor & viginti horis continenter certatum est: combustae multorum domus, palatiumque Prætorium, & Pontificalis ædes absumpta: demum debellati Suardi una cum factiosis, & Prætor, atque Othone Comite Curtis novæ, cujus non instrenua opera in juvanda re fuerat, pelluntur.

Placentina quoque res in unius Alberti Scotti arbitrium & potestatem cessit, qui genere & opibus clarus, ejectis Landis & Fulgosis Capitaneus & dominus urbis renunciatus est. Ex eadem urbe oriundus Zanaria Salimbenus iterum Mediolani Prætor designatus, iussu Matthæi exercitum in Brianthæ colles duxit, ac trajecta Addua, Leucum petit. Ingressus oppidum ducentos & quinquaginta viros, & in primis Philippum Benalium delegit, quos vinctos Mediolanum misit; & per præconem populo denunciavit, ut quid quisque vellet intra tertium diem oppido efferret, & trans fluvium migraret. Ita exhausto cultoribus oppido, ignem pluribus locis subjiciunt, atque funditus, arce excepta, delerum est.

A.C. 1297. Anno nonagesimo septimo fundatum Mediolani est templum titulo Sancti Spiritus celebre extramurum, quod Humiliatorum Fraternitas tenet: primum lapidem solemnibus cæremoniis fixit Franciscus urbis Archiepiscopus.

A.C. 1298. Nonagesimo autem octavo, Matthæus externi Principis nec longinqui affinitate præsentis opes ac rerum statum firmavit: siquidem adultam jam filiam Catharinam Albuino Scaligero Alberti Veronæ Domini filio matrimonio locavit. Merula quodam loco Bartholomæum vocat: sed ego Veronensem integræ fidei monumenta sequor.

Eodem tempore accidit Germanicarum rerum mutatio. Albertus Austriæ Dux, Rodulphi olim Romanorum Regis filius, Ispriensi agro circa Rhenum Adaulphum Cæsarem prælio vicit, atque ei in Imperio subrogatur: nec ita multo post comparata ejus benevolentia, Matthæus procurationem rerum Insubrum ab eodem impetravit, quam Antecessor contulerat.

Per idem tempus Mediolanum capeffendæ Præturæ gratia peregrinus homo veniebat, Jacobus Dulcassarius Fano Piceni urbe oriundus: sed is ex itinere juxta Oriagum Patavinorum oppidum interceptus, occisusque fuit fraude Marchionis Estensis, Rizardi Caminatis, ac Geraldî Tarvisinorum Domini, qui tunc in armis habebant exercitum circiter trium millium hominum. Conradus Turrianus, quem Musiam cognominari diximus, magni Napuleonis filius, dum ex longinquo exilio langueret in Foro Julienfium urbe, quæ civitas Austriæ dicitur, testamentum condidit, & recordatus ejus, quod olim captivus cum patre & fratribus in Baradelli arce fecerat, id penitus abrogavit.

Cæterum Matthæus sicuti opibus, ita & sobole auctus, primogenitum habebat indole sibi pergratum: Galeacio nomen fuit: à galli cantu inditum Merula credidit, quod antelucana hora, quæ ex ejus avis cantu Gallicinium dicitur, natus sit: auspiciatum omnino & posterioribus Principibus privatis usitatissimum vocabulum: hunc Matthæus in spem futuræ fortunæ educans, cum publico muneri præficere vellet, Novariensibus Prætozem dedit.

A.C. 1299. Per quod tempus ingens & inexpectata conspiratio adversus Matthæum est inita, & principio subsequens nonagesimi noni in apertum deducta. Duo ex urbe Papiæ tunc primarii Proceres Manfredus Beccaria, & Philippus Langus; Joannes

A Marchio Montisferrati, quem paterna injuria & puero sibi ereptæ opes movebant; & Marchio Salugienfis (non dixerim Saluciarum, quia & per G. apud hujus rei auctores scribitur; & Salugia vicus est quamvis ignobilis nunc inter Vercellas & Taurinum, ejusque Domini à Cane cognomen habebant; quod nescio an idem fuerit cum Salucienfibus) coactis circa Mortariam copiis duas ei finitimas urbes Vercellas & Novariam, prodentibus nonnullis civibus, occuparunt. Et ex Novaria quidam Galeacius per averfam portam fugiens evasit, ac nuncius acceptæ cladis ad patrem venit: qui antequam quidquam providere posset, hostes occasione faventis fortunæ usi, ad Ticinum decurrerunt, & pontem, quo fluvius juxta vicum Brinate jungebatur, expugnant atque adurant; & in citiorem agrum excurrentes, atque igni & ferro multa vastantes, opulentam prædam egerunt.

B Prætor tunc Mediolani erat Thomas Rangonus Bononiensis: quo Duce adversus prædatores egressa urbana juvenus, eos à maleficio aliquantisper coercuit; atque Abiati confidens Viglevanenses in fide continere, submissis commeatibus, nixa est. Interim alter nuncius advolat, Casalem quoque Montisferrati Metropolim ad hostes defecisse: quibus tot adversis uno tempore circumventus Matthæus, cives in concionem vocat, & quantum detrimenti Resp. acceperit, docet; & quantumcumque tamen id sit, non virtute, aut potentia hostium factum, sed dolo & prodicione eorum, quibus maxime confidebat; se paratum quodcumque discrimen obire, omnem laborem pati, quo præsentibus occurratur: gratum futurum, si consilio, ope, & copiis juvetur, quo vel prosequi bellum, vel amplexari honestam pacem, si ea magis tentanda videatur, possit. His dictis concione digreditur.

C Tum Gulielmus Celer ex ordine Jurisconsultorum, & cujus opera atque ingenio Matthæus in dirimendis litibus utebatur, confurrexit; Matthæique animum liberalem, & publicæ quietis cupidum laudavit; subinde hortans, rogansque, diceret unusquisque libere, quid faciendum, curandumque censerent: in primis tamen meminissent Capitaneum in Magistratu confirmandum fore: mox quibusdam aliis sermonem invicem conferentibus, quasi tunc demum suffragia rite inivissent, Matthæus in aliud quinquennium Magister populi declaratur. Quo facto temperare linguam quidam non petuerunt, quin eum suo ipsius proverbio vellicarent, *Sape qui se excusare nititur, se accusat*. Interea accipientibus adversariis mentionem pacis, suspensum bellum est; & publice edictum, ne quis Papiensem, Vercellensem, Novariensem læderet, eisque fraudi foret ad urbem Mediolanum accedere: namque auxiliares copię jam adventabant, ducenti equites ab Parma, totidem à Verona, Bononiaque, & mille Alexandrini hastati jam aderant; ad hæc tria millia peditum ex urbana juventute delectorum lorica, lanceaque instructorum; quorum causâ nova in dies tributa civibus imponebantur, & durius exigebantur. Papiæ item conventus habitus auctore Manfredò Beccaria: venit eo Joannes Canis Salugienfis Marchionis frater; Oratores vero misere Estensis, & Montisferratus, Novaria, Vercellæ, Casalis, Cremona, & Bergomum: foedus verbo in mutam defensionem, re vero in excidium Matthæi initum. Quibus Mediolani cognitis, coivere in medium principes civitatis, & Capitanei, ac Valvasiores; ex quibus Facius Pusterlæus speciosa ac gravi oratione habita, inventus acerbe est in Manfredini Beccariæ perfidiam, ac cæteros ejus fautores; & bellum omnino suscipiendum suavit: assensere Prætor, & cuncti, qui aderant: ad Rosatum, Abiatumque contractæ copię; signa militaria centum & duo distributa: in agrum

agrum Papiensem excursio facta, lateque multa populati Galeacius & Salimbenus Matthæi Vicarius, ante portas urbis vexilla fixere, & clangoribus tubarum, tympanorumque strepitu, ac interim militaribus probris in conspectu editis, hostem provocare in prælium conati sunt: sed nemine progrediente, retrò in castra cum præda rediere. Hic ad-juncto Petro Vicecomite Matthæi patruo, qui externa auxilia ducebat, Ticinum trajiciunt; ex Viglevanensi agro Gambolatum invadunt; Mortariam vi capiunt, ac in prædam, quæ longe opulenter fuit, vertunt; ædificiis ignem supponunt: quo incendio universum oppidum absumptum est. Inter hæc ab adversa parte exercitus missus Garla-scum munivit, & Viglevanum rediit; Marchio Montisferrati, & Joannes Canis eidem adjunguntur. Ab insula vero Fulcheria, quæ pars terrarum Addua, Olloque fluminibus in Padum decurrentibus clauditur, Actius Estensis, & Cremonenses, & Bergomenses septingentos equites hastatos, & quatuor mille pedites agebant, & novum inde negotium Mediolanensi, quo vires diverterentur, faciebant. His oppositus Salimbenus hostem toto fluvio fugavit, & commeatus, impedimenta que ex trepidatione desertæ intercepti. Dum Adduam copiam traducuntur, supervenit cum ornatissimo equitatu Moroelus Malaspina, & Cremam prædabundi excurrerunt. Erat Cremæ Prætor Henricus Moguntiacus Mediolanensis diversarum partium habitus, & qui intento studio adversarios foveret; ei diem dici, & perduellionis damnari, domum in urbe, turrinque solo æquari Matthæus curavit. Et nihilo secus de pace actum: tres nuntii Cremam missi retulerunt, contentos esse adversarios, ut arbitri ponendarum conditionum utrinque darentur: dati à Mediolanense Uberto Vicecomes Matthæi frater, & Otho Curtis novæ Comes: ab adversariis Seregnianus Guinzonus, & Joannes Crepa. Nec ita multo post commeatibus ad utraque castra sine fraude nuntiis, pax pronuntiatur; cui conciliandæ intercessisse sedulam Venetorum operam lego, qui gratificari Matthæo magnopere cupiebant, ob tale meritum.

Genueses, ut acceptam in Ponto Euxino cladem ulciscerentur, septuaginta triremes sub Lampadio Auria in sinum Adriaticum misere: quibus Veneti, ut sua tutarentur, quinque & nonaginta opposuere, Carolo & Andrea Dandulis Præfectis: juxta Corcyram nigram, quæ *Scurzura* vulgo dicitur, confligere non minoribus animis, quam viribus, & plures à paucioribus victi sunt. Fusi Veneti etiam de salute patriæ dubitarunt: sed ea victoria contentus Ligur, iter in Orientem vertit: nihilominus, ut in futurum quieti prospiceretur, circummissæ Legationes sunt de pace, quam Matthæus disceptator & arbiter constitutus, ita æquis & honestis conditionibus composuit, ut magno se devinctos beneficio Veneti semper existimaverint; & perspecto præsentis ejus discrimine, cum haud dubium esset præcipuum rei momentum ab uno Manfredo Beccaria pendere, Legationem misere, quæ eum & populum Papiensem reconciliaret, atque Matthæum periculosissimo bello exemerunt. Namque eam pacem mox secuti, amplexique sunt supra nominatæ civitates, & foederati: quam tamen paulo post privata odia & seditiones abruerunt; & subinde Matthæi potentiam redintegrarunt. Caballatii & Brusati Novariæ Torniellam factionem cum Prætoris urbis Museto Beccaria ea urbe expulerunt; & Philipponus Languscus à Beccaria familia dissidens, arma in Manfredum sumpsit, urbeque Papia expulit. Matthæus Novariam vocatus, exercitum trans Ticinum cum Galeacio filio duxit, & sine difficultate in urbem receptus, Prætorum imposuit Turrizanum Cava-

tiam; atque inde transiens Vercellas, ultro obedientem civitatem habuit, ac Prætorum dedit Florium Castelletum.

In Laudensi quoque nonnihil novi actum: oppidum est Sanctum Columbanum feraci agro nobile: id tunc obtinebant Capitanei Landrianei. Laudenses noctu id invasere, ac per fraudem occupavere. Pulsi veteres Domini querelam statim perferre ad Matthæum tunc circa Novariam & Vercellas implicatum non potuerunt. Eo reverso, & victoria læto, & favorabiliter omnia audiente, exposulavere injuriam. Disceptator Matthæus in consilium adhibet Prætorum urbis, qui tunc erat Bisfacha Ricardus Laudensis, & Priorem, ac socios collegii, quos vocant Ancianos: quibus cum Laudenses probare niterentur, se ultro vocatos & interdiu admisso per Jacobum Landrianum, qui tunc arci præesset; & locum vetusto jure esse populi sui: Landrianei, vel eo mendacio cætera redarguebant; quod Jacobus non solum in arce non erat, sed Mediolani quiddam aliud eo tempore procurabat. Respondere Judices placere partis utriusque jura inspicere, & cujus deteriora erunt, eam abstinere Sancto Columbano. Contigit per eosdem dies non importuna rebus Matthæi confirmandis mors Raimundi Turriani, qui Aquilejensi sacerdotio pollens cognatos, & clientes opibus, & majestate nominis sustentabat, & turbantes quacunque occasione Vicecomitis quietem spe & pecunia fovebat.

Jam subibat annus sæcularis trecentessimus supra A.C. mille à partu Virginis, cum Manfredus Beccaria & Philipponus Languscus post attritas mutuis cladibus opes, tandem deponere arma & bello finem facere decreverunt. Matthæus disceptator nuncupatur. Is, ut rata, quæ pronuntiaret, forent, viginti obsides utrimque exegit: tum urbi Papiæ Prætorum mittit Othorinum Burrum, & Capitaneum populi Gasparem Garbagnatem: nec ita multo post petit Languscus, ut Papiam introire cum nongentis equitibus sibi liceret: quod cum ei negaretur ob manifestam tumultus suspicionem, vim tentavit; ingressusque multos ex factione Beccariæ interemit. Repugnarunt tamen constanter adversarii, & prædiciariæ Matthæi copiarum, quarum vi ac virtute debellatus, simul cum Rustiniano fratre captus est, & perductus Mediolanum; ubi non ita multo post reconciliatus cum Matthæo, novam cum illo societatem paciscitur: & Papiam dimissus, quam affectaverat, potentiam adeptus est adeo, ut Manfredus è medio cedere coactus, Veronam ad stipendia Scaligeri se contulerit.

Inter hæc consilia inita crant inter Actium Estensem Ferrariæ Marchionem & Albertum Scottum Placentinorum Ancianum, ac populi defensorem (talem enim verborum lenitatem prætendebant, cum rerum potirentur) contrahendæ invicem affinitatis; ut videlicet Scotti filio Beatrix Actii soror, quæ vidua ad secundas nuptias adspirabat, matrimonio locaretur. Id sentiens Matthæus, tactus confestim est memoria Galeacii filii, quem haud imparum, sive genus, sive opes spectarentur, filio Scotti, imo longe digniorem, quocum tale conjugium componeretur, censebat. Itaque & apud Albertum causas morarum, & differendi negotii seri curavit; & cum Actio agit missis propere nuntiis, ut in collocanda sorore, suam Scotti affinitati præverteret, tanto augustiorem, optabilioremque, quanto Placentinæ urbi Mediolanum antecelleret: facile Actius huc inclinavit; cæterisque ad rem necessariis constitutis, dieque dicta, qua nuptiæ celebrarentur, Matthæus operam dedit, ut Galeacius dignus patre, dignusque imperio Mutinam, quæ solemnitati decreta civitas erat, proficisceretur. Igitur præter reliquum apparatus Oratores ex subditis civitatibus

Mediolano ipso, Brixia, Como, Novaria, Ver-
cellis, qui populorum studia & obsequium testa-
rentur, accivit, & ducentos nobiliorum liberos
splendide ornatos ei comites ire iussit. Iter ex Me-
diolano Placentiam, & recta Mutinam usque fuit:
ubi magnifice omnes Actius excepit, & sponsum
militari prius auro, equestribusque ornamentis de-
coravit: deinde producta Beatrix solemnī stipula-
tione in novum virum consensit, atque ex ejus ca-
pite in caput sponsi margaritarum coronam Actius
transtulit: tum pronubo annulo digitum devinxit.
Octavo Kal. Julius ea res acta est, & quadriduum
choreis & saltationibus indultum. Inde præmissa
longa comitantium pompa Mediolanum veniunt:
urbi appropinquantes pernoctarunt in tugurio Ca-
revallensis cœnobii; quia cœnobium ipsum femi-
nas ingredi religio est. Postero mane, effuso ob-
viam populo, & frequenti nobilitate, in geminæ
umbellæ honore excipiuntur. Sub quarum una
nova nupta, sub altera incederet Joanna virguncu-
la primo marito genita, quæ tunc octavum agebat
annum: nupserat autem Beatrix Nino Pisano viro
longe ditissimo, & qui in Sardinia aliquot oppido-
rum dominus, eam insulæ partem obtinebat, quæ
Calluris dicitur. Merula, qui etiam super statu
Beatricis vidua, an virgo foret, longo anfractu la-
borat, Galuram, vulgarem pronuntiationem fe-
cutus, appellat, & id verbum putat non loci cu-
juspian, aut regionis, sed familiæ Pisanæ; in quo
certe decipitur, sicuti & illi, qui Agnetem pro Bea-
trice nominant: quæ mortuo Nino, ad fratrem &
patrios Lares reversa, cum ageret trigessimum an-
num ætatis, secundo nupsit. Meminit ambarum
nuptiarum non ineleganter Dantes Aldigerius Poe-
ta Florentinus; quem Merula carpit, & pro jure
suo mordet, quia is negaverit, par priori connu-
bium factum. Urbem ingressi in Foro veteri nu-
ptialia festa peregere: convivium, epulæ sumptuose
exhibita, multum pretiosæ vestis spectatum; ac in-
gens auri argentique copia: & cum adstrui magni-
ficentiæ nihil posset, pretiosa munera comitibus
præbita: sed duplicavit Matthæus communis læti-
tiæ causam: siquidem eadem celebritate Zachari-
am filiam Ricardino Philipponi Langusci filio
despondit. Nec ita multo post in augendo Galeacio
filio studia convertit, & per novæ Credentiæ suf-
fragia, decerni sibi consortem Imperii, id est, Ca-
pitaneatus, salario in decem millia librarum annua-
rum ampliato, curavit. Eodem anno ejusdem Mat-
thæi confocer Albertus Scaliger Veronæ moritur,
superstitibus tribus liberis relictis, Bartholomæo,
Albuino & Canegrande: primogenitus ei in regno
successit.

Cæterum Bonifacius Pontifex, novo Jubilæi
verbo in Christianum nomen inducto, valde favo-
rabilem in orbe religionem nostram fecit. Jubi-
læum prisca Judæi agebant quinquagesimo quoque
anno; & libertatem servis, credita debitoribus la-
xabant, & in candorem quandam prioris vitæ re-
vertebantur: sic Bonifacius universalem criminum
veniam, & scelerum, quæ alioquin post fata sub-
eunda foret, pœnam remisit, qui intra præsentis
anni curriculum Romam adirent, ac Apostolorum
templa reverenter salutarent, stipemque confer-
rent: qua spe allekti homines ab ultimis usque ter-
rarum finibus digressi, Romam petiere. Statuit au-
tem Bonifacius, ut id centesimo quoque anno Ro-
mæ repeteretur.

Per hæc etiam tempora infandum scelus, & quod
longe magnam civitatis partem per opertanea sacra
contaminavit, detectum, & qua decuit animad-
versione, discussum est. Vir ignobilis cum mulie-
re Mediolanum venit, sacra quædam ferentes,
quæ ad placandam Dei iram, ut aliquando seditio-
ni & civilibus discordiis finis daretur, pertinerent:

A viro Andrea nomen, Seremita cognomen, fœmi-
na Gulielma vocabatur: per intempestam noctem
in subterraneo loco sacris operantes viduas primum,
tum nuptas, ad rem Divinam vocavere; accede-
bant etiam juvenes antelucano tempore: initiaban-
tur omnes vertice derafo: & quia voluptates & pro-
miscui concubitus hujusmodi religioni adjicieban-
tur, major in dies ad id sacrarium turba conflue-
bat: dies etiam constituti, quibus commode con-
venirent. Fœmina sacri antistes sacerdotali ornata
amictu ad aram, quæ in antro ædificata erat, pri-
mum sub lingua obmurmuranti similis Deum ne-
scio quid adprecata effundebat: tum propalam &
B clara voce ad turbam conversa, clamitabat, *In unum
coite, Coite in unum, & lumen sub modio ponite*: ita
cum tenebræ factæ essent, nec discrimen ullum
inter coeuntes foret, ac licentius omni submoto
pudore libidinem explere liceret, propinquam sibi
quisque fœminam attrectans subagitabat. Ita Ma-
tronæ per licentiam, & sub prætextu novæ reli-
gionis haud invitæ constuprabantur. Moritur inter-
ea Gulielma, atque ex collectitia stipe funus ab
iis, qui conscii sceleris erant, in templo Carevallis
concedentibus Monachis curatur. Frequentare viri
& mulieres, templum fœminæ religiosæ salutan-
tes cereos accenderunt, ceu in cælum relata pro
C expianda noxa, avertendisque malis Deum propi-
tium redderet: numquam sacra, defuncta sacrifi-
cula, intermissa illecebræ erant, & sub specie pla-
candi Dei, extra adulterii & furti suspicionem,
viri pariter & fœminæ conveniebant. Ita aliquot
annos Magister obscœni sacri Andreas ingentem
turbam ad hæc sacra converterat. Nam urbis ma-
gnitudo & mala civilia, quæ quotidie augebantur,
patientiores viros reddebant, & proinde negligen-
tius, quæ patrabantur, exquirebant. Tandem ad
hunc modum patefacta res fuit. Mediolanensis ci-
vis mercatura dives, Conrado illi nomen erat, de
D Coppa cognomen: hic, cum uxor de nocte sur-
gens domo egrederetur, in suspensionem adulterii
venit: ita egredientem uxorem mutato habitu, ut
scilicet incognitus esset, persecutus, in locum de-
scendit, & ut erat obvoluto capite, quemadmo-
dum cæteri, proxime uxorem assedit: deinde cum
ad aram Andreas & ministri pro consuetudine & ri-
tu sacri clam pauca præfati, *In unum Coite*, exclamasset, occultatisque luminibus per tenebras nihil
discerni posset, uxorem incognitus compressit; at-
que de digito annulum eripuit, quem haud ita mul-
to post repetivit; quasi apud amicum loco pignoris
depositurus esset. Illa primum arculas & scrinia ex-
cussuram se dixit; propterea quod illum ad ma-
num non haberet: frustrari illa virum, atque ita
E diem de die producere: vir ubi satis sibi verba dari
cognovit, convivium parat, ad quod propinquos
cum uxoris vocat, atque eos in primis, quorum
uxores in obscœno sacrario viderat: post epulas,
ut fieri solet, in choreas & saltationes convivas in-
vitat: apprehensa mulieris manu, dum paulo li-
berius saltant, sine joco, inquit, & re nova, quæ
risum excitet, abire quodammodo absurdum fo-
ret: proinde suæ quisque uxori idem agat, quod
ego nunc meæ: & sub hæc verba redimicula de ca-
pite uxoris dejicit: secuti exemplum cæteri sunt:
tunc derafis cervicibus mulieres visæ: quærentibus
F viris, quid hoc esset, furta Conradus exponit: ad
Matthæum, quia Dominus urbis erat, negotium
omne defertur. Hic statim mandat quæstionem de
occultis sacris fieri: tunc ex religionis ordine, qui-
bus negotium datum erat ex Pontificalibus decre-
tis, eos inquirere cœperunt, qui nostra sacra aut
polluerant, aut violant. Hi antistites & mini-
stros stupri atque flagitii, & qui in sacrarium coi-
rent, aut in eam religionem nomina dedissent,
comprehendi, & in custodia teneri iussere, adque
quæ-

quaestionem conservari: comprehensi complures sunt. Andreas, cum tormenta admoverentur, statim negotium omne aperuit: undecim annos sub specie nocturni sacri stupra atque flagitia in eo sacrario perpetrata fuisse; turbamque maximam eo confluisse; captasque mentes hujusmodi sacris sub silentio ad id facinus accurrisse. Delata hæc Matthæo ubi fuere, supplicium de falsis sacerdotibus, eorumque ministris sumi debere jussit: ita qui vincti erant, ad supplicium perducuntur, & ceu in-expiabilis noxæ rei, atque convicti, ad palum ligati cremantur: ossa quoque Gulielmæ de sepulchro eruta cum ipsis combusta fuere: viris atque cognatis earum mulierum, quæ deprehensæ fuerant, potestas data est, ut qua vellent, poena eas afficerent.

Sed jam Matthæi Regnum non solum finitimis quampluribus, sed etiam multis propinquorum & affinium suorum invisum erat: quare ad res novas eorum animi contendebant: verum detectis insidiis ab urbe profugiunt, Albertonus Vicecomes, Landolphus Burrus, Conradus Soresinas, Simon Curtius, & Gabrius Moguntiacus; & trium postremorum legitimæ damnatorum domus dirutæ, ac solo æquata fuere.

Sub annum Domini primum post trecentimum supra mille interim Vercellis Titoni ab Advocatis, procurante Marchione Montisferrati pelluntur: extorres ad Matthæum Vicecomitem confugiunt: à quo dum petita auxilia expediuntur, Marchio Cuneolum Papiensium oppidum occupat: & conjungentibus arma exulibus Novariensium, novo bello Transicinia regio implicatur: cui dum Matthæus animum intendit, ecce Bergomum evocatur, oblata facultate ejus urbis potiundæ per occasionem civilium discordiarum, quæ denuo ibidem excitatae sunt. Bongi & Rivoli Coleonos exturbare patria nixi rursus sunt: at hi cognitis insidiis Suardos sibi adjungunt: quos, ut obsequen-tiores haberent, patria & bonis, quibus per superiores seditiones mulctati fuerant, redintegrant: cumque satis virium utrinque adesset, ad arma ventum est, atque atrocissime pugnatum: cum neuter succumberet, evolavit nuncius ad Matthæum, qui de statu civitatis admonuit: nec ita multo post alius supervenit, qui alterius factionis nomine eum evocabat. Huc igitur consilia, cogitationesque omnes dirigit Matthæus, Galeaciumque filium eo cum valida manu misit, qui statim intra urbem receptus, auctores seditionis Bongos & Rivosos ejecit: & Rempub. ad arbitrium patris componens, declarari eum supremum magistratum, qui Capitaneus dicitur, in quinquennium curavit: simul Mediolano accersitum Jacobum Pirovenum Præ-torem imposuit. Composita re Bergomensis, Galeacius domum reversus, in agrum Novariensem maturat: Ollegium, Galliatum, Pombiam occupat.

Venit inter hæc in Longobardiam, ac Mediolano iter habuit, ubi à Matthæo perquam honorifice exceptus est, Carolus cognomento *Sine-terra*; Francorum Regis frater: sequebaturque virum Catharina conjux: urbem autem Romam petebant, adituri Bonifacium Pontificem, à quo Constantinopolitanorum & Judææ designatus Imperator Carolus ferebatur.

Sed jam Matthæus, & claritate eorum, quibus cum affinitates contraxerat, & latitudine imperii elatus, eo superbiæ devenerat, ut fortunæ suæ fastigium non caperet, & à promissis interdum recederet. Desponderat, ut supra diximus, Zacharinam filiam Riccardino Philipponi Langusci filio: sed hanc, mutato mox, nescio qua ex causâ, consilio, Othorino Ruscæ Petri Comensis filio adhuc impubi junxit. Irritatus insigni injuria Langu-

scus, cuicumque occasione intendit animum, qua desiderium sui & mentem servandæ fidei Matthæo faceret. Primo cum Antonio Fisiraga Laudense conspirat; deinde subeunte anno secundo supra A.C. trecentum, traxit in societatem Gulielmum Bru-^{1302.} satum Novariensem, Advocatos Vercellenses, & Jo. Marchionem Montisferrati, quibus haud cunctanter accessit Albertus Scottus, defraudatæ & ipse nurus injuria ardens. Tum vocati longo ab exilio Turriani Cremonam & Laudem venire: quibus de communi consilio promissâ est in patriam restitutio. Conflatam in se tam gravem conspirationem non ante fere Matthæus vel sensit, vel credidit, quam hostes in Fulcheria insula cis Adduam exercitum trajecerunt, confederuntque ad Lavaniam vicum inter Cassianum oppidum, & Cornalianum. His Matthæus, quam celerrime potuit, sese opposuit, castraque fecit ad Pioltellum vicum, & relicta urbis cura Galeacio filio, & Uberto fratri, quantas poterat, copias accersit. Tum Petrum Vicecomitem patruelem proditoris suspectum ab arce Besenrati detraxit, & Mediolanum in vincula misit. Inde Sepezanum, ubi Oliverius Turrianus adhuc supererat, deduci jussit. Ejus vero uxor Antiochia è Cribellorum gente orta, cum per se generosa animo, tum viri captivitate irritata, in agrum Seprium, ubi opibus & clientelis plurimum pollebat, evolavit; convocatisque amicis, tum Conrado Rusca genero adjuncto, magnum tumultum concitavit: ad decem pene millia peditum ductu muliebri coiverant. Accessere exules Albertonus Vicecomes, Landolphus Burrus, Conradus Soresinas, Henricus Moguntiacus. Quorum successibus cognitis, Scottus, Fisiraga, & Turriani Besenzatum petivere: eorum digressu Matthæus castra à Pioltello inter Meltium & S. Erasmi vicum transfert: ubi à paucis quibusdam viculis com-meatibus juvabatur. Nam ab urbe Mediolano auxilii parum mittebatur, immo vix Galeacius tuto ibi esse coeperat. Interim populus raptis armis, palam in libertatem se vindicat, inimica omnia Dominis ostentat. Sub his Moguntiacum oppidum repente ad hostes defecit. Matthæus tot malorum mole pressus, cum vicinos omnes inimicos conspiceret, & auxilia, quæ ab Estensi mittebantur, procul adhuc nimium essent, animum despondit. Aderant tunc forte quatuor Venetorum Legati; qui humani sanguinis, si praelio certaretur, solliciti, suadebant, ut conditionibus potius, & injuriarum remissione, quam armis periculum discuteretur. Haud abnudentibus utriusque partis animis, ad utraque castra commeant; pacis mentionem magna cura circumferunt: conditiones proponebantur, ut exules primum in patriam & bona restituerentur; & ut Vicecomites deposito regno, æquo jure cum cæteris viverent: id quamvis durum Matthæo videretur, ut, qui dominari consuevisset, in ordinem ac speciem quandam servitutis redigeretur; demum tamen annuit: sceptrumque & regnum deponens tradidit Scotto; quo disceptatore cum Legatis Venetis res decideretur, ac dimisso exercitu Meltium in illius potestatem venit: ac deinde in arcem S. Columbani, quæ sua erat, concessit. Tum Arbitri pronuntiavere pacem, qua Turriani & reliqui exules in urbem restituerentur; inque bona sua, quæ comparerent, redirent; quæ vero abessent, æstimatione facta, refarcirentur.

Hæc dum aguntur, Galeacius, qui populum Mediolanensem continere in fide non poterat, seque summa in invidia esse perspiciebat, urbe cum duobus millibus armatorum digreditur; atque dum à porta Romana ad Tonsam flectit, audit à tumultuante & rebus novis gaudente multitudine domum suam fuisse direptam; seque & patrem, ceu patriæ hostes, ad poenam peti. Cæterum eo sic abeun-

abscunte, quæ reliqua charitatis pignora erant, prædæ hostibus futura existimabantur. Beatrix uxor & Bonacossia mater cum quatuor aliis impuberibus filiis Marco, Luchino, Joanne, ac Stephano commutatis latebris apud amicos aliquantulum latuerunt: mox in ædes Eustorgianas translati, tamdiu, ceu in asylo quodam incolumes servati sunt, donec tuto patria cedentes, Bergomum abiire.

Contra adversarii, ceu ingentis prælii victores, urbem ingredi, ambulare superbi, elatique, Albertus Scottus, Philipponus Languscius, Antonius Fisiraga, Henricus Moguntiacus, Venturinus Benzonus, qui Crema oriundus erat, & Conradus Rusca Comensis, ac paulo post ejus focer Petrus Vicecomes carcere exemptus. Is cum ageretur de recipiendis in urbem Turrianis, admodum refragatus est; quod non ignorabat eos, qui dominari & ipsi consuevisent, intra privatae fortunæ jugum minime mansuros: contra Moguntiacus manibus, pedibusque adniti, ut omnino reducerentur. Placuit ad arbitrium multitudinis remitti, ac numero suffragiorum populi voluntatem declarari. Præfuit ei concioni Scottus; vicitque sententia, ut restituerentur: ergo instructi, ornatique magna pars fautorum egressi cum publico gaudio eos excipiunt, & quasi aliter constare libertas non posset, introducuntur, Herrecus, Musca, qui & Conradus, & Muschinus filius, tum Guido Francisci, Martinus Casoni, Imbaraldis, Napinus ejusdem Muscæ Aquilejensis Ecclesiæ Canonicus, Angefossius Andrejotti, Zonfredus Carnevarii, Leoncinus, & Oliverius nuper ex carcere Septezani exemptus. Cum vero omnia in tumultu essent, nec forma Reip. constituta foret, Scottus affectare dominium visus est: sed Conradus Rusca, & cæteri Proceres ei adversati, permiserunt, ut saltem ejus nepos Bernardinus Scottus Prætor urbis cum Rectoris titulo in sex menses designaretur: isque inibi magistratum inivit: tum peregrinus quisque in patriam abiire, & Placentiæ novum conventum habuere; quem celebrarunt Legati à Mediolano, Papia, Laude, Como, Novaria, Vercellis, Derthona, Alexandria, Casali, Cremona, Bergamo, Crema: decretaque societas fuit ad communes opes, dignitatemque tuendam, ut mille equites, totidemque pedites communibus impensis perpetuo alerentur instructi, paratique haberentur ad casus, & qua Albertus Scottus innuisset profecturi: tum ne ulli bellum inferretur, nisi de communi consensu susciperetur: deinde nova decreta adversus exules constituta.

Interim cum Turrianis matrimonia & arctioris amicitiae jura contrahuntur, quorum fiducia ad pri-

A stinas opes & antiquum dominium adspirare posse videbantur: nam Guidoni Philippus Languscius filiam, & ejus filio Francisco Albertus Scottus nepotem, & Simonino Petrus Vicecomes filiam uxores dedere; atque aliae cum aliis contractæ affinitates fuere: quarum invidia, cum novam parari civitati servitutem existimarent nonnulli, recensque animo resideret Matthæi memoria, de eo reducendo confilia inivere: oberrabatque ipse jam inter suburbana cœnobîa, cum subito fama falso invaluit, in urbe eum esse, & latitare apud cognatos & affines. Hinc trepidatio cunctos cepit, & dimissi inquisitores, qui undecumque eum retraherent: sed eo nusquam reperto, cessavit aliquantulum metus: mox rapta palam arma sunt, & variis locis intra urbem pugnatum est. Franzinus Carcanus in porta Comensi, & in viridario gens Marliana sane magnum numerum pugnatorum effecerat. Tum Petri & Uberti Vicecomitum domus armatis completur: sed his omnibus in locis victores fuere adversarii, qui cum cætero præsentium favore, tum plebis studio prævalebant: cecidit inter has agitationes Andreas Vicecomes cum nepote. Ubertus vero Matthæi frater, equo per tumultum prolapsus, pene conculcatus est: sed inhibente Guidone Turriano incursum multitudinis, servatus est, atque urbe cum cæteris amicis cessit: quod ut sensit Matthæus, qui in cœnobio Viciboldoni latebat, Placentiam abiit. Tunc ei, Ubertoque fratri, & Henrico Vicecomiti dies dicta, ac pariter Franzino Carcano, Alberto Casato, & Gulielmo ejus filio, Princivallo Mandello, Florio, & Ortolano Castellettis, nec non Marlianeis, Balbis, Adoardo Pirovenco, Petro Crasso, Petro Capello Jureconsulto, Antonio Maino, & Hugoni Levenati: cujus novitatis admoniti Fisiraga, Languscius, Scottus, Simon Corobianus Vercellensis, & Gulielmottus Brusatus statim Mediolanum convolare, ut opem, si qua indigerent, Turrianis afferrent; ac præsens periculum omne discuteretur: atque inibi Brusatus Capitaneus populi in proximas Kal. Martias creatus est; eundemque Franciscus Archiepiscopus militaribus ornamentis donavit. Ita firmatis Turrianorum opibus, Vicecomites penitus ejecti sunt.

Per idem tempus Frater Leo Lambertengus, Vitana factione Comi concitata, ad res novas urbem ingressus est: dumque diversa pars totis vicis fugatur, Conradus Rusca oppressus interiit: obiit etiam Bonifacius Pontifex, & ei successus Benedictus XI. sub quo uni ex Turrianis Pagano nepoti magni Pagani Carnevarii filio Episcopatus Patavinus delatus fuit.

TRISTANI CALCHI, MEDIOLANENSIS HISTORIOGRAPHI, HISTORIAE PATRIAE LIBER XIX.

EPITOME.

Matthæus non imperio modo, sed etiam patria, bonisque spoliatus, suis primum se, deinde Alberti Scotti Placentinorum Principis viribus nequidquam conatur erigere. Scottus enim suis aequae ac finitimis inivisus, subita eorundem conjuratione petitus, imperium exilio permutat. Turriani patriam restituti revertenti Fortuna ad opes, dignitatesque velificant: delatamque urbi nostrae à Romanis senatoriam sedem

F Paganinus illorum gentilis init: Pontificiam Clemens V. in Gallia collocat auspiciis admodum sinistris, nec mediocri Italia malo. Gibertus Corriginus Parmensibus exulibus patriam restituitis, ejusdemque Princeps acclamatus, emulam Rubeorum gentem exterminat: insidiisque appetitus Actium Estensem conjurationis auctorem bello persequitur. Bononia impiis Guelphorum ac Gibellinorum ignibus ardet usque ad Gibellini nominis cineres: nec à Legato quidem Pontificis abstinet manus, sacris ea de causa & libera-

lium

lium disciplinarum usu multata. *Matthæus* reditu in patriam iterum frustra tentato, hastis tandem abjectis, *Brixia* sedet inglorius. *Scottus* secundiore fortuna sublevatus, *Placentinos* iterum subicit. *Montisferrati* ditio, *Joanne* sine liberis denato, ad *Theodorum Paleologum* per tabulas transmissa *Opicino Spinula* *Theodori* nuper socero, nobisque adjuvantibus, *Gallis* ac *Philippo Sabaudo Achaja* quondam *Principe* frustra obsistentibus, tandem obtinetur. Summo humana vite commodo factum est, ut flagitia, non minus quam agritudines, & apostemata, cum summa fuerint, propius remedium, & quasi maturitatem esse videantur. Itaque *FRATICELLORVM* pariter & *TEMPLARIORVM* nefaria impieque libidines, quæ per superiorum temporum improbitatem sub religionis integumento eo fœditatis devenerant, ut ipsorum non paucis pudori essent, atque fastidio, ab eisdem prodita nequissimorum capitum sanguine eluuntur. *Guido Turrianus* populi *Capitaneus Castonum* & *Zansfedinum* gentiles suos asserit, illum *Mediolani Archiepiscopum*, hunc *Parma Præfectum*, *Corrigio* ab exulibus primum pulso, deinde in aliorum civium ordinem admissio. *Placentia Principatum*, dissidentibus inter se civibus, ipsemet accipit, brevi ab *Scotto* repetendum. Demum *Mediolani* dominationem absolutam, nulloque tempore circumscriptam ambit, atque obtinet: nec tamen diutius tuctur. *Arnaldo* enim *Pelagura Pontificis Legato* *Ferrariam* ab iniquo invasore *Venetis* deditam bello repetente; *Galeacius Vicecomes* cum strenuum gessisset ducem, amicitias atque opes contrahit, quibus *Matthæum* patrem pristina fortuna etiam nunc inter reia ac scaphas *Benaci* lacus confidentem, si inimicorum flagitia suorum magnitudinem aliquando vincerent, in aucupanda per honorificam legationem novi *Cæsaris Henrici VII.* benevolentia ac clientela adjuvet. Et *Guido Turrianus* *Castono Archiep.* ejusque fratribus ob suspicionem conjurationis cum *Galeacio* primum in custodiam, tum in exilium missis, *Legato Pontificis* per finitimos *Episcopos* edicente, ab aris ac sacris prohibitus diris omnibus devovetur. Nec irrita fuerunt tam horrenda execrationes. *Henricus* in *Italiam* descendens *Legatos* præmittit, qui plerasque *Longobardas* civitates intestinis discordiis agitata pacare, sibi que propediem affuturo conciliare studeant. Quæ, adnitente præsertim *Turriano*, primum *Henricum* ipsum officiosa legatione aggrediuntur; deinde *Robertum Apulia Regem* ex *Gallia* evocant, qui in *Pedamontanis* plerisque oppidis, tum etiam *Asta*, *Alexandria* que exceptus, *Emilia* via *Romam* contendens *Ferrariam* quoque à *Legato* custodiendam accepit.



VM subiret annus Domini tertius supra mille & trecentum, *Antonius Fisiraga* *Præturam* *Mediolani*, & *Capitaneatum* populi *Thomas Græcus Bergomensis* excepere. *Martinus* vero *Turrianus* *Comum* à *Vitanis* vocatus, eidem *Magistratui* præficitur. *Matthæus* *Placentiæ* exul oberrans, ubi cognovit omnia in inimicorum potestate esse, injuriam primum cum *Alberto* *Scotto* expostulare, fraudem sibi factam vociferari; multo etiam id esse gravius quod per fidem interpositam cognati & amici patria pulsi vagentur. *Scottus* hominem lenire verbis, & quasi plebs fuerit, quæ veteres *Dominos* receperit, se excusare; tamen desperata omnia non esse, & se operam daturum, ne & fides sua & dignitas ejus neglecta videatur. *Matthæus*, ut nugas sibi dari cognovit, *Padum* clam trajicit, & milites, cosque cives, qui nondum arma deposuerant, congregat: cujus cum incerti conatus forent, ingens suspicio

A adversariis orta est, ignorantibus, quo is tenderet, & à quibus ipsi caverent: ergo continuis octo diebus pervigilium in urbe actum, armatis ad lychnos totas noctes incedentibus.

Matthæus autem in *Comensem* regionem profectus, *Belinzonam* petit, ubi quatuor millibus pedum & trecentis equitibus convocatis, *Lucanum* aggreditur: quo expugnato *Varisium* contendit, atque oppidanorum voluntate receptus in *Comensium* fines progreditur: ad cujus urbis moenia cum pervenisset, vicumque & turrim occupasset, asperioribus verbis incessere, irritareque ad pugnam oppidanos coepit: qui sicuti principio detrectarunt, satisque eum à vi arcere habuerunt; ita paulo post visis sociorum auxiliis, alacres facti sponte eruperunt. Namque & *Mediolani* *Prætor Antonius Fisiraga*, & *Guido Turrianus*, cæterisque ejus cognati, ad primum novi motus nuncium cum expeditis militibus contenderunt *Comum*, atque à *Papia* & *Laude* novas copias accersiverunt: ergo impetu in prædatores magis quam obseiores facto, statim eos venterunt in fugam; & longius infectati, non mediocre ex his cædem edidere, ac circiter mille captivos in urbem retraxere; inter quos agniti sunt *Joannes Lucinas*, & *Franchinus Rusca*. *Matthæus* quoque proximus ut caperetur fuit: cum elapsus esset, *Verbanum* lacum trajicit, & *Ollegium* se contulit, ubi *Philippum Torniellum* à *Ghelpho Novaria* pulsum reperit: mox quia ea sedes haud tuta videbatur tam propinquis & potentibus adversariis, in *Eporedienses* transivit. *Azilii* cum aliquot dies moratus esset, sensissetque hic quoque infestis inimicorum odiis se peti, nulla servata itinerum ratione, *Placentiam* ad *Scotti* opes rediit. *Tornielli* quoque *Ollegio* pulsi, trans *Padum* abierunt, atque *Derthonæ* confederunt: quod hæc una atque item altera solæ reliquæ factæ fuerint, quæ ex universa *Longobardia* *Gibellinum* nomen tuerentur, cum cæteræ in *Guelphorum* potestatem cessissent.

D *Brixia* autem *Thibaldus Brusatus* è mediocri fortuna in summum rerum culmen pervenerat adeo, ut *Benedictus* quoque *Pontifex* non indignum duxerit, cui *Flaminia* *Provincia*, & *Bononia*, *Bertonorijque* procuracionem summa cum potestate, & à quo nulla provocatio esset, deferret. Quam rem ne quis admiraretur, ut novam à nemine alio traditam, sciant lecturi, nos binas archetypæ formæ litteras id explicantes *Papiae* lectitasse. *Brusato* adversabatur *Episcopus* urbis, isque ejus absentia occasione observata, arreptis subito armis, universam hoc tempore *Brusatorum* factionem urbe expulit. Idem *Bergomi* adversus *Suardos* factitatum: sed mox utrobique pace reconciliata restituti sunt.

E Ineunte *Julio* mense *Pinus Vernatia* *Cremonensis* *Præturam*, & *Venturinus Benzonus* *Cremensis* *Capitaneatum* populi *Mediolanensis* fortiti sunt. Qui cum *Lomatium* vicum cognovissent confugium esse *Sicariorum*, & eo se recepisse, qui novissime curatores rei frumentariæ trucidaverant, eo cum valida manu profecti, opes primo diripuerunt, deinde subjecto ædificiis igni, cuncta, unica turri excepta, cremarunt.

F Sub his bellum *Scotto* paratum fuit: in invidiam venerant opes, & parum fida societas videbatur ejus, qui exules, diversarumque partium homines exciperet domi, necessariisque rebus à calamitate sublevaret: orta belli suspicione, ad eum confugerunt *Manfredus Beccaria*; & cum *Matthæo* *Petrus Vicecomes*, & qui alii claro genere orti amissis fortunis vagabantur extorres. Is *Matthæo* ostingentarum lancearum *Præfecturam* contulit. Nec desuere equites, qui cum numerum impleverent: pedum quoque ad quatuor millia affluere. Hos circa *Orium* & montem *Marrum* *Laudensium* vicos *Matthæus* collocavit. *Scottus* vero *Placentiæ* se

continebat, unde commodius reliqua necessaria providebat: hostes erant Cremonenses, & Thibaldus Brusatus ab inferiori Pado, & à superiori Marchio Montisferrati, Vercellenses, & Novarienses, quibus accedebant ex fœdere Comenses. Quod ut perspexit Matthæus, relicto Laudensi agro, Placentiam integris viribus rediit. Tunc pecunia Marchioni data, ab ingenti periculo sese Scottus redemit.

Cæterum Beatrix Matthæi nurus etfi Bergomi honorifice habebatur: neque ob viri ærumnas quicquam matronali dignitate indecorum pateretur, tamen cum gravida foret, redire Ferrariam maluit, ubi inter suos necessarios, & apud fratrem commodiora omnia habitura erat: nec ita multo post septimo Idus Decembris filium peperit, quem de ipsius avunculi nomine Actium appellarunt.

Eodem tempore exulabat urbe Parma non exiguus civium numerus, qui factionem Episcopi sequebantur: de quibus reducendis cum actum in concilio foret; & quibusdam tres tantum & triginta restituendos asserentibus, Gibertus Corrigius, in quem tunc hominum favor inclinabat, neminem excipiendum censebat: & nisi ita fieret, tumultum civitati imminere prædicabat: jamque proxima rixæ contentio erat, cum supervenere Cavalcabos Vitalianæ Dominus, Supramons Amatus, Gilius Perficus, Armaninus de Summo cives Cremonenses, & Giberti veteres amici: qui arbitri controversiæ facti, restitutionem in universum faciendam pronunciarunt; posteroque die in urbem redierunt, ceu longo postliminio festa fronde coronati Anselmus Maraneus Sancti Joannis Abbas, ejusque consanguinei Sanctovitales, qui Arciles, & qui à Porta cognominantur. Giberto porticu ædium S. Vitalis inambulante succlamavit multitudo, *Vivat Gibertus, salvus sit Corrigius*, easque voces identidem repetendo, cum in forum deduxerunt, ubi plausibili vocabulo *Defensorem populi & libertatis* vociferantes, Dominum constituerunt, atque inibi delatum ei fuit vexillum civitatis, & quod supremum signum erat, Carrotii cura: quæ graviter ferentes Rubci, urbe cesserunt, seque in oppida sua contulerunt. Mortuus est eodem anno Benedictus Pontifex, & Sedes Romana complures menses vacavit.

A. C. Anno quarto & trecentesimo, Capitaneus populi
3404. Mediolani renunciatus est Julianus Marianus Cremonensis. Per quod tempus cum Suardi Bergomo extorres, congregata multitudine, Martinengum & Carepium occupassent, Matthæum Vicecomitem habuerunt, & Balduinum Ugonem, qui auxiliorum præfecti à Brixianis Pontolium usque venire: sed mox audientes à Mediolano ingentem manum hostilium adventare, in varia dilapsi, nulla re memorabili edita, evanuerunt.

Interim adversus Scottum nova fœdera inita, ob eamque rem conventum Cremonæ sociæ civitates habuere: in agro Papiensi exercitus coacti sunt, eorumque Duces Marchio Montisferrati, & Salugienensis cum Attenfi juventute assuere; & trajecto Pado, aliquot oppida cepere: cumque jam Placentiæ moenibus incumberent, orta in castris seditio est. Cremonenses & Laudenses minime cupiebant, tam propinquam claram urbem vel penitus deseri, vel alterius ditioni accedere; ne aliena potentia aucta, ipsi postmodum in periculo essent: sic ab his facto abeundi initio, & aliis atque aliis eorum exemplum sequentibus, solvitur obsidio.

Sed haud ita tamen imminens procellam Scottus evasit. Flagrabat incredibili civium odio, qui omnia sibi, liberisque suis arrogabat, Franciscumque filium æquata potestate, moribus suis innutriebat, tanto in deterius declinantem, quanto summæ fortunæ ætas in vitia proclivior comes accedebat: ex-

A go urgentibus iis, quibus nimis aspera duorum dominatio videbatur, & subinde eam tyrannidis appellacione gravabant, innovatur conspiratio: eademque urbes Mediolanum, Ticinum, Monsferatus, Vercellæ, Novaria, Laus, Cremona, Bergomum arma confociarunt. Philipponus Languscus, & Vicecomes Palavicinus inter primores eminebant. Jam trajecto Pado exercitus late Placentinum agrum populabatur, Bobiumque urbem ad fontes Trebiæ, ut supra docuimus, sitam, & Rivalgharium oppidum in potestatem redegerant; cum cives tumultuari in urbe, & aperte Scotti jugum detrectare coeperunt: supervenit mox à Parma Gibertus Corrigius, qui perspecta periculi magnitudine, sequestrem sese, vademque nuncupavit, in id, ne qua vis Scotti, detrimentumve rebus fieret: & cum Francisco filio, Petroque Macasola genero, cæterisque amicis incolumem dimittens, deduci Parmam, ac liberaliter servari curavit. Moxque intronissis in urbem exulibus constituta Resp. est; & communi decreto Albertus Scottus, & filii affinesque patria & bonis interdicti, ac perpetuo exilio damnati sunt. Quibus mense Decembri peractis, Parma quoque civitas, auctore Corrigio, fœderi superscriptarum civitatum accessit.

Initio anni quinti & trecentesimi, ab Roma O-ratores venerunt, petentes deligi aliquem ex civitate Mediolanensi ingenio & industria præstabili, quem ad exercendum hujus anni Senatorium munus Romam ducerent. Musca Turrianus, tunc gentis suæ primarius, Paganinum filium dedit, ac cum comitatu ornatissimorum juvenum demisit. Ipse interea & Guido frater patruelis cum quatuor & viginti primariis Mediolanensibus Derthonam proficiscuntur, quæ civitas intestino bello laborabat: hi autem arbitri controversiarum facti, pacem brevi composuere: exules diu vagos & mendicos maximo omnium gaudio restituere. Interim Mediolani contraria eis consilia ineuntur; sed non bene cælatis insidiis, capti sunt Othorinus Sorefinas, & Cavallionus Cornalianus, qui cum consocios nominassent, dies dicta fuit Landolpho Burro, Cressiono Cribello, Admirato Osnago, & Albertono Besutio: deinde Placentiæ habitus est conventus fœderatarum civitatum, decretumque bellum adversus Mantuanos, Veronenses, & Brixianos, qui ope & armis exules Bergomeneses juvabant. Summa negotii Guidoni Turriano demandatur: cum copiæ Adduam ductæ forent fere mensem integrum interclusæ fuerunt inundatione Ollii amnis, qui insolitis imbribus auctus transiri nusquam potuit: quod adversariis salutis fuit: nam interea Cressionus Cribellus, & alii exules Mediolanenses, patrios fines ingressi, cum tumultuaria manu Nervianum occuparunt, tantumque terroris finitimis populis fecerunt, ut coactus sit Guido ab Transadduana expeditione discedere: revocatisque cohortibus, rebelles utique fugavit: sed ad pristinum negotium non rediit. Per id tempus Capitaneatum Mediolani egit à Kal. Martii in Kalendas Octobris Busca Lavizarius Comensis; & ab eo Oliverius Rubeus Anconianus; dehinc Bernabos Polastrellus Placentinus.

Eodem tempore altera Beatrix urbem Ferrariam immigravit. Filia Caroli Apulorum Regis hæc erat: nupta vero Actio Estensi inter Longobardos Heroas illustri: actæque sunt nuptiæ per celebres menses Majo: quamquam Chiapeta apud Dantem eas vehementer improbet, taxetque Carolum avaritiæ, qui infra dignitatem suam filiam locando, sanguinem Regium vulgaverit; coque facto Beatricem non nuptui dederit, sed vendiderit: sed hæc superbia fortasse Gallica dicta sunt, cum nullus non Italus plerisque omnibus Transalpinis hominibus vilis, rusticusque videatur.

Ex obitu Benedicti Pontificis Romana Sedes jam prope annum vacaverat imprudentia Cardinalium, qui

qui Perusiae congregati finem contentionibus, cupiditatibusque suis non inveniebant: tam dirisque invicem arserunt discordiis, ut in peregrinum potius & absentem conjicere animum, quam unum ex se eligere maluerint. Ergo Beltrandus Vasco natione, dignitate vero Burdegalenſis Praeful, summus Sacerdotum designatur, & Clemens Quintus nuncupatur. Qui statim à Burdegala Lugdunum profectus, eo Cardinales omnes ab Roma evocavit; & diutius ibi commoratus, Sedem in terra Gallica firmare coepit; quae ibidem septuaginta & eo amplius annos retenta, non sine maximo Italiae malo fuit: & parem Constantinianae transmigratiōi, cum Imperium & opes Byzantium translatae sunt, cladem attulit. Neque tamen adeo feliciter coronatus Lugduni Clemens fuit: siquidem dum à celebritate sacrorum in Palatium revertitur, subita aedium ruina elisis multis, obtritus pene est, atque omnino gemmam pretiosissimam ex thura amisit. Philippus Rex Franciae qui proxime adequitabat modice laesus, Joannes Britanniae Dux oppressus periit: nec procul quoque à periculo fuit Carolus Apuliae Rex, qui ut ei spectaculo interesset, paulo ante ab Neapoli in Narbonensem Provinciam navigaverat. Ceterum res Italas per Procuratores & Legatos administrare Clemens coepit, tribus Cardinalibus Romam destinatis.

Interea in Parmensi ex parvis initiis ingentia mala orta sunt. Nunciatum forte fuit Giberto Corrigio Rubeos ad Segalariam vicum agrestium multitudinem armare: id quod ne temere credidisse videretur, ac propterea quid gravius injuste decerneret, unum ex domesticis exploratum misit: hunc jam à speculatione revertentem, quidam Rubearum factionis ex privata causa atque odio interfecit. Gibertus cum communi totius familiae consilio interemptum ratus, populum Parmensem in Rubeos tamquam rebelles & perturbatores publicae tranquillitatis concitat, diripique illorum domos atque incendi jussit: tamen postero die rapuit arma Ecclesiastica factio, quae pro Rubeco stabat: & plurimis utrinque caesis, tandem hi superati & urbe ejeti sunt; in quibus praecipui nominis fuere Gulielmus, & Ugolinus, ac Jacobinus Rubei, nec non Bonifacius Rolandinus, & Lupus è gente, quae de Lupis cognominatur. Agebat tunc Praetura Parmae Jacobus Landrianus Mediolanensis: is cum exercitu Segalariam profectus, eam, & Colliculum, & Nivianum Rubecorum vicos expugnavit, & cuncta deprædatus, si quid munimenti erat, destruxit. Non ita multo post detecta conspiratio est, quae ad convellendam Corrigii potentiam inibatur: capti Geraldus Enzola equestri dignitate vir, & Paulus Rufus Notarius principem & auctorem totius negotii nominarunt Actium Estensem Ferrariæ Marchionem. Ex quo Gibertus cum Bononiensibus, Mantuanis, & Derthonensibus foedus junxit: cui accessere exules à Mutina, Rhegioque, qui eas urbes ab Estensis imperio subtrahi cupiebant. Jamque satis omnibus paratis, uno momento Gibertus Rhegium, Bononiensis Mutinam aggrediuntur, atque scalis admotis consensuri muros videbantur, & turrim Episcopi, & portam S. Geminiani occuparunt. Veronenses autem & Mantuani alio loco castra posuere opportuno ad prohibendum, ne quid ab Cremona ad obsessos penetrare auxilii posset. Verum & primum impetum sustinuerunt oppidani, & subsequuta foedissima pluvia discedere ab incognito hostes coegit.

^{A. C.}
^{1306.} Dilata deinde res est in sequentem annum sextum & trecentimum; cuius principio, quamvis hieme aspera, intercepte de Estensis ditione Canolas, Gavazetum, Butriolum, & quod nunc quoque maxime nobile est, Carpum, & demum Mutinam ipsam, & Rhegium: ubi cum Gibertus paulo diutius, quam

A necesse foret, morari videretur, non caruit suspitione affectati in urbe Rhegio domini: quare excitatus tumultus est illius jugum subire indignantium: sed is omnia ea dissimulans, & Rempub. reformari passus est, & contentus Matthæum fratrem in semestri Praetorem decerni, abiit, & quae de ditione ejus urbis bello occupat, restituit. Quo negotio peracto, Gibertus rem memoratu dignam, & ut arbitror, exemplo carentem fecit: ter geminas namque necessariorum suarum nuptias uno die absolvit: una ex duabus filiabus Albuino Scaligero, ex obitu Bartholomaei fratris Veronae Domino, altera filio Passarini Bonacossae Mantuanorum Domini collocatis, & nepte, quae ex sorore & Nicolao Folianeo genita fuerat, Laibardino Roncharolo Veronensi pernobilis destinata: easque una celebritate expeditas, nobilissimis viris deducantibus ad viros suos dimisit. Privatae Principum amicitiae plerumque publica civitatum foedera secum trahunt. Has quoque nuptias secuta est societas Veronae & Mantuae, & nuperrimae Mutina & Rhegium, ad evertendum penitus Estensis statum: sed quo minus extemplo bellum inciperetur, fecerunt intestinae Bononiensium discordiae. Bis intra urbem ipsam rapta arma, & in mutuam perniciem cives certavere: demumque Guelphus Gibelinum occisione delevit, domos evertit, & quidquid ex eo nomine supererat, expulit.

C Rediit inter hæc ex Gallia Napuleo Ursinus Cardinalis titulo Pontificii Legati à finibus Mediolanensibus ad Fretum usque Siculum: cumque Paschales dies Parmae honorifice exceptus egisset, Bononiam pervenit, ubi Episcopalis aedibus diversanti injuria illata est furentis populi concursu, atque ægre à vi defensu Imolam penetravit. Illic sedens, Bononiam indignam sacris, nomineque Christiano, & quae jamdiu ibi exercebantur, liberalium disciplinarum studiis declaravit; & quantum auctoritas Apostolica valebat, iis omnibus interdixit. Nihilominus eorum socii coacto exercitu agrum D Ferrariensem incurrunt, & populabundi in suburbana ipsa pervenere: nec ausus est Actius obviam egredi: sed clausis portis, tamdiu bacchantem in conspectu hostem toleravit, donec missis Patavium Legatis, magno pretio & restitutione Lendenariae auxilium impetravit. Nec ita multo post accedentibus ejusdem foederi Florentinis, & Lucensibus, ac Bononiensibus ipsis, eo metu liberatur.

E Per ejus belli occasionem Matthæus Vicecomes Mediolano profugus, qui forte octingentis equitibus & eo bis amplius peditibus praerat, reditum in patriam tentavit; excurrenteque Adduam versus pontem Vaprii in suam potestatem futurum speravit: sed occurrentibus mature adversariis, (ii erant Philipponus Languscus & Praetor Papiensis) retro in Brixianos cessit; abjectaque omni recuperandae patriae cura, à turbidis dehinc consiliis quievit.

F Anno septimo & trecentesimo, Kal. Maji, Isimbaldus Papiensis Capitaneatus urbis Mediolani, quem superioribus octo mensibus Ortho Vacca Comensis gesserat, fortitus est: & Praetoram Jacobus Cavalcabos Cremonensis, quam Guido Robertus Rhegiensis administraverat. Interim Bergomi civiles discordiae, reconciliatis pace animis sopitae sunt. Placentiae vero penitus mutata Reipublicae forma. Scotti, Fulgosi, & Polastrelli, opibus Gulielmi Cavalcabovis, & Cremonensium adjuti, Landum & Vicecomitem ejecere. Lancelottus Anguissola & Vicecomes Palavicinus arbitri rerum constituti sunt: qui, ut invidiam dominationis populari titulo lenirent, Abbates se nuncuparunt. Sed jam matura erat Muscae Turriani aetas, cui longa ægritudine superaddita, diem obiit nono Kalend. Novembris: elatus amplissima, & quantalibet non alius ea tempestate, funeris pompa fuit, tumu-

tumulatus in æde Divi Francisci, quam magnis opibus instauraverat. Proximo mense cumulus gentis luctus est, mortuo Martino Castoni filio, quem ad conditum à patre sacellum in templo Eustorgii extulere. Reliquit Musca filios Paganum, Castonum, Adoardum, Rainaldum, Floramontem, qui & à cognomento patris Muschinus dictus, & Napinum, seu Napuleonem juniorem. Eo sublato Guido patruelis illi opibus proximus, tum ætate & ingenio multitudini gratus, gubernandis rebus accessit: ac postridie Id. Decembris omnium consensu Capitaneus, primo quidem in annum unum, mox jam securus auræ popularis, in biennium declaratur; decernique sibi stipendium ex publico duum millium librarum passus est.

Per cujus tempora Albertus Scottus intermissam biennio Placentiæ dominationem recuperavit; ac primo Fidentinum & Castrum Arquatum pulsus custodibus occupavit: tum Placentiam ipsam aperta per conjuratos porta ingressus, ingentem tumultum excitavit: cujus metu duo Abbates Anguissola & Palavicinus, tum Prætor & Capitaneus populi cum peregrino milite, & iis rebus, quæ tunc auferri potuerunt, aufugerunt; penetraruntque in peregrinum oppidum, & Bobium, & reliqua montana Ligurum. Tunc à Mediolano, Pavia, Laude, Cremona, Placentia ipsa missis Prætoribus cum militari manu Burgum Donnini obsideri cœptum: sed mox dilabentibus militibus, intermissa ea expeditio est, & bellum in Ferrarienses translatum, in quo fortiter & sua tutatus est Aëtius, & classem hostium cepit, & multa certamina inter Parmenses, Brixianos, & Cremonenses acta, quæ prætermittere nullum historiæ dispendium est.

Magis vero memoranda ea veniunt, quæ in Monteferrato acciderunt. Jam triennio ab hinc moriens Joannes Marchio, cum nulla proles ei superesset, hæredem instituerat nepotem ex forore Violanta, quemcumque Andronicus Paleologus pater, qui Constantinopoli imperabat, dare maluisset. Andronicus autem Theodorum filium natu penultimum huic successioni designavit: cumque eum in Italiam mittere pararet, nonnulli ex nunciis, qui eo profecti erant, injecerunt ei causam retardandi paulisper; quia pro comperto affirmabant, Joannis uxorem à viro gravidam relictam, & omnino aliquid in utero ferre; quæ si forte marem pareret, ludibrio non minus Græcis, quam Latinis fore hanc Theodori peregrinationem. Ad hæc dubius animi Andronicus, jam Legatos sine filio mittere parabat, cum ei Jacobus, cui à S. Victore cognomen erat, *Ha sunt, inquit, artes Thomæ Marchionis Salucienfis, qui nova fabula, & commentitio partu eludere, & Regnum pulcherrimum sibi finitimum, cen vacuum herede, atque caducum excipere cogitat.* Jamque Clayassium, Vignale, Montem Larium clarissima oppida occupavit; & cum factiones & vetera odia concitaret, Guidonem Cochonatam non postremæ tunc inter Procere auctoritatis sibi conciliavit. Ergo placuit tantisper Theodorum supersedere, dum missi in Italiam Legati uterum Reginae diligentius explorarent, atque redirent: hi profecti, brevi ementita omnia, quæ de ventre viduæ circumferrentur, renunciarunt: tunc lætus Andronicus instructa classe, paratissime omnibus ad iter necessariis, dimisit. Ex navigatione Liguriam tenuerunt, descendentesque Genuæ, regio honore excipiuntur. Duo tunc ibi præpotentes opibus, clientisque cives erant, & titulum Capitanei utrique obtinentes, reliquæ civitatis oculos, vota que in sese converterant, Opicinus Spinula, & Barnabas Auria; uterque splendido conjugio, & nobilissimæ affinitati inhiabat: demum Argentinam Spinulæ filiam Theodorus uxorem sortitur: contra Barnabas suam Salucienfem collocat. Cæterum his nuptiis non

A parva Theodoro peregrino homini, & non magnis copiis fulto, ad hæreditatem adeundam accessio facta; siquidem late oppida & vicos plurimos Spinula possidebat: quare foceri armis & opibus adjutus, is in Montemferratum penetrat. Casali cum constitisset, & diligentius vires Salucienfis explorasset, qui omni vi, ne regno potiretur, repugnabat, milites undecumque accersit: à Mediolano egregia juvenus concessa; & Philipponus Languscius adductis Papiensibus speciem justiciæ exercitus explevit: quæ ubi Theodorus vidit, pontem Sturæ obsidet: neque inde prius discessit, quam oppidum & arcem in potestatem redegit. Mox Montebello potitur.

B Per eadem tempora Philippus Sabaudianus Peloponneso pulsus, novum in Longobardos titulum Principis Achajæ attulerat. Hunc Carolus Apulorum Rex, propterea quod dolosus homo multos fraudaverat, nec fœdera servabat; sed per speciem ferendæ opis, amicorum libertati infidiabatur, per Ægidium Legatum Principatus parte multaverat: atque regno fugatum, omnium inopem cum duobus sociis tantum Astam pervenisse legitimus: ubi tamen pro prisca dignitatis opinione acceptus, statim Capitaneatus honore in triennium decoratur, additumque annuum stipendium septem & viginti millium librarum; ut cum reliqua Magistratus familia, centum etiam milites tutelæ gratia in urbe aleret. Interim & Alba Pompeja illius procuratori accessit. Ex quibus cum haud contemnendas opes consecutus esset, videretque Græcum juvenem difficili bello implicitum, cum, seu veteris hospitii jure, seu clam ab hoste subornatus, sermone excipit; quæ ad recuperandum regnum, & firmandam Astensem amicitiam expedirent, docet; fœdera inter se incunt: postridie ex oppido Ruptæ, ubi habitum colloquium fuerat, Astam itur ad ratificanda fœdera, & ea omnia exsequenda, quæ pacti invicem fuerant. Tum convocati Decuriones posteaquam cognoverunt, quæ inter duos conveniant, animos ad societatem incundam inclinaverunt: à quibus quamvis postmodum fallax & dissimulatio homo Philippus, contra quam pridie locutus fuerat, deterere eos nixus sit: nihilominus Astenses, secundum ea, quæ ad pontem Ruptæ convenerant, cum Theodoro societatem firmant. Ita novo subnixus socio, Lugum aggreditur: oppidani cum obsidionem tolerare nequirent, deditiorem facturos sese pollicentur, nisi Carolus Rex intra quindecim dies auxilio assuerit: quorum discrimine audito Rainaldus Lætus Regius Procurator, & Achajæ Princeps haud longe à Vignali castra locant; qui dum opem obsessis ferre tentant, Philipponus Languscius tantisper excedere castris Theodorum suavit, dum ipse fortunam experiretur; ac cum robore exercitus in hostes invectus: cujus vim & impetum fortiter Gallici milites sustinere. Jam grave certamen erat, cum prementes adversarios sustinere non poterat, atque terga vertere cœpit: continuo universa acies dissipatur. Dux ipse captus, & in Vignali arce custoditus in Galliam mittitur. Quo sic amisso Papiæ Ricardinus filius Protectionis nomine Dominium suscipit. Hæc mense Augusto acta.

C Theodorus autem, quamvis magni & experientissimi viri ductu, consilioque privatus foret, haud tamen animo infractus, reliquias exercitus colligit: à focero nova implorat auxilia, & Astensibus in fide permanentibus Montem Calvum aggreditur: locus situ, opereque emunitus, tum incolarum industria opulens, nisi obsidione capi non posse videbatur: castra itaque circumlocantur, & ad quatendos muros machinæ admotæ. Demum ejus parte potitus Theodorus est, & in ea triduum moratus, cum præter spem oppidani deditiorem non facerent, recessit. Jamque December mensis

D

E

F

instabat, cum oblata arcis Clavassii potiundæ occasione, eo profectus nocte, deceptis custodibus, oppidum quoque obtinuit: cujus exemplo exterrita oppida vicina sine certamine in ejus potestatem devenere.

A. C. 8307. Eodem anno MCCCVII. duæ maximæ religionis Christianæ pestes, ac Principibus ipsis formidatæ, altera Pontificis manu, altera Gallicani Regis diligentia sublata, extinctæque sunt. De quibus, quia locus nostram alteram facit; alteram perparce vulgati hætenus Scriptores tractarunt; rem aliquin Bacchanalium Romanorum sceleribus confendam, aliquid uberius narrare constitui: illam à Merula meo, hanc à Gulielmo Gallico Dionysii Monacho mutuatus. Dulcinus homo nefarius cum Margarita, sive ea uxor, sive concubina erat, ex valle, quam Sessites amnis Novariensium facit, orti, criminando Sacerdotum opes, & divitias, immensasque voluptates, novos ipsi ritus invexere, castimoniam primo, abstinentiamque ciborum commendare, ipsique observare. Sacerdotibus vero opprobrio dare, quasi nullus per virtutem, aut popularium suffragiis, quopiamve merito, sed largitione, & gratia, atque interim obscænis obsequiis sacerdotia capefcerent, ingentes redditus ad templorum ornamenta, & sustentandos pauperes olim designatos per luxum atque libidinem dissiparent. Hæc, & alia jactantes, multorum animos ad scallidere, & variis interim erroribus imbuere: jamque sectam constituerant mulierum primum, tum adhibiti adolescentes & viri, paulatimque concessæ voluptates sunt epularum, & nocturni cætus, quos promiscui & nefandi concubitus sequebantur: mares passim fœminis mixti conventicula in agris & urbibus facere: jamque disciplinam propalam profiteri, cum multitudine sua tuti nullo pudoris discrimine tenerentur; *Fratricellos* autem sese appellabant: magna nimirum & morum & sacrorum corruptela, & quæ non sine magno labore comprimi potuerit. Namque satis Clementi Pontifici non fuit per litteras & nuncios à nefario ritu impios homines deterrere, nisi ad arma is deveniret, & contumaces penitus affligeret. Jussi igitur finitimi omnes, qui Christianam fidem pollui indigne ferebant, Crucem adversus eos tollere, & ex Transalpinis missio milite, justus conflatus est exercitus: expectaverunt vim audacissimi homines, & in montana natalis soli refugientes, angustiis & difficultate locorum sese tuebantur; ac neque inopia rerum, neque fame victi deditionem facere in animum inducunt: quare, & debellare eos, & occidione delere oportuit; cum & incediam & frigora Alpina supra humanam fidem perferrent. Demum Dulcinus & uxor vivi capti, Vercellæque perducti, membratim dissepuntur, atque ignibus traditi cremantur.

Alterum facinus fuit eorum, qui ducentis ab hinc annis, Gelasio Secundo Pontifice Romanorum agente, circa templum Domini Hierosolymis habitantes, & castimonia, jejuniis, cæterisque operibus novam religionem professi, ab excellentia ejus loci, quem summa cum veneratione colebant, *Templariorum* nomen sortiti sunt: quibus etiam, ut certior bonitatis fama constaret, Divus Bernardus morum & vitæ normam dedit: & fortasse primi illi, & primis proximi Templarii, quam profitebantur, sanctimoniam tenuere, id vero in primis munus coluere, ut quoties peregrinos ad littora Judææ enavigasse audirent, decurrerent armati Joppen, exciperentque singulos amplexu, fide, hospitio & deductis Hierosolymam, quæcunque loca Christus Deus, vel miraculis editis, vel cruciatus & mortem subeundo, sacra, illustriatque fecisset, indicarent, tutosque ab incursionibus prædonum præstabant: iidem votis persolutis reversuros in patriam, ad eadem littora incolumes re-

A stituebant: quibus meritis obstricti abeuntes, stipem largiter in præsentem dabant, & cum domum pervenissent, passim prædicabant; quanta comitate, diligentia, fide accepti, habitique fuissent; & gratitudinem cumulantes conditis testamentis, vel donationibus, cum illis patrimonia dividebant; aliisque eadem visendi desiderium excitabant: & interim, qui peregrinationem obire non possent, aut argentum illis mittebant, aut agros & prædia donabant: sic in immensum aucti opibus, numero pariter hominum, cum ingenuus quisque, & principum liberi ex omni natione ad eos confluerent, crevere. Sed, proh Juppiter, proh Deum omnium, atque omnium hominum fidem! ubi opes abundavere, quæ scelera, quæ flagitia eo non irrepserunt? & quanto, quamque diuturno silentio occulta fuerunt? sinistra quidem fama & perversus rumor multorum aures jam perculerat, sed vero indicio explicari res non poterat; adeo vel mutua peccandi consuetudine illecti, vel metu poenæ nemo unus hincere ausus fuerat: novissime Gallicus homo eximie dignitatis vir, & qui inter Præfectos Regiæ ararii habebatur, ad primarium ejus militiæ locum pervenit; & posteaquam satis diu injuriam seculi pertulit, erubescens vicem suam, alienamque calamitatem miseratus, cum paucis, quos pariter immanium scelerum pertædunt, detegere omnia sponte constituere: sed quia capitale erat, expectata occasio est, qua ob magnam causam ex Syria in Galliam remeare oportuit: tunc Regem Philippum adiere; cumque se habere dixissent, quæ secreto & occulto cum eo agerent, in penetralia domus admittuntur, atque ibi ad genua Regis procidentes, ubertimque flentes, pacem primum Dei & veniam ab hominibus precati sunt: deinde Magister, O Rex, inquit, maxime, & in Christiano nomine primarie, quam opulenta, quam celebris, quam late diffusa sit hæc nostra religio, vel magis, ut mox audies, carnificina maxima, & vitiorum omnium gurgis, & officina, vides. Nulla pene est in Occidente civitas, nullus in Europa angulus, ex quo non vel ingentes pecuniarum acervi, vel uberes agrorum proventus, nobis quotannis pendantur, haud dubie Christi nomini, cum Christus coleretur, ut nunc quoque vulgo colere credimur, dati. Sed, proh summe JESU, æterneque omnium conditor! quæ non impia, infanda, abominanda sub hoc velamine patrantur? horrescimus meminisse; nec inficiamur, nos iisdem erroribus pollutos, contaminatosque esse: sed aliter ibi vivere nemo potest, & nisi æquo animo passim ea essemus, vel jam pedem ex illo Theatro nunquam revulsissemus; vel tu nunc non haberes, quorum indicio Christianum orbem maximo beneficio demerereris: scito igitur neminem illuc viginti annis majorem admitti: spatiumque illis annuum discenda disciplina concedi: quo tempore nihil improbi vident ii, quibus probitatem cordi esse indoles significavit: quibus vero lasciviora insunt ingenia, paulatim in latebras subducti, stupris assuescunt, & ubi exacto anno recipiendorum in ordinem dies cessit, sic initiari mos est. Sediti Magistro, & quatuor, nec amplius, validissimis viris stipato, singuli juvenes ad genua intromittuntur, atque jurejurando obstringuntur, nihil eorum, quæ viderent, audirent, facerent, paterentur, enunciandos: mulierum contactu perpetuo carituros; obsequium corporis sui à fratribus suis quoties peterentur, non negaturos: quibus admissis, exhibentur ossa mortui auro argentoque condita, ac gemmis, margaritisque adornata: caput humanum erat, idque primi hujus sacri institutoris esse agebant. Id adorari jubebant, atque omnia præsentia, futuraque bona illi accepta referre: contra in proximo Christi imaginem Crucis affixam ostendebant, & omnem ejus virtutem contemnentes, humi sternebant, conspuentesque, & pedibus conculcantes, probis incessabant: ea admittentes miseri, manu elata caput sibi ex more tangebant: id erat genus jurisjurandi vehementissimum, efficacissimumque.

Eo peracto, tribus in locis osculandum se Magister praebebat, ore, ad umbilicum, & ad anum: tuncque sacerdotali juvenis veste donabatur. Hac vero si quis abhorruisset, ne obscenitatis spectate indicium faceret, illico arripiebatur in abditos specus, & per cruciatus ac tormenta perimebatur, ita, ut nec corpora ad sepulturam exstarent: sic multa millia eorum, qui dedecoris non patientes erant, perdidimus, perdenturque in posterum, nisi occurratur.

Obstupescens ad haec Rex, atque admirandus, quam paucissimos in consilium vocat; & quatione tam tetri facinoris auctores, consciique opprimerentur, quaerit: optimum factu visum est, parare ad omnium civitatum Praesides litteras, quarum significatione cuncti, qui in terra Gallica erant, Templariorum nomine noti, una die, unaque hora comprehenderentur. His mature dimissis, omnes detinentur: ea dies fuit VII. Idus Octobris, celebris in primis apud Gallos annua memoria D. Dionysii: ex quo attoniti quidem mortales universa Europa fuere, cum causa tanti facinoris ignoraretur. Tum annuente Clemente Pontifice, decreta quaestio est de falsis Christianis, de obsceni sacri cultoribus, & humanae carnificinae magistris per Inquisitores Ordinis Praedicatorum atque Minorum: adhibitis peritissimis Senatorum, peracta res est: singuli captivi confessionibus eadem, quae Indices detulerant, deposuere; quae in publicas tabulas redacta, fidem posteritati facerent. Tunc Indicibus gratiae habitae, & potestas eligendi, quos ab ignominia, poenaeque servare voluissent, facta; caeteri carceribus addicti, solo pane, & aqua praebita canum more ad mortem compulsi sunt: & in Syriam ipsam exercitus missi, qui reliquos occisione deleverunt: omnium bona in Regium Fiscum redacta: quae, quamvis arbitrio suo permitti Clemens per Legatos saepe petierit, haud tamen impetravit: sed Philippus tertio demum anno partem Praedicatoribus, partemque Minoribus Fratribus, sed longe maximam portionem Equitibus S. Joannis Hierosolymitani, qui paulo ante potiti insula Rhodo fuerant, detulit: unde illi postea majoribus copiis, viribusque oppositi Barbaris steterunt, atque in hanc diem integra fide manent.

2A. C. Principio anni octavi ultra mille & trecentum, confirmatus fuit Capitaneus Mediolani Guido Turrianus: is Armaninum Persicum Cremonensem, quo Vicario usus ante fuerat, Praetorem decerni curavit. Tum Franciscus Parmensis nostrae Ecclesiae Antistes moritur. Decessit autem in arce Angleriae, quae diu juris Archiepiscopalis fuerat: inde ad urbem delatus, in aede Pontificali sepelitur. Ei protinus suffragiis ordinariorum, adjuvante Guidone Capitano populi, sufficitur Castonus Turrianus filiorum Muscae secundo genitus: cuius titulus, ut Romanae quoque Sedis auctoritate legitimus, solidusque fieret, in Etruriam profectus Castonus, nobilissimis viris comitantibus, Pontificium Legatum Cortonae convenit, & confirmari ab eo meruit: duos menses in ea peregrinatione Martium & Aprilem abfuere: idem deinde ab Episcopo Novariense, quem Clemens Pontifex misit, in majori aede sacratum, confirmatusque fuit.

Interea Parmae ingens conspiratio adversus Gibertum Corrigium inita VII. Kal. Aprilis, vacatim armati cives in factionem Barnabeam impetum faciunt, pulsatis adversariis, eorundem domibus ignem supponunt. Gibertus Corrigius rei novitatem admiratus, nec ausus se multitudini credere, domi se continebat, submittebatque interdum Praetorem Gutium Malavoltam, is genere Senensis erat, qui tumultuantes coecerneret: verum prohibere non potuit, quin multa caede civium manus cruentarentur: nec ita multo post exciti ab

A Cremona Rubei, Lupi, caeterique exules portis urbis adstiterunt: moxque subsecutus est Tignaca Palavicinus Cremonensium Praetor: admissi Rubei porta Illariana arcem Sanctae Crucis obsedere: quibus obsistere conatus Gibertus frustra est, & premente multitudine ad forum redire coactus, a plurimis suorum se desertum videt; ac ne in hostium potestatem veniret, molitus fugam cum Matthaeo fratre urbe digressus in sui cognominis Castrum Novum evasit. Gutius Praetor in tumultu graviter vulneratus occiditur. Saxolus ex oppido ejusdem nominis oriundus, qui universis Giberti copiis praerat, captus in custodia Gulielmi Rubei fuit. Victores in locum demortui Praetoris suffecere Jacobum Cavalcabovem Vitalianae Marchionem. Castro Novo se continens Gibertus, a novis consiliis nequaquam quiescebat; amicos & clientes convocat; ex inimicis nonnullos reconciliat. Ad Enzolam horum congregatio facta: adversus quos populus Parmensis III. Id. Jun. processit, matureque supervenit Zanfredinus Turrianus cum ducentis equitibus Mediolanensium, cui tutela urbis magna ex parte commissa est. Sed jam Giberto ab Rhegio, Mutina, agroque Lunensi, favente ei Sororio Francischino Malaspina, tantum virium advenerat, ut tuto congregi cum adversariis posset: instructoque agmine, Parmam versus proficiscitur: opposuere se cives, magnoque animo primum impetum sustinuerunt: sed mox perturbati, confusi in fugam se averterunt, & domum abeuntes arma deposuere: instrumenta bellica, commeatusque omnes amissi: secutus victoriam Gibertus; & quo minus urbem ingrederetur, obstitit Turrianus. Eo Castrum Novum reverso, illata pacis mentio est: convenitque, ut inducta injuriarum praeatarum oblivione, unusquisque domum rediret, & patriis bonis frueretur. Sic Gibertus solemniter in patriam receptus est. Turriano in Kal. Augustas prorogatum ibidem imperium est.

Dum haec Parmae agitantur, propinquam urbem Placentiam invadere exules Ubertus Landus, Vicecomes Palavicinus, Lancelottus Anguissola, & reliqua multitudo, quae ex domestico certamine Bobienses montes petierat. Sed Guido Turrianus Mediol. Dominus multa ad otium urbis & illorum concordiam procurabat, demumque arbiter componendi dissidii factus, exules in civitatem recipi iussit, & sibi in quinquennium decerni Placentiae urbis dominium curavit: eoque mox ipse profectus novis Magistratibus impositis, caetera pro arbitrio composuit. Reversus Mediolanum haberi concionem populi per Vicarium suum Petrobonum Lantelnum curavit: convenere ad tria civium millia; ad quos orationem orsus Petrobonus, accomodate discruit, quantum in magnarum rerum administratione & populo regendo spectanda sint illustrium virorum, & qui claris natalibus censeantur, ingenia: e praesenti vero negotio atque utilitate publica esse, ut Capitaneus decerneretur universalis auctoritate solito diuturniore, & denique sine temporis finitione: propterea cogitent simul omnes, cui ea provincia potissimum demandanda videretur. Sedebat inter primos concionis Conradus Concorretius, cui domi, quid dicendum foret, compositum erat. Is igitur confurgens magnum virum, & peracri ingenio atque exercitato esse subjunxit Guidonem Turrianum: eundem cum tota familia per quam optime de Rep. meritum; censere, ut ei perpetua Reip. cura demandetur. Eam vocem uno atque altero probante, universae concionis consensus subsecutus est. Protinusque quatuordecim Anciani, & alii Proceres ad domum Guidonis profecti, Dominum salutant, resistentem, & reluctari simulantem, tollunt sublimem, atque in forum deportant. Hic veluti coactus

coactus sacramentum custodiæ civitatis, & totius negotii publici, tum legum servandarum, dixit. Nec ita multo post habuit in concilium Legatos finitimarum civitatum Laudis, Placentiæ, Cremonæ, Cremæ, Bergomi, Comi, Novariæ, Vercellarum, Astæ, Alexandriæ, Derthonæ, & Papiæ, ac novum foedus ita initum est; ut præcipuum, summumque arbitrium gerendarum rerum penes ipsum Guidonem foret.

Cæterum urbi Placentiæ præfecerat Tignacam Palavicinum Prætozem, & Raimundum Tertium Capitaneum populi. Hi Gibellinæ factionis principes favorabilius, quam conditio temporum posceret, exceperunt: dumque mutuis beneficiis conciliatos arctiori in dies familiaritate coire Scottus videret, conspiracyonem adversus eos molitur: & mense Majo incepti jam anni noni & tercentesimi, intempesta nocte coacta multitudo, impetum in Prætorium facit, atque expugnat: conterriti Prætor Tignaca & Capitaneus statim urbe profugunt: ingens turba adversariorum erat, & proinde periculum multorum vitæ fuit: haud tamen plus quinque eo tumultu oppressos, traditur; in quibus Rolandus Enodardus e gente Landorum refertur: sic tertio mense & anno uno posteaquam potitus Placentia est Guido Turrianus, eandem amisit, & Scottus in imperio restitutus: quod tamen haud ita quietum ei stetit, Landis Polastrellis, cæterisque exulibus patrios fines, vicos, tectaque agrestium passim populantibus, atque vexantibus.

Per quod tempus Carolus Secundus Apuliæ Rex decessit tertio Nonas Maji, Roberto filio herede relicto: qui cum beneficio longæ ætatis rebus gestis claruerit, multaue adversus Vicecomes rerum Mediolanensium Dominos gesserit, crebra de eo mentio à nobis suis locis habebitur.

Interea Ferrariæ quoque graves motus contigere. Decesserat superiori anno circiter Kal. Februariæ Actius Estensis: dolo petitem Fieschi filii illegitimi vulgus credidit; quod is superinductam sibi novam ægre ferret: ac statim occupata arce, Thealdi dominationem accepit. Indignati patrui Franciscus & Aldrovandinus urbe profugunt in peninsulam, cui ab oppido Rodigii nomen est: quam cum nec retinere possent, Patavinis accepta pecunia dedere: contractisque equitibus circiter sexcentis, & excitis ad arma veteribus amicis Fontanis, Lambertis, & à magno Salinguerra originem, nomenque tenentibus, eas copias urbi admovit Franciscus, atque intromissus est. Veneti quoque & Bononienses vires addidere, quibus circumventum se videns Fieschus, ac summam in desperationem reductus, cum etiam intestino civium odio flagraret, Venetis arcem tradit, quorum copiis intromissis, tota urbe Patavinos fugarunt, novosque ipsi Magistratus constituerunt.

Hæc res nuntiata Clementi perquam gravem molestiam attulit; atque adeo contumeliam sibi illatam arbitratus Pontifex, vindicandam urbem à Venetorum manibus statuit, cum alioquin Ecclesiastici juris Ferrariæ censeatur. Clarum igitur ea tempestate virum, & sibi jure naturæ nepotem Arnaldum Pelaguram Cardinalem tituli S. Mariæ in Porticu Legatum in Italiam mittit. Is per Longobardos iter faciens Mediolanum divertit, ubi pro dignitate acceptus Veneto mandat, ut Ferrariensi solo decedat, atque abstineat: obaudientem diris execrationibus exagitat, quas subinde Pontifex instaurat, ac uberioribus minis repetit. Sed eas flocci fecere Veneti. Ergo adversus contumaces Crux denunciatur; bona, merces, quas ubique gentium Veneti tractarent, prædæ exponit; corpora & familias servituti addicit. Quo nomine in Gallia, Britanniaque, grandi jactura affecti illi fue-

re. Interea Mediolano digressus Pelagura, Parmam, Bononiamque petiit, jussis ad se venire clarissimis quibusque Sacerdotum, ac quam maximum armatorum numerum adducere. Cui inter cæteros præsto fuit Castonus Turrianus Mediolani Archiepiscopus, & quingenti pedites à Patavio missi. Ab Etruscis quoque Piceno atque Apulia complures venere: tres menses his contrahendis absumpti. Ineunte Augusto, propius Ferrariam copiae admotæ; nec exspectaverunt vim oppidani, sed sponte eis intromissis, se dedunt. Veneti receperunt se in arcem, quam Pelagura munitionibus cingit, & machinis aggreditur: pontem, quo Padus jungebatur; classem quæ in flumine stabat, expugnat. Rainaldus Marchariæ Comes hostilium copiarum ductor cum septem millibus hominum trucidatus est. Tot cladibus territi, qui arcem tenebant, eam dedunt. Cæterum stabat in littore Ravennæ arx situ & opere permunita, Marcabovis dicebatur, importuna admodum negotiatoribus, qui ex Longobardia merces in Flaminiam, Picenumque agrum transvehant: huc, post receptam Ferrariam, rogatus Pelagura victorem misit exercitum, expugnatamque funditus dirui jussit.

Hoc bello Galeacius Vicecomes stipendia sub Pelagura strenue fecit. Joannam privignam, quam supra diximus Nino Calluritano genitam, adhibita opera Francisci Estensis avunculi, Riciardo Caminati, Perusinarum Domino, matrimonio junxit: fuerunt autem Caminates non ignobiles Patavii cives; quorum Girardus sex & viginti ab hinc annis perspecta majoris fortunæ occasione, Tarvisum transmiserat, atque pulsus Castellis dominatum accepit. Matthæus vero Galeacii pater jam longo exilio exhaustus, & sui ipsius erubescens, è conspectu hominum sese subtraxerat, atque ignobilibus vicis latitans inter Benacum lacum, & fluvium Athesim piscando, retiaque interim texendo vitam degebat, solatiumque præsentibus ærumnis quaerebat. Scribit Franciscus Petarcha tentatam ejus aliquando ab hoste patientiam. Nogarolæ, qui Athesi adjacet vicus, repertum opinio est, atque ab Turriani nuncio interrogatum, quidnam rerum & solus, & in loco deserto ageret; eum vero respondisse, *Rotia tendo: & rursus rediisse nuncium, dixisseque: Scire cupit Guido Turrianus, cogites ne unquam in patriam redire. Respondenti, Cogito, subjecisse: Quando, aut quibus itineribus: iisdem itineribus, dixisse, quibus exivi; & quando adversarii mei scelera peccatis meis præponderaverint. Irrisa quidem tunc hominis vox fuit, & ipse ceu senex atque inops contemptui habitus: sed verum vatem fuisse brevi exitus edocuit. Illud idem fortitus, quod olim Romanus heros, quem è summo rerum culmine in extremam miseriam dejectum, ac rursus in amplissimam fortunam restitutum cum quispiam vidisset, dixit, quis crederet C. Marium super crepidinem, sedentem, aut fuisse unquam, aut futurum Consulem. Nam per eadem tempora, cum ex cæde Alberti Romanorum Regis, quem Joannes Rodulphi fratris filius interemit, Cæsarei culminis nomen vacasset; & post longas Procerum discordias, res tandem in Henrico, qui Lucemburgo oriundus, septimus habetur hujus nominis Rex, sedisset: nova spe Matthæus erectus est; & modo per quempiam nuncium Cæsaris ingenium tractare, sibi que conciliare posset, haud dubie meliora omnia posthac futura censere? Igitur dum virum quaerit, obvium habuit Franciscum Garbagnatem, qui pariter Mediolano exul, vitam pro tempore docendo Jus Civile Patavii sustentabat: Et quando, inquit, Francisce, calamitates nostra finem habebunt? opes, honores, dignitatem omnem cum patria amisimus; aliena in terra miseri peregrinamur; inimici regnant; nobis insultant, atque illudunt: de rebus nostris penitus actum*

actum est : nisi novi Caesaris gratiam aucupemur : mittendus foret nuntius in Germaniam ; sed ubi vir ? unde opes viatico prabendo ? Franciscus suam & amicorum salutis opportunitatem agnovit , ultroque se obrulit , qui vel propria impensa Legationem obiret , vestesque & libros conficiendis pecuniis divendit ; equos & comites à Riciardo Caminate Galeacius jure contractæ nuper affinitatis , & quaesivit , & impetravit . Sic honestus , ornatuque Garbagnates Tridentinos saltus transit ; Henricumque Matthæi Vicecomitis nomine salutat ; causamque communem ita egit , ut & quantæ Gibellinorum vires fuerint , essentque , quæque studia in Cæsarem forent : tum quantopere adventus ejus expecteretur ab iis , qui patria pulsi intolerandis injuriis obnoxii viverent , exponeret : & contra Guelphos quam illi hostes , & quanto in metu forent , doceret : nova eos foedera inire ; arma militesque parare , ut venturos in Italiam Germanos finibus arcerent : nec tamen adeo magnam eorum potentiam esse , ut formidandi Cæsari forent . Nam & Mediolani Turrianos tantum , non solum popularibus suis invisos , sed etiam inter se discordes ; & Papiae Philipponum Languscum haud multum in praeliis felicem ; & si quis præterea alius esset ; Antonium Fisiragam Laude superesse , qui aliquod nomen tucatur . Hæc eo plus fidei habuere , quod ad eam diem ex factione Guelpha nullus adhuc gratulatum , vel salutatum novum Cæsarem venerat . Missi deinde Oratores , qui diligentius res explorarent , eadem retulere . Et forte per id tempus alterum Guidonem Delphini Gallici filium , tunc in re militari clarum , & qui se antiqua stirpe Turrianorum genus contingere asserbat , Guido Mediolanensis , cum cognationis opinione , tum quod Dux impiger conductitias catervas habebat , pacto stipendio ad se evocavit : simul Castonum Mediolani Archiepiscopum , quod in expeditione Ferrariensi grandi liberalitate à Pelagura acceptum , & arcana colloquia cum Galeacio Vicecomite habuisse comperisset , suspectum habuit ; eumque Kal. Octobris Paganumque , & Moschinum , atque Adoardum fratres in Palatio Episcopali inopinantes , nilque tale metuentes comprehendi , detrudique in carceres jussit ; quos proxima nocte sic divisit , ut Castono Mediolani retento , cæteros Angleriam miserit custodiendos . Napinus , qui septem fratrum penultimus erat , tunc forte aucupatum paulo longius ab urbe prodierat : hic audita suorum captivitate , fugam Adduam versus molitus est , uno tantum ministro comitatus : ad eum retrahendum missus Leo Turrianus , Cifnuseculi quidem vico , haud amplius septem millibus passuum ab urbe distante , apprehendit : sed imploranti auxilia , vimque sibi inferri clamitanti adstiterè accolæ ; ignarique causæ , cur tam nobili adolescenti manus injicerentur , illum à violentia & raptoris cupiditate servaverunt : sic incolumis Tricium pervenit , cujus arci præerat Rainaldus fratrum quartus . Postero die Guido vocatis in concionem affinis , & primoribus civitatis sic verba fecit : *Arbitror vos omnes non mediocri admiratione hesternæ die affectos fuisse , & nunc quoque affici , quod venerandi nominis homo Archiepiscopus Mediolanensis , ejusque fratres fuerint in carceres conjecti : prorsus admiratione dignum facinus ; quam tamen jam deponetis , si intellexeritis , non tam me in eos gravius quidquam cogitasse ; quam illos in me , in capita vestra , in universam hanc civitatem ultima molitos esse : paucis res nota est ; quia adversus Remp. & in perniciem Principum conspirantes , non nisi in arcana consilia tractant . Sed de his nostris ea jam clara sunt ; quod alter ipsorum Muschinus filiam Othonis Comitis Curtis novæ , quæ inimicissimi nostri Matthæi Vicecomitis neptis est , uxorem duxit ; & Napinus filiam Othorini Burri , cujus soror Matthæo nupta est , accepit , sibi que matrimonio junxit : hæc*

A jam vincula totidemque pignora cum inimicis nostris juncta merito eos nobis suspectos facere possunt : sed in transitu Parma , quæ collocutum cum Giberto Corrigio Archiepiscopum putatis ? nempe , ut Pagano fratri filia Matthæi Madii Brixienis Tyranni tradatur : nam hujus sororem domi nunc Gibertus habet : ubi vero apud Pelaguram fuit , cum amicis quidem nostris palam versatus est ; sed clam cum Galeacio Vicecomite communicasse sermones compertum habeo , & item ejus fratres cum eodem Giberto , cum Madio , cum Manfredo Beccaria Placentinis , & plurimis aliis constituisse bellum facere Burgo Domini , eo consilio , ut me in auxilium sociorum proficiscente , ipsi ex Brixianis accurrentes cum catervis suis , urbem Mediolanum invaderent , eaque capta me excluderent . Eodemque tempore Manfredus Beccaria Papia Philipponum Languscum occideret . Quarum rerum indices & conscii cum Papia detenti sint , brevi fidem in lucem proditura . Quare jam non solum desinerent admirari omnes ; sed etiam grates Deo agerent , cujus benignitate & in universam patriam clementia detectum , antequam patrum facinus foret , & hoc felicitati sæculi adscriberent , quando alias (ut antiquo proverbio notum est) Principibus de conjuratione comperta non credatur , nisi occisis : simulque cogitarent , qua poena afficiendi proditores forent .

Ea Oratione peracta , Tignaca Palavicinus , qui tunc urbis Prætor erat , & Jacobus Moguntiacus populi Capitaneus , compluresque alii primates interrogati sententiarum , seu memoria patris , qui & ipse aliquando urbi imperaverat , & præsentis reverentia Archiepiscopi , seu quod satores discordiarum inter affines ab optimo quoque semper improbatum fuere , seu quod parum certa afferri arbitrabantur , in mitiorem partem inclinavere , & merita avi , patrisque eorum , tum universæ gentis Turrianæ decus in memoriam adducentes , Guidonem à severiori judicio avertere . Tunc missus Abraminus Judex cum parte equitatus , qui Tricium recipere tentaret ; & quia nihil verbis proficiebat , evocatis auxiliis ab amicis civitatibus , justis exercitus species contracta est .

Interim Paganus Patavinus , audita rerum novitate , ex Venetia Mediolanum accessit , pacem inter affines procuraturus . Accessere quoque Philipponus Languscus , Antonius Fisiraga , Gulielmus Brusatus , Simon Corrobrianus , Venturinus Benzonus , bini Oratores à Como , Bergamoque , quorum opera & diligentia diu reluctantis Guidonis animus evictus est , atque in hunc modum res quarto Kal. Novembris composita : *Castonus Archiepiscopus liber esto : itaque extra fines Mediolanenses , qui designabuntur : interdicto Apostolico adversus Guidonem , aut civitatem Mediolanensem non utitur , neque impedito , quo minus præteriti absolutio à Romano Pontifice impetretur ; aliudve quidquam quod Guidoni , vel civitati molestiam afferat , curato : arcem Tricii Rainaldus & Napinus dedunt .* Sic & hi dedita arce Bergomum cum rebus suis , atque inde Patavium migravere ; & dimissis aliis , Castonus Laudem primum , inde , deducendo Fisiraga , Bononiam ad Pelaguram concessit : ubi non ita multo post curavit , contra quam pollicitus fuerat , interdicta instaurari , effera rabiem , sacrilegamque temeritatem Guidonis , universæque stirpis ejus , qui manus in amplissimum sacerdotem injecissent , merita ignominia puniri : mandavit Pelagura vicinarum civitatum Episcopis , ut Guidonem , & duos filios , & quicumque opem , consiliumque profano proposito ejus dedissent , ab aris , sacris , templisque & Christianis cæremoniis excluderent : non sunt ausi religiosi Patres adire sævos homines , & apud quos non solum polluta , sed plane afflicta religio videbatur . Nam & publicatio bonorum , vinculaque & cruciatus iis intabantur , si qui litteras & mandata infesta in concione recitarent : fatis ergo fecisse mandatis visum sunt , ubi id Comi , Novariæ , Bergomi , & in adja-

adjacentibus oppidis, vicisque peregrere. Sic diris fem-
piternis & horrendis execrationibus obligati Turria-
ni fuere; atque exinde labi res eorum coepere. Inter-
rim tamen Guido varia opera ædificando, ægras men-
tes leniebat: arcem Montorphanì, quam Matthæus
Vicecomes subverterat, instauravit. Mediolani vero
in dextera fori parte atrium fecit, quod duodecim
appellationem à numero virorum, qui negotii pu-
blici curatores eo conveniunt, tenuit.

Cæterum in Parmensi agro circa Donini oppidum
bellum durabat. Patria pulsi eo se receperant, tantis
opibus muniverant, ut vel ab incurfu hostium tuti,
quantamlibet eorum vim excipere possent, cives ad-
versus eos exercitum decrevere: auxiliaque implora-
ta à Rhegio, Mutina, Mantua, Brixia, Verona:
quæ posteaquam convenere Kal. Octobris, turrin &
templum oppidi aggressi, non sine labore expugna-
verunt; captusque ibi fuit Paulus Aldigerius, & in
carcerem cum sexdecim aliis ductus, cæteri ferro cæ-
si: supererat pars altera oppidi fossa valloque cincta;
quæ dum longiorem sustinet obsidionem, supervenit
Papinianus Parmensis urbis Episcopus; qui cum in-
fita prudentia, tum majestate sacerdotii partes ad pa-
cem hortatus, suspendi arma, parciue injuriis cu-
ravit: compositionis arbitri delecti Matthæus Folia-
neus, Gulielmus Canossa. Jam derelictis custodiis
negligentius omnia in castris, pars militum, ac si cer-
ta pax foret, domum abire: quod conspicati Bur-
genses, eruptione facta magnum tumultum fecere,
& direptis impedimentis, quæ auferri poterant, su-
stulere, reliquis ignem subjecere. Ex quo irritatis
hostium animis, rursus pene bellum redditum est.
Intercedens hiems iras cohibuit, & demum Idibus
Feb. anni mcccx. pacem arbitri pronunciare: qua
& exules in patriam antiquam & bona restituendos,
& captivos ex vinculis dimittendos censebant: sed
cum id plurimis civium non placeret, denuo pertur-
bata omnia sunt.

Inter hæc Ferrariæ Lamberti, & Salinguerra Ju-
nior, à prisco fortasse illo, qui sub Friderico secun-
do floruit, originis, & sanguinis, & satus ducens,
de occupanda urbe consilium iniverunt; & repentino
impetu forum, Palatiumque occuparunt, injectoque
igni domibus, ædes Marchionum Estensium corru-
perunt, & ejectis qui Pontificis Romani nomine Ma-
gistratus profitebantur, imperium urbis sibi vindica-
runt: sed continuo Franciscus & Aldebrandinus fra-
tres, accersitis à Bononia auxiliis, terra Padoque illos
cinxerunt, nec ita multo post urbe fugarunt. Ipsi vero
ingressi per iram & ulciscendi cupiditatem sic omnium
opes nullo discrimine prædati sunt, ut ne sacris quidem
ædibus abstinerent, stuprisque & cædibus nullus pe-
ne modus fuerit. Bononienses in primis ea præda di-
tati abiere.

Per id tempus Placentini data exulibus pace, eis
reditum in patriam concessere; Prætoresque recepe-
re Bassianum, & fratres Fisiragas nobiles Laudenses.
Nec ita multo post raptis undique armis, impetus ad
ædes Alberti Scotti factus, quem cum inermem &
improvise deprehenderint, facile dominio circum-
verterunt, ac urbe ipsa ejecere. Tunc Cremonenses
auctoribus Cavalcabobus, classem in Pado ornave-
runt, & vocatis in auxilium Papiensibus, ac nonnul-
lis Mediolano oriundis, Guastallam navigaverunt,
& locum per se natura munitum fossis, mœnibusque,
quamquam multum adversante Giberto Corrigio,
cinxere; qui ita demum peragi opus permisit, ne eo,
veluti quodam asylo, & exulum suorum receptaculo
uterentur. Mutinenses vero arcem Marsaliæ, quam
Saxolus exul suus, adjuvantibus Rhegiensibus, con-
diderat, everterunt.

Apud Genuenses quoque non diuturna fuit Opici-
ni Spinulæ Præfectura: namque Grimaldi, Auriæ,
& Flisci, exercitu in suburbanis locis contracto, in
discrimen dignitatis, salutisque descendere cum coe-

gerunt. Egressus namque urbe Opicinus, cum equi-
tibus quingentis & peditibus fere decem millibus præ-
lium conferuit: quo, & Prætor urbis cecidit, & ipse
penitus fusus, fugatusque est: ex fuga Gavium, & in
finitima Montiferrato loca se contulit: unde sollicitato
Marchione, Montaldum obsedit. Inde Vultabium de-
prædatus solo æquavit; & Genuam ipsam repetere
ausus, ad Arenam usque Petri devenit: cumque ci-
vibus magnum terrorem fecisset, neque tamen subi-
gere eos posset, acceptis quadraginta millibus libra-
rum Genuensis monetæ, recessit.

Dum hæc in Italia agitantur, supervenere ex Ger-
mania Legati nunciantes Henricum Cæsarem, cum
sua sponte, & pro vetere instituto, tum ut Clemen-
ti Pontifici pareret, cujus animum per alios Oratores
exploraverat, propediem affuturum: proinde para-
rent populi, Principesque comitatus abunde, cæ-
teraque Cæsaribus præstari solita; atque in primis de-
positis odiis, injuriarumque obliti civilia arma suspen-
derent; exules in gratiam reciperent; quantumque fie-
ri posset, ereptis bonis redintegrarent: id Cæsarem
velle, qui cupit Italiam quietem reddere: hortari, ut
id sponte agerent, quo majorem obsequendi volunta-
tem in eis Henricus agnoscat. Rolandinus meus scri-
bit Patavinos, qui in primo Italiæ limine adventantibus
occurrerunt, respondisse, civitatem suam Dei beni-
gnitate solida pace jam diu frui; à bonis, prudenti-
busque viris gubernari; nihilque causæ apud suos
perspicere, cur tanti nominis Rex ad se declinet,
apud quos nulli hominum generi tuto vivere liceat.
Parmenses omnia se facturos libenter, officioseque
polliciti sunt, quæ ad honorandum Cæsarem pertine-
rent; muneribusque Legatos ipsos amplexi sunt: cum
Etruriam adscendissent, à cæteris civitatibus æqua
responsa retulerunt: soli Florentini dixisse feruntur,
non convenire ei Principi, qui pacem & otium Ita-
liæ promitteret, cum Barbarorum exercitu accedere,
& tunc, cum adesset, de recipiendis exulibus agi
posse: nec convenire liberari Aretinos, nisi hi Guel-
phos reciperent, qui in tutelam Florentini nominis
se se tradiderant: neque id displicere Cæsari debere,
quando id ejus votum, ea professio sit, ut patria fu-
gati in propria restituantur: ut superbum ac impu-
dens responsum hoc in quadam epistola Dantes repre-
hendit, & Florentinos homines, aliàs non improvidos,
hoc loco cæcos appellat. Nam non ita multo post
Tarlatti, quægens tunc Aretii rerum potiebatur, spe
venturi Cæsaris adeo erecti animis sunt, ut collectis,
quas potuerunt, viribus, hostiles copias finibus ce-
dere coegerint.

Mediolani vero longior, & eo gravior consultatio
fuit. Res Turriana haud dubie vocari in discrimen vi-
debatur, si, quod Episcopus Constantiensis (is erat
Legatorum Princeps) petebat, intra urbem Henricus
reciperetur: nam, & compertum erat, quanti is Vi-
cecomitem faceret; & si fugati urbe introducerentur,
quamvis ex longo exilio attrita, imminutæque eorum
vires forent, tamen ex studio ulciscendi veteres inju-
rias, haud temperaturos à novis consiliis augurabantur:
talibus curis agitatus Guido, vicinarum urbium Pro-
ceres accersit; & habito consilio, quæ nova circumfe-
rantur, quæque animum angant, proponit. Philip-
ponus Languscus, quam difficile fuerit non obsequi
Cæsari exponit; tum quanta, & quam multa in gen-
tem suam à Cæsaribus beneficia collata fuissent, com-
memorat; quæ dum longiori sermone exsequitur, su-
spectum se sociis reddidit: quare cum parum communi
libertati consulere videretur, atque alii alia sentirent,
Guido inter pugnantem sententias, contrariasque vo-
luntates, modo hunc, modo illum intuens: *Quid
hoc rei, inquit, est, ut privata tantum commoditati in-
dulgeatis, in publicum, in commune, in medium nemo
consulat? discordia vestra, ni fallor, utinam falsus vates
sim, rem perdet, qui in tanto discrimine solita prudentia
carere videmini, & jam mutatis studiis, alteri fortuna fa-
vere.*

vere. Duo deinde religiosi per speciem gratulationis in Germaniam proficiscuntur, re vera Henrici voluntatem, viresque exploraturi, eumque hortaturi, ut æquus omnibus veniret, nulli spem, aut causam novandarum rerum præberet: esse enim nonnullos, qui præoccupare animum ejus, gratiamque inire studeant, ut ex illius opinione viam ad regnum inter suos comparent: non patiatnr Henricus Longobardorum quemquam, duobus exceptis Turriano & Langusco, seamicum suum profiteri: id si fecerit, incredibilem eum voluptatem apud populos & reverentiam erga se inventurum.

Cæterum Henricus, dum ea parat, quæ venturo in Italiam necessaria erant, domesticas opes, quæ permediocres erant, nobilissima affinitate & spe opulenti regni firmavit. Erat Vincelaus Rex Boemiarum eo ætatis provectus, ut cum unicam filiam Elisabetam haberet, nullam prolem virilem suscepturus videretur. Hæc Joanni Henrici primogenito despondetur, ea conditione inter parentes firmata, ut Luxemburgensis Juvenis Regnum Boemorum dotis nomine fortiretur, quando mascula prole Vincelaus careret. Quæ rerum accessione novo Cæsari facta, territi admodum sunt, maximaque agitare negotia coeperunt Itali Proceres, qui diversa studia fovebant. Itaque ad Roberti Apuliæ Regis opes animum adjecere. Is alioquin Guelphæ factioni addictus, paulo ante paterna Regna revisens, in Galliam Narbonensem navigaverat; Clementem Pontificem religiose adeundo salutaverat; quæ pater & avus in Italia possederant, confirmari sibi curaverat. Hunc igitur, ut quamprimum cis Alpes rediret, orant; & spe ingentium præmiorum onerant. Urbem quoque Genuam se traditurum pollicitus est Opicinus Spinula, qua nihil opportunius ejus rebus tuendis accidere poterat. Robertus his allectus in Salassos descendit; statimque ei parere Monsvici, Savilianum, Clarascum, Alba Pompeja; non paucaque alia ejus regionis oppida. Quibus exterritus Philippus Achajæ Princeps, veritusque ne Astenenses quoque, quibus ipse, ut supra docuimus, imperabat, ei se dederent, cives in concionem vocavit, exposuitque quæ suæ cum duobus Carolis avo patreque inimicitia fuissent, easdemque cum Roberto filio durare: hortari, monereque, ne se omnino Roberto Regi dederent, ne jugum ejus Cæsareo anteponerent: Cæsarem ipsum proximis Kal. Septembris affuturum, atque omnia non sine perniciæ eorum, qui diversas partes sectarentur, immutaturum. Eadem jam vulgo prædicaverant Legati Cæsarei: quorum tres tunc in Astensi urbe erant, duo Episcopi Giraldu Basileensis, alter Constantiensis præerat Ecclesiæ, tertius nominabatur Alvisius Sabaudianus. Responsum benigne Legatis Philippo est, Astenenses in Cæsaris jure atque imperio semper futuros. Tunc abeuntes Legati Cæsarei Cuncum petunt: ubi Robertum convenire, & apta temporis, præsentibusque rebus necessaria allocuti ad litus Ligusticum progrediuntur, ac Savonæ, Genuæque adventu Cæsaris nunciato, Pisas abiere. Quibus recedentibus Robertus Albam venit. Huc Astenenses octo Oratores ex communi consilio delectos mittere decreverunt, qui foedus & societatem cum eo inirent: sed his Philippus, si ad Regem irent, aut de jungenda societate verba facerent, gravia minatur. Cæteris ea denuntiatione deterritis, tres ex Consulibus (quatuor enim Remp. tunc administrabant) seituos professi sunt, Bonifacius Pavarinus, Sinibaldus Solerius, & Carnotus. Hi Albam profecti benigne, blandeque à Roberto excipiuntur, quos etiam mensa dignatus sæpe est, illud identidem in conviviis jactans, Astenenses homines inter homines Longobardos caros sibi esse, & eorum amicitiam ac societatem in primis cupere: tunc Consules peritos Juris domo accersere, quorum consilio foedera scriberentur: sed hi

A metu & denuntiatione Philippi, digredi urbe ausi non sunt. Quare cum Consulibus his fere conditionibus foedera incuntur, ut Robertus Astensium omnem nomen in tutelam, protectionemque reciperet; iis, qui domi essent, adversus exulum injurias opem subministraret. Astenenses vero Regi, heredibusque, centum marchas argenti quotannis dependerent.

B Quibus sic constitutis, Rex quinto Idus Augusti cum Regina, quæ inter ejus ætatis mulieres speciosissima judicabatur, & quingentis equitibus armatis Astam venit. Nihil à civibus prætermisum est, quod ei ad honorem exhibendum præstari potuerit: hospitium ei in Minorum ædibus fuit: ubi & postera die cives ipse magnifico epulo excepit, in quo nulli discumbentium nisi argenteo vase dapes appositæ sunt, multis aureo poculo vina propinabantur.

C Quatriduum in Asta moratus Robertus, cum satis sibi conciliatos civium animos existimaret, Alexandriam petit: quam urbem consentientibus utriusque factionis civibus, sine labore recepit, eamque cum cæteris ejus tractus, seu ditionis populis curandam Hugoni Bautio dedit: ipse recta per Æmiliam viam iter Romam versus init.

D Interim Henrici ex Germania moventis fama increbrescebat: populi futurarum rerum varios sermones inter se conferebant. Veritus Hugo, ne adversus Regem Alexandrini conjurarent, populum in concionem vocat: habita oratione temporis congrua, petit arces sibi, ut præsidio Regis custodiantur, tradit: sic enim cunctos, etiam si qui alienam mentem haberent, in officio mansuros, & Regem pecuniam abunde eorum defensionis collaturum. Hic mustare nonnulli, defixisque in terram oculis, quid sibi talis sermo velleret, cogitare: tum aperte Præfidi contradicere, quasi hac arte non quies domestica, sed perpetua servitus sibi quaereretur. Nam diversæ factionis principes non solum arces, sed portas urbis penes Baucium ponendas esse palam annuebant. Hinc orto tumultu, Regius Præfectus exilium, publicationemque bonorum, ac mortem ipsam iis comminari, qui dicto obedientes non forent. Gulielmus Inviatus Præfectus populi Alexandrini, ubi vidit multorum animos ad Hugonem inclinare, è concione abiit: cum eo Lanciavegia, cæterique fere Gibellini collectis, quæ auferri poterant, in propinquis vicis & vicina oppida, in quibus factio sua prævaleret, concessere: hostilia omnia adversus eos, qui domi manserant, molituri.

E Cum Bononiam Robertus pervenisset, à Pelagura Cardinale accipit Ferrariam, sic regendam, ut urbis Dominium penes Pontificem foret: eique Diegum Hispanum cognomento Ratam, cujus opes in Beneventanis non mediocres erant, cum cohorte præfecit. Dum autem per Etruriam Robertus transit, multorum animos præsentia sua recreavit, novaque foedera fecit, pollicitus valida præsidia adversus omnem hostium incursum: propterea quod non mediocriter metuebantur exules, quorum magna copia ad Henricum confluebat: eidem consociati Florentini etiam supra facultates militiam conduxere: & missis Legatis non solum Longobardos, sed etiam Venetos, ut secum contra novum Cæsarem conspirarent, sollicitare: sed nihil cum Venetis confectum, qui domesticis armis perturbati, & detecta nuper conspiratione Teupolorum & Quirinorum periclitati, ex usu suo non videbant, Henricum nova societate inita provocare, à quo jam præmissi duo fratres Valarandus copiarum ductor, & Balduinus Archiepiscopus Trevirensis, Theobaldus Legiensis, & Aimon Gebenensis Episcopi, nec non Guido Comes Flandriæ, Otho Dux Brunsvicensis, Hugo Delphinus cum militaribus copiis, ad tria millia equitum erant, jam Italiae appropinquant.

TRISTANI CALCHI,
MEDIOLANENSIS HISTORIOGRAPHI,
HISTORIAE PATRIAE
LIBER XX.

E P I T O M E.

Henricus VII. Julius Alpibus superatis, Segusione Italia aditu Romani Pontificis Vicario more majorum fidem & avita Religionis patrocinium vovet: & à plerisque Longobardis Proceribus, civitatumque Oratoribus salutatus, Aftam ingreditur: ubi Matthaeum Vicecomitem, & Castonum Turrianum Mediolani Archiepiscopum humaniter exceptos, certis amicitia ac societatis legibus conjungit. Jam non suo tantum milite, sed Italorum quoque Principum magno comitatu stipatus Mediolanum movet: ibique Guidone in ordinem redacto, discordiisque inter Vicecomites ac Turrianos sedatis, amicitia deinceps colenda leges praescribit. Ingentem deinde pecuniam exigit, cen pretiumpacata civitatis: & Longobardorum Regum corona insignitus, ducentorum equitum cooptatione beneficium remetitur. Verum Turrianis ac Vicecomitibus pariter conjurantibus, his vero mox periculi magnitudine, veterique Turrianorum odio Caesarianis se adjungentibus, Turriani, reliquique Guelphi urbe tota caduntur, ac compilantur: qui vero Germanorum furori superfuere Turrianorum principes alii alio relegati. Matthaeus quoque & Galeacius ad ejus facti invidiam mitigandam urbe tantisper decedere jussi, mox tanquam ab exilio revocantur. Inter hac Laudenses per Legatos deditionem Caesari faciunt, & tamen missos ab eo, qui possessionem inirent, urbis ingressu prohibent: sed denunciato Legatis supplicio, fidem praestant. Cremonenses sine mora eidem se, suaeque permittunt: Cremona aliquandiu cunctata, militum avaritia, libidinique deditur: pecuniaque insuper & jurisdictione mulctatur. Brixia post diuturnam, nec incrementam obsidionem capta exnitur moenibus. Ab hac victoria Caesar Mediolani quidem procuratore Matthaeo Vicecomite, Novaria autem ac Vercellarum Philippo Sabaudo nomine Vicarii relicta, Genuam ducit: ibique honorifice exceptus, civitati sacramento fidei sibi viritum obligata Vicarium designat: tum Flaminia, Etruriaque civitatibus in Roberti Apulia Regis clientelam se tradentibus, Mediolanensium civium, quos obsidum loco apud se habebat, plerosque comperta fide, cum honore ac dignitate remittit in patriam: & Papiam, Novariaeque administratione Philippo abrogata, Pisas navigaturus Guernerium Auspergenssem Longobardia praeficit: qui Longobardis à Caesare deficientibus, & Cremona à Gilberto Corrigio, ab Alberto Scotto Placentia occupatis, Matthaeum Vicecomitem in socium ac consortem gubernationis adsciscit: eodemque Duce Papiensibus ac Vercellensibus bellum infert, quod una cum Astenensibus palam à Roberto jam stabant, ejus Procuratore admissis. Inter hac Henricus Florentinorum Senensiumque praesidiis itinerum obscuritate delusus, Roma adest, & à Legatis Pontificis Imperii nomen & insignia accipit, Joanne Roberti Regis fratrem nequidquam intercedente. Inde Florentinos bello premit, Robertum Regem frustra implorantes: quod eum Fridericus Sicilia Rex, & ab Henrico immissa Genuensium, & Pisanorum classes aliena curare minime patiantur: quin etiam ab Henrico Neapolitani, Apulique Regni exsors pronuntiatur. Sed Henricum magna agitantem contractus in castris morbus fortuna subducit.

B



C

D

E

F

ENRICVS autem per id tempus Alpes Julias transgressus Segusionem venit. Hic Joannes Miolanus Tulensis Ecclesiae scholasticus occurrit, atque Clementis nomine eum in ea jurare, quae introeuntes in Italiam Caesares solent, adigit: ut Romanae Ecclesiae dedititium se profiteretur, Catholicam fidem pure & reverenter coleret; majestatem Pontificiam defenderet; prave de religione sentientes, quosque haereseos Pontifex damnaverit, bello & armis infectetur, foedus, amicitiam, vel affinitatem cum eo, qui sit religione dispar, quive armis & injuriis Christianum nomen vexet, non contracturum: plura alia in formula descripta sunt, quae omisisse nullum historiae detrimentum fuerit. In ea omnia Henricus libens, volensque juravit.

Interea ad eum accedere ex Cisalpina regione ii ferre omnes, qui opibus & potentatu pollebant; inter quos praecipue eminebant Amadeus Comes Sabaudiae, Philippus ejus nepos, Philipponus Languscus, Antonius Fisiraga, Thibaldus Brusatus Brixia profugus, Oratores Romanae civitatis, Pisani, qui centum equites adduxerant. Afta quoque, quamvis paulo ante in Roberti verba jurasset, xii. primores cives misit, qui urbem in Caesaris potestate futuram docerent. Eporedienses vero primi fuere, qui se, suaeque Henrico subjecere.

Ex Segusione movens Henricus Taurinum venit; inde Cherium, mox Aftam, quam quarto Idus Novembris ingressus est: reduxitque gentem à Castello cognominatam, quae aliquot annos pulsa domo exulaverat. Id Solarienti pergrave fuit: sed resistendi Caesari facultas non erat. Caeterum petente Henrico eandem fidem ab oppidanis, & sacramentum, quod majores Germanis Caesaribus praestiterant, creantur duo viri civitatis procuratores Philippus Viallus, & Benedictus Pelleta, qui communi nomine omnia conficerent. Andreas Garetus jubente Caesare cuncta peregit. Sed postero die Nicolaus Salimbenus patria Senensis, ex suggestu verba faciens, dixit, non satis esse ad justam deditionem, quod pauci publicum consensum professi fuissent; oportereque universos Astenenses se, & sua Henrico dedere. Respondit quidam ex infima plebe, aequum esse, ut rerum omnium arbitrium Caesari permittatur. Tunc Nicolaus subjunxit. Quibus Gulielmi Vaji responsum placet, ii stantes; qui vero contra sentiunt, sedentes votum suum significant: nam in tanta turba perdifficile & indecorum videbatur singulorum suffragia scrutari. Tunc fremuere multi, & tumultu orto contrariae voces exaudita sunt: clamare alii, fiat deditio, obsequamur Regi; alii palam reclamare: nihilominus id pro publico consensu recipi, ac in tabulas suas redigi Henricus jussit. Praefecit deinde urbi Nicolaum Bonfignorum, arcesque & castella peregrino praesidio firmavit, & Astenensium impensa custodiri mandavit. Tum novis legibus populus adstrictus, & pecunia pro libito imperata, atque acerbè exacta. Hinc querelae in omni coetu, foro, templisque fieri; quasi omnia alia in adventu Caesaris expectassent, quam

ut tali tributo gravarentur. Et Nicolaus Præses veritus, ne si crebri cives sæpius coivissent, nova consilia caperent, edicto vetuit, ne plus, quam tres, quatuorve viri in unum locum convenirent.

Inter hæc Matthæus quoque Vicecomes per invia, per adversa, & ab inimicis etiam custodita loca uno puero comitatus, & vili amictu circumtectus, ex Veneitiæ urbibus, ad Astensem urbem pervenit: protinusque convento Francisco Garbagnate, duci se ad Cæsaris cubiculum iussit; & quamvis intempesta nox foret, introducit. Ubi in conspectum Regis Matthæus venit, aperto capite, rejecta in tergum penula: *Salve rerum salus, salve periclitantium spes, & columen*, inquit, *& qui ejectos & exules in patriam reducis, bonis redintegras, cum inimicis reconcilias: osculor tandem, amplectorque illius pedes* (nam ad genua procumbebat) *qui opem fessis, exhaustisque affers*; tum pauca pro communi causa locutus, in hospitium abiit. Continuo nuncii cursitantes per Gibellinorum domos & hospitia, advenisse Matthæum Vicecomitem memorant. Ubi illuxit dies, ad ejus aedes totis viis concurretur. Læti salutant, domo educunt, progredientem in publicum sectantur. Jam centum equites Gibellini nominis, qui ductore utebantur Riciardo Ticione, illi occurrunt, venerantur, suscipiunt, & lacrymas præ gaudio non tenentes, in Regias aedes deducunt. Germani Proceres juxta & Itali homines admirari, atque obstupescere tam frequentem concursum, & veluti monstrum apparuisse Regi nunciant, ad quod spectaculum tam cives, quam peregrini confluerent. Henricus, cui Matthæi adventus notus erat, subrisit. Antonius vero Fisiraga studio & multitudine deducendum, tum sermone aulicorum percussus, expavit mirabiliter, & impos doloris, quem invidia faciebat: *Hic*, inquit, *ô Cæsar, de quo nunc tanta dicuntur, Longobardorum olim pestis fuit, factiones excitavit, odia inter populares auxit, civitates gravi detrimento tyrannus affecit*. Sed Matthæus ad Regem introductus, illum reverentissime salutatur: haud longe ab ejus latere Philipponus stabat: hunc Matthæus extensis brachiis amplexurus fuit; sed in contrariam ille sese partem avertit: nihilo tamen secus Matthæus refugientis latus complectitur; *Et jam tempus*, inquit, *est, finem iræ, injuriisque facere, anteaكتورum malorum oblivisci, & in pace communi utilitati inservire*. *Quid enim in tanti Regis conspectu, qui pacificator omnibus advenit, cogitare aliud debemus, nisi ut simultate omni abjecta, munus ejus amplectamur*. Humiles Matthæi voces Fisiraga procaci sermone incessit: quo cum Matthæi mite ingenium nihil perturbaretur; Henricus subridens ait: *Certe jam dimidia pax est inter vos conciliata, jam integram conficiemus*. Sed abnuerunt Languscus & Fisiraga contumeliosis & gravibus verbis non abstinentes. Ex eo Matthæus prudentiæ & civilioris animi commendari apud Henricum meruit, ac inter omnes Longobardos præcipuum postea locum fortitus est.

Inter hæc Castonus Turrianus Mediolani Archiepiscopus, & Napinus frater Astam venerunt, ulturi quacumque via carcerem, ereptas opes, exilium, reliquasque insignes contumelias, quas à Guidone acceperunt: nec defuere, qui foedus & amicitiam Matthæi Vicecomitis suaderent. Quod cum maxime optabile sibi fore Castonus ostendisset; brevi societas conflata est: & quo firmior foret, certiorque fide quisque ageret, has conditiones arbitro Cæsare conscripsere: Rapinas, damna, cædes, tum quidquid detrimenti & injuriæ sustinuerit, sibi invicem condonare, atque aboleri oblivione jussere: bona fide, sine fraude in mutuam gratiam redeunt, si quid in posterum discordiæ inciderit, arbitrium ejus decidendæ penes Archiepiscopum sit: neque de cætero Matthæus quidquam moliatur, & tentet adversus præsentem statum rerum, Mediolani, Papiæ, Laudis, Cremonæ, Bergomi, Cremæ, Comi, Novariæ, Vercellarum & Derthonæ, nisi consulto & annuente Archiepiscopo:

A si qui in amicitiam Archiepiscopi venerint, eos Vicecomes tueatur, & colat. Hæc & multa alia inter eos convenire, quæ integra tabula Merula exsecutus est; & ego, ne repetendo verbosior fiam, consulto prætereo.

Quibus pridie Nonis Decembris peractis, Matthæus Henrico suadere coepit, ut quamprimum Mediolanum peteret: idem suadebant Pisanorum Legati, qui ingentem vim pecuniæ, circiter videlicet aureorum nummorum triginta millia attulerant, atque Henrico donaverant. Igitur postridie Idus ejusdem mensis, Casalem Montisferrati Metropolim petiere, ubi ampliter à Theodoro Marchione excipiuntur. Inde Vercellæ & Novaria petitæ: populi lætis libentissimisque animis venientes accipiebant, obedienter quæcumque imperabantur facere, pro avorum consuetudine, interposito jurejurando sese dedititios profiteri, munera, resque ad victum necessarias assatim exhibere. Dum Novariæ commoratur, pacem conciliavit inter diu pugnantes familias, Brusatos, Caballacios, & Torniellos. Exstat tabula publice confecta, qua dato, acceptoque osculo amplecti se invicem, perpetuoque gratiam servare eos Cæsar jubet, exules domi restitutos pristina bona possidere, oblitosque injuriarum quieti studere: nomina contrahentium & spondentium pro absentibus sunt Gulielmus, Bonifacius, Joannes, & Arundus Brusati, Folquinus, Ruffinus, Rolandus Caballacii, Lanfrancus Bonipertus, Actius Capra, Francinus Grita, Gulielmus Brunamontus, Philippus Dotarius, Uvala, & Joannes Tornielli. Hugi Nobia, Arditius Barbavaria, & pauci quidam alii.

Inde Ticinum Cæsar trajecit: Mazentæ vico pernoctat postero die occurrente illi nobiles, quicumque in urbe remanserant. Plebeji quoque visendi studio effusi obviam sunt. Guido Turrianus præmissis militaribus copiis, prosequentibus Oratoribus Florentinis, & longo amicorum, clientumque ordine, non minimum spatium ab urbe processit; & ubi Aquilas & imperatoria signa supra caput vidit, parcere iræ non potuit, quin unum de manu ferentis raperet, ac humi sterneret. Ante Guidonem Prætor urbis incedebat, sceptrum Magistratus insigne tenens: is Recuperatus Rivola genere Bergomensis fuit. Hic baculum Cæsari in signum deditionis obtulit: acceptum Cæsar restituit, & nomine suo gerere Magistratum dehinc iussit. Guido autem eidem appropinquans, ab equo descendit, pronusque pedes osculatur. Henricus hilari vultu eum excepit, dixitque: *Jam Guido adversariis ignoscet, discesque ei parere, quem cuncti venerantur: veni, fidelis sis, de cæteris rebus & concordia in civitate agatur*. Ita ad portam urbis, cui Vercellinæ nomen est, deveniunt. Juxta adequitabat Margarita Regina; sequebanturque post prænominatos Heroas ac sacerdotes Marchio Montisferrati, & Manfredus Saluciensis, & Gibertus Corrigius cum quatuor Oratoribus Parmensibus, ac multa nobilitate adeo, ut agmen ducentum equitum agerent. Cæterum Henrico hospitium in veteri palatio fuit; Regina in aedes Ambrosianas divertit. Et quamquam civitas à captivitate Archiepiscopi expiata nondum foret, neque propterea liceret sacris operari; Cæsar tamen privilegio suo nixus, die Natalis Domini solemne sacrum in æde Divi Eustorgii confici voluit: postridie in area Ambrosiana Matthæus Vicecomes, Castonus Archiepiscopus, Paganus Patavinus Antistes, alique complures deditionem Henrico faciunt: affuit & Isnardus Thebanus Episcopus Prædicatoriæ Fraternitatis princeps, & Romani populi Oratores, & ab Genua Barnabos Auria Sardiniae Insulæ Dominus; quem sequebantur quatuor & viginti civitatis Genuæ Oratores, purpureis omnes vestibus irradiantes, & ingenti ministrorum numero stipati. Fremebant interea ii, quibus grave erat exules rediisse in patriam; simulque vociferari cœperunt, non esse domi retinendos *Malexardos*, sic enim tunc vulgo profugos vocabant. Tunc Henricus Matthæum ad se, Guidonemque vocat, adduci ami-

cos & cognatos jubet: quibus pacis & concordiae leges ad hunc ferme modum dixit: *Ut praeceptorum obliiti nullam posthac injuriarum mentionem facerent: in patriam reverterentur omnes, qui, cum de Regno certaretur, pulsi domo fuere; & sua vindicent, etiam ultra praescriptionis tempus; si quis offensa vel damni nomine resarciri sibi quicquam postulet, ex sententia, jussuque Caesaris satisfiat; à cujus praescripto nemo unus recedat: qui contra ausus fuerit, mille librarum auri poenam luto.* Has conditiones, nonnullaque alia minutius in formula praescripta amplexu, osculoque spectante Rege, utriusque familiae principes confirmarunt. Redintegrata in hunc modum civitate, idem Recuperatus Praetor in consilium vocat primores populi, de re frumentaria, Corona Caesari danda, & pecunia cogenda refert: obmurmuravere multi, diversaeque & absona censuere. Intercedit Praetor, & ut certa deponant, hortatur: sed discessere ex Curia viri, & ad arma discursum est. Tumultum Praefectus militiae edicto sedavit. Henricus ipse è suggestu templi paucis Mediolanensem populum allocutus est: post quem Astensis quidam subjunxit, *Legitimum Imperatorem esse Henricum, quem Germani Proceres delegerunt, & Romanus Pontifex confirmavit: proinde, & Regni Longobardorum insignia, coronamque ferream cum muneribus solitis dare ei oportere.* Ex ea concione Recuperatus Praetor Magistratu abdicatur, quem duobus diebus minus quatuor mensibus gessit. Ei successus Joannes Calcia, qui statim creati quatuor & viginti cives petiit, cum suprema potestate decernendi necessaria praesentibus negotiis: duodecim de plebe, & totidem Nobiles delecti, qui in consilium vocati, diem coronationis statuerunt solemnem Epiphania, & Magorum salutatione. De munere rogati, conticuere primum, longumque silentium tenuere. Demum in Gulielmum Pusterlam conjecti oculi sunt; qui opibus potens, moribus integer, procul omni ambitione vivebat: hunc rogant, palam dicat ipse, quid pecuniarum donandum Regi censeret; neminem ab ejus sententia discessurum. Tunc Pusterlaus absque praefatione, *Quinquaginta, inquit, millia aureorum dari censeo.* Assensere continuo omnes. Sed Matthaeus subjunxit: *Numquid Reginam indonatum relinquemus? huic decem millia adscribo.* Guido hoc ferre non potuit: & conquestus de ea voce, prorupit ex consilio, identidem obmurmurans, *Quin potius centum millia donemus, quando in exhausta civitate nemo publici commodi rationem habet.* Haec quamquam per iram dicta forent; tamen quia major summa erat, eam Regius scribe excepit, & in acta retulit. Visa est haec summa multitudini pergravis, quae diutinis bellis & discordiis civilibus exhausta, ope potius juvari se, quam inexpectato tributo premi, æquum censebant: itaque obmurmurare totis vicis, & cum lacrymis, plena minarum verba jactari, denique de conjuratione plerique timere. Ac primo Mercatores, deinde Ju-reconfulti Caesarem adire, rogareque ut inopisturbæ commiseretur, neque permetteret, ut adventus ejus, qui desideratus modo omnibus fuerat, lætitiæque afferre deberet, luctuosus cuiquam, aut invisus haberi posset. Multa quidem his familia viri prudentes adduxere; sed furdis auribus fabulam, ut ajunt, decantabant: nihil enim proficere, perseverante Rege in ea, quæ semel scripta summa erat: redarguentibusque eos Fisciprocuratoribus quasi ingratos & parum memores beneficii Caesarei, qui patriam civili dissensione agitatam, ac pene absumptam, eo loci restituerit, ut jam quieta, & à profugorum, errabundorumque civium maleficiis tuta esse possit: quare omisissis precibus intempestivis, excuderent argentum eo numero, cujus duplum aliàs externo, civilique bello dependisse eos constabat. Sub his delecti periti rei pecuniariae viri, qui centum millia quamprimum exigerent.

A.C.
8311.

Interim Kal. Jan. advenere anni undecimi supra mille & trecentum; cessitque propinqua dies Epi-

A phaniae coronationi Henrici destinata. Castonus Turrianus Mediolani Archiepiscopus in aede Ambrosiana solemne sacrum celebravit: convenit vero hominum turba innumerabilis, cum eorum qui officii causa aderant; tum eorum qui spectandæ rei nunquam antea à se visæ, nec fortasse unquam in conspectum amplius venturæ, cupidierant: nam præter peregrinos, Italosque Principes, quorum nomina supra retulimus, aderant quoque Oratores ex singulis Longobardorum civitatibus: præterquam Alexandria, & Alba, quæ in ditionem Roberti Regis cesserant. Peractis autem rite sacris, Archiepiscopus præfatus ea, quæ legitimam coronationem facerent, ac felicitatem Principi, Regnoque portenderent, ferream coronam Moguntia allatam, supra caput imposuit, sceptrumque tradidit. Ita Henricum Longobardorum Regem declaravit: tunc Reginam dextera tenens, quæ crinibus per terga solutis, & vinculo aureo decora conspiciebatur, ducentosex adstantibus Proceribus equestri auro, militiaque nobilitavit, ternasque eis vestes & singulos equos dono ferri jussit. In his primum locum tenuit Matthæus Vicecomes, quem calcaribus calceavere Maphæus Madius Brixientis, & Gibertus Corrigius Parmensis: secundum eum Gulielmus Pusterlaus eadem ornamenta sortitus est.

C Interea Moguntiaci, quos gratulatum venisse diximus, plerique querelam Caesari porrexere, quasi vetusto honore fraudati ab eo fuissent, qui Mediolani potius quam Moguntia coronari voluerit, cum in aede Divi Joannis Baptistæ corona ipsa asservetur, certissimum argumentum coronationem ibi fieri debere. Eorum vanitatem, intempestivasque querimonias, etsi vetera exempla coarguebant; tamen Henricus Moguntiam profectus est, & visitata aede celeberrima, privilegia oppidanis confirmavit, quibus à jurisdictione Praetoris Mediolani eximuntur.

D Cæterum Henricus timens, ne ob extortas pecunias quidam rebellionis consilia inirent, sub specie officii primores utriusque factionis secum Romam ducere constituit: centumque nominavit, in quibus Matthæus Vicecomes, & Galeacius filius, tum Ubertus Matthæi frater, & Lodrisius eorundem consanguineus; præterea Gulielmus Pusterlaus, Landolphus Burrus, & Cressonus Cribellus, qui etsi Turrianam nurum domi haberet, tamen propter patrem à Turriano interfectum ardens in vindictam erat. Tum ex Turriana familia Guido, & filii Paganus, & frater, aliique non pauci. Quod ubi divulgatum fuit, Galeacius Vicecomes, & Francischinus Guidonis Turriani filius extra portam Ticinensem in pratis non longe à Celsiano cœnobio convenere, & remotis arbitris longiorem sermonem habuere: tum dexteras arctius adstringunt: quod signum fidei invicem datæ circumstantes suspicati sunt, & ex gestu & verbis Francischini, qui quædam enuntiavit, suspicio initæ conjurationis orta est: nam & Guido filio referenti quid secreto cum Galeacio tractasset, dixit: *Magna rei consilia iniisti cum eo, cum cujus patre interneciva odia nobis sunt, & qui usu rerum longe plura te novit.*

E Haud ita multo post rumor pulsavit aures Germanorum, armatos in domibus Nobilium clam, palamque haberi: quare equitatus Imperatorius per urbem discurrere coepit, exploraturus, si quæ conjurationes forent: quos ubi ad se venire Matthæus audivit, quos ipse domi habebat, in penitiore ædium parte occultavit, strepitumque omnem silentio premere jussit: ipse in vestibulo cum paucis domesticis ambulat: introgressi equites nihil armorum vident. Matthæus, quasi pacata omnia forent, placido vultu quid quærant, rogat, simulque afferri vinum jubet. Bene poti Germani continuo ad ædes Turrianorum pergunt: complures in armis offendunt. Prædie Idus Febr. id actum fuisse traditur; & post meridiem ad arma per vicos conclamatum; ingens tumultus excitatur: varii sermones jactabantur: quidam Vice-

comites & Turrianos convenisse in foedera, conjunxisseque arma adversus peregrinos milites, atque in excidium Germani Regis, & communia signa prae Turrianorum domibus visa; alii patientem nimis fuisse populum dicebant, qui tantam rapinam sustinuerit: alii, ut majorem turbam excitarent, persancte jurabant, Galeacium Vicecomitem, & Francischinum Turrianum ante domos Turrianas sese exosculatos, atque in Germanorum caedem concordem esse. Itaque inquit, *Cur Barbaros non aggredimur? quid hic otiosi sumus? deleatur omnino gens infensa, rapax, & infida.* Talibus vocibus etiam si qui medii stabant, sumptis armis prodeunt, seque Turrianis applicant. Tunc Germani equites facto agmine in regionem portae Novae (illic aedes Turrianorum erant) contendunt: obstat Turrianus, atque beneficio vici, tum multitudine armatorum, qui jam confluxerant, illorum impetum reprimebat, atque interim caedentes repellebat. Pugna acris facta est, nec pauci interfecti.

Interea Nobiles, qui falsis vocibus excitati Turriano se aggregaverant, cum nullum factionis suae principem, nulla signa viderent, se deceptos rati, pugna abstinere, ac domum quisque suam repetiere. Jam vero Germani pertransiverant aream templi Sancti Fidelis, cui proximae erant Turrianorum aedes: hic instaurato certamine multi cives sagittis conficiuntur; ac demum in fugam conversi, magnam occidionem passi sunt. Francischinus & Simon Turriani de periculo se subtrahentes urbe cedunt: duo fratres Riciardus, & Philippus Petrasanctae, qui arctissima propinquitate Archiepiscopum & fratres contingebant, dum irruentem hostem sustinere conantur, salutis suae parum prospexere. Philippus lethali vulnere transfixus, & semianimis exspoliatur. Riciardus in Guidonis domum rediit, atque ei abeundum, inquit, nobis est: succubere nostri; hostis omnia tenet; nec res restitui potest; sola fuga servari possumus; nec tardandum est. Nec plura locutus infirmum hominem è lecto sustulit, vicinam maccariam transgressi, per hortum religiosarum mulierum in interiori aedium partem penetrant; ubi cum parum tuti essent, in aliam longius distantem domum se contulerunt. In hoc rerum turbine Matthaeus relicto domi Galeacio cum amicorum manu, per porticum in propinquum Episcopi Tridentini hospitium transivit, atque ad Henricum deduci se curavit. Quo viso Germani latati conclamant Matthaeum fidelem & Caesari obsequentem esse. Rex quoque, *Peroptate*, inquit, *aedes: Galeacius tuus ubi est? ajunt quidam eum cum Turriano arma conjunxisse, & nostris pariter infestum esse; sed cur tu tam sero venisti?* Ad hæc Matthaeus, *Regum maxime, metuo presidio servatum, tuaque benignitate honoratum, si quid nunc sum, profiteor: hoc idem sentiunt, & pradicant, qui me sequuntur: à te stamus, quidquid jussis facturi sumus: ne dubites, quia nisi cum ingratis sumo titulo atque ignominia recedere ab Imperio tuo non possum: citius ad te venire non potui, veritus strepitum & tela discursantium militum, quibus satis notum me non confidebam ita, ut tutus accederem, Episcopi presidium imploravi.* Secundum Matthaei verba Episcopus affirmavit, illum apud se in initio certaminis fuisse: ita morae causa facile Regi probata est.

Interea Galeacius contra patris mandatum in publicum progressus, quoscumque nobilitatis studiosos convocat in aream, cui Piscinae nomen vulgo est: ingens turba eo ivit, & ex Ticinensi maxime & Vercellina regione, quæ viso Galeacio, ei sese adjungit. In proximo loci, quem Curiam Ducis vocant, Germanorum cohortes stabant, haud satis certæ, quo se verterent, & quoscumque in armis videbant, extimescentes. Forte aciem civium servabat Boschinus Mantegatius, nuper & ipse ab exilio reversus. Hic propius Germanos accedit, & sublata galea amicum se esse ostendit; tum propinquam aciem deditiorum Regis esse, & eis praesse Galeacium Vicecomitem, qui pro Henrico emori potest, docet. Eo nuncio læ-

tati Germani, statim Galeacio conciliantur, & consociatis armis, per vicos prædabundi discursant. Turrianorum amici proditos se à Vicecomite, qui in conciliatione datam fidem non servasset, clamabant: sed illorum domus diripiuntur: permulti quoque obtruncati fuere, perniciofa factionum vocabula tunc crebrius jactata sunt. Gibellini à Vicecomite stare dicebantur: Guelphos vero diversas partes, & Caesari infensas tueri ajebant. Jam vero à Curia Ducis in eum campum, quem quia antiqua porta civitatis ibi olim fuit, Pontem veterem vocant; indeque ad portam Comensem pervenerunt, eamque, ne ab adversariis occuparetur, custodiendam tradunt Cressono Cribello. Nam in proximo extramurario coenobio D. Simpliciani Dux Austriae fortitus hospitium erat, eumque fossa & muro à se interclusum haberi minime è re praesentis negotii esse existimabant. Eodem mox profectus Galeacius, quingentos equites introduxit, sublataque tunc vox Guelphos penitus perdendos esse: excipientes verbum Germani gladios stringunt, multisque caedem minitantes, in prælium ruunt. Galeacius tamen socios admonebat, ut cives servarentur; sed jam ad Turrianorum aedes agmina pervenerant: caesorumque & humi jacentium cadavera complura offendunt: pars magna fugiendo substracta erat. Germani domos ingressi, quoscumque obvios trucidant, alios spoliant: neque solum Turrianorum bona direpta fuere, sed eorum quoque, qui quamvis procul à studiis partium, & à certamine essent, propinquas tamen domos habuere; inter quos Segazoni signanter nominantur, qui lanificiae dediti magnas opes quaesiverant. Jure belli omnia esse sua prædones dictabant.

Interim Guidonis domus succensa fuit. Patavinus Episcopus Paganus clamore pugnantium attonitus sacerdotales amictus induerat, & Pastorem Lituum tenens, ante Zonfredi Turriani aedes constitit, qui ambo à seditione civili averfi semper fuerant. Aderant & Gibellini nominis nonnulli, ut sua praesentia eos, eorumque opes incolumes redderent: sed nec venerandus ornatus, nec intercessio amicorum præstare tutos ab injuria potuit: irrumpens Barbarus, equos, vestes, pretiosa, & sacra omnia diripuit. Castonus autem Archiepiscopus, & tres fratres primo statim motu à Caesare vocati, ad eum iverant; & interrogati quid, aut unde hic tumultus foret, cum se ignorasse respondissent, haud inviti apud eum mansere.

Interea Matthaeus permittente Henrico domum reversus, equum conscendit, atque in eas fertur regiones, ubi tumultus major audiebatur; tam cives quam peregrinos, ut à præda & caedibus abstineant, hortari & rogare. Sed Barbari allesti dulcedine prædæ in diripiendis promiscue bonis perseverarunt, spoliabanturque tam qui majestatem Imperatoriam colebant, seque ab omni novitate continebant, quam qui in Caesarem conspiraverant. Sex dies sic continuatum: nec in urbe tantum id malum fuit, sed in suburbanos vicos, & urbi propinqua oppida erupit. Universalis erat ferri licentia, & pro hominum libidine atque avaritia omnia miscebantur; acceptasque injurias & damna unusquisque vel emendabat, vel inimico reponebat.

Cæterum Henricus Guidonem, & filios, circiterque viginti alios, quos novandarum rerum auctores arbitrabatur, conquiri jussit: his diem dixit, qua datis sponsoribus urbe cederent, inque fines abirent, quos egredi non liceret. Riciardus Petrasanctae paruit edicto. Guido quoque Alexandriam profectus est. Francischinus & Simoninus Turriani ad Incinates profugerant, seque in arcem Montorphanam receperant: hic contumaces aliquot dies se continuerunt: in exulum tabulas relati, qui imperia detrectarunt, aut nullo spondente urbe cesserunt.

Posthæc concessit Henricus in aedem Humiliatorum, cui Sancti Spiritus titulus est: ubi dum parumper

per animum ab his curis & agitationibus componit, procurante Nicolao Bonsignorio, ejus in civitate Vicario, cives consilium generale reformavere mille & ducentum virorum: cujus rei negotium datum fuit septem Jureconsultis, Pagano Turriano, Alberto Bosio, Bulgaro Thepoldi, Stephano Vicomercato, Ubertino Mirabili, Beltramo Arzono, & Gulielmo Feræ. His novem Nobiles adjuncti fuere, Jacobus Pusterlæus, Facius Mandellus, Trénta à Cruce, Cavalchinus Moguntiacus, Bibus Triultius, Philippus Aliprandus, & tres alii. Et hæc fortasse illa societas fuit, quam Merula renovatam sub nomine Credentiae Sancti Ambrosii meminit, Imperatoriamque appellatam fuisse tradit, & jurejurando adactam, tueri partes Imperatorias, atque eos accusare, qui nova consilia inirent, præfectumque huic ordini Leodiensem Episcopum fuisse signum ex nigro, alboque, in cujus medio Aquila visebatur. Id Matthæo Vicecomiti, & Gulielmo Pusterlæo, & magnæ parti Nobilium grave fuisse; quoniam factionem olim Patritiis infensam, & diu intermissam, hoc modo instaurari existimarent; & eis apud Henricum conquerentibus, constatam esse alteram societatem cum ea conditione, ne ullus ex gente Vicecomite, nec Turriana, nomen in ea daret: signum ab his erectum, pannum croceum cum Aquila alas pendente.

Quibus sic constitutis, iterum Turrianis gravis poena indicitur, nisi quamprimum urbe facescant, designataque loca petant. Hi fuere Zanfredinus, & Zaninus fratres; tum Angefossus, & Jacobinus, & septem alii ex eadem familia. Quibus petentibus præsidium accommodari ex Cæsaris familia, quo tuti & incolumes irent, datus fuit unus ex Præfectis Prætorianæ cohortis. Hi ubi ad portam Romanam venere, in Germanos milites inciderunt, à quibus impetu facto, apprehensis jumentis, dissolutisque sarcinis cuncta directa fuere; & quamvis Prætoriani, quorum fidei & custodiæ crediti fuerant, multum repugnarent, tamen stimulante Barbaros præda, superati Turriani omnia amiserunt, atque in diversa abiit.

Postridie Matthæo quoque Vicecomite, & Galeacio filio, ut alter Tarvisum, alter Astam exulatum concederet mandatum est. Id quod, utrum Henricus fecerit elevandæ invidiæ gratia, qua partem civium amplecti, ac fovere, alteram adspernari, ac deprimere videbatur; an ut iis morem gereret, qui adversus Matthæum cum Turriano senserant, incertum est. Sic ejectis utriusque partis principibus, cum in urbe sine capite Germani, ceu in grege ovium sine magistro errantium lupi, dominarentur absque ullo juris, vel facti temperamento, vexandis undique, & quacunque ex causâ civibus inhiare, argentum conficere: ab aliis dona deposcebant, alios in Cæsaream Majestatem deliquisse, aut vicino injuriam intulisse convincebant; ab aliis mutui nomine flagitabant nihil restituri. Quod si qui dare pernegabant, continuo egeni & latrones in possessiones eorum mittebantur. Qui tecta agrestium populati, agros evastabant, ædificia evertebant, tædioque & damno affectos pecunia veniam redimere cogebant. Cæterum vocatis in consilium iis, quibus arcana communicare solitus erat, quæsiit, quomodo eos ad obsequium redigeret, qui imperium detrectarent; & ne alii rebelles fierent.

Deinde peractis Paschalibus diebus, Cæsar Papiam petiit ad solemne festum celebrandum: custodem Mediolani reliquit Comitem Sabaudia, qui instabat, ut frumenta quamprimum ex agris in urbem conveyerentur, si qui ad conditum tempus non venissent, aut negligentius mandata curavissent, eos grandi pecunia mulctabat: contra Dux Austria, ut populus lætior esset, festis præsertim diebus, convivium magnificentum apparavit. Generosæ matronæ, virique nobiles invitati, atque ut epuli celebratior memoria foret, duodeviginti familiares & domesticos militari gladio atque hasta donavit.

A Per eosdem dies Franciscus Garbagnates, & cæteri Nobiles apud Regem instare, ut Matthæus & Galeacius ab exilio revocarentur: nec ita multo post datis ad utrumque litteris Papiam venire. Matthæum placido vultu Henricus excipit ac prandio dignatus est. Discumbenti Leupoldus Dux Austria ferculum porrexit; Et hoc, inquit, Matthæe, magna promotionis tibi auspiciū est.

B Postridie Idus Aprilis sacris peractis, Henricus Mediolanum revertitur, seque Matthæum sequi jussit. Eodem venire Rainaldus Concorretius Ravennatum Archiepiscopus, qui suspectæ civitates ut Cæsari reconciliarentur, atque ei se dederent, elaborabat:

C item duo Pontificii Legati Archiepiscopus Salernitanus, & qui de collegio eorum, quos Pontificios Capellanos vocant: sed tres præcipue urbes, urgentibus factionis civibus, obsequium abnuebant, Laus, Cremona, Brixia. Laudensem quidem fovebat Antonius Fisiraga; qui quamquam apud Henricum non mediocriter polleret; tamen inconsulto eo Laudem perrexit, & quid rei frumentariæ in urbe foret, exquirat: horrea tam privata quam publica invisit, inopiam frugum vidit, deterritusque consilium defectionis omisit. Regem, quem se offendisse non ignorabat, per advocatum lenire & placare constituit, litterisque ad Comitem Sabaudia datis, ejus patrocinium implorat:

D nec nisi accepta ab eo fide Mediolanum venire ausus est, Legatosque civitatis secum duxit: qui in conspectu Cæsaris humi strati, ubertim lacrymantes veniam petiere, atque certissimum deditionis signum claves portarum in medium jactavere. Enimvero Cæsar indignatus nihil supplicibus respondit; severus adspectus erat, & de vindicta cogitabat: anxius eo Sabaudius Fisiragam exanimem ad Reginam, cui arctissima affinitate junctus erat, (sororem ejus in matrimonio habebat) deduxit, eique salutem hominis commendat. Clemens mulier provolutum genibus sublevat, & virum allocuta ita flexit, ut non ita multo post Henricus Antonio dixerit, longe cum falli opinione, qui se fortem & animosum in factione existimaverit, quia sit ausus mandata detrectare: *Sed vade, inquit, fidem tuam experiemur, & animos civium tentabimus, si urbem tradiderint: id enim facturos facile existimamus, si tu sincere & sine fraude id procuraveris, non modo salvus eris, sed inter aulicos honestum locum promittimus: si contumaces cives non paruerint certa perfidia poenas dabit.* Ab his vocibus Bassianum Fisiragam Antonii germanum fratrem, & Antonium cognomento ab Aqua vocato Henrico Aulae Magistro custodiendos tradit, cumque cum equitatu proficisci Laudem jubet. Appropinquant portæ clauduntur; armati pro moenibus stabant, quæ manifestæ rebellionis signa erant. Henricus paulisper substitit: postquam autem nemo aperiebat, commotus vehementer arborem suspensio deligit, Legatisque necem indedaturum se minatus est: contreritus Antonius Aqua, *Non hac via, inquit, urbe potiturus es: irritabuntur, mihi crede, omnium animi fœditate ista, & obstinatus, ceu desperata salute pugnabunt. Longe falleris, si putas nostro sanguine ac nece portas apertum iri. Lenitate & clementia potius vinces: miseris & in acerbissimo casu constitutis vix credi solet; ego tamen hoc tibi affirmo, si me in urbem ire siveris, male animatos & obstinatos cives placaturum, ut arma deponant, & sese Cæsaris fidei permittant, suaserum, & utcumque responderint, ad vos reversurum.* Haud contemnenda ea Henrico visa sunt, & jurejurando adstrictum Antonium dimisit, qui urbem ingressus hilari vultu obviis quibusque bonum Cæsaris animum prædicare, spem omnibus facere: propinquis vero & familiaribus eorum, qui vincti tenebantur, quam calamitosa hi forte essent, enarrare: tum quæ clades universam civitatem maneret, nisi studia mutarentur, edocet: efficax quidem oratio apud eos fuit; sed quo animi quoque multitudinis facilius moverentur, in frequenti concione eadem ut diceret, hor-

hortati sunt. Quare congregato populo, ceu pro rostris sic verba fecit: *Quas clades, atque ignominias Guido Turriannus, & ceteri, qui adversus Henricum Casarem inire consilia ausi sunt, acceperint, explicari à me non opus est; neminem vestrum ea latent, bonis fortunisque omnibus spoliati, principatu dejecti, patria & finibus pulsi errant, amentis superbia, & inconsiderati facinoris poenas luunt. Hi exemplo nobis esse debent, ne quid temere agamus, ne similes imbellibus canibus efficiamur, qui quamdiu procul aper est, totis silvis nemoribusque allatrant, propinquum metuunt, & irrudentem minime expectant: si qui vero audaciores congregiantur, illico dente lacerantur, apertisque costis viscera effundunt. Jam non vilissima pars nostrum ab his decepta, qui se Turriano prudentiores existimant, sub specie legationis in aliena potestate relictæ, brevi rebellionis vestra poenas dabunt. Itrurum plenus Caesar seva & horrenda contumacibus minatur: summa cum difficultate, nec nisi precibus Regina, quam intercessore Philippo Sabaudio adjuvimus, placare animum ejus potuimus tantisper, ut à vi supersedeat, dum nos vobis imminet mala renunciare, atque ea ut vitetis hortari possimus. Iratiorem cum nobis fecit Antonii Fistraga ambigua fides & inconstantia, quem non ignorat clam domum refugisse, quid rei frumentaria, quid armorum in urbe, quæ multitudo apta bello foret, exploravisse, & ut ea deficere animadvertit, dissimulavisse consilium, & legationem à civitate, quæ deditionem polliceretur, instrui curavisse. Quare implacabilis & truculentus acerbe in primores nostræ civitatis invehitur; severfionem urbis, & populi interneccionem, nisi quamprimum imperata faciamus, promittit: & primo Legati nostri ab infelici arbore ante oculos vestros pendeant, deinde urbs funditus subvertetur. Heri vidistis horrea vacua frumento, viros, arma toleranda obsidioni, & submovendo à mœnibus hosti deesse. Quare deliberate, utrum vos, vestraque omnia, patriam, liberos, conjuges, fortunas omnes perdere per obstinationem & stoliditatem, an deditionem faciendo servare malitis. Ab hac oratione cum stupor omnium oculos in terram defixisset, atque undique lacrymæ & gemitus oborirentur, demum portas pandunt, intromiseruntque Imperiale præsidium, & pariter extorres reducti sunt. Rex omnibus ignovit.*

In ea urbe dum Valeranus Lucemburgensis Cæsaris frater diversatur, fortitus hospitium est apud civem honestum & minime factiosum, in cujus interiori domus partem minister penetravit, Aquilamque parieti adpictam vidit, à cuius collo laqueus carbone signatus pendeat: ignominiosum id signum addiderat fortasse Cremonensis quidam, qui in familiam Legatorum eo olim venerat; nec hospes unquam abolerat, quippe rem ridiculam ratus. Sed Valeranus ab improbo spectatum introductus, aliter interpretatus, malignitatis inde & perfidiæ hospitem arguit, statimque arripi in tetrum & obscurum carcerem, ceu læsæ Majestatis reum, jubet: concurrere propinqui & amici morum laudatores, & innocentia testes: sed nihil verba profuere: absolutionem quingentis aureis redimere oportuit.

Receptio Laudis Cremensem traxit: propinquum oppidum est. Venturinus Benzonus, cujus auspiciis tunc populus regebatur, paulo ante jugum detrectaverat: nunc autem audita Laudensium deditione, fratrem cum clavibus, & non exiguo auri pondere misit, qui cuncta arbitrio Cæsaris permitteret. Ab iis Henricus Matthæum Vicecomitem cum exercitu Adduam transire, bellumque Cremonæ & Brixie pariter facere jubet; cui ut favorem & opinionem apud milites & populos colligeret, eum titulo generalis Vicarii civitatis Mediolani insignivit. Ipse cum Regina Laudem proficiscitur, ut propinquiori ex loco belli negotia intelligeret. Ejus adventu Gulielmus Cavalcabos, qui Cremonæ summum locum tenebat, viribus & factioni suæ diffusus, urbe cessit: secuti sunt eum clientes & factiosi, qui à Persico & Summo cognomen habent, cum non exigua populi turba: tunc

A Supramons Amatus, qui ejusdem quidem factionis homo, sed diversis moribus & diversa via, nomen & potentiam paraverat, in medium processit, multitudinique suavit, ne omnino Regi repugnarent, sed potius adventanti obviam supplices irent. Sic ducenti mutata veste, pedibus nudis, & capite intecti, ac laqueum collo gestantes ad vicum usque Padernum progressi cum flebili vociferatione, ac fluentibus lacrymis ad pedes ejus procubuerunt, vitam donari sibi, parique cæteris civibus poscentes: averfatus est eos Henricus, nec habitum, nec gemitum respexit, custodiendos in carcerem misit Castillionum, Rumenengum, ac Padernum ipsum, ubi multi miserabiliter periit.

B Urbem deinde Cremonam Cæsar ingreditur, in qua restitutis exilibus, incredibilis armorum licentia fuit; unusquisque sua vindicare, & acceptas injurias ulcisci, detrimentaque hosti reponere studebat: nec ædificiis ipsis parcebant: privatorum turre demolitæ, & domus pleræque incensæ fuere, denique cuncta sine discrimine Italo, Germanoque juxta militi prædæ fuere: alii rei fiebant, quasi non bona fide deditionem fecissent: & qui paulo opulentior erat, is pro Cæsaris inimico habebatur. Insuper Henricus pro concione aspera locutus, multam centum millium aureorum civitati dixit: portoria & vectigalia, quæ juris populi erant, & jus omne sanguinis, cunctamque urbanam jurisdictionem sustulit, & Fisco suo addixit. Hæc atrocitas Brixianos obstinatissimam in rebellionem conjecit: nam cum in eorum fines ductus exercitus foret, & late hostes agrum popularentur, & de deditione agi coeptum foret, quæ demum conveniret, ubi Germanus miles in urbem receptus foret, pernegarunt peregrinum ullum se prius admisuros, quam de conditionum æquitate certiores facti essent. Indignatus Cæsar, vicos & castella diripiendæ militi concedit; auxilia ab subditis amicisque civitatibus accersit: inter cæteros Gibertus Corrigius instructissimam equitum manum, & plerosque pedites ab Parma abduxit; quem mox secuti sunt duo Oratores ex ordine procuratorum publici negotii, Ancianos vocant, Petrus Boverius, & Ghidellus Berguntius munus afferentes, quo nullum præsentis gloriæ aptius, nec ad occupandam Cæsaris benevolentiam opportunius offerri poterat. Corona videlicet, quam in obsidione Parmensi sexaginta & amplius abhinc annis Fredericus secundus amiserat. Qua visa non minus lætatus est Henricus, quam olim Cæsar Augustus signis receptis, quæ Parthi Marco Crasso, Marcoque Antonio ademerant: donatique sunt Boverius & Berguntius quinquagenis aureis nummis. Merula opinatus est à Giberto ipso allatam fuisse, ac proinde eum oppido, & ditione Guastallæ, & procuratione Parmensi donatum: sed ego sic distincta in *Chronicis* Parmensibus legi; quamquam forte sine nutu Giberti nihil tunc in ea urbe ageretur.

E Sed jam Henricus Romanum oppidum oppugnabat, quod mox dilapsis defensoribus, & oppidanis ultro portas aperientibus, in prædam vertit: nec à cæde innoxiorum temperatum est; solique hi servati sunt, qui fugientes in stativa Mediolanensium delati sunt: cæteros sine ætatis discrimine, vel sexus, sævitia barbarica peremit.

F Dehinc Brixiam versus itum, & cum nemo occurreret, propius urbem castra admota fuere: oppidani muros reficiebant, & ea omnia parabant, quæ tolerandæ obsidioni, & submovendo à mœnibus hosti necessaria forent: accesserant vicinarum Guelphi, qui non satis tutos domi se existimabant: maxime autem Thibaldus Brusatus populares in odium Germanorum concitabat, atque hortabatur, ut æquo animo agrorum detrimenta ac villarum ipsarum incendia ferrent, quando longe durius foret liberos, conjuges, seiplos in servitutem; libidinemque barbaricam abduci, ac domos & urbem spoliari, & ad solum dirui. Regem vero peregrinum durare in obsidione non

non posse, & urbem naturali situ munitam facile à videfendi posse. Dum sic se Brixienfes parant, Henricus milites undique accersit, pecunias imperat, Episcopos & Sacerdotes paulo opulentiores, tum Nobiles, qui vectigales Cæsarum esse solebant, ut intra Idus Junias ad se in castra venirent, monet. Paruere continuo nonnulli: alii nihil sibi cum castris esse dicentes, mandata detrectarunt, ajebantque mille & ducentos homines in urbe relictos, hos evocaret Cæsar, quibus de publico stipendia solvebantur. Quo sermone percussus Præfectus Regius urbanos milites ita parti constituit, ut per vices ad Regem comearent, & urbem custodirent: sed interim unde contumacium superbia penderet, cognitum. Nam per idem tempus Papiæ pulsi fuere: qui Manfredi Baccariæ partes tuebantur, & Novariæ Cæsareæ factio exterrita multum fuit. Quare Mediolani quoque hi trepidavere, & novum delectum, quo incolumitati civitatis consuleretur, habent, alii in castra profecti. Procedebat obsidio, & pro muris frequentes pugnae fiebant. Brusatus invigilare, ac omnia moliri, ne hostes urbe potirentur. Adjacet monti Brixia, ex quo urbs omnis, & hostilia pariter castra spectari poterant. Hunc Thibaldus cum delecta juventute conscendit. Id conspicati Germani confestim propius accedunt, neque radices tantum obsident; sed pars in juga evadentes Brixianum deturbant: prælium & cædes non mediocris facta. Thibaldus lethali vulnere ictus capitur, atque ad Regem perductus, ingratiitudinis & perfidiæ maxime arguitur; qui munere Henrici ab exilio in patriam restitutus, tantum nunc bellum adversus eum concitavisset. Insurrexerunt & Madii, cæterique exules, quos paulo ante, spectante Cæsare, in signum pacis & concordiae exosculationis fuerat; atque ad atroces poenas cum deposcebant, qui præter multa alia inhumana, convivium quondam paraverat genero & compluribus ejus affinibus: ex nobili familia erant, quibus Federicus cognomen nunc quoque durat. Filia crudelitatis & perfidiæ paternæ non ignara, hortata virum est, ne ad lethales epulas accederet: nihil suspicatus homo simul cum cæteris inter jocos & vina contrucidatur. Instabant igitur inimici, ne tot parricidia & scelera inulta relinquerentur. Dum hæc audit Henricus, curari corpus captivi diligenter jussit, ne superveniente morte meritis suppliciis eriperetur. Octavo die cum aliquantulum firmatus videretur, illum asino alligari, ac circa exercitum raptari jussit: tum quatuor in frustra sectum longis perticis juxta singulas urbis portas defixis suspendi, & ubi caput erat, vexillum quoque ejus appositum: viscera in ignem projecta sunt. Et hunc exitum habuit, quem paulo ante Pontificum favor co evexerat, ut proximus numinibus tangere sidera vertice videretur. Cæterum eadem quoque poena affecti quatuor alii Nobiles Brixiani, qui aliquot dies capti in vinculis habebantur. Quorum nec exacerbatum oppidani, sexaginta Germanos, & quosdam diversæ factionis cives comprehendunt, ac sine mora à moenibus suspendere: tum agmine facto portas aperiunt, & sine spe salutis pugnantes, hostem in prælium frequenter laceffivere.

Inter hæc Valeranus Cæsaris frater Bergomum missus cum parte exercitus fuit; atque in urbem clanculum recipitur. Tunc de Bongis, & cæteris, qui diversæ factionis existimabantur, pellendis, consilium cum amicis init. Fit impetus ad multorum domos, ruptisque foribus hi obtruncantur; illi in servitutem in vinculis alligantur; bona passim diripiunt: captivos posteaquam in castra Valeranus deduxit, muralium machinarum curæ præficitur: circa quas dum securius versatur, nec periculum perspicit, sagitta ab urbe emissâ petitur, ac lethaliter vulneratus Veronam deportatur: ubi paulo post diem obiit, atque honorificentissime sepultus est.

Ejus casu exacerbatus vehementissime Henricus

est, & ceu ejus manibus parentaturus universi populi cæde: milites in pugnam hortatur; proditoresque identidem Brixianos appellat, & in sua damna cœcos ac pertinaces. Milites luctu Regis & oratione permoti, quæ sua foret alacritas, ubi pugnae copia detur, cogniturum eum dicunt. Vallis est in Brixianis finibus celeberrima, quam Camonicam vocant: per hanc commeatus & frumenta importare adhuc licebat; & quo tutior via foret, oppidani circumducere monti vallum nitebantur. Rex admonitus, si priusquam munitio perageretur, locum occupasset, interclusurum spe omnium civitatem, montem aggreditur: vallum Matthæo Vicecomiti oppugnandum, qui egregiam sagittariorum manum à Liguribus conduxerat, attribuit: hi multitudine sagittarum neminem pro vallo stare sinebant, defensoresque loco facile submovebantur: jamque adscendentes propugnaculum convellere parabant: sed oppidani contra id tueri acerrime, quoniam in eo spes omnis reliqua erat sita. Turrim quoque in media urbe habebant, ex qua speculator, quid hostes facerent, cernebat, & pertica linteo præfixa suis signum, qua parte premerentur, & mitti subsidia oporteret, dabat. Igitur conspecto signo oppidani, eo protinus convolant; adscendentes ab aggere deturbant. Ex altera parte Albuinus & Canis Grandis Scaligeri fratres ab Henrico procuratore Veronensi donati, & propterea illi obsequentes, cum domestico, mercenarioque milite aderant; latus montis adoriuntur, sed cum naturali difficultate loci, tum oppidanorum virtute repulsi receptui cecidere, atque in castra revertuntur. Tunc oppidani successu elati clamorem cum plausu attollunt; recedenti hosti geris militaribus insultant. Alia autem in parte pulsus defensoribus Germani fossam transgressi vallum irruperant: eos sequebantur Scaliger, & Matthæus Vicecomes: sed in hos oppidani ex improvise impetum faciunt: pugna acris committitur: dejecti complures ex vallo. Genuenses sagittarii, ne major cædes fieret, præstitere: inter quos Rebella Grimaldus præcipua virtute enituisse dicitur. Matthæus quoque Vicecomes magno in periculo versatus est negligentia Nelli familiaris, qui jussus stationem curare, ne incautos hostis opprimeret, interim securus somno se dedit: cujus inertiae admoniti hostes, in castra penetrarunt, ac pluribus locis igni posito multos ceciderunt: salutisque Matthæo fuit rivulus, ultra quem ejus tentoria erant, & concursus armatorum fiebat: dubitaruntque hostes, ne circumventi à pluribus partibus pugnare cogerentur; atque ad suos se recepere. Cæterum jam fames inclusos premebat: plurimi inedia cadebant, cum non haberent unde viverent, ad hostes transibant, & quamquam primi laqueo necati fuerint, haud tamen eo deterriti complures alii confugere eodem cessavere. Jam in Octobrem obsidio processerat, cum defecti alimentis oppidani, dedendæ tandem urbis consilia inierunt; ac trium Cardinalium, qui in Italiam coronationis gratia missi fuerant, auctoritate implorata, eorumdem arbitrio res confecta est: nec statim Henricus ingressus est, sed in castris sex dies adhuc moratus, veluti aliud agens, illis spatium abeundi dedit, qui minime tutos se sub eo Rege existimarent: tunc muri urbis & portæ dirutæ, ac solo æquatae sunt.

Varia prodigia per hæc tempora apparuisse Franciscus Petrarcha memorat; sed illud in primis auctore Musato Patavino refert, quod intra vestibulum domus Matthæi Vicecomitis, vir inusitatae magnitudinis pergrandi insidens equo apparuerit, qui per horæ spatium obambulavit armatus, & mox ex oculis abreptus est. Inde triduo interjecto, duo eodem habitu, pari corporum mole, eadem vespertina hora depugnarunt, ac deinde evanuerunt.

Potitus Brixia Henricus sexaginta aureorum milia ad emendanda belli impendia persolveri voluit ab oppidanis; & complures cives, qui se Romam seque-

E e ren.

rentur, delegit. Cremonam, Placentiam, Papiamque rediit: civili contentione agitabatur ea civitas. Philipponus Languscius pulso Beccaria rerum potiebatur, nec passus est, Manfredum ipsum, & Matthæum Vicecomitem nisi cum paucis ingredi. Tri-duum moratus ibi Cæsar, ejus urbis, & Novariæ præterea, & Vercellarum procuraciones sub Vicarii titulo Philippo Achajæ Principi, rogatu Comitis Sabaudia detulit, ac Genuam proficiscitur.

Cæterum superioribus diebus Gibertum Corrigium ab se Parmam magno cum honore dimiserat, eundemque revocaverat: qui cum nunc ab Papiæ ad Padum iter faceret, monitus clanculum est, si flumen transiret, cum nunquam Parmam incolumem rediturum: id quod credidit Gibertus: & verso equo, & agmine sequentium diverticula evolavit; nec prius usquam constitit, quam prætergressa Placentia Fidentiam pervenit; atque inde securus Parmam rediit.

Diximus inter eos, qui descendentes in Italiam Henricum secuti sunt, fuisse Guidonem Flandriæ Comitem. Ejus præclara facinora memorabantur, quod Philippo Francorum Rege Belgas premente, patriam defenderit; patrem in servitutem abductum cæsis custodibus à foeda captivitate liberaverit; honestis conditionibus bellum finierit: is contracto ad Brixiam morbo, hoc eodem tempore Papiæ moritur, & quia sacris interdicta civitas erat, ne sepulturæ honore careret, transferri Derthonam Henricus jussit, atque ibi perquam honorifice tumulatur. Matthæus autem Vicecomes Mediolanum reversus operam dedit, ut duodecim Legati nostræ civitatis eligerentur, qui Henricum Romam iturum cum trium mensium viatico comitarentur: quibus Luchinum filium Principem dedit: deinde sexcentis civibus arma & equos ex publico præberi curavit; quod ita urbis quietem exigere videbat.

Jam Henricus Apenninum transcenderat, & XII. Kal. Novembris urbem Genuam ingressus, maximis honoribus accipitur: in cujus comitatu majestatem addebant quatuor Cardinales à Pontifice, ut diximus, per intervalla destinati. Item Opicinus Spinula, & Barnabos Auria: inter quos conciliata pax inibi fuit, disceptatoribus Cæsare & Comite Sabaudia: dehinc universa civitas sacramentum Cæsari dixit. Et cum asperitate hiemis ac maris sævitia diutius ibi Henricus detineretur, rogatu Nobilium Abbatem populi, qui summus plebejorum magistratus erat, exauctoravit, & Vicarium Cæsareum instituit Gibertum ab Asperomonte cognominatum; cui, ut ex dignitate nomen sustineret, sexaginta millia florenorum quotannis pendi jussit. Tum Idibus Decembris Margaritam conjugem amisit, quæ in æde D. Francisci sepelitur: in cujus obitu multum jacturæ, & Rex ipse, & qui Aulam sequebantur, fecere. Interim in Longobardis Albuinus Scaliger Veronensem Dominum diem obiit, superstitibus duobus liberis Alberto, & Ruffino. Rerum tum procuracionem excepit defuncti frater Canisgrandis, qui & septemdecim regnavit annos.

Dum sic Henrici res procederent, Guelphi factioni suæ metuentes, in unum conspirare, seque in tutelam Roberti Apulorum Regis conjecere: coivere autem in fœdus Flaminia Etruriæque civitates; in primisque Florentia, Senæ, Luca. Tum ex Longobardis Bononia, Rhegium, Parma Duce Giberto Corrigio; Guido Turrianus, & Cavalcaboves, cæterique Mediolano & Cremona extorres: hique bellum Cremonensi intulere, & capto ponte Padi, cui Dofuli nomen est, Vitalianum & Casalem majorem pulso hostili præsidio occupare. Tunc Parmenses Falconem Romanum Cæsaris Vicarium Magistratu ejecere, restitutaque Ancianorum auctoritate, vices Prætorias demandare tribus viris, qui sub eodem utique Falcone publica negotia administraverant. Burgus quoque Donnini signa Giberti admisit, & Brixia

A acerrime decertatum est, nitentibus Brusatis pristina nam dignitatem recuperare: sed affluere adversarii præsidio, Galeacius Vicecomes, & Manfredus Palavicinus cum prævalida sociorum manu: pulsi tandem urbe Brusati fuere.

Cæterum Henricus, perspecto Mediolanensium Oratorum officio, ex duodecim octo dimisit, contentus, ut quatuor se Romam sequerentur, universosque variis muneribus prosequutus, novas dignitates, ac Comitatus, & familiaritatis suæ titulos contulit. Nam Gulielmum Pusterlæum trans-Adduani tractus, quam insulam Fulcheriam vocitant; Cressonum Crisbellum Leuci & finitimæ oræ; Ludovicum, quem alii Lodrisium appellant, Sepriensis regionis Præfectura insignivit. His dimissis, Antonio quoque Fisiragæ domum redeundi facultas concessa est, qui in transitu Viqueria, vel, ut apud alios scriptum est, Bassignanæ, agnitus à filio Manfredi Beccaria ea loca præsidio tenentis, in vincula conjectus fuit. Quo audito Philipponus Languscius vehementer commotus Principem Achajæ, qui Papiæ Præses relictus est, cum querulis vocibus adit: docet Fisiragam per injuriam maximam detineri; cum bona Cæsaris venia Genua digressum, ex itinere, quod nemini adhuc acciderit, interceptum esse; eum vero à carceribus quoquomodo redimi oportere: idque perfacile factu fore, si fide & diligentia utatur, ut Manfredus quoque detineatur: nam facile permutationem inter eos futuram. Placuit consilium Principi: nec mora Manfredus in carcerem conjicitur. Enimvero Gibellini nominis primores, missis Legationibus, Cæsarem circumstiteri, conqueri, & Philippum Achaicum accusare, illum manifeste Cæsari, cujus Vicarius fuerat institutus, adversari, quandoquidem fautores suos oppugnet, & in vincula conjiciat. Hæc & alia hujusmodi cum in primis jactaret Franciscus Garbagnates, pugno percussus fuit à Comite Sabaudia, qui cognatum suum gravius taxari apud Cæsarem ægerime ferebat. Henricus, re diligentius explorata, judicavit ambigua fidei hominem esse Achaicum, & qui populos ad rerum novitatem concitare non desineret. Itaque eo abrogato, Papienses pariter hostes, rebellesque declarat. Procuracioni rerum Longobardarum præficit Guarnerium Auspergensensem, exercitati ingenii virum. Laudensibus dedit Henricum Flandriensem, & Cremonæ Simonem Philippi Pistoventis filium. Ad hæc Florentinæ civitati iratus, quoscumque ejus nominis negotiari Genuæ comperit, ejici urbe, opesque eorum, ut rebellium, in Fiscum redigi jussit, aut prædæ militi concessit; multaque alia in invisi populi contumeliam constituit.

E Quæ dum aguntur, vertit annus; jamque exeunte Januario MCCCXII. comparatis quadraginta triremibus, Genuensi portu solvit: nec ita multo post Pisas pervenit, ubi duos menses moratur. Per quod tempus Riciardus Marlianus fatidicos libros, seu Sibyllinos, magna cura domi servaverat: eos à Majoribus per manus traditos acceperat: quod autem sæpe jactaverat, in his contineri Henricum, priusquam Liguria abiret, moriturum; & tamen nunc audiebat eum Pisas delatum, iratus fortibus, libros combussit, ista dictitans, *Alium posthac non fallent vaticinia*: quamquam, si modicum distulisset, expectassetque exitum rerum, cum non ita multo post, nec procul ab his finibus Henricus decesserit, vel, si casum interpretari maluisset, Genuæ defuncta uxore, ut supra diximus, in totum vana prædictio non fuisset judicanda.

F Interea Cavalcaboves, & qui cum eis Casalem majorem receperant, Cremonam petunt: cum sensissent abesse Prætozem, portam Mosæ adoriuntur, eaque patefacta, in forum usque perveniunt. Hic se opposuere Manfredinus Palavicinus & Galeacius Vicecomes; sed minime impetum sustinentes, funduntur, totaque urbe fugati, non sine multorum cæde evaserunt.

runt. Galeacius Cremonam profectus, Cremonenses, qui per vicinas arces in vinculis habebantur, traduci Mediolanum confestim iussit; ubi & miserabiliter perire.

Per eosdem dies Gibertus Corrigius jam diu viduus, ut foedera cum Papiensi inita firmiora forent, uxorem duxit Helenam Philipponi Langusci filiam, celebresque nuptias egit. Quibus peractis Cremonam proficiscitur, propterea quod sollicitantibus exulibus non paucorum civium suspecta fides videbatur. Hic summo cum honore ac laetitia acceptus, adversariorum conatibus prudenter restitit, & Cavalcabov in dominio confirmato, Joannem Quilicum S. Vitalem generum suum Praetorem instituit.

Eodem tempore Placentini spe novarum rerum seducti, pulso Caesareo Vicario, defecere; & eundem Joannem Quilicum Sancto-Vitalem Praetorem accipere. Eodem accessit Gibertus Corrigius, redireque ingratiam cum Alberto Scottis tentavit. Sed eam rem deturbavit Soncinatum novitas, qui pulso Caesaris Praefecto, oppidum Gulielmo Cavalcabovi dediderunt. Adversarii in arcem, quae permunita stabat, confugerunt; dimissisque ad amicos nunciis, auxilia undecumque accersunt. Matthaeus Vicecomes à Mediolano Galeacium filium misit. Ab Laude quoque digressus Guarnerius Auspergensis illi conjungitur. Nec defuere Bergomenses, Cremenenses, & multi, qui Caesaris beneficio restituti in patriam fuerant: qui propius Soncinum accedentes, dispositos pro muris hostes videre. Mox per exploratorem certiores facti, haud longe abesse cohortem peditum Cremonensem, in eos aciem direxere, & commissio praelio fudere. Quorum caede perspecta, Sorelinates perterrefacti stationes deferunt, atque in domos diffugiunt. Cavalcabos consternatus suos in agmen cogit, cuneoque facto porta egressus per medios hostes erumpere conatus est: sed resistentibus adversariis, & cruentum certamen facientibus, occiditur. Item Salna Bencionius vivus captus, & supplex vitam rogans jugulatur. Cecidere amplius ducenti Cremonenses, multi captivi facti, perpauci fuga evaserunt. Ejus praelii adversa fama divulgata, trepidatum Cremonae est, adeoque de urbis statu dubitatum, ut Guido Turrianus, & caeteri exules Parmam aufugerint: & nisi Gibertus Corrigius celeriter advolasset, nutantesque animos confirmasset, facile in diversas partes transitura civitas fuerat. Servatae Cremonae Corrigius in quinquennium dominus creatur.

Interim Albertus Scottus speculatus occasionem recuperandae dignitatis suae, amicorum manum contrahit, & una portarum Placentiae prodita ingressus, universam urbem discurret, hostesque fugat. In eo tumultu Joannes Quilicus Praetor, & multi civium, qui illum sequebantur, agre elapsi in oppidum Sancti Joannis pervenerunt: ita denuo Placentinorum dominium Albertus adeptus est. Horum populorum exempla secutae sunt Papias, Derthona, Alexandria, Asta, quae veluti contagione quadam correptae, Gibellinum omne nomen cum Vicario Caesareo ejiciunt. Ex quo Philippus Achaicus Ticino digressus in Taurinos se contulit. Profectioni speciem nuptiarum praetulit, quas ut celebriores facturum se simularet, duodecim adolescentes ex Primoribus Papiensium, & totidem Vercellensium, qui se sequerentur delegit, inter quos Riciardinus Philipponi Langusci filius eminebat. Sed ut Taurinum pervenire, omnes in vincula conjecti fuere; nec prius dimissurum eos se declaravit, quam emeritum ex praefectura stipendium sibi persolveretur.

Sub his Guarnerius quoque Auspergensis sibi metuens Matthaeum Vicecomitem, & caeteros amicorum civitatum Heroas Laudem in consilium vocat: ibide publico consensu decerni sibi socium Matthaeum curavit, qui nobilitate, prudentia, & populorum studiis, tum fide in Caesarem cunctos ante stare proba-

batur. Ea re peracta populum Laudensem in concionem vocat, & habita oratione temporis congrua, Zenonum Dressenium, & quosdam à Primatibus detinent, & Soncinum custodiendos mittunt. Dehinc Matthaeus comparato exercitu bellum Papiensi infert, & ponte in Ticino aedificato, pluribus in locis populationes agit. Eodem profectus & Galeacius filius cum mercenario milite, & Aetius Malaspina Praetor urbanas cohortes sub signis habens: trajicientibus amnem adjunguntur exules. Papias parum progressi Laumellum oppidum capiunt: inde Garlasum obsident. Langusci Comes, quos poterat milites, ut auxilio obfessis foret, contrahebat. Alexandrini & Astenses copias illi misere. Sed eorum adversarii Theodorus Marchio Montisferrati, & Philippus Sabaudianus Vicecomiti adjunguntur. Interim triginta vel eo amplius expediti milites, jussi obfessis auxilium ferre, sub occasum solis appropinquare castris visi sunt: sed ab hostibus deprehensi, suspendio omnes in conspectu oppidanorum enecantur: quorum supplicio territis hominibus, Garlasum Galeacio deditur: dehinc ducere Vercellas statuunt, atque dominatu ejus urbis evertere Simonem Corrobianum, qui opibus & favore Advocatorum, gentis Caesaribus inimicae, Remp. obtinebat: cum propius accessissent, & magno impetu resistentes hostes offendissent, dubitavit Guarnerius de fide Philippi Sabaudiani, quasi per eum enunciatum fuisset consilium invadendae ex improvviso civitatis. Itaque prodicionis suspectum stricto ense appetit; parumquedefuit, quin is obruncaretur. Famuli & circumstantes amici orto tumultu vulnera, mortemque excipere. Philippus discrimine ereptus, intra urbem aufugit; & Simoni Corrobiano exposita repentini adventus causa, benigne exceptus, meliora dehinc sperare jubetur. Tum communicatis consiliis atque opibus Ticionos, qui diversae factionis principes erant, & cum Guarnerio sentire videbantur, urbe pellunt, hostilisque exercitus brevi solutus est.

Per eosdem dies Franciscus Turrianus, qui hactenus arcem Montorphani obtinuerat, cum caetera omnia in potestatem hostium venisse cerneret, nec sibi tuto amplius in ea consistendi facultas foret, eam Episc. Comensi tradit, atque apud eum aliquot dies moratus, dum equos & necessaria itineri comparat, Cremonam abiit, ubi Guidonem patrem gravi valetudine laborare acceperat: adeo vero affectum offendit, ut is brevi expiraverit: quo honorifice pro praesenti conditione tumulto, abiit Franciscus in Etruriam; salutataque Florentina civitate, & Senense, in Apuliam ad Robertum Regem penetravit: quem universae Italiae Guelphi principem, & signiferum sibi tunc parabant. Jamque is ad Subalpinos populos miserat Hugonem Baucium cum auctoritate Regia, cui Astenses auctoribus Solaris, & Papienses duce Philippono Langusco, se & sua dedunt; vestigalium & portoriorum omnium potestatem permittunt: adduntur foedera, eosdem se habituros amicos, inimicosve, quos Rex jussisset, & multa alia ad speciem libertatis conservandam. De Alexandrinis quoque honorifica mentio habita: ea omnia Rex scriptis ab Neapoli literis, aureo sigillo ornatis confirmavit. Hisque uribus praesse Hugonem Baucium voluit.

Interea tres Cardinales coronandi Henrici gratia in Italiam missi Romam pervenerant; ad quos salutandos Robertus Rex Joannem fratrem misit cum illustri comitatu, causam praetendens, ut celebritati, cui ipse non poterat, frater interesset: sed hic urbem ingressus multa largiri, plura polliceri, denique arte omni primores populi ad se trahere. Gens Ursina statim illi adhæsit: contra Columnenses illum averfari, nulla consilia, nulla colloquia cum eo habere, Caesarumque nomen tueri. Hos Joannes armis aggreditur. Quae sentiens Henricus, in eoque verti dignitatem suam non ignorans, nuncios ad Robertum mittit, hæc, quae in contumeliam suam Romae agerentur,

tur, expostulaturus, simul Ludovicum Sabaudia-
num cum equitatu, ut Columnensi praesidio foret,
Romam quam celerrime proficisci jubet, & duos E-
piscopos ad Joannem dirigit, qui hortando, monen-
doque, eum ab amicorum injuriis deterrent. Dehinc
ipse Pisis digreditur: & quia Florentini, Senenses-
que late per Apenninum militares copias disposue-
rant, viarumque claustra tenebant: secus oram Etru-
sci litoris tenuit, noctuque iter faciens, Sanctam
Floram, & Populonium, & Viterbium sub Kal. Ma-
jas pervenit: nec ita multo post Romam ingreditur:
ubi cum omnia turbida & tumultu plena essent, tres
menses subsedit: nam posteaquam arcere eum urbe
inimici non potuerant, eam nunc operam dabant, ne
in aede Petri coronaretur.

Henricus Oratores in Galliam misit, qui Clemen-
tem edocerent, quantum odii & certaminis inter Ro-
manos foret, & a quibus ea mala nutrentur; pete-
rentque remedia. Clemens respondit, decrevitque,
nihil referre, qua in aede, modo in urbe Roma Cae-
sar coronaretur; mandavitque ut in Lateranensi tem-
plo ea celebritas fieret. Ita Kal. Augusti optata insi-
gnia Henricus deferentibus solemniter more tribus Car-
dinalibus in frequentissimo hominum conventu, &
cum his solemnem titulum Imperatoris accepit. His
peractis, in Tiburtinos, & inde per Umbriorum &
Perusinorum fines Aretium pervenit: ubi confluen-
tibus ad eum Etruscarum civitatum exulibus, bellum
Florentinis facere instituit; & dum vires contrahit,
Sanctum Salvum, & Cassianum, & mox Bonicium,
ubi ingruente hieme hibernavit, se contulit.

Interea cis Apenninum varie agitati populi sunt.
Nam Tarvisii Riciardus Caminas ab ignoto quodam
Sicario gladio percussus occiditur: quo casu commo-
ti adeo circumstantes sunt, ut irae impatientes parri-
cidam statim interfecerint, ac in frustra multa discer-
pserint. Ita nec quis is fuerit, aut cujus opera & con-
silio tantum facinus aggressus, resciri potuit. Defun-
cto Riciardo, cum soboles nulla virilis foret, Guen-
zolo frater in dominium successit, qui nec sic peren-
navit: nam proximo Decembri conspiratione civium,
Rambaldo Comite duce, urbe ejectus fuit, & eo in
oppida sua commigrante Tarvisini Remp. constitue-
runt.

Veronenses quoque cum Patavinis, sed sua magna
cum clade, pugnare; & Rhegienses a Mantuanis
incendia & praedas perpeffi. Parmenses & Cremon-
enses ab exulibus suis vexati, quamvis accepta de-
trimenta saepe hosti reposuerint, & Castrum Leonem
e manu rebellium receperint, in quo Manfredus Pa-
lavicus cum magno numero factionum inventus
est: tamen aliud oppidum, cui in confluentibus Ad-
duae & Padi sito Castro novo nomen est, amiserunt.
Brixiani exules tanta atrocitate cum civibus suis con-
flictere, ut decem & novem signa militaria victores
ex hoste retulerint. Laudenses pariter ab exulibus
profligati, Ducem amittere Maratium Quinzonum
Cremensem, Caesarem in urbe Vicarium.

Subiit inter haec annus decimus tertius supra mille
& trecentum. Per quod tempus Florentini nullum
rebus suis remedium cernentes, opem a Roberto eni-
xius implorant, ac nisi praesens auxilium adsit, brevi
in ditionem Henrici se cessuros, omnia, quae hostes
voluerint, passuros. Robertus verbis magis quam re-

A bus spem illorum sustentare: ipse namque rerum sua-
rum satagebat, petitus bello terra marique. Frideri-
cus Siciliae Rex transmissio in Calabros exercitu, &
Ligustica, Pisanaque classes Neapolitanis littoribus
obnavigantes infestum illi Regnum faciebant: tum
litteris Henrici ad dicendam causam in Senatu Cae-
sareo Pisas, quo paulo ante Caesar se contulerat, evo-
catur: minime obtemperantem Caesar jure Neapoli-
tani, Apulique Regni interdicat: simul Florentinis
juscudendae monetae, reddendique juris adimit. Tunc
Hugonem Easiolum Aretio oriundum, virum inge-
nio & manu promptum, Genuam, qui eam urbem
gubernaret, revocato Asperomonte, mittit: simul
B mandat Lambae Auriæ Ligusticae classis Praefecto,
ut quam acerbissime possit, Neapolitanas urbes pra-
detur & vexet: sed non multum haec Robertus fa-
ciebat, qui etiam rescriptis, eam partem Italiae, in
qua pater & avus, & nunc ipse regnaret, iussu
& auctoritate Romani Pontificis, nequaquam juris
Imperatorii, censeret: quare abstinere a finibus suis,
neque tentando aliena caeleste Numen in se irrita-
ret: in eandem sententiam scripsit & Clemens Pon-
tifex.

Quae dum inter Reges circumferuntur, Itali armis
& fraudibus inter se certabant. Parmenses exules par-
tim auxilio Matthaei Vicecomitis Medesani oppi-
C dum, & Burgum Donnini, partim conjuncti affini-
tate atque amicitia ejus familiae, quae a Palude cogno-
men retinet, Padernum, Turrim claram, & Ripal-
tam occupare, gravique bello patriam involvere.
Tunc Gibertus Corrigius suorum in se invidiam
agnoscens, cedere tempori optimum ratus, Cremon-
ensi dominio se abdicavit, & Parmam, retenta sibi
Guastalla, Roberto Regi tradidit: Simonemque a
Villa cognominatum cum centum Hispanis equitibus
postridie Idus Majas intra urbem recepit: illic nomi-
ne Regio dici sacramentum curavit. Idem Cremonae
factitatum est, Passarino Turriano eo cum Regii Vi-
D carii titulo profecto: quorum auctoritatem secuta sunt
oppida Barganum, Rumenengum, Soncinum, Bur-
gum Donnini. Et Laudenses facto impetu, pulsoque
Guarnerio Auspergensis, non tam excutere, abhor-
rereque jugum Caesareum, quam ministrorum im-
portunos mores, & inexplabilem avaritiam odisse do-
cuere: namque se Caesari, Matthaeoque Vicecomiti
parituros ostenderunt. Placentia vero ejusdem Mat-
thaei dominio accessit. Nam Gibellini pulsus Guel-
phus Alberto Scotto manus injecerunt, & eo Medio-
lanum in vinculis missis, Galeacium dominum creant.
His fluctibus res Italiae agitabantur, cum Henricus
adversam valetudinem sentire coepit, & tamen Pisis
E digressus Munatensem & Florentinum agrum inva-
dit: tum Senarum moenia praetervectus secus mon-
tem, cui Aperto nomen erat, castra locat: hic per-
gravavit morbus, & ex tertiana in continuam febris
versa; nec remedia aegrotantem levabant: ergo Me-
dicorum monitu macerates balneis petit: quibus
nihil proficientibus Bonum conventum defertur: sed
evicerat vis morbi medicamentorum omnium virtu-
tem: atque ibi nono Kal. Septembris exstinctus est,
maximo omnium, qui eum sectabantur, moerore:
amici cadaver Pisas detulerunt, ac regali sumptu se-
pelierunt.

TRISTANI CHALCI,
MEDIOLANENSIS HISTORIOGRAPHI,
RESIDVA,
HOC EST,
HISTORIAE
PATRIAE

LIBER XXI & XXII.

Et alia quae sequens pagina indicabit.

E Bibliotheca Patricii Nobilissimi

LVCII HADRIANI COTTAE eruta,

STVDIO ET OPERA

JOANNIS PETRI PVRICELLI,

Sacrae Theol. Doctoris, & Laurentianae Basilicae Archipresbyteri.

Qui suum etiam illis Indicem Familiarum & Epitomas adjecit.



RESIDVA HIC CONTENTA.

HISTORIAE PATRIAE LIBER XXI & XXII.

NVPTIAE MEDIOLANENSIVM DVCVM: five Joannis Galeacii cum Isabella Aragona, Ferdinandi Neapolitanorum Regis nepte.

NVPTIAE MEDIOLANENSIVM ET ESTENSIVM PRINCIPVM: scilicet Ludovici Mariae cum Beatrice, Alphonfi Estensis sorore: vicissimque Alphonfi cum Anna, Ludovici nepte.

NVPTIAE AVGVSTAE: hoc est, Maximiliani Romanorum Regis, & Imperatoris jam designati, cum Blanca, Joannis Galeacii Mediolanensium Ducis sorore.

I M P R I M A T V R.

Fr. Basilius, Commissarius Sancti Officii Mediolani.

Jo. Paulus Mazuchellus pro Eminentiss. D. Cardinali Archiepiscopo.

Comes Majoragius pro Excellentiss. Senatu.

ILLVSTRISSIMIS AC GENEROSISSIMIS VIRIS,
VRBIS MEDIOLANI
P R A E F E C T O
JVLIO DVG N A N O
ET SEXAGINTA DECVRIONIBVS.

HÆc Tristani Chalci *Residua*, vos, PRAESTANTISSIMI HEROES, PATRIAEQVE MODERATORES AC PATRES, à litteratissimis æque ac prudentissimis Collegis vestris, HIERONYMO LEGNANO, & MARCHIONE VERCELLINO MARIA VICECOMITE, recognita primum è nutu vestro, ac deinde Vestrum etiam omnium consensu pro legitimis comprobata, typis imprimi iussistis. Eadem vero vicissim non aliud profecto, quam vestrum Nomen Amplissimum, præferre jam gestiunt. Quorum enim beneficio è tenebris in publicam lucem, pene redivi-
vi fœtus, prodierunt; eorum quoque patrocínio deinceps foveri præoptant; vitamque suam iis acceptam referre palam & ingenue contestari, à quibus eam vere acceperint. Gravissimo nimirum Concilii vestri iudicio sancitum alias fuit: VT, QVAE EXSTARENT VETERVM HVJVS VRBIS ANNA-
LIVM PVBLICA LVCE VESTROQVE NOMINE DIGNA MONVMENTA, SEV PRIVATIS IN BIBLIOTHECIS EXSCRIPTA, SEV TYPIS OLIM IMPRESSA, EA VOBIS AVCTORIBVS DENVO PRO VESTRI NOMINIS DIGNITATE CVDERENTVR: sicut etiam initio Nuncupatoriæ viginti priorum ejusdem Tristani Librorum Epistolæ, non absque debita decreti tam sapientis commendatione, memorabatur. Quemadmodum igitur propterea priores illos Libros, favore vestro primum editos anno Seculi hujus vigesimo septimo (cum Præfectus urbis esset FABIVS FRANCISCVS DVGNAVVS, nunc Reginus Senator, ac meritissimus) Vobisque nuncupatos, apprime placuisse, compertissimum est; sic etiam istis ejusdem Chalci *Residuis* exitus æque saltem fœlix exspectandus hoc tandem anno videbatur; quo videlicet anno Præfecturam pariter Urbanam summa cum laude JVLIVS administraret DVGNAVVS, ejusdem Fabii Francisci dignissimus frater. Sed istis fortasse propria nunc quædam & major gratia non deerat vel eam præsertim ob causam; quia nunc tandem inventa sint; cum alioqui vel omnino nescirentur, vel saltem pro desperatis ac perditis haberentur. Illud vero etiam huc accedebat; quod ejusmodi munus, sive potius amoris & observantiæ testimonium, non tam ego, quam Vir eximius Vobis offert, LVCIVS HADRIANVS COTTA, juvandæ Patriæ cupidissimus; cujus in Bibliotheca illud auspicato inventum fuit; quique perhumaniter illud mihi communicavit ad hunc proprie finem, ad quem similiter ego quoque cæteroqui anhelabam. Quod si forte Vos (quemadmodum ego certe rogo & obtestor) studium quoque meum hac in parte operamque probare ac patrocínio complecti vestro non dedignemini; efficiam profecto, ut talis erga me beneficii neque Vos, nec Ordinem unquam vestrum, neque communem hanc Patriam pœniteat. Multæ siquidem præsto mihi sunt Historiæ nostrates, ab aliis olim Scriptoribus diligenter ac fideliter elaboratæ, neque typis hactenus unquam evulgatæ, aut saltem in præsentī raræ admodum & paucissimis cognitæ: multa insuper ego quoque variis ex Archivis, necnon etiam è Libris vel impressis vel solummodo manuscriptis, jam collegi, & incessanter, undecumque possim, colligere meditor: quibus omnibus Historia Mediolanensis, convenienter ad vestrum illud decretum, illustrata plurimum

EPISTOLA NVNCVPATORIA.

mum & aucta, de tenebris & erroribus triumphare secura possit, nativamque nobilitatem ac praestantiam sine fuce & cerussa ostentare, simul & admirationi omnibus esse. Magna sunt, quæ polliceor. Magna sane: non inficior. Atqui nihilominus etiam confido fore, ut Vosmetipsi tandem longe majora esse fateamini; si forte per Vos detur, ut ego promissis fidem re ipsa praestare possim. Deus interim Vos Vobis & universae Patriae mihiq; diutissime fervet incolumes. Mediolani anno Domini MDCXLIV.

Deditiss. & Obsequentiss. Servus

JOANNES PETRVS PVRICELLVS,

Laurentianae Basilicae Archipresbyter.

SEXAGINTA VRBIS MEDIOLANI DECVRIONES,


ad quos praecedens Epistola dirigitur.

EQVES CAROLVS VICECOMES, REGIVS AERARII PRAEFFECTVS.	HIERONYMVS LEGNANVS.
COMES CONSTANTIVS TABERNA.	GEORGIVS RAINOLDVS.
COMES LVDOVICVS MELTIVS, J. C.	JOANNES BAPTISTA ORRIGONVS.
MARCHIO FRANCISCVS MARIA VICECOMES.	HIPPOLITVS BRIPPIVS.
COMES JOANNES AMBROSIVS PECCHIVS.	RAYMVNDVS FOPPA.
LVDOVICVS CRIBELLVS.	COMES CAROLVS TABERNA.
JOSEPH RAVERTA.	COMES CAROLVS ARCHINTVS, J. C.
COMES PHILIBERTVS SOMALIA.	ANTONIVS ALIPRANDVS.
JOANNES BAPTISTA ARCIMBOLDVS.	AVGVSTINVS CAIMVS, EQVES S. JAC.
COMES HIERONYMVS BARBOVVS.	HIERONYMVS MONTIVS.
COMES ANTONIVS CORIVS.	HIERONYMVS FAGNANVS, J. C.
JACOBVS MARIA STAMPA, EQVES S. JACOBI.	PRINCEPS HERCVLES THEODORVS TRIVVLTIVS,
JVLIVS SCLAFENATVS.	EQVES AVREI VELLERIS.
ALEXANDER VICECOMES.	JOANNES BAPTISTA HOMODEVS, QVAESTOR.
COMES CAROLVS FRANCISCVS SERBELLONVS.	JOANNES ANGELVS PORRVS.
FRANCISCVS CASTILLIONEVS.	COMES PYRRHVS VICECOMES BORROMAEVS.
COMES JACOBVS MANDELLVS, EQVES S. JAC.	MARCHIO VERCELLINVS MARIA VICECOMES.
JOANNES PETRVS NIGROLVS.	MARCHIO MAXIMILIANVS STAMPA.
COMES BARTHOLOMAEVS ARESIVS, PRAESES MA- GISTRATVS ORDINARIJ.	CAESAR RHO.
MARCHIO AVGVSTINVS LITTA, EQVES SANCTI JACOBI.	AEGIDIVS ROMA.
ALEXANDER PANIGAROLA, EQVES S. JAC.	COMES GVID-ANTONIVS STAMPA.
JACOBVS FAGNANVS.	COMES ALOYSIVS ARCONATVS.
JOANNES BAPTISTA DE PLENIS.	MARCHIO TIBALDVS VICECOMES.
FABIVS FRANCISCVS DVGNANVS, SENATOR.	HYACINTHVS ORRIGONVS, QVAESTOR.
PETRVS PAVLVS MAGIOLINVS.	PHILIPPVS CORIVS.
COMES ALBERTVS VICECOMES.	COMES HORATIVS ARCHINTVS.
GEORGIVS TRIVVLTIVS.	MARCHIO CAROLVS GALLARATVS, J. C.
COMES CAROLVS VICECOMES.	JOSEPH CRVCEIVS, J. C.
CAMILLVS LONATVS.	COMES VALERIANVS SFONDRATVS, EXERCITVVM COMMISSARIVS GENERALIS.
COMES ANGELVS TRIVVLTIVS, EQVES S. JAC.	JOANNES BAPTISTA VICECOMES, J. C.
	JOANNES BAPTISTA GLVSSIANVS, PROTOPHYSICVS.

PRAE-

P R A E F A T I O

A D L E C T O R E M.



HUMANISSIMVS aequae ac Nobilissimus hujus urbis Patricius, LVCIVS HADRIANVS COTTA, non ita pridem à me rogatus evolvebat omnes in sua Majorumque suorum Bibliotheca libros; si forte quippiam exstaret, quo Sancti ejus familia Herlembaldi, necnon etiam Sancti ex Alciata stirpe Atrialdi, cui plurimum ille cum Landulfo fratre suo favit, illustrari Vita posset, quam ego typis aptabam. Forte autem fortuna ex improvviso praefer omnem opinionem ac spem isthac illi ad manus acciderunt Tristani Chalci Residua: de quibus ceteroqui nihil antea innotuerat; cum viginti priores Historiae Patriae Libri decimo septimo ab hinc anno primam in lucem typis ederentur.

Ceterum hi duo postremi ejusdem Historiae Libri ab anno Christi supra millesimum trecentessimum decimo tertio ad vigesimum tertium pertingunt. Quod autem observatione dignissimum erat, eorum exemplar semet aperte prodit ipsiusmet Tristani Chalci manu conscriptum. Multa quippe identidem hic occurrant emendata, detracta, vel addita, pro eo tantum jure, quod solis Auctoribus in suas Lucubrationes, ceu patribus in suos filios, convenit. Id ipsum vero apertissime sic etiam contueri licet in eo Bibliothecae Ambrosianae Codice, quo viginti priores Libri, eodem prorsus cum istis charactere pariter ac formula conscripti, continentur, ac quibus isti duo postremi citra dubium subnectendi erant; sicut è postrema Libri ejus vigesimi & è prima istius vigesimi primi pagina, inter se collatis, liquidissime constat. Illum autem Tristani esse autographum (praeferquam quod praedicto pariter argumento passim commonstratur) indubitanter nobis ac multoties affirmavit etiam summa Vir prudentiae fideique indubitatae, ANTONIVS OLGIVS, ejusdem Bibliothecae primus & ab ejus initio in praesentem usque diem Praefectus, in omnem posteritatem pro suis meritis commendatissimus: quin etiam FVNDATOR IPSE, FEDERICVS CARDINALIS ET ARCHIEPISCOPVS BORROMAEVS, OMNI LAVDE MAJOR, hoc idem constanter assererat se certo scire. Quocirca non impar itidem judicium de duobus hisce Libris feratur, necesse omnino est: ac proinde talibus è Tristani autographis alia diversi characteris exemplaria, si forte aliquando ab ipsis discrepant, emendentur.

Sed haec ipsa characteris inter ejusmodi Libros similitudo nosmetipsos insuper admonet, reliqua item tria isthac Opuscula Naptialia nibilo minus Tristani autographa esse; quamquam haec ille multo diligentius ac politius (si non ad recte, certe tamen ad belle scribendi scientiam & artem) velut extrema scriptoris excellentis manu, & in pergamena charta conscriptis; atque illamet etiam fortasse sunt exemplaria, quae ipse donavit eis, quibus Lucubrationes ejusmodi suas nuncupaverat; & illud praesertim, quo priora duo continentur Opuscula.

Quandonam vero tria isthac ille Opuscula conscripserit, vel ex iisdem satis intelligi datur. Primum ergo conscripsit anno Christi supra millesimum quadragesimum octuagesimo nono: secundum nonagesimo primo: tertium autem nonagesimo quarto, sicut in fine legitur; tametsi postea Nuncupatoriae illi, & quidem primae, ad Herasum Brascae Epistolae nonagesimum septimum recentiori charactere annum adjecerit. Quamobrem isthac antea conscripserat, quam proseguenda post Georgium Merulam defunctum Historiae Mediolanensis provinciam, sibi demandatam, susciperet.

Jacobus enimvero Philippus Bergomensis in Supplemento Supplementi Chronicarum, & in sexti decimi Libri fine, profitebatur, annum Christi tertium supra millesimum quingentesimum sibi aetatis esse suae sexagesimum nonum. Eodem autem Libro, ad annum millesimum quadragesimum nonagesimum, tradiderat, ex hac vita Merulam evolasse nonagesimo quarto ejusdem Saeculi anno. Certe autem nonnisi post biennium ab ejus obitu Tristanus eam provinciam susceperat; sicut ipsemet in suae Historiae Patriae Praefatione luculenter testabatur. Itaque nonnisi post nonagesimum sextum semet ei contexenda Historiae applicuit; atque adeo nonnisi sub ea tempora, quibus Res Mediolanensis adventu Gallorum tantopere perturbata multos in annos fuit. Quippe nonagesimo nono subinde anno Rex Galliae, Ludovicus Duodecimus, misso in Italiam exercitu, atque mox etiam ipse subsecutus, Mediolanum & universum ejus Ducatum in suam redegit potestatem: ac Ludovicum Mariam Sfortiam Ducem nostrum, Tristanique Mæcenatem, in Germaniam protinus fugere coegit: & alia funestiora, quae illius Aevi Scriptores communiter narrant. Qua quidem rerum perturbatione, mirum est profecto, nisi etiam Tristano proseguenda Historiae voluntas ad minus deferbuerit; tametsi eundem ab ipsomet etiam Francorum Rege, jam Mediolani Duce, habitum in honore ac pretio reperiam.

Anno siquidem supra millesimum quingentesimum tertio Regius jam erat Secretarius: & hoc ille titulo insignis, ejusdem anni Kalendis Augustis, aureum Censorini DE DIE NATALI Librum, & alia nonnulla aliorum Opuscula, typis Mediolanensibus edita, officiosus nuncupavit STEPHANO PONCHERIO; cum nuper è Regio Senatus Mediolanensis Praeside proventus ad Parisiensis Ecclesiae Pontificatum fuisset. Sic etiam Regio-Ducales Litteras,

PRAEFATIO AD LECTOREM.

ab ipso, tamquam Regio Secretario, subscriptas anno postea sexto dieque trigesima prima Octobris, & rursus anno septimo dieque Julii quinta, nobis nuper ostendit ORNATISSIMVS OMNI ERVDITIONIS ETIAM LAVDE MARCHIO VERCELLINVS MARIA VICECOMES. Quo pariter indicante, vidimus etiam publicum anno ejusdem Sæculi decimo sexto ac decima tertia Octobris die Instrumentum: in quo ille jam inter mortuos computabatur, relictis post se uxore Domina Susanna de Calcaterris, & ex ea filio Joanne Francisco.

Intra septimum igitur ac decimum sextum ejus Sæculi annum Tristanus noster occubuerat. E vigesimi secundi autem Libri exitu illo ita manco & imperfecto, qualem ipse posteris reliquit, facile nos interpretamur, eundem, morte præventum immatura, non ultra scribendo procedere potuisse; cum alioqui jam inde ab initio susceptæ post Merulam scribendi curæ filios & nepotes Matthæi Vicecomitis tractare cœpisset eo animo, ut, quæ à fine Merulæ restabant, ea ipse continuato protinus tenore prosequeretur; quemadmodum ipsemet in sua Præfatione recensuit. Quo quidem casu consistere ibi coactus est, unde majores ac feliciores facere progressus debuisset, atque etiam potuisset. Postremo igitur illi eidem Libro ne Notas quidem ullas marginales adjecit, sed solum Christi annum millesimum trecentessimum vigesimum; & hunc juxta Libri ejusdem primordia. Etenim tam singulos Librorum titulos, quam ejusmodi Notas (id quod in Opusculis etiam illis Nuptialibus observare licet) rubro formare solitus erat Chalcus caractere: nobisque propterea videtur earum simul omnium adjectionem in illud reservasse tempus, quo Librum quemque integrum exscripsisset.

Cur autem genuinum & purum Tristani cognomentum, non CALCHI, (sicut in priorum viginti Librorum Editione retentum est) sed potius CHALCI nobis esse videatur, hæc fuerunt rationes. Ipsa in primis Tristani autographa, quæ à nobis hætenus conspecta sunt, ita prorsus ac perpetuo se habent. Sic etiam Tristanus ipse Regiis semet Litteris subscribebat, & iis nominatim, quas paulo ante innuimus. Nec aliter ante ipsum sese subscripserat Bartholomæus Chalcus: quem ipse sui cognominis splendorem, suæque dignitatis auctorem prædicare gratus consuevit. Hic enim non modo sub tribus novissimis ante Ludovicum Regem Principibus nostris, sed etiam sub ipsomet Ludovico, fuerat Principalium Secretorum Magister: nosque multas ejusmodi Litteras & Diplomata interim ab eo ita prorsus subscripta conspeximus. E quorum certe numero illud etiam est, quo Ludovicus idem Rex, cum nuper hoc Ducatu Statuque Mediolani potitus esset, ejus regimen sancivit; quodque Viglevani datum anno Dominicæ Nativitatis millesimo quadringentesimo nonagesimo nono, die undecima Novembris, adhuc archetypum in Archivo civitatis conservatur. Sed ejusmodi probationibus accedit etiam Diamantis auctoritas Marinoni: cui consentit etiam Paulus Morigia, in sua Mediolani Historia, Lib. III. cap. II. Marinonus enim, (cujus exemplar manuscriptum nobis humanissime suppeditavit è suo Museo ALOYSIVS ECCLESIA, meritissimus urbis Secretarius) cum de multis Nobilium Familiis differeret, persuasum sibi esse profitebatur, istam Chalcorum Familiam prima origine Græcam esse, suumque sortitam cognomentum è Chalcide civitate in Eubœa Insula. Quod pro rei veritate si forte ita se habeat; certe quidem civitas illa Græce, non ΚΑΛΧΙΣ scribitur, sed ΧΑΛΚΙΣ: cui propterea dictioni (& sic de aliis quibusdam similibus, è Græco Idiomate petitis) ad purum & sincerum unice congruit, non CALCHI, sed CHALCI cognomentum.

Sicut autem, Benigne Lector, inter hæc Tristani Residua tibi sunt in promptu Nuptiæ Joannis Galeacii; sic etiam illas tunc temporis descripsit STEPHANVS DVLCINVS, Scalensis hac in urbe Canonicus; necnon etiam NICOLAO LVCARO, Rhetori Cremonensi, nuncupatas typis hic evulgavit anno Domini millesimo quadringentesimo octuagesimo nono. Sed rarissima hoc tempore sunt ejus exemplaria: & unicum tantummodo hætenus ego in Ambrosiana vidi Bibliotheca. Quod si præterea JASONIS MAYNI Orationem, coram Maximiliano Romanorum Rege habitam, legere cupis integram, quemadmodum ille verbatim à se recitatam affirmavit, & non tantum sicut hic à Tristano, Augustis consita Nuptiis, summatim recensetur; eandem invenies in Secundo Tomo, ex Bibliotheca Marquardi Freheri primum edito Francofurti anno Sæculi præsentis trigesimo septimo. Est autem inscriptus, GERMANICARVM RERVM SCRIPTORES VARII, PARTIM HÆTENVS INCOGNITI, &c.

Quoniam vero tibi, Lector, facile placebit etiam ex ipsismet Tristani exemplaribus ea propriis dijudicare oculis posse, quæ nos de ipsis in præsentī Præfatione differuimus; hoc denique moneo, ut eadem postmodum in Ambrosiana requiras Bibliotheca. Illi siquidem largiri ea statuit humanissimus bonique publici amantissimus Cotta, qui mihi eadem hætenus commodavit.

I N D E X

FAMILIARVM, ET PERSONARVM,

AD VNAMQVAMQVE FAMILIAM SINGILLATIM ATTINENTIVM IN HIS TRISTANI CHALCI RESIDVIS.

A.	<i>Bergontius.</i>	<i>Ugo.</i>	<i>Gruneften.</i>
	<i>Brascæ.</i>	<i>Dossæ.</i>	<i>Henricus.</i>
<i>Abiati.</i>	<i>Heraſmus.</i>	<i>Emmanuel.</i>	<i>Guizardini.</i>
	<i>Breifach.</i>	<i>E.</i>	<i>Jacobus.</i>
<i>Advocati.</i>	<i>Marchoaldus.</i>	<i>Ab Eccleſia.</i>	<i>Petrus.</i>
<i>Symon.</i>	<i>Burri.</i>	<i>Maximus.</i>	
<i>Obertus.</i>	<i>Bonacoſſa.</i>	<i>Enzolæ.</i>	<i>H.</i>
	<i>Otholinus.</i>	<i>Gerardus.</i>	<i>Horti.</i>
<i>Adurni.</i>	<i>Buzalini.</i>	<i>Obizo.</i>	
<i>Auguſtinus.</i>	<i>Gerardus.</i>	<i>Eſtenſes.</i>	<i>Andreas.</i>
<i>Aldigherii.</i>		<i>Aldebrandus.</i>	
<i>Paulus.</i>	<i>C.</i>	<i>Alphonſus.</i>	<i>I.</i>
		<i>Beatrix.</i>	<i>Inviciati.</i>
<i>Alemanii.</i>	<i>Camedoiæ.</i>	<i>Beatrix.</i>	<i>Ilei.</i>
	<i>Aicardus.</i>	<i>Franciſcus.</i>	
<i>Ab Alice.</i>	<i>Campani.</i>	<i>Hercules.</i>	
<i>Boniſacius.</i>	<i>Ugetus.</i>	<i>Hercules.</i>	<i>L.</i>
	<i>Campioni.</i>	<i>Iſabella.</i>	<i>Lanciavegiæ.</i>
<i>Anguiſſolæ.</i>	<i>Antonius.</i>	<i>Sigifmundus.</i>	<i>Landi.</i>
<i>Lancelotus.</i>	<i>Cancellarii.</i>		<i>Conradus.</i>
<i>Antelminelli.</i>	<i>Cardani.</i>	<i>F.</i>	<i>Manfredus.</i>
<i>Aldigerius.</i>	<i>Cardonæ.</i>	<i>Faſioli.</i>	<i>Opizonus, ſeu Verguſus.</i>
<i>Aragonii.</i>	<i>Raymundus.</i>	<i>Franciſcus.</i>	<i>Languſci.</i>
	<i>Carii.</i>	<i>Nerius.</i>	<i>Philippinus.</i>
<i>Alphonſus.</i>	<i>Obertinus.</i>	<i>Ugnio.</i>	<i>Riciardinus.</i>
<i>Alphonſus.</i>	<i>Carrarii.</i>	<i>Ferruſſini.</i>	<i>Lanterii.</i>
<i>Ferdinandus.</i>	<i>Jacobus.</i>	<i>Fifiragæ.</i>	<i>Paulus.</i>
<i>Iſabella.</i>	<i>Jacobus.</i>	<i>Antonius.</i>	<i>Laudenſes.</i>
	<i>Henricus.</i>	<i>Fluſci.</i>	<i>Girardus.</i>
<i>Arcelli.</i>	<i>Marcus.</i>	<i>Carolus.</i>	<i>Licorvi.</i>
<i>Leonardus.</i>	<i>Cafates.</i>	<i>Hiblatus.</i>	<i>Petrus.</i>
<i>Arciboldi.</i>	<i>Gulielmus.</i>	<i>Iſabella.</i>	
<i>Guid-Antonius.</i>	<i>Paganus.</i>	<i>Philippinus.</i>	<i>M.</i>
<i>Arengerii.</i>	<i>Castracanes.</i>	<i>Franceſii.</i>	<i>Malafpinæ.</i>
<i>Paulus.</i>	<i>Castrucius.</i>	<i>Fulgofii.</i>	<i>Nicolans.</i>
<i>De Armis.</i>	<i>Cavalcaboves.</i>	<i>Furienſes.</i>	<i>Spineta.</i>
<i>Jacobus.</i>	<i>Aloyſius.</i>	<i>Petrus.</i>	<i>Maletæ.</i>
	<i>Jacobus.</i>		<i>Nicolans.</i>
<i>Auria.</i>	<i>Chalci.</i>	<i>G.</i>	<i>Manaffi.</i>
<i>Bernabos.</i>	<i>Bartholomæus.</i>	<i>Gallerates.</i>	<i>Theodorus.</i>
<i>Conradus.</i>	<i>Jo. Auguſtinus.</i>	<i>Joannes.</i>	<i>Mandelli.</i>
<i>Valencina.</i>	<i>Triftannus.</i>	<i>Petrus.</i>	<i>Imblavadus.</i>
	<i>Columnæ.</i>	<i>Gallicii.</i>	<i>Manlii.</i>
<i>Auſtriaci.</i>	<i>Gaudentius.</i>	<i>Carolus.</i>	<i>Conradus.</i>
<i>Henricus.</i>	<i>Comites.</i>	<i>Gambaterſæ.</i>	<i>Mantuan.</i>
<i>Maximilianus.</i>	<i>Salabruga.</i>	<i>Riciardus.</i>	<i>Bochalinus.</i>
<i>Sigifmundus.</i>	<i>Corriciani.</i>	<i>Garbagnates.</i>	<i>Berardus.</i>
	<i>Jacobus.</i>	<i>Franciſcus.</i>	<i>Marioli.</i>
<i>B.</i>	<i>Corrigii.</i>	<i>Franciſcus.</i>	<i>Jo. Antonius.</i>
	<i>Gibertus.</i>	<i>Garimberti.</i>	<i>Marliani.</i>
<i>Baucii.</i>	<i>Matthæus.</i>	<i>Gavaciæ.</i>	<i>Fabritius.</i>
<i>Beltramolus.</i>	<i>Nicolans.</i>	<i>Gucius.</i>	<i>Marmotoni.</i>
<i>Ugo.</i>	<i>Symon.</i>	<i>Genarii.</i>	<i>Daniel.</i>
	<i>Cribelli.</i>	<i>Antonius.</i>	<i>Maſcarati.</i>
<i>Beccariæ.</i>	<i>Lucas.</i>	<i>Gluffiani.</i>	<i>A Maſſa.</i>
<i>Caſtellinus.</i>	<i>Symon.</i>	<i>Caſtellanus.</i>	<i>Nellus.</i>
<i>Joannes.</i>	<i>Curciennes.</i>	<i>Gonellæ.</i>	<i>Mayni.</i>
	<i>Raymundus.</i>	<i>Gonziagæ.</i>	<i>Mechar.</i>
<i>Becchi.</i>	<i>Curiagi.</i>	<i>Franciſcus.</i>	<i>Medices.</i>
<i>Acquirantes.</i>	<i>Boniſacius.</i>	<i>Rodulphus.</i>	<i>Laurentius.</i>
<i>Bentivoli.</i>	<i>Gulielmus.</i>	<i>Grimaldi.</i>	<i>Petrus.</i>
<i>Annibal.</i>		<i>Gaspar.</i>	<i>Merlani.</i>
<i>Bolognini.</i>		<i>Rabella.</i>	<i>Merulæ.</i>
<i>Petrus.</i>		<i>Rainaldus.</i>	
	<i>D.</i>		
<i>Bonacoffæ.</i>	<i>Delphini.</i>		
<i>Passarinus.</i>			
<i>Scaliger.</i>			
<i>Bonromei.</i>			
<i>Joannes.</i>			
<i>Bonſignorii.</i>			
<i>Emblavadus.</i>			
<i>Bontemps.</i>			
<i>Joannes.</i>			
<i>Bottæ.</i>			

INDEX FAMILIARVM ET PERSONARVM.

Merulæ.	Q.	Bartholomæus.	Simon.
Georgius.		Franciscus.	Symoninus.
Mirandulani.	Quadrii.	Sfortiæ.	Zanfredus.
Andreonus.	Alvisus.	Alexander.	
Franciscus.	Quarterii.	Anna.	V.
Galeotus.	Robertus.	Ascanius.	Valefi.
Moguntiæ.		Blanca.	
Mucius.	R.	Blanca.	Petrus.
Monticuli.		Carolus.	Valosii.
Matthæus.	Rampini.	Chryseis.	Joannes.
Mugiæ.	Renanti.	Franciscus.	Varisini.
	Nicolaus.	Franciscus.	Carolus.
N.	Riarii.	Galeacius.	Vayrani.
	Catherina.	Hermes.	Jacobus.
Neapolitani.	Raphael.	Hippolita.	Venturæ.
Thomas.	Rogerii.	Jo. Galeacius.	Gulielmus.
Nigri.	Bonacursus.	Ludovicus Maria.	Veronenses.
Jo. Alimentus.	Rofatei.	Philippus.	Jo. Antonius.
	Ambrosius.	Tristanus.	Vicecomites.
O.	Rovorellæ.	Sodorini.	Achilla.
	Bartholomæus.	Paulus Antonius.	Actus.
Ab Oculo.	Rubei.	Spinulæ.	Alphonfus.
Rogerus.	Andreasius.	Argentina.	Baptista.
Oflæ.	Marsilius.	Gerardinus.	Blanca.
Jacobus.	Rolandus.	Joannes.	Bernabos.
	Ugolinus.	Opicinus.	Catherina.
P.	Rugemontes.	Stadii.	Floramonta.
	Gulielmus.	Gualterius.	Francinus.
Palavicini, seu Paravicini.	Rusca.	Stampæ.	Franciscus Bernardinus.
Galeacius.	Franchinus.	Petrus-Martyr.	Galeacius.
Jo. Franciscus.	Hercules.	Stanghæ.	Gaspar.
Siracia.	Rufconi.	Marchesinus.	Joannes.
Tignaca.	Ravicia.	Suardi.	Joannes.
		Defendus.	Jo. Galeacius.
Paleologi.	S.	Symonetæ.	Lodrisius.
Andronicus.	Salvaigi.	Angela.	Luchinus.
Pandulfini.	De Sancto-Georgio.	Blanca.	Marcus.
Petrus-Philippus.	Bartholomæus.	Hiacynthus.	Margarita.
Pantiatici.	Sancto-Severinates.		Margarita.
Pastores.	Antonius Maria.	T.	Matthæus.
Franciscus.	Fredericus.	Talenti.	Othorinus.
Petramalæ.	Galeacius.	Joannes Angelus.	Petrus Franciscus.
Guido.	Gaspar.	Tarlata.	Philippus.
Petrarchæ.	Jacobus.	Titiones.	Stephanus.
Franciscus.	Jo. Franciscus.	Riciardus.	Albertus.
Petrasancæ.	Sancto-Vitales.	Tolentini.	Vercellinus.
Bellinus.	Jo. Quilicus, sive Quiricus.	Joannes.	Viridis.
Picolomini.	Joanninus.	Tornielli.	Zacharina.
Antonius.	Vannina.	Cacinus.	Vicomercati.
Pirovenei.	Sarravallenses.	Manfredus.	Stephanus.
Riciardus.	Gasparinus.	Trivultii.	Viscardi.
Pisani.	Savarigii.	Antonius.	Mariolus.
Georgius.	Saxoni.	Bartholomæus.	Vistarini.
Vannes-Lafrancus.	Albertus.	Renatus.	Jacobus.
Ponzoni.	Catherina.	Trotti.	Lucius.
Poncinus.	Scaligeri.	Baptista.	Vmbrech.
Poreti.	Albunus.	Jacobus.	Guarnerius.
Beltrandus.	Canis.	Turriani.	Volaterrani.
Pusterulæ.	Scipioni.	Adoardus.	Jacobus.
Balassar.	Sclafenates.	Amicolus.	Volcestaim.
Franciscus.	Jo. Jacobus.	Amoratus.	Joannes.
Gulielmus.	Scotti.	Castonus.	
Putalii.	Albertus.	Franciscus.	W.
Giliolus.		Muscha.	Walfe.
Putei.		Paganus.	Ulrichs.
Thomas.			

TRISTANI CHALCI,

MEDIOLANENSIS HISTORIOGRAPHI,

HISTORIAE PATRIAE

LIBER XXI.

EPI TOM E.

Henrici Septimi Regis mors Guelphis leta, Gibellinis tristis. Pisani ac Longobardi semet ad arma parant. Vicecomites suis prevalent hostibus; tametsi semel ab ipsis victi. Montisclericuli Castrum a Parmensibus obsesum, sese illis in deditiorem tradit, statimque traditur excidioni. Concilium ad Viennam celebratur Allobrogum. Ejus decreta, & perniciofa inde certamina. Moritur Clemens Pontifex, ac biennio Sedes vacat. Moritur & Rex Francorum Philippus, ac deinde Ludovicus: & in Regnum Carolus Valesius substituitur. Imperium sibi duo vendicant; sed Ludovicus, Bavaria Dux, illud sibi armis ac certamine obtinet. Lucenses, auxiliis Roberti Regis, alio impliciti bello, frustra expectatis, Ugutioni Fasiolo sese subjiciunt: & hic certamina ibidem subinde oborta compefcit. Sed & Aretio potitur; at in breve tempus. Conventus Parme habitus. Nuptia inter Gibertum Corrigium & Magdalenam Rubeam celebrata. Castoni Turriani, Mediolanensis Archiepiscopi, sacra fulmina in Mattheum ac filios Vicecomites: & aliorum bellici apparatus in ipsorum perniciem; sed irriti. Vincentinos, a Patavinis obsessos, Canis Scaliger liberat. Ubertus moritur Vicecomes, quatuor post se filiis relictis. Oborta Parma contentio inter Giberti Corrigii propinquos, demum sedatur. Ingens contra Ugutionem ad Lucam exercitus; sed ille tamen vincit. Galeacius Vicecomes, Derthona potitus, arcem in confluentibus Padi & Fria edificat. Mattheus pater eam rescit, & ab impediendis tuetur. Papiam etiam potitur, ibique arcem construit, & ab exilio Episcopum revocat. Alexandrini quoque suam illi urbem tradunt. Jacobus Cavalcabos Cremona ac Brixia dominium accipit. Cremona non multo post ad Gibertum Corrigium transit, nec sine magna ipsius apud multos invidia; sicut etiam Parma postea magnum subiit discrimen. Itaque Parma pariter & Cremona sese illius regimini subdixerunt. Pisas & Lucam Ugutio amittit ob suam tyrannidem, ac nominatim erga Castrucium Castracanam, nobilitate generis ac rebus praclare gestis insignem. Romanus jam tandem Pontifex, satagente Francorum Rege, creatur Joannes Vigessimus secundus. Clementis Decreta hic confirmat: cumque Ludovicum Bavarum Imperatoris etiam titulo privasset; ille palam rebellavit. Alexandrinorum interea fines a Ricardo Gambartesa & a Baucio infestati. Mattheus illis Vicecomes auxilio subinde fuit. Opicinus Spinula moritur. Mattheus adificando terit otium Mediolani: Aedesque Duodecim Viris, publici commodi Provisoribus, ac duplicem porticum marmoreo pariete construit. Ut autem Pontificis iram declinaret, titulum exiit Vicarii Casarei, seque populi Capitaneum ac Libertatis Defensorem inscripsit. Irascitur inde nihilominus Pontifex: & sicut, invito Mattheo, Aicardum promouet ad Mediolanensem Archiepiscopatum; ita Castono Turriano Patriarchatum Aquilejensem tradit; ipsumque quin etiam Mattheum communionem Fidelium privat. Gibellinorum Guelphorumque nomen Parma vetitum; ibidemque supremus Magistratus ad sex tantum menses constituitur, & Capitaneus populi appellatus, ac Gerardus Buzalinus electus. Hinc ab Amicis Corri-

git, tum ab ipsomet etiam Corrigio, multa mala illata. Cremona obsidione cingitur, nec multo post liberatur. Ferraria veteres ad Dominos redit, Estenses. Inter Stephanum Matthaei filium & Valencinam Bernabovis Auria filiam nuptia pacta, aliis Genuensibus diversa factionis principibus invidiam & suspicionem injecere. Spinula per ipsos propterea revocatur ab exilio in urbem; sed non diu morantur. Mattheus igitur, sibi junctis & Spinulis & Auriis, Genuam ipsam obsidione premit: ac ne rogatus quidem per Legatos desistit. Genuenses Roberti Regis opem impensius implorant, eique deditiorem urbis pollicentur: cumque ipse advenisset, eandem illi dedunt; sed ne propterea quidem a se bellum propulsant. Inter hac Pontificis mandato Mattheus Avenionem vocatur ad reddendam eorum rationem, de quibus accusabatur. Sic etiam contra ipsum Canis Scaliger a Francisco Turriano sollicitatur. Super his ergo ipse Colloquium Soncini cum Sociis habet: ibique Canis idem Scaliger communi consensu Capitaneus Societatis decernitur, necnon etiam Passarinus Bonacossa promissis in fide confirmatur. Ad Genuam rursus acriter pugnatur: cumque Matthaei demum exercitus recessisset; ipse quoque Rex Robertus Avenionem inde discessit. Mattheus enim vero novis sibi auxiliis comparatis Genuam retentat. Vario illis exitu terra marique pugnatum. Nec desuere, qui Vicecomitem inde ad sua tutanda conarentur avertere. In Cremenses deinde, tum etiam in Brixienfes Mattheus movit. Gibertus etiam Corrigius, ab Etruscis Urbibus creatus universi nominis Guelphi Capitaneus, in Brixiensem, Bergomensem, ac Cremonensem agros infestus irrupit. Inter hac Corrigius & Turrianus affinitatem contrahunt. Ugutio pariter Fasiolus cum Spinetia Malaspina conspiravit, ut in antiquum Luca Pisarumve imperium rediret; sed frustra. Sacros Moguntia (sive Modoetia) Thesauros, a Turrianis olim pignori feneratoribus locatos, Mattheus Vicecomes redimit; atque suis loculamentis restituit. Canis Scaliger, Patavinum affectans regnum, nihil non tentat. Sed Patavini auxiliis a Federico Duce Austria obtentis eum repellunt, & opulentis ejusdem castris potiuntur.



INTEMPESTIVA Henrici mors aliis tristis, leta aliis atque peroptabilis accidit. Nam, ut varii erant animorum habitus, ita hinc exultavere Guelphi nominis Propugnatores; & Gibellini, non secus atque ignes injecta aqua, oppressi sunt inopinato isto atque inexpectatissimo nuncio. Pisani in primis pavefacti satis praesentibus rebus consuluisse crediderunt; si Ugutionem Fasiolum militiae suae Principem pararent. Itaque hunc quibuscumque conditionibus ab Genua evocant, pecunias ad conducendos milites abunde praebent. Neque is conditiones tali tempore oblatas repudiavit: inprimisque Germanos equites, qui amisso Rege oberrabant, conducit: nec pauci Itali accessere. Quo-

rum multitudine fretus se Pisas Ugutio contulit : & finitimis hostilia molientibus fortiter responsurum se declaravit.

In Longobardis autem Albertus Scottus, clam Mediolano digressus, in agrum Placentinum se contulit. Nihil non moliturus, quo patrem & opes recuperaret, amicos convocat. Præter consanguineos & domesticos accessere ad eum Philipponus Languscus, Symoninus & Paganus Turriani. Cum satis copiarum coivisse videretur, Placentiam aggredi constituunt. Tenebat eam Galeacius Vicecomes : qui nec ignarus eorum, quæ inimici parabant, validum & ipse exercitum contraxit, pugnaeque se obtulit advenienti hosti. Certatum est acerrime. Superior jam videbatur Galeacius ; cum Philipponus, inclinatum suorum aciem restituere nixus, pene circumventus est. Alteri agmini præerat ejus Propinquus, è Sancto Nazario cognominatus. Qui ubi Languscum telis peti cognovit, strenue in confertos hostes incurrit, pugnamque aliquantisper restituit. Tamen perirumpere ad illum non potuit : neque tantum virium habuit, ut se amicumque servaret. Profligatis aciebus, ambo capiuntur, vivique Mediolanum perducti.

Exterriti ea clade inimici Vicecomitum continuo Conventionem Papiæ indicunt. Convenere Ugo Baucius, & Thomas Neapolitanus Schiracii Comes, & Francischinus Turrianus : factaque conspiratione, equitum duo, peditum circiter decem millia contraxere in agro Laumellino. Quibus mox cis Ticinum traductis, Abiatum oppidum aggrediuntur ; sed haud ita facile potiuntur. Validum inerat præsidium. Tum submissi à Mediolano sexcenti equites ; quibus præerat Theodorus Marchio Montisferrati, Salabruga Comes, ex Germania accitus : hi pugnam committere coacti, à multitudine superantur. Theodorus ubi inclinam aciem vidit, fuga sibi consuluit. Salabruga cum filio captus est. Ab ea victoria Turrianus, in agrum Seprium excurrens, Legnanum usque prædabundus devenit. Thomas quoque Schiracius, fugientes persecutus, vicos diripiebat. Et dulcedine prædæ longius provehantur milites ; sed dum latius sparguntur, debiliores cohortes efficiebantur ; & proinde obnoxii populorum violentiæ, quos diripiendo per maximas injurias in se irritabant. Ab indigenis vicatim opprimebantur : occurrebat præterea cum integris copiis, quacumque densius agmen esse nunciabatur, Vicecomes, & præda impeditos obtinebat. Sic, cum temperare in victoria nesciverint, eandem amiserunt. Nam cum multi cæsi fuerint, mille & amplius capti sunt. Cæteri, qui elabi potuerunt, alii Papiam, alii Astam se recepere. Thomas quoque tristis & mœrens eodem profectus est.

Per eosdem dies obsidentibus Parmensibus oppidum, in ripa Niciæ amnis situm, quem Montem Clericulum vocant, & quem Joanninus Sancto-Vitalis tuebatur ; ejus auxilio misit Matthæus Vicecomes ex foedere quingentos equites, & paulo plus mille peditum. Sed hi, magnitudine apparatus hostilis perturbati, minime penetrare ad oppidum potuerunt. Joanninus, cui præter Vicecomitem gens etiam à Palude cognominata obstricta jurejurando erat : cum nulla ex parte patere aditus auxiliis commetibusque videret ; pridie Kalendas Novembres, pactus suam & sociorum salutem, deditionem fecit. Parmenses statim arcem, rebus suis importunam, subruere atque solo æquari jussunt.

In Gallia autem Clemens Pontifex Christianos Principes in Concilium ad Viennam Allobrogum

A vocavit. Affuere Philippus Franciæ Rex, & duo filii, Ludovicus Navarræ Rex, & Carolus Valesii Comes, tum Edoardus Britanniae Insulae Rex. Hic multa de Transmarina Expeditione agitata sunt, & alia ad augendam majestatem Pontificiam pertinentia : atque illud in primis, *Ut designati in Germania Caesares jura & nomen Imperatoris à Romano Pontifice acciperent* ; quod tamen ab aliis longe antehac institutum fuisse non ignorabatur : item, *Ut, mortuo Imperatore, per omne Interregni tempus Italicarum urbium gubernatio penes Romanum Pontificem foret.* Statimque urbes, quae Ditionis Caesaræ fuerant, tradi Roberto Regi procurandas jussit ; ac nominatim Ferraria illi cessit. Quæ res inaudita, & nunquam antea tentata, graves motus & perniciofa certamina excitavit. Siquidem ii omnes, qui Henrico adhererant, ceu religionis rebelles vexari ubique coepere.

B Sed parum diuturna voluptas tantæ accessio-
nis rerum ei stetit. Pridie namque Kalendas Ma-
jas anni millesimi trecentissimi decimi quarti Cle-
mens obiit, non longe ab Urbe Carpentorato,
loco, quam vocant Rotam Mauram Castri Montiliorum. Post cujus mortem Ecclesia biennium
C sine Pastore fuit, contentione & discordiis Patrum : qui, Conclavi dissidentes digressi, urbeque Carpentorato dilapsi, ut in unum redirent, & rei Christianæ consulere, adduci citius non potuerunt. Cæterum haud ita multo post obitum Clementis, Philippus quoque Francorum Rex illum secutus est : & Ludovicus filius, successor declaratus, non perrenavit. Quare res Galliae ad Carolum secundo genitum, Valesii Comitem, deferuntur. In Germanis quoque summo in discrimine negotia publica fuere. Ex obitu Henrici duo paribus suffragiis Caesares creati, Ludovicus Bavariae, & Fredericus Austriae Duces. Quorum alter, ut alteri cederet (nam duos ea sella non capit) adduci per communes
D amicos nequaquam potuerunt. Armis igitur & prælio decidere causam placuit. Comparatis copiis, commissioque certamine, Fredericus succubuit. Ludovicus extemplo Imperatorem se nuncupat.

E In Etruria vero Ugutio Fasiolus, Pisis potitus, Lucenses tentabat : injuriis & damnis atterebat : nec à Roberto, in cujus tutela spem omnem locaverant, auxilia ulla apparebant. Implicaverat se Rex Siciliensi bello. Scribit Gulielmus Ventura, se ab iis, qui interfuerant expeditioni, accepisse : eum trajecisse in Insulam cum uxore & liberis, cum quatuor equitum, peditum vero sexaginta millibus : classem habuisse centum & viginti triremium, præter alias varii generis ducentas : obsedisse Drepanum urbem, sex menses frustratum, conflictatumque fame, majorem exercitus partem amisisse : ac demum pacem à Frederico petisse : & , dum reverteretur, magnam partem reliquiarum naufragio periisse. Sic fraudati opinione Lucenses, destituti quoque auxilio, iis legibus, quas Ugutio dixit, pacem accipere. Reducti in patriam Gibellini, & Alborum factio fugata. Potitus Luca Ugutio, justum exercitum comparat, loca ditionis Florentinae infestat : quæ dum incurfando prædandoque vexat, advocatus
F Lucam est tumultu oborto. Reducti exules agros & bona ab adversariis repetebant : superbe & contumeliose agebatur : atque ab jurgiis & conviciis ad arma ventum est. Ugutio urbem ingressus, certantes compescuit, agentesque prædas verbis minisque cohibuit : & , ceu æquus omnibus venisset, neminem de injuria dubitare jussit. Guelphi tamen, tali Duci, & qui factionum studiis multum obsequeretur, non satis confisi,

sit quascumque domos potuit oppidi Batifollis, quod hostile erat, & partem exercitus sui occupatam habebat: hisque copiis in castra revocatis, acies instruxit; & qua agmina hostium dirigebantur, emisit. Primam aciem Francisco filio dedit: ipse, huc illuc oculos vertens, omnia momenta observabat. Tumulus erat quidam medius: quem ut occuparent, Philippus suis mandavit. Sed cum hostes jam insedisent; conferere manum coguntur: audacterque pugnant antesignanos omnes, & Franciscum ipsum debellant, atque occidunt. Habebat Ugutio Germanorum egregiam bello manum: quos, in se venientes, prima illa Philippi acies declinavit. Ergo in secundam irruere: eaque obtrita, in alias deferuntur. Tantaque fuit eorum vis, tamque vehemens furentium impetus, ut nec Gallorum (ut verbis ipsius Ugutionis utar) superbia, nec Apulorum fallacia, nec Florentinorum astutiae, nec Bononiensium calliditas, nec Guelphorum omnium dealbatae deceptiones, resistere potuerint: continuoque clypeos in terga vertentes evitare fuga imminentem caedem conarentur. Sed insequuti victores tantam stragem edidere, ut tecta cadaveribus ingentia terrarum spatia brevi apparuerint: nec pauciores captivi fuerint; cum spoliati in vinculisque redacti numerum custodum longe excederent. Victoriā Ugutioni illustriorem fecerunt duorum Principum inter reliquos prostratos inventa cadavera, Petri, & Caroli; nam Philippus cum paucis fuga evasit. Hæc ex Epistola Ugutionis ad Genuenses, in eorum Annalibus reperta, quam brevissime potui, retuli: non ignarus, aliter ab aliis, & à Merula verbosius, quam par sit, & veritas se habuerit, tractari. In eo etiam prælio enituit virtus Castrucii Castracani, Lucensis viri: de quo mox plura dicentur. Acta autem ea sunt quarto Kalendas Septembres.

Per quod tempus Galeacius Vicecomes, Derthona potitus, jubente patre arcem in confluentibus Padi & Friæ ædificat; ut munimentum haberet, quo tuto ad annum commeari posset. Interdum enim procurrentibus hostibus transitu Padi prohibebatur. Opus incœptum, & de nomine factionis suæ Castrum Gibellinum vocatum, hyemantes aquæ & fluvius plus solito exundans subvertere: quod Matthæus comparata materia reficere continuo cœpit. Ægre id erat Baucio: qui arce in visceribus sociorum excitata videbat multum de auctoritate sua diminutum iri. Quare ab Alexandrinis, Astensibus, Papiensibus, & Vercellensibus auxilia accersit: & fluvio naves comparat, terraque & aqua circumdat arcem, atque oppugnare incipit. Facientes opus, & milites, qui excubabant, primo impetu intra munitiones se recipiunt: defensionique sese expedientes pugnam fortiter eo die sustinere. Supervenit mox Marcus Vicecomes, Matthæi filius: nec ita multo post pater ipse cum Guarnerio, Germanorum equitum ductore: castrisque haud longe ab hoste positis Baucium pene circumvenit. Erant cum eo Ugo Delphinus & Turriani: cum quibus aliquot horas æquo Marte pugnatum est. Nec temere aliàs major cædes facta est. Cecidit Zonfredus Turrianus, Pagani Episcopi frater: & Adoardus, Muschæ filius, captus cum octoginta aliis Nobilibus. Cæteri, qui à clade superfuere. Papiam se recepere. Hos Matthæus desequitur: ac, Luchino & Stephano filiis præmissis, obsidere eam urbem instituit. Postridie Idus Novembres, suscitata inter cives discordia, pugnatum intra moenia est. Ricardinus Languscius, qui de salute sua actum cernebat, fortiter dimicando interfectus est. Occubere pariter quindecim alii clari viri: duo Guidonis Turriani filii & alter Guidetus capti sunt. Potitus urbe Matthæus populo Luchinum Prætozem dedit:

A tributa imposuit: necnon arcem inædificare cœpit, ac præsidio munivit; ut esset quo male quieti animi à novandis rebus detererentur. Præterea Ithardum Episcopum, jamdiu Sacerdotio pulsum, ab exilio revocavit, & in Pontificalem Sedem restituit.

B Jam Matthæus maxima opinione atque favore in Longobardis erat; cum Alexandrini cives pariter atque exules de urbe illi tradenda cogitarunt. Nam magnitudine mutuum in commodum utraque Factio in gratiam alterius redire, & pacata patria frui optabat. Matthæo & Marco filio arbitrium componendæ pacis concedunt. Tum Thomas Puteus, & Bonifacius ab Alice, qui à Roberto Rege equestria ornamenta consequuti fuerant, publico nomine Ugoni Baucio denunciant, ut quamprimum finibus decedat. Matthæus deinde ex consilio nonnullorum Nobilium & Jureconsultorum dixit: Quodcunque Curatores Reipublicæ, servato judiciorum ordine, apud Alexandrinos statuisent, id ratum foret: Ut redacti exules contumelias & damna sub abolitione anteaactorum adversariis condonarent: Et à sententia Matthæi nulla provocatio esset. Tres in primis familias, quæ jam quinquennium exulaverant, Lanciavengias, Merlanos, & Inviciatos, cum iis, qui illorum partes sequuti fuerant, restituit. His quidam addunt Ferrufinos: putantque sic dictos, quod eorum progenitores filii Rufini fuerint. His sic constitutis, Matthæus duabus urbibus, haud multum inter se distantibus, Alexandria & Derthonæ, unum Præsidem dedit, Marcum filium.

C Sub anni finem Jacobus Cavalcabos, Vitalia-^{A.C. 1116} næ Marchio, accersitus Cremonam, ejus urbis imperium indeptus est: & mox, incunte sequenti Januario millesimi trecentissimi decimi sexti, vocatus Brixiam est. Brusati & Confanonerii adversus Episcopum, & consanguineos, qui erant è gente Madia, cæterosque Cæsareæ factionis amatores arma sumpserant: gravique & cruento certamine edito, victores evaserant. Quibus cedentibus dominio, Cavalcabovi Brixia accessit; eique Prætura in quinquennium decreta. Sed non ita multo post ejusdem imperium ac tyrannidem pertæsi Cremonenses cives, Amnati, & Poncinus Ponzonus, urbe egressi, in propinqua oppida abierunt. Sequuti eos agminatim sunt clientes & propinqui. Et mox Parmam profecti, Gibertum Corrigium permoverunt, ut causam suam susceperet. Et primo missis Legatis reconciliare eos nequicquam tentavit. Igitur mox ipse cum equitatu Cremonam proficiscitur: declarataque periculi magnitudine, in quo salus civitatis ob iras exulum versaretur, Cavalcabovi persuasit, ut se Regno abdicaret. Tunc revocatis Poncino & sociis, & patriæ restitutis, odia & discordiæ civiles longe exarsere. Quarum occasione Gibertus, qui & militari manu præpotens erat, Dominum se declaravit: palamque jurejurando affirmans, se juste & recte Rempublicam administraturum, Prætozem dedit Giliolum Putalium & Vicarium instituit Gerardum Enzolam, cæterosque Magistratus immutavit. Conflavit ea res inexpectatam Corrigio invidiam: finitimique omnes & propinquitate sanguinis conjuncti in eum conjuraverunt: Canis Scalliger, Passarinus Bonacossia, Episcopus Brixienfis, & Matthæus Vicecomes. Quibus terra Padoque copias parantibus, ingenti exercitu Cremonam cinxere. Sed cum nullus ordo in castris, nulla fere disciplina militaris servaretur: vagarenturque latius prædabundi milites; defecere statim commeatus; coactique sunt quinto decimo die ob inopiam rei frumentariæ recedere.

Gibertus, composito negotio Cremonensi, Parmam repetiit: ubi per tumultum populi sub Idus Julias

Julius summum rerum discrimen adiit ab iis, à quibus minime metuebat. Gener namque ejus Joannes Quiricus Sancto-Vitalis, & Rolandus Rubeus uxoris frater, & Paulus Aldigerius, & Bonacursus Rogerius sororii, Obizo Enzola, Matthæus Monticulus, Bonifacius & Gulielmus Curiagi, plebem in arma concitarunt, subinde clamantes: *Vivat libertas, & moriatur Corrigius*. Sicque cum turba in forum videntes, cum exterruere adeo, ut is nihil antiquius fuga duxerit, atque perdifficiliter cum fratre & filis clientibusque perpauca evaserit. Recepit autem se in oppidum, cui Castro-novo Corrigiorum nomen est: salvaque illi mansit jurisdictio Guastallæ, Guardasoni, Campiginis, & Bazani. Nec ita multo post, amissa spe omni, in Apuliam ad Robertum Regem concessit. Nam Parmenses, constituta Republica, palam sese jurjurando obstrinxerant, neminem amplius se Parmæ regnare passuros. Idemque mox Cremonæ factitatum est, ejectis Magistratibus, & actis ejusdem utrobique rescissis.

Dum hæc in Longobardis aguntur, in Etruria quoque mutatae res sunt. Gravis Tyrannus civibus suis esse coeperat Ugutio Fasiolus. Aliis pecunias imperando, alios afflictis criminibus conveniendo vexabat. Quo quis opibus, aut ingenio, aut gratia populi, plus valebat, eo propior noxæ erat: inhumana præterea crudelitas illius ingenium, superquam homines ferre possent, effraverat. Erat illi Nerius filius, probus adolescens, & dignus juvenis, cui melior pater contigisset. Huic mandat, ut Castrucium Castracantum, quoquo modo possit, detineret. Is, simulato convivio, Castrucium, quo per familiariter utebatur, invitat. Profectus ad epulas juvenis, nihil insidiarum metuens, detinetur. Erat multi nominis in civitate Castrucius. Itaque affines & propinqui ad Nerium concurrunt: quid causæ novæ detentionis sit, exquirunt. Prætenso est homicidii, jam publice patrati, & jam publicis decretis aboliti. Quæ cum minime digna existimaretur, quæ in crimen hoc tempore refricaretur; insurrexit universa Lucensis juvenus: & quo minus supplicio Castrucius afficeretur, intercessit. Ea ubi rescivit Ugutio, qui tunc Pisis agebat, cum equitatu Lucam contendit. Pisani vero, seu conspirationis conscii, seu repentina deliberatione inrita, statim portas claudunt, atque rebelant: nunciumque ad Lucenses præmittunt, qui facti sui certiores eos redderet, & urbem populari præsidio custodiri diceret, hortareturque, ut in libertatem vindicarent. Tunc populus armis raptis templa sacrasque ædes, quæ apud illos arcium vicem præstant, occupant, ac mupiunt: Castrucium salvum & incolumem exposcunt. Exhibuit eum Nerius ita, ut erat in compedibus ferreis. Enimvero tunc multitudo magis accensa furere, atque inclamare, ut solveretur, ac dimitteretur. Sic liberatus Castrucius & periculum capitis evasit, & princeps conjuratorum factus Tyrannos urbe eiecit. Qui cum mox res maximas gesserit, & Vicecomitum amicitiam sanctissime coluerit, dignum duximus, pro quo genus ejus & antea vitam relaturi paulum à præsentī narratione digrediamur.

Lucæ Antelminella familia multiplici stirpe claruit. Ex hac enim prodierunt Savarigii, Mugie, Gonellæ, & Castracani. Ex his ortus Gerius filium suscepit Castrucium ex Puccia uxore anno millesimo ducentesimo octogesimo primo: quem paritura mater somniavit, ex utero flammam exiisse, quæ late circa omnia comprehenderet, ac ipsamque matrem adureret. Quo viso exterrita infantem edidit inusitatae magnitudinis: & optima de eo concipiens pater diligenti cura educavit. Cum jam ad vigesimum ætatis annum adolevisset; mutatione re-

rum Lucensium (nam Factio Nigra Albam eiecit) pater cum unico filio & uxore Anconam demigravit: atque ibi uterque parens brevi decessit. Castrucius longius à patria ac Italia ipsa digredi, & in Britanniam Insulam se conferre statuit: ubi charus Odoardo Regi erat Aldigerius Antelminellus, magnis opibus mercatura quæsitus. Ad hunc profectus juvenis, atque benigno hospitio exceptus, brevi Linguam Britannorum edidicit, & in familiaritatem Regis pervenit, illi maxime gratus ex ludo pilæ, quo cunctos æquales suos superabat. Sed ex eodem invidia contracta, necessitatem descendæ Insulæ habuit. Namque in rixa à Regulo quodam pugno petitus illum gladio transfixit: quod per se ingens crimen eo gravius visum est, quod, spectante Rege, patratum fuit. Sed Castrucius ab amicis in tumultu servatus, clam ex Insula in continentem Galliam transmissus, militiæ sese accommodavit: rudimenta quoque posuit sub Alberto Scotto Placentino, & Muciato Francesco Florentino, qui duo Itali Heroes amplissima tunc stipendia faciebant sub Philippo Francorum Rege, quadringentos equites & duo millia peditum agentes. Deinde ut audivit, Lucam gravi bello ab Ugutione premi, rediit in patriam, ad captandas majorum rerum occasiones; statimque adhæsit Henrico Bernardino, diversæ factionis homini; quocum ad constitutam diem portam effregit, & Ugutionem cum Germana Pisanaque manu intromisit. Nunc autem, ut (quod Tyranni facere solent) gratiam accepti beneficii Ugutio referret, inter primos, quos perimere cogitaverat, tollere constituerat, ut nimis audacem, & ad omne facinus promptum; nisi aliorum vota, ut docuimus, cecidissent. Nam, amissio duarum pulcherrimarum urbium imperio, Ugutio ad Proceres primo Malaspinas, deinde ad paternam oppida rediit, & ibi consenuit.

Inter hæc res Ecclesiastica Summum tandem Sacerdotem nanciscitur. Opera & diligentia Ludovici Francorum Regis id factum fuisse traditur: qui ad tollendas Cardinalium discordias fratrem Lugdunum misit, declaraturum, nisi jam tandem de Pontifice convenirent, potestatem omnem & jus creandi Sacerdotis ab ipsis ad Generale Concilium rejecturum. Ergo Conventu habito tertio Kalend. Septembris Jacobum Ossam, genere Vasconem, Cadurco urbe oriundum, & tunc Portuensem Episcopum, creavere, Joannemque ejus nominis Vigesium secundum vocitarunt. Qui statim rata habuit, quæ ante Clemens sanxerat: ut designati Cæsares, priusquam nomen Imperatorium fumerent, Romano Pontifici se obnoxios in jurando profiterentur: Quando, mortuo Imperatore, electio successoris longius differretur, per omne interregni tempus res Italæ universæ nutu Pontificis administrarentur: Siciliae Regnum, quando jam Pontifices Romanam Provinciam fecissent, extra Cæsarum ditionem perpetuo foret. Sub his Ludovicum Bavarorum Ducem, qui se Imperatorem hujus nominis Quartum inscribat, titulo privati: ac, ne Romam se invito peteret, monet. Qua denunciatione irritatus Ludovicus palam Pontifici rebellat.

Per idem tempus Riciardus Gambatersa, à Roberto Rege in Italiam missus, multas sagittariorum turmas à Narbonensi Gallia adduxit: Baucius quoque quingentos equites habebat. Hi, fines Alexandrinorum invadentes, brevi complures castella partim metu, partim deditione ultronea cepere; Oviliam, Solerium, Quadraginta familias, Boschum, & Castellatium. Utentes aliqua difficultate, Fibinnas expugnant, ac funditus subruunt. Non parvo usui his erant duæ nobiles Alexandrinorum familiae, Trotti, & Putei: qui, Baucio conjuncti, duces itinerum & auctores se præbebant

reponendarum injuriarum iis, à quibus se læsos arbitrabantur. His rebus cognitis, Matthæus, quam celerissime potuit, ad mille equites contraxit: atque trans Padum ad Marcum filium mittit. Is, novo præsidio subnixus, Boschum & Castellatum recuperat ac diripit. Captivi multi in potestatem venerunt: in quibus supra centum Nobiles fuere, & omnino viginti ex Puteorum gente, qui vincti Mediolanum mittuntur. Inde Augusta Baciendorum accolarum deditione recepta: atque hic in carcere repertus Antonius Fisruga, Laudensis: qui Mediolanum deductus, in vinculis apud Matthæum Vicecomitem reliquum vitæ exegit.

Per idem tempus obiit etiam Opicinus Spinula, qui universam Vallem Iriæ obtinebat: atque testamento Argentiniæ filiæ, quam Theodoro Marchioni Montisferrati matrimonio junxerat, legavit quicquid juris in oppidum Serram-Vallem, quæ Triam claudit, habebat. Interea Mediolani jus ex Prætura semestri uterque spatio dixere Jacobus Corricianus & Bonifacius ab Alice: ille Parma, hic Alexandria oriundus: & Matthæus Vicecomes, ædificando otium terens, forum ornavit, ædes excitavit, in quas Duodecim Viri, publici commodi Provisores, conveniunt. Hi rebus cibariis pretia, ut per singulos pene dies variantur, statuunt: mercaturæ præfunt: de mercatura & ponderibus jus dicunt: opificum fraudes cognoscunt, & castigant. Item duplicem porticum marmoreo pariete struxit cum imaginibus amicorum Numinum: inter quas Divæ Agneti quotannis suo die cereus longæ hæstæ præfixus accenditur, ac totus ardere permittitur. Res & Auctoris nomen in patente Tabula adhuc legitur.

A. C. Anno millesimo trecentesimo decimo septimo Joannes Pontifex decreverat, ut supra diximus, juris Ecclesiastici & arbitrii Pontificum fore urbes & populos Italiæ tantisper, dum novus Cæsar crearetur. Quod Matthæus Vicecomes in se veluti certissimum telum dirigi perspiciebat. Ut tamen iram Pontificis declinaret, Vicarii Cæsarei titulum exiit; Capitanei populi, & Defensoris libertatis suscipit. Quod Pontifex sui illudendi causa factum existimavit: ac propterea, ne ceteri exemplum sequerentur, Regnumque ex procuratore facerent, per Litteras publicas iis omnibus mandat, qui iussu Henrici imperia & jurisdictiones habebant, ut nihil deinceps pro opinione Cæsarum gererent: Pontificiamque Majestatem in hoc agnoscerent, donec verus Cæsar declaratus foret; quando Ludovicus Bavarus minime legitimus haberetur. Hoc veluti primo Pontificiæ indignationis in Vicecomitem fundamento jacto, aliæ super aliis causæ brevi accumulatae sunt. Forte Castano Turriano Sacerdotium Mediolanense à se abdicante, illud idem contulit Pontifex Aicardo Camedojæ, genere Novariensi, Fraternitatis Prædicatorum principi, & Theologo eximio. Id vero Matthæus, ad firmandas opes plurimi momenti esse ratus, Joanni filio conferri cupiebat: & quantum sua amicorumque & populi prærogativa poterat, deligi filium Archiepiscopum Mediolani curavit: & Aicardum, ad Sacerdotium venientem, non solum non urbe, sed nec finibus Regni admisit. Hoc Pontifex perindignum ratus, non solum Joannis Vicecomitis electionem averſatus est, sed eum, patremque, & cunctos eis faventes execratus detestatur, neque inter Christianos nominari eos voluit; cæterum Turriano opulentiùs Sacerdotium, & quo tuto proculque patriæ molestiis frueretur, Aquilejensis Ecclesiæ Patriarchatum contulit.

Parmenses autem, pulso Giberto Corrigio, præcipuum constituendæ libertatis fundamentum duxerunt, ne quis amplius Gibellinos Guelphosque

A nominaret. Aboleri, si fieri posset, ac penitus è medio tolli hæc, ut tetra & perniciosissima vocabula, optabant. Id quod non bene adhuc video, utrum eodem tempore aliis quoque in civitatibus factitatum fuerit; propterea quod & Genuæ mutata lego in Rampinos Mascaratosque; & Pistorii Pantiaticos Cancellariosque vocatos; atque aliter alibi dictos.

B Parmæ quoque Capitaneum populi, qui supremus Magistratus, sed semestris tantum foret, creare: & ex commendatione Canis Scaligeri Bonacosiæque Mantuani acceperunt Gerardum Buzalinum, Mutina oriundum: & amici Corrigii, cernentes se nullo numero haberi, urbe cesserunt. Tunc populus, sumptis armis, Brixellum obsedit, captumque & ambustum spoliavit: atque, ut diluvium in castella inimicorum immitteret, aggeres Padi abrumpere nixi duobus in locis sunt; sed, exitu optato non succedente, ab incepto destitit. Dum domum redeunt, Cohentium vicum juxta Niciam flumen combussere. Per quod tempus reversus ex Apulis Corrigius, nonnullos milites ex equitatu Roberti Regis adduxit, & statim reponere injurias damnaque hostibus studuit: Martoranumque, & Coloretum, & Casaltinum per vim cepit: colonisque interfectis, ignem ædificiis supponit, bona diripit. A Monticulo vero & Sorbulo, non paucis suorum amissis, repulsus est. Tentavit inde Cruniacum, pari damno accepto. Cumque interim venirent auxilia à Mediolano, Placentia, Mantua, Verona, Marchionibus Malaspinis Nicolao & Spineta, (erant autem circiter mille equites) eorum adventu deterritus Gibertus, ad reconciliationem cum civitate descendit, pacemque impetravit tertio Idus Septembris. Inde Cremonam ducti exercitus fuere, & integrum mensem Octobrem obsedere: mox coacti aquarum magnitudine cedere, gravi oppressione civitatem liberarunt.

D Interim Ferraria ad veteres Dominos Estenses, Franciscum & Aldebrandum filios, rediit. Nam perosi cives Hispanam tyrannidem, his clam vocatis, populari tumultu regionem Pado proximam invadunt. Hanc Diegus, Roberti Regis Præfectus, cum præsidio tenebat. Dum pugnatur, ac modo hi, modo illi pelluntur, mature affluere Estenses, magnamque cædem in peregrinos edidere. Alii trans Padum fugere conati, dum turmatim naves conscendunt, nec rationem oneris habent, demersi sunt. Diegus, in desperatione rerum cum paucis evadens, Bononiam se contulit.

E Cæterum Matthæus oblatam sibi occasionem cum vidisset amicitiae jungendæ cum viro inter Ligures clarissimo, & in Gibellina Factione potenti; privatum etiam foedus adjecit; pactaque sunt nuptiæ inter Stephanum filiorum Matthæi postremum, & Valencinam Bernabovis Aurici filiam. Qua re Genuæ vulgata & perspecta magnificentia apparatus, quem ducendæ ad virum puellæ gratia intruebant, magnam à diversæ Factionis principibus, Carolo Flisco, Rabella Grimaldo, cum Salvaigis & aliis compluribus, invidiam conflavit, suspicantibus, majora illum privato statu moliri. Igitur extorres Spinulas accersunt, & redditum in patriam pollicentur; si secum bona fide ad convellendum Auriciam conspirent: atque inito foedere introducitur Spinula. Id ægre & pavore maximo Aurici fuit, cogitanti, se inscio, inimicam gentem domum reductam: cumque cætera signa parum benivolum multitudinis animum in se declararent, sese è medio eripuit, ac Savonam & Albingaunum contulit. Ejus discessu, velut gravi adversario liberati, Flisci & Grimaldi contemnere Spinulas, ac nullam fere in partem publicorum commodorum atque honorum recipere, omnia sibi

sibi arrogare. Ludibrio se haberi indignantes Spinulae, rursus patria abeunt: & vicos ac castella celebrantes ad novam fortunam animos erigunt. Matthaeus, duarum nobilium familiarum fuga audita, varie afficitur. Nam & ex incommodo amicorum non dolere non potuit: & quod haec discordia multum collatura esset ad contundendos hostes, non parum laetitiae sensit. Quare hortatorias & spei bonae plenas litteras ad utramque gentem mittit; solatur; pollicetur; invitat: ad se veniant, opes & consilia communicaturi. Nec mora missis nunciis pax & ratio gerendi adversus Genuam belli inita.

A. 10.
1318.

Ac succedente vere anni millesimi trecentessimi decimi octavi, coacto Derthonae exercitu, curam totius negotii Matthaeus demandat Marco filio, qui & regioni Transpadanae praeerat, & crebris praeliis, adversus regios Procuratores gestis, virtutis & industriae bellicae specimen praebuerat. Jam copiae bifariam Apenninum transgressae, utroque ab latere obsidere Genuam coeperant: quae scilicet divces Porciferæ vallis, & qua Feritor fluvius (Bisamnem à confluentibus aquis posterior aetas vocitat) claudunt. Aquæductum, in urbem defluentem, abrumunt: suburbanae aedificia comburunt, alia praedantur. Nam cives, hoste appropinquante, viribus diffusi, moenibus se includere, turrimque in Phari munierunt. Hanc exules circumfuderunt, & duobus fere mensibus oppugnarunt. Pulchrumque fuit videre, quam solerti machinamento porrecta obfessis cibaria telaque fuere. Nam, cum à terra non possent, applicata littori triremis noctu est: & funis à summo ejus malo ad turris fenestram deligatus: per quem puer, vasi ligneo inclusus, ultro citroque necessaria comportabat. Quae via cum percommoda videretur; ut diutius ea, etiam faviente mari, uti possent; pro trireminavem onerariam subjiunt, ac dejectis anchoris firmant. Quod ubi Marcus cognovit, turrin excindere parat; tigna supponit; & extrema minitatur. Deteriti obfessi, cum insuper ob saevitiam maris solita solatia habere non possent, deditionem fecerunt. Eorum septem Marcus male multavit: atque inclusos lignae machinae jactari in subiectos scopulos & saxa maris iussit.

Tum in regionem Sanctae Agnetis vis belli traducta est: & perterrefactis iis, qui in praesidio erant, facile loco potiti sunt: ingentemque praedam invenere; quia magna pars civium pretiosam suppellectilem & ornamenta domorum eo congesterant. Imminente muris Marco Vicecomite, aedificia intramurana, quae à Fidei templo ad Castellum usque pertinebant, succensa ac diruta fuere. Diuturnis malis afflicti cives, cum neque in deditione honesti quicquam cernerent, neque aliunde spes auxilii foret, ad peregrinam opem animum conjecerunt. Duplicem Legationem expediunt: ad Robertum Regem unam, auxilium petentes, ac deditionem illi polliceri jubentes: alteram ad Matthaeum Vicecomitem, & Publicum Mediolanensium Consilium. Cujus primores in conspectum admissi, in hunc modum verba fecere: *Naturali usu atque rerum experientia comprobatum est, (Viri Mediolanenses) amicitia jura, quo diuturniora & beneficiis aucta fuerint, eo sanctiora firmitioraque esse: nec facile mutari, etiam ubi spes mediocris emolumentum offeratur. Miramur ergo, quod cum antiquissima benivolentia, diutinum hospitium, & perpetua commercia civibus vestris cum nostratibus vignerint: nullum bellum, nulla inimicitia causa laeserit: nunc rebellibus nostris, & hostilia omnia adversus patriam intentantibus, opem & auxilia praebeat. Quibus si nomen, si umbra vestra adimatur; ut subito dilabamur, necesse erit. Quare, ut officii memores Duces vestros signaque vestra ex castris hostium nostrorum revocetis, petimus & rogamus.*

A *Id profecto maximo rerum nostrarum commodo cedit: nec minus vestra referet. Patebit enim Mediolanensi, juxta ac Genuensi, ampla apud nos immunitas, siue invicem commutare, siue navibus nostris longinquas in terras devehere mercaturas velint. Quorum neutrum sperare ab adversariis nostris debetis. Siquidem & eo sunt ingenio, ut vel maxima beneficia soleant summa ingratitudine compensare: & ea infelicitate premuntur, ut, etiam si vicerint, nihil commodi vobis afferre possint. Novimus mores & opes hominum: nec nos adversus eos iniqua tentavimus. Vicem & offensas reponimus: eorum injuria conspectu patriae, aris focusque prohibiti.*

B *His auditis, deliberandi, quid respondeant, spatium Mediolanenses sumunt. Ligures interim perambulando urbem, Potentiorumque domos visendo, praedicare vetustum amorem duorum invicem populorum, magnitudinem evidentis commodi, si societatem suam non despiciant: contra, odia, praedas, detrimenta, si secus fecerint. Tum revocatis in Consilium ita respondetur: Fateri quidem Mediolanenses, nullam apud se exstare causam, propter quam non amare Ligurem debeant, sed vehementer potius diligant. Non oblita sibi mutua officia, & quasi necessitudinis contracta jamdiu vincula. Sed hac cum iis intercedere, qui veri Ligustinae libertatis principes ejus domo nunc exulent, & per maximam injuriam patriis opibus, liberis, conjugibus careant, & quibus opem implorantibus deesse nullo pacto possint. Caterum se pacis & concordiae dulcissima nomina bellicis incommodis semper pratulisse, ac potiora in omni negotio duxisse. Hac cadem se nunc quoque libentius amplexuros; si aequo jure cum ceteris vivere in patria amicis suis Auriis Spinulisque liceat; quibus, ne arma sua negent, ubi agendum bello sit, foedere adstringuntur.*

C *Ad haec surrexere Legati; & paucis negotium absolventes: Quandoquidem, inquit, turbidiora adversus nos spectare videmini; scitote, nec animum Genuensibus ad sustinendum bellum deesse, & tantum praestantium virorum numerum opesque & copias superesse, ut confidant, posse & scire libertatem suam tueri. D *Quasi deficient; id ingenii & industriae inesse, ut virum, cujus potentia incolumis à quocumque hoste praestentur, electuri sint. Et cum his Genuam redeunt.**

E *Genuenses, eorum relatione audita, & omnia ad bellum spectare cernentes; studia & cogitationes omnes ad Robertum dirigunt; enixiusque per Oratores suos petunt opem, & liberam deditionem urbis pacisci jubent. Interea arma expediunt, exercitum augent, delectumque totis vicis habent; ut ingruentem vim tantisper, dum à Rege auxilia adventent, sustineant. Spinulae vero & Auriæ gratias Matthaeo agere: exultare letarique tali responso hostibus dato: imperium urbis brevi se ei daturos: denique victoriam ipsam, & majora viribus repromittere. Sic bello penitus decreto, etiam affinitas cum Auriis perficitur; traductaque tunc Valencina. In cujus cognomine Merula egregie erravit: qui credidit, & saepius repetendo asseveravit, e gente Spinula eam fuisse: quod secus nos ab integræ fidei monumentis percepimus. Sed & geminas nuptias celebratas dicit, datamque pariter Isabellam Fliscam Luchino, filiorum Matthaei tertio: quod longe alio tempore factum aperte constat.*

F *Jam ab Neapoli Roberti jussu mille & quingenti equites applicaverant: expositique in terram nutantes animos firmaverant, spemque melioris fortunæ fecerant; cum Marcus Vicecomes copias à moenibus revocat, atque in montem Peraldum stativa transfert. Mox Robertus ipse subsequens cum uxore & duobus fratribus, quinque & viginti triremes agens, ad primum & vigesimum Julii diem appulit: exceptusque magnifice in Aedibus Praedicatoriae Fraternalitatis cohospitatur: statimque ad eum visendum convenere Praetor urbis, & Carolus*

lus ac Gaspar Capitanei populi, & frequentes alitvium primores. Tum in templo majori concione habita, qui gerebant Magistratum, potestate omni se exuerunt: & nisi Rex amueret, non sumptuos se amplius significarunt. Rex iussit, suo unumquemque fungi officio. Tum delecti Publici mandati Administratores, (*Syndicos* vulgo vocant) per quos, consentiente civitate, deditio facta est: ita ut urbici omnis negotii procuratio penes Robertum esset. Quæ, ne perpetua dominatio videretur, decem annorum spatio terminata est. Nec ita multo post Florentini, & reliqui, qui in fide regie societatis manebant, circiter mille equites misere: egregiam quoque manum Gibertus Corrigius adduxit. Quibus auctus Robertus exules aggređi statuit: ac triduo post Nonas Sextiles ad quatuor millia peditum montem Peraldum adscendere jubet, mox alios in subsidium missurus. Venientes turmas hostiles ex strepitu sentire, qui pro custodia collis excubabant; & dato suis signo acies in arma vocant. Confluxere statim armati: & pro presenti numero impetum fortiter sustinentes, Regios loco pellunt: ac cædendo ad portas usque urbis defequuti sunt. Triginta equo merentes, & trecenti ex peditatu interfecti sunt: inter quos Ligures haud multi fuere; quia hi, locorum periti, facilius, quam peregrini, in fuga elabebantur. Ab hac victoria Marcus domum, quæ juxta portam Sanctæ Agnetis munita præsidio & operibus flabat, subvertere statuit. Ac propinquam primo cloacam altius effodiunt, fundamenta eruant: & tigna, stipites, quibus ad tempus sustentaretur, supponunt. Sensere effodi cuniculum, qui in urbe erant; sed pro labefactatis fundamentis suppositas trabes ignorabant; ita & ipsi subterraneum specum agunt. Dum alter alterum prohibere opere & infidiis excipere nititur; pugna exoritur; grandiorque lapis, ab exilibus tormento emissus, Regios à specula, qua castra prospectabant, dejecit. Tunc subtractis è domo trabibus ruina fit: qua trecenti amplius bellatores obtriti; prout impetratis ad eorum cadavera eruenda induciis compertum est.

Varia inde alia certamina acta sunt. Quæ dum agerentur, altero & longe diverso, nec minus premente, telorum genere Joannes Pontifex pugnabat. Nam eo indignatus, quod Heroes Itali minime sibi audiebant, ut, vacante Imperio, res Apostolicæ Sedis nomine gubernarent; contumaces diris insectabatur; æternis Inferorum pœnis devovebat; Matthæum in primis Vicecomitem ac filios signanter petens, eos igni & aqua, & si fieri possent, cælo & terra interdicebat, nisi Avenionem ad dicendam eorum causam ipsimet venirent; neque enim excusationes per Legatos auditurus erat. Non comparentes autem Christiano Orbe exterminat: congressu, alloquio, hospitio excipi à quoquam vetat. Hæc autem objiciebantur: Quod Sacra Vicecomites polluisent, Tempia spoliassent: Virgines nobiles raptu, sacras incastu violassent: Tormenta cruciatus ac cades Religiosis Viris intulissent: Guilielmam, alieni Sacri Magistram, forissent. Quæ quam recta, quam vera forent, vel ex solo notæ Meretricis nomine homines colligebant; cum constaret, abominandi Sacri auctores, quamprimum cognitum scelus fuit, iussu Matthæi Primoribus Religionis traditos, & illorum judicio damnatos atque combustos fuisse.

Quæ etsi Matthæum non leviter turbarent; alia tamen superaddita gravis periculi ambiguitas curas ejus cumulavit. Siquidem certior suorum litteris factus est, Canem Scaligerum à Francisco Turriano & aliis Nunciis sollicitari, magnasque illi proponi condiciones, imperium totius terræ, quæ ab Alpibus ad Padum patet, & Sacerdotium

A Aquilejense; quod, cuicumque Canis optasset, cessurum se Turrianus ostendebat, modo Vicecomes Regno pelleretur. His anxius Matthæus, ut Scaligerum in societate confirmaret, suspensionemque omnem discuteret; Socios monuit, ut imminetia pericula propularentur, opus esse communi inter se colloquio; proinde vel venirent ipsi, vel Oratores mitterent. Locus Soncini non procul Cremona, dies in Decembrem mensē conditus.

Quo postquam conventum est, clausique in arcano Heroes sunt; Matthæus Vicecomes, qui & ætate senior, & usu rerum peritior habebatur, sic fari cœpit: *Etsi neminem vestrum, Fratres amantissimi, qui in hoc nobilissimo cœtu confiditis, ignorare scio causam, propter quam huc advenimus; tamen, ut clarius noscatis, & certius deliberetis, eandem vivavoce, & paulo uberius, quam litteris mandari potuerit, repetam.* Notum nimirum est, sicuti post obitum Henrici Casaris, quem invida nobis fata immature nimis eripuerunt, Romani Sacerdotes, falcem (ut ajunt) in messem alienam immittere haud dubitarunt: ac novum cupiditati sue titulum obtendentes jactant, vacante Romano Imperio curam & administrationem Rerum Italicarum ad Apostolicam Sedem spectare. Quod certe nusquam lectum, nusquam receptum arbitror. Repetantur quantumlibet antiqua licet; nec præscorum Casarum temporibus, nec per Regna Gothorum, aut Longobardorum, nec post extinctam Caroli Magni progeniem, usurpatum audietis. Recentiora evolvantur duorum Fredericorum, Anobarbi & Rogerii. Acris & diuturna rebellio utriusque etiam stirpem invisam Romanis Pontificibus fecerat. Haud tamen usquam accepi, illos ultra Ecclesiam quicquam in Longobardis asservisse. Novissime (si Diis placeat) duo Gallici, & quidem è Vasconum genere, Clemens demortuus & Joannes præsens, inventi sunt, qui opibus nostris inhiantes id adstruant: & quia cupiditati eorum non obsequimur, id est, populos, conjuges, liberos, nos ipsos, non exponimus libidini Vicariorum & Præsidum Ultramontanorum; nos insectatur, nos parum recte sentire de Christo arguit, & hæreseos damnat, ac infames toto Orbe facit; quasi idem sit Robertum, dudum in Salassos transmissum, & nunc Genuæ agentem, Dominum non recipere, hostilem exercitum finibus arceret, patriam ab vi externa defendere, quod Christum abnegare, & à Catholica Fide recedere. O diligentem & mirificam Legis Evangelicæ interpretationem.

Quia potissima pars Italia submittere cervicem Guelfo recusat; ideo prave de Christo sentit, & à Communi Religione digreditur. Inventus equidem ista refero; quia non sine suggillatione dici possunt ejus, quem vereri omnes & adorare ut Summum & Communem Pastorem debemus. Sed quando aliter vivere, aut dignitatem tueri non possumus; pereat potius quicumque nos odit, quam injustissimum jugum, quamdiu possumus, non detrectemus. Quare, si me auditis; consulite in medium; dicite libere, quid facto opus censeatis. Nec dissimulandum est: Grave & periculosum bellum imminet: Quicquid aliquis nostrum peccet; scitote, communi pœna luendum: Nec pœnitentia juvabit, ubi admissus semel error fuerit. Auspicatus loquar: Si unus nostrum, vel omnes simul vicerimus, ea victoria salutaris omnibus futura est; honorem, statum, existimationem, & justioris causæ opinionem servabit. Nam quamquam Marcus filius inclusos mœnibus Genuæ hostes premat; haud tamen in tuto res sunt. Adventus Roberti Regis cum classe numerosa, nescio, quid paritura sit. Mihi videtur stabiliendum esse inter nos novum fœdus: exponendas uberius, quam hactenus factum sit, pecunias, ut copia argeantur, minimeque vires deesse nobis, ubi necessitas cogit, hostis intelligat: & ante omnia decernendum unum aliquem censeo, qui Caput sit Societatis nostræ, & curam ac administrationem præsentis belli gerat.

Hunc sermonem Passarinus Bonacossa, qui Mantuæ imperabat, talibus verbis excepit: Vera, certa, & Solis luce clariora loquutus est Fir inclutus

& observandus, *Matthæus Vicecomes*: qua si ipse taceat, proponenda à nobis, examinandaque, ac omni conatu exsequenda forent. Quid enim honestius, quid justius, quam propria tueri? Quid magis pius, quam inhumanas efferaque Gentes, & quorum vita præda est, arcere procul à patria, & populis, quorum tutelam, vel consensus hominum, vel fors nostra nobis detulit? Notum universo Orbi est, nos Imperiali auctoritati obnoxios, & id tueri debere. Notum quoque, Pontificem (pace tanti nominis dictum sit) non iusta aliqua ex causa nobis adversari; sed, ut *Guelphum tantum* (proh nefanda cogitatio!) præcellere in *Italis* faciat, inimicitias exercere: & proinde ab officio Pastoris, & qui Christi maxime vicem profiteatur, longe recedere. Quocirca equum censeo, & prudenti *Matthæi* consilio adstipulor: ut, quanto ex adventu Regis *Roberti* auctam adversariorum potentiam novimus, eo amplius & nos vires nostras extendamus: neque impense parcamus, dum utiliter exponere pecunias possumus: conspiremus quoque artius, & unum corpus unamque animam ex multis membris faciamus. Sit *Canis Scaliger* unus homo, cui summa huius administrandi negotii demandetur. Congruit hac ei cura, qui & opibus & dominio insignis est, tum viris, armis, equis ad bellum paratis instructus, ingenio corporeque militaribus negotiis exercitato, & ad tolerandas vigiliis patienti. Jam atas perflorida, & validudo prosperissima. Quare hunc Principem Societatis nostra declaro: & stipendium ad alendos ornandosque milites idoneum decerno.

Ad hæc *Scaliger*: Haud quidem ea in se agnoscere, subjunxit, ut tot præclaris Ducibus præferri mereatur: multos dignitate, opibus, ætate, experientia rerum potiores esse, quibus fortasse prudentius res tanta demandaretur. Quod tamen si ita statuerent: se pro virili enixurum, ut quam minime opera sua eos poeniteat. Cæterum qua de magnitudine imminentis periculi dicta forent, ea veriora veris esse: & paribus studiis incumbendum, ut omnino finibus hostes prohibeantur, ac potius internecone deleantur.

Hæc cum cæteri adstantes, & Legati absentium collaudassent; itur in novum fœdus. *Scaliger* Princeps, seu, ut dicebant, Capitaneus Societatis declaratur: *Matthæus Vicecomes*, quantum posset, ope & consilio communem causam juvaret. Qui & subinde *Scaligerum* compellans, *Fili chare*, inquit, debella mecum *Ligustinos Guelphos*; & ego tecum debellabo *Patavinos*. Sub his & mutua convivia lautissime agitata, & pecunia *Scaligero* non mediocris data. *Paslarino Bonacossæ*, ut spe emolumenti constans in fide perseveraret, *Dominium Cremonæ* promissum est. Effectumque, ut *Poncinus Ponzonus*, qui favore suo eam urbem paulo ante è manibus *Jacobi Cavalcabovis* eripuerat, sese illius dedititum profiteretur, ejusque auctoritate populum regeret. *Patavini* autem per idem tempus sibi publico Consilio Capitaneum primo, deinde Dominum elegerunt *Jacobum Carrarium*, *Marsilio* genitum.

A. C. 1119. Anno millesimo trecentesimo decimo nono *Robertus*, societate *Scaligeri* frustratus, exules quibuscumque conditionibus reconciliare cum adversariis studuit. Sed hoc quoque parum prospere succedente, *Marcum* minis aggreditur: verbis facta addit: classem expediri jubet: impositisque militibus, & Præfectis fratre Principe, & *Simone Turriano*, quam longissime in altum navigare, tum reverti: & vicum *Sextum*, quem parum diligenter custodiri noverat, petere. Ipse interim cum robore exercitus in montem *Peraldum* progreditur. Exacto meridie reversa classis conditum petit locum. Dumque milites in littore palantes ad naves repellit. Demum turma sagittariorum profiliit, quæ Germanum equitatum arena excedere coegit. Tum sublato clamore, & reliquis classiariis subsequenter, hostem usque desequuntur. Hic conantem retentare suos a fuga

A *Marcum* loco propellunt. Cædes ingens. Persequendi finem imminens nox fecit. Tunc *Marcus* defectionem suorum veritus, collectis clam vasis, suburbiis *Genuæ* recessit, exercitumque cis *Apenninum* reduxit. Sequuti exules, *Buzalam*, *Gavium*, & *Litabium*, ad amicos sese recepere. Victores post multa pretiosa in stativis *Marci* inventa, ab odio & studio vindictæ plurima ædificia *Portiferæ vallis* succendere. *Genuæ* autem pro re bene gesta cuncta lætitiæ signa edita sunt. Supplicationes indictæ, & *Cineres Jo. Baptistæ* circumlati: Rex & uxor cum *Primoribus* civitatis templa salutarunt.

B Quibus peractis, *Robertus* causatus, gravi de re convento Pontifice sibi opus esse; tertio Kalendas *Majas Genua* digreditur; atque *Avenionem* petiturus in *Galliam* navigat. *Liguribus* Præfectum reliquit *Ricardum Gambaterfam*. Quod quamquam trepidantibus *Gibellinis* non parum solatii attulerit, ceu gravi onere Regii nominis exoneratis; *Matthæus* tamen, haud temperaturum illum à turbulentis consiliis ratus, tam prono præsertim & infesto Pontifice; finitimos omnes Socios excitat, & fœderis admonet. Tum ad externam implorandam opem Legatos in *Siciliam* & *Constantinopolim* mittit. Erat è re *Theodori Marchionis Montisferrati* sustineri bellum; ut ea, quæ uxoriæ dotis nomine, & item testamento focii acceperat, tueretur. Nec inviti *Fredericus Siculus*, & *Andronicus Paleologus* in societatem adversus *Robertum* venerunt. Item *Joannes*, *Henrici Cæsaris* filius, *Boemorum* & *Poloniæ* Rex, & qui in Italia studebant *Cæsareo* nomini, *Matthæo* favebant. Dumque cætera expediuntur, *Matthæus* cum Oratoribus *Constantinopolitanis* Religiosum è *Cisterciensium* Ordine *Venetias* misit, qui pro veteri amicitia pecuniam mutuam peterent. Sed nequaquam par opinioni responsum datum est. Quippe ob magnam & inveteratam cum *Vicecomite* amicitiam *Venetos* libenter morem gesturos, ubi præcipue de tuendo Regno agatur: cæterum pecuniam, quæ publicitus servatur, adeo obstrictam esse; ut, nisi vocatis sæpius in Curiam Patribus, rogatisque sententiis, exponi extra publicos civitatis usus non posset. Neque *Ærarium* pati in præsens, ut quicquam erogetur; quia, cum *Turcæ*, trajecto *Helleponto*, *Thraciam* *Græciam*que vastarent, præbenda assatim stipendia militibus, & alendi exercitus ad eos fines tuendos forent. Quare ignoscerent *Matthæus* & Imperator; si pecunia non accommodaretur.

D Inter hæc, ne spe longinquorum propinquiora auxilia deessent, *Matthæus Marchionem Montisferrati* *Mediolanum* evocavit: & cum splendido comitatu obviam profectus, honorifice in urbem introduxit. Conductus præterea est ex *Germania* novus Ductor, *Guarnerius Umbrech* cum novo milite: cui *Marcus Vicecomes* focius adjungitur. Hi *Padi* accolæ, qui *Roberti* nomen profiterentur, invadunt: atque *Astam* petentes, ad fossam usque urbis venerunt. Erant cum his exules, cum quibus nonnulli cives conjuraverant. Ac jam mœnia adscendere conati sunt; sed, detectis insidiis, ab oppidanis dejiciuntur. *Marcus*, rei difficultate peripetita, in *Alexandrinis* revertitur, & *Gamalerium* oppidum capit.

F Non ita multo post à *Veronensibus* cæterisque fociis auxilia ex fœdere venerunt. Quibus aucto exercitu, *Marcus* denuo *Genuam* tentare constituit: ac superato *Apennino*, per eandem vallis, quas supra memoravimus, ad mœnia usque urbis devenere. Eodem tempore infesta classis, *Savonæ* orbarmata, ducente *Conrado Auria*, in conspectu adstitit. In hanc cives *Gasparem Grimaldum* cum onerariis triremibus mittunt. Qui ut incursum hostium validos sustineret, concatenari naves suas iussit; ut sui quasi ex quadam arce pugnarent. At

Hh

adver-

adversarii suas expeditas & celeritate eludentes agebant. Sero sensit inutilem sibi suisque suam fuisse artem Grimaldus: desideratisque plurimis sociorum (nam victi in mare se precipitabant) partem etiam navium amisit, reliquas aggre in portum reduxit. Interea & Marcus, rem prospere gerens, Turrim Phari, quam cives temporaria munitione restituerant, ad deditionem compulit: & in monte Peraldo ligneum castellum excitavit, quod à posteris lapide constructum *Bastita* nomen tenuit: atque hoc opposuit alteri, intra conjectum sagittæ ab adversariis muro ædificatæ, quæ *Castellatium* nunc quoque vocatur. Jam arctior inopia urbem premebat, nec convehendi commeatus ratio constabat; cum decem & octo triremes frumento onustas, à Roberto missas, divertisse ad Naulum oppidum exules cognovere: atque profecti magnam partem intercepte; nam paucas quasdam in terram subductas Galli servavere. In his angustiis cum sita res Genuensis foret; supervenere decem aliae ab Oriente triremes: quæ ex Pontica negotiatione reversæ cum Neapolim appulissent; Ducem earum monuit Regis Roberti filius, gravi fame laborare patriam; quare consulere, ut, depositis mercibus, conditioni temporum inutilibus, frumentum tolleret, ac Genuam deportaret. Usus regio consilio Navarchus eodem momento in portum delatus est, quo forte inimica classis aberat: ac peroptato ac necessario commeatu obsessos juvit, ac penitus sublevavit. Quia tantum animorum civitati adjectum est, ut confestim sex & viginti alias, quæ in portu stabant, armarint Præfecto Rainaldo Grimaldo; qui hostes infectatus, tota ditione Ligustica fugavit, & duas onerarias naves sale plenas ex Savonensi portu eripuit.

Tum celeberrimi in Italia nominis Raimundus Cardona, à Roberto missus, quinque & viginti alias ex Narbonensi Provincia advexit. Qui monitus, paulo ante abiisse hostes, atque Orientalem oram tenuisse; eos sine mora insequitur; ac circa Illicem, Portus Veneris oppidum, destitutas remige & præsidio naves invenit, atque abduxit. Reversus Genuam, magno honore & collatis muneribus recipitur. Cardonam nativo & usitato nobilis nunc quoque in Hispania familiæ nomine nuncupavi, non ignarus, interversam à Merula, sed parum probe, dictionem: qui, devitato illo, ut putavit, barbaro vocabulo, Cardanum dicere maluit, & frequentavit. Sed hæc est nobilis & vetusta Mediolani gens, ab oppido ejusdem nominis appellata. Cæterum, dum ea agerentur, quinquaginta triremes, ab Frederico Rege in auxilium Sociorum Vicecomitis missæ, in mare Ligusticum devenere. Sed ubi profligatos eos & mari cessisse, & omnia Genuæ confirmata, Dux eorum cognovit: tum quod, propinqua hyeme, haud diu morari poterat, retro in Siciliam rediit. Hæc mari gesta.

Terra autem Ugo Baucius, ut Marcum Vicecomitem ad sua tuenda averteret, agrum Derthonensium invadit; & Novas oppidum (incertum, vi, an deditione colonorum) recepit; & postridie Kalendas Decembris, prodente Bonifacio ab Alice è gente Guasca, ea parte urbis Alexandriæ positur, quæ Tanaro amne interclusa priscum nomen Bergolium servat. Et Symon Turrianus, Valentium cum sexcentis equitibus profectus, illud pariter oppidum recipit: & simul Padum trajicit: effususque in patentes Laumellinæ oræ campos, ad Ticinum usque prædando pervenit: ac vicinam omnem regionem inopinato pavore complevit. Sed opponit illi Matthæus Luchinum filium, qui statim prædatores trans Padum repulit: ac simul ipse Alexandriam proficiscitur, quo suis, qui in fide manebant, auxilio foret. Et forte Baucius lignandi causâ magnum numerum carrorum in

A proxima Montiscastelli nemora misit: seque cum levi armatura præsidio eis futurum ostendit. Monitus Luchinus, cum parva manu Ducem hostium oppido egressum, & proinde occasione, quæ saepius optari quam contingere solet, obnoxium, copias bifariam dividit. Partem trans Tanarum mittit; partem secum ducens, incautum hostem circumvenit. Cognovit statim Ugo, quo se loci precipitasset: & contractis suis in ordinem, ferociter pugnavit. Sed superabat adversariorum multitudo, & undique tela ingerebantur. Ugo, ex ingenita superbia victum se fateri recusans, manu Ugeti Campani transfixus occubuit. Cæso Duce, cuncti, qui supererant, capi se permiserunt: inter quos repertus Bertramolus Baucius, defuncti Ducis nepos, magnæ spei adolescens est: quem Mediolani diu Matthæus, ut in vinculis, honorifice habuit. Luchinus autem Alexandriam petenti Astenfi Ugonis corpus ad sepulturam concessit: luxereque hominem viri pariter & mulieres, atque sumptuoso funere extulerunt.

Per idem tempus obsides Cremensium, qui Mediolani habebantur, aufugerunt. Iratus popularibus eorum Matthæus, quorum dolo id factum fuisse existimabat, militarem turbam trans Abduam ad Vailatum oppidum contrahi iussit. Quæ priusquam ad justum exercitus numerum coiret, Cremenses cum finitimorum auxiliis circumvenere Vailatum, ac probris hostem laceßere. Eorum temeritatis & petulantiae impatiens miles Mediolanensis erupit. Ira fecit, ut turbatis animis ordines non servarentur. Ita tumultuarium certamen fuit: & ex errore multos suorum Mediolanenses desideraverunt, atque in primis claros virtute dignitateque viros, Gualterium Germanum equitem, & Emblavadum Bonsignorium. Matthæus, ignominie acceptæ impatiens, exercitum quam potest maxime auget, excisurus moenia domosque rebellium, si occasio rerum par desiderio fuisset. Sed ab eo temporis iniquitate exclusus copias reducit: deinde, adjuvantibus Scaligero Bonacossa Mantuano, Brixianum agrum invadit. Destituti omni finitimorum spe cives opem ab Etruscis civitatibus & Bononiensi implorant. Ducentis equitibus eorum auxilio designatis præficitur Aloysius Cavalcabos. Ei Gibertus Corrigius iter ad Padum & pontem Brixelli expedit. Contra vero transitum impedire conatus est Bonacossa. Sed cum paucioribus, quam opus foret, rem tentavit, & propterea cum suorum strage repulsus est: & rei infelicer gestæ Poncinum monuit: atque, ut celeriter cum armata manu insequeretur, effecit. Jam vero ad ripas Ollii fluminis Aloysius pervenerat: & cum jam partem copiarum transmississet, eo magis obnoxius excipiendæ injuriæ fuit. Irruente ferociter Poncino, fortissimus quisque ex acie ejus cecidit. Ipse & cæteri, qui superfuissent, abjectis armis, equisque sine fessoribus relictis, per devia & incognitos calles Brixiam evasere. Poncinus & omnis turba victrix onusta spoliis hostium læti Cremonam rediere.

His actis, Bononiam Gibertus Corrigius contendit: ubi consensu Etruscarum civitatum, Florentiæ, Senæ & Perusiæ, tum populo Flaminie, Capitaneus & Signifer totius Guelphi Nominis creatur: milleque equites, & tria peditum millia attributa ei sunt. Quo ornatus titulo Guastallam reversus, & Pado ponte juncto Brixiam contendit. Madiorum castella infestus aggreditur: Gaydum oppidum expugnat ac diripit: ac cætera ita afflixit: ut inquieti quicquam ab exilibus deinceps Brixia vix senferit. Inde Bergomensium agrum populatur. Mox, docente Jacobo Cavalcabove, instructam esse Cremonæ occupandæ conjurationem; eo nocturno itinere proficiscitur: & perfr-

cto urbis muro intromifere milites, unaque portarum capta est. Et turba ingressa Potentiorum domos populatur: inde tenuiorum quoque opes invasit: ac omnia sine discrimine confusa sunt: & cladem, qualem raro alias, peropulenta civitas accepit. Poncius cum in tumultu & hostium manu cuncta esse perspexisset; ab averfa porta emissus abiit. Cavalcos denuo urbis dominium occipit.

Inter hæc, ut certiori vinculo se invicem tenerentur, Corrigius & Turrianus affinitatem contraxere: Symon, Giberti filius, filiam Francisci Turriani ejus, qui Guidone Mediolani Domino genitus fuerat, uxorem duxit. Et Ugutio Fasolus, apud Scaligerum stipendia faciens, nihil magis animo agitabat, quam ut in antiquum imperium Lucae Pisarumve rediret. Forteque ei oblata est occasio conspirandi cum Spineta Malaspinga: qui, non exiguae auctoritatis vir, complura oppida in Lunensi possidebat, commoditatemque ad occupandas Pisas allaturus videbatur. Nec ignaro Scaligero ista agitabantur. Itaque, acceptis ab eo quatuor centum equitibus, Parmam usque Ugutio penetravit. Sed non latuere doli. Pisani & Lucenses junctis armis præoccupandum hostem decernunt: & conscripto exercitu, summæ rei Ducem præficiunt Castrucium Castracanem Antelminellum, cujus originis & fortunæ mentionem supra habuimus. Is confestim ditionem Spinetæ invasit, & brevi oppida omnia in potestatem redegit. Spoliatus fortunis Spineta, cum uxore & liberis in exilium abiit: sicque & Ugutionis conatus evanescere, & Castrucius ob rem bene gestam consensu Optimatum Dominus & Protector Lucensis civitatis creatur. In cujus rei tempore non ignoro Blondum, & qui eum sequuntur, discordare: existimantes, eodem momento Castrucium imperium Lucense indeptum, quo, ejecto Ugutione, capitis periculo creptus est. Sed triennium intercessisse Chronica temporum illorum demonstrant.

Cæterum in antiquissimarum rerum Monumentis legimus, Arcam Domini apud Hebræos quodam prælio ab hostibus captam atque abductam, pestilentem & perniciosam omnibus, ad quos pervenerit, fuisse, donec multo auro argentoque ornata in locum suum remissa est. Phocenses quoque in Græcia, occupato Delphici Apollinis Templo, sacram omnem pecuniam sustulerunt: quod quamquam necessitate aliqua compulsi fecerunt; mox tamen, à Philippo Macedonum Rege devicti, sacrilegii poenas dedisse crediti sunt. Apud Romanos quoque cum Q. Cæpio Consul diripisset Tolosanum Italiæ oppidum, & multum auri in Templis repertum fuisset; quisquis ex ea directione aurum attigit, misero cruciabilique exitu periiit. Et Pompejus Magnus.....

Tali fato exemplum his quoque temporibus contigit. Meminimus supra in rebus Longobardorum Regum, non mediocrem vim auri conditam Morguntiae in Templo Divi Joannis Baptistæ, cura & diligentia Theodolindæ Reginæ. Ea, quantum hactenus viderim, religiosa & intacta mansit ad us-

A que Turrianorum tempora: qui, Regnum necessaria impensa defensori, sacro auro manum injecere, pignori foeneratoribus locavere: à quibus ad alios atque alios mercatores transivit: observatumque est, eos omnes omnibus fortunis subinde excidisse. Abfuit autem per sex & quadraginta annos: cum demum Matthæus Vicecomes admonitus, quorum in manibus Theauri erant; eos persoluto pretio redemit, atque liberaliter ad loculamenta sua hoc anno remisit. Quod quo difficiliore tempore & rerum conditione perfecit, eo diuturniorem in gente sua fortunæ prosperitatem fancivit.

B Dum ea in Liguribus & Circumpadana Italia geruntur, Canis Scaliger, animo agitans Patavinum Regnum, primæ occasione, quam nactus est, potiundi oppido Montefilice non defuit: ejusque arcem per prodicionem occupavit. Distat ea Patavio decem non amplius millibus passuum, loci natura & humana arte munita, prope inexpugnabilis. Frequenti colono habitatur. Planities subjacet uberrimi campi, à re ipse Divitis nuncupati. Nec aquarum calidarum thermæ defunt. Inde tuto excurrendi in subjectam regionem cum facultas foret: paulo post Esten & Montagnanam occupavit. Cumque jam propius urbem exercitus evagaretur; suspensum demum bellum est; & induciis factis, C Veronam Canis rediit, gravi relicta inter Patavinos cives discordia. Qui dum mutuis injuriis & cædibus se conficiunt, id, quod hostis optabat, peragebant. Sed non ita multo post Canis bellum renovat: atque hostiliter discursans, in omnem ætatem & sexum gladios stringebat. Inopes rerum simul & consilii Patavini de peregrino auxilio cogitabant. Cumque alii Pontificem & Roberti Regis auctoritatem proponerent; Tarvisinorum sententia fuit, ut Fredericum Austriæ Ducem potius eligerent, qui & propinquitatem loci commodius adiri, & opinione Germanicæ militiæ majori terrore adversariis futurus videbatur. Ad hunc igitur missis Oratoribus, brevi deditionem conficiunt iisdem conditionibus, quibus & Tarvisini sese eidem addixerant: & protinus Vicarius datus, qui & populum regeret, & Cani denunciaret, rem sibi cum Duce Austriæ deinceps futuram. Sed id minime curavit Canis: eoque majoribus viribus bellum instaurat, quo potentiorum hostem cognoscebat. Jam urbem arcta obsidione premebat: cumque prope esset, ut fame coacta deditionem faceret; importatis comæatibus extracta spes hominum est in aliquot menses. Demumque Comes Guriciæ, mille equitum præsidio accepto, tanta celeritate supervenit, ut prius Paduam ingrederetur, quam ejus adventum Canis senserit. Postero die in aciem descensum est, & summis viribus pugnatum. Demum Scaliger, mille & quingentis suorum desideratis, & equo ipse suffosso, cedere acie coactus est: castraque ejus, rerum affatim plena, prædæ hosti cessere. His peractis, Guricius quasi in liberatione urbis mandata adimplevisset, seque ulterius infestum Cani non futurum ostenderet, induciæ factæ sunt; quibus permisum est Cani, quæ de Patavino agro cepisset, retineret.

TRISTANI CHALCI,
MEDIOLANENSIS HISTORIOGRAPHI,
HISTORIAE PATRIAE
LIBER XXII.

E P I T O M E.

Nuptia Mediolani celebrata, ac iustitiam interea indictum. Novus urbis Praetor cum exercitu missus ultra Abduam, dum populatur, amittit filium. Robertus Rex apud Pontificem agit, ut Genua obsidione liberetur, utque Matthaeus Vicecomes ab imperio Mediolanensi dejiciatur. Cardinalis unius ad ipsum Legatione hoc in primis tentatum; sed frustra. Veniendum igitur ad arma duxerunt. Missus est contra ipsum exercitus: cuius Duces Philippus Valesii Comes & Carolus Gallicus erant. His etiam Florentini accessere. Matthaeus ex adverso exercitum colligit non minorem. Philippus, ab exulibus Papiensibus Papiam, à Turrianis Mediolanum advocatus, pecunia tandem illectus Vercellas petit contra Ticiones, illius arcis possessores, quos ipsemet etiam Matthaeus fovebat. Galli porro, ad colloquium cum Vicecomite congressi, ac partim rationibus, partim auro persuasi, re infecta, redire in Galliam decreverunt. Matthaeus inde Ticiones enixius fovet, ac in tempore juvat: cumque Seprium in agrum secessisset, mox Mediolanum revertit. Patavium sub Ulrici Walse regimine perseverat. Moritur Matthaei uxor, jam decem liberorum mater. Ex his unus Marcus, interceptis cibariis, quae Vercellas comportabantur, ipsamet etiam deinde potitur urbe: multosque hostium ad Matthaeum patrem mittit: qui carceribus perpetuis addicti numquam postea comparuerunt; excepto Episcopo, inde fuga elapso. Pontifex interim ac Robertus Rex alterum deligunt Ducem belli contra Vicecomitem gerendi: Raimundum videlicet Cardonam. Marcum filium Matthaeus illi opponit, tum & alios submittit. Galeacius inter hac Cremonam obsidere meditatus, bellum inde Cremonam transfert: eamque demum ad deditionem coegit. Solemnnes nuptiae in urbe Parma celebratae. Vergusius Landus à Galeacio deficit. Privatur inde Ripalta, Ditionis sua oppido, postquam nihil auxilii à Beltrando reportasset Cardinali, ad quem confugerat. Idem certe Cardinalis interea Matthaeum Ecclesiasticis praeceptis exagitat: vocatumque ut causam, cuius accusabatur, coram dicat, neque comparentem, diris devovet: quin etiam propositis Indulgentiis ad arma contra ipsum suscipienda Fideles sollicitat: necnon etiam Interdicto Mediolanum subijcit. Fredericus quoque Austrius, in ipsum incitatus, milites jam miserat: cum Matthaeus ad eum missa Legatione illos à se avertit; praequam quod in id ipsum nuncios ad Beltrandum & ad Scaligerum, apud quos alia molirentur, direxerat. Beltrandus conditiones pacis proponit; sed ea Mattheo non probantur: Sacerdotes aliquot Mediolano ad se accersit; à Mattheo non gravatim dimittuntur; & cum mandatis, ut suo nomine Pontificem rogent, ne, quod contra Robertum Regem ipse facit, ille vertat in sui contumeliam: Episcopum Parmensem mittit, qui Matthaei exploret voluntatem; Matthaeus reverenter illum adit: Mattheum denno & filios Valentium ad causae dictionem vocat; Matthaeus Duodecim ex Primoribus civitatis illuc mit-

tit; qui, cum Cardinalem audivissent, pacem concludere. Matthaeus è propinquieribus civitatibus amicos Proceres ad consilium convocat. His etiam Galeacius ab urbe Placentia, relicto ibi Actio filio, ubique cura civibus commendata, supervenit, patrem animavit, & omnem negotii huius curam sibi suscepit. Matthaeus ergo templa interim reverenter adibat, seque palam & dictis & factis Catholicum, & ab omni haereseos labe immunem profitebatur. Cumque Modoetiam perrexisset, ut Joannis Baptista templum reverenter saluaret, ac thesauros paulo ante à se pecunia sua redemptos, illique restitutos recognosceret; ibi languore correptus, indeque ad Crascentiagi Caenobium adportatus, occubuit, ac sine funeris pompa sepultus est. Obitum tamen Galeacius tantisper occultavit: eoque jam tandem vulgato, cives ad concionem vocat, communique consensu perpetuus & ipse urbis Dominus declaratur. Eosdem igitur & ipse Oratores ad Beltrandum remittit; neque tamen quicquam interim remittit è cura belli, quod ad Bassignanam contra Raimundum gerebatur. Arrox illic praelium, & utrinque cades; sed Vicecomes tamen victor. Pacem Oratores paratam retulere; si Galeacius dominio cederet. Quod quia ille detestabatur; acerbe de ipso tota passim urbe plerique oblocuti. Varia interim prodigia in aere apparuerunt: neque deerat, qui gravia imminere mala predicaret. Vergusius Landus, acceptis à Beltrando praesertim ac Raimundo militibus, Placentia potitur: quae Pontifici nunciata res gratissima fuit. Modoetiam subinde occupant, quin etiam Mediolani ad suburbium Ticinense castra locaverunt. Brevis tamen ibi mora, deficientibus cibariis, & ingrante hie. Itaque Modoetiam secessum. Interea Mediolani seditio in Galeacium invalescit: & ille propterea semet ad urbem Laudam recipit: novaeque Mediolani administratio constituitur. Galeacio tamen multi auxiliares copias submittunt: brevi que ab ipsis Modoetia recuperatur. Quod Mediolanenses agerrime ferentes, eandem protinus amicorum ope obsederunt, excidionique tandem ac militum praeda tradiderunt. Exinde tamen Mediolani metus ingens ac dubitatio, necnon etiam torpor, & segnitie, & discordia inter ipsos etiam conjuratos.



PRINCIPIO anni millesimi trecentissimi vigesimi celebratas Mediolani fuisse nuptias lego in Diariis Jurisperitorum; atque ob sacra connubialia suspensas in Foro fuisse causas. Arbitror, tunc Matthaei Vicecomitis nurus junctas sponsis suis fuisse. Mox pridie Idus Februarias Paulus Arengerius Praetura Urbanam inivit. Qui Nonis Maji trans Abduam cum exercitu missus, dum subiectum Romano oppido agrum populatur, filium, egregiae spei juvenem, telo ictum amisit. Relatus Mediolanum adolescens,

fcens honorifice pro patris dignitate tumulatur.

Interea Robertus apud Pontificem agebat, ut Genua obsidione liberaretur, & Vicecomes Mediolanensi tyrannide deiceretur. Duplex provisio decreta: altera, quæ scripto & Legatione; altera, quæ vi & armis conficeretur. Legatus in Italiam missus Beltrandus Poretus, vir genere Pictaviensis, & titulo Sancti Marci presbyter Cardinalis Romanæ Ecclesiæ. Is Astam primo petiit: atque inde litteras & nuncios ad Matthæum mittit. Hortatur & suadet, ut Genua & finibus Ligurum penitus abstineat: tum cætera, quæ ex decreto Patrum Pontifici deberentur, præstaret. Matthæus, quid sibi in his Pontifex arroget, ignorare se, respondet. Notorium quidem Orbis esse, & à Majoribus se accepisse, universam oram Ligusticam Imperatoriæ ditionis esse: Mediolanum vero ipsum, prope pro monstro sibi videri, quod quispiam Ecclesiasticus asserere audeat: Cæsarem semper hic cultum fuisse: & quoad vires sibi suppetent, se culturum. Si qua alia in re officium suum requiratur, libentissime obsequuturum.

Hæc ubi in Gallia recunciata sunt, haud secus accepta fuere, ac si extremæ contumaciæ reus Matthæus foret. Itaque omnium studia ad belli consilia conversa sunt. Cujus summæ præficiuntur duo Duces Philippus Valesii Comes, & Carolus Gallicus: ille Francorum Regis frater, hic ex altero Carolo ejusdem nepos. Additus consilio prudens & rebus gestis clarus Berardus Margolius, Roxii Comes. Qui Avenione congregati auspicia bene gerendæ rei, titulum militiæ à Pontifice accepere. Ad mille autem equitum in Astam Junio mense descendere, immenso Guelphorum gaudio: nec dispari honore acceptus ab iisdem est Philippus. Qui, Principis Pedemontani amicitiam ante omnia aucupandam ratus, statim illi donavit Savignanum, ex ditione Roberti Regis oppidum. Quo facto multum de judicio & existimatione apud Italos amisit: qui indignum censebant, ab homine peregrino, & alienis auspiciis res gerente, arces & castella donari: & fines, quos augendos suscipere debuisset, nondum peritus locorum imminuere.

Florentini quoque, eorum adventu cognito, quantum possunt, militum contrahunt, auxilia à sociis accersunt. Mille circiter equites coacti, & peditum longe major numerus: qui in descensu Apennini invadere Vicecomitem jubentur; & si possent, Philippo sese conjungerent. Matthæus pariter omnia circumspicere: ne impar viribus sit, operam dare: ab Aretio, & Luca, & cæteris Cæsarei nominis amicis auxilia petere. Et undique ad eum copiarum confluebant: & aderat Germanorum cohors, ex exercitu Henrici superstes, & Italicæ militiæ gnara. Luchinum & Stephanum filios his præficit. Galeacium à Placentia evocat: qui raptim montanam juventutem obarmat. Novariam convenire omnes jubentur. Jam Philippus, hostilium copiarum Ductor, Valentium venerat: & multitudine Competitorum, in diversas partes vocantium, in diversa animus ejus distrahebatur. Ad eum enim, tamquam Principem & universalem Vicarium, hominum concursus fiebat. Papienses exules, ut recta secus Padi ripas Ticinum duceret: Turriani, ut Mediolanum potius appeteret; quod caput esset, & proinde integris viris aggrediendum; inde omnia plana futura, & ad votum succellura. Sed cum propinquitate loci, tum quod decem millia aureum præsentis pecuniæ oblata sunt, cum ad se avertit Symon Corrobianus, Vercellensis: qui Ticioni infestus, cum domo & finibus exturbare nitebatur. Tenebant autem Ticionæ arcem Vercellarum: ac, ne deficerent, Mat-

A thæus omni ope curabat: exercitumque ad ipsas Sessitæ amnis ripas promovit. Allabitur moenia fluvius: sic intueri castra amici pariter atque hostes poterant, ac pro animorum habitu spem metumque ex eo capere. Ad triginta enim hominum millia jam habebat. Quorum virtuti etsi satis confidere poterat; tamen nec ab occultis artibus, si qua avertere vim belli posset, Matthæus cessabat. Ac demum pacis mentio Gallis placuit: veneruntque Duces ipsi in colloquium. Et prior Galca-cius sic verba fecit: *Si in Orbe terra ii, qui cæteris hominibus præsent, legibusque & imperii populos cohibent, intra muneris sui fines manerent; profecto equalibus constantiusque res humana sese haberent; nec nunc Tibi gravis & periculosa belli provincia injuncta foret; nec nos cogeremur arma sumere, exercitumque ducere adversus Gallicam gentem, cum cujus Regibus longa sanctaque amicitia, ac mutuis beneficiis aucta nobis intercedit. Pater & nos filii nomen vestrum, quoriam ex Gallia quispiam transivit, prope religiose coluimus. Cum vero ad salutandum patrem tuum, qui culmen Regni tenebat, veni; quam benigne, quam honeste exceptus fui? Certe, si cætera ignorantur; munera & militaria ornamenta, mihi in conspectu totius Gallia collata, satis declarant. Fratrem Carolum, qui nunc regnat, annos ad hinc circiter viginti Romanæ petentem, Mediolani comiter & honorifice excepimus. Absentem muneribus prosequuti, opportuna quoque itinera suppeditavimus. Nec ista obijciendi beneficii gratia dicta putes. Tantum ut scias, intercedere nobiscum amicitia jura, non armorum, non ut inimicis nostris morem gerens fines nostros hostiliter invadas. Dices, parendum Pontifici esse, cujus jussu Alpes superate sunt. Equidem, Pontificis numen in terris maximum & venerandum esse, non abnuerim. Sed & ipse homo est, & falli judicio potest; cum præsertim factiosis hominibus Aula patet. Proinde videndum est, quam sit æquum ejus imperium, quam justa in nos arma moveat. Procuratorem in Longobardis Henricus Septimus, legitimo & solemnem Casarem more Roma coronatus, nobis tradidit: sicque ejus jussu Mediolanensi & cæteris urbibus præsidemus. Nullam Pontifici, aut Ecclesiasticum Ordinem proficenti homini, injuriam intulimus. Genuensium tantum extorres, popularium insidiis domo pulsos, & à nobis opem implorantes, juvimus. Quid hoc rei est? ut nos à grege Christiano exterminare Joannes Vigefimus secundus debeat? Hocne est Sacra atrectare? Tempia spoliare? Virgines religiosas violare? Sedemne Petri, & ipsam urbem Romam prædati tibi videmur? Et tamen execrationes detestandas ac ignominia plenas in nos parare videtur: & Tui ad nos perdendos cum exercitu mittendi auctor impulsorque fuit.*

E Cui quidem obtemperare cupimus, mandatisque parere parati sumus; modo tantisper flectatur, & ab odio in nos concepto recedat; ne in ordinem nos deducat; inimicorum libidini subiciat, Casareo munere privet, futuros simul ludibrio iis, qui nos patrio solo evolvere student. Atque ut credas re ipsa, qua dico, præstare vellem: jam spondeo, nos Fratre Rege, vel Te, disceptatore de iis, quæ in controversia sunt, usuros: Nunquam auctoritatem vestram, & quodcumque censueritis, defugiemus. Amplectere mentem hanc: & suscipe causam, quæso, eorum, qui nihil hostile adversum vos cupimus, qui respectu gentis vestræ & diligenti observantia in Francorum Reges tenemur. Cave, quisquam tibi persuadeat, ut congregati pralio nobiscum malis, qui inviti adversus vos pugnamus: qui, in patria arma tenentes, & ducere mora sedendoque bellum possumus: & si quod detrimentum fortuna, quam non ignoro plurimum in bello posse, attulerit; facile reparare vires exercitumque restituere finitimorum auxiliis possumus. Tibi, in peregrina terra agenti, unum adversum prælium totius belli finem afferet. Nam si quid alicunde expectas: si ab aliquo Italia angulo spe auxiliorum fovemini; scito, procul nimis esse triclinium istud à culina

Tina illa, ut dici apud nos solet. Longe distat Etruria à Salassis, Arnus à Sessite, Florentia à Vercellis. Tota Longobardia longitudo, nostris amicorumque nostrorum septa armis, eorum abs Te copias intercludit. Præterea inops & sibi discors populus sæpe majora viribus promittere non erubescit.

Efficax hæc oratio apud Philippum fuit, juxta æstimantem & periculi sui magnitudinem, & causæ apud suos iniquitatem. Ad hæc ingens vis auri, clanculum data, mollivit animos. Itaque pax brevi sic facta, ut Philippus & Margolius trans Alpes redirent, Corrobiano in tres menses infestus Galeacius non foret. Reversis in Galliam Ducibus non mediocri vitio datum est; quod, nulla commissâ pugna, ac ne hostili quidem terra adita, à negotio discessissent. Respondit Philippus, nec ad tempus venisse auxilia Sociorum, nec pecuniam ad solvenda militibus stipendia datam: magisque ex usu belli & Gallici nominis dignitate fuisse, exercitum servare, quam descrimini Martis & fortunæ varietati tot præstantium virorum salutem objicere. Philippo id tantum profuit, quod Regis frater erat. Margolio enim, avaritiæ & levitatis summæ vel potius perfidiæ damnato, cum bonorum omnium mulcta, ignominiosa etiam mors irrogata est. Eorum digressu Symon Advocatus cum nulla ratione reconciliari Vicecomiti posset, per induciarum tempus oppidum Corrobianum (unde alterum illi cognomen) & partem urbis à se occupatam, præsidio valido, armis, comætuque munit. Contra Matthæus Ticionem enixius fovere: &, exacto trimestri, Marcum filium aperte in auxilium mittere. Ipse interim, per Octobrem mensem in agrum Seprium secedens, Nervianum & Angleriam petit: moxque ad urbem rediit. Per idem tempus Patavinam urbem obtinebat Ulricus Walse, Præfectus Stiriae, Frederici Romani Regis nomine. Hunc Canis Scaliger diu multumque oppugnavit. Sed tandem ipse ingenti prælio victus cessit: & Patavini leges, ad quarum normam viverent, ab Ulrico accepere.

A. C. Sequenti anno millesimo trecentesimo vigesimo primo domesticum luctum Matthæus passus est, defuncta conjuge ejus, Bonacossia Burra, jam decem liberorum matre. Quorum quinque masculorum supra infraque mentionem habemus: foeminarum primam, Catherinam, matrimonio Albuini Scaligeri junctam, supra ab hinc tres & viginti annos docuimus: reliquarum nuda tantum nomina in Parentalibus libris, quos Sacerdotes ad anniversarias defunctorum expiationes servant, inveni; adeo illas injuria temporum obscuras reddit. Floramonta & Margarita in Divi Francisci, Achilla & Zacharina in Eustorgii Ædibus, ubi & mater, sepultæ sunt.

Cæterum interea procedebat obsidio Vercellensis. Corrobianus spe propinquorum auxiliorum suos jam languescens sustentabat. Erant adhuc Valentii & in Bergolio Alexandrino Hispani equites sexcenti, præterea Itali multi, qui à popularibus domo ejecti exulabant. Hi frumenta & cibaria contractis undique plaustris & jumentis imponunt, ac ea Vercellas ducere parant. Marcus, Matthæi filius, qui huic expeditioni præerat, per exploratores cognovit adventantium numerum, vires, & impedimentorum magnitudinem. Fit eis obviam cum Prætor Urbano: qui recens in supplementum attriti per hyemem exercitus egregiam bello manum adduxerat. Haud mora pugnae, ubi in mutuum conspectum ventum est, fuit: atque ex certamine ingens cædes edita. Petrus, Licorvi Comes, ordinem apud adversarios ducebat. Hic strenue pugnanti Marco se opponit: &, nisi à suis de-

A stitutus fuisset, memorandum aliquid edidisset. Sed, equo suffosso, graviter & ipse vulneratus in terram evolvitur: cujus casu trepidavit reliqua acies, tergaque universi dedere. Trecenti & amplius cæsi, longe plures capti, commætu vis omnis direpta. Licorvus pro mortuo habitus tandiu inter cadavera jacuit, donec, digressis victoribus, tuto se consurgere posse vidit: seque ad suos recepit. Hoc prælio Corrobianus, & cuncta Advocatorum Factio adeo fracta animo est; ut, desperata salute, supplices zonis collo demissis munito loco descenderint; &, veniam erratorum petentes, arbitrio victoris se arcemque permiserint. Marcus ex his Symonem ipsum, & Episcopum, duodecim præterea alios delegit: quos vinctos Prætori Mediolanensi tradidit, ad patrem ducendos. Matthæus eos perpetuis carceribus addixit: nec amplius postea comparuere, uno tantum Episcopo excepto. Qui, cum ex diuturna mora tædio affecti custodes largius potassent, dormirentque profunde, tunicam & capitis tegumenta paleis opplevit; & imaginem loco sui inter dormientes collocat; ipseque per latrinam elapsus evasit. Amici descendentes moenibus, lintre excipiunt, atque incolumem Bugiellam oppidum perduxere. Receptis Vercellis Marcus Prætorum ex arbitrio imponit: & Ticionem, victoria exultantes, nec à cupiditate ulciscendarum injuriarum temperantes, altas opulentasque Advocatorum domos invadunt, bona diripiunt, ædificia igni ferroque evastant, atque evulsis fundamentis solo æquarunt. Ita perhonestæ sui parte urbs clarissima deformata est.

B Pontifex autem & Robertus, Philippianæ expeditionis spe frustrati, summam belli delegant Raimundo Cardonæ: cujus militaris virtus inspecta paulo ante Genuæ fuerat. Is, haud sane felicioribus, quam Philippus, auspiciis electus, pridie Idus Majas Astam se contulit. Confluxere statim ad eum Procures partium studiosi, & mercenarii milites, & qui pro tuenda Factione in armis erant. Matthæus, adventu novi hostis audito, Marcum filium cum præsidio Alexandriam proficisci jubet. Qui, trajecto Tanaro, oppidum Quadraginta-Familiarum recipit, Solerensium conterminos agros populatur. Contra adversariorum quingenti equites, à Valentio transmissi, Montem-Castellum diripiunt atque succendunt. Mox Raimundus ipse subsequutus Quadraginta-Familias expugnat: Germanos equites in præsidio captos abduxit. Accessit paulo post novus ex Gallia equitatus. Quibus auctus copiis Montem transgreditur, & Occimianum per deductionem recipit. Inde in Alexandrinos versus, eorum agros evastat: vicinos Derthonenses adoritur: ac Ponte-Curono oppido (cui nomen præterlabens fluvijs dedit) potitur. Trepidabant ergo oppidani magnitudine detrimentorum: & nova consilia capere ferebantur. Marcus ab Alexandria subito, quas potest, copias contrahit: atque populabundo hosti occurrit. Sed in certamen ullum ventum non est; quia uterque, alterius opinione magna imbutus, mutuo metu sese in castris continuit; & veluti defugientes conspectum abiire. Ex itinere Raimundus Baci-enorum agros populatus, tumultum in oppido excitavit: ac brevi sine pugna eo potitur. Amici Vicecomitis in arcem confugere. Quibus ut auxilio foret, Stephanus copias continuo à Vercellis ac Sociis evocat. Matthæus insuper Jacobum Iseum, Prætorum urbis, è Mediolano ad eum mittit. Sed transire Padum, occupatis ab hoste claustris, non potuere. Itaque Stephanus, frustra perrumpere conatus, retrocessit. In hoc discrimine rerum Matthæus Gerardi-num

num Spinulam, virum opibus & usu rei militaris ea tempestate clarum, accersit: summumque illi imperium adversus Cardonam tradit. Is, Stephano & Iseo conjunctus, saepe quidem hostem in certamen provocavit. Sed elicere unquam non potuit; satis in praesenti actum existimante Raimundo, si parata tueretur, & transitu Padi inimicos arceret.

Inter hæc Galeacius, Placentiae agens, obsidendae Cremæ negotium suscepit. Socios habebat Poncinum Ponzonum, & Opizonum Landum, qui longe notior est fortuito cognomine, Vergusius passim nuncupatus. Sed cum potiri oppido non posset, agrum evasit. Defensores incrant Turrianus Patriarcha Aquilejensis & septingenti à Brixia Cremonaque viri. Tum Galeacius bellum ad Cremonam transfert: ac, castris ad portas positis, eam undique circumvallavit. Vergusius & Poncinus regionem populantur. Quos præda cohibere conatus Comes Sartyranæ, cum centum equitibus illis occurrit. Commisso certamine, majori parte suorum amissa, ægre cum paucis evasit. Altera hostium turba ex Cremenfi cum præda revertebatur: in quos investiti alacres ex recenti victoria Duces, facile perturbantur, & late fugatos impedimentis omnibus spoliarent. Amicolus Turrianus, & Maximus ab Ecclesia cognominatus, intercepti Placentiam ducuntur. Jam arcta erat Cremonæ obsidio: & fames populum varia loqui cogebat. Jacobus Cavalcabos, viribus diffusus, clam cum pecunia egressus, Bononiam & ad Etruscas civitates abiit. Docet, quo summa rei loco sita sit, & quanti referat Cremonam amitti; posse tamen adhuc defendi, si celeriter auxilia submittantur. Denique sexcenti equites armati fuere, & ei attributi: simul Franciscus Scottus, qui tunc Placentia exulabat, in societatem assumptus. In Parmensem agrum conveniunt, imbuti spe Padum trajiciendi per ditionem Giberti Corrigii. Sed is præter opinionem spiritum diutino morbo conflictatus posuit. Obiit autem quinto Kalendas Sextiles in oppido Castronovo Corrigiorum. Ergo per montana circumflectentes, in Placentinum perveniunt: oppidum Bardum circumfident. Sed arcem fortiter Galeacii nomine tutatus est Nellus à Massa cognominatus. Reliquis hostium incursionibus Manfredus Landus occurrebat, & quantum poterat, à præda arcebat.

Cavalcabos, ubi cognovit laxatam Cremonæ obsidionem, ab obsidione Bardi recedit: & cum reliquæ acies ordine sequerentur, ipse cum viginti, aut paulo amplius, fortissimorum virorum præcedit: nec ita multo post in exploratores inimicos incidit. Coactus cum pluribus inire certamen, strenue quidem aliquandiu dimicavit; sed nimia imparitas bellatorum obfuit. Cecidit graviter vulneratus Ductor; & Parmam relatus, brevi animam reddidit. Leonardus Arcellus, inter captivos inventus, Mediolanum perducitur.

Hac cura liberatus Galeacius (nam cæteras copias subsequentes, Ductoris vulnere consternatas, facile profligaverat) exercitum reducit Placentiam: & acceptis à patre in supplementum quatuor millibus peditum, & quingentis equitibus, per Decembrem Cremonæ obsidionem instaurat: claustra terra Padoque occupat, ac praesidiis firmat. Nec recessit, quamvis hyberna frigora urgerent, & perincommode miles sub pellibus & tentoriis duraret.

Denique, appetente vere anni millesimi trecentissimi vigesimo secundi, cives, desperato undique auxilio, deditionem paciscuntur. Peregrini omnes, ab averfa porta emissi, incolumes abire

permissi sunt. Galeacius, urbem pacato agmine ingressus, à vi & injuria tutos cives praestitit, statumque civitatis ad arbitrium composuit, redditumque cunctis exulibus concessit, præterquam nominis Cavalcabovis. Reversus Placentiam, co Beatricem uxorem cum Actio filio jam pubescente accersivit.

Eodem tempore Parmæ perquam celebres nuptiae actæ sunt. Joannes Quilicus Sancto-Vitalis Vanninam filiam filio Ugolini Rubei Andreasio despondit. Univerfa Nobilitas ad solemnia invitata: quadringentæ matronæ honestæ cultæque, viri supra mille affuere. In Episcopalibus Aedibus prandium paratum est; quia privata domus multitudinem convivarum non capiebat. Epularum omnifariam mira abundantia, & supra modum census illius. Vergusius vero Landus, seu invidia seu diffidentia potentiae Galeacii, ab eo defecit. Sunt qui cupitam eidem putent fuisse Blanchinam Vergusii uxorem, vocatamque ab eo ad diversorium suum. At matrona pudicitiae metuens, longum propinquorum ordinem duxit. Quos ut Galeacius conspexit: *Non opus erat*, inquit, *ut tot stipata viris matronisque accederes*. Illa erubuit: & *se alio tempore venturam*, respondit. Reversa domum conscendit equos, & in tutam abiit. Ex eo veritus Galeacius, Vergusium non quieturum à turbulentis consiliis; primum providit, ne quid is maligni in finibus patrare posset; eripuitque ei Ripaltam, oppidum non procul Placentia situm. Sed mox eandem Vergusius per fraudem, & studio inquilinorum adjutus, recuperat. Raptim contrahit agmen Galeacius, & arcem natura prope inexpugnabilem circumfident. Fames & rerum inopia mutare consilium coegit. Venturum se in potestatem inimici, si in ea peristeret, Vergusius cognovit. Itaque, relictis qui eam custodirent, clanculum descendit, atque ad Cardinalem Beltrandum profectus est. A quo cum nihil, ut in praesenti adjuvaretur, impetraverit, spatium Galeacio cogendi obfessos ad deditionem Ripaltæ præbuit: quam ira accensus everti ad fundamenta jussit.

Interea Beltrandus Ecclesiasticis imperiis Vicecomitem agitabat. Demum Mediolanum venire clari Sacerdotes, Matthæo denunciante, ut Astam ad Beltrandum, vel in Gallias ad Pontificem cat: causam, cujus accusabatur, coram dicturus; quando ejusmodi esset, ut per nuncios aut procuratores confici non posset: diesque ad id præscripta. Excusare Matthæus primo ætatem suam; quippe septuagenarius longinqua itinera obire non poterat: deinde propinquiora loca longe sibi suspecta esse; ut in quibus inimica Factio, & ii, cum quibus de imperio & vita dimicaret, plurimum possent. Dari sibi verba, & Pontificiam eludi auctoritatem arbitratus Beltrandus; litteras Joannis publicat; & pro Pontificali Aede substructo tabulato consedit inter Aicardum Camedojam titulo tenus Mediolani Archiepiscopum, & Bernabam Priorem Provinciale Fraternitatis Prædicatorum, Pacem Vedanensem, Jordanum Montecuchum, & Honestum Papiensem, Inquisitores pravæ Hæreseos: & alta voce recitato Versiculo, *EXSVRGAT DEVS, ET DISSIPENTVR INIMICI EIVS*, execrabiliter & acerbissime in Matthæum & filios investiti sunt: vocaruntque ceu contemptores Deum ad certam diem, ad purganda, quæ eis criminibus dabantur. Alioquin pro impiis & nefariis hominibus haberentur: cuicumque injuriæ & probro obnoxii forent: denique commercio Christiano eliminarentur. Postridie Kalendas Februarias ex eodem suggestu eadem repetita sunt. Tum, ceu res Christiana summum in discrimen adducta foret, sub Vexillum Sancti Petri

Petri vocati sunt, quicumque dignitatem & opes Ecclesiae salvas vellent, proposita scelerum expiatione & æterni sæculi felicitate iis, qui nomen in id (non secus ac si adversus Saracenos pugnaretur) darent. Ingens numerus ea ratione arma tulit: & quamvis hyems egelida foret, ejectusque Baciendorum oppido Raimundus esset; mox tamen Derthona cum arce potitus per prodicionem est; & Valentium profectus Beltrandus detestationes in Vicecomitem iteravit. Præfectura, Magistratu, jurisdictione privavit: igni & aqua interdixit: devitari ab omnibus, ceu pestem quandam, iussit. Id quod cum in plurimis Roberto addictis urbibus, tum Genuæ, primo Jejuniorum die factitatum est, frequente populo majorem Ædem salutante. Sed paucos commovit in Matthæum execratio, arbitantes, falso cum insimulari. Itaque & edicta & promissam expiationem plurimi adspersati sunt: nec defuere qui Tabellas pro rostris suspensas spiculis sagittisque confixerint. Alii constantiores alacrioresque erga Matthæum facti sunt; quoniam non de religione præceptivæ Divinis agi, sed de Longobardiæ Regno, nemo dubitabat. Id quod etiam Franciscus Petrarcha in Opusculo, cui titulum non inscripsit, declaravit: iniquum & prodigio simile esse testatus, Pontificem tanto studio perdendæ urbis amplissimæ Mediolani flagrasse; quasi Damascum vel Memphim debellandam suscepisset.

Sed non his contentus Joannes, novum hostem ex altera parte, ut ancipiti bello facilius Matthæus opprimeretur, suscitavit. Contracta erat affinitas inter Robertum Regem & Fredericum Aultrium, qui de Romano Regno cum Ludovico Bavaro contendebat. Namque hujus primogenito soror Roberti nupserat. Hoc jure, tum multa alia pollicendo Pontifex, ut arma Aultrius in Vicecomitem, tamquam omni divino humanoque præsidio privatum, fumeret, effecit. Præmissus est Henricus, Frederici frater, cum equitatu mille & quingentorum bellatorum: qui Tridentino saltu transmissus, in Brixianum agrum descendit tertio Idus Aprilis, quo forte die celebritas Palmarum apud Christianos agebatur. Aggregati sunt voluntarii milites ad duo millia, & vicinarum urbium extorres, & reliquæ Turrianorum circa Venetias exultantium.

Pertimuit Matthæus, ab novo & inexpectato hoste se peti: & plus oneris, quam ferre posset, sibi cumulari. Præterea fremebant populi interdictione Sacrorum; & quod æterno devoti supplicio visitare templa, mortuos pro more sepelire non possent. Consilium temporis rei que haud incongruum cepit: & quo magis, quam viribus, procellam imminentem discussit. Nuncios ad Beltrandum mittit, qui de compositione & concordia agerent: alios ad Scaligerum, qui Henricum quacumque arte avertere studeret. Tertia item Legatio, ad Fredericum ipsum decreta, hujusmodi mandata pertulit: *Si, quorsum tenderent præsentia Summi Sacerdotis studia conatusque, perspiceres, Princeps clarissime; haud profecto, opinamur, arma adversum nos hoc tempore misisses; aut Henricus frater tuus bellum in Longobardiis tuo iussu faceret. Pratenditur ab Apostolici Culminis Ministris, Tibique (ut audio) persuasum est, Matthæum Vicecomitem effectum esse contemptorem Dei, rebellem Ecclesie, hæreticum maximum fore, ac propterea ex mortalium consortio exterminandum. Eiusdem criminis contumacieque culpatur civitas tota; quod tamquam faultrix & alumna impii hominis eum retineat, nec arma contra capiat, atque ab se non ejiciat. Sed sit pax omnibus: quæta aures vestra: & cum communis Pastoris venia fari pauca liceat. Longe aliam causam sunt, Rex Auguste, quam quæ Tibi suggesta esse videmus. Matthæus non adversatur Religionem;*

A non contradicit Numinibus, nec præceptis Divinis: Sacra non contemnit; immo ea omnia religiosissime amplectitur, colit, veneratur, adorat. Et, ut omittamus reliqua, satis exempli est recentissimum illud & apud nos percelebre factum. Thesaurus Moguntiacus sustulerant præsci ex additis Divi Joannis Baptiste: maximoque in periculo quadraginta & amplius annis apud varios facinoratos versati sunt. Quos ubi Matthæus Vicecomes latitari compertum habuit; quamvis diutino bello pressus, sua tamen pecunia confestim redemit, ac integros in loculamenta antiquareportari curavit. Hocne est infidelis & Saraceni hominis, ut isti vocant, argumentum? Minime profecto. Quid ergo est? Nimirum vesana cupiditate ardet, impotentique desiderio tenetur Joannes Vigessimus secundus toti dominandi Italia. Vellet per occasionem contentionis vestra cum Ludovico Bavaro privare Vos Regno Majorum. Afferit enim, & toto orbe vulgavit, vacare Regnum Romanum, & nullum Casarem juste imperare; & in hujusmodi controversia gubernationem Italia ad se spectare. Sic ergo & Tibi injuriam facit: & per favorem tuum à Germanis ad Gallos jura Augustorum transferre vellet. Id quod indicat universalis Procuratio Roberto Regi delegata: quem nobis Dominum imponere nititur. Huic cupiditati quia Matthæus resistit: quia decedere Dominio Mediolani non vult: quia id se auctoribus Caesaribus obtinere proficitur; ideo hæreticus habetur, profanus est, & Christum abnegat. O inclytam Pontificis curam! Qui inter populos Christiani orbis nutrire pacem, Regum concordiam, & subditorum omnium benivolentiam pari affectu amplecti deberet: is maximas seditiones, turbas & bella concitat, factionesque fovet: & eum, cui Casarem nomen invisum maxime est, tollit favore, & alterum deprimit: denique Claves Petri, aperiendo calo datas, vexillo bellico pingendas, & Christianis contra Christianos ferendas tradit; & contra Hæreticos procedere se jactat: qui à Vobis, contra vestros ac jura vestra ut feratis arma, flagitare non erubuit. Sed vis ne Tu, Auguste, Mediolanum petere? Mone, scribe ad Matthæum; jam tibi aperta planaque omnia erunt. Una litterarum significatione & Coronam Regni & Regnum ipsum Longobardorum Matthæus & quinque generosi filii Tibi tradent. Utinam in cæteris tam quietum solidumque constaret Imperium, quam Tibi res nostre libera expeditaque erunt. Profecto jam Vobis cuncta triumpharetur Italia. Immensa sunt Vicecomitis opes, clientele, fœdera, amicitie, exercitus invicti: Civitas omnium rerum copia abundans, qua gerendo bello necessaria opportunaque sunt: & quod omnia vincit, nativus in Casarem Casarisque Nuncios, & obsequendi affectio. Quare rogamus ac supplices perimus, arma tua à nobis avertas, Henricum revoces; ne, dum fallacibus suavisoribus nimium credis, in Te ac tuos & juris Casarei & Imperatoria potestatis ex-cidium ruat.

E Movit hæc oratio Fredericum: & ut eadem ad Proceres referrentur, Concilium vocavit. Universi censuere, Casarem jura esse defendenda, neque vires Imperii esse negligendas: procul dubio in Vicecomite magnum momentum verti: eo pulso, opes Regni, & existimationem Imperii valde imminui; quare protegendum eum, & gentem amicam servari oportere. Ita confestim dimissi cum litteris nuncii Henricum monent, ut quam honeste posset, ab incepto cessaret, ac exercitum in Germaniam reduceret. Ad hæc non levis pecunia contributa est: & quinquaginta aureorum millia in viaticum Henrico depensa. Qui statim nequendo moras in negotiis, nec ea obeundo, quæ usus belli poscebat, suspicionem mutati animi apud hostes præbuit. Brixiani primi fraudem veriti colligere vasa, domumque abire. Hos insequitur Henricus: & ceu à desertoribus proditus, solvendi exercitum occasionem habuit. Veronam profectus, à Scaligero comiter & honorifice accipitur: ac amplius muneribus donatus in Germaniam abiit. Cæterum Beltrandus cum arbitretur, Matthæum

ferio ad pacem inclinare: ac ita affectum, ut ad quas-
cumque conditiones descenderet; nuncios misit,
qui eas proponerent, ac ea suaderent, per quas re-
conciliari Pontifici posset. Petebat autem, ut Mat-
thæus Dominationi renunciaret, ac civitas veniret
in manum Pontificis, tantisper paritura, donec
unus rebus præficeretur, quem Germani Proceres
legissent, & Pontifex Apostolica auctoritate ratum
fecisset. Reddi præterea urbibus captivos, & Tur-
rianos in sua restitui, & in administrationem publi-
ci negotii consortes recipi. Sed hæc Matthæo non
placuerunt: & plurimorum animi offende-
bantur, quæ præstare iniquum & periculosissi-
mum foret. Nam in imperium externi Regis con-
cedere, & novum in Italia Procuratorem consti-
tui, quid, nisi omnia confundere, & mortalium
statum perturbare est? Porro Turrianos in urbem
recipere, nil aliud esse, quam intra viscera extin-
ctum ignem fuscitare, & urbem in proprias clades
denuo obarmare; quando eo furoris ventum sit,
ut nulla solida pax sperari ab his possit, quos ab in-
fidis & fraudibus temperaturos, nusquam credibi-
le sit. Cum talia passim obmurmurarentur, nihil
certi responsum est.

Tunc Beltrandus religiosos Patres, qui Medio-
lani perpetua Sacerdotiorum magisteria gerebant,
ad se vocat. Hi continuo Matthæo significant, à
quo vocati fuerint: & abeundi veniam petunt.
Matthæus haud gravatim obsequitur. Insuper man-
data addit: Rogarent Pontificem, ne in contumeliam
suam verteret; si quid pro tuenda libertate, & salutis
causa adversus Robertum, vel cum maxima ejus offen-
sa, actum est. Semper Romani Sacerdotis imperia &
auctoritatem se plurimi fecisse, & privatis desideriis
prævertisse. Satis intelligere, quam turpe & ignominio-
sum sit ei non parere, qui in terris vim Numinis ha-
bet, & non solum hominibus vivis, sed animis quæque
defunctorum imperat. Ac propterea, ne ejus Cui-
ones contempta videantur, omnino se facturum nuncia-
rent, ut a crimine rebellionis atque impietatis absolva-
tur. Grata hæc Beltrando fuere: atque ad explo-
randam Matthæi mentem Episcopum Parmensem
Mediolanum legat: qui metu Interdictorum in-
gressu urbis abstinuit. Matthæus in suburbanum
illum reverenter adiit: cui Episcopus condiciones
narrat. Quarum summa eadem fere erat, quæ ante
propositæ sunt. Potestati Pontificiæ permitti rem
Mediolanensem oportere; quando morte Cæsaris
per omne interregni tempus universa Italia ditionis
Pontificiæ facta censeatur. Tum æquum esse, ut
Vicecomes opes & regnum, quod patruus Otho
beneficio & favore Pontificum obtinuit, à Ponti-
ficibus agnoscat: & cum illi exigunt, reddere de-
beat. Itaque obtemperandum mandatis esse, ut hor-
rendis vinculis exsolvatur, & civitas Sacra recipiat.
Adstabant plerique ex Primoribus urbis: quorum
nonnulli, tædio execrationum affecti, parendum
esse Pontifici, aiebant. Alii contraria dicere: Si
Roberto, odium proferenti, subicerentur, exu-
lesque in urbem recepti forent; nullam civibus quie-
tem futuram; crudeliora ab iratis Dominis, quam
à barbaris Tyrannis passuros. Unus Franciscus Gar-
bagnates adversus postulata insolentius loquutus fer-
tur. Cui Episcopus adeo vehementer crucem &
ignominiosam vestem minatus est, ut pavens & de-
jectus animi, qua consueverat, posthac libertate
usus non sit. Beltrandus, cum nihil certi ab Epi-
scopo responderetur, Matthæum denuo & filios
Valentium ad causæ dictionem vocat. Matthæus
duodecim ex Primoribus civitatis deligit: quos,
veluti totidem civitatis lumina, ad extremam ma-
num his negotiis imponendam mittit. Hi fuere duo
Guiljelmi Pufferlæus & Casates, Mucius Mogun-
ciacus, Francinus Vicecomes, Andreas Hortus,
Stephanus Vicomercatus, Riciardus Piroveneus,

A Otholinus Burrus, Lucas Cribellus, Imblavadus
Mandellus, Bellinus Petra-sancta. Qui Alexan-
driam primum profecti, Marcum ibi salutarunt.
Inde Valentium petiit. Beltrandus, virorum nu-
mero & nobilitate motus, eis ab oppido occurrit.
Postridie, adstantibus sex Sacerdotibus, qui pau-
cis ante diebus ad eum venerant, commemorat;
quid juris & potestatis Pontifex in Italiam haberet:
& sicuti civitates etiam, quæ Cæsaribus addictæ
videntur, ejusdem ditionis forent. Tum postulat,
ut Matthæus, deposito regno, procuratorem ei
tradat, qui à Pontifice delegaretur: Turriani in
patriam admitterentur: captivi relaxarentur. Hi
autem nominatim erant Philipponus Languscus,
B Antonius Fisiraga, Symon Corrobianus, Amora-
tus Turrianus, & complures Alexandrini ex ge-
te, cui à Puteo cognomen inditum est. Post hæc
Legatos ipsos sic alloquutus Bertrandus fertur:
*Lator equidem plurimum, hodie mihi datum esse, ut
amplissimos civitatis Mediolanensis Viros non solum præ-
sentes & de facie intuear, sed etiam auctores & seque-
stros componende pacis, & teterrimi belli finiendi ha-
beam. Nam extra publicam causam omnes mihi fra-
trum instar chari estis: nec me latet, quam diligentes
communis Matris Ecclesia cultiores observatoresque sitis;
quamvis paucorum respectus vos contra niti palam co-
gat. Nec contra vos civitatemque vestram hæc arma
parata sunt. Unus Matthæus tanti causa mali est: cui
numquid mancipati estis? atque in illius servitutem na-
ti atque educati, sine Vicecomite vivere ac Republi-
cam administrare nescieris? Iugum perpetuum cum æ-
terna animarum pœna ferre ita decretum vobis est? Ab-
sit hoc à tot tantorumque civium prudentia. In manu
vestra est totius negotii summa. Ille, sine consilio, au-
xilium, opibus vestris, durare non potest. Ite, conspirate
in unum: atque animal male conciliatum, hominem
propudiosum, & monstro in Ecclesia Dei simillimum
extrudite: in ultimos terrarum fines deportandum eji-
cite; nisi malit supplex Pontificem adire, pedemque de
more osculari; qua ratione & illi & vobis pax parata
est; & sublati Interdictis Sacra urbi restituentur.*

Ab hoc sermone dimissi varia secum cogitare:
tum sensim quisque proximum interrogare, quid
sentiret: tandemque in illius sententiam devenire:
& reversi ad Cardinalem, pacem ex auctoritate sua
conficiunt. Quam ut intellexit Matthæus, quam-
vis ei non assentiretur; tamen ratam se habiturum
dixit; si per eam salvus ipse, salvi filii, salvæ opes
forent. Dubitabat enim, eos in caput suum conju-
rasse. Cæterum confectæ pacis fama vulgata læta-
bunda plebs per totam urbem discurret. Matthæus
vero curis anxius alia consilia quaerit. Propinquo-
rum civitatum amicos Proceres ad se vocat: Galea-
cium filium, qui Placentiæ præerat; Riciardum
Ticionem à Vercellis; Cacinum Tornellum à No-
varia; Franchinum Ruscum à Como; & Girardum
Laudensem, Cassini Comitem, cujus jam quadra-
ginta annos patria exulantis pater in Prætura Pifa-
na obierat. Jam cuncti præter Galeacium venerant.
Qui in consilio admoti, uno ore acerbius volunta-
tem Pontificis inceslere ac lacerare: & omnia po-
tius toleranda, asserere, quam Transmontanorum
libidini atque avaritiæ subicerentur. *Parcus loqua-
mini, inquit Matthæus; Si non persona, saltem vos
tangat Clavium respectus. Id Christi vexillum est. I-
te, & decernite pacem, cui acquiescere cuncti valea-
mus.*

Interea Galeacius, patris litteris acceptis, com-
ponende prius Placentinorum animos, quam ea
urbe decederet, statuit. Atque eos in primis in con-
cionem vocat, quorum opera ac favore urbem ob-
tinuerat: & in hunc modum verba fecit: *Quæ cau-
sa nunc me in patriam vocet ac trahat, neminem ve-
strum ignorare arbitror. Bellum à Pontifice indictum:
immissi cum exercitu prædones ad devastandos fines: pu-
bli-*

blicata detestationes adversus nos patrem exagitant. Qui quamvis senio gravetur, haud tamen ita confectus est, aut ita impos animi expertusque consilii est, ut remedia malis invenire nesciat. Quorum laborum ut ei socius sim, Mediolanum petere constitui. Vobis urbem hanc pacatam relinquo. Aëtius filius Prator cum custodia praeerit. Adolescens est; vos illum consilio & ceteris muneribus juvabitis. In manu nostra sunt arces, castella, vici. Ab uno dumtaxat Vergusio Lando diligentius cavendum est: qui, quia ob ingentem superbiam pati amicitiam nostram non potest, vivere in exilio mavult: neque cessaturum à fruendis insidiis dolisque arbitror. Vestrum autem erit diligenter ab eis prospicere: atque in primis curare, ne milites nostri longius abeant: etiam, si insperatus hostis fines invaderet.

Ad hæc Manfredus Landus: Consilium tuum, Princeps humanissime, probamus omnes. Quocumque libet, pergas licet securus de nostra fide. Prompti in omnem eventum & alacres futuri sumus: nullum periculum, nullum discrimen recusaturi. Aëtio ita ac Tibi parebimus. Fortunas ac vitam, si opus fuerit, exponemus in ejus beneficium ac defensionem. Gratias pro fide & liberali animo Galeacius egit: acin super magna pollicitus, Mediolanum proficiscitur. Cujus adventu & dubiae fidei cives exterrificati sunt, & amici confirmati ac lætati quamplurimum. Ingressus ad patrem, jam moestum & hæsitabundum, hortando monendoque pellere animo curas jubet, ac procul negotiis vivere: sibi onus relinqui; brevi omnia ex dignitate & desiderio eventura. Talibus filii verbis atque animositate exhilaratus aliquantisper Matthæus respiravit: libenterque illi curam rerum cessit, subinde illum & virum & sapientem esse dictitans. Ita amplius in Forum non venit; sed templa arasque adeundo animum laxabat: &, quantum de se inimici mentirentur, qui hærescos infimulabant, docebat: ac subinde prostratus alta voce intonabat, CREDO IN DEVM, PATREM OMNIPOTENTEM, & reliqua, quæ in Apostolorum Symbolo habentur: subjungebatque, HAEC EST FIDES MEA, QVAM SEMPER TENVI. Jussitque hæc publica tabula notari. Ivit deinde Moguntiam, templumque Joannis Baptistæ reverenter salutavit, & donaria paulo ante à se restituta recognovit. Hic in languorem incidit: &, deficientibus viribus, in quod non longe distat Crescentiagi Cœnobium deferretur: atque ibi vita excessit octavo Kalendas Julias, qui dies celebris anniversaria memoria ejusdem Divi Joannis. Mors ejus tantisper occultata, dum filii ea compararent, quæ firmandis opibus muniendoque regno pertinebant. Sepultus quoque est sine funeris pompa: & sepulchrum ignotum mansit ob iram Pontificis: qui etiam mortuum vexavit: populisque præcepit, ut ossa ejus eruerent, & trita in pulverem dispergerent: pari detestatione alligando eos, qui, quo minus id fieret, obstitissent. Unde & male audire nec post fata quidem desistit: aut quiescere ab obrectatoribus multos in annos manes ejus potuere. Nam & Antoninus Florentinorum Archiepiscopus, mentionem de eo faciens, MORTVVS EST (inquit) MATTHÆVS VICECOMES DE MEDIOLANO: ET ANIMA EJVS SEPVLTÀ EST IN INFERNO. Cæterum Galeacius, ut ejus mortem celaret, Medicos subinde in cubiculum admittebat: remedia ceu ægroto parari curabat. Mox vulgato, eum defecisse, cives in concionem vocat. Juva-bant agnati: circumstabat militaris manus, & mercenariorum præsidium. Hic auctoritatem, quam pater obtinuerat, permitti sibi curavit. Consensere tam Plebeji quam Nobiles. Ita perpetuus urbis Dominus is declaratur: statimque eosdem Oratores ad Beltrandum mittit, de pace acturos: cum mandatis, ut quam æquiores fieri posset condiciones quæ-

Neque tamen studium intermittebat à scriben-

A do milite, & confirmandis Ducibus, qui ad Bassignanam oppositi Raimundo belligerabant. Isarcis muros tormentis excussit, & munitionibus circumvallaverat: &, ne quid opis fluvio ad obsessos subveheretur, transversam catenam Pado objecerat. Longiorem moram perosi Marcus & Gerardinus naves, ab Papia Placentiaque accersitas, humeris hominum vehiculisque in superiorem Padi partem transportant, & sociis navalibus complent. Tum terrestri exercitu instructo aggredi hostem statuunt. Duo millia & B quingenti equites, peditum vero ad decem millia erant. Pridie Nonas Julias secundo amne delapsa classis navalem pugnam inivit. Sed pauciores Vicecomitis à pluribus hostium fusi fugatique sunt. Interim terrestre quoque prælium cœptum est, & cominus consertis manibus certatum. Vir virum, pes pedem terebat. Ab hora nona in vesperam continuatæ cædes. Superior peditatu erat Marcus: egregiamque manum sibi ad subsidia servaverat. Cum hac jam fessis pene omnibus transversum in hostium equitatum intulit: suffossisque equis militantes sternit. Fusa est eo impetu universa acies: & cædes magis, quam pugna, subsequuta est. Multi capti spoliatique sunt. Raimundus quoque ipse C captus est; sed, cum in amicorum manus incidisset, illico emissus est. Ex ejus vero exercitu sexcenti equi; viri, qui essent aliquo numero, circiter quadringenti desiderati sunt. Ex altera parte iniri certum non potuit. Plures tamen interfectos convenit; quamvis victor Vicecomes apparuerit. Nam & castra Raimundi direpta sunt, & obsessis in arce missum auxilium: & cum se parum ibi tutum Raimundus existimaret; noctu Valentium concessit, circiter mille equitibus ad defensionem Bassignanæ relictis. Tum Marcus arctius oppidum cingit: & quamvis inopia rerum obsessos conficeret; haud tamen difficulter paciscentibus deditionem pepercit; atque, abire qui maluerunt, incolumes præstitit. Ejus deditionis auctor perhibetur D Petrus Valefius, Ducis Austriæ Orator, qui pro Vicecomite militabat. Sic Bassignana, pene amissa, retenta est.

Inter hæc Oratores ad Beltrandum profecti revertebantur. Qui ne Ticinum trajicerent, naves ad trajectum idoneas tolli Galeacius jussit. Com-pertum habebat, eos, tædio execrationum & querimoniis populi victos, cum Legato pepigisse, ut Dominium urbis penes Pontificem esset. Ita, ne suo sermone popularium animos averterent, propius accedere prohibiti, Novariam redeunt. Mox E tamen Mediolanum admissi id, quod res erat, docent: Pacem paratam esse, si Galeacius Dominio cedat. Cui petitioni tanto difficilior is assentiebat, quanto recenti victoria melior conditio sua facta; & contra deterior hostium, qui clade debilitati non mediocriter credebantur. Ac proinde silentium omnibus imperat. Supprimi tamen non potuit, quin Relatio vulgaretur, & in circulis omnique cœtu atque inter epulas liberius acerbeque de Galeacio homines obloquerentur. Urgebat in primis Lodovici Vicecomes: qui negabat perpetuum bellum pro eo habendum, cum potentissimis F Regibus inimicitias exercendas, & animas ultro Inferis damnandas. Quibus vocibus multos ad nova adversus Galeacium consilia ineunda permovit; ut cum regno & urbe extruderent. Sub idem tempus diversæ in aere facies per nubila representatæ sunt: & quædam veluti capita hominum discurrebant nigra, alia alba: erant & rubra, quorum frontes alba vitta cingebantur. Hastæ moveri, armatæ concurrere cohortes: scuta, galeæ, gladiatorum ictus, jactusque telorum, & varii armorum sonitus audiri. Ad hæc Sutor veteramentarius, infimæ sortis homo, in oppido Moguntia & jam biennio ante dixit.

dixerat, & nunc frequenter repetebat, externam venturam gentem, non ex Italia modo, sed ex Gallia Germanique, qui oppidum subjugarent, populum maximis injuriis afficerent, ad extremam inopiam redigerent. Jam video, inquit, pro pane & cibariis lancea & clypeo pugnari: alii incocta ex humeris bajulorum, alii semustulata à clibano rapiunt: ruunt illi in caedes juvenum seniorumque: trahunt alii in stupra matronas virginesque: captivitas undique agitur: & qui captivos redimat, non reperitur. Interrogatus, unde prodigiosa ista haberet, respondit: Admirabilis homo, cujus effigiem explicare nequeo, significavit.

Dum ista computantes multorum animi exterriti forent; ecce novum negotium à Placentia nunciatur. Vergusius Landus non cessaverat apud Raimundum Beltrandumque jactare prædicareque, si audiretur juvareturque, posse se rem præsentibus temporibus percommodam & eis æque optabilem facere: Placentiam à Vicecomitis imperio se aversum: atque illinc novum bellum ei illaturum: sicque ancipiti negotio illum ruiturum. Probatum ejus consilio, dantur quot voluit milites: cum quibus dimissus Octobri mense in Placentinum descendit. Adjunguntur ei Guelphi Papienses, & Scotti, & Fulgosi, alique Placentini extorres: Manfredus quoque cum eo conjurat. Adventum hostium sentiens Beatrix cum Actio filio, Proceres in consilium vocat. Venere Manfredus Landus, ambiguae fidei homo, tum Lancelotus Anguisiola, Ubertinus Carius, & alii Primates. Omnes censuere, opponendum inimico exercitum, contrahendas undecumque copias, dum prohiberetur, ne propius malum accederet. Quæ dum providentur, Manfredus, per speciem defensionis in castrum Sancti Joannis profectus, in diversas partes transit. Tunc descendente propius urbem Vergusio, oppidani diversa sentientes ad arma discurrunt. Tumultu & vario sermone omnia compleri. Denique, nullo repugnante, altera portarum effringitur: & Vergusius intromissus est. Quod ut sensit Beatrix, continuo Actium cum paucis equitibus dimittit: atque, ut inquisitores retardaret, ingentem per aedes pecuniam spargit: & in ea colligenda occupati hostes spatium elabendi Actio dedere. Nam is Fidentiolam, & inde Cremonam se contulit. Eundem mox sequuta mulier est: nec potuere non honorifice etiam hostes eam ab urbe dimittere. Sic in dominium Placentiæ reversus Vergusius, plenas lætitiæ & novæ gratulationis ad amicos litteras dimittit. Pontificem in primis monuit, & Beltrandum Cardinalem: quem & eo ut accederet, rogavit. Hucque pergens Legatus, magno cum honore ac populi plausu acceptus est: & deditionem facientibus civibus, omnia arbitrio Romani Pontificis permissa sunt. Cui quam grata hæc fuerint, operæ pretium est ejus litteris cognoscere: JOANNES EPISCOPVS Opizoni Lando, dicto Vergusio, salutem. Quod urbs Placentia sit opera & diligentia tua è faucibus nefarii Tyranni, & in paterna lucu jacens, Galeacii Vicecomitis, eruta, & à turbulentis fœdisque dissidiis ad pacem & Sanctæ Ecclesiæ cultum traducta; equidem vehementer latamur; & immensas Deo agentes gratias plurimum gaudemus; & tibi pariter gratulamur; volumusque, non solum dignas tali industria laudes feras, sed paria merito premia à Nobis expectes. Jamque nunc piget, quod istius urbis sacerdotium optanti tibi ut Nepoti tuo conferamus, morem gerere in præsentem non possumus; tantisper differre coacti ratione dignitatis Ecclesiæ, qua neutiquam projicienda est, dum, quid is atatis sit, & quo ingenio polleat, exploremus. Nam horum nulla in litteris tuis mentio est; nec aliunde in Avenionensi civitate intelligere id licuit. Quod si certiores quoquo modo reddamur, capacem esse sacerdotii; pro certo habeto, non minus libenter Nos, quam

A tu avide optes, adolescentem ornaturos. Quod si quam ex parte deficiat; nomina quemvis alium virum probum, & tibi optabilem; & gratia ac beneficio nostro expers non abibis. Reliquis litterarum tuarum particulis abunde Legatus noster, qui istic in re præsent est, respondebit. Ingratum tamen non erit, ut quam sapissime ad Nos de rebus publicis scribas. Vale. Tertio Nonas Novembris, nostri Pontificatus anno septimo.

B Potitus Placentia Beltrandus, ut amicam regionem exercitu exoneraret, simul adversarios gravius premeret, ad duo millia equitum cum innumero peditatu cis Padum Abduamque misit: qui brevi Moguntiam oppidum occupavere. Quod ut audit Raimundus; confestim, relicta Derthonensi Alexandrinaque ora, cis Ticinum cum iis, quæ à clade superfuerant, reliquiis exultans convolvavit; prædandoque omnia, ad ipsa usque Mediolani moenia, infesta fecit; atque in Ticinensi suburbio castra locavit. Obstruxit tunc muro omnes urbis portas Galeacius, una Comensi excepta, per quam commicare expedireque tali tempori necessaria posset. Jam Raimundi milites, victoria abusi, circa omnia evastaverant: & sibi ipsi inopiam frugum in agro aliquin fertilissimo fecit intemperies barbarica. Quæ coactus, simul quia lucus morbi incurabilis exercitum comprehendit, plurimique in dies moriebantur, Moguntiam concessit. Cujus digressu, veluti obsidione laxata, civitas aliquantum respiravit.

C Nihilominus novi motus & coepta jam in urbe certamina sopita non sunt. Franciscus Garbagnates, jam Vicecomiti infensus, Symonem Cribellum & Gulielmum Rugemontem è Burgundia, qui sub Galeacio ordines peditum duxerat, pervertit. Quorum conspirationi accessere Lodrisius ex gente Vicecomitum Matthæi propinquus, & Joannes Valosius, homo Gallicus: qui, Turrianum cognomen usurpans, aliquam cum prioribus Dominis sibi cognationem asserbat. Magna quoque pars eorum, qui proxime Oratores ad Beltrandum iverant, eis adjuncti sunt: & tres Barbari, externorum militum Præfecti, Rogerius ab Oculo, Acquirantes Becchus, & Henricus Grunesten.

D Intestinum odium manifestamque rebellionem sentiens Galeacius, monet hortaturque amicos per litteras & nuncios, ut, deposita simultate atque ira, concordēs in fide manerent: neque deterreantur amissione Placentiæ, quando ea, non per vim, sed dolo & proditione subtrahita sit; spesque ampla supersit, non solum ejus recuperandæ, sed longe majora, debellatis adversariis, agendi. Sed hæc paucorum in corda descendere. Plures obloqui, & metu expressa verba asserere. Denique ad contumelias & certamen ventum est. Galeacius ubi se à popularibus pariter & mercenariis prodi vidit; cedens patria, cum fratribus Laudem concessit nono die Novembris. Prætor quoque Vannes-Lafrancus Pisanus, qui quindecim ante dies Magistratum iniverat, ejectus est: atque in ejus locum suffectus Ravicia Rusconus: Capitaneus autem populi dictus est Joannes Valosius. Tum effracti carceres, ut fit, præ lætitiâ, & dimissi captivi. Inter quos Antonius Fisiraga, promissa barba & horrido squalore oblitus, evadere potuit; sed dum quædam diligentius scrutatur, novis Dominis suspectus denuo in vincula conjicitur. Administrationi autem Reipublicæ, præter supranominatos, accessere dum Guilielmi Pusterlaus & Casates, Mucius Moguntiacus, Stephanus Vicomercatus, Imblavadus Mandellus, Riciardus Pirovencus, Castellanus Glussianus, & Ambrosius Abiatus.

E F Cæterum Galeacius, Laude à Lucio & Jacobo Vistarinis benigne exceptus, armis opibusque juvatur: atque ad amicos scribens, undique auxilia implorat. Quem ubi pulsus Mediolano vulgatum est; in Præfecturis & vicinis oppidis tumultuarii

congregari exercitus, & latronum aleatorumque societates coire. Tignaca & Stracia Paravicini, ex Incinati tractu, ubi satis virium comparasse visi sunt, Moguntiam accersuntur, atque portas aperientibus Guelphis intromissi. Interim à Mediolano missus Paganus Cafates eodem venit eo consilio, ut oppidum in fide & officio contineret. Sed exclusus, domumque reversus, quid gestum sit, Lodrisio & fociis rerum arbitris renunciat. Hi confestim amicos ad se vocant, & eos in primis, qui in finitimis urbibus gratia & opibus pollebant. Venere Franchinus Rusca Comensium primarius, & Cacinus Torniellus Novariae præpotens, & complures alii Gibellinae Factionis studiosi. Continuo Moguntia obsidetur: nuncii ad Gucium Gavaciam rebellium principem mittuntur, petentes, oppidum in fidem & obsequium Mediolanensis civitatis tradi; quando communis res ageretur; neque se juncta ab urbe stare Moguntia posset, nec vivere consuevisset.

Accessere inter hæc ex finibus Bergomensium & Cremensium complures latrociniiis assueti: quorum duo duces Gasparinus Sarravallensis, & Maximus ab Ecclesia. His Gucius multa præter civilem morem, & contra bonorum virorum voluntatem concedebat. Quippe illorum ope & armis fretus sese Principem & caput populi agebat. Legatisque respondit, se oppidum in manu sua retenturum, donec præsentis motus certo statu conquievissent. Quod si Lodrisius, & qui cum eo sentiunt, publico commodo intenti esse volunt; se facile cum eis consensurum: sin aliter animati sunt; se oppidanorum suorum salutem, ut posset, consulturum. Hoc superbo & temerario hominis responso exacerbati Præsides Reipublicæ Mediolanensis, bellum adversus Moguntiam decrevere: atque, ut milites alacrius in omne periculum irent, bona omnium, quæ

A per triduum auferri possent, in prædam concedunt; uni dumtaxat Ædi Divi Joan. Baptistæ, ac Thesauris ejus parci jusserunt. His pollicitationibus erectis omnium animis, frequentes in obsidionem ivere. Positisque castris, fossas transgredi, vallum convellere, hostem stationibus propellere. Nec ita multo post turbailla aleatorum & lenonum Gucium destituit, atque oppido cecidit. Tunc hostilis exercitus ingressus quoscunque obvios trucidat: juvenes & senes, parvulos & mulieres sine discrimine obtruncant. Passim clamor, strepitus, & ululatus audiri: domus tam Guelphorum quam Gibellinorum direptæ. Clades profecto ingens & aspera. Spoliati hoc modo oppidi Præturam Lodrisius Vicecomes excepit.

B Interea Mediolani torpor & segnitie quædam ac discordia inter conspiratos oritur. Incessit multorum animos ingens dubitatio, vel verius metus, ne per exilium Vicecomitum rursus Turrianis dominium pararetur. Accedebant minæ & terrores à Castruccio Castracane, Lucensium Domino. Qui, Galeacii amicissimus, maximo cum exercitu venturum se in ejus auxilium scribebat, & subinde per nuncios repetebat. Nec deerat fama complurium aliorum, nutum illius exspectantium. Quæ omnia animo revolvens Franciscus Garbagnates, socios in arcanum vocat, ac talibus verbis alloquitur: Ignorare videmini, Patres venerandi, Fratresque optimi, quid rerum agatis, aut quid hoc tempus à vobis agendum postulet; adeo segniores facti estis, & nemo vestrum in commune consultit. Metus nescio, an intempestivus horror mentes vestras occupaverit; & propterea distracti, periculi imminenti obliti estis. Severiori cum homine contracta nobis inimicitia, & sumpta sunt arma, quam ut ulla venia aut reconciliatio certa cum eo sperari possit.

Nec hujus Historiæ plura in hoc Auctoris
Autographo supersunt.



AD ILLVSTRISSIMVM ET INCLYTVM

P R I N C I P E M,

LVDOV. MARIAM SFORTIAM,

B A R I I D V C E M,

T R I S T A N I C H A L C I

E P I S T O L A.



MULTA præclare & immortalī nomine digna gessisti, Ludovice Princeps excellentissime, cum cætero omni vitæ tuæ curriculo, tum posteaquam rerum nostrarum gubernacula & moderationem sustines. Neque ea satis pro re laudari posse arbitror, quæ, paterna pietate functus, Nepotis Principis curæ præstare non desinis. Regnum enim per se quidem opulentum, sed tempestatibus & procellis agitatū, ita quietum tranquillūque reddidisti, adeoque extulisti, ut nec majori unquam foris auctoritate, nec domi opibus & ædificiorum magnificentia magis floruerit. Quo etsi nihil majus dare poteras; non multo tamen id impar fuerit, quod, quomodo etiam diuturnum foret, prospexisti. Accersita namque est & Regina thori consors jucundissima: qua & legitime prius, quam aliunde quæsita, soboles propagaretur, & jam ille ipse nobis ostenderetur, qui tuis iisdem auspiciis in perpetuitatem rerum succresceret. Et hæ igitur Nuptiæ tuarum laudum non postrema in parte memorabuntur. Quarum imago etiam ne periret, cum merito ornatu prosequi ipse non posse considerem; ut integra saltem res ipsa ac casta haberetur, perficere pro mea in Sfortiacum nomen reverentia conatus sum. Quare sic cuncta ordine, quæ acta sunt, ab initio ad extremum collegi, & media novissimis conjunxi; ut paratam sit facile is inventurus materiam, si quis paulo eruditior uberiori voluerit stylo celebrare. Quod Tibi privatim dicare instituimus; ut, cujus auctoritate celebritas acta est, ejusdem sub nomine conscripta publicetur. Hic, opinor, propriæ rei admonitus, novissimarum quoque Nuptiarum, quibus & Tu maritum subieris, memoria subibit: & scriptura fortasse etiam conjunctas esse oportere dixeris; sicut nec tempore admodum nec personis distinguuntur. Et has igitur si revolvere optaveris, statim subjeci.

TRISTANI CHALCI,
MEDIOLANENSIS HISTORIOGRAPHI,
N V P T I A E
MEDIOLANENSIVM DVCVM:

S I V E

JOANNIS GALEACII

C V M

ISABELLA ARAGONA,
FERDINANDI NEAPOLITANORVM REGIS NEPTE.

E P I T O M E.

Ejusmodi Nuptiarum scriptio Ludovico Maria Sfortia dicata, earum auctori. Consensu Parentum condita jam fuerant ab infantia. Cum vero celebrandis maturatione jam atas esset: ad explorandum rursus Neapolitani Regis animum missus hinc Joannes Augustinus Chalcus, eum consentire, renunciat. Honestior ad ipsum Legatio decreta, Hermes Sfortia Felix, & Joannes Franciscus San-Severinas: adjectique comites & Mediolanensi Nobilitate sex & triginta lectissimi juvenes. Lugubritamen habitu eundum illuc fuit propter Hippolita Sfortia obitum. Papiam conveniunt, inde Genuam: & quatuor item Genuensium Legatis superadditis conflatus quadringentorum circiter hominum comitatus Neapolim contendunt. Quantus interea Mediolani apparatus? In arce Jovis, Principum domicilio: in incili fossa, qua Ticino derivata pertinet ad moenia usque arcis: & in templo maximo. Quantus item Viglevani, Derthona, ad Sancti Nazarii oppidum, Serramvallem, ad Buzallam, & alibi? qua videlicet Sponsa transeundum & habitandum erat Genuam inter ac Mediolanum. Jam Neapoli, exigente consensum Archiepiscopo, desponsatio celebratur: eamque luculenta laudat Oratione Antonius Trivulcius, & Patritio Mediolanensi Comensis Episcopus, qui postea Cardinalis. Neapoli quoque Sponsa jam discesserat: cum ad civitatem Veterem a Cardinali Ascanio, Sponsi patruo, & aliis Praefulibus comitato, salutatur: magnifico illic apparatu excipienda, nisi vis ventorum importuna obstitisset. Officiosi erga ipsam incola Portus Herculis, Plumbini Princeps, Florentini: sed praeter illis Genuenses: a quibus per aliquot etiam dies hospitio recepta, & ingenti cratera aureo donata. Genua progressa, jamque appropinquanti Derthonam Sponsus occurrit: ac Derthona apparatu nobilissimo Bergontius eos Botta excepit. Sponsus eam Viglevanum praecedit, eidemque postridie appropinquanti rursus occurrit: noctemque illic communi thalamo transigunt. Praegresso sic etiam Mediolanum Sponso, mater ejus ac sorores plurimaeque nobiles urbis matrona puellaque ad oppidum Abbiatum navibus in occursum Sponsae procedunt, eademque die Mediolanum revertuntur. Mediolanum illa tandem venit, & apparatu plane regio excipitur. In arcem primum, deinde vero in templum maximum deducta, vel etiam Clero hac comitante. Inter Misarum solemniam, qua Placentinus Episcopus celebrabat, connubium item solemniter a Sponsis celebratum,

C Episcopo Meleacensi mutuum consensum exigente, ac pauca quadam, velut in Epithalamium, praefato. Dux inde binos creavit Equites: ac tandem reditum ad arcem. Lata ibi omnia per sex dies: multaque interim dona Sponsae allata: vasque praeter ceteris omnibus nobilissimum, quod ex Foro Livio Caterina Riarra, Principis soror, mittebat. Dimissa sic etiam subinde intra quatrimum est turba: & aliquot matronis, Neapolim redeuntibus, data munera: necnon etiam viaticum & publica pecunia suppeditatum usque ad mare.

Isthaec autem a Tristano Chalco scribebantur anno Domini 1489. Idibus Februariis.



D VM veterem affinitatem, mutuaeque amicitiae jura, novis necanda vinculis censuissent Neapolitanorum Mediolanensiumque Principes; ab ipsa jam infantia consensu parentum desponsi futuro matrimonio fuerunt Joannes Galeacius Sfortia Mediolanensium Dux sextus, & Isabella Aragona Ferdinandi Regis neptis. Sed res nuptialis in commodius tempus & robustiores utriusque annos dilata est. Cum ergo primos uterque nunc juvenae annos egregia corporis specie & firmitate attingeret; committendum hoc omnino tempore conjugium visum est. Sed quia in hoc explorandus primo Regis animus erat, quam nunc ad matrimonii causam inclinaret; missus est ad eam rem agendam anni superioris mense Augusto ornatissimus adolescens, Joannes Augustinus Chalcus, Bartholomaei Chalci principalium secretorum Magistri filius. Is brevi consentientem voto Regiam voluntatem renunciavit: penesque Mediolanensem Principem esse significat, ut, quandoque vellet, duceretur. Hinc gravior sine mora Legatio decreta est: quae ad incundum conjugale foedus & Sponsam deducendam mitteretur. Quae cum honestior fieri non posse videretur, quam fratre ipsius Ducis praefecto; Hermæ Sfortiae Felici, & Joanni Francisco Sancto-Severinati Cajaciae Comiti mandata summa negotii est. Iisdem illustribus comitatus adjectus, sex & triginta lectissimorum juvenum, ex ipsa Mediolanensi Nobilitate: qui ut excellentissimo Principi in nuptiali celebritate quam magnificentissimis modis responderent, quamquam &

& pretiosos alioquin ac regales ex auro argentoque textos amictus abunde ac quotidianum prope in usum haberent; novas tamen in tanta causa induendas vestes statuerunt. Itaque eniti quisque certatim in projiciendis pecuniis, alii aliis pretiosiores superbioresque exquirere, alii denuo ordini texique jubere; quo ceteros vel æquarent cultu, vel exsuperarent. Fuere qui una manica septem millium aureorum pretia gestarunt. Videre fuit viros promissioribus tunicis textili auro argentove, veluti totidem Reges, conspicuos. Sed & eundem habitum multifariam variantes, rasis aliis & levigato operi simillimis, crispis aliis pexis ac squammosis, duplici etiam gradu superfluente materia, quales bis ricios pannos vocare vulgus solet. Pectoris præterea ac colli ornamento solido ex auro torques pollicali crassitudine, & tenuioribus interdum annulis; sed quæ multiplicabili tortu cæterarum ponderi certarent. Non minori studio ministros quisque suos exornat, nullum sine holoserica veste ducturi: denos alii, duodecim alii, alii sexdecim, ut numerosas solent alere familias, vestimentis nuptialibus induunt, additis etiam sinistro brachio margaritis & gemmis, quales fuisse armillas apud Romanos suspicari possumus. Nunquam visum speciosius fuisse spectaculum tanto in itinere arbitrari licet, nisi lugubri habitu eundum fuisset. Recens id Hippolitæ Sfortiæ casus coegit: quæ, quod & Sponsæ mater & Sponso amita & socrus eadem fuit: quo tempore Joannes Augustinus Chalcus in Legationem proficiscebatur, mortua, utramque Aulam funestavit. Pullæ igitur ipsis famulisque, ut atrati ubique apparerent, multiplicata & hinc impenfa, conficiendæ vestes fuerunt: ut scilicet pretiosas illas celebritatis tantum solemnibus diebus ostentarent. Sic instructi ornatique ad undecimum Kalendas Decembres Ticinum (quam urbem Papiam inveterato jam vocabulo vocant) convenire jubentur; ut inde Genuam una omnes peterent. Statutum namque fuit, ut Neapolim maritimo itinere transmitterentur; cum id expeditius hyberno tempore majorisque celebritatis fore videretur. Et juvari poterant tribus triremibus, tunc Neapolim renavigaturis: quas paulo ante ad maturandam Genuensium deditionem advexerat Franciscus Pastor, Regiæ classis Præfectus: quibus totidem ex Genuensibus ad comprehendendam multitudinem additis, sex longarum navium classis instructa est. Genuam profecti, octiduum absumpserunt, secundos ventos expectantes; & interim Genuenses quatuor Legatos instruxerunt, qui, una proficiscentes, suam cum Duce Mediolani conjunctionem & obsequium testarentur. Fuit ergo universus hic comitatus hominum circiter quadringentorum: qui pridie Nonas Decembres, velis in altum datis, Genua solverunt.

Interim Mediolani, ut nuptiæ honorificentissimæ fierent, procuratur. Arx in primis Jovis miris studiis, ubi Principum domicilium est, exornatur. Triclinia cubiculaque omnia renovato tectorio dealbantur: novæ inædificantur contabulationes, in quibus Proceres regali more ab reliqua turba discreti epulentur: aureis vel argenteis supra caput extensis operimentis, cæteri parietes aureis Attaliscisque stragulis convestiuntur: & cum conclavia matris, patris, fratris, sororum Principis, alia aureis, argenteis alia atque holosericis operirentur; Genialis lectus in thalamo Sponsi coccineo lodice, & conopæo stratus fuit; cui circumdatus auro picturatus limbus viridantis coronamenti speciem reddebatur; assutis insuper ex argento nudis infantulis, qui varia ludorum genera ætati accommodata imitarentur. Intra hæc quindecim Leones è margaritis purissimis concinnati spectabantur: quatuor in angulis, unus in medio singularum trium partium,

A quibus ejusmodi stragula distinguuntur; hoc est; superne, qua conopæum fit; & juxta caput ad murum; & qua lectus ipse contegitur. Area autem, quæ introeuntibus atria aperit, à protecto ad imos parietes multiplicibus coronamentis vestitur: quæ frondentibus ramis, topiaria arte concinnatis, virefcebant. Integri orbes, semicirculique (& quæ varia ejusmodi artifices excogitare solent) suspensi mira oculorum voluptate, tantam alienissima parte anni virentis frondis copiam visentium: quam augebant interlucentia poma citrea, coronariique auri crepitantes bractæ: his inclusa Principis domestica & parentum subditarumque civitatum Insignia, constipantibus ab utroque latere Faunorum Nympharumque de veteri fabulositate imaginibus.

B Ab altero compluvii capite, quod sub divo patet, excogitatum est novi generis tectum. Porticus id fuit, ramulis virentis juniperi excitata, septem fornicibus continuato opere, ac totidem columnis consimili viriditate fabricatis: quæ res, præter jucunditatem adspectus, gratissimum etiam late odorem fundebat. Ipsorum fornicum transversarii liminaresque arcus aureis fasciis distincti: & in medio atque in capitellis tabellæ cum superiorum Ducum imaginibus affixæ. Eodem tempore tectæ naves octo instruuntur: quibus ex Abbiato oppido per incilem fossam, quæ Ticino derivata ad mœnia usque arcis pertinet, deveherentur: circumseptæ & ornatae sunt domorum instar. Fenestellis, quæ creberrimæ erant, obtenta ventis frigori que arcendo lintea specularia, parietes intus extraque & laquearia coloribus illita: quæ partim vermiculatum opus mentiebantur, partim Ducum Insignia ostendebant. Superiora tecti coronabant herbescentes circuli, & densæ corollæ ordine dispositæ: & inter has columellæ candidatæ cubitali longitudine, quibus infixæ breviuscula Regis & Reginæ signa, & è medio, veluti è nemore, procedens Mauri hominis imago, altera manu clypeum iisdem insignibus pictis, altera vexillum ingens viperis aquilisque coruscantibus sustentabat: intus contabulatæ asseribus strataeque tapetibus carinæ sedilia sericis velamentis operata. In capitibus navium, rostrorum vice, ridiculæ effigies magnis malis ac ore late dehiscenti collocatæ. Prætoris signum fuit in culmine pro Mauro homine galeatus leo in media flamma residens, qui stipite pendentes situlas erigit: pro viridi circulorum serie circumdatum coccineum ferricum: puppim spondas inferioraque navis pannus albus violaceo colore intermixto ex veteri insigni obtegebat.

E Templum est media urbe nostrati marmore exstructum: cujus quamquam primus legatur auctor marmoreæ tabellæ incisus Marcus Carretus, qui fundando operi quinque & triginta aureorum nummum millia erogaverit; summa tamen gloriæ & cæteræ impensæ laus ad Joannem Galeacium, Magni Matthæi pronepotem, & qui primus Ducis nomen atque titulum in gentem Vicecomitum tulit, refertur; qui, stipe à populo ingentibus studiis acervatim, ut nunc quoque quotannis fit, collata, exque sua ipse pecunia addita, & locum cœpti fundamenti demutavit, & ædificationis consilium atque templi formam ampliavit; ut esset centum columnarum, lapide pretioso cæsim diminuto sterneretur, qualia pavimenta in ipsis jam Sanctuariis variis in picturæ generibus discriminata cernimus. Centesimus & secundus actus est annus, ex quo jacta fundamenta fuere. Longitudo est brachiorum (ut præsentis vocabulo utar) ducentorum & quadraginta octo; nam cubitos haud dixerim, incerta ejus mensuræ his temporibus ratione. Latitudo sex & nonaginta quinque columnarum ordinibus continuando fornicis subeuntibus. Spatiofa quoque ante fani frontem area patet: in cujus ima parte, ut ad cæte-

cætera templi ornamenta in nuptialibus sacris aliquid extra quotidianum adspectum adjiceretur, exstructa est porta trigemina, arcus triumphalis similitudine, qua euntes ad templum transirent. In cujus prothyro anteportali summo cum decore visebantur Sponsalia Francisci Sfortiæ & Blancæ, Bellum Picens, recuperata Verona, Placentia expugnata, devicta in Pado Venetorum classis, apud Caravagium nobilis victoria, & Genuensium deditio. Adstabant præterea aliæ atque aliæ imagines. In culmine clypeum auratum, aquilas & viperas insculptum, militari habitu statuæ spectandum præbebant. Hinc ad proxima usque templi defiguntur duplici ordine pali, qui transversis lignis muniti expeditam ab incurfu multitudinis viam præstarent: atque ornamenti causa superducti arcus, & adhibitæ columnæ junipero tectæ, & cornua fictitia ad lili formam reddendam bifariam applicata. Ubi hæc sepes desinebat, machina altera pro foribus templi hujusmodi exstructa est. Circumscripto loco latitudinis triginta brachiorum, octo in orbem columnæ triangulares sunt excitatæ, cavatis modice lateribus ad imaginem specus arte reddendam: quibus novem Musæ, & illustrium Viraginum imagines, eleganti prorsus & absoluta venustate fabricatæ, includebantur. Columnæ planis primum pontibus, tum concameratis fornicibus committuntur. In his spatiis ingentes rotæ, hederaeis radiis contextæ, binis sustentari juvenibus, versicolore Sfortiano succinctis, videbantur. Extra fornicem in angulis alatus puer, volanti similis, appictus. Supra hæc æquatur contabulatio, & tres columnarum ordines circumducuntur: quorum exterior brevioribus columellis subsidentibus pulchellam sepem faciebat: duo reliqui peristylum transcurforiamque ambulationem reddebant. Hinc testudo prægrandis hemisphærii imposita corpus in altitudinem quinquaginta brachiorum educit: cui nihil magis simile, quam Pantheum Romanum: & quondam Herculi, nunc Laurentio Martyri dicata Mediolani Ædes. Cæterum pro imbricibus & tecto tonsilis juniperus adhibita. Ut vera jam sylva & nativum arbusculum credi posset, eadem intus tota bicolori pictura alba & rosea distinguebatur. Cæteræ partes papyro varie colorata spectabantur. A porta autem in templi longitudine ad proximum usque majoriaræ locum perducitur peristylum ingens: septemdecim paria columnarum æque distantia in terram defiguntur, altitudinis atque latitudinis quantum est limen ipsum. Earum basis primum quadrata, mox rotunda, inde teretes surgunt hastæ, striatæ interdum, & interim quadrifrontem Jani faciem gerentes: cæterum ita elaboratæ, ut marmoreis simillimæ viderentur. His impositus longissimus fornix, minusculis orbibus confectus, virefcit: Ducalibus atque Regiis mira varietate insignibus insertis: quibus intercurrentes rimulæ, veluti per retiaculum, in altiora templi prospectum transmittunt. Exin dependent à lateribus herbidi hemicycli, & integri orbes, spatiis divisi: in quibus inclusa grandioris formæ insignia cum Nympharum Centaurorumque imaginibus; qualem in arce factam seriem, supra explicatum est. Ad peristyli caput tabulatum leniter acclive assurgit, ad altitudinem staturæ humanæ: quocum omnis latitudo interordinii columnarum & altare tegetur. Reposita est ara suo loco celebrandis Sacris: ac referta Cantoribus & Sacerdotum choro subsellia: reliquum spatium Principibus Proceribusque & reliquis invitatorum Ordinibus designatum. In superiori parte abacus ingens erigitur, in quo argentea vasa spectanda disponentur. Hæc quidem in urbe. Sed & Viglevani quo primum venturi, & Derthonæ qua transitus Genua redeuntibus erat, alii atque alii apparatus fieri. Et cum in cæteris quoque mansionibus pro-

A commoditate loci hospitia pararentur; ut ad Sanctum Nazarium Cispadanum oppidum, & in Appennino ad Serramvallem, & Buzallam, totum pene iter Genuam usque simillimum florulento & confito viridario effectum est.

Dum sic strenue cuncta Mediolani & in Liguriis properantur, inter magnam omnium expectationem & vota nuncii afferuntur, Neapolim nostros annavigasse: Sponsalia ad decimum Kalendas Januarias fuisse celebrata, in quibus Mediolanensium maxime ordo & pretiosa vestis spectata fuerit. Desponsationem Antonius Trivultius, Comensis Episcopus, ex Primoribus Mediolanensium, qui postea Cardinalis ab Alexandro Sexto Pontifice creatus est, tali Oratione laudavit:

B Prudentissime Te semper rebus tuis consuluisse, Ferdinande Rex, atque prospexisse cognovimus. Sed illud sapienter etiam & omnino feliciter fecisti, cum societatem & fœdus cum Francisco Sfortia, patre patriæ nostræ verius, quam Duce, junxisti: eamque amicitiam arctissima necessitudine firmasti, domi recepta ejus filia Hippolita, quæ, & Tibi nurus optima, & Alphonso primogenito tuo sanctissima integerrimæque uxor, jucundissimos nepotes Regni que successores daret. Rursus nunc quodque sapienter agi dicemus, cum Hippolita filia Isabella novum multiplicanda necessitudini vinculum Joanni Galeacio Regulo nostro accersitur. Hujus namque rei gratia huc tot Heroes, tot ex penitiori ejus Aula Proceres concessimus, non tam mirantes, quam comprobabundi sensum in vobis Aristotelici judicii & sapientia esse: qui ad summum rerum fastigium tendenti Alexandro dixit, Amicitiam & necessitudinem Regi esse cum iis comparandam, qui & non procul abessent, & essent potentissimi; ut alter alteri præsto adesset, & mutuo præsidio facillime esse posset. Nam cum terra inter Vos per amicissimas & clientelis vestris plenissimas civitates, & ab Etruria & Piceno ultro citroque transitus pateat; mari certe, cujus magna est portio tua in ditioe, Ferdinande, & reliqua pars omnis per recentem Genuensium deditioem tota nostra facta est, ita hæc duo Regna committuntur, ut finem unius alterius terminos dicere possimus. Potentia vero quanta vestra sit, eisi singillatim multi experti sunt; tamen cum vires conjungitis, quid est sub cali ambitu, quod ad nutum vestrum non contremiscat? Sed rem nuptialem prosequuntur, hæc vel omitamus, vel alium in locum differamus. De matrimonio namque dicendum est: quod tamen & modice & ex Episcopali dignitate faciam. Atque ob id ex Divi Augustini verbo initium ducam. Qui ait, tria esse in matrimonio tam viro quam uxori summe custodienda, Fidem, Prolem, Sacramentum; ut Fidei sit, ne alium aliamve quis maritorum agnoscat, Proles vero ut cum religione liberi suscipiantur, & Christianis moribus erudiantur atque educantur; nam in Sacramento illud intelligimus, ut semel conciliatum nunquam disjungatur matrimonium, nec ulla divortio nullo dissidio alio trahatur. Illud firmum fixumque mentibus hæreat, QVOS DEVS CONJUNXIT, HOMO NON SEPARET. Quod verbum si pie & paulo altius introspeciamus; non absurde dicemus, pertinere eam sententiam ad animorum quoque & totius vitæ concordiam continuandam. Nam & quanta sit hujus vinculi dignitas, & quanti faciunda, vel ex eo colligimus; quod hujus Sacramenti certus auctor agnoscitur unus & summus Deus; qui etiam, quamquam de Virgine Christus Jesus nasceretur, junctam viro tamen esse matrem voluit; & hic ipse Deus noster, invitatus ad Nuptias, non modo libens affuit, sed miraculo, aqua in vinum versa, ornavit. Quid multa? Vetus est & protritum verbum, de antiquissimis Sacris Theauris sumptum: RELINQVET HOMO PATREM ET MATREM SVAM, ET ADHAEREBIT VXORI. Quæ cum ita sint: & monitis ipsis omni tempore consentientissimos mores atque animos in Vobis videam; est, cur ad ea quoque, quæ reliqua ad perfectissimum matrimonium consti-

constituendum requiruntur, intuenta procedam; pulchritudinem, genus, probitatem, divitias; qua tam absoluta in Vobis perspicimus, ut, quem anteponam, habeam neminem. Nam & forma, qualis in Regibus esse debet, honestissima majestate auctoritateque sua non caret: & ad virtutis institutionem tales uterque Vestrum auctores sortiti estis, ut nec meliores nec magis necessarios dare ne immortales quidem Dii potuissent. Tibi namque mater, ô Isabella, contigit, cui parem in terris quando humani vel viderint vel visuri sint oculi, facile non dixerim: talibus moribus & sanctitate prædita, ut nullam matronarum cedere, nullam Reginarum pudeat palmam de virtute, de innocentia, pietate, castimonia, omnium denique rerum temperantia, & humanitate deferre. Sponsus vero tuus, Joannes Galeacius, cum Regina matris, re non minus quam nomine Bona, optimis institutionibus imbutus: primis deinde pueritia annis patrum invenit, educatorem, atque interim procuratorem Regni, Ludovicum Sfortiam, quo nemo in terris prudentior, nemo sapientior adeo existimetur, ut, siue pacem seu bella tractes, pro proverbio passim circumferatur, divino potius eum, quam humano, consilio uti. Porro divitiæ tam multe inter Vos sunt, ut & nemini invidentis, & cum vultis, Cæsi quoque & Darii sparsas vulgo opiniones rebus deprimatis. De genere quoque & nobilitate non est necesse multa repetere; cum & omne nobilitatis nomen supergressa sit in tota Hispania atque Italia Aragonum Familia; & Stirpi illustranda unus sufficere possit Alphonsus Rex, nostra tempestate clarissimus: quem Tu parentem, Ferdinande, Sponsa nostra proavum præbes. Par est in sponsi domo gloria, nominato Francisco Sfortia ejus avo; nisi aliquid addat Stemma Vicecomitum, in quibus tot tantique viri virtute clari referuntur. Nempe Magnum Matthæum cum quinque liberis (ut duos Othones quampluresque alios transeamus) cuilibet priscorum Ducum rebus gestis æquare licet. Joannem vero Galeacium, qui primus Ducales Insulas Sceptrumque Familia ostendit, quis non admiratur? Hic cum latissimum in Cisalpina Gallia Etruriaque imperium teneret; universam pene Italiam Mediolanensium Regno bello subjecit: pulcherrima cœnobîa, templa augustissima funditavit: Curia formam dedit: Magistratibus & populis jura præscripsit, quibus non subditi solum paruerunt, sed quibus propter æquissimas moderationes civitas nostra semper vixit, retinuit, vulgavit; ut & ab externis nationibus appeterentur, ac diu crebra undique Legationes ad ea describenda ventitarent. Hujus Philippus filius cum dispersum ex patris obitu imperium confirmasset; peregrinatione deinde Alphonsi Mediolanum veluti initium quoddam auspiciatissimumque omen futura mox inter duo Regna necessitudini dedisse videtur. Hic namque pater est Blanca, communis Tibi Sponsæque tuo avia: quam si Viraginem, fœminei sexus decus, & omnium, qua sint, fuerint, futuraque sint, matronarum ornamentum dixeris, parum laudasse videaris. Ex hac & Francisco Sfortia & Tibi mater est Hippolita, & conjugii tuo pater Galeacius: qui, ducta ex Sabaudianis Francorumque Regibus Bona uxore, gentis necessitudines ampliavit. Hac cum ita sint; nullum dubium est, quin felix fortunatissimumque inter Vos connubium futurum sit. Quod ut auspiciatius fiat: cum jam me tempus admoneat, ut finem dicendi faciam; partes exigendi consensu inter Sponsam & Sponsi Vicarium hunc Hermem graviori Antistiti concedam, urbis vestre Archiepiscopo, qui solemnibus verbis utrumque roget.

Sicque ingressus inibi Neapolitanus Præful, pontificalibus ornamentis honestus, sponsalium votum ab Isabella & Sponsi Vicario stipulatus, digito Sponsæ pronubum indidit anulum. Saltaverunt deinde modice, Regina habitu Castulonensi, & nova Sponsa Neapolitano. Illatum mox est jentaculum ex saccaro, in varias hominum ferarumque imagines effigiato: quæ primo ad pompam circum-

A lata, ut à concione viferentur, sparsa per triclinium fuerunt. Tum retentis ad cœnam Herma & Sancto-Severinate Comite, cæteri sua ad diversoria dimissi sunt. Peractis deinde cæteris rebus, quæ ad nuptialia fœdera pertinerent, dicta profectio est dies, & comitatus Sponsæ muliebris virilisque conscriptus: qui cum calonibus & lixis, qui ejus obsequio destinarentur, numero fuit hominum centum & triginta. Nam qui cuncta honestarent, quatuor omnino illustres viri cum uxoribus additi sunt: Antonius Picolomineus, Amalphiae Dux, vir non minus humanissimis moribus, quam Pontificis Pii consanguinitate, clarus: post hunc Martinus Consæ & Potentiæ Comites. Fuit igitur universa multitudo quadringentorum amplius capitum: quorum causa quatuor triremes priori classi additæ, Duce Juniore Villamarino. Ex omnibus munera nuptialia tulit Chalcus Augustinus, torquem aureum, auratumque togæ pannum, ac sericam vestem cum equo & mula.

Paratis omnibus, solverunt Neapoli ad tertium Kalendas Januarias. Gajeta primus in terram digressus fuit: ubi quinque dies importunitate ventorum retenti sunt: cum bis interim conscendissent, rejecti Nonis tandem Januariis orta secundiore aura velificantes, altero die matutino ad oppidum Etruriæ, quam civitatem Veterem vocant, appulerunt. C Hic Cardinalis Ascanius, Sponsi patruus, expectabat, adductis ab urbe Roma tribus ex summo illo Ordine Collegis, Petro Fusienfi, Raphaele Sancti Georgii Riario, & Joanne Jacobo Sclafenari: qui, quamquam Mediolanensi familia sit, Parmensis tamen Cardinalis ab urbis Episcopatu cognominatur. Cum iis erant duo Protonotarii Joannes Alimentus Niger Gubernator urbis Pontificis nomine, & Hiblatus Fliscus Genuensis. Magnifico igitur apparatu excepturus navigantes erat Ascanius. Sed, nihil cessante vento, minimum temporis intermittendum rati, sex Antistites in Prætoriam navim transgressi, salutata Sponsa, docuerunt, quam gratus ejus adventus, & quanto erga Mediolanensem Ducem studio ac fide afficerentur. Pauca præterea alia blanda & benigna verba addita sunt. Tum, distributis abunde comœtib; obsoniisque in naves, dimissi sunt. Sole jam ad extremum diei inclinante, cum Sponsa non parvo navigationis tædio affici videretur, ad Portum Herculis, Senensium ditionis, tantisper in littore exposita est, dum cœnaret. Hic accolæ, officiosiores magis, quam ditiores, munera, studium & amorem Senensium arguentia, attulerunt. Inde tota nocte continuata navigatione, matutino Plumbini oram præterierunt, sed non integra classe. E Namque divertit cum Neapolitana manu Amalphius ad generum suum, Jacobum Quartum, ejus oppidi Principem: qui quidem commode & ampliter hospitium omnibus accipiendis, si descendissent, paraverat. Sex igitur tantum, in quibus Sponsa cum Mediolanensium Regulis vebatur, triremes extrema ejus diei hora Liburnum supra Pisas portum delatæ sunt. Adventantibus obviam ierunt quædam ex ipso portu naves: in quarum prima vectabantur Laurenti Medice è Florentia filius, filia, nurus, & gener: in altera tres Legati, universam Florentinam civitatem repræsentantes: Jacobus Guizardinus, Petrus Philippus Pandulfinus, magnis & gravibus Legationibus apud Mediolanenses noti: & Paulus Antonius Soderinus, nobilitate & divitiis inclutus. Ab iis comiter invitati, ut in terram descenderent, libenter assensu sunt, Isabella præsertim maritima jactationem ultra non ferente. Hic igitur lautissime excepti: & intra paucillum temporis mutata vi ventorum triduum remoratis suppeditarunt affatim cibaria Florentini, in omnes etiam naves præter reliqua munera divisis saccareis tragematis.

Hinc, nusquam adhuc apparentibus quatuor illis, quæ ad Plumbinum deflexerant, Ligusticam oram prætervehi cœperunt tam secunda fortuna, ut intra quartam horam celeberrimum Veneris Portum, cui novi apud Scriptores nominis oppidum Spedia impendit, tenuerint: ac subito versis ventis ita turbata maria sunt, ut inde exitum tentare quatrinduo ausi non sint.

Sexto decimo Kalendas Februarias Delphini Portum æque celebrem attigerunt. Hic cum constitutum esset non ante proximum festum diem Genuam transmittere, quo honoraturis Liguribus morem gererent; minante postmodum adversam tempestatem cælo, primo quoque tempore transmittendum statuere.

Postera igitur luce digressi, Genuensem portum meridiano tempore invehuntur: ex cujus mole pons ligneus longe in mare porrigebatur, quo adscensus in terram esset constratus laneis pannis villosisque tapetibus & frondibus ac citrorum copia ornatus. Huc appulsis non confestim exire navi licuit: sed, (quæ anni mora visa est) quoniam ex improvviso & præter constitutam horam aderant, suasi sunt exspectare in navibus, dum convocarentur Principes & ornarentur matronæ, quæ officii causa eo præmissæ fuerant. Interim & festo sonitu tintinnabulorum, & clangoribus tubarum, bombardarumque & scloporum horrissono crepitu cuncta personare cœperunt: urbs, littora, maria, cælum omne reboare. Et dum huc atque illuc discursatur, populus ad spectaculum effusus & molem ipsam portus & littus omne ita repleverat, ut non classis modo prospectantibus è terra, sed terra omnis circa referta turba spectaculo navigantibus esset. Tandem igitur, jam Sole in occasum vergente, processerunt insigni ordine, Fredericus Sancto-Severinas Maleacensis Episcopus, Rodolphus Gonziagha, Annibal Bentivolus è Bononia, alique insignes Proceres Mediolano profecti: matronæque lectissimæ, Beatrix Estensis, Chryseis Sfortia, Diana uxor Comitis Cajaciæ: quibus præ multitudine vix patuit iter ad naves. Procedentem è navi Sponsam, mediam exceperunt levir Hermes, & Genuæ Procurator Augustinus Adurnus, gestantibus supra capita umbellam nobilissimis Patribus è Senatu Genuensi. Incredibilis fuit vis turbæ, tota urbe concurrentis, ac de fenestris prospectantis. Sed illud præsertim ingentis studii visum est, quod plenis hoc modo vicis, fenestris, tectisque, quatuor condensatissimæ honestissimarum mulierum catervæ per mansiones triviorum dispositæ sunt, quæ transeunti Reginæ & capita inclinarent, & dextram prehensarent. Ut vero ad Palatium ventum est, alterius prope urbis opes patuerunt. Ad scalas Magistratus ipsi, qui Anciani nuncupabantur, exspectabant. Aderat & alter muliebris chorus: quas ad ducentas fuisse, creditum est, monilibus, gemmis, margaritis, serica veste cultissimas: à quibus visendo ordine in cubiculum deducta est. Ejus adventus significatio Principi, qui tum Viglevani trans Ticinum agebat, intra horas tres reddita est, duplicatis non solum tabellariorum stationibus, sed & bombardis in jugo montium dispositis, quarum bombo gradatim excepto à proximo quoque signum redderetur. Intra quatrinduum Derthonam cum Ludovico patruo, & cæteris Principibus, qui ad ornandas nuptias venerant, proficiscitur, tamquam ibi eo tempore conjugem accepturus. Sed nunciata est subinde paulo importunior ejus valitudo, quod molestiæ non parum stomacho & dolores navigationis titubatio importaverat. Ex quo effectum est, ut Genuæ subsisteret ad nonum usque Kalendas Februarias: quo die omni demum ægritudine levata discessit.

A Interim autem Genuenses, præter cibariam impensam, quam abunde & laute primo adventu suppeditarunt, cratera ingentem ex solido auro dono dederunt.

Genua profecti, noctem Buzalæ & in vico Furnariorum, divisis ob inopiam tectorum copiis, egerunt. Serravalle inde ab Joanne Spinula luculento apparatu excipiuntur. Mox Derthonam appropinquanti obviam Sponsus cum patruo & Proceribus omnique Aula factus, ex equo per cœnosam atque ex continenti imbre marcidam viam data redditæque salute: cum illa deosculandæ patrio more manui inclinaret, os ori adjungere Princeps conatus est; sed ferociente equo spes frustrata. Sic conversi, urbem inveci sunt. Hic viæ omnes opere topiario ita ornatae, vicitim ostiatimque suspensa virens materia, festæque frondes; ut gestire parietes, ridere cuncta, inanima etiam ipsa applaudere viderentur. Hinc giganteæ imagines, illinc varii Herculis labores & lucta cum Antæo: in medio autem ædium cavo, ubi Principum diverforium fuit, grandior colossus spectabatur. Equestris statua erat, Æthiopis capite, albicantibus vestibus, clypeo & acinace accincta: quæ intranti Sponsæ admoto sponte brachio visa est & denudasse caput, & inclinans salutasse. Inclusus fur-tim puer ingenioso id machinamento gubernabat: quin & Hymenæos versus ex ore equitis cantare doctus erat. Sed, turbante pluvia, maluerunt jamdudum madidi concedere in tecta, quam intempestivis voculis aures præbere. Hic omnia peripetasmatis & stragula veste operata fuere. Congesserat eo unus civis ex Mediolano, Bergontius Botta, quicquid tapetium & aulæorum vel emi, vel ab amicis mutuari, colligique, non Mediolani solum, sed vicinis quoque ex urbibus potuit. Hic namque & latifundia in Derthonensi possidet, & fratrem habet ejus urbis Episcopum: præterea summo ingenio & industria vir, ab ipsa juvenia apud illustrissimos Principes honestissimum inter Præfectos Ærarii locum meritis, non in paternas tantum opes successit; sed ipsius quoque honoris dignitatem assequutus est. Igitur Reges suos domi excepturus, regia munificentia nuptiarum præsertim tempore agendum ratus, & ea, quæ supra dicta sunt, comparaverat, & tria cubicula tota serico texit, unum candido, coccineo alterum, alterum viridi, adscriptis etiam qui insignia Principum distinguerent versiculis epigrammatisque, tum Latinis, tum populari ista, qua nunc vulgo Itali utimur, Lingua elegantissime scriptis.

E Cum hora refocillandarum potu virium appetere; cœna expediri cœpta est, quæ reliquam omnem opulentiam & luxum supergredi visa est. Ejus nulum ferculum illatum est, quod non histrio, mimus & cantor cum apta ad rem ipsam fabula, ex veteri Historia & priscorum Poetarum fabulamentis petita, antecesserit. Jason ex Colcho aureum vellus tulit. Docuit Phœbus, quanta arte vitulum fratri Apollini, Admeti armenta custodienti, suffuratus sit, ut delicatissimas has epulas carne ornaret. Diana Actæonem in cervum mutatum adduxit: explicataque suæ in eum iræ causa, nullum nobilius esse feræ ex homine transformatæ sepulchrum probavit, quam Isabellæ sponsæ utriculum. Orpheus se modo in Apennino vagantem, dum uxoris Eurydices casum defle-ret, audivisse narrat de superbissimo Nuptiarum apparatu, quæ in devexo montis factitarentur: ad has visendas cum descenderet, ad lyre harmoniam advolasse aves: è quibus, quas captaverit, offert. Atalanta caput apri Calydonii per tot sæcula asser-vatum huic cœnæ exhibuit, præfata, illustris se id victoriæ inter totius Græciæ juventutem par-tæ, signum atque honorem virtutibus excellentissi-mis

mis Sponsæ libenter ac sponte cedere. Cum autem sexto loco pavo coctus inferretur; prægressa Iris, Junonis nuncia, currum tractum à charissimis ejus avibus, quarum initium mutatus fuerit Argus, obtulit. Reliquum deinde ejusdem apri truncum Theseus, & cæteri nobilissimæ expeditionis magis, quam venationis, socii attulerunt, non sine significatione ereptæ sibi gloriæ falso Meleagri iudicio. Tum Hebe, filia Jovis, & pocillatrix, nectar & ambrosiam de Deorum mensa attulit. Apicius quoque ille popinarum artifex è Campis Elysiis exquisitissimi luxus condimenta, ac ex sacro & lacte mellitum saporem misit. Pastores Arcadia, sermone ipso rusticano audiendi, massam lactis, Panos Dei manibus coactam, dederunt. Vertumnus & Pomona vim se arboribus adhibuisse dixerunt; ut, quamvis parte anni aliena, poma tamen edere maturarent, quibus & ipsi secundam mensam ornarent. Nec Najades, fonticulorumque omnes Dii Deæque, sine munusculis venerunt. Glaucus è maritimis fluctibus falsa piscium genera: Padus cum Abdua & Ticino è dulcioribus aquis mitiores suavioreque advexerunt. Venit quoque Sylvanus è lacu Verbano: qui, annosa ejus gravitate excusata, se missum cum ejus muneribus dixit. Idem Larius lacus fecit, qui Comum aluit. Sirenem Ulysses, cujus ex insidiis astu effugerit, advexit, ac dono dedit; quod, perspecta fortitudine ac sapientia puellæ, nullum in ea vertatur periculum, ne quid blandis monstri fallaciis capiatur.

Sublatis mensis, accommodatissima præsentis rei fabula inducta est. Ingressus primo Orpheus, Græcanico habitu ornatus, atque laureatus, Hymenæum ad cytharam citavit. Is, incedens turba puerorum Cupidinis specie ornatorum comitatus, introivit: qui alternis epigrammatis Hymenæa cantabant. Tum tres Charites, uno cinctæ cingulo, triangularem in formam versæ, in mutuum adpectum se statuerunt: aptosque versiculos earum postrema recitavit. Has Fides conjugalis subsequuta est, candida veste obtecta, dextra candidissimum lepusculum, sinistra torquem jaspidium gestans, ac ardenti corde officia sua indicans: quæ postquam sese Sponsæ dedit; Mercurius, talaribus & caduceo insignis, cælo devolvit, Famamque introduxit. Pennata ea Virgo fuit, Virgilium inter & Livium posita: quæ, vires & magnitudinem suam enarrans, docuit, se boni ac mali pariter æternam nunciam esse. In eandem mox sententiam Vates Latinum carmen cecinit. Tum incessit Semiramis, turba impudicarum mulierum comitata, ut Helena, Medea, Cleopatra: quas, scelera sua aperire incipientes, conjugalis confestim Fides coarguit, vetuitque, impuro sermone sanctissimas Nuptias castissimæque mentes pollui profanarique: easque coetu quamprimum faceßere jussit. In contumaces incitavit Cupidinum manum: qui statim intentis facibus, quas accensas gestabant, impetum in eas fecerunt: adustisque velamentis, magno tumultu triclinio exturbarunt. Successit ergo honestarum chorus, & ex quæ illustria sanctitatis exempla fuerunt, Lucretia, Penelope, Scytharum Regina Thomiris, Judith, Portia, Sulpicia: quæ singulæ prius carminibus, castimonia matronalique sanctitate è moribus & vita sua commendatis, in studia Isabellæ, quæ sanctiora ne optari quidem fas sit, ita collaudantes evaserunt, ut suam quæque ei palmam deferret. Severe actis intulit postremo risus occasionem advectus pando Silenus asello: qui, sive re ipsa vinolentus, sive ebrium simularet, & qui somno vinceretur, ruinam è jumento medio in hominum conspectu dedit. Hæc, summa arte & venustate acta, jucundissima volu-

A) prate adstantes affecerunt. Sed; absumpta per hæc magna noctis parte, cubitum cuncti discretis cubilibus concesserunt.

B) Postero mane, salutata Sponsa, Principes cum Duce Viglevanum revenerunt, quo altero postmodum die ipsa secutura esset: & adventans, eadem pompa, qua ad Derthonam, occurrata fuit. Hic ex more Galeacii patris post saltationum cantationumque voluptates, quæ in quintam fere noctis horam protractæ sunt, geniali thoro collocatæ virginis communis cum viro nox fuit. Quarto Kalendas Februarias, relicta item Viglevani conjuge, Dux Mediolanum profectus instituit, ut sequenti statim die mater sororesque venientem Abiate viderent. Id ut honoratius præstaretur, invitatae sunt primariæ urbis matronæ, puellæque nobiliores. Aurora igitur oriente, classem conscendit illustris matronarum comitatus: & cum eam diem una inter congratulationes & veteris ac novæ conjunctionis commemorationem egissent; imminente mox vespere, relictis Isabellæ buccinatoria & duabus aliis navibus, Mediolanum renavigarunt. Cum ita ejus adventus appropinquaret, Mediolani urgere architecti, operariis instare præfecti, incendere fabrûm studia, ut cœpta jam opera perficerentur. Alii confractas instaurare vias, cœno alii diligenter emundare, denique tota urbe cuncta fervere strepitu festinantium.

C) Jam illucescebant sælices Kalendæ: quo die constitutum erat, ut urbem nova nupta invehiretur. Tum matutino tempore Blanca & Anna, Principis sorores, cum matronis classem iterum conscendunt. Sponsam ad quintum ab urbe lapidem obviam habent. Paulo post assequitur Ludovicus Sfortia: transgressisque omnibus Prætoriis in Prætorium navigium, obversis prorsus iter Mediolanum pertendunt. Interea in arcis leporario campo secus fluminis ripam introeunti ad sinistram dispositæ armatorum acies, quæ Principem alioquin custodiæ causa sequi solent. Jam appetebat hora diei sexta: & superatas à navigantibus esse binas cataractas, quæ in propinqua urbis regione fluentem è superiori loco aquam retentant, nunciatur.

D) Dux ergo ab arce descendens, ad caput fluminis substitit: ubi verum Mediolanensis Aulae splendorem contemplari atque perspicere fuit. Quingenti Purpurati bini inceserunt, mirandum vel ordine ipso splendorem dignitatemque præ se ferentes. Nemo enim non sericatus, multi aurati, plures argentati atque torquati fuere. Jam in ordinem veniebat fulgor ille pompaticus, Neapolitanæ Legationis causa comparatus. Intranti igitur Reginæ hæc uno tempore ostentata. Applicata ad terram navi, muliebris descendit turba: tum Sponsa, manu viri capta, inter clangores tubarum ac sclopos tormentorum, ab totis propugnaculis crepitantium, deducitur in arcem. Ad scalas atrii Bona socrus, altero matronarum choro stipata, amplexu osculoque excepit, & ad genialem usque thalamum deduxit.

E) Postero die cum more solemnî Christianorum ad salutandum in Ædem Pontificalem Deum ire decrevisset; ad cætera ornamenta hæc à civibus summo studio addita. Totæ viæ, ab Regia ipsa per mediam arcem mediamque urbem ad arcum usque triumphalem in arca templi, perpetuo umbraculo lanceo sunt tectæ, & parietes omnes utrimque omnium circa domorum peripetasmatis vestiti: quod pro miraculo prope habitum est, tantum ejusmodi stragulorum copiam tali tempore inveniri potuisse; cum & incredibilem vim exhausisset Derthonensis apparatus, nondum reportatus; & tot in arce triclinia operta; & urbani Proceres, qui advenas hospitio accipiebant, sua

fuis ornandis domibus retentavissent. Portæ præterea, ostia, & fenestræ ubique topiariis operibus adornatæ: & cum signa Ducum ubique suspenderentur, familiare etiam suæ quisque domus admisceri gaudebat.

Inter hæc religio quoque adhibita. Nam ut ad officium convenirent, Religiosorum omnis Ordo invitatur. Quare, orta luce, mutatis pridianæ pompæ vestimentis, coire ad arcem Aulici, Principesque, & matronæ, tantis opibus onustæ, quantas vix capere oculi intiendo possent. Sed unæ formosum ante alias & totidem Dearum comparatione spectaculum fecisse visæ sunt Joannis Bonromei Comitissæ filiæ & nurus: quæ, exsuperantissima corporis specie præditæ, cum præeuntem in curru hospitam Amalphii Ducis uxorem in equis ipsæ ferocibus sedentes sequerentur, pari passu & ornamento, pari aurearum tunicarum acu superbissime pictarum incedebant, monilibus toto pectore & gemmis ac margaritis collo, capite & totis brachiis collucentibus. Jam quinta agebatur ab orto Sole hora: jam plena compita turba, & ingentia viarum spatia & omnium vestibula ædium tabernæque viris, matribus, pueris, nuptis, innuptisque puellis refertæ: & venerabilis Sacerdotum series, propter eandem viam ab arce ad templum usque protensa, reverendam transeuntibus majestatem præbebat; cum prodire Purpuratorum catervæ & Principum ordines cum Sponsa; Sponsusque dexteriori à parte sequens; equis omnes vecti. Sponsæ ornatus fuit aurea vestis, infra mammas defalcati denudati-que pectoris: crines nigelli, nusquam sparsi, sed in longam teretemque formam contricati per terga demittebantur, margaritis gemmisque onusti. Stipatorum vice ductandis equi habenis duo adhibiti sunt hujus Regni clarissima lumina, Comes idem Joannes Bonromeus & Joannes Franciscus Palavicinus: qui præter inclytam gentis nobilitatem, corporum etiam forma & aurearum togarum ornamento in pedestri officio spectabiles fuere. Umbellam candidam, argentatis hastis præfixam, gestarunt primo Medici: rarum in hac urbe, nec nisi solemnitatis causa usurpatum habitum induti: togas scilicet purpureas, à summa humerorum ad imos cubitos inversis pellibus tectas: tegumentum etiam capitis eodem modo variatum. Similia quoque indumenta Jurisconsultorum Collegio fuere: qui ad portam templi, idem officium obituri, expectabant. Nam qui interim ab area arcis, ubi Medici ponebant, ad locum usque Jureconsultorum idem munus præstarent, evocati sunt è singulis urbis regionibus octoni honestissimi viri, atque per mansiones ad excipiendum onus collocati sunt. Regionam sequebantur Blanca & Anna: has Amalphii alteriusque Neapolitani Principis uxores: tum nostrates aliæ, aliis intermixtis advenis, ordinem continuabant. Sexaginta fuerunt equis vectæ: quarum sex omnino & triginta aureis tunicis micabant. Nam in viris centum & sexdecim togæ, auro & argento textæ, dinumeratæ sunt: inter quos unus maxime omnium oculi prosequerentur Petri Medices holoserica: cujus latus à medio homine ad talos densa ramis arbor ex candidissimis unionibus grandissimisque gemmis composita tegebat. Hic beryllus, hic adamas, smaragdus, pretiosissimeque lapilli spectabantur: opus, quale vel superbissimum honestaret Regem. Idem præ se agebat duos in veredis sedentes puerulos, succinctos habitu Germanico, sed quorum sinistra manica alio margaritarum acervo cumulerentur.

Jam ventum erat ad medium Aurariorum Argentariorumque vicum; cum repente apparuit in aere Cupidinis forma puer, egregio libramento suspensus. Pila erat grandis inaurata. Circum eam quadrifariam locatum Copiæ Cornu, & inaurati Gri-

A phes. Hinc teres columna surgit: cui puer alatus furtim alligatus superstare pedibus pilæ videbatur. Supra ejus caput Leo auro fulvus, galea, igne, & aquiminariis vasis ornatus eminebat. Hic, dicente carmina puero, paulum firmati sunt incedentium ordines. Cum deinde jam exaudiri in area templi tubarum cantus & equitantium strepitus coepisset; traductum est agmen ingens mulierum ex proxima Arenghi aula in machinam illam majorem, templo contiguam. Huc enim congregata erat ex composito infinita matronarum ex tota urbis Nobilitate turba: quæ Sponsam ibi honoris causa exciperent, atque in sacrum locum deducerent. Jam ergo ipsa appropinquabat, non satis admirata tantam populi frequentiam, tanta studia, tam continuatum apparatus, tantos in veste ac reliquo ornamento luxus; cum novæ admirationis machinas intueretur. Jam subit ad sanum: & salutatione muliebri excipitur, tum choro Sacerdotum Ædi ipsi præsidentium, qui dignitate & ornatu totidem Pontificum similitudini accedebant. Ingressa vero aliud stupet miraculum concinnatissimæ peristylæ convexitatis: nec minus voluptatis movebant Jureconfulti, novitate indumenti monstrabiles. Succedit ad tabulata: & novæ sunt opes conspectæ: exposita in excelsa abaco, qui supra aram exstructus erat, unum & sexaginta vasa, perfectissimo artificio jussu Ludovici fabrefacta: nulli alii usui, quam ad pascendos oculos, apta magnitudine & pondere, quantum singulis onerandis bajulis singula sufficiant. His intermixta quamplura Divorum simulachra, utique argentea: quibus totum irradiabatur templum. Et jam sedebant Ordines eorum, qui formam aliquam imperii obtinent: huic tamen ipsi imperio subditi, quos *Fendatarios* vocamus. Aderant & Legationes subditarum civitatum & populorum: qui binos ternosve ad honestandas nuptias Oratores miserant. Atque ex hoc confessu nemo non fericatus, aut argentatus, aut auratus conspiciebatur, nemo non regalibus onustus divitiis. Relictum ab iis spatium loci honestioris utrinque Principibus, auro argenteoque conopæo tectum. Designatis hinc viris, illinc muliebri choro sedilibus, resedit Princeps, medius inter Pontificum Secretarium Jacobum Volaterranum, & Legatos amicorum Principum atque Regum: quorum Ordines clauderant à dextra lævaque duo patrum, Ludovicus universæ rei moderator & Philippus, atque Hermes frater: hinc reliqui Proceres, & uterque Senatus cum cætera Aula: & cum Mercatoribus, Jureconsultorum Medicorumque Collegia. Ex adverso sedit Sponsa: quam hinc Amalphius & sui stipabant Neapolitani, illinc nostri Ducis sorores, ac reliquæ puellæ & matronæ, porrigente se in infima usque tabulati multitudine. Tanto omnes decore, tanta majestate, ut nimis quam apte huc, aut nusquam alibi, commodius verti illud potuerit, TOTQUE DEOS VIDIT MALLIA TOTQUE DEAS.

Ita distributis Ordinibus, Fabricius Marlianus, Placentinæ Ecclesiæ Antistes, celebrationem Sacrorum auspicatur, cantoribus cæterisque Sacerdotibus suavissimo concentu prosequentibus. Peracta ea parte, qua Christianorum Dogma recitatur, surrexerunt hinc Sponsus & inde Sponsa, binis comitati Proceribus & Architriclino. Ad Sacerdotem profecti, solemnem de more dato auro satis oblationem fecerunt. Servant in thesauris Principes nostri anulum, unici, arbitramur, in terris exempli, solemnem sponsaliciis suis, solido è beryllo cavatum: prægrandis videlicet gemma, & quæ totum digiti orbem impleat: nobile naturæ opus: regis manibus auro pretiosius ornandis perforata fuit. Hunc ergo, procedente Re Divina, Sacerdos benedictione prosequitur. Tum Federicus Sancto-Severinas,

rinas, Episcopus Maleacensis, priusquam solemni-
bus verbis consensum matrimonii à praesentibus in-
terrogaret, hac praefatione usus fertur:

*Si pro more & vulgata eorum consuetudine, qui E-
pithalamia componere solent, in hoc ego confesso, Prin-
cipes Excellentissimi, de Illustrissimis Sponsi nostri &
Sponsae Progenitoribus verba facere velim; vereor, ne
capidius magis aut intemperantius fecisse, quam sapien-
tius iudicet; cum & notissima, non Vobis dico, sed
astris ipsis & calo sint Clarissimorum Principum gesta;
& praestantissimorum Scriptorum monumentis ita cele-
brata aeternaeque memoria prodita videamus, ut ingenii
mei, vel denique humanitatis ipsius oblitum me fitear,
si quicquam iis putem oratione mea accedere posse vel di-
gnitatis, vel ornamenti. Est praeterea opus, non unius &
hiberna diecula, ista complecti, nedum Oratiuncula Nu-
ptialis, ac festinantis; ut ne libari quidem vel mediocriter
possint, sine magna vel eorum injuria, vel uberrima dein-
de Oratione sequente. Dicentem namque necessario me
ferret ratio ipsa in commemorationes fidei, iustitiae, a-
quanimitatis, continentiae, reliquarumque animi & cor-
poris virtutum, quibus & illi floruerunt, & nunc re-
gnat Sponsus Regulusque noster Joannes Galeacius, sub
consiliis praesertim & cura praestantissimi & inter morta-
les sapientissimi viri, Ludovici patris. Haec cum pere-
gissem, inferres Tu deinde ab Aragona Domo alterum
opus Isabella: & cum stirpe regia narrandi mihi forent
tui modestissimi, castissimi, sanctissimique mores. Pari
volumine & commendanda Nuptiarum sanctitas: &
exquirendum, quo tempore, quo loco, auctore, cau-
sa, & quemadmodum institutum matrimonium ipsum
foret, & quot denique exinde humano generi obveniant
commoditates. In summa, si velim, si posim, nec pos-
sum, nec volo, certior de voluntate Ludovici Sfortiae,
cujus apud me nutus vim Numinis habent, habituri-
que omni tempore sunt. Itaque & ejus laudibus eadem
hac de causa temperabo; non dissimulans tamen, id me
non secus interpretari, quam Alexandri Magni judi-
cium de reliquis artificibus; cum publice vetuit, ne
quis imaginem suam pingeret praeter Apellem, funderet
extra Lysippum, sculperet nisi Pyrgotheles. Quicquid
igitur hic superest temporis, impertientes melioribus in-
stitutis peragendis, ac tantum precati verum illud &
omnium potens Numen, quod huic augustissimo templo,
his aris, & universo denique Orbi praesidet, ut felix
faustumque & omni tempore fortunatissimum connubium
facit; vernacula Lingua loqui incipimus; ut pro for-
mula à Majoribus instituta Sponsum & Sponsam inter-
rogemus. Quibus rogatis, cum ambo annuissent;
annulum viro porrexit: quem digito Sponsae, te-
nente Ludovico, induit: simulque osculo uxorem
agnovit. Mox positus in aureo pulvinari genibus,
dum Placentinus reliquum precationis in exoranda
conjugali faelicitate perageret, ad mansionem suam
sunt regressi; & quod supererat de Re Divina, in
summo quinquaginta tubarum tibiaturumque con-
centu exactum.*

Et quoniam hujusmodi in celebritatibus solent
magni Principes claros semper aliquos, & qui de
se meriti optime sunt, Viros Equestri Militia insi-
gnire; ut hic veluti extremus actus hanc quoque
celebritatem clauderet, vocavit ex omni confesso
Dux Petrum Alemanum Legatum Florentinum,
& Bartholomaeum Chalcum primum arcanorum
suorum conscium & Magistrum; eosque aurea to-
ga indui jussit, calciarumque calcaria ab nobilissimis
aliis Equitibus; tum parazonio ipse, hoc est, ense
& zona accinxit. Hinc, surgente coetu, ad arcem

A reditum est, eodem pede servato ordine; nisi quod
& duo illustres Stipatores amplius ad frenum non
apparuerunt; & umbella gestari desita: quae, non
ingratae cujusdam & usurpatae voluptatis causa, di-
laceranda paulo post Consultorum vicinis per-
missa.

B Reliquum deinde temporis in sextum usque diem
canticis & sonis histrionumque fabulis insumptum,
& item muneribus accipiendis, quae externi Prin-
cipes, Proceres Regni, Feudatarii omnes, &
civitatum Nuncii, certatim attulere: ex quibus
nemo non argentea vasa aut aureos pannos dona-
vit. Quarum rerum etsi immensa fuerint pretia;
vas tamen, quod Catherina Riaria, Principis so-
ror, ex Foro Livio misit, jucundi etiam aspectus,
atque ob id depingendi visum est. Patulum totum
opus est: latitudinis, quam duobus brachiis am-
plecti homo nequeat: altitudinis, quantam expansa
manus occupat: ex argenteis filis compactum, &
frustis crystallinis egregie politis numero novem &
quadragesima: quorum quae in medio fundo gran-
dior & rotunda gleba est, praegrandis fungi simi-
litudine: cui circumpositae duodecim longioris for-
mae veluti lingulae, argento utique illigatae, totius
fundi orbem complent. Subsunt in vicem basis sex
inaurati leones: spondae ex duodecim aliis quadra-
tis & latioribus frustis apte eriguntur. Super has
patentiora sunt labra insertis quatuor ac viginti aliis
glebis, ex rosarum imitatione incisae. Opus est pro-
fecto Regale; vel, ut re vera fuit, Pontificale.
Ajunt enim, à Bartholomaeo Rovorella, Cardinale
Ravennateni, viro splendidissimo, fabrefactum,
ad Sixtum Pontificem pervenisse: ab hoc Comiti
Hieronymo dono datum: à cujus nunc uxore ad
nos concessit, pulcherrima contentione certaturum
cum argenteis Ludovici.

D Prandia autem luxuriosa, & multae noctis coenae,
atque ludi magnificentiores, ne hoc tempore fie-
rent magis, quam desiderarentur, continuat non-
dum transactus à morte Hippolitae luctus. Sed &
cum soleant Principes suo more seorsum, quantum
cibi satis est, desumere; curatum est in diversoriis,
ut laute omnibus & abunde epulae praerentur.
Itaque ubique regalia cerneret agitari convivia, &
quales coenas Prisci adipales saliaresque vocitabant,
dominis non solum, sed servis quoque & caloni-
bus pari lautitia discumbentibus.

E Per haec igitur & ejusmodi talia, atque urbe per-
lustranda, sed Mediolani acti sunt dies; cum dein-
de Papiam itum est. Hinc delectis, qui penes Isa-
bellam remanerent, sexaginta ministris virorum
ancillarumque, intra quatrimum reliqua dimissa
turba est, donatis quinque primariis matronis au-
reis vestimentis: ac datis, qui ex publica pecunia
gratuitum ad mare usque viaticum subministrarent.

F Abeuntes, Reginam nobis reliquerunt: cujus
mores & vitam nulla satis commendare aetas possit.
Abstemiam in primis agnovimus: hoc est, temeto,
quod vinum sonat, penitus abstinentem. Virginalis
vero cum matronali gravitate pudor & venustas ita
conveniunt atque concordant; ut, veneris plus an
dignitatis habeat, arte an genuina quadam comitate
ad promerendam omnium voluntatem valeat, dis-
cernere omnino non queas; & suavissimum illum
ex diversissimis virtutibus perfectum absolutumque
concentum agnoscas. Mediolani Idibus Februariis
anni à dinumeratione Christiana millesimi quadrin-
gesimesimi octogesimi noni.

TRISTANI CHALCI,
MEDIOLANENSIS HISTORIOGRAPHI,
N V P T I A E
MEDIOLANENS. ET ESTENSIVM
P R I N C I P V M,

SCILICET

LVDOVICI MARIAE CVM BEATRICE,
ALPHONSI ESTENSIS SORORE;

VICISSIMQVE

ALPHONSI CVM ANNA,
LVDOVICI NEPTE.

E P I T O M E.

Per has Nuptias, decennio ante pactas, & nunc tandem anno Domini 1491. mense Januario Mediolani celebratas, confirmata vetus ac velut hereditaria inter Vicecomitem ac Estensem Familias amicitia. Deducendis Ferraria Sponsis delectus insignis comitatus. Mediolani magnificus fit apparatus: ac nominatim pinguntur intra mensem Francisci Sfortia gesta, quibus cateroqui pingendis ne triennium quidem suffecturum videbatur. Cometes ortus. Hyems longefolliogelidior, ac Ferraria venientibus nimium incommoda. Venere tamen: & a Placentinis primum laute honorificeque accepti, ac praesertim a Comite Bartholomaeo Scoto. Ludovicus eos excipit Papia: foederaque ibi conjugalia per praesentes ineuntur, quae per internuncios haecenus fuerant tractata. Debinc Mediolanum ille praeit, ut reliqua expediat. Ferrarienses adsunt: ac primo ad Basilicam Euforgianam, deinde vero in arcem excipiuntur, & regia plane pompa. Praesentia mutui consensus verba exigente nostro Archiepiscopo, Alphonsus & Anna privatim desponsantur. Solemnnes inde chorea ludique: sed & Nuptiae insuper Angela Simoneta cum Hercule Sigismundi filio: itemque Hastiludium, per tres dies, atque per sex & quinquaginta pugnatore, miro sumptu & artificio personatos, exhibitum. Ducissa nostra Isabella primogenitum parit: ejusque ortum Paulus Lanterius epigrammate celebrat. Ferrarienses, abducta secum Anna, & hic relicta Beatrice, per honorifice comitati revertuntur.



VETUS ac variis foederibus repetita olim duas inter nobilissimas ac praepotentes Italiae Familias amicitia fuit, Vicecomitem & Estensem: quae quotiens inter se gentes idem sentire, haud dubium unquam cuiquam reliquere, quin, quicquid vellet Mediolanensis Ferrariensisque civitas, in Longobardis constitueret. Duravit diu in posteris animorum conjunctio: ac veluti per manus tradita filiis nepotibusque, in nostri usque saeculi Principes haereditaria mansit. Eam tamen Ludovicus Maria Sfortia, Princeps naturae fortunaeque bonis cumulativissimus, ex quo nepotis Joannis Galeatii Sexti Ducis nostri rem gerens augustissimi Mediolanensium imperii habenas moderationemque suscepit, novis atque arctioribus vinculis instaurandam censuit. Itaque jam circiter ab

hinc decennium & Annam ejus sororem, jam tum quidem parentum consensu destinatam Alphonso Estensi, Ferrariensium Ducis Herculis primogenito; & sibi Beatricem, ejusdem Principis filiam, uxorem depactus est. Sed tenera nimis Alphonsi & puellarum aetas aliud in tempus differri utrumque conjugium fecit. Quod cum nunc advenisse commodum videretur; celebrandis Nuptiis & locus Mediolani, & dies ad duodecimum Kalendas Februarias dicitur anni quadringentesimi nonagesimi primi supra millesimum, ex quo salutaris Gentibus e Virgine partus fuit.

Atque, ut e dignitate Principum res agatur, quam honestissimus sexcentorum hominum comitatus deducendis Ferraria Sponsis instituitur: qui sane illustrior effici non potuit, quam matre ipsa & patruo ducibus. Delectis igitur Leonora & Sigismundo patruo, additaque etiam sorore Isabella, jam Mantuano Principi denupta, classis testarum navium instructa est: qua per adversum Padum subveheretur. Mediolani pariter magnificus apparatus fit. Cubicula Principum tricliniaque aureis argenteisque conopaeis, vel acu vel varie texendo pictis, ornantur: tum peripetasmatis parietes & stragula veste obtegi: tonsilibus juniperis, viridanti lauro atque hedera confertis coronis, topiariisque operibus adornari. Cumque multa ejusmodi fierent; sphaeristerion, hoc est, grandior & ad lulum pilae substructa porticus, novo ornamenti genere afficienda visa est: Pingi universam ex Historia & nobilioribus Francisci patris rebus gestis, Ludovicus censet. Sed immensum opus esse Praefectus fabrum ostendit; quod nec parte anni picturae iniquissima, nec temporis reciperetur angustia. Sed stat sententia: nitique proinde in fortunam, ac necessitatis vim consilio & ope superari oportet. Vix mensis integer ad diem Nuptiarum supererat; cum extemplo ad subditas civitates perscribitur, ut Pictores omnes, quicunque ditionem incolant, Mediolanum ad Jovialem ornandam arcem festinent. Convenere undique opifices. Quorum assiduitate ac perpetuis vigiliis factum est, ut integrum absolveretur opus, cujus quotam partem vel triennio confici posse vix censueris.

Hic igitur spectare fuit & ductantem exercitum virum, & leges populis praescribentem. Hinc metari castra cerneret, urbes dedi, conferri alibi signa, conflictusque dimicantium, & quae reliqua praclare gessisse perhibetur vir invictissimus. Superne vero laqueari, quod altissime elatum est, pannus caelestis coloris superinducitur, stellis aureis distinctus. Porro in area, quae sub ipsam arcis

fron-

frontem patet, palis triplici ordine ad libellam fixis septa militari certamini, & tabulatum dextrorsus amplissimum excitatur: unde cum Principibus veluti ex orchestra prospectantes ludos matronæ, salutationem etiam & puellares choreas exercerent. Idque propterea totum pannis clauditur, ex versicolori Sfortiano compositis, albis, rufis atque caelestibus. Ejusmodi alia circa vicini ædificant: quæ theatralem magis usum, quam nomen, aut similitudinem, præstarent.

Dum hæc aguntur, stella crinita, quam pariter Italia nunc, ut olim Græcia, Cometen vocat, oritur. Septem diebus non Mediolani solum & Venetiis & Florentiæ, sed in Gallia quoque Transalpina conspecta. Sed jam tempus solvendi ab Ferrariæ, & parata omnia ad iter erant; cum mutari subito omnem protectionis rationem temporis coegit iniquitas.

Egelida hyems hoc anno in Longobardis, sed & in universa, ut postmodum cognovimus, Europa fuit; ut qua non solum tenuiora solito flumina decurrerint, sed in maritimis quoque Italiæ, solita temperie evicta, frugiferæ pene omnes arbores tenuerint: quin æstuarium Venetorum (rarissime alioquin visum) gelu adstricta urbem continenti commiserunt: & Pado solemne munus pinguium bovum, qui fere quotannis à Mediolanensi Duce ad amicam civitatem benivolentiæ gratia mittuntur, medio alveo deprehenso, ad Pulescellam, infra Ferrariam vicum, amplius mense remorati sunt. Impedita igitur eodem gelu superioris quoque Padi navigatione, ad mulieres, impeditissimum agmen, ac onera convehenda cum vix satis equorum ac currum improvisis foret; rurestria repente vehicula fabricant: quæ, quia sine rotis terra trahuntur, trahas prisca Latini dixere. His Brisellum usque quinque diebus provehuntur. Ibi quatrimum nostras naves, quæ ab Ticino solvisse nunciabantur, expectavere; inde enim navigabilis fluvius erat. Has ingressi, perpetua septem dierum ac totidem noctium navigatione Placentiam appellunt. In urbe laute honorificeque accepti, unum diem quiescere, non exiguis interim muneribus à civitate cum privatim tum publico nomine affecti. Sed unus maxime liberaliter ac profuse egisse videtur, Comes Bartholomæus Scotus: qui descendentes ad Sermidem, novem millibus à Placentia vicum, propriis impensis atque hospitio excepit. Biduo inde Papiam tenuerunt, quo pridie Ludovicus officii causa advocarat. In adversa ripa descensus fuit: perque lapideum pontem Sponsa primo, deinde mater introducit: tanto intervallo disclusæ, quantum redire ab arce eques Sponsus posset. Ibi, quæ hactenus per internuncios tractata, à præsentibus conjugalia foedera ineuntur.

Triduo post Ludovicus Mediolanum revertitur; ut, quæ reliqua opus forent, expediret: horamque statuit dici quintam, qua venientes urbem inveherentur. Pernoctavere igitur Binaschi, quod ad medium iter ab Papiæ est, quo commodius constituta hora adessent. Certa autem luce, ne quid Mediolani ad studium & majestatem excipientium deesset, in arcem vocantur matronæ puellæque urbis nobiliores, quæ venustate ac decoro vestitu formosissimæ profecto cuncta reddebant. Coeunte eodem Principes, Legati, Procresque Regni: qui, universa ex ditione vocati, frequentissimi advenerant. Tum Regina nostra Isabella cum ornatissima puellarum parte, equis insidentium, ad Suburbanam Eustorgii Ædem prodiit, prima amitam & consobrinas exceptura. Nec multo post Ferrarienses adsunt. Matronalis fit congressus, mutique amplexus atque oscula dantur: tum salutatis è templo Divis, in interiora Cœnobii concedentes, igni & jentaculo ab inclementia frigoris & equestri jactatione refo-

ventur. Egreditur mox arce Principum Ordo, præcunte longo equitantium agmine. Purpurati fere omnes conspecti sunt: & nostratibus turmatim interjecti advenarum Principum Ministri. Mox Oratores, Neapolitanus & Venetus, & Regi nostro associatus Antonius Campionus Gebenensis Episcopus: qui trium Legatorum maximus ab Alpina Duce Blanca octoginta cum equitibus advenerat: cum sequebatur alter Episcopus, è Monteferrato, Albæ scilicet Pompejæ Pontifex: tum alii atque alii, pro dignitate dispositi. Novissimo loco Ludovicus Heros est, aurea in veste splendens, & fratribus Sancto-Severinatibus circumstipatus: hinc duplex Senatus, Magistratus urbici: post quos turba sine nomine. Ad Ædem profecti, consalutata Sponsa, assumptisque dexteriori ab latere hospitibus, in urbem vertuntur, scindentibus aera tubis: quarum concentores ad sex & quadraginta paria existere. Jam effusa ad spectaculum plebs vias vicofque repleverat: varia ætas speculas conscendit: ac frequens matrona pro foribus & vestibulo domus sedebat. Sed ad portam urbis nova statim, id est, togata, phalanx ostentatur. Protenso unam in aciem nimis quam gravem erant Jureconfulti omnes Medicique urbani, purpureis vel coccineis togis fulgentes. Jam interiora urbis turmæ tenent: vetusque Palatium, quod è Divo Georgio cognominant, prætervehuntur. In vicum Armifabrorum ut adscensum est, nova ornatus species affulsit. Ornatat quisque tabernas proprias, id est, Vulcaniis Martialibusque opibus. Hic fulgentes ocreas, ille thoracæ æneæque capita suspenderat: composuerant alii integri hominis armaturam, tegumentaque equi; ut & hinc ferreus homo stare, inde prodire cataphractus equus videretur. In arcem delati, à Bona Principis matre, & sororibus Blanca & Anna, quas propinquæ mulieres & urbanarum puellarum chorus stipabat, excipiuntur.

Altera deinde dies, ac tertia privatim magis, & conferendis muneribus inter Principes ipsos acta est, quam ulla publica re magnopere memoranda; nisi quod præludii & exercendarum virium gratia, quo mox futuro certamini agiliores forent, militares assidue velitationes agebantur. Cujus etiam præmia proponuntur duo aurati panni, coccinei & caelestis serici colore distincti. Inter hæc improvisus ac veste incognita Mantuanus adventit Regulus, Franciscus Gonziaghus: qui tamen, subito de adventu suo monitis Principibus, in Regiam familiariter venit.

Ad nonum Kalendas Februarias privatim inter domesticos Anna & Alphonsus, præsentia mutui consensus verba exigente Guid-Antonio Arcimboldo urbis Archiepiscopo, desponsatur. Solemnia quoque Sacra privato Sacello acta, sed quod mire donariis & argento radiaret: in quibus præcipue suspeximus ponderosam solido ex auro crucem, & crassissimis margaritis onustam: tum duodecim Apostolos, simulque reliquos Religionis nostræ Principes, puro ex argento fabrefactos. Statuæ sunt novem numero & quadraginta, plures aliquando futuræ, pupillari magnitudine: quæ ordinibus dispositæ sedentem argenteo throno Deum, ac Matrem Virginem coronantem adornant.

Postero die in picturatam porticum conveniunt invitati omnes: hinc viri, inde mulieres duplicatis ordinibus sedent, tanto rerum apparatu ac vestium pompa, ut vix quicquam regia addi præsentia posse putares. Tria itidem erexerant tabulata, singula à capitibus: quorum altero molliter acclivi, ac aureis argenteisque conopæis velato, Principes sederent: alterum vasa Ludovici duo & sexaginta, invidiosissimi operis, ex adverso spectanda præberet, proque eodem abaco collocati tubigines. Nam tertium pulpitem, in medio positum, tibicines ob-

obtinebant: horumque omnium mirifico concentu exceptus Principum introitus. Quorum ornatum & pretiosam vestem jam ne ab ipsis quidem Phrygionibus mutuatis vocabulis commode expresse- rim. Certe duæ Regis nostri Joannis Galeacii & Ludovici manicæ, gemmis, lapillis, unionibus onustæ, ab quovis facile supra centena aureum millia æstima- bantur. Sed quis Annæ & Blancæ sororis? Quis Leonoræ, & Augustæ nostræ Isabellæ mundum? Quis uxoris & filiolæ Ludovici narraverit? Oculis ipsis, non auribus, opus est, ut ea integre perci- pias, quorum minor pars intextum aurum censeba- tur. Habitu vero omnes Hispano incedebant, fal- catis infra ubera pectoribus, ac pallio ritu Gabino dextro ab humero lævum ad latus subducto: tum sparsi per terga crines, pluribus connexi in tricam, gemmati pendebant, margaritisque graves. Con- sedere igitur eminentiori loco duo & quinquaginta utroque ex sexu Principes: atque inibi imaginaria militia & aureis togis donantur Defendus Suardus, secundus è tribus Montisferrati Legatis, vir mode- stia eximius, & longa consuetudine Principibus nostris perfamiliaris: & alius Alphonsus puerulus, unicus Petri Francisci Vicecomitis filius. Ab his saltationes iniere Reginæ: quas modice ac venuste obeuntes, magnam sui speciem præbebant vesti- menti cauda, quam longissime propendentem syr- ma vocari ab eruditis audio. Tum tibicinibus altius instantibus viri varie personati, singuli singulis puellis adjuncti, excepere ludum: nec minus ge- sticulis & incondito motu placebant, quam ipsis scenici ornatus indumentis. Quippe hos videre erat Gallis, Hispanis illos habitu simillimos: alii Pan- nonios referebant: & Ægyptia Turcensisque ves- tis plurima internoscebatur. In noctem res pro- cessit; cum deinde accensis funalibus è candida ce- ra Mauricam pauciores egere: quæ, ut summæ industriæ & agilitatis laudem meruit, sic extremus ejus diei rerum actus fuit.

Postero die eodem convenere principes viri ma- tronæque mutatis pridianæ pompæ vestibus. Nam supra ducentos in togis auro vel argento textis nu- meraveramus; ut torques & monilia fileantur. Ve- rum nec honestum jam ornatum putamus, quem non quinquies possis, aut quater saltem, pari luxu variare. Novo igitur splendore radiantibus in con- fessu Ordinibus, tertiis nuptiis cumulatur celebri- tas. Desponsatur Herculi Sigismundi filio Angela major è duabus puellis Blancæ Symonetæ: quas è Carolo Sfortia, Ducis olim nostri fratre, genu- rat. Quo factò, initium saltationibus, ut pridie, fecere Sponsæ. Productis mox à personatis in ho- ram choreis, subiit Tusca puella, magistro comi- tata: quæ, saltu flexuque corporis multifariam ro- tata, omnes humanæ agilitatis venustatisque nu- meros non modo referre decenter, sed supergredi etiam admirantibus visa est. Hinc curru Reginæ conscenso, ad militares spectandos ludos abi- ere: ubi Galeacius Sancto-Severinas complurimis egre- giis cursibus adversarium tandem Symonetam Hia- cynthum ad terram everberavit, nisi quod robustis- simus equus ab casu equitem fortiter servavit.

Hactenus muliebris fere consortii & umbratilis operæ res fuit. Martia nunc & bellicæ imaginiserit. Septimus ad Kalendas Februarias dies agebatur, quo hasticum certamen conductum erat. Quo de- scribendo haud sane Lectorem iis involvam tech- nis, quibus plerique abuti solent, cum aut res si- gillatim laudanda non subest, aut ipsi verba rerum significantia non inveniunt; ut nil splendidius, nil collucentius, aut magnifice magis unquam, ne à Cæsaribus quidem ipsis, cogitatum fuisse jactent. Nam et si mihi eam dicendi copiam non asseruerim, simpliciter tamen ista attingam; & ut quæque oc- currerint, quam planissima efficere conabor. Ergo

A ante meridiem concursu plebis completur area, complentur & circa exstructæ contabulationes viris matronisque: quæ ab remotissimis urbis regionibus perquam frequentes studio visendi confluerant. Jam alterum, nec minus prope jucundum, specta- culum ingens multitudo faciebat, conferta quoque Principibus illustrioribusque puellis Orchestra; cum primus introcundi honor Mantuano Principi deferretur. Qui ut illustrior etiam comitatu foret, deduxere eum Dux noster, sororius Alphonsus, & Ludovicus. Sed ipsum præbant undeviginti equites, pari omnes vestis ac phalerarum genere succincti, è serico scilicet viridi & villoso. Duo- decim primores, aureis torquibus insigniti, aura- tas lanceas gestabant: septem alii, agilioribus ve- redis utentes, torques quidem ipsi non habebant; verum pectoribus equorum vinculi vice alligant. Tum dimidiati thoracis ex argento sericeoque pan- no pedites quindecim circumstabant, qui omnibus momentis necessaria equiti subministrarent. Ipse autem obarmatus viridi velo circumtegebatur.

B Secundo invehitur Annibal Bentivolus: qui, eorumdem comitatu Principum honestatus, tres præ se agebat commilitones, aureis indumentis ar- genteisque nitentes: quorum cassidibus quaterni vultus inflatus tumentes spirare in omnem partem ventos videbantur. Ipse, viridi paludamento oper- tus, Memnona gerebat, & Auroram è jugo mon- tis orientem.

C Gaspar Sancto-Severinas, quem de vi & virtute Frachasium nuncupant, curru egit triumphali si- milem, tribusequis jugo junctis: quorum duo mo- nocerotis, tertius cervi formam gerebat. Tum de- fixæ in orbem lanceæ auratæ totum vehiculum ceu caveam coronabant. In medio tumulus erat: è quo vir Mauri imagine aptos versiculos cecinit. Nos primo statim conspectu, Martem co vehi curru, vel Bellonam, credidimus. Sed alii magis Fortunam repræsentare voluisse existimarunt.

D Sed Galeacius frater, gentis columen, & Lu- dovici gener, nova specie hominum in se oculos avertit. Monstruosus primo equus erat, squamis au- reis contextus: quas etiam pictor pavoninis veluti oculis illuminaverat. Ex iis, qua dehiscabant, ra- ri hirtique enascebantur pili, atque horridiores se- tæ. Caput auro penitus flavum, torvum alioquin, & cornibus sursum intortis emicans. Par sellæ or- namentum, & pectori brachiisque viri circumda- batur. Cujus ab capite serpens alatus prodibat, cauda pedibusque terga equitis complectens. Cly- peo barbata facies auro lita micabat. Sic incedentem comites promissa barba sequebantur, variis setarum globis sparsim per equorum membra agglutinati. Nam reliquo amictu simillimi sylvestribus incultis- simisque Barbaris videbantur; ut confestim nobis Scytharum memoriam subjecerint, & eorum, quos nunc vulgo Tartaros vocant. Verum nuncius ad Principem accedens, primo externa, mox ceu in- terpres Itala Lingua loquutus, filium esse docuit Indorum Regis: qui, domitis Nationibus maxi- mis, Occiduum Orbem petere cupiisset, cum vir- tutis extendendæ gratia, tum ut eas terras invise- ret, in quibus proximo anno Jovem descendisse cum cæteris Numinibus intellexerat. Allusit vide- licet ad id, quod superiori hyeme maxima celebri- tate & sumptu actum est, cum hemisphærali machi- næ, ferreis circis concinnatæ, crebris lampadibus suspensis, septemque pueris, qui ceu Planetæ lar- gius radiarent, atque Jove medio throno inter assi- dentes Deos eminente, volventis est cæli reddita imago. Atque inter hos cogitatus apparuisse mer- catorem ait, qui inde è media Europa profectus vi- deretur: quo veluti optimo viæ duce oblato iter in- gressus advenerit, & Dei Numen veneraturus, & præfenti ludicro (si tam longinquo advenæ liceat) ejus-

eiusdem in honorem pugnaturus. Laudata est oratio, ut rei temporique accommodatissima. Nam, ut cæteris etiam rebus sibi fabula apte congrueret, nodosos informesque truncos manibus gestabant, & decem tubicines argutioribus lituis exoticum nescio quid insonabant, tum caprinæ pelli insertis fistulis pro utre utebantur.

Jucundus etiam adpectu Spingelis fuit. Hoc Cubiculario nomen: qui opera & impensa Marchesini Stanghæ ab arcanis viri ornatus, quatuordecim invexit hastatos, & tres tubicines Germanico habitu, in equis albis, & Teutonico itidem more phaleratis. Quod sane ita omnes oblectavit, ut, cum reliqua admiraremur, hanc tamen subinde laudaremus præclaram albertium equorum turmam, tum virorum flavas comas, nuda colla, & è luteo ac nigranti serico compositam vestem. Eidem in summa galea Aquarius fuit, imbres ac tempestatem effundens: cujus importunitate & vehementia obrui in clypeo pictus puer videbatur. Nec inferior putatur fuisse Joannes Antonius Marioli: cui duodecim pedites totidemque equites, Turcensi tunica è serico Sfortiani versicoloris, hastas detulerunt. Nam Franciscus Sfortia, Bosio natus, coccinatus in totum, coccinatos & servos habuit. Alexander item Sfortia, Ducis nostri frater, gentile signum colore vestis distinxerat. Sed maxime elegans visus est Nicolaus Corrigius: cui substrictissima vestis auro fulgebat. Varia aliorum fuere signa, vel vetusta gentis, vel recens excogitata; ut non defuerit, qui ovis instar equum vestiverit. Sed nec Historiæ refert omnia complecti: & clarioribus traditis, otiosum est minutiora persequi. Nam sex & quinquaginta numero pugnatore fuere: quorum nemini non holoserica, aut auro argentove texta, vestis spectata est. Quibus ordine, ut primores fuerant, inducendis cum suffectura dies non videretur; patefacta sunt omnibus viis claustra, atque agminatim per tumultum admissi. Qua ex re tantus è bombo tubarum clangor illatus est, ut exinde mens simul atque aures omnium perstringerentur. Demum facto silentio, compositis paribus, initium pugnae datur.

Primi concurrere Franciscus Sfortia & Petrus Bolognini: cui pluribus infractis lanceis, atque excusso semel clypeo, conus galeæ perforatur, magno hominum metu, ne ad caput usque periculum attinuisset. Subiere inde Frachasius & Andreonius Mirandulanus: tum Joannes Tolentinus & Franciscus Galeoti Mirandulæ filius; ac plerique alii: magna omnes laude. In quibus libenter nominaverim Joannem Galleratem, Petri filium: qui præclaræ indolis ac magnæ spei adolescens, & summa dexteritate lanceas vibrabat, & sæpe adversarium ferociter concussit. Sed unus Nicolai Corrigii casus nomen cunctis eo die abstulit. Adversarium hic habuit Mariolum Viscardum, Ludovicianæ Aulae alumnus: quocum oëties commissis hastis, tenaciori demum cuspede prehensus, subsidente equo terræ provolvitur.

Postero die Jacobus Galeacii Sancto-Severinatis & Nicolaus Maleta congregiuntur. Octo hic, ille decem fortiter confecit hastas: quarum etiam postrema, strenue fronti impacta, duplicis vim incursionis habuit. Carolus Varisinus, septem elisis, altera manu offensus abiit. Fortia alia multa fuere. Sed unum pariter summe illustre est, quod duo Jacobi, de Armis unus, alter Vayrani cognomine, constrinxere. Tam valide enim utrinque sese firmioribus perticis excepere, ut, vehementissimum impulsu non sustinentibus equis, una ambo ruina conciderint.

Tertius dies ipsorum Principum fuit. Mantuanus Marchio primo cum Philippino Flisco, Jovis arcis, ut ajunt, Capitano; tum Annibal Bentivo-

lus & Alexander Sfortia se exhibuere. Sed Bentivolo post septimam excussam hastam icta manus bene coeptam gerendæ rei occasionem intercepit. Curritavere deinde Hercules Rusca, Baptista Trottus, Joannes Antonius Veronensis; qui Francisco Garimberto clypeum exturbavit. Bartholomæus quoque, Renati Trivultii filius, bis acerrime pulsatus, robur sibi virileque inesse spiritus ostendit.

Sed omnium animi pariter oculique erecti, capefente rem Galeacio Sancto-Severinate: qui non terribilis amplius, nec barbaricis suffultus tegminibus, sed serica lacerna sericoque velo, equum & hominem complectente, pulcherrimus apparuit; nec expectationi vel virtus vel fortuna defuit. Initio enim certamine, veteranum primo virum, Bartholomæum, de Sancto Georgio cognominatum, excusso bis clypeo, ludo submovit. Tum opposito eodem Baptista Trotto, cui paucæ supererant adhuc currendæ vices, tres sunt magno impetu illis lanceæ. Sed qua quinto incursum est, adeo compressit homini thoracem, ut pene interclusa anima simillimus ruenti ferretur. Cedens igitur, secundum ei ad victoriam gradum præstruxit. Sed nondum communem cum cæteris currendi modum expleverat Bellator tertius. Itaque subit adversarius Joannes Antonius Veronensis, qui dudum & ipse ludicri honorem alteri præceperat: cumque hoc ita reliquas peragit hastas, ut haud dubius victor tacito spectantium favore signaretur. Quamquam igitur & Robertus Quarterius postea, & Henricus Carretus, Bochalinus Mantuanus, Spingelis, atque alii fortiter fecerint: & Hiacythus Symoneta Badium Papiensem, compressu thoracis infestius arctatum, abire numero certatorum coegerit; pronunciantibus tamen victoriam Judicibus, prima laus Galeacio habetur; eique cocco intextus, hoc est, illustrior pannus; alter vero, bifariam dividendus, Mariolo & Jacobo Galeacii æqua portione adjudicatur. Sicque his sublatis, ac præcinentibus tubis tympanisque, Hieronicarum more in arcem deducuntur.

Hic terminus institutæ Nuptialis celebritatis fuit: nec jam superesse aliud ad publicam lætitiæ opinabamur; cum repente alteram longe faultioris voluptatis & auspiciatissimi gaudii materiam fortuna intulit; & cujus maluerim, quam ullius alterius rei, credere prænunciam fuisse eam, quam paulo ante apparuisse novam stellam diximus. Tertio namque Kalendas Februarias, sublucescente aurora, cum jam colligere sarcinas advenæ cœpissent; Regina nostra Isabella, jamdudum matura partu, primogenitum Principi nostro filium peperit; quem mox, ab eodem Archiepiscopo Sacris lustratum, Joannem Franciscum parentes nuncupavere.

Kalendis autem, jam cæteris digressis, Ferrarienses quoque abeunt, relicta Beatrice, Annam abducentes. Cui, præter reliquos Proceres, ducentorum equitum catervam trahentes, ab Mediolanensi Duce, causa honoris, comites adduntur Hermes frater, & Joannes Franciscus Sancto-Severinas Cajaciæ Comes. Qui, Nonis deinde, qua venerant, via redituri, instructas Papiæ naves conscendere.

Hic, carmine claudendi Operis gratia, Pauli Lanterii Epigramma in pueri ortum subijciam:

*Omnia ridebant tota feliciter urbe;
Causaque lætitiæ non erat una tamen.
Implebant animos Hymeneia festa faventes,
Excibat plausus Martia palma novos;
Cum maturavit partum Lucina beatum,
Et Regem nobis Regia Nupta dedit.
Ergo inter pacis ludos, & bellica palma
Præmia, qui dextra vivere cœpit, Ave.
Ipse triumphali lauro connectet olivam
Pacificam, insignis Marte Togaque simul.
Scilicet imperio natus sceptrisque regendis
Haud aliis nasci debuit auspiciis.*

MAGNIFICO ET GENEROSO EQVITI,
D. HERASMO BRASCAE,
CAESAREO ET MEDIOLANENSI SENATORI,
TRISTANVS CHALCVS,
MEDIOLANENSIS,
SALVTEM PLVRIMAM.



I pro merito ac rerum ordine quicquam mihi agendum est; Augustalium Nuptiarum Editionem nulli magis, quam Tibi, Generose Eques, dedicare debeo. Nam & Tu earum primus postremusque idemque unicus interpretis atque auctor fuisti; & eas maximis vigiliis, laboribus, periculis tuis confecisti. Et benevolentia inter nos singularis est, & quæ altioribus opinione fundamentis nititur. Nam jam inde à parentibus & avis inita, mutuisque beneficiis aucta; cum forte Scholis egressos publici Muneris ratio in eandem officinam detulisset; ac sub eodem Præfecto viro optimo Bartholomæo Chalco, principalium arcanorum Magistro, mereremus, ita coaluit; ut, cum paria studia, par animus, par ætas, par voluntas foret, nihil fuerit nostra consuetudine vitæ dulcius, nihil fraternitate nostra jucundius. Ut vero Te beatior fortuna sustulit: atque iis, quibus natus eras, tractandis Regum negotiis exercere cœpit: atque ista, quam nunc Eques & Senator Cæsareus arcem tenes, locavit; nec aversatus unquam amicum es, aut minus familiariter accepisti; sed &, quo plus promereris, semper studuisti; nulli occasionem, ut me ornares, defuisti. Quibus, non secus ac immortalibus beneficiis, devincto, nihil non à me Tibi deberi, fatendum est. Accipe igitur Nuptias, perpetui mei in te animi pignus. Quo cum tui nobilissimi facti contextus accedat; non solum Tute Teipsum legendo agnosces, atque iterum redire in eadem facta (quod plurima cum voluptate contingere solet) videberis; sed aviditate Lectorum, & studio eorum, qui hæc nosse, ornare, ac variis Linguis diffundere cupient, Nomen tuum æternitati consecratum, & de omnium viventium iudicio & posterorum memoria securum videbis. Vale. Mediolani, Idibus Juliis millesimo quadringentesimo nonagesimo septimo anno.

TRISTA,

TRISTANI CHALCI, SCRIBAE MEDIOLANENSIS, NUPTIAE AVGVSTAE:

HOC EST,

MAXIMILIANI IMPERATORIS CVM BLANCA,
JOANNIS GALEACII MEDIOLANENSIVM DVCIS SORORE.

E P I T O M E.

Heraſmus Braſca Nuptias iſtas conciliaverat: eique propterea Chalcus hanc ſui Lucubrationem, amico cetero- qui ſemper ſuo, nuncupavit. Legatus igitur Heraſmus, Maximilianum in eas tandem conſenſiſſe, renunciat, necnon etiam Marcoaldus Breiſach confirmat. Germani veniunt Oratores abduſturi Sponſam: & à noſtris regali apparatu excipiuntur. Forte fortuna vero inter hac veniunt etiam Ruſſia Ducis Oratores. Blanca pri- vatim deſponſatur. Sed & Galliarum Regis Legati huc applicuere. Regia Sponſa ſupellex: Templi maximi ap- paratus, necnon etiam inde ad arcem Jovis. Solemniter hinc ad illud proceditur: ibique Miſſa per Archiepiſco- pum noſtrum celebrata: ſic etiam celebratum Matri- monium, Sponſaeque caput Auguſtali Diademate redi- mitum. Reditur in arcem: applauditur. Jam vero Spon- ſa Communi deducta, inde per Larium lacum (cujus hic topographia cernitur) in Germaniam tendit: cumque Maſſum invecſta eſſet, ac Germanis reſignata; plerique noſtrates, eam illuſque comitati, revertuntur. Illa In- ſprucham progreſſa, honorificentiffimeque excepta, Nata- lius Chriſti Dies ibi tranſigit: deinde Halam & ipſa & Imperator conveniunt. Quemadmodum Nuptia iſta olim prædicta. Inſprucham poſtea redeunt: ibique poſt Miſ- ſam ſolemniter celebratam, & ſubinde poſt Menſam, Ju- riſconſultiſſimus Jaſon Maynus peroravit. Poſt hac tam ipſe, quam ceteri cum ipſo Legati, variis honoribus ab Imperatore donantur.



ENS Sfortiaca, quæ, Regum mater, parensque Ducum, Longobardorum Regnum, pulcherrimam Italiae partem, obtinet, non minus prolis gloria & felicitate, quam imperii auctoritate & potentia, illustratur. Tali enim virtute rerumque fortuna uſa eſt; ut quot Alumni in ea nume-

rantur, totidem Proceres, Heroeſque, & clariſſimi Principes utroque in ſexu perſpiciantur. Ex hac progenitæ Blanca & Anna, patre Galeacio Quinto, matre Bona Sabaudiana, Mediolanenſium Ducibus, jam inde ab infantia ſub matris & patris Ludovici Principis moderatiſſimi tutela ita educatæ ſunt; ut, cum genus, formam, ingenium à natalibus ſingula- ria accepiſſent, moribus etiam, venuſtate, elegan- tia, probitate, religione, ac cæteris artibus, quibus Regum filiaſque inſtituuntur, excellere.

Anna jam biennium Alphoſo Eſtenſi, Ferrarienſium Ducis Herculis primogenito nupſit, dupli- cante affinitate Ludovico: qui iſdem Nuptiis, vel- uti permutatone facta, Beatricem, ejuſdem foceri filiam, duxit. Blanca, quæ & ætate major & ſta- tura procerior eſt, multis petitum Regibus connu- bium fuit. Ac demum ex Germania reverſus Heraſmus Braſca, Nobilis Mediolanenſis, qui ex Decu- ria noſtra lectus eam Legationem ſæpe obiverat, ineunte Auguſto menſe anni tertii & nonageſimi ſu-

B pra eum, qui milleſimus & quadringentefimus à Chriſtiana dinumeratione colligitur, retulit, confe- ctam conſtitutamque rem eſſe cum Maximiliano Au- ſtro, Federici Tertii Romanorum Imperatoris filio, ac ipſo jam ſeptennium Cæſare designato: ejuſque fidem publicis alligatam Diplomatiſque attulit. Nec ita multo poſt Marcoaldus Breiſach, ex penitiori Regis Conſilio, ſcientia & inſignibus Ju- riſconſultorum ornatus, eadem confirmavit: & reliqua, quæ neceſſaria forent, curaturum ſe oſtendit. Cumque alia ad Urbem Romam habere ſe mandata diceret; docuit, qui mox alii, abſolvendæ rei abducendæ- que Sponſæ gratia, venturi Oratores forent.

C Igitur paucis inde diebus per Tridentinas Fauces in Brixianum agrum deſcendiſſe nunciati ſunt Mel- chion Epicoſopus Brixinenſis, Joannes Volceſtaim, & Gualterius Stadius, Equeſtri dignitate Viri: quibus ſtatim occurrere juſſi cum Braſca Oratore Placentinus Epicoſopus, & antiquæ ſtirpis Vicecomitis Baptiſta & Gaſpar, ex Senatu lecti opulenti Equites. Caſ- ſiani (quæ arx Abduæ imminet) cum pernoctatum foret, affuere alii opinatiſſis dignitatis Viri, Guid- Antonius Arcimboldus Mediolanenſis Eccleſiæ Anti- ſtes, Joannes Bonromeus Comes, & Joannes An- gelus Talentus. Cum his declinantes Moguntiam, ad Lambrum amnem arce pernobilis hoſpitantur.

D Urbi propinquantes alios atque alios per intervalla, & majorem præ ſe dignitatem ferentes, offendere: & primo Senatum integrum: Severinos fratres, amicitia & conſanguinitate præcipuos, atque in Pro- cerum caterva eminentes. Tum Principes ipſi oblati, Joannes Galeacius Dux & Hermes, Blancaſque fratres, ac ipſe rerum arbiter Ludovicus patruus: qui longo Magiſtratum civiumque ordine, ac ſubditarum civitatum Nobilitate proſequente, exierant Orien- tali regione ad ultimum ſuburbanum, ubi ſurgens opus ampliſſimo campo circumdato in octingentas cameras, peſtilentium uſui designatas, jam pro ſpè- ctaculo habebatur.

E Hic exceptis Germanis, honeſtiorique laterè loca- tis, urbem omnes introeunt pulla veſte teſti, lu- ctus cauſa, qui utrinque recens contigerat, illinc Federico Maximiliani patre, hinc Leonora Ludo- vici focu deſunctis.

Ita ingredientibus alta ſtatim urbis atria, amplæ domus, & æqualis illa tectorum omnium ad libellam nuper formata ſublimitas, picturatiſque parietes in conſpectum dati. Forum & media urbis præterve- hentes, Argentariorum Armariorumque officinas, ſuo quaſque ære nitentes, circumvertunt, mirati undique frequentem populum, elegantes ædes, opi- ficia innumerabilia. Perducti in Jovis arcem, regali apparatu excipiuntur.

F Par & Marcoaldo ante pompa, & paulo poſt Jo- anni Bontemps Burgundiæ Quaſtori, & Gaſpari Mechar Brixinenſis fratri ac Maximiliani intimo Cu- biculario, exhibita.

Fors etiam Fortuna tulit, ut ab ultimis Europæ finibus proſecti Oratores in hanc celebritatem inci- derint. Veterem ſervat cum Principe noſtro amorem

Joannes Magnus, iis in regionibus Dux, quas ab Euxino Pelago in Borealem plagam vergentes, Scythæ, Gethæ, Sarmatæque variavere: Russiæ nunc nomen unum est. Ab eo Mediolanum destinati Emanuel Dossæ, Daniel Mamotonus, & Theodorus Manassi: cum rectum per Jazygas & Pannonias iter impediretur bello, quod cum Poloniæ Rege gerunt; flexisse se retro ad Riphæos Montes & Septentrionalem Oceanum dixerunt; ac classe delatos ad Cimbricam quondam, nunc Daciæ Chersonesum; atque inde per Germaniam iter, quarto Nonas Apriles incœptum, decimo tertio Kalendas Decembris peregrisse.

Principi obtulerunt munera, Giriphalcum candidam (gratam aucupio avem) arcum, pharetram, acinacem, & detractum monstro dentem, magnitudine brachium viri longe superantem. His addidere jaspidas, Chalcedonios lapides, & ducentas Scythicarum mustelarum pelles: quas, Regum cultui dicatas, ætas nostra *Zebelinæ* vocat.

Horum ab adventu biduo interjecto, cum reditum ad Regem festinaret Gaspar Mechar, privatim Blanca desponsatur.

Sexto inde die Episcopus Lodevensis & Nicolaus Renantus, Caroli Octavi Galliarum Regis Legati, applicuere: qui singulari humanitate gravissimisque sententiis habita Oratione docuerunt, quam grata ac jucunda foret isthæc consobrinæ Blancae consobrini Ducis ac Ludovici cum Romano Cæsare conjunctio.

Exin multiplicibus & longissimis trium tricliniorum mensis exposita regia supellex: quæ doti (quæ quadringentorum millium aureorum fuit) superaddita, Græco non desinit verbo vocari *Paraphernalia*. Hic vestitum omnis generis corporis capitique videre fuit: stolas, pallas, chlamydes, tunicas, flammae, reticula, strophia. Ex his alia holoserica, alia auro, hæc argento, illa utraque pariter materia contexta: necnon pretiosis fulturis hiberno tempore æstative accommodata. Hinc linthei generis exoticæque cannabis candida: ut abditiores corporis tuniculas, & cubiculi tentoria, & reliqua lectuli tenuissima velamenta, argenteis filis, aureis limbis, aut fericis nodulis astituta. Sed tenuia sint hæc: simulque prætereantur elegantia auro aut argento & cocco calciamenta, phaleræque, & equorum stragula: quibus tamen quadraginta, qui circa erant, liti auro cophini, pistique alii totidem, satis non fuere. Non itidem censeas fulvum auro, rubens cocco, dimidiatum albo violaceoque colore conopæa. Tum escaria potioraque centum & octoginta argenti vasa, & multiplicia ex margaritis colli pectorisque monilia. Item sinaragdus, adamas, & beryllus, singuli magnitudinis inusitatae. Vestis vero illa vere nuptialis fuit: quam, auro coccoque fulgentem, octoginta carbunculi, castellatim quaternis margaritis impositi, veluti totidem oculis interpunctam reddebant.

Locus autem solemnisi stipulationis & regi nominis palam sumendi designatus est templum media urbe: marmoreum illud, augustum, ingens, centum sublimis columnis: cujus spatiosa per longitudinem intercolumnia, solita aliàs Gallicis aut Babylo-nicis stragulis vestiri, nunc Attalicis fulsere, hinc argento, illinc auro intertexto. Circa aram tabulatum altius erectum stratumque tapetibus, sedilia Principibus, hinc aurato inde argentato conopæo distincta: nam cætera bicolor pannus albi & violacei ferici prætexuit. Tum magnis gradibus disposita sexaginta illa celeberrima opere pondereque vasa, & sex ac quinquaginta Divorum hominumque effigies, ac totidem candelabra albis cereis interlucentia, cuncta puro argento nutu & impensa Ludovici fabrefacta.

Hinc ad Jovis arcem via perpetuo tecta umbraculo, & utrinque parietibus aulae obducta: portæ, fenestæ hederarum coronamentis virefcebant: ubique Romana Aquila, Vipera Vicecomitum, Crux Sabaudienfium, & Versicoloria Sfortiadum conspici.

Et cum, studio ornandi, privata etiam cives inferrent, fuit, qui Crocodilum, non aliàs urbi nostræ visum, suspenderet.

Hæc agentibus illuxit constituta dies pridie Kalendarum Decembrium, Andreae Apostolo sacra: ac viva ornamenta accessere. Nam cum concursu cunctas populus stiparet vias; Religiosorum hominum Fratemitates, à templo ad arcem continenti ordine protensæ; venerandam sui speciem præbebant; & tabernæ, generosis matronis puellisque ornatissimis differtæ, obambulantem circa juventutem ad spectaculum trahebant.

Primi per hæc conscendere Germani, longum præ se Nationis suæ agmen agentes: ipsique singuli singulis nostratibus auro togatis associati: qui ita officio functi sunt, ut lævam introeuntium partem, quæ & aurata erat, solis Germanis vacuam relinquerent.

Mox nostri Principes subiere, ornatu vestium splendidissimi. Præbant Aulicorum catervæ, & invitati omnes: Duces ipsi proxime Blancam adequabant. Quæ novo curru deaurato, ac ternas in fenestras columellis distincto, albis bijugis vehebatur, assidentibus dextra sinistraq; Isabella Joannis Galeacii Ducis & Beatrice Ludovici conjugibus, & in averfa parte tribus aliis consanguinitate proximis. Reliquæ matronæ, quæ honoris gratia lectæ, forma & opibus præstantes erant, decem carpentis sequebantur.

Templo succedentes, reverenter excipiuntur ab altera Beatrice ejusdem cognominis patriæque, sed quam conjugium Tristani Sfortiæ demortui distinguit: quæ in limine adstabat cum nobili aliarum puellarum corona.

Incedentis Blancae prælongam vestem laxasque manicas sustinebant nobilissimi Equites, Galeacius Palavicinus, Conradus Landus, & Momphredus Tornielus. Sedens argentatam partem tenuit media inter duos Gallicos, à quibus dexteriora implebant Antonius Genarius Neapolitani Regis Legatus, Joannes Galeacius Dux, & cum Beatrice conjugis Ludovici patruus: cujus à latere nusquam recedit gener & Militiæ Princeps Galeacius Sancto-Severinus. Sinisteriora Georgius Pisanus Venetus, Petrus Guizardinus Florentinus, Isabella, Jacobus Trottus Ferrariensis, Mirandulani Corriganique Proceres, ac cognominis nostri splendor mæque dignitatis auctor Bartholomæus Chalcus arcanorum Magister maximus, ac cæteri obtinebant Legati Primatefque Viri. Sarmatæ, quia arrogatus inter omnes primarius locus non concederetur, non tam rarissimo caruere spectaculo, quam aliorum ordine abstinere maluerunt. Nam ut semel bisque urbem perambulantes variam rerum affluentiam, virorumque ac mulierum pompam æstimavere, affirmarunt, non hi solum, sed Galli quoque & Germani, nusquam se tantam vim auratæ vestis, aut argentatæ, coccineæve aut gemmatæ, agnovisse, quanta eo die ostentata erat.

Jam plena contabulatione, residentibusque secus viros matronis, postremas ornati loci partes clauderant Juris & Medicinæ Consulti: qui, sexaginta numero, caput & humeros solemniter more insigniti pelliculis inversis, & cætero purpurati, universo è populo maxime monstrabiles fuere.

Ita cunctis ordine sedentibus, surgit ad Rem Divinam Arcimboldus Archiepiscopus. Chori symphonicorum cantus excipiunt: tubæ, organa, tibiaeque alternant: reliquas caerimonias & thuris fumigationem procuravere templi Sacerdotes Ordinarii, quibus Cardinalium appellationem vulgo impertimur. Osculandam Pacis Tabellulam ad Germanos Fabricius Marlianus Placentinæ, ad Blancam & Principes alios Antonius Trivultius Comensis Ecclesiæ Antistites tulere. Omnibus rite peractis, Blanca in medium producit. Accedunt & Germani. Rogat Arcimboldus, *Velint recipiantne justum & legitimum præsentis Blancae & absentis Maximiliani conjugium*. Partibus utrinque annuentibus, maritalis exhibetur annulus: atque

atque eo, Joanne Galeacio fratre & patruo Ludovico exerentibus digitum Sponsæ, Brixinensis devincit. Tum detractis, quibus modo totum radiarat caput, gemmis, virgineas per terga diffundunt comas: ac nudo capillo auream arcuatam, Mundique imaginicula superbam coronam imponunt: sicque Augustam consalutant. Depactas hoc modo Nuptias intentioni spiritu insequutus tubarum clangor & mixtus tibiæ organorumque concentus undique declaravit: ac summo à culmine dato signo cæteris turribus augustius pulsandi, festo æris tinnitu cuncta contrepere.

Jam meridiana jejunos hora urgebat; cum diverso, quam venerant, ordine redeuntes apparent. Nam ut viri bini præteriverunt, matronæ, omisso curribus, singulæ in equis spectatæ sunt: hæ gemmis, illæ margarita plurima: aliæ aureis torquibus, & quadraginta omnino aureis vestibus radiantes. Et novæ Reginæ, quæ cum Brixinensi antecedeat Episcopo, umbellam solemnem supra caput gestabat Consultorum & Medicorum veneranda cohors. Habenas ductavere stipatorum more Summates Viri, Joannes Franciscus Palavicinus auro, & Franciscus Bernardinus Vicecomes argento togati: uterque pedes, egregia corporis proceritate conspicuus. Sequebatur Isabella, quadrupedanti eminens equo, & Beatrix, & Blanca, altera Ludovici filia, ac reliquæ illustres matronæ: post quas ancillæ, uniformi habitu elegantes, in octoginta sui sexus equites explevere. Cumque alium alia res admiratione afficeret; eo tamen multitudinis necursus fieri, impressione urgeri, sexus omnis ætasque sine discrimine impelli, qua jamjam transitura nova facie novo cultu Sponsa erat. Quisque aureas comas, os probum, regali decore ornatum, tum reliqui corporis habitum & dignitatem admirari: simul Ludovici Sfortiæ nomen ad astra ferre: tollereque laudibus sapientiam incredibilem, prudentiam singularem, virtutem incomparabilem: qui, cæteris partibus firmato dudum ampliatoque Regno finitimorum clientelis, conjugis, foederibus; nunc, charitate in neptem plusquam paterna, primaria Christiani Nominis affinitate constabiliret. Subindeque recensabant repetitas Ligurum deditiones, Sabaudianos tumultus ejus industria pacatos, restitutumque Saluciensem Marchionem: tum saltus Alpium munitionibus firmatos: Venetiam, Florentiam, Bononiam, amicas civitates: Ferrariensem vero socerum, & congenerum Franciscum Gonzagam Mantuæ Regulum, adeo fidentes obsequentefque, ut nihil ab eis secretum, nihil divisum habeatur. Remotius autem & Galliarum Rex foedere, & Neapolitani multiplicitate affinitate ultro citroque datis uxoribus atque immortalibus insuper beneficiis alligati: & Romæ Sextus Alexander Pontifex conjunctissimus, atque Ascanius frater inter Cardinales & Ecclesiæ Principes maximus & superata invidia potentissimus, celebrabantur. Talibus studiis ac vocibus prosequentibus, reducta in arcem Blanca est. Quam, equo descendente, ulnis excepit præstantissimi corporis Heros Antonius Maria, tertius Severinatum fratrum: Bona vero mater lætissima, altero nobilium mulierum choro cincta, cum domi expectasset, triclinio introduxit.

Cæterum convenerat, ut desponsata Blanca primo quoque tempore iter in Germaniam capefieret. Igitur jam cunctis ante expeditis: delectisque ornatissimis Oratoribus, qui ad virum usque, quique trans Alpes tantum comitatur; ipsi cuncti, ne quid ad honorem decisset, Comum usque subsequi Principes voluerunt; unde Larius lacus incipientes aperit colles, & navigantes sub ipsas montium radices perducit. Medioloano discessum est tertio Nonas Decembres, civitate quam longissime effusa desiderio iterum iterumque visendi. Vicatim ea nox acta. Mox Comum ventum: cujus in introitu ut specie quoque apparerent, quæ re splendida & magnifica erant; Ludovicus in convallis planitie subsistere omnibus jussis, ordi-

nes constituere; ac, ceu in castris armatorum acies instrueret, unumquemque suum in agmen redigere coepit. Itaque & turmas Aulicorum Blanca, rubente fago pileoque insignes, & nigrantem Germanam manum, reliquosque nostros, binos incedentes, dinumerare facile erat. His occurrere cives: & cum umbella Periti Legum & Medicinæ, pelliti togatique solemnem more: Religiosum quoque Nomen secus viam stabat. Episcopus autem pro foribus templi, pontificia venerandus tiara & lituo, adventantibus affurrexit: depositæque equo Reginæ fausta & felicia precatus, in proximas ædes cum Bona matre & Germanis Legatis deduxit. Alii in alias nobiliorum civium domos divertere: quas, præter proprium ornatum ac terna vice obducta umbracula, singuli etiam lauro, hedera, flosculis, coronamentisque redimiverant, & testudinibus altioribus imaginibusque Ducum distinxerant. Pari ornatu virescens & classis in portu stabat, circiter centum convectis navibus. Ac postero quidem die excursio ludicra facta est magna voluptate, & remigum certamine: quos, pro alacritate supremum virtutis specimen præbentes, & celeritate ventorum vim & gyris flexuris ac subitis à cursu retentionibus fallentes, equorum agilitatem superare, cuncti mirabamur. Interim autem trajectis impedimentis, tertio ab adventu die ad portum descendunt, hinc læti nuptiali nomine, inde mœsti & lacrymis rorantes; cogitantibus, quæ mox futura esset matris ab filia, fratrum ab sorore, patruorum ab neptis conspectu distantia. Dignique spectatu fuisse gestus alloquentium, tenentiumque se, & quas ipsa ore Maximiliano diceret, commendationes addentium.

Tandem charis distrahi amplexibus conscendunt hora, quam meridianam indixerat Astrologorum clarissimus atque idem Medicus gratissimus, Ambrosius Rosateus: qui non solum multa alia prædixerat, sed veluti Vates antiquo plenus Apolline & discessus Legatorum & adventus tabellariorum, cum tractaretur negotium, prænunciabat. Itaque & optabilis tempestas navigantibus favit: & Sol, qui quindecim ante dies latuerat, hoc ipso momento, quo pedem Virgo navi admovit, subito diluxit, dispulsaque nube serenissimus (quod omnes admirabundi & gratantes suspeximus) totum deinde iter uno tenore illuminavit.

Avectis è conspectu navibus, Como Principes quoque ipsi facessunt. Bona Mediolanum, Joannes Galeacius & Ludovicus in Sepriensem declinantes, Olona & Ticino trajectis in Novariensem perrexere. Ac subinde nuncii & litteræ afferebantur, quantum quoque die itineris Blanca confecisset.

Quinquaginta millibus passuum patet Larii longitudo, cancri formæ persimilis. In Alpes cauda versa definit ad vicum Mezolam, duas ostendentem valles, Sancti Jacobi, & qua Clavenam itur. Ubi eadem cauda incipit, corrivat Tellina vallis, unus omnium Italiæ angulus vini generositate beatissimus. Hinc paulatim in ventrem laxatus duos ingentes sinus, veluti chelas & brachia, emittit, dextro Comum, altero Leucum petens. Media ea, quæ viginti milliarum procurrat, peninsula, qua continenti hæret, Briantiæ Mons vulgo vocitatur. Interius Tornum juxta & Nesum Fons Plinianus antiquum miraculum servat, ter die statis vicibus crescens decrescensque; ut elegantissime, qui & nomen dedit, ultima quarti Libri *Epistola* Plinius scribit; & in secundo *Naturalis Historia* memoratur. In summo promontorio Belasium, portu commodum marmoreis gradibus, novis circumdatum mœnibus recenti impensa Marchesini Stanghæ, supremæ pecuniariæ Ministri, proxime oppidi speciem obtinet. Cæterum quæ solventi Como sinistra legitur ripa alterum æque inclytum lacum Verbanum dispescit, Ticini parentem. Eadem vicis frequentior: quorum potiores habentur Caratum, Menasium cum valle Porletia, Saxum Mussi marmore nobile & pulcherrimis collibus, Doncum, Gra-

vedona, Domasium, Suricum. Dextra Mandellum habet, Varenam cum amne, ex candore aquæ Lacteo nuncupato: cuius admirabilis natura est, ut novem tantum mensibus fluat, repente totus currens, totusque desinens, ubi verni hyemaleve dies superveniunt. Inde navigatur Bellanum vallis Sassinæ caput, & Derphium, Correnum, Pionam, Collicum. Supra asperi montes, Introcii cognominantur. Inter Collicum, & quod jam coarctato lacu ex adverso respicit Suricum, Olonia Turris, mirando opere mediis fundata aquis, attollitur: & veluti positus caudæ & corporis in Lario terminus, perpetuis incurfatur Adduæ undis: qui, Tellina valle prorutus, ita deinde reliquam lacus longitudinem permeat, ut inter stagnantes aquas proprium ubique ac discretum alveum fervet, donec ad Leucum ponte lapideo junctus, emissusque in Padum, Bergomates Cremonensesque à Mediolanensibus dividat.

Igitur tranquillo navigantes, Belasium primo deferuntur: & nox peracta liberioribus epulis ac saltationibus & iis, quæ ad ejusmodi voluptatem paraverat vir in primis elegans Marchesinus. Gravedonam inde: postea, Olonia Turri non sine admiratione circumvecta, transmissere ad Portum Molate, & Morbenium, quod primum oppidum octo millibus passuum Tellinam ingressis occurrit. Sondrii proximum hospitium fuit profusa liberalitate Joannis Becchariæ & Castellini, fratrum: apud quos & quinquaginta annorum vina, & dulce etiam acetum inventum: exque eo, non in condituras solum cibarias, sed in odoriamenta & medicos usus, sarcina desumpta. Par studium & Alvisii Quadrii Tirani, & Burmii in populo fuit; novis ubique per vineta & molliores colles stratis viis, ut frequens & permolestus tritam interfluentis Adduæ transitus evitaretur.

Hic jam desinente valle, qui & imperii nostri finis est, celsi attolluntur montes, jugaque nivosa, informia, itinere unius diei penitus inhospita; ut, nisi tranquillum constitit, & quid modice adversi moverint venti, facile viatores opprimantur. Mombrahum montem vocant, omnium, quæ adeuntur, Alpium difficillimum. Sed & cæli favit temperies, maritimæ malaciæ instar: & cura non defuit, quantum humanæ manu præstari potuit, mollita clivi ac descensus asperitate, nec non ingesta nivibus arena, & ad temperandum rigorem crebris ignibus excitatis, ac tabernaculis per intervalla rupibus impositis, quæ vino assatim ac pane repleverant. Ita nequaquam pro ea, quæ alioquin contigisset, difficultate transire Idibus Decembris. Monasterii Blanca substitit, comites expectans; quorum extremi vix ante mediam noctem apparuerunt.

Jam Germaniam tenentibus sub arcem Frufterberg sese ad genua submisit Gaudentius Columna Amatiæ Comes, & Marchio Badensis Maximiliani consobrinus. Henricus Episcopus Curienfis, & Federicus Comes Zoler, ducentorum equitum ac totidem pedum agmine comitati, ab oppido Malsio occurrere. Quos ut desiliisse equis nostri conspexere; pedites & ipsi facti, complexu & mutuis salutationibus congressi, Orationem Latinam habuit Zoler, rei & tempori accommodatam: simulque tres currus operis cælati inauratique obtulerunt: quorum primus sex albis trahebatur equis, alter octo obscuris, tertium niger pannus obvolverat. Quibus Blanca exhibitis, media excipitur inter duos Marchiones, Badensem & Hermem fratrem: & reliquis in ordinem acceptis, Malsium invehuntur.

Hic terminus nostris cum præfixus foret; postero die, Re Divina à Curienfi Præfule acta, Blancam Germanis resignavere. Cumque inter officium gratulationis petendæque abeundi veniæ futura longinquitas amoris memoriam refricaret; obortæ ubertim utrinque lacrymæ vix fandi copiam adstantibus permiscere. Indeigitur conversi redeunt cis Alpes Her-

mes frater, Arcimbolus Archiepiscopus, & Trivultius Comensis Episcopus: tum Franciscus Sfortia patruelis, Petrus Scipionus è gente Palavicina Protonotarius, & Gaspar Vicecomes: relicto negotio ulterius deducendi iis, quibus mandatum erat, Baldesari Pusterulæ viro generosissimo, Jafoni Mayno Jurisconsultorum maximo, & Herasmo Brasca: qui ob rem sæliciter tractatam actamque æqualis illis dignitate nomineque Senatorio ibat.

Ex Malsio ad Orientem versi, vallem ingentem, altissimis clausam montibus, ingrediuntur: perque hæc loca profecti Mondrium Pruch, Landech Impst, Zurlimberg, octiduo Insprucham pervenire, Metropolim portionis ejus Austriæ, quam Sigismundus Maximiliani magnus patruus obtinet, & eidem hæredi jam instituto designavit. Sub oppidum Zurlimberg obviam facti cum ducentis aliis equitibus tres nobiles auctoritate Proceres, Episcopus urbis, quam Germani Auspurcham, nos Augustam vocamus, Marescallus Pollanus, & Comes Virtembergensis. Qui pedibus officio fungentes, cum docuissent injunctum ab Rege munus, tarditatis suæ causam eam dixerunt; quod, cum ipsi constitutum prius locum Curiam petissent, non ante mutatam itineris rationem fuisse (quod ob pestilentiam factum est) acceperant, quam ab Alpibus ipsam descendisse nuntiatum est. Insprucham tendentibus, ad quartum lapidem prodiit Catharina Saxona, Sigismundi Ducis conjux, venustissima mulier, & ingenio pereleganti. Ea cum se ostendisset pedibus occursum, ut non tam affinis affinem, quam serva dominam exciperet; non ante obtineri potuit, ut equestris veniret, ter ultro citroque missis nunciis, quam alia omnino conditione Blancam oppidum non ingressuram esse affirmatum est. Ita progredientibus Latinam Orationem habuit primarius Sigismundi Aulicorum: Suprema nunc cum lætitia frui, cum in domo sua cerneret legitimam tori & vitæ Maximiliani consortem, tali forma, dignitate, sanguine, moribus præditam. Excusataque Principis ipsius absentia, qui de podagra impediabatur, succedere tectis jussi, per cuncta lætitiæ signa in Palatium Sigismundi deducuntur: ad quem statim Blanca ipsa, paucis comitibus assumptis, visendum prodiit. Post coenam deferri se in cubiculum Blanca Sigismundus jussit: seque adeo adventu ejus lætatum dixit, ut morbo penitus aliàs incurabili solutum se putaret, ac re ipsa id ostensurum: apprehensamque manu ad saltationem invitaret. Sed cum verbis fidem pedes non facerent; circumferri se in cathedra ministrorum manibus jubet ad modulos saltatorios, & chorearum imitationem. Inde cum conjuge, quæ rutilis crinibus per humeros demissis ac virili capitis oblique imposito spectanda venerat, saltare Baldesarem Pusterulam & Brascam Legatos voluit. Mixtisque mox aliis, in somni horam ludum duxere. Insprucham cum venerint biduo ante Natalem Christ. festos eos dies proximumque bimestre extraxere choreis, ludis aliis, ac symposiis, nunc Germanico ritu, nunc Italicorum more instructis. Maximeque admirabantur splendorem Pusterulæ: qui, potenti familia & generosissimo patre ortus, nullius Majorum virtuti, ingenio, industriæ cedens, nec fortunæ invidens, duos & triginta ministros candido serico decoros duxerat: è quibus spectantium oculos sex præcipue in se convertabant ornatu manicarum, quas gemmæ pretiosissimæ & lectissimi uniones contexerant. Ipse vero, varia alia pompa in quotidianum usum comparata, quinquies textilis argenti mutatorias togas & torques auro graves variavit: & capiti pinnulam aptaverat, duorum millium aureorum pretio redemptam. Interim quoque & hastici ludi editi: & in venationem Blanca ducta vehiculo, maritimi navigii instar ornato, additis malo antenna velis tenuissimis, atque in honorem cognationis Ludovici Sfortiæ Mauro cavæ imposito, qui

horo-

horologio dimetiri astra cælumque videbatur. Sed & propria utrinque manu litteræ scriptæ flagrabant maritali desiderio: Maximiliani in Blanca reverentiam & virgineum candorem agnovissēs. Ipse enim Vienna nondum moverat: ubi & parentis exsequiæ (quem, Lintii mortuum, huc sepeliendum transtulit) insolita pompa celebratæ, occupatum habuerunt: & populorum ratio retinebat, qui & Turcarum incurfione exterriti, & nova Cæsaris mutatione reformandi erant. Quibus ex rebus cum paulo longius produceretur nuptialis coitio; præbita occasio est malivolis diversa interpretandi. Jamque non Italiam modo & Germaniam, sed Europam omnem sinistra fama repleverat, non conventuras Nuptias, nullum fore matrimonium, victuram sine honore & viro Blancam: jam denique cogitare de retro domum reme-tienda peregrinatione. Adeo impudens & temeraria improbitas mentes occæcarat; ut nec, cujus fidem co sermone commacularent, nec intemperię suæ & genuinæ invidiæ vitium detegi ex eo animadverterent. Tandem res prospere nunciata omnem eam impudentiam compressit.

Namque Vienna profectus prima Jejuniorum die (quæ hoc anno Idibus Februariis contigit) aliis alia via ad Rhenum & Galliæ fines copiis directis, septimo Idus Martias Halam applicuit, ab urbe Insprucensi quinque millibus passuum distantem. Eo loco & die constituto, qui & lætus in Religione habetur, & solemnis Pontificibus Dedicatione Rosæ Auræ, ac patris quoque Federici cum Leonora matre primò conventu notabilis est, Blanca navigio cum Catherina & Sigismundo aliisque Principibus devehitur. Mox & Maximilianus introivit. Blancam, quæ ad genua statim procubuit, manu & osculo, comites vultu & blandioribus verbis excepit. Salutationibus & aptis præsentis rei sermonibus habitis, in aliud cubiculum Maximilianus faceffit, ad maturanda alia quæ instabant negotia. Inde instructo apud Sigismundum convivio, communi mensa cœnant: placidisque lusibus exacta quarta noctis hora, geniali thalamo cubuere: & cum cæterorum animos expectatione ista absolverunt; tum nos, ut divinatione quoque rem actam credamus, effecerunt. Augustum connubium divino carmine plusculis ante annis prænunciatum fuisse, ostendere licet; quippe hæc non sine Numine Divum eveniunt. Sub obitum Galeacii, Blanca parentis, Conradus Manlius, qui postea scientiam Legum publice professus est, sese Lucæ vidisse ait hominem, Augustiniani Ordinis Eremitam habitu prominentem, sed altiori indole præditum, solitarium à cæteris agere. Huic per otium applicasse se: acceptaque & reddita salute, cum inter varios sermones se à Mediolano profectum dixisset; adductum in arcanum ab Eremita, ait, & jurejurando adactum, ut intra certum tempus mente servaret, neque ulli omnino viventium denuntiaret carmen, quod ex libello, verissimarum aliarum prædictionum pleno, ad Rem Mediolanensem pertineret. Hæc enim ipsa ad Cæsarem apostrophata verba haberi, SINVOSVS COLVBER ET BARBATVS TIBI A LATERE ADJVNGETVR. Quod, ubi datæ fidei spatium siluisset, tunc quibusdam è contubernaliis amicisque aperuit. Cumque diu expectassent, quid fata ferrent: mox ceu inanes ambages oblivioni tradiderant. Cum postea magno ex intervallo novarum Nuptiarum fama vulgata, memoriam restituit. Et certe illo versiculo matrimonium Cæsareum denunciatum fuisse, omnes consensere, quando Virgo Anguigera (etenim Serpens vetus Mediolanensem Principum Insigne est) Romano Cæsari atque Augusto conjuncta est.

Triduo inde Insprucham redeunt: ubi & Albertus Saxonus, Sigismundi focer, occurrit: & reliqua ad connubiale fœdus pertinentia aguntur. Paraphernalia exposita gazaita spectatores affecti sunt, ut nec satis singula admirarentur, & ad universa adstupuerint.

A Religioso vero illucescente die, Re Divina appa-rata, Blanca novo amictu, & ejus gentis, in quam immigraverat, habitu formato, regis gemmis & unio-nibus opulento, progreditur. Sua ipse manu aptaverat conjunx & capiti coronam, & pectori monile, & cor-pori cingulum, centum millium aureorum æstima-tionem longe exsuperantia.

B Sedentibus ordine Principibus, Raymundus Cur-ciensis Cardinalis operari Sacris incipit. Hic & sym-phoniacorum hominum (quibus ex confesso Germa-nia cæteras anteit Nationes) & organorum, tibici-numque, ac cornicinum mira suavitas fuit singula pri-mo audientibus. At vero ut simul universi concinue-re, & litui admodulavere; non jam humanum con-centum, sed mundanæ illi simillimam, quam ferunt, Cælorum harmoniam auribus insonare crediderunt. Exsequenti cætera Flamini tres Episcopi subservie-runt, Brixinensis Euangelico Libro, Augustensis Paci, Curiensis Aquæ, qua adsparguntur, deferendæ. His rite peractis, ad prandium disceditur. Discumbunt Reges eminentiori tabulato: assident Catherina, Car-dinalis, & Sigismundus. Reliqui Proceres, Legati nostri, & Ferrarienses, tum matronarum lectus nu-merus sexdecim mensis excipiuntur. Inferuntur fer-cula opima, quantum Religionis respectus interdi-ctis ab carne diebus adstrui patitur. Nam ministrorum mira elegantia & agilitas propinandis rebus fuit. Post mensas saltatione & inde quiete modice concessa, jam pro concione loquendi nostris Oratoribus facta copia est.

C E quibus Jason sic cœpit: *Novum atque inopina-tum genus felicitatis hodie mihi, Cæsar, contingit: ut eo-dem pene anno, ejusdem Principis nomine, simili in cau-sa, pari Auditorum majestate, duo apud summa Mundi Lumina verba faciam. Namque & nuper adeo divinas Nuptias, id est, Summi Pontificatus assumptionem, Me-diolanensis Ducis jussu, Alexandro Sexto amplissimo in Car-dinalium Concilio gratulatus sum, atque obsequentis animi indicia detulimus: & nunc humanastadas, Cæsareum con-nubium, apud ipsum Cæsarem, inter Reges Heroasque Ger-manicos sedentem, laudaturus veni, & ejusdem Principis voluntatem ostensuri sumus. Quæ res cui vel summorum Oratorum obtigerit, nec satis scio: nec, quin pari Romana actioni successu peragatur, verendum arbitror, cum cogi-to, quales apud Viros, quam benignas ad aures, quam grata quam favorabili de re habenda mihi Oratio est. Quam-quam enim in Cæsaris nostri laudem nihil vel vobis incogni-tum, vel cætero Orbi inauditum, afferre me posse intelli-go; incomparabilem tamen voluptate fruimur, cum unum esse omnium consensum, & nostrum cum cæteris convenire judi-cium contuemur; nihil esse ex iis rebus, quæ ab natura, for-tuna, virtute expetuntur, quod in Te, Cæsar optime, non cum-ulatissime collatum appareat. Natus ex Gente Austria, in-clyta & generosa: & quæ jam ducentos ab hinc annos nisi non Reges aut Duces vel Imperatores procreare novit. Quo-cumque obvertor, occurrunt Rodulphi, Othones: Henrici ob-strepunt: attonant Sigismundi, Leopoldi, Alberti, Fe-derici. Quorum virtutes, celebra gesta, clarasque victo-rias ut Tibi imitandas proponis; sic nec præsentis operis sunt; & ipsi venerari magis, quam Oratione complecti, aut lau-dibus prosequi possumus. Maternum genus Hispanias Tibi devincit, atque Alphonsos & Ferdinandos, late mari ter-raque imperitantes, avunculos ducit. Pater ipse jam Cæsar Te genuit, Te Cæsarem vidit, in Te conjungi hæreditatem cum electione, cum sapientissimorum Principum judicio (quod ra-rum gloriosissimum est) perspexit. Maximiliani Tibi fau-stum ac de excellentissima virtute auspiciatum nomen animos auxerit; ut sis maximus aque ac Fabius, qui morando ho-stem attrivit; & Emiliani ac Scipionum victorias trium-phosque agas, qui emulas Imperii Romani urbes, Cartha-ginem atque Numantiam, sustulerunt. Neque enim Tibi aut minor hostis aut dispar materia superest, cum barbaricas vi-res æstimo ac Constantinopolitani vulneris memoria subit: aut minor in Te virtus secus sperare, quam deceat, homines sint, cum fortitudo, constantia, animi vigor & magnitudo tua con-*

fideretur, tum opes, copiae, valitudo, prudentia, ac rerum usus, ex quo natam esse sapientiam Veteres prodiderunt. Quinque enim bellis magnis & difficillimis confectis, quibus & Tu ab incunte adolescentia exercitus fuisti, & invicem sollicitas fecisti Galliam universam simul & Germaniam; tanto prestantior Te nobis offers, quo non sub umbra, & veluti de scholis à perito aliquo Philosopho petita disciplina est, sed Marte ipso, ac rebus veris docentibus domantibusque militarem disciplinam, ingressus per gradus omnes, bellicas artes Imperatoriasque virtutes didicisti; & summis periculis obiectus, per adversa pariter ac secunda incedens, nullos labores, nulla discrimina recusans, omnem fortunam ferre, frontem hostium pariter & terga videre consuevisti. Ac ne sim longior, & exquirendis laudibus, ambitioso texendum sit alterum opus de modestia, temperantia, equanimitate, ceterisque pacis artibus, quam sis in gerendis rebus acutus, moderatus, providus, in iustitia castus, continens, in omnes mitis, liberalis, effusus; ab Romanis Legatis de Romano Imperatore in Romanum Regem transferam sententiam: Te illum Ducem esse, aut praeerea neminem, quo duce, quo auspice salva res nostra, salva Religio, saluus esse Orbis potest. Hac alta ex indole prospectabat Carolus Burgundorum Dux maximus, cum id, quod postea mater & populi fecerunt, de unica & multarum Gentium herede futura Maria filia Tibi vixdum pubescenti jungenda cogitavit. Experti erant Germani Proceres, cum successorem Divo Federico designaturi, Te Romano solio locarunt: eumque esse decreverunt, cui Orbis universus assurgeret, ceterique Reges de honore decederent. Non ignorabat pater ipse, cum vivens valensque Te sibi socium, Te Imperii consortem addi passus est. Viderat & consanguineus Sigismundus, qui Regni sui arbitrium jam biennio ab hinc Tibi resignavit. Talis igitur cum esses, ac longo calibatu casum intercepta conjugis honestas; novarum Nuptiarum consilium cepisti; & sapienter, ut prudens vir; & religiose, ut Christianus, qui legitima soboli propaganda prospiceret; & magnifice, ut Rex maximus; cui etsi ex altera conjuge liberi supervivunt, Terrarum tamen atque Imperii tantum superest, ut vel seorsum victuris ampla, qua partiantur, Regna suppetant, & opes, quibus nomen ac dignitatem tueantur, abundant. Atque hac agitati affluxisse universo ab Orbe excellentissimos quosque Principes & Reges, non ignoro: nec ulla non arte affinitatem istam ambivisse scio. Nemo non opibus, honore, gloria, exstimatione maxima augeri se ac fortunam suam videbat, qui ab immortalis Deo id impenetraret, ut Caesaris socerum, vel sororium (quia in uxoris gradum vir transit) patrum, aut avunculum jactare se posset. Nemo non pulcherrimum id & omni conditione tentandum ducebat. Sed Tu mentem in eam dirigis ac foves, qua Tibi nata, Tibi calitus destinata, & ingenio excellens, & moribus culta, & forma decora, & genere compar predicabatur. Cetera jam Tibi de re nota sunt. Comparem dixi: absit verbo invidia. Recens quidem res est; sed pauci norunt; atque ideo paucis repetenda. Matthaeo Vicecomite, cui res gesta & fortuna varie acta Magni cognomen fecere, Stephanus natus duos sustulit filios, quibus quicquid patet inter Apenninum & Alpes paruit, Bernabam, & Galeacium. Ab Galeacio continuat in Blancam nostram solidum & rectum genus. Ex Bernaba filia Viride Herneſtus Tibi avus paternus nascitur; tam propinquus eras Caesar, tam arcta cognatione contingeas, antequam accepta Blanca unus idemque fieres. Quod si me pateris parumper pedem efferre, atque vel uno sublato oculo Europam collustrare; & ternas dabo no-

A stras in Bavaria Ducibus Nuptias; & duos commemorabo Burgravios (ut verbo vestro utar) Nuringbergensis & Virmbergensis civitatis Principes; totidem occurrent ex Britannia Insula Regum filii; & ab Oriente alta è Cypro sese offeret, nec postremis numerandum se dicet Petrus Lusignaneus, Rex clarissimus. Nam Gallicos Reges, vel soceros, vel congeneres, vel consobrinos habemus: & ex Sabaudia quatuor jam uxores computamus: Alphonſi autem & Ferdinandi tam nostri sunt, quam tui. Denique nullo non ab Rege nostra petita amicitia est: & parem sibi incedere Ducem Mediolanensem, a quo animo latum. Ac si quid deerat; Tu tanto major istis Nuptiis praestas Maximiliane deinceps, ut ne Caesares quidem ipsi dedignari nos unquam possint. Sentio, quid agas, quid moliaris. Uni faves, uni in Terris Vira honorem tribuis: unum tollis, ornas, auges Ludovicum Mariam Sfortiam, Italicarum Rerum arbitrum: ac si ulum praeerea alterum; Ascanium quoque Cardinalem, Blanca paternos. Huc spectas, huc diriguntur consilia; quod alter Rem Longobardam, (quam Majores semper Arcem Italia vocaverunt) alter Romanam tenet, Pontifices in obsequio, populos in amicitia alit. De quorum erga Te voluntate, fide, animo jam non multis agam: quos, de re probatos, intus & in cute, ut ajunt, nosti. Tantum dicam, Te eos, qui Tibi undecumque additi erant, plus tamen agglutinatos voluisse: qui tui fuerant, pignoribus maximis obstrinxisse. Et pro more ac formula eos, eorum opes, copias, arma, liberos Tibi offerimus, tradimus, commendamus. Ac simul precamur, ut felices jam vivatis, felix & laetum exigatis avum, Principes clarissimi, Diis grati: quibus ut voluntates, sic opes ac sanguinem ut jungeretis, fortuna concessit. Tu vero Auguste Augustam Blancam cole, ama, dilige: qua jam se Tibi devovit, in Te omnes relaxavit affectus, & in Te sita nullam se sine Te putat, nec nisi Te incolumi salutem sibi constare posse perspicit.

Cum, non minus vera quam speciosa dixisse, tacitum multitudinis murmur confirmare videretur; medio Consilio Conradus surgit; atque gratum ipsorum adventum, gratam Regi Orationem fuisse docuit, praefatus, se teste exactam jam & effectibus spectatam varie esse potiore eorum partem, quae de propensa Ludovici & Ascanii voluntate ferebantur; certioraque certis, quae futura pollicebantur, censere. Hic alius subdidit, decretum ab Rege ob haec esse, ut publico munere, in quo ipsorum totiusque posteritatis claritas illustrata maneret, praefens voluptas notaretur. Ac proin tres vos (inquit) Oratores Senatorium Nomen: & quatuor, uno addito Petro-Martyre Stampa, Equestria Ornamenta accipietis: Pusterula vero, quia vetustissima ac potenti familia, & Romano Nomini semper addicta, & in quam Caesarum jam supra ducentos & sexaginta annos Aquilam suam cum Astensis urbis Principatu contulerunt, atque ex ejus Archiepiscoporum manibus Ferreum Diadema acceperunt, est ortus; aequo animo feretis, si alio insuper munere condonatus dividue à vobis haberi videbitur. Sic Zona, Ense, Calcaribus aureis aureisque Togis indutos dimittunt: Pusterulam autem, Caesarem Comitum Heroemque Germanicum, summis immunitatibus auctum, nuncupant. Scripta Mediolani mense Majo, anno millesimo quadringentesimo nonagesimo quarto.

F I N I S.

JOSEPHI

JOSEPHI RIPAMONTII

CANONICI SCALENSIS, ET CHRONISTAE URBIS MEDIOLANI

HISTORIAE
PATRIAE

LIBRI XXIII.

AB ANNO SALUTIS CIO CCC XIII.

QUI

TRISTANO CALCHO
PATRIAE HISTORIAE FINIS;

Desumitur novi Operis initium & tempora infecuta memorantur. Sed repetuntur prius extrema superioris Historiae, fufiusque & altius explicantur ea, quae Calchus ipse in parte ultima Annalium fuorum perstrinxit tantummodo, five omittenda putavit: atque temporis proxime anteaeti facies datur in confpectum.

PARS PRIMA

CONTINENS

X. LIBROS PRIORES.

ILLUSTRISSIMIS VIRIS,
JO. BAPTISTAE VICECOMITI
VICARIO
ET
LX. DECURIONIBUS
URBIS MEDIOLANI.



UOD omnem memoriam & monumenta omnia urbis ab Anno c13 ccc xiii. qui Tristano Calcho Patriae Historiae terminus fuit, repetita, quam ille intermiserat, narratione continuari ad usque nostra tempora & explicari debere cennunus mihi mandavistis, ea res apud me fere absoluta jam atque ad exitum perducta est maturius aliquanto, quam aut expectatio de hisce negotiis publica credidisset, aut ego ab initio polliceri ausus fuisset. Idque forte quadam divinitus ita evenit, ut lenti alioqui moliminis opus incrementa subita haberet datura properum hunc inexpectatumque finem. Nam cum ante XX. hunc fere annum magnos hujus patriae casus & Metropolitana negotia sub diverso instituto, atque sub indice etiam diverso narranda ego suscepissem, blandiente successu coepi cogitare vehementer, atque circumspicere, si forte possem occasionem inde arripere altius etiam de patria bene merendi, ita, ut non proprios atque separatos Ecclesiae Annales, sed justum corpus atque completum universae memoriae Mediolanensium exhiberem. Ea mihi cura jam inde ab initio tetigerat sane animum. Neque in prioribus etiam libris omiseram ullam bellicarum civiliumve rerum partem, quo minus profana ea sacris, sicut evenere, immiscerentur. Verum ubi in tempora paullatim ea deveneram, quae nullum Ecclesiasticae quieti locum dabant, & rara Pontificum, nisi aut armatorum, aut cum altero dominatu litigantium facta reperiebantur, totaque in armis & seditionibus, atque in certamine imperii, & defensione libertatis studioque gloriae civitas famam penitus animosque occuparat, narratori quoque mihi in arma haec, atque in hosce tumultus & civilia cuncta non tam destinatione & arte, quam necessitate ipsa eundum fuit, rursusque ad Ecclesiastica, inderedeundum necessitate eadem & quadam propria conditione urbis, cujus magnitudini jam inde a principio etiam magnitudo sacrorum inest. Adeoque suapte natura semper connexa ista inter se fuere Mediolani, ut neque civilia & profana a sacris, neque ab illis haec facilius quam ipsam ab toto corpore civitatem discreteverit quispiam atque separaverit. Praesagiebat animus, posse contingere olim, ut huic historico muneri publica auctoritate admoverer, tantoque attentius in partem incubui hanc, ut casus & negotia omnia civitatis includerem, haud aliter quam si admotus jam muneri essem, caque mihi publica auctoritas immineret. Ac, sicuti Ulyxem ferunt in longo illo & fabuloso errore nusquam ab Ithaca sua dejectos habuisse oculos, animoque semper & cogitatione intentum fuisse illuc: ita cum nondum publico decreto adscitus Urbis & Ecclesiae monumenta componere instituissem, accuratissima meditatione spectabam Imperii statum, Reipublicae corpus, generalis consilii dignitatem, nomen & sedem & decreta Decurionum, bella, bellorumque causas, tumultus, & studia populi, origines, & inclyta facta, sive vitia singulorum hominum, dominationum quoque vicissitudines & artes, & quidquid in magna urbe magnoque populo ob virtutes, sive nequitias, sortemve mortalium contingere potest historia dignum. Hac ego diligentia in Rempublicam usus, texueram seriem ordinemque narrationis ex utroque statu quo Civitas & Respublica omnis omneque imperium constat, eamque ad Caroli Caesaris finem, & initia Philippi II. simul ad D. Caroli Pontificatus initia perduxeram, ac reliqua deinceps ad eandem formam sedulo mea sponte exsequebar, cum de continuanda Calchi Historia decretum accepi civitatis, magnopere laetus animi, quod publica mandata ultro ita antevenissem, essetque pene acta res antequam agenda mandaretur. Sed nec satis credebam ipse mihi, satisve fidem rei capiebam. Itaque accepto decreto institui evolvere & recognoscere omnia, quae a primordio Urbis scripta edideram. Atque decem hosce praesertim veluti sua sponte natae continuationis libros scire volens, an & ad Calchi ipsius ordinem filumque, & ad publica mandata congruerent, detuli ad Decurionem Legnanum, cuius viri litteris & sapientiae omne negotii hujus arbitrium, omnisque cognitio delegata est, petii- que ab eo, ut pro injuncta sibi auctoritate & cura cognoscere ac statuere vellet, essetne mandato ita satisfactum, an vero retexenda atque de integro ordiendae tota mihi res foret. Ille sumpto ad deliberandum spatio, inspectis quae obtuleram, post aliquot dies respondit, nova impensa opera nihil videri opus. Si persequi vellemus eadem, laborem infumi vanum. Actum agimus occupasset. Sic ille pronuntiarat. Hinc mihi super animi voluptatem & quietem, quod ad Partem hanc attineret, etiam otii pars ad ea tum absolvenda, tum expolienda quae destinata & inchoata habebam. Atque ita dum haec in hunc modum probata Decurioni Legnano pars historiarum jussu ac nomine sumptuque publico novis typis excuditur, dumque frontem hanc in- duit, & recipitur inter monumenta civitatis, ad vetera perficienda liber ego atque expeditus inter- rim absolvi cuncta nostrorum temporum a Philippi II. initiis imperioque illo tranquillo, ad ho- dierni imperii tumultus, periculorum, & sanguinis, & cladium, gloriaeque plenos. Quae sic reprae-

D E D I C A T I O.

repraesentasse volui, & exposuisse vobis, Ordinique magno, Illustrissimi Decuriones, haud aliter quam sicuti tabulae veterum artificum exstant, quarum simplicitate & fide innocentes egregii viri conducta de publico opera publice probanda vel improbanda exhibebant, sive graphide circinoque formam & modum destinatae futurae molis exprimentes, sive ubi manum extremam admovissent simulacra illa ostentui collocantes. Quod autem non prodit tota sua mole statim universum opus, sed per partes & membra exhibetur, id quidem operarum & typorum officina lentior, quam nostra fuit in scribendo cura, effecit. Namque dum taedia haec & intervalla necessario expectantur, nobis quoque necessaria fuit mora, per quam pars alia, dein alia, prelo subjiceretur, sicuti & factum est & fiet, donec editio universa absoluta erit. Nam & priores XX. libros, quibus editis ab Metropoli condita ad ipsum Calchi finem, omne populi Mediolanensis aevum pari cum eo Scriptore incessu & ordine temporum exegeram, publica, sicuti spero, liberalitas excudi volet iisdem hisce typis, ut non modo sermonis una indoles, & unius linguae sonus, sed adspectus etiam faciesque eadem in hoc monumentorum corpore constet, habeatque sibi consentiens Historiae corpus, Civitas, quam Caesarum ille magister celebri per gentes carmine Romam alteram nuncupavit, cum ob alia decora, opinor, tum propter vere Romanam etiam istam in custodienda rerum memoria curam magnanimitatemque Procerum. Maneat seculis innumerabilibus, atque perennet ordine in isto, hoc est, in flore atque in culmine nobilitatis hereditas & gloria tanti nominis, sicuti manet nunc, feliciterque perennat, ingeniaque & artes, imo & arma eadem, vel Ausonio teste, migravere huc.

D E

A R G U M E N T O R E L I Q U I O P E R I S

A

P A R T I S H U J U S F I N E , A D I I . E T I I I .



UT istud est commune omnium qui monumenta aliqua composuere, ut de suscepto suo negotio magnifice praefari sibi licitum putent: aut nulli unquam Reipublicae, nullive Populo & Civitati intra hosce centum annos plura & majora, quam Metropoli huic Provinciaeque Mediolano acciderunt. Et rursus, in tanta varietate ac magnitudine seculi huius, nusquam foecundior, quam vergente deinceps aevo haec ipsa Civitas virorum, casuum, actionumque maximarum fuit. Tot gesta per hosce annos bella: tot partae victoriae: tot clades exercituum: tot circa Metropolim Provinciamque hanc semper irriti conatus hostium: toties inita, toties repetita foedera: tanta voracitas impensarum, atque tantum hinc pecuniae exhaustum, ut potuisse sufficere sumptibus Urbem aerariumve Regis mirari possint etiam Regna, quae gignunt mittuntve aurum. Jam belli Duces, & Romanis quoque temporibus aequiparanda capita, clarissimique Viri aut profecti & dati hinc, aut gloriam hic famamque adepti. Tot etiam flagitia mortalium transfugiaque, & proditioes, & infortunia, militaresve culpaes plures pene quam quae in diversum clara & magnifica memorantur. Gubernatores Urbis Imperatoresque exercituum, tum ex Regiae primoribus atque natalium magnitudine adnexi Regibus ipsis, tum per virtutem & artem, sive per fortunam evecti inter primos, ac proinde per animos & instituta similes inter se, aut diversi. Prudentes aut callidissimi quidam: bellatores aut remissiore animo: mites in Provinciam, aut nimii tributis, quae semel necessitate temporum & belli malis invecta numquam exsuuntur. Clari quoque sapientiae studiis, & inter arma nutritores vere artium, per quas haud minus quam armis gloria civitatum crescit: sive ex diverso alieni ab cultu hoc animorum, profundique tantum & impenetrabiles, saevique nonnulli: sive etiam infelices & meliore animo quam fama: & omnes demum humani animi formae, omnia imperitantium ingenia in Regis hisce Praefectis spectata Urbi huic ad plebis usque constellationem, nusquam tamen ut publici obsequii reverentia exsueretur. Ac sicuti Metropoli quas luctandum assidue cum ingeniis ejusmodi fuit, sive etiam, sicuti decora & subsidia inde plurima & maxima tulit haec publica res: ita materies Operi uberrima & certissima inde nobis fuit ob ea praesertim, quae temporibus hisce proxime exactis acciderunt obtinente Provinciam, & bellum gerente Guzmano Marchione de Leganes: de quo fama percrebuit haec: ipseque aliquando ita profiteri solitus fuit: neque res tantas ipsum gerere potuisse, nisi Civitas suppeditando pecuniarum acervos exercitumque alendo, & capeffendo assidue belli partem, Regiae curae providentiam in se fere recepisset, ac fuisset ipsa quodammodo inter haec arma & consiliis & robore animorum Imperator veluti alter: neque Civitatem alio duce & administratore belli adversus tot pericula, tot conjuratos uno tempore hostes fuisse duraturam. In ejus Aula cum ego viverem, scripsi res variante fortuna gestas, simul ab eo Gubernatore Catholicis armis. simul ab foederatis contra Imperium Provinciamque hanc pari contentione, dispare successu gloriaque ingenti etiam inter damna & clades: quae consiliorum & rerum casuumque magnitudo celeritate fama evecta per gentes exercet hodie ingenia, & veluti proposito hoc etiam litterarum certamine fatigat. Scripsi defensam ab Gallica irruptione Provinciam, atque irruptionis ejus metu, posita castra in Urbe, sive potius versam in castra Urbem, armatamque Metropolim, & obiectos hosti terrores ab nobilitate, populoque tanto. Mox detractos ex famoso nemore Gallos eosdem, & fortia quoque facta Gallorum, ac

P R A E F A T I O.

nobilitatum mutua caede nemus. Versa deinde in perniciem sua munimenta Genti Bremum, & Trinum, captasque Vercellas, & conservatam eam Urbem gloria majore, quam si direpta foret: direpta mul, & somnum etiam Augusta Taurinorum, veluti reductam ab exsilio Sabaudam una nocte Domum, consobrinisque Regis post exsiliū in aviti Imperii sede collocatos. Nec silui de adversis, per quae gloriae tantarum rerum statim ab hoste simul & ab fortuna insultatum, recepta per Gallos Urbe eadem, & non sine clade abstractis ab Casale nostris, cum nisi turbassent semifacta opera imbres, arcem unitas, quibus haud minus effectum utrimque turbatumve est, quam per arma & acies, sollicitatis hinc inde dominationibus: intercepta a Gallis Vulturena: & rursus traducta ad Catholicas partes Valle, illectisque Rhaetis in amicitiam, & foedere hostium pene dissoluto. Haec & alia profunda excelsa memoravi, non sine quadam interim etiam ipse magnitudine animi spirituque generoso, nihil plausibile & falsum admittendo in Historiam, & nihil omittendo, quod verum ingratumque partibus esset. Evocato deinde properis ex Regia litteris Guzmano in Hispaniam, & misso Velaschio successore, exposui, non acta solum, verum etiam arcana successionis ejus: exulcerata Sabaudum inter & Guzmanum omnia suspicionibus animosque sollicitatos tum recordatione veterum exemplorum ex mutabili semper ea Domo, tum recentibus indiciis, posse fratres exsules ambigua fortuna simul & mente suspensos transire ad Galum fidemque transferre. Id ne fieret, sive in diversum instrumento adipiscendo huic certatum utrimque praemiis & promissis, nec minus ipsorum arte, qui mercimonium veluti hoc exercebant. Explicantore animi, bello novus, pace probatus, & ab Genuensi Legatione recens, veterum exemplo Bellator Philosophus, apta cum modestia rem gerebat magnis hostium conatibus par, & utili per intervalla quiete, sicuti medici quoque per eam interdum magis quam secando & urendo apud aegra corpora profecerunt. Haec & alia his similia haud equidem ingrata fore legentibus arbitror. Sed longe major solidiorque voluptas animis, & solidior vere fructus ex dominatu altero, qui religionem & sacra continet: qui sua contentus mansuetudine quiescit interdum, exsurgitque rursus; eique in omni Catholica Urbe prior etiam ille sanguinis armorumque dominatus fasces imperiumque submittit. Et semper interea tamen ex obsequio hoc, vel ex imagine obsequii lites & jurgia existunt certamine partium & contentione animorum simillima bellis. Inerit Operi grande inter haec jurgia Divi Caroli nomen, grandisque Pontificatus, non minuste delapsam illinc, & denique inspectante ac plaudente genere humano receptam illuc. Quod scilicet aetatis nostrae decus atque miraculum, & ab uno Cive Urbis hujus emendatam pene mortalitatem universolim, edideramque, & cuncta nunc in hoc Historiae corpus transferuntur. Treis deinde sequuntur continuato tenore Cives iidem & Archiepiscopi velut in pompam dati divinitus Urbi huic. Post Divum Carolum, Vicecomes, cui peritia legum & animus antiquus, innocentiaeque & morum ac vitae mansuetudo loco auctoritatis fuere. Borromaeus deinde alter brevi intervallo proximus priori, semperque ei comparatus quantum radiato & coelesti capiti capita ulla mortalium conferri & aequiparari licitum est. Et Eminentissimus denique Montius hic notabili temperamento inturbidus, quietus, atque acerrimus idem ad Ecclesiae tutelam obvia rerum magnitudine quae non modo justum dare Volumen, sed exemplar absolutissimi Pontificatus exhibere seculis possit. Borromaeum utrumque studiis & altitudine animi repraesentabat, demptis sive additis hinc inde, quae ratio temporum exposceret sive improbaret: Et Sedis Apostolicae Legatus ante Pontificatum Regna Regesque tractarat. Unde dignitas & copia rerum in hac operis parte major.

1641. Die 30. Augusti.

I M P R I M A T U R.

Fr. Basilius Commissarius S. Officii Mediolani.

Antonius Rufca Praepositus Ecclesiae Metropolitanae, pro Eminentiss. D. Cardinali Montio Archiep.

Comes Majoragius, pro Excell. Senatu.

JOSEPHI RIPAMONTII

CANONICI SCALENSIS, CHRONISTAE URBIS MEDIOLANI

HISTORIARUM AB METROPOLI CONDITA,

LIBER PRIMUS.



LINTER Henrici VII. coronationem Mediolani celebratam, & Caesaris ejus ex hac Urbe discessum (constiterat enim ibi Calchus, cujus Historiae seriem excipiendam, & continuandam esse decrevere Illustrissimi Decuriones) turbulenta primo & miserrima, deinde modesta & tranquilla aliquamdiu rerum forma Mediolani fuerat. Ac biennio fere toto illo, quem huic Scriptori terminum indicamus, evenerant rara & memorabilia pleraque, & usui futura legentibus, sive documenta vitae, sive oblectamina animo petere inde quis velit. Nam tunc accensi magis quam umquam antea furialibus inter se odiis Vicecomites, & Turriani: atque armata Guelforum & Gibellinorum nomina in mutuum perniciem, & contactae rabie eadem, atque in hos, sive in illos divisae finitimae Urbes: conjectus in vincula Archiepiscopus: prohibita sacrorum usu Civitas: haec & alia fuerant spectacula pene ultima irarum calamitatumque civilium. Nec ab singulis interea cessatum, quo minus exempla fortunae variantis ac facinora virtutis eximiae ederentur. Praecipueque Matthaeus ille Vicecomes caput & robur & spes unica Gibellinorum, insigne docuerat exemplo, quam intuta potentia esset adversus artes conspirationesve inimicorum: & rursus, quam nulla satis tuta machinamenta contra prudentiam astutiae majores. Profugus atque extorrisisse videlicet partium vi simul & dolo, redierat arte sua & infimo apud adversarios obsequio superatis eorum opibus insidiisque in Urbem. Reduxerat ipsum ab exilio puer unus. Latebris ac dissimulatione sui salvus incesserat. Poposcerat acceperatque pacem inimicorum eorumdem arbitrio: & stantem cum hisce precibus in conspectu Caesaris, ac dare volentem oscula Philipponus & Fisiraga Guelfi praepotentes contemptim ac superbe repudiabant. Mox florens ipse opibus ac potentia deiecerat infra se factionem adversam, non per arma & acies, sed patientia & submissione animi victor. Pulsusque iterum redierat gloria majore tam prope deinceps ab dominatore & Principe Urbis, quam ab exule & fugitivo nuper. Atque ita, per prospera, per adversa praecipua vitae denique finem simul & ad infausta principia Imperii circumegerat una secum Civitatem & subjectas Urbes domumque suam in primis, & potentiam illam ex infimo nascentem.

Tanta rerum varietas in uno homine, & tanta materies in parte ultima operis, Calcho mihi simul, qui una cum eo orsus ab Urbe condita narrationem ad eadem tempora perduxit, non sane rerum fide vel scribendi arte contendere volens cum Scriptori antiquo, sed existimans crescere patriae nomen, latiusque spargi famam etiam hoc ipso si res eadem pluribus scriptae forent. Nunc, & suscepti negotii amor stimulat, & studio ac voluntati Decurionum obsequor, qui civem suum Scriptorumque Calchum hac nostra continuatione Historiae ejus veluti revocari ad opus morte intermissum & per nos restitui sibi cupivere. Repetamque altius varietatum vicissitudinumque tantarum initia & causas: atque in principio novi Operis scena proponetur haec, in qua, & prioris Historiae seriem extremam, & sectarum initia rerum originemque adspicere legentes possint. Nam, & ea, quae proxime praecessere cum posterioribus hisce connectuntur: & pars haud dubie priorum sunt haec posteriora quae publici Consilii & L. X. Decurionum auctoritate scribere aggredimur.

APOSTEAquam Archiepiscopus Otho decesserat, non erat alia cura prior antiquiorque Matthaeo, quam ut civitates omnes, quae favore aliquo imbutae Turrianorum essent, belli terrore aggrediretur; ubi terruisset satis, invitamenta pacis & amicitiae ostentaret. Id ab Othone patruo secreto fuisse mandatum credebatur inter alia arcania imperii, quae ultimo ad Claram Vallem secessu moribundus senex aperuerat heredi, multumque commendarat. Non autem expectare Civitates, & una cum Civitatibus validissima quaeque municipia, dum moveretur aliquid: sed ultro statim nudare animos, & defectionibus laceffivere quiescentem, cum funestam adhuc & atratam patruus desiderio domum ille haberet.

Bergomi Culleonum factio, quae rem trahebat ad Turrianos, pulsus urbe Suardis, quam deditam sibi familiam Vicecomes ibi constituerat, simul ejecto quem ipse dederat Praetore, invaserant arcem: & Praetorem ab Cremona novum adsciverant. Insensius Navariae rebellatum, ut Galeacius Matthaei filius aegre vitato populi impetu praiceps inde abiret. Nec ad Ticinum quieti quidquam erat, concitante gentem Manfredo Beccaria, qui Turrianorum olim potentiae infestus, postquam versa erat fortuna, mutaverat animum, transfuleratque odia in Vicecomitem, quasi non hominum ipsorum, sed dominationis inimicus. Jam ad Vercellas, ad Casalem, ad Viglevanum, sprete & repudiata Vicecomitis majestas: & civitatum earum pollicitationibus erecti Turrianorum animi. Leucenses item in Abduae ripa, tractu terrarum & positione municipii, veterem exsulum toparchiam attingentes, manifeste illuc inclinarant, praebuerantque tam aperta signa defectionis, ut diruto municipio, quidquid incolarum erat, in Madretiam vallem, quae cis flumen interjecta collibus est, deportarentur ea lege, ne remigrare in sedes amplius easdem possent. Sed praecipua erat ob Laudensium rebellionem cura & sollicitudo. Namque urbs ea, toties victa, toties rebellis, non sine magnae rei fiducia, post tot infelices conatus, hoc tempore sustulisse animos videbatur. Et ducto illuc exercitu, cum post ancipitem pugnam, captivi recognoscerentur, repertus inter eos erat Imberaldus Turrianus, eumque Vicecomes ad Tritium in turris ima detrudi jusserat. Reperti simul erant nobiles aliquot Patavini, qui popularium suorum ductores adversus Metropolim subsidio Laudensibus venerant. Inde metus Vicecomiti ingens, conspirasse pro Turriano longinquas etiam Italiae civitates, & minimam partem esse mali quae deprehensa teneretur. Philippus Langus praeterea, & Marchio Salinarum, Marchio Montisferrati paternarum inimicitarum haeredes, magnarum domuum, & magnorum odiorum nomina torquebant animum suspitione ac metu, ne adversus tot conjuratos hostes vanum evaderet etiam ipsum Vicarii nomen, quod praesidium munimentumque rebus, tanto nuper consiliorum & simulationum apparatu quaesitum inventumque erat. Itaque, non ipse solum anxius trepidusque, sed tota in moerore civitas versabatur, cum finitimorum omnium arma & conatus in hanc partem esse conversos appareret. Quod si qui erga novum dominatum, vel invidia, vel indignatione suffusi aut accensi, jucunde nonnunquam imminetia illa Vicecomiti pericla prospectarent: dulce profecto illud ex altera parte contaminabant proposita sua cuique damna privatarum rerum: non dubia vastitas ex bello tam atroci: periturae domus, & capita obiectanda ferro.

Matthaeus, hisce timoribus anxios primores esse urbis videns, ipseque multum timens tristitiam & desperationem, quae in verbis & vultu singulorum eminebat, vocato

cato in Templum maximum Concilio talia quaedam dixit. Sese rem Mediolanensem iusto ac moderato regentem imperio, persolventem sua jura subiectis civitatibus, bona fide colentem foedera & societates, vidisse repente cooriri rebelliones inimicitiasque illas, quas ipsi quoque coortas admirarentur. Id adeo communi imperitantum omnium conditione accidisse, quos tam bene, quam male facta premant semper, & rectis sanctisque artibus, ejusmodi praemia reddant homines inquieti. Non sic apud Deum opt. max. quem etiam rerum eventu propediem esse declaraturum speraret, quod mores isti hominum placere sibi non possint. Ceterum, & si praeter divinae justitiae fiduciam, humana quoque victoriae pignora in manibus habeat, paratum esse tamen dare pacem & veniam omnibus, qui pacem accipere & ferre ipsam queant. Daturum autem in quascumque velint condiciones, dummodo ne qua fieret injuria Metropoli & imperio quod ipse vicario suo munere tuendum haberet. Huic etiam tam moderatae professioni suberat artificium, ut per speciem agendi, quae publicae salutis causa in eo negotio agenda essent, Dux rectorque populi in quinquennium aliud ipse crearetur. Nam ad cal. Decembris ejus anni proximas finiebatur ea praefectura Vicecomiti: nec leve momentum in eo, si ad Caesaris auctoritatem, qua Vicarius Imperii erat appellatus, accederet hoc etiam, ut pergeret regnare Civitatis & populi jussu. Tentari id agique cum statim homines sua sponte suspicati essent, tum vero certum habuere postquam Gulielmus Celer ex intima Vicecomitis familiaritate monuit in eo conventu Principem, audientibus, qui aderant, irrita fore quaecumque agerentur, nisi prorogata praefectura esset. Ita Dux populi Mediolanensis Vicecomes in quinquennium est relictus.

Confirmatis in hunc modum paulisper animis, & erecta ad bonam spem nobilitate, duo potissimum ab illo agebantur: alterum quidem ut minueret sibi hostes, alterum vero, ut nova praesidia, & amicos pararet. Edixit primo cavitque publica fide, ne cui Vercellensi homini, sive Ticinensi, sive Novariensi ulla in re noceretur, quandocumque in urbe agrove Mediolanensi reperti essent. Si quis aliquem eorum violasset, ut parricidii poena teneretur. Foedus inde cum Bononiensibus & Placentinis iniit, & quia nubilem domi filiam tunc opportune habebat, in tanto rerum discrimine occasione ea usus, Albuinum Scaligerum sibi generum adscivit. Ab his veniebant quotidie peditum & equitum auxilia, dabatque famae Vicecomes, adversus longinquum hostem, Caesaris jussu copias eas parari. Parabantur adversus eos quibus oblata pace negligentiam simul afferre voluerat, cavendi ne quid interim hostile paterentur. Nec tamen provida viri consilia sefellere conjuratos. Ad Ticinum ipsi quoque congregabantur molientes inter se atque agitantibus longe aliud quam quod in urbe credebatur. Fuerat enim opinio ad pristina tantummodo esse reditum, & veteribus suis haerere consiliis rebelles illos, scilicet ut carperent modis omnibus obtererentque novum dominatum, neque jugum imponi sibi id paterentur. Sed rebelles fessi consiliis conatibusque aliis abruperant omnia spem inter & metum: ac sublato Vicecomite, necis unius compendio longi subsellii decidere litem statuerant. Ea res inter ipsos miro silentio suppressa & occultata, non nisi postquam discussa abjectaque est, emanavit. Discussa autem & oppressa est mole belli, quo Vicecomes totam eam conjuratorum manum repente circumvenit, donec ipse quoque circumveniretur, & intentas in caput suum insidias calamitate alia evitaret. Nam posteaquam, & ab externo, & ab domestico milite, satis paratus ad rem gerendam fuit, ommissa simulatione, quam ob metum assumpserat, aggreditur aperto Marte civitates infidas, ipsosque Dynastas capita rebellionis, civitatum earum stimulos, immisso belli discrimine avertit ab spe insidiarum, quibus in ficta pace locum fore existimarent.

Caeterum, quia Mediolani primores urbis, torpescebant adhuc proposita ante oculos imagine belli, quod cum tota fere Insubria, & cum alienigenarum etiam Re-

A gulorum opibus gerendum erat: in publico conventu, post quem ad arma iri oportebat, paratos ex primoribus ipsis habuit, qui acerbe in rebellium perfidiam sordesque & humilitatem, vera & falsa jaciendo, concitarent, simul indignitate rerum, simul spe victoriae animos, ac discussio torpore, Martiales impetus apud fessam jam & variis curis aegra pectora renovarent. Trintianus Gavacius, & Facius Pusterula fuere, qui gravissime in rebelles instigatoresque rebellium, effecere, ut poscerent universi juberentque bellum haud minore animorum impetu, quam quo Vicecomes ipse in eo negotio efferebatur. Et quoniam habito per urbis regiones delectu, descriptisque in singulas portas quadringentenis, grave certamen ex eo ortum erat, quod pars unaquaeque dare urbano huic exercitui ducem volebat, curam eam ambitionis concepta publice in hostem ira discussit: & sine mora egressi infesta signa Ticinensium portis intulere. Ibi vi summa gerebatur: bellum statimque apparuit, uno veluti consiliorum vinculo innexas esse civitates adversus Metropolim simul & Vicecomitem, consiliiisque iidem Dynastas externos esse illigatos. Scilicet, ubi Mediolanenses ad moenia illa succedere, quasi dato omnibus signo, perstabant illico campum, aderantque multiplici prius, dein uno agmine, rebellium quos antea nominavi exercitus: eos Dynastae iidem sequebantur cum sua quisque popularium manu, commilitones simul & duces. His accesserat Aetius Estensis, qui sub Demarchi nomine C Ferrariam obtinebat, & finitimorum Cremonensium stimulis compulsus in eadem arma erat. Ita, duo maximi exercitus, ex variis hinc inde gentibus misti, paribus etiam in utraque parte damnis dimicabant prout oppida, & arces, ipsae late dispersa agmina occasionem aliquam fecissent: nusquam ad universae rei conflictum veniebatur.

Post ancipites aliquot pugnarum eventus, coeperant superiores esse Vicecomes & Metropolitani: & pellebantur haud dubie conjurati nisi petit apacem rem ad aequa deduxissent, ut pars ea, quae vincebat, aliquanto postea solitudine & exilio testaretur humanarum rerum levitatem. Cujus spectaculi tempus interea dum veniret, erant D pleraque laeta Vicecomiti, tum in urbe domoque, tum ad exercitum: Ecclesiaeque status, non felix ille quidem, sed tamen aliquis Mediolani erat. Rufinus Frisefius Lucensis Archiepiscopo successerat Othoni, dignus utique tanto munere, & praebiturus egregii Pontificatus exemplar, si, aut in tempora commodiora incidisset, aut vixisset ipse diutius. Forma illa temporum, & occupatus Princeps infania & furore patriae capiundae, perque negotium illud tota in armis & turbis civitas, sine actione illustri, sine memoria ulla, quae exstet, transmiscere brevem undecim mensium Pontificatum, silentiumque & obscuritas cum qua exiguum id temporis egit, etiam ipsius nomen comitata est. At Franciscus Fontana totidem E sedendo annos, quot ille menses federat, & plura, vidit Ecclesiae mala calamitatesque civitatis, neque actionum gloria vel magnitudine clarior fuit: ac de ignobili ejus ad Angleriam sine postea memorabo. Matthaeus Vicecomes, in quem cuncta hoc tempore vergebant, & ab quo etiam cuncta proficiscebantur, obstupefactis terrore belli hostibus, & ad pacis petendae necessitatem adductis, appropinquante anno, qui ipsum ingenti casu pessumdaturus erat, altius aliquanto repentina & brevi felicitate attollebatur, quo magis postea casus ille mortalibus caeteris admirationi & exemplo esset. Quippe, data Civitatibus venia, Dynastisque, fodere vel affinitate junctis sibi, dimissis per totam fere Insubriam Magistratibus, F & ordinato apud rebelles civilium rerum statu, domique per omnia clarus & ingens, ne res deesset ulla majestati augendae, arbiter pacis etiam sumitur, quam Genuenses & Veneti post mutuas clades consensu expetitam, fore vanam credebant, nisi interposita hujus auctoritate firmaretur. Venere Mediolanum Civitatum earum legati petentes ab Vicecomite, ut cupientibus inter se finire bella duobus haud ignobilibus populis, vim nomenque suum inferere ne gravaretur, si stabilem eam fidamque pacem esse vellet. Neque Princeps abnuit, & facta pax

pax ipso arbitro per praeconem in palatio urbis promulgata est. Sub idem tempus Beatrix Actii Estensis soror, quae Nino Gallurae Pisarum domino nupta prius fuerat, Galeacio Matthaei filio uxor datur, estque deducta Mediolanum sponsa tanta publica gratulatione & apparatu, ut urbs tota Principis domus videretur. Inter haec brevissimi temporis gaudia & Vicecomitis fugam, prodiit e tenebris occultatum diu scelus, quod videri potuit portentum irae Numinis in alia hominum scelera cladisque Vicecomiti imminentis, & miseriarum omnium, quae Urbi aderant. Ac de eo etiam portento referam.

Gulielma fuit plebeji generis muliercula, quae statim ut adolevit, dictitans velle se domi manere virginem, exoraverat parentes, ne illud animi sui votum impedirent. Ita adspersa nuptiarum mentionem, conditioneque repudiata omni, sub patrio tecto inter imitamenta pietatis agebat aevum, nec corporis velamine, nec victu quotidiano, nec sermonis forma diversa fortasse ab mulierculis aliis, quales etiam hodie multae intra domesticos parietes referunt sacrarum virginum instituta & cultum. Ad omnia templa & sacella quotidie ibat, & crebris tota vicinitate colloquiis terens tempus, domique etiam quaesita semper & appellata, mussitantibus quamquam domesticis, impune cuncta suo arbitratu agebat, quia caritatis & religionis esse negotia credebant, dictitante sic ipsa, & verbum usurpante istud. Tantum utique tricorum, atque concursationum, & sermonum erat, ut natum inde proverbium nondum apud nostros homines exoleverit. Dicunt enim, plus quam Gulielminam habere negotii eum, qui circa inania districtus cursitet semper ac vagetur. Gulielma haec, sive Gulielmina postquam fama pietatis apud proximos, inde apud vicinos, per totam deinde urbem celebrari coepta est, paulatim in eam auctoritatem venit artibus suis, & credulitate multorum, ut sanctae virginis haud dubie nomen obtineret. Atque crescente quotidie magis, non solum errore civium, sed etiam ipsius audacia, inesse quiddam ei divinum, vel certe favore Numinis supra communem humanae naturae conditionem animum mentemque ejus attolli constans opinio erat. Quippe vaticinando saepe futura per ambages ac temere praedicendo multa, divinaverat forte aliquid, & quae secus acciderant, flexa ad eventum interpretatione defendebantur. Jam ecstases, & raptus, & omnia alienatae mentis ingenia fallaciaeque obversatae intuentium oculis, fidem fecerant, subduci mentem ejus in coelum, & ab corporis societate semotam, commercio Superum frui, atque illic in sinu gremioque divinitatis perfundi deliciis & arcanis inenarrabilibus.

Species quoque oris naturae forte cum dignitate quadam: & ubi succedere cuncta feliciter vidit, habitus etiam, & incessus, & sermo, composita omnia apte ad fallendum, ut quo inclinabant sua sponte simplicium animi, eodem simulatione inanum pertraherentur, & coelestem spiritum in illud transfusum esse corpus autumarent. Itaque, de rebus fere omnibus ipsa consulebatur, & pabula diversa eadem habebat, quae alliceret unumquemque ac detineret. Non viri solum graves & primariae matronae de seriis magnisque negotiis ad eam referebant: sed amatorias quoque suas sollicitudines, & livores, & ambitionis odiique curas ad Gulielminae perferre sinum adfuerant quibus aliquis ejusmodi morbus. Ad corporis denique morbos etiam, ad dubios, sive ad verfos quotidianae vitae, domesticarumque rerum casus, petebatur ab ea subsidium, & precibus illius quam plurimae se quotidie commendabant. Insuper, amplissima matrimonia, testamenta & hereditates, & voluntates ultimae morientium in ipsius plerumque manu erant. Interdum autem, quo plus reverentiae ex longinquo esset, per interpretes alias consciasque mulierculas ceu internuntias Numinis consulta & responsa ferebantur: ipsa abdito in cubili, quasi fatiata mortalium adspectu & pertaesa quotidianos coetus delicato languore decumbebat.

Et primores interim feminae, quae sita per ambitionem aditu, ac noctibus inter sese divisas, ad obsequia nutusque decumbentis excubabant. Quibus ipsis in noctur-

A na illa statione mirifica ludibria objiciebantur, vel splendore circa lectulum excitato aliquo, vel exaudita tamquam e coelo vocula, vel quasi egresso in coelum spiritu Gulielminae, membrisque per excessum resolutis. Daemon profecto aliquis erat in parte tantarum ludificationum, & tragico mulieris scelere, quod ipsa talibus struebat initiis, evocati lemures inserviebant. Ac lemurum utique instar erant interpretes & consciae illae quas dixi. Eae clam expresso & temperato altitium succo congerebant ipsi Gulielminae tenues sub lodicem pastillos, quibus dissimulante in eos coniectis opipare nutriebatur, ex eunte per urbem interim miraculi hujus fama, quod Gulielmina totos absque cibo ullo menses egisset. Nutritum namque contenta clandestino illo rejiciebat cibatum alimoniae omnem, & alimoniam habere se coelestem dictitabat, eratque miraculo fides, quia callidissimae & curiosissimae matronarum, experimenti causa adfidendo usque & usque adfirmabant, se se nusquam dejectis ab lectulo oculis vidisse fumentem omnino nihil, & jejuno semper ore.

B Haec aliquamdiu vita Gulielminae fuerat: talia ejus instituta & mores: in cujus feminae audacia & ab hisce moribus inchoato scelere, illud inprimis admirari subit, quod loco nata humili, unde, non nisi plebejos hausisse spiritus potuerat, nullis instructa litteris, nullo rerum usu, expertis moris consuetudinisque nobilium, ignara vitae communis muliercula, tantas, tam varias habuerit illecebras & artes fallendis atque inescandis eorum etiam animis, quos ad fallendum natura & consuetudo imitatione domestica provisuque omni instruit atque ornat: quorum est superbia & fastus, quos delitiae ipsae clausos impenetrabilesque tenent. Coeperat primo fallere parentes, adspersando nuptias, vota ceterarum, deinde domesticam eam fallaciam auxerat simulatione magnae pietatis: inde procedenti feliciter artificio publice fecerat gradum & struxerat sibi ad summa viam: postremo, Daemones ipsi delectati flagitio, quod post tot flagitia novum parabatur, in partem operis venere sicuti credidimus, & illius excetrae coeptis adfuerunt.

C Flagitium autem & portentum, & calamitas laeaeque per eam mulierem invecata urbi sic fuit. Andreas erat quidam Saramita Gulielminae amicus, quem illa ob aetatem integram rubrumque capillum & callidos mores adscitum sibi & dilectum ad quotidiana ministeria assiduam habebat. Sed intimum aliud ei occultumque ministerium apud dominam erat, explere quae fert insania sexus, atque jam inde a pueris ex ipsa vicinia sicuti fit, gratus placitusque virgini, effecerat, ne virgo illa umquam fuisset. Ingenium homini nihilo segnius ad fallacias & dolos, illecebrasque omnes, quam ipsius fuisse Gulielminae antea demonstratum est. Salax in primis & vaser, & ganeo, fusa per genas barba lacernaque talari tegens habilem adhuc juventam simulatione varia erat adsecutus, ut severus quidam & sobrius & antiquus homo haberetur. Noverat omneis domos, omnia diverticula urbis, negotiis rebusque omnibus aderat, sive advocatus ultro, sive suae virginis nomine: sic enim eam appellare impudentissime semper solitus fuit. Poterat vero etiam ipse fingere colloquia cum Superis, & praedicere nonnulla, & mentiri visiones inusitatas: & quidquid denique aliud Gulielmina inter feminas audebat, id ipsum inter viros Saramita egregie imitabatur, quo denique tutius in publicum proferrent id quod diu fortasse intus coquebant. Fuerit ne mutua satietas & inhonestae libidinis furor, an contemptus & contumelia in urbem ipsam, an omnia simul, nescit. Certe duo vilissima capita, Gulielmina ista & Andreas, conjurare, ut instituerent nocturna bacchanalia, quae contaminarent omnem aetatem, vicissimque ipsi contaminarentur: & instituerunt. Species nomenque sacrorum obtentu sumpta, quasi sacra ea, quae in aperto fierent, nec pura, nec sancta satis credi liceret: sanctius augustiusque esse faciendum, si fortunis suis, & votis propitium esse Numen velint.

F Duae illae furiae, apud suum utraque sexum talia dictitando, praeparaverant multorum animos, ut quantumque nefaria sacra inchoarentur, aperireturque delubrum infame, darent nomina in novos coetus, & ad cuncta

cuncta obeunda ordine adessent. Extra Portam quae Nova dicitur, fuit locus, quem isti Andreas & Gulielmina destinarent mysteriis sedem inanibus, & occasione mysteriorum cubile inhonestatis. Flexuosum os, informemque aditum habebat spelunca obsita vepribus quibusve aliis inculta vestiuntur, ad usus fortasse bellicos olim instructum opus, deinde neglectum pace, quales passim circa pomœrium etiam hodie cavernae conspiciuntur, jamque dissoluta concameratio procumbebat in ruinas. Saramita corrogata ab suis stipe specum eum partemque campicircumjectam coëmerat a magistratibus specioso in publicum hoc usus titulo, quod ponere in parietinis illis Oratorium vellet invitamentum pietatis ad eos, qui per moenia quotidie inambularent. Fabris confestim adhibitis purgato loco stetit aedicula profanatura urbem, & posita ara valvisque & claustris additis, Saramita & Gulielma sui juris omnia fecere titulo utentes alio, quod sacra AEdes alioqui profanaretur; Paucos primo, deinde plusculos, deinde cohortem suam illam universam, neque totam uno agmine, sed subinde alios inducebant, donec per singulos in orbem turpitudine iret. Cujus caeremonia hæc fuit. Prima infandi coetus nocte, ubi promiscua virorum & feminarum turba in templo stetit, occlusis valvis, trabeati & mitrati diversa in sede Andreas & Gulielma, ab omnibus, qui aderant, horribile singulatum jusjurandum exegere, nihil eorum quae ibi fierent, cuiquam esse dicturos: si fidem eam fallerent, tum uti Deus optimus maximus se familiam suam peste, fame, malis omnibus contingeret atque infectaretur. Id ipsum, ut quisque novus gregalis, sive vir, sive femina, sive adolescens erat adscitus, conceptis verbis postea jurabant. Ubi juratum ita est: tunc Antistites adolent ignibus aras, celebrantque cantu foedissimi ritus horrenda primordia, quæ caetera turba succinit, prout instituti monitque erant. Et compositum in hæc verba melos erat: **CRESCITE ET MULTIPLICAMINI.** Momento dein uno symphonia conquiescit, ac lumine simul extincto omni, carmen dissimile aliud, aliosque modos ineunt viri, feminaeque, & his interjecta rudior aetas. Quodque mihi verecundiam hujus sermonis auget, licentia tenebrarum & loci, volutabatur in eadem humo, cum filia pater, & cum fratre soror, sicuti facibus extinctis irruerant, & sicuti mysteriorum eorum lege capitale erat aperuisse os, gemitumve ullum edidisse adversus eum qui primo corripisset. Insuper (honos auribus habitus sit) alia quaedam fiebant, in quibus ne crescendi quidem & multiplicandi excusatio ulla titulusve esse posset.

Caeterum, antequam reliqua negotii hujus peragam, minime distulerim id quod ad Patriae hujus in tanto malo solatium aliquod magnopere pertinebat, atque in probatissimis repertum annalibus pene praetermissi. Quippe talium rerum auctores Saramitam & Gulielminam ex alieno hinc solo oriundos fuisse: ac sicuti fuerant ipsi peregrinae stirpis, ita coetus eos ex peregrinis instituisse, quorum affatim ad manum fuerit in urbe semper plena alienigenarum. Cum igitur prima sacrificiorum nocte, talia quaedam gustanda & libanda concioni suae exhibuissent Andreas & Gulielma: per omnes deinde noctes, ad epulas vocati easdem velut inescatae bestiae miserabiliter ruebant. Gulielmina deinde post menses aliquot, seu libidinis intemperantia, seu providentia Numinis quo maturius tandem retegendi sceleris initium veniret, diem suum obiit, nihil imminuta fama & errore, quem de muliere illa civitas acceperat. In ejus funere tanta fuit infania assclarum, ut quibus studiis, & qua admiratione celebraverant viventem, mortuam quoque in coelum extollere conarentur, mentemque & spiritum ejus ad superos haud dubie excessisse populo persuaderent. Admovenes namque rosaria spurcissimo cadaveri, feretrumque coronantes, & ejus contactu veluti sacrata gestamina rapientes avidè, facere caeteros eadem, ut est proclivis ad talia populus, docebant. Simulata quinetiam coecitate, languoreve aliquo, nonnulli ausi sunt illudere publicae credulitati tamquam adspicerent repente lucem, extuerentque alii corporis alias calamitates, ob quas antea lux ipsa displicuisset. Et ad merita sanctitatemque

A Gulielminae referebantur cuncta, quasi jam redditus Coelo spiritus ea beneficia mortalibus ab Numine impetraret. Delata ipsa ad Claraevallis monasterium, ibique collocata in tumulo, non sicuti cadavera caetera habebatur. Lychnuchus quotidie pendebat ibi aliquis, ardebatque cerae multum, & votivae tabellae casuum variorum affigebantur ab illis, quibus ludibria ista cordi erant: & conjuratis in eam fallaciam multis, cum opinio quoque publica confirmaretur, parum abfuerat, quin Gulielmae honoris causa publice etiam aliquid decerneretur.

B Sed jam tempus appetebat, quo recidere in capita impura fraudem, insigneque adversus talia sanciri documentum oporteret. Numquam enim Deus falli & errare finit Ecclesiam in iis, quae ad religionis & fidei summam spectant. Ac dissimulans majestas illa saepe caetera mortalium flagitia, spatiumque poenitentiae praebens, nusquam in eo cunctata est, ubi de inducendo in Ecclesiam pravo cultu fastisque sanctorum inquinandis scelere vel adulatione hominum ageretur. Mortua, sicut dixi, Gulielmina, cum sectam Saramita superstes obtineret, evenit quidam hujusmodi casus. Alexander erat Coppæ negotiator praedives, & alioqui etiam honestus, ac rei suae bene gerens, nisi impudica uxor, bacchanalia frequentando illa, vulgandoque ibi muliebri decus, labe ea fortunam honestatemque domus conspurcasset. Damnaverat saepe maritus infelix nocturnos mulieris egressus, multumque clamitando dixerat, non placere sibi tantam pietatem: si vellet ad templum ire, satis longos esse dies: & velle scire ipsum, cur silentia noctis & horae destinatae pecudum etiam quieti, cur tenebrae ad id sacrificium delectae essent: cur sexus, ne media quidem luce committendus turbis, per obscurum exciretur domo? Mulier contra, nec voce, nec vultu superiorem in jurgio passa est maritum, adsurgit etiam infestior atrociorque. Quid sibi quaereret inter feminarum sacrificia delirus senex? cur non potius ageret negotium suum? Non mirum postea fore si fortuna domus verteretur, & Numinis ira retro sublabi aliquid inciperet, quando quidem repente ditatus mercator ingrato adversus Superum indulgentiam animo inquireret in eorum sacra & ritus: minitari etiam auderet. Ituram ad nocturna sese sacrificia more suo: & tanto promptius frequentiusque ituram, quo magis ille minitaretur latraretque. Aliquoties ita jurgati fuerant maritus & uxor, cum quidem, remissum credo viri ingenium malitiose olim odorata illa sciret probe adversus quem sibi arietandum in eo certamine esset. Sed maritus, quando nihil profici verbis videret, ommissa altercatione, fingens se esse victum, nocte quadam, exeuntis uxoris vestigia dissimulanter & lenissime subsequutus, tamdiu stetit ad valvas, donec ingredientibus per intervalla multis, ipse quoque ceu gregalium illorum unus admitteretur. Abdidit in angulum sese, quem extrema luminis, corporaque & umbrae multorum obscurabant. Ibi tacitus involutusque palliolo, quid rerum ageretur expectabat. Videt sedentem in sua sede Saramitam, notatque haud ignota sibi multorum ora, & detractis velaminibus rafa capita muliercularum in coronae speciem, quem Gulielmina ritum olim indiderat, sive ut sacris illuderet ritibus, sive ut insigni eo a caeteris distingueret suas. Haec omnia videbat hospes, mirabaturque & inhorrescebat simul. Mox impudicitiae praefatiunculam, & gestientes concepta libidine choros, audit, datoque signo, extinguere lumen videt, nec ultra dubitavit, quorsum spectaret tam obstinata pietas uxoris suae. Ea non procul ab marito forte constiterat, arripuitque F ille ut momento saltem illo subduceret complexibus alienis. Luctando cum adultera, tempusque sicuti poterat extrahendo, spatium illud, & frustra anhelantem libidinem mulieris elusit: detraxitque anulum digito, quo postea teste uteretur ad id quod parabat.

Dimisso foedo sacrificio valvisque patefactis, cum caeteri exirent, exit ipse quoque & properus abit domum moesto cogitans animo, quam saepe misera illa esset contrita manibus alienis, & quam deformis exitus impudicam maneret. Hinc recordatio conjugalisthori, & liberi fortasse communes angebant: hinc dedecus & ira stimu-

stimulabat. Et magnum interim ex ignominia dolorem solabatur hoc ipso, quod reputaret, ignominiam eam communem sibi esse cum multis. Interdum etiam, non satis certus ultionis, haesitabat circa id, quod primo dedecoris ad spectu agitavisset tacitus ipse secum, ut nimirum indignitatem foeditatemque eam detegeret publice, ac Vicecomiti ipsi principi Civitatis magno aliquo exemplo vindicandam exhiberet. Tam variis uno tempore motibus animi turbatus reliquum noctis egit maritus postquam ab lupanari redierat domum.

Postero die poscebat ab uxore anulum illum quemdam operis encaustici, grandiuscula pala cum adamante turbinato, pondus quoque designans, & diem notans ipsum, quo die id ab se munus acceperat. Adultera enim vero deprehensa pallefcere, neccere moras, causari nonnihil, quasi jam jamque prolatura versare dactyliothecam, ad extremum poscere tempus, & dicere quod res istae minutae semper dum quacerentur, fugitarent, eadem postea non quaesitae comparerent ultro. Sic mulier aliquamdiu aestuaverat ad anuli mentionem atque tergiversata erat, cogitans, scilicet, interea quidlibet aliud, quam sua mala, & Bacchanalium imminens finem, & raptoem anuli illa in lucta maritum fuisse. Nec minus ipse fluctuabat adhuc, eligens consilia aliqua, deinde damnamans, donec egressus animo fortem spiritumque institutoris, tale denique quiddam suscepit. Convivium solenne parat quasi natalitia daret, suo, vel uxoris nomine. Ei convivio adhibet propinquos & amicos, quorum uxores, aut filias in lupanari viderat, & frequentes adfuere: simul ipse cum uxore discumbebat. Postquam hilare sunt epulati, hilaritasque etiam in lusus, & jocos excessit: quin spectamus (inquit convivii pater) ludum novum quemdam & jucundum, mulierumque nostrarum capitata sicuti sunt, subjecta oculis intuemur? Id modo cum dixisset, injecta in uxoris suae finciput manu, direptoque velamine, coronae circulum ostendit, qualis esse Presbyterorum solet.

Quo spectaculo, cum obstupefacti attonitique omnes ora obverterent sua, alique alios rogarent quidnam rei esset, tunc Coppa; magis esse miraturos, dixit, si ludum eundem mulieribus unusquisque suis fecissent. Juvat experiri, statimque, ridiculum visum, nudus in orbem capillo vertex, & mulierularum crania apparuere mentita Clericos. Voluerant illae quidem unguibus, & cervicum flexu, reluctationeque nonnulla rejicere vel declinare dextras capiti imminentes, sed corripiebantur atque inhibebantur acrius hoc ipso quod recusabant. Tunc vero Coppa ille orsus ab suspicionum suarum initiis, ut primo mulierem suam ab nocturnis egressibus coercere tentasset, ut diu ac ne quidquam super ea re iurgatus, denique vestigiis insidiatus ad cellam devenisset: ibi fanda infanda quae sibi accidissent ordine exponebat, promiscuos concubitus, incestuosa sacra, tenebris stuprisque involutos choros, suam quoque cum uxore luctam & temporis causa simulatos amplexus infelices & anulum ablatum, qui testimonio etiam esse posset. Incendebat haec questu & lacrymis: non uxores, aut filias, aut sorores, sed furias & propudia, & inimicas suae quamque domus esse illas, quas in honore & caritate, quas in deliciis errore miserando habuissent. Adversus quae, mulieres ipsae ne hiscere quidem ausae stabant haud minus attonitae quam viri. Videbant enim patefacta reiecta esse cuncta, seque deprehensas. Inde major etiam narrationi fides: ac vix temperavere quo minus irruerent, suisque ipsi manibus concernere singulas obruerent diei ejus atrocitate veterem convivii Lapytharum famam. Cohibiti sunt ab indice eodem hospiteque Coppa, qui rogabat, ut exemplo suo sedate agerent, & rem tam indignam iudicii potius via persequerentur.

Postquam ab eo impetu, quem dolor & ira concitarat, collegere paulisper animos, sententia communis omnium fuit, ut ad Matthaeum Vicecomitem res tota deferretur. Ille novitate ac magnitudine flagitii, sicuti par erat, vehementissime commotus, detestatusque verbo mulierum genus, indices eosdem ad Sacrum Inquisitorem ire jubet, indicioque delato paratos ad imperia illius esse, si

mulipsc cum eo de ea re colloquitur, & omnia quaecumque in id iudicium necessaria esse possint, pollicetur; pecuniam, arma, militem, vim auctoritatemque suam, totius imperii opes, imperiumque, si necessitas ita ferat, ipsum. Non tanta rerum mole tantoque motu opus erat. Pertractae statim ad sacra Tribunalia mulierculae, ad singula de quibus interrogabantur, ita respondebant, ut negotii seriem, initia, progressus participesque omnes, Inquisitor teneret manibus, Bacchanaliaque ipsa, & lupanar veluti ante oculos haberet. Et quoniam in quaestione habenda impense data opera erat, ut quam minimo strepitu res ageretur, oppressi sunt affines ei sceleris omnes antequam rem agi eam suspicarentur. Callidiores promptioresque aliqui, cum suspicati nonnihil, effugere voluissent, vel retracti sunt equite immisso, vel in ipso abundi conaturerenti, vel ubi non comparuerant, extrusi, capti, producti ab iis quos Principis, aut Inquisitoris edicta ex amicis, & hospitibus inimicos repente proditoresque contaminatorum illorum fecere.

Saramita ante omnes ipse Gulielminae maritus, & collega, & minister, post eam heres instauratorque sectae, magister libidinum, impostor, & sycophanta, heluo, leno, foediorque dictu bellua: is igitur sagacissime statim odoratus Bacchanalium cladem, & periculum suum, mutando subinde latebras aliquamdiu cum fefellisset: repertus denique est apud nobilem viduam indicio vetulae, tectum inter, & laquearia, quo se abdidit. Ita omnes, alius alia via cum in carcerem venissent, rite interrogati, & confessi quidquid erat, damnantur flammis. Molles enim viri, & marcidiae stupris adulteriisque mulierculae, & peregrinus fere sanguis, ne iudicium quidem oculos, adeo tormentorum ad spectum non tulere. Quae colluvies cum incendio absumeretur, non fuit spectaculum, quale solet esse, dum in ejusmodi casibus, caetera adfluente multitudine, continent sese domi, longinquos feces quae runt, quos ob propinquitatem aliquis ignominiae dolor attingit. Parentes & fratres & mariti praecipua nomina caritatis conjunctionisque humanae aderant laeti spectaculo, cujus luctus alias numquam finitur. Abruperat unusquisque sanguinis & naturae leges adversus ea corpora, quae sese ab natura domoque prius abrupsissent.

Saramita proprio & separato rogo est crematus. Juxta cineres ejus paulo post cremavere Gulielminae ossa cum tabulis & signis, & argento auroque omni, quae salutarium beneficiorum vota, scilicet, monumenta circa tumulum pependerant. Ipsa quoque cella flagitiorum sedes, & domus impuritatis, plebe cum securibus, & dolabris accurrente momento pene uno dejecta est, & rudera caementaque omnia prius flammis ustulata iisdem in cloacas avehuntur, ne contactu ipso, terrae superficiem atque superfusum hunc aëra contaminarent. In hunc modum oppressa, & deleta est secta, & officina muliebrium libidinum, quam mulier una instituerat: non autem deleta labe, & ignominia sexus, per quem ea deformitas inecta urbi. Multa sane probra coniecere in feminarum genus veteres, quive ex nostris ad contemplationem nequitiae sexus illius adsurrexere ex aliquo inter scribendum casu. Per seria, per ludicra frequentissima ea infectatio in omni litterarum genere reperietur, & severitatis gloriam hinc quaesivere molles etiam viri. Non enim fortasse omnes oderunt adspersanturve sexum, sed lascivia quadam, & ostentatione ingenii ludunt sic in pompam, & speciem, ut ad vetera maledicta contumeliasque jam exoletas addant novi aliquid, & prioribus inexcogitati: fitque quotidie hoc plaudente palam quidem fama, & approbatione communi, viritum autem in arcano abnuentibus singulis. Adeo sexui illi deditus est noster plerumque sexus, hoc ipso deterior.

Ego, cum Gulielminae scelus, caeterarumque Gulielminarum furiosam inexplabilem libidinem, fraudesque libidinis causa excogitatas, & prodita conculcata matrimonia, quaesitam ante matrimonii tempus inhonestatem puellari etiam aetate, sacris praeterea rebus facta ludibria, & religioni insultatum, & penatibus illatos ex lupanari alieni sanguinis heredes translatamque fortunam in adul-

terorum prolem: haec omnia cum narrando aliis, & ab iis qui olim narravere repetendo mecum ipse reputarem, veteris Poetae sensum interea saepe tacitus laudavi. Nam nimium generoso spiritu Tragicus dixit Euripides, *fuisse optabile hominum generi, ut quaequam purior suscipiendis liberis via daretur, ne perfidum impudicumque animal procreationis causa habendum in societate vitae esset.* Scilicet ejus impudicitiam perfidiamque animalis respicere debuit, alter etiam pari generositate, & sapientia vates, cum videns cernensque omnia sine oculis, caneret: Neminem unum posse adfirmare, cujusnam hominis satum esset procreatus. Haec autem potius videbunt mariti, & conquerentur.

Purgata, sicut dixi, urbe, sublatoque lupanari, lata lex est de peregrinis, datumque Magistratui negotium, ut ne quem ultra octiduum commorari Mediolani pateretur, nisi cujus causam ipse probasset, cognosceret instituta singulorum & vitam, conventicula nocturnosque coetus prohiberet. Sed jam Turriani exfules aderant magno, & ultimo sociarum civitatum conatu ad ejiciendum Urbe Vicecomitem, cunctaque repetenda, & transferenda in Turrianorum domum, sicut ex ea domo olim Vicecomes ipse potentiam imperiumque rapuerat, quod Turriani prius ipsi raptum ex calamitate servitioque Reipublicae Mediolanensis habuissent. Civitates autem quae ad reducendos in patriam Imperiumque Turrianos, extremo hoc conatu conjungere arma, illae scilicet fuerunt: Cremona, Placentia, Ticinum, Novaria, Vercellae, Laus Pompeja, Crema, & cum Demarcho Montisferati Ricardus Languscus, quem novum ex hoste amicum repente Vicecomes alienaverat, data alteri Zaccharina filia, cum desponsa ei prius fuisset. Nec urbes populi que alii qui in parte Vicecomitis habebantur, intacti nunc erant ab defectione, & favore in partem alteram: familiaeque potentes ab potentioribus aliis familiis inde ejectae sese ad Turrianos conferebant. Mediolani etiam in ipsa Imperii sede, ubi spem, & adversus externa praesidium esse oporteret, plena omnia rebellium erant, & detecta ibi nobilium conjuratione, dum punitur perfidia, plures ad rebellandum irritati.

Domus ipsa Principis agitabatur mutuis suspicionibus, odiisque intestinis, & Petrum Vicecomitem patrem demortui Othonis, Matthaei patrum Galcaci Matthaeci filius comprehensum repente, & catenis oneratum clauferat ferreo septo, ibique ceu novum animal conficiebat tabe, & squalore. Nam sicuti fit cum praecipitia esse omnia ad exitum coeperunt, fessus negotiis Matthaecus atque tot pertaes aerumnas, assumpto in sollicitudinum partem filio, maxima, & praecipua quaeque segniter, incuriose, remissa trans mittebat. Et juveniliter ferrox ille sine modo exercebat imperium, existimans apud tam infidos animos opus esse terrore, ut alienis exemplis alii in obsequio fideque retinerentur. Quae juvenis acerbitas, & patris vecordia pacatis etiam rebus inutilis eo adduxerat rem, ut non jam per conjurationes occultas coetusve clandestinos, sed palam, aperte, confidenter, de Vicecomite expellendo Turrianisque in urbem admittendis consilia agitent.

Anno hoc, qui millesimus trecentessimus alter salutis nostrae erat ad x. cal. Majas in Aula publici consilii, quae paulo antea compositis adulatione publica plaufibus inchoanti imperium Matthaeco sedes fuerat: in eadem sede sedentes Principes urbis ad populum tulere, vellent juberent adversus Vicecomitem iniri foedus, quod inter alias urbes initum firmatumque esset. Absque mora dubitationeque ulla illigavere sese foederi, tantaque licentia & contemptu ruentis fortunae acta ea res est, ut venissent in urbem foederatorum aliorum legati, atque vicissim hinc ad eas commearent. Exolescere inde quotidie magis, & vilius fieri Vicecomitem nomen: dilabi primo servorum greges levissimi semper & momento quolibet mutabiles: deinde alii, quos verecundia nonnulla tardarat: tum gravissimus etiam & intimus quisque: postremo circumspiciens ipse necessitatem solitudinemque suam, vehementer cogitare de fuga coepit.

Bonacosa Burra erat uxor hujus Vicecomitis commu-

nium aliquot ei liberorum parens & per mutuam concordiam dilecta. Hanc neque trahere secum volens comitem fugae, & si domi relinqueretur, expositam fore ludibriis inimicorum videns, intra sacrarum virginum aedes cum nobilibus aliquot ancillis abdidit. Monasterii nomen ejus in nullis usquam reperire annalibus potui: tantum existat apud omnes diserte perscriptum hoc, Bonacosam Burraram fugiente marito apud sacras Virgines latitasse. Abdita sic in tutum, ut ipse rebatur, uxore, Vicecomes, cum in singula momenta, & ab hoste, & ab cive, & ab domo ipsa cresceret metus, sublatis, quae ipilla trepidatione poterant auferri, uno, vel altero comite clandestinus, & ignotus urbe excessit. Postquam apparere defierat, primo quidem nesciebatur, quoniam ille fugam intendisset. Mox vulgatum est, Placentiam ivisse fretum amici alicujus subsidio, quem fidelem ibi potentemque haberet. Sed inquirebat ultra persequereturque nemo: fatis habebant, quod terrore ipso capere fugae consilium coegissent, quem per arma, & acies dejicere parati erant.

Turriani fratres interea Cassoni filii, quorum nomina haec fuere: Martinus, & Henricus, & Musca, cum aliis suae gentis hominibus exercituque foederato, confiterant ad Laudem Pompejam irrupturi quovis modo in urbem, oppugnandoque & obsidendo quae situri in patrias sedes aditum, nisi fuga Vicecomitis cuncta aperuisset. Ita sine sanguine ingressi recta petiere dirutas suas aedes, quibus hodieque id nomen manet, ibique raptim collocato domicilio, fortunam haud dubie priorem, favore nominis, & asseclarum opibus quaerebant. Sed in civitate, quae dominari ipsa volebat, non poterat id esse incruentum: ac duae factae protinus acies: una propugnantium Turrianos, quos & acciverant: altera defendentium patriae libertatem, cujus repetendae tempus nunquam habituros esse aliud clamitabant, si nunc cessatum fuisset. Profecto nutantibus Turrianis, fugato, sicuti demonstratum est, Vicecomite, constitui hoc tempore status Reipublicae Mediolanensis potuisset, Metropolisque liberari, nisi post lapsas semel res olim, caput potius unum esse magno huic corpori, regique ab uno totum semper istud ignota mortalibus divinae providentiae dispensatione esset decretum. Non enim aliter quam decreti ejus lege ac potentia fieri potuit, ut gens tam avida libertatis, impatiens obsequii, domitrix expugnatricumque civitatum aliarum, dominatum acciperet Turrianorum prius, deinde Vicecomitem, deinde Turrianorum rursus, & postea Vicecomitem iterum admitteret. Nisi fierent ista divinitus, & nisi vellet excelsa Numinis providentia populum hunc aduofacere domino uni, arbitriumque rerum civitati adimere, cui decora alia omnia contulisset, non defuerant animi spiritusque populo, & vires, quae duas istas familias nihil juris habentes ad imperium, coercere potuisset etiam poenis, quibus alii liberi populi suos homines appetentes patriae dominatum aliquando coercuerunt.

Nostri, postquam ab exilio Turrianos in urbem recepere, primo quidem acerrime nitebantur, ne reditus eorum publicae libertati obesset, deinde vero succubere violentiae inextinguibili, quae Metropolim imperio alieno addicebat: & sub fallaci ducis sive rectoris nomine, quo jam decepti toties erant, latitantem tyrannidem accipere, ut ne tyrannide quidem excussa alia liberi essent. Acceptis autem, sicuti dicebam, in urbem Turrianis, cum civile bellum esset ortum ex eo, quod pars generosissima civium reduces in patriam urbique redonatos eos, sub legibus sub magistratibus volebat haberi communi cum ceteris jure: deterrimi quique revocatis ita exsilibus, imperium etiam urbis dabant: fretus novo hoc dissidio Vicecomes ausus est e latebris prodire, quas petierat, sperans, quia pertaesum Turrianorum esset, posse sui desiderium oriri. Ea fiducia progreditur ad Pioletum usque, qui locus decem millia passuum ab urbe abest. Legati Veneti qui per id tempus ad utrumque Mediolanensium exercitum de pace venerant, impune venturum, dederant fidem. Ibi traditis depositisque insignibus abdicabat omni se se potestate, quam in popu-

populum Mediolanensem usurpasset : nec ea modestia profuit quidquam ad id cuius causa suscepta erat. Direpta paulo post domus omni regio paratu suppellectileque referta, cui pepercerant ad eam diem ob Galeatum, credo, filium, qui arma adhuc militemque retinebat.

Tantisper, ista dum fierent, nullius imperio subiecta civitas, veteris Romanae Reipublicae instar habebatur, dominatoresque suos, aut jam fugere ultro coegerat, aut persequendo armis agebat ipsa in fugam. Deinde, vi urgente illa, quae consiliis armisque omnibus excelsa imminet, fato, si dicere licet, quodam, ne diu compos unquam esset sui Metropolis, ad accipiendos rursus, quos ab reditu fugaverant Turrianos, pace inter se facta consensere primores plebis, Conciliumque omne urbis. Ita reducti rursus in urbem Turriani, & ab frequenti populo collocati in iisdem dirutarum aedium vestigiis, quae tecti satis adhuc domicilio praebebant : & studio impetuque multitudinis nova deinde tecta ibi raptim excitabantur. Non dubius jam hinc reducis familiae gradus ad dominationem aditusque erat, haud ille quidem transitu statim toto, repentinoque passu, sed quotidianis per intervalla progressibus, dum, vel consensu publico, vel propensione studiisque singulorum, auctoritas, & splendor assidue nonnullus accedit, vel etiam ipsi jam inde ab priore dominatu imbuti necessariis ad ista artibus, arripiunt quotidie aliquid, atque usurpant, quo supra caeteros attollerentur. Celebre per calamitates etiam familiae nomen, & ipsa dirutarum aedium moles, areaque illa, veteris aedificii magnitudinem testata parietinis & rudum acervo : hinc vastae solitudinis campus, hinc superstes palatii brachium vitata injuria capax dominorum : hinc surgens nova ab fundamentis Aula, conclaveque supergrediens alte vicina tecta : & concursus illuc nobilium populi in parte splendoris erat, qui ad principia rerum plus confert saepe quam arma, & omne virorum robur. Praeterea, fratres ipsi egregie inter se concordantes, modestique in alios, & inconcussi recentium certaminum recordatione lacebant obsequia, nec habebatur indigna domus in quam transfret fortuna, quae Vicecomitis fuisset. Initia certe conferendi in eam Principatus eadem fuere.

Dux Urbis absque mora Guidus creatur, qui postridie quam nomen potestatemque acceperat, ducto in Comenses exercitu, profugum illuc Vicecomitem, atque rebellium eorum ope reparantem bellum fudit, ac fugavit. Hoc deinde duce bellica res Mediolani administrabatur : & facili confinio caetera eodem vergebant, ut parum abesset, quo minus respiceret unius nutum civitas, tot semper adflicta malis dum pugnat adversus id malum. Sed adimebat sensum corruptae libertatis strepitus armorum, & compositis domi rebus irritata omnia extra urbem : contempta foederis fides : & jam eadem pro Vicecomite civitates, quae rebellione sua fugere ipsum coegerant. Namque Albertus Scotus, qui Placentiam obtinebat, praecipuus foederis Turrianorum quereducendorum instigator, cum omnes fere Insubriae populos adversus Vicecomitem concitasset, idem, postquam exturbatus ille erat, restituere extorrem conabatur : alienabat ab Metropoli Turrianisque quas antea conciliaverat urbes, & levitate incredibili sese postea rursus cum Turrianorum nomine Mediolanensibusque conjunxit. Nunc stimulis agitata ejus pars maxima & validissima Insuorum circumteterat armata urbem, ac depellere inde vi tota Turrianos volebant. Quin etiam ingressi subita irruptione moenia die quodam Novarienses, & Cremonenses, & Placentini Scoto eodem duce atrox per omnes vias praelium edidere : jamque capto, & communito Viridario, toti urbi minitantes, ab Portae Novae milite, facto ex transverso impetu depulsi sunt, & pars magna caesi. In ea tumultuaria dimicatione repentinoque conflictu, Andreas Vicecomes impaeta in guttur sarissa dejicitur equo. Guidum Turrianum in vectum in medios temere hostes, intentis in ipsum undique gladiis eripuit discrimini equus suus : eumque ferunt rediisse postea in pugnam, & caeso Placentinorum globo intactum vulnere evasisse.

A Franciscus Fontana, qui Friseticus mortuo, Ecclesiam hoc tempore nostram Archiepiscopus habebat, praefederat prius Ecclesiae Messanenfi, indeque pulsus, Nolanum aliquandiu populum rexerat nihilo feliciore ibi ob temporum infaniam Pontificatu, quam apud Siculos olim, & postea apud Insuores : propriumque viri fuit huius, in magna pastoralis virtute magnoque animo, lacrymas tantum, & lamenta dare subditorum malis. Remedia caetera magnitudine malorum excludebantur : nec umquam ille virtutis explicandae locum invenit, cum admiratione virtutis, ab Ecclesia translatus ad Ecclesiam, seu remedium, aliquod unicum, & divinum perditis ea tempestate mortalium rebus ipse admoveretur. Ab hoc Archiepiscopo Fontana Gulielmus Brusatus equestri dignitate ornatur, quod prodidere temporum eorum scriptores, neque propter actionis, ut existimo, amplitudinem, neque propter hominis ipsius splendorem, sed quia familia ea Brusatorum, ob fidem erga Metropolim una cum familiis ejecta Novariensi agro Mediolanum venerat, eisque exulibus, tamquam in nova patria blandimenta honorum dabantur.

Non interim Mediolani ulla erat ab armis quies, impetrante nimirum subinde Matthaeo ad resurgendum auxilia aliqua ab iisdem, ut dixi, qui stantem everterant, vicissimque Metropoli ciente suas, & fidelium suorum vires, non tam adversus Matthaeum, quam adversus eos, quorum ille fiducia praesidioque adhuc nitebatur. Tunc in foederis rebelles nova inibantur foedera cum civitatum earum rebellibus : & horum quotidie agmina Mediolanum in nostra castra sese conferebant. Venere inter caeteros, ab Novaria Brusatus ille quem ab Archiepiscopo Fontana, equitem fuisse factum memoravi : Simon Carobianus ab Vercellis : Advocatus Madius ab Como : aliunde alii acres bello, & cum sua quisque clientum, five consanguineorum manu. Joannes Montisferati Demarchus quatuor millia peditum, & delectos equites duxit. Is cum familia sua in aedibus Ambrosianis est diversatus. Exercitum Ticini reliquerat. Reipublicae nomine paratus alius exercitus fuit facile suffecturus adversus eum motum, etiam si nulla externa auxilia accessissent. Praecipua erat in Placentinos ira, quia civitas ea non solum ipsa descivisset, exuissetque foederis fidem, sed etiam hortatrix ad alias fuisset : princepsque gentis Albertus Scotus, mutando subinde focios, & amicos, levitate sua illa quodammodo illuisse rebus videretur. Qua ira, Mediolanenses, ducto illuc exercitu, tantam agro Placentino vastitatem, tantumque urbi terrorem intulere, ut Scotus, relicto Principatu redigeret sese in ordinem, vanosque suos mores, & illud mutabile ingenium transferret ad res privatas, quas etiam repente pertaesus, voluerat resumere imperium, sed fastidio hominis, & Mediolanensium metu cives obtinere.

E Vicecomes collectio suo exercitu, Belinzonam, inde Varisum usque progressus, posteaquam labi partes suas vidit, coeperat latitare rursus & aliquandiu nihil movebat. Nec Turriani interea laeti detecto nobilium consilio, qui delere internecione familiam, & patriam sic liberare conjurarant. Inde exilia, & proscriptiones, & pervagante magnas domos poena conjunctionis, execratus passim dies ille, quo exsules eos in urbem, postea in principem urbis locum admisissent. Cum haec Mediolani forma rerum esset, sacraeque res & profanae, & semper admista domesticis externa sic haberentur, exibat annus humanae salutis millesimus trecentismus octavus, quo non fere plenior alter Populo Mediolanensi tristium ambiguarumque rerum fuit. Perculit exitus huius anni gravi clade Turrianos, extinctis intra paucos dies, Musca & Martino, viris acerbis & inquietis magnae famae cupidine, ut cum eorum vita concidisse spes in posterum & consilia Domus viderentur. Musca confectus aliquot tabe mensium obiit Octobri praecipitante, Martinus ineunte Novembri, continuatis prope funeribus, quae funera Civitatem in diversum affecere, prout odebant homines, aut favebant.

Etiam Ecclesiae studia disparia in mortuos apparuerunt. Nam ad priores exsequias, ordines universi prodire cum insignibus suis, atque pagatim ex agro suburbano Sacerdotes adfuere. Stratum erat feretrum verticori pretiosa pelle: conchiliatam umbellam, quatuor viri militares totidem hastis attollebant: corpus exanime purpurea in veste Franciscanae aedi est illatum. Martino, neque Cleri, neque umbellae honos idem fuit. Sed pompam auxere circumfusi equites obversis in terram clypeis trahentes vexilla per vias. Huic privato luctui, publicus Ecclesiae luctus adjungitur, detecto Dulcini cujusdam scelere, quod pertinuit ad urbem depravandam inficiendamque religionem. Homo Mediolanensis hic fuit Dulcinus: & qui rem tradidit, Matrem vocant. Sed neque cuius ordinis fuerit, per scriptum exstat in ullis annalibus, neque nosignationem hanc esse iacturam ullorum hominum arbitramur. Secutus ab ineunte aetate sanctiorem intra claustravitam, aliquamdiu steterat inter aequales absque labe, non segnus idem ad litterarum studia, quae in Monasteriis celebrantur. Postea degeneraverat in perditos mores, & opiniones malas, & suam urbem tota sectam occulte profeminabat, experta nimium saepe talium ingenuorum importunitate, ut socios errorum quaerant.

Sacri Quaesitores, re comperta, cum illico prehendi hominem iussissent, aufugit ille arrepta secum muliercula, quam stupro simul, & disciplina sibi devinctam habebat. Secuti deinde complures, qui, vel misere corrupti, viam illam esse salutis opinarentur, vel deprehenso scelerum magistro, percussis ob conscientiam animis, iudicii poenas timerent. Hi cum duce suo, colles, qui sunt circa Novariam insedere, simplicesque montanos in suum dogma trahebant, donec satellite immisso, capti sunt ad unum omnes, & in proxima Vercellarum urbe cremati. Hoc ea tempestate triste spectaculum, & exemplum Urbs nostra tulit.

Insequente anno, Franciscus Archiepiscopus moritur apud Angleriam in arce: cum civiles turbas, atque temporum eorum mala pertaesus, ibi hiemem ageret, captus etiam amoenitate loci. Namque Angleria in Verbanum lacus littore sita contra Aronam, fruitur Oppidi montiumque prospectu, & late fluentibus aquarum spatiis, & puro ac patente coelo, nec alibi rigor anni minus sentitur, ubi Sol cursum suum ad septemtriones inflexit. Possessa fere semper antiquitus Archiepiscopo Mediolanensi, dein versis rebus, & dilapsa veteris potentiae mole saepe Principes mutavit, donec una cum reliquo Verbanum lacus dominatu perveniret ad Comites Borromaeos, ac rursus excideret ex ea domo rursusque restitueretur, ut memorabo si contigerit, ut nostri aevi varietates attingam. Tunc Pontifici nostro manebat Angleria, simul adversus pericula munimentum, simul ad valetudinum & curarum incommoda secessus opportunus, quam utramque commoditatem secutus hoc tempore Franciscus ferebatur. Sed mors etiam ibi senem invenit. Indolere Mediolanenses plus aliquanto quam ut externis decessisset Pontifex videretur: nec fortasse nostratum aliquis post Sanctorum aetates antea pari desiderio celebratus erat. Adeo ille, cum Civitate Parmensis esset, ut pro Mediolanensi cive haberetur effecerat comitate in omnes, nec se se partibus ullis adiungendo, quae duae res communia sunt officia peregrinorum in aliena civitate, & ubique propria illius, qui Pastor esse populorum velit. Non tamen defuere veteris memoriae varietates, quae factiosum exfulemque facerent, & Angleriensem arcem ex filii sedem Archiepiscopo, non partem Ecclesiastici dominatus fuisse commentarentur. Corpus quod fuerat huius Archiepiscopi, cum Mediolanum sepulturae causa deportaretur, multa civium, & Clericorum agmina duxere funus: tumulus in Templo maximo paratus erat: ibi peracta est sepultura: nec de successore dubitatum. Cassonus Turrianus ex Ordinariis Collegio supra ceteros eminebat dignitate vitae, & ingenuarum artium disciplinis, quantum in ea temporum & rerum perturbatione excellere quisquam posset. Aderat familiae favor, quae saevos Reipublicae per-

peffa casus, hoc etiam poscere solatium videbatur. Et Musca pater recenti sui nominis memoria, filio commendationem addebat. Atque ipse manifestus erat, generis fiducia privatam illam quietem detrectans, & splendidius ampliusque non nihil appetens, quam quantum illud Canonici Ordinarii nomen haberetur. Quippe diu custoditus inter primores honor ad plebejos promiscue vulgari coeptus erat: & dum turbatur haec Patria bellis, aliqui pervenerant in Collegium, quos, optimates esse sibi dedecoros putabant. Ita Cassonum, neque obscure, neque indigne petentem, Patres Archiepiscopum renuntiavere, consentientibus etiam eorum suffragiis, quos nuper in ordinem adscitos, nobilitas multum infra se despectando, penitus a se alienarat. Placabat, siue continebat offensos eorum animos, resurgens iterum in Guidone post Muscam & Martinum potentia Turrianorum: eaque Domus duplici nuper funere adstricta, dein excitata rursus, terrore sui nominis frenabat civium animos, veluti cum unus dominatur. Namque Guido Francisci F. Ducis nomine Rempublicam obtinebat, magni animi vir, & fraterna ad eam diem, sicuti videbatur, in suos caritate: necdum venerant ea diffidia, quae postea domum funditus universam everterunt.

Simul atque sui sanguinis habere se Pontificem vidit, velut in libera civitate, tulit ad Populum, vellent jubere, mitti publice legatos ad Sedis Apostolicae legatum, ut, quem Canonici Ordinarii suo jure Archiepiscopum Ecclesiae Mediolanensis nominavissent, ei ratus honos fieret auctoritate suprema: subiecitque pauca de viri laudibus, & suae Domus adversis, & ut ea tandem conquiesceret. Decreta repente legatio, quam postularat, & clarissimus quisque in eam delecti, attributo sexaginta dierum sumptu, ut singuli senos equites ducerent: cumque pecunia non suppeteret ex aerario, ab ipso Guidone mutuam sumpserunt. Cortonae in Etruria legatus Apostolicus agebat. Eo Mediolanenses iere, & exposita nominatione Collegii, consensuque Civitatis, ut rei totius auctor fieret, impetraverunt. Sunt, qui Cassonum ipsum ivisse una cum legatis tradant: inde domum redeuntem, in Clarae Vallis Monasterio substitisse per aliquot dies: effusa illuc civitate deductum in Urbem: quomodo veteres Imperatores triumphabant, instructa fuisse omnia Guidonis astu ad populum alliciendum, cujus animi plerumque capiuntur inanibus, neque quidquam tantopere valet ibi, quam species, & ea, quae sensibus hauriuntur.

Ferne sub ingressum hunc novi Pontificis in urbem, cum Principum aliqui, seque & patriam, & libertatem sero respicientes, advocata in Palatium concione, de mutando Duce salubre consilium exposuissent, attonitos atque trepidos ad eam rem animos invenere multitudinis, haud alia magis gratia, quam ob recentem, sicuti traditum est in capeffendo Pontificatu splendorem & maiestatem. Proponebant Principes veterem illam, & in omni bene temperata civitate semper adhibitam rationem, ne magna imperia perpetua forent. Dulce libertatis nomen, instituta majorum, pericula nimiarum opum, & quanto melius foret, eos imperare, qui vicissim esse parendum scirent, quam unum potiri rerum. Haec omnia primo clandestinis agitata sermonibus, etiam libere memorabantur ab illis, qui nobilitate ingenta contemnere Turrianum poterant. Sed quia capta multitudo erat splendore nominis, frustra fuere. Infidebat enim animis & adhuc obversabatur ante oculos illa raro antea, postve spectata rerum & hominum amplitudo, cum Archiepiscopus Cassonus & Guido Princeps, Metropolim hanc, & velut una in domo constipatum honorum florem suo capite gerentes invehentur. Illos ipsos abrogandi Principatus auctores, meminerant, quasi calones lixasque Turrianorum incessisse. Strata coronis itinera, vestiti parietes auro, egesta in publicum omnia, quae privatim ad magnificentiam & ornatum expetuntur, portae triumphales immistae caelo, caelum ipsum, quacumque pompa incederet, purpura sive linteo inumbratum, & tota denique illo die in equis civitas, deliberanti nunc, siue potius infanienti populo caliginem offund-

debant, ut quos in tanto splendore conspexerant, eos supra mortale fastigium, animorum suorum existimatione collocarent. Prope subibat religio statuendi & committendi quod offendere Domum eam posset. Atque auxit admirationem, perculitque vehementius animos ipse Guido, cum effatus pauca, ut positis studiis, Ducem crearent optimum, e concione statim abiisset. Videbatur, Patriae salutem ante res omnes habuisse, decessisse Concilio, ne praesens obstaret libertati. Tanto promptius eum, non refecere modo, sed perpetuum esse Ducem Reipublicae Mediolanensis iusserunt.

Cassonus inde Archiepiscopus ab Episcopo Novariensi, Summi Pontificis nomine, sacris initiatur, quae solennia erant consecrando populorum Pastori. Caeremonia peracta est in Templo maximo, cuius ordinem antiquissimae tabulae sic breviter exsequuntur. Fecisse Novariensem ad Aram cum symphonia & cantu. Pro lato diplomate stolam albam indidisse Cassono: crucem tradidisse, quae praeferretur. Cum Turriani tenentes in hunc modum urbem utroque dominatu starent in summo rerum culmine, Guido est ausus insultare Vicecomiti, & adflitam illius fortunam incessere ludo, qui multarum lacrymarum ipsi praesagium tulit. Scilicet, ut eo praesagio devoveretur excidio tota Turrianorum Domus, atque suspicionibus primo, deinde injuriis in se ipsam concitata dissiliret, & paulo antea felices illi, Cassonus Archiepiscopus, & Guido patriae pater habitus, duo invicem exemplarum humanarum fierent.

Matthaeus Vicecomes, post opes accisas morabatur in agro Veronensi: locoque Nugatola nomen est, ubi ille, quasi veterum Philosophorum unus, casum sapienter advertitum tolerabat. Illic in Athesis ripa comite uno die quodam inambulante convenere qui tria simul haec Guidonis nomine percontarentur. Ecquid ageret? An speraret aliquando, se futurum esse Mediolani? Ac, si spem eam agigaret, quam fore sui reditus diem, quodve tempus arbitraretur? Ut ibat, manu virgam tenens, ita responsum dedit, Guidoni quod referrent. Ipsos vidisse quid ageret. Credere se venturum in Patriam: & fore compotem Urbis, tunc cum peccata Turrianorum, in altera posita divinae librae lance, peccatis propenderent illis, quae ipsum expulissent. Non exulis eam, sed veluti missam e coelo fuisse vocem declarabunt ea, quae sunt infecuta. Jam enim fatum appetebat, non vanum atque superstitiosum illud, quod plena errorum antiquitas, necessitatem & nexum esse causarum credidit, sed vere ineluctabile aliud ex caelesti in humanas fraudes ira, quae lentos saepe gradus movet ex longinquo, & inopinato. Neque tamen Vicecomes ipse postea diu vitaturus erat idem telum, diu melior erat futurus. Turriana res ita deleta est, uti demonstrabo.

Forte acciderat, ut rem Ferrariensem, intercisā legitima & iusta Ducum successione, Romanus vindicaret, obturbantesque Venetos, bello acerrimo persequeretur. Et quia non satis proficiebant arma: Pontifici visum, uti rem gereret alteris etiam armis, quae aqua & igni perduelles impios arcent: ejusque rei causa, sedens Mediolani Cardinalis Arnaldus edixerat cunctis per Italiam Episcopis, uti Bononiam convenirent. Cassonus Archiepiscopus ad Concilium ivit ita, sicuti oporteret conspici tantae Urbis Pontificem: & quo spectatior iret, additi equites ab Guidone, comitatus omnis ad regiae pene fortunae similitudinem instructus. Fueritne vetus si multas, & odium jam inde a principio inclusum animis, qualia etiam inter proximos venena tecta saepe mutuis blandimentis nutriuntur: an subita res, an sinere, mala suspicio, haud ego pro certo affirmaverim. Sane postquam Cassonus Archiepiscopus ex Bononiensi illo conventu Mediolanum redierat, infensa & infida esse omnia, inter ipsum, & Guidonem coepere, divisaeque Domus in hunc, aut illum, evertere se ipsam, & convellere a fundamentis properabat. Tumere animi, mutari vultus, intermitteri colloquia, declinari patrum fratrum occursum: ex utraque parte comparari gratiarum externarum subsidia, velut ad res novas & magnas. Cives reliqui, videbant quidem non fanas esse mentes, sed quid

A esset negotii, nondum plane suspicabantur. Parari vim aliquam, aut timeri, simulari domesticas inimicitias, & aliis imminere malum: vel si nihil simularetur, armari Turrianos in mutuam perniciem apparebat. Quotidie nova hominum ora conspiciebantur, & ex agris armati veniebant in urbem.

B Cum rebus & opinionibus hujusmodi suspensa civitas esset, erectique starent omnes ad id quod fortuna spectaculum pararet, peperit dinique Guidonis animus ea, quae jam dudum parturiebat. Ad Cal. Octobris, convenire. & adesse Turrianos omnes in Templum Maximum jubet: esse quae de reconciliandis animis & de maximis familiae rebus agere communiter velit. Spes injecta concordiae, summum imperium, religio quoque loci, & ad extremum, fiducia consanguinitatis, fecit ut frequentes adessent, rati posse placari si quid inter ipsos esset offensum: necdum intercessisse tantas injurias, ut sub tutela Templi augustissimi violari deberent. Archiepiscopus ipse non recusavit interesse conventui.

C Postquam omnes adfuere, ceteris intactis, Archiepiscopo fratribusque manus injiciuntur. Ille cohibetur intra Palatium, apposito etiam ad fores milite: fratres Angleriam in arcem asportati & inclusi. His nomina fuere: Paganus, Eduardus, & Moschinus. Napino, quem simul comprehendere destinatum erat, profuit illo die casus, cum forte in agro, volatu accipitrum oblectaretur. Nuntiato tumultu, proripuit se se repente Tricium, atque ibi occupata & munita arce transitum illius tempestatis expectabat. Reliqui Turriani, cum intra Archiepiscopi domum stetisse injuriam, seque paucorum periculo esse defunctos viderent, aliquantum ex ea solitudine, quae nuper omnes habebat, remissere. Reputabant, non esse saevitum in alicujus vitam: laxe custodiri domi suae Pontificem: posse justam subesse causam, & fortasse suspiciones & odia potissimum huc vergabant. At Guido, postridie quam haec erant gesta, convocat iterum gentiles suos, & cum illi non detrectassent, orationem habuit, qua pietatis simul, & gravium irarum signa permisceret. Nondum posse quanta recusatione animi, quantisque dilationibus ad consilium necessarium accessisset, ut sacrae potestati, ut sanguini suo faceret illud, quod pridie esse factum vidissent. Beneficiis suis semper ornata domum, gratiam hanc referre propinquo, & parenti, & principi, ut in ipsius damna sese cum hoste confociaret. Atque Cassonum Archiepiscopum illum, a quo moneri & corrigi caeteros oporteret, ultro auctorem esse consiliorum, ultro, quantum in ipso foret, jam Vicecomitem in urbem introduxisse. Nam, ne ignoretis, inquit, Matthaei neptis desponsa Moschino est, hujus nostri Pontificis fratri: Napino altera neptis ejusdem Matthaei datur: Paganus Giberti Corregiensis affinem in matrimonium ducit, quae connubia, instrumenta sibi in nos Archiepiscopus quaesivit. Et nuper ille: cum Bononiam Concilii causa proficisceretur, iter illud a summis Ecclesiae rebus Apostolicisque mandatis, convertit ad excidium vestrum, & meum, & Patriae totius. Quippe Parmae sunt ab eo inita consilia cum Corregiensi, ut si ego ad Cassanum accessissem, in trajectu Abduae fluminis interficerer, & capite sublato, Patriam hanc inter se diriperent hostes nostri.

F Subjecit inde Guido, hujus parati facinoris & initi consilii testimonia & indicia, quae haberet; ac nominatim, Philippo Langusco, & Antonio Laudensi notam esse rem affirmavit. Erant in Concilio, praeter Turrianos, Tegnacca Palavicinus, Jacobus Moncia, Philippus Motta Principes Nobilitatis, alique praeterea, quos Turriani secum ob privatas quisque necessitudines & amicitias in eum locum adduxerant, ad casuum atque suspicionum incerta. Hi magnopere coepere Guidonem hortari, ut, & sacrae dignitatis in Archiepiscopo, & propinquitatis in fratribus meminisset. Respiceret communes atavos, & Patriam, & se ipsum, neve se se demitteret eo, unde receptum postea non haberet. Hostes illos ipsos, cum quibus Archiepiscopi domum affinitatibus esse confociatam indignaretur, posse connubiorum pignore, & caritate reconciliari. Sin animos gererent

implacabiles & malignos, non offerendam illis in sinum tantam esse fortunam, quanta majorem optare ne ipsi quidem possent, ut rueret in se domus, ac sine ulla externa vi, domestico furore cruentaretur. Quod instructum dolis flumen, & paratum in Abdua sibi fuisse necem dicat, valde esse videndum, ne capitalissimae sint eorum insidiae, qui tales ad metum insidias proponant. An aliquid posse dici tam incredibile, quam hoc? Guidoni Turriano, Principi Mediolanensium, quem Urbis arma circumstent, antecedant, sequantur, & tanta undique cingat excelsae fortunae moles: huic igitur in suburbana prope aqua, fraudem & vim externam esse collocatam? Ac si tamen aliquid fuerit, potius oportere sanari lenibus remediis animos, & venerari Deum, atque tutelares urbis Divos, quod arcana conjurationis re-texerint, quam ulciscendo, adsequi, ut aliud ex alio malum renascatur. Nam hunc semper conjurationum violenter oppressarum exitum fuisse. Guido respondit, cordi fore sibi consilium amantissime quod proponeretur, & habiturum esse rationem, ut ne Populo Mediolanensi tam bene de se merito ulla in re displiceret.

Interea, Cassonus Archiepiscopus cingebatur in dies acriore custodia, Palatii valvas, aditusque & exitus omneis obsidebant armati: conditiones variae proponebantur, quarum iniquitate, potestas augustissima redimeret illius domestici carceris ignominiam, & captivos fratres. Conditiones autem eae quatenus fuerint, minime traditum est: sed licet conjecturam capere de caeteris ex una, qua fundos ad Salvanecium uberrimos ac late patentes in ea captivitate dimisisset Archiepiscopum constat. Vicesimus jam erat dies a primo captivitatis die, cum legatus Apostolicus, quem, ob rem Ferrariensem, & Veneta arma, missum fuisse memoravi, re comperta, Guidoni, & filiis ejus cum horrendo carmine sacris interdixit. Ejus interdicti auctoritas in oppido sancti Michaelis publicis tabulis consignata est, & Episcopo Novocomensi negotium datum, ut ille tristi munere defungeretur, atque superba subeundo limina, coelestes diras ad Guidonem & filios introferret. Enimvero, tunc maxime si umquam alias est intellectum, quam tremenda sit potestas illius Apostolici fulminis, quo protinus concidunt, non afflata modo corpora, sed universae domus, tota vicinitas, ipsae civitates eodem ictu, & fortis humanae commercium obmutescit. Statim ubi Guido cum sua prole tergemina tactus est hoc fulmine, ceu deforme animal, omni paulatim dilabente ministerio destituebatur.

Abierunt ex aula, primo innocentissimus quisque, deinde his proximi, postremo servorum vulgus, & amicorum intimi, raraque per urbem adulatio Principem agnoscebat. Paganus Turrianus erat Episcopus Patavii columen familiae propter severos mores & magnam famam, nec se se antea gentis suae turbis implicarat. Is, cognito rerum statu, quae Mediolani agebantur, & quemadmodum Guido Princeps Urbis, Archiepiscopo violato, meruisset extrema, dignam sua gravitate actionem suscepit placandorum animorum, & ejus rei causa Mediolanum venit. Simul etiam vicinae Civitates erga Metropolim adulatione, & studio, vel quod sua interesse arbitrarentur, destinavere pacificatores legatos, quorum nomina in publicis tabulis hoc ordine sunt reperi-ta: **LEGATI CIVITATUM AD PACEM INTER CASSONUM ARCHIEPISCO-PUM ET GUIDONEM DUCEM ET SECTATORES PARTIS UTRIUSQUE FACIENDAM.** Philippus Langusculus Legatus Ticini. Antonius Legatus Laudis Pompejæ. Gulielmus Brusatus Legatus Novariæ. Simon Carrubianus Legatus Vercellarum. Venturinus Bencionus Legatus Cremae. Urbs Novocomum, & Urbs Bergomum binos legavere, quorum nomina sunt omissa: titulus tantummodo Legationis manet.

Harum Civitatum Legati cum Antistite Patavino communicantes quotidie consilia, excusantes injuriam, auctorem injuriae mitigantes, omnem honestae satisfactionis viam, & in posterum stabilimenta pacis exseque-

bantur. Facile partium animos in praesentia composue-re. Quippe Cassono Archiepiscopo magnum ad omnia vinculum erat, circumdata domus in carceris formam, inclusi carcerem fratres, & proclivis ad ulteriora transitus: illum alterum irata lux, alienata prope vita, & minitans quodammodo caelum, accipiendae paci facilem dabant. Et tamen, nescio, quomodo non sine magno Pontificis dedecore, Guido superior in conditionibus fuit. Ad v. Cal. Novembris in templo maximo facta qualiscunque pax inter Cassonem & Guidonem, ejusque pacis tabulae recitatae magna voce, ut omnes audirent. Juravit Archiepiscopus, se nulla in re adversarium fore Guidoni Turriano gentili suo: rem, salutem, commodaque ejus cum tota domo propugnaturum esse. Vicissim ipse Guido sua carmina, suumque jusjurandum peregit. Legati nihil juraverunt: adfirmavere tantum, se suis & Civitatum suarum opibus adnixuros, ut ea, quae jurata essent, sancte inviolateque custodirentur. Sed vana erant omnia propter paratum excidium imminentemque finem universo Turrianorum dominatui, de quo Matthaeus Vicecomes olim in vatis prope modum cecinerat, cum diceret: ubi Domus illa peccatis antestaret, tunc fore, ut pulsi pellerent expulsores, ipseque in Patriam rediret.

Ea, scilicet, hora, idque fatum, non jam appropin-quabat, sed erat in ipso prope limine, rapidum idem & occultum, & post longa curricula insidians uni jam pene momento. Fuerat inter conditiones, ut ab ea caeremonia quam retuli, protinus Archiepiscopus in extremos provinciae fines iret, abiitque minitans Guidoni, & co-quens in ipso itinere consilia rerum evertendarum. Potuit offensus animus, & in ipsa concordiae simulatione plenus irarum, alia quoque secum agitasse perniciofa & funesta, quae poscerent occasionum intervalla, & maturitatem suam. Promptissimum omnium fuit, accersere externa arma in Italiam, & Henrico Lucimburgo, qui fuerat Romanorum Imperator electus, offerre spem alterius Imperii, divisam factionibus urbem, sub Tyranno male quietos animos civium, atque praeter vulgata haec, occultas etiam opportunitates notas ei, qui semper in hac urbe, pars maxima rerum fuisset. Nec deerant velamenta consilio, si sine armis dissimulanter ac tuto geri rem placeret. Namque ferreo diademate coronari in Italia Caesarem antiquus erat mos, idque diadema Modoetiae veluti magnum Imperii sacrum ad-servabatur: *Posse Caesarem, petendae coronae simulatione venire Mediolanum, & turbatis jam rebus, satis fore si conspiceretur.*

Haud sane displicet res Henrico, missaque Roman legatione per speciem obsequii, Apostolicam etiam auctoritatem inferere conatibus, ob negotii magnitudinem, & varios hominum sensus decrevit. Petiit ut sibi ad capeffenda Imperii solennia venire in Italiam liceret. Id facile impetratum. Cardinales etiam missi quatuor itineris comites. Ipse, priusquam iter ingrederetur, Constantiensem Antistitem praemisit, qui Civitates, & Principes Italici nominis doceret de adventu suo, & quemadmodum ea pacata profectio, salutarisque omnibus futura esset. Ac ceterae quidem per Italiam potestates, populi que cuncti, quacumque Constantiensis in-cessit, ostendere laetos animos, aut simulavere. Mediolani, Guido Turrianus, neque laetus fuit ea re, quae nuntiabatur: neque paruit notissimae regnantium arti, ut, quod intus non erat, id fronte saltem, & oculis, & aliquo sermone mentiretur. Senserat, sive suspicabatur, Archiepiscopi exfulantis hanc esse machinationem: eum privatas injurias, familiae ruinis, & patriae servitio ultum ivisse. Jam enim praeter Archiepiscopi negotiationem & fremitum, & minas, quae ab exilio penetrabant in urbem, ipsius quoque proximi palam Henricum accersebant. Et inclusi ad Angleriam fratres, Eduardus, Paganus, & Moschinus, quamquam acerrime custodirentur, quibuscunque poterant colloquiis & litteris miscebant lacrymas & questus, probra in Guidonem, Caesaris laudes: ipsius pene Civitatis voce liberator Henricus expetebatur.

Guido, cum partium suarum homines, in quibus spei plu-

plurimum habebat, ex vicinis civitatibus evocasset, atque collato cum iis capite, consilia repellendi Caesaris agitarer, triste in eo conventu responsum accepit. Consensu namque omnes, accipiendum esse patentibus portis, & negotium fore salutare totius Italiae rebus acclamaverunt. Quo responso concidit animus Ducis, & adesse ultorem Archiepiscopi Deum sensit: jamque Caesar aderat, exeunte Octobri Insubriae limitem ingressus cum Germanorum Principum, Italicae nobilitatis cohorte. Proceres Ecclesiae, civitatum rectores, aut legati, nostra cum exteris pompa Imperatorem deducebat, & quo propius incederet, eo plures confluebant. Ipse, comis alloquio, largus beneficiis, exhilarabat omnia: proscriptos & exules in suam quemque civitatem obvia liberalitate reducebat. Restituti praeter ceteros, Archiepiscopus Ravennatensis & Episcopus Tridenti: de Archiepiscopo nostro nihil esse traditum minor, cum reductiones exsulum aliorum sint traditae & perscriptae nominatim. Certe indicant Acta, Cassonum Archiepiscopum ab Caesaris adventu Mediolani reducem fuisse.

Interea Matthaeus Vicecomes ille tanti nominis exsul, cui quiescenti triumphus ex victore olim hoste pulcherrimus parabatur una cum Patriae dominatu, solerti consilio fortunam suam adjuvit, fremente, sicuti est animadversum, Archiepiscopo Cassono. Namque Cassonus, voluerat ille quidem persequi superbiam Guidonis, ulcisci contumelias, rerum summam alio transferre: ceterum, non erat ea res cordi, ut summum urbis imperium ad aemulam suae genti domum rediret. Evolvere fortunae culmine Guidonem Turrianum: non autem pro Turriano dominari Vicecomitem volebat. Neque recentes affinitates, & longinqua connubia, de quibus est demonstratum, habebant eam caritatem, ut veteres atque flagrantissimas inimicitias obliterarent. Ac si sublatae forent inimicitiae, non tamen consilium erat, Patriae principatum ei tradere, qui fuisset inimicus. Vicecomitis astus in fruendo sibi ad Caesarem, inde ad summam fortunam aditu, fuit huiusmodi.

Franciscus Garbaniatensis erat quidam in ipso aetatis flore, cum naturae muneribus excellens, tum ornamentis etiam illis, quae ipsi sibi homines parant. Decorum corpus, dignitas oris, sermo jucundus, ingenium ad omnia simulanda vel dissimulanda promptum erat. Accesserant litterae interiores, dique versatus in Patavino Gymnasio, rationem Imperii, gentium instituta, vim naturae, disserendi subtilitatem, elegantis iudicii juvenis comprehenderat. Post consueta liberalium artium curricula, civilibus turbis immixtus frequentarat partes maxime Gibellinas, & ob eam rem adversae factionis opibus, ac potentia Turrianorum expulsus, Matthaeo comes exsili, revolutus ad studia litterarum, id malae fortunae solatium habebat. Sunt qui scribant, ob ingenii famam, adscitum fuisse inter eos, qui tradendis sapientiae praeceptis, vel interpretando juri civili per ea tempora Patavinae Academiae principes habebantur. Hunc sibi Vicecomes, & vetustate amicitiae conjunctissimum, & studiis iisdem, aptum putavit ad ea exsequenda, quae destinabat. Itaque, cum eo collocutus de tota consilii sui ratione, rogat juvenem, ut arma equumque sumat, & militariter ornatus, se se immisceat in regium comitatum, quod per facile foret, cum alii quoque reciperentur in eorum locum, quos longinquitas itineris, aliive casus abstulissent. Possit ipsum habilitate quadam ad Aulae consuetudinem, & opportunitatibus aliis, quae in animo, quaeve extrinsecus adessent, innotescere primoribus, deinde per eos ad Regem introduci, innotescere notitiam adducere in iura familiaris amicitiae. Id ubi successisset, exponeret Regi, quomodo se se res tota Mediolanensem haberet: oneraret merita invidia Turrianos: nomen Vicecomitem extolleret, ac si quam de ipso nominatim haberet honestam opinionem, parem in Regis animo sensum atque misericordiam afflictiae virtutis excitare studeret. Auctoritatem & pondus fore testimonio, quod ultro daretur absenti, quodque per fortuitos sermones, dum nihil

A aliud quam res simpliciter ipsae, & ea, quae fuissent gesta, memorarentur. Si quis ejus commendationis & officii fructus exstaret, fortunaque melior sequeretur: eum fructum, & eam fortunam sciret Garbaniatensis cum Vicecomitem Domo semper sibi fore communem.

B Omnia sicuti destinarat Vicecomes, evenere: facilis juveni aditus in regium comitatum, mox apud Aulae principes gratia, inde familiaris cum ipso Rege congressus, testimonio fides, exsulis admiratio: tum ea, quae deinceps exponuntur. Apud Hastam urbem agebat Henricus. Eo confestim evocari Matthaeum jubet tactus desiderio viri propter ea, quae de ipso Garbaniatensis memoraverat. Neque ille distulit iter. Benigne acceptus ita cum Caesare egit, ut Garbaniatensis minime adaequasse verbis animum existimaretur. Ac tanta primo congressu fuit Henrici affabilitas erga Vicecomitem, ut, qui illic erant Archiepiscopi familiares aut propinqui non temperarent, invidia stimulante, quo minus finito colloquio digredientem contumeliose insectarentur: idque Caesar audivit. Scilicet, ex tanta statim comitate Regis in exsulem, id quod futurum erat, augurabantur: ideo non continuere linguae impetum, & animorum dolorem. Mox etiam Archiepiscopus ipse supervenit, qui, si suspicatus latentem in proximo Vicecomitis fortunam, si nondum plane suspicatus, jungere cum eo stabilis amicitiae foedus concupivit. Nec ille abnuebat, gnarus primas dominandi spes omnibus auxiliis indigere. Et forte aderant ex utraque parte, quos ei foederi faciundo interesse oporteret, qui omnes jurare fore sibi rata quaecunque Cassonus Archiepiscopus & Matthaeus Vicecomes inter se pepigissent. Foedus interposita Caesaris auctoritate est initum, & oblivione praeteritorum indicta, hae conditiones in posterum placuere: Matthaeus ut in administratione Reipublicae ne quid sibi peteret nomine Ducis aut Vicarii, quae veterum certaminum atque seditionum vocabula urbem afflixissent. Staret ab Archiepiscopo semper, domum ejus, rem, Ecclesiamque tueretur. Daret operam cum factione sua quantum posset eniti, ut Populi suffragiis eligeretur qui summae rerum praesesset. Id Imperium esset annuum. Finitimae civitates ne lacefferentur ullo bello donec in Archiepiscopi fide mansissent. Restituerentur in vetus imperium & Ecclesiae jurisdictionem, Angleria, Vallis Assina, Varena, Travallia, Derium, Bellanum, Leucum, Castellania, Mercurellum, Castanum, Varisium, Legnanum, Concorretium, & cui ab opimo feracique agrum Beatum pingue cognomen manet. Ea omnia, temporum & hominum injuriis erepta Mediolanensi Ecclesiae, promittebat Vicecomes adnixurum se suis opibus, ut Archiepiscopo, sicut antea, parerent. Tritium vero & Bregnanum, & Vaprium, & Castelletum, fratribus Archiepiscopi gentilitio jure possessa loca, si qua vis, aut injuria, potestasve tentavisset, obviam se se iturum idem recepit. Longa inde series conditionum sequebatur: *Archiepiscopo stipatores corporis assignantur ex publico. Derivationes aquarum, ex Ticino & Abdua fluminibus ad irrigandos Ecclesiae fundos, immunes ac liberae permittuntur. Archiepiscopus & Vicecomes, ad vitanda rixarum initia, ne fundum, villam, domum, arcem, aedificant, vel emunt, nisi duo milla passuum inter utramque possessionem intersint. Fundos ad Salvanecium, quos Neapolio Pontificis avus cum Celsiano Monasterio permittavit, Vicecomes ne attingito, neve rem eam in controversiam vocato. Si quem Vicecomitem, aut si quem Turrianum in exsiliu mitti contigerit, ejus bona, Turriani exsulis, ad Cassonum, Vicecomitis ad Matthaeum transeunto. Si quae mulier, ex Vicecomitis domo nupserit in Archiepiscopi domum, ei mulieri dotis nomine dantur fundi, quos Matthaeus ad Bregnanum emptos habet: quod supra dotem ex agrorum pretio redundabit, Turrianus refundito. Affinitates & connubia sunt inter utramque domum: consociare sanguinem, & miscere genus liceat. Archiepiscopi arbitrium esto, quantas dari dotes jussu fiet. Adversus ea, si quid ab alterutra parte commissum esset, ei qui recessisset a conditionibus, his aestimata flor. nummum XXX. mill. eaque multa ut toties exigeretur, quoties aliquid violatum esset, pepigere.*

Lan-

Languscius, & Advocatus, & alii Guelfae factionis homines aderant, cum Archiepiscopum inter & Vicecomitem ea transfigerentur. Hos tota res minimelactos habebat. Sed non erat id auctoritatis, ut praesente Caesare in tali negotio turbare quidquam possent. Consilium quod poterant, unicum iniere, tentandi si forte a partibus Gibellinis ad Guelfas pellici se se Caesar pateretur. Nam si ejus rei facultatem aliquam haberent, posse Archiepiscopum, posse Vicecomitem everti summis Patriae rebus, quas jam inter se divisissent. Itaque coepere varias injicere moras, & struere quascunque possent artes detinendo Caesari, ut spatium haberent movendi aliquid antequam ille Mediolanum veniret. Vercellis primo tentare nonnihil, deinde cum ibi parum procederet, Ticinum uti diverteretur, suadebant. At Cassonensis Archiepiscopus, & Matthaeus Vicecomes, artificio cognito, disjecere cunctationem, haec modo cum dixissent: dolos inesse consiliis, & ipsi Caesari periculum in dilatione si segniter urbem Mediolanum ingrederetur. Nam esse ibi nonnullos animo inimico, quorum anteverti conatus oportet, ne palam, aut occulte aliquid molirentur. Simul intulerant, ferream Coronam Imperii stabilimentum, frustra aliis quam Gibellinae factionis opibus quaeri, hanc in ipsorum esse potestate ac manu. Ita Caesar abruptis moras, repudiatisque cunctatoribus, ex Vercellarum urbe, Novariam, inde Mediolanum venit. Vicecomes pari cum Rege gressu sublimis ad dexteram equitabat. Reliqua exsulum manus, ut quisque praecipuo odio pulsus a Turrianis fuerat, ita proximi ibant Regi: sic traditum est. Quo magis miror, cum pompa illa describeretur, & incedentium ordo, praetermissum esse locum Archiepiscopi, qui debuit inter primos esse, vel ob recentem gratiam, vel ob suam dignitatem, vel propter urbem, in quam ibatur.

Neque tamen ambigam, quin fuerit in reliquo sacrorum procerum choro, qui Regem deducebant. Reliqui autem sacri proceres fuere: Balduinus Archiepiscopus Trevirorum. Papinianus Palmae. Gerardus Basileae. Theobaldus Leodii. Legionensis praeterea, & Constantiensis & cum Romana legatione longus Pontificum atque togatorum ordo. Nobilitas universa Mediolanensis ad agri fines obviam processit: obscurior turba more suo, moenia, tecta, vias impleverat: cum Guidone tota Guelforum factio, Caesarem ad portam, qua ingressurus esset, expectavit. Superbum id visum hospiti caeterisque, & auxerat offensionem ipse Guido, cum in tanta publica gratulatione animadversus esset pene unus obducta fronte, confusoque vultu, dextera tenens vexillum, in quo Turrianarum gentis insignia depicta cernebantur. Nihil in tali tempore fieri alienius potuit, adeoque irritaverat ea species animos, ut Germanorum aliquis arriperet id repente vexillum, & ignominiose affligeret ad terram.

Tunc Guido fremens & gemens descendit ex equo, pedemque Caesaris appropinquantis est, fortuna jam apertius minitante, deosculatus. Ferunt, Henricum se se valde comem praebuisse Turriano, monuisse tantum, ut in Caesarum & Regum adventu submittere fasces disceret, atque addidisse vulgatum illud, ne adversus stimulum calces. His animis & hac frequentia Caesar acceptus in urbem, ferream Coronam ex Oppido Modoetia petere maturabat, eique negotio nihil esse praeventendum ratus, iussit suo nomine dari litteras ad Archipresbyterum, & Canonicos ejus Ecclesiae, quarum litterarum sententia haec fuit: *Henricus Romanorum Rex Augustus. Archipresbytero, & Canonicis Modoetiae, viris honestis. Sal. Quod caeteri ante nos fecere Romanorum Reges, id nobis etiam facere in animo est, ut ferream Coronam, quae in vestri Templi thesauris adservatur, capiti nostro rite imponendam curemus, cuius rei causa Italicum hoc iter est susceptum. Cumque nobis cordi sit, ut omnia, quae ad eam rem pertinent, pro negotii dignitate administrentur: etiam colloqui vobiscum de ratione caeremoniae totius, & de Coronae ipsius antiquitate ac jure necesse habemus. Quare oportebit, Archipresbyterum una cum antiquissimis Collegio venire quamprimum ad nos, & asferre litteras omnes, omnia privilegia & mo-*

numenta, quibus ea caeremonia continetur. Id ut fiat magnopere vobis mandamus. Familiaribus vero nostris, Alardo Robao, & Clephoni Gemulo, qui vobis has litteras reddent, fidem habebitis. Dat. Mediolani Cal. Januarii, Regni nostri anno secundo.

Canonici, litteris acceptis, Regia mandata confestim exsequuntur. Mox ille Modoetiam ivit, ubi summo oppidanorum studio adornata erant omnia celebrandae coronationi: Templumque Baptistae, quod ibi religiosissimum antiquissimumque est, regali instructum opulentia, Regis adventum, & caeremoniae diem expectabat. Sed nulla prodidit historia, quo repentino casu, quove meditato consilio factum fuerit, ut ea profectio, & isque apparatus ad irritum caderet, atque paulo post, converso retrorsum itinere Caesar Mediolani potius coronaretur. Modoetiae quod spatium Regia commorata est, id examinandis Turriani consiliis, ineundisque rationibus adversus illius meditata fuisse transactum: inde retro Mediolanum, unde venerat, tetendisse Regem ferunt. Coronatus est in Basilica Ambrosiana festo Epiphaniae solenni, & Pontifices qui affuerunt, hoc ordine perhibentur: Archiepiscopus Trevirorum. Archiepiscopus Genevensis. Episcopus Brixiae. Episcopus Vercellarum. Episcopus Novariae. Episcopus Bergomi. Episcopus Laudis Pompejae. Episcopus Patavii. Episcopus Veronae. Episcopus Mantuae. Episcopus Novocomi. Episcopus Rhegii. Episcopus Mutinae. Episcopus Parmae. Episcopus Placentiae. Episcopus Dertthonensis. Tridentinus. Constantiensis. Basilejensis. Haec apud Bernardinum Corium nomenclatura Pontificum est, in qua praetermissos esse nonnullos reor, quippe, qui, neque Germaniarum Antistites alios, neque Mediolanensem Cassonem videam in eo numero comparere, cum tamen, & illos profectos e patria Caesari comites itineris in Italiam venisse constet, & hunc in suam Ecclesiam hoc tempore fuisse restitutum conjecturae omnes loquantur. Quorsum enim attinuerat confirmari pacem, iniri focus, & ex Caesaris auctoritate quasi dividi rerum summam, Archiepiscopum inter & Vicecomitem, ut ille postea in pristina exsili calamitate, & ignominia relinqueretur? Laetissima Caesaris res, rerum initia tantarum, artes & praecepta regnandi, reducem Archiepiscopum ostentari popularibus, & in sua collocari sede postulabant.

Caeterum, ne qua Modoetienfi Templo fieret injuria, neve municipes illi, jam inde a Longobardorum Imperio traditum jus amitterent: publicae tabulae confectae sunt & recitatae: non oportere fraudi esse Modoetiensibus, quod sumendo ferreo diademati Caesar Urbem Mediolanum, & Basilicam Ambrosianam elegisset. Larga deinde dona missa Modoetiam, non in Templum modo, sed civibus privatim, ut quisque ibi ea tempestate vir clarissimus erat. Majore in Mediolanenses liberalitate usus, centum insuper & nonaginta novem ornavit equestri dignitate, Matthaeoque Vicecomiti principem ejus Ordinis locum dedit. Jam Guido Turrianus cesserat urbis imperio, redactusque erat ad res privatas, non solum ipsa Regis praesentia, quae cuncta in se traheret, sed civium etiam inclinatione, qui, vel studiis erga Caesarem, vel in Turrianos odiis, vel sola rerum novarum cupidine, regimen hoc externum amplectebantur: sui civis praefecturam, tyrannidem vocabant. Misera civitas neque ibi halitura quietem erat.

Post dominatum illum alienigenam, servitii domestici necessitas instabat rursus, & novae seditiones, & veteres in Archiepiscopum injuriae, & semper unius mali finis, ut gravius ex eo malum exsistat.

Haec peragam ingenti calamitatum spectaculo, quasi narraverim adhuc urbis otium, & pacis opera.

Postquam Henricus Metropolim hanc, & cum ea reliquas Insubriae Civitates, intestinis ipsarum certaminibus, Cassonem Archiepiscopum, & Matthaeum Vicecomitem, pulcherrimo Patriae munere sibi obnoxios habebat, accesseratque nomen Imperii, consensus Ecclesiae, solenne Coronationis, haud dubie cuncta ipsi obe-

obediebant. Civitatibus dedit alios Rectores: Mediolani Johannem quemdam hominem Gallum suo nomine Vicarium instituit. Is bimestri imperio nequam est repertus. Successit alter Senensis deterior etiam priore. De Caesare ad Mediolanenses, de Mediolanensibus ad Caesarem falsa referendo, suspicionibus implebat animos: etiam Ecclesiae statum & jura carpebat. Non Archiepiscopus interea, non Vicecomes, quive aderant huic aut illi, datam nuper inter se fidem admodum colebant: & celerrime res ad seditionem venit, qua Turriani deleti sunt aut ejecti. Galeatius & Franceschinus erant Mediolani Principes juventutis: ille Matthaei filius, hic Guidonis: uterque ferox natalibus, & aetate, fortunaque Patris, alter quidem adversa, alter vero secunda. Turriano juveni stimulat animum tantarum amissarum opum acerba recordatio simul & adspetus: Vicecomes videre patria in domo quam expectare summum imperium malebat. Plenae Germanorum viae, braccati circum tribunalia Magistratus, externi per omnia mores, corrupta barbaris modis rerum & hominum vocabula turbabant assuetos domesticis imperiis & peregrinarum rerum impatientes. Parum tangit eos quod antiquis inimicitis Penates utrique diffiderent, neque obstant partium inter ipsos funesta consilia & irae, quo minus ipsi conspirent, ut sanguine Germanorum urbs inundetur. Extra portam Ticinensem, in campo, forte an ex destinato congressu, de eare contulere sermones, & postero die, signo dato Civitas universa in armis fuit. Sed virilibus animis juvenes puerili consilio intruxerant rem. Cum enim globos uterque suos, & ad idonea loca dispositos armatos haberent, adversus reliquae multitudinis trepidationem atque concursum nihil providerant. Ita, cum participes facinoris, uti moniti erant, gladios repente distinxissent, ignari quoque sumunt tela quod cuique promptum erat, & uno pene temporis momento major armorum numerus, quid petent, quoque dirigerent ictus ambigebant. Interea consilii obtorpuerant manibus animisque. Mox, temere sive astu conclamatum, rebellasse Turrianos a Caesare, violasse jus hospitii, ivisse ad arma, ut hospitum, ut dominorum sanguine macularent urbem. Vox ea convertit impetum repente omnem in Turrianorum genus, non secus atque si intra aliena moenia vel castra deprehensi speculatores & hostes essent. Galeatius ipse dissimulata conjuratione acerrime pugnabat ut in proditores, & ipse socium prodiderat, clamitans, ite mecum qui salvam esse urbem, qui vivere Caesarem vultis. Non cessabat Matthaeus Vicecomes in eo tumultu filium inhibere, monebatque identidem, ut se se eripere furentibus maturaret. Plus poterat impetus animi concitati, quam periculi metus, aut patris verecundia. Simul eo processum erat, ut adversus pericula subsidium ipsum esse discrimen arbitraretur, nec aliter posse majestatis atque perduellionis crimen evitari, quam si conversis armis a Germanorum caede, genti Turrianorum ad internecionem instaret. Franceschinus & Simon Guidonis filii faucibus equis clam exiere porta quae Divi Marci tunc dicebatur: seque ad Montorfanum in arcem aegre proriperunt. Horum pater ipse Guido cum domi quaereretur ad necem, per aedium postica transgressus in vicinos hortos, gregali habitu per aversum aliud ostium est emissus. Direpta domus, & Turrianorum caesi quotquot improvisum illum casum effugere non potuerunt. Archiepiscopum ipsum, quia gentis erat illius, ob nominis contagionem & invidiam, haud procula periculo abfuisse creditum est, licet nulla nominatim ejus in tali tempore calamitas tradita sit.

Caesar, sedato tumultu, Vicecomitem inculpavit, ob Galeacium filium, a quo seditionis initium ortum esse arguebat. Suo beneficio reductos in Patriam, cum Archiepiscopo reconciliatos, ornatos etiam muneribus, adversus ipsum conspirasse cum illis, quos eorum causa inimicos haberet. Vicecomes ad ea, purgare juvenem, transferre culpam omnem in Turrianos, profiteri, quem admodum ipse cum sua prole totaque domo semper in Caesaris potestate futurus esset, & vitam citius, quam

A fidem aut obsequium amissurus. Non tamen effugit, quo minus paulo post, Hastam ipse, Galeacius filius Tarvisium ablegarentur, criminantibus nimias opes aemulis, & data occasione, nihil omittentibus quo jam exulceratum animum asperarent. Postea Garbaniatensis idem, quo architectante Vicecomes primos sibi gradus ad Principatum struxerat, quique, velut apposita machina Caesaris animo, poterat eum flectere quocumque res ferret: ille igitur brevi tempore dissimulanter effecit, ut exsul uterque revocarentur, & finis exilii, dominationis initium esset.

B Fere sub eos dies, quibus ab eo paucorum mensium secessu Mediolanum redierant, Matthaeus Mediolani Vicarius jubetur, quo deinde gradu, filii nepotesque & secuta posteritas in summae potentiae fastigium redire, donec irrequieto rerum civilium orbe rursus ad aequa devolverentur. Nempe sic etiam Turriani acciderat. Nescitur autem, quam recondita arte fecerit Caesar, ut cum initio destinasse videretur, admove re rerum summae Vicecomitem, imponeret tamen alios Vicarios urbi, quorum ut poenituit, huc denique vertit rursus animum. Nec magis traditur, quae potissimum causae Matthaeum irritarint, ut totam postea sui dominatus vim converteret ad Archiepiscopum evertendum, cum quo recens foedus erat, quem etiam sine foedere, sacrum & sanctum revereri, jus fasque esset. Vicissim C Archiepiscopus ipse, cur a Matthaeo repente defecerit, & abruperint uterque conditionum vincula, quibus vinculis in mutuam se se defensionem, atque societatem implicarant, ignoratur. Nisi si forte veterum inimicitiarum implacabilitas est quaedam infida post pacem, nefcia quietis, memor malorum, aliquando latens & inclusa, rursus impetu manifesto saeva & atrox. Et potuerant odiis inter se capitalibus diffidere Turriani florentes, inquietante domum fortuna more suo ubi nimia coepit esse: iidem, urgentibus adversis, ad suae propemodum extinctae familiae misericordiam evicti, fera jam concordia contra communem hostem coalescere debuerunt. Non utique alia probabilior causa repentini dissidii, quo D Cassionus Archiepiscopus, extremas meruisse Vicecomitis iras, Vicecomes partem divino beneficio potentiam inhumanis adversus Ecclesiam foedare modis, potuere.

Robertus Siciliae Rex aemulus Caesari hoc tempore exortus, addiderat animos desperatae Turrianorum genti: ad eum undique congregabantur Guelfarum partium homines, Archiepiscopo concitante, si forte illius opibus ad recuperandam fortunam, momentum efficere aliquod possent. Ac cernere tunc erat insigni exemplo, quantum ad reconciliandos animos res adversae valeant, cum Simon & Franceschinus filii Guidonis assidue stipati circa Cassionum Archiepiscopum, paternum hunc inimicum, uti patrem adfectarentur, consilia contra Vicecomitem ineuntes, quae vana erant. Et emolliverat ante omnia Pontificis animum, quo placabilius teneriusque respiceret gentiles suos, miserabilis interitus ipsius Guidonis: atque sollicitabatur pectus ejus caritate mortui, cum quo vivo certatum erat odiis; & pereundi per dendique infamia. Obierat Guido, cum post indecoram ex urbe fugam, in morbum incidisset, quem novus animi dolor aggravarat, ubi Roberti Regis auxilia, quae spes unica Guelfis fuerant, cum Henrici copiis infelicitate dimicavere. Itaque anxius Archiepiscopus misericordia suorum, & quasi sepultae domus dolore, per omnia se se contorquebat meditamenta & vias, & artes, ut familiam paulo antea dominam Urbis, nunc profugam & extorrem, dissipatamque recolligeret. Ea res, neque caput neque pedes habebat. Namque Siculi Regis, uti dictum est, auxiliares copiae caesae apud Placentiam & fusae spem pene ultimam destituerant. Languscius & alii Principes factionis capti in eo praelio, & in vincula Mediolanum rapti. Terror caeteris, & crescente in dies Vicecomite, plena omnia desperationis. Quippe ille, praeterquam quod haud dubie Mediolani rerum summam obtinebat, sive Caesaris voluntas, sive studia civium spectarentur, etiam in externa, vim &

opes proferebat. Galeacium e filiis natu maximum foederatae civitates exercituum Imperatorem appellarant. Eundem Placentia sibi Principem optarat. Marcus & Luchinus Galeacii fratres, & Garbaniatensis ille, tantarum rerum instrumentum additi Galeacio consiliorum participes adiutoresque negotiorum, quo latius omnes imperii partes occuparentur.

Adversus ea, quid consilii, quid auxilii reliquum Archiepiscopo, partibusve, quae verterant animos ad facram potestatem cum spes caeteras amisissent? Rationem hanc iniere tamen, ut novas ab Rege Roberto suppeticas, missa in id legatione, postulerent. Ac ne ob rem antea tam male gestam irritae preces forent, addebant ad postulata id, quod, sicuti multum valuit ad impetrandum, ita in exitu detecta vanitate, cum ira contemptum in desperatos excitavit. Ostenderant namque Regi, esse quam plurimos intra urbis moenia, multos in agro Mediolanensi, nonnullos etiam in Vicecomitis ipsius aula, qui restitui Guelfos, atque Turrianos resurgere nomen averent. Cum his esse rem ita compositam, ut conspectis auxiliorum vexillis, caperent arma, concitarent plebem, fortasse etiam aliquid amplius exsequerentur. Conspici tantummodo signa & Guelfici nominis liberatores oportere.

His aliisque rationibus persuasum Regi Roberto est, ut lectissimas equitum turmas mitteret, quibus vel peragi posse negotium crederet, vel si nihil efficeretur, haud ultra repugnandum necessitati esse, totamque conversionem hanc Insubriae rerum, non hominum temeritate, sed divino nutu factam interpretari. Equites fuere ad octingentos, habiti terrae robur, unde mittebantur. Dux eorum, qui iudicio Regis & virtute sua, spem fortunamque Guelforum, & Regni magnitudinem in suo capite pulcherrime ferre unus omnium Siculorum existimaretur. Ubi terram Insubriam attigere, Ticinensibus adjuncti (nam urbs ea Guelforum erat) longo ambitu circumducuntur ad Legnanum, qui locus abest ab urbe Mediolano XVI. millia passuum, & pridem Archiepiscopo subiectus, ad hoc tempus non mutaverat fidem. Illuc exeunt contra & Vicecomitis copiae: sed praeceptum erat, ne dimicarent in praesentia, hostem tantummodo distinerent. Dimicatum tamen est, & adversa pugna Mediolanensibus fuit, jamque victores Regii, quasi restituto Turriano, summum se decus ad Regem suum esse relatuos putabant, si quidem haud vana reperirentur ea, in quorum spem exciti ab domo venissent. Hoste dissipato, circumspectantes omnia momenta, vident moveri nihil, nullum fieri concursum ex agris, non aliquem ex urbe tumultum nuntiari, & torpere sibi quodammodo victoriam, quae, si sperata illa rerum & voluntatum inclinatione destitueretur in alieno solo, plane actum esse nihil intelligebant. Quo magis introspicerent praesentem rerum formam, eo minus praeparati quidquam ostendebatur, atque ut omnino desperarent, subito Vicecomitis consilio est effectum.

Habebat in custodia Philippum Languscum Ricardi patrem, cuius nutu, res, & animi Ticinensium hoc tempore gubernabantur. Huic dici iubet, si salvus esse velit, ne cunctaretur admonere filium, uti Ticinenses ab Legnano quam primum abducat. Scripsit captivus senex ad filium totidem fere verbis: Quanti patris caput aestimaret, tantum adniteretur, ut protinus Ticinenses ab externo illo hoste segregati domum irent: ex huius rei momento sibi pendere vitam: plura scribi non posse, neque attinere: perituum esse patrem, si filius strenue agat. Statim patria caritas accenderat juvenem. Ita praeter caeteram solitudinem, Ticinensium etiam digressu nudati regii frementes in Archiepiscopum, caeterosque Turrianos, abiire. At Vicecomes, magno repente periculo liberatus, reputans ipse secum, haud alius, quam Archiepiscopi consiliis & artibus administrari potuisse rem tantam, ac profecto nisi mature obviam iretur, inquietum illum animum, perpetuam nascenti dominationi calamitatem fore: coepit ita hominem insectari, ut aerumnis conficere velle videretur, quoniam, si manifesta caedes patraretur, minus id sibi ad famam

A hominum, & rerum initia utile futurum putaret. Ac ne injurias quidem & omne contumeliarum genus, per se, vel per suos, directo in Archiepiscopum inferebat: sed saepius movebat ea, quorum sensus & dolor ex longinquo ad illum perveniret: interdum etiam ipsius capiti, & vitae periculorum minas aperte intentabat. Et prompti erant ad omnia, qui tali in negotio demereri Principem gestirent, atque adeo servili more, de suo semper adderent ad ea, quae Princeps innueret, sive imperaret.

B Habitabat Archiepiscopus in ea urbis regione, quae dicitur Orientalis, conducto domicilio Philippi cuiusdam Vaprienfis, quia credo tutius ibi munimentum adversus imminentia, & quia meminerat Ecclesiasticas aedes sub Guidone antea sibi carcerem fuisse, atque subierat animum cura, ne Vicecomes id ipsum imitaretur. Nec ideo violentiam effugit. In conductio illo tecto Pontifex hoc tempore cum federet, Balatronus Matthaei filius quoddam huiusmodi facinus ausus fuit: Collecto juvenum grege, quorum nomina suo loco deinde referentur, silentio noctis Pontificias illas aedes ita cinxit armatorum corona, ut quacumque aliquis exiret, a circumfidentibus exciperetur. Hac posita indagine, per scalas evadit in aedium summa cum promptissimis, & ubi diduxere leniter tegulas, in laquearia sese, inde, quae pervium fuit, in impluvium furdo vestigio pari lenitate demittunt. Subeunt eo complures inventa via, & brevis horae momento Pontificia domus plena juvenum insolentium fuit. Occupant alii januarum claustra, cubiculorum fores alii pulsant & effringunt, sopitamque repente terrore familiam, qua cuique fors obtigit, sine certamine captivam agunt. Archiepiscopus ipse ab iis, qui conclave irruerant, lectulo alligatur. Caetera deinde aguntur hostilem in modum: egestae pecuniae: direpta suppellex: & quae non poterant auferri, ea per lasciviam effusa & conculcata. Pauci qui caritate domini, ruptis vinculis, obviam ire voluerunt, concisi vulneribus: & periisse in ea nocturna injuria duos Archiepiscopi familiares constat.

D Haecenus Pontifici insultatum. Postero die, ille minime ambigens facinoris auctorem: ipsosque ministros, & si venerant in diversa ora & vultus assumulati barba & capillo, suspectans tamen & recognoscens, alios quidem statim, alios vero postea, consilium iniit, ut ex urbe abiret. Funesto illo ludo denuntiari sibi necem crediderat, & trepidi suo quisque casu familiares, minime esse cunctandum suadebant. Cum trepido & exiguo comitatu Pontifex abiit, ac pene fugienti receptaculum fuit Cassanense castellum, quod positum in Abduae ripa, tunc Ecclesiasticae ditionis erat, & loci illius homines praecipua in Archiepiscopum fide, dum sui Principis vitam tegerent, infestam Vicecomitis potentiam haud magnopere respiciebant. Egresso Pontifice, irritata sunt odia, quae sedare debuerat, vel jam satiata contumeliis ira, vel voluntarius ille discessus, & veluti facta confessio, cedendum esse potentiori. Quotquot Archiepiscopi negotia procurabant in urbe, vexati sunt, & pulsati, donec procuracione abfisterent, aut occurrente alia injuriarum materie, sicuti fit, oblivioni traderentur. Ad Archiepiscopum deinde ipsum insectandum incubuere illi, quibus curae erat, non exsequi modo Vicecomitis imperia, sed voluntatem quoque tacitam, & nutus omnes interpretari. Hi cum machinis, & telis & omni oppugnandarum arcium instrumento ad Cassanum profecti, circumfessa arce, & ponte occupato, subegere Pontificem inclusum, ut saluti suae consulens, nocturno tempore, per averfam, occultissimamque portam exiret. Ac fortasse praebantur ultro fugiendi tempora & occasiones ab emissariis illis, & satis habebant pepulisse loco: sanguinem & caput cum viderentur appetere, fortasse non appetebant. Ex illa Cassanensi fuga Cremonam tetendit, execrantibus quacumque incederet paganis impia consilia, sacrilegasque manus, ob quas animarum Pastori, nulla in sede conquirere licitum esset. Exsecratio major paulo post est insecuta per universam Insubriam apud omnes, quicumque integros a par-

partium contagione animos haberent. Etiam alieni & infensi, temporum dedecus, & negotii indignitatem agnoscebant.

Cum enim Episcopus Sabinensis Pontificis Max. legatus iret ad Caesarem, mandassetque Pontifex Max. Archiepiscopo Cassino, ut ei legato Mediolani occurreret, atque ut inter se colloquerentur, frustra id Sedis Apostolicae mandatum fuit. Nec solum frustra fuit, sed etiam quia forte divulgatum erat, congressuros esse Mediolani Legatum Apostolicum, & urbis ejus Pontificem, coepere Magistratus, & praefecti tota Vicecomitis factio quendam hujusmodi sermonem ferre palam ac dissipare: Si veniret in urbem Archiepiscopus, non temperaturos esse manibus: omnino fore ut moreretur. Ea fama & sermonibus ipsi suis, quasi jam praesentem inimicum haberent, magis adhuc exasperati, sedulo deinceps omnia conquisivere, quae nuntiata exsuli, desperationem & maciem, & tabem extremam adferre possent. Intercepta vectigalia, captae arces, occupati fundi, tabularia direpta, spoliatae aedes, immunitatum Ecclesiasticarum omne genus violentissime sublatum, & nuda quodammodo Ecclesia, nudum Archiepiscopi nomen abjectum ostentui. Demum, in contumeliam hujus nuditatis, sacrae virgines expulsae monasteriis, & quibusdam earum admota tormenta ut nescio quid exprimeretur. Incessere postea per urbem & agros vagae ac desertae, quod etiam in horum temporum disciplina periculosum foret.

Tot damna, tot injuriae, cladesque, & super omnia, calamitas exsili, perpulere Cassinum, ut quod adversus ea telum habebat, id vibraret. Vicecomitem prohibuit communionem sacrorum, eique interdicto cunctos illigavit, qui fuissent ejusmodi rerum adjuutores & ministri. Totam Principis domum percussit anathemate, quod longo carmine effatum exstat horrido temporum illorum sermone. Sententia fuit hujusmodi: Cassinus Archiepiscopus viris utinam providis Matthaeo Vicecomiti, Vicario, Consiliariis, & Consulibus & Concilio Reipublicae Mediol. Galeacio, Luchino, & Balatrone Matthaei filiis. **QUO MODO SEDET SOLA CIVITAS PLENA POPULO FACTA EST QUASI VIDUA: O VOS OMNES QUI TRANSITIS PER VIAM ASPICITE ET VIDETE SI EST DOLOR SICUT DOLOR MEUS.** Urbs olim felix & inclita, nunc jacet praeda illis, qui Rectorum nomine tyrannidem exercent: jacet veluti truncum sine capite corpus, relicta crudelius habitanda, quam si deleta foret. Ejecto Pastore laceratur Ecclesia: Mediolani patitur ea, quae non expectaret inter barbaros: & haec ipsa vestris manibus, aut impulsu: certe non prohibuistis. Tu Balatrone, patris impii pessima proles, cum nos in aedibus Philippi Vapriensis moraremur, venisti eo dux agminis nocturni: nos, familiamque nostram vinxisti, spoliavisti, & sunt adhuc ibi sanguinis vestigia, quem Ursinus Mulianus, & Bonaventura Mantuanus, vestro ferro confossi nostrae familiae effuderunt. Participes sceleris & socii fuistis, vos Odoarde Pirovane, Pagane Mandelle, Ingressone Sorefina, Zardine Besana, Martine Montorfane, Balatrone Beccaria, Philippe Lomati, Zamba Pontirole, Corradine Comensis, Jacobole Vapri, Coppine & Zofrandine Prealones, Scaldamacia Meda, Papine Taberna, Francisce Vintuone, Ambrosi Derle, Petre & Joannes Malnepotes, Mazola Meratensis, Leo Graselle, Plantelli fratres, Cavalioni fratres, Pagane Scaravacie, Ardigane Rhaudensis cum filio, Vicentiole & Antoniole Marliani, Pagane Rhaudensis, & affeculae vestrum omnium ad trecentos. Tanta manu fuit opus, ut Episcopus inermis opprimeretur. Ipsum Episcopum oportuit postero die clandestino egressu salutem petere, ne scilicet interfectus nocentiores vos faceret. Quid deinde vobis inausum atque intemeratum fuit? Corradinum Camerium Vicarium nostrum, & Galvaneum Medicen Praepositum Sancti Donati, ex Brolliensi Xenodochio, in quo sedentes Ecclesiae negotia procurabant, exturbavistis intentato mortis metu. Cassanensem arcem, in quam confugeramus, obsidione cinxistis: ut nusquam nisi in fuga praesidium esset, effecistis. Si rediremus in urbem, manibus vestris conceptu-

ros esse Pastorem, una voce conclamare, non exhorruere vobis animi. Tu Mule Gropelle, arcem nostram, quae est ad Cassanum. Tu Lodrisi Vicecomes, eam, quae ad Abiatum est, occupavisti. Tu Matthae, rem universam Angleriensem, Leucensem, Bellanensem, Vullasinensem, Cassanensem, Travalliensem, Brebiensem, quae arces & loca sunt antiquitus Ecclesiastici nostri juris, tenes. Eidem tibi decumae nostrae Lisantinae, redditus nostri Varisenses, portoria nostra Mercuriolana, nostrae piscationes ad Pusianum exiguntur. Tu Luchine fili, domum nostram Coyranam foribus effractis invasisti quomodo barbari hostes agunt. Tu Cresone Cribelle, montes nostros, Derium, Gessanum, Mugiascam, Varenam: tu Faciole Pusterla Falegium nostrum potiris. Adeo nihil est pensi vobis, quid futurum sit extremo saeculorum die, quidve nunc aeternus Judex talia videns hominum scelera, vicissim pareat. Neque in mea solum & meos, neque ipsum injuriae vestrae desaevierunt, sed cum ipsa Ecclesia, cum religione ipsa bellum impium atque nefarium suscepistis. Ecclesiasticos homines, nullam aliam ob causam, quam quia nomine hoc censebantur, conjecistis in vincula, tributa vobis ferre coegistis, ita ut, ex universa Dioecesi decem milia nummum aureorum aerario vestro reficerentur. Tantidem ordo Franciscanorum, tantidem Humiliati sese redemerunt, & quidquid praeterea conditum in cellis horreisve habebant, immisso milite dissipavistis. Litteras publicas Ecclesiae Mediolanensis, & monumenta privilegiorum, immunitatum, jurium, quae monumenta & litterae ad servabantur in S. Radegundae Monasterio, Beltramus Prandebonus, cui mandatum erat, ingressus ea claustra, per vim abstulit: & Monasterii Majoris virgines cum antistite sua, quas vobis adspicere fas non esset, contrectare carnifices vestri. Matthae Vicecomes, vosque caeteri, qui tenetis urbem. Haec omnia vestro nutu sunt administrata. Vos rei scelerum tantorum estis. Quamobrem decrevi ego Cassinus Archiepiscopus Ecclesiae Mediolanensis, arborem exscindere, quae fructus bonos non facit, & auctoritate, quae mihi concessa est, ferire anathemate vos omnes, & arcere communionem sacrorum, ea lege, ut si contumaces & inemendatos ultima dies oppresserit, intra sacros fines vestra corpora sepeliri non debeant, idque anathema nunc a me vobis infligitur. Te vero Matthae, tanto magis ferimus, quia fueras coelestibus diris addictus jam inde ab eo tempore, quo superioris Archiepiscopi Vicarium Generalem ex civitate praecipitem ejecisti.

Erat Matthae politicum ingenium, nec extra suspiciones atque conjecturas ambiguae religionis, nec sine cura, quod ad ejus rei famam attineret. Rem Ecclesiasticam ita tractabat, ut superiora declarant: rursus videri se pium volebat & erat fortasse: sed in eo negotio sua plerumque Principibus via, cumque recte sentiant, regnandi saepe consiliis & artibus abducuntur ab eo quod intus alunt. Vicecomes id recti pravique confinium nimia licentia transgressus, eo denique processit, ut a Pontifice Max. Haereticus appellaretur. Nunc Archiepiscopi diris implicitus, neque revocabat exsulem, neque sarciebat Ecclesiae damna plenus artium senex, avidus potentiae, blandus alloquio semper & vultu: benignitas & magnificentia factorum, dominationis utilitatibus regabantur. Caeterum, quo plus invidiae parari, sibi ob Archiepiscopi calamitatem & anathematis infamiam videbat, eo magis firmare opes, proferre imperium, munire domum affinitatibus adversus pericula & casus imminentes. Quippe senserat etiam incommodos de sua religione sermones haberi Romae, & parare Pontificem Max. ea, quae in Catholicae fidei rebelles ultima sunt Apostolicae Sedi. Prima munimenta quaesivit, ut subigeret urbem Ticinum, qua subacta, Alexandrini societatem & foedus expetivere: nec Parma cunctata est. Inde se ille pro Caesaris Vicario, Principem dominumque Mediolanensem appellavit. Ad exigenda vectigalia, premendamque oneribus urbem, obtentui erant residua certamina cum Guelfis, quos fractos jam fatis atque debilitatos, penitus esse delendos memorabat. In omnibus rebus species & pompa Principatus erat. Praetoria cohors, octoginta servi, ephebi nobiles, caetera aulae: & quia septuagesimum jam annum egressus vitali calore destituebatur, fovendo seni conquirebantur lectissima

puellarum corpora, eaeque simul cubabant. Juvenes filii, Galeacius, Marcus, Luchinus, Stephanus & Joannes agebant pari magnificentia & luxu. Caeteris cordi paternae potentiae moles, & pars dominatus, domestica pariter & externa, & propaganda successio: Joannes ad spem & occasionem Ecclesiasticarum opum atra in toga domi caelebs manebat.

In hanc domum ita stabilitam atque firmatam undique confluebant omnia quo felicius hominum more diceretur. Et erat ejusmodi rerum cursus, ut vel Anathematis poenam haudquaquam meruisse Vicecomitem, vel fluxam & infidam esse fortunam existimarent, quae circa caput impium sic luderet: ac diversus postea ludus expectabatur. Derthona & Alexandria pene certatim in idem imperium concessere: simul potiundae Liguriae spes affulgebat. Turbata illic omnia civilibus dissidiis, petita Vicecomiti nurus ex Auria domo, & Marcum filium pulsi Principes ex urbe Genua sibi Ducem adsciverant. Haud dubie Regnum Italiae quaerebatur. Ea tentamenta Pontificem Maximum, pro paterna in universos cura minime quietum habebant. Nam praeter Ecclesiasticae rei lacerationem, infestamque sacrorum hominum vitam, & nominatim Archiepiscopi exilium indignum, etiam necesse erat suo nomine displicere nascentem in Italia tyrannidem, uti tunc dicebatur. Ut enim exortus Mediolani Vicecomes, alia atque alia appetendo loca, impotenter agebat: ita tyranni minores in aliis urbibus, pari violentia, civium & Ecclesiae res in se trahebant, hominibus ipsis superbe abutebantur.

Itaque Pontifex Max. iussit admoneri Matthaeum & caeteros: nisi cum caeteris jure vivere adfuescerent, abstinere deinceps animos ab omni Ecclesiastico negotio, acturum se suo jure, & Apostolica arma moturum in rebelles. Illi, traditos a Caesare dominatus obtinere se se, nec posse suas opes a Pontifice Max. labefactari, vel infringi, vana simul & impia responderunt. Denunciata communiter haec & responsa: majora separatim in Vicecomitem movebantur, & majore ipse contumacia usus erat. Jam enim agebatur in occulto reus atrocium culparum, ad quas facile transitur ab tali ingenio, talibusque artificiis, quale ingenium & artificia in hoc homine fuisse demonstravi. An vero innoxia mens homini, sanum de religione iudicium, & inimici, cum alia re laedere non possent, illud ad criminandum arripere, quod probabile esset in tali vitae forma, quodque etiam si refelleretur, inureret tamen eam notam Vicecomitum nomini, quae cuncta deformaret. Equidem malim hoc verum esse propter magnae familiae posteros, qui, sicuti veteris fortunae reliquiis civitatem nostram ornant, ita majorum religionem testantur sua.

Non tamen omitam rem demonstrare sicuti gesta est. Bonifacius Farra, & Laurentius Gallina Guelphi humiles, post res suas afflictas, desperata Patria, commigraverant Romam, & propter polita ingenia, bonarumque artium disciplinas nacti locum in aula: dextere ac liberaliter agendo, pervenerant illuc, ut gratia, & fide, & auctoritate apud Pontificem Maximum inter primos essent. Hi coepere criminari Vicecomitem, quod ad tyrannica facta impios de religione sensus adjungeret, quodque uno verbo manifestis indiciis Haereticus esse convinceretur. Haeresim illius esse de RESURRECTIONE MORTUORUM. Ab eodem solere Daemones evocari. Haec duo capita litteris atque testimoniis arguebant. Reliqua memorare satis erat, nota omnibus crimina simul & firmamenta criminationis hujus. Quid enim de altera vita, deque uno & vero Deo statutum habere posse illum, qui sua sede pellat Episcopos: quaerat ad necem, in exilium agat? Hunc esse hominem, qui posteaquam provinciam invaserit, sit sacra omnia depraedatus, sacrorum administratos omni crudelitate vexarit: adolescentulas etiam, quae perpetuo se se voto virginitatis obligassent, eiecerit extra monasteria, & earum pietatem atque pudicitiam habuerit suae libidinis incitamentum. Ob tot infanda facinora damnatum anathemate, communione

A sacrorum exclusum, spernere coelestes poenas: dummodo procedat ad tyrannidem via, pensi praeterea nihil habere. Profecto, qui sic vivat, cum, non verbis, sed quae praedicatio sit gravior, profiteri re ipsa, & veluti concionari diversum quiddam a catholico sensu fideque communi: & suis gaudentem institutis, publicam Ecclesiae disciplinam irridere. Neque vero imbutum erroribus animum temperari saltem in eo, ut propria sit pestis ipsius, intestinumque malum: ad prolem universam, paternae insaniae manasse contagionem, in patris mores & instituta filios abiisse.

B Parati erant alii, qui jactarent eadem in omnibus circulis, & facile commoto ad ejus negotii curam Pontifice, esse res in quaestione publicisque tabulis coepit. Patres etiam super eo negotio aliquoties convenerant, & re considerata, statuerant, non sanam mentem esse Vicecomiti, compererantque inquirendo, foveri opibus ipsius haereticos, turbari Quaesitorum officia, & Guilielinam infame monstrum, de cujus secta & sine demonstratum est, per diu sub ejusdem umbra, & tutela latuisse. Posteaquam testimonia & indicia, sententiaeque Patrum congruebant, & undique manifesta teneri res videbatur, Matthaeum Vicecomitem Pontifex Max. procul ab omni sacro limine, omnique piorum coetu esse removendum decrevit, ipsum, & filios ejus, & quotquot impliciti consiliis, sive ministeriis talium rerum actionumque essent. Eadem tremenda sententia per scripta est, & promulgata solennibus verbis, & si quae alia misceri ob rerum atrocitatem oporteret. Sed adversus coelestes illas minas, Pontificiosque terrores, & quovis bello funestiora pericula, Vicecomiti sensum auferebat dulcedo Regni: atque obdurando paulatim processerat in eam miseriam, ut impune dissimulari talia posse arbitraretur. Et Numinis cunctabantur paulisper, quo graviores incumberent tempore suo, & oblitum officii Principem, sicuti justum esset, admonerent.

D Interea, res Ecclesiae Mediolanensis, nihilo meliore erant conditione ac statu, quam sub tali domino esse oporteret. Tamquam in Mahometana, vel Calvinica urbe, intermissa sacra, fugitivi Sacerdotes, aut prohibiti fuga, Pontifex adhuc exsul: & quo foedior erat forma Civitatis, eo magis irritabatur Principis animus, quia recidere in se omne dedecus, invidiamque sentiebat. Caeterum, quia non erat obscurum, qui motus, quaeve pericula sequerentur illam Anathematis poenam, institit adhuc agere multa & parare, quo tutior foret. Caput erat, minores Italiae tyrannos, & dominos urbium conciliare sibi, tum ne victi religione, Romana arma sequerentur, tum ut secum arma & vires contra Romanum associarent. Ejus rei causa, Soncinum, qui locus est in agro Cremonensi, concilio Principum indicto, convenire frequentes, quippe in id ipsum jam ante callide & ambitiose praeparati. Namque Vicecomes, cum semper, uti dictum est, aptus illiciendis animis, tum hoc tempore praefertim in id ipsum intendere artes suas, & aliis ad alios blandimentis utens, Canem Scaligerum in omni congressu dulcissimam sibi prolem appellabat, propterea quod id nomen utriusque aetati consentaneum esset. In eo Soncinatense conventu, ad firmandos in se animos alienandosque ab Ecclesia, orationem habuit hujusmodi: Necessario fuisse conveniendum in unam sedem, ut coram agerent ea, quae non fuissent committenda litteris aut legatis. Agendum autem esse de ea re, quomodo partos felicissime Principatus etiam tueri feliciter possint adversus communem hostem atque sub Religionis titulo latentem invidiam. Pontificem Romanum nulla laceffitum ipsorum injuria vel culpa, tantum Archiepiscopi Cassoni, reliquorumque Guelforum studio, inimicum repente exortum, vim suam Apostolicam occupasse in eo, ut Gibellini nominis opes deleat atque evertat. Communiter universis intentasse tyrannidis crimen, sibi praecipuum ex religionis crimine dedecus esse quaesitum, & eo dedecore, quantum in ipso Pontifice sit, armatas in se res omnes, imperium, amicos, vitam quoque si Deo placeret, ereptam. Haec eo

eo pertinere, ut anathematis poena perterrefacti Principes defererent ultro caput suum, & veluti languentia membra defererentur vicissim a capite, diremptique sic omnes ab ope mutua jacerent praeda illis, qui pulsi sceleribus suis atque debellati perditae suae fortunae vindicem Romanum invocavissent. Sed vi & concordia contra artes enitendum esse fortibus viris, cavendumque, ne, si pertimuerint, opprimantur ac pereant suo metu. Quae Romanus interminetur, neque tanti facienda, ut resistendi mentem consiliumque adimant, neque tam parvi, ut neglecta serpent latius, & insanabile postea malum fiant. Monere singulos, ut quanti suam quisque incolumitatem ducat, tam intrepido animo incumbant ad communem salutem: & gerendae rei consilia, quae habeant acerrima & fortissima cum suarum quisque virium parte conferre in medium velint. Passerinus Mantuanus erat in eo conventu. Is pro ea auctoritate, quam omnes ei post Matthaeum haud dubie praecipuam tribuebant, dicere orsus, non modo Vicecomitis consilium probavit, sed fuit etiam infestior quam fuerat ille: Pontificemque Romanum & Ecclesiae nomen est infectatus oratione sua, quomodo si nihil ibi supra consuetudinem hominum aliorum esset, & studia quae mortales alios habent, in illa quoque suprema potestate versarentur.

Ejus Passerini orationem in hanc sententiam fuisse memoriae proditum est: Si quis Principum esset avidus exitii sui, velletque fortunam eam amittere, quam divino nutu & nascendi forte esset adsecutus, hunc debere non admittere penitus in animum ea, quae parens publicae salutis Matthaeus amantissime ac sapientissime proposuisset. Pontificem Max. hominem esse factiosum, partium ducem, inimicum imperio, nomenque illud sanctissimum commodavisse Guelfis ad satianda odia: collusionem esse mutuam inter Romanum & Turrianos, ut si factio sustulerit cornua, tota sit in hujus potestate, vicissim iste ad tollenda cornua sit adiumento. *Jam de jactatione minarum, inquit, & coelesti periculo, quod denuntiatur, cum idem sentiam, quod a Matthaeo didici audistis, eadem me putate dicere quae Matthaeus dixit. Nihil, neque timendum censeo magnopere, neque contemnendum, ne metu impediatur malorum remedia, contemptu malum crescat. Hoc amplius censeo, ut Canis Scaliger gerendo bello dux creetur.*

Incluta erat Scaligeri fama, nec fere militaribus factis & magnitudine animi clarior quisquam ea tempestate habebatur, oderatque idem acerbissime Turrianos, & Cassonum Archiepiscopum, cujus potissimum instinctu ea gliscere pericula principibus Italiae viris putabat. Imperium tamen illud & administrandi belli summam aliquamdiu recusavit, dictitans alios esse potiores, & magnifice differens, quas ob causas sibi quemque praeferebat.

Ea oratione acuit magis Principum studia quam restrinxit, summaque voluntate rem omnes ad eum detulere. Ita Scaliger foederis adversus Pontificem impii dux creatur magno dedecore urbis Mediolani, unde consilia haec manabant. Sed dedecus erat majus idemque stimulus audendi omnia, quod anathemate damnata jam sapius civitas contraxerat quasi habitum ejus rei quemdam, & irato Deo cuncta quotidie ruebant in pejus. Interea Cassonus moritur ex Archiepiscopo Mediolanensi Aquilejae Patriarcha, vir, suis & familiae rebus utramque fortunam expertus. Natus in familia dominatrice obtinuerat honorem, qui natales etiam infimos aequare Principibus posset. Principi simul & Archiepiscopo plauserat civitas. Dein versa protinus omnia: dissidium capitale cum proximis: captivi fratres: custoditus ipse domi: mox exsul, & dum vult injurias persequi, genus ipse suum evertit, quodque fuit miserrimum omnium, fortunam quam suis abstulerat, inimici communes tenere. Eidem postea novum amicum, veterem hostem dominatui suo ludibrium habuere, pulsumque rursus, in aliena terra coegere mori tam prope ab exfule quam fuerat olim a patriae domino & regnatore. Is Cassoni finis fuit.

Matthaeus devicto in hunc modum Archiepiscopo, se-

cundam ex Pontifice Max. palmam petebat, ut quemadmodum illum eiecisset, ita adversus hunc immobilis ipse atque restare invictus posset. Hujus tantae atque tam impiae rei spes universa posita erat in eo, si praeter foederatorum auxilia satis ipse suo Marte foret instructus ad repellendum hostem, cujus arma primo statim motu ipsam concrepare victoriam atque triumphum viderentur. Simul, ut antea demonstravi, etiam si nullum a Pontifice bellum immineret, invaserat animum cupido Italiae capiundae, scilicet ut omissis Principis nomine, Rex appellaretur, quemadmodum ex Vicario se ipse Principem fecisset. His animis, sex millia peditum cum equitatu quantum efficere maximum potuit, in Ligures misit, ubi Marcus filius strenue rem gerebat. Negotium autem erat illud plenum opportunitatum maximarum, five mari bellum veniret, five a Pontifice Maximo copiae terrestres in Mediolanensem agrum immitterentur. Sed quanta cura Vicecomiti Genuae potiundae, tanta sollicitudine Genuenses ipsi tuebantur urbem, & acciverant auxilia, quibus impetum facile sustinerent.

Hoc tempore Vicecomiti decesserat uxor, cum qua vixerat mira concordia, & super id, quod nihil magnopere ad Genuam procedebat, etiam domestico afflictus luctu, dedere paulatim religionibus animum creditus politici supercilii senex, aut coepit, aut simulavit. Quippe etiam Scaliger deserti foederis fide perculerat hominem, atque varias volventi cogitationes occurfabant interdum, mortuus in exilio Archiepiscopus, Apostolicae dirae, status Ecclesiae praesens, omissa sacra, tot in Deum injuria, non quidem ut palam excitaretur aliqua mutatione vehementi, ad quam homines ejusmodi ferre non descendant, sed tamen ut acrius introspicientibus esse commotum appareret. Bonacosa Burra (id nomen mortuae Principis uxori) sepulta est in Eustorgiana Aede qualibus debuit exsequiis in Civitate, quae jaceret anathemate defixa, in qua gratificari rerum domino religionem suam, aut vellent sacerdotum plerique, aut cogerentur. Annus hic erat humanae salutis millesimus trecentessimus decimus nonus, quo anno, tantam fuisse frigoris vim ferunt, ut Padus (rarum illi flumini) gelu duratis aquis, tutos onustis quoque plaustris incessus praeberet. Mendici homines, quae quisque forte constituerat, reperiebantur exanimati, cum defecta insuper alimentis corpora concalescere nusquam possent. Constitit, obriguisse multos ante foculum, aut sub lodice, & quia panes ipsi statim e furno lapidescebant, inter mandendi conatum plerique efflabant animam. Magis etiam horribile spectaculum alii fuere, quos in colloquio, five actione aliqua, vita repente destituit, ita, ut oculos, ora, manusque in quo praeriguerant habitu & motu defixas non nisi postea deprehensa mors teneret.

Implicito bellis consiliisque suis Principe, clausa Ecclesia, Pastore profugo, nulla erant publica subsidia plebi, & nova haec pestilentia populum absumebat. Quasi piaculum coelestium irarum eo tempore quaevisse Matthaeus est visus, cum thesauros Templi Modoetienfis, quos Turriani antefextum & quadragesimum annum oppigneraverant, sua pecunia redemisset. Id pietatis opus re ipsa liberale, magnificum etiam in speciem fuit. Namque Modoetiam ejus rei causa Vicecomes ipse profectus, deposuit sua manu thesauros in Ara, & Praesidem ejus Templi Divum clara voce est precatus, ut si ei cordi fuisset, sua illa munera & suos honores in pristinam restitui sedem, cujus opera & pietate id factum esset, hunc, prolem ejus, & subjectas imperio gentes benigne tueretur. Haec ita precatus, admonuit severe Templi sacerdotes, uti thesauros illos quam diligentissime in posterum custodirent. Regum & Reginarum esse dona venerandae antiquitatis, quae moveri sua sede & alienari sit nefas. Talibus dictis, & multo magis liberalitate ipsa commoverat omnium animos, ut largus idem piusque praedicaretur. Namque, sex & viginta millia florenorum in eam redemptionem infumpta fuisse constabat, quae summa ad eorum temporum aestimationem debuit longe major esse quam esset, postquam aucta rerum pretia & novi orbis aurifodinae metallis honorem imminuerunt.

Interea Pontifex Max. ad vindicandas Mediolanensis Ecclesiae contumelias delendamque Vicecomitis tyrannidem, foedus iniit cum Ruperto Apuliae Rege, quoniam ad eam diem Apostolicis denunciationibus & anathematis poena profici nihil potuisset. Etiam Rex Galliae socia arma junxerat, isque mille equites ducibus Philippo, & Carlotto, & Bernardo Margolio propinquis suis miserat Avenionem cum ejusmodi mandatis, ut ad omnia, quae Romanus imperaret, praesto essent. Pontifex laetus his animis coalescentium Regum ad Ecclesiae defensionem, auxiliares hasce copias cum eo exercitu, quem e suis civitatibus jam antea conscriptum habebat, duci in Insubres jubet. Rerum summa permissa Philippo Valesio: huic reliqui duces parere iussi: mandatum, ut domitis Ecclesiae perduellibus Metropolis Ambrosiana redigeretur in antiquum statum, & Matthaeus ille Vicecomes exsueretur ea potentia, quam per infectionem & damna rerum Ecclesiasticarum exerceret: omnino Guelfi, quae semper Apostolicae Sedi fide & addictae partes fuissent, in pristinae fortunae locum restituerentur. Addita promissa rerum ingentium, quae quisque virtutis & fidei praemia sequerentur: pecuniae praesentis attributum, quantum ad stipendium militi, quantum ducibus ad magnificentiam assignari, Romanae majestatis erat. Circa Junii mensis initium in terram Insubriam pervenere. Adventus eorum, metu vel per laetitiam acceptus, ut quique Guelfi erant, aut Gibellini: sed Matthaeus ante omnes ancipiti curae distrahebatur: daret ne sese Pontifici, & qualibet conditione pacem acciperet, an potius iret contra, & fortunam experiretur. Imperii retinendi pertinacia, animus impatiens aequi, parata quoque subsidia & egregie firmata Domus huc trahebant. Propendebat in partem alteram, spretum antea, nunc terribile Pontificis nomen, quem socii Reges sequerentur, cujus arma jam Insubriam tenerent.

Itaque tertiam quandam consilii viam secutus, nec sine pacis cura, nec extra belli meditata erat. Pontifex ipse, antequam ferro decerneret, misit e Cardinalium numero Pogietum inclyti nominis hominem, qui tentaret adhuc animos hortamentis & auctoritate: si abrupta omnia & desperata ostenderentur, ad regendum consilio bellum adesset. Is Valentiae confedit. Eo citati statim e Clero qui deferebantur in Matthaei gratiam & animarum suarum exitum spernere edicta, sacris impiis operari, atque inter ceteros hi vocabantur: Abbas D. Ambrosii, Abbas D. Simpliciani, Abbas D. Dionysii, Abbas D. Vincentii, potentes homines in Ecclesiae rebus, & ob callida ingenia frequentes apud Matthaeum, civilium negotiorum arbitri, impliciti fallaciis & mercatibus Aulae. Hi cum ad legatum obedienter irent, usus Matthaeus hominum opportunitate, mandavit, ut de sua erga Sedem Apostolicam pietate prolixè testificarentur ac docerent, quemadmodum ad omnia iusta & legitima paratus esset. Ac dextere liberaliterque agendo rem eam Abbates, pene legatum in spem adduxerant, posse auctoritate finire bellum antequam inciperetur. Id Cardinalis omni victoria, quae per acies veniret, longe fore gloriosius putabat. Sed ne astute composita, credita simpliciter reciderent ad Sedis Apostolicae postea detrimentum ludibriumve legationis, Parmensem Episcopum, qui penitus consilia Vicecomitis exploraret, misit. Is cum Vicecomite congressus, quamdiu res erat in verborum officiis, nihil plane desiderabat quod amabilius ab sene illo reverentiusve dici posset. Ubi Parmensis attigit exsilium Archiepiscopi, remque Turrianorum universam & libertatem urbis: tunc enim vero frons & oculi pro responso fuere. Mox & responsum, quale vultus ille denunciaret, redditur. Regnare se Caesaris beneficio: Romana postulata non satis posse mirari. Is colloquio finis. Abiisse inde recta Parmensem tradunt, velut ab scelerata urbe & inimica Deo, vitantem moenia & congressus: etiam in Monasterio D. Simpliciani substituisse cum veniret, atque Matthaeum illum evocasse, ne ingressus urbem ipse contaminaretur.

A Cum in hunc modum spes tentata pacis esset, pars utraque violentior ad bellum exarsere. Legatus Raimondum Cardonum & Paganum Turrianum ad fines evastandos urbemque tentandas illico destinavit. Ab Vicecomite, provisu periculi parata erant praesidia & munimenta, quae cuncta defenderentur: neque mos antiquis omittebatur feriendi hostem auro, quo saepe telum antea feliciter administrasset. Corruptelis atque proditiis & caedibus omnia permiscebantur. Et Insubria tota pessum ibat, dum duo maximi exercitus Principum etiam maximorum pugnant pro Religione ac dominio, quacunque fors, sive impetus tulit. Coeperat statim ea rerum forma displicere Pontifici Max. bellumque nollet suscepisse. Nam super id quod nulla dum operae pretia ad universae rei summam fiebant: etiam ad famam hominum memoriamque posteritatis existimabat incommodum fore suo nomini, si tantum fieret Christiani sanguinis in suo Pontificatu, quantum obstinatus hostis & commissarum jam aliquot pugnarum eventus, ante victoriam effundendum esse ostendebant. Ideo componendae rei, atque reconciliandae concordiae rationem rursus omnem exquirebat: ac tentata jam frustra religione Matthaei, & coelestium minarum terrore ne quidquam admoto, placuit, evocari duodecim primos Reipublicae Mediolanensis, si forte hominum illorum acuitate convenire aliquid posset. Id negotii datum Legato, editaque simul ei, quae Mediolanensibus viris promittere deberet Apostolicae Sedis nomine, quaeve ab illis vicissim efflagitare. Exciti duodecim ad Valentiam haud gravate convenere: & data fides erat, impune venturos atque abituros uti venissent.

Non subtraham illustribus familiis honores suos, praetermittendo nomina duodecim illorum, quae scriptores alii suis annalibus intexuere. Fuerunt autem hujusmodi: Gulielmus Pusterula. Franciscus Vicecomes. Franciscus Garbaniatensis. Andreas Hortus. Imberaldus Mandellus. Mucius Moncia. Ricardus Pirovanus. Stephanus Vicomercatus. Gulielmus Casatus. Lucas Cribellus. Bellinus Petrasancta. Othorinus Burrus. Homines erant nobiles, divitiis insuper & vitae fama nati auctoritatem in civitate, quanta cuiquam esse potest, ubi rerum unus potitur. Turbatas Ecclesiae res iidem, ejectum Archiepiscopum, & spreta Summi Pontificis imperia, veluti communem temporum ignominiam, & praecipuum Patriae dedecus interpretabantur. Acceptis a Pontifice prius, dein etiam a legato litteris, ut cum bona Matthaei pace proficiscerentur, agitavere: neque abnuvit Princeps, sive ne frustra repugnando, animos eorum magis etiam ab se alienaret, sive, quia negotiationis hujus moras interea fore bello utiles speraret. Ac nunquam oblitus ejus lenitatis, quae tegere suum animum, & ad omnia, quae expedirent, conformare, natura vel usu instructus erat, Ambrosium Alliatensem scribam suum intimum euntibus adjunxit, quod veluti datum eorum honori ac dignitati opportunitatem insuper habebat aliam, ut explorator, utque vinculum foret ad omnia, quae agenda essent. Marcus etiam Matthaei filius, ferocia sua, vel sicuti credidere quidam, occulto patris mandato, cum jam jamque ituri essent, haud ambigue minitabundus monuerat, ut meminissent officii, scirentque conscium ipsum, & in tempore vindicem fore, quidquid ageretur.

Haec occurso de industria quaesito, haec, ut quisque forte inciderat, non nemine etiam in aulam evocato jecerat atrocior vultu, quam verba erant. Caeteri, juveniles minas transnitere virilibus animis: apud Franciscum Vicecomitem tantopere eadem valere, ut ex medio itinere retro domum rediret, deserto turpius comitatu, quam si pedem efferre domo recusavisset. Undecim viri, postquam Valentiam ad Legatum pervenere comiter accepti, post dierum aliquot quietem, in concilium vocantur, & cum assedissem omnes, legatus in hanc sententiam esse locutus fertur: Optatissimam sibi rem accidisse, ut Mediolanensis Reipublicae capita, virosque prudentissimos haberet in conspectu, quos docere posset de paterna voluntate Summi Pontificis erga rem Medio-





diolanensem, ac de optima saepe finiendarum calamitatum, quam in eorum prudentia & aequitate collocatam haberet. Movisse Romanum arma, non odio cuiusquam, vel cupidine alieni imperii, sed necessaria cura tollendi pessimum exemplum ne quis aliena per vim invaderet, utque, sicuti verbum Evangelicum habet, quae sunt Caesaris Caesari reddantur, quae sunt Dei, Deo. Si jam inde a principio facultatem eorum praesentium habuisset Apostolica Sedes, pro bello pacem ad eam diem haud dubie futuram fuisse. Facta quae sint, infecta reddi non posse consiliis hominum: posse quidem provideri ne talia in posterum fiant. Culpam & initium omnium malorum ad Vicecomitem pertinere: sed illum quoque non potuisse facere, quae fecisset, nisi multorum ope subniteretur. Et quamquam ille cum sua domo sit anathemate damnatus, plures tamen potuisse damnari, consiliis implicitos atque permixtos, adjuutores rerum, instrumenta belli, quod ille adversus Ecclesiam gerat. Neminem se unum accusare, rogare tamen universos, ut quibus consiliis, quibusve ministeriis & artibus antea bellum adjuvissent, iisdem adniterentur ad pacem sancte ac sincere faciendam, quae redacta in antiquum decus Italia, etiam ipsis esset allatura libertatem, quod unicum civile bonum ab omnibus mortalibus tanti aestimetur. *Ac, ne putetis, inquit, rem adeo pretiosam & expertam, nimium magno vobis emendam esse: nihil aliud postulamus, quam hoc ipsum, ut liberi velitis esse. Desinite parere Vicecomiti, legibus utimini vestris: & acta res erit. Nullos sibi fasces, nullam umbram imperii possit sibi Romanus in vestra civitate: satis regnabit, si quiete, si Catholicae disciplinae convenienter agere volueris. Forsitan expectet aliquis vestrum, ut Turrianis aliquid caveamus: videte, quam vilia sint caetera pacanti Metropoli Ambrosianam Pastori summo & sancto. Removet eos homines ultra centesimum ab urbe vestra militare: neque pax aliter fiet, quam si tanto intervallo disjuncti manere velint. Quos tamen odio Turrianorum expulistis, hos redire in patriam aequum censet. Vicecomitem & alios, quicumque culpis illius affines una cum eo damnati sunt & notati, absolvit aeternis vinculis, & anathematis poena, dummodo tamen Vicecomes ipse in animum inducat Romam accedere supplex, ibi pacem Apostolicae Sedis exposcere precibus ob vetera, in posterum obsequium profiteri. Sic erit bello finis, & inclytae olim religionis Civitas tranquilla pace fruatur, decederque vobis infamia, quam adhuc meremini rebelles Ecclesiae Catholicae, prohibiti sacris, ab coetu commercioque piorum remoti. Alioqui nos iuste pieque suscepta arma, paribus animis ad finem usque, sicuti decet in tali causa retinebimus, ad erigendum illud ipsum pro quo dicimur Numen.*

Haec ubi dixit legatus, institit hortari Mediolanenses illos, ut ante omnia precibus accuratissimis divinum spiritum invocarent ad rem bene salutariterque consultandam, id in omni negotio primum esse, sine quo mortalium prudentia constare non possit. Erat in eo numero Franciscus Garbaniatensis ille, de cuius animo & fortuna, & immortalis erga Vicecomitem merito antea demonstratum est. Is meriti sui largus, ut plerique, & fortasse non iniquus aestimator, praemia quaedam ingentia sibi destinavit, quae postquam obtigere minora votis, ac praesertim, ubi gerendo bello Dux alius est creatus, verterat repente animum, infensusque Vicecomiti, premebat dolorem, donec aliqua nocendi opportunitas, quam sedulo captabat, veniret. Ea, quae nunc offerebatur, haud segniter usus, demonstrando collegis pericula quae imminerent, conquerendo Vicecomitis injurias erga Mediolanensem Ecclesiam, Patriae servitium & alia perturbandis animis, facile omnis suarum irarum implevit, ut imperium abrogandum esse Vicecomiti quacumque vi posset, censerent. Si nihil auctoritate proficeretur, civitatem universam in tyrannum armare decreverunt: atque ubi ea stetit sententia, Garbaniatensis idem fertur ad Collegas ita locutus esse: *Viri Mediolanenses, & socii carissimi. Cum in tenebris, & densa caligine demersis animis jaceremus, divinae bonitati placitum est, immittere suae lucis radios, ut salutem ac libertatem, pacemque & vitam & laudem amplecteremur.*

A Vos oro quae soque, tantum hoc coeleste beneficium constantia vestra firmum ratumque efficite. Nam quod divini muneris erat, ut ad ea, quae nobis utilia & honesta essent, exciteremur, id jam factum est: reliqua consensum, operam, fidemque vestram requirunt, quae si desint, ne Deus quidem ignavos & vecordes adjuvabit. Ante omnia, silentio est opus interea dum gerendae rei dies venit. Ubi dies venerit, sicuti viros, sicuti Mediolanenses decet, agemus.

B Responsum inde Legato est: fore Mediolanenses in potestate summi Pontificis, & imperata facturos: caetera ipse exsequeretur. Ita Mediolanum redeunt: obfirmatisque in hanc sententiam animis, id quod sibi de pace cum Pontifice facienda decretum esset, Vicecomiti renuntiavere: se invitos quidquam quod minus placeret ipsi dicturos, sed patriae caritate subigi, quam si necesse sit, vel suo ipsorum interitu esse salvam velint. Unam viam manere salutis, ut cum sacrorum Principe redeant in gratiam, id fixum sibi esse ac destinatum. Vicecomes ad ea consternatus animo, confuso vultu, pauca & incerta quaedam respondit: non se pacem abnuere dummodo Respublica maneret eodem statu, quo tunc esset: optare, ut qua fide ipse in alios egisset, ea sibi fides ab aliis praestaretur.

C Personabat interim urbs tota crebris vocibus pacem exposcentium, & pueri feminaeque faustos in Pontificem & Ecclesiam tollere clamores non cessabant, ubi semel rumor emanarat. Quo magis fama increbrescit, eo plus terroris, atque perturbationis est apud Vicecomitem: ac saepe ille profestebatur; si quid minus religiose, si quid irreverenter in sacra sacrorumve Praesides factum esset, nullam suam culpam esse talium rerum: vel se, uti Catholice ac pie vixisset, ita Catholicum piumque mori: ejus rei testem Deum invocabat. Haec publice privatimque contestans in omni sermone, nihil tamen afferebat ad comprimendum tumultum, qui violentior in dies excitabatur.

D Itaque aversus ad fortiora remedia, excivit ex finitimis urbibus Gibellinis, qui postquam frequentes adfuere; collocuti cum eo advocant ipsi duodecim viros, & gravissime conqueruntur, quod privato consilio de pace egerint. Non illis Ecclesiam & sacra esse potiora quam sibi, sed turbulentos homines egisse omnia dolo malo, & fortasse futurum, ut illos poeniteret.

E Simul in Pontificem investiti sunt tam aspere atque acerbè, ut Matthaeus ipse castigaret licentiam, atque rogaret, ut salutis suae causa, linguae parumper temperarent. Dimissis postea XII. viris, Matthaeo suadebant, ut illos quidem in vincula conjiceret, armatorum vero manus ad reliquae multitudinis terrorem in urbe dispositas haberet, Galeaciumque filium, qui Placentiae tunc curabat, illico domum evocaret. Non placuit prehendi XII. viros, ne res ea majoris in urbe tumultus causa esset: dispositi sunt locis opportunis armati: Galeacius adfuit, licet antea suspectus, tamquam patris senecta detineri dominatum aegre pateretur. In eum statim averfi omnes & ille magnifice diserebat de Gibellinae factionis potentia, patris imperio, & quem admodum consideret fore brevi, ut tumultus ille conticesceret.

F Ferunt, cum in Patris conspectum frequenti Gibellinorum corona deductus esset, obortas utrimque lacrimas, ac deprecante Galeatio veniam errori, si quid forte contra patriam pietatem egisset, aliquamdiu nihil effatum senem: postea precibus adstantium mitigato animo, dixisse, filiorum esse neminem, cui spes suae magis inniterentur. Ab eo congressu, Galeacius haud dubia patris voluntate, rerum omnium arbiter, & familiae munimentum, agit cum XII. viris, comiterque simul & elate percunctatur, quidnam esset illud, quod audiret moveri per ipsos adversus Patrem dominumque suum, quodve cum Romano legato nuper egissent. Illi responderunt, nihil actum abs se nisi bona fide, & Patriae cura, quam rebus omnibus anteferebant. Legatum Apostolicum, virum esse gravem, amantem publicae quietis, dignum, cujus fidei cuncta permitterentur. Galeacius enim vero, pari gravitate, pergerent, ait: se quo-

quoque nec Patri, nec Patriae defuturum. Cessit inde Matthaeus omni rerum administratione, seque totum in sacra & religionem avertit. Ad omnia templa ibat, & die quodam, advocato in templum maximum Populo Cleroque Mediolanensi, positus humi genibus, ad radices Arae maximae, Symbolum Apostolorum, elata quantum poterat voce recitavit. Tum conversus ad multitudinem stupentem novitate rei, summa item contentione vocis, dixit, se, uti Catholice pieque vixisset, ita Catholice pieque moriturum esse: calumnias, quae suam ipsius famam homines aliqui dehonestassent, iudicaturum esse Deum extremo saeculorum die: tunc, inquit, cum omnia mortalium in aperto erunt.

Haec uti dicta actaque erant, publicis tabulis consignari voluit cum hac ipsa contestatione: Matthaeum Vicecomitem non aliam profiteri religionem & fidem, quam quae verbis illis contineretur, uti palam prima postrema recitata essent. Postero die, quam hoc de se spectaculum multitudini exhibuerat Vicecomes, velut alienata mente Modoetiam se se proripuit citato equo, ibique adorato Numine incidit in morbum, ex quo paulo post moritur. Mortuus est ad Crescentiacum in aedibus Monachorum, tria millia passuum ab urbe, cum aeger illuc ab Modoetia deportatus esset. Haud ego affirmaverim in huius hominis sine id quod etiam in medio rerum cursu, relinqui a nobis ambiguum decuit: fueritne utique in religionis negotio pravus ille & malus, an odio tantum invidiaque contraxerit immeritam hanc labem. Non scriptores solum, sed res ipsae trahunt utroque, & paria in contrariis partibus momenta rationum occurrunt, quae proponere lubet, ut potius alii sententiam tulerint, quam, vel litterae nostrae maculam ullam tanti viri Manibus inurant, si caruit hac interiore culpa, vel dedecus elevent, si re vera contumaces homini adversus Ecclesiae dogmata sensus fuere. Primum omnium initia Principatus juxta sanctitatem acta causam agunt, vindicantque ipsum ab fama, quae inveteravit. Interesse illi rei divinae quotidie: reverenter inservire sacrificanti, curare saepe mysteriis animum: & formata sicut assolet in Principis mores familia, statis horis in domestico sacello religiosissimae preces, ipso modis ineunte: caneantur gravissimi scriptores, cum mentiendi causas procul haberent haec ipsa tradidere sicut retuli. Jam facilis alloquio, & ab innocentia aerumnisque lenissimus, quotidiana etiam stipe levabat egentes, quae licet possint esse officia diversae cujusdam virtutis, & animi nihil aliud quam a natura recte informati, rarum tamen est, ut eadem ab Christiana, & Catholica perfectione separata reperiantur. Ire frequenter ad templa supplicatum, eadem ornare donis: divinum per omnia cultum amplificare ac tueri, profecto non sunt ejus, qui, vel jam finxerit sibi perverfas de Superis opiniones, vel ad eas facile degenerare possit.

Haecenus existimo purgari ac defendi posse Vicecomitis Manes ab ea labe, quae semel iniusta fortasse nunquam eluetur apud homines: utinam apud Deum diverso iudicio resagatur. Rursus animum in hoc negotio meum restringunt timore ac molestia & suspicione, profugus Archiepiscopus huius injuria, vastatio & solitudo rerum Ecclesiasticarum, Apostolicae poenae, contemptus earum. Quasi neque Deus usquam, neque Dei Vicarius esset, ita sumpta contra Romanum arma, concitata factio velut in communem hostem, perseveratum ad ultimum, donec vita superfuit. Sunt haec ipsa quoque per scripta in annalibus illis, unde propter incorruptae fidei famam petuntur antiquitates urbis, neque debuerat praetermitti ab eo, qui professus esset per scripturum se omnia, laeta sive tristia patriae huius Principumque ipsorum. Caeterum, de ea re, ut cuicumque visum fuerit, statuet.

LIBER II.

POST QUAM Matthaeus exspiravit, filii sedulo celare mortem donec provisis, quae tempus monebat, falli diutius fama non potuit. Corpus exani-

me clam tumulto est illatum, quia timebatur, ne Pontifex iratus, Anathematis obtentu, cadaver projici insepultum juberet. Nescitur, utra in Aede situm fuerit, ad Crescentiacum ne, ubi etiam obierat, an vero ad Claram Vallem, ubi plerique Principum tunc sibi sepulturae sedem eligebant, sicut tumuli adhuc inscriptioneque testantur.

Ejus decessu creverant conjuratis animi: manebant odia: delere tyrannidem, ac ne succedente Galeacio, Metropolim paterentur fieri Vicecomitum hereditatem, agitabant. Hi consilia sua omnia perferebant ad Cardinalem Legatum, & ipse vicissim Legatus omnem gerendae rei spem in eorum consensu ac fide positam habebat. Ab altera parte, Galeacius, tradito per manus, & jam haud dubie possessio imperio, caput rerum erat: domi civium motus, foris hostem, quantum omni bellica, & civili ratione posset assequi una cum Marco fratre sustinebat: reliqua nobilium sive plebis multitudo, partim erat conjuratorum & Legati: plures ituram in saecula potentiam, & imminentem urbi dominatum cernebant, eamque spem, aut metum sequebantur. Etiam Ecclesiastici homines, & hic aliud agens Clerus, in Pontificem, aut in Galeacium divisus erat, tanto magis incertus & fluctuans, quia novus Archiepiscopus Aicardus, cum Guelfarum partium esset, non poterat inire Pontificatum, magisque turbabat animos exsul, quam ab eo quidquam ad regendum Ecclesiae statum afferebatur.

In ea rerum colluvione Canonicos Modoetienfes incesserat metus, ne ad templi sui thesauros antea quoque sublatos inde & oppigneratos, licentia perveniret. Ob eam rem habito inter se consilio, statuerunt pretiosissima quaeque sub terram esse defodienda, delectis e Collegio quatuor viris, qui defodiendi curam haberent, eoque ministerio defuncti digrederentur seorsim in longinqua loca, & circa supremam vitae horam, rem aperirent ei, quem gravissimum virum, optimumque iudicassent. Ita res commissae quatuor Canonicis est: reliqui consensere ultro ut celarentur. Ea occultatio thesauri, idque Canonicorum inter ipsos decretum factum est anno millesimo vicesimo tertio salutis humanae, mense Januario, cum paulo antea foede direpto Oppido Mediolanenses Basilica tantum abstinuissent. Insequente Februario, Marcus & Luchinus Galeacii fratres commissae cum Pontificiis pugna, circa flumen Abdum, duos e conjuratis Cribellum & Garbaniatensem interfecere, clamitante Marco interficiendum: Vivat Ecclesia, & patriae proditores moriantur.

Pontificii tamen eo praelio superiores fuere, captaeque Modoetia, Garbaniatensis cadaver ibi in D. Joannis Aede sepelierunt. Et armis quidem sic certabatur: certamen aliud verborum erat, cum pars utraque alligere ad se partis alterius fautores conarentur. Pro Vicecomite pensabant amici vel propinqui promissis aut minis: Pontificem & religionem, Ecclesiamque, & alterius vitae poenas in rebelles concionabundi sacerdotes inculcabant, eaque audita, terrore objecto, vel pietate ingenua perpulere multos, ut in sanctiora castra transfirent. Modoetiae posita summa rerum erat, caputque fiebat ibi pugnantium pro Ecclesia, non tamen ea frequentia & ardore, quem gravissimus quisque in tali causa desideraret. Ac reperio, Aicardum Archiepiscopum, quia non satis impigre res administraretur, Modoetiae concionatum esse totidem verbis: *Viri Mediolanenses, & quotquot pro Catholica Ecclesia adversus impios arma suscepistis. Vos quidem cupidine salutis & studio recti venistis in haec castra, sed non venisse satius erat, quam lente sic agendo tradere victoriam hosti, prodere publicam causam, istaque lentitudine & proditione lacerare divinas iras, sicuti vos facere animadverto. Proinde, quae amplius dicam accipite, vocemque meam, non ut miseri hominis vocem, sed quasi missam e coelo condite in animum vestrum, & attendite quae me vobiscum agere Deus jubet. Nisi bellum hoc aliis animis geritur: victoria penes alios erit, vosque ludibrium & praeda hosti, exemplo eritis, pigritiam & segnitiam in Dei negotio plekti sicuti caetera mortalium scelera, magnumque ipsam & inexpiabile scelus esse. Vult sane Deus*

Deus Ecclesiam suam manere incolumem: sed nunquam per vos erit incolumis donec sic ageris, & inventa qua Divinae majestati placitum erit, diversa via, ne Romana sacra polluantur, projiciemini, qui ministerii pulcherrimi gloriam ita contempsistis.

Severus homo & spectatae religionis erat Aicardus, magna in vulgus fama, propterea quod ex minore Franciscano factus Archiepiscopus retinebat Ordinis instituta & antiquam disciplinam. Non tamen potuit excutere fatalem torporem ex militaribus animis, miraque socordia res omneis agebantur. Tunc Robertus Siciliae Rex olim icto cum Romanis foedere, fautor antiquus Archiepiscopi Cassoni Turrianorumque reliquorum, cognito rerum statu, timens id quod futurum erat, Raimundum Cardonam cum sexcentis equitibus misit, ut ea manu rem Ecclesiasticam adjuvaret. Cardonae statim deditur Alexandria, eaque Pontificis nomine communitur. Inde Modoetiam auxiliares pervenere. Laetus adventus eorum fuit, spesque illa commovit parumper animos, ac deinceps aliquanto plus in Pontificio exercitu strenuitatis erat.

Paulo post, Paganus Turrianus Episcopus Patavii, & cum eo, Franciscus & Simon filii Guidonis pervagati terras omnes amicorum, atque corrogatis in ultimi certaminis fortunam trecentis equitibus, eodem subiere. Horum adventu, res ad seditionem venit: & quo die Oppidum intraverunt, ibi in campo, qui D. Francisci campus dicitur, irritatis animis acre praelium fuit, praelioque commisso, converfis repente signis, ad Vicecomitem transire quicumque Turrianum nomen ob veteres inimicitias aversebantur. Caeteri jam decernere de summa rerum avebant: ac duo praesertim Gulielmi, Pusterla, & Casatus, quorum maxime consilio res nitebatur, ejusmodi sententias dicebant, ut quamprimum Urbs Mediolanum obsidione cingeretur. Contra ea Cardona, munimenta urbis, & nimium ferae spei moras proponebat. Dum haec inter Ecclesiasticos agitantur, Vicecomes antevertit, omni connixus ope ad hostem ex Oppido Modoetia detrahendum. Marcus, & Luchinus in expeditionem eam iere. Pugna prospera Ecclesiasticis fuit, utentesque rerum cursu ducunt ipsi ad Urbem oppugnandam, & triduo postquam pugnatum erat, ipsis moenibus insisterunt. Tunc Vicecomes in magno metu de summa rerum esse coepit, & concione advocata, disseruit apta temporis. Non se bellum gerere cum Ecclesia, sed defendere communem patriam velle: ac si vera loqui debeat, nihil spectare magis arma sua, quam ut res Ecclesiastica Mediolanensis, ab externis injuriis tuta, & incolumis maneret. Esse Theutonias, esse barbaros in hostium exercitu, qui si urbem ingrediantur, sacros, & sacra omnia videat eorum furori praedam fore. Proponerent sibi ante oculos, tot Sanctorum Reliquias & coelestia pignora, tantum Ecclesiastici argenti, supellectilisque religiosae, templa ipsa, & aras, simulacra Divum, vel marmore sculpta, vel expressa coloribus: cuncta, simul avaritiae materiem, simul impietati ludibrium parari, nisi, quanta vi barbarus infest, tanta ipsi barbarum repellant. Neque vero spem respicerent eam, quod Romanis auspiciis ab ea parte geratur res, quodque religionis adesse vindices dicantur. In pace, speciosum & magnificum esse Pontificum nomen, atque ipsos tunc agere clementer & iuste: bellorum iras iisdem nihilo mitiores, & avidas in sacrilegia militares manus, non posse cohiberi si quis velit.

Ab ejusmodi dictis, cum moenia, & portae stationibus atque praefidiis firmarentur, omnique alio repellendorum hostium apparatu militariter occupata Civitas egregiam Principi fidem ostendaret, Helvetii, qui sub Galeacio stipendia faciebant, accepta ab Ecclesiasticis pecunia, capere, vel interficere ipsum agitaverunt. Atque non frustra id incoeptum fuisset, nisi Joannes Galeacii frater, quamvis Ecclesiastica in toga, belli necessitatibus intentus, recognita, cum amicorum repente manu impetum in proditores dedisset, qui caesi, vel capti, spem obsessores ingentem illam ademerunt.

A Inde, cum trepidatione diffidium ortum inter ipsos, & sicuti lingua moribusque diffoni erant, ita seorsim inire consilia, variisque furere voluntatibus coeperunt. Gliscentem sua sponte seditionem irritabant obsidionis tadia: neque fisti res potuit, ubi Castroneus quidam (id nomen viro) Legati fratris filius, ad eruptionem ex urbe factam acriter pugnans una cum primoribus ceciderat. Nocturno agmine Modoetiam eunt, idque statim Oppidum, fortuna commutata Vicecomes obsidebat. Rursus auxiliis ab legato missis, ipse retro Mediolanum compellitur.

B Variante suas vices bello, nihil certi, per totum cum annum apud alterutros erat: incendiis, & rapinis cuncta involvebantur absque discrimine ullo sacrae an profanae res essent. Tota belli moles ad Modoetiam vicinaeque loca, Vicomercatum, Caratum, & Decium constitit, & vestigia cladis, eo tractu parietinae templorum adhuc manent. Insequens annus gravi clade rem Ecclesiasticam afflixit, cum ad Vaprium in Abduae fluminis ripa pugnatum esset: neque scriptores aequales eorum temporum, in retradenda, quidquam omisere quod horribile, ac memorabile visu, vel dictu accidere in praeliis possit. Semiviva corpora sepulta mortuorum cumulis, inflatum humano sanguine flumen, & Bergomi, decem inde passuum millia clamores praelii ejus auditos prodidere. Addunt etiam prodigia, quorum illud, & spectantium multitudine, & rei, quae portendebatur, eventu, certissimum fuit. Cum enim Modoetiae, in campo, quod Pratum appellatur, ea forte ipsa hora, qua duo exercitus ad Vaprium configebant, iniretur equitum numerus, qui mittendi illuc subsidio Pontificis essent, quoddam hujusmodi spectaculum observatum fuisse oculis fertur: Ingens vulturum multitudo per sublime volitans cum tristi clangore, primo campum innumbravit. Dein scinduntur in duo agmina, consistuntque velut contrariae acies, hinc ad orientem solem, inde ad meridiem objecta adversa regione Mediolanum versus. Is minor erat numerus, & Vicecomitis copias, sicut ab eventu creditum est, repraesentabat. Postquam ita constiteret avesatrae & stridulae, concurrunt inter se se rostris, veluti telis, & acerrime rem gerunt. Praeterquam quod sustulerant omneis ad id spectaculum ora, cadebant etiam ante oculos aligeri milites laniati, & cruenti, totoque campo plumae volitantes cernebantur. Adnotatum est, certaminis victoriam penes minorem aciem fuisse, moxque Franciscanae Aedis turrim, & vicinarum arborum cacumina gregatim insedere. Pars altera ita dissipata est, ut vultures terni, quaternive non amplius, hac, illacque dispergerentur. Horae ferme spatium, ea tenuit pugna, nuntiataque postmodum Vaprienfi clade, interpretatio prodigii facilis fuit. Adeo responderunt omnia, similique ad Vaprium fortuna dissipati sunt Ecclesiastici, atque Modoetiae volucrum praelio, superior multitudini paucitas, & hinc incolume stabileque agmen, inde consternatio, & fuga spectata fuerat penitus ad humanae dimicationis formam.

E Sane quaesitum est aliis ante me scriptoribus rerum, ecquid valeant prodigia, suntque pleni libri exemplorum ex omni memoria, quomodo praesenserint mortales, aut viderint divinitus ea, quae post tempus aliquod eventura essent, quaeve diversos apud homines, & locorum intervallo discretos agerentur. Mutae saepe animantes, coelo, sive terra, vel aqua, vel igni, vel etiam elementa haec ipsa denuntiassent res futuras, ostendissent remotas existimantur. Cantu, sive volatu, tripudiis, extis, aliisque modis innumerabilibus, interneciones exercituum aut triumphos cum praecepissent animis Imperatores, ei prodigio congruit eventus, neque alibi ludificatio major apud antiquitatem. Si gutta sanguinis in exsangu corpore conspecta esset, si manasset sudor ex marmore, vel ligno, si prodiiisset anguis alicunde, prodigium erat, & quales negotiorum eventus ab ejusmodi ostentis erant in spe, vel metu, tales etiam interdum sequebantur. Jam audita voces e coelo majores & angustiores humanis, observata oculis simulacra, vi-

saque species dimicantium, hominum etiam ipsorum vaticinia, clades & victoriae non absone vaticiniis, constituta generis ejus disciplina, collegia denique Sacerdotum adhibita procurandis ejusmodi religionibus pene arguunt dubitantes, & quasi suo jure fidei partem petunt. Sed priscarum vanitatum alia quoque monstra reperientur, neque mirum fuit, inanes sibi formas, & consentanea formis interpretamenta figurare qui caeci penitus essent in summa religionis, ipsasque pecudes, & si quae sunt viliora, consecrata divinis honoribus colerent ut Numen. Ab eo scilicet fonte caetera mentium ludibria, & deliramenta manabant.

Caeterum nihil arbitror esse absurdius, quam visis, atque portentis dedere animum, & si quid quamque rem antecefferit, arbitrari, vel hoc secutum esse, quia factum sit illud, vel ut posteriora sequerentur, priora exstitisse. Permeant omnia cursus suos, neque mutatur quidquam in naturae rebus, nisi regens eam Deus annuerit. Annuere porro non nisi summa, & arcana ratione credere oportet intuentes majestatem illam infinitam, quantum assequi humana mens potest. Exstiteret temporibus Hebraicis divini Vates, ac deinceps alii, quos praesaga pectora divinitus obtigerunt, itemque praenuntia signa venturarum rerum missa de coelo nonnunquam, semperque vaticino hoc munere defungentur quibus aeterna providentia tale delegare ministerium voluerit, & vocalia saxa, si Deus volet, fient. Ut quidem, vel suoapte nutu, vel instinctu coelesti passim vaticinentur homines, inanimaeque & animata, sicuti captae superstitione mentes, in metu, vel gaudio credere amant, non dici potest, ad quantam socordiam ea credulitas accedat. Neque si vultures infestis concurrere rostris, minorque numerus avium illarum, examen majus afflixit, qua hora Vicecomitis copiae, numero superiores Ecclesiasticos fugavere, ideo trahenda res in religionem fuit, & magni prodigii nomen usurpandum; quod fecisse Scriptores eorum temporum video. Fortasse enim volucres irritatae per lasciviam, certavere moribus: & dulcedine fingendi, caetera in miraculum aucta, ut tradita per manus vanitas, veluti contagio quaedam ad historiam usque perveniret. Sic nimirum inferere divina humanis amat mortalitas, & semel in prodigium accepta gliscunt postea sermonibus, neque simplicitatum humanarum est finis. Me longius provexit alterius etiam prodigii novitas, quod huic vulturum ostento subjicitur ab eo Scriptore, qui rem sibi compertissimam referre ait.

Henricus quidam cognomento Flandrensis fuerat in Ecclesiastico exercitu, cum ad Vaprium infeliciter dimicatum esset. Hunc acie disiecta, & caesa fugientem postmodum per devia Modoetiam venisse refert ducibus itineris duobus, qui se se repente obtulerint, stiterint incolumem ad oppidi moenia, deinde abierint ex oculis nihil unquam essati. Ipsum ingressum in Oppidum, cum trepidi illic omnes ob cladem acceptam affligerentur, iussisse bono animo esse universos, ac sperare salva fore omnia: sic jubere Deum, & Oppidi tutelarem Baptistam. Namque se, cum ab hesternae infelici pugna per calles incertos in obscuram sylvam devenisset, ibique cursu, & metu fatigatus jaceret, vidisse repente torrida macie senem, a quo deductus in tutum, traditusque duobus illis fuerit, & de salute Oppidi curaque Praecursoris ita renunciare iussus. Ardicius Concorretius refert, scribam se publicum tunc fuisse Modoetiae, hominemque vidisse illum, & audivisse cum ea renunciare. Si vera res fuit, profecto, multo sanguine, multaque clade stare Modoetienfi populo miraculum illud, & certa illa ad extremum salus debebat. Namque dum Legatus Apostolicus, & Galeacius Vicecomes omni invicem ope conituntur ad obtinendum Oppidum, Oppidani ipsi destituti in medio per anni fere spatium pertulere omnia, quae accidere obsessis possent. Ac nescio fuerit ne salus, non capi Modoetiam ab Vicecomite, cum qui retinebant eam Ecclesiastici, saevirent intra muros atrocius, quam capto Oppido saevire Vicecomes potuisset.

A Defensa funeste Modoetia per Ecclesiasticos, irrita Vicecomitis circa eam conatu, gravibus utrimque damnis, pars etiam utraque pacem expetebat, quam Vicecomes ne nimium cupisse videretur, tali commento est usus: Raimondum Cardonam ex Pontificio exercitu Siculorum auxiliorum ducem habebat in custodia, virum dexterrimae humanitatis, & ea morum parte Principum negotiis aptum: nec magnum ex redemptione pretium sperabatur. Eum per fidissimos sibi homines interrogari jubet, si dimissus fuerit ex custodia, sospesque restitutus ad suos, velintne apud Pontificem Max. fidus intermedium esse conciliandae pacis, & eequam in ea renavare liberatori suo operam velit? Cum ille diceret, facturum se omnia cum cura, & fide quae imperata forent, viam etiam aliquam inventurum arte sua, quo facilius honestiusque conveniret res: laxatis ultro custodiis datur captivo fugiendi locus, instructusque secretis a Vicecomite mandatis, tamquam ruptis vinculis, eluctatusque fuga saevas hostium manus, Placentiam ad Cardinalem legatum pervenit. Benigne acceptus exponit belli difficultates, Vicecomitis copias, fortunam, & rei militaris usum, & parata ei ad victoriam omnia, nec posse Modoetiam ultra per Ecclesiasticos retineri.

Cum haec aliaque dicta terrore Romanum ac desperatione implevisset, institit una cum eodem artifice quaerere, quae via, quodve consilium honestae pacis foret, quae ratio flectendi Pontificis ipsius animum, ut abduci inde exercitum pateretur. Paratum erat compositumque cum Vicecomite, quod in tali sermone natum ex re ipsa videri consilium posset. Iturum secreta Avenionem, ait Cardona, si videatur: ibi rerum faciem, praesentiaque simul & futura mala demonstrando sperare a Pontifice impetraturum, ut pacem nihil habituram indignitatis malit, quam in parte florentissima Italiae tantam hominum stragem, & incerto armorum exitu, certa detrimenta etiam Apostolicae auctoritatis. Iretigitur annuente legato; proficiscitur: ac, sive mutato inter eundem consilio, sive a Vicecomite ita regere negotium iussus: ad Pontificem ubi pervenit, profert ultro condiciones, quibus finiri exitiabile bellum possit, aperitque, quomodo sit ipse ab hoste pacis tentandae causa e carcere dimissus. Condiciones erant hujusmodi: Mediolanum & Cremonam haberet Vicecomes: Ecclesiae Vicarius appellaretur: Ad omnia bella, quae intra Longobardorum fines gererentur a Pontifice Max. praesto esset: quingentos cataphractos equites mitteret ad ea bella stipendiisque suis aleret. Condiciones eae placuerant Pontifici, quia vestigalem Ecclesiae sic fieri Galeacium apparebat. Sed cum de pace nihil ab Romano transigi posset inconsulto Siciliae Rege, qui fuerat in parte belli, isque conditionibus adderet hoc, ut Vicecomes pari secum animo foret hostis Caesari, spem pacis ea res turbavit.

Sub anni finem, quo haec gesta sunt: Aichinus Vercellensis unus e quatuor Canonicis, qui de occultando Modoetienfi thesauro, sicuti dictum est, inter se consciverant, cum instare sibi supremum diem sentiret, rogat suos, ut Aicardum Archiepiscopum ad se adducant: esse quae de magnis Ecclesiae rebus agere cum eo velit. Aicardus, mutans in ea rerum perturbatione crebro sedem exsilii sui, tunc apud Cardinalem Legatum, ubi moribundus etiam Canonicus, erat, neque recusavit accedere, qualem lectulo humili decumbebat Sacerdos. Poscit ille vocibus intermortuis, dari sibi fidem, sanctum fore silentium ejus rei, quam sibi pari fide custoditam, nunc sit morte appropinquante, necessario officio enuntiaturus.

Ubi data fides, & arbitris remotis, dicere si quid haberet, est iussus, indicat locum, in quo defossi jaceant thesauri Modoetienfes, & quid ipsi vicissim Archiepiscopo circa vitae finem super ea occultatione faciendum sit, monet ex jurisjurandi formula, quo se se Canonici quatuor obligassent. Promittente Archiepiscopo religiosissime omnia custoditum iri, nec nisi urgente ultima hora arcanum se illud esse cuiquam enuntiaturum, quieto, quod ad eam rem attinebat, animo, Canonicus ille obit suum diem.

Nolim equidem credere factum esse dolo malo, five per levitatem ab Archiepiscopo Mediolanensi, ut obstrictam sacerdoti morienti fidem super tanta re praesertim, fallere atque prodere ille pro nihilo haberet. Sed quoquo modo, quave de causa fecerit, constat, non expectavisse dum Canonicus exspiraret: statim ab eo colloquio, rem totam sicuti sibi commissam creditaque esset, Cardinali legato aperuisse. Aiebant, qui postea frustrationem eam, sicuti fit, in sermonibus habuere, minime fuisse mirum, vel potius valde mirum fuisse, quod ab claustris homo reticere nihil potuisset. Legatus etiam ipse, re comperta, veluti si hereditas obvenisset, ita mittit propere Modoetiam promptissimos e suis, qui comprehensis Templi custodibus, & effosso thesauro cum ea praeda redeant ad se. Factum ut imperarat. Pretiosae res, quae naturae vel artis esse miracula tunc dicebantur, ac citra miraculum etiam aestimatione hominum pretiosae: tum alia cara pietati, monumenta quoque clarorum ingeniorum, & uno verbo, quidquid illa Baptistae Aedes per plura jam saecula pio certamine Regum, Pontificum, Caesarum adepta erat, id rerum postquam in conspectu Cardinalis stetit, nesciebat primo, quid faceret thesauris ejusmodi, & quasi effodientium ipse foret unus, aestuabat.

Demum occurrit animo tale consilium, quod ab ipsa sumptum ambitione & placendi cura, dedecus homini probumque & ignominiam invenit. Mittit ad Pontificem Maximum omnia illa cum litteris, in quibus erat, quomodo sibi tantarum rerum fieri compotem contigisset. Canonici Sacerdotis nomen, genus simul & patria, morbus ejus, aetas, hospitium in quo forte decubisset aeger, ut evocatus ad eum Archiepiscopus Aicardus accessisset, quae dicta inter eos, quae petita fides & obligata, quomodo statim eadem irrita per egregium Archiepiscopum, & denique quomodo missi ab se reperebant illico thesauros in latebra quam Canonicus ostendisset: haec omnia legatus ille, veluti texeret annales quosdam, ad Pontificem, addens muneri pretium, accuratissime perscripsit. Orabat ad extremum, ut obvia Superum benignitate delatas opes acciperet obvio ipse etiam sinu. Sic favere Deum ejus Pontificatui, ut abditum sub terram thesauri recluderentur, nudaretque ultro sua viscera tellus, quo ille beatior foret. At Pontifex, ut res inspexit eas, accepitque violati sacramenti feriem & ordinem, inhorruit primo percussus atque confusus atrocitate negotii: deinde exciri confestim jubet ab oppido Modoetia Canonicos ejus Templi cum Antistite suo: simul gravissime increpat legatum: rem, eum neque prudenter, neque pie administrasse demonstrat. Postquam adfuere Canonici Modoetienfes, omnia thesauri vasa partesque singulatim exscriptae & exsignatae illis attribuantur, ejusque assignationis publicae tabulae confectae per Joannem Castellatum cum Apostolica exsecratione si quis in posterum eos attingere atque violare thesauros auderet. Mandatum inde Canonicis a Pontifice est, ut quamdiu maneret bellum, depositos in Avenionensi sacrario thesauros relinquerent: bello finito referrent domum atque restituerent eos in pristinam sedem. Depositi sunt & religiosissime custoditi, paceque postea firmata relati Modoetiam, sicuti suo loco demonstrabitur.

Nunc, ob eam, quam dixi, causam impedita negotiatione Cardonae, gerebatur bellum infensus aliquanto quam antea, & Galeacius in magna victoriae spe, jam coeperat consultare cum suis, an Oppidum Modoetiam, excepta Baptistae Aede totum a fundamentis deleat. Cum de ea re consilia Princeps agitare, apparuisse fertur ei per quietem Divus ipse, atque ita esse hominem affatus: *Deletere tu Modoetiam nostram, & superstitem populo relinquere Aedem meditaris? At ego Oppidi simul & Aedis defensor, ut ab ista mente desistas, moneo. Si destiteris, Oppidum meo parcere animus tuus volet: at ego faciam, ut Modoetia sine sanguine & strage cadat in jus ditionemque tuam, victoriaeque tibi incruenta dabitur. Sin pergis de mea Modoetia cogitare dure atque crudeliter, victoria ista tibi nunquam obtinet.*

A Ab hac visione coelestique per quietem alloquio Vicecomes ut evigilavit, ratus inane esse negotium, ludibriumque somniantis animi, qualia multa, pleno vel inani stomacho reliquiae diurnarum rerum efficere solent, nihilo mitius de Modoetia ipsa cogitabat. Postea, cum insequenti nocte species eadem observata esset, statuit parcere Oppido, si potitus foret: neque parcere solum, sed illud indulgentia fovere omni, dirutaque restituere, & tantum addere ornamentorum, quantas injurias, & quantam damna bellum intulisset. Ita subita voluntatum, & animorum inclinatione, quae videretur non carere miraculo, deditur Oppidum Vicecomiti, qui nocturnae visionis memor, coelesteque munus agnoscens, nec violavit ibi quidquam, & ut pristina etiam frequentia rediret, proposuit ampla praemia, si, qui aufugerant, redire illuc vellent, praeconesque ob id ipsum in vicina loca sunt dimissi. Profecto divinam fuisse rem diceremus, nisi Galeacius postea ipse ibidem Modoetiae traditus in vincula cum fratribus suis, calamitate hac, miraculi gratiam & fidem imminuisset. An potius miraculi pars hoc ipsum fuit, ut quoddam illius populi vaticinium tali Vicecomitem exitu comprobaretur.

Cum enim Galeacius aedificaret arcem, quae semiruta manet in hunc diem, obscurissimaeque latuminae simul inaedificarentur: Oppidani cernentes ingrati operis molem, iratas hujusmodi voces jaciebant: *Has sibi fratribusque suis latumias Galeacius ponit. Faxit Deus ut fabrica sit ipsorum capiti*; raturumque omen fuit.

Taedet me pudetque referre ultra prodigiosi quidquam, ne forte recipiendo in historiam temere aliquid, etiam veris abrogaverim fidem. Sed non debui rursus omittere quae scriptores aequales huic aetati consensu tradidere, cum nullo modo probabile fiat, potuisse sic conjurare omnes ut mentirentur, five potuisse sic decipi, ut ab aliis mentita pro veris admitterent. Thesaurus illos Modoetienfes, de quibus antea memoravi, tradunt ab homine intelligente rerum earum forte inspectos, cum adhuc Avenione servarentur, pepulisse animum habendi studio, non pio illo vel erudito quia sacra multa & antiqua inessent, sed fordido & furaci, quia plurimae vendibiles gemmae, plurimumque aurum & argentum interniteret. Eam sibi praedam homo ille cum destinasset, levem primo cum Canonicis notitiam adduxisse in familiaris amicitiae consuetudinem, deinde claves sacrarii parasse adulterinas, & capto ad rem peragendam tempore sustulisse sacra illa vasa, & abiisse festinantem ut ex urbe se proriperet.

Ad portam, quae Rhodani dicitur, ingenti trepidatione progressum vidisse in pontis aditu, quo committitur flumen, species hominum armatorum interminantium, nisi regrederetur. Eo terriculamento rejectum ab transitu pontis, aliam, ac subinde aliam adisse portam, donec ad omnes exitus eadem occurrente cum minis armatura statuit in urbe vendere quod efferre non poterat, redactumque inde pretium, aut abdere postea sub terram, aut exportare aliquo; quasi vindex Numen fallere posset ea sceleris via. Vanus erat nomine Florentinus homo, qui Avenione faciebat aurificinam forte antea notus furi, & furem ipse noverat vicissim: nec debuit primum hoc inter eos commercium esse quod memorabo, sicuti ultimum fuit. Hunc Florentinum aurificem adit sacrilegus ille, & ait esse sibi quaedam emblemata, quasdamve vasorum crustas: & vasa nonnulla, quae vetustas dissolverit, margaritarum praeterea nonnihil, & omnino pleraque fragmenta rerum antiquarum: ea si possit aequa conditione distrahere, five commutare, facturum libenter, simulque nonnihil profert experimenti causa, quod probum visum artifice, ac posse aliquid convenire respondit. Veniret postero die, & afferret: se se praesentem pecuniam illico numeraturum aestimaturumque tanti singula, quanti praeterea nemo.

Vulgabatur interea per urbem, thesauros illos Modoetienfes, clam fuisse sublato e sacrario, nec ad quos pertineat id facinus indicia ulla exstare. Perculerat illorum animum aurificis, & profecto descriptionem illam

fragminum huc pertinere ratus, statuit non esse sibi faciendum, ut tali se se negotio implicaret: posse furti alieni poenam in suum recidere caput, & fortasse suberat metus, ne alia cum homine eodem negotia occultata feliciter ad eum diem, emanarent. Refert illico rem in Aulam ad iudices, quae dicta sibi de gemmis auroque venali, quid vicissim ipse responderit, ad quam horam, quemve hominem expectet, ordine cuncta exponit. Missi confestim satellites obsedere diverticula, & angulos, circa indicis tabernam, & cum paulo postea fur advenisset, exponeretque fragmenta, coorti repente variis e locis lictores hominem comprehendunt, & abducunt injectis vinculis: neque vilis animus tormenta expectavit. Confessus absque mora flagitium, & indicata latebra, in quam thesauros abdiderat, postquam erutae res & prolatae, damnatur ut distentus in tabula raptatusque jumento per viam, secto demum in quatuor partes corpore sacrilegii poenas luat.

Id supplicium sumptum eodem die, quo facinus deprehensum, & ut in partem utramque nobile exemplum esset arcendis sceleribus, praemium indici decretum duceni floreni in singulos annos, & honestus in Pontificis familia locus: praefendis Imperii fascibus alii esse adhibitum ferunt. Thesauri vero ipsi, ne semper expositi furum ingeniis manerent, in praeferrata capsula summa testudine Templi suspensi contra aram maximam, qua scilicet omnium oculis custodirentur, ac fuere ibi donec pace per Italiam parta, sicuti postea demonstrabimus, restituerentur in suam sedem.

Ea, quae de Modoetienfi thesauro retulimus, accidere Avenione anno salutis millesimo trecentesimo vicesimo sexto, cum ibi Sedes Apostolicae domicilium esset. At in Ecclesia Mediolanensi nihilo tranquilliora negotia statuisse melior durabat, quam ille, unde narratio diverterat ad thesauri miracula & casus: nostraeque fama Urbis & Cleri, quo magis progreditur annalium ordo, vehementius ingravescit, vel scribentium licentia, qui nominibus eum invidiosis onerare, desertorem atque rebellem appellando, vel rerum ipsarum natura & conditione, quae fiebant. Ludovicus Bavariae Dux, quem ideo Bavarum dixere, aemulo profligato adeptus Imperium, erat a Pontifice Joanne anathemate damnatus, atque capitales cum eo inimicitias gerebat, ita ut exturbare alter alterum agerent, usque demum Apostolico jure Pontifex, imperium Caesari abrogarat. Hujus arma Galeacius cum in Insubriam adversus Pontificem excivisset, prodire obviam Clerici: Pontificisque hostem, Ecclesiae perduellem, carentem communione sacrorum sub umbella in Palatium deduxere. Atque id parum fuerat, nisi etiam petenti postea, ut more majorum coronaretur, ambitiose id ipsum, & impie concessissent.

Coronatus est in Basilica Ambrosiana: & quia nullus tunc Mediolani Archiepiscopus erat, Aicardo, sicuti dictum est, exsulante, solennia sacri ejus obiit Arretinus quidam Episcopus cum trium aliorum praeterea ministerio, quos omnes oportuit etiam ipso nequiores esse, cui caeremoniam impiam, nescio, scelere, an per levitatem, gratificabantur. Sed Episcopum quoque illum Arretinum, qui caeremoniae caput fuit, invenio fuisse jam antea a Pontifice exauctoratum, debuitque sicut arbitror, pretio, vel contumacia, huc descendisse. Nec de Pasquale Placentinorum Episcopo (is quoque enim adfuit) fama melior exstat. Caeterum ea coronatio Caesaris adulterini facta per Episcopos item adulteros, haud dubie Galeacium ipsum evertit. Namque Bavarus, exulcerato suspicionibus, & calumniis ipsorum inter se fratrum animo, Galeacium, & fratres, excepto Marco, qui accusator exstiterat, repente comprehensos, in Modoetensem arcem, quae Vicecomitum excidio fatalis habita fuerat, coniecit.

Ac tanta fuit ira, ut ne Joanni quidem ipsi parceretur, quem vel praefens, vel sperata & destinata consensu omnium dignitas defendere debebat. Erat enim ex Mediolanensis Ecclesiae Canonicis amplissimo tunc

A honoris gradu, quem Principes etiam appetebant, & Pontificatum Ambrosianum ob vitae splendorem propediem habiturus esse credebatur. Is una cum caeteris fratribus a Bavaro conjectus in vincula, documento potuit esse, quam infida sit gratia quaesita per scelus, atque per divinarum legum injuriam: & praemium hoc fuit obsequii quo Caesarem contra Pontificis auctoritatem coronarant. Quae omnia quomodo acta sint narabo: neque fratrum odiorum tantum insigne & lugubre exemplum proponam, sed majus atque luctuosius aliud ad considerandas potentiorum artes, ubi vitae miserorum insidiantes, & innoxio nimium gaudentes sanguine nominibus honestis tegere diram sitim volunt.

B Erat Marcus inter Matthaei filios strenuus manu, consilio bonus, atque per superiora bella egregiam & fidelem Galeacio fratri operam navarat. Sed quaecumque ille praemia acciperet, querebatur semper, non pro meritis tractari se se, quae humani animi superbia Regum saepe domos complevit aeterno luctu, privatisque etiam inferiores effecit. Socium querelarum habebat Ludricum patruelem suum, qui expeditionum item comes nihilo felicior sibi virtutem fidemque suam existimabat esse in aula, quae propter genus & sanguinem prolixo agere secum deberet etiam si in otio & desidia agerent vitam. Ita patruelles duo natura queruli & superbi, addente animos virtute & gloria, cum jactando sermonibus ista quotidianis vicissim accenderentur, cepere denique ab ipsa desperatione consilium, ut ruina Domus opprimerent miseras & angores, & ignominias, ut ipsi interpretabantur, suas. Sive verum erat, sive conditio temporum, & ea, quae tunc agitabantur negotia, fecerant simile veri, detulere ad Caesarem hoc Galeacii crimen, quod ille clam inito foedere cum Pontifice Joanne pararet dedere Metropolim ei, compellere omnia sub nutum arbitriumque ejus.

C Nihil poterat accusatione tali capitalius esse ad inflammandum ira animum Caesaris, cum prae magnitudine criminis ejus, caetera majestatis crimina, rebellionesque & proditioes aliae tamquam inania transmitterentur. Dummodo subjecti, vel populi, vel Principes, servarent in eo negotio fidem, ut ab Imperii nomine contra Sedem Apostolicam starent, poterant caetera fere agere suo arbitratu: rursus in ea parte commissum offensumve aliquid, suspectos ad omnia, invisos, execrabilesque faciebat.

D Cum tanta esset atrocitas & invidia criminis apud Caesaris ejus aures, jamque alteras & tertias ab Ludricio & Marco super ea re litteras accepisset, temperaverat irae tamen, scripseratque ipse communiter ad Galeacium & Marcum humanissime cum adhortatione ea, ut mutuae concordiae, fideique erga se memores esse vellent: ipsum fore quamprimum in Italia, & digna omnibus praemia persolaturum. Ut autem descendit in Italiam, & Mediolani, sicut dixi, coronatus, aliquamdiu ibi postea morabatur, tunc enim vero non desistebant Ludricus, & Marcus deferre, & arguere, & demonstrare ex composito cuncta, per quae praefens Caesar, non ad ipsam modo criminis cubilia deduceretur, sed crimen proditoremque totam, suis veluti manibus contrectaret. Interdum enim etiam, quo plus auctoritatis accusationi esset, laudabant fratris ad caetera fidem, id quasi miserantes unum, quod ad suam & familiae perniciem consilia illa insana admitteret in animum.

E Neque fallebat Galeacium, quibus insectationibus peteretur, dictitabatque idem tunc, Marcum fratrem confodere suo pugio se ipsum: & Marcus agebat vicissim, habiturum propediem esse Galeacium eam solitudinem, quam ultro ipse quaesivisset. Fratres haec inter se cavillabantur alte exulceratis animis, alterius quidem invidia & aemulatione ob maligne communicatam secum fortunam paternae hereditatis, alterius vero dolore & metu, quod ab ejusdem sanguinis homine universae domui exitium quaereretur. Nec deerant ut opinor in alterutra parte infidi amici accendendis offensionibus acres, quorum stimulis uterque augerent, ille calumniam, hic in-

incitamenta calumniae & causas. Bavarus enim vero condens profunde in animum, & secreta secum aestimatio-
ne pensans ea, quae dicerentur, parcus verbis, compo-
situs vultu, jam apud se quid facto opus esset, nemine
suspiciente destinarat. Vinculis & venenis, quae semper
instrumenta dominantibus fuere, statuit inimicam emen-
dare domum, eaque in omnes Vicecomites disciplina
nullam esse meliorem. Nam ne Marco quidem ipsi &
Ludrisio accusatoribus abesse proditorem suspicabatur
hoc ipso, quod proditores sui sanguinis exstiterent.

Offensione nimirum aliqua irritatos detulisse commu-
nis consilii indicium: ubi placati essent animi, fidem &
caritatem inter ipsos, perfidiam & odia in alienos fore.
Et quamquam Galeacium unum accusatione illa infecta-
rentur, familiam totam esse morbo contactam eodem,
qui nec fortuitus repentinusque aliquis, sed naturali per
omnes illos contagione diffusus esset. Majo ineunte vene-
rat Caesar Mediolanum. Cal. Junii fuerat coronatus. Re-
liquos inde aestivos menses cum per Insubriam ageret.
Stephanum in familiam adscivit, qui Vicecomitum fra-
trum natu minimus erat: praeficiturque ille ministerio
intimo & periculoso tractandi pocula & praegustandi
potiones Principis, quod tamen in aula illa non fiebat
semper, sed Germanica fere simplicitate bibebatur, &
otiosa plerumque praefectura illa erat. Novus familiaris
& pincerna miser, prout composita res erat, adspergi-
tur repente crebris aulae fuscis quasi Principi venenum
pararet, scilicet ut suspicionis ejus obtentu ipse veneno
mox absumeretur: praebatque criminationi ei mate-
riam nota jam alia & vulgata in Galeacium accusatio.
Cum junior Vicecomes apertis jam quoque sermonibus
tanti cogitati sceleris palam reus ageretur, die quodam
epulante in publico Caesare, potionem, quam ille ob-
laturus Principi erat, medicavere furtim qui negotii sibi
id sumpserant.

Caesar, ubi scyphum accepit, reddidit pincernae
Vicecomiti, verboque est adhortatus, ut malam opi-
nionem rumoresque malevolorum dilueret, quae ipse
diffamaretur. Rapidum inerat violentumque virus, quo
juvenilitur & impigre hausto Vicecomes cum vertigine
protinus oculorum animique agere ore spumas retror-
sumque inclinari. Ad eum vero adspectum consilii igna-
rique pariter inhorruere omnes steterunt eodem vultu.
Mox, in misericordiae vicem, quae tam indigne per-
cunti debebatur, & multorum fortasse tangebatur pecto-
ra, succedere probra & contumeliae, quales, aliorum
adulatio, sensus aliorum jactare poterant in eum, qui
sternere super dapes exanimem Imperatorem voluisset,
atrocius infestiusque, quam si ferro aggrediretur.

Effertur moribundus juvenis ex aula servaturque in
experimentum tantummodo & quaestionem, quasi ve-
rissimile fieret, potuisse quemquam inducere in ani-
mum, ut inter tot adstantium manus armatosque custo-
des, patraret facinus, quo protinus detecto, accessio
ipse necis fieret. Cur non potius miscuisset venenator
dedissetque lentum aliquid, quo sensim irrepente, for-
tuitus morbus adsimularetur? aut, si tanta rabies ani-
mo, tantusque furor, ut nece sua quaereret palam Im-
perator necem: & inde gloriam, quidni irrueret gla-
dio, remque desperate perageret, sicuti nostra etiam
aetate vilis una manus septo armatis Regi abstulit vi-
tam.

Sed Stephanus in angulum fortasse projectus aliquem,
luctatusque acerbissime cum extremo spiritu per ali-
quot horas, antequam ejus dies occideret, vitae sine
eripitur tormentis, quae iudices & scribae, totusque
ille carnificum chorus exquisitissima jam excogitarat ad
eliciendam, ut ipsi ajebant, veritatem, quo consilio,
cujus instinctu, quibusve adjutoribus & consiliis vene-
ficium instruxisset, cum, alioqui apud veneficii aucto-
rem haec ipsa jactari ipsimet scirent. Quia juvenis ap-
propinquata torminibus intemita morte iudicium eluserat,
periisse sibi magnam hereditatem reputabant.

Quaerente enim Caesare effugia tam foedae suspicio-
nis ac declinante inhumani facinoris invidiam, dixerant
palam atque affirmaverant, quod suscepti adversus eum

A sceleris ordinem, & consilia omnia totamque flagitio
illigatam Vicecomitum gentem interrogato scelerato
homine exhiberent. Ac brevi eo spatio quaerendis in-
diciis, adornandisque testibus occupati cum carnifice
maximo satellites minores cursarunt, sudarunt, non
parum inflati facillimo interim ad Principem aditu cre-
brisque cum eo colloctionibus, unde collecta admira-
tione & auctoritate, regnaverunt fere ipsi paucarum
illarum horarum usura, aulaque tota die illo ipsorum fuit.

B Vidit Deus, multique mortalium sensere flagitia, quae
per licentiam negotii dieique illius admisit forense mini-
sterium; diesque unus ille inventa apud Principem gra-
tia, ministrorum eorum aliquibus peperit opes, quas
nunquam alioqui adepturi erant. Adeo largus postea
Caesar fuit in eos, qui aliquo modo benemeriti fuerant
de trepidatione illa sua, tunc scilicet cum corridente in-
ter officii sui perfuersionem pincerna, eoque deinde
agente animam, interioribus conscientiae stimulis agi-
taretur, quasi designatus, ipse omnium oculis impostor
& sycophanta simulque venenator & parricida familiaris
sui. Fortasse enim, sicut in ejusmodi negotiis usu venit,
texendo & componendo secum ipse formam seriemque
veneficii, expeditiora cuncta ad latendum fallendumque
propulerat animo, quam re deinde peracta ipsa in ex-
periendo succedebant. Et hoc ipso crescebat metus, ne
fraus tam indigna detegeretur, quod timeri posse vide-
batur exitium, si detecta foret, tenente urbem fratre ju-
venis perempti, urbeque ipsa adspersa & vindica-
tura infamem dolum.

C Postquam infelici fato Vicecomitis, & potentia sua
Caesar, & arte ministrorum, communem in eo negotio
famam aliqua ex parte sefellit, caetera deinde quae peti-
ta fuerant facinoris ejus pretia, & emolumenta in facili
fuere. Ceu participes auctoresque veneficii, Galeacius
Princeps urbis, & templi maximi Canonicus Joannes,
& Azo, repente comprehensi, Modoetiam in arcem
adportantur absque tumultu ullo. Conticuerat namque
Civitas objecta fama tam atroci, tituloque captivitatis
tam justo, quod diluisset una domus Caesari venenum,
ac Numine vindice scelus in ministerium recidisset. Custo-
diae autem & stationes & omne militare praesidium ob-
torpuerant armati Caesaris praesentia & majestate, quem
circumtabat exercitus major: cujus nutum & imperium
respicere cives coepissent.

D Capta sic, & afflicta Vicecomitum Domo, Bavarus,
Principatuque deleta illo omni, rem Mediolanensem in
Romani Imperii jus ditionemque vindicarat, sicuti cor-
rasa inde, & ablata Gentis ejusdem olim artificis fuisset,
novoque constituto regimine in Etruriam abiit. Ab ejus
discessu Vicarius Mediolani relictus est Gulielmus Mon-
fortius, non ille quidem sicuti Matthaeus antea, & Ar-
chiepiscopus Otho, parans cogitante tale quiddam, ut
ex fiduciaria perpetua sibi provinciam faceret, Im-
perioque ipsi per speciem ejus fungendae vicis insidiaretur:
sed ipsa cum Imperatore concordia fideque erga
eum infestus urbi. Nam sicuti Bavarus ille, inducto
in Ecclesiam dissidio, laceratoque Pontificatu, acta
omnia nomenque & auctoritatem Nicolai Pseudo-
pontificis obstinate tuebatur; ita Vicario huic unicus
gratiae locus apud Principem, & praecipua bene-
merendi materies ab impietate flagitioque eodem erat.
Quippe civitatibus etiam ipsis idem peccandi locus: ne-
que copiosior alia seditionum materies, dum, vel spreto
in gratiam Caesaris Joanne, iussu nutumque Nicolai re-
spiciunt: vel pro eo adversus hunc nituntur. Urbem ita-
que nostram ab iusto veroque Pontificatu Vicarius ille
alienabat, haud sine quotidianis, ut credere licet, inju-
riis, multaque violentia, tum in res sacras, tum in ho-
mines ipsos, qui curae, & administrationi sacrorum prae-
essent. Quodque argumento esse possit, cordi fuisse ei,
ut caeterae quoque urbes alienarentur: reperio Temacol-
dum quemdam apud Laudem Pompejam ex pistore fami-
liarem Vistariorum, deinde proditorem, urbe capta
illa, scripsisse illico ad Montfortium hunc, ut mitteret
auxilia sibi ab Mediolano, quibus tueri Caesaris nomine
urbem posset adversus Romanum.

Flexit postea Bavarus animum suum ob Castrucii Castracanis preces, ut mandaret e custodia captivos dimitti. Lucae Princeps erat Castracanis, qui super afflicta postulata de captivorum salute, defectionis etiam metu Caesarem perculerat. Eo nimirum metu sunt dimissi, haud tamen sine grandis pecuniae pactione, quae severe deinde exacta est & pernumerata ad teruntium: ipsique fratres in Etruriam ad Caesarem vocati. Galeacius egregia militari fama, & fortuitis idem ornamentis eximius, in itinere, moerore est absumptus, secuta interpretatione, extinctum fuisse juvenem Caesaris ipsius dolo. Caeteri, cum ad Bavarum pervenissent, non procul a captivis in aula habebantur, custodibus appositis, qui verba & suspiria & vultus incessusque singulorum dissimulanter observarent ceu scriptores annalium, & satellites iidem ad retrahendum expediti, si quis unus vestigia paulo longius moveret: & Galeacius cum veneni fama, recenti sui casus exemplo terrebat fratres.

Aliquanto postea rei bellicae necessitates, & Castracanis ejusdem arma impulere Caesarem ut etiam Mediolanum redire Vicecomites pateretur, ibique Vicarium esse suum Azonem juberet. Sexaginta millia Florenorum ei rei pretium fuere: quae pecunia dum expeditur universa & affertur, Marcus Vicecomes inimicus, & accusator antea fratrum suorum, postea rebus adversis ad misericordiam evictus, apud Caesarem obses fuit. Ac sicuti, neutra in parte modus est ullus apud regios animos, onerare miseris, sive beneficiis extollere domum aliquam instituerunt, tam effusus nunc Caesar in Vicecomites eosdem, quam antea saevus, & atrox, allevatam semel ex calamitate gentem adjuvabat modis omnibus, ut ad fortunam resurgere possent eam, ex qua direpti violentia ipsius forent.

Joannes Galeacii frater erat ex templi maximi Canonici, ut memoravi, quo non contentus ordine, majus, ampliusque illud appetiverat olim, ut in Cardinalium numerum cooptaretur: id familiae, in qua natus esset, id splendori etiam suo tribui aequum censebat. Verum, quia nondum assequi recta via ordinem eum potuerat, qua posse videbatur via, statuit assequi, ususque opportunitate, & indulgentia hac nova Caesaris erga domum suam, tenuit commendatione favoreque ejus, ut Cardinalis fieret ab Nicolao, qui Bavari opibus contra Joannem Pontificem Max. excitatus turbabat cuncta perverfo & adulterino Pontificatu. Tradunt alii, Cardinalem Joannem, emisit quidem praesenti pecunia eam dignitatem, sed ipsi Bavaro, non autem Nicolao pretium esse persolutum. Quippe laborantem, uti dictum est, rei pecuniariae difficultate eum, dedisse necessitati suae, & precibus amicorum, ut quando restituisset in patriam honoremque Vicecomites, novum etiam adderet hoc decus.

Ita hominem Nicolao commendasse absque repulsa cooptandum in Patres: pro eo convenisse, ut totidem millia Florenorum ab novo Cardinale repraesentarentur, quot paulo antea millibus redditum in patriam ipse fratresque emisissent. Neque mirari oportet suffecisse domum hisce pecuniarum erogationibus etiam in ipsa exilii calamitate, intuentes scilicet magnitudinem urbis, in quam dominata esset haec familia, in quam dominari pararet rursus. Additur Cardinali huic Joanni summa per Insubriam potestas, Legatusque Pontificis appellatur, quae tam sancta iustaque erant omnia, quam etiam Pontifex ipse iustus, & sanctus, neque diuturna, sicuti demonstrabitur, fuere. Nunc quasi Imperium vere Pontificium illud, eaque legitima potestas esset, ita pro Apostolicae potestatis jure sacris rebus Cardinalis Joannes aliquamdiu se se immiscebat. Ac reperio, scriptas ab eo litteras esse, quae Mediolanensem Ecclesiam affatur, ut Princeps, itemque de nova sua dignitate litteras alias separatim, & quemadmodum a Domino suo Papa, (id enim verbum usurpavit) Cardinalis Legatusque factus esset. Litterae ipsae sunt datae Pisis: annus, & mensis, & dies addita: erantque inscriptae Dominis viginti quatuor viris administratoribus Reipublicae Mediolanensis amicis carissimis.

A In iisdem Litteris erat: Azonem suum novo Caesaris munere Vicarium esse renunciatum. Nondum enim ipsi Mediolanum redierant, sive detenti per aliquot dies obsequiis, & adulatione erga Caesarem, sive ob eam morati causam, ut uno tempore Vicecomites duo, potestatem alter nomenque Caesaris ferens, alter potestati, fastigioque Regum, (si verus esset honos purpurae) aequiparatus, venirent. Venere circa Februarii mensis initium; & interea dum Mediolani pompa adornatur, ad Modociam substitere per aliquot dies: dein exulta in triumphi modum urbe aderant. Nullos tamen reperio Clericorum ordines processisse obviam, quia scilicet factum ab falso Pontifice Cardinalem, ut credere velim, abominabantur. Id utique notasse debui, quia, cum Modociam antea proficiscerentur, totum eum cum populo Clerum obviam fuisse, scriptores retulerunt, nec tale quidquam in describendo ad Metropolim ingressu iidem addidere.

B Per hunc modum restituto Civitatis regimine, cui Mediolanenses utcumque jam assuevissent, Caesare absente, Vicecomitibus post gravem casum ad novae fortunae principia mansuetis, & modestis, si non tota quies, certe nec violentia extrema Mediolani erat: Monfortioque, etiam illo digresso ab Urbe, violente minus agitabantur sacra falsi Pontificis studio, cujus propugnatorem acerrimum eum fuisse demonstravi. Nondum annus C exierat ab reditu Vicecomitum: Urbeque in pristinum statum redacta, cum male gerenti in Hetruria rem Bavaro, negotiisque illic admodum infidis tetigerat animum terrae Insubriae memoria, & redire cupiebat huc, oblitus, ut opinor, quale sui desiderium in terra eadem reliquisset. Sive memor potius erat, & quemadmodum deposuerat ipse omnem ex animo fortasse offensionem, ita placatos esse animos aliorum credebatur, quos perculerat nece proximorum, & exilii malis, & pecuniae fortunarumque damno: quos e summo detractos loco miserat in vincula: quibus dederat venenum, struxeratque simul veneni crimen: quorum denique animos terrore mortis, & excidio domus, & peremptorum fratrum exemplo torserat acrius quam si corpora ipsa peremisset, ne superstitibus inter regia servitia extra patriam traherentur.

D Haec fortasse meminerat Bavarus illata ab se mala Vicecomitum domui, sed quia malefacta deinde beneficiis emendarat, ideo cessasse priora postremis, praesentisque jucunditate fortunae veterem oblitteratum esse sensum autumabat. Atqui non ea plerumque moderatio animi humani est, qui repetens ab ipsa etiam oblivione volvensque iras renovat ipse suos impetus tunc maxime, cum plane defecerunt. Minima saepe res, & homo unus, praetervolansque forte imago, jactumve temere verbum, ceu scintilla aliqua incendia irarum excitavit, quae restinxerat dies opprimeratve gratia secuta offensionem.

E Vicecomites autem isti, quoties ipsi se se numerarent, fratres abesse sibi duos injuria Caesaris videbant. Et quantum abfuisse, ut ipsi quoque dum carcere detinentur, dum sequuntur inimicam aulam, perirent inter quotidianos cibos eodem telo? Quod evasisent, quod inspirarent, Castrucii esse beneficium, neque gratuitum id, sed emptum auro, expressumque amici illius armis. Purpura vero interdum etiam ipsa sordebat profani Pontificis munus, idque multarum mercium aestimatione ac pretio repensum. Ob haec, occurrente animis dolore & ira, saepius injurias quam beneficia Caesaris reputabant: cumque de illius consilio ac cupiditate redeundi suspicati quippiam essent, parabant se se ad prohibendum, eoque apparatu mites & blandi erga civitatem erant. Simul irritus Nicolai Pontificatus vanaque illius auctoritas abolebatur, exolefcebat: sanctior veriorque firmabatur alter, ut novo certamine imminente, paratae adversus Caesarem Cleri etiam & Ecclesiae opes forent. Inde Metropoli rebusque Ambrosianis adimebantur flagitia & labes, quae Vicarius antea Monfortius, & praesens cum exercitu Caesar, totaque ea in Sedem Apostolicam conjurata factio imposuisset. Statuerat Ca-

Caesar ad Modoetiam agere quod temporis moraturus in Insubria erat: ac de consilio eo jam ad oppidanos illos fuerant perlatae litterae significantes, hospitem fore gravem nemini, potiusque commoda & honores additum Reipublicae ipsorum, qualia vel olim munificentia & liberalitate Caesarum acceperant.

Quod ubi compertum Joanni & Azoni Vicecomitibus, mittunt ipsi Modoetiam Bonninum Mantegatium, & Paganum Mandellum; atque per eos monent hortanturque Modoetienses, ut si salvam esse Metropolim, si salvi ipsi esse velint, ne recipiant oppido Bavarum: dolos & artes, perfidiamque ejus in amicos proponunt: se vicissim parata in id instructaque habituros esse omnia, ut ab urbe intercludatur. In id hac data fide & accepta, simul ad Modoetiam, simul ad urbem munimenta quaecumque noverat illa aetas, Bavarum adventanti opponebantur. Ille relicta in Etruria Episcopo Arretino: quem Mediolani antea coronationis impiae participem fuisse demonstravi, reversus in Insubres, cum ad Padiripas pervenisset, sensit in hostico se esse. Navigium namque nullum trajiciendo flumini repererat, pontonesque ad certa loca publico sumptu parati semper alias in viatorum trajectus, nunc apparere desierant. Id suspicandi principium, & pacati nihil ea res ostendebat.

Trajecere tamen aegre repertis vadis equites: caeteri conjectis in utres vestimentis, sive prompta ad id materia fabricatis alveis informibus, qui aquae utcumque innare possent. Quo magis deinde procedebat exercitus, eo infestiora omnia reperiiebantur. Nihil pecoris, aut frumenti, reliquive commectus in agris: & homines ipsi commigraverant in urbes munitas, ut vasta desertaque cuncta tamquam infestissimo venienti hosti relinquerent. Attonito sic agmine, Caesar attonitus ipse progreditur, etiam percussus magnopere hoc ipso, quod ab Vicario suo Vicecomite nullos interea occursum invitationemque nullam, honorificum aut hospitale nihil adesse videbat: profecto, rebellionem, ultionem, duellum, pericula adesse; & sero jam ipse considerare coeperat capitalissimas in animo humano recordationes injuriarum, maleque ullis meritis iniri gratiam homine ab illo, quem olim oblitus gratiae meriti que omnis infestatus fies. Dubitandi finis fuit, ubi baleares funditoresque aliquot Italici generis, quos in exercitu Caesar habebat, digressi agmine transfugere Mediolanum: & quotidie Germanorum etiam aliqui illuc ad stipendia opulentiora ibant.

Obfirmaverat tamen Bavarus animum in eam sententiam, ne stringeret gladium, priusquam ab Modoetia se se exclusum videret. Igitur ab Laude Pompeja (regione enim eaterenderat) citato profectus agmine Modoetiam, exhorruit illico, non ob clausas tantummodo portas dispositosque in moenibus armatos, sed etiam, quia intumescere repente Lambro flumine ob immodicos imbres, & extra ripas diffuente quantum antea nunquam, nullo modo potuit ab ea parte succedere ad arcem: idque apud eos qui tunc erant homines, Baptista miraculum habitum est, cujus numine defensum id oppidum aliquando etiam alias fuit. Tentatis inde Caesar aliquamdiu per colloquia oppidanis, postquam modesti nihil respondebatur, cernens ex ejus oppidi munitis & contumacia, qui animi, quive apparatus ad urbem essent, conditionem omnem accepturus erat, alicubique quieturus si transigere honeste posset.

Qua cognita per transfugas animi ejus inclinatione, Joannes & Azo, tributum annuum & praesentis pecuniae modicum quid obtulere ei, si quod antea concessisset Vicarii munus atque potestatem novo firmare diplomate, & abire vellet: exstatque diplomam magnificum verbis, inanere ipsa, quia Sedis Apostolicae hostis, praeque coronatus & anathemate illigatus Caesar ille erat. Caeterum ea res, quod Bavarus ab urbe rejectus fuisset, Pontificem Joannem Metropoli Vicecomitibusque placare coeperat: atque id fuit initium auferendi turpia vincula Clero Ecclesiaeque Mediolanensi, quae ad eum diem adstricta civitas tenebatur. Inchoata quin etiam ejusmodi reconciliatione, Cardinalis Joannes abdicavit

ea ultro dignitate falsa, riteque ac iuste nominis ejusdem honorem a vero Pontifice impetravit, & Novariensis insuper Episcopus ab eo est creatus. Per haec & alia fortunae incrementa Vicecomites excitati rursus: & firmata novis opibus potentia excoluit Azo urbem operibus, quorum magnificentia ne nostrae quidem aetati sine admiratione fuit.

Neque profana tantum illi curae erant. In Palatio, quae nunc Regia est, D. Gothardo Aedem posuit, secutus id nomen eamque religionem, propterea quod magnis ipse articularum doloribus laboraret. Templum autem ipsum ornavit Sanctorum reliquiis, & omni sacrae suppellectilis apparatu, non ad usus modo quotidianos, sed ad magnificentiam quoque & splendorem. Ac, ne qua hominum injuria, quantum in praesentia provideri posset, noceret ei sacrae suppellectili, quidquamve auferret, describi singula vasa, & appendi iussit: omniaque cum suo quodque pondere & figura in publicas tabulas ex ipsius auctoritate Pontificis relata sunt. Quae quidem litterae repertae postea in tabulario Cardinalis Joannis, & annalium memoria custoditae, credere cogunt, fuisse Azonem in Ecclesiae rebus magna diligentia & pietate: referamque ego seriem ipsarum, prout exstant. Ea est hujusmodi: *Azo Vicecomes exstructa D. Gothardi Aede posuit ibi argentea vasa haec, attribuitque templi custodibus coram Omnibeno Cardinalis Joannis cubiculario, & coram Antistite Fratrum Minorum: Calicem argenteum cum patella pondo marcarum octo, unciarum septem. Calicem alterum argenteum orbiculato opere & encaustico cum insignibus gentilitioque stemmate Sabaudiae Ducum, Vicecomitumque Gallurae: pendit marcas treis, uncias sex. Calicem tertium incisa pietatis figura, marcarum sex, unciarum septem. Calicem quartum opere circinnato. Crucem parvam inauratam pendente ex ea Christo Liberatore. Crucem alteram e crystallo cum emblematis argenteis inauratis sigillisque pluribus. Crucem ex electro simili artificio fabricatam. Formae majoris crucem marcarum XX XII. unciarum XI. totam ex argento ad collocanda Altaris mysteria in Tabernaculi formam. Crucem aliam argento solidam inauratam collocandam in ara cum pedamento cymatisque & leunculis quatuor insignia Vicecomitum ferentibus. Sitellam argenteam in aquae lustralis usum. Acerram argenteam servando thuri, adolendae arae. Acerram alteram e Crystallo. Crystallos urceolos duos argento caelatos. Patellas duas argenteas. Patellam ex jaspide. Candelabratraria crystalina caelata argento. Quatuor argenteos vultus quos Azo conslandos curavit, ut repraesentarent ora virginum inclytarum, quae Ursula duce amplexae Christi fidem, barbarica tormenta contempsere.*

Praeter haec argentea vasa suppellectilemque posuit in eadem Aede Azo multam pretiosam vestem, ad sacra facienda: resque singulas Gufredolus Pusterula litteris consignavit eo fere ordine quo retulimus. Hoc fere tempore, quo sacram D. Gothardo aedem extruxerat ornaveraturque Azo, Cardinalis Joannes Episcopusque Novariae exercebat animum ad curam cogitationemque hanc, ut ab Novariensi Ecclesia ad Mediolanensem transfiret. Pulcrum scilicet videbatur, in eadem urbe regnare familiam eandem utroque dominatu, si sacra patruus, profana fratris filius administrarent. Et invitabat occasio jamdudum exsultantis Archiepiscopi Aicardi, qui propter factionum certamina nunquam in sua confidere sede potuisset. Nec ipse fortasse jam magnopere venire in urbem curabat, in qua Domus eadem auctis opibus dominaretur, cujus potentia fuisset exclusus. Agitata res per idoneos homines, communesque amicos ita convenit, ut Ecclesiae commutarentur, traderetque Joannes Aicardo Novariensem: hic Mediolanensem Joanni, pensionem interposita mille florenorum nummum. Quae pacta conventa cum Pontifex Max. rata habuisset, Aicardus Novariam, Joannes Mediolanum, alter auctus honore, alter diminutus, concessere. Venienti Mediolanum Archiepiscopo Cardinalique Joanni obviam egressi Ticinensi Porta sacri ordines certavere gratulatione, & pompa cum nobilitate populoque universo, & Azonis ipsius aula, quae diei laetitiam ejus effusissime celebravit. Is autem dies fuit ad XIII. Cal. Februar. anni

ni c10 cccxxxiv. Quo die Aicardus etiam ab Novariensi Clero populoque est acceptus.

Exstruxit Archiepiscopus Cardinalisque Joannes proprias sibi aedes, quae postea domicilio Canonico- rum attributae fuerunt, & via hodie interjecta ab Regia dirimuntur. Regiam ipsam Azo aedificaverat, qui etiam propugnacula mutulasque addidit moenibus urbis, & pomœrium, hoc est, omne spatium circa muros, ab omni alio aedificio vacuum fecit. Restituit idem Marianae Aedis turrin verustate collapsam: induxitque aquas in urbem, quae per Nilum & Cloacam maximam lutulentae hodie & sordibus inquinatae decurrunt. Fere sub eos dies, quibus permutatio Ecclesiarum facta erat, veneratque Mediolanum Archiepiscopus Vicecomes, mortuo apud Avenionem in Gallia Pontifice Joanne, suffectoque in ejus locum Benedicto, Canonici Modoetien- ses in spem venire, posse ab hoc Pontifice, vel propter inclutam ipsius pietatem, vel ob novi summi- que honoris gratulationem impetrari, ut referri Modoe- tiam ejus Basilicae thesauros, qui Avenione adservaban- tur, juberet. De ea re, primum omnium retulere ad Cardinalem Archiepiscopumque Joannem, ejusque opem implorare. Nimum diu vetustissimae religio- nis Basilicam caruisse ornamentis illis: squalere sacros parietes: imminutam esse populi pietatem, templi quo- que cultum: & sacerdotes ipsos minus alacriter jam, & minus religiose convenire ad canendas preces, quia san- ctissimi sui Tutelaris monumenta illa esse apud alienos ingemiscant. Ne Tutelarem quidem ipsum arbitrari pe- rinde atque olim adesse sibi propitio ac praesenti Numi- ne, quia spoliata esse Aedem sinant thesauris, pro- pter quos antea invasebatur. Potuisse, dum belli tumultibus Italia permisceretur, ferre desiderium, atque thesauros ibi finire esse, quo minus pervadere licentiae militaris posset. Nunc pacatis omnibus, & reddita per Italiam securitate, aequum videri, ut restituatur etiam Modoetien- si Basilicae suum decus.

Haec, & alia, cum exposuissent Archiepisco- po Joanni Canonici Modoetien- ses, peterentque ut legationi, quam super ea re missuri essent, vellet auctoritate sua ipse addere honorem. Annuit libens, suoque & Principis Azonis nomine ire, legatos jus- sit. Iere ex Collegio, Gratianus Arona, & Francis- cus Liprandus cum litteris ad Pontificem, ut sciret Ca- nonicos esse Modoetien- ses ipsos, & petendi thesauri causa missos ab Archiepiscopo simul, & ab Azone Prin- cipe, & ab suo ipsorum collegio. Addita supplex obse- cratio, ut beatissimi Pontificatus initio, Christi Vica- rius annueret piorum hominum votis, & thesauros, quibus tamdiu caruisset inclyti nominis Basilica, referri illuc, unde per injuriam ablati essent, vellet. Alteras quoque litteras attulere ad Principes aulae viros, quo fa- ciliores apud Pontificem aditus invenirent: & Joanni praesertim Cardinali Columnae commendabantur. Is Canonicos ad Pontificem introduxit, exposuitque quid petentes venissent. Benigne sunt auditi: sed responsum, verborum comitate magis, quam exitu rei gratum ac- ceperunt. Haec enim verba Pontificis fuere: velle se quidem, ut thesauri, quorum causa venerit honesta & sacra legatio, restituantur in suam sedem: sed nondum maturum ejus rei tempus advenisse. Fore se in tempore memorem eorum postulati, litterisque Vicecomitum be- nigne rescripturum. Ea cum dixisset, dari sibi litteras jussit continentes publicam auctoritatem & actionem, qua thesauri olim ipsi traditi, & depositi apud Anti- stitem Canonicosque Templi maximi Avenionensis fuissent.

Cum traditae essent litterae, Canonici pro re ipsa spem incertam ferentes redire domum. Anno sal. c10. cccxxxv. legatio haec ierat, redieratque. Anno, qui se- quebatur, Archiepiscopus parta per Luchinum fratrem ad Parabiagum victoria, posuit in loco praelii nobile templum D. Ambrosio parenti urbis: eique templo ex Victoria ipsa cognomen fuit, & instituit, ut Decurio- nes urbis cum Praefecto quotannis mitterent ad id tem- plum ampla dona, quae monumento essent, praesenti

A Divi ejus ope servatam urbem. Memorant, in medio pugnae ejus ardore, speciem quamdam obversatam esse omnium oculis, tamquam D. ipsum Ambrosium equo insidentem flagelloque insequentem hostes viderent, eo- que terrore contrariam aciem esse dissipatam.

B Azo postea ipse moritur in medio aetatis flore, non sine sacrorum etiam ordinum luctu propter unicam ejus viri religionem, & beneficium largumque animum erga res Ecclesiasticas, quas pari cura cum Joanne Archiepi- scopo tutatus fuerat. Sepultus est in ipsa D. Gothardi Aede, quam sui Principatus initio ad orientale Palatii latus excitarat. Ac ducente funus Archiepiscopo pa- truo, Clerus adfuit universus, neque vocatus ille, ut adfolet, sed ultro effusus erga Principem studiis, & pie- tate in eum, qua funeris etiam horas, ut fama est, an- tevenere. Per Vicecomitis hujus tempora Mediolanen- ses bellum gessere cum Joanne Rege Boemiae qui Tri- dento ab Urbe Brixiam in Cenomanos cum descendisset, peregrini nominis favore, & novarum rerum ille- cebra quadam apud inquietos, pleraque Insulbrum ad- junxerat sibi, & repentinus prope ille Longobardorum Rex aliquamdiu erat. Adversus eum Regem cum Scali- gero, cum Gonzaga foedus initum: divisae foederis lege cum Regulis urbes, quae Metropoli, quaeve parti alteri victoriae praemium forent: Bergomum, & Cre- mona, & Vercellae, & Placentia, & Laus Pompeja, & Brixia, & Comum, dejecto barbaro, casibusve, & pactationibus aliis in jus ditionemque Mediolanensium re- ductae: Nec sine clade exercitus nostri cum eo hoste di- micatum: Teuthonesque interea ipsi aliquando moeni- bus urbis insilitere.

C Quae omnia, cum auspicio consiliisque Azonis ad- ministrarentur, clarum ejus nomen etiam apud externos fuerat: & quando caput huic urbi esse unum oporteret, rerum ei summam permiserant haud illibenter. Fortuna Principi, sicut publice laeta, ita impropera privatim fuit, ob domesticos hostes, Ludrisum, & Marcum: quorum ille, post conceptas semel in patruelis fortunam iras, manserat implacabilis, & collectitii ductor exerci- tus irrumpere in urbem tentarat: hic florenti domui in- festus, dein ob Caesaris injurias adducto ad misericor- diam animo, rursus, postquam laeta redierant, atrox, non tam imperio, quam vitae fratris erat insidiatus. Et uterque, rerum exitu infelices, captivus alter ad Pa- rabiagum, in praelio, alter in tentati sceleris poenam ex palatii fenestra praecipitatus, lugubrem ei Principi de suo sanguine victoriam exhibuere. Etiam funestum aliud sui sanguinis flagitium dedecusque viderat Azo, ortum ab Marci ejusdem libidine simul & saevitia. Namque is, Biciam Othorini Vicecomitis patruelis sui uxorem cum ad se pellexisset, inclusamque ad Rosatum arci subdidisse sibi partum comperisset: ipsam, & infantem, & furti ministram ancillam dejecerat e fenestra in fossam castello circumjectam: idque incestuosum, & crudele facinus Principem affecerat moerore. Nam praeterquam quod erat ipse natura inimicus omnium inhonestarum rerum, etiam impositam ab Bicia illa impudica labem familiae suae videbat.

F Agebat octavum trigesimum annum Azo tunc cum est mortuus, communi statura, crispante capillo, ju- cundus ad spectu, facie vergente ad rotundum, si nu- mismati fides, quod ista scribentes ante oculos habeba- mus. Postquam Azo nulla relicta liberum stirpe decessit, non dubitavere Ducuriones & Principes urbis Mediolani, quin regimen arbitriumque rerum ad Joannem Archie- piscopum deferrent: fratremque ipsius Luchinum impe- ri legem nominavere. Sed Joannes Luchino permi- sit omnia profana, statumque civilem voluit in ejus esse potestate: sibi satis grave onus Ecclesiae gubernationem esse agebat, & crebrae voces illius audiebantur: Non esse mentem unius tantae molis capacem: male conjungi sacra cum profanis, & fratrem Luchinum melius Repu- blicae munia divisibilibus rebus exsecuturum. Haec verba Pon- tificis erant. Caeterum non abstinuit, quo minus, & consilio, quandocumque res ferret, & auctoritate adju- varet Luchinum imperiumque commune duorum fratrum fuit.

fuit. In quibusdam etiam annalibus, ommissa Luchini mentione, perscriptum Joannis Principis, & Archiepiscopi nomen inveni.

Contaminavit hujus initia Principatus Insubriamque fere totam simile monstrum ei, cum infamis Gulielmina sanctitatis opinione alliceret mortales, stuprisque & adulteriis illigaret, idque flagitium, Archiepiscopi Joannis providentia, consilioque, & auctoritate discussum fuit. Corrigiosior est in Cremonensium finibus vix noti nominis pagus antea, sed malae famae post unius feminae scelus, quod memorabo. Adolescentula ibi quaedam loco nata obscuro forma fuit eximia, totoque corporis habitu, & gratia morum ac venustate, quales corporis animique dotes in agresti illa nobiles etiam feminae cum invidia & admiratione sermonibus ferrent. Auxerat hanc sui admirationem honestatis fama, & fama mox alia, tamquam partaesa excelso animo cupiditates & vota feminarum aliarum, novis sese votis obligasset, atque virginalis decus in magno expetentium sibi tale matrimonium ambitu, servare intactum vellet. Adspersa muliebrem mundum, quem parentes laeti virginis indole & forma, supra fortunam etiam praebebant, coeperat uti cultu atro & exoleti, psallere domi nocturnis horis: uti junctis macerare corpus: uno verbo, sanctimoniae exemplum perditam adolescentula erat.

Et cum ita viveret, non forma, non decor pristinus ille elanguerat. Credidere vulgo, non fuisse ea simulata imitamenta sanctitatis, & coelesti fortasse flamma tactum illud simplex initio purumque pectus exardescere sic ad veram pietatem. Ipsa interim illigata occulto sacrilegio Clerici unius impure scelerateque agebat, & aliquamdiu nihil aliud inter eos, quam flagitiosa consuetudo stupri erat, nihil tale suspicante hominum fama. Postea, satiata ac taedio sceleris ejus, vel quia feliciter latebant, nihil jam artibus esse suis impervium existimantes, impura mulier cum Clerico impuro prodire velut vitae sanctioris auctores in publicum decrevere. Progressi audacter compositique palam ad omnem imaginem severitatis, in arcano viventes arbitrati suo, concionantesque passim, effecere aedificiarum ad decem fere millia. Hi nihil honesti privatim agentes, in hominum conspectu verberabant sese, ac seminudi incedebant: & societas illa officina scelerum omnium erat. Late pervagati caeteras Insubrum urbes, in Metropolim quoque penetrant, & magnae generis ejus corruptelae Mediolani jam fiebant. Dissecta sunt ea quoque Bacchanalia per Archiepiscopum Joannem, & ejus monitu Cremonensem Episcopum impurae sectae auctores in urbe sua comprehensos damnavit igni. Principum postea virorum precibus ei poenae fuisse ereptos memorant.

Eodem tempore scelus aliud Mediolani exstitit insidiantium utriusque Principis vitae, quorum exitus fuit ejusmodi, ut ingemisceret Civitas pertinaciae eorum, & furori, cum quo addictas sempiternis ignibus animas inter supplicia corporum efflavere. Numquam enim, cum tormentis lacerarentur, adduci potuere denuntiatione ulla, precibusve, & solitis hortamentis, ut salutare Christi nomen pronuntiarent, sive ut erigerent animum ad futurae vitae cogitationem, qua obstinatione meriti sunt, ut post supplicium inhumati laniamenta corvis relinquerentur.

Franciscus Pusterula erat favore Vicecomitum provectus ad opes, quas non facile Mediolanensium ullus aequaret, & parem opibus in aula gratiam auctoritatemque obtinebat. Hic, sive offensione accepta aliqua, sive, quia satietas, & deinde odium capit etiam aulicos homines, cum a Principibus suis omnia acceperunt, non minus profecto quam Principes ipsos, postquam omnia dederunt: hic igitur, Vicecomitem tollere utrumque agitavit, & sacram profanamque aulam vacuam dare, si destinata prospere successissent. Fratrem habebat nomine Julianum consilii hujus participem, & pro necessitudine ac caritate fidem sibi ad omnia sicut ipse arbitrabatur. Per eum adjungit sibi Galeacium & Bernabovem, & Pallam, & Martinum Liprandos fratres: Borolum quoque Castelletum & Beltramolum Amicum, auctos item

A omneis Vicecomitum eorumdem beneficiis, & post beneficia nihilo amabilius cogitantes. Hi simul omneis conjuravere ut Principem utrumque interficerent, & nihil jam aliud quam idoneam tanto facinori occasionem exspectabant. Interea Julianus, incertum, levitate animi, an erga Principem, fide, an vero etiam a fratre offensus, rem aperuit Alpinolo Casato, hic Ramengo fratri, & statim res coepta divulgari.

B Quod ubi Franciscus ipse conjurationis princeps, negotium ire per ora hominum sensit, sublati repente rebus aufugit. Postquam ille non comparebat, Alpinolus, & Ramengus, id quod antea reticuerant, detulere ultro ad Vicecomites: petita prius venia, ne sibi fraudi esset quod deferre cunctati essent. Ita conjurati reliqui, misso protinus milite praetoriano comprehenduntur, atque conjiciuntur in vincula, primoque tormentorum adspectu rem confessi, reductis in publicum bonis, fame perimuntur, quae supplicii foeditas adspersisse Joannis Pontificatui labem est visa. Et hi quidem, Christiano tamen ritu expiatis animis, inter lentae mortis spatia non periisse morte altera crediti sunt: Franciscus Pusterula cum filiis duobus deprehensi apud Pisas, & Mediolanum raptati aeternum periire, cum divinarum salutariumque rerum mentionem omnem inter supplicium adspersati essent. Alii, non Pusterularum hanc fuisse calamitatem tradunt, sed Beltramoli cognomine Amici, qui fuit unus e conjuratis. Hic propter caeteram suam indignitatem, sordidumque genus, a Principe Luchino reservatus in carnificinae ministerium, cum lancinasset strenue corpora nobilium virorum, praemium navatae operae id exspectarat, desponderatque sibi, ut salvus ipse dimitteretur. Sed Principem multa simul in illud vile caput asperabant: sordes hominis, male collocata in eum beneficia, pudor ob nutritum domi proditorem, & quod eum ab cellae vinariae doliorumque praefectura productum extulisset in aulam, ibique mutata veste bajulum consiliis ac negotiis immiscuisset: qualis infamia dominantium, neque tunc coepta est spectari, neque desita.

D Tot simul indignitates, & suae denique sensus indignitatis in eo extolliendo homine accenderant Vicecomiti animum, ut postquam carnificem eum fecerat infamaveratque spurco ministerio, carnificis etiam alterius manu suspensum injectoque pede praefocatum exhibere populo statuisset. Addita insuper proditori bajulo ignominia, quae gratissima spectantibus fuit. Ad furcam, quae posita ei separatim extra urbem stabat, traxere illigati asini toto colligentem corpore coenum, & sordes, per quas trahebatur, incussoque, & devoluto per saxa capite cruentantem vias. Caeterum, ego non affirmaverim supplicii ne acerbitate illa, an impia stoliditate contumaciaque hominis factum fuerit id quod non sine moestitia, & horrore ego referam. Memorant perstitisse in eo, ut ab Sanctae Crucis adspectu proterve rictum averteret, ingerentesque sese hortatores conspuerent sub ipso carnificis pondere, cum ab eo calcante humeros damnata Orco anima exprimeretur. Quod portentum abominati Magistratus vetuere tumulo inferri cadaver, vetuere deduci patibulo, pependitque inde, donec ipsa dies, & pabulis ejusmodi volucres assuetae absumerent quod pendebat, quodve fluebat in terram. Punita in hunc modum conjuratione, minime tamen laeti Vicecomites erant, teterque & horrendus exitus Beltramoli Amici ceu prodigium aliquod civium animis haerebat. Plena urbs timorum & suspicionum, tum apud Principes, ne pars minima insidiarum detecta esset, tum apud conjuratorum propinquos, & necessarios, ne participes fuisse consiliorum existimarentur. Suspensamque, & sollicitam ita Civitatem insuper moeror ille aggravabat, quod inchoata, ut dixi, post rejectum ab Urbe Bavarum, reconciliatione cum Pontifice Maximo, nondum tamen ea res perfecta erat: nondum absoluta Civitas interdicti poena, quam Pontifex Johannes ob admissas aemuli Nicolai temporibus culpas inflixisset.

Vercellinus erat ex Vicecomitum genere vir pius, nec ulla sui parte indecorus Domui, quae jam patriae sese domi-

minam fecisset, quamve sacra nunc, & profana omnia praefidem & moderatricem intuerentur. Moerens iste gemensque tali rerum statu petiit ab Archiepiscopo Joanne, ut ad Pontificem Max. Legati de absolutione mitterentur. Missi sunt Gulielmus Calix, & Leo Dugnanus, & Massinus Sampson cum precibus hujusmodi: Ne Christi Vicarius Metropolim Ambrosianam, & Vicecomitum Domum temporum necessitate prolapsas, divino nunc beneficio resurgentes ad obsequium, pro paterna sua erga omnes benignitate repudiaret. Si contumacia coacti aliena deliquissent forte aliquid, tanto promptioribus animis obediendo & obsequendo, id ipsum esse correcturos. Pontifex Max. reconciliandae tantae urbis occasionem amplexus, de ea re ad Senatum retulit.

Patres relationem accepere laetis animis: factumque decretum de pace cum Vicecomitibus in eunda restituentaque Metropoli in veterem sacrorum usum, & piacula dicta urbi sunt hisce verbis: *Populus Clerusque Mediolanensis, & corporis utriusque Principes, propterea quod publico consilio desciverunt ab Ecclesiae Romanae auctoritate, Bavariumque Sedis Apostolicae rebellem, & Pseudopontificem Nicolaum propugnare aliquamdiu voluerunt; nunquam amplius talia esse facturos promittunt, & quidquid antea commiserunt, errore humano, & improvido casu, violentiaque imperitantis esse commissum quam sancte affirmant, & Pontifex Max. annuit paternae suae clementiae, & facilitate, ut ea sicuti dicuntur, credat. Id ut manifeste constet apud eos, qui nunc sunt homines, aliosque post saeculis erunt: jubet hosce Mediolanenses exstruere publico sumptu sacella duo, quae poenitentiae obsequiique ipsorum erga Sedem Apostolicam sempiterna monumenta esse debebunt. Ea porro sacella dicabuntur D. Benedicto & exstruentur in Divi Ambrosii Aede: annuis ad sacra faciunda vectigalibus instruentur: Sacerdotes utrumque suos habebit: anniversario D. Benedicti die res divina fiet ad ea sacella solenni ritu, eique Sacro Praefectum urbis aliosque Magistratus interesse oportebit. Eo die duobus millibus pauperum benigne fiet Reipublicae Mediolanensis nomine: singulos panes singuli accipient: unciae duodenae tritici singulis panibus inerunt. Haec omnia si faxint Mediolanenses: tum vero, sicuti majores ipsorum, cari filii, & servi fideles Apostolicae Sedis erunt.*

Facta omnia, sicuti Romanus imperarat, Ecclesiaeque Ambrosianae pax data. Pontifex quin etiam ipse Benedictus, biennio post, Mediolanum venit, estque acceptus, non ea modo, quae Pontifici Max. debebatur magnificentia, & gratulatione, sed etiam effusiore quodam studio, quasi liberator urbis, & Vicecomitum domui fundator Principatus. Nam antea, fluctuantibus, & incertis Ecclesiae rebus, imperium quoque esse incertum, & anceps oportebat. Etiam Archiepiscopus Joannes, licet ab Novariensis Ecclesiae Pontificatu ad Metropolim Ambrosianam rite atque interposita summi Pontificis auctoritate transfisset, eaque Vicecomitis cum Aicardo exsule permutatio legitima Ecclesiarum haberetur, nulla tamen de ea re publica monumenta, nullumve diploma proferre Apostolicum poterat, & mancus ab ea parte Pontificatus erat. Datae sunt ab eodem Pontifice litterae, quae commutationem ejusmodi sancirent Apostolicae Sedis nomine, ratamque haberent. In coreconciliatae gratiae fervore, spes facta est Archiepiscopo Joanni etiam impetrandi rem antea nequidquam agitatum, ut scilicet thesauri illi Modoetienfes referri illuc possent, unde ablatis olim fuerant, & variis in aliena terra casibus jactati.

Vocatis igitur ad se Canonicis, Archiepiscopus, cum sua de thesauro recuperando consilia, spemque de care conceptam exposuisset, jubet eos perferre ad se exemplum litterarum quae singulas thesauri partes exscriptas atque exsignatas continebant, prout scilicet sanctae eae tabulae fuerant, tunc cum thesauri ipsi ab Joanne vigesimo altero Collegio Avenionensi custodiendi traderentur. Postquam attulere Canonici Modoetienfes earum litterarum exemplum, subsignavit Archiepiscopus id exemplum sua manu, tabulaeque publicas ejusmodi subsignationis iussit confici per Petrum Vercellensem, qui ipsi A Actis erat. Has litteras, aliasque commen-

A datitias tradidit Joanni Baldirono Modoetienfi, qui profectus Archiepiscopi Municipiique sui nomine sine mora Avenionem, facile a Pontifice Max. impetravit, ut referri Modoetiam thesauros annueret, eosque anno millesimo trecentesimo quadragesimo quarto, die, qui Sanctae Crucis inventioni sacer erat, traditos esse Matthaeo Veronensem Episcopo, reperi in urbis ejus annalibus: ab eo transmissos esse Modoetiam in eadem arca, in qua conditi fuissent, cum Avenione affervarentur. Alii, non statim eos esse transmissos tradunt ab Episcopo Veronense, sicut retuli, sed Episcopum, postquam sibi traditi fuissent a Pontifice Max. misisse de ea re litteras ad Archiepiscopum Joannem, ut diceret ipse, quid fieri vellet.

B Archiepiscopi deinde iussu Canonicos misisse Gratianum Aronensem e suo Collegio: datas huic ab Archiepiscopo simul, & Luchino litteras, quae legationi fidem adstruerent, missumque cum eo Guidum Calicem Principum ipsorum nomine, quo plus etiam auctoritatis postulato esset: legationem hanc Mediolanum rediisse cum thesauro, & ad vitanda latrocinia protectionem expectasse legatos, quem Pontifex in Apuliam ad coronandum ibi Regem mittebat. Caeterum, si missi statim thesauri Mediolanum fuerint ab Episcopo Veronense, si missis Avenionem legatis relati domum, illud constat: Archiepiscopum Joannem, simul atque arcam in potestate habuerit, una cum praecipuis e Clero processisse Modoetiam, atque ibi singulas res in ara maxima collocasse sua manu, prout a ministris ex arca depromptae ordine in manum tradebantur, remque testamento descriptam sicuti gesta fuisset: scribas, Petrum Vercellensem, & Othorinum Niguardam fuisse. Si velim ego in historico hoc opere praetermittere quidquid Archiepiscoporum Principumve posteris, minus fortasse placitum credam, ne honesta quidem, & gloriosa fidem habebunt. Et memorari tristes ambiguae domorum casus oportet, ut magna earundem decora, magnisque consiliis & virtutibus administratae res cum fide atque auctoritate accipiantur. Perculit enim hoc tempore Vicecomitum domum casus inhonestus, de quo Bernardinus Corius refert, proximus memoriae temporum eorum scriptor: referamque ego, quia notabile custodiendis matrimoniis exemplum erit, & quia calamitas ea perpetuum Archiepiscopo Joanni moerorem attulisse visa est, ob labem quae sibi imposita per mulierculae unius intemperantiam videbatur.

Fusca Flisca, quam alio nomine Isabellam appellabant, erat Luchini Principis uxor, nullius quidem ante flagitii comperta, sed procacioris semper cultu, quam honestam matronam deceret: concursatrix eadem & vaga, & amica celebratum omnium, quod ferme muliebri malum est. Haec mulier, cum audiret celebrari sermonibus ejus caeremoniae apparatus, qua Venetiis sacro Adscensionis die, darentur nuptialia dona Pelago, mira cupiditate exarserat visendi spectaculi ejus, facileque ab Luchino conjuge impetravit, ut cum feminarum aliarum grege illuc usque deportaretur. Elegit ipsa quas voluit ex familia sua, caeteraque nobilitate multas adultas virgines, & matronas, quibus forma virginum duraret, eique mulierum turbae, sexus virilis nobilitas aggregaverat se se, siue erga Principis uxorem obsequio, siue juvenilibus quisque studiis erga muliebrem eum comitatum. Ad Laudem Pompejam paratis instructisque navibus commiscere se se flumini: ac ne singulos exsequat muliebris agminis incessus & dedecora omnia: Corii verbum hujusmodi est: dormitasse cum Ugolino Isabellam uxorem Vicecomitis, caeteramque turbam virorum, & mulierum nihilo honestius inter se egisse. Negotium fuisse tam effrene, & incautum, ut antequam peregrinabunda illa multitudo cum Duce sua rediret domum, nosceret suam unaquaeque domus calamitatem: ac postquam redierant, parante Luchino venenum in adulteram suam, anteverterit ipsa maritumque sustulerit. Creditum id publice dictumque est: nec caeteri perinde segnes ad vindicandam mulierum suarum impudicitiam fuere: venenique moras adspersati quidam, violenter & palam exercere iras.

Sublato igitur peradulterae uxoris dolum Luchino, imperium, & summa rerum omnium ad Joannem Archiepiscopum venit, & statim exacto in ipsius verba sacramento, cunctae ei obediebant. Mansere autem tunc hae subjectae Vicecomiti urbes: Mediolanum, Crema, Hasta, Alexandria, Alba, Vercellae, Novaria, Bobium, Bergomum, Novocomum, Brixia, Cremona, Placentia, Parma, Laus Pompeja. Hae tunc urbes Archiepiscopo Joanni sacramentum dixere: & res Ecclesiasticae jam hinc civilibus multo magis etiam quam antea immiscentur unica rerum serie & contextu casuum atque consiliorum uno, cum Princeps Archiepiscopusque idem cuncta moderaretur, cunctaque ageret ad regiae prope magnitudinis formam. Translulerat is sedem in Palatium, cujus vestigia juxta D. Georgii Aedem monstrantur in hunc diem: inde jura populis dabantur: Metropolis illuc universa spectabat. Ibi tractabantur foedera, societates, arma, caeremoniae, ritusque sacrorum: potentiaque tanta finitimis etiam Principibus terrori erat: nec nisi quibus amicitia foedusve cum Vicecomite intercederet, stabilem esse sibi fortunam putabant. Itaque Principis Archiepiscopi hujus aula, veluti totius Italiae forum habebatur: ac foedus expetivere cum eo, Sabaudus, & Gebennensis, quae maximae potentiae maximique terroris nomina inter Dominantes erant.

At Genuenses, antea bellare cum Vicecomitibus soliti, & per id maxime tempus irritatis ad bellum animis, exterriti jam, & attoniti tantis opibus, per legatos petiere ultro, ne rem Genuensem in suam ditionem recipere gravaretur, annuitque ille, & Praetorem ei urbi dedit. Caetera pari tenore ac felicitate fluebant augendo Vicecomitum fastigio, & regiae fortunae magnitudinem ea Domus quotidie magis acquare videbatur, cum repente dedecus aliud incescit, quale fordidi quoque penates agricolarum abominarentur, atque contaminatum quemlibet ea labe Principem infra sese despectarent. Namque Fulca illa Flisca, de cujus mulieris impudicitia memoratum est, siue conscientiae stimulis icta, siue infamiae suavitatis, cujus apud ingenia ejusmodi novissima plerumque libido est, publice profiteri non dubitavit, Luchinum, Novellum, & Urfinam, non sicuti vulgo crederentur, esse Luchini Principis filios, sed ex Galeacio Luchini fratris filio, incestuoso congressu prolem eam utramque susceptam. Id, ut ita esse, aequi & iniqui scirent, publicas tabulas de ea re confici voluit: taleque magnae domus ludibrium vidit aetas illa, & miserata est.

Joannes tamen Archiepiscopus excussa post aliquot dies dedecoris ejus verecundia, muliebresque ineptias aequo animo ferendas esse dictitans, augere imperium pergebat, & pulsus ab Bononia Pepulis, urbis ejus potitur. Ac deducta per eos dies Mediolanum Beatrice Scaligera, quae Bernabovi Galeacii filio desponsa fuerat, per nuptiarum earum gratulationem, abducere conabatur suum aliorumque animum ab recordatione prioris flagitii, tamquam integra sponsae ejus fama, thalami jam castiores, & spes novae legitimae prolis, sanguinisque veri Vicecomitum inchoarentur. Exstruxitque etiam inter ea D. Mariae Virgini Aedem ad Garignanum, assignatis in templi cultum fundis, quos & immunes onerum tributorumque omnium esse voluit: eique decreto, & actioni Decuriones urbis adfuere. Sed ob captam occupatamque Bononiam imminabant Romani Pontificis irae Principi simul, & urbi: veterumque etiam offensarum renovata per eam occasionem memoria, simul civitatem jusserat universam carere communione sacrorum & jure, simul jubebat Vicecomitem alterutro regimine contentum, partem omittere alteram, profana, siue sacra mallet. Quae mandata ferens legatus, ubi Mediolanum venit, primo quidem ille benigne ab Vicecomite Archiepiscopo accipitur, & amica erant omnia, donec ad mandata ipsa depromenda oratio coepta est accommodari.

Ut vero triste verbum enuntiatum est, nihil quidem acerbe Vicecomes hostiliterve est effatus: caeterum infenso volvens animo responsum, quod re ipsa, quam verbis atrocius foret, die festo, qui proximus aderat, responsa daturum se, ait, quae Pontifici Max. legatus

referret. Eo die adesset in templo maximo: velle se ibi coram Patria, & coram Parente urbis Ambrosio responsa ea pronuntiare. Statuto die legatus templum ingreditur: ibique Vicecomes re divina peracta, quam apparatissime, sacrificali, sicuti stabat ornatu, confedit ante aram, cumque diripisset ab latere gladium, quo succinctus erat, altera manu crucem tenens, dixit, insignia ea suae esse potestatis, & donec spiritus maneret, cruce gladioque partem imperii utramque defensurum. Iret legatus, & Pontifici suo renuntiaret visa simul, & audita.

Visa res indigna Pontifici, novaque percitus ira, jubet Vicecomitem sistere ad Tribunal Apostolicae Sedis: ni faciat, anathematis poena damnat adhuc hominem, oneratque diris, & Ecclesiae Catholicae hostem appellat. En invero Vicecomes, ad ea, nihil in speciem animo turbato, dixit, iturum se utique, & imperata facturum. Mox duodecim millia peditum, equitum sex jubet esse in procinctu, ut secum eant, majoremque porro numerum armare pergit. Simul, praemissis Avenionem hominibus suis, qui commeatum aliaque necessaria expedirent, terruerat eo apparatu Pontificis animum aulamque totam: & Avenione, tamquam exspectatione novi hostis trepidabatur. Namque curatores illi, qui praemissi erant, emendo frumenta, conducendoque aedes, & congerendo in suas apothecas quidquid uspiam in mortalium alimenta venale proftaret, largeque per omnia pecuniam effundendo, fecerant annonae penuriam, & praebuerant speciem haud dubie cum exercitu suo venientis Regis. Tunc Pontifex, vocatos ad se Vicecomitis homines interrogat, quantum pecuniae ad eam diem insumpissent, illisque proflentibus quadraginta millia florenorum, respondi ex Pontificio aerario summam eam, Vicecomitemque ipsum admoneri jussit, ut ea profectione superfederet, isque superfedit.

Italiberatus etiam ipse non minore cura, quam quae Pontificis compresserat iras, ad urbis, & imperii statum, & disciplinam, atque perpetuitatem domi stabiliendam intenderat animum, reque cum Decurionibus urbis communicata, Municipale jus omne Mediolanensium, quod inter tantas Reipublicae commutationes, tantosque dominantium, & subjectorum casus prope exoleverat, restituit, ac promulgavit, parata ei rei quiete haud tamen in longum tempus. Nam semper postea, corrigere, vel addere aliquid, prout tempora, & res monebant instituere quibus ea providentia in urbe, & potestas, saepeque publici Concilii auctoritate variata res est, donec avorum nostrorum memoria Ludovicus Sfortia suae domus everfor, corpus municipale legum firmavit: alique post eum etiam Principes expoliendo operi curam animumque adverterunt.

Sed initia juris describendi nobis ab Longobardorum temporibus manavere, cum scilicet Justiniani legibus ad eorum adventum urbi nostrae fortasse ignotis, certe non receptis, darentur ab novo, & externo repentinoque dominatu propria quaedam jura, & leges, quae mansere donec id Imperium. Eo per Carolum Magnum deleta, Lotharius Imperator praescripsit instituitque nonnulla, quae beneficiarias praecipue concessiones, & omnia generis ejus jura, terminos, fines, vim, officium, auctoritatemque continerent. Inde post utriusque Berengarii vanas in Italiam impressiones, translatis in Germaniam rebus, dedit quasdam Metropoli leges idem ille qui stravit evertitque urbem Aenobarbus. Ex ruinis vero illis, postquam assurrexere majores nostri, constantia eadem, & sapientia, qua novam ex barbarica strage excitare urbem potuerant, jura etiam condidere sibi, nec semel ad id Reipublicae constituendae munus adjecere animos, conferendo pro se quisque in medium quae saluberrima excogitavissent. Ab Aenobarbi fine, libertate usurpata, deinde inter ipsas Vicecomitum Turrianorumque factiones, decrevere multa, & scivere, quae ne secutae quidem repudiavere aetates, & manent adhuc.

Omnia, quae cadunt in hominum vitam statumque civilem, judicia, lites, pretia rerum, & mercimonia, culpas, & poenas, & quidquid uspiam in communi consue-

tudine esse controversiosum potest, comprehenderunt unico municipalium legum volumine, & capitibus de unaquaque re editis inclusaque in id volumen scena rerum cunctarum, quae inter homines aguntur, sive peccantur, contrahuntur, aut ambiguntur, damna, & injurias, licentiamque omnem inter se mortalium coercere. Quae coerciones, & decreta, retenta diu, & custodita, semperque aucta, & amplificata, cum sub Matthaei denique filiis prope intercidissent, Luchinusque etiam nescio quo spiritu ea sustulisset, ab Archiepiscopo Joanne hoc tempore, sicut dixi, restituebantur. Volebat is ita restitui semel ac sanciri municipalia haec jura, ut abrogari postea tollique sive convelli nusquam possent. Ideo Decuriones urbis excivit ad singula capita recognoscenda, & inspicienda secum: eadem in octingentorum Concilio proposita sunt: eadem adhibitis ex unaquaque urbis regione prudentibus viris agitata, & consultata. Referebant hi ad suos, nec grave Principi, Decurionibusve urbis, Conciliove octingentorum, cognoscere quid super tanta re quisque afferret ac sentiret. Fortasse etiam nobilium familiarum posterum minime adspersati erunt istud quaecumque historiae obsequium, si retulero prudentum virorum nomina, quorum opera, & consilio Princeps Archiepiscopusque idem in ea juris descriptione est usus.

Composuerant primo digesserantque capita, Leo Dugnanus, Signorolus Amedeus, Manfredus Sarazonus, Erasmus Aliprandus, Jacobinus Bossius, Philippus Catiola, Franciscus Bripius, Jacobinus Vibragerius, Jacobinus Panigarola, Beltraminus Gironus, Joannolus Paganus. Hi seriem rerum edidere primi cum praefatione tituloque hoc: Quod Deo optimo maximo gloriosum, Reipublicae Populoque Mediolanensi salutare esset, ipsos eam disciplinam, & ea decreta composuisse regendae civitati, rationemque habuisse, ut ex vetusti codicis auctoritate, ordineque ac praescripto cuncta moderarentur. Jurisconsulti sunt adhibiti, Laurentius Bernadigius, Aramaninus Alemani, Ambrosius Septala, Franciscus Capra, Astolphus Lampugnanus, Franciscus Sulbiagus, Franzus Spanciota, Antoniolus Resta, Ruminus Porrus, Philippus Capellus, Carnarius Mandellus. Singularum urbis regionum homines singulares fuere, Tobiolus Aliprandus, Jacobinus, Petrus & Gremolus Panigarolae, Rogerius Ecclesia, Franciscus Ofius, Rugerius Biffus, Erasmus Aliprandus, Othorinus Burrus, Guidetus Pusterula, Maffeo Morigia, Palea Grassus, suae quisque Portae nomen, & auctoritatem ei negotio addentes: & alicunde bini aderant. Et statum quidem, formamque, & jura civitatis constituerat hoc modo Archiepiscopus, nulla re omissa, quae providenda animadvertendaque esset: negotia vero externa, ob captam, sicuti dixi, Bononiam, haud tam facile constituebantur. Et Pontificis Maximi propter eam rem indignatio, hoc ipso accendebatur, quod repressa fuerat tamquam metu, cum nimirum Archiepiscopus, hostiles illos apparatus Avenionem praemisisset, Apostolico mandato eluso hostiliter ipse subsecuturus. Quo magis ille ardesceret iusta jura, Bononiaque depellere Vicecomitem destinaret, Florentinorum insuper assiduae preces, & querelae efficebant. Nam ea civitas, vetere Guelfarum partium adversus Gibellinos odio, semper infensa Vicecomitum nomini, tantam in vicino urbem habere inimicam, certam Reipublicae suae esse perniciem putans, non desistebat obsecrare Christi Vicarium, ut communem eum hostem dejicere inde maturaret.

Sed in Pontificia tunc aula erat Avenione Gulielmus Grisans Abbas S. Victoris ex Gallica Urbe Massilia, summa apud Pontificem gratia, & auctoritate, qui postea fuit Urbanus Quintus. Demonstrando is magna pericula belli, & difficultates, exitumque ancipitem, tum Pontificis ipsius ad quietam consilia vertebat animum, tum Florentinorum querelas elevabat. Eos damnis odiisque suis irritatos trahere velle secum Apostolicam Sedem, non eadem decora Sedi Apostolicae, & populo uniturbulento. Quin potius via aliqua commodior iniretur: ac

A se se interea pacis agitandae internuntium offerebat, exitu fortasse meliore, quam quo internuntii priores redissent. Itaque Mediolanum ipse mittitur repetendae Bononiae, & agitandae pacis mandataque libera afferebat, ut salva Sedis Apostolicae dignitate transigere posset etiam re infecta, quae negotii erat caput. Fortasse alia quaedam etiam occulta pacta, sermonesque fuere occulti inter legatum eum Abbatem, & Joannem Archiepiscopum, quibus sermonibus & pactis negotium mutuo & arcano consensu composuere impeditum illud, anceps, deteriusque semper factum dum agitur.

B In praesentia nihil aliud ex eorum colloquiis, totaque negotiatione arripere potuit hominum solertia, nihilve postea aliud vulgavit cuncta nudans dies, quam ea ipsa quae in media luce palam agebantur. Haberet sibi Vicecomes urbem Bononiam, ipse heredesque ejus, ac testandi causa, juris eam esse Pontificii, dena millia florenorum quotannis Apostolicae Sedi tributum ferrent. Coleret pie ac religiose Vicecomes Apostolicam Sedem, & Pontifices ipsi vicissim Archiepiscopo Mediolanensi, domuique Vicecomitum faverent paterne, ac benevole, siquidem fide atque obsequio merita esset. In eas condiciones pax convenit, & Archiepiscopus Mediolanensis Princeps Bononiae appellatus. Urbs liberata Apostolico interdicto: quae poena temporibus illis toties irrogata Metropoli, toties ablata, mirari cogit, aut tam pronam fuisse Civitatem ad peccandum, aut tam saepe relapsos, veniae subinde locum apud Sedem Apostolicam invenire potuisse.

C Dum Mediolani agitantur ista, & fiunt, struebantur in diversa parte incrementa Mediolanensi imperio, quae Metropolim tam alte attollerent, quam evecta antea numquam fuisset. Veneta Classis in Sardoo mari, commisso cum Genuensibus praelio, navibus eorum captis aut demersis, caesoque Ligurum exercitu, circumfessa deinde etiam urbe, & commeatibus interclusis, minitabatur extrema ei populo: plena ibi omnia cladis, & luctus, desperationisque erant. Neque spes ulla relinquebatur ex Vicecomite populoque Mediolanensi, cum postea quam in ditionem se se contulerant nostram, jam ultro descivissent, & interfecto, quem Vicecomes dederat, Rectore urbis, Praetorem sibi novum creassent arbitrato suo. Attamen, necessitate cogente implorare auxilium etiam ab iratis, sive quia sperarent, translatam imperitantium ritu omnem esse iram ab miseris in eam partem, cujus tanta victoria esset, per intermissa custodiis loca missis ad Vicecomitem legatis, simul errori, veniam, simul tradita denuo urbe, praesidium ab eo salutemque petiere.

D Minime fallebat obsessos ea opinio, quam de Archiepiscopi ira erga Venetorum fortunam & victoriam conceperant animis: & cursum eum rerum in aemula sui Principatus Republica non minus profecto ille oderat quam Genuenses ipsi, quibus dies ultima, nisi per Metropolim stetisset, aderat. Itaque oblitus priora Vicecomes, vel certe, tamquam oblitus, classem quantam maximam potest adversus Venetos mittit, magnoque praelio victor, capto etiam Imperatore Veneto, Ligustici maris potens efficitur, insularumque & civitatum per oram eam Dominus. Accessit quarta Sardiniae pars, quam tenuerat hereditario jure ob matrimonium cum Nini Gallurae filia.

E Joannes Vicecomes, his editis operibus, & aucto quod acceperat imperio, prolatisque finibus, & bello clarus & pace, moritur anno Sal. cix ccc lrv. Ab ea quoque parte felix, quod inito adversus ipsum foedere factaque maximorum Principum conjuratione, cui resistere non potuisset, ante tanti discriminis tempus excessit. Pietatis quoque laudem scriptores ei tribuunt, quod propinquante fine, cura nulla major fuerit tot negotiis implicito homini, quam ut omnibus Ecclesiae mysteriis expiaretur. Et instituerat ipse solenne anniversarium, ut stato die sacrosancta Altaris mysteria per urbem, Clero universo pompam deducente, gestarentur: quae pompa, quo primum die ducta ab ipso est, centum millia mortalium interfuere. Cernitur in templo maxi-

mo tumulus hujus Archiepiscopi, carmine addito, quo subjectae urbes longo ordine numerantur cum infectione vanitatis humanarum rerum, quod Dominum tot terrarum parva nunc arca includat, & gignente sibi supplicia corpore ab vermibus laceretur. Tanta fuit ejus fama per gentes, ut nullus praeterea Regum Principumve tempestate illa sermonibus celebraretur, averis nimirum in unius admirationem omnium animis, ob splendorem, & magnificentiam, qua nemo eum aequavit. Clemens animus erga subjectorum errores: proluxa in Christi pauperes liberalitas erat ei: ac nisi Sedi Apostolicae molestus fuisset, paucierant in Mediolanensem Archiepiscoporum numero, quos regnandi prudentia conferre cum Vicecomite hoc possemus.

Eo mortuo, Robertus Vicecomes Archiepiscopusest factusisque rem Ecclesiasticam Mediolanensem tenuit: reliqua divisa sunt inter Stephani Vicecomitis filios, prout Patruis testamento factae partes erant. Matthaeo (is stirpis maximus erat) cessere, Laus Pompeja, Placentia, Bononia, Massa, Bobium, Pontremulum, & Sancti Donnini vicus. Bernabos haec accepit: Cremonam, Cremam, Soncinum, Bergomum, Brixiam, Vallem Camonicam, Ripaltam, & Caravagium, & pleraque minora oppida, & quacumque Benacus pertingit. Galeacii reliquum fuit imperium. Genuam, ut communi jure haberent, ipsi inter se fratres conficere. Metropolim quoque ipsam promiscuo imperio per Praetorem regendam esse decreverunt. Ita, mortuo quamquam Joanne, potentia Domus pristina manebat, nisi quod ab omnibus caput & splendor ille rerum desiderabatur.

Ferme sub Archiepiscopi Joannis obitum, Carolus Imperator Mediolanum venit, estque ab Archiepiscopo Roberto in Basilica Ambrosiana rite coronatus: & vicissim ipse Vicecomites fratres, suos in Mediolanensi provincia Vicarios, appellavit. Nec multo postea, fratrum eorum maximus moritur, ex intemperantia, sicuti creditum est, libidinis, constuprator illustrium feminarum. Ea vulgatiores fama fuit, exhaustum immodico turpitudinis usu juvenem, ignominiose obiisse: caeterum, alii prodidere, repertas in tabulario Eustorgiano tabulas testamenti, quo Valentina mater, dolos, & insidias fratrum in filii sui vitam, muliebriter infensa exsecraretur. Mortuus est ad Seronum, duodecimo ab urbe lapide, cum ob amores libidinesque suas eo sese addidisset: processitque Clerus illuc universus funeris causa, & deductum in urbem cadaver, tumulo majorum intulere.

Matthaeo hoc extincto, sive sua intemperantia eum, sive fratrum dolus abstulit, reliqui duo Galeacius, & Bernabos imperium tenebant. Id per urbium nomina regionumque fines divisisse ac lacerasse non contenti, etiam divisione inter se Portarum urbis lacerare. Tonsa, & Orientalis, & Nova, & Romana Bernabovi evenerunt: Cumanam, & Vercellensem, & Ticinensem, & quae Jovis dicitur, Galeacius accepit: quasi partibus evertere vellent id quod raptum totum ex alieno occupatumque temere ab initio erat. Cum juveniliter, & inconsultea ipsi instituisent rem, imminutaque dissidio domus, amicis dolori esset, aliis ludibrio, nec populus ipse interim Ecclesiae Mediolanensis, gemino illo Principatu laetari posset: statim extrinsecus advenere calamitates, & negotia, quae consulere in commune fratres coegerunt. Alioqui dominatus iste per duorum Archiepiscoporum violentiam, interjecto alterius patre alterius fratris filio, raptus ex Caesarum incuria temporumque conditione, perierat ob discordes nepotum animos: ac redierat pene domus in antiquum eum statum, cum Uberius, & Berta, & nondum Decii Canonici Otho apud Massinum inter saxa & rupes onera fortasse tantummodo nobilitatis sentirent. Et fuit omne periculum ex avaritia, quae semper inimica rebus omnibus honestis, tum vero fit ipsa sibi ridiculum simul, & capitale malum, ubi ad imperii negotia tabes ista pervenit. Dum autem diviso imperio, divisaque etiam urbe fratres, uterque sibi cupidissime tenderent, neutro satis per se tuto, damna, & pericula haec appetivere ambos.

A Leonardus erat quidam Archiepiscopi Joannis filius, nihilo melior, quam reperta semper fuerit ejusmodi proles, quae cum scelere ignominiaque parentum procreatur, semperque parentibus id flagitium sit poena, spectatis omni semper aetate nonnullorum exemplis, quos ob admissam in sacra toga turpitudinem & quae sitis inter castimoniae vota liberos, punire postea liberorum ipsorum scelera, miseriaeque, & finis. Leonardus hic Archiepiscopi Joannis filius, delitiae parentis aliquamdiu speque, & cura, deinde desperatio, & luctus, & pudor, tantas in Novariensi Praetura, vivo adhuc eo, flagitiorum omnium deformitates, libidine, rapinisque explicarat, ut suae miserae libidinis flagitium id abominaretur pater: nec videre amplius spurium, nec audire nomen ejus vellet. Ea ipsa patris alienatio truce sua sponte animum irritarat, libenterque nimium illius odio patrie omnes teneros adultosve delessent, ne sanguinis nominisque Vicecomitum quisquam relinqueretur. Obstitit attentus ad custodiam salutemque juvenum, & vigil, & acer, & in nulla curarum parte remissus senex.

Ut ille decesserat, & rapax cupido fratrum, ipsos ab mutua diremerat ope, dejicere utrumque in imperio agitabat, & excito in id Joanne Demarcho Montisferrati, tam hostili animo pares conatus cum prospero etiam eventu adjecit. Ticinum, Alba, Hasta, & quaecumque fere in subalpinis per Galeacium tenebantur, capta incursum uno; simul, Genuenses, & omnis illa ora, tractusque Ligurum, qua levitate tradiderant Joanni Archiepiscopo suam Rempublicam, ea in constantiam versa rebellaverunt. Novariam, & Vercellas, cunctaque camporum Demarchus idem invasit. Bononiam, Pontifex Maximus, damnata Clementis facilitate repetebat: foederataque jam inde ab Genuensi casu contra Joannem Archiepiscopum Veneta arma, morte paulisper suspensa hostis, acius infensusque adversus juventam & discordiam heredum movebantur. Quae, sicut exitalia Vicecomitum dominatui, ita urbem, agrumque Mediolanensem exercebant inter discordes dominos, & belli mala, quorum culpam Galeacius in Bernabovem, hic in illum, conferebant, cum verius de utroque Metropolis conqueri posset.

Profecto, magnopere ego abesse velim a suspitione flagitii, tamquam, aut Vicecomitum horum, aut familiarum aliarum servire voluisse memoriis videar, opusque Civitatis destinatum inquinasse adulatione erga singulas domos: quae ipsae, negotiis & curis cupiditatibusve nunc occupatae aliis, nec requirunt fortasse ista, nec pertinere ad se jam putant. Sed sicuti parantem a principio me rem tantummodo hisce litteris complecti publicam, idque etiam initio operis profectum, privata paulatim involverunt: ita civilibus istis bellicisque nostrae urbis casibus, res, & nomina casusque familiarum obrepunt, & gentem nominasse toties unam pudet. Atqui non aliter constare series hujus Imperii rerum poterat: non aliter explicari quomodo patria per omne tempus egerit, quidve sit passa, quaeve pertulerit maximarum rerum difficultates, ut in eum statum, quo nunc stat floretque, perduceretur. Sive immutabili divinae providentiae lege ac nutu, quo cuncta mortalium reguntur, sive, per nutum legemque eandem, temporum miseria, civitatis ipsius vitio, potuerat sic supra caeteros efferre sese una domus. Ea deinde, sicuti dominantes solent, trahendo in se res omnes civitatis ipsius vim nomenque occuparat, nec opes tantum, & vires, sed consilia etiam aliena, & fortuna quodammodo urbis, siebant ejus familiae felicitas, & providentia. Rursus, errores, & calamitates eorum in civitatem exonerabantur, & luebat Metropolis quidquid una domus peccabat. Ita prospera vel adversa Vicecomitum istorum narramus, tamquam miseras gloriasve urbis, cujus periculis administrata omnia fuerunt, in quam damna cuncta recidebant.

Bernabos & Galeacius, ubi cadentem hostium impetu suae domus fortunam, & intenta undique in se arma conspexerunt, tum sponte sua, tum precibus amicorum, non jam aliena exempla fraternae discordiae, sed dome-

sticam praesentemque perniciem, infantia simul, & futura mala proponendum, positis odiis, quae infida societas imperii aluerat, quaeve etiam secuta divisionem erant; unam illico domum ex duabus, unicum imperium, animumque sibi unum fecere. Non portas jam regionesque urbis rapiunt aviditate dominandi, sed dividunt sibi pericula, & hostem: ipsaque civitas, antea divisa factionibus inter fratres, communi periculo urgente fit exercitus aciesque una. Tota protinus in equis & in armis fuit, jam dudum assueta bello, & militariter intenta, parataque ad omnes motus. Exit Ticinensi porta Galeacius cum urbani exercitus parte, populabundusque Lando quodam duce Theutonas, praelio ad Casoratum uno caedit aut fugat. Emiserant foederati barbaricam eam manum, ut vastatione agrorum incendiisque villarum terrore urbi injecto, motus aliquis civium adversus Vicecomitem utrumque excitaretur. Quae res, si ex ipsorum animi sententia cecidisset, haud postea difficilem in discordi duorum fratrum dominatu defectionem fore universam sperabant. Exitu populationis sentire, nequaquam tam dissoluta, & projecta omnia esse Mediolani, quam creditum initio fuerat. Exit vero simul etiam cum exercitu alio Bernabos, iis animis, ut Mantuae Principem, cui spes & arma foederatorum praecipue nitebantur, clade aliqua propria ab foederis ejus societate retardaret, idque est assecutus, tum robore exercitus sui, tum Clerici unius proditione, quo tradente, castella aliquot capta: unde Mantuano terror, & injecta rebus mora, quae petita erat. Major ea, & praesentior fuit, ubi Galeacius, in diversa parte, tempore eodem, gesta feliciter re, fortunam suam, & fratris, ex abjecta prope, & desperata, florentem quodammodo, & auctiorem excitasse est visus. Namque, dum Mantuanum, & dolis, & armis Bernabos urget, obsessa per alterum illum, receptaque Papia est, & quo illustrius, gloriosiusque reciperetur, hostes ipsi adjuvere.

Cum enim in facienda deditione Ticinenses, Galeacii pertinuissent iras, ob atrociam multa, quae, dum obfiderentur, ausi erant, eoque metu, missis occulte ad Bernabovem legatis tradere sese potius huic voluissent, rejecit eos ipse ad fratrem, ultroque deprecator irarum fuit. Ea repente aequitas, idque liberale certamen erat inter discordes nuper, & certamine avaritiae infensos. Addidit vero etiam Galeacius recepta sic urbe nobile facinus, quo plebis juxta & nobilitatis ejus mirifice sibi devinxit animos, coniecto in vincula Jacobo Bussolario Monacho, quem hominem, ob male partas opes & scelera publice invisum, turbasque in ipso discrimine concitantem, cinxit indagine per Fratres alios Humiliatos, & catenis injectis, misit Vercellas in Monasterium, unde erat: ibique ille, rata apud Patres captivitate, claustris inclusus arctioribus est, quam quae ad eam diem fugitarat.

De Fratre isto Jacobo referam, quae scriptores ante me alii citra Ordinis illius offensionem prodidere. Nam, non solum vitia erunt donec homines, sicut ille ait, sed etiam, ubi probi sint, & honesti multi, ibi perditum fere, & nequam esse non neminem, jam inde a proditore Juda, fert sermo etiam quotidianus. In Fratre Jacobo Bussolario fuere omnia praeter pium religiosumque animum. Animus callidus, ambitiosus, quantacumque fortunae capax, impatiens ejus in qua natus erat, quamve dare claustra, & Ordo ille universus posset: artes, & litterae ei, tum celebratae inter suos, tum gratiae in vulgus, tum Principum sensibus accommodatae. Concionator ante omnia magnus habebatur. Sed praecipua gloria studiumque ejus, consultare de Republica, de bello, de causa imperii, de omni civium jure, & ferme ad astus, & dolos, ad faeva, & tyrannica consilia inclinabat, vel hac morum suorum parte nulli fastiditus dominationi, & frequens arcanis. Hominem hunc jam diu quaeritantem negotii aliquid effugiae ab Monasterio, & diverticula, Montisferrati Demarchus, capta Papia, praefecerat ei urbi Gubernatoremque ibi appellarat. Saevum ingenium irritatum

A longa potestatis cupidine, Monasteriique necessitatibus, & privatae vitae miseriis, ubi materiem diu quaesitam, ubi imperium habuit, exercuit ita, quasi tyrannorum aliorum infantiam atque simplicitatem ultro increpare videretur. Eterat plane nova forma tyrannidis, ubi concionibus simul, & gladio per faevitiam libidinemque omnem, & rursus imitatione pietatis imperitans Frater, corpora & fortunas animosque omnium in potestate habebat. Feruntque memorabile illud, & nulla fortasse umquam antea violentia tyrannorum factum: ut, scilicet, posteaquam caedibus, & rapinis totaque potestatis vi debacchatus fuerat, concionando denique die quodam in hostem, coegerit orationis vi matronas depromere ultro, & in belli usus conferre quidquid pretiosi abditum haberent.

B Adeo, cum rerum atrocitate secundus nemini esset, superabat omnes hoc ipso verborum telo, quo vulnens hominum pectora poterat avertere animos etiam ab malorum sensu quae interim patiebantur: nec mala ea esse, sed medicinam, & salutem probabat. Exsecrabantur hominem eundem ob impia facinora, & miraculo sapientiae suspiciebant, donec sera flagitiorum poena irretitum contempere denique cuncti, vinclaque ea nimis molle esse supplicium ajebant. Recepta Papia, punito Fratre hoc Bussolario, conterrita Mantuae Principe, caesa fugataque Theutonum manu, & per haec omnia, foederatorum adversus Metropolim fractis acis, & rebus, nihil tamen magnopere esse effectum videbatur ob novum super urbe Bononia certamen, quo Mediolanensem arma cum graviore nunc periculo occupabantur. Namque urbem eam, ab Joanne, sicuti demonstravimus, Archiepiscopo occupatam, ab Clemente Pontifice Maximo vindicatam, ab ejusdem Legato traditam rursus attributamque Vicecomiti, Apostolica Sedes hoc tempore, armis simul, & interdictis asserbat: ejusque Legatus Aegidius Cardinalis, Picenum cum imperio fere universum tenens, non bello solum ad repellendum inde Vicecomitem nitebatur aperto, sed occultis etiam artibus, quae videri fraudes potuere, nisi consuetudo militaris, & causae aequitas, consilii potius & prudentiae nomen dedisset. Aegidii Cardinalis dolus, sive militare consilium, quo Vicecomites in eo Bononienfi negotio elusit, fuit res quaedam hujusmodi.

D Urbem Bononiam, jam inde ab eo tempore, quo discedens ex vita patruus Archiepiscopus, discordes inter se juvenes atque ad lacerandam diffidio Metropolim, sua quemque avaritia instinctos reliquit, permiserant Joanni cuidam Olegianensi regendam imperio, & tuendam, experti fortasse antea fidem hominis in minoribus rebus, & parem animum in re illa tanta, tamque ancipiti sperantes. Ille enimvero, inutilem in tali negotio stultamque fidem esse existimans, praeclare occasione est usus, seque ex Praetore Dominum ejus urbis fecit. Quamdiu manebat discordia inter fratres, damnaque & clades obstrepente invidia non sentiebantur, id sicuti pleraque alia damnum in levi habitum est. Ut autem alio super alium exoriente metu, & ab universa ruina periculo imminente, resipiscentes positus vanis inter se certaminibus, adversus externum hostem, & adversus tot ingruentia arma coaluere, tunc amissa Bononia momenti aestimabatur suis, & recuperare utique eam volebant. Magnificum id quidem, & utile, sed adeo difficile, & impeditum, ut neque esse tentandum videretur. Nam proditor Olegianensis, egregie sese munierat, tum foederatorum auxiliis, tum civium ipsorum fide: & procul ab domo inter hostilia omnia gerendares Vicecomiti Mediolanensibusque erat. Ac nisi essent haec ipsa tam infesta & desperata, desperatissimum infestissimumque erat illud, quod, ubi depulissent urbe proditorem, bellum ex ea victoria cum Pontifice Max. restare aliud idemque viderent.

E Itaque impares ei negotii vi aperta, ad fraudem iere, quae hoste ab alio felicior in ipsos parabatur: suntque inter Vicecomites, & Olegianensem, & Sedis Apostolicae legatum tentata paria conatibus iisdem, eventu diff-

diffimili, ut Bernabos, & Galeacius proditorem fallere suum vellent, ipsi fallerentur ab Legato, fraudeque detecta, res ad Bononiam aperto Marte gereretur. Et Vicecomitum quidem dolus in Olegianensem, exitusque doli isfuit, ut pace inita cum eo, missisque etiam adversus Romanum legatum auxiliis, incautum deinde sic, & nil jam ab Mediolano timentem opprimere conarentur: & postquam non successerat, moverent denique arma in fidei desertorem. Legatus vero ubi hostem utrumque post fraudes irritas, toto virium conatu de sua Bononia inter se dimicantes, plusque spei in parte esse Vicecomitum vidit, tamquam mutuatus artem, inito etiam ipse cum his foedere, dissolvit ficta societate res eorum secundas, deinde translato ad Olegianensem subsidio, retentam ab eo exigua in spe Bononiam ex pacto accepit.

Bellum inde cum Apostolica Sede gerebant Vicecomites nostri, ductoque in Bononiensem agrum exercitu Bernabos, oppidis, arcibus, castellisque captis, secundo aliquandiu utebatur fortuna, quam quae armis deberi illis videretur. Non tamen iidem interea, quamquam bello occupati impio, destiterant regnantium more dare urbi significatione pietatis: publicorumque operum magnificentia detinebant five erigebant civium animos, quae semper fuit ars & cura Principibus, semperque violentis & impiis rebus praeclara & speciosa multa Tyranni etiam addere consueverunt. Xenodochia, & valetudinaria Mediolani Bernabos instituit, sub D. Catharinae nomine unum, sub D. Jacobi aliud, sub D. Ambrosii tertium, & quae Mala Statio hodie juxta forum maximum dicitur, ut aeris alieni causa nexi, defectique vitae alimentis, subsidio aliquo publico sustentarentur. Arcem Jovis Galeacius inchoavit, quae postea communiter ab utroque Vicecomite absoluta munimentum eadem & terror urbis, post Philippi Mariae denique mortem, detractante id jugum populo, diruta est, & rursus instaurata per generum ejus Sfortiam. Galeacii etiam opus fuit Palatium in Arenaemulum magnificentiae alterius illius, quod ab Azone cum D. Gothardi Aede prius exstructum fuisse demonstravi. Juxta D. Joannis Aedem, quae ad Concam dicitur, palatium aliud Bernabos, perducta ad Romanam usque turrim xyftho cum ea turri conjunxit, muroque est amplexus quidquid inde spatii per fossae ambitum ad usque D. Stephani Basilicam excurrit, & ejus vestigia muri in hunc diem cernuntur.

His aliisque perfectis operibus, Galeacius, & Bernabos, rem deinde longe pulcherrimam aggressi, Ticinense Gymnasium instituerunt, quod hodie seminarium nostri Senatus Magistratuumque urbis, idemque nationibus exteris bonarum artium emporium, tot ab primordio sui, ad hanc aetatem edidit decora pacis, & litterarum fere miracula, ut scholae pene illae totam disciplinis suis excoluisse Italiam merito dici possint. Neque tamen dici illud potest, plusne nominis & famae Gymnasio ipsi attulerit, eorum claritudo, & fama, qui diversis temporibus in suo quisque genere Principes Academiam obtinuerunt, an eorum rursus nomen & gloria, qui ab Magistris hujusmodi prodierunt. Adeo, pares in utraque parte palmae virorum spectantur, & sapientiae flos occurrat ex omnibus provinciis accuratissimo semper delectu petitus conductusque huc expoliendae juventuti, rursusque ex ipsa juventute, proventu felici sparsus in omnes terras, quacumque litterarum, & civilis disciplinae aliquid sedet.

Incertum & ambiguum id quoque dictu, majora ne praemia, vel ad opes, & splendorem, vel ad sapientiae testimonium magnitudinemque nominis, attulerint sibi posterisque suis ex Ticinensi Gymnasio, Doctores ipsi, an alumna Doctorum, & velut Academiae proles juvenis elato hinc per omnes gloriae vias pede plus ejusmodi praemiorum invenerit. Nam Magistri simul & discipuli, purpura, & lato clavo, quibusve aliis fulgere insignibus gloriosa mortalitas amat, & domum, & pa-

triam unde erant, auxere ad certamen. Statque, & his & illis gloria in aequo, nisi quod assidue subolescens atque inexhausta juvenum multitudo, decora omnia latius occupavit, majorque Cardinalium, & Senatorum populus numerari parte in ista potest. Pontifices Maximi prodire ab hisce Scholis, quodque longe augustius etiam censerio oportet, prodire Sancti. Tantum porro voluminum ex eodem fonte manavit ad illustrandas artium optimarum disciplinas, ut si alibi cessatum a scriptis esset, potuerit haec sufficere bibliotheca generi humano. Quam Academiae felicitatem, & tanta per omnes aetates incrementa intuentes Caesares, & Pontifices, quive alii facultatem indulgendi aliquid habebant, ornare eam immunitatibus, & privilegiis, quae magnitudinem, & gloriam ejus testarentur simul & augerent.

Et nostrae Civitatis clarissimi cives, quibus opes in id animique suppeditarunt, haud ampliorem ullum de patria bene merendi locum existimavere esse, quam si ad Ticinum in ipsa Gymnasii sede Collegia fundarent, in quibus suae gentis juvenes studiorum causa alerentur. Hinc Mariana, & Castelleonea, & Griphia, Bossiaque hospitalitas laceffit, & vocat hodie illuc familiarum earum prolem: & generosi fundatores illecebra talis hospitii Musas atque sapientiam penetibus inducunt suis, etiam postquam ipsorum nomina audiri desiere. Sed Collegia quoque ista jam fere desiere audiri, postquam Sanctus Carolus Borromaeus, & Pius V. Pontifex Max. posito ibidem uterque regalis magnificentiae Collegio, Academiam quodammodo ipsam ad suae Civitatis, & patriae adolescentes transferre potuerunt, ut largius ibi opulentiusque, quam in patria haberentur. Stant excelsae moles, altitudine & majestate sua confessae Romani Pontificatus opes, & multo magis inclytas conditorum animas, quae talibus docuere monumentis, quos opum earum esse exitus oporteret. Aluntur ibi Principum disciplina & ritu nobiles adolescentes, quibus nobilitas ipsa oneri erat: & ditati interim Academiae disciplinis, domos fere suas augent opibus, per quas nepotes alii subsidia, & alimenta ea repudiabunt. Bernabos, & Galeacius anno salutis millesimo tercentesimo sexagesimo, id Ticinense Gymnasium aperuere: unde Metropoli Senatores, & Magistratus, unde haec etiam, quae inter sacra dominatur prudentia Juris, & omne aequi ac iniqui discrimen venit. Ac principio quidem, sicuti rerum omnium initia & elementa habentur, horridum & rude quiddam Scholae illae Ticinenses fuerunt: Principesque ipsi magnificum & ingens nescio quid se se afferre existimaverunt, cum Dialecticos, & Medicos, & Philosophos, & Jurisconsultos ad inchoandam Academiam praesto sibi esse profiterentur, & de ea re edicta promulgarent. Postea, res in tantam frequentiam venit, ut classes ibi profitentium habeantur, & cujus modo rei discipulus esse possit, ejus sint etiam interpretes, & magistri, tum matutini, tum vespertini, tum primores, & antesignani, tum alii extra ordinem: quod factum ita institutumque credo est, praesertim, ut varietate docentium proterviae ac fatietati juventutis obviam iretur.

Antequam scholae istae, Vicecomitum cura institutae essent, peregrinabantur studiorum causa juvenes nostri, coetusque & scholas procul ab domo alienas frequentabant. Revocavere Bernabos & Galeacius edicto universos: & domestica disciplina erudiri deinceps ad Ticinum jusserunt. Eae litterae sunt datae ad 1111. Cal. Novembris ejus anni quo Academia ipsa fundata apertaque erat. Urbs autem Ticinum est electa, ideo, quia praeter amoenam coeli temperiem, & accessus illuc ex tota Insubria faciles, locus esse videbatur civili comitate, & suburbana licentia recte compositus aptusque Metropolitanae juventuti. Nam aetatem egressam adolescentiae rudimenta, juvenili ferocia exsultantem, ignaram obsequii comiter atque hilare habendam censebant esse inter studia sapientiae, & vitiorum necessitates, quas secum ipsa affert.

LIBER III.

PER hæc pacis opera, Vicecomites, in medio belli discrimine, cum famam sibi inter cives, & apud externos ingentem quaesivissent, munierant etiam interea sese magnarum Domorum affinitatibus, quæ apud Principes vincula laxantur adstringunturve dominationis utilitate vel damno: tantique sunt inter eos necessitudines istæ connubiorum, quantum ortæ in diem causæ momentum fecere. Quippe, si nullis aliorum exemplis ea regionum animorum spectata sævitia esset, poterat generis hujus celebre documentum fieri ipsa Vicecomitum Domus, cui grande subsidium instrumentumque rerum matrimonia petebantur, dein extincto primæ gratulationis calore, odia tantum ex affinitate & mutuae fraudes manebant.

Catharinam Matthæi junioris filiam Ugolino Gonzaghae desponderunt adhuc infantem, parique ætate filia Francisci Carrariensis est desponsa Marco Bernabovis filio item infanti. Priori matrimonio dotem dixere pagos, & oppida nonnulla: quid ipsi ab Carrariense accepissent, incertum fuit: dies nuptiis utriusque est dicta cum primum infantes adolevisent. Aliud etiam puerile matrimonium festinavere, pacta Montisferrati Demarcho Maria Galeacii filia quadrienni, tamquam ad finiendas veteres cum ea domo inimicitias unicum puella illa placamen foret. Majorque sponsa, & praesidium domui majus ex Gallia aderat Isabella Regis soror nupta Joanni Galeacio Galeacii f. præter regii sanguinis gloriam, dotem quoque ferens, qua Vicecomites in Galliam usque opes protulere. Nam sororis suæ virum Rex Carolus Comitem Virtutum appellabat: qui titulus, & Dynastia secuta maritum est: caetera matrimoniorum compendia, quæ petita erant, irrita fuerunt, siue etiam in contrarium cecidere, cum scilicet ipsaemet quaesitæ res, incitamenta irarum, & causæ bellorum fierent.

Maria Galeacii filia, quæ Montisferrati Demarcho ad placandas inimicitias pacta erat, statim mortua acrius de integro odium in ea parte excitavit, eruperuntque iræ, quas interjecta paulisper infans morata erat. Et affines reliqui, uno omneis animo consilioque, posthabita uxoria, sepositoque, procul ab omni bellica consultatione muliercularum respectu, junxere cum Aegidio Cardinale Romanoque legato arma, postquam Vicecomes urbi Bononiae recipiendæ acrius insistebant: tantoque promptius junxere, quia connubiorum tunc denique artem intelligebant. Fallaci sese necessitudine comprehensos fuisse, & illigatos, ut ad eum tantæ capiendæ urbis conatum obnoxii immobilesque haberentur. Itaque, nuptiarum foedera feminis relinquentes, strenue bellum in Vicecomitem utrumque parabant: domumque eam, unde uxores, aut nurus acceperant, dederantque vicissim, parati erant delere, dum metuunt, ne nimium ipsa attolleretur. Paribus in generos focerisque animis, Bernabos, & Galeacius, cognita eorum adversus imperium potentiamque suam invidia, quoniam summis humanæ benevolentiae pignoribus eos conciliare non potuissent, coercere magna aliqua clade gestiebant, obliti puellarum, quæ ipsæ, oblita paterni tecti, tecta potius respiciebant ea, in quæ venerant jam, vel in quæ ituræ ex pacto fuissent. Metropolis vero ipsa, & urbs Mediolanum, Ambrosianaque hæc Ecclesia, cum paulo antea, lætitiis, & publica propter eas nuptias gratulatione exultasset, similisve fuisset exultanti, repentino propter mutata omnia luctu miserrime conflictabatur. Nam, & manente Sedis Apostolicæ indignatione, diræ manebant adhuc, & tamquam in damnatam execrabilemque gentem, hostium injuriæ feliciter nimium, & absque ulla mutua ipsorum clade procedere incipiebant.

Injuria, & clades illatae per hoc tempus Insubriae terris, & agro Mediolanensi gravissima fuit illa, cum Anglorum copiae truces ingeniis & irritata sævitia, quod Gallico bello stipendia nulla ab suo Rege accepissent,

A ostentante prædam instiganteque animos Sabaudis, irrupere. Vastata per eos, & direpta omnia tam immanibus modis, ut dubitari posset, rapiendi ne magis libidine venissent, an sæviendi in corpora postquam nihil erat ultra quod raperetur. Alexandrina via populabundo agmine ingressi Longobardorum fines, absque discrimine ullo, mistam virorum, & feminarum, & teneræ, grandisve ætatis stragem edidere, quacumque incesserunt. Quæ non poterant auferre, fracta, & comminuta conjiciebant in caesorum acervos: & ubi ad Monasterium forte devenerant aliquod, si corpora erant opportuna turpitudini, foedabantur: nisi libido sævitiam morata erat, squalida, contemptaque ora puniebantur nece. **B** Et confitit, trucidatas esse nonnullas postquam sub barbara inhonestate ingemuerant.

Ea barbarica irruptio fulguris pene instar est pervagata Mediolanensem agrum: ac sicuti sui adventus famam copiae illæ Britannorum antecefferant, ita nostros apparatus vitare celeritate eadem, cum, & ex agris, & ex urbe adversus eum hostem armati ad signa cogerentur, adeoque terror ipsis institit moenibus urbis, ut Gallaratum, & Seronum cincta muris loca nudarentur, ne barbari arces sibi eas occuparent. Jam enim, & Castrum novum in Derthonensi agro, & Romagnanum in Novariensi, & alias alibi arces occupant, in quas collata, deinde præda omni, simul abdidere sese, subsidium non leve foederatis, & formidabile momentum iisdem, si gens pretio venalis, & amica plus offerenti, transiret in partem alteram, sicuti postea corrupti per Galeacium transiere.

C Nunc, & barbari timebantur ex vicinis Metropoli castellis, & quotidianæ municipiorum, oppidorumque defectiones timorem augebant, improspere simul omnifere Mediolanensium conatu, quamcumque in partem arma Vicecomites tulissent. Defecere Vogherienses, & Casalenses, & Garlaschum, & Sala, & loca alia, non quidem suo nomine, suisque viribus umquam aestimata supra locorum humilium vilitatem: sed tamquam in agro corpore, quidquid aggravaret, majus quam pro re ipsa damnum periculumque habebatur. Et vulnerabat maxime animos, quod ad Montisferrati Demarchum ea loca descivissent, quæ semper inimica domus auxerat vicissim odia, postquam mortua, sicut dictum est, infante, a primis humanæ benevolentiae vinculis, ad ultimas mutuarum insectationum acerbitates laxati instinctique animi erant.

D Guelfi Brixienfes etiam ad Demarchum eundem caeterosque foederatos urbem vertere eam conati, manifesteque rebelles, hoc ipso victoriae speciem habebant, quod poterant aliquamdiu pugnare cum Metropoli. Victi sunt, non tam ab exercitu nostro, quam orta forte pestilentia, quæ adsidentes moenibus foederatos abire inde coegit. **E** Sed accepta mox ad Mutinam clades documento fuit, nequaquam Mediolanensium causa id malum hosti divinitus fuisse immisum, sicuti propter ipsius rei opportunitatem interpretati erant. Namque caesa ibi magna exercitus parte, Bernabovæ pene oppresso ipso, captis primoribus urbis: intelligere potuerunt, arcano fortasse alio divinae providentiæ nutu tabem eam excitatam nihil ad ipsorum commoda pertinuisse. Mediolani interim congruentia omnia tam infaustis rebus erant: summaque civium voluptas spectandis eorum suppliciis, quorum domestico latrocinio vastata Civitas erat, dum foris bella hæc gerit. Picardonus Vassallus, qui per nomen munusque curandi rationes Principum, affixerat multas innoxias domos, pecuniamque sibi ingentem fecerat, extra portam Ticinensem ad Vigintinum, fractis laqueo cervicibus e furca pependit. In alia calcitraquinquaginta, effosis oculis, demissi per urbem, coeno, fustibusque obruebantur, permissa hac licentia plebi, solatioque ob latrocinia, & fraudes quas ab illa hominum faece perpeffa erat. Dederat Bernabos ea solatia urbi, postquam amisso ad Mutinam exercitu, perculsis omnium animis, seditio fortasse nonnulla timebatur.

Paulo postea, Britannorum copiae, quas foederatis adversus Vicecomites adjunctas fuisse demonstravimus, oblata per Galeacium stipendii largioris illecebra, quam quod inde accipiebant, alienantur, & militiam relinquere sese ingratam dictitantes, transfudere signa in partem, cui terrori ad eam diem fuerant. Hos casus alterante bello dimicabatur inter Pontificem Max. & Vicecomites: atque propter id certamen Italia fere tota in armis erat, Bononia defenditur aut oppugnatur, dumque urbem eam, in hac vel illa manere parte Principes caeteri, utile sive aequum censent.

Anno octavo postquam id bellum susceptum initumque erat, pacem iniere in has leges: Traderet Bernabos castella omnia & arces, quas in Bononiensi agro captas haberet. Pontificis nomine vicissim ei persolventur quingenta millia florenorum nummum. Ea pecuniae summa donec persoluta decem pensionibus esset, Urbs Bononia teneretur ab Arduino Cardinale Cluniacense, neque Bernabos praefidia deduceret ex arcibus & castellis oppidifve, antequam pecunia pernumerata esset. Si qui captivi Mediolanenses, aut si quae Vicecomitis arces in potestate Pontificiorum essent, quae arces, iique captivi restituerentur. Ante omnia redederetur urbi Mediolano sacrorum usus, omneque interdictum tolleretur, & suo ritu legitime, ac iuste frequentaretur Ecclesia Mediolanensis, manerentque Metropoli Ambrosianae jura omnia quaecumque antiquitus fuissent. Earum rerum causa Cardinalis ipse Arduinus Mediolanum venit, connixio suis etiam opibus Vicecomite, ut Legatus Apostolicus quam magnificentissime acciperetur. Exhibiti publice ludi, conviviaque & certamina equestria, in quibus, atro candidoque colore distincti equites, atque in duas turmas divisi jucundum Legato spectaculum praebuere. Cumque per eos forte dies auctus filiola Vicecomes esset, optavit ut ea per Legatum eundem sacris lymphis ablueretur: annuitque ipse, & sancto illo pignore privatim etiam inter eos amicitia conciliata est: gloriosa & jucunda cuncta in pompam magis quam fida, & duratura. Quippe tota etiam legatio, & mutuo consensu scriptae conditiones irritae futurae erant: neque satis constat inter scriptores, utrius partis culpa fuerit in dissolvenda pace, quae certe diu non mansit.

Bernardinus Corius, simplicitate magis, equidem arbitrator sua, quam adulatione in Vicecomitum genus, aut in res Ecclesiasticas malevolentia, Clericorum fuisse culpam, ait: eos posthabentes utilia rectis discessisse a conditionibus, & coalitam pacem sine causa abruptisse. Sed potuit fortasse conferri iustius id ipsum in Vicecomites ipsos, quos aviti spiritus, & domestica exempla quidlibet audendi, Matthaeus & Joannes, per dominationis insaniam culpis erga Sedem Apostolicam hereditariis istis assuefecissent. Urbem namque eam Bononiam ab Archiepiscopo patruo interceptam usuque possessam perdidisse ipsos, culpam fore quamdam scilicet inexpiablem, sibi & majoribus suis turpe flagitium existimabant. Hinc illa erga Sedem Apostolicam levitas & contumacia, contemptusque pacis & conditionum omnium, quaecumque urbis ejus imperium alio transfulissent. Ita dominantium insania, Mediolanenses, post exigui temporis pacem, in bellum rursus coacti impium infelicia arma retinebant, ne modesto umquam otio & Catholica tranquillitate frui civitas posset. Domus autem ipsa Vicecomitum, quam olim coerceri Reipublicae Majestate non difficile fuisset, jam civium indulgentia, conditione temporum, artibus suis, supra Rem publicam evecta erat. Atque fastiditis nunc aequalium Regulorum affinitatibus, quae notis inter pares miseriis, aemulationeque & livore, & ubi periculi tempus venisset, manifesta perfidia corrumpere, ad matrimonia diversa quaedam adjecerant animos, quibus initis, neque fraudem ab maritalibus familiis, neque sub earum tutela vim ab aliis timere ullam possent. Namque cum Austriacis Archiducibus in Germania consociare sanguinem, quae Domus incorruptae nobilitatis fons, Caesarum Regumque procreatrix, gravis im-

A peris, satura gloriae, sinceram amicitiae fidem, & undique securitatem ipsa sui nominis magnitudine polliceri videretur.

B Virida Bernabovis filia data est Leupoldo Alberti filio, cujus matrimonii pignus, non ad praesentis modo fortunae statum, sed in futura quoque secula praesidium domui fuit. Inde enim ortus est Ernestus, Ernesto Federicus Imperator, Federico Maximilianus, ab cujus stirpe prodiit Imperium, quo nullum umquam fuit majus inter homines, si orbis utriusque subiecta ei hodie Regna numerentur. Alia Bernabovis ejusdem filia Thadea nomine, nupsit Bavariae Ducis filio, vicissimque nupum sibi Bernabos ex ea domo petiit, vel mortua interrim, vel sprete Carrariensi puella, quae filio ejus Marco desponsa prius fuerat. Violantam Galeacii filiam Lionello Angliae Regis filio dederunt: eaque matrimonia, non sicuti priora, vanum sine exitu, sine mutua caritate nomen fuere, sed fida & cum suo quodque fructu ob partis alterius, & Austriacorum praecipue magnitudinem, qui minorem domum, postquam sibi junxerant, volebant etiam esse salvam. Et urbs ipsa, partim laetabatur adjunctis sibi per matrimonia tanta praefidiis, partim, ut existimo, occulte anxiosa erat nimiam Principum domui accessisse confidentiam videns. Qui laeti quive solliciti erant, certatim omnes plaufere nuptiis ejusmodi: sponsaeque dum ad maritos deducuntur, sive accipiuntur in urbem, exhausta ex privatorum domibus adulatio quidquid fere quotidianae & assidue bellorum necessitates, tributaque & hostiles incurfus reliquum fecissent. Volebant enim, & urbem, & ipsos quam splendidissime apparere, sive luxuria, sive magnanimitate, quae propria semper populi hujus fuit: provocabantque sumptuum & opulentiae certamen Regna provinciaeque huc alienae nuptiarum earum occasione confluentes.

D Rodolphus, Leopoldi patruus, magno Germaniae Procerum ornatissimoque comitatu cum Mediolanum ad visendam sponsam, & firmanda pacta venisset, ibi est mortuus, & in D. Joannis Aede ad Concam illatus tumulo non sine funeris honore, quem, & hospitii comitis erga Principem externum, & Austriaci nominis magnitudo postulare. Et Sponsa quidem illa in Germaniam postea deducta est, cingentibus latera Principibus viris totaque prosequente Nobilitate Mediolanensi, donec ad provinciae fines egressi Austriaci puellam excepere. Ad Violantam vero Galeacii deducendam profectus Mediolanum ex Anglia Lionellus, cum Insulae Regnique fere opes in urbem transfulisse diceretur, haud tamen ejus adventus utilis Metropoli fuit, volentibus scilicet nostris etiam ostentare plura, & pugnare cum barbarico illo fastu. Ad Templi maximi valvas nuptiale sacrum fuisse peractum tradunt ab Episcopo Novariense, postquam is in Ara maxima solenni ritu perlitarat: Bernabovem patrum puellae digitum tenuisse dum ab Episcopo illo annulus rite inderetur. Epulum in Arena Aula fuit, tanto apparatu, tantaque ferinae & manfetae carnis pompa, ut singula fercula singulosque missus dignos historia judicaverint qui res ejus aevi litteris prodidere. Nos potius indignati sumus, multumque miserati patriae vicem, cum eos luxuriae annales inspicere-mus. Scilicet, solidos apros auro gemmisque distinctos, & altitium omne genus cum sua quodque caelatura, & coronamento illatos mensis, cumque ordine cuncta inferrentur, simul inducta in aulam multa deinceps venaticorum canum paria, ut noscerent convivae Molossos pecudum earum lanistas, quas ipsi lancinarent. His ipsis aurea subligacula gemmataque braccas, & torques, & collaria sive millos, pene, ut canibus fortunam in qua incedebant, convivium omne invidere cogeretur, cum nihilo parcius exculi viri feminaeque essent. Ampliorem equorum ornatum, qui dorso imposita fercula devehebant in conclave, rursusque fulgentes magis atrienses, qui jumenta ipsa tenebant loris. Centum amplius equos, ut quique inducti erant, dono datos a Principe cum phaleris ephippiisque suis, quorum pretio jumentorum greges emi potuissent. Duos eximia specie

sonipedes esse inductos, quorum alterum, ex ferocia Leonem, alterum Abbatem appellarent. Condere animalibus haec juvit. Aulae quoque Principes, ministeriumque totum & discumbentium ordinem, caeteraque pompae & convivii ejus tradidere.

Ubi, cum Novariensis Episcopi nomen inter alia convivarum nomina perscriptum exstet, credere cogor nullum hoc tempore Mediolani Archiepiscopum fuisse: nisi si forte erat, & propter iratum rei Bononiensis causa Pontificem, dextere sese subducebat, ne coetibus interesset eis, unde labes ad ipsum aliqua perveniret. Id ut potius credere velim, adducor, quia quadriennio ante, Roberto Vicecomiti, post septimum Pontificatus annum in Ecclesiae Mediolanensis administratione Gulielmus Pusterula successerat, cui novem anni tribuuntur in Archiepiscoporum fastis, neque nomen ejus inter negotia tamen ulla reperitur.

Caeterum, non erant omittenda nobis civium nomina, quos ad matrimonia illa concilianda, Bernabos & Galeacius, internuntios adutoresque habuerunt. Fuere autem, Manfredus Salutius, & Protasius Caimus, duo Vicecomitum Consiliarii, quos Principi utrique ad omnia fuisse assiduos constat. De Salutio ambigitur, fueritne urbis nostrae civis, an familiaris tantummodo Principum, & alienigena casu forte aliquo secutus hanc aulam. Caimus ex Germanicae originis familia jam inde ab Conradi Imperatoris, & Archiepiscopi Antimiani temporis profecta in urbem, & saepe alias apud Principem optima quaeque suadendo profuerat huic patriae, & nunc subsidium adversus externa arma existimans urbi fore opportunum, si Principes sui cum Austriaca domo jungerentur, magnopere contenderat ut id fieret, originis etiam commendatione delectus qui super iis rebus in Germaniam legaretur. Duos hosce, Salutium & Caimum una cum Bernabove & Galeacio obviam processisse venienti Anglo, refert scriptor, qui ipse in parte pompae fuit. Caeteri deinde, quo quisque cultu & ordine incessere, ab scriptore eodem recensentur, Franciscus Zanchadius, Dominicus Ardizonus, Jacobus Previdus, Gaspar Vicefortes, Zanolus Armenulphus, Joannolus Biragus, Henricus Comes. Capita haec Mediolani rerum, & consilium Principi utrique intimum fuere, quas hodie familias, excepta una, vel altera, arbitror, posse nostris hominibus irrisui esse propter cognomina inaudita appellationesque absurdas, quae sepulta jam pridem omni domorum gloria & stirpe, nunc scilicet ad breve momentum ex diuturni silentii caligine prodierunt.

In haec spectacula effusa civitas, dum fruitur simul absumenturque nuptiarum apparatu, non senserat interea molem apparatusque belli, quod Vicecomites adornabant, quodque vicissim ab aliis in ipsos adornabatur. Namque, dum commeant super nuptialibus eis negotiis crebrae legationes, dumque Principes etiam inter se ipsi cum nostris alieni congregiuntur, transacto paucis, quod ad puellam & dotem attineret, omnis arcani colloquii pars major fuerat id bellum. Ac super mensa etiam, de suis, aut hostium viribus, de locorum opportunitate, regionum situ, Principum animis, quae fida, quaeve infida, quid toto orbe validum aut aegrum, differendo oblectarant scyphos prodixerantque convivii horas. Nec segnius in parte altera consultabatur. Sedens Avenione Pontifex Urbanus conventum ibi Principum habebat, ad delendam Vicecomitum tyrannidem, urbemque Mediolanum una cum Italia tota liberandam. Et excito illuc inter caeteros Carolo Caesare, donis eum, atque promissis ingentibus armaverat secum. Vicecomites, re statim constituta Genuensi, initoque cum Republica illa foedere, ne quid negotii ab ea parte reliquum domi esset, Britannorum copias educunt, partemque Latii pervastant.

In ea populatione, Ambrosius Bernabovis ex pellice filius, & nobiles aliquot Mediolanenses, qui cum eo barbaras manus ductabant, in cavam forte vallem illati capiuntur. Hinc accensi ab utraque parte acrius animi: Pontifexque Urbanus progressus ab Avenione Viter-

bium, dimissis per varia Insubrum loca Cardinalibus, ad Vicecomites ejiciendos tota vi incumberebat. Simul aderat Caesar ipse exercitum ducens gloriae praedaeque avidum, tantoque ferociorem, quo major apud eas gentes erat fama Insubriae opum, & quanto pulcrius hoc ipsum esse putabant, quod ad liberandam Italiam ducerentur.

Haec copiae, cum sese Pontificiis caeteroque foederatorum exercitui junxere, Mediolanenses in agro Mantuano Ferrariensiue bifariam divisi erant, praecipua Vicecomitum in duas illas urbes ira, propterea, quod ab Gonzaga, & Estense Pontificem Urbanum in sua damna maxime fuisse instinctum scirent. Mantuam, usque ad portas urbis grassati ignibus & ferro conterritam direptionis metu habebant. Ferrariensium naves Pado anni subsidio Mantuanis euntes exceperant instructa & deducta ad Guastallam classe, quae prope major fuerat clades, quam prior alia terrestri Marte illata cum desperatione omnium & luctu. Exstructo etiam ad vicum fortem Castello, obsidebant, haud dubie potiebanturque flumen. Id capere castellum Caesariani primum omnium conati, cum vi aperta nihil efficere potuissent, obrui posse munimenta illa sperarunt, si disiecta mole, quae non longe inde coercebatur amnis, aquae repente omnis immiscae ac superfusae essent. Intumuerat enim per eos dies imbrium auctu Pado, & proluvies illa repentina undarum, exercitu ipso violentior futura erat. Sed nostri ad ejus periculi casum attenti vim fluminis ingruentem vertere in adjacentes campos, mersaque humo ipsa Caesarianorum castra turbavere.

Initia belli haec neutri parti laeta esse poterant: quippe, cum Mediolanenses praeter armatam fere totam in se Italiam duo capita rerum humanarum Pontificem & Caesarem imminentes sibi hostes viderent: his dubium cruentumque exitum portendere viderentur principia rerum urbs numquam plane victa: subnixi Principes Regum opibus, contumax adversus clades fortuna Vicecomitum. Et erant in utroque exercitu, sicut armorum instigatores & cupidi praedae multi, seditiosi & egeni etiam ex Principum numero, ita meliores alii, neque praedam sibi quaerentes ullam, neque probantes illam arma, sed officio erga Pontificem & Caesarem, patriae legibus & veterum foederum necessitate tracti in id bellum. Cum Bernabove Senatores ex urbe aliquot, & ex Mediolanensi Clero gravissimi viri Civitatis, quorum ille consilio utebatur: cum Caesare Bavarus & Austriacus, qui, licet ea castra sequerentur, recentia affinitate proni in Vicecomites, hortamenta stimulosque pacis ex quotidianis casibus arripiendo mitigabant suos, nec magno negotio, horum opera, tanti illi utrimque fremitus, & apparatus paulisper conquirere.

Induciae tamen erant potius, quam pax ipsa, dum scilicet Pontifex, & Caesar controversa quaedam capita deciderent, quorum arbitrium & cognitio ipsis permessa erat. Et post aliquot inde menses, quia coeperat apud Vicecomites suspecta esse cunctatio iudicii ejus, sumptis iterum armis, & facta in Mantuanum agrum impressione, subegere terrore arbitros, ut res eas, quae in controversiam vocabantur, propere definirent. Ut vero edita de controversiis illis capitibus sententia, Pontifex & Caesar, nihil de Bononia, quae prora, & puppis erat omnium rerum, explicavere: tunc Vicecomites, absque ulla pacis, sive induciarum verecundia, tentant rursus Romanum impudentiore arte, quam si bello aperto aggredierentur. Cum enim Perusiam urbem Pontifex Maximus acerrime oppugnaret, eaque urbs non posset jam ullo modo evitare Apostolicae Sedis vim, missa sunt ab Mediolano auxilia obsessis, datumque famae, tamquam Joannes Acutus, accepta ab Perusinis pecunia, copias quibus ipse praeerat, & Britannum praecipue militem transitione sua illuc avertisset. Huic dolo mox alius subnectitur dolus ab iisdem animi stimulis, quod permisso hostibus ipsis arbitrio de rerum summa, excidissent ejus re actione & jure, propter quam injustis cuncta armis turbarent. Speraverant enim, cum inclinatis ad pacem animis arbitros sumerent Pontificem & Caesarem,

tati, turpissime contaminant: praeter feminarum aliarum adulteria, & stupra, quorum tanta coluvies tunc ea in urbe fuit, ut historia nihil solita mirari tale, semperque accessionem hanc omnium bellorum, veluti negotium inane transmittens, immorata utique fuerit huic muliebri cladi, remque deplorarit. Talia audientem armorum eorum flagitia Pontificem Gregorium haud minor habebat moestitia ob illud Catholicae Ecclesiae dedecus, quam Vicecomitum ipsorum animos timor obres adversas, & imperii discrimen: atque ita pastoralis animo, & Reipublicae cura ille, sollicitudinibus istis privatis, pacem respexere rursus, cui, pactae in annum induciae pignus fuere. Per induciarum earum quietem, saeviora nonnulla Bernabos est domi ausus, quam quae bello assiduo passi cives erant: ac tyrannidem tunc demum vere nuncupari eam cogeret, si justum antea legitimumque imperium diceretur. Nam quasi invideret ipse quieti, & saluti urbis, quae repentina, & insperata aderat: & quasi non satis miseriarum ad eam diem una domus Metropoli universae intulisset, Marthesinae praecipue terris, memoria rebellium olim ibi Guelforum insensus, Gibellinos in familiarum earum perniciem excitavit, auctor seditionum, quas reprimere potius ac sedare debuisset.

Inde Civitati etiam ipsi insensus saevire in eam coepit. Edixerat olim, ne quis occideret aprum, neve canes, & apparatus alium venandi causa haberet. Ejus edicti nomine, & obtentu, spoliare fortunis, privare vita, delere ab stirpe familias, incendere domos, & effossis quidam oculis reservabantur in vitae ludibrium, & poenam. Quicumque enim gustasset aprugnae carnis aliquid, bestiamve ipsam mortuam spectasset, sive attigisset, tenebatur lege, quae de apris erat, & promptissima ea tyranno materies feritatis in omneis, quoscumque odisset ob alias causas. Alebat vero ipse canum ad quinque millia sumptu omnes alieno, divisos nempe per urbem in hospitia, quomodo milites dividuntur. Centuriones, & tribuni cohortium earum erant: lustrabantur venaticae cupiae singulis mensibus: inspectioque ea magnum Principi vestigal erat. Nam, sive quis Molossus arguerat macie sua hospitis illiberalitatem, sive largiore nutritu inutiliter pinguescebat, irrogabatur multa altori, & severe exigebatur. Et tributum simul aliud centum millia florenorum nummum Vicecomiti huic misere obnoxia Civitas in singulos annos ferebat.

Causabatur ipse graves bellorum impensas, quibus exhaustus nimium attenuatusque esset. Ubi paulisper constituisset domum, depulissetque miseras rei familiaris, & vulnera pro communi salute accepta sanasset, tunc civium quoque fortunis, & immunitati large ac prolixo consulturum. Lenitas, & mansuetudo verborum haec erat: interimque duos Franciscanos Minores, qui miserati patriae calamitatem, ausi fuerant ipsius auribus ad divini iudicii terrorem insuffurrare non nihil, percitus ira damnavit, ut igni cremarentur, & cremati sunt ficto crimine tanquam Haeretici ipsi essent. Profecto, ego magno opere indignor, & eos qui tunc erant homines, multo magis indignatos esse existimo propter casum hunc in Republica Mediolanensi novum & atrocem, ut nepotes Uberti, & Bertae ab Massino pago, & Canonico, dein Archiepiscopo Othone profecti, nobilissimae Civitati sic insultare possent. Atque indignari tamen id ipsum magis, quam admirari licebat reputantes, scilicet, minime diversos alios clarissimarum Rerum publicarum Imperiique praesertim Romani casus jam inde ab advena Tarquinio, & Servio Tullio, qui dominari potuere in urbem, cujus inquilini, vel servierant. Etenim coelesti semper nutu, & immutabili Divinitatis providentia, per inania haec, & apud mortalium animos absurda paratur in longum dignitas & salus urbibus ipsis, sicuti quidem urbi nostrae quodammodo parata est, cum ab ejusmodi Principatu fundarentur opes, quarum reliquiae divisa postea in mille posteriorum domos alunt hodie nobilitatis florem, magnanimosque Vicecomites, vel pace, vel bello ornamenta Insuorum.

Pactis, ut dixi, cum Apostolica Sede induciis, Bernabos inter haec tyrannica instituta vitam imperiumque

agebat: & postquam induciarum exierat annus, impiis rursus armis, quantum ex tuto poterat, ad vota impia nitebatur, auctus etiam subsidiis affinitatibusque novis, & hoc ipso violentior. Nam duarum filiarum alteram Federico Cypri Regis filio in matrimonium dederat, alteram Francisco Mantuae Principi: & mortuo jam Lionello Angliae Regis filio, per secundas viduae nuptias Montisferrati Demarchum perennem illum hostem stabili foedere junxisse secum videbatur. Ac veluti praesidia parans ultimo conatu, & conquirens undique omnia, projectior homo libidine pene, quam crudelitate, cum plenam adulterinae prolis domum, spuriosque & spurias tota urbe complures in angulis haberet, Doninam Joanni Acuto, Elisabetam Lucio Lando, Isoltam Guidono Foliano cum sua quamque dote, & vicissim ad res firmandas utilitate locavit.

Icto deinde etiam cum Florentinis foedere, seque & Metropolim Ecclesiastico bello pertinacius quotidie ille ligabat. Galeacius caetera concors fratri & fidus, in eo tamen consilia separabat sua, quod habere cum Pontifice volebat pacem, & Pontifex vicissim delectatus obsequio Principis ac pietate, castella, & arces restitui jusserat ei quae superiore bello ademptae, Romano praesidio jam tenebantur.

Moritur deinde ille, & paterni sensus una cum fortunae parte heres Joannes Galeacius Apostolicam Sedem omni religione colebat. Is Piccininam Bernabovis filiam Actio filio suo jungere nuptiis cupiens, cum in ea re, consanguinitatis vinculis impediretur, posuit hoc Catholici Principatus rudimentum, ut super ea re Pontifici Maximo supplicaret: peteretque ut patruelles Actius & Piccinina rite legibus solverentur, quae leges inire matrimonium ipsos vetarent. Preces ejusmodi suas mandavit Antonio Saluciensi, qui post Pusterulam Mediolani Archiepiscopus erat. Atque, quo testatior esset illustriorque significatio obsequii erga Sedem Apostolicam, jussit confici tabulas auctoritate publica scriptum hoc habentes: Quemadmodum rogasset ipse Archiepiscopus suum, ut suo nomine Pontifici Maximo supplicasset ad matrimonii jus impetrandum. Supplicavere una cum Archiepiscopo, Franciscus Estensis, Bonifacius Coconatus, Andreas Pepulus, Philippus Casolus, quos praecipuae per Italiam nobilitatis viros Viccomes idem ad Pontificem Maximum legarat.

Aliquanto postea Joannes Galeacius ipse aliam patris sui filiam in matrimonium duxit, exstatque ita scriptum in annalibus: Archiepiscopus Mediolanensem una cum Archiepiscopo Neapolitano annuisse, ut id matrimonium rite iniretur, & vincula consanguinitatis Apostolica auctoritate diremisse. Catharina nomen erat sponsae. Hanc, & Galeacium ipsius patruelem rite interrogatos Ecclesiae ritu, Archiepiscopus idem in D. Joannis Aede ad Conciam matrimonio conjunxit.

Anno altero, postquam id matrimonium initum erat (is fuit a Christo nato supra millesimum trecentimum octogessimus primus) uxor Bernabovis Regina Scaligera nomine, concepit animo majestatem illam Templi, quod D. Mariae Virgini dicatum instructumque Sacerdotiis amplis, & honestissimo Collegio, pars hodie Regiae magnitudinis in hac urbe est. Turrianorum aedes dirutae cumulaverant ruinas, ac deforme monumentum conspiciebantur: ruptis nunc vere domibus vulgare nomen manebat. Ibi Scaligera templum exstruxit, addiditque templo cognomen, ut Scalensis Virginis Aedes diceretur. Primus lapis positus est ad VI. Idus Octobris obeunte caeremoniam Archiepiscopo: impetravitque deinde Scaligera a Pontifice Max. ut sibi liceret instituire ibi Canonorum Ordinem cum Antistite suo, utque sacerdotia illa gentilia suae domus essent.

Per eos dies Archiepiscopus ipse, Clerusque Mediolanensis cum rusticano etiam Clero ad expiandos mortui Galeacii Manes conscivere, ut quas ille pecunias ex Ecclesiae bonis fructibusque coegisset, eas remitterent ultro, & condonarent, cum eo scilicet, ut Joannes Galeacius filius, & heres sacellum positum in D. Antonii Aede patris

patris nomine exstruendum curaret. Sacellum positum est, pecuniaque attributa, quae sexcentorum aureorum nummum summam ad nostrae hodie pecuniae aestimationem efficeret in singulos annos, aliaque piacula Galeacii Manibus fuere.

Anno qui sequebatur, Scaligera mortua est: isque casus Bernabovem gravissime perculisse est visus. In eo domestico luctu, per omnes Imperii sui partes litteras misit, quarum sententia fuit hujusmodi: *Bernabos Vicecomes Mediolani Imperialis Vicarius. Lugubrem nostrum casum, quo nuper afflictus sumus, significamus vobis, existimantes, eadem fide, qua prosperis nostris laetamini, etiam adversa prosecuturos. Regina Scaligera carissima nostra uxor diem suum obiit: ita Deo placitum est, cui resistere, nec possumus, nec velle debemus. Angimur tamen vehementissime pro eo sensu, qui nobis a natura tributus est, & ob peccata fortasse, nostra percussi tali plaga in moerore hoc jacemus. Ut igitur appareat, luctus nostros vobis esse communes, utque magnis Reginae virtutibus honos habeatur: volumus, vos atratos esse, vestemque lugubrem ut habeatis unusquisque vestro sumum mandamus.*

Haec summa litterarum fuit, factura utique fidem animi vere Christiani, si quilibet alius scripsisset. Quia Bernabovis nomen Epistola praeferebat, satis id visum cur simulacra inania pietatis & mansuetudinis irrideret. Obiit Regina Scaligera diem suum ad XVIII. Cal. Sextileis anno aetatis suae quadragesimo: Sepulta est in D. Joannis Aede, carmine adscripto, quo religionis laus inter caetera magnifice jactatur. Sed scriptores, qui temporibus vivere iisdem, quique aliis narrare quae viderant pertulerantve ipsi, superbam, impiam, audacem, & inexplabili cupiditate mulierem hanc totidem vocibus appellare Scaligeram minime dubitarunt. Ejus maxime stimulis praecipitem in omnia tyrannidis flagitia Bernabovem esse actum, eademque matris disciplina filios eruditos ad omne scelus nequiores etiam fuisse patre: patrem una cum filiis & uxore, disposita & inita habuisse consilia de Joanne Galeacio interficiendo, ut imperium omne occuparent, juveneque sublato, consortium illud infociabile dominationis tolleretur.

Quae consilia, diu, sicuti credere licet, agitata inter senem jam tyrannum, & juvenes turbulentos, & immixtam marito prolique Scaligeram, postquam haec decessit, in capita auctorum recidere, cum adhuc agerentur. Nam juvenis Galeacius, ubi considerando attente patris instituta, & vitam, patrueliumque mores, & male dissimulatam erga se invidiam: nimium blanditiarum & fictae hilaritatis quoties ex destinato congregarentur tristes, & magnae rei cogitatione suspensos, quoties repente aditi deprehensique essent: suspicari primo aliquid coepit: deinde acrius vehementiusque suspicari: postremo conjecturas ipse suas conferendo cum nonnullis aliis indiciis, quae per exploratores, & amicos delata erant, eo pervenit, ut haud dubie rem totam, & orientes in caput suum insidias videret sicuti ea, quae oculis cernuntur. Non erat facile effugium remediumve periculi imminentes, tenente Metropolim imperiique arcem insidiatore patruo, paratis ad ejus iussa patruelibus, implacabilibus proximorum odiis, ubi semel accensa sunt, multo magis implacabili violentia, ubi rabies in potentiae aemulum consortemque Principatus accendit.

Unica spes etiam ipsi in fraude & dolo, ut peteret insensam Domum iisdem artibus, quibus ab ea petebatur, malletque, quoniam eo necessitatis ventum esset, capere quam capi, & prodi potius hoc memoriae, quod patruo ipse manus iniecerit, quam quod foret ab eo interfectus. Simulat primum omnium vehementissimam animi sui interturbationem, quasi tactus divino spiritu, nihil jam ageret cum mortalium rebus attonitusque mortalitatis sine, se se quam sanctissime ad suprema comparare vellet. Nec fuerat antea ab studio imitantisve pietatis alienus. Nunc enim vero sumpta larva sanctimoniae plane ipsius, remittere curas imperii, colloqui de morte tantum, & Paradiso cum Minoribus Franciscanis, eorum quotidie aliquem ad mensam adhibere, mensa uti parcior, & modesta, corporis habitu, & cultu

videri ipse quoque Franciscanorum unus, nec in publico tantum oculisque populi, sed domestica, & interiore disciplina, ut falleret etiam si quos in familia appositos sibi ab hoste patruo exploratores haberet. Prodiat ad templa quotidie supplicatum, & nudis aliquando pedibus ivit, stipatus tamen semper interea catervis armatorum, & auctis circa palatium excubiis ex fidissimorum delictu. Ea ipsa diligentia contemptum auxerat sui, tamquam, inter alterius vitae curas, & moriendi formidinem insaniret.

Sic Bernabos interpretabatur, multaque apud ejus filios in patrualem irrisio erat, ob mores, sicut ipsi existimabant, fatuos & absurdos, quos ab vita sensuque communi ille alienaretur. Ne vi quidem alia opus esse in eum, cui mens animusque sua sponte contabesceret. Pervagatus templa omnia ad Ticinum, & fatigato colloquiis sollicitudinibusque de altera vita suis quidquid ibi sanctiorum hominum erat, dissipat hanc repente famam, quod Deiparae Virginis Aedem, quae supra Varisium in montis vertice est, adire vellet. Armat deinde peregrinationis ejus causa exercitum, & post aliquot dies itinere se se committit. Praecedebat ipse pedester, cum nobilibus aliquot fortibusque viris haud sine priorum comitatu quos circa se assidue habebat. Equitum turmae modico intervallo subsequerentur: pars militum antecessere, pars circumfusa Principi nullo ordine ibat: accipiebanturque cuncta veluti per infaniam juvenis, qui vellet se esse beatum, & Panicis terroribus agigaretur. Bernabos, Ludovicum, & Rodolphum e filiis suis jubet obviam exire peregrinabundo illi, fruique spectaculo, & partem ejus etiam ad sese postea perferre. Mox ipse quoque exit, tamquam debito honore erga fratris sui filium, & filiae maritum, revera, ut averteret suspiciones sermonesque hominum, & gratissimam oculis animoque suo speciem ex illius infania usurparet.

Ad D. Ambrosii Xenodochium obvii invicem fuere. Ibi descendere volentem ad pedes, Otho Mandellus, & Bernardonus Lonatus, quibus a Joanne Galeacio mandatum erat, injectis repente manibus in mulae qua vehabatur habenas tenuere Bernabovem, statimque equites, & tela & multae armatae manus circumsteterunt ipsum & filios adeo destitutos ab omni civium caritate fideque familiarium, ut nemo gladium strinxerit, nemo inclamaverit ad arma. Id ita futurum esse Galeacius viderat. Captivi ducti sunt in arcem Jovis, & Domus ipsa Bernabovis diripienda plebi data, ut contacti praeda illa civis spem omnem pacis cum tyranno amitterent.

Ita Joannes Galeacius, deposita repente simplicis animi persona quam sumferat, omisssaque peregrinatione, & dimissis in sua claustra Religiosis hominibus, quos ad scenam eam instruendam adhibuisset, imperium hac fraude omne adeptus, omnia callidissimorum Principum consilia tractabat inter callidos tantummodo & armatos: conspiciabaturque ad malitiam Bernabove ipso nihilo deterior. Scripsit ad omnes Italiae Principes de captivitate patruis, consilioque suo necessario, & quemadmodum patiendi sibi ultima fuissent, nisi fraudes hominis appetentis Italiae dominatum ipse antevenisset. Neque vero in caput tantummodo suum paratas ab eo fuisse insidias, sed omnes, quicumque per Italiam opibus & fortuna aliqua, vel auctoritate possent obstare tyrannidi, insidiis esse similibus appetitos. Contemptorem Numinis, irrisorem omnium religionum, postquam templa spoliavisset, Civitatemque pene sustulisset, generum etiam fratrisque filium eundem tollere voluisse, nullis injuriis nullove laceffitum odio, sed tamen, quia propria quadam & insana sua ratione censeret, non posse eodem stare loco religionem simul & imperium & societatem humanam. Qui hoc animo fuisset in suos, hunc facile existimari posse, quid in alienos meditaretur.

Scriptis in hanc sententiam circummissisque litteris addiderat Galeacius confessiones & indicia tremendarum rerum horribiliumque scelerum, partim, sicuti erant a Bernabove cogitata vel admissa, partim, sicuti criminatori eidem, & domino facile erat fingere adversus reum, qui clauso jam in tenebris ore, spirituque & ani-

ma prope interclusa nullam emittere vocem posset. Etiam si innocens Bernabos & calamitate indignus illa foret, notum tamen est, quid domi suae Principes efficere per solertiam, & obsequia ministrorum possint, ubi quempiam illigare iudicii forma necesse habuerunt, sive destinavere per iram. Tanto promptiora omnia erant adversus eum, qui violenter, iniuste, avarique olim imperitando, plurimam nunc, & criminationi materiem, & animis alacritatem addebat ad comminiscenda in ipsum etiam ea, quae non admisisset: inspectoque quaestionis volumine, meritam poenam habere Bernabovem annuerunt iidem illi, qui audita captivitate, exemplum magnopere improbarant.

Sic Galeacius invidiam averterat a se omnem, patrumque focerum, & patruales ex tanta detractos fortuna, carcere obscuro clausos tenebat, ipse totius provinciae imperiique Mediolanensis potens, nec ea satis opum & terrarum amplitudine more Regum contentus. Ne victoria quidem ipsa contentus, & captivitate suorum, incruentaque possessione totius provinciae imperii, fustulit paulo post veneno patrum, eoque facinore mistam laude infamiam est assecutus, quia exemerat captivum tam infelicitatis vitae poenis, & rursus, quia noluerat saltem vitam relinquere ei postquam imperium lucemque ademisset. Datum est venenum per carceris custodes, infusumque fuit delectabili phaseolorum cibo, tanta negligentia famae quod ad rem eam attineret, ut super eadem mensa conversis repente oculorum pupillis & spumanti protinus ore vociferari moribundus senex inciperet, ac paulo post efflaret animam.

Spatium tamen fuisse Sacramentis, alii tradunt, & multa circa alteram vitam sollicitudine, religiosoque conatu Bernabovem haec idem tamen verba pronuntiavisse: **COR MEUM CONTRITUM ET HUMILIATUM DEUS MEUS NE DESPICIAS.** Ut exspiravit, imponitur feretro calidum adhuc fervensque cadaver, & mandatur tumulo, qui in D. Joannis Aede ad Conciam, sicuti hodie visitur, stabat. Namque ille, sive melior intimo sensu, quam inter imperitandi cupidines artesque videretur, sive deterior etiam, & nequior quam fama hominum ferret, velut cogitatione supremorum exstruxerat id sibi sepulcrum integra adhuc aetate, & sicuti meriuntur vitae spatia mortales, nondum juxta curriculi calcem.

Exitum autem hoc clademque Bernabovis antecessere prodigiorum monitus, quos facile civitas interpretata est, postquam mortuum in vinculis tyrannum, captivos ejus filios, & servam in novo Imperio domum videbant. Palatium fulmine ictum, & pars muri quassata erat. Rodolphus Principis filius fulmine alio pene exanimatus. Insigne Gentis, vipera, quae juxta D. Georgii Aedem in palatii fastigio steterat, dejecta turbine, & pleraque alia cum acciderent, neglecta, post rerum mutationem, cuncta illuc referebantur.

Sublata in hunc modum tyrannide, tyrannoque ipso, novus Princeps ante omnia operam dabat, ut & pietate in Deum, & mansuetudine in cives moderationeque imperii diversum se se praestaret ab ejus institutis, in cuius captivitate & nece, liberandae Italiae titulo usus fuerat. Simul hoc volebat assequi, ut memoriam nomenque ejus diversitate illa oneraret. Forte per eos dies Templi maximi turris procubuerat ingenti ruina, vicinisque tectis illapsa moles, aedium hominumque stragem ediderat qua Canonici ipsi incolebant, & aliquot eo casu obtritos esse Canonicos ferunt. Ex reliqua multitudine periere ad ducentos: parque fere numerus mutilatorum, aut exigua in spe traheantur animam, fuit. Ea primum largi piique & mitis animi materie Galeacius arrepta, materiem ipse sermonibus tota urbe gratissimam honestissimamque dedit: quanto Superum munere calamitas ea dilata fuisset in Principis hujus tempore: quanta calamitatis accessio, si altero illo imperitante accidisset, qui civium & populi malis lactaretur. Nunc, & Principis impensa benigne curabantur, quibus in eo casu deerat domi aliquid, & illius ruinosi aedificii casus, initium & origo fuit Templi Deiparae Virginis, quod

unum hodie in terris visitur dignum magnitudine & gloria Divae, cujus nomini sacratum dicatumque est.

Anno **CIO CCCLXXXVI.** qui Galeacii imperitantis alter erat, prociderat turris. Ad **XVI.** Cal. Junias anni ejusdem, magnificis verbis adhortante populum Clerumque Galeacio, & hortamenta majora pecunias thesaurosque suos ad inchoandum opus profitente ac depromente, sterni ac dejici coepta est Mariana Aedes, obscurior, & humilior illa fortasse, quam pro reliquo splendore urbis, & Metropolitanis nominis majestate. Annum fere totum tenuere, demolitio veteris Aedis, & deformatio novae, quae accitis undique architectis apud Principem Galeacium, & Archiepiscopum Antonium, circino & graphide quotidie adornabantur. Insequente Majo, constituta novae molis forma, purgataque rudibus area, & fundamentis apertis, primus lapis est positus, isque dies fuit Nonis Maji. Quem hoc loco poni & adscribi diem oportuit, ut nota essent primordia operis, cui per ducentos amplius ab eo die annos adlaboratur, & fore aliquando finem homines desperant, iidemque simul admirantur, potuisse tam brevi aeo continuis artificum etiam omnium laboribus, & continua pecuniarum omnium erogatione fieri id quod vident. Adeo, cum stet Aedes amplexa quidquid miraculorum ars & pecunia depromere & ostentare possunt, cumque tantae urbis populus in vasto illic & capacissimo sinu, beatarum sedium imagine contentus attonitusque fruatur: requirunt tamen, quatenus ingenia mortalium, & annorum spatia, & naturae ipsius opes suffecturae sint, ut frons fastigiumque templi absolvantur, utque ab rupe, & Verbano Lacu transeantur in urbem excisae jam & praeparatae in vestibulum columnae longitudine ac diametro, quantum profana antiquitas ne cogitare quidem ausa est.

Hanc novae Aedis ichnographiam, ottographiamque, & scenographiam ex Germanica symmetria trigonaliratione norma peraequata confectam, & multorum dierum consultatione tractatam, inter Archiepiscopum, & Principem, & architectos, aliosve Primores urbis, probavere & suscipere, nulla cura quod ad sumptus infinitos talis fabricae attineret. Nam, & civitas universa studiis exarserat immanibus, & Princeps ipse Galeacius large acervos proferebat, cum scilicet in D. Nazarii arce, quae nunc Xenodochii maximi sedes est, tantum argenti aurique, tum rudis, & infecti, tum facti, & signati reperisset, ut plaustris per aliquot dies compluribus inde eveheretur. Augebatur inde una cum opere ipso Principis animus ad molem attollendam, quae nulla toto terrarum orbe conspectior foret, nec minor gloria civium animos attollebat, ut non quotidianis modo largitionibus, sed fundis atque redditibus, & hereditatibus saepe totis fabricam ejusmodi instruerent. Atque in tantum postea splendorem tantisque divitias res venit, ut cum opificii magnitudo quantamlibet posse pecuniam exaurire videatur, patrimonium tamen aerariumque hoc fabricae ipsi superstes fieri necesse sit. Eritque tempus olim, cum supra, infra, extra, intra, absoluto opere, certatimque refulgente marmore & auro, spirantibus undique simulacris, & altero hoc statuarum populo provocante hominum pietatem, etiam sacra suppellectili jam destitute impensas, cogitabunt Praefecti quid pecuniis illis facere redundantibus debeant. Tanta liberalitas, & munificentia populi Mediolanensis fuit. Quod si mihi, peractis in quae tetendi, parumper adhuc agere ista licitum fuerit, velim utique exhilarari exponendo fabrilium harum Ecclesiae Mediolanensis opum magnitudinem, & statum, earumque oeconomiam, & administrationem ad magnae Reipublicae formam: scilicet, ut regantur ab Cleri civiumque primoribus, ut inter ordinem utrumque provinciae comparentur, ut sua singulis munera, cunctis auctoritas & suffragium, corpori demum universo caput & aliquando dissidia, quae semper oportet esse ibi ubi sint magna negotia, & pares animi. Simul, domestici marmoris copiam, genera & varietates, & proprias venas, delectum artificum, ac sacro patefcente campo nobiles officinas, operum aestimationes, constituta stipendia archi-

chitectis, causarum actores, litiumque patronos, & scribas, & omne ministerium, partemque jurisdictionis & imperii, omnia sedulo exsequar cum bona recordatione & laude majorum nostrorum, qui tantas ad Deiparae cultum opes contulere.

Longe vero gratissima atque ad animi mei solatium aptissima descriptio erit ipsius Templi, quod magnae provinciae instar, vagandi per singulas partes, in longum, in latum, sursum, ac deorsum, intra, extraque, ab imis fundamentis ad summas coronides, spatia ampla praebebit: & pervagatio ista iustum propriumque sibi volumen requiret. Nam sicuti Graecus Pausanias, deducta per terram eam universam narratione, quoties illo gradum fecit, reperit res historia dignas, parique passu procedunt ibi locorum nomina, & res inclytae ac memorandae: sic nobis in tradenda Metropolitanae Aedis forma, ad singulos fere lapides, aut artis eximiae, aut sumptuosissimi, aut mysteriorum insignium contemplatio occurratura est successuraque ultro sub stili acumen. Interim, demonstrasse sic sufficiet operis initia, quod anno eo salutis humanae millesimo trecentesimo octogesimo septimo sub Joanne Galeacio Principe urbis, & Antonio Salutienfe Archiepiscopo inchoabatur.

Eodem anno, Angleriam, Tainum, Guarnisium, quae loca fuerant Archiepiscopo subiecta, Pontifex Max. Catharinae Joannis Galeacii conjugii concessit, imposita vestigiali marca, testandi causa juris ea loca esse Ecclesiastici: & sublati aut omitti veterum certaminum causis fida tranquillae erant omnia Vicecomitum cum Apostolica Sede. Caeterum, cum laeti novo imperio Mediolanenses datum sibi divino beneficio Galeacium, & perpetuam sub eo pacem inter sese gratularentur: Bellum Veronense aderat, haud quidem ejus hostis viribus & nomine magnopere timendum, sed ob adjunctas Scaligero gentes Principesque alios, non minus grave ac terribile Metropoli, quam alia, quae ad eam diem bellata erant.

Antonius Scaliger erat hoc tempore Veronae Princeps sub Vicarii Imperialis titulo etiam ipse tyrannidem exercens haud umquam amicus homo Vicecomitum genti, semperque molitus aliquid palam sive secreto, quo dominatus iste elideretur. Praecipue autem obistere voluerat, ne Germanica matrimonia, quae dixi, inirentur, & ferendo maledicta in Vicecomitum genus foedera ea pene disjecerat. Insuper, afflictis & dubiis ad Brixiam rebus accedendo ipse, & fovendo ibi hostem, aut instigando, difficiliora omnia Mediolanensibus effecerat. Spes quoque & consilia pacis ineundae cum Patavino, maligne turbata per eundem: & quoniam haec ipsa forte innotuerant, damna alia graviora, vel jam intulisse occulta, vel in posterum illaturus esse credebatur. Cum tali homine bellum apertum quam pacem infidam habere Joannes Galeacius malebat: ac veterem populi Romani morem usurpans, repetito, quidquid hostiliter ac malevole in se ille tentasset, sive admisisset, ob talem animum, & talia facta publice amicitiam circunnavit, bellumque indixit.

Percussus ea denuntiatione Scaliger, cum reputaret imparem se vi aperta tanto hosti, fraude, qua caetera egerat, utendo, purgabat infime objecta, Galeaciumque ipsum, compositis metu & adulatione vocibus, & Patrem, & Dominum fallacissime appellabat. Exstant enim utriusque litterae, alterius quidem, scriptae severe ac dolenter in perfidum amicum, implacabilem hostem, ob eamque perfidiam & acerbiter, rem ad arma deducentes, alterius vero, tam humiliter, & abjecte deprecantes iram, ut ea ipsa deprecatio & abjectio indicium esse posset animi captantis aptiora sibi tempora, & credulitati alienae insidiantis.

Postquam invicem ea scripsere, Galeacius haud minor talium artifex, ut qui vitam imperiumque cum domesticorum hostium perniciem fingendo etiam ipse adeptus esset, intellecto astu & contempto, nihil ultra verborum super iis rebus effatus exsequi bello parat, datis tantummodo ad Florentinos litteris ut iustum id necessariumque esse bellum scirent. Eventus bellum minus cruenta

A fecit omnia quam publica expectatio & urbis metus fuerat. Quippe inducto in Veronensem agrum exercitu Mediolanensi, vicissimque Scaligero, suis & amicorum copiis ad vim arcendam impigre coorto, cum res ab utraque parte in magno discrimine esset, capta momento pene uno per dolum urbs Verona Scaligerum ipsum, & foederatos fregit: cunctaque ei hosti subiecta loca Metropoli accessere. Dolus autem, per quem capta sine sanguine Verona est, res quaedam huiusmodi fuit: Ejecerat Scaliger patria Gulielmum Bevilacqua, vel potius, iste fugiens ultro Reguli illius violentiam, contulerat se se Mediolanum, in opulenta hic aula magnaeque urbe, tutam & honoratam reliquam sibi fore vitam credens. Quae spes, cum eum minime fefellisset, inter caetera commoda, & ornamenta, quae in altera hac patria est affecutus, bello etiam hoc Veronensi Mediolanensis exercitus Imperator rem universam militarem in potestate habebat. Benaciorum cum villarum incendiis, & agrorum vastatione perpopulatus, multas munitas arces, & pleraque opportuna loca ceperat, non procul a spe capiendae urbis, quae jam acerrime oppugnabatur.

Sed, ut dixi, res magni discriminis erat: validaque munimenta, & pertinacia defensorum foedam in aditu dimicationem ostendebant. Tunc ille, clandestino colloquio corruptis nonnullis, quos ibi in vetere patria fidos adhuc amicos habebat, rationem cum illis hanc iniit, ut facta eruptione, captivos secum in urbem traherent fortissimum quemque Mediolanensem, qui praeparati in id ipsum, absque periculo vel certamine ullo, in manus, & vincla ipsis traderentur. Ferme sub auroram, obscura adhuc luce cum erupissent, redissentque proditores ovantes captivorum agmine quos ducebant, dato familiari signo recepti in urbem, aliquantum a porta, qua exierant redierantque progressi, demunt raptim facta illa vincla Mediolanensibus, & converso ad portam eandem gradu vigiles obtruncant. Ita patuit exercitui aditus in urbem, Scaligerque ad primum tumultum conscenso equo, vocans ad arma, nomenque suum inculcans, ubi resides stare universos vidit, elapsus scapha per Athesim fluvium Venetias suae ipsae cladis nuntius cum insana trepidatione appulit. Cuncta, quae ille possederat, & urbs Vicetia praesertim, antea multum expetita Vicecomitibus, ad Galeacium Metropolimque pervenere: arma inde Mediolanensem in Patavinum Carrariensem incubuere, tum fortuna tum ingenio similem hostem ei qui fractus nuper subactusque erat. Parvum is quoque imperium vasto tenens animo, violentia in subiectos, in superiores invidia, malignitate in omneis, ut Regulus ac Dynasta, nimium potens, ut Regum quispiam nimis inops, seque & alios assidue inquietabat, cum neque intra fines consistere illos posset, & in aliena transcendere volentem destituerent vires, fortuna semper adversa retineret. Praecipue, cum ista Vicecomitum domo agebat aemulatum, in eo ipso Scaligeri olim aemulus, & sicut ille, per fraudes fere occultas, quia bello aperto impar. Vomicam etiam hanc tolli longe venientem oportere Joannes Galeacius existimans, ut imperii securitatem, & vitae quietem haberet eam cum qua reliquos suos dies agere destinabat, misso in Patavinos exercitu, assumptis in expeditionem auxiliis, levi negotio, propter alienatos illic ab tyranno omnium animos, tyrannum subegit ipsum, ut populi impetum timens, se suaeque omnia, liberos, uxorem, urbem, arcem dederet, ne civium suorum manibus, id quod prospiciebat fore, laceraretur.

Haec victoria Vicecomitem extulit ingenti gaudio: & sicuti cuncta prospera ad Deum Virginemque Deiparam, referre solitus erat, edixit, ut per omnia imperii sui loca supplicationes per triduum haberentur. Edicti forma haec fuit: Benignitate Numinis aeterni, semperque alio super aliud ergares Mediolanensem divinae indulgentiae munere esse factum, ut Patavinus imperium omne quod tenebat, desperata ejus defensione permetteret in suam, & populi Mediolanensis potestatem. Id sibi accidisse gratissimum, quia domitis undique hostibus,

bus, & parta per terras omnes pace, facultatem jam denique optatissimam illam habiturus sit agendi tranquille & quiete cum subiectis suis id vitae quod superesset. Pro tanto coelesti beneficio, licet inter hujusce mortalitatis miseras nihil vicissim erga Deum Opt. Max. fieri pie satis ac reverenter possit, censere se tamen honorem divinae majestati utcumque esse habendum. Proinde, supplicantes populi ad sua quique templa procederent, Christumque Salvatorem una cum sanctissima ejus Matre venerarentur ob id munus. Datae sunt litterae Abiati, quo se se Princeps ob pestilentiae metum contulerat: dieque & annus in iis litteris adscriptus XXVI. Cal. Dec. CIO CCC LXXXVIIII.

Eo anno centeni quinquageni viri nobiles e singulis urbis regionibus, quod publicum concilium erat, per suas quique paroecias de more congregati, dedere Othorino Marliano, Joanni Casato, Joanni Pusterulae, Odoardo Conrado, Joanni Carnago, Francisco Mairolae, Georgio Morefino: his omnibus dedere mandatum, ut Reipublicae Mediolanensis nomine in verba Joannis Galeacii Vicecomitis jurarent. Juravere, subiectam & obnoxiam fidemque Principi civitatem fore, ratumque testamentum habituros esse, quodcumque ille recte, & ordine fecisset. Iidem dixere sacramentum Joanni Mariae filio infanti, qui anno eodem ad Abiatum natus Principi ex Catharina uxore erat: dixerantque parentes id puero nomen ex voto, quod nuncuparant, dicantes Sanctissimae Virgini Mariae prolem, quae ex eo matrimonio nasceretur. Non deinde Clerus populusque Mediolanensis fruebantur ea pace, & felicitate, quam sub tali Principe exspectarant, quamve Princeps ipse iactando atque ostentando sermonibus, & spe vana semper, nondum re ipsa patriae exhibere potuerat. Quin imo deducta res in eum statum est, ut onerati tributis immodicis Sacerdotes, tempora illa desiderarent, quae sub Bernabove detestati erant. Causa, non tam ex Principe ipso, quam ex communi imperitantium conditione, ut diu aliis molesti, postquam vellent ipsi quiescere non possint. Nam ubi ad pristinum Mediolanense Imperium adjuncta Veronensi, & Patavina re, tanta potentia Vicecomitis erat: invidia, metu, dolore protinus excitati, quos irrita aliqua cupiditas, vel imminetia pericula, vel accepta damna stimulant, conjunctis inter se viribus Florentini & Veneti Scaligerum & Carrariensem profugos ad se & supplices tamquam misericordia & favore amplexi ob suam pars utraque utilitatem, restituere pulso Vicecomite conabantur in sedem unde per eum detracti pulsi que erant. Hinc bella & calamitates Principiuribusque subiectis, & malorum omnium summa redibat in urbem nostram.

Jubilaeum hoc tempore Romae fuerat, exactoque jam saeculari anno, Vicecomes aegre ferens quod homines sui propter continua bella, peregrinationis & Indulgentiae fructu caruissent, impetravit a Pontifice Bonifacio, ut Jubilaeum idem ex Romana formula Mediolani esse vellet ac juberet. Placebat Pontifici occasio expiandi tot secessionum flagitiis antea temeratos Insulares, plenissimaeque Indulgentiae munus hac formula concessit: *Omnes, qui sunt in Vicecomitis imperio, viri, seu feminae, civilis ordo sacerque qui peccata suarite confessi dolenterque detestati erunt, Indulgentiae hujus munere ac virtute liberantur noxis omnibus atque absolvuntur. Peregrini, qui consequendae Indulgentiae causa ierint in eam urbem, per decem dies Mediolani commorabuntur, ibuntque ad templa supplicatum. Templa autem haec erunt, ad quae supplicabitur, D. Mariae Virginis Aedes, D. Nazarii, D. Ambrosii, D. Laurentii, D. Celsi. Ad templa ista qui poterunt ac volent elemosinae nomine donum dabunt, augendo illic cultui divino, templisque ipsis ornandis atque excolendis.*

Convenere Indulgentiae causa magna Mediolanum multitudo: cumque statuta & finita exiret dies, prorogavit eam diem Pontifex Max. adjecitque treis adhuc menses, intra quod spatium aditus ad coeleste id munus pateret. Versa tota in religionem Civitas, eademque in pietatis nunc etiam alienae domicilium, minime ta-

A men interea, sicut dixi, quiescebat a bello, quod praeter primas in Vicecomitem Metropolimque expeditiones, facta omnium fere Italiae Principum conjuratione, vi tota motum repente erat. Nam Veneti, & Florentini, verecundia foederis, quod ictum cum Vicecomite habebant, gesserant velut ex occulto bellum, magisque induerant arma exfulibus illis Carrariensi & Scaligero, quam armati palam ipsi prodierant in ullam aciem. Nunc palam omnes Italiae dominatus armabantur, Principesque etiam externos traxerant secum: & fama fuit, Pontificem ipsum Bonifacium, quamquam, ad animarum salutem, Jubilaeum pastoralis animo mitis indulgensque concessisset, tamen huic infensum fuisset potentiae, damnosamque & periculosam eam Ecclesiae rebus existimantem, caeteros ad conjurandum incitasse.

B Certe, cum id Principum Italicorum foedus, & pacta inter ipsos armorum societas Mantuae promulgaretur, titulum ei foederis ac societati praetulere hunc: auctoribus Pontifice & Caesare, conjuncta esse arma remque susceptam. Armeniaci Comes Caroli Galliae Regis gener erat, magna virtute & fama, quam diuturna per Gallias Hispaniasque militia & prosperis in utraque parte expeditionibus nobilitarat. Hunc adversus Vicecomitem in Italiam excivere foederati, praemissa ad eum grandi pecuniae summa, ut ea pignus esset ingentium aliarum rerum, quas longe supra pecuniam etiam aestimatas, quo promptius expeditionem iterque capefferet, ostentarent. Pollicebantur enim ejus militiae pretium, Castella & arces, & Vicecomite pulso, stabilem in Italia sedem, & quamcumque aliam victoriae partem ipse exoptasset.

Dictum tamen secreto inter nonnullos, creditumque fuit, non tam mercede illa promissisque foederatorum, quam foci Regis dolo Comitem eum Armeniacensem in Italiam esse adductum, remque verecunde occultatam ob recens cum Valentina matrimonium, quae Galeacii ipsius filia Ludovico Regis fratri nupta erat. Gallum Regem irritum semperque miserabili ad exitum conatu jam inde ab eo tempore imminentem huic Metropoli, stimulasse generum hunc suum, ut per occasionem invitantium foederatorum in Italiam profectus, simul moliretur in re ista Mediolanensi aliquid, simul Pontifici Bonifacio, cui Pseudopontificem Avenionensem ipse opponebat, infesta omnia efficeret, atque etiam data opportunitate palam cum oppugnaret.

D Profecto, hominibus Gallis cavendum semper erit, ne, vel cupiditate sua, vel consiliis alienis inducantur, ut res tentare Italas velint & exempla haec in omni illic Regio colloquio & Senatu pro documentis esse debebunt, quoties de transitu Alpium deliberatio inciderit. Nam, nisi ipsae ab natura interjectae Alpes atque tot luctuosi casus exercituum, Ducumque & Regum, qui transgredi voluere, constituissent disciplinam refugiendi procul ab hoc sepulcro Gallorum Italia, poterat vel ipse E Comitis Armeniacensis casus ante ducentimum hunc fere annum, execrabile & horrendum Italiae nomen in perpetuum facere Gallorum genti. Ducebat Armeniacensis armatorum ad decem millia veterani militis, & sub victore semper duce vincere assueti: neque clariores alios bello viros bellicosissima natio celebrabat. His ad Alpium ipsarum radices conjungere sese copiae aliae, quas foederati regione illa praeparaverant, ut transgresso in Italiam Gallo, praesto essent atque associarentur, quo terribilior ad Metropolim invadendam exercitus universa statim mole duceretur. Florentina legatio cum praefectis & curatoribus ibat Armeniacensi comes, ne F quid exercitui deesset, ut que per compendia viarum expedito agmine Galli irent.

Per Salinas, inde per Taurinos progressi Alexandriam versus, dum pleno gradu Mediolanum, & feroces & lacti vicinitate tam expetita urbis, recta contendunt, triste praesagium vicinae cladis, & in eodem fere loco tristiores cladem habuere, quae Mediolani causa gaudiorum ingentium, solenniumque supplicationum fuit, quamvis, ut dixi, ob novas illas in media pacis expectatione miseras aerumnasque bellorum moesti omneis, &

& tributis onerati immodicis jacerent. Unum ignobile & castellum servavit in tali tempore Metropolim, perdiditque Gallos, & memorabile in omnia saecula militarium flagitiorum exemplum edidit. Nam nisi loci ejus oppugnatione retineri sese passus esset Gallus Imperator, foretque strenue persecutus iter suum, ita ut venire & adesse Gallos fama eadem ferret: fortasse inter attonita & superioribus fessa bellis omnia sine certamine victor, & cuncta camporum tenens ad moenia urbis accessisset: ac caetera deinde Mars anceps & urbis fortuna decreta erat.

Tunc ignobilibus adfidendo muris exitum statim habuit eum infelicem. Castellatum nomen est loco quem exitinere occupare Galli concupiverunt, ridiculo consilio, nisi si potius Deus ipse, vel ira in gentem eam nostri vel cura, vecordiam duci militibusque tantam injecit. Admotis machinis & omni oppugnandarum urbium apparatu, cum hinc quaterent strenue muros, hinc circumjecta popularentur, die quodam oppidani meridiano tempore (& erant Sextili forte mense calores magni) speculati incustodita omnia, dum hostes aut sedent dormitantque humi, aut per casas, & tentoria ludibundi terunt tempus, pars vagi, & palantes, pars sub vexillis & agmine praedas agunt: eruptione facta escas ignis circumdedere tecto quo trecenti amplius equi abditii erant, & parem fere hominum numerum straverat ibi juxta equos ex vino & aestu gravans corpora somnus. Arserunt ibi cuncta momento pene uno, nec prius sensere Galli incendium, quam tunc cum fumo & vapore flammisque involuti, neque oculis, neque animo competeabant ad ullum in tali discrimine necessarium & salutare opus. Adcurritur undique ad id spectaculum, & Armeniacensis ipse trepido nuntio excitatus, cum ambusta cremataque omnia, & informes equorum hominumque figuras inspexisset, ne casu quidem eo admonitus erroris sui, quo tamquam alter Annibal circa partes minimas infelicissime districtus expedire sese, caputque petere ipsum nesciret, omissa adhuc urbe Mediolano, cujus potissimum causa trajecerat Alpes, pergit stimulante insuper ira castellum oppugnare illud. Simul ad vicinae urbis moenia cum exercitus parte progressus, minitabatur ei urbi excidium, & viles inde exire Lombardos jubebat.

Ejus vero vocis contumelia & indignitate permotus Jacobus Vermus, qui collocatus ibi ab Joanne Galeacio cum Metropolitanis exercitus parte erat, exit ad pugnam, cohortatus antea milites suos, ut insultantem barbarum cogerent vocem mutare, quam stolide jecisset: docerent, non viles, sed generosos esse Lombardos. Quia porta cum duce suo exierant Metropolitanis, contra eam multitudo conglobata Gallorum constiterat. Inter contumeliose insultantes, & contumelia irritatos districti confestim gladii, & quidquid telorum, in hac, vel in illa parte erat. Dimicatur confertim, & passim, tumultuarie magis, quam ordine ullo, pugnandique ordinem suum cuique impetus, sua praebet ira. Vir virum saepe amplexus detrahit equo, fodiunt oculos, ora mucronibus quaerunt: & aliquamdiu veluti lucta quaedam ex equis erat, irruente in mortuum Metropolitanum semivivo Gallo, vel exspirante super exanimem Gallum Metropolitanum milite, dum cuneus, & turbo ille pugnantium glomeratur. Sed pellendo invicem sese, ac trudendo, paulatim in vineas nexu traducum impeditas devenere. Ibi Gallus Imperator, Armeniacensisque Comes, multis antea victoriis clarus, bello hoc missus ad oppugnandum Pontificatum, capiendamque Metropolitani Italiae arcem, acto forte in traduces eas & palos & vitilia equo, dum bellua irretita jactat ferociter ungulas tantoque magis implicatur: evolutus ipse, sive sponte desiliens, ab iis, qui casum viderant, facto repente concursu comprehenditur, & velut immanis fera oneratur vinclis, atque pertrahitur in arcem.

Quod ubi captum abductumque videre Galli suum Ducem, ita concidere animis, ut nullo negotio caperentur ipsi quoque, aut caederentur. Namque, praeter eum terrorem, & caliginem offusam ab tali spectaculo

repente animis, etiam mollia corpora, nec ferentia aestus ultro fatiscabant. Qui validiores fuere, fuga arrepta, tenebrarum beneficio (nox enim intervenerat) aliquot millia passuum praecepere continuo cursu, donec incutis nostris oppressi retraherentur.

Miraculo pene fuit, quod mille Mediolanenses decem millia Gallorum vicissent: nam tantum in utraque parte fuisse numerum constat. Florentini curatores, & legati, qui deduxerant infausto itinere exercitum, etiam in vincla comites iere. Nunciata ea Mediolanum, tanto laetiora fuere populo Principique, quanto tristior vulgatioque erat in urbe fama veterum irruptionum Gallicarum, cum scilicet onustam rerum nostrarum praeda gentem trucidassent sub oneribus ipsis, haud sine mutua clade majores nostri passi res insuper ab iisdem alias, quarum deformitatem fuso per vias universo praedonum sanguine eluere coacti essent. Nunc, quia tam abominatae memoriae hostem provinciae jam ingressum limina, ducis error, & praefens Numen, virtusque militum ad fines in statione locatorum oppresserat: res digna visa est, quae pietate, & gratulatione publica celebraretur: & Principis jussu, nocturni tota urbe fulsere ignes supplicationesque de more habitae per triduum. Captivi, paucis post diebus adeptis armis, & equis, dimissi omnes, praeter paucos, qui monstrabantur a caeteris ob divitias, & splendorem. His enim edita pecuniae summa, quam ab domo accirent: & donec pretia redemptionis adfuere, in vinculis retenti. Armeniacensem ipsum primo captivitatis die mortuum esse ferunt, sive agitatione tanti casus & moerore animi, sive hausto clam veneno, quod Regio barbarico more ad dubia fortasse abditum gerebat.

Hunc exitum habuit Gallica in Mediolanenses expeditio. Nec felicior alia, qua foederati Joannem Acutum patriae desertorem eodem tempore miserant ad urbem invadendam, certa prope victoriae spe, si, hinc ab externo exercitu, hinc ab transfuga, & proditore circumfederemur. Is ab Patavio cum sex millibus armatorum per Veronensis agri fines expedito agmine progressus in Cenomanos trajecto Ollio amni, constiterat jam in Abduae ripa, transiturus, nisi audita Gallorum clades, & conspectae trans flumen Mediolanensium copiae avertissent. Simul, parte ab altera ex transverso aderant nostri, quos Vicecomes ad primum nuntium ejus advenientis hostis, ponte, qui erat ad Tritium pagum, propere transgressos immiserat. Itaque, duplici terrore objecto Acutus, & ad ea arma, quae sibi imminere videbat, accedente Gallici casus fama, fugere maturavit, evasitque non parvo dedecore militum nostrorum, de quibus proditum ita scriptumque est: Ne lanceam quidem tunc unam ipsos intregisse. Et foederati quidem haec adversus Vicecomitem Metropolitumque tentarant. Vicecomes autem & Metropolitanis, odio vicissim & ira in eos, haud multum dissimili fortuna quacumque opportunitas aliqua invitarat, promoti bello hostilia cuncta moliebantur: Florentinosque praesertim, prohibitis terra marique commeatibus, urgebant fame, ne ipsi quidem tam procul ab domo expertes ejus calamitatis maloque illo, postea redire domum coacti. Solvendae tamen obsidionis initia primaque causas alii referunt ad Pontificis Bonifacii consilium, & dignam summo Pastore actionem, qui conflagrare bello res Italas videns, seque sermonibus, & opinione hominum inter concitores ejus esse belli, ad demendam tantam sibi labem animosque placandos, curas auctoritatemque converterit.

Reperio venisse ab Roma de pace legatos ad Vicecomitem, principemque legationis Ricardum Carracolum Antistitem Ordinis Hierosolymitani fuisse. Eo arbitro conditiones pacis agitatae depositaeque arma: pacem ideo minore per Italiam laetitia acceptam, quia fuerit in conditionibus, ut ex eo anno, per quinquaginta annos dena millia florenorum nummum Carrariensis Mediolanensi tributum annum ferret. Ea res invidia & dolore sollicitabat adhuc animos: & infida cernens omnia Vicecomes infidus ipse vicissim, renovavit cum Galliae Rege foedus, petens inde praesidium adversus hostes

alios, & adulatione ea hostem hunc ipsum fallens: ac tunc primum Gallica lilia stemmati Vicecomitum accersere, dum imperii causa cuncta serviliter ad gratiam obsequiumque exquiruntur.

Nondum exierat alter ab inquieta illa, & sollicita, invicemque suspecta pace annus, cum manentibus iisdem animorum stimulis invidia & livore adversus alienas opes, rursusque ira & metu in parte cui invidebatur, ad nova foedera, novaeque conjurationes intenti erant. Ad Vincisslaum Caesarem utrimque missi in Germaniam Legati, pro caeteris exposcebant illius arma, vimque & auctoritatem ad vindicandam Metropolim, Vicecomitemque dejiciendum: pro Vicecomite precabantur, utrem potius ipsam quam inimicorum calumnias spectando, tueri vellet antiqua Caesarum beneficia erga domum gentemque eam, neve opes Imperii commodaret hominibus, qui clarissimae domus ruina subsidium fidele adimere Imperio conarentur. Miserat Vicecomes inter legatos oratoresque suos Petrum Philargum Cretensem, Episcopum Novariae, qui postea Cardinalis, & Mediolani Archiepiscopus fuit, deinde delato Concilii Pisani suffragiis ad eam Pontificatu, Alexander est novo nomine appellatus: ejusque viri decora, & si quid inter magnas virtutes habuit etiam humanae labis, postea exponemus. Nunc, & in ea legatione caput rerum ipse erat, & praeter communia cum sociis mandata, ferebat illud seorsim, ut postquam ea confutasset, quae foederatorum legati criminerentur, offerret quantamcumque pecuniae summam Caesari, si Joannem Galeacium creare, & appellare Mediolani Ducem vellet. Ac tanta fuit, sive viro prudentia & dexteritas ingenii, sive pecuniae quam ostendebat illecebra, Caesar ut spretis quae adversus Vicecomitem afferebantur, juberet esse Mediolani Ducem, diplomataque & litteras & quidquid aliud rei confirmandae adesse oportebat, admodum prolixè concederet, minime occulta interim contrariae legationis querimonia, crebrisque susurris, quod, aut fides non habita sibi esset, aut recti pravique discrimen omne confunderetur.

Legati Mediolanenses, refeliciter gesta, & impetrato, quidquid Princeps optare suus potuerat, laureatas praemittere ad ipsum litteras de faustissimo negotiorum omnium exitu, quibus litteris allatis, confestim Aquilae insignia imperii, Principis jussu Mediolani locis omnibus attolluntur: & adlatio in Caesarem per cuncta oppida subiecta Metropoli eadem erat. Paulo post, legati ipsi adfuere, Civitate erecta novi nominis admiratione, cujus honorem ex Germania afferebant. Nam vetera illa, Vicarius, & Rector, Dominusque, & Princeps, aut ministerii servilis, alienarumque rerum titulum praeferebant, aut ambitiose & callide usurpata, veluti furta quaedam agnoscebantur. Etiam, cum populi Duces dicerentur, levis quaedam, & permixta in tempus, obsequiique magis quam imperii appellatio ea erat, quia nimirum poterat populus idem Magistratum auferre qui dedisset.

*Nunc Caesar, una cum Ducis nomine, populos ipsos, sceptraque, & diademata dabat, itura ad filios, & nepotes possessione imperii, tamquam parentes avique ipsorum in eadem fortuna nati fuissent. Adjunxerat Caesar redeuntibus domum legatis suum ipse quoque ad Mediolanenses legatum Benefium nomine, qui in publico Civitatis Concilio judicium ac decretum id de Vicecomite suum exponeret, ipsumque coronaret. Is Benefius petito Senatu (Senatus tunc erat octingentorum Concilium) dixit de Vicecomitum gente, Galeaciique meritis falsa & vera quae voluit, & quomodo Caesaris Majestas, Principatum urbis in ea fundare domo statuisset civium praesertim ipsorum causa, ne urbs & Metropolis tanta ob incertum ambiguumque regimen, exposita foret seditionibus suis, cupiditati alienae, belloque semper infestaretur, sive appeterent eam externi, sive familiae intus potentes, fluctuans & vacuum aliquando Regnum occupare vellent. Nota Senatui necessitas erat, in quam prima quaeque patiendo & admittendo, deducta sibi publica res foret, nec responderi quidquam attinebat, praeter

pauca illa solitae & meditatae adulationis: ut felix, ut laeta civitas esset providentia Caesaris & cura: ut ipsius de Vicecomite judicium, atque consilium nihil ab civium singulorum existimatione & voluntate discreparet.

In campo, qui Ambrosianae Basilicae circumjunctus est, coronandi caeremonia Ducis peragenda erat. Ibi ad valvas, quae spectant in solis occasum, pegma amplissimum, & geminum in pegmate tribunal adstructis ad adscensum gradibus, auro purpuraque contexta moles summa artificum contentione, Principis jussu erigebatur. Eo perfecto opere, die quodam festo, qui dies fuit IV. Nonas Septembris, procedit ab Jovis arce Princeps cum Principum aliorum comitatu, hostiumque etiam ipsorum legatis. Namque cognita Caesaris inclinatione animi, omneis, ut praecipiam ab ea parte spem viderunt, adversus praesentis necessitatis telum, quae sita per simulationem gratia aderant duro ore, & nulla flagitii hujus verecundia, quod rupta nuper pace minitanti & moliti, rursusque meditates & molientes Galeacio & Mediolanensibus bellum, in pompa nunc agmineque adulantium conspicerentur.

Incessere autem una cum Duce coronando, praeter caeteros, Theodorus Montisferrati Demarchus, Franciscus, & Jacobus Carrarienses, Ugo Salucienis, Antonius Urbinas: perennium hostium nomina, qui, cum rerum facie mutando idem tamen suam, animos semper eosdem retinebant. Nihilo amicioribus incedebant animis, legati Veneti, legati Florentini, Perusini, Pisani, Siculi, Bononienses, Senenses, Lucenses, & urbium populorumque aliorum, quibus laeta erat res, sive fingere expediebat. Proceres urbis, tum simulatione lactitiae, tum suo equorumque cultu externis illis aemuli, moestitia majore ob patriae servitium, quod extrema illa caeremonia sanciebatur. Circumsteterant tribunal delecti equites, totoque campi ambitu disposita armatura varii generis fuit. Ipso in tribunali Caesaris legatus Principem humanissime excepit: caeteri post eum ordine subibant, & in sua quisque sede collocabantur. Otho Mandellus vexillum tenebat, secto in decussim stemmate, Gallica Lilia, Vicecomitum Anguem, Germanicaeque Aquilas attollens, sicuti per fastum, & adulationem insignia illa contexta erant. Res divina facta est per Philargum eundem, qui missus antea in Germaniam impetraverat a Caesare ista, emeratque Principi caeremoniam hanc titulumque Ducis.

Sacrificio peracto Caesaris Legatus novum Ducem ita alloquitur: *Majorum tuorum facta, & magnae tuae virtutes inducere Caesaris animum, ut Metropolim hanc Provinciamque Mediolanum, & subiectas urbes, Ducis nomine possidendas tibi, & posteris tuis decerneret auctoritate & jure, quo haec omnia ad Sacri Imperii Majestatem spectant. Atque munus hoc familiae vestrae meritis & fidei debitum, sicuti ad populorum, etiam pertinere salutem censet Majestas eadem, ita populos ipsos ob tanti beneficii memoriam & fructum, fore nominis sui cum majore benevolentia memores, Principesque alios ad bene merendum de Romano Imperio talibus exemplis acriter incitari posse confidit. Nec hortari, nec monere plura loci temporisque hujus est, & impletum est omne munus, hoc ipso quod te Caesar meus elegit. Nam & Divina providentia Numenque illud, cujus nutu singula, & cuncta reguntur, prius elegerat, jam inde ab Avo & Atavo procreatum ex stirpe dominatrice, tot hostium victorem, tanti Populi suffragiis judicioque approbatum.*

Benefius Caesaris legatus haec ita perorarat, eamque orationem excipiens Philargus Episcopus Novariae pari brevitate respondit, tamquam sui Principis nomine beneficium liberalitatemque Caesaris adoraret: & consentaneam ei verborum adorationi fore rerum fidem erga nomen Imperii pollicebatur. Prolata hinc diplomata recitantur, quae per fori apices, & vocabula Aulae, res universae Mediolanensis, & singulae partes hujus Imperii, quae assurgunt in colles, quaeve exspatiantur in campos, prata, silvae, pascua, piscationes, venationes, jus omne beneficium, jus omne bellicum, mos & consuetudo civium, praemia & poenae, vitae necisque potestas cum Ducis titulo tradebantur sub nutum arbitriumque Vicecomi-

comitis, pari erga posteros ejus munere, si qua legitima proles in domo esset, consuetudine & ritu, quo negotium illud aestimare potest hominum fama.

Quibus recitatis, juratum in Caesaris verba Vicecomitem ornant diademate, & baltheo, & peplo, equoque insidentem sub umbella in Arena aulam inducunt. Diademati pretium perhibere scriptores cc. m. florenorum nummum, & admiratione vanitatis in tantam Chronographi nonnulli vanitatem evecti sunt, ut alia Principis gestamina, totosque ejus diei apparatus ad calculum revocando, summas annalibus ingentes congererent, quasi calamitates & onera civium, raptaque illae ex privatorum laboribus pecuniae, aut publica aliqua felicitas, aut gloria aliqua Principis essent.

Caeterum, eodem anno, quo peracta caeremonia erat, apparuit, quam vilis essent ista apud infensos, & longe aliud agitantis animis, quam quod legationum officio & simulatione vultus praetulerant: vel potius apparuit, quam invidiosum & grave spectaculum tanti splendoris, tantarumque divitiarum fuisset apud eos, qui ne antea quidem perferre famam & auditionem opum earum potuissent. Nam Florentini statim incurfavere Pisanos, quibus oppugnandis, haud dubie Mediolanensium arma movebantur: & Galliae Regem aggressi legationibus ac promissis, tam diu fatigavere, donec relicto quod prius iecerat foedere, novum secum adversus Mediolanenses iniret foedus, hostisque ex amico Vicecomitis fieret. Mox Gallus vi subita morbi dejectus e potestate mentis, foedera omnia, regnumque ipsum, ac deinde vitam reliquit. Florentini tamen hostilibus perseverabant animis, & suo Marte rem Pisanam infestando, mitti nostros illuc exercitus coegerunt alienissimo tempore propter exortum aliud cum Mantuano bellum, quod etiam venientibus inde auxiliis gravius & difficilius quotidie efficiebatur.

Ita coronato Duce, Metropolim, eadem quae prius urgebant calamitates, & impensae bellorum: foederatque paulatim priores, ab alio alius, sollicitudine omneis & metu excitabantur, ne Vicecomes, firmato jam Caesaris auctoritate Imperio, nomenque Ducis adeptus, appeteret etiam Italiae Regnum, unde finis dominationi, vel libertati suae. Pro se quisque mittebant auxilia Mantuano & Florentinis, ut si alterutra in parte Mediolanensem exercitum afflissent, successissetque aliquid, ad Metropolim deinde invadendam strenue universi impetum darent. Metropolitanas autem in Etruria copias, Florentinumque bellum regebant Joannes & Albericus Balbiani fratres, egregia ante id tempus militari fama, & pari erga Vicecomitem fide, quam utramque laudem eo bello corruerunt. Nam neque memorabile quidquam gessere, dispersi & vagi quacumque populationum & praedae vocaverat spes: & ingemisciente ne quidquam ac reclamante Alberico fratre, Balbianus alter ad Bononienses defecit. Meliore aliquamdiu fama, non tamen exitu meliore Jacobus Vermus Mantuano bello datus ab Vicecomite Imperator agebat. Is enim quadraginta navibus longis Pado amni Mantuanam classem aggressus, incenso ponte, quem Gonzaga ipse tuebatur, magnaue hostilium triremium parte, vel capta, vel acta in fugam, triduo post, exposito milite in ulteriore fluminis ripa cum castris posuisset in Mantuano septo, repente ob loca uliginosa, lutulenta, coelique intemperiem, affectum morbo tabeque exercitum pene omnem habebat, ipse etiam aeger.

Quam nacti occasionem foederati, cum subita illa Mediolanensium victoria in metum adducti, Bononiae de rerum summa consultaissent, copiasque suas ad opem Mantuano ferendam in unum contulissent, citato agmine accurrunt, ac levi certamine, caesis aut fugatis nostris, castra opulenta copia omnium rerum cepere. Vermus evasit ignominiae trepidationisque plenus, & una cum eo reliquiae cladis ad Guastallam constitere. Clades inde alia urbi Mediolano erat exactio tributorum, quae tanto accepto detrimento Vicecomes ad reparandum bellum, civibus Cleroque immodica & intoleranda imponere cogebatur. Centena millia florenorum num-

A mûm in singulos menses fisco Ducis exigebantur ante eum casum. Nova haec tributa octingentorum millium summam explevere, eaque tabes multas illustres familias absumpsit.

B Omnis publica privataque pecunia cesserat hoc tempore in domum Principis, & civium alimenta novus belli apparatus occupabat. Revocatur ex Etruria Albericus Balbianus cum eo exercitu, quem circa Pisas habebat: isque modico relicto ibi praesidio properus adfuit, stimulante praeter Ducis mandatum etiam cura & dolore fraternae defectionis, ut quod ille deliquerat, ipse emendaret. Praeterea, Facinus Canis, & Paulus Sabellus, ille Casalensis, hic Romanus, clarus uterque bello & formidatus, proposita ab Vicecomite spe rerum ingentium, & amplissimis in praesentia stipendiis adsciti copiarum duces, quae per urbem & per agros conscriptae subitario delectu, ad omneis hostium conatus opponebantur.

C His ducibus, & Jacobo eodem Vermo exercituum Imperatore, Mediolanenses, ad Florentiam, ad Mantuam, ad oppida alia, ita perculerant foederatos, ut Veneti, cum ancipites ad id servassent animos, mitterent de pace legatos ad Vicecomitem, & omni sua auctoritate contenderent ne ultra dimicaretur. Ea res, & conciliandae pacis actio difficilior aliquanto impeditiorque erat ob irritatos superiore clade Mediolanensium animos, ob speratam nunc victoriam, & ob conditiones, quae ab utraque parte proponebantur. Veneto tamen adnitente Senatu pactae sunt induciae decem annorum, fuitque hoc ita positum in conditionibus, Mantuanus ut Mediolanensi beneficiario jure subjectus esset, & testandi causa, Imperium se ab Vicecomite habere illud, vestigialis Metropoli fieret ipse posterique ejus: quam conditionem accipiente Gonzaga, publicis tabulis consignata res est, testatoque perscripta. Detegitur postea quamquam sero, domestica Principis calamitas intestinusque proditor, qui diu consilia & arcana omnia aperiendo foederatis corruerat saepe victoriam & tardarat, causaque etiam fuerat cladis: neque ullae hostium conspirationes conjunctive exercitus tantum damni attulerant, quantum hujus perfidia, & scelus.

D Pasquinus Capellus fuerat Cremonensis, qui fordido etiam, non solum humili loco natus, nullis honestis artibus imbuerat animum: sed arsei scribere Principum nomine epistolas, ejusque servilis ministerii occasione noverat herilia cuncta, mentem & sensus animi intimos: quantum pecuniae domi, quid virium in exercitu, fida & infida omnia, quid in quamque diem pararetur, quid sponte sua quisque dies asferre posset. Haec omnia jam inde ab Galeacio II. patre Ducis, diuturno usu comperita proditor habebat, emptusque ipse prodigis ad talia solertiis hostium venditabat, hac ipsa merce opes Principatus despectans infra suas. Prodidit eum Carolus Malatesta, statim ubi, pactis, ut dixi, decennialibus induciis, & sperata post inducias pace coeperat apud emptorem praecipue cum vilis contemptusque esse. Pecuniae ejus apud nummularios repertae, & in fiscum redactae, subsidium opportunum exhausto tot bellorum sumptibus Principi fuisse dicebantur quasi per jocum: sed revera etiam fuere.

E Ipse ad Ticinum intra consultatas densasque trabes (Caveae Ticinensi manet adhuc horribile nomen) coniectus claususque contabuit. Luchinus Novellus etiam hoc tempore mortuus est, ille, qui effusa matris impudicitia subditus Luchino Principi partus, postquam ipsa ultro professus est adulterium, aufugerat, prima juvenis Principis filius habitus, reliqua deinde vita extorris. Venetias se se contulerat exsul: ibique obiit facto testamento, cujus singula capita pietatem ejus viri declarare. Jussit cadaver suum deportari Mediolanum, atque in D. Francisci Aede sepeliri, qua sacellum Innocentium nomini ipse olim extruxisset. Duodecim millia florenorum nummum apud nummularios deponi jussit, ut ejus pecuniae fructus annui Carthusiensibus Monachis cederent. Ingentem aliam pecuniae summam, quam Florentiae habebat, legavit in eum usum, ut duodenae

quotannis adolescentulae, quarum ob paupertatem pudicitia periclitaretur, dotem inde acciperent, nubarentque. Multos porro fundos, quos possidebat in agro Mediolanensi, legavit Carthusiae, quam ad Garignanum Joannes Archiepiscopus instituerat, adjecitque onus, ut ex fundorum eorum fructibus Monasterii aedes olim inchoatae exstruerentur: absoluta aedificatione, fundi ipsi Monachis alimenta praeberent atque adderentur in reliquum Monasterii patrimonium Corneredi, & Meseriarum Monachis eisdem reliquit ea conditione, ut ex bonorum eorum fructibus, pauperibus benigne fieret, darenturque dotes nubilibus puellis, quibus id subsidii dandum esse Patres censerent. Luchinus Novellus Venetiis moriens haec legarat institueratque anno ccccxcix. unde publica in exsulem misericordia, & renovata in feminam indignatio, quae dignum hunc honestiore matre partum professione illa sui dedecoris infamasset.

Eo anno versa penitus est Insubria in religionem, quae non multum a superstitione abesset, idque ab re ipsa Misericordiae tempus appellatum. Initia religionis ejus profecta, e Subalpinis: & non magni primo coetus, paulatim assumendo subinde alios, in eam multitudinem pervenere, ut agmina complura fierent, ideo, quia non idem locus alere simul universos posset. Admisti mulieribus viri, grandioribus minores, sacri quoque profanis ad quindecim fere millia mortalium incessere nudis pedibus, involuti linteis, ita ut parva exigua, quae cernebant, aperta relinqueretur. Trina quotidie templa obibant canendo sanctissimas preces, quarum formam Discipulis suis Christus ipse praescripsit. Id initium erat: dein Angelica salutatio subdebatur: deinde nomenclatura Sanctorum, aliudve quippiam ex iis, quae D. Bernardus pio carmine est modulatus. Ut ad quemque locum pagumve acceperant, concionabundi Sacerdotes, conabantur suadere quamplurimis, ut sese in agmen conferre suum vellent. Digredientes inde, carmen illud concinebant: **STABAT MATER DOLOROSA JUXTA CRUCEM LACRIMOSA**: tum caeterae quas dixi preces ordine sequebantur. Et quacumque duae sese viae interfecarent, fratri humi, pleno sonitu ferientes aethera, divinam misericordiam implorabant: inde Misericordiae tempus appellatum. Pauci primo fuerant, deinde paucis aggregando sese alii, numerum & populum cum, quem dixi, effecere.

Tradunt temporum eorum scriptores, multas implacabiles inimicitias per homines illos esse sublatas, multos a flagitiosa vita perditisque moribus traductos ad perfectionem & salutem. Addunt etiam miracula more suo: visas in sublimi concurrentes inter se acies, solemque puro ac sereno coelo languidum ac prope emortuum jubar per dies aliquot praetulisse: rursus quasi scintillantem esse conspectum, ac deinde, fornacis modo globos igneos cum fumo ac vapore evomentem, in citreum, & luteum, ac denique in atrum colorem concessisse: speciemque eam Antonius Mirabellus se ait vidisse cum Laudae vicarius esset. Veluti prodigia imminentium Urbis calamitatum haec accipiebantur, sed ea quae deinde infecta sunt, fecere, ut certissimum & unicum Princeps ipse prodigium fuisse diceretur. Jam ille supergressus omnium fere Principum imperia & opes, domitis hostibus, data pace quibus voluerat, aliis illigatis induciarum vinculo, capta Umbria, missis in Etruriae civitates praetoribus, Bononia etiam recepta, illa tantarum dimicationum urbe inibi erat, ut Italiae Rex coronaretur.

Treis adulti filii: subnixae domus consanguinitati omni, quae, vel ad praesidium, vel ad splendorem expetenda esset: ipse quinquagesimum quintum annum ingrediebatur in tanta gloria nondum senex. Et cum ita constituta fundataque cuncta ei essent, prope aderat, cum deficere ab Metropoli nomine Vicecomitum singulas paulatim imperii partes, & imperium denique totum extincta omni stirpis hujus virili sobole, per superstitem unam feminam in peregrinam aliam transferri domum oporteret. Sed Princeps signarus, tum appropinquantis sibi mortis, tum rerum earum, quae post mortem futu-

rae essent, majestate animoque regio cuncta agebat: dimicantibus inter se Regum aliis arma interponebat sua, cum aliis ipse gerebat bellum.

Constantinopolitano Imperatori suppetias adversus Turcarum Principem Amuratum misit, cum petendi auxilii causa Mediolanum occultus ille venisset. Robertum Bavarum, novum dejecto Vincislao Caesarem invadendae Metropoli jam transgressum Alpes, commisso in Cenomanis praelio retro compulit Tridentum. Pontificatus quoque Maximi curam atque defensionem amplexus, consilia Regum externorum de creando suae nationis Pontifice, dissimulato negotii ejus intellectu, discussit arte, quam ipsa temporum conditio suppeditabat. Cum enim Rex Hispaniae, Rex Gallus, atque his interjecti transalpini alii Principes, missa in Italiam legatione, verbis quidem & specioso ad omnes titulos peterent Ecclesiae Catholicae pacem, finemque dissidii, quo Pontificatus eo tempore distrahebatur, re autem ipsa molirentur id quod dixi, & Concilium Italiae Principum dari sibi postulerent: Vicecomes, quem praecipue legatio ea fatigabat, hujusmodi responso expedivit rem: Totam esse pestilentia contactam Italiam: non posse Principes absque manifesto exitio congregari: ubi calamitas ea decessisset, Reipublicae consulturos. Ita periculosa res, quae sub salubri titulo tentabatur, Vicecomitis hujus providentia & astu discussa est. Florentino etiam bello, expugnatione ejus urbis finem impositurus erat, cum ipse moritur. Mortuus est ad Melinianum decimo ab urbe lapide, quo sese contulerat in pestilentiae metu: formaeque mortis comparatus est omnibus, qui umquam sancte decessissent.

Tanta ei sollicitudo vitae alterius, & ab eadem magnitudine animi, qua gesserat imperium, cura tanta extremi actus fuit. Cadaver in Monasterio Viboldoni collocatum est interea dum exsequiae regali pompa adornarentur. Exsequiarum autem apparatus, & pompa fuit hujusmodi: Familia Praetoris, & familia Praefecti urbis atrata praebat: sacri ordines cum sua quique Cruce sequebantur. Post sacros ordines ibant, qui suo quemque loco continerent, evagationesque prohiberent. Ad templi maximi valvas consistere milites, ut quietus ac sine tumultu ingressus praestaretur: alii toto templo ad Aram usque dispositi curam eandem agebant. Equus Principis cum galea & crista gentilitiisque insignibus, & armatura, qua ille uti solitus fuit, ad valvas usque perductus, ab iis qui tenebant, traditur aliis, ac deinde per manus aliis, eodemque ordine, varia arma, & vexilla portantes equi circa templi valvas traditi subducebantur. Cohors deinde alia nobilium virorum sequebatur conservandi ordinis causa: post cohortem eam Gabriel Maria Principis filius ibat cum longo Legatorum ordine, quos Civitatum, & Rerum publicarum Principes miserant. In eo agmine fuere Pontifices & Abbates, & pleraque alia sacrarum dignitatum nomina, prout quemque suus animus erga defunctum, vel suae opes apud heredem, vel aliena mandata exciverant ad lugubre id munus. Post eos procedebant Legati civitatum regionumve subjectarum Metropoli, & ex regionibus civitatibusque iisdem Collegia Monachorum, Clerusque universus. Miserant eadem civitates equitum agmina splendidissima quantum in atro illo & funesto colore esse poterant. Hi Cleri sui vestigiis insistentes, bini quaternique vehebantur. Proximi erant octo regia ferentes vexilla, post quos, duo millia hominum vadebant cum facibus accensis, & oblonga pullaque veste, quae pectoris medio insignia Vicecomitum gentis aurata praeferebat. Archiepiscopus deinde Mediolanensis cum purpuratorum manu totoque Templi Maximi Clero feretrum anteibat. Feretro succollabant Principes viri succedentes invicem integri fessis, & supra id auream umbellam alii Procerum attollebant. Circumfusa feretro erat alia turba ferentium clypeos, insigniaque & vexilla: & agmen extremum claudabant duo millia hominum cum ardentibus taedis. Ad templi valvas Legati Principum, & civitatum nominatim citabantur, acceptisque funeralibus ad Aram usque procedebant: inde flectentes ad sinistram proximo di-

verticulo in aulam tetendere. Ibi funebris oratio habita est a Petro Castelletto Dominicano, diserto temporibus illis homine, & propter vitae etiam dignitatem claro.

Testamentum apertum heredes habuit Joannem Mariam Anglum, Philippum Mariam Anglum, & Gabrielem Mariam Anglum: aliaque inerant nihil ad Rempublicam attinentia: sed adnexa religionis & patriae rebus haec fuere: *Ticini Monasterium heredes mei exstruunt Carthusiensi Ordini, idque Monasterium descriptis ex ordinis ejus disciplina cellis, quatuor & viginti Monachorum ample capax fiet. In Monachorum alimenta florenos bis mille quingentos heredes mei quotannis eroganto. Monasterium illud uti quamprimum aedificetur, decem millia florenorum annua e Sancti Columbani praediis assignamus. Aedificatione absoluta, volumus bonorum eorum fructus insumi dissolvendo aeri alieno, si quid alicui debemus. Dissoluto aere, quod reliquum erit ex fructibus bonorum eorum in pauperes dividetur. In eo Carthusiensi templo post Aram maximam exstruetur marmoreum monumentum appositis gradibus, effigiesque nostra item ex marmore solio insidens fiet. Galeacio patri marmoreum monumentum fiet Mediolani in Templo Maximo, in eumque tumulum ipsius ossa transferentur. Collocandis D. Augustini reliquiis arca inchoata sumptu nostro perficietur. Sancti Spiritus Aedes decem Canonicos habebit cum Antistite suo, eaque aedes Ticini a nobis inchoata absolvetur, & alimenta idonea Canonicis heredes nostri praebeunt. Ad eandem urbem, trans Ticinum, qua ponte jungitur flumen, D. Antonio aedes ponetur sumptu nostro: ea Sacerdotem cum Clerico habebit. Romae D. Mariae Virginis Templum aliud aedificari volumus, eique templo Sacerdotes novem praeesse, quos alant atque sustentabunt haeredes nostri. Veronae tria sacella exstruentur, Evangelistae Lucae unum, aliud Martiyri Georgio, tertium sanctissimae Trinitati, eaque sacella singulos cum suo Clerico Sacerdotes sumtu nostro habebunt.*

LIBER IV.

JOANNE Galeacio mortuo, duodecim viri, quos ille filiorum adolescentiae rectores instituerat, exigunt publice sacramentum in verba Joannis Mariae, novumque Ducem eum, deplorata in perpetuum libertate Mediolanenses acceperunt. Initia novi Principatus infesta, & turbulenta calamitates inscuturas haud obscure portendebant, cum, & ipsae per se civitates ad rebellionem spectarent, & apud veteres Vicecomitum inimicos consilia evertendae Domus acerrime infensissimeque agitantur. Principes autem auctoresque talium consiliorum Florentini erant, adducto in sententiam mentemque eandem Pontifice Maximo propter antiquas culpas hujus domus, & contumaces semper animos, quoties inter se discrepant Apostolicae Sedis auctoritas, & cupidines augendae dominationis. Recens insuper ira Romanum stimulat in Bononiae urbiumque aliarum raptores, nec leve incitamentum origo ipsa domus imperiique hujus erat.

Itaque, dolore & indignatione ardens contulit in Vicecomitum perniciem arma cum Florentinis, & urbem Ferrariam, misso in id Cardinale legato Estensi firmavit ea conditione, ut gerendo adversus Vicecomites bello Imperator ille adesset. Jacobus Rubeus Veronae Episcopus cum Petro fratre ad Parmam invadendam cuncta moliebantur. Alberici Balbiani, & Vani Gozadini defectio his adjicitur, qui maximis ab Joanne Galeacio beneficiis aucti, non eo solum aggravabant inclinatas res, quia partas hic opes auferabant secum, sed multo magis quia desperasse de Metropoli imperioque hoc videbantur, & notitiam arcanaque multarum rerum ad hostes transfulerant. Videntes ista duodecim viri rectores adolescentiae Vicecomitum consilio inter se habito, placandum in primis esse Pontificem statuerunt, ac rogare Mediolanensem Archiepiscopum, ut Principis, & Republicae nomine super ea relegatus ire Romam vellet.

Eo suscepto munere ille cum ivisset, Romanas reperit iras graviores multo quam antea umquam fuissent. Toties rebellis una domus, & una toties damnata Civitas angebat ibi indignitate animos, quod simulatque veni-

A am impetrassent, ad pristina relaberentur. Non modo auditam parum benigne legationem, sed ipsum quoque legatum in manifesto discrimine esse versatum ferunt. Post Archiepiscopi reditum, calamitas invasit urbem, quae, & fuit ipsa malum atrox, & mala deinde alia concivit: ac de eo casu quam brevissime absolvam sicuti proditum est ab iisdem illis, qui in parte tantae calamitatis fuere. Franciscus Barbavaria erat unus de duodecim, quos moriens Joannes Galeacius rectores filiis, ut dixi, instituerat. Hunc jussit caput esse rerum consiliorumque omnium, eique ut aula tota pareret, sanxerat extrema sua voluntate, quam rescindi violarique nefas esset. Is homo, five intemperanter abutendo potestate summa, five communi eorum conditione, qui supra caeteros evecti infensis aequalium olim oculis adspiciuntur, facta per nonnullos conjuratione destinatur ad necem. Conjuravere in eum Antonius Vicecomes, Joannes & Gavattius Aliprandi fratres cum parente suo Galeacio, Porri fratres Antonius & Galeacius, aliique complures, prout horum quisque, propinquitate vel amicitia fidos sibi assumpsit. Statuerant impetu in aulam facto trucidare ibi Barbavariam, paraverantque idoneam manum in id ipsum, quae adversus praetorianas etiam stare cohortes posset.

B Haec agitari consilia, cum sensissent, Catharina mortui Ducis uxor, & Barbavaria principem jam in urbe locum tenens, misere Joannolum Casatum ad Vicecomitem, quem caput esse conjurationis compererant, ut ex eo sciscitaretur, quae causa ipsi turbandarum rerum, quidve dolens, atrox in Barbavariam consilium suscepisset. Vicecomes, conspecto Casato protinus expedit ferrum, hominemque obtruncat. Tumultus inde pervadit urbem, & dum cives ad eum casum pro se quisque armantur, Clerici quoque sumpserant tela: direptio sacrarum aedium fiebat, & in Archiepiscopi aulam pervenerat terror. Catharina Principum mater apoplectico stupore semimortua imposita raptim in currum, vehitur per urbem, sedatoque parumper tumultu cum liberis recepit se se in arcem Jovis, & pax reddita esse rebus videbatur. Postero die, concitante populum Antonio Porro, sumpserunt iterum arma promiscua civium, & Clericorum multitudo, rursusque prodeunte Catharina sedatur tumultus. Eaedem tumultuandi, & quiescendi vices per dies aliquot repetitae, donec Barbavaria ipse causa & initium irarum aufugit. Non tamen ea fuga lenierat animos: quotquot ex Barbavariae factione Mediolani residui erant, occidebantur in illius contumeliam, satiabantque innoxiorum etiam caede iras. Sed & socii impotentiae ministrique injuriarum dominante antea illo multi merito nunc plectebantur, haud satis tegente capita invisae honore religioneve ulla, etiam si Magistratibus Sacerdotibusque amplis praecessent. Ambrosiani Abbatis caedes, ob loci ejus dignitatem magis quam publico ullo luctu insignis fuit. Praefectura illa Monasterii Ambrosiani magnas opes auctoritatemque parem opibus adjunctam sibi per ea tempora habebat.

C Forte Monachorum suffragiis mandata fuerat homini, qui litteris quidem, & innocentia vitae mereri debuerat eum gradum: caeterum debuit idem, sicuti res monstravit, esse lento ingenio & segni: ad repellendas injurias, five ne violentia quidem ulla ipsius valuerit adversus armatos, & dominantes. Hunc Barbavaria loco cum deiecisset, imposuerat Monasterio quem voluerat ipse Abbatem e familiaribus suis temerarium hominem, & absurdum immemoremque fortunae prioris, qualia ferme sunt hominum ingenia, qui ab humili loco ad comoda aliqua processere. Praeterquam quod erat e factione Barbavariae, offendebat etiam ipse moribus suis animos, & legitimi Abbatis solitudo squalorque non parvum incitamentum erat, quo magis adulterinum hunc averfarentur. Interfectus avidissime est, nec alia tam grata in publicum caedes fuit, Abbasque prior cum magna bonorum gratulatione restitutus in suum locum. Sed prius, facto in Monasterium impetu, diripuerant illic omnia, crudeliterque debacchati fuerant, lacerando & perfringendo quae noluerant aut non potuerant auferre.

ferre. In reliqua multitudine furor partium tanto atrocius defaeviit, quanto copiosior promptiorque ibi furoris materies erat. Neque capita tantummodo petebantur ad necem: infantes ipsi ad parietes allidebantur, ut quaeque diversae factionis domum ingressi factionis alterius homines erant. Ac tanta fuere odia, ut vulnera & caedes in levi haberentur, nisi etiam dehoneftamenta domibus invicem addidissent.

Reperi in annalibus id quod invitus referam, nollemque tetigisse: sed historiae fides cogebat. Mediolanensem Archiepiscopum tradunt in parte tam atrocium inimicitarum fuisse, quemque in tam turbidis atque funestis rebus haud aliter quam conciliatorem animorum nominari oportebat, hunc inter initia causasque malorum prodidere. Archiepiscopus erat Petrus Cretenfis ille, de quo antea memoravi, primo Minorum Franciscanorum Antistes, dein Vicetiae, tum Novariae, nunc Mediolani Pastor animarum, ac paullo postea Cardinalis futurus, ut ab hoc denique gradu ad Pontificatum Maximum suo tempore extolleretur. Et erat ille fortasse quietus ac probus, sed conditione temporum effugere non potuerat quin sese turbis immisceret. Is, una cum Antonio Porro decemque consiliariis, quos Catharina sibi assumpserat, coepit ipsam adeo infestis modis obsidere Catharinam, ut ea captivae prope instar haberetur. Appositis custodibus domi clausam tenebant, irritumque erat quidquid ipsa inconsulto Archiepiscopo consiliariisque caeteris in re etiam domestica decernere voluisset. Si forte illa sese commoverat, volueratque prodire, populus ad arma concitabatur, ipseque Archiepiscopus inter populi concitores erat. Sex in urbe Praefectos constituerant, ad quorum nutum arma caperentur. Hi simul atque inclamassent, tota in armis erat civitas, & more belli cuncta agebantur. Itaque tantae clades & miseriae urbis, animos fecere provincialibus ad tentandam ab Metropoli defectionem, quam in cupiditate animisque omnium jam diu inclusam reverentia & metus imperii comprimere ad eam diem ac retardare potuerat. Sprevere primo, & abiecere majestatem Cremonenses semper laeta civitas contumaciae fama, & perniciem saepe sua gloriam eam quaerens. Tum Brixia Coenomanorum haud absimilibus ingeniis exemplum secuta est, exemploque ipsa suo alias ad rebellandum civitates incitavit.

Rebellare deinde agmine uno, Bergomum, & Crema, & Laus Pompeja, & Placentia, & urbes aliae certamine factionum prolapsae etiam ipsae ad rabiem civiliaque arma velut aemulatione in Metropolim a qua deficiebant. Bononiam & Afsium, & Perusiam tutores & consilarii Vicecomitum Pontifici tradidere ultro ob metum, quia non aliter quam placato Romano fisci posse impetus ille praecipitantis imperii videbatur.

Interim Catharina Principum mater, quam Archiepiscopi decemque consiliariorum saevitia captivae instar habitam fuisse dicebamus, die quodam eluctata custodias, discessit ex aula, & sese rursus in arcem abdidit, quo casu atrocius quam antea in urbe tumultuatum est. Namque uti populus universus erat Archiepiscopi, decemque consiliariorum, ad eum motum consurrexere omnes, jamque manifesta defectio ab nomine, & domo Vicecomitum fiebat. Strata passim humi cadavera nobilium virorum reperiiebantur, & qui capita partium erant, demersi in cloacas jacuere. Praecipue commoverat animos atque perturbabat dira illa species, cum Antonius, & Galeacius Porrus, & Galeacius Aliprandus Principes partium in foro reperti essent capitibus abscissis, & ad latera collocatis cum tanta insuper vulnerum foeditate, ut eorum ora non agnoscerentur, donec nusquam vivi reperti, cadaverum denique conjectura innotuere. Jacebant insepulti, nisi Augustiniani Fratres ob necessitudinem fortasse aliquam, facto repente agmine sustulissent corpora, & in D. Marci Aede tumulassent.

Cum ea deformitas rerum omnium Mediolani esset, conventus civium habitus est tentandae pacis, si forte respicere cum aliquo honesto sensu laceratam indigne patriam possent iidem illi, quorum acerbitate lacerabatur. In eo octingentorum conventu Christophorus Ca-

A stellionaeus rudi facundia concionem habuit, cujus initium homines fortasse illi admirati sunt, aetas nostra irrideret. Cum enim ei propositum esset hoc suadere populo, ut Barbavaria revocaretur, ita est exorsus: OMNIA PER IPSUM FACTA SUNT ET SINE IPSO FACTUM EST NIHIL. Quae verba, praeterquam quod absurde potentiam exfulis extollebant, etiam irreligiose translata ex divinarum litterarum oraculis ad quotidiani sermonis consuetudinem erant. Barbavaria tamen est in patriam revocatus summo Civitatis universae studio, cum interfectis, qui capitalissime hominem oderant, horum etiam aeternae mutassent animos, & tota illa conjuratio dissoluta esset.

B Prodiere venienti obviam Principes urbis, atque ipse inter caeteros Archiepiscopus una cum Francisco Gonzaga Mantuae Principe prodiit effusa in exulem adulatione, tamquam amores & delitiae spesque & salus urbis in capite jam illo essent. Sed restituto in hunc modum Barbavaria, cum profectum esse aliquid ad Reipublicae tranquillitatem videretur, casus repente infestus desiderabiles fecit atrocitate sua priores turbas potius, quam ut ex brevi & infelici pace, sanguine rursus civili cuncta inundarentur.

C Ab latrunculi supplicio unius orta est causa irritandi Guelficos Gibellinosque furores, armandae civitatis adversus Principem, Principi civibusque sensum & mentem adimendi, dum ille Majestatem imperii facto forte uno violatam, hi privatum dolorem atque alienas iras ulciscuntur.

D Moncinus erat quidam trucidis audaciae gladiator, & latro pessimus, minister & aeterna Casatorum, cujus manu nonnullae palam, plures ex occulto patrae caedes fuerant, nulla ipsius iram nullisve inimiciis, sed ad nutus tantummodo heriles ne excideret mensa, & stipe qua alebatur. Et rumor erat, familiaritate salarioque eo minime contentum exire saepe noctu per diverticula urbis telo socioque succinctum ac spoliare si quem solum inermemque nactus esset: saepius circa suburbanam viam infesta latebra dare ex tuto impetum in viatores, & spolia in latebras alias referre. Venditabat quoque sese, & venditabatur ad facinora, & artes hominum interficiendorum quem quisque ob metum sive per iram occulte sublatum vellet. Hunc Moncinum, post clandestina multa flagitia compertum unius denique flagitii, & ab eo indicio, totius ante actae vitae manifestum damnarent iudices, ut laqueo publice exanimaretur. Statuto igitur die, cum ad supplicium ducendus esset, tota illa familia Casatenfium, conquisitis undique amicis haud contemnendo agmine praetorium irrumpunt, & eripere carnifici satellitibusque Moncinum conantur. Fit ob eam rem tumultus ingens, ac districtis utrimque gladiis, pro latrone pugnant, qui saluum, quive supplicio affectum volunt: neque, aut justitiae cura istis, aut illis amor tam indigni capitis: sed satellites, eandem sibi furcam, si ereptus foret, Casatenfes infamiam, nisi ereptus, timebant. Perlato in aulam nuntio, movetur statim ferocia juvenis Principis, ut eat ipse, & quid insolentiae sit illud, coram spectet.

E Ubi Princeps, & cum eo tela praetorianorum in conspectu tumultuantibus fuere, crescunt animi satellitibus, Casatenfes ab fuga subsidium petunt, & in P. N. regionem trepidi conglobantur. Concaluerat Principi pectus, non jam solum ab audaciam eorum qui tantum facinus in conspectu pene suo tentassent, sed etiam ob trepidationem eorundem & fugam. Vestigia fugientium cum praetoriano milite raptim insecutus, ad usque D. Petri Aedem adequitat, quae corrupto cognomine Cornareda Aedes dicitur, ob depictum olim ibi cum piscatorio rete Apostolum. Portae Novae Proceres conspecto circa meridiem Principe, strepituque abeuntium, & persequentium audito, tempus in suspicionem, causam in crimen, arripere: ratique saevire mero & petulantia sua juvenem, tela e fenestris in eum conjiciunt. Et ille quidem ad eum casum attonitus anhelusque metu sese in aulam recepit, stetitque eo die tumultus intra Moncini tantummodo caedem, quem carnifices pra-

praetorio in ipso ex eminula quadam trabe suspensum strangulavere injecto tanto violentius ac saepius pede, quasi ob iram discrimenque Principis, etiam ipsos irasci oporteret. Casatenfes vero cum affeculis suis, hoc ipso desperata venia & salute, quod Principem in id periculum adduxissent, ad extrema & abrupta omnia conversi Franciscum Capitaneum, & Othonem Rusconum rebellis hostesque Vicecomitis eisdem, & rebellium exsulumque aliorum duces, ad spem capiendae urbis excitos ad iungere sibi, validam & magnis rebus aptam multitudinem hominum, qui ipsi ad rem gerendam nihil aliud quam auxilia aliqua circumspiciebant.

Postquam desperati isti novos sic invenere desperatos, duo agmina sibi, duos incessus parant. Agmine uno fauces aditumque Portae novae occupant, altero persultant urbis vias, & vivere Guelfos, trucidari Gibellinos jubent. Quae ubi nuntiata Principi, confestim ille, missus per urbem praeconio edicit, ut quicumque salvum esse Vicecomitum genus velint, in Arenae aulam eant armati: qui non adierint, se eos pro hostibus esse habiturum. Cives, ad eam vocem idque edictum, haerebant attoniti haud minus quam ipso rebellium incessu & clamore. Nam neque pro Principe armari inireque aulam volebant, ne motu eo impedirent, si quid forte boniad res novandas urbemque liberandam tumultus ille afferret, neque restando, & manendo audebant animos nudare in manifestam ultimamque perniciem, si expectatione illa destituerentur. Inter manendi metum & cuncti recusationem arreptis quae cuique ad manum fuerant armis, congregabantur inter sese Guelfi, & ad loca subinde aliqua subsistebant quasi jam jamque ituri, caeterum inito consilio expectantes, quorsum res ipsa evasura esset.

Nec minus apud rebelles tumultuatoresque ipsos trepidabatur. Videbant civitatem universam torpere metu, & sese jam eo progressos, unde receptum habere nullum possent. Curritando, & inclamando, ad Pontem veterem devenire, inde in Cusani angiportum flectunt, hinc usque ad Malum angulum agmine infausto progrediuntur: & allevaverant paulisper animos conspecto Gavatio Reina suae factionis homine, & duce Portae Vercellensis, qui consensu equo, per omnes vias ibat vociferans, ut omnes se se domi continerent: sic jubere Principem. Ad Malum angulum aedes fuere unius insignis Guelfi, quem Cautum Concurrentem appellabant. In eas sese aedes abdidere ad quadringentos, & sumpta albae crucis nota, quod insigne Guelforum erat, conjurant, quandoquidem in eam necessitatem ventum sit, aut mori cum gloria, aut ferro salutem sibi, patriae libertatem invenire. At Vicecomes, in eo discrimine familias ciet, de quarum fide minime ambigebat, armarique singulos jubet. Confestim armantur Pusterulae, Cribelli, Lampugnani, Caimi, Landriani, Corii, Bossii, Badagii, Riffii, Maini, Marliani, Mirabiliae, Stampae, Arluni, Gallarati, Mandelli, Vicomercati, Burri, Mantegatae, Ferrarii, Orombelli, Dugnani, Salae, Tusciani, Gambaloitae, Plati, Garbaniatenses, Oprini, Stratae, Moroni, Selvatici, Galerani, Petrasanctae, Arconati, Crassi, Meltii, Basgaperii, Crotti, Saxii: quae familiarum nomina sic retuli, ne suus umquam nobilitati honos in ulla nostri operis parte substractus fuerit. Urbano huic exercitui, Jacobus Crucejus, & Bartholomeus Amiconus duces fuere: simul Vicecomes ipse cinctus latera fidiissimis ad omnia quae in tali casu essent agenda, & disponenda, obibat. Cumque fortissimorum virorum ista acies obequicaret acibus, quas Guelfi rebelles ceu arcem infederant, erumpere ausi illi quasi phanatica acie evasere per catervas arci ei circumfusas, nec fere multo plus accepere damni quam intulerunt. Pugna deinde cooritur acrior tanto, quo magis, eruptio illa, hinc audacia, hinc pudore animos accendit. Cadunt utrimque multi, sed plures in rebellium parte, quia pars altera, & numero, & animis crescebat, aggregantibus in singula momenta sese nonnullis, ubi dimicantem in eadem acie Principem, & spem, quae primo suspensos

A tenuerat, esse irritam vident. Inclinari deinde paulatim, & dissipari fuga rebellium agmen, insequente ferociter & urgente agmine altero donec ad D. Anastasiae Aedem, qui fugiebant, quive sequebantur, pars utraque pleni vulnerum, & caedis pervenire. Ibi, non jam earum, quas retuli, familiarum homines, quive sese postea ad iunxerant, sed tota illa regio in perditos profligatosque Guelfos pugnabat, nisi si caedes erat ea potius quam pugna. Et late spatium ibi via in campi fere modum, quo laxius liberiusque caederentur, nulla sicut inter angustias declinatione & impedimento, sed obseptis omnibus effugiis, & divisa utrimque acie, conspectis hostium amicorumque capitibus. Evasere pernicitate equorum, & solertia sua nonnulli, paucos injectis vinculis abduci Princeps in custodiam iussit, & in furcam laqueumque reservari, ne tam honeste perirent. Per octo amplius horas pugnatum est, ejusque tumultus dies fuit x. Cal. Jun. anno 1404. cruento scilicet illo, & tantis publicis calamitatibus insigni.

B Postridie ejus diei, quo victoria haec parta de rebellibus erat, supplicia de captivis sumebantur conspectiora eo, quia nobiles viri poenam eandem subibant, quae latrunculo uni irrogata tam funestas in urbe turbas excitarat. Praecipua invidia saevitiae Principis fuit ob Casatenfium necem, qui passim pependere furcis, haud tamen sine multo apud malevolos irrisu, quod Moncini illius antea liberatores, ignominia nunc, & dedecore mortis Moncinum ipsum referrent. Qui ex gente domoque ea opulentiores erant, praesenti pecunia tenuere, ut datis potius cervicibus obtruncarentur. Per aliquot inde menses, rarus absque insigni aliquo supplicio dies erat, & postquam carnificina haec exhausta omnes captivos, tamquam in acie rursus occidebantur familiarum earum homines, quae cum Casatenfibus necessitudine aliqua conjunctae essent. Biliorum maxime familiam extinguere omnem Princeps volebat, infestus huic nomini, propterea quod, sicuti ad iutores ad rebellandum Casatenfibus fuisse occultos constabat, ita supplicio cladeque istorum irritati, tantoque magis infidi habebantur. Eadem causa spoliationis & excidii nobilibus aliis familiis fuit: Abbasque D. Ambrosii, de quo pulso, dein restituito demonstravimus, ob nonnullam earum rerum suspensionem occiditur. Latrunculi Moncini furca, & familiae unius temeritas haec mala attulit urbi, cum ab aliis paulisper respirari malis coeptum esset. Caeterum, minime dubitatum est, quin furca temeritasque eadem, etiam liberatura urbem fuerit, si Joanninus Vignatus cum Ruscono Casatenfibusque, sicuti constitutum inter eos fuerat, sese conjungere maturavisset, atque cum sua manu praesto fuisset ad ea loca quae per eum occupari debuere. Sero postea ille ad fossam vallumque succedebat cum jam caesi rebelles, aut capti essent, cujus rei terrore, pressus velut angue refugus abiit.

E Post cladem hanc civilemque tumultum Metropolitanae res, & Provinciae negotia quo coeperant motu prolabebantur, haud equidem crediderim vitio magis ullo, quam turbatarum tantopere rerum in ipsa imperii sede, & arce. Neque manebant tantum in rebellionem urbes eae quas antea descivisse ab Metropoli demonstravimus, aliaeque subinde aliarum stimulis & exemplo deficiebant, sed etiam intra Dioecesim Agrumque Mediolanensem arma ab ipsis inferebantur.

F Agrestes itaque nostri deserto arborum cultu quotidie migrabant in urbem cum pecore suo, & jumentis, ne alerent hostem, neve ipsi praeda abacta ab populatoribus iisdem interficerentur: quae rebellium ira & licentia contemptioque in Metropolim, ad extremos fines grassata erat. Ea vero agrestis turba conferta sub tecta, statim infecta morborum tabe est, qui per urbem deinde vulgabantur tanta contagione, ut sexcenti quotidie, atque interdum plures perirent. Accedebat ex incultis agris focium aliud pestilentiae bellicae malum fames, quibus super alia ingruentibus malis, urbs ipsa solitudinis pene instar fiebat. Ac, miserabile sane dictum, in deserta pene, & vasta, & quotidianis funeribus exhausta urbe conquiscescere partium insania non poterat: Gibellinique, & Guelfi,

elfi, dum patria perit, inter cadavera, civium, & Reipublicae desperationes, de fastu & gloria sui nominis adhuc pugnabant. Principem ipsum Ducemque Joannem Mariam indignum nomine imperioque hoc, ferunt laetum interea exitio civitatis, non modo infligatorem fuisse factionum, sed insita saevitia adeo esse debacchatum, ut non pestem magis, non famem non civilia bella Mediolanenses abominarentur. Veterum Tyrannorum crudelitates cum hujus immanitate comparatae, de infamia sua multum atrocitateque perdiderint, sicuti monstrabunt ea, quae ordo iste rerum & temporum institutus referre me invitum cogit.

Cum enim, super ea, quae dixi, famis & pestilentiae mala, quotidianae caedes fierent inter Guellos, & Gibellinos, cunctaque Principum furore permiscerentur, consilium hoc cepere multi miseri, & desperati senes, ut facto agmine per omnia compita incederent lugubri voce pacem exposcentes. Ita flecti ad lenitatem intensos illos mutuis inimiciis animos posse arbitrabantur. Traxerant secum aliud puerorum agmen, quos eadem clamitare docuerant: simplexque illa multitudo irrisu potius digna, quam supplicio per urbem incedebat. Obvius huic forte phanatico agmini Vicecomes fuit, atrocemque ludum fecit aetati, cui parcendum fuerat etiam si in aliquo humano errore deprehensa esset. Nihil aliud quam pacem clamitantes, tamquam ob infandum scelus, inmissa militum manu, seu pecorum greges maculavit. Adeo detestabatur oderatque pacis nomen, ut ea patrata innoxiorum caede, legem tulerit, ne quis in imperio suo Sacerdos, cum rem divinam faceret, uteretur pacis verbo, subderentque potius tranquillitatis nomen quoties vox ea occurrisset. Tanta saevo Principi licentia etiam in res Ecclesiasticas fuit. Inhumanum hinc aliud ejusdem Vicecomitis facinus traditur, a quo bestiae ipsae refugerunt, & miraculi instar habita est ea bestiarum recusatio, scriptoresque proprio nomine miraculum appellavere. Joannes Pusterula erat inter eos, qui opibus & multitudine assellarum stare contra Principem possent, & communis fama inimicum hunc Ducis agnoscebat. Filium is habebat natum annos duodecim, quem cum forte Vicecomes in potestate haberet, patris odio puerulum infontem lacerandum canibus exponere statuit.

Postquam ea rabies accenderat animum, Squarciae Giramo canum magistro negotium dat, ut assuetos tali ministerio, & jam inescatos humana carne Molossos avidissimosque cibi ejus in puerum immittat. Puer, audito mandato, positus humi genibus in Principem obversus, orare coepit, ut sibi ignosceretur: numquam se postea commissurum esse aliquid, & posse nunc puerili verberare coerceri, si quid admisisset. Ea simplicissima deprecatio potuerat flectere quamvis immitem animum, vel hoc ipso, quod ne paternas quidem inimicitias intelligere miser ille videbatur, expertusque erat omnis, non modo culpa, sed sensus etiam quo agnoscere culpam posset. Enimvero Tyrannus fero animo pueriles eas preces adspersus ciebat nomina canum, quos immittere Squarcia magister deberet. Guercius primo est immissus immanis hominum vorator, & celebratae feritatis Molossus, qui laxato nodo, quo adstrictus tenebatur, eripuit se se custodi, & unico saltu, qua supplex puer jacebat se se ejaculatur ad monstratam praedam. Crediderat circumfusa aulicorum corona conditum in belluae ventrem illico corpusculum illud fore, viscerumque laniatu spectaculum atrox praeceperant oculis animisque, quod secus evenit. Namque bestia admoto rostro odorata puerum abstulit dentes, & confedit humi, saepiusque irritata quiescebat. Mox canem unam inclamat Princeps, cui Sibillinae nomen fecerant, atrox animal, & carum Tyranno, quia non aliud infestius humanae figurae avidiusque talis cibi monstrum in toto grege habebat. Ea quoque bellua soluta & inmissa pepercit infanti. Credebaturque inviolabilis, donec Squarcia ille canum magister, Principis jussu districto gladio secuit pueri ventrem: nec ideo fusa humi viscera sanguinemque canes iidem attingere potuerunt.

Caeterum, quotidiana Vicecomiti huic erat voluptas gratissimumque studium objicere subinde canibus aliquem, atque sic explere odia, vel ubi odium deesset, inter ludicra id sumebat, prodibatque nocturnus cum canum grege, & obvii quique lacerabantur. Et funesta pleraque memorantur alia, inter quae, unum, sicuti dictum, & immane, ita utile, & salutare exemplum fuit. Plebejus homo paupertatis extremae, cum mortuus esset, deerat funeri sumptus, neque ullo modo poterat superstes uxor pauculos expedire nummos, quos designator, & vespillo, & medius inter eos praecipua saevitia Parochus implacabiliter exigebant. Aliter, relicturos esse domi cadaver interminabantur. Mulier exclamare multum obtestarique flebiliter, ut auferrent: polliceri sese postea persoluturam: interdum rogare, uti tollerent lodicem, vel pecuniae loco, si quid aliud in vacua illa domo placeret, dummodo maritus humaretur. Spurca, & ignominiosa turba obduraverant animos, viduamque habere sibi domi foetorem jubebant: numquam, nisi praesentem viderent pecuniam, nisi certi ponderis funalia comparerent, cadaver illud esse elaturos.

Cum interea dies unus, alterque & tertius exissent, essetque flagrantissimum tempus aestatis, audiebatur tota vicinitate mulieris ejulatus, non jam maritum lugentis, sed calamitatem hanc novam. Forte illac praeteribat Princeps, auditoque mulieris ululatu, qui facile in viam usque resonaret, ire e familiaribus suis unum jubet, & cognoscere quid infortunii, quidve desperationis in illa domo esset. Relatum est de cadaveris incommoditate, saevitiaque vespillonum sicuti res erat. Tunc Princeps, imperato, ut daretur argenti, quantum funeri ducendo esset satis, mandat simul ne mora ulla sepeliendi corporis fiat, ipseque dum exsequiae celebrantur, interesse voluit, & attonitis rei novitate cunctis incedit in parte pompae, & cum reliqua multitudine tacitus ad templum usque progreditur.

Postquam cum feretro omnes intravere, peraguntur funebria, laetusque Sacerdos copiosa stipe quam acceperat, mortuale carmen modulatur altiore sono, cunctaque peragit impigre ministeria, omnibus praeter Principem ignaris, quid futurum deinde esset. Extra templum, in campo, qui tribulium illorum sepulturae dicatus erat, effoderant scrobem quibus ea cura, & jam directum feretro cadaver inferre illuc parabant. Princeps arripit Sacerdotem, & inferri protendique prius in fossam jubet, deinde superimposito cadavere congeri humum: ea spurco homini ultima merces fuit. Qui res eorum temporum prodidit, factum id reliquis saevitiae exemplis annumerant, atque adeo, super caetera Principis hujus atrociam rem eam infectantur.

Ego durum id quidem, & severum videri posse cupiam existimavi, sed indignitatem quoque Clerici nihilo mitiore supplicio fuisse dignam existimabam. Et Archiepiscopum ipsum, quamvis atrocitate rei commotum, reperio tamen tranquille id placateque pertulisse, propterea quod etiam ipse fortasse foedam sui hominis avaritiam, quae contaminaret Ecclesiae nomen, sic fuisse plectendam existimabat. Anxium tamen eum Ecclesiae suae miseriis & Principatu tali tyrannideque Vicecomitis, fortuna major exemit Mediolanensium turbis, estque in summo rerum humanarum culmine collocatus. Cum enim Gregorius XII. Pisani Concilium obire recusavisset, Patres eum deiecere Pontificatu, & principum sacrorum hunc fecere, atque Alexandrum V. mutato, ut assolet, nomine appellaverunt. Sed nec honos ei stabilis fuit, orta inter Patres dissensione, quae ipsum evertit. De eo Archiepiscopo prius Mediolanensi, dein Pontifice Max. fama haec ab malevolis & impiis dissipata manavit: hominem fuisse litteratum, sed superbum eundem, & immoderate deditum abdomini. Quippe quadringentos aulicos habentem, cum adhuc Mediolani Archiepiscopus esset, certasse magnificentia & splendore domus cum Principe ipso, & quoties in mensa cibi alicujus cupiditas palatum tetigisset, si is non esset ad manum, tamdiu solitum expectare dum coqueretur id quod forte appetiverat. Ea sordida patientia, totos interdum accu-

accubuisse dies, & coenae horas in antelucana tempora productas esse nonnumquam, quae taedia plebejos etiam belluones fatigare potuissent.

Anno altero postquam Archiepiscopus Philargus ad Pontificatum Maximum hinc vocatus evectusque erat, Joannes Maria Vicecomes primo triduanarum supplicationum die cum in D. Gotthardi Aedem rei divinae causa prodiret, interficitur; illatumque templo maximo cadaver, mulier una, quae corpore quaestum faciebat, operuit rosis, ob quod meritum a Philippo Maria, fratre mortui Principis, est honeste maritata. Dies idem alia caede fuit insignis non minus grata in vulgus, vel etiam gratiore, quia minister atrox facitiae Principis, sera quidem, sed tamen merita nece sublatum erat: & publica ferme odia in tales homines incumbunt. Giramus erat ille canum custos, idemque arbiter, & instrumentum ubi carnificinae aliquis destinaretur: crediderantque multi, nequaquam horrenda illa facinora patraturum fuisse Vicecomitem, nisi magistrum, & artificem hunc habuisset. Populi concursu est interfectus, abominandumque cadaver affixum januae paternarum ipsius aedium, ut de decore etiam monumentoque esset. Ordinem vero conjurationis in Joannem Mariam, & ejus consilii participes, ac ministros agenda rei, & ea, quae post Tyranni necem secuta sunt, statumque Urbis omnem, & quomodo Principes urbis, hoc interfecto Vicecomite conflictati sint inter vindicandae libertatis conatus, & imminentem alte perpetui servitii necessitatem: haec omnia Bernardinus Corrius refert ex Antonii Vicomercati commentariis, quem eo tempore Causidicum fuisse, & ea occasione frequentem in aula, scribendis quae videbat, curam advertisse ait. Me sane etiam simplicitas ista delectat Causidici narratoris, ejusque testimonio ac fide funestiarum rerum scena peragetur.

Franciscus Maynus, & Andreas Bagius fuere primi, quos magnae cogitationis manifestos notaverit scriptor ille Vicomercatus arripens initia suspicandi ex eorum colloquiis, concursationeque, & vultu. Eos, ait, ventitantes in aulam, multumque secreto colloquentes cum Joanne Carnago consiliario Ducis, abeuntes postea inde, & redeuntes, & cum levi susurro, discordes inter se, mox annuentes toto capite, & rursus ambigentes, admirationi fuisse sibi, & pepulisse animum, ut cogitaret etiam ipse quid rei, quidve negotii esse posset illud. Die, quo Princeps est interfectus, ab arcano illo, & tantopere sollicito colloquio propere digressos, descendisse per scalarum gradus, & dato velut signo tota dispersos aula nobiles alios viros advolasse, & vestigia eorum esse insecutos. Ad quem motum, tanto magis excitata sibi cura videndi quid fieret, exisse dissimulanter e conclavi, & prodeunte paulo post ad rem divinam Principe, vidisse caedem ejus. Vulnere fuisse duo: unum in capite, alterum in dextro crure, statimque tibia incisa, & ad mediam usque frontem patescente hiatu Tyrannum exspiravisse.

Interfectores non sunt ab eo scriptore propriis nominibus distincti & notati, sed conjurati promiscue omnes, qui facinori perpetrando adfuere, hoc ordine recensentur: Andreas, & Paulus Bagii fratres. Joannes Pusturla Venegonenfis. Otho Vicecomes, Franciscus, Luchinus, & Farina Maini: Ambrosius, Gabriel, Ricardus, & Franciscus Trivultii, Andreas, & Bertonus Mantegatii. Parisius Concorretius, & Jacobus Aliprandus, & alii praeterea nonnulli, speculantes rei exitum ex omnibus aulae diviticulis, & si quid facto opus esset, prodituri. Fuerant omnes in summis aulae ministeriis, atque ex intima Ducis amicitia, & quod quisque munus ejus beneficio obtinebat, eo sunt usi ad conjurationem in ipsius caput opportunitate omni instruendam. Cum enim Facinus Cane per eos dies agente animam, tumultus in urbe post ejus mortem exspectaretur aliquis, eoque metu Princeps in arcem conferre sese statuisset, primum, omnium suadendo multa, & demonstrando effecere, ut longe tutissimam in aula sedem fore sibi ille opinaretur. Deinde, aditu hoc ad insidias invento, muniendam igitur esse aulam, firmandaque praesidiis opportuna loca ostenderunt. Ejus quoque con-

A filii fallacissima species cum repudiari non posset, ipsi sibi infidiatores custodiam portarum, majore adhuc fraude deposcebant.

Ita Bertonus Mantegatius, e conjuratis unus, fatali Principis ipsius vecordia excubare cum armato milite ad valvas jubetur, ne qua post Facini illius mortem irruptio plebis in aulam fiat. Sic, nimirum, etiam adversus Praetorianos munierant se se conjurati, ne, vel peragenda, vel peractae rei obstarent eorum tela, quo minus cuncta ipsi exsequerentur, uti destinarent. Ne gladius quidem contra districtus est unus hastave objecta una, cum sua in sede Tyrannus interficeretur: cumque interfectores, eo jacente exanimi, per aulam urbemque caetera delendi Principatus, & usurpandae libertatis agitant, communita statim aula, & infesta praesidiis urbe, arcem oppugnare ipsam aggrediuntur, quae una libertati obstabat, & magni facinoris opus id erat reliquum. Principis interficiendi tyrannidisque delendae consilia & apparatus satis felicem adhuc exitum hunc habuerant, nisi ea, quae sunt insecuta, patratam caedem, emolumentumque caedis cum pernicie insuper illustri-virorum liberatorum urbis irrita & vana fecissent. Facinus erat Canis, ex copiarum ductore & amico Vicecomitem, jam in tantum auctis opibus, ut Vicecomites ipsos fortunae magnitudine, imperiique finibus facile aequaret. Novaria, & Derthona, & Ticinum, & Novocomum ei obediebant: tum in agro ipso Mediolanensi Briantiae tractus universus, Vallis Saxina, Vari-sium, Romanengum, Canturium, & Rosatum, & quacumque Verbanus dices late populos ad Vogoniam usque alluit, latiusque porro prolaturus imperium ille erat, nisi capto etiam prope Bergamo Coenomanis imminuentem mors abstulisset. Ac duxerat istius potentia initium ab liberalitate prius aliqua Vicecomitem, dum ob navatam strenue operam, spectatamque fidem, Blaudratum, & loca alia ignobilia forti viro & amico homini assignant; quo fortior etiam in posterum amiciorque foret. Deinde crescentibus quotidie meritis, aucta simul admiratione viri apud exercitum populumque, apud Principem vero necessitate vetera beneficia muneribus tuendi novis, novi additi fines, & fortuna rursus haec amplificata, quo magis eam ipse comitate, ac splendore omni decorabat, grato semper erga priora animo laceffens quidquid optare vel capere poterat. Postremo, ditatus ita & excultus, adeo placuerat, ut necessitudine etiam nonnulla junctum sibi Vicecomites propinquum suum fratremque appellarent. Et fraterno scilicet ille ritu plane egerat, gerensque pro fortuna animos, maluit divisum cum Vicecomitem domo imperium habere, quam singularum partium munera quotidie aucupari.

Dum rebellant pleraeque, sicut demonstravi, urbes, dum etiam Vicecomites ipsi rebellandi causas praebent, labascitque fortuna domus, interposuerat se se vindicem ceu & ultorem: mox translata in se ipsum victoria, eum, quem dixi, Principatum sibi effecerat: quodque majus videri possit, erat interea affecutus ut species amicitiae cum Vicecomitibus iidem maneret.

Facinus hic igitur, cum in Ticinensi arce moribundus, nondum tamen alienata mente, nuntium de Joannis Mariae nece accepisset, vocatis ad se in extrema illa hora fidissimis amicis, dextrasque singulorum amplexus rogare institit, ut si retinerent eum erga se animum quem semper habuissent, Vicecomitis necem ne sine-rent inultam, quae morienti sibi nuntiata, turbaret alacritatem, cum qua res humanas alioqui relicturus fuisset. Ne prosequerentur defunctum ignavo questu, sed quae voluisset meminissent, quae mandasset exsequerentur. Talia dicentem spiritus defecit: diesque idem triduanarum supplicationum, ut dixi, primus Facini Canis obitum, & Joannis Mariae Vicecomitis necem conjunxit. Mediolani, Duce interfecto, neque Princeps jam erat, neque libertas, deferentibus nonnullis imperium ad Hectorem quemdam ex eadem Vicecomitem domo, clamantibus adnitentibusque aliis, ut veteris Reipublicae forma restitueretur. Sed pro Hectore feditiosissime concitabat plebem Bertus Cacia Placentino-

rum Episcopus, quem conjurati adiutorem ad multa, participemque habuerant: ac re gesta feliciter, seorsim tendens, Hectori Principatum parabat.

Ejus negotii causa Mediolani nec tebat moras: ac die quodam in templo maximo tanta vi concionatus est ad populum de Hectoris mansuetudine illius, futuraque per eum felicitate novi Principatus, ut claves portarum urbis, vexillumque Reipublicae & sceptrum, & diadema, ad eum deferrent, Ducemque appellarent. Mox Philippus Maria, simul fraternae necis, simul paterni imperii vindex adfuit, non solum exercitu omni, qui sub Facino Cane militaverat: sed veteranorum etiam copia ducum metuendus, quorum fidei moriens Canis ultionem mandarat in Joannis Mariae interfectores. Terrorque cum vindice aderat alius, ingens pecuniae summa, & imperium omne Facini ejusdem, quod ducta in matrimonium vidua ipsius Beatrice adeptus erat. Tunc vero, & ab Hectore intra muros, & extra per Philippum Mariam Civitas ab duplici domino, duplici hoste vexabatur. Hector, ob novae fortunae bellicae necessitates tributa immodica viritim & ostiatim in singulos dies imponebat: detrectantes coercebat vinculis: & in arce quae est ad Portam Romanam arido pane detinebantur nobiles viri, donec, aut alimento eo, non secus ac fame, perirent, aut inventa pecunia missoque ad exactores tributo, accipere se se imperium faterentur.

Philippus Maria, disposito circum moenia exercitu prohibebat comportari quidquam in urbem & urebat fata populator agri, quem a populationibus defendere debuisset, cum in ipsius potestate mox omnia futura essent. Urbem habebat Hector: in arce quod praesidium fuerat, ante Tyranni prioris necem, pro Philippo Maria constantissime cam tuebatur. Aliquamdiu neutro inclinata re dubitabant Mediolanenses, utrius magis partis gratiam sequerentur, cum par utrimque metus, damna eadem, nec odium dissimile esset in duos, quorum uterque per caedes injuriaque civium inferre patriae tyrannidem vellet. At ubi praesidii praefectus vocato per tubicines populo in subiectum arci campum alta pronuntiari iussit voce, Philippum Mariam, a desse paterni vindicem imperii fraternaeque necis ultorem: innoxiorum sanguinis minime eum indigere, si fratris sui interfectores dedantur: pacato agmine urbem intraturum: tunc enim vero, Hectori, & conjuratis infestiora omnia quotidie magis esse coeperunt: & post irritos aliquot in ultima desperatione conatus, relinquentibus infausta signa cunctis, prope soli relictis, victoris deinde iram explevere.

Fuerant in conjuratione, praeter eos, quorum nomina ex Vicomercato spectatore Corius in Annales suos contulit, nosque testimonium & auctoritatem secuti utriusque recensuimus, etiam alii, quos, vel ab scriptoribus iis, taedio numerandi tantam multitudinem, esse praetermissos apparet, vel ab ducibus eis auctoribusque consilii participes adhibitos fuisse constat. Numerus utique tantus, ut etiam postquam deserti desolatique fuisse dicuntur, ausi sint objicere sese victori exercitui, eaque non una acies fuerit. Sed, & ab majore passim acie cedeabantur, & urbana multitudo novum conspicata Ducem, profligatisque rebellibus imperium adesse pristinum videns, vertit arma in eosdem, ad quorum nutum ipsa quoque rebellarat, & feminae ipsae conjiciebant saxa e fenestris in Hectorianos, dum fugiunt illi aut resistunt: eaque lapidatione juxta D. Donini templum ex Joannis Stradae aedibus, Joannem Carolum Hectoris fratrem pene oppressum ferunt, cum Bernabovem Medicinam, & Antonium Alciatum insequeretur. Ipsi Medicina, & Alciatus, per Parochi aedes in alteram viam evasere: Parochumque ipsum Stephanum Cribellum nomine, regione discurrens ea quaesivit Hector ad necem, quia duobus illis effugium dedisset. Repertus, & productus imminente gladio clamitabat, nullam suam in ea re culpam fuisse: aperto forte ostiolo illos irrupisse, simul, & exisse per ostiolum aliud, cum ne domi quidem eo tempore ipse esset. Ita exitium vitavit.

Philippus Maria interim in arcem ingressus, & paulo

A post vectus humanissime per urbem, haud dubie tenebat imperium, laetis, ut in tali necessitate omnibus praeter eos, quos ex conscientia metus angebat. Hector, & Joannes Carolus, perditis rebus aufugere Modoetiam, & intra arcem inclusi tutum ibi receptaculum aliquamdiu habuere, donec composito omni rerum urbanarum statu Princeps eo curas vertit. Conjurati reliqui, aut evasere, qua quemque casus tulit, aut evadendi segnitiam capiteluerunt. Neque dubitatum est, quin ipsius dissimulatione & arte Ducis fuerint elapsi nonnulli, quibus aliorum supplicia tulerint salutem, dum invidia tam cruenti ingressus timetur. Inter eos, Crescentiaci Antistes, quem dignitatis vocabulo Praepositum appellabant, abestque id Monasterium quatuor millia passuum ab urbe, parabat fugam eadem animi praesentia ad vitandum periculum, qua conjurationem ipsam consilio ministerioque omni instruxisse convincebatur. Sed potentia, & ira, ministrique Ducis plus valere. Retractus e fuga sistitur in ejus conspectum, magnoque convitio increpitus carnicifici deditur sine mora & obtruncatur. Francisci Maini, quem Praepositus ad omnia consilium participemque habuerat, par in fugiendo conatus, idem exitus fuit. Paulo Bagio, & ignobilioribus aliis addita ignominia, ut antequam supplicium de eis sumeretur, jacerent per aliquot dies in collaria porrectis alte capitibus expositi ad injurias, & ludibria omnia quae incessare eos plebs infima miserabili erga novum Principem adulatione cogeatur. C Apud animum quisque suum moerebat, ut opinor, tali fortium virorum clade, qui cum voluissent liberare patriam, praemium egregii facinoris hoc referrent. Hic Philippo Mariae finis ulciscenda fratris nece, quae tamen nulli laetior fuerat, licet, haec simulacra & imitamenta doloris, ut famae exultationique hominum satisficeret, ab eo adhiberentur. Nam & imperium adeptus erat, & quae cariora imperio, libertatem, & vitam, regnante illo captivus sub Facino Cane ad Ticinum proximisque exitio, quo fere captivitas inter Principum suspiciones finitur. Caeterum, sicuti ex fraterno sensu dolorem, puniendis, ut demonstravi, intersectoribus simulaverat, ita simulans in ipso dolore clementiam atque fatiatum supplicii animum, ultioni statuit finem, exactoque sacramento, ad curas imperii, quae multae, & magnae simul undique eum circumstabant, animum convertit.

E Anno cio ccccxi. ad x. Calen. Quint. jurare Cives in Philippi Mariae verba, cum prius ille consensu militari Dux Princepsque appellatus esset: fuitque iste, Vicecomitum Ducum, ut omni Regia virtute secundus nemini, ita successionis ordine postremus. Ad Principatus initia hujus regebat Mediolanensem Ecclesiam Joannes Vicecomes Vercellini filius, quem Carolus Malatesta sub Joanne Maria exercituum Imperator, contracta cum Archiepiscopo Philargo olim amicitia, postquam is ad summa pervenerat, commendaverat ei, ut honorem, quem vacuum ipse reliquisset, huic demandaret: neque ille abnuerat. Verum Archiepiscopus iste, triennio post in Constantiensi conventu, tamquam vitio creatus (incertum qua de causa) movetur loco, decedereque jubetur honoris gradu, quem nec recte, nec ordine obtineret. Postea ille, defendendo sese, & purgando, ut in pristinam Sedem novi Pontificis decreto restitueretur obtinuit, fuitque sub Eugenio legitimus Archiepiscopus, sicut in loco demonstrabitur. Nunc ei Barptolemaeus Capra Mediolanensis sufficitur, qui Constantiensi Concilio interfuerat, & ob rerum Ecclesiasticarum usum, una cum Jordane Ursino, praesederat ex Patrum auctoritate conventui curator & magister, ut omnia cum dignitate administrarentur.

F Is ubi Mediolanum Archiepiscopus venit, magnopere vexabatur ab priore Archiepiscopo, qui & favore civium, & Principis gratia validior concoquere non poterat hoc ipsum, quod loco dejectus esset. Ac die quodam, cum per Abbatem Sancti Ambrosii ad aram maximam proferretur diploma recitandum, quo diplomate Capram Archiepiscopum Martinus Columna Pontifex Maximus renuntiabat, corripitur repente Abbas ab Sacer-

cerdote quodam ex ipsius arae ministerio,isque Sacerdos extortas Abbati de manibus Apostolicas litteras fodere gladio super aram instituit. Et aderant armati milites pro Vicecomite exsule jubentes audere presbyterum eum, atque minitantes, si quis violare sacrilegum auderet. Capra percussus atrocitate facti, conjectansque inde, ad quales ipse animos, & in quam aperta veniret pericula, subduxit sese discrimini, & occultissime porta Jovis egressus Romam aufugit, rediitque Mediolanum, & iterum deinde exsul fuit. Usque in Francisci Sfortiae tempora vexatam Pontificatus diffidio Mediolanensem Ecclesiam tradunt: Sfortia demum regnante restitutum Vicecomitem, cum aliquamdiu sedisset, post breve deinde tempus vacuam eidem aemulo Metropolim reliquisset. Verum posteriora haec, quomodo gesta fuerint, demonstrandi, locus erit.

Ab Constantiensi Conventu, cui Capra Archiepiscopus affuerat, Pontifex Martinus Romam proficiscens ex itinere Mediolanum venit, eaque publica laetitia turbidis ac moestissimis rebus interjicitur. Prodiere venienti obviam una cum Clero universo, Dux ipse Philippus Maria, Senatusque Mediolanensis, Nobilitas tota tanto apparatu, quanta majestas & fama hospitis erat. Jurisconsulti, & Medici in purpura & pelle, sicuti tunc Collegium utrumque distinguebatur, umbellam attollebant. Ea mille florenorum nummum aestimatione fuit. Tubicines antecedeabant Pontificale agmen: in agmine ipso minores Pontifices erant Principelque alii sacri, vel profani, ut quique spem officiumve suum sequebantur. Proxima hinc veniebat cohors honorariorum ephoeborum cum reliquo Ducis famulatu in pretiosis equis: equi Pontificis octo purpura instrati ducebantur, post eos, ducenti viri Nobiles obaerata Principi manus ibant. Ante Pontificis umbellam ducebatur mula pyxidem vehens, in qua sanctissimum Christi corpus collocatum erat, sicuti praeferuntur ea mysteria Pontifici Maximo cum iter facit. Sexaginta Sacerdotes linteati cum funalibus id ferculum religiose deducebant, eamque sacram cohortem, & caeremoniam Episcopus unus regebat. Cardinales duodecim Pontificem sequebantur. Cremaniolae Comes & Guidus Torellus magna apud Vicecomitem gratia tenebant frenum jumenti, cui Pontifex infidebat. Galeotus Bevilaqua ferebat Ecclesiae vexillum. Fabricius Columna vexillum alterum, in quo suae gentis insignia depicta cernebantur. Spatio deinde modico interjecto, triplicis Regni argumentum insula ex gemmis contexta portabatur. Et altero tanto spatio Vicecomes distabat medius inter armatorum agmen, & caeteram urbis nobilitatem splendidissime excultam.

Sic procedente pompa pervenit Pontifex in templum maximum, flexoque ante aram poplite breviter precatus, ac deinde pari brevitate concionatus ad populum, octo annorum indulgentiam concessit omnibus, qui, cum salutari culparum suarum detestatione piaculum id amplecterentur. In aulam deinde Vicecomitis Pontifex est deductus, atque ibi umbella direpta & lacerata est inter multos, qui sibi reliquias eas appetebant. Urgebatur interea multitudo operarum structura arae maximae, populi que concursus ad necessaria ministeria fiebant, cum ea spe ac voto, ut a Pontifice Max. ara dedicaretur. Trium dierum spatio demoliti pristinum opus, novam molem excitare: Pontifexque Martinus absolute novo opere dedicavit aram, & in ea rem divinam fecit. Centum amplius millia mortalium interfuisse scribuntur ei caeremoniae, obtritoseque & elisot fuisse complures, tenet fama, quae magnis celebritatibus cladem ejusmodi aliquam semper adjungere amat. Pontifex Maximus peracta dedicatione pronuntiavit centum dierum indulgentiam omnibus, qui anniversario Dedicatōis die aram eam religiose adirent: & post aliquot inde dies ipse abibat.

Recreaverant paulisper ista urbem: atque occupato postea bellis externis Principe, quies ab civilibus malis erat consentanea quieti & prudentiae regnantis. Nam hujus mores ab avi atavique natura & institutis longe diversissimi, patrem potius referebant, ita ut homines,

A quibus otium fuit, committere inter se Vicecomitem istorum ingenia, atque alium ex alio, sicuti fit, assimilando referre ad genus & originem quemque suam, verbum usurpaverint istud: Philippum Mariam videri quidem ab Joanne Galeacio ortum: sed neque caeteram hujus prolem, simile quidquam habuisse patris, neque patrem ipsum ad majores suos ulla similitudinis nota pertinuisse. Adeo, & habuit Philippus Maria, e filii unus virtutes Joannis Galeacii omnes, & huic nulla avorum vitia adfuere, praeter artes, quae regna continentur, quaeve commune regnantibus omnibus vitium sunt. Jam primum omnium, in religionis negotio, quae res ab ipsis Vicecomitem initiis ad Joannem usque Galeacium, scribenti ista mihi, toties excusanda, toties declinanda, vel circumeunda, ne qui offenderentur, fuit, expedita, & integra fama Philippum hunc Mariam habet. Nulla anathemata regnante eo, nullae Pontificum irae, aut ipsum, aut subjectos ei populos, & hanc aliena culpa semper temporibus illis defixam interdicto aliquo Metropolim, appetivere. Colebat Apostolicam unice Sedem dicto obediens, & effusus in obsequia si quid mandati inde accepisset. Cumque in magno totius Ecclesiae diffidio, constituendi Pontificatus causa, Constantiense Concilium haberetur, singulari sua ob infamam pietatem cura ejus rei & sollicitudine fecit, ut legatos illuc mitteret, suo & civitatis nomine pollicentes omnia Patribus, quae ad negotium illud strenue sancteque administrandum peti hinc possent. Legati sunt missi, Episcopus Alexandriae, Abbas S. Ambrosii, Gaspar Vicecomes, Otho Mandellus, & Galeottus Casalis: legationique ei splendor additus, qui praeferret erga res Romanas animum sensumque ejus a quo mittebatur.

Sane, quod vexari Archiepiscopum Capram ab Joanne Vicecomite Concilii jam auctoritate damnato passus postea fuerit, offendere id aliquo modo posse animos videtur, adversarique patriae religionis hereditati & famae, quam ei assignamus. Verum, id quoque, sicuti etiam animadversio in conjuratos interfectoresque fratris, cum caetera tam pia fuerint, condonatum esto necessitati dominationis, quae caecat saepe animos, & peccare invitos cogit. Nam quemadmodum saeviendum Principi fuit, ne Ducum impune interficiendorum exemplum proderetur, ita sui sanguinis hominem ab homine alieno in Metropolitani Pontificatus certamine devictum, fore quodammodo detrimentum imperii, labemque existimabat. Reliqua deinceps fuere ejusmodi, ut Principem, religione, prudentia, imperio, atque per totam Italiam auctoritate maximum, Mediolanenses admodum laeti intuerentur. Scilicet, etiam inter ipsa tristitia, sicuti demonstravimus, atque cruenta initia Principatus, dum nobilium virorum nece parentaret interfecto fratri, dumque majestati domus per damna Archiepiscopi Caprae inserviret, dederat quaedam ejusmodi signa, ut mitem ipsius animum, rebusque sacris valde addictum agnoscere omnes possent. Esse in urbe conjuratorum posteros, esse in domo, & patrias obtinere fortunas excelsis passus animo, declaraverat sic, eratque testatus, quod suae conscientiae aequitatis nihil insidiarum ipse suspicaretur. Petrum vero Garzelinum ex Humiliatorum ordine unum e conjuratis cum in custodia haberet, Praepositi Crescentiacensis exemplo trepidum, & in pari culpa supplicio addictum eidem, non modo vivere ac dimitti jussit, sed Cavenaghi Praepositum etiam in posterum esse jure ac potestate qua ante conjunctionem inter suos fuisset. Unius sacri capitis poena contentum fuerat in exemplum: contaminari ultra religioso sanguine per iram, nefas atque impium duxerat. Eustorgiani Fratres item acceptis ab Hectore praediis muneribusque multis, cum & suspecti esse possent, & invicem ipsi suspectarent Ducis iras: omnia eis quaecumque tenuissent, intacta conservavit.

Hoc itaque Principe contenti cives laudabant ex prioris Tyranni comparatione fortunam Urbis, tertiumque jam hunc Mediolani Ducem, & praecipitatam in familiae unius sceptrum Rempublicam, vel jam assueti servitio, vel deliniti mansuetudine imperitantis, nequaquam

quam; ut mala loquebantur. Tributa tolerabant absque tumultu ullo: strenue ad bella prodibant, ubi prodierant, quasi pro communi patria, non quasi pro domino gerebant rem. Ita Mediolanensis exercitus paucorum dierum spatio Alexandriam, Bergomum, Brixiam, Laudem Pompejam, Placentiam, Cremonam, & aliquot praeterea magni momenti arces recepit, captis, aut caesis qui per vim eas prodicionemve occupant. Urbs Novocomum ab Eleuthero Tyranno dedita est tot victoriarum metu. Tritium, & Vogheria, & Crema, re magis quam nomine militariter celebrata loca, aliquamdiu oppugnationem toleravere. Cremaniola copiarum ductor, ob res eas prospere gestas, ab Philippo Maria Castri novi Comes creatur, idque munus in Templo Maximo, flexo ante aram poplite accepit. Rebelles, & latrunculi, qui ex contemptis metuendi, concitis in arma civitatibus, negotium Metropoli exhibuerant, alius alio ritu, pro sua quisque, vel contumacia, vel fortuna, poenas dedere. Gabrino Fondulo Cremonensium turbatori caput Mediolani abscissum. Arceli duo, per quos prodita Placentia, in furcam acti tamquam fures. Malatestam Bergomi & Brixiae invasorem, utraque amissa urbe fugientem, cum intercipere possent, neglexere. Diversi & foedialiorum exitus fuerunt.

Hunc rerum cursum, & tenore fluentes uno Metropolitanorum exercituum victorias urbs Genua, cum aliquamdiu morata esset, humilitate deditiois gloriam auxerat, nisi Princeps ipse Philippus Maria tantae rei occasionem errore quodam suo corrupisset. Namque Principes ejus Civitatis, postquam terra marique urbe circumventa sua, & magna ex parte capta, desponderant animos, abjecta gloria speque defensionis, permittunt sese victori exercitui, praesidiumque Mediolanense admittunt. Inde, ut majorem deditiois gratiam facerent, decernunt legatos, qui cum clavibus portarum adeant Ducem, ac petant ut rem Ligusticam placatus lubensque in ditionem accipiat. Verum ille, sive iratus ei urbi, quia morata victoriam esset, sive ob res prosperas superbia invadente animum, sive revera, pietate erga Sedem Apostolicam ne admissis quidem in conspectum suum legatis, renuntiari jubet: Pontificis Maximi legatum adirent, & cum eo super deditioe colloquerentur. Legatus Apostolicus Mediolani Cardinalis Insulanus erat: isque in Ambrosiana Aede, precibus Genuensium auditis, claves portarum Ducis nomine accepit. Superbum id visum Liguri: venientem cum tantae rei munere legationem spretam haud dubie & elusam: rejectos alio: non dignos esse habitos, quos sua omnia dedentes Dux Mediolani audiret.

Itaque, quamquam auditi postea sunt, & ab Duce eodem culti etiam donis honorificeque dimissi, sera tamen & inutilia omnia fuere, quia repulsae contumeliaeque prioris dolor alte animos occuparat. Reversi domum ita renuntiavere legationem, ut Senatus, fronte quidem, & simulatione praesenti necessitati succumberet, acciperentque missum ab Mediolano Praetorem, intimis vero consiliis, & arcano fremitu rebellionem pararent, quae non multo postea erupit.

Interea Mediolanense nomen celebrari quotidie magis admiratione vel invidia populorum aliorum, & redacta paulatim in veterem statum Metropoli patrioque recuperato imperio Philippus Maria, arbiter fere Italiae rerum habebatur. Ortum deinde est ex tantae potentiae metu bellum atrox, conjuratis adversus Metropolim Regulis liberisque populis, dum pro se quisque metuunt, ne tam prosperae Mediolanensium res sibi exitio forent, ac domitis undique perduellibus, & frenato vel sublato quidquid domi esse molestum posset, ad toties repetita semperque irrita vota majorum suorum attolleret Philippus Maria animos, ut scilicet Italiae Rex superbo nimium, & apud caeteros quoque Reges invidioso, ac formidabili nomine diceretur. Ad ejus rei suspicionem Florentini primum sunt excitati solertia & calliditate sua, & veteribus odiis. Hi postea Venetos admonuere. Genuenses, usurpata olim, dein amissa libertas, ingenia gentis, spretae legationis ira, occasio, praecipue potentif-

A fimarum Rerumpublicarum ad tentandam hoc tempore fortunam incitabant. Tum Rex Alphonsus, & permotus legatione Florentinorum, & suo dolore ardens, quod rem Neapolitanam adoptionis jure vindicanti sibi Mediolanensium arma obstitissent, haud aegre suas vicissim opes exercituumque partem in hostium horum damna pollicebatur. Sabaudiae Dux Amedeus, & Demarchi treis, Estensis, & Monferratensis, & Mantuanus, fiducia validiorum, stimulis quisque suis, & in commune omneis, detestatione atque odio regni imminuentis armati in Mediolanenses, dum a majoribus conjuratis erumpendi signum daretur, expectabant.

B Mediolanensibus, & Philippo Mariae in tantarum discrimine rerum maxime adversarium erat, quod Cremaniola ille, per quem superiora bella administrata fuerant, quo duce subegerant rebelles, transferat nuper me ad Venetos, eaque transitio, non nihil quidem etiam, ob viri famam, & in re militari usum, sed multo magis ob prodita per eum arcana hosti, sollicitam civitatem habebat, veluti si aliquem ex intima familiaritate servum in domum recipi inimicam quamvis praepotens herus videret. Discesserat autem transfugeratve ille, partim quidem, ab causis iisdem, ob quas discessionem, & transfugia fervorum fiunt, partim vero, ob causas alias proprias ipsius, atque singulares. Nota & communia incitamenta abunde huic fuere Cremaniolae: quod pro magnis suis meritis, parce avareque se ad eam diem esse tractatum quotidiana servientium calamitate reputabat: quod ea quae secum praemia quotidie coarctarentur, large in scurras, aut in rerum levissimarum ministros effundi a Principe conquerebatur: quod demum aemuli ipsius & inimici praecipuum gratiae in aula locum tenerent. Illa vero ab gloria virtutibusque viri, secreto, & occulte proficiscebantur: quod Princeps ipse certamine miserando coeperat cum eo Cremaniola velut agere aemulatum, ejusque obterere famam studebat, adeo ut praefectos alios suos in ipsum irritaret ferereque inimicitias, & Guidi Torelli praecipue odia in ipsum ultro aleret. D Torellum quin etiam ipsum, demoto eo praefecerat classi apud Neapolim, & contumeliae huic addita mox gravior contumelia, Genuensem quoque praefecturam, quae velut ad prioris injuriae solatium data erat, adimit ei, & Cardinalem ipsum Insulanum illuc mittit.

E Haec igitur dolens Cremaniola simul & indignans abierat ab Philippo Maria, jusseratque valere Mediolanenses, quos ipsos, & Principem sera jam inutilisque poenitentia angebat ob alienatum, & fugere coactum hominem, cujus egregia militaria facta, olim invisa, nunc periculo imminente celebrabantur. Spes omnis in Francisco Sfortia erat, quem viginti trium annorum juvenem aetas illa Scipioni aequabat corporis animique indole, magnitudine gestarum rerum, atque tam immaturae virtutis pene miraculo: de cujus origine juvenis, & quemadmodum, ex patris contubernio, post ejus casum, ad alienorum exercituum imperia pervenerit, ac imperium denique sibi proprium hoc fecerit, demonstrabo, cum perducta in ipsius Principatum historia, novos urbis nostrae casus ab rebus ejusdem pertextere incipiam. Nunc adversus eos, quos dixi, foederatos adscitus Vicecomiti Mediolanensibusque copiarum ductor, & administrator belli gerendi, statim conflictabatur invidia, & aemulatione multorum, qui fremebant atque indignabantur, homini mandatum esse peregrino id munus, in patria, quae gentibus ipsa aliis suppeditare e sua sobole Imperatores posset. Namque Proceres urbis, Mediolani, quibus animis, & ipsorum inter se certaminibus effecerant, ut ad summam imperii militaris alienigena potius conduceretur, iisdem alienigenam hunc ducem insectari postea non desistebant, tum apud Principem varie criminando, tum apud exercitus corrumpeudo & detrectando ipsius imperia, donec fessus ille tam iniqua rerum conditione postulavit ultro a Vicecomite, ut Imperatorem bello alium daret, cui parere Mediolanenses mallent, & se ipsum ad petendam obsequii fideique gloriam primum fore pollicebatur, quoniam parum felix in imperando fuisset.

Carolus Malatesta Pisauriensis inde Metropolitanos exercitus regebat, cui homini expeditius fuerat Imperium ejusmodi tradere ac relinquere si jam teneret, quam adipisci novum, & succedere Francisci Sfortiae artibus, quae magno cuilibet etiam egregioque duci comparationis discrimen terribile efficere possent. Erat Malatesta aptior paci, quam bello, ingensque hostibus accessit fiducia postquam in hunc modum mutato duce, vim simul imminutam esse Mediolanensium sentire. Ducem vero ipsi Cremaniolam habebant, praeterquam quod Sfortiae quoque metuendum, si duo isti maximi duces in bello hoc maximo congredierentur, etiam ab ira & metu, tamquam in ultimo discrimine sollicitum, ut & male de se meritos ulcisceretur, nec sese transfugam ulciscendi locum eisdem daret. Armatorum millia foederati effecerant ad triginta duo: Metropolitanus exercitus ex viginti millibus constabat.

Principia belli circa Brixiam urbem constiterunt: quae civitas, cum aegre semper antea Mediolanense imperium tulisset, ad foederis famam sustulerat animos, & instigante Cremaniola ad Venetos defecerat. Duae tamen illic arces, vetus, & nova Vicecomitis nomine tenebantur, & munitissima alia castella Coenomanorum Oldratus Lampugnani missus illuc ab Mediolano Praetor auxerat praefidiis, ex quo labare gentis fidem, & defectionem parari suspicatus fuerat. Has arces, & castella, quamdiu Lampugnani, adversus acerrime oppugnantem hostem retinebat, irrita defectio habebatur, & urbs ea posita in medio, pari utrimque ad obtinendam eam conatu, neque Mediolanensium erat, neque Venetorum. Ut vero Lampugnani excessit arce, quae in summo colle posita urbi imminet, urbs ipsa amissa est, non parvi quidem per ea tempora nominis, sed majorem, quam pro nomine praebitura materiem malis, quae postea Insubriam universam, & Insubriae Metropolim hanc afflixere.

Capta sic Brixia, foederati Venetas naves Padō flumine ad spem capiendae etiam Cremonae immittunt, cum quibus male, dein prospere pugnatum, & Veneta classis ab victricis nostra classe profligata, non nihil est solata urbem admodum moestam defectione Brixienfium: spoliisque, & rostris navium Mediolanum relatis, navale decus omnium ordinum gratulatione celebratum est. Sed antequam secunda pugna in flumine committeretur, terrestri ad Pompilianum Marte cladem acceperant Mediolanenses, ob quam ne posterioris quidem hujus victoriae gaudium apud occupatos luctu animos pro rei magnitudine sentiretur. Malatesta in eo praelio captus, pars minima cladis ejus fuit: captivitasque potius illa apud infensos civium animos pro solatio habita est.

Adeo exsecrabantur Mediolani publice omnes istum ob imperia improvida, quae exercitum perdidisset, cum, aut conservare potuisset, aut etiam victorem reducere, si ei, aut in suis, aut in alienis consiliis constantia tamen aliqua adfuisset. Nam ubi statuerat forte recte aliquid, protinus id per metum trepidationemque mutabat: gnarique hostes moris, & consuetudinis hujus, captabant inscitiam hominis, & arbitrati fere suo pavidum animum quotidie agitabant. Ubi nullus erat timendi locus, ipso corrumperebat timore pulcherrimarum rerum occasiones, & faciebat commodiora cuncta hosti: ad fraudes idem hostium, a quibus vix ullo unquam momento cessabatur, securus incautusque agebat. Infausto die, quo clades accepta est, cum subduxisset exercitum in colles, id quod paucitati adversus multitudinem admodum salutare fuerat, lacescente, & omnibus modis id ipsum quaerente Cremaniola descendit in aequum, & quam extentissimo potuit campo copias locavit, quasi de industria, ut ab majore hostium numero circumfunderentur. Ibi nata est occasio inermes etiam nudosque fere trucidandi.

Nardus erat Torquatus in Mediolanensi exercitu, qui stipendia pedibus faciebat, & Sfortianarum fuisse cohortium peditem hunc ferunt. Sive per lasciviam ille, sive offensione interposita aliqua, sive ferox animo, &

A ostentandae virtutis cupidus, manipularem ex foederatorum exercitu alium provocarat ad singulare certamen, ut in exercitus utriusque conspectu decernerent uter melior manu esset. Noverat utrumque fama militaris ob multa fortia facta, & ob procera corpora magnosque artus, quae longe supra caeteros eminebant: atque ab certamine gloriae irritatis praecipue animis in eam descendere aleam utique concupiverunt. Perfertur ea res ad Ducem etiam utrumque & veluti per ludum accepta gregalium horum provocatione statuitur dies, quo die, medio inter exercitum utrumque campo veluti per tacitas inducias militum oculis id ludicrum exhiberetur.

B Statuta spectaculo dies fuit XI. Id. Octobris, quam atram populo Mediolanensi lucem notasse volui, ut notaretur simul posterior altera laeta & serena nobis, tenebrosa, & funesta hosti. Nam sicuti illa prior multas populo Mediolanensi lacrymas tulit, ita Juniae Idus anno insequente, partem eam ex nostro luctu lauream Venetorum nomini deformare majore luctu. Procedunt igitur eo die manipularis uterque concertator ex antedicto in campum quatientes arma quibus pugnaturi erant, verbisque mutuo insultantes. Simul duo contrarii exercitus procedunt ordine ad spectaculum velut in eandem scenam, sed neque animorum habitus, neque vadentium forma eadem erat. Hostes ab duce suo iussi fumere arma tamquam in aciem ibant, & praeceperant haud dubie pugnam animis hoc ipso, quod, seque & praefectos suos nihilo segnius armatos videbant, quam cum in praelia iretur. Nostri, sine galea, sine telo, pars magna mittebantur ab discincto item inermique duce multum reclamantibus Francisco Sfortia, & Guido Torello, qui, si nullum alium in usum, disciplinae saltem militaris ergo, & decoris ornatusque causa cum insignibus armisque suis exercitum etiam inter ludicra esse habendum monebant: interimque ipsi privato consilio armabant suos, & horum exemplo recurrebant ad capiendam tela etiam alii, quibus minime imperatum erat.

D Pars tamen, ut dixi, major inermium fuit: & postquam assedere, hinc semermis ista multitudo, hinc probe armata multitudo major incipiunt concertatores duo inter se dirigere ictus, quos uterque inferebant, declinantque arte eadem, quae ipsa augebatur tot inspetantium verecundia: neque huic aut illi periculum suum, sed utrique partis suae gloria proposita est. Dum isti sic pugnant, nostri quidem simpliciter intenti occupatique spectaculo, nunc clamoribus adjuvant militem suum, nunc eo periclitante conticescunt: hostes vero pugnam animis volventes ipsi aliam, non ad peditum duorum inane certamen, sed ad nutum intenti ducis, accepto repente signo exsurgunt, expediunt tela, dant impetum in nostros, & tota momento uno scena fit acies qualis fortasse antea numquam spectata erat. Septuaginta millia mortalium (tantum enim fuisse exercitus utriusque numerum constat) in unum convoluti globum, pugnant armati cum seminudis, quae indignatio rabiesque ipsa loco armorum fuit, & percussi jam vulneratique multi in mortem, aut telo arrepto aliquo, vulneravere proditores, aut per tela ipsa furibundi ad fauces affluxere eorum, ibique unguibus & dente gerebant rem, atque conatui suo immoriebantur. Constitit, ab moribundo inermi non neminem esse praefocatum, cui prostrato ac dejecto ille superincubuerat, bucculaque revulsa iniecerat manum. Quodque foedius dictu videri possit, in ipsa postea nostrorum strage reperti quidam sunt compressis tenentes dentibus membra aliqua hostium, quae spiritu extremo asperante animos, impetumque addente abstulerant morsu: & sicut inter caeterorum acervos, madida ac fluentia cruore hostili Mediolanensium ora cernebantur, ita in loco praelii fusae passim auriculae repertae sunt: ac in ipsa deinde talis victoriae gratulatione proditores irrisui fuere, cum auribus mutilati, vel truncis inhonesto vulnere naribus, virtutem fateri Metropolitanorum cogerentur, qui per ducis inscitiam fraudemque ipsorum deprehenfi sine armis praelia tamen illa naturae telis edidissent. Caeterum,

Sfortia, & Torellus, alique, qui vel horum jussu, vel sponte sua armati ad spectaculum exierant, ferro etiam, quantum pauci adversus plurimos poterant, sustinere hostem, ibique Cremaniola pene irritum suum dolum erat detestatus, cum paucorum arma defenderent etiam nudos, negotiique tantum exhiberent.

Sed neque justa haec armatorum acies, neque nova alia, cui dolor & ira fervorque spiritus ultimi repererat indentibus, & unguibus tela, quae dux improvidus ademisset, contra superfundentem sese multitudinem atque succedentes integros fessis, & contra tot manus circumferentes undique ferrum valere: fuitque summum virtutis opus effugisse ex eo praelio, dum hostes, aut tot inermium strage, aut contra paucos armatos, defensione sui occupantur. Effugere Sfortia, & Torellus, & alii, quos sua virtus, & duo illi duces adjuverunt. Reliquus Mediolanensium exercitus caesus aut captus una cum Imperatore ipso Malatesta, qui causa tantae cladis fuerat: vulgoque, ceu nova clades habita hominis salus, quem sepultum atque obrutum cumulis caesorum ipsius culpa tot fortissimorum militum, potius quam captivum atque superstitem debuisset esse, aiebant.

Calamitas igitur ad Pompilianum accepta haec, & amissus tam indigne exercitus, manente apud singulos eorum desiderio quos quisque amicitia vel propinquitate attingebant, navalis victoriae laetitiam deflorabat quae secuto anno de Venetis parta, cladem hanc ipsam, ut dixi, solabatur. Navalis autem victoria Mediolanensium, apud temporum eorum Chronographos hoc ordine tradita perscriptaque est: Cum Pompilianensi illo casu elati Veneti, actum esse de Vicecomite ac Mediolanensibus sperarent, insuperque sinistro ipsi alio cum nostris ad Soncinum praelio irritati, prosperis simul & adversis in Metropolim accenderentur, classem instruunt navium diversi generis fere centum eo consilio, ut Pado amni Cremonam aggrediantur: si urbe potiti forent ea, consiliis deinde rebusque majoribus imminentes. Praefecerant classi Nicolaum Trevisanum ex prima illic nobilitate, sed multis etiam maritimis expeditionibus omnique bellica laude nobiliorem. Classis nostra quinquaginta navium fuit. Navarchi, & praefecti, quamquam haud perinde assueti fluctibus, tamen, & indignatione obrecentem fraudem acuente animos, & exercitatione jam usuque nonnullo praeparati ad discrimen, cujus magnitudine prope jam Oceani fama concesserat in Padum, nec de eo tamquam flumine homines loquebantur. Summa imperii totius ad Pacinum Eustachium, & Franciscum Sfortiam, & Nicolaum Picininum spectabat, quorum fidei ac virtuti ut omnia crederentur, temeritas Malatestae infelix effecerat.

Ut primum infestis concurrere rostris naves, & adversa utrimque fronte pugna inita est, quinque Mediolanensium triremes, caesis propugnatoribus, obtruncato remigio capiuntur: qua clade duces in magnum metum adducti sunt, ne terrestri simul, & navalicertamine, bello aperto pariter & fraudibus victa Metropolitana res defendi ultra non posset. Ac tanto magis id ipsum timebant, quia ad classiariorum ingentem numerum, quos Trevisanus dispositos egregieque armatos in navibus habebat, novae copiae accessurae dicebantur ex Cremaniolae exercitu, qui Mediolanensium nomini infestissimus haud procul ab Pado castra habebat. In eo periculo, Sfortia usus hostium arte, dolum etiam ipse nonnullum subsidio assumit, atque ad distinendum proprio metu Cremaniolam, mittit ad eum duos, qui transfugarum specie ostendant, re desperata navali Mediolanenses, paratos esse descendere in terram, & nocturno impetu castra aggredi. Fraus ea saluti rebus fuit, & adversus insidiatorem insidiae valuerunt. Detinente namque Cremaniola militem in castris, ut adversus invasuros parati intentique essent, & Trevisano exspectante subsidium, ut impressione una debellaret: nostri, simul avertis in spem auxiliorum, simul ab re jam bene gesta incautos aggressi Venetos, turbavere primo, deinde expugnare classem, quae postea terrori victori-

bus fuit etiam postquam capta dissipataque erat. Adco, & tormentorum numero, & omnis generis armatura, & navium magnitudine, ac firmitate inexpugnabilis videbatur, nisi praeter eam, quam dixi, ducis artem, casus etiam repentinus, & amnis quodammodo ipse, expugnasset.

Cum enim certamine accenso, par metus, & spes in parte utraque aliquamdiu eadem esset, ac nostros jam tere poeniteret ejus spei, cum qua pugnae discrimen laevisissent: accidit forte hoc, ut Praetoria Veneta triremesque aliae, quae propter magnitudinem suam, multa aqua liberoque spatio indigebant, illatae in angustias quasdam, fixis ibi inter vada carinis, explicare se se non possent. Tunc vero Trevisanus cernens exitium suum, ejecit se se saltu in ripam, atque inter vepres, & alia queis inculta vestiuntur, est elapsus. Idem fecere duces, & praefecti alii, quibus, simul Imperatoris exemplum, simul metus cuique suus haud inhonestam in tali casu fugam suadebat. Qui manserant, attoniti triremium impeditarum casu, Imperatoris reliquorumque fuga, & expeditis undique Mediolanensium navigis, haud multo plus momenti efficiebant, quam si ipsi quoque effugissent.

Ita, modis omnibus inclinata ad iniqua re, Veneti partem tot antea maritimis victoriis gloriam perdidere fluminis injuria: sicuti tunc sermo hominum fuit. Cremaniola postea infortunium luit capite, suspectus prodicionis, quia nullam in tempore opem tulisset. Mediolani ad victoriae gratulationem hujus, laetitia accessit alia ex Sigismundi Caesaris adventu, qui ad petendam hinc de more coronam aderat, ne dilata diutius ea res ad legitimam imperii possessionem impedimento sibi esset. In Ambrosiana Aede coronatus est ab Archiepiscopo Capra, quem hoc tempore reperio nihil obturbante aemulo, sua in sede fungentem omni pastoralis munere etiam Principi acceptum fuisse. Coronati caeremonia Caesaris in temporum eorum tabulis ita perscripta est: Archiepiscopus Capra procumbentem ad Ambrosianam aram in genua Sigismundum solenni carmine precibusque usitatis expiavit. Annulo digitum ejus annularem, ferreo diadema caput cinxit. Nudum gladium & sceptrum, & globum, insignia Imperii, in manum dedit. Haec omnia sicuti acta essent, Balthasar Capra Archiepiscopi jussu consignavit litteris, & publica documenta rei caeremoniaeque ejus confecit. Ex Cottarum familia, cujus gentis homines vetusto jure ad caeremoniam adhiberi hanc oportebat, nemo unus adfuit. Totidem verbis antiquae tabulae caeremoniam tradunt, qua Sigismundus Caesar Mediolani est coronatus, tempore eodem, quo partem de Venetis victoriam, & post magnae cladis luctum, ingens navale decus, in triumphi modum exulta Metropolis iusto gaudio concelebrabat. Ac veluti cumulante in eos dies fortuna res omnes secundas, & magnas, triumphus alius urbi exhibitus est: duo captivi Reges uno tempore, Navarrus & Aragonius, quos inter Neapolitani regni tumultus acerrime obsidenteis Cajetam, Genuensium classis (erant adhuc Genuenses in potestate Mediolanensium) obsessis missa subsidio, cepit, ductique Mediolanum aliquamdiu exempla rerum humanarum fuere, trepidi scilicet, quid de ipsorum capite Dux Mediolani statueret.

Servati benignitate ipsius clementiae gloriam tulere ei, quae victoriae famam auxit. Fertur Aragonius, cum ab Philippo Maria intra Jovis arcem, salva inter captivitatis miseriae Regiae majestatis reverentia, humanissime compellaretur, proponendo pari affabilitate, & modestia fidem suam, gratumque animum ad omnia, quae tanto discretus spatio, imperii hujus causa facere posset, ac rursus ostendendo Gallorum impotentiam, & pericula, vel damna, quae Mediolanenses appetere, si Neapolitana res illuc transfirer, flexisse Ducis animum, ut salvum, & incolumem Regem utrumque dimitteret, habito insuper honore, & hospitalitate omni, quae mutuis obligaret pignoribus animos, ob salutem, hinc datam, hinc acceptam, & ob beneficia, quae salutem etiam honestarent. Per aliquot inde dies, Ara-

Aragonius, & Navarrus fuere Mediolani, amplectente ac venerante Metropoli Regiam magnitudinem in eisdem, quos paulo antea adspexerat ut hostes, & miserata erat, ut captivos. Opulentissimi civium certavere munificentia & comitate omni erga eos, ac data sunt munera, quorum admiratione, Reges externi fortunas urbis supra regnum uterque suum extollerent palam. Apud Vitallianum Borromaeum praecipue fuere in hospitio, qui splendore domus, & pecuniae magnitudine proximus fastigio Principis habebatur. Refert Bossius, festos eos dies omnes fuisse populo Mediolanensi, supplicatum ad praecipua templa Urbis, campanarumque sonitu vocata cuncta ad hilaritatem: Reges ipsos in templum maximum ventitasse aliquoties, atque ibi, tum partium singularum, tum universae molis attentissima contemplatione mirifice esse delectatos: in patriam deinde rediisse tam benevole erga Mediolanensem nomen affectos, ut captivitatis deinde illius etiam jucundissime meminissent.

Caeterum, sicuti laeta haec in speciem atque magnifica fuere in pompam, ita gravissimae rei damnum attulere, nimiumque magno triumphus ille stetit. Namque Genuenses, etiam irritati, sicuti demonstratum est, spretae suae legationis ignominia, postquam dolor hic insuper novus accessit, ut partem sua classe victoriam, captivosque Reges, & defensi Neapolitani regni decus, omnia in famam, & potentiam concessisse Mediolanensem viderent, defectionem, quae dilata adhuc fuerat, haud ultra distulere, spectaculique & triumphi invidia illius amissa est urbs, quae maritimas opportunitates Metropoli addebat, sine quibus nullum imperium satis validum esse potest. Simul, ejusdem Neapolitanae victoriae Regiaeque captivitatis invidia apud aemulos hujus Imperii Venetos Florentinosque renovaverat antiquam curam, ne urbs uno tempore victrix, & hospita liberatrixque Regum, ad spem Italici Regni, per haec, & alia quotidie facta violentior, nulla deinde ope posset inhiberi, nisi nova quamprimum remedia ei malo pararentur.

Igitur, ad pristinas ejus rei sollicitudines novo hoc addito metu, conjurationem etiam ipsi suam instaurant, foederaque nova ineunt de coercenda Metropoli continendoque intra fines Insulrum Vicecomite, vel etiam exturbando inde, quod si evenisset, in caetera postea consilium ex eventu ipso capturi erant. Ea conjunctio trahabat Eugenium Pontificem Max. haud sine gravissimarum deinde rerum consecutione & nexu scilicet, ut Vicecomiti Metropoli cum sacrorum Principe bellandum esset, & Christi Vicarius, Principum aliorum certaminibus odiisque implicaretur: quo negotio, Apostolica Sedes ad extrema pene deducta est, capta vrbe Roma, profugo Pontifice, deinde exaugurato: & initia causaeque tantarum calamitatum, haud aliunde quam ab nimia Vicecomitis potentia fluxere, nec alio etiam referebantur.

Cum enim ex Veneta nobilitate esset Pontifex Eugenius, spirituque idem, ut exempla docuere, politico magis quam Apostolico, patriae suae memor, cuncta ad Reipublicae illius amplitudinem referret, ideoque suspectus Vicecomiti ab origine studiisque suis etiam ante id quod dixi foedus fuisset, tum vero inito foedere, insensus atque invisus magis, adversus Imperium hoc agebat omnia hostiliter, & vicissim hinc ad evertendum eum cuncta ab Vicecomite exquirebantur. Nec Eugenio placebat vivere dominarique eum, unde periculum Venetae libertati semper intactae immineret, & metus indignatioque Vicecomiti erat ingens, si Ecclesiae arma, & Apostolicae Sedis opes, imperiumque sacrorum, & suprema illa auctoritas fierent subsidia illis, quos, odium, & invidia, & dolor alienae pacis inquietaret.

Cumque adeo accensi utrimque animi essent, Philippus Maria hostem persequendo hunc, eo provectus est, ut, & Concilii Basileensis auctoritate, Pontificatu deiciendum eum curarit, & postquam id tenuerat, confectis etiam ejusdem Concilii nomine litteris, populoque Romano concitato, Picenum ipse invaserit, fraude certa-

A mineque hoc impia Vicecomitum omnium facta haud dubie supergressus. Verum ista dum fierent, descivit ab ipso Franciscus Sfortia ille per quem fiebant, causaeque defectionis magnae & arcanae quaedam ferebantur. Notissima illa, & celeberrima sermonibus hominum fuit: quod Nicolaum Picinum Sfortiae inimicum, Philippus Maria nimium extulisset: atque occultiore susurro mustitabatur simul illud, quod Vicecomes, & Sfortia, jam pater, & filius, gener, & focer, adoptionis & sponsalium jure nuncupati, vincula ea caritatis incitamenta irarum sibi invicem fecissent. Cum enim Philippus Maria Franciscum admiratione virtutis (nisi fortasse metu) in nomen familiamque Vicecomitum adoptasset, eique Blancam filiam despondisset: gravium atque quotidianarum offensionum utraque ea necessitudo materiem praebibat, indignante Sfortia, quod, gener, & successor heresque destinatus, procul ab domo, procul ab aulae limine haberetur, nec tempus matrimonii veniret umquam, & potiores interim alii essent haud alia scilicet commendatione, quam odio ipsius & aemulatu. Philippus Maria vicissim suas habebat causas expostulandi gravissime & conquerendi, si culpa in filio erat aliqua, si cum nulla esset, fingebatur suspicione patris, aemulorum arte, vel etiam, innoxius, ut plerique credidere, juvenis, peccare non nihil, & peccando, laedere se ipsum cogebatur ob ea ipsa, quae laedi sese expostulabat. Non enim gratia tantummodo gratiam parit, sicuti verbum habet vetus, sed uberiore foetu, injuriae nascuntur ex injuriis, & dum ulcisci priora homines volunt, damnis fere novis implicantur.

Sic offensionibus alienati mutuis Vicecomes, & Sfortia, quotidie magis alienabantur, exibatque sermo, quod neque alter adoptasse vellet ac despondisse, & alter, sine lare adoptionem, sine sponsa thalamos adspernando, patris & foceris simul nomen inane adspernaretur. Haec inter Vicecomitem, & Sfortiam iacta semina odiorum diffidique aliquamdiu cum fuissent: cuncta speculati Veneti arripere occasionem, & illectum ad se Sfortiam exercitibus imposuere suis, eoque deinceps Imperatore gerebant bellum adversus Mediolanenses, donec post multas mutuas clades facta ingenti rerum animorumque mutatione, reconciliatus ipse focero patrique cuncta cum eo reconciliaret, atque pax magna sed non duratura, iniretur. Neque vero arbitror, ex omni memoria aetatum aut populorum, homines umquam fuisse ullos, aut tam faciles ad bella, aut in pace tam inconstantes: & inter omnes eorum temporum casus nihil tam admirabile occurrit, quam potuisse ipsos inter se populos, & Principes fidem habere ullam, cum data semper fides illico vana fieret. In fensi bonis vicissim alienis, ob minimam quamque rem, occasionemque natam ad arma ibant: ubi poenituerat armorum, quaerebant eadem levitate pacem: haec statim impetrata displicebat, & rursus violata reconciliabatur: atque cum saepius ita egissent, nondum tamen credendi invicem stomachus taediumve subibat. Ne vincula quidem ipsa humanae societatis, quae apud gentes omnes, maxima, & sanctissima habentur, in ea Principum inconstantia valere, quominus Sfortia insidiantem sibi Vicecomitem deicere Regno simul & vita conaretur etiam ex quo deducta tandem Blanca, sexus utriusque prolem ediderat, uxorque jam, & maritus, & horum filii, Vicecomitis nepotes, avus vero iste, & focer, & rursus filia illa, generque, plena caritatis nomina, molleis ac teneros in parte utraque facere animos possent. Et postquam inter pignora ista saevitum tantopere erat, coaluere tamen iidem animi rerumque praeteritarum oblivione indicta, adversus hostes alios iniere foedus, quod ne rursus abrumperetur, morte, credo, Vicecomitis effectum est. Nam ea paulo post, sicuti memorabo, est insculta, tunc cum flagrante bello Italia, tumescensque animis ira, & metu, & mole suspicionum, monstrum adhuc exspectari aliquod posset simile priorum, quae focerum, & generum spectacula utriusque hostibus antea fecerant.

Caeterum, huic tantae saevitiae animorum, & levitati,

tati, quae quidem, non tam hominum ipsorum, quam dominationis videri vitium potuit, rerum etiam, quae interim accidere, varietatem, & saevitiam recte aliquis comparaverit. Bergomum, & Brixia, & Vicetia, & Verona, Mediolanenses inter, & Venetos obsessae facpius, captae direptae, die aliquando uno, aut dominos habuere eosdem, qui hostes fuerant, aut ab dominis paulo antea suis hostilia cuncta pertulere. Veneti facto ad Cassanum ponte, flumen transgressi Abduam, collesque depopulati Briantacos, capta ad Bripium Leucumque arce, castellis circa flumen infestis communitisve aliis, spe maxime intestinarum seditionum ad ipsa moenia urbis Mediolani accessere tamquam dejecturi Vicecomitem, Imperiique sui sedem facturi Metropolim. Idem ab Orientali porta (regione namque venerant ea) pulsus & rejectus vix tutum in sua castella receptum habuere. Urbe in ipsa, Eusebius Caimus princeps omnium consiliorum Principis, idemque ad Principes alios saepe legatus interficitur in templo maximo, cum ad D. Juliae aram effusus in preces positus humi genibus jaceret: & causa tam violentae necis fuit suspicio, quod Francisco Sfortiae Venetisque arcana imperii prodidisset. Cujus hominis neci continuatur Nicolai Picinini post gravem morbum obitus haud sine multo hominum sermone, quod inter tot acies, atque tot inter tela versatus ille non potius occubisset ferro. Mortuus est ad Corficum, qui locus navigabili alveo alluitur quinto ab urbe lapide, indeque devectum cadaver in templo maximo sepelitur exsequiis, quae decerent exercituum Imperatorem flagrantissima apud Principem gratia, quo amisso, simulacra luctus in aula tamquam ob res perditas fuere. Tumulus ejus ingredienti Templum ad dexteram est juxta valvas Sacrarum Majoris cum marmorea tabula, quae parieti inaedificata subiectaque Deiparae Virginis imagini, carmen incisum hujusmodi habet: *Nicolaum Picininum sub Philippo Maria, exercituum Imperatorem, cui, ex corporis brevitate, cognomen id fuerit, situm esse ibi, & petere ab omnibus, qui eo accesserint, ut brevi apud Dei Matrem prece adjuvetur.*

Haec duorum hominum funera, curas sermonesque civium a publicis malis bellicis cladibus aliquamdiu averterant cum eorum alter, falsa Principis suspitione interfectus fuisse diceretur, alter magnum Principi luctum, & una cum luctu sollicitudinem reliquisset, quemnam eo amisso perinde fidem strenuumque assumere sibi ducem posset. Ante funera haec tumultus in urbe fuerat periculo, quam re major a Brando Castelleoneo Cardinale ortus, qui magna erat etiam inter collegas auctoritate & fama, aderantque opes, & animus fervidus, reique semper alicujus molitor. Inter caetera Sacerdotia quae multa & ampla obtinebat, D. Ambrosii Monasterium fuit ea conditione, & jure, ut pars vectigalium cederet Monachorum alimentis, reliqua Commendatarius teneret. Monachi erant Cistercienses, qui Ordo jam inde ab initio fundatus ibi, & constitutus pari cum Canonicis jure Basilicam eam tuetur. Hos ille Monachos dimiserat e Monasterio omnes, induxeratque Cartusienenses in eam sedem haud parva Mediolanensium offensione & ira. Fit urbe tota propter eam rem consternatio, & tumultus, qualis esse solet, cum publica jura violata animos irritaverit. Postquam aliquamdiu turbatum est, publico denique consilio opis implorandae causa ad Principem itur. Is abire ex templo Cartusienenses jubet, vacuamque relinquere Ambrosianis sedem. Ni abeant, igni se & ferro dejecturum eos minatur, statimque illi abire. At Cardinalis, ubi Ducis interminatione Monachos cessasse loco videt, ad consilium aliud adjecit animum, ut Ambrosiani officii ritus deleteret, ac pro eo Romanam formulam in Mediolanensis Ecclesiae consuetudinem inducere conaretur. Id non posse fieri arbitrabatur, nisi codicem ipsum intercepisset, in quo formulam Ambrosiani ritus D. Ambrosii manu descriptam ferebant. Adservabat codicem Praepositus D. Teclae venalis homo, sicuti res docuit, an potius absque scelere ullo, levis, & parum acer ad custodiam rerum, quae fidei ipsius concreditae essent. Hunc auro corruptum,

A five promissis, vel qua alia deceptum arte Castellaeoneus in eam mentem adducit, ut sacrosanctum codicem prodere sibi non recuset. Accepto codice, Cardinalis idem facile deinde exsequitur caetera, & primum omnium agendo cum Canonicis, impetrat hoc, ut die festo res divina Romano ritu fiat ad aram maximam: & data opera dies est electus Epiphaniae, quo majore concursu, ac celebritate nova caeremonia spectaretur.

B Confuderat ea res admiratione ac novitate civium animos, atque inter sese frementeis, causam, five auctorem immutandi patrii ritus quaerebant. Postquam cognitum est, rem esse artificio & machinatione conflantem ejus Castellaeonei Cardinalis, ad ipsius repente aedes advolare cum facibus, & obsessa domo minitabantur excidium, ni sibi codex Ambrosianus ille traderetur. Cardinalis enim vero perfusus horrore periculi, projecit e fenestra librum, ac timens in reliquum deinde tempus populi Mediolanensis iras, Placentiam, unde oriundus erat, aufugit. Philippus deinde ipse moritur jactatus febricula per aliquot dies exhaustusque ventris profluvio quem utrumque per se lethalem in affecto corpore morbum adversus remedia omnia contumacem efficiebant curae circumstantes, cum Venetorum arma, semperque suspectus gener, & Imperii amittendi metus obturbarent necessariae quietis horas, indeque stomachus alienatus coqueret prave, atque venenaret quidquid prodesse poterat. Etiam praeter honestas eas sollicitudines, decorasque molestias Imperii nomine, miserabilis cum ignominia angor exercuerat virum ob Beatricis uxoris impudicitiam, quae deprehensa cum adultero, clementer tamen punita est, dato moriendi spatio intra Binaschi arcem, quasi flagitium aliud, & non extremum illud muliebri puniretur.

C Reliqua fortuna moribusque Vicecomes fuit iste, tum felix hoc ipso, quod amissum fratris importunitate fere Imperium omne receperat, tum absque ulla fratris similitudine paternarum omnium virtutum famam nactus, si ab Romano demum abstinuisset arma, ac nisi orta illa, Capram inter, & Joannem Vicecomitem contentione de Pontificatu Ambrosiano, favendo potius huic, offendisset suspitione animos, quasi Sedis Apostolicae decreta, & auctoritatem nollet obstare sibi ad ea quae moliretur.

LIBER V.

E **M**ETROPOLIM PROVINCIAMQUE Mediolanum, & principem hunc Insulae populum, ab ea libertate, quam post lapsas Imperii Romani opes, ad ejusdem Romanae Reipublicae similitudinem invaserat tenueratque per aliquot secula incorruptam, Turriani primum sub tribuniciae potestatis titulo in servitutem petiere. Deinde Vicecomites Turrianis ejectis pari fallacia Principatum sibi usurpavere eundem, Archiepiscopusque Otho, vi simul, & gratia, commendationeque Pontificatus illato in familiam suam Tribunorum nomine, decepta patria, Caesaribus elusis, viam ad Imperium inclytum fama per gentes omnes posteris suis aditu hoc invenit, ut ad ludibrium denique tantarum rerum, Philippus Maria, nepotum ultimus filiam unicam, & cum filia regnum alieno homini relinqueret, inimici generi focer invisus, cui in moriendi dolore tristius morte hoc ipsum fuit.

F Philippus Maria Vicecomitem Ducum ultimus decessit anno cdo ccccxlvi. tempusque id esse depellendae servitutis rati Mediolanenses, fortius omnino quam feliciter ad eam rem incubuere, jamque se se pro liberis haud dubie gerebant. Inter quae non duraturae libertatis exordia Archiepiscopus Mediolani fuisse nullum, tradidere quidam, quibus ego utique adfentirer, nisi potiores apud meauctores alii superstitem Pontifici Caprae Joannem Vicecomitem, de quo dixi, alterum facerent. Cum enim ad Philippi Mariae fere finem Capra vitam Pontificatumque perduxerit, contraria ei sententiae, & certissima conjectura dari hinc videtur. Neque vero dici potest, superstitem Caprae Joannem illum fortasse fuisse

fuisse quidem, sed nihil juris aut potestatis ad Ecclesiae gubernacula habuisse, cum vitio creatus, ideoque dejectus Pontificatu antea esset. Apparet namque fuisse etiam restitutum, idque convincitur Apostolici diplomatis testimonio, quo diplomate piam ipsius mentem de sacerdotiis quibusdam novis instituendis laudat Pontifex Eugenius, annuitque, ut ea sacerdotia ex Apostolicae Sedis auctoritate instituat, quo auctior, & florentior in Ecclesia Mediolanensi divinus cultus esse possit, & quo pluribus simul ipse munimentis ad aeternam salutem insisteret. Ibi vero, & Archiepiscopum Ecclesiae Mediolanensis Apostolicae litterae nuncupant Joannem hunc Vercellini Vicecomitis filium, & omni alia affabilitate honoreque verborum prosequuntur: quarum sane litterarum huc transferre summam juvat, ut melius clariusque noscatur origo sacerdotiorum, quae ab Archiepiscopo illo Joanne fundata gentilitia hodie posteris ejus manent. Summa igitur ea litterarum haec fuit: *Reverendissimum in Christo Patrem & Dominum Joannem Archiepiscopum Vercellini Vicecomitis filium, volentem amplificare Mediolanensis Ecclesiae cultum, pioque animo, pro fluxis & caducis mortalium rebus, supera, & aeterna cogitantem supplicasse Apostolicae Sedi, ut ex ejus auctoritate licitum sibi esset, ad caetera loca Canonico Templi maximi, locum addere unum, quem obtinens Canonicus, dignitatis vocabulo Praepositus appellaretur. Supplicasse item, ut in D. Nazarii Aede ad aram, quae Florana dicitur, & in Templo maximo ad aram alteram, quamcumque ipse elegisset, jus facultatemque haberet sacerdotia instituendi ad rem divinam in utraque arae perpetuo faciendam. Quae sacerdotia, & cum Praepositi titulo Canonicatum, Archiepiscopus idem, sicuti suo aere fundaturus instructurusque esset, ita supplicasse, ut sibi, heredibusque suis, postquam ipse decessisset, jus foret eligendi ac nominandi homines idoneos, quibus ea demandarentur. Ea consilia & postulata, quia pia & iusta essent, continerentque divini cultus amplificationem, etiam auctoritate Apostolica debuisse comprobari, ideoque annuisse Pontificem Eugenium, ut Archiepiscopo Joanni cuncta ea, sicuti essent exposita & petita, gratificaretur.*

Inerat deinde diplomati mandatum aliud Apostolicum, ad Josephum Bripium, Canonicum ejusdem Ecclesiae Mediolanensis, ut ille, inspecta & cognita donatione bonorum, quae sacerdotiis instituendis ab Archiepiscopo Joanne assignarentur, si rem esse idoneam videret, exsequeretur, atque praesentaret ei actioni. Assignavit Archiepiscopus, Canonico quidem & Praeposito florenos nummos centum: rei vero divinae ad aram utramque faciendae, nonaginta. Minime igitur ego dubito, quin, & Archiepiscopus iste Vicecomes, & legitimus Archiepiscopus Mediolani fuerit, tunc cum, Philippo Maria extincto, Vicecomitum nomen ab superbia fastigioque Principatus ad privatae fortunae jura necessitateque redierat. Sed mortuo Principe, tanti rerum motus aderant, bellique tanta moles, ut sicuti haec Archiepiscopi illius actio sefellerat vulgatos urbis annales, planeque exciderat ex omni litterarum memoria, nisi repertae forte apud Archiepiscopi heredes Apostolicae litterae traditaeque nobis rem silentio oblivionique exemissent: ita actiones alias ejusdem, aliorumque Pontificum intercidisse mirum haud videri debeat. Nunc consilia Reipublicae Mediolanensis in usurpanda tuendaque libertate, spes atque cupiditates Italiae Principum interjectas, varios ancipitesque casus, & veluti dubitantem in eo discrimine fortunam, & qui demum exitus negotio fuerit, narrare pergemus.

Mortuo Principe, Mediolanenses erectis ad liberandam urbem animis, haud sine execratione majorum suorum, qui ab familia una, per Archiepiscopi fraudem, servitium patriae imponi illud passi essent, conspiravere, ne quemquam Mediolani regnare paterentur. In id, provisum, quae providenda erant, multumque inter se se collocuti Principes urbis etiam ante divulgatam Ducis mortem, postquam ab intimis ea celari desita est, disponunt passim armatos ad omnia suspecta loca, vias ipsas transversis fossis, & catenarum obice, ne sit usquam ad interiora aditus,

A claudunt. Dein, tamquam haud dubie jam usurpata libertate, Principatuque deleto, Reipublicae formam, quam maxime aequabilem, repetitis ex veteri Republica exemplis tumultuarie instituerunt: publicum urbis Concilium Senatusque octingentorum, qui summae rerum praesent, renovatur. Caeteri Magistratus in singulas portas descripti bini, hique facti bimestres, ut eunte per capita honore, pax animis, amorque status ejus maneret: caetera omnia salubria, & apta libero populo quae possent esse conquirebantur: & quo magis placebant initia libertatis, eo invidiosius execrabiliusque Vicecomitum & Regni nomen fiebat. Haud tamen prohibuere, quo minus Philippus Maria Principum ritu sepeliretur, estque sepultus pensili tumulo post aram maximam, quale Joannis Archiepiscopi monumentum manet. Alii, sepultum quidem rite Principem, sed die funeris, tantum fuisse barbarum in urbe tradunt, ut interpellata exsequiarum caeremonia ordineque confuso, pompa ipsa dissiparetur, & ab deducendo cadavere aversi Clerici simul, & Proceres, & familia tota, & populus ipse spectator, abirent, quae quemque vel periculi metus, vel cura aliqua suarum rerum, vel studium etiam inane videndi quid fieret, avocarant. Erant publici Concilii capita repetendaeque libertatis auctores, Antonius Trivultius, Theodorus Bosius, Georgius Lampugnani, & Innocentius Cotta. Hos, & Principes fere alii sequebantur, & plebs ipsa, cum parentes patriae suspiciebat, intentaque erat ad imperia eorum, & nutus.

Sed multa simul obturbabant terrebantque: prope victor in vicino Venetus hostis, mota Italiae totius arma ob relictam hanc sine imperio urbem, urbe in ipsa factiones detectae trahentium rem ad eundem Alphonsum, qui paulo antea captivus Mediolani fuerat. Et erat Mediolani Regis ejus exercitus, missus quidem ab Rege subsidio adversus Venetos, cum hoste imminente illo Philippus Maria periclitaretur, sed nunc mortuo Vicecomite, eadem copiae Aragonio Regnum, & sibi sedem in hac provincia meditabantur, versaque in terrorem etiam auxilia erant. Praefectus eorum auxiliorum Raimondus Boilus, occupata Jovis arce factus ex auxiliari hostis, vexilla Regis sui populo ostentans concitabat turbatos nimium sua sponte animos, ut specie illa novi, & externi dominatus objecta alienarentur interdum ab iis, quos liberandae patriae auctores nominavi. At viri fortes, quibus, neque perseverantis animi vigor deerat, neque ad consilium, quamvis inter ancipita expediendum, subtilitas ingenii & acumen, & rerum usus, eodem tempore, & malum tollere hoc quod domi natum erat, parant, & adversus imminentes alios undique hostes, praesidia opportuna moliuntur. Raimondum cum Aragonensem, corruptis auro qui circa ipsum in arce erant, dejecere inde, arceque recepta ipsa, inimicissimum illud libertati opus immissa cum ferramentis plebe demoliti sunt. Familiam vero Raimondi, quae in Monasterii Ambrosiani aedibus erat, diripere universam, & multiplici in omnes partes terrore ostentato, duces alios peregrini exercitus adjungere sibi: quae omnia, nec providentius, nec feliciter administrari potuere, quam gesta, & administrata erant. Paulatim inde agendo multa, & providendo labuntur ad consilium, fronte quidem ipsa, & specie consentaneum prudentiae & felicitati eidem, atque liberantibus patriam in tali tempore prope necessarium, sed exitu ad id quod quaerebatur miserabili & calamitoso.

Franciscum Sfortiam generum suum, Philippus Maria, saepe alienatum, saepe reconciliatum rursus, & semper, ut demonstravi, suspectum, paulo antequam moreretur, victus ingruentibus undique periculis, rogaverat, ut ad se cum exercitu suo veniret, & in itinere ipso, dum properat ille, dum accingitur ad foceri mandata, novae exortae suspensiones tardaverant venientem, & moratae erant, donec absumpto senescere, ac finitis eo tandem exitu suspicionibus, agitare serio demum ipse imperia, & res magnas coepit. Hunc, accepto nuntio de foceri morte, properantem ab Cotoniola, jam-

jamque progressum in Parmensium fines, & ibi castra habentem, reagitata in Senatu, per Scaramutiam Balbum rogant, ut in eadem gerendi belli condiciones, in quas fuerat a Philippo Maria evocatus, venire pergat. Quod consilium, ut dixi, sicut exitio rebus fuit, ita salutare in frontem, & prope videri necessarium poterat ob inclytam ejus hominis in re militari famam, ob veterani robur exercitus quem ducebat: & quia nisi socius amicusque assumeretur, acerrimum fore hostem apparebat, vel suis ipsius auspiciis, vel translata ad Venetos omni virium suarum mole. Erat Franciscus Sfortia Sfortiae Attenduli filius, cui Attendulo, sua virtus, & fortia facta apud Reges gratiam, opesque, & inde partem imperii, propriosque exercitus, & ipsum Sfortiae nomen invenere. Antea, Jacobus, five Mutiolus fuerat: parentesque ejus, Joannes, & Elisia intra Cotoniolae fines honesti, praesagium accepisse ferebantur, fore, ut deposito, quod ipsi imposuerant nomine, proles ea nomen assumeret aliud quod fieret familiae cognomen, & late noscitur. Hoc igitur parente Franciscus ortus, postquam is in Aterni fluminis trajectu summersus absque duce ullo Sfortianum exercitum reliquerat, consensu militari salutatus Imperator, ac deinde, quacumque bellum aliquod gereretur, expetitus, & Philippo Mariae praesertim adscitus, fortunaque sub ipso usus ea, quae demonstrata est; nunc accepta a Mediolanensibus gerendi belli potestate, reique militaris administratione, statim divisas curas habebat, tuendi Mediolanensium ipsorum Imperii, & simul rapiendi usurpandique inde quantumcumque posset salva in speciem fide: donec gerendae demum alienae personae finis, belloque aperto invadendi quos tuebatur, tempus veniret. Appellatis in itinere Parmensibus, acceptaque ab iis fide, ne ab Mediolanensium amicitia & auctoritate discederent, Cremonam cum exercitu progreditur, quam ei urbem Philippus Maria dederat, cum Blancam filiam in matrimonium daret. Ibi condiciones, in quas fuerat ab socero conductus, cum Aluisio Boffio, & Petro Cotta Reipublicae Mediolanensis oratoribus firmat, uno hoc addito, ut si Brixiam ipse cepisset, urbem eam haberet, liberam: si postea Verona etiam esset capta, hanc quidem haberet, Brixiam vero dimitteret. Rebelles inde Ticinenses, qui Mediolanensium odio parati imperium quodlibet accipere aliud, adversus Metropolim caput sibi aliquod quaerebant, assumit sibi, Comesque Papiac appellatur, praeclara interim apud Mediolanenses ipsos excusatione hac usus, quod nisi maturasset ipse urbem recipere eam, ventura fuisset in hostium potestatem, quodque magnus bellicus apparatus, & Pado amni armandae naves ibi haberentur: ipse praecipua belli, quod ipse administrandum suscepisset. Proinde, ne offenderentur, subsidiaque imperii sui scirent esse, quidquid Franciscus Sfortia possideret.

Mala initia negotii etiam ad exitum infauisti, pessimeque Reipublicae consultum optimus quisque autumabat tunc, cum summa rei militaris ad hominem eum delata esset. Ac talibus quidem initiis offenso Senatu, multumque suspecta novi Imperatoris fide, consilium occulte initum est Mediolani, ut peterent potius ab Venetis pacem, quam ut bellum gererent eo duce, qui rapiendo sibi, & intercipiendo quas ad Metropolim adjunxisse debuerat urbes, rudimenta ea infidi animi in ipso rerum aditu posuisset: missoque confestim in castra Venetorum Petro Cotta, pacem & foedus petiere. Sed cum Veneti, alias etiam, ut ferebant, elusi spe pacis, legationem eam sprevisent, necessaria visa dissimulatio adversus Sfortiam, quem ceu priorum obliti, attentiore in posterum cura, per litteras monuere, ut meminisset, tuendi Mediolanensium Imperii causa ipsum esse adscitum: nihil erraturum, si omissis in praesentia curis cupiditatibusque aliis, rem eam ageret: Senatum Populumque Mediolanensem, inter alia instituta, quibus delectetur, grati animi famam erga bene meritos non parvi aestimare, & posse praemia tribuere ei ob fidem, majora, quam quae antecapere ipse festinaret. Talia quaedam ad Sfortiam in castra prescribi Senatus

A jusserat: usque deinde dissimulatione ac lenitate eadem, speculatores appofuere ei, per quos, in singula fere momenta, quid ageret, quove moveretur, scirent. Et ille, nondum, scilicet, maturum esse tempus existimans depromendi id quod penitus animo inclusum habebat: simul, & Senatus litteris, & conscientia admonente, videns, ob interceptam Papiam, tentataque in conditionibus alia, suspectum se esse Mediolani, sedulo agitabat, moliebaturque omnia, ut suspicione ea se eximeret, faceretque fidem animi, nihil aliud, quam bene gestae Reipublicae laudem quaerentis. Opportune autem ad placandos Mediolanensium animos, probandamque Senatui fidem, ei contigit, ut Derthonenses Ticinensium animo semper aversati Metropolim, urbis suae imperium ad ipsum deferre vellent, multumque rogarent, ne accipere gravaretur: quod abnuvit ille, & Praetorem tantummodo dedit. Caetera deinde gnauiter ac prospere administrando, consulendo de rebus omnibus Senatum, & Senatusconsulta diligentissime exsequendo, ea aliquamdiu erat integritatis fideique estimatione, ut, cum alia super aliam victoria nuntiaretur, objurgarent amici ejus alios, quod ipsum ejusmodi suspicionibus violassent.

Cum enim praeter Veneti belli molem, Galli etiam, & Genuenses, & Sabaudienfis, & Estensis, ad occupanda Mediolanensis imperii varia loca, prout quique partem aliquam, vicinitatis illecebra, seu jure nonnullo petebant, uno tempore coorti essent: tantis afflictam difficultatibus Reipublicam fide illius ac virtute quotidie fieri meliorem apparebat. Et referebat, ut dixi, ille cuncta ad arbitrium auctoritatemque Senatus, ut ne gloriae quidem fructum, adeo non jam imperii partem quaerere sibi ullam videretur. Foedus quin etiam inire cum Galliae Rege, ne ea res apud Mediolanenses detrimento sibi esset, recusavit, cum clandestina in id legatio in castra ad ipsum venisset. Majoreque & illustriore merito, Rainaldum ab Rege eodem cum exercitu missum ad tentandas Italiae res, jamque concitatis ad rebellandum Alexandrinis, finitima invadentem, repressit precibus & auctoritate, memorans in colloquio vetera patris sui merita erga Regem Gallum. Placentiam inde, quae praesidio Venetorum tenebatur, oppugnare aggressus, quadraginta dierum labore expugnat, urbemque eam inter exercitus utriusque injurias vastatam pessime ac direptam constituit Reipublicae Mediolanensis nomine: solatia, & jura, & magistratus dedit. In cujus quidem oppugnatione urbis, nihil a scriptoribus praetermissum esse video, quo major fieri posset gloria, vel Ducis ipsius, qui rem gessit, vel Populi Senatusque Mediolanensis, cujus nomine gesta est, vel etiam hostium ipsorum, qui, ne urbis ejus possessione deicerentur, pertulere ac tentavere quidquid ex patientia, ingeniiive mortalium, inter magnas dimicationes, historia umquam admirata est. Sagunti profecto, five Syracusarum, aut Tyri constantiam & aerumnas, & hinc oppugnantium, hinc obsessorum artes, & in utraque parte multiplicem stragem Placentina ea res aequavit: neque ego repetendo descripta jam sedulo ab aliis, certamen inane sumam, otiose abutar, cum vix ad ea sufficiam quae nunc primum ex diuturno silentio in lucem hanc aliquam extrahuntur.

Agentem ista Sfortiam laudabant quidem Mediolanenses, decesseratque suspicio multorum animis capitalissima illa, quam ipse sibi, primis, ut demonstravi, diebus, consciverat: sed quo majora erant ea, quae gessisset, rursus nimia gloria viri suspensiones aliquando hominum easdem irritabat. Nam, praeter secundas quotidie magis ad Placentiam res, & jam prope depulsos ea regione Venetos, foedusque cum Galliae Rege repudiatum: celebrabatur omnium sermone singulare illius ingenii acumen, quo consilia omnia Venetorum exceperat, atque elusisset, simulque robur animi, quo leviter laceffitus vocasset ipsos ad universae rei dimicationem, & illi pugnam detrectasse ferebantur. Nimium id esse gloriae videbatur, quae, ne sese altius efferret, frenandam eam, atque comprimendam, secreto in

con-

conciliis ajebant. Itaque, dum ille Placentiam in propinqua jam spe victoriae quateret maxime, & oppugnaret, missio alio in Alexandrinum agrum ab urbe exercitu Mediolanenses, postquam infestum rursus ei agro Gallum ita domuere, ut super vetera exempla, terribile atque funestissimum id infelices reliquiae refferrent domum, gloria etiam ipsi elati, victorem exercitum duci Derthonam jubent, eique urbi, quod Metropolitano spreto imperio Principem sibi Sfortiam habere voluisset, pro ea temeritate malum, exitiumque ferri. Ne magna aliqua urbis ejus calamitate sanciretur urbium etiam aliarum fides, idque exemplum in Sfortiae ipsius contumeliam statueretur, ea res obstitit, quod cives illi, ejecto protinus quem Sfortia dederat Praetore, permiscere sese Mediolanensium potestati, & in quaecumque pacta adigi ipsos visum fuit, juravere.

Minime fallebat Sfortiam, telum in sui nominis famam directum fuisse illud, nec Derthonensi populo, sed sibi uni terrorem eum esse ostentatum, admonitioque sic esse omneis, quantum opis & praesidii in tutela fideque ipsius collocatum habere possent. Sed multo magis angebat eum, quod parce, & lente cuncta ex urbe ad exercitum mittebantur, sive pecuniam ad persolvenda stipendia militi, sive supplementum postulasset. Jam enim, praeter excitatos magnitudine rerum, animos ad minuendam illius famam, ne periculosa aliquando libertati foret, etiam nova spes erat exorta Senatus populoque, posse cum Venetis pacem fidam honestamque componi, quoniam pars utraque satis gloriae, satis etiam cladum, & pericula in posterum eadem haberet, qui bellorum omnium honestissimus est finis. Consilii hujus auctores in Senatu praecipui erant Piciniduo, Nicolai filii, de cujus exitu demonstratum est, qui paternarum inimicitarum heredes remove ab exercitu Sfortiam conabantur. Atque hortantibus assidue eis, & sua sponte ad pacem inclinante Senatu, quae libertati non obstaret, missis ultro citroque legatis, res ita agitabatur, ut Senatus populoque Mediolanensi cum Senatu populoque Veneto pax esset: de praesenti statu & conditione partium nihil mutaretur. Haec ita pepigerant legati.

Sed quia rata esse non poterant, nisi prius in Concilio octingentorum relata, comprobataque essent, admonitus Sfortia per homines sibi fidos, quos Mediolani habebat, id spatii habuit ad plebem concitandam, ut coaspernata pacem, seditioso clamore bellum potius juberet. Jactabant ejus fautores, pacem fore ignominiosam, infidam, quovis bello tristiores, & alia, quae per litteras, aut nuntios idem idem ipse inculcabat tamquam Reipublicae cura: suberat dolus, ut exercitum ipse haberet, & pars utraque bello fatigaretur, donec ad rem suo nomine gerendam matura omnia essent. Nam ubi Venetorum exercitum agro Mediolanensi submovisset, statuerat, vel occasione arrepta aliqua, vel si nulla daretur, ipso adoptionis & matrimonii jure convertere ad recuperandum foceri imperium eadem arma, quae ad defendendam Reipublicae nostrae libertatem accepisset.

Neque me fugit, eos, qui Sfortiae hujus gesta litteris mandavere, & propria cura res ejus amplexi sunt, elevare ista verbis, culpamque conferre omnem in Mediolanenses ipsos, qui, tum diffidiis inter se aeternis, tum implacabili erga Sfortiam invidia, perpetuaque infectione gloriae ejus, coegerint ipsum consulere suae salutis, & sibi filiisque suis debitam imperii hujus hereditatem vindicare. Sed commune quidem hoc est omnium, qui res alicujus, sive Principis, sive populi, gratia rogatuque aliquo sumptu excolendas, ut cuncta, quae minuant laudem, aut artificiose declinent, aut in contrarium vertant. Alioqui, sine fructu laborem, & fortasse damnum habebunt. Mihi, non excolere, sed narrare vetera haec sancte aggresso, procul abest ea cura, semperque vera speciosis antefereamus.

Magnus utique bellator Franciscus Sfortia, & omni reliqua laude par antiquis non caruit eo certe vicio mutabilis animi, quocumque spes aliqua fortunae augendae, & dominandi cupiditas vocaret. Etiam sub focero Phi-

lippo Maria, tum antequam gener esset, tum post deductam maxime Blancam, nunc ab ipso ad Venetos, & Florentinos, nunc a Florentinis & Venetis ad ipsum desciverat haud alia inconstantia & levitate, quam sine qua ipsam constantiae virtutem, nudam atque inutilem venatrix suorum commodorum regia prudentia appellat. Jam inde a Sfortia patre didicerat has artes, atque mobilitatem transferendae fidei prudentiaeque in partem eam, ubi majora momenta utilitatum starent. Nam etiam ille Neapolitanis antebellis, nunc ab Ludovico Andegavensi contra Reginam, nunc ab Regina contra Alfonso steterat: & variatis tamen ita vicibus blandissimi scriptores officii nomen imponere potuerunt. Quae porro jura successionis, quamve adoptionem, quodve matrimonium adversus Mediolanensium libertatem jactare poterat gener & filius foceri, & patris, cujus majores haud alio, quam communi nobiscum jure nati in hac patria erant? Nimirum, etiam ipse sibi conscius, quam tenui filio sua haec jura attinerentur, premebat alto silentio rem totam, neque verbum adhuc ei excidebat ullum, unde suspicandi minima ansa praeberetur, nisi multa, quae occulte agebat, intimos animi sensus, ipso non suspicante prodidissent apud eos, qui numquam desierant ad consilia illius speculanda intenti esse. Postea, maturis jam negotiis, res simul & verba, & repentina armorum conversio, translatique exercitus, & adsumti ad Metropolim invadendam hostes iidem, in quos pro Metropoli pugnat, omnia uno tempore, sicuti demonstrabitur, & comprobavere, quas dixi, suspensiones, & nimium fero coarguere alios, qui vanum esse timorem volebant.

Nunc Sfortia, postquam arte conatuque omnipervicerat, ut sprete, quae jam convenerat, pace, Senatus bellum decerneret, simulatione quidem, & cunctarum apparatu rerum intentus erat in quamcumque partem, sive Senatus censuisset, sive lacerassent hostes: animi vero sui curis & occultissimo sensu spectabat urbem Brixiam, de qua urbe in conditionibus erat, ut si eam ipse cepisset, potiretur, haberetque propriam & suam. Nondum id quidem suspicione ulla attigerant Patres, sed paulo post mirifice attigere: ac nihil aliud in praesentia cogitantes, quam ut decreto bello, nulli rei deessent quae ad profligandos undique Venetos, imperiumque constituendum, pertineret, de Sfortiae ipsius fide animoque erga Rempublicam ita judicaturi erant, sicuti ille deinceps egisset. Is nunc castra ad Cremonam habebat, acceptoque Senatusconsulto, quo bellum ei, sicut antea decernebatur, ad Cassanum cum exercitu proficiscitur, quam arcem, quodque municipium Scri juris olim, postea ab dominatu altero sicuti pleraque alia possessum, Veneti hoc tempore habebant. Eam recuperare arcem permagni ad rerum summam intererat, obtinente Veneto Laudem quoque Pompejam, & Melitium, & Trevilium, & pleraque agri Cremonensis, ita ut neque supportari commeatus in majora castra, neque nuntii sine discrimine commeare possent. Mittitur illuc ab Senatu etiam Astor Faventinus cum iis copiis, quibus ipse praeerat. Huic mandatum, ut pontem in Abdua faceret, qua Cremonensem agrum alluit flumen. Facto ponte conjunctisque exercitibus, decem dierum oppugnatione recuperare arcem. Eo terrore, qui Melitium obtinebant, aufugerunt. Pandinum inde & Ripalta, & quae trans Abduam castella praesidiis Venetorum tenebantur, capta, & direpta, vel si expediterat, munita & infesta.

Veneti ad defendenda ista segniores, Cremonam vi tota aggressuri erant: jamque inducta in id classe Padus inhorruerat. Tunc scilicet Sfortiae cura rerum suarum pugnare cum auctoritate Senatus: & non solum tuendae Cremonae studium, quam urbem ei Philippus Maria assignarat, sed etiam Brixiae adipiscendae cupiditas, quam sibi pepigerat in conditionibus, certamen cum publico consensu ducumque aliorum sententia ad rerum summam inutile injecerunt. Volebat Sfortia, imposito protinus in naves milite, totis aggredi viribus Venetorum classem, crebrisque super ea reconciliis, gerendi

belli rationem hanc proponebat, ut defensa prius Cremona, ad Brixiam ducerent oppugnandam: ita fore, ut Veneti transgressu Ollii annis prohiberentur, & bellum in suis finibus haberent. Patres censebant, Laudem Pompejam, primum omnium esse recuperandam: & cognita per legatos Sfortiae sententia, misere in castra, Oldratum Lampugnanum, & Joannem Casatum, qui voluntatem Senatus exponerent, atque hortarentur magnopere Sfortiam, ne ei rei quidquam praevertisse vellet. Ille tamen in sententia sua perstabat, & quamquam consensu ducum praefectorumque aliorum victus, castra in Laudensem agrum movisset, Cremonam tamen & Brixiam nisi collocatas in tuto haberet, nihil praeterea satis quieto animo aggressurus esse videbatur. Opportuna consiliis cupiditatisque ejus fuit repentina Venetorum impressio, qui duce Micheletto quodam transgressu Ollium, castella, quae nostri capta habebant, invasere. Casum, scilicet, periculumque jactando illud Sfortia denique pervicit, ut potestas sibi ab Senatu permitteretur agendi quidquid e Republica esse duxisset: ejusque potestatis & arbitrii tempus ita definivere: donec Patres aliud censuissent. Addidere collegam ei Gulielmum Montisferrati Demarchum, qui, cum in Venetorum castris diu militasset, hoc tempore stipendia ea reliquerat, & in parte nunc altera quaerere bona fide virtuti locum videbatur. Huic Gulielmo partem exercitus eam attribuerunt, quae Barptolemaeo Bergomenfi attributa prius fuerat, & honoris militiaeque gradum dedere eundem, quem ille tenuisset. Namque Barptolemaeus ille notus adhuc, & per seria, per jocos ob militarem gloriam simul & cognomenti ludum frequens in ore famae, cum sub Philippo Maria ordines duxisset, dein ab eo, Modoetienfi arci, crimine, sive suspitione interposita traditus in custodiam, suspensio e pinnis fune delapsus ad ima aufugisset, mortuo Principe, ab Senatu restitutus honori pristino, nunc refugerat ad Venetos abieratque nocturnus e castris. In hujus locum Patres suffecere, quem dixi, Gulielmum, ac praeter eum additi speculatores simul adjutoresque Sfortiae clari bello viri praefectique singularum turmarum, Carolus Gonzaga, Christophorus Torellus; & Antonius Intimilienfis, quorum ultimus ad Meltium in praesidio fuerat, & arce illic amissa profugus ad Mediolanenses, tanto magis fidus sperabatur adversus eos, unde abiisset.

Accepta igitur in hunc modum potestate, & arbitrio gerendarum rerum, & copiis ducibusque auctus hisce, simul potestatis & arbitrii vincula custodesque fidei circa se plures habens Sfortia, quam fortasse vellet, ad Cremonam pergit ire tuendam ab Venetae classis incurfu, scilicet, ut ab ea parte firmatis opibus suis, opes deinde, Brixia etiam recepta, majores, iisdem Reipublicae armis tentaret, imperiumque ita trium magnarum urbium, jam inde a principio capta sibi Pavia, habiturus erat. Veneta classis septuaginta navium Andrea Quirino duce constiterat juxta Casalensem arcem in eodem Padi amnis brachio, quod Metropolim affligerat ingenti clade sub Philippo Maria, nomenque inde acceperat. Terrestrem alium exercitum sub Micheletto ad septimum inde milliare Veneti habebant. Sfortia, faucibus brachii obsessis, oppositoque ibi Ticinensium navium praesidio, ne quid effugii in medio discrimine hostibus pateret, ab altera parte bombardas in hostilem classem praecipuae magnitudinis dirigi quatuor jubet, ictibusque continuis & ferrea procella Venetas naves everberari. Quod cum absque ulla intermissione fieret, absuit etiam rebus ita dispositis ea quae belli fortuna dicitur. Nam eodem tempore, & contortae e bombardis pilae ingentes cum foeda hominum laceratione, navium latera compagesque perfringebant, & collocatae in faucibus triremes, concitato repente cursu, Venetorum ex transverso supervenere navigiis, unde crebra in nostris tela accidebant, prosperaque pugna sagittarios inhibuere, & nullum interea subsidium ab Micheletto aderat: quae res haud dubie victoriam sine multo sanguine nostris dedit, despondente animos Quirino, cum nondum plane victus esset. Is enim, ubi iniqua simul omnia classi, &

A ex terrestribus castris auxilii spem elusam vidit, subdita raptim in vicinam arcem turba, quae superfuerat, navibus injici flammam jubet, ne integrae in manus hostium pervenirent. Et Sfortia, cum a praeda continere militem nequiret, veritus, ne superveniente Micheletto, manus impeditae corrumpere victoriam, quae jam parta erat, latius porro spargi flammam easdem jubet, totamque classem incendio involvit, quam Veneti, haud sine gemitu, suo simul & hostili igne flagrantem ex arce conspexere. Nuntiata ea victoria Mediolanum, perinde ac debebat, laeta Patribus populoque fuit, hosque etiam ob rem bene gestam Deo immortali habitus est, & Sanctissima Virgo Deipara praefes custoque urbis adorata pretiosissimis donis, quorum nonnulla adhuc manent in Templo maximo & sub ejus titulo victoriae ab aedituis indicantur.

B Caeterum, debilitatis ea navali clade hostium viribus, magnoque periculo liberata Metropoli, censuere Patres modum imponendum esse potestati, quam Sfortiae summam liberamque permisissent, ac de ea re Senatusconsultum factum est in haec verba: *Quod Senatus Populusque Mediolanensis Francisco Sfortiae, rei bellicae arbitrium dedit, ut is ageret quidquid e Republica esse censuisset, eique arbitrio tempus quodcumque visum esset, finivit: nunc idem Senatus Populusque de ea re ita censet, uti Franciscus Sfortia, de rebus omnibus quas hoc bello acturus erit, ad Senatum referat, sententiamque Patrum, ex populi jussa expectet.* Adjecere Senatusconsulto, ut primo quoque tempore trajiceret cum exercitu flumen Abduam recuperandi Caravagii causa: Caravagio recepto, duceret ad Laudem Pompejam, & ei quoque urbi recuperandae infisteret.

C Haec Senatus auctoritas perscripta & missa protinus in castra ad Sfortiam, animum ejus metu simul & indignatione confudit. Irascebatur, quia coarctatam sibi potestatem, imperiumque inhibitu videbat, eo maxime tempore, quo potius ad rei gestae praemium laxari amplificarique omnia par esset: timebat, ne detecta jam & nudata omni sua mente consilioque Brixiam eundi, Patres ad rem eam impediendam atque disturbendam cuncta semper excogitaturi essent, eoque nunc inhibuissent imperium. Jam enim ipse statuerat ad Brixiam ire oppugnandam, & consilio super ea re habito, facile omnibus in eandem sententiam adductis, castra illuc movebantur, cum redditae sunt ei litterae Senatus, quae, circumscripta, sicut dixi, potestate, ad Caravagium ducem agmenque avertebant. Sfortia enim vero, dissimulans adhuc alte animi sui destinata & dolorem, ad Caravagium, sicuti imperatum erat, iter convertit, nihil aliud, uti fertur, effatus, quam obediendum esse illis, quorum periculo res gereretur. Quinto die quam ex Cremonensi agro moverat, disposito locis idoneis exercitu id oppugnare castellum aggressus, ipse, & ceteri Mediolanensium duces, quibus jam aequatum fere imperium erat, in omnia incidere pericula & difficultates, quae in magnae cujuslibet oppugnatione urbis perferendae essent. Nam, & natura locus erat ad mille fere passus ob fossas & aquarum divortia prope invius equiti, & olim addita munimenta manu, novis auxerant artibus hostes: hique pridie, quam noster exercitus eo duceretur, magnis agminibus antecesserant, & majore etiam postea numero supervenere.

F Itaque per mensis fere spatium, quotidiana praelia inter exercitum utrumque committebantur, & averfa omnia ab arce moenibusque contentione, per agros & finitima loca dimicabatur, dum, aut qui jam praevenerant, prohibent accessu nostros, aut nostri reliqua succedentia agmina hostium arcere volunt. Ac sicuti eadem in utraque parte virtus, idemque fere numerus, & potiundi loci cura eadem erat, ita etiam neutri umquam ex acie laeti abibant. Quinto demum & trigesimo die, postquam eo ventum fuerat, cum Mediolanenses circumvallatum aegerrime oppidum haberent, ac promovendo ad moenia gradum, singulas prope glebas multo suo & hostium sanguine infecissent, atque tunc etiam exercitus uterque pari defixus metu haereret, verentibus nostris,

stris, ne oppugnationi intentos Venetia tergo aggredirentur, Veneto summae rei discrimen vitante: principum vincendi nostris inde est datum, unde sub victoriae specie clades magna parabatur, nisi casus alius, ut pleaque in bello solent inania, & fortuita, ex manifesto periculo salutem gloriamque dedisset. Praecerat arci Matthaeus Capuanus, eo animo vir, ut neque constantiae ac fidei anteterret quidquam, neque inanem ejus gloriae titulum, suo aliorumque exitio quaesitum vellet. Is, ubi circumfusus oppido Mediolanensem exercitum, & necessitatem adesse ultimam vidit, existimans, dedita quam capta arce, meliorem fore suam, & praesidii conditionem, five fortasse etiam nihil adhuc tale agitans, sed moram imminenti irruptioni nonnullam quaerens, misso ad Sfortiam caduceatore, institit cum eo agere de conditionibus tradendae arcis, jamque ea res, & in Principum conventu, & totis castris magnopere agitabatur.

Interea, Venetorum duces qui fessum pugnando exercitum habebant, & in collem castra contulerant, habito consilio de summa rerum, dictisque sententiis, quid quisque optimum factu censeret, sententias eas, ad Senatum suum ordine perscribunt: indicant praesentem belli statum, exhaustas jam in unius castelli defensione pugnas, & factam prope deditionem: abscedi inde agique alia, an subsidium ferri inclusis, & in rei non magnae discrimine periclitari universos velint, ceu parati in utrumque consulunt. Senatores Veneti, pensatis, quae referebantur, brevi consultatione, retinendum esse Caravagium statuunt, idque propere ad exercitum perfertur. Una erat via, per quam penetrari ad castra Mediolanensium posset, obscuro per silvas tramite, quem Tibertus Brandolinus ducum illorum unus sumpto lixae habitu speculatum egressus notarat. Caetera, regionis situ, fossisque & munimentis objectis, intericia, abrupta, impedita, multiplex certamen, antequam perventum foret ad castra, denuntiabant.

Igitur accepto sui Senatus mandato hostes hora diei ferme nona, cum nostri maxime intenti in spem recipiendae per deditionem arcis, caetera remissius jam languidiusque agerent, digressi colle abdunt sese in silvas, & citato agmine properant ad opem obsessis quantocumque suo periculo ferendam. Et periculum statim perniciemque invenere, latam fossam, quam per vetera bella excavatam atque perductam toto quantum spatio in latum silva porrigebatur, Sfortia collocatis per intervalla militibus communierat, passimve stramento materiaque injecta alia occaecarat, & stipites alicubi transversoque cancellos defixerat, ut si hostis transire illac conaretur, praecipitatus, implicitusque aut rejectus irritum id five etiam funestum incoeptum haberet. Neque speculator Brandolinus ea munimenta viderat, suspitione fortasse aliqua & metu, five reperti tramitis laetitia propere ad suos regressus. Tumultuosi nuntii de hostium adventu in nostra castra perferuntur, rapitque illuc Sfortia subito agmen: ubi, tum opportunitate fossae, tum virtute militum deprehensos ad iniqua Venetos fudere Mediolanenses ac caecidere, parta victoria, quae plena exemplorum etiam in hoste miserabilium fuit. Nam laqueis irretiti illis, captique & vineti trucidabantur, etiam honeste moriendi facultate adempta, cum inter cippos, & angustias, non dirigere ictus, non ad pugnam assurgere ullam possent. Et nostri impune sese per adstructos sua manu ponticulos, ac per vada nota insinuabant.

Haec prima procella pugnae fuit, quam caedis potius nomine appellavere scriptores nec amicissimi Mediolanensium rebus, & inter pericula consiliaque eadem versati. Caedes inde alia facta fugientium est, ex qua qui evasere, armis equisque relictis, alius alio dilapsi, quacumque pervenerant, minime dubium fecere, quin res Veneta perdita eo die, & in perpetuum afflicta esset. Captis etiam direptisque castris, & oppido recepto, opima spolia & nobiles captivi, Alvissio Bossio & Petro Cottae ducendi Mediolanum traduntur. Legati hi populi Mediolanensis in exercitu erant, nec sine eorum auctoritate quidquam fiebat. Urbem inire triumphantes albensibus vecti equis, purpura auroque conspicui.

A Parentem urbis Ambrosium, quomodo effigies ea Pontificali habitu e serico auroque, gemmis internitentibus publico sumtu contexta, & per tot annos reiecta semper manet, insidentes equis publici servi pari incessu hinc inde sustentanteis rite ac decore praeferebant. Captivorum longus ordo antecedeat: Dandulus & Rangonus, capita nuper exercitus Veneti, nunc legatorum nostrorum fere calones, hic Cottae, ille Bossio juxta pedes ducebantur. Ea magnae fortunae ludibria fert bellum. Sed, & vexilla Divi Marci, nescio an honoris causa pompae huic immiscebantur. Civitas tota, non praesenti modo plausu, quibusve aliis laetitia declaratur victoriam triumphumque excepit: verum etiam secutis diebus adorabant gregatim ad omnia templa Numen, ob ejus victoriae beneficium idque more humano prope remunerantes, templa ipsa magnifice excolebant, & semper famelicam inter belli mala plebem, remittendo publice tributa, privatim nutriendo miserrimum quemque cogebant agnoscere ac venerari coelestem potentiam, quae, conservata Republica imperioque Metropolitano infimis etiam benigne faceret eorum manu, qui Rempublicam imperiumque tenerent.

Verum, haec denique victoria novi belli principium fuit, cujus exitu Respublica Mediolanensium erat sub jugum reditura idem, quod Vicecomitum sine excussum putabant: atque extracta in hanc diem dissimulatione magni voti Franciscus Sfortia, diuque cum multarum rerum necessitate luctatus, tandem pertinacia sua, & injuriis, ut ferunt, alienis, ad id venit, ut hostium nostrorum aperte amicus, & infensissimus ipse nobis hostis fieret, donec, & victor & Princeps, sublata odiorum causa, paternae etiam in nos curae gloriam quaereret postea beneficiis, & miti justoque imperio etiam adsequeretur. Offensiones autem, & injuriae, vel causae, quae titulum aliquem praebuere honestum volenti jam Sfortiae deficere ad hostes, & bello persequi aperto imperium, cujus tuendi causa exercitum armaque acceperat, partim ex conditione rerum ortae, partim in Historiam inductae a nonnullis, qui Sfortiarum nomini, postquam ea domus urbem tenebat, faverunt, haec quidem feruntur: Recepto Caravagio, defensa Cremona, rebusque aliis prospere gestis, rem atque consilium de Brixia invadenda numquam omissum, saepe dilatum illud exsequi Sfortia tandem hoc tempore volebat. Si publico consilio, & semper ad id molesta sibi Senatus auctoritate impediretur, statuerat vi sua, & eo quem habebat exercitu rem utcumque aggredi. Quia studia militum, & populi favorem nominis gloria conciliatum, & multiplici clade conterritos Venetos haberet, numquam tam opportunum fore tempus agendi aliquid, fortunamque tentandi suspicabatur. Stimulabat etiam assidue animum & precibus, & querelis, paternae fortunae desiderio multum anxia & importuna uxor. Non se ei traditam, ut laboris semper, & exsilii stipendiorumque alienorum comes foret. Alios etiam fuisse, splendidos & opulentos, e quibus Pater adsciscere sibi generum posset: praetulisse caeteris unum, de cujus virtute atque animo spem haberet, posse ab eo imperium retineri postquam ipse decessisset. Proinde accingeretur ad opus, quod, & fama communis ab eo, & mortui foci Manes, & nati jam, postve suscipiendi liberi postularent, ne, scilicet, imperium, quod maternus avus ipsis maximum amplissimumque relinquere voluisset, Patris incuria ereptum sibi cum dolore & ignominia visuri essent, dedecusque & damnum illud ad nepotes ipsi suos pudenda successione transmissuri.

Talia repetentem animo Sfortiam, cum nondum ab Caravagio castra movisset, legati Mediolanensium Theodorus Bossius, & Franciscus Castillioneus adunt: laudant verbis amplissimis virtutem fidemque hominis, eique Senatus nomine gratias agunt, quod rem adhuc ita gesserit, ut ipsius opera Rempublicam brevi fore constitutam, quieturos hostes, aut bellum domi habituros sperare debeant. Petenti deinde, ut ad Brixianae expeditionis facultatem libera sibi cuncta permitterentur, in praesentia quidem annuerunt, postea vero

delata re ad Senatum, censuere, non esse e Republica, Sfortiam urbis ejus potiri: atque ad eam rem impediendam sedulo comparanda esse omnia decreverunt. Id cum sua sponte Patres fecerant providentia & metu, ne nimium Sfortia invalesceret, tum vero Picininus uterque, aemulatione in ipsum, & jam inveterata apud Senatum gratia, jactando saepius eadem, adduxerant omnes in eam sententiam, ut crederent, ne quidquam pro Republica & libertate fore dimicatum, si urbibus, ut coepisset, occupandis, tantopere crescere Sfortiam pateantur. Pestiferum cum in sinu anguem nutrire sibi Mediolanenses, nec sensuros antequam bellua facta inextuperabilis foret.

Ita, & provisu suo, & consiliis instincti alienis, ab Veneto Brixiam teneri, quam succedere ibi Sfortiae quidquam malebant. Monebatur etiam ipse litteris amicorum, missas ab Senatu Mediolanensi fuisse litteras ad Principes ejus urbis, quibus eos hortarentur, ut in fide Venetorum manerent: cum Senatu Republicaque ea brevi pacata omnia Mediolanensibus fore. Et litteras eodem tempore alias repererat Erasmi Trivultii ad Vitalianum Borromaeum scriptas in hanc sententiam: *Dandam esse operam, ut copiarum duces qui in exercitu praestantissimi essent, cum suo quisque milite in varia loca dimitterentur, ne Sfortia Brixiam obsidere posset.* Mox Antonius Porrus missus ab Senatu in castra, quae jam moenibus urbis Brixiae subiciebantur, mandata haec ferebat: *Dividi exercitum oportere, ut pars in Veronenses duceretur, pars ad Laudem Pompejam tenderet. Urbium earum alteram insensam esse Venetorum imperio, nostrorumque armorum adpectu facile illinc defecturam: altera nisi quamprimum recepta vindicataque esset, perniciosi nimium exempli ignominiam eam fore, cum adeo vicina Metropoli civitas ab hoste teneretur.*

Haec ab Senatu mandata Porrus exponebat, & Sfortia eodem tempore jam penitus alienato a Mediolanensibus animo speque adipiscendi imperii vehementius raptata, ob id ipsum agitandae cum Venetis paci intentus erat adjutoribus atque internuntiis Pasquale Malipiero Veneto, & Angelo Simoneta Mediolanensi. Per horum utrumque sermones commeabant, summaque conditionum erat: *Ut quae castella & arces & urbes Philippus Maria mortis suae tempore tenuisset, ea omnia una cum Metropoli, finito bello, Sfortiae huic cederent: Bergomum & Brixiam & Abduanae glareae castella praeter Pandinum obtinerent Veneti: per eos, quatuor millia equitum, bis mille pedites, quatuordecim millia florenorum nummum in menses singulos gerendo bello suppeditarentur.* Quae, per eos, quos dixi interpretes, cum pacta jam & secreto constituta essent, credibile est, haud magnopere commotum fuisse Sfortiam ejusmodi mandatis, licet alioqui nihil magis alienum inimicumve rationibus ipsius objici potuisset. Itaque, ne verbis quidem magnopere cum legato Metropolitano jurgatus, postquam is e castris abiit, apta ad id quod moliebatur oratione pertentatis militum animis, qui apud eum reliqui erant, ubi ex faustis clamoribus alacres, & sibi ad omnia paratos sensit, postridie concionis ejus, ex Brixienfi per Soncinatam agrum transire in Laudenses parabat. Civitas interim ista dediderat sese Mediolanensibus, & vehementer ea res initio novi belli Sfortiae animum turbavit. Nam ab ea parte statuerat irrumpere in Mediolanensem agrum, & aucto mox Venetorum auxiliis exercitu succedere vi tota ad moenia urbis.

Hanc Sfortiae defectionem Mediolanum nuntiavere primi, Petrus Cotta & Aluisius Bosius, qui Reipublicae legati exercitum assidue sequebantur. Hi, concioni, quam ad milites ille habuisset, interfuerant: & ubi adversus obfirmatum ejus animum aliquamdiu frustra tendere, consensu propere equis ad Senatum rem eam atrocem detulere. Non tamen ab Senatu quidquam temere tumultuosae actum. Sed missis ad Sfortiam Bartolemeo Morono, & Jacobo Cusano dici haec jubent: *“Valde miratos esse ipsos, quod tantis Reipublicae beneficiis ornatus, arma in ipsam convertere sustinuisset, si nonnullorum facta displicuissent, essetque ali-*

qua re fortasse offensus, debuisset potius ostendere Senatui quid doleret: & Senatum, pro sua aequitate, atque etiam pro ea opinione quam de ipsius virtute habuerit, cognita causa fuisse satisfacturum. Nunc quoque si velit exponere alienati sui animi causas, aequitatem Senatui manere eandem, & daturos esse operam, ut sicuti ad nullum belli discrimen esse segnes velint, ita ad communis vitae officia mites & justis gratique reperiantur. Sin ille hostili erga Rempublicam animo perseverare mallet, aequum esse saltem, ut militares copiae Mediolanensium, quas secum trahat, earumque duces Senatui restituantur: neque enim arma illis in patriam data esse.”

Sfortia respondit: *“Nimium fuisse gravia & intoleranda, quae per totum illud belli administrandi tempus ab Senatu simul & Populo Mediolanensi pertulisset, tempusque adesse ultionis, quemadmodum etiam videre ipsos arbitraretur. Sed velle se quidem injuriarum sponte oblivisci omnium, neque quidquam acturum impotenti animo, quamquam & praesenti occasione, & dolore praeteritorum stimuletur: imperium vero quod Philippi Mariae Vicecomitis fuerit, velle sibi vindicare, ne ingratus erga focerum, impius in liberos, uxoremque suam, & matrimonio proleque indignus habitus ea cum damno dedecus ignominiamque ferat. Quod ad militares copias earumque ductores at-*

tineat, neminem se morari, quo minus abierint e vestigio omnes quicumque Mediolanensium adsint.” Nec plura in eo colloquio dicta.

Bellum, quod cum Francisco Sfortia pro sua libertate infeliciter gessere Mediolanenses initia haec habuit, ex quo bello victori imperium, victae civitati fortuna eadem parabatur quae sese per Philippi Mariae mortem esse liberatam sperarat. Quis autem postea crederet, Sfortiam ipsum, fundato per victoriam hanc Principatu, si post mortis tempora posset suorum interesse casibus, longe praecoptaturum huic esse Principatui res privatas, & cum utique statum, unde spes moliri tantas coepisset? Neque enim ad sextum heredem perventura res erat: & quinque successiones, per quas id imperium ivit, totidem tragica exempla dominantium fuere. Interfectus ob scelera & mores impudicos Galeacius conjuratione nobilium, inspectante populo, ante aram, inter sacra: mox urbs infecta conjuratorum caedibus: saevitia Ludovici in filios & patruum dolo datum Joanni Galeacio venenum: ipse captus a Gallis & intra carcerem moerore absumptus: filiorum hujus alter similitudine paterni exitus, alter orba senecta domum imperiumque perdidere. Tanti fuerat capi urbem Mediolanum, & totam a Francisco patre inter dolos, arma, cladisque vitam agi!

Cum Sfortia bellum aperte Mediolanensibus, & verbis, & re ipsa denuntiavisset, idque Mediolanenses, ut demonstravi, acceperant, neutri parti satis esse viri-um videbatur adversus imminens discrimen quod alteris servitute, alteri exitum ultimum, & sempiternam ex temeritate labem minitabatur, si clades accepta esset. Perterruerant enim etiam partem utramque statim factae fortissimorum virorum transitiones & ab Senatu ad Sfortiam, & ab Sfortia ad Senatum, prout quosque ad tanti discriminis initia objecta spes metusve animo, sive, prout affectus olim animus tenuerat nunc aut alienarat. Carolus Gonzaga cum mille ducentis equitibus, pedibus quingentis, deserto Sfortia se ad causam Senatus adiungendo fecerat aliis etiam exemplum castra ea relinquendi. Marchio Gulielmus & Aluisius Vermus, & Sanseverinates treis Rempublicam Senatumque deseruerunt. Ex urbibus etiam ipsis aliquae nutabant ancipiti in hanc illamve partem fide: Placentinique nihil cunctati erant, quo minus dederent sese Sfortiae, & sequi fortunam illius mallent. Ob haec, aucta cura partibus, majorque effecta sollicitudo, quam quanta fortasse praesentem statum, & suas per se vires aestimantibus initio fuisset. Sfortia, praeter exercitum, quem habebat, quemve ab Venetis ex foedere expectabat, Florentinorum etiam, Genuensiumque & Principum aliorum, quos Reipublicae Mediolanensium esse inensos sciret, ten-

tentavit quaesivitque auxilia, quae Principes gentesve
cae ultro etiam mittere paratae erant.

Mediolanenses, non jam Sfortiae, sed auxiliorum,
quae ad eum undique mittebantur, vim famamque me-
tuentes, auxilia etiam ipsi externa quaesivere, missis le-
gatis ad Federicum Caesarem, ad Regem Galliae Ca-
rolum, & Neapolim ad Alphonsum Regem. Aluifius
quoque Sabaudienfis & Burgundiae Dux Philippus roga-
ti, ne urbi antiquissimae adversus finitimorum conspi-
rationem, & adversus unius novi hominis conflantem ex
alieno potentiam deesse vellent. Dum aguntur tentan-
turque ista, visum est Patribus, ut Sfortiae rursus ani-
mum tentarent, si forte ad conditionem aliquam hone-
stam adduci ille posset, qua conditione, salva Republi-
ca positis armis, tanto superfederetur bello, quantum
initia illa minitabantur. Facto hoc Senatusconsulto, de-
cretaque legatione, proficiscuntur ad Sfortiam in castra,
Jacobus Cusanus, Georgius Lampugnani, Thomas
Moronus, & Petrus Cotta jam assueti homines ejusmodi
colloquiis, & quibuscum libenter congregi Sfortiam
animadversum erat. Benigne in colloquium admissi dixe-
re eadem, quae prior etiam legatio attulerat, de opti-
ma voluntate Senatus erga eum, publicoque studio cor-
rigendi si quid paucorum offendisset injuria: & quem-
admodum magnopere mirati Patres essent, quod ex
amico ac defensore Reipublicae hostis repente exstisset:
si maneret in sententia, redderet saltem milites. Respon-
sum tulere simile priori, nisi quod rei acerbitas, sono
magis quam sensu verborum, & flexo nonnihil ad pla-
cabilitatem ore mitigabatur.

Hi legati cum domum redirent excepti a militum glo-
bo & spoliati sunt, quo latrocinio protinus ad Sfortiam
delato, profectus ipse e castris, affines ei flagitio omneis
comprehendi & suspendi iussit: suspendebanturque
etiam innoxii suspitione tantummodo obiecta aliqua, do-
nec legati ipsi impetrare ab Sfortia, ut finis fieret.
Misit deinde suam etiam ipse legationem, cujus Prin-
ceps Benedictus quidam Reguardatus fuit. Is, dato Se-
nato, cum accurata oratione persuadere conaretur, ut
dederent Sfortiae urbem, eumque in Philippi Mariae
locum acciperent, non deteriorem socero generum:
adoptionis jure filium: patrem legitimae prolis sangui-
nisque veri Vicecomitum: si successionis ordo spectare-
tur, una cum uxore heredem: si vellent eligere, ob-
merita non indignum, & imperare assuetum, & obe-
dire, neque amplius sibi quidquam in libera urbe vindi-
caturum, quam ut Reipublicae caput esset. Haec & alia
cum diceret vir disertus, multorum haud dubie com-
moverat animos, quibus finiendarum patriae calamita-
tum exitus ille probabatur. Sed statim ubi legatus ille
perorarat, Georgius Lampugnani suggestu consensu
eodem, omnia, quae pro libertate adversus dominan-
tes dici possunt, tanta vi & ardore vultus animique dixit,
ut commutatis repente omnium animis multa gravissima
probra in Sfortiam jacerentur, atque praescriberetur
etiam brevis hora legato, intra quam Mediolanensium
exisse finibus deberet.

Bellum inde summa vi, non parabatur utrimque so-
lum, sed etiam gerebatur. Patres, vocatis in Curiam
Francisco Picinino, & Carolo Gonzaga, quorum ille,
ob veteres inimicitias spem suae salutis in Sfortiae exitio
collocabat: hic periculorum initio statim eum deseru-
erat aufugeratque Mediolanum: alterum creant ex-
ercituum Imperatorem: alteri Tribunatum plebis per
suffragia populi conciliant: extollunt utrumque laudi-
bus ob navatam ad eam diem Reipublicae operam, &
magnopere hortantur, ut adversus communem hostem
pergant tueri urbem, quam sibi per mutua beneficia pa-
triam fecissent. Conscripto deinde passim milite, & ha-
bito per urbem ipsam delectu firmanur arces & oppida
omnia praefidiis: Modoetia & Novaria & Novocomum
Comiti cuidam Intimiliensi tuenda attribuntur. Majo-
rem exercitum validioremque Sfortia, confluentibus
ad eum undique auxiliis & manentibus in ea parte vete-
ranis, habebat. Diviso multifariam eo exercitu, velut
excursione capit una Derthonam, Novariam, Vigle-

A vanum, Briantacos omnes & finitimos huic genti Larii
lacus accolae, castellaque complura, Olegium, Tre-
catum, Gajatum, Romagnanum, partim vi, par-
tim tradentibus qui in praesidio erant. Et Comitibus illius
Intimiliensis perfidiam sive segnitiam fuisse ajunt, quae
tam felicem inoffenso prope gradu cursum primis illis
Sfortiae victoriis dedisset. Nam, quae curabant alii, cer-
tamen anceps & egregia constantia defendentium fuit,
donec vires, & munimenta suppeditavere: unumque
ignobile castellum, Abiatum nomine, dum aggressus
Sfortia ipse oppugnat, prope momento uno bellum
omne ibi finitum est, directa per fistulatorem Mediola-
nensem in ipsius caput plumbea glande, quae in proximi
B armigeri pedem aberravit. Cujus sui periculi memoria
intensus loco voluerat postea victor, cuncta illic diripi-
enda dare militi, nisi ab uxore Blanca exoratus fuisset
ob exactam ibi primam aetatem una cum Agnete matre.
Derthonenses publico antea consensu & una omneis men-
te prae in Sfortiam, nunc divisi factionibus, magis eti-
am morati cursum sunt, donec introducto per Gibelli-
nos equitatu civitas etiam ea caperetur. Parma, casu pri-
us quodam, deinde civium fide retenta est, cum inter-
ceptae Rubei litterae paratam prodicionem aperuissent,
eaeque repressa Picininus populo ipso invitante praesidi-
um illuc duxisset.

C Caeterum, & impetus ardorque animi, quo bellum
Sfortia aggressus erat, & successus etiam animo pares,
fecerant Mediolani motus eos, qui solent esse ubi suarum
quisque rerum exitum spectat periclitante publica: cu-
raeque eas ancipites, atque nutantem urbis statum Ca-
rolus Gonzaga conspiciens, sibi quoque enimvero ad
spem augendae fortunae tentandum aliquid inter pericu-
la illa aliena existimavit. Fuerat Gonzaga iste, quem-
admodum demonstravimus, in exercitu ductor auxi-
liorum tunc cum Sfortia palam a Senatu & Republica
alienatus hostem sese profiteretur: ac damnata spe no-
vae militiae ejus, antehabitaque Republica hoc ipso gra-
tissimus apud Patres plebemque erat. Ea gratia favor-
que publicus audendi initium fuit, scilicet, ut imperium
urbis Mediolani ipse occuparet, populique clamoribus
D Princeps Dominusve salutareretur. Largitione & epulis
& comitate omni deterrimos quosque ad id occulte prae-
parabat, neque Primores urbis fesellit. Obviam iere,
Theodorus Bossius, & Georgius Lampugnani, alii-
que rem suspicati sicut erat. Hi pro se quisque plebem
hortabantur, ne pabulo obiecto trahi sese sub externi
hominis jugum fineret. Si generum ultimi Principis
Sfortiam studio libertatis adspernarentur, cur non alieni
hujus perniciose blandimenta repudiarent? Gonzaga vi-
cissim ad populum accusando criminatores suos, agebat,
bellum alere eos, non ut Sfortiam depellerent, sed ut
E ipsi dominarentur. Ita corpus illud unum defendentium
libertatem in duas partes dividitur. Hinc Gonzaga Tri-
bunus plebis cum tota factione Guelforum, hinc Prin-
cipes nobilitatis subnixi Gibellini nominis potentia, sua
consilia separatim inibant. Tribunus, quia obsepta sibi
ad Regnum via per Gibellinos erat, concitabat quotidie
Guelfam suam plebem, ut dominatum urbis ipsa inva-
deret.

Gibellina nobilitas duplici metu anxia, & ab hoste
pariter, & ab cive, domestico periculo magis pene,
quam bello externo angebatur. Quippe adversus diffu-
sam illam tota urbe multitudinem, quae contemnitur
semper, & terrere potest, in cujus manu artes & subsi-
dia vitae communis, nihil valituram imperii majestatem,
F ubi semel ipsa contemnere imperitantes coepisset. Et
jam haud dubie contemnebat. Neque consilium & pro-
videntia regimenque temeritatis aberat vulgo, cum
Gonzaga stimulator idem duxque, cuncta regnantium
dolus & astu moderaretur. Imperium utique plebis ade-
rat, cujus atrocior exempla, ne repetenda ex vetere me-
moriam essent, ipsa sibi urbs poterat esse exemplum.

In magno illo discrimine, majore metu, conjurave-
re Theodorus Bossius, & Georgius Lampugnani, alii-
que ut dederent Sfortiae urbem, qui conjuratorum eo-
rum accitu statim castra ad Landrianum decem millia
passuum

passum ab urbe habebat. Picininus, cui reserat bellica mandata, cum certa jam ei constarent indicia conjurationis, hostemque propinquantem videret, excitabatur veteribus odiis, & privata aemulatione erga ipsum, ut ad Rempublicam tuendam fidus attentusque esset. Nam si Sfortia urbem imperiumque haberet, captum se fore una prospiciebat: ususque est dolo, quo nihil callidius, aut astutia Poenorum, aut quae Romanis honestiore vocabulo prudentia dicta est, struere invicem potuit, dum fraude, sive armis vicisse decus idem putant. Simulans namque sese desperata Republica necessitati imminenti succumbentem, transiit ultro ad Sfortiam quasi gesturus una bellum adversus jam prope victos Mediolanenses: revera, ut victoriae obstaret, atque inclinatis utcumque hostium rebus, & cognito ibi quidquid parti alteri futurum utile esset, Mediolanum postea reverteretur. Benigne ab Sfortia acceptus, Jacobum quoque fratrem ei fraude eadem conciliat. Huic Drusiana Sfortiae filia despondetur: dona ampla dantur utrique: nec inter tanta pignora fidei securus incautusque Sfortia agebat.

Post utriusque Picinini transfugium tanto magis conjurati ignari quamente illi quove consilio transfugissent, properabant dedere urbem, ut sui muneris ac beneficii facerent id quod propediem Sfortia suo Marte habiturus esse videbatur. Sed per litteras, & nuntios, quos super ea re occultissime in castra mittebant, conditiones ferebant eas, ut decernere bello, cum honestius sibi, tum vero etiam tutius ille existimaret, atque ita etiam responderet. Interim epistola una e castris in urbem ad Bossios de rebus eis missa intercipitur atque perfertur ad summum Magistratum urbis, qui Guelfarum partium erat, valida jam plebe, & projecta vilique auctoritate Senatus, tum instinctu Gonzagae, tum credita defectione Picininorum, & semper inexsuperabili multitudinis impetu, ubi suas vires ipsa circumspexit. Erat epistola scripta notis occultis & celantibus sensum, ut vana foret interpretatio praeterquam ei qui tesseram apud se haberet. Ea ipsa res auxerat plebejo Magistratui suspicionem atrocis alicujus doli, quod litterae non intelligebantur: ac propositis large praemiis exquirebant, qui nodos explicare eos posset. Repertus est homo mirifice callens ejus artificii, versutus quidam & profunde solers, qui Principum omnium limina contriverat, scribendoque talia & interpretando diu operam venditabat. Is admirabilium earum notarum aliquas cognitae sibi & familiares primo statim ad speculum excepit: deinde harum indicio deprehendit alias: & rursus hasce admovit aliis, quae latebant adhuc: simul intervalla significantia nihil, & numeros expungendo inanes, ad liquidum certumque paulatim cuncta adducebat. Demum eo pervenit, ut sententiam omnem fallacium litterarum extricatam, & apertam exhiberet Magistratui legendam, quomodo scripta etiam quotidiana leguntur. Inerant colloquia Sfortiae ipsius cum fratribus Bossis Aluifio & Theodoro: & ex iis, quae scripta erant, caetera etiam intelligebantur. Nomina conjuratorum in promptu: conditiones recusatae vel acceptae: quomodo res convenire aequabilis posset: quomodo etiam populus ipse eludi: & praecipue cognoscebatur, agitatum esse illud, uti per portam Novam Sfortia in urbem induceretur. Namque regio erat ea plena Gibellinorum minimeque tunc opifices, & sellularii parte in illa habitabant, ut absque ullo plebejo tumultu, nobilium humeris Sfortia portari in urbem posset.

Detecta in hunc modum conjuratione, nihil dilata est poena, capitaque Procerum in rostris collocata sunt ad terrorem nobilitatis, tamquam eo spectaculo popolare imperium firmaretur. Neque id plebejæ saevitiae rudimentum caruit ulla arte, quam vel callidissimorum Regum aliquis ad principia rerum adhibere potuisset. Cum enim in capiendis conjuratis timuissent graviores aliquem in urbe motum, si clarissimi viri palam in vincula ducerentur, alium alia via quam occultissime circumvenire, Georgiusque & Theodorus dimissi specie legationis in Germaniam ad Caesarem, & progressi No-

vocomum usque, capti sunt ibi & obtruncati, postquam inter tormenta confisos edidere. Confisiorum deinde addita caedes ubi sublati auctoribus inhorruerant conciderantque omnium animi. Dissimulata aliorum effugia, quibus parcere voluerant: alii relegati ultro, & proscripti, quos, nec manere in civitate placebat, nec absentes timebant. Bona omnium publicata, subsidioque deinde eo militare aerarium stetit. Civitas inde per Joannem Ossonam institorem vilissimae mercis, & Joannem Appianum etiam viliori conditione scribam sive Notarium regebatur. His aderant, praeter Carolum Gonzagam ex ipsa nobilitate nonnulli, qui deserto & ejurato Gibellinorum nomine, fecerant se se Guelfos, & hoc ipso quia desciverant a suis, non minus fidi habebantur, quam ipsa sibi erat plebes.

At Sfortia, ob conditiones, primo, sicut ipsi videbantur, iniquas, deinde ob deprehensam disturbatamque conjurationem, amissa spe capiendae per dolum urbis penitus ad vim obsidionemque converso jam animo, promotis ab Landriano in suburbia castris ad ipsa moenia saepe excurrerebat. Si arcta ulla umquam & praecipitandis in desperationem animis apta obsidio fuit, haec certe, & cingebat undique Mediolanenses, & spem omnem subsidii abscindebat, ita ut, vel frangi quamvis obstinata pectora necesse esset, vel necessitate ultima erumpere ultro inclusos, & dare cuncta in unius horae discrimen. Pars militum ad Viboldoni Monasterium, pars ad Melinianum steterat. Alii Piscariam, quarto ab urbe lapide munitissimam per ea tempora arcem infederunt: alii circa Bagienſe Monasterium posuerant castra, castrisque praecerant iidem illi, quibus ob transfugia, Picinini exceptis, haud minus quam Sfortiae ipsi cordi erat capi subigique urbem, quam ipsi prodidissent. Sfortia cum veteranis suis medius inter copias fere omneis haud procul a Binasco elegerat locum. Ad Monasterium Cresciacense Joannem quemdam Hispanum, cum validissima peditatus parte collocarat. Ita sex portae urbis obsessae, & praecusae erant, ut aditus exitusque omneis in potestate hostium essent. Urbe in ipsa, dominante plebe, apta, & opportuna cuncta hosti. Appianus & Ossona: Mercator hic, ille Notarius, in summo Magistratu, moribus uterque suae fortis administrabant rem. Et quoniam offensis eorum indignitate animis, institutum postea erat, ut novi subinde Magistratus crearentur, quibus bimestre imperium esset, vicissitudine fiebat illa, ut ad homines etiam deteriores, quam erant illi Appianus & Ossona, summa rerum rediret. Atque ad Calendas forte Martias inituri Magistratum erant sordidissimi duo, macellarius, credo, aliquis, & pistor: hominesque eos, in purpura & imperio conspectura civitas, qui nondum infectam bestiarum sanguine, alben-temve farina exomidem posuissent.

Id ipsum indignabantur iidem illi, qui formam Reipublicae hanc instituerant, pudorque talis imperii erat idem, apud imperitantes juxta & parentes, neque his aut illis curae officium suum, sed parti utrique verecundia praesentis status, timor futuri, & mutua sese intuentium, vel confusio, vel ira. Quam urbis faciem, praesentiaque & imminetia Carolus Gonzaga, quo propior interiorque erat, hoc magis intuens, ac, velut intraturo mox Sfortia, de salute sua dubitans, quaerebat sibi gratiae locum, & occultis eum nuntiis monebat, si ad portam Ticinensem sub Cal. ipsas Martias accessisset, fore, ut propter novi Magistratus indignitatem, & fordes irritato populo, in urbem ipse cum exercitu acciperetur: speraveratque id ita posse contingere Sfortia, & ne fortunae suae deesset, regione saepius ea frustra sese ostentarat.

Mirum sane, tam discordem inter se civitatem, tam invisos civitati Magistratus, & turbatam quodammodo Rempublicam importunaeque multitudinis eo tempore regnum, adversus communem hostem in tam dura obsidione stare aliquamdiu potuisse, sicuti stetit, & ulli constanti consilio locum interea ibi fuisse. Non modo irritus ab ea Ticinensi porta Sfortia dimittebatur, quotiescumque successerat, sed, & vitae discrimen aliquan-

do ipse adiit, displosa in eum bomba, cujus ictum haud sine miraculo vitavit: & Gonzagam die quodam arrepta levi suspitione pene interfecerunt. Confirmabantur animi Mediolanensium expectatione subsidii, quod ab Sabaudiae Duce propediem adfuturum esse dicebatur, alente spem eam Maria filia Ducis illius, cui viduae post Philippi mortem, ob matrimonii modestiam & merita sedes & honor in urbe idem, tam saevis Reipublicae temporibus manebat, & versa domo finitoque Principatu, ob misericordiam caritas etiam major. Tam mites erga se animos in tali sua fortuna remunerari aliquo modo volens mulier, aiebat identidem, non ultra dilaturum esse suppetias patrem: si sustinuisent adhuc paulisper, fore ut non poeniteret. Ac sicuti dicebantur ista, ita etiam Sabaudus filiaerogatu re ipsa ferre obsessae urbi subsidium parabat. Interimque Sfortia, sive suspicatus de ea expectatione & apparatu non nihil, sive jam cernens, per ea stare subsidia quo minus domitam urbem captamque haberet, misso caduceatore monet hortaturque Mediolanenses, ne pertinacia defendendae libertatis pati extrema velint. Ne Sabaudien finimum credant, nimiumve promissis ejus & ope subnitantur. Sibi Venetos & Florentinos & Genuenses adesse, quarum Rerumpublicarum auxiliis, & multo magis aequitate causae fretus, haud ante soluturus obsidionem sit, quam urbem imperiumque sibi debitum recuperarit. Malle id quidem salva Metropoli, salvistot inclytarum religionum templis, quae Metropolim Romanae Majestati fama jam dudum & praedicatione aequarint. Sed consilia haec esse pietatis & modestiae, quae locus in pace, vel praesenti, vel sperata: ubi abrupta sint omnia inter belli discrimen & victoriae necessitates, tunc nihil aliud spectari praeter victoriam & bellum: & ea etiam, quae, vel religione veneranda, vel natura cara sint, ruere inter caetera, quae vincenti obstant. Ita pulcherrimam, & antiquissimam urbem, quam conservari, & manere incolumem sua plurimum interest, nisi quamprimum dedatur, esse clade omni pervasandam, atque, sicut existimare possent etiam ipsi, tot militum impetu diripiendam pejus justiusque quam direpta Aenobarbi temporibus fuisset. Rursus, facta deditione, non modo conservaturos urbem, & sua omnia Mediolanenses, sed ne libertatem quidem ipsam, cuius inane nomen cum exitio suo defendere conentur, esse desideraturos.

Haec Sfortiae dicta ferens legatus, cum Mediolanum venisset, data sedulo opera est a Magistratu urbis, ut ne plures quam duodecim, in quorum praeterea manu Respublica erat, ejus orationi interessent, datoque atroci responso, facesseret illico ex urbe jusserunt, & extra portam a viatore legatus est deductus, ne cum ullo civium loqueretur. Spes deinde Sfortiae omnis in obsidione belloque erat, & quia, dum tentantur agunturque ista, fenserat, nuntios, qui ab Sabaudienſe mitterentur, ingredi urbem ab ea parte, quae spectat Modoetiam versus, posseque Regione eadem, tum copias etiam auxiliares, tum commeatus & annonae subsidia intramitti: statuit oppidum aggredi illud, clausa magis & abscessa Mediolanensibus videns fore omnia, si aditum eum ipse intercepisset. Interceperat autem statim obtinueratque prope sine certamine Modoetiam, nisi Picininus, quo animo ad Sfortiam, ut dixi, transfugerat, eo corrupisset hanc ipsi occasionem, & in hostili acie pro Mediolanensibus stetit. Castra hic ad Sanctam (abest is pagus ab Oppido Modoetia duo millia passuum) posuerat, tamquam ab eo latere impressionem facturum, cum ab aliis duces alii partibus suo quisque agmine invasuri essent. Caeterum, uti communicata & composita omnia cum nostris ille habebat, monuerat occulte Magistratum, si obsessio Oppido subsidium ab urbe mitteretur, liberum illac per sua castra aditum fore, nec hostile quidquam in quacumque parte ageret ipse, Mediolanenses esse reperturos: eaque res haud dubie Sfortiam ex Modoetiae possessione detraxit. Nam, missi ab urbe milites, cum in Oppidum, ab ea parte transitum dante Picinino, penetrassent, reſecti modica

A deinde quiete sub auroram erupere cum Oppidanis in Sfortianos alios, qui nihil tale expectantes effusissime somno indulgebant, ac excitati vulneratorum vigilum clamoribus, post iniquam & infelicem denique pugnam, quae cordi salus fuit, aufugerunt. Nostri, bombardas majoris formae aliquot, caeterumque castrorum apparatus, & quod pluris aestimabatur, animos ea victoria nacti ingentes, longe plurimum animorum postea sumere, ubi Picinini duo, vel quia jam esse detectam, vel quia diutius non posse latere prodicionem, satisque ad id quod voluerant, effectum esse arbitrantur, cum sua uterque manu refugere Mediolanum.

B His aucti copiis, & duorum Ducum ad se transfugio confirmati Mediolanenses, Picininum minorem cum Carolo Gonzaga subsidium obsessis ferre Cremonensibus jubent. Picininus & Gonzaga egressi cum idonea manu, ex itinere Melinianum capiunt, ac soluta obſidione, Meltium etiam in reditu expugnant, magna cura injecta hosti, quamvis callide, & curam, & animi dolorem apud exercitum suum tegere conaretur. Praecipue, amissi Meliniani damnum urebat. Id utique recuperare Oppidum Sfortia volens, infestum exercitum rapit illuc, primoque impetu, cuncta praeter arcem invasit. Arcis praefectus, ut circumſideri sese, & cuncta sibi in dies arctiora esse vidit, trium dierum inducias pactus, ut nisi intra eos auxilium ab urbe mitteretur, praesidium inde deduceret abiretque, spatium civitati dedit ad ejus arcis oppidique defensionem emittendi exercitum, quantum subitatio intra muros delectu cogere maximum potuerunt. Locus enim ille permagni momenti ad summam rerum parti utrique habebatur, & in ultimum veluti discrimen processere illuc. Fuere Mediolanensium ad triginta millia, in quibus, equites sex millium explebant numerum. Picininus alter praecerat his copiis, quem super solitos inter contrariorum exercituum duces, animos, stimulat transgii prodicionis & conscientia, quod Sfortiae castra secutus explorator, fallaci munere expleto, deseruisset, collega fraudis fratre, ac nunc agmen uterque hostile ductarent, ne titulo quidem quaesito ullo, cur exiissent fidem, nisi quod inter belli jura perfidiam censuit omnis aetas. Etiam in ipso nunc procinctu, cum verecundia esse aliqua praeteritorum deberet, ausus est ductor iste Mediolanensium Picininus Sfortiam insidiis appetere tam manifestis, ut illudere potius & insultare quam insidiari videretur. Adeo ille, velut oblitus, oblitusve alios putans, quisnam ipse esset, quidve egisset, perseverabat eisdem artibus hostem tentare palam: ac propinquo summae rei discrimine, per Leonem quemdam e suis dici Sfortiae haec jubet: Adesse cum sexaginta armatorum millibus sese, invicta manu, etiam si adversus parem numerum, & fidos inter se hostes exiret. Sed comperitum esse sibi, quod praefecti nonnulli cohortum alarumque illius in medio certamine translaturi signa essent cumque deserturi. Id pro amicitia monere voluisse.

E Sfortia, gnarus, nec tantas esse Mediolanensium copias, & de sui exercitus fide satis securus, intellecto dolo, qui ad sese conterrendum nimis aperte intenderetur, vicissim proditori insultans, veniret: dixit: sibi, quo plus hominum adversa acies habuisset, eo nobiliorem victoriam fore. De alieni militis erga Imperatorem suum fide sollicitus esse desineret: ipsum esse visurum, ut recte constituta & fida omnia circa se habeat. Et Imperatores quidem talia invicem jecerant: pugna vero illa tanti discriminis dilata est, sive, quia pari uterque metu defugerint ultimam aleam, sive quia detrectante certamen altero, pro victoria id alter habuerit. Sfortia certe tenuit arcem: & commoto acius ad obſidendam urbem animo, segetes, quae jam prope maturae in agris erant, undique corrumpere immisso equitatu parabat, cum Viglevanensium defectio, & ab Vercellis Novariam usque progressi Sabaudienſes, a populatione simul ipsum & ab obſidione averterunt. Pro Mediolanensibus utraque illa armamota erant, & post multas ancipites pugnas variosque casus, recepto Viglevano, fuso Sabaudienſe, victor ab ea parte Sfortio

properus ad vastandum agrum, unde fuerat duplici illo periculo repente avocatus, redit. Mediolanenses interim etiam ipsi apud Seprium aliosque rebelles secue- rant attriverantve fata, ut famem solitudinemque Sfor- tianis facerent, & ubi rediisset Sfortia, exusto omni fuorum agro, non haberet, unde frumentaretur. Ca- pit in reditu Castelleonensem arcem, quam Brandus ex ea gente Cardinalis condiderat munieratque. Defectio- nes variae, vel ab Sfortia ad Metropolim, vel ab Me- tropoli ad Sfortiam fiunt: in quibus, Varisenses, & Luganenses, primo adspersati quod ultro antea acce- perant imperium, mox contempta patria sub idem re- dierant. Intimilienfis, de quo, Mediolanensium duce, dein proditore, demonstratum est, ad Canturium hoc tempore agens, cum crebris & litteris & nuntiis ex urbe sollicitaretur, ut deserto Sfortia, sese rursus ad nutum auctoritatemque Mediolanensium conferre vel- let, comprehensum hominem, qui novissime super ea re ipsum adierat, ad Sfortiam in castra misit, ibique ille laqueo est exanimatus. In urbe, Appianus & Ossuna, circumacto forte iterum sui Magistratus tempore, invisi vilesque nobilitati juxta & plebi conjiciuntur in vincula, aegre vitato periculo, quo minus populi impetu oppri- merentur. Gesserant enim flagitiose Magistratum, & suae uterque fortunae moribus utendo infitor & scriba, sicuti erant, multis crudelibus avarisque factis irritave- rant animos, etiam apud eos contempti, qui participes & ministri scelerum fuerant. Successerant istis, Appia- no & Ossunae, Guarnerius Castelleoneus, Petrus Pus- terula, Galeotus Tuscanus, quorum modestiae ac vir- tuti contigerat, ut summam potestatem homines nobi- les obtinerent in eo imperio quod jam haud dubie plebis esset. Magnopere hi cupierant persuadere populo, ut Francisco Sfortiae dederent urbem, sive mansuetis ani- mis miserati tot patriae clades, & lenitate insita pertae si defensionem libertatis, quae tanto civium sanguine con- flaret: sive qua alia de causa prae in hostem. Sed nequa- quam ausi ad populum referre, secretis tantummodo inter se consiliis & votis rem eam agitabant. Populus, neque inclinatione ulla rerum, neque novi Magistratus propensione flecebat, quo minus abominari & per- sequi bello Sfortiam pergeret, verboque in conciliis ute- bantur hujusmodi: Si diutius tueri urbem nequirent, potius eam ipsos esse deserturos, quam ut regnantem in ea Sfortiam viderent.

Henricus Panicarola mercator erat Mediolanensis, qui negotia forte magna Venetiis habebat, atque ibi aliquamdiu morabatur, & quamquam absens, plebis reliquae praesentis animos erga patriam gerebat. Huic mandant, ut ab Veneto Senatu petat, ne in eo bello, quod geratur, stare cum Sfortia amplius velint. Sed cum Republica potius Mediolanensi foedus jungant, quae Patres eos in parentum vere loco sit habitura, ubi id impetrarit. Atque ille, semel iterumque in Senatum admissus, ostendendo multa & promittendo tenuit, ut quatuor e Patribus darentur, cum quibus agere posset etiam alia, quae secreto agenda in mandatis haberet. Ea cuiusmodi fuerint, comperti nihil habemus. Illud mini- me dubium fuit, partim hujus legatione Panicarolae, partim occultioribus Veneti legati qui Sfortiae castra sequebatur ad Senatum suum litteris, esse perfectum, ut Patres, de relinquendo Sfortia, transferendoque ad Mediolanenses foedere magnopere cogitarent. Scribe- bat legatus e castris, monebatque suos, inexplicabile sibi videri bellum ob munimenta urbis Mediolani, & pertinaces ibi animos, inexhaustamque multitudinem: ac si spes tamen aliqua esset prius finiendi belli, quam ipsorum Respublica exhauriretur, cogitandum utique esse Patribus, an deberent suis armis atque opibus face- re Mediolani Ducem unum, qui ubi semel in ea parte invaluisset, spes in perpetuum foret adempta Senatui Veneto consequendae rei, quae necessaria esset, ut ma- ximum suum in Italia imperium facerent. Numquam postea locum fore Venetorum armis ad Mediolanensis agri glebam unam occupandam, si teneat eam urbem Sfortia ille, tam avidus potentiae, tam solers bellandi

A artium, tam gravis accola, tam metuendus. Hisita- que permoti Patres, dissimulato consilio, quo move- rentur, tamquam haud alia, quam Reipublicae Me- diolanensis cura, Panicarolae dixerunt: ipsos brevi da- tuos esse responsum, quod laetus ad suos perferret, ac monuere, ut ejus responsi diem expectare ne grava- retur.

B Nihil horum sciebat Sfortia, & conjuncto cum Vene- tis adhuc exercitu animoque cum iis uno rem adversus Mediolanenses gerebat. Sancti Angeli municipium ap- positum Lambro flumini Ticinum inter & Laudem Pompejam aggressus tertio die expugnat. Picicatonen- sem arcem in Abduae fluminis ripa Cribelli fratres, qui ibi in praesidio erant, prodidere, idque postea Cribel- lis apud Sfortiam initium fortunae amplioris fuit. Mox, direpta Marthesana, Vicomercato incenso, rebellio- nem ejus regionis ultus, terrore subegit eo Meltium, & Cassanum & si qua in Briantaeis, vel circa Larium la- cum adhuc nutabant. Quae omnia cum tenore uno flue- rent in Sfortiam, accessit etiam ad res Mediolanensium aggravandas aliud civile malum, quo nihil utilius esse ho- sti poterat.

C Galeotus Tuscanus & Petrus Pusterula, post Ossu- nam & Appianum, ut dixi, tenuerant summum urbis Magistratum, homines nobiles & modesti, sed apud ple- bem suspecti magno illo crimine, quasi rem ad Sfortiam inclinare voluissent. Hi, postquam abiire Magistratu, suspicionibus irritata suis plebes, interficere utrumque voluerat, cumque Pusterula vim saevam fuga eluctatus evasisset, Galeotus debilitate pedum, senioque tardior obruncatur. Erat summa necessitudo Galeoto huic cum Carolo Gonzaga, qui, simul indigne ferens amici necem, simul Sfortiae rebus commotus secundis & ma- gnis, & converso olim in eum animo, haud ultra cun- ctandum ratus, Capra quodam internuntio paciscitur, ut dedita Laudensi arce quam ipse in potestate habebat, Derthonam ab eo pro tanto beneficio accipiat vicissim, atque receptus inter principes amicorum in gradu mili- tiae quam honestissimo collocetur. Ita, nostri partici- pem consiliorum omnium amiserunt Gonzagam, & cum eo, paulo post, etiam urbem, quae horreum populi Mediolanensis ob inclytae fertilitatis agrum haud dubie habebatur.

D Harum tam secundarum Sfortiae rerum, quas breve spatium conjunxerat, ignari Veneti jam dederant Pani- carolae responsum, quale Mediolanenses optabant: vel- le Senatum foedus inire cum Metropoli, daturumque operam, ut ea salva sit: arma dissociaturos ab hoste, qui nunc lacestat. Haec dicta negotiatori Panicarolae: simul ad Sfortiam in castra missa legatio, quae juberet ipsum a Mediolanensium finibus abstinere arma: si pa- rum ad id Senatus auctoritas valeret, minae etiam adhi- berentur. Verum, ubi belli fortunam & rerum earum, quas dixi, cursum ex legati sui litteris cognovere, mol- lius rogabant eadem, ac si vellet etiam Sfortia insistere coeptis, judicium se ejus utique secuturos esse ajebant. Nam antequam prioristruculentiae mandata peragerent legati, mitiora haec, cum adhuc essent in itinere, acce- perunt. Sic Sfortia liberatus ingenti metu (forte enim de prima illa denuntiatione senserat aliquid) oppugnare urbem aggreditur: cumque infausta impressione sub- iisset ad portam Orientalem, rejectus inde gravia per triduum sustinuit certamina, quae haud multo plus in- tulit damni, quam accepit. Naetus inde spem aliquam irrumpendi per fossas, quae ab Orientali ad Cumanam portam, neque admodum latae, neque satis custoditae excurrabant, de tertia fere vigilia nocturno impetu sug- gressus, pro negligentia & solitudine quam sperarat, reperit ibi obsepta omnia armatis, ictusque crebros eden- te bombardis, cruento & irritato conatu etiam inde abs- cessum est. Quod ubi Veneti Sfortiam tam longe esse progressum, tam prope ad summae spei discrimen acces- sisse vident, tunc enim vero patriis suis artificijs, & na- tivae lentitudini, solitisque temperamentis nullum jam esse locum rati, abrupta palam omni dissimulatione & astu, legationem in castra hanc mittunt. Petenti pacem &

& amicitiam ab se populo Reipublicaeque Mediolanensi ipsos negare non potuisse, jamque socios & amicos Veneti Senatus esse Mediolanenses. Pro ea pace, & amicitia & societate, nefas jam esse Venetum ullum militem in iisdem morari castris, belloque quod adversus populum eum geratur, Veneta arma, opes, pecuniam, consiliumve adesse. Si Sfortia quoque pacem velit, conditione hac habiturum, uti restituat cuncta Mediolanensibus, quae sub Philippi Mariae mortem habuissent. Alioquin, pro foederatis amicis suis Venetos strenue arma esse capturos, ne quid detrimenti patiatur gens, quae suae fidei sese permiserit. At Sfortia re subita percussus, questus primo pauca, deinde obtestatus, ubi nihil profici verbis vidit, ad consilia vertit animum profunda illa, scilicet atque quotidiana sibi, etiam ubi nec damno nec dolore sollicitaretur. Temporis spatium maxime indigebat, quo & absumeretur, quid quid frumenti reliquum Mediolani esset, & duo omnino itinera, Bripiense nimirum & Tritiense, quibus itineribus ab Veneto mitti in urbem aliquid poterat, interciperentur eorum prodicione, qui arcem utramque habebant.

Hac mente dissimulans omneis turbati animi motus, legatos etiam ipse suos Venetias mittit cum querelis & precibus iisdem, quae ipse Venetum legatum affatus paulo antea erat, petens ne defereretur ab Senatu, cuius auspiciis id bellum suscepisset, invocans Patrum fidem, incusans quoque & requirens quasi per fiduciam & libertatem. Legatierant, Alexander Sfortia, Angelus Simonetta & Andreas Biragus: quorum ille Sfortiae frater, hi Mediolanensium desertores, cum mandata exposuissent, sive perterriti Senatus auctoritate, sive ita instructi, pacem, in eas condiciones, quae antea iactatae fuerant, acceperunt. Induciarum interea exierat dies, per quas, Sfortia, corruptis clam ad Tritium Bripiumque praefectis, ne Veneto transitum ad Mediolanenses darent, facta pace cum Sabaudiae Duce, clausis undique commeatibus, spreta pace, quae per suos inita erat, in Mediolanenses simul & Venetos, tamquam adversus unum hostem parabat bellum. Nec in parte altera cessabatur, quamquam in faciem imaginemque pacis dimissa legatio esset. Forte pontem e navibus iunctis ad Tritium facere Veneti instituerant, ut copias annonamque transmittere in Mediolanensem agrum possent: & jam ad exitum prope perducta mole prodibant quotidie ad visenda operis incrementa duces nostri, quae ea iungendi fluminis cura cum Venetorum ducibus communicata erat. Hanc Sfortiae gratificandi occasionem speculatus ille, qui pro nostris praeerat arci, jam antea corruptus ab hoste, sicut demonstravi, & occulte ei additus, indicat posse capi curatores eos operis, si in vicina latebra occultentur armati qui repente profiliant, & navalis fabricae contemplationi intentis strenue injiciant manus. Id initium fuit violandae pacis, quae neutri parti rata erat, & integrandi belli, ad quod novo post irritam pacem impetu resurgere parabant; Sfortia namque abditis in monstratam latebram armatis, & comprehenso Innocentio Cotta, qui forte unus ad visendum opus prodierat, ejus captivitate hominis, tamquam oblato mirifice instrumento statim est usus ad capiendam S. Columbaniam arcem, quae una efficiebat, ne Laudensis agri possessione Mediolanenses excidissent. Lucius Cotta, captivi frater arcem eam cum valido praesidio obtinebat, acerrimus Sfortiae insectator, & ab ea commendatione locatus ibi, quia nostris magnopere cordi erat, ne qua prodicione frumentarium id propugnaculum amitteretur. Sfortiae jussu dicitur Innocentio, ni praefectus illi concedat arcem, ipsum protinus contra moenia illa oportere suspendi, ut in fratris conspectu nocturni furis more exstinguatur: idque confestim Innocentius Lucio significat. Non tulit fraternus animus vim doloris ex obiecto spectaculo, & quasi res ipsa jam ageretur, alienato penitus ab honestate fideque sensu, dedit arce hostem illuc admittit, transiitque ipse in castra hostium, velut ab scelere ad scelus.

His itaque initiis usurpato belli jure Sfortia copias fe-

re omneis ad Bripium in Briantacos contrahit, transitu Abduae prohibitus Venetos, qui nuper hostes, nunc socii Mediolanensium, in focium modo, jam hostem armati Sfortiam, superaverant flumen, infederantque collem, cui Genesii Martyris Aedes, quae est in summo ejus vertice, nomen fecit. Est eo nomine collis in extremo Briantacorum sine, quem tamen, collium aliorum cacumen verius, quam ipsum per se collem appellaveris. Namque colles nostri, Barra monte avulso, qui asper fere incultusque est, molliter ab radicibus exspatiantur, deinde adsurgunt, spatianturque rursus, donec, perpetuum & vario felicium arborum vestitu fertile dorsum attollere incipiant. Ab dorso dein ipso leviter fastigiati alii vertices attolluntur, quos nominant incolae, prout, vel incola vetus, vel situs & natura tumuli, vel praefectorum aedificiorum vestigia reliquiaeque docuerunt. Stat horrido supercilio Barra cautibus armatus suis, & ab caetera montium serie abruptus ille scilicet, cujus nomen atque parietinas, inter alia urbium deletarum funera Plinius refert. Proximus huic Batavus est collis, credo sic dictus, quia gentis ejus homines aliquando ibi constiterunt. Inde nudo fastigio supra densas undique silvas Apertus vertex, id ipsum ex nuditate nomen invenit. Ab Aperto vertice, per varios anfractus, montibus suis imminens silva excurrit, donec in S. Genesii collem, qui etiam ipse nudus apertusque est, desinat. Imminet hic Abduae flumini, fronte quidem in Briantacos occidentemque Solem, tergo autem in Bergomates atque in orientem obversus: latera meridiem adspiciunt. Ab ipsa Briantacorum parte series alia collium surgit, quorum Calchus est fere oppositus huic, nec longe inde mons Vetus abest, inclutus ob vina. Collem utrumque Genesianum & Calchum statuerat Sfortia occupare, existimans, si ea munimenta haberet, diremptos ab omni Venetorum ope fore Mediolanenses, tractusque Briantacorum illos universos, ob crebras arces naturamque regionis inter bellorum discrimina, semper munimentis urbis militari fama aequiparatos in potestate se habiturum. Verum, ubi Venetos in Genesianum anteveritisse cognovit, Calchumque ab iisdem teneri, pene desperasse de victoria dicitur, ac tanto magis, quia tempore eodem, in ulteriore ripa constiterant plures transitumque tentabant, & ex collibus ad Briantacos occupandos magno impetu descendebatur. Pugnatur acriter, & ad colles & ad flumen, ne descendant illi, neve isti transmittant. Pugna major in Genesiano fuit, descendendique & prohibendi certamine extracti Sfortiani in saltus, divisum aliquamdiu cum Venetis habuere collem. Veneti Sfortianos, altius enixi, qua Martyris ipsius est aedes, saxi hastisque detrucebant. Huic rerum discrimini egressus ab Modoetia Picininus cum supervenisset, montemque Veterem, & montem Calchum bifariam diviso exercitu succedens conjungere sese Venetis tentasset, retro Mediolanum est ab Sfortia non sine clade compulsus. Mox pari victoria Barram montem obtinuit, qui etiam ipse ab Septemtrione praeceps in Abduam, subeuntes ab Olginato Venetos opportune prohibebat. Paulatim inde, & qui Calchum, & qui Genesianum collem tenuerant, obtinente Regionem Sfortia, subacti fame, vel abire inde maturaverunt, vel ultro ad Sfortiam transire. Ita auxiliares nostri, cum nusquam in Briantaco tractu cussistere potuissent, Regioneque exclusi ea simul excluderentur facultate defendendae urbis Sfortiamque depellendi, statuerunt, capto per Larium lacum ambitu, Regionem eandem ab tergo circumvenire. Quod Sfortia parari cum sensisset, mittit obviam e suis, qui ab illa etiam parte venientibus auxiliis obsistant, ne quid laxamenti & subsidii alicunde Mediolanensibus detur. Ibi vero parumper dolus unus casusve militaris, & Sfortiae partes afflixit, & Mediolanenses spe auxilii, sicuti videbatur, appropinquante, sed ad exitum irrita, sublevavit.

Ductores copiarum ex nostro exercitu quidam, sive ad fallendum hostem re composita cum Imperatore Picinino, sive concepta vere animis transitione, deinde

mutato animo, quam occultissime nuncium ad Sfortiam mittunt: ipsos Imperatoris iussu tendere Novocomum, ut venientibus ab ea parte Venetis sese jungant, quo facilius tutiorque aditus in Briantecos auxiliis pateat. Si velit Sfortia benigne accipere, ipsos ad eum cum agmine suo esse transuros. Haud contemnenda res visa hosti. Honestum apud se locum & larga prolixaque omnia pollicitus, mittit octo peditum cohortes, ducibus Salernitano & Intimiliensi, qui manum eam transfugarum accipiant, & ad se deducant transfugae, & numero longe plures erant, & nominis ejus obtentu specieque societatis resoluti in securitatem hoste, parati ipsi intentique ad rem gerendam. Ubi invicem propinquavere, Sfortiani quidem porrigunt dexteras dantque sese in amplexus, nostri vero stringunt gladios, & attonitas repentino eo malo cohortes caedunt spolianteque, fugientibus insunt, resistentes paucos, & mortis honestae gloriam quaerentes, tanto infestius lacerant: quosdam & abduxere. Sic Veneti auxiliareis Briantiae terras intrant, & primum omnium Barram montem corona oppugnare aggressi frustra id incoeptum habuere. Caeterum, obsidione mox eum capiunt, ac refecto ad Olginatium ponte, quem paulo antea fugientes ipsi interfecerant, captisque aliquot in fluminis ripa castellis, summa Briantecorum tenebant. Id Sfortia festus diuturnitate belli, pabuloque ad sustentandum equitatum necessario jam prope defectus, parum curare coeperat, si montibus federet hostis dummodo ne ad plana urbem versus descendere eos pateretur. Urbi ipsi famem admovebat extremam obsessumque Venetum inter cautes & saxa habebat. Jam Mediolani tanta erat penuria, ut vicenis aureis nummis hordei modius constaret. Ea ditiorum alimenta erant. At miserrima egentium multitudo, omnia quae atteri dentibus possent, naturali desiderio velut in rabiem acta carpebant passim: atque interim exempla omnia esurientium edidere quaecumque umquam, vel obsessis accidere exercitibus, vel ad subjiciendas oculis miseriae obsessorum excogitare potuerunt ingenia, quae eos calamitatum humanarum & extremae patientiae annales condidere.

Ego in urbis nostrae diariis hoc reperi relatu etiam horribile & foedum: equorum & asinorum frustra, felleque, & mures, & canes, & animalia caetera, quae ne dici quidem inter cibos ac nominari fas est, venalia interim apud forum esse habita, pretiisque venumdata iisdem, quae alias legitima fercula parantur mensis.

His nutrita dapibus multitudo fiebat quotidie contumacior, exsueratque obsequium paulatim omne erga eos, sub quorum imperio ac regimine talia patiebantur. Magistratus, delegata exercitui suo auxiliariis Venetis cura suppeditandi annonam expediendorumque commeatuum urbi, & precibus eos & querelis assidue urgebant. Illi, circa Briantiae colles pene obsessi consultantando terebant tempus: duaeque res capitalissimae populo Mediolanensi detectae sunt tempore uno: defectionem ad Sfortiam parare Picinum Imperatorem exercitus nostri, & maligne lenteque rem administrare Venetos, quia sperarent, deductum ad extrema populum, odio Sfortiae, potius dediturum ipsis esse urbem: idque Leonardus Venerius Reipublicae ejus legatus Mediolani sedens occulte moliebatur inter eos, qui, nec ab Sfortia capi patriam, nec liberam esse eandem volebant. Sed Sfortiae destinatum imperium occulto Superum impulsu ruebat in ejus humeros, ut domus denique illa, sub infelice pondere, post aliquot annos, prioris fortunae quietem frustra exoptaret. Estque Sfortia in urbem imperiumque acceptus orto inter cives ipsos majore tumultu, sicuti demonstrabo.

Cum ex bello tam atroci, intoleranda fames, ex fame desperatio ultima Civitatem invasisset, & super duo haec semper inter se connexa mala, fere gravius aliud in urbe malum saeviret, discordia civium & majora pene inter ipsos, quam in communem hostem essent odia, conventus habebantur tam contrarii & crebri, quam variae hominum voluntates, & quam diversae calamitatum formae erant. In Scalensi templo maxime congregabantur tuen-

dae adhuc libertatis auctores, atque ibi in media fame consilia aliqua inibant, vetuerantque Magistratus accedere eo, nisi quem ipsi nominatim excivissent. Sed die quodam, portae Novae homines ad arma consternati concitant caeteros, & eam publici Concilii sedem irrumpunt rupto imperio terni quaternique prout quosque fortuita congressio, vel necessitudo aliqua consociarat. A Petro Cotta, & Christophoro Pagano praecipue stimulabantur, quorum utrique dedi urbem ac recipi Sfortiam placebat. Et jam plures cum Cotta & Pagano stabant in circumjecta templo area, quam cum principibus libertatis intra templum. Praefectus rerum capitalium ad coercendam eam licentiam cum lictoribus, & cohorte sua progressus, facto in eum impetu protruditur, aegreque evasit. Par discrimen adierat Lampugninus Biragus, quem ad tumultum eum inspiciendum sedandumque Magistratus ex Templo emisserant. Dira fames, quae jam aderat, quaeve in dies adfutura saevior videbatur, divites quoque conterruerat, & finiendi belli cupidine concitaverat etiam eos, qui oppetere cum patria statuerant potius, quam ut ad ullam inimicam libertati conditionem adduci sese paterentur. Itaque, crescente in momenta numero coadspersantium auctoritatem publicam, pars haec ipsa fit publici concilii instar: & quo plus virium auctoritatisque haberent, duces sibi duos fecere, Gasparem Vicomercatum, & Petrum Cottam: Cotta ab auctoribus libertatis in vincula conjicitur, & irritatus collegae captivitate Vicomercatus, tanto promptius ardentiusque confirmat suos, & rem susceptam exsequi festinat. Circumgrediuntur, infesto agmine Palatium, in quo sedebant Magistratus urbis, & vidua uxor Philippi, Venetusque legatus, & plerique alii ex tota illa nimium fortasse generosa factione, quae libertatem urbis saluti anteponebat, nec posse ullam absque libertate venire salutem arbitrabatur. In ea irruptione, Venetus legatus, ab Joanne Stampia interficitur, cum ille repentino excitus tumultu in Aulae forte limine ad increpandam irrumpentium licentiam, jure gentium, ut existimabat ipse, tutus constitisset. Diffugiunt Magistratus, totaque momento fere uno tribunitia potestas, & illud popolare imperium dissolvitur. Nobiles, disposito ad portarum claustra milite, Palatioque communito, in Scalense templum, ad consultandum de summa rerum postero die succedunt. Non facile inter ipsos conveniebat quid deinde optimum saluberrimumve factu censerent, cum varia in omnes partes itinera consiliorum ostenderentur. Dixerat aliquis ejusmodi sententiam, ut persisterent in defensione libertatis: sed mutata gerendi belli ratione, & vitatis Imperii plebeji vitis rem sapientius cautiusque militarem constituerent. Alius, nullum id esse consilium demonstrabat. Galliarum Regem accersere non nemo: plures Regem Alphonsum: aliqui Sabaudiae Ducem: pars mitissima Senatus, nusquam beatior fore patriam, quam sub Christi Vicario aiebant, ideoque permittere cuncta Apostolicae Sedi.

Sed cum subsidia consiliaque haec in tali statu, vel fera & longinqua, vel infida & imbecilla reperirentur: illata forte mentio est de admittendo Sfortia, qui filiam legitimi Principis in matrimonio haberet: qui victor prope instaret moenibus: quem si ante victoriam admisissent, non accepisse coacti, sed ultro fecisse Principem viderentur: tantoque mitius sperare imperium deberent. Mirifica voluntatum inclinatio, qua repente in eam sententiam iere omnes, videri potuit prodigium, vel calamitatum ab Sfortiaco dominatu imminentium urbi, vel exitii, quod gentem eam dominatumque manebat. Principes, & legati Mediolanensium profecti in castra dedidere Francisco Sfortiae seque, & urbem, & populum, novumque Principem Mediolanum in ipsam Imperii Sedem laeti deduxere. Ille magnum animi moderati specimen in ipso statim ingressu dedit, quia adornato per Principes, & oblato curru quo sublimis veheretur ad capeffenda primordia dominationis, fastum cum adspersus, umbella quoque repudiata, pari cum caeteris cultu ad Templum maximum ibi coronandus processit.

IN Templo maximo Sfortia coronatus per omne deinde tempus liberaliter ac munifice tractavit Urbem Ecclesiamque ipsam: & quotiescumque publica aliqua res ageretur, profiteri solitus fuit, debere se nomini huic Metropolitano pietatem, & honorem, cum etiam Ambrosiana in Sede solennia sui Principatus, Principatumque ipsum accepisset. Vicissim inter sacra sacrosque fuit ei deinceps honor, atque paratum ad omnia obsequium, quales iusto ac bene merenti Principi patere gratorum civium animos oporteret: raroque ullus antea postve Ducum tam effusa studia Cleri Populive Mediolanensis expertus in omni litterarum hominumve memoria reperietur. Habita est oratio de laudibus ejus & familiae splendore per Guarnerium Castelleoneum notae tunc facundiae virum ex Templi maximi Canoniceis: qui semper Ordo, sapientiae studiis inclutus, per ea maxime tempora florebat hac laude: cumque ex Primoribus Urbis constaret id ferme Collegium, erat simul in eo communis quidam erga Principem favor, sive quia annexi nonnulli essent exurgenti tunc primum ad dominatum familiae, sive quia pars haec traheret caeteros, ut unde potentiores nobilioresque stabant, de more starent omnes, atque ita significatione voluntatum erga Sfortiam hunc certaretur. Publicae gratulationis munus, & dicendi partes mandavere Castelleoneo, quia praeter aptos Principum animis mores & imbutam Aulae consuetudine gravitatem, aderat viro dignitas oris accommodata negotio: & novae dominationi acceptissimum esse ipsum sciebant. Orationis ejus sententias ordinemque, aliquamdiu qui tunc erant homines, propter rei magnitudinem, & Oratoris famam, in sermonibus habuere: deinde, una cum re ipsa, sicuti cuncta mortalium habentur, dedere oblivioni. Levis & confusa memoria duravit hoc litterarum beneficio, quae rerum illustrium aeterna una custodia est, si quid in fluxa mortalitate potest esse aeternum.

Ego censeo non esse alienum ab historico nostro opere, quo super tempora & eventa Urbis, virorum, etiam illustrium memoriam ab interitu suo vindicare instituimus, concionem simul illam ab hominum oblivione vindicare, atque jam prope vanescentem ex annalium quoque monumentis, utcumque retinere, tamquam pro obliterata & fugiente scriptura certam claramque exhibendo.

Castelleoneus igitur in Templo maximo, cum Sfortia coronatus adesset, in hunc maxime modum esse locutus fertur: "Semper quidem antea, Princeps Inviscte, Populus hic Clerusque Mediolanensis, qui triumphus tui & suae felicitatis spectator, augustissimam hanc molem hodie implet, pro certo habuit, Urbem Rempublicamque hanc curae esse Superis, & magnum praecipue Parentem Ambrosium, ac Praefides alios Divos, a quibus fundati & instituti sumus, ita velle, ut post Romanam majestatem sit haec florantissima Sedes Catholicae Religionis, rerumque aliarum omnium expetendarum, quibus rebus incolumitas & gloria gentium continetur. Sed si ea spes ante hunc diem incerta & obscura animis fuisset, desinere, mus hodie dubitare, cum Celsitudinituae, nostrum omnium regimen ac tutelam imperiumque rei Mediolanensis a Deo Optimo Maximo, tam praesenti Numine, tam nobili victoria, tanta post victoriam voluntate consensuque omnium esse traditum videremus. Nam Principes alii, qui nobis adhuc imperitavere, nascendi tantummodo forte venerant in hanc fortunam, ipsique fortuitum negotium erant, neque ultra aestimabantur. Tu, quia probitate & iustitia, omni, que alia Regia virtute merueras imperium, armis invenisti: & quia talis eras, aperuere tibi Superi viam, ut in excelsam istam sedem, domitis quae obstabant, pervenires: & nos, divino sic munere datum adscitumque Ducem accipimus alacrioribus aliquanto animis, quam si quilibet ille alius unico natalium & avorum jure tumens dominus imponeretur. Enimvero

A Celsitudinem quoque tuam arbitramur, ea prudentia, & magnitudine animi, qua res tantas gessit, intuentem, & coeleste iudicium, quo vocata electaque est, & Populi hujus universi consentientem laetitiam & honeste plausus favoremque, & tantae multitudinis gratulabunda ora, & Templi ipsius festum apparatus, agitare jam nunc Regalem illam curam, ut ad ea, quae sua sponte large ac benigne & clementer factura fuit, tantum scilicet adjiciat, quantum & exposcere pro divino in ipsam beneficio Tutelares urbis videntur, & mereri cives ipsi postquam ad haec Vestrae Celsitudinis initia consurrexere sic omnes atque apparuere. Vides ne, Princeps optime & maxime, quemadmodum **B** affluxere ad spectaculum innumerabili prope agmine Mediolanenses tui? Vides, ut conferto jam Templi sinu, tamquam ad novi splendoris exortum accedere velint in singula momenta plures, utque turbam undantem haec capacissima sedes excludat? Victa & triumphata civitas exsultat in victoriae faciem quasi viciisset ipsa & triumpharet. Sexus etiam alter ille spectaculis infuetus adest: attollunt pignora suae matres ad Celsitudinis Vestrae oculos, futurumque populum ostentant, & rudem illam aetatem agnoscere ac celebrare natalem hunc Patriae diem docent. Et promiscuae quidem multitudinis haec tam effusa gaudia concursusque Celsitudo Vestra cernebat, etiam si nemine perorante monstrarentur. Nos **C** vero Custodes Antistitesque sacrorum, qui ex prima Urbis hujus Nobilitate jure nostro gentilitio assumpti Metropolim hanc tuemur, & ipsa nobiscum tota Nobilitas, quae Urbem ipsam continet ac facit, licet conjunctis omnibus animis officioque concordia postquam factiones & arma quieverint, nostram ex novo Principatu laetitiam, tum decernendo cuncta, quae fuere publicae potestatis & arbitrii, tum adornando solennia haec, ut quam apparatissime celebrarentur, ostenderimus ac declaraverimus: tamen exponere volumus etiam altiores illas interioresque causas, ob quas Celsitudinis Vestrae imperio magnopere nobis esse laetandum arbitremur, Urbemque & Patriam hanc sub tali **D** Duce fore felicissimam speremus. Namque primum omnium, repetentes mirificam illam, & adhuc insidentem animis Clarissimi viri Patris tui memoriam, simul incluta tua facta, ut Patris contubernio adultus incomparabilem illius gloriam aequaveris, ut divisa in partes Italia, Pontificem Romanum, & sacra defenderis, ut nostrae huic urbi laboranti malis intestinis ac laceratae seditionibus subsidio saepe fueris ac saluti, ut hinc saepe arcueris hostem, ut victoricia late propugnator auxiliarisque noster circumtulere arma: jam quanta lenitate egeris, ut tibi debitum Imperium **E** hoc sine Mediolanensium sanguine reciperes, quam placide victoriam ipsam exercueris: haec, inquam, recentissima omnia, & oculis obversata nostris intuentes, reliquum ad eandem formam futurum esse Principatum ominamur, & merito laeti hilaresque sumus: Magnus Sfortia, Celsitudinis Vestrae Pater, militari virtute famam & vim assecutus, ut quamcumque in partem ipse transferat, victorias & imperia transferret secum, dederat ademurque Regna quibus ipse voluisset: Aragonensem Alphonsum ex Neapolitani Regni finibus prope retro compulerat domum: restituerat **F** extorrem Joannam: firmaverat adoptionis jura: fregerat alterum illud belli fulmen, cui Brachionomen fuit: Romanas opes, Pontificemque Martinum egregie propugnarat: ac tantarum denique fama rerum Vicecomitem ultimum commoverat, ut auxiliatorem Imperatoremque sibi cum adversus bella, quae imminabant, invocaret. Postquam ille novae gloriae iter tentans, in media pene victoria lapsu equi & vi fluminis est interceptus, divina consilia, quae felicitati nostrae viam struebant, paternis incoeptis dedere te successorem, vimque simul & famam illius transtulere in tuum caput. Ita spectatus clarusque Neapolitani belli reliquis Mediolanum ad res Vicecomitis afflictas venisti. Vicecomite defenso, compressis Venetis, cum ubi-

„cumque bellum & periculum esset, ibi velut certiffi-
 „ma laborantibus salus expeterere, tulisti pro Lucensi-
 „bus arma in Florentinos, ejusque Reipublicae liberta-
 „tem es tutatus. Mox domiti rebelles Ecclesiae: Pi-
 „cenum & Bononia restituta Pontifici, fusae Anglo-
 „rum copiae: cuncta peragrata victoriis. Ac si tot
 „bellorum victori quaequam mala gratia reddita fuerat
 „ab iis, pro quorum imperio & salute dimicaras, iidem
 „illi versis in ipsos armis, justas ultices iras sensere. Nec
 „minor excelsi animi laus persequi ingratos amicos,
 „quam vincere hostes; facileque mitem & largum ad-
 „versus obsequia speraverimus Principem, quem in-
 „dignitates & injuriae tantopere angunt, & benignum
 „erga minores, quem potentiorum injusta facta sic infen-
 „sum habent. Sed cum apud gentes fere omnes, quae re-
 „gnantur, apud Regnatores ipsos, apud liberos etiam
 „populos miscueris sic vim, terrorem, benignitatem,
 „& cum praeclari istius animi essent ubique sempiter-
 „na vestigia & monumenta: terra haec nostra maxime
 „sempiternum erit monumentum: imo, Hercule, nos
 „ipsi erimus. Nam statim, ubi, Vicecomite mortuo,
 „res haec nostra Mediolanensis, sine capite, sine re-
 „ctore, civilibus trahenda turbis in medio relicta erat,
 „cum super intestina dissidia magnarum omnium urbi-
 „um calamitatem, finitimi hostes instarent, rati finem
 „adesse imperio: primum quidem advolasti, cum exer-
 „citu tuo victore, & spes vanas hostium effecisti: de-
 „inde vero succedere te in Principis fortunam aequum
 „duxisti, cujus filiam in matrimonio, & ex ea liberos
 „haberes, cujus etiam in mortis tempora propugnator
 „existisses. Uno rerum cursu, & uno victoriae tenore,
 „Parmam, Placentiam, Brixiam, Ticinum, oppida
 „caetera omnia, quae, vel detrectabant imperium,
 „vel ab hoste infesta erant, recepisti, nosque & Metro-
 „polim hanc, donec vires ultimae superfuere, cun-
 „ctantes fatigare potius voluisti quam capere, idque
 „Celsitudini Vestrae gloriosius fuit. Atque, ut cuncta-
 „tione nostra delectatum esse appareret magis aliquanto
 „quam si nihil experti statim cessissemus, honorem hunc
 „habuisti fortissimis civium tuorum conatibus, & spe-
 „ctatae virtuti, ut pacato agmine victor urbem ingre-
 „derere, & violari quidquam ab irato milite gravibus
 „edictis vetares. Scilicet, illa segnis & aliter quam ex-
 „trema necessitate facta deditio, degeneres animos ar-
 „gueret, & quamquam libenter acciperetur, contem-
 „pta tamen & vilis apud Celsitudinis Vestrae animum
 „esse posset. Nunc experti invicem fumus, & virtus
 „eadem, quae morata victoriam est, colitur jam se-
 „creta destinatione atque amatur veluti magnum instru-
 „mentum rerum earum, quae deinde gerendae erunt.
 „Haec igitur omnia suis momentis examinata Mediola-
 „nensi nobilitati populoque Ambrosiano, & nobis prae-
 „cipue, qui Templi hujus Antistites Clerum Nobili-
 „tatemque, vel Ordinis amplitudine, vel commu-
 „nitione familiarum amplectimur, recreant atque confir-
 „mant animum nostrum jucundissima illa cogitatione,
 „quanta sub tali Principe futura sit hujus Patriae, vel glo-
 „ria, vel fortuna, vel dignitas & amplitudo, vel se-
 „curitas & quies. Habemus praeterea, Princeps incly-
 „te, magna pignora nostrae futurae felicitatis, simul
 „ex fama praedicationeque communi, simul ex
 „certorum hominum sermonibus, qui Celsitudinis
 „Vestrae mores, & animum, & quotidianae vitae
 „rationem & leviores quoque virtutes, & intima omnia,
 „unde res illae admirandae manavere, latere non sinunt.
 „Nuntiat atque nobis omnia fama constans, eademque
 „adfirmant gravissimi viri militares, qui tecum una sub
 „pellibus, in castris, in acie, in agmine, in stativis, in
 „hibernis, in aestivis, in classibus, in otio denique &
 „aula aetatem egere. Inducant, animum esse Celsitudi-
 „ni Vestrae ad cuncta minima maxima memorem divi-
 „narum legum, anxium alterius vitae curis, proferen-
 „dae religionis cupidum, largum ad extruenda templa,
 „vel ornanda, munificum erga Christi pauperes, sacra-
 „tarum omnium rerum acerrimum custodem. Audi-
 „mus, ut communem illam regnorum, & humanae vi-

A „tae pestem, pecuniam, contemnas, & adspicias oculo
 „irretorto, utque argentum, & aurum, & gemma-
 „rum ludibria ducas non in alia vilitate quam quae humo
 „finguntur. Comitem hujus esse contemtionis aequa-
 „bilitatem in jure gentibus reddendo sine ulla imbecilla
 „cura quae flectere animum possit: inopis & potentis
 „nullum apud tua tribunalia valere discrimen, & stare
 „ibi partem utramque stupore defixam, velut extrafor-
 „tunae suae conditionem pari gradu. Pessimas delato-
 „rum artes, & aulae veneficia, cuncta reperta civium
 „exitio, ut oderis audimus: ut fidem ipse colas, quam
 „pessimi magistris minime Regiam esse artem volunt, ut
 „famam tueare, quae certissima est norma Principatus,
 „ut faveas etiam ingeniis, & litterarum studia praefidia
 „religionis, & urbium decus amplectare narrat nobis
 „publicus rumor & spem inde agitare optimam jubet.
 „Etiam illa pertinere ad gloriam securitatemque no-
 „stram arbitramur, quae Principum quidem omnium
 „laudatores ingeniose confingunt, sed in Celsitudine
 „Vestra severe spectata sunt ab iisdem illis, qui simul
 „rem gessere, quibusve etiam in contraria nonnumquam
 „acie, & parte standum fuit. Referunt enim Impera-
 „toriae artis mirifica quaedam, & post veterem Roma-
 „nam militiam inaudita, quae ratione & providentia &
 „altitudine consilii victorias illas tantas tuas obtinuerunt,
 „ut numquam in aciem duxeris exercitum, nisi cum
 „provisum esset, ut vincere cogeretur. Atque postquam
 „haec nobis narrare milites hostesve tui, narrant simul
 „infatigabile corpus armorum pondere, fame, siti, vi-
 „giliis, quarum rerum necessitatem Imperatoribus etiam
 „belli fortuna nonnumquam imponit. Et acceptis saepe
 „vulneribus manante cruore stetit impavidum dicunt.
 „Jam vilibus contentum esse cibis, ejusque parcimoniae
 „testes quamplurimos adhibere convivas, inter convi-
 „via vacare supplicum alloquiis, & in alia quadam ratio-
 „re continentia superiorem esse mortalitati, & ejus rei
 „praebere caeteris exemplum, sunt admiranda quidem,
 „sed & tot exercituum testimonio comprobantur, &
 „optime congruunt ad eum animum, cujus virtute ac
 „consilio superiora illa geri & administrari potuerunt.
 „Congruunt etiam ad istam Regio honore gratam fron-
 „tem quam spectamus nunc omneis praesentemque
 „habemus, congruunt ad serenitatem oris, ad florem
 „denique virium, quem post tot labores temperantia
 „custode manere integrum atque illibatum videmus.
 „Colitote Mediolanenses, ut facitis, carumque habetote
 „Principem hunc divino munere datum vobis, futurum
 „huic Patriae mitissimi Parentis instar: ac si id fortasse
 „etiam ad vestri gaudii cumulum pertinere arbitramini,
 „datum huic Imperio sinceri sanguinis stirpem ex ea-
 „dem Domo, cui per ducentos amplius annos subjecti
 „fuimus. Nec aliud hujusmodi successionem optabilius
 „erat nobis. Nam finita Vicecomitum virili stirpe, aut
 „externam recipi dominationem oportuit, aut aliquam
 „Reipublicae formam institui domi, aut in Patris im-
 „perium adscisci filiam, etiam si Sfortia hic non adesset
 „Victor simul, & Maritus, & Gener, & Pater. Ju-
 „gum externum, & vim peregrinam plerique adper-
 „nabamur. Coalescere in Reipublicae corpus, insta-
 „bile, sanguinarium truculentumque erat ob factiones,
 „& partes, ob certamina potentum, ob urbis ipsius ma-
 „gnitudinem laborantem haud dubie mole sua. Sfortia
 „igitur libentissime recipiendus erat, cujus liberi nepo-
 „tes erunt Principum, sub quorum dominatu majores
 „nostri nullius alterius populi fortunam expetivere.

Cum haec a Guarnerio Castelleoneo perorata essent,
 nemini dubium fuit, quin nota laudantium arte cuncta ille
 in majus auxisset. Namque prospera tantum attollendo
 reticuerat de adversis, & affingendo felicia tristibus, il-
 lata in Romanos fines arma, Ecclesiae propugnationem
 appellarat, necessitati Mediolanensium obsequii nomen
 imposuerat, & pro caetera Oratoris adulatione, mala,
 quae ipsi dum hostis instaret moenibus plurima perpeffi
 erant, obversabantur. Certatim tamen omnes, post-
 quam dicendi finis est factus, acclamavere forti, & fe-
 lici, summaque vocis contentione, uti mos vulgo est,
 Sfor-

Sfortiarum nomini fausta cuncta precabantur: vivere diu, vivere laetum Principem jubeant. Haec in templo maximo acta erant. Singulae deinde Paroeciae nominavere singulos legatos, qui deferrent Principi obsequium & fidem, ac suae quisque vicinitatis nomine in ejus verba sacramentum dicerent.

Templi maximi Canonici, praeter solenne illud publicae gratulationis officium, quod a Castelloneo peractum erat, decrevere duos e suo corpore, per quos Collegii verbis talia quaedam privatim exponerentur: Ecclesiam Mediolanensem, cui caput Metropolitana Aedes, a D. Bernaba Apostolo fundatam, a D. Ambrosio constitutam, per tantum aevi multa prospera vidisse, pleraque adversa, donec ab Othone Vicecomite res illius afflictae in certiore aliquem stabilioremque statum redigi coeptae fuerint. Ab eo rursus tempore, post magna incrementa, retro esse sublapsam, & prout turbulentae, sive tranquillae Principum res, prout etiam Principes ipsi benigne adfecti, vel secus, ita Ecclesiam etiam in misero fuisse, vel in flore statu: obtinere magnas antiquitus immunitates, magnaue privilegia & munera concessu Pontificum aut Principum, qui, vel Ecclesiae magnitudini, vel nomini Parentum & Auctorum ipsius, vel Archiepiscoporum etiam aliorum deinde meritis honorem eum habuerint: sed partim intercepta esse, partim diminuta quae priores indulserint, & sacras veteris opulentiae reliquias tenues admodum manere. Esse hanc Insubriae totius Metropolitim, & latius olim porrectam habuisse potestatem jusque factorum. Ambrosianam Ecclesiam ideonuncupari, quia descriptis ab illo Pontificeritibus caeremoniisque seorsim ab caeterarum consuetudine Urbium utatur: & Romanam in eo discrimine auctoritatem nutumque adesse. Petere a Principe, ut Ambrosianum hoc nomen Ecclesiaeque & Praefides Antistitesque ejus unice commendatos haberet, semperque tueretur. Id adeo ut ita fieret, & Metropolitim, & ipsos praecipue mereri, vel quia Principes etiam Vicecomites, quorum illenomen & genus propagandum atque continuandum suscepisset, plurima in eam & maxima ornamenta contulissent, quae deferri non oporteret, vel quia Collegium & Ordo Canonorum Clerusque universus omni sua pietate apud Deum, officio apud homines ad exordia novi Principatus adfuerint, adfuturique deinceps essent ad omnia, quae Principi placere posse arbitrarentur.

Respondit ad ea Princeps: Non esse sibi ignota quae de antiquitate & amplitudine casibusque Mediolanensis Ecclesiae egregii viri Canonici exposuissent. Parentes etiam illius Ecclesiae Barnabam Apostolum, & magni nominis Ambrosium colere se praecipua pietate, & res utriusque gestas in eo Pontificatu voluisse olim cognoscere, cum apud Socerum dominumque suum in hac urbe commoraretur. Favere Cleri totius Mediolanensis nomini ac famae, praesertimque Metropolitani Collegii amplitudini ac dignitati: vidisse omnium erga se studia amicisque animos, & magnopere esse delectatum. Scirent, cordi fore sibi, ut gratus vicissim amicusque reperiretur. Retinebantur inde Canonici paulisper in colloquio, percunctante Principe nonnulla de statu conditioneque Collegii, ac de Ecclesiae rebus: & cum eos dimitteret, velle se postea commodius colloqui cum ipsis, ajebat.

Quinque dies proximos ei diei, quo peracta caeremonia erat, iussit festos esse Populo Mediolanensi: ac per eos dies ipse praebuit epulum, positoque in propatulo rerum omnium usu larga insuper munera data pauperibus, aut missa quibus in publico epulari ob sexum religionemque non licebat. Ob ea, maximum Sfortiae nomen apud omnes esse, celebrari sermonibus & litteris, & magnificentiae ac splendori veterum Regum aequiparari.

Una res erat, quae Mediolani publicam laetitiam impediret, eademque Principis ipsius magnopere sollicitaret animum, & ea ipsa res alioqui futura magnis malis initium, provido consilio discussa est, origoque sublata suspicionum mutuarum. Jovis arcem magna ex parte di-

rutam atque collapsam reficere Princeps, ac novis firmare munimentis in animo habebat, ut eo premeret jugo urbem, si quando cupidine libertatis stimulante civium animos, detrectare imperium coepissent. Anceps id erat ac difficile negotium, verebaturque magnopere Sfortia, ne turbarentur animi eo ipso quod parari praesidia adversus turbas viderent, atque rebellandi principium id fieret. Itaque anxius ea cura, vocatos ad se Parochos rogavit uti popularibus quisque suis ostenderent, ad dignitatem & amplitudinem, & praesidium pertinere Civitatis, refici quamprimum arcem & muniri, ideoque petendum esse ultro a Principe, uti fieri id imperaret. Facile Sacerdotes, & alii cum eis aptae prudentiae viri persuasere populo id quod quaerebatur, passimque per templum congregati Cives decernebant e sua quisque vicinitate legatos, qui Principem adirent, petentes, ne immunitatem ac nudatam diutius esse Metropolitim vellet, inchoaretque pulcherrimum opus, quod praesidio ipsis, terrori hostibus esse posset. In D. Georgii Aedem praecipue congregabantur. Ibi Georgius Plattus Jurisconsultus notae facundiae vir, prudensque idem & modestus atque vitae suae fama nactus auctoritatem inter cives, quanta maxima privato cuiquam contingere posset: is igitur existimans, ea, quae pararentur munimenta, damnosa fore urbi, arcemque ipsam, veluti sepulcrum omnis publicae libertatis interpretatus, adversus eam rem dissertuit in hunc modum: *Viri Mediolanenses. Si Deus Opt. Max. aliquo singulari beneficio & indulgentia erga Patriam hanc, angusta mortalis aevi spatia Francisco Sfortiae prorogaturus esset, ita ut sperare possemus fore posteritatem nostram sub imperio tam iusto, & aequabili, quam hodie nos experimur: esset sane supervacanea haec oratio, quam ego pro salute publica adversus publici consilii auctoritatem suscepi. Sed cum vita Principum circumscripta sit iisdem terminis, intra quos nostra quoque privatorum vita consistit, censeo lentius aliquanto consultandum esse de eare, quae deliberata jam vobis & decreta est. Neque enim arbitror ignorare quemquam vestrum, quam calamitosa res sint omni liberae & honestae civitati impositae cervicibus arces, nimiumque multis, & aliorum, & nostris casibus id compertum habemus. Nescimus, quae maneat in posterum fortuna Civitatem hanc: sed superiorum temporum mala docuere, quanta sit dominantium potestas etiam si castella non premant cives. Sed ita sumus experti, ut tradere generis huius disciplinam aliis etiam possimus. Arcem autem hanc Jovis, tantum abest ut refici velle debeamus, ut potius ejus ruinas quasi fortunam nostram ingentem, & summum Dei beneficium intueri oporteat, & laetari, quod excidio data fuerit. Pollicetur quidem felicitatem nobis quietemque perpetuam inclita iustitia, sapientiaque & religio Sfortiae huius: sed, dicite mihi, quamdiu Sfortiam inter viros futurum putetis? At enim, dicat aliquis fortasse vestrum, extincto eo, spes in ipsius prole fore non minorem: quis tandem praestare nobis possit istam prolem? Et ut ea contingat optima: quam diu optimos istos futuros esse nobis computatis? Nescimus quae rerum infortunia parentur ipsis quoque Principibus: & in magna atque opulenta civitate multa accidere possunt ejusmodi, qualia, neque conjectura nostrae mentis assequitur nunc, neque feret animus cum aderunt. Arcem ipsam poterit ejusmodi Praefectus habere, qui, vel prodat externae tyrannidi, vel occupet sibi, aeternoque servitio affligat urbem, humilis fortasse, & abjectus homo, quales saepe multos extollere Principum favor amat. Firmissimae ac tutissimae sunt arces, quae fide & caritate populorum ponuntur: caetera munimenta, si fides absit, nihil aliud, quam populo Principique perniciem parant.*

Summa omnium attentione Plattus est auditus, ac vera esse quae diceret, fatebantur. Sed vixit paucorum auctoritas & gratia, quos Sfortia sibi in id praeparatos habebat, atque in eodem D. Georgii Templo decretum de reficienda arce est factum. Et res quidem ista exitum hunc suum habuit: Sfortiam interea Federicus Imperator, & Carolus Galliarum Rex, quo minus in tanta Civitatis adulatione tantisque Populi totius erga se officiis, sincero gaudio frueretur, exercebant. Ille extinctam Philippi Mariae sobolem, versamque domum dictitans, antiqua Caesarum jura repetebat sibi: hic Au-

Aurelianensem Regulum affinem suum certo gentilitatis obtentu ad spem eandem producebat. In ejus litis molestia tanto gratiora Principi erant studia populi Clerique Mediolanensis, & Ecclesiastica praesertim auctoritate fanciri ac firmari sibi dominatum laetabatur. Fratrem inter caeteros habebat Carolum nomine, qui ab ineunte aetate, fatis armorum satisque gloriae militaris arbitratu esse domi, quieto insuper ipse spiritu animoque studia divinarum litterarum adamarat, & cum in familiam Augustinianorum ultro nomen dedisset, facile Princeps evaserat ejus Ordinis non auctoritate tantum & fraterni splendoris fama, sed multo magis severitate vitae, & omnium laudandarum artium disciplinis. Concionandi praesertim laude excellebat, & per omnia sui Ordinis munera magna cum approbatione pervagatus, animi quoque pastoralis haud leve specimen dederat. Hunc in tali tempore Princeps crediderat posse sibi esse praesidio & adjumento ad pleraque agenda & obtinenda, si Mediolanensem Ecclesiam, quae Nicolai Amidani morte per eos forte menses vacua relicta erat, ei demandandam curaret. Facile ab Nicolao V. (is tunc Romana sacra tenebat) impetravit rem: atque ita uno tempore penes eandem familiam uterque dominatus erat, ut indidem, & responsa divini juris peterentur populo Mediolanensi, & vitae necisque arbitrium immineret. Ipsi inter se fratres egregie concordēs, potestatem eam, & specie tituloque, & re ipsa tantopere disjunctam, ac saepe contrariam, stabiliendi Principatus causa consociabant. Imperium & potentiam illam arbitram omnium rerum attemperare Princeps ad quotidianos Ecclesiae casus: indulgere Archiepiscopo quantumcumque sacra negotia postularent ac ferrent. Vicissim Archiepiscopus, benefaciendi simul & nocendi facultate major ita aliquanto quam per se esset, quidquid illud virium & facultatis habebat ex fratris aula, gerebat eodem, omnibus demerendo modis eos, quos, vel momenti aliquid in civitate esset, vel turbidi ac violenti in animo, dabanturque ultro crebrae occasiones a Principe, per quas ingeniis & hominibus ejusmodi ad Archiepiscopum eundum esset. Saepē quin etiam Archiepiscopus ipse magnarum rerum controversias, & longi subsellii negotia deliberationesque, si modo minimam ullam ansam haberent, per quam in alterum transmitti forum possent, ad Magistratus illos rejiciebat, atque ibi supplices litigatoresve ita tractabantur, ut officii concordiaeque certamen inter utraque judicia, & inter aulam dominumve utrumque agnoscerent. Ita fiebat, ut neque commodior umquam ullus Civitati contingere posse status videretur, & verecundia quaedam etiam animis esset turbandi quidquam in tam miti, tam benefico erga omnes duorum fratrum certamine. Aderat enim Principibus digna viris interim providentia quaedam apta tegendae arti, in quam potentiae causa consensissent, ne scilicet per eum consensum eamve artem alterutra in parte fieri sordidum humileve aliquid quamvis attentis & callidis ad singula interpretanda nonnulli dicere ullo modo possent. Et nota Pontificis probitas famaue illa, quam attulerat e claustris, dictis factisque omnibus addebat auctoritatem: ut quietis & modestiae nomen haberent ea, quae si fierent ab alio, proxima conspirationi haud dubie haberentur. Nec fortasse debuit ille diverso esse animi habitu ab fama quam obtineret, potuitque salvo officio ad firmandi Principatus opportunitates accommodare, si quid etiam aliqui sua sponte leniter ac dextere facturus erat.

Cum haec forma rerum Mediolani esset, pestilentia est exorta, cujus mali originem, quia nullam aliam probabiliorem dicere medicae artis homines poterant, contulere in colluvionem varii generis mortalium, qui Jubilaei causa Romam hoc tempore peregrinantes Mediolani commorabantur. Ea tanta lues fuit, ut, quae rerum scriptoribus in hujusmodi commemoranda calamitate solent esse communia dictu, ea vere ac proprie sibi tempus id postularit. Interciderat namque sortis humanae commercium vi morbi, qui postquam continua strage conspectus erat totas exhaurire domos, non modo

A quotidiana ministeria potentioribus abstulerat, sed alienaverat etiam eos, qui sanguinis caritate, vel pudore, vel spe hereditatis, ab morituro semper ultimi dilabuntur. Mortuorum numerus ex promiscua plebe ac nobilitate ad triginta millia est relatus. Princeps & Archiepiscopus, aulaque tota, & proximi fastigio, & minores alii, sed molliter affluentes, vitata urbe, amoenis circum salubria loca victu contagium effugerunt. Et quosdam tamen etiam eorum deprehendit ibi pestis, oppressitque inter symphoniam aut epulas, & oblectamenta caetera, quae sibi circumdederant adversus metum.

B Caeterum, Princeps uterque, quamquam exitio praesenti subducere sese voluissent, tamen excusata per litteras & edicta apud Populum necessitate, & quantum poterant, testati, fieri id ipsum Reipublicae causa, rebus etiam ipsis magnopere contenderunt, uti pastoralis & civilis animi fidem facerent eam: & plane assequebantur. Exstructa passim tuguria per exspatiantes late campos: dirempti omnes ob mutuo contactu: dati qui circumferrent alimenta: dati alii qui procurarent divinis mysteriis animos: alii qui solatia & hortamenta futurae vitae morientibus ferrent: corporibus evehendis alii, & praesentium poenarum opportuni terrores ad coercendam licentiam, si quos assidua illa mortis imago satis non coaceret. Denique provisae, & instituta factaque omnia, quae fierent ac providerentur etiam in hac temporum nostrorum disciplina, postquam, & experimenta complura Pontifices ac Principes alios ad ejusmodi casus erudire, & Pontificum etiam Principumque animi exstiteret majores aliquanto quam illi erant. Et pestilentia quidem haec, sive placato Numine, sive purgata urbe, sive circumacta & exhausta gravitate & corruptione coeli, post menses aliquot exhaesierat: alia ferme socia pestilentiae clades ex incultis agris Populum Mediolanensem invasit. Cura eadem, hinc Principis, hinc Archiepiscopi, in fame, quae fuerat in peste, non ita potuit obviam ire malo, quo minus longe plures absumerentur. Ad sexaginta millia periisse, quidam annales habent, cum ab dira & ultima necessitate nulli rei parceretur, quae vorari aliquo modo posset.

D Exhausta in hunc modum & afflicta urbe Ecclesiasticaque Mediolanensi, tertia illa calamitas imminebat, quae sacra & profana omnia permiscet semper atque involvit, etiam ubi calamitate alia nulla res insuper aggravatas esse contingat. Veneti, neque ullam cum Sfortia conditionem pacis admittebant, & castella nonnulla Mediolanensis agri cum capta haberent, infedissentque praesidiis, quasi appetentes ulteriora, & minitantes, resummi coegere arma, quae parum feliciter etiam antea experti erant.

E Die, qui fuit D. Georgio Martyri facer, habitis ad praecipua urbis Templi supplicationibus, & invocata Martyris ope, vexilla sunt erecta gerendo adversus Venetos bello, quod cum varia fortuna gereretur, totaque per id bellum Italia, his aut illis adhaerescens in magna perturbatione esset, Calixtus Pontifex Max. (is namque Nicolao successerat) suscepta componendae pacis actione, propter duras hinc inde conditiones nihil magnopere explicabat. Subegerant interim damna Venetos, uti transigere quoquomodo optarent, & sancti Monachum quemdam idoneum ad id hominem (cujus Ordinis fuerit non traditur) hunc sibi Mediolanum ad Sfortiam legavere. Vulgo Fratrem Leonem appellabant, de quo homine diversa fama, variique sermones erant, prout quique vitam & instituta ejus, benevole, vel secus interpretabantur. Nam, quia negotiis se Principum ultro immiscere vellet, frequens in aula, coetibusque nobilium, ab Odaeio autem triclinioque alienior, idem Ordinis sui amictum & votiva tegmina flectens paulatim & mutans in molliorem amoenioremque formam, & legationis alicujus obtentu semper aliquo peregrinabundus: ideo quatiebant capita nonnulli, quasi valere jussisset claustra, nolletque dedisse nomen in eam familiam, sic eum cum irrifu facetiisque, vel etiam cum indignatione severiores

res adspiciebant. Et erant, qui turbulentum ingenium appetentemque rixarum hominem esse suspicarentur, quia forte vehementior commotiorque erat. Contra, faventes & mites aiebant, virum esse magnum & gravem & aptum ad res gerendas, cui cordi utilitas publica, qui necessarios in Ecclesia labores, & actiones ad studia pietatis adjungere sciret optimo temperamento, quales omneis esse sacros homines oporteret. Non ultimam esse religiosae perfectionis laudem, tractare lutulenta mortalium negotia nec inquinari: Superbis ac delicatis Principum animis insinuari communium commodorum & plerumque salutis etiam ipsorum causa: nec sermone, nec habitu, nec moribus ad id esse horridum & incomptum: haec & alia in negotioso hoc Monacho leniter & amice interpretantes admirabantur. Quodque acrior interdum videretur & avidus offensionum, id ipsum, libertatem Apostolicam atque fastidium erga multorum indignitates vocabant. Sed quae demum ejus hominis vitia, quae virtutes essent, divino judicio certius ac melius quam hominum aliorum interpretamentis discerni potuit. Veneti plurimum eo utebantur, siue perferenda Senatus mandata precesse aliquo essent, siue calide consultandum scribendumve non nihil: eratque idem utrique Sfortiae, Archiepiscopo scilicet & Principi per familiaris.

Ob ea, rebus afflictis Patres hunc super impetranda pace legatum destinavere conditionibus iis, quas ipsorum fortuna praesens ferret. Ille profectus Mediolanum, agendo varia, nunc apud Archiepiscopum, nunc apud Principem, eorem adduxit, ut Sfortiae fratres, quamquam & viribus jam suis, & foederatorum ope, & multarum eventum rerum haud dubie superiores, victoriaque propemodum explorata, ad ponenda arma pacemque cum Senatu Veneto faciendam consentirent. Cum legatus aliquoties ab Mediolano Venetias, & rursus inde Mediolanum excurrisset: ad VIII. Idus Aprilis praeter omnium expectationem pax ea promulgatur. Ita, quod neque Pontifex Maximus auctoritate sua, neque Principum aliorum legationes in id missae assequi potuerant, unius religiosi hominis dexteritate perfectum est, attonitis & erubescens pudoreque confusis, ut credere licet, quicumque trepidantem in aula cursitantemque Monachum elato supercilio antea despiciebant, siue cavillabantur.

Donatus Bossius horum ferme temporum aequalis, qui Chronica gentium universalium & res omnis aevi per annorum gradus litteris mandavit, in hac referenda pace, Fratrem quemdam nominat Simonetam, quo internuntio & conciliatore, res apud Laudem Pompejam inter Sfortiam Principem & legatum Venetum convenerit. Inde ego sum arbitratus, & Leonis nomen, quod Bernardinus Corius tradit, & Simonetae vocabulum, quod apud Bossium exstat, ad eundem hominem pertinuisse, ut illa esset hominis ipsius appellatio, haec gentis. Cumque Bossius idem Eremitam Augustinianum hunc fuisse Simonetam scribat, suspicio etiam inde oritur mihi, familiaritatem, quam cum utroque Sfortia hunc habuisse legatum memoravi, ortam ex Archiepiscopi contubernio, qui familiae olim ejusdem gregalis fuisset. Sed ex diverso, magnam huic nostrae conjecturae perturbationem affert Joannes Simoneta, qui Ducis bella posteris narravit. Is enim, neque Fratrem Leonem, ut Corius, neque Fratrem Simonetam, ut Bossius, sed Fratrem Simonem memorat, qui rudis litterarum, innocens vitae habilis ad negotia, Senatui Veneto fidus, Sfortiae carus, super pace aliquoties ultro citroque commearit. Apud eundem porro Chronographum Simonetam, pro Calisto Pontifice Maximo pacificator Nicolaus habetur: eum priore negotiatione, pacem, cui palam studere videretur, secreto impedisse, dictitantem, in periculo fore res Romanas quandocumque Insubria otium habere coepisset. Quas quidem ego varietates retuli, ut appareret, in magnis parvisque rebus id quod alias etiam monere non destitimus, quam fallax & fluxa scilicet haec sit memoria veteris aevi, quippe cum ad proximas etiam temporibus suis aetates halluci-

netur historia, & pro luce quam pollicita est, tenebras negotiis auctoribusque negotiorum offundat.

Pace cum Venetis facta, refectoque Populo Mediolanensi ex peste simul & fame, decesserat publicis quoque rebus, & universae Metropoli status infelix, quem permala illa invecum, statim ubi coeperamus exuere, detinuerant & aggravarant mota repente in hostem hunc arma. Reperio in Bossianis annalibus, Turcam hoc tempore, postquam aliquot castella Genuensium repentina impressione occupasset, urbem quoque Albam invasisse: caelos fufosque barbaros ab Joanne Carvagiala Franciscano, qui coactum adversus Mahometana arma privato consilio militem nota Crucis armavit immiseritque, & similem miraculi victoriam reportarit. Pontificem Maximum, ejus victoriae diem, qui D. Sixto Sacerdies esset, insignem fecisse majore celebritate mysterii illius, cum Christus Liberator humanos suos vultus in divinos repente splendores figurasset atque induisset. Id referri pertinebat ad nostrum hoc opus, ut quoniam dicata Sancto Pontifici Aedes Mediolani visitur, ejusque memoria nominis ibi celebratur ad VIII. Idus Sextileis, sciretur etiam, quanam causa fuisset alterius conferendae celebritatis in hunc diem. In iisdem erat annalibus: Jubilaeum hoc tempore in Franciscana Aede fuisse Mediolani, & tantam undique peregrinorum multitudinem confluisse illuc, ut in turba quidam eliderentur. Ad centum millia convenisse tradunt praeter indigenam Urbis populum: in ipso aditu Templi quindecim ingruente multitudine esse obtritos atque exanimatos.

Hoc etiam tempus illud fuit, quo Principis animi movit Numen, ut sub Nosocomii siue Hospitalii nomine publicam domum institueret aperiretque curandis & alendis utriusque sexus mortalibus, quos morbus & egestas id petere subsidium coegissent. Namque, per eos annos, cum lues & pestilentia prius, deinde frugum, ob desertos agros, inopia, vastarent affligerentque urbem, debuit multorum ad spectus esse miserabilis, qui per compita omnia absque ulla humana ope & solatio quiritantes aut insepulti jacerent etiam in illa imperitantium cura & benignitate, quae declarata est. Eam speciem, idque deformis spectaculum haud sine magno misericordiae sensu insedissee Principis animo credibile est, inde consilium ortum aperiendi Xenodochii, ubi lares, ubi tecta destitutis, & altera quasi patria esset. Neque dubitaverim ego affirmare praecipuas in eo consilio fuisse Archiepiscopi Sfortiae partes, qui Pontifici sui muneris cura, ob tale spectaculum, speculativae memoriam anxius, fratrem hominem militarem altioribus imperii curis intentum ad pastoralia haec invitarit. Dimentia & assignata in id opus area juxta D. Nazarii aedem, in veteris arcis sede, primus lapis positus est Id. Aprilis An. fal. millesimo quadringentesimo quinquagesimo tertio, quem tamen, & mensem, & annum, ut pleraque alia variare, incuria, siue licentia scribentium potuit, etiam ubi recens memoria nullum solitae excusationi locum dabat. Extructis aedibus tanta celeritate, quantam adhiberi par fuit, ubi sacris simul & profanis opibus agebatur res, & ubi pars utraque contendebat, ut Mediolanenses primo quoque tempore subsidium illud ornamentumque haberent, reliqua erat cura, ut praeter vectigalia & fundos qui destinati statim in hunc usum, assignati-que essent, contribuerentur opes idoneae, alendo & curando quidquid aegrotantium mendicorum illuc affluisset. Debut namque crescere & augeri Principum animus una cum operis mole, ut Metropoli urbi-que, & nomini Ambrosiano, opulentia & magnitudine responderet. Valetudinaria, Mediolani, atque etiam extra urbem pleraque alia erant non parvis instructa fructibus & emolumentis jam inde a Bernabore Vicecomite, qui praeter curandos alendosque aegrotos, onera haec addidit: Certa cum dote certum ad numerum collocare in matrimonio pauperes puellas, quarum honestati discrimen immineret. Statis diebus dividere panem ex aliquot tritici modiis. Facere quaedam anniversaria sacra Manibus mortuorum expiandis. Benigne

cere captivis pauperibus & cibaria mittere, prout egentissimi quique in vinculis haberentur. Haec onera Xenodochiis injuncta veteribus Vicecomite fuerant, cum vectigalia & fundos iisdem assignaret. Assignaverat autem Xenodochio D. Ambrosii, quod Brolienſe Xenodochium hodie nuncupatur: Xenodochio Divae Catharinae, & D. Antonii Xenodochio, & cuncta exemerat oneribus publicis, ne quid inde in fiscum aerariumve exigeretur, ne hiberna vel aestiva militibus praestarent. Quae postea munera & immunitates Eugenius Pontifex Maximus, rogatu Decurionum urbis, dato in id diplomate, esse ratas jussit anno salutis millesimo quadringentesimo trigesimo quinto, sicuti quidem clausula diplomatis praefert.

Post annum inde tertium decimum Henricus Scotus Cardinalis Archiepiscopus Mediolani, & Apostolicus idem legatus, favens Decurionum eorundem precibus & pia voluntati, dederat etiam leges & instituta, quae Xenodochia illa regerentur, & constituerat hospitalem quamdam disciplinam, cujus deinde disciplinae quarumve legum & institutorum Nicolaus V. Pontifex Maximus auctor est factus, isque cuncta sanxit auctoritate sua & firmavit. Eae leges & instituta, summaque disciplinae ejus ab Archiepiscopo Henrico perscripta, a Pontifice Nicolao confirmata, totam Xenodochiorum administrationem, & regimen dabant Archiepiscopo, qui Mediolanensem Ecclesiam per tempora obtineret, idque praecipue sanciebatur, ut Archiepiscopus ipse per tempora deligeret ex nobilitate quaternos vicenos, qui praesent Nosocomio, cunctaque administrarent. Vectigalia, & praedia, aedificiaque omnia, quae Princeps Bernabos Nosocomio donarat, aureorum nummum ad viginti quinque millia annua efficiebant, quae summa amplior aliquanto majorque tunc debuit esse, quam nunc hic prae se ferat titulus postquam lascivia temporum effecit ut etiam aurum vilesceret. Ad eam summam, donationemque Vicecomitis acceperant legata privatorum & quotidianae largitiones: & sedulitate praefectorum, ex annuis redditibus incrementa nonnulla cefferant in annuis alios redditus, dum fortasse, sicuti praepostera nonnumquam amat cura, patrimonio amplificando magis quam caritatis & justitiae legibus consultitur. Sfortiae fratres, Archiepiscopus nempe Carolus, & Dux Franciscus, pulchrum existimavere, si dispersa & dissipata illa ex pluribus hinc inde nosocomiis cogerent in unam sedem, regimenque novum & aptiora temporibus instituta adhiberent. Id fore aptissimum constituendo valetudinario, quod publica pauperum omnium domus esset, quod urbe Metropolitique dignum munus erga Christi Liberatoris viscera illa & curam. Petiit a Pio II. Pontifice Max. Dux Franciscus, ut nosocomia, quae Mediolani, quaeve extra urbem essent, auctoritate Apostolica contribuerentur in unum corpus unamque sedem, sub Magni Hospitalis nomine, quod paulo antea coeptum aedificari jam prope ad tectum fastigiumque perductum esset. Recenti urbis clade, cum morbus & fames depopularentur Metropolim, repertam esse inutilem veterem illam dispersi nosocomii formam, quae plus afferret incommodi, nec satis apte regeretur. Processura omnia melius utiliusque, si corpus caputque unum fieret, unde in caetera regimen, ubi lares, & communium alimentorum domus. Petiit simul, ut quo jure, quave conditione, quibusve legibus vetera nosocomia steterent, id jus, & ea conditio, & eae leges transferrentur in novam hanc formulam novumque regimen, & ut rata essent, si quae deinceps in constituenda nova familia, demi, mutari, addive, praesens conditio rerum, aut hominum, aut denique temporum postulare. Et quoniam unius integri magnique populi domicilium id futurum erat, petebatur, ut esset ei domicilio jus omne sacrorum animis quoque procurandis & adorando Numini: sepulcra, sacella, parochos, aras, aedituos, ut ibi haberiliceret, petebatur.

Indulſit atque concessit cuncta Pontifex Maximus cum ea praefatione & clausula, ut sacri & inviolati soli sedes illa Hospitalis in potestate Archiepiscopi esset, is-

A que administratores & praefectos ex nominatione civium daret. Contributis in unum Xenodochiis, corporeque uno facto sic & constituto, crevere opes paulatim in eam amplitudinem, quae fortunae Principalis instar sufficiat hodie magnificentiae ac liberalitati Domus, quae in tanta urbis frequentia, tantoque ad Metropolim hanc ex aliis urbibus concursu, & in tantis infelicitum hominum necessitatibus, nihil miserabile apparere oculis finit. Invitatus magnitudine operis Paulus III. Pontifex Max. attribuit huic Mediolanensi Xenodochio Sacerdotium amplum, quae Abbatia Sexti nuncupatur, ex pago, cui nomen id circa Verbanum lacus initia. Nec multo deinde post Pius IV. etiam largiore erga Patriae suae gloriam animo, praedia Mirabundi & praedia Ganac (Abbatiarum item ea sunt vocabula) concessit. Ea conficiunt hodie vicena millia nummum aureorum in singulos annos. Census universus annuus sexaginta millium explet summam: amplius centena millia necessariis usibus infumuntur: tantam eam lacunam expleant collationes piorum, siue qui magnitudinem sumptuum intuentes congerunt illuc stipem, siue qui damna occulta rependunt.

C Forma regimenque negotii totius, ejusmodi est, ut quemadmodum ex pluribus olim Xenodochiis in unam hanc sedem coaluerat res, ita ex hac sede in plura rursus Xenodochia, tamquam in membra redeat, ac dividatur: his necessaria quotidie suppeditantur: illic arbitrium & summa rerum manet. Quot sibi gignit admittitve calamitates hominum vita, quotque casus & ludibria pati potest humanum corpus, tot fere subsidia, totve domus adversus ea mala constitutae sunt ex hospita hac magna domo: cum aegrotantium, & convalescentium, & assidue morientium, & vagientium etiam in cunis ipsa sit domus. Sed ad D. Celsi velut in suo tecto lactantur infantes, in quos nulla alia cura parentum fuit praeterquam procreandi & exponendi. Ibidem aluntur educanturque puellae ad nobiles usque annos: postquam adolevere, maritantur. Si matrimonium odere, non desunt honesta munera, quae occupentur: & domi virgines consenscunt. Transmittitur grandiscula puerorum aetas ad D. Dionysii, ibique primis litterulis, & necessariis ad usum Reipublicae artibus instruuntur. Si quos foeda capitis scabies turparit, his ad D. Lazari stant sua domicilia separatim. Qui aquae intercutis morbo tumuere, decumbunt ad D. Ambrosii. Qui contraxere Gallicam luem, ad D. Stephani curantur. Ad D. Simpliciani insanabilem est domus: ad D. Vincentii sunt cubilia & septa miserrimis mortalium, quibus accidit ultimum malorum ut e potestate mentis exirent.

E Videor humile quiddam & supervacaneum fortasse facturus, si referam quotidiana etiam instituta, quibus haec non ultima pars publicae rei continetur & administratur. Sed quaedam religio tenet animum meum, ne Historica hac cura indigna esse censeam ea, quae Pontifices Principesque nostri tractaverunt atque comprobant, litterisque etiam & edictis & auctoritate publica sanxere. Et sicut alibi praefatus sum, nihil est hodie tam vulgatum & manifestum, quin obscurari possit ac vanescere nisi custodia haec litterarum accedat. Fortasse etiam exteri homines cognoscere avebunt haec ipsa, neque piguerit externis scripsisse, si fastidita nostratibus erunt. Jam primum igitur, ubi tempus advenit eligendi nobiles viros, qui rem universam hospitali administrare debeant, conveniunt Decuriones urbis, atque una cum piorum locorum administratoribus nominant ex nobilitate sex & triginta spectatae probitatis viros cum ea descriptione & aequabilitate, ut ex singulis urbis regionibus senos assumant. Et vocabula piorum locorum, siue sodalitatum, quibus ad nominationem eam jus est commune cum Decurionibus urbis, haec sunt: Misericordiae Sodalitium: Sodalitium Caritatis: Sodalitium Pictatis: Quatuor quoque Mariarum, & Divinitatis, & Humilitatis nota & benefica urbi loca siue conventus, auctoritatem testimoniumque suum negotio inferunt, nec aliter fieri nominationem oportet.

Post-





Andr. Biffi delin.

NOSOCOMIUM MAIUS.

Postquam Praefecti Conventuum horum conjuncti cum Decurionibus urbis nominavere triginta sex illos, quos esse regimini aptos credant, tunc e singulis conventibus delecti bini, descripta nomina tradunt Archiepiscopo, idque post diem, quem Ecclesia coelesti ad Virginem Nuntio sacrum colit. Inspecata scheda, considerantque nominibus, Archiepiscopus eligit ex universo numero duodecim, ita, ut ex unaquaque urbis regione sint bini; sex alii retinentur ex veteribus Praefectis, qui notitia & usu negotiorum imbuti, de omnibus rebus erudire novos possint. Hic orbis in singulos annos volvitur: nisi biennio interjecto refici neminem licet. Et quo plus auctoritatis concilio adsit, additur semper octodecim hisce Praefectis dominatus alterius nutu decimus nonus, quem participem & arbitrum rerum omnium statuendarum esse oporteat: jusseratque id Pontifex ipse Maximus, cum Sfortiae rogatu, Xenodochia omnia, sicuti memoravi, contribueret in hanc sedem. Kalendae Maji praefecturae ineundae solennes sunt. Ea inita, principio consiliorum actionumque omnium, statuto die congregantur in ipsius Xenodochii templum Praefecti cum domesticis Sacerdotibus & ministerio toto, fitque res divina cum ea precatione, ut cujus rei causa vocati divinitus electique sint, eam rem sancte integreque, & laudabiliter administrare queant absque ullo sensu, qui flectere ab divinae gloriae & publicae utilitatis cura animum possit. Adorato sic Numine, & quaesito Sancti Spiritus auxilio, faciunt e suo corpore Praesidem unum, qui concilii sit universi caput & auctor. Creando Praefidi ordo hic servatur, ut in singula paria Praefectorum circumagatur is Magistratus: spatium ei Magistratui bimensis fiet: ab altero ex Orientalis portae duobus inchoetur: per portas deinceps alias ad eundem modum eat usque ad Novae postremos binos. Munera Praefidis & ejus officii leges scriptae in hunc modum exstant: *Accedito quotidie statis alienisque horis, & inspicito cuncta, & recognoscito, & lustrato. Causarum, controversiarum, litium, statum momentaque & progressus audito: cum patronis & judicibus agito: exponito Collegis omnia quae egerit, quaeve statuerit agenda esse, ne pauperum res, & Christi patrimonium per eas lites & controversias detrimenti quidquam patiatur. Decreta, quae de unaquaque re in conventu facta erunt, uti per scribas in acta referantur, operam dato. Si quid in alicujus rei deliberatione sententia plurimum improbarit, ejus quoque custodiri memoriam jubeto, ut Praefecti futuri sciant, quid aliquando prioribus non placuerit, quidve inutile aliquando repertum sit. Coemptionum factarum pretiis erogandis ipse adesto: nomina vicissim pecuniaeque omneis ut ad diem exigantur curato: Acceperitabulas & expensi menstruas inspicito, & subsignato. Aegrotos in Nosocomia alia dividito prout apta cujusque calamitati domus erit. Neminem autem retineto domi, nisi cujus sanabile esse malum medici pronuntiarint. Haec omnia providenda sunt & curanda ei, qui Collegarum suffragio Praeses appellatus erit. Collegae ipsi communiter inter se negotia provinciaeque partiuntur, ita ut bini, ternive, quaternive etiam in unius rei curationem incumbant, & rursus onera complura in singulos inclinentur, prout, vel habilitas ipsis, vel pondus & magnitudo rerum administrandarum habebitur.*

Cum exsequi caetera in hunc modum pararem, repere edita in vulgus omnia, curamque supervacaneam esse meam hanc putavi: atque ideo relicto valetudinario hoc negotio, magnos Urbis & Reipublicae casus exsequi pergam.

Franciscus Sfortia multis egregiis rebus gestis, magno populi Mediolanensi dolore moritur anno salutis millesimo quadragesimo sexto: nec diu marito superstes uxor fuit. De ea muliere sic tradunt. Appropinquantem extremis, cum sancte religioseque vixisset, perversa medicorum adulatione contempsisse primo aegritudinem eam, & nullam Ecclesiae mysteriorum ad expiandum animum habuisse cogitationem. Cum morbus quotidie magis ingravesceret, amicique & proximi, pari erga morientem adulatione, salubria omnia esse affirmarent, accessisse Michaellem Carcanum ex Franciscanorum Ordine, ac severe denunciavisse, quemadmodum finis ei

A properus instaret, essetque postridie moritura. Proinde confuleret animae saluti, & amissa mortalis vitae spe, sempiternam alteram meditaretur. Tunc eam, increpita adulantium amicorum levitate, protinusque abdicata omni rerum humanarum cura procurasse divinis mysteriis animum, & cum magna significatione pietatis exspirasse. Non absuit veneni suspicio, & quidam Galeacii filii scelus suspectavere. Cadaver ejus in D. Gothardi Aede collocatum biduo post in Templum maximum effertur, componiturque ibi tumulo eodem, qui Francisci Sfortiae ossa contegebat. Fuit eximiae religionis mulier, duoque inclita Tempa, D. Mariae Virgini Coronatae alterum, alterum D. Agneti Martyri posuit.

B Virilis animi eadem, & regendis populis apta, unde initia suspicionum, & cum filio dissidium, insidiaeque demum in matrem ortae creduntur. Inter haec Principum funera, Carolus etiam Archiepiscopus mortuus erat, & in Deiparae Aede sepultus, quam Aedem a Blanca, Mariae fratris uxore constructam, ipse consecravit. Archiepiscopum hunc Carolum annales alii appellare Gabrielem malunt, quod illi nomen inditum fuerit, cum in Augustinianos Eremitas, sicuti memoravi, recipere-tur. Nos natale nomen retinendum esse putavimus ideo, quia in Francisci Sfortiae litteris, quas ad fratrem Archiepiscopum ipse perscriberet, reperimus id non esse mutatum.

C Successerat huic, sive Carolo, sive Gabrieli, Carolus alter Forolivienfis, quem Calixtus III. Pontifex Max. ex Celsiani Monasterii Abbate, ob litterarum & prudentiae laudem Populo Mediolanensi Pontificem dedit, ut famae quae secuta Sfortiam erat, novus Archiepiscopus, nominis, & vitae dignitate responderet. Sed breve Pontificatus spatium huic fuit. Stephanus Nardinus ab Paulo II. successor datus, in tertium usque & vigesimum annum Pontificatum extendit, unde & major ei fama, cursusque rerum, & vivendi spatio plus etiam honoris venit. Namque ab Sixto IV. Cardinalis factus, auctusque Sacerdotiis, munificentiae instrumenta large habuit erga cives, & erga Metropolim, quae publicis operibus ab eo exornata memoriam ipsius inter nominis Ambrosiani conditores alios parentisque conservat. Exstruxit ad D. Pauli compitum aedes, eamque juri inter Ecclesiasticos homines dicundo aperuit sedem. Alias extra portam Tonsam aedes una cum hortis emit, quae Archiepiscopo Mediolanensi suburbanum essent. Condidit Romae Collegium, ejusque dispensationem & jus omne legavit eidem Archiepiscopo, ut ejus nutu arbitrioque pauperes adolescentes erudiendi litteris illuc admitterentur. Collegium Nardinum hodie nuncupatur, ex cognomine fundatoris, manetque jus Archiepiscopo Mediolanensi quemadmodum Cardinalis ille voluerat. Multum pretiosae vestis idem ad sacra facienda, conchiliatosque tapetes, & aurea textilia Templo maximo donavit: detrita quidem usu & obsoleta prope jam omnia, sed titulus & gratia largitoris aeternum durat. Ritu quoque sacrorum instaurator idem fuit, cum in Ecclesiae caeremoniis magna labes facta esset ob superiorum temporum incommoda, quae demonstravi: & anniversarias tridui supplicationes ab Archiepiscopo Lazaro sanctae memoriae viro olim institutas renovavit, postquam pia illa consuetudo, absumptis etiam supplicationum ipsarum codicibus, intermitteri coepta erat. Archiepiscopus hic Cardinalisque Nardinus Mediolani sedebat, cum Galeacius Sfortia Francisci F. extincto patre, imperium urbis, quod ille virtute partum amplificarat, regebat dispari animo, ut mox una cum vita infelicissime amitteret.

F Neque erit alienum explicare, quae vita, qui mores fuerint huic Principi, quandoquidem nimis notum hoc manifestumque est, omnem Reipublicae formam atque conditionem ex eorum semper moribus & animi conditione pendere suspensam, qui profana moderantur ac tenent. Sic saepe, & justus pudicusque Princeps florentem in Urbe nostra Pontificatum dedit, & afflictas Pontificum res ad flagitia referri Principum potuere.

Fuit Galeacius hic intemperanter ac misere deditus

libidini, qua multas illustres domos dehoneſtabat, alliendo feminarum alias ipſa Principatus vi, ſpecieque, cui per dedecus etiam ſuum gratificari nobilitas aliquando amat, aliis flagitii mercedem offerendo, quantam accepiſſe, ne ingenuae quidem illiberale ſibi fore arbitrantur. Sed illud novae cujuſdam ac pene furioſae libidinis in hoc Principe fuit, quod feminas eaſdem, quas ipſe ſupro vel adulterio temeraſſet, prostituēbat etiam libidini ſuorum, quo plus ignominiae domum referrent. Par huic intemperantiae crudelitas fuit, cujus exempla haec traduntur: Clericus Mediolani quidam erat, praedicere futura aſſuetus, ejuſque rei famam adeptus rerum aliquot eventu, quae forte ita acciderant ſicut ipſe vaticinatus fuiſſet. Hunc ad ſe accerſitum Galeacius interrogat, quae vitae ac imperii ſpatia manere ſibi adhuc putet? Vates enim vero nihil cunctatus undecimum annum canit, eumque menſibus aliquot fore diminutum aſſeruat. Pretium vaticinio fuit, ut carcere clauſum necaret fame, cogeretque uti foedis alimentis donec exhaustum omni penitus humore corpus ea quoque denegavit. Alium quemdam leviter offeſus incluſit in caſam, ſepeliitque vivum: exſecuit aliis genitalia: & alium, qui intra ſepta obvium forte leporem ſuſtulerat, mandere praedam eam, & ſolidum vorare animal coegit: eaque funeſta ludibria fiebant hominum vitae. Sed & multae Regiae artes erant ei: ſtudia litterarum, liberalitas in Aulae ſplendore, pietas in ornandis templis, & niſi lubrica aetas, facilisque ad offeſionem animus laceſſeretur, Mediolanenſes ſub eo Principe non peſſime agebant. Trigefimum tertium aetatis annum ingrediebatur, cum viri nobiles conjuratione facta eum interfecere, caſumque referemus, etiam hoc ipſo notabilem, quod inter ſoleſſia auguſtiſſimi Sacri in Divi Stephani Protomartyris Aede Princeps interfectus eſt, & ſacri homines immixti fuere negotio, quo rem univerſam perturbari Mediolanenſem illa aetas vidit. Cum igitur ille, ſublata per dolum, ſicuti creditum eſt, matre, diſponendis imperii rebus vagatus aliquamdiu per urbes eſſet, conſtiterat forte Viglevani: inde ad ſoleſſia Chriſti natalium celebranda venire Mediolanum in animo habebat. Sed prodigia deterrebant: ſtellae crinitae ſanguineus primo horror, deinde, intempeſta nocte accenſus intra cubiculum ignis, & interiore ſenſu ferebatur interdum eo, ne Mediolanum veniret. Urgente hora, quae, poſt eventum, vana interpretatione vulgi fatalem neceſſitatem habuiſſe credita eſt, itineri tradit ſeſe, atque Mediolanum venire ad paratam ſibi necem pergit. Poſtquam aliquantum viae proceſſerat, foedum augurium ſupra caput apparuere treis corvi crocitanter, neque abſcedentes uſquam, permotuſque Princeps etiam in augurium illud ira, balliſtam popoſcit, ac coepit vānos dirigere ictus in Coelum, quaſi conſixurus immundas aves & quidquid augurio illo portenderetur. Suſtinuit inde equum abominans iter illud, ac retro vertebat curſum, niſi latens in occulto neceſſitas & fortuna conjuratorum, ſicuti nonnulli credidere, pergere utique coegit. Ita praeceps Mediolanum actus ipſo D. Thomae pervigilio, primo ſtatim adventu ipſe ſibi funeſtum ac triſte augurium fecit. Cum enim muſicae artiſt homines magnis undique ſtipendiis conductos haberet ad triginta, cohortem eam delicias fere ſuas feſto Apoſtoli die juſſit in pulla veſte apparere ſibi: eaque divination quaedam inſuper animi praefagientis habita eſt, quod muſicis mandavit iſdem, ut arte ſua modularentur hunc verſiculum canerentque quotidie: **MARIA MATER GRATIAE, MATER MISERICORDIAE, TU NOS AB HOSTE PROTEGE, ET HORA MORTIS SUSCIPE.** Per haec ſui finis praefagia Galeacius tendebat in funeſtum ſibi diem, aliaque fecit etiam aut dixit, quae cum fierent aut dicerentur, temere accepta, ubi caſus advenit, cuncta illuc referebantur.

Namque, ut Natalis Chriſti dies illuxit, ſummo mane, domeſticum ſacellum ingreſſus, quam religioſiſſime interfuit rei divinae, eaque triplici litatione peracta, coepit in amicorum congreſſu extollere ſuae Domus

A fortunam, & opes, & quemadmodum ea pluribus munimentis inſiſteret, paratque in ſaecula heredes eſſent. Eſſe in Domo ſex fratres egregia juvenia, parvuloſque filios, & foecunda matrimonia, qualia videns Franciſcus pater ſummopere lactaretur ſi tollere ab tumultu oculos, domumque conſpicere ſic florentem poſſet. Ea cum dixiſſet deſtinatus neci Galeacius, epulatus deinde hilare prodiit in campum, accipitrumque volatu ſeſe oblectavit, ut extremum illud fruere tur uſura coeli. Die, qui Sancti Stephani memoriam recalebat, proditurus ad Protomartyris Aedem, thoraca popoſcit, & cum allatum induiſſet, abiecit, grave geſtamen adſpernat. Anteceſſerat Galeacii juſſu domeſticus Aedituus cum regali Sacrorum apparatu: rem divinam Brandaſtelleoneus Episcopus Comi facturus erat. Is miſſo ad Principem nuntio, valetudinem, ſive quippiam aliud excuſavit, quo minus eum diem, idque munus obire poſſet. Princeps tamen nihil mutato conſilio prodiit uti deſtinat: annotatumque eſt, in egreſſu non potuiſſe ipſum ſatiari oſculando & amplectendo parvulos filios, quae ferme vaticinatio ultimi digreſſus habetur. Egreditur ex Jovis arce turbato conſuſoque vultu, cingentibus latera duobus legatis, Ferrarienſe & Mantuano, quorum uterque Mediolani tunc apud Sfortiam agebant. Cum ad Petram, quae Petra Innocentum dicitur, perveniſſent, conjurati duo, Joannes Andreas, & Hieronymus, ad dextram ille Templi partem, hic ad ſiniſtram, conſtitere, quaefitaque ſpecie tamquam ſummovere turbam vellent, propius ad Principem accereſcere. Prior Andreas impetum facit, duosque lethales ictus direxit, in ventrem unum, alterum in guttur. Mox Hieronymus addit vulnera, exanimemque aggreſſi caeteri ſingulis plagis affecere. Nulla vox morientis audita eſt, niſi quod Deiparam Virginem, bis terve invocavit. Fit ad eum caſum toto Templo tumultus & clamor. Parricidae, ne quidquam effugio, comprehenſi, & meritis ſuppliciis affecti ſunt. Andreā Maurus quidam ex iſſimo Principis ſamulatu, in Templo ipſo adeptus obtruncavit. Secta in partes corpora ad portas urbis abjecta oſtentui: Andreae Lampugnani cadaver coeno lapidibusque inceſſantes pueri raptare per urbem. Hieronymus egregia conſtantia finem ſuum nobilitavit. Namque ſub carnificis manu, & carmina quaedam haud inconcinne eſt modulatus, & labantem ſibi animum increpuit. Is etiam omnia conjurationis conſilia caſusque in eo negotio ſuos ſcriptis publice litteris intrepidus memoravit, earumque litterarum ſententia fuit huiusmodi: Reputantem ſeſe libidines & ſcelera Galeacii Principis, ac de temporum calamitate cum Andrea Lampugnano ſaepe colloquentem, interficiendi illius conjurationem feciſſe. Ac primo quidem, ambigua quaedam & ſuſpenſa verba de ea re jacientes, ut fiduciam viciffim indiderint animis, apertius mox atque liberius contuliſſe omnia, quae ad tanti facinoris exitum pertinerent. Aſſumpſiſſe in conſilii ſocietatem Carolum etiam Vicecomitem, praesentis animi virum, & magnopere inſenſum Galeacio, ob quaſdam cum Episcopo Comenſe lites, & rerum earum cauſa, quae res ſuper Miramundi Abbacia, ſive Sacerdotio in controverſiam vocabantur. Delectum fuiſſe patranda neci ſacrum illum D. Stephano diem, vel ſi eo die non ſucceſſiſſet, quemlibet alium, prout occaſio Principem opportunum dediſſet. Juratum inter ipſos fuiſſe ſanctiſſimum juſjurandum, ut ſumma ope tegerent rem, auxilioque mutuo ad ſpiritum uſque extremum ad eam exſequendam adeſſent. Quaererent ſibi ſocios gerendae rei quoſcumque poſſent, neque in eo parcerent pecuniae invitamentisve ullis, quibus allici homines in pulcherrimi facinoris ſocietatem poſſent. Fuiſſe Andreae Lampugnani aedes receptaculum ſedemque conjurationi: ibi coetibus habitis conſilia omnia diſpoſita & agitata: incipiendae rei ac praeparandae ordinem hunc fuiſſe compoſitum, ut cum Princeps ipſe Mediolanum veniſſet, oblatiſ ei tribus aureorum millibus, ipſius auctoritate, Sacerdotii Miramundi poſſeſſionem adirent. Perſpeciem ejus adeundae poſſeſſionis,

nis, comparata armatorum manu tamquam adversus Novocomensem Episcopum quicum lis & controversia erat, averterent omnem ab se suspensionem, & conditam facinori diem opperirentur. His ita constitutis, convenisse in Ambrosianos hortos, velut animi gratia, atque ibi novo inter se sacramento esse obligatos, ut qui ipsorum a conjunctionis fide descivisset, sacrum ejus caput infameque esset, eumque caeteri pro patriae hoste haberent. Persequens inde caetera, scriptum ita edidit: Ego, post firmatam in Ambrosianis hortis foederis fidem ingressus Aedem ipsam Ambrosianam, abjeci me ad Sancti Pontificis effigiem, atque ibi sum precatus in hunc modum: Magne Pater Ambrosi, columen urbis hujus, & spes, praesidiumque Populi Mediolanensis: si tibi cordi est id quod liberandae Patriae causae civis alumniue ingredimur, ad sis propitio Numine ad magni facinoris pericula casusque, per quos eundem est nobis, ut Tyrannidem hinc, & impuritatem, & monstra libidinum arceamus. Haec precatus, ad socios meos revertor, jubeoque bono animo esse omnes, affirmans factum esse me alacriorem posteaquam Tutelarem Urbis in negotii partem advocarim, idque laetissimi exitus vaticinium propono. Per aliquot inde dies exercebamur digladiando inter nos, & agilitatem corporum imaginemque periculi experiendo quod adiuri eramus. Septimo ante Christi Natalem die, novo & ultimo sacramento fidem obstrinximus in ea quae constituta prius inter nos erant, hocque amplius addidimus, ut si contingeret, aliquem nostrum ante conditam diem in morbum incidere, vel comprehendere, caeteri nihilominus destinata exsequerentur. Ab hoc sacramento seorsim egimus, aliusque alio dilapsi ambulavimus per fora, per vias, eo consilio, eaque arte, ut si qui nostros antea fortasse coetus curiose notassent, iis etiam dissociati cerneremur, recitationemque illam ex hominum animis tolleremus. Vagati in hunc modum urbe tota, & obversati oculis eorum, quos nostrae societatis posse esse memores arbitraremur, ad sextam noctis horam, quae nox D. Stephani diem antecessit, congregamur tamquam haud amplius futuri una. In extremo illo conventu data rursus fide definitivimus quam horam ingredien- di Templum observaremus, quamve ibi quisque partem cape- remus, aliaque momenta peragenda rei, prout in ipso tem- poris articulo multi fortuiti casus admonere possent. Summo mane Templum ingressi supplicavimus D. Stephano, ut pul- cherrimo operi, quod in ipsius Aede patrandum foret, vellet adesse, neve indignaretur contaminari sua templa caedis ejus sanguine, quae urbem & patriam hanc liberatura esset. In id composita precatio erat a Carolo Vicecomite, quam reci- tavimus una cum precibus aliis, sicuti descriptae in rituali- bus libris exstant Protomartyri invocando. Post eas precatio- nes interfuimus etiam rei Divinae, quae peracta Barengonem Archipresbyterum Basilicae illius ego appellavi ut mihi claves aedium suarum daret, quibus acceptis ego rursus abii domum meam, ut mox in Archipresbyteri aedes abderem me, atque ibi socios expectarem. Archipresbyter autem Barengo, qui mihi claves dedit, neque quid pararem interrogavit, neque antea fuerat in ulla parte consilii, nisi quod exposulantem aliquando me de conditione temporum audivisset, & restrin- gendo humeros comprobare querimoniam erat visus. Acceptis clavibus, & ordinatis domi meae quibusdam, Archipres- byteri domum ingredior. Mecum erant quatuor socii consilii. Mox Andreas & Carolus ingrediuntur. Cum ibi ante focum sederemus, sensimus venire Principem, ac protinus ingressi Templum edidimus in eum exempla-, quae meditati era- mus, jacetque nunc ille rerum humanarum exemplum ob sae- vitiam & libidines suas. Interfecto Principe, & excitato tumultu, quantum rei atrocitas potuit excitare, caeteri qui- dem conjurati comprehensi sunt aut interfecti: ego vero elapsus ad paternas meas aedes aufugi. Saevus inhumanusque pater, quia dixeram interfectum esse Principem, meque interfectori- bus, non quidem socium, sed amicum fuisse addideram, oblitus ingenitae erga filios caritatis, increpitum verbis atro- cibus expellit domo, ultimaque interminatur, si ibi consistere ausim. Tunc ego trepidus anxiusque proximo diverticulo in Dominici Calcaterrae aedes transgredior, atque ibi in sum- mam aedium illarum contignationem, tectum inter & la- quearia perductus a mulierculis & ancillis, quae sortem meam deslebant, aliquamdiu delitui. Mox, pater, &

A Dominicus ipse Calcaterra, ut comperere esse me ibi abscondi- tum, exturbant inde, atque conviciis oneratum, suis ipso- rum manibus interficiendum esse comminantur, si circum ea limina amplius deprehendar. At mater mea, Parocho no- strae viciniae accersito, rogat hominem, ut si quo pacto possit, abducat me & servet. Is allato confestim ornatu, qui Cleri- corum ad sacra ministeria quotidianus est, in ea veste me do- mum suam abducit, digrediturque ipse ad negotia sua, ac me domi solum relinquit. Ibi ego variis sollicitudinibus aestuans, in animo habebam, proximae noctis silentio exsurgere, atque assumtis mecum aliquot idoneis hominibus vocare plebem ad diripiendas aedes Simonetae, Joannis Boti, & Francisci Lucani, quos esse populo praecipue invisos sciebam. Tota hinc turbata & concitata civitate, consilium erat, spe domina- tionis ac libertatis erigere potentissimum quemque, ita rem facile fore effectam arbitrabar, cujus rei causa ipsum interfi- ciendi Principis facinus aggressi eramus. Postquam ea senten- tia stetit, coepi recensere animo omnes, quod ad eam rem posse mihi esse adjumento arbitrarer, & Barengonem praeser- tim Archipresbyterum sum scripto cohortatus, ut capeffere una mecum liberandae Patriae gloriam vellet, propterea quod esse mihi avidus famae & divitiarum videbatur. Sed cum pe- netrarent in Parochi domum ex via clamores eorum, qui An- drae Lampugnani lacerum corpus trahabant, perfusus horrore attonitusque steti, neque animus ultra mihi suppetebat. Au- ctus est mihi terror, quia Parocho absente, venire illuc satel- lites, & magno cum tumultu perscrutantes omnia, suspectam intuitamque mihi latebram eam fecerunt, in qua Parochus ipse me collocarat. Ex eo die, pavens tremensque, & rerum omnium incertus, ad diem usque Sabbatum egi, eoque die, appetentibus tenebris compositus in bajuli formam sublata in humeros culcitra ad Philippi Marescotti aedes processit, qui tonstrinam faciebat. Inde minaciter & contumeliose ejectus: errabundo magis quam destinato gressu ad Gabrielem Floren- num deveni, qui me humanissime acceptum abdidit in occul- tissimam tecti sui partem, atque ibi fui donec hora mihi exi- tialis adveniret. Nunc sanctissima Dei Mater, & te Prin- cept Bona, imploro, ut animae meae salutem vestra clemen- tia, & benignitate respicere velitis, tantumque vigoris huic miserrimo corpori relinquere, quantum necesse erit, ut pecca- ta me arite confiteri possim. Haec sententia litterarum fuit, quas Hieronymus ille nequidquam profugus in tristissimo illo ac pleno desperationis tempore scripsit. Magistratu- tum jussu, nullo tam effusae confessionis pretio, nisi ut pie moriendi facultatem impetraret.

Caeterum, nos in referenda hujusmodi litterarum serie, barbariem quidem removimus eam, quae trepidantis in ultima necessitate auctoris fuit, subjecimus autem alia verba, quae nihil immutarent sententiam, & historico opere digna essent.

Lacerum vulneribus corpus Principis in vestibulo Templi collocatum est, eoque Bona uxor Babylonici operis vestem misit in qua humari se Galeacius mandarar si quis etiam repentinus casus ipsum abstulisset. Magnus hinc in urbe tumultus erat, & Itali Principes interfecto Sfortia, suas quique spes agitabant. Pontifex Maxi- mus, audita nece: Hodie, inquit, Italiae pacem amisimus. Adeo commota esse omnia adparebat.

Mox tamen sedato per urbem tumultu, Galeacioque filio in Patris fortunam & nomen assumpto, factum est id quod in omni fere Principum mutatione fieri solet, ut nimirum de publici servitii conditione nihil mutaretur. Et exsequiae tam invisi Principis omnium ordinum fre- quentia cohonestatae cum doloris etiam imitamentis, corpusque in templum maximum tumultu majorum illa- tum. Ibi novus Princeps coronatur nemine omnium re- pugnante, & quasi remunerans meritum ille multos ex nobilitate Mediolanensi Equites appellavit. Venere Principum legati ad consolandum eum, ob casum Pa- tris, ac Pontifex ipse Max. suam in id legationem mi- sit. Erat postea puer Sfortia sub tutoribus, quorum in- ter ipsos diffidia populum Mediolanensem affligere novis cladibus, sicuti memorabo: veteraque factionum certa- mina pars mihi Operis erunt. Erat inter tutores Bona, Principis mater faulrix acerrima Gibellinorum adversus Guelfos, quae prope jam oblitterata nomina muliebribus

stimulis rursus excitabantur. Gibellinarum partium erat Coecus Simoneta, tutorum unus, magnopere infensus Longhignanae illi, quem Franciscus Sfortia praefecerat arci, iusseratque ibi summam habere potestatem omnium rerum. Hunc potentiae aemulum, & alioqui etiam inimicum exturbare Simoneta cum destinalet, facile persuadet Bonae, ut dejecto eo, praefectus potius alius imponeretur arci, quod protinus factum discordiarum in urbe molem concivit, sacraque & profana id malum sensere. Simoneta ipse Longhignanae vicissim artibus evertitur atque conjicitur in vincula plectiturque capite, quae magna clades Reipublicae totius fuit, amisso custode ac defensore, qualis ille per omne tempus fuerat. Et traxit illius calamitas omnis, qui consiliis ipsius aliquo modo permixti fuerant: unde miseranda inter eas turbas Reipublicae Mediolanensis solitudo, cum ii, qui soliti erant eam protegere ac tueri, circumventi ipsi ab inimicis jacerent. Simonetae finem tradi nostris litteris, postulant ingentia ipsius erga Urbem merita, & conspiratio atrox, qua vir tantus cecidit.

Impositum vehiculo una cum fratre clarissimo viro, Ticinum asportare quibus id negotii ab adversa factione mandatum erat. Ibi per aliquot dies saeva custodia est habitus, donec tollendi hominis consilia inirentur, omneque machinamentum in caput insontis perfidia inimicorum expediret. Postquam matura parataque omnia fuere, mittitur ab Mediolano forense ministerium, empti iudices, testesque falsi, & apta meditato facinori scribarum manus: seriem quoque quaestionis, & responsa Rei merita necem commenti ultro attulerant secum. Producto Simoneta & interrogato, species & forma iudicii effingitur: nec ultra dolis opus fuit. Veneranda canitie senex, qui sancte atque innocenter vixerat, cujus plurima & gravissima merita in Urbem Principatumque exstabant, capite plectitur, corpusque tanti viri tamquam ob infandum scelus ostentui abjectum piorum cura sepelitur intra claustra Monasterii D. Apollinaris: eique funeri maximum ornamentum publica moestitia fuit, & querelae quamvis premerentur, passim tamen erumpabant in eos, quorum dolo Simoneta everfus foret. Tempora non inerudita erant, ideoque carmina sunt addita tumulo, quorum auctor incertus, sententia haec fuit: Coecum Simonetam, ideo quia res Infubrum iuste atque cum fide administraret, abscisso capite ibi esse sepultum. Sibi quidem Coeco nomen fuisse: caeterum, dum viveret, vidisse multa, quae caeteri non vidissent: & patriam ipso ablato coecam in posterum fore. Se quidem extinctum esse ob fidem: sed gloriam deberi nomini suo, quia maluerit vita carere, quam fide.

Post Simonetae huius finem, Joannes frater magnae etiam ipse religionis vir, & praecipuum afflictis Reipublicae rebus momentum, in exilium pellitur. Archiepiscopum Mediolanensem hoc tempore reperio cum exercitu adversus Sabaudiae Ducem exisse armatum eo consilio, ut Sabaudum exueret omni imperio, idque totidem verbis Corius tradit. Capta Vercellarum urbe fusum ac fugatum refert. Id cuiusmodi sit, explicare non possum. Quomodo enim haberet exercitum Archiepiscopus in aliena urbe, manente Sfortiarum dominatu, amissa jam pridem potentia quae Pontifices hosce, Principum & Regum prope instar olim armarat? Nisi si fortasse, Galeacio interfecto, pupillo dominante, inter rudimentum puerilis imperii, muliebremque tutelam Archiepiscopus quoque fuit in parte Principatus, & bella gessit alienis armis.

Exarsit deinde aliud longe atrocius bellum, quo tota Italia perturbata est, profanisque simul & Ecclesiastici Principes in ea arma coorti perniciem sibi mutuam quaerebant. Ab una parte Pontifex Max. Venetique & Genueses, ab altera Ferdinandus Caesar, Sfortiaque & Respublica Florentinorum stetit. Causa belli fuit, quod Veneti offensi variis modis ab Estense, ulcisci injurias voluere, totamque sua ira in partes Italiam diduxerunt. Pro Galeacio puero rem Mediolanensem Ludovicus, patruus illius administrabat ablegato Ferrariam Ascanio fratre, qui deinde Cardinalis fuit. Post varias clades,

A pace cum Venetis facta, etiam inter Sfortias sublatae similitudines: Ascaniusque Mediolanum illustri fratris gratia reductus, cum rupta prius custodia sese ad Venetum hostem adjunxisset. Intestina simul & externa mala quievissent videbantur: nec sane Mediolani floridior umquam status omnium rerum: totque jam exhaustae calamitates felicitatis cumulo compensabantur. Principes omnium disciplinarum viri excitati magnitudine praemiorum undique confluebant in hanc urbem. Latinae pariter & Graecae litterae, velut sua in sede constiterant hic, carmineque & soluta oratione genus utrumque exercebatur, & super omnia, musici homines suavitate canendi coelestes choros praeferebant: civiliumque artium cultus etiam ad publicae rei disciplinam redundabat, & valde jam erudita nobilitas Urbis maiestatem tuebatur. Nimirum, ex magna perturbatione ad summum evecta sic publica felicitas erat, ut more omnium humanarum rerum retro status ille volveretur, temporaque etiam funestiora redirent. Ac sicuti tranquillitate Reipublicae, florentibusque Principum rebus, Ecclesiae quoque securitas & florentissimae Pontificum res comprehensae fuerant, ita bella rursus & publicae clades Metropoli vastitatem attulere.

Quomodo rerum turbandarum initia sint exorta, memorabo, prout temporum eorum monumenta prodidere.

C Ludovicus Sfortia, Galeacii patruus, aetate Principis, & Tutoris jure sic abutebatur, ut nomen & umbra Mediolanensis Imperii tantummodo penes Galeacium esset, vis & robur omne penes ipsum haberetur. Neque contentus eo, vir alioqui magnus & iustus, adultum jam Principem redegerat in tantas angustias, ut etiam alimenta quotidiana ille desideraret. Isabella Alphonfi Neapolitani Regis filia, huic nupta Galeacio erat, femina ingentis animi, quae potius indignaretur, quod ex Regia in minorem domum enupsisset, quam ut in ea domo Imperium alterius pateretur aequo animo. Haec igitur minime ferens indignitates, quae ferendae erant, dum patris violentia rem in se universam trahit, litteras dedit ad Patrem Regem, quarum sententia fuit huiusmodi: Aliquot jam esse annos, cum Galeacio Sfortiae nupserit in eam spem, ut postquam ille adolevisset, haberet maritus sui patris imperium, ipsaque Mediolani Ducis uxor diceretur, & viveret cum eo splendore, qui Regia stirpe ortam deceret. Sed maritum quidem, & virum jam esse, & patrem: Imperium vero penes eum manere, qui tutoris & patris vocabulo premat indigno servitio legitimus heredes, ut ipse dominetur. Jam eo deventum esse, ut etiam quotidiano cultui necessaria maligne suppeditentur: splendorem omnem in patris aulam commigrasse: inde leges, inde etiam responsa divini juris peti. Magistratus omnes eum mandare quibus velit, thesauros, & fiscum, & exercitus, & vitae necisque potestatem illius arbitrii facta: Galeacium veluti servum in aliena domo cum uxore parvisque liberis degere.

D Quin etiam, Ludovicum hunc praesenti dominatione minime contentum, in posterum etiam suos eandem velle transferre, ac ne id cuiquam possit esse dubium, filium, quem nuper suscepit, Ticini Comitem destinari manifesta Imperii Mediolanensis praerogativa. Puerperam, quae partum eum enixa sit, omnibus publice privatimque cultam officiis, quae Regiam eam adulatione omnium facerent. Ad partus suos moveri neminem, tamquam si vernae nascerentur. Et in tantis injuriis acerbissimum esse illud, quod insidiarum metu assidue trepidet animus, variaeque sollicitudinum formae semper obversentur, quales expectatio mortis afferre consuevit: *Non sibi deesse Regios spiritus, & aptam dominationi indolem: studia quoque populorum & favorem adesse, sed caetera omnia respicere nutum arbitriumque illius cujus violentia opprimantur.* Nunc te, pater, inquit, imploro, ut si quid erga me paterni sensus retines, si me tuo sanguine ortam credis, sortem hanc meam iniquam respicias, neque esse me ultra cum viro servitiae alienae ludibrium sinas.

E Adhuc ea spe sustentati sumus, quod fore tibi curae salutem nostram crederemus: si ea spes nunc deficiat, potius manu nostra finem inveniemus, quam ut in perpetuo servitio degamus vitam.

Com-

Commoverant haec Alphonfi Regis animum, atque communicatis inter se consiliis Aragonenses, lenibus prius experiri remediis statuerunt, quam bellorum discrimini committerent rem. Oratores duo Mediolanum illico destinati, privatim apud Ascanium Cardinalem, in cuius manu & potestate res Metropolitana tunc posita erat, multa de Isabellae querimoniis egerunt, publice apud Ludovicum haec disseruisse feruntur: *Legati Regis Alphonfi venimus ad te, Ludovice Sfortia, primum ut gratias tibi ageremus, quod non prudenter atque integre modo Mediolanense imperium administraveris, sed maiestatem etiam ejus, quae erat omnis amissa, recuperaveris, ut Galeacio jam adulto majus id auctiusque traderetur. Res Metropolitana constituta tuis consiliis florentior nunc ampliorque est quam olim fuit. Civilium rerum status fruitur alta pace, & pars utraque alterius vicissim ope sustentatur ac floret. Externa quoque & longinqua composuisti. Helvetios domuisti: Estensem ab Venetorum injuria conatibusque defendisti: Genuesem coegisti quietem optare sub imperio, quod prius abnuent: Catharinam Sfortiam in patriae fortunae sedem restituiisti: Ascanium fratrem splendore prudentiaeque tua produxisti ad sacrum honorem, qui Maiestati Regum aequiparatur. Tot templa a fundamentis erecta testantur pietatum liberalitatemque tuam, alioque omni urbis ornatu & magnificentia publicorum operum veteres Romanos aequasti. Atque ut Sfortiarum nomen & fama per omnes terras cum immortalis gloria propagaretur, adjuvendum Christi Liberantis tumulum trecenta millia nummum aureorum attribuisti religiosi hominibus, qui ibi inter barbaros degunt. Vere aestimantibus, conditor imperii Mediolanensis, & Sfortiacae familiae Princeps ac Parens in omne deinceps aevum nuncupabere qui tam gloriose ac praeclare tutelam gesseris. Sed ita demum gloria lausque consequetur istam imperii administrationem & ista haec inclyta facta, si extrema illa ignominia aberit, ut denegatum esse depositum dicatur, sicuti quidem adhuc legitimi heredis querela est. Jam Galeacius robustis viribus animi corporisque adolevit, & queritur sub tutore adhuc se esse, neque tam ob dominandi cupidinem Regio animo insitam, quam vetercundia famae si deesse ei Regium animum mentemque paternae hereditatis capacem arbitrari homines possint. Jam enim ea opinio multorum animis insedit ex eo, quod natu grandem in nulla parte dominationis vident. Non benevolentia tua paternave cura, sed tarditate illius id fieri existimant. Quamobrem a te petit Rex, ut tradere Juveni imperium velis, lubricumque aetatis illius corrigere si qua in re labantem videbis. Id profecto gloriosius tibi erit, quam imperium ipsum tenuisse, meritoque Lycurgum populi Mediolanensis ob inclytam justitiam fama te omnis feret.*

Ludovicus, audita legatione, pauca magis in speciem composita & adornata respondit, quam de tradendo imperio quidquam in animo habebat, coeperatque statim parare omnia, quae ad bellum haud dubie imminens pertinerent. Et auxerat illi animos magna forte spes orta Pontificis Maximi obitu, cum ei successorem Ascanium Sfortiam Cardinalem fama destinaret, quae circa magnum illud divinae providentiae arcanum tumultuari suis consiliis atque ineptire amat. Si consentanea sermonibus hominum esset res, creareturque Sfortia Pontifex Max. haud dubitaret Ludovicus, quin opes habiturus esset tantas, quantas necesse esset habere, ut sese tueri adversus Regem posset. Divisa studia erant inter Ascanium hunc, & Cardinalem alium, qui Calixti fratris F. & treis deinde alios Pontifices Maximos varia fortuna emensus, omnium Romanarum rerum usu peritus, callidusque erat. Is, ut aemulum Sfortiam amoveret, offert ei grandem pecuniae summam, opulentum praeterea Vicecancellariae munus, & magna quaedam alia pretia quiescendi. Sfortia quoque non incalliduserat: ac videns in parem se aemulo ad suffragiorum numerum fore, statuit accipere quae offerebantur, & donare, quod erat amissurus. Scilicet opes easdem fore sibi adjuvento, quandocumque vacua rursus Sede competitorem alium nancisceretur, qui gratiae vel potentiae minus haberet. Ita divinum negotium tractans humanis consiliis, omissa nunc spe atque negotiatione omni, favorem patresque suas ultro ad Cardinalem Borgiam inclinarat, in

A quem studia Patrum ferebantur. Mox tamen subierat animos, Hispani generis esse hominem, damnumque Italici nominis fore, si Romanae opes in id genus translatae essent. Subita mutatione voluntatum alienatis omnibus, in Sfortiam rursus, vel in quemvis alium ibatur. Borgia enim vero circumire, prensare singulos, polliceri quae cujusque animo esse aptissima existimaret: ac Sfortiae ante alios ipsi supplex obtestabatur, ne se ab summa spe praecipitem daret everteretque. Superatis in hunc modum difficultatibus, Borgia Princeps Sacrorum appellatur, novoque nomine Alexandrum VI. nuncupavere Patres, ignari, quem ille animum sub eo magno nomine occultaret. Et Ascanius quidem Sfortia Cardinalis, Ludovicusque frater ex magna spe depulsi in hunc modum erant. Bellum, quod urbis Reipublicaeque statum Mediolani turbaturum erat, ab hoste Rege summa vi apparabatur.

B Erat Neapoli Alexander Sfortia, Ludovicus frater ex pellice natus, & profugus ob dissidia cum fratre dominante metumque potentiae illius. Is ab hoste benigne acceptus in parte consiliorum habebatur, instigator simul & instrumentum gerendi belli, docebatque immunita & incustodita omnia sic esse Mediolani, ut bellum haberi pro confecto posset. Statim ubi Neapolitana signa conspecta essent, concursus ad Regem fore maximos: C nobilitatem universam & sacros homines, quae sit pars non spernenda Civitatis, pro juvene Galeacio contra Ludovicum impigre omnia exsecuturos. Adeo, & odisse violentiam hujus, & afflicto ac prodito illi favere. Gnara cuncta Ludovico erant & sua sponte suspicanti quid pararetur, & exploratoribus subinde indicantibus quidquid odorari sive expiscari poterant. Itaque, cum majorem aliquanto expectaret molem belli, quam quantam sustinere se posse confideret, Gallica in Italiam excire arma pessimo consilio decrevit. Ea postquam stetit sententia, dat litteras ad Carolum Galliae Regem, & congruentia litteris mandata suo apud eum Oratori, quibus ille permotus haud cunctanter capeffit bellum. Tracto in partes Gallo Ludovicus, ad majorem aliam curam adjecit animum, ut Maximiliani Caesaris auctoritate Mediolani Dux appellaretur, Erasmusque Scribam suum intimum in id legavit. Quo facilius impetraret a Caesare id quod volebat, Blancam Mariam fratris sui filiam in matrimonium ei offert. Accepta conditione, & inito Caesarem inter & Sfortiam foedere, Ludovicus Mediolani Dux appellatur, Gallicaque arma superfundebantur Italiae rebus allatura vastitatem Urbi, quanta vix antea fuisset umquam, sive post futura videretur.

E Anno millesimo nonagesimo quarto supra quadringentesimum, Carolus Galliae Rex magno exercitu Ticinum venit, ac prima ea calamitas Reipublicae Mediolanensis fuit, quod Sfortia, ut Gallo gratificaretur, ejusque animum sibi conciliaret, matronas aliquot gratissimum juveni munus misit, ac fama fuit, pulcherri- mas earum stupro cognitae Regi: unde illustrium domorum nota, magnumque dehonestamentum, donec sermones hominum consenescerent, & aliquibus memoria dedecoris in longum mansit.

F Id ego a scriptoribus eorum temporum relatum omittere non debui, ne viderer sedulo occultare quidquid aliquando accidisse nollemus, unde fides abrogaretur mihi quoties honesta & gloriosa memorarem. Et alioqui memoria calamitatis in patriae annalibus exstabat, quam exprobrare non possunt urbium aliarum cives in ipsorum reperturi monumentis etiam majora flagitia, quae licentia dominantium, cladesve bellorum invexerint.

Galeacius interim lenta correptus febris decumbebat haud sine occulta suspitione, subesse patrum dolum, & paulo post in mortui corpore signa veneni apparuerunt. Sed Ludovicus ipse avertendae suspitioni, omnibus erga supremam illius memoriam officiis fungitur, exsequial- que celebrari quam apparatissime jubet, quas ipse cohonestavit, & in funebri veste pauperum agmen traxit secum. Ticini diem suum obierat. Inde cadaver Mediolanum deportatur atque in Templo maximo sepelitur ap-

apparatu & pompa, quae Principem deceret. Antequam mandaretur humi corpus, jacuit in feretro diem unum scilicet uti contrectaretur omnium oculis, atque ut suspicio, quae multorum animis infederat, opprimeretur cum non esse repente subductum viderent. Ea ipsa res praeiuit sermonibus materiem, & querelae audiebantur. Caetera deinde peraguntur horribili dissimulatione, quam aulici, qui tunc erant homines Tiberii artibusaequavere. Nam simul atque peregit pietatis & moestitiae simulacra Ludovicus, civitasque suis erga mortuum Principem defuncta muneribus est, abdidit ille sese in arcem, & per dies aliquot abstinuit publico, tamquam adhuc moereret. Inde convocatis principibus Civitatis, in frequenti eorum conventu praefatus pauca de publica orbitate & moerore suo, dixit, erigendos esse animos ad Reipublicae curam, eligendumque ex Galeacii filiis, qui succederet in Patris fortunam, ac si praerogativam aetatis sequerentur, deberi Principatum Francisco, qui stirpis maximus esset. Parati erant qui sententiae huic adversarentur, & dixere, nequaquam id esse Reipublicae tempus, ut committi pueris deberet. Quin succederet ipse imperitandi vetus, efflagitatus Reipublicae voce, ab stirpe quoque iustus heres Imperii: ac ne recusaret, obsecrabant. Ita ille nihil sane cunctatus, in aurea veste alboque equo invehitur in urbem, ac sicuti priores usurparant, in Templo maximo supplex ad aram adorato Numine, praeiuit speciem legitime adeuntis Imperium, & plausit adulatio publica, Ducique acclamavit. Aes campanum ex aedium sacrarum turribus personuit, ut non civium modo consensu, sed Ecclesiae quoque gratulatione recipi Principem appareret. Non multo deinde post adfuere duo Caesaris legati ferentes litteras & mandata, quorum auctoritate Mediolani Dux coronaretur. Caeremonia coronationis huiusmodi fuit: Ad XIII. Kal. Junias, qui dies erat D. Feliciano sacer, in Templo maximo Dux & legati rei divinae interfuerunt, quae peracta, ad Templi valvas in celsissimo pegmate diplomata Caesaris recitantur. Insignia deinde Principatus prolata, & Episcoporum manu, qui aderant, ornatus Princeps stetit, plaudentibus in speciem cunctis, quamvis alte animis moererent, ob everfam Galeacii domum, & externis armis proditam Italiam, tantumque malorum ejus injuriae causa concitatum. Jason Mainus peritia Legum nactus famam, habitusque ea tempestate Jurisperitorum disertissimus, pauca de Ludovici laudibus, & novi Principatus felicitate peroravit magis in speciem ornata verbis, quam ut sentire crederetur. Ea peracta caeremonia, Princeps ad D. Ambrosii Aedem, cum magno Principum aliorum agmine processit, ibique supplicavit Tutelari Urbis: & ea simulacra pietatis, optima spe, ut in malis, confirmarent animos, fore ut sancte ac religiose Imperium ille administraret. Ab D. Ambrosii Aede Sfortia sese contulit in Arcem, atque ibi laetitia celebrata est ludis & epulis, tantamque magnificentiam nunquam antea conspectam fuisse Mediolani, omneis fatebantur.

Sed aggravabat, ut dixi, deformabatque omnia tristis Galeacii casus, & profuga cum parvis liberis uxor, quae fugiens lucem, ad spectumque hominum, Ticini in obscuro cubiculo clauferat sese violenta luctu & nescia tolerandi. Neque vero calamitas erat ea, quam tolerare muliebris animus posset, cum super mariti acerbam mortem, amissumque Principatum, Gallicis quoque armis, & inito adversus avum patremque foedere Neapolitanum Regnum infestaretur. Sed & Ludovicum ipsum infestae res appetebant quarum praesagium fuere nocturni ignes exorti supra arcem, statimque secuta est interpretatio: Sfortiarum genti exitium & finem imminere. Et coeperat ipse nihil laeti faustique expectare, postquam Beatrix uxor exanimem partum enixa cum doloribus acerbissimis mortua est, eodemque tempore treis ipsius filii decessere continuatis funeribus, quae funera non secus atque venturae cladis vaticinium accepta sunt. Sepulta est Beatrix in Templo Deiparae Virginis, cui cognomentum ex Gratiarum no-

A mine: memoriaque exstat, amplius quindecim millia nummum aureorum in id funus infumta esse. Per septem continuos dies in eo Templo super tumultum cecinere preces, actaeque ibi per totidem noctes excubiae. Dein dona ampla data, tum Templo ipsi D. Mariae Gratiarum, tum Templo Maximo cum ea precatione ac voto, ut mortuae Principis animae bene esset: poenaeque noxarum, si quas ipsa contraxisset, divina benignitate remitterentur. Dona autem ipsa quae data sunt, exstant descripta in annalibus quibusdam, praecipue haec: *Templo maximo frontalia duo aurea conchyliati coloris cum familiae insignibus: calices & pixides & alia sacris faciendis. Ad singula subjectarum civitatum Tempora, frontalia item bina ex holoserico violaceo, magnusque cerae numerus ad omnia Tempora Urbis, ut per omnes exsequiarum dies plurimis luminibus arae collucerent, atque in reliquum deinde etiam tempus ad Sacrorum usum cera suppeteret quibus parandi aliunde difficultas esset.*

B In D. Mariae Gratiarum Aedem atratus Sfortia per eos exsequiarum dies venit, & una cum eo legati Principum aut Regum & Rerumpublicarum, Hispanus, Venetus, Florentinus, Ferrariensis, Mantuanus, Urbinas, Bononiensis: & praeter legationes hasce, non minus splendida cohors Principum ac Dynastarum Imperii Mediolanensis, qui beneficiario jure oppida pargosse obtinerent. Ea cohors cum Principe Sfortia in Templo D. Mariae Gratiarum exsequias celebravit. Galeacius Sanseverinas, qui Blancam Ludovici filiam in matrimonio habebat, processit in Templum maximum, ubi tanto majore apparatu funebre sacrum fiebat, quanto plus ibi majestatis & opum, & Metropolitanis nominis splendor. Deduxere Sanseverinatem alii Principes annexi Sfortiarum domui, Magistratusque urbis, & legati Civitatum, & aula fere tota: Jurisconsulti praeterea & Medici & collegium omne mercatorum, & ex singulis urbis regionibus duodeni viri nobiles, quos invitari Princeps jussit. Togae omnibus erant pullae, isque funestus colos, Principis sumtu, toto Templo praetentus erat. Die, quo mortua Princeps erat, jejunium in aula fuit, & per totum deinde annum Sfortia dedit hoc moerori ac desiderio, ne accumberet umquam, sed stans vesceretur, totoque hoc tempore atratus fuit.

C Afcanius Sfortia Cardinalis hoc tempore, quae licentia fuit illius aevi, treis simul Ecclesias obtinebat: Mediolanensem nimirum hanc nostram, Ticinensemque, & Cremonensem, ingenti tunc potentia, quae nunc piaculum scelusque esset. Nimia ea potentia regnantis quoque Ludovico videbatur, ac coepit magnopere urgere Cardinalem, ut vel Mediolanensis Ecclesiae gubernacula omitteret, vel Cremonensem Ticinensemve Pontificatum abdicaret. Id ita petebat rogabatque Princeps, ut satisfaciendum esse fratri Cardinalis videret, ac si cunctaretur, vetera dissidia, & Ferrariense exilium documento erant. Potius quam ut alterutra minorum illarum deiceretur, omittere Mediolanensem hanc maluit, ac pro omni Metropoli tradidit ei Pontifex Maximus Ambrosiana vectigalia, quae ampla & opulenta quondam attributa Monachis, hoc tempore Cardinalibus assignari coepta erant, ut quae fuerant prius alimenta Monachorum, fierent Ecclesiae totius majestas & splendor. Id igitur Ambrosianum Sacerdotium Afcanius adeptus, primum omnium hanc curam suscepit, ut ipsius Monasterii mores disciplinamque constitueret, si quid forte corruptum ibi remissumve erat, atque impetrata in id a Pontifice Maximo facultate, instituit, ut in Monasterio Clarae Vallis Abbas Monasterii Mediolanensis eligeretur. Is Abbas Monachos triginta duos haberet, qui cum reliquo Cisterciensi Ordine corpus unum efficerent. Monachorum Ambrosianorum viginti Sacerdotes essent: reliqui ministrarent, & uteretur Ordo simul uterque legibus & institutis, quibus majores eorum usi essent tunc, cum res Ambrosiana sancta florensque habita esset. Pecuniae, quae superessent Monachorum alimentis hoc ordine ac descriptione dispensarentur: Quaternae quotannis ingenuae virgines cum honestis hominibus

ex ea pecunia collocarentur in matrimonio. Dos singulis earum centeni floreni nummi essent. Panis & vini tantum in pauperes anniversario die divideretur, quantum ducentis aureis nummis emi posset. Die Veneris in perpetuum aurei nummi singuli pauperibus singulis darentur. Anniversario D. Ambrosii die pauperes deni donati singulis vestimentis cum Abbate ipso accumberent, largique epulum daretur. Natali Christi Liberatoris die, qui pauperes ob aes alienum vineti attinerentur cujus alieni aeris summa ducentarum librarum esset, ea summa Monasterii sumptibus dissolveretur, captivisque demerentur vincula. In Monasterii aedificationem quotannis librae bis mille infunderentur. Haec omnia qui exsequeretur, Joannes Tuffignanus Abbas ab ipso Cardinale datus est, ac deinde Abbates alii legibus ejusmodi parvare, donec solita licentia quaedam oblitterarentur.

Et Cardinalis quidem Ascanius ad haec opera religionis attentus pie sancteque erga Patriam agebat: Ludovicus vero frater illigatus atroci bello, varia fortuna conflictabatur, & omnes belli clades Italiam vastabant. Haud fuerit alienum referre casum atrocem unius inclutae sapientiae viri, quem tempora illa in perniciem traxere, licet ad Mediolanensem Rempubicam ille communi tantum jure attinuerit ob rei magnitudinem, & novitatem.

Hieronymus Savonarola erat accerrimo ingenio, divinaeque Philosophiae profunditate adeptus nomen tamquam humanae mentis captum longe supergrederetur. Vitae quoque sanctimonia & severitate famam eam ipse adjuvabat, & cum in Sanctissimo Dominicano Ordine prope consensisset, ad Ordinis ejus disciplinam & instituta privatis suis exemplis addiderat, ut non alibi plus rigoris esse vulgo omneis ferrent. Vates quoque ille habitus jam in tantum auctoritatis pervenerat, ut quae illi futura praedixisset, pro certis ac praesentibus haberentur. Ibat undique ad eum, nuncupabaturque Sanctus, quia forte multa contigerant haud secus, quam ille ventura esse fuerat e superiore loco vaticinatus. Namque Gallorum in Italiam adventum, & Petri Medicacaejectionem ab eo praedicta mala comprobaverat eventus, aliaque tum in publicis, tum in privatis rebus erant pleraque sic gesta quemadmodum vaticinia Savonarolae hujus ferebantur. Ejecto Medicaeo, res Florentina per xx. selectos Viros administrabatur, idque regimen consensu Principum institutum satis prospere cadebat, cum Savonarola idem coepit publice denuntiare atque vaticinari, Reipublicae formam eam brevi tempore ad finem esse venturam, novumque Tyrannum parari: proinde si salvam esse patriam vellent, maturarent quam primum tollere imperium, quod publicae cladis semina originemque contineret. Haec aliaque vaticinando Savonarola pervicit, ut sublato xx. Virorum dominatu res ad populi potestatem redigeretur, quo impetrato arbitrio ipse rerum omnium erat, nec aliter, quam ad nutum voluntatemque ejus, munera omnia magistratusque demandabantur. Inde flagrantissima odiis materies, & unius hominis causa tota confestim civitas in duas factiones discessit. Partis unius caput erat Savonarola ipse, regebat alteram exortus Dominicano aemulus ex Franciscana familia, haud minus acer ingenio promptusque. Hominibus hisce parebat Civitas, & utrumque sequebantur sui, veniebantque ad eos nocturnis temporibus ut consultarent de Republica, & quidquid illi respondissent, tamquam ex oraculo quodam accipiebant. Certamen inter duos partium duces maximum erat, uter sanctior acceptiorque Divinitati haberetur, eoque certamine processere in tantum vanitatis, ut Franciscanus hanc Dominicano conditionem ferret: ut per flammam uterque transiret, atque sanctimoniae laus penes eum deinde esset qui evassisset intactus. Suberat illa tacita spes, fore ut prohibentibus suis, non timuisse periculum, sed periculo exemptus crederetur admiratione virtutis. Ita Savonarolam quotidianum convivio lacebat timidum diffidentemque & male sibi conscium increpans, qui committere sese discrimini non auderet. Savonarola, minime recusabat ille quidem, sed fore agebat, ut ambo cremarentur. Affe-

clae interim urgebant instabantque ne cederet adversario: fugam eam periculi, confessionem fore agnoscens falsa esse quae prius defendisset.

In eo discrimine, Savonarola distractus ancipiti cura, cum neque temere agere quidquam vellet, & defugisse experimentum, duceret famae sui nominis alienum ac damnosum, populi studia sumsit obtentui, tamquam intra Monasterii sui claustra inclusus obsessusque teneretur, ne tale periculum adiret. Et fuere, qui simulationi huic inservientes cingerent obsidione Templum Monasteriumque, atque egredi Magistrum prohiberent. Res demum excessit eo, ut insectantibus Savonarolam praecipue qui tamquam Ludovici Sfortiae amicum eum odebant, Pontifex Max. hominem igni cremandum damneret. Ita vir clarissimus, & ante tumultus eos innocens habitus, non miserabili solum, sed etiam ignominioso fine clausit vitam.

LIBER VII.

POPULUM Rempubicamque Mediolanensem interea suae calamitates lacerabant, versis in Sfortiam iisdem armis, quae ipse arma ad sui defensionem in Italiam acciverat. Cumque res Gallorum feliciter quotidie procederent, & uno victoriarum tenore jam illi regionem eam, quae trans Padum est, subegissent, trepidus Sfortia, Principes urbis convocavit, ut quid in tali tempore agendum esset, ex eorum sententia constitueret. Erant in eo conventu, praeter alios consilio auctoritateque Principes viros, Cardinales tres: Ascanius ipse Ludovici frater, Sanseverinas, & Estensis, qui Archiepiscopus urbis hoc tempore erat, & propter intimam cum Sfortiarum domo affinitatem, magnis etiam Imperii rebus miscebatur. Sanseverinas pariter affinis intimusque erat: Ascanius infensum sibi Pontificem Romae expertus, relicta ea urbe concors agebat fratri, paribusque cum eo consiliis administrabat rem. Hi cum adessent, Ludovicus sermonem eum est ingressus, ut diceret, se augentem bello rem Mediolanensem, atque propulsantem aliena pericula suis armis, repente, a quibus minime debebat, fuisse destitutum. Si sic pergant, haud dubitare, quin perdita profligataque omnia propediem in potestatem hostium ventura sint, ipseque cum tota domo profugus & extorris, humanarum rerum exemplum praebiturus. Urbem Mediolanum, & patriam communem hanc, & Metropolim Insubriae, Nomenque Ambrosianum in manu fore Gallorum, qui crudelius infestiusque quam ulli barbari vastare terram Italiam parent. Proinde orare, ut si mite suum justumque imperium semper experti fuerint, mitiusque etiam & liberalius in posterum sperent, ab ea fide ne descendant, quam jurejurando obstrinxerint sibi tunc, cum in Templi maximi celsissima Sede sit Mediolani Dux appellatus. Affirmavere omneis, donec sanguinis & virium quidquam superesset, impigre laturos opem, & pro salute imperioque tam bene meriti Principis ad extremum usque spiritum esse dimicatuuros. Id pro se quisque ostendebant atque profitebantur. Etiam fuere, qui descripta offerrent nomina paucorum, quibus ambigua fides, & prona in Gallum studia essent: monebantque Principem, ut eos coercendo, statueret exemplum vindicandae perfidiae, quo exemplo suspensi caeterorum animi res omittere novas cogerentur. Non tamen in eos animadversum est, quod bonitate Ludovici factum credidere quidam: alii Fati vim occultam obstitisse per levitatem agebant.

Antonius erat quidam Landrianus praecipua apud Ludovicum gratia, idemque summo inter cives odio, propterea quod, exigendo acerbis vestigalia, fundostetateque omnium, usque ad publicae immunitatis violationem, immodice onerando, privatorum fortunas afflixisset. Sed cum esset ille Principi acceptissimus, execrabantur magis eum homines, quam violare audebant. Hunc Simon Rigonus Gallicarum partium homo, ratus impedimento esse quo minus Sfortia Mediolano ejiceretur, tollere agitavit, adfuitque facinori fortuna, &

interfectus ab Rigone Landrianus, absque ulla funebri pompa post biduum in D. Petri templo, quod Benedictini Patres tuentur, est sepultus. Ejus hominis nece concidere penitus Ludovico animi, neque dubitatum est, quin res ea Sfortiam profligarit. Namque salvo Landriano, aut ipse Sfortia mansisset in arce, aut illum ibi constituisset, & varietates eae, quae versantur in bello, fortasse aliquod interea salutare momentum attulissent. Postquam ille cecidit, pavens tremensque Sfortia, convocatis Primoribus ex universa nobilitate populoque Mediolanensi, praesentem rerum statum majore quam antea querimonia demonstrat, obsecratque, ut debitam in omni fortuna Principi suo fidem tanto magis in eo rerum discrimine ad ultimum usque praestare velint. Mox ipse, compositis ad fugam rebus, sublatisque thesauris, & praemissis Comum filiis, proripere sese ex Gallorum manibus in Germaniam ad Caesarem parabat. In discessu, cum patriam, & fortunae suae sedem, Urbemque hanc relinqueret praedam hosti, non defuit infelix, & nihil profutura cura, qua disponderet alieni jam imperii negotia tutelamque ultimam. IV. Viros, in quorum prudentia & fide plurimum spei haberet, elegit, qui urbis & Imperii statum in media illa desperatione regerent ac tuerentur. Hi fuere, Hieronymus Landrianus, universi Humiliatorum Ordinis Antistes: Joannes Jacobus Castelloneus, Archiepiscopus Barri: Antonius Trivultius, Episcopus Comi: Franciscus Bernardinus, Vicecomes. Hi deinde ex principibus urbis eligere pari secum arbitrio & potestate octo alios debebant. In D. Mariae Aede, quae Rosa dicitur, pronuntiata sunt eorum nomina, quos IV. Viri ad afflictas patriae tutelam assumerent secum, princepsque omnium fuit Gibertus Borromaeus, ille ad cujus nomen procumbere veneratione legentes velim, sicut scribenti mihi procumbit inclinaturque pietate animus. Hic enim D. Caroli Avus fuit: ex hujus prodire stirpe post aliquot annos debebat unus homo, qui patriae nostrae salus, Orbi terrarum universo miraculum esset.

Caeterum, plenus fugae trepidationisque Sfortia, cum raptum hunc ex aliena injuria Principatum relinqueret, miserabile exemplum praebuit omnium rerum, quae in tali fortuna spectari possent, quarumve spectaculum humanus animus esse consuevit, ubi caligo desperationis & divini Judicii horror incessere. Restituit Angleriam & Aronam & castella alia Borromaeis, quae licentia dominatus occuparat infensus opibus & nobilitati Gentis, cujus gloriam in fastigii sui diminutionem accepisset. Aliis illustribus familiis illa damna compensavit large & effuse, nec tamen magna in vulgus fama, quia ruentis jam fortunae prodigus, & sera illa velut ex alieno liberalitas dicebatur. Sacra praecipue sensere ejusmodi munificentiam, missis raptim ad templa regalibus donis, & data pauperibus stipe, nec re omissa ulla, quae in tali tempore placamentum irae coelestis, blandimentumve civibus foret. Tunc Galeacii quoque domum, & uxorem, & prolem respexisse clementer est visus, tamquam calamitas ipsa evicisset animum ad misericordiam sui sanguinis, quem in secundis rebus opprimendo & abolendo, se ipsum everterat. Namque multis cum lacrymis amplexus Isabellam, rogare institit, ut Franciscum e filiis natu maximum ad sportandum secum in Germaniam Gallorumque violentiae subducendum daret. Quod abnuebat illa excusationibus variis: sed revera metus erat, ne raptor Imperii patruus, etiam Imperio amisso, heredem odisset velut exprobrantem infelicis injuriae dedecus, & quacumque incederet extorere agmen, commoturum iras adversus auctorem calamitatis.

Ille testatus Superos, cordi semper fuisse sibi Patriae hujus salutem, & commoda civium, & Metropolitanis nominis dignitatem, nec habere, quod Civitatis Populi quae mutuum erga se fidem, officiumve accusaret, profiteri non desistit & affirmare ultro, quemadmodum iratum sibi Numen agnosceret: ejus arcano judicio in illas miseras incidisse.

Pridie Cal. Septembris, inclinato in vespere die, egressus Arce speciem praebuit, tamquam recta No-

vocomum tenderet: ac sequente nobilium agmine cum aliquantum viae processisset, conversus ad eos: *Satis, inquit, haec officii est, redite jam ad lares vestros, & Patriam istam tuamini concordibus animis, ac estote memores nostri.* Credidere qui sequebantur, velle Principem vitata frequentia & celebritate properum expeditumque ire, ac nihil cunctati convertabant capita equorum, domumque abibant. Enim vero Sfortia, quamvis abundi certus, tardabatur patrii soli dulcedine, cogitabatque idemtidem, quanti discriminis foret, ipsam Imperii sedem reliquisse: latebras & effugia semper se inventurum: ubi semel excessisset, reditum fore in potestate aliena, discessuque illo cuncta hosti in manum dari. Talia, sicut existimare licet, animo volvens, flexo ad laevam itinere (nam porta Comensi exierat) ad Deiparae Aedem, quae Gratiarum dicitur, cum paucis adiequitavit. Ibi flexis ad aram genibus aliquandiu moratus, ac deinde collocutus cum Antistite Monasterii primoribusque Patrum, in Arcem, unde exierat, rediit, plenus suae, plenus alienae moestitiae, quam in singula momenta, facies ad spectusque locorum & hominum augebat. Namque Aedem illam D. Mariae Gratiarum, familiae suae opibus conditam ornatamque intuendo: Arcem deinde ipsam, patris sui monumentum, & in ea sede fidissimos amicorum, ceu numquam postea visurus, ultimum illud oculis usurpando, angebatur.

Tradunt, cum ex Templo in Arcem rediret, obversante imagine tot ornamentorum ac munerum, quae per Sfortias collata in eam sedem erant, simulque recurrente memoria fidelium sibi illic hominum, quorum sermonibus & consiliis plurimum uti consueverat, conversa ter facie respexisse eo: idque signum aegerrime digredientis retulere qui simul ibant. Retulere insuper iidem trepidarum illarum profectionum comites, cum ex Monasterio digrederetur, Religiosos illos homines exisse una lacrimantes ubertim. Quae tam humilia & minuta reticenda non putavi, ut Principis hujus in tali tempore perturbatio animi, & Sanctissimi Ordinis in eum caritas cognosceretur.

Noctem, quae infecuta est, in Arcis mole inquietam egit: postero die in viam sese dedit, Novocomum, sicut antea destinaverat, iturus. In campo qui subiectus est, quive ab altera parte praecipit arcis, stabant turmae cohortesque deducturae fugitivum Principem, ad tria fere hominum armatorum millia, qui deinde numerus, dilabentibus quotidie multis, ad quingentos paulatim est redactus, tantaque cohors cum eo in Germaniam pervenit. Vix ille suburbano agro excesserat, cum pauci Gallicae factionis homines, Ducis nomen crebris acclamationibus transfudere illuc: & dubitare Novocomenses clauderentne venienti portas, an aperirent. Ibi quoque adjutus est Sacrorum studiis, quae semper in omni Catholica Civitate Christianoque populo maxima & potentissima pars rerum, sicuti Mediolani Sfortiarum nomen extulerat auctoritate beneficiis suis, ita in parvam etiam illam Urbem porrecto erga familiam eandem favore, inclinavit ad profugum hunc accipiendum animos. Episcopi aedes hospitio fuere: illuc evocati Decuriones Urbis fidem suam in omnes rerum eventus obligare Ludovico: ipseque profectionis suae causas explicavit, ut cedere potius quam fugere videretur.

Dum ibi colloquiis & sacramentis teritur tempus, jam Galli successerant ad moenia Urbis Mediolani totisque suburbiis praedabantur impetu ac furore, quem secum afferret ea gens etiam si non licentia belli accenderetur. Quidquid sacri fuit extra moenia, prima illa irruptione agebatur inter caeteram praedam, cumque nuntium Andreas Ecclesia, Sancti Laurentii Canonicus tremens pavensque ad Principem attulerat. Is Canonicus, cum afferre se diceret quae ad Principis salutem magnopere pertinerent, introductus exposuit quidem audientibus etiam aliis captivitatem haud dubiam Urbis, & instantem moenibus hostem, sed petito dein secreto, gravius atrociusque quiddam indicavit, unde Ludovico ultimus horror, & consistendi uspiam finis. Ostenderat enim docueratque Canonicus, compositum esse quemdam ordinem

661
dinem insidiarum, ut Novocomi comprehensus retentusque Sfortia Gallo traderetur ducendus in triumphum: agenda rei tempus, proditoresque domesticos, paratas operas, adfuturum his in tempore subsidium, caput auctoremque negotii, & momenta omnia indicarat. Ea cum ipse comperisset, facere non potuisset, quo minus deferret cuncta cum cura & fide, sicuti debitum tam bene merenti Principi officium postulare. Caeterum, quia rem tantam necessario officio adductus aperuerit, scire se, quanto suo cum periculo id fecerit, nisi per Principem adhibita sit quaedam ars & diligentia, ut aliunde potius id mansisset indicium etiam apud proximos increbescat. Plena omnia esse proditorum & speculatorum, qui accedentes exeuntesque diligentissime observant, ipsosque certis inter se nutibus, ac significationibus, & ministris communicare, quidquid suspicentur fieri vel cogitari, ita ut temporis fere momento rem eandem omnes sciant. Ad haec ipsa, Canonicus consilium quoque suum adiciebat: ut, nimirum, quoniam sciri non posset, quid fieri & fidei, quidve secus esset in extorere illa & nutus jam alienos respiciente aula, discederet occultus, falleretque discedendo fidissimos etiam, quo tutior ad caeteros fallacia esset.

His auditis, Sfortia, quamquam magnopere intus aestuaret, quietus ac securus in frontem, reliquum diei consumpsit agendo quae instituerat, praetulitque quamdam ejusmodi speciem, tamquam in singula momenta fieret captantibus opportunior: ac nihilominus circumspicere quantum poterat omnia, ne interim caperetur. Appetente vespere, cum per eandem imaginem securitatis, velut animi gratia ad naves descendisset, consensa repente praetoria, cujus neque militi, neque remigi diffidebat, innuit, ut quam celerrime & vehementissime navigium concitarent. Ac Princeps quidem eluso in hunc modum & turbato insidiarum, quae sibi parabantur, ordine, per medium lacum ventis & remis ferebatur. Reliquae vero naves, aliae statim, aliae spatio interjecto sequebantur, partim integra fide, & ne sciae quanam subita res incidisset, partim attonita perfidia, & inter se suspectae, quia detectam esse rem apparebat. Ita Ludovicus Belasium appulit, feliciter, ut in malis, vitato ludibrio, conservataque libertate cum Imperium amisisset. Eo Cardinalis Ascanius, duoque Cardinales alii, quod erat Ludovico intimum consiliorum, antecesserant, una cum parvis liberis educatoribusque eorum, & magistris, nobilium fere manu, & inerant praecipui quidam e Clero, quos ab vitae litterarumque commendatione Princeps in eam curam adsciverat. Illic igitur fretus praesidio & auctoritate trium Cardinalium, idque nomen pro maximo munimento existimans: simul cingentibus latera Proceribus urbis, qui Cardinales & liberos affectati, extra perfidiae suspicionem erant, dicitur velut ex magna defatigatione respirasse paulisper, diraque captivitatis imagine attonitum animum collegisse. Ingressus deinde mixtam quamdam ex indignatione simul & metu orationem, blandimenta, minasque & preces jaciebat. Comites exilii sui, prosperarum adversarumque rerum socios, carissima sibi capita, & partem optimam civitatis, & firmamenta imperii appellavit promiscue omnes, qui adessent una & sequerentur. Nulla posse tam bene meritis civibus satis digna praemia reperiri: sed praemiorum omnium instar fore memorem semper animum & gratissimam erga tales amicos voluntatem, qui fide ac pietate erga se ipsum, abrumpere sese ab ipsa patria maluerint, omnemque subire fortunam, quam expectare domi necessitatem eam, infidos socios, Barbarum hostem intra moenia urbis admittere cogerentur. Enim vero fortium virorum, & honestissimi comitatus universi meritum id gloriamque esse, quam tamen pauci dedecorarent, specie quidem & corpore sequentes Principem, animis vero spectantes Gallica arma, & favore hostium imbuti. Neque tamen hos ipsos peccare perfidia, sed errore quodam humano, propterea quod praesentium rerum motu perterriti, ad partem inclinent eam, in quam vergere cuncta videantur. Sed scirent, exitum fore Gallo disparem longe ab ea spe-

662
cie, quae caliginem nunc ipsis offundat, & spes vanas, terroresque falsos repraesentet. Se quidem in praesentia cedere tempori, quae non ultima pars Imperatoriae prudentiae semper habita sit, quodve summi Principum & Regum non sine laude factitarint, quoties fortuna contra daret: & illam tantopere laudatam antiquitatem plenam ejusmodi exemplis esse. Caeterum, & hostes ipsos, & si qui depravati sint ab hostibus, brevi esse intellecturos, quantum intersit inter initia bellorum & finem, qui primorum eventuum laetitiam saepe funestam inanemve fecerit. Ire se ad Maximilianum Caesarem, tam arcto vinculo connexum sibi quam omnes scirent. Superesse studia populi, & urbem adhuc, & arcem, & tanti exercitus robur. Concitatum externa arma, si domesticae vires, si auxilia proximorum labarent. Esse in domo stirpem egregiam liberorum, esse fratrem Ascanium praeditum ea dignitate, quam Reges ipsi sociam & aequalem suae Majestatis admittant: esse munimenta alia, quae Sfortiarum generi ac nomini duraturam in saecula successionem promittant: & quantum profectum fore hosti, si tollatur ipse vel cadat?

Talia fere Ludovicus ad familiares ducesque suos egerat, agnoscentibus plerisque artem, qua res suas profligatas attollere erat conatus: pauci spem ullam de ipso bonam habebant, laetive quidquam ominabantur. Cum Ascanio Cardinale sermo tristior fuit. Rogaverat ille primo statim congressu, quam curam tuenda arcis, quodve praesidium frater adhibuisset? Ubi est a Ludovico responsum, Arcis custodiam creditam esse Curtio, fido homini & probo, tunc Cardinalis Ascanius, vatis in modum: *Nos vero evoluti sumus (inquit) omni jure ac possessione Mediolanensis Imperii, jamque cuncta in Gallum cessere.* Haec ad Belasium acta dictaque erant. Ab Belasio, enavigato lacu, magnis itineribus, quanta per confragosa & aspera loca potuit adhiberi festinatio, Oenipontem pervenere: atque interim alii super alios nuntii perditarum rerum assequebantur agmen, vaticiniumque Cardinalis, exitu comprobatum in ore omnium erat. Oeniponte Maximilianus Caesar moerentem afflictumque Sfortiam erexit, cum caetera omni benignitate, tum hilare ac large pollicendo, fore quamprimum, ut in fortunae suae sedem, ipso adnitente restitueretur. Ita Ludovicus ab magnae fortunae culmine lapsus ad ima, rursus excitabatur, spemque inter miseras ingentemolvebat: & quia non satis impigre pro ardore iraque sua moveri Caesarem videt, rem aggreditur, futuram horrore omnibus, qui Metropoli huic nomini Mediolanensi eam impositam esse labem cognoscent. Ausus namque est Turcarum in Italiam vocare arma, quale flagitium in tanta colluvione ac varietate dominantium non viderat Urbs, quae secundas in Principatu Catholicae Religionis partes, & fundatorem Apostolum, sobolemque per tantum aevi Parente dignam praefert. Referam tristissimi negotii seriem & ordinem, ut hujus etiam abominandae rei memoriam praesenti felicitati temporum haec nostra cura repraesentet.

Postquam Sfortia lentam Caesaris opem, auxiliumque pertaesus, stimulante cupidine recuperandi imperii, in Gallum ira, in parvos liberos misericordia, metuque insidiarum, & pudore tam deformis fortunae nulum quietis locum inveniebat, vertit animum ad consilium illud infelix, uti Barbarum exciret in Italiam, & Mahometana vexilla ferret in Gallos, qui ipsi auxilio vocati ejecerant socium. Haec ubi tetra sententia stetit animo, Mediolanenses homines duos elegit, in quibus & fidei plurimum habebat, & satis esse calliditatis audaciaeque rebatur, quantum scilicet barbaricam terram aulamque adituris esse oporteret. Hos onerat promissis, & ubi assensere, mandatis instruit, legatioque ea Catholici hominis ad Turcam Nonis Novembris ivit. Legati, Ambrosius Mendax, & Martinus Casalis fuere, tamque justa fors fuit ad custodiendam indignissimi facinoris memoriam, ut litterae ipsae sint repertae, quae Princeps ipse duobus illis Ambrosio & Martino scripta mandata formamque legationis obeundae, edidit in hunc modum: *Martine, & Ambrosi, quos nobis ad Tur-*

carum Imperatorem legamus. Prudentia utriusque vestrum, & magnis rebus perspecta erga nos fides ac benevolentia singularis facit ut arbitrio potius vestro relinquamus ea, quae ad remissam commodè administrandam pertinere visa erunt, quam ut auctoritate jussuque nostro complecti ac definire singula velimus. Dedimus vobis litteras ad Turcarum Imperatorem ut fides legationi sit, itemque nostra manu subsignata pura folia octo. His utemini, prout dies tempusque, & ratio rerum monebit. Quae autem exponi agique nostro nomine apud Turcam velimus, haec sunt, & ea ipsa judicio prudentiaeque vestra moderabimini. Primum omnium, si ita visum erit, impetrato aditu redditis Principi litteras, ut legatos vos esse nostros sciat, fidemque vobis habeat omnium rerum. Dein perfuncti primae salutationis officio, demonstrabitis, pulsos nos Imperio sedequae nostra, non alibi, quam in Turcico fastigio spem habuisse collocatam, ad cuius Imperii magnitudinem spectet, ne qua injuria minoribus fiat. Caetera deinde, vel statim, vel spatio interjecto, vel coram, vel per Baxas Portae proceres exponetis: causas nempe belli Gallorum & Veneti Senatus impotentem cupidinem, qui appetant Italiae dominatum, ut si prima procefferint, ad reliqua transgrediantur, & nomini quoque Mahometano terribiles fiant. Galliae Regem imminuentem urbi Genuae ut mare illud in potestate haberet, postquam per conditiones assequi nihil potuerit, hostem ex amico repente factum iussisse ad arma: Venetos eodem consilio quo Gallus moveretur, tentasse Pisarum urbem ob maritimas item opportunitates, & quia Mediolanensibus armis ea spe fuerint dejecti, in nostram perniciem conjurasse cum Gallo. Pontificem vero Romanum a quo reconciliari discordes oportuerat, praebuisse potius alimenta igni, & adiutorem fuisse conjuratis: aliosque Italiae Principes in nos esse armatos ob eam causam, quia armantibus se contra Mahometanum Imperium obsisterimus. Haec omnia Turcarum Imperatori, si vobis ita visum erit, exponetis, Ambrosi & Martine, prout res ipsa, vel reticendi vel addendi aliquid, consilia vobis subiciet. Ac ne indigna Turcico auxilio videatur calamitas nostra, si forte illic existimati erimus arcuisse segniter hostem & aperta immunitaque omnia prodidisse venienti: narrare poteritis quos vidistis etiam ipsi nostros ad omnia defendenda conatus, munimenta quoque & praesidia, & quidquid aliud adversus hostilem impetum compararet faceretve quilibet providentissimus Imperator. Sed ita tulisse casum infestum, & saevissimi belli procellam, ut cum ab pluribus simul partibus instaret ingrueretque hostis, qua potissimum parte irrupturus esset, nesciretur, nec ad omnia itinera adiusque sufficeret miles. Auxilia, quae promissa erant, in tempore venire non potuisse, cum Caesar Helvetico bello implicitus teneretur: Florentinos Pisanosque destinaret. Classem vero, quam ab Genua in sinum Adriaticum mittere destinavimus, ut adversus communes hostes cum Turcica classe conjungeretur, non tanta celeritate potuisse adornari, quin celerius ipsi abire cogeremur & una cum Imperii tuendi apparatu, imperium quoque ipsum omittere. Duas utique res fuisse, in quibus aliquid spei collocatum haberemus: alteram, si Mahometana arma ita urgerent Venetos, ut respectu rerum suarum ab Gallico foedere abstraherentur: alteram, si Caesar, facta cum Helvetiis pace mittere nobis copiarum aliquid posset. Utramque spem impetu ac celeritate hostium fuisse delusam, propterea quod provisu ac metu talium auxiliorum stimulat illi nihil reliqui fecerint ut expectationem illam nostram anteirent opprimerentque. Poteritis quoque demonstrare, quemadmodum, oppresso in Provinciae finibus praesidio, acciderit hoc, ut repentina consternatio praesidia caetera exercitumque universum invaderet, ac sicut in bellis accidere consuevit, parva illa res labefaceret cuncta & profligaret. Nos, cum exiguas infirmasque copias haberemus, cumque urbium nostrarum alias expugnasset jam hostis, alias oppugnaret: nec tantam duorum conjunctorum exercituum sustinere posse multitudinem videremur, abeundi consilium cepisse, scilicet ne manendo & cunctando, ludibrium fortasse dedecusque aliquod contraheremus, qualia exempla in potentissimos etiam Reges aliquando fortuna belli edidit. Arcem Mediolani fuisse validissimam unam, quae si salva maneret, irrita omnia faceret hosti, & nequidquam cum Veneto Sanuto Rex Galliae conspirasset. Instructissimam hanc omnibus rebus in discessu nostro tuendam

A dedisse homini, quem nobis ob beneficia fidiissimum esse omnium arbitramur. Ab eo nos homine proditos esse una cum Arce, mancipii quoque fraudem unius, non virtutem fuisse Gallorum, quae Gentem imbellem in Imperii nostri sede collocavit. Ubi Rex Galliae, conjuratorum ope, solitudine nostra, prodicione praefecti, Mediolani fixerit pedem, statim concursus ingentes ad eum esse factos omnium, qui Turcicae majestatis hostem atque aemulum hunc valescere cuperent: caeteros inhoruisse successu illo palamque novum Imperium aversari: voces audiri passim faustas in nomen familiamque nostram: paratos cerni omnes in quemcumque motum spes aliqua objecta nostri reditus postularit. Nunc ipsum Galliae Regem abiisse domum eo consilio, ut primo quoque tempore revertatur in B Italiam, quam sibi spervana desponderit universam cum vaniore illo voto, ut Constantinopolim usque victor eat. Nobis ad recuperandi Imperii spem haec adesse: Vacuum jam pace Helvetica Caesarem, Florentinos item ab re Pisana jam solutiores: studia populorum erga nos: par odium in Gallos, famamque communem adversam Genti: & nos ipsos, si quis adiutor existat, nec segnes ad pericula, nec infelices, quamvis hostibus adhuc proditoribusque nostris plus adfuisse felicitatis videri possit. Haec ipsa postquam Othomano demonstraveritis, vel coram, ut dictum est, vel per ipsius intimos C amicos, vel amplificata, vel diminuta prudentiae vestrae consiliis & praesentium rerum admonitu, vel denique omnia simul, vel iteratis alloquiis: tunc, Ambrosi, & Martine, rem suppliciter a Principe petetis ipsam, cuius rei causa mittimus vos & legamus. Petetis autem, ut acriter exercere bello Venetos velit, nec mari solum, sed etiam circa urbes, quas in continenti habent, mittendo copias in Italiam & iustum ab hac parte bellum inferendo. Quod quidem ultro ipse facturus fuerat, atque etiam ejus rei promissa ferentem legatum miserat: sed celeritate opus est, idque ipsum non sine accuratissima gratiarum actione propter tam enixam erga nos voluntatem, exponetis. Si celeriter aduti erimus, & Turcica ope recuperaverimus Imperium: opes nostras omnes animumque & fortunam, & florentissimam illam Italiae partem, Urbemque Genuam & mare Ligusticum fore instrumenta rerum earum, quas ad sempiternam Othomani nominis gloriam excelsus illius animus molitur. D Sin autem responsum erit vobis, ipsive suspicabimini, malle Turcarum Imperatorem pacem habere cum Veneto Senatu, quam bellum gerere, atque inclinatos in eam partem animos videritis: tunc, Ambrosi & Martine, mutata negotiatione, curam precesque convertetis eo, ut ne pax alia fiat conditione, quam restituta nobis per Senatum cum Cremona, castellisque & locis aliis, quae bello hoc capta de nobis habent. Agentis item & petetis, ut inter pacis ejus conditiones excipiantur, ne Veneti cum Galliae Rege quidquam agant, neve foedere adversus nos inito teneantur in posterum, neve arma in nos ferant. Si dabit haec annuerique Princeps, vos vero, non pollicebimini praeterea quidquam, & omni vitata rerum aliarum mentione, toti eritis in eo, ut certissimam fidem auferatis fore ita omnia, sicuti petita promissaque erunt. E Sin eritis de re aliqua compellati, quam rem a nobis praestari nominatim Othomanus petat: cavetote, ne certi quidquam ac definiti nostro nomine promittatis, atque hoc utemini verbo: quandocumque restituti in Imperium simus, facturos omnia quae velit, & ipsius fore arbitrii domum, ac fortunam, & vitam, quam ipse nobis dederit. Pecuniae summa si qua petita erit, ita ut nulla declinatio necessitatis ejus relinquatur: vos quidem videbitis, ut ea summa quantum fieri poterit, circumscribatur atque coarctetur: caeterum, neque pecunia, neque quidquam aliud tanti erit, ut aliqua sequatur animorum offensio, siue alienatio, quae negotium hoc, & spes nostras inchoatas abruptat turbetve. Cum his igitur mandatis, Ambrosi & Martine, profiscemini, mandataque ipsa, & universae legationis ordinem praesentium rerum facies & forma gubernabit. Nos porro legatos alios alia via duos mittemus, ut si quid vobis in itinere acciderit, quo minus expedito cursu pervenire possitis in Aulam, res nostra propter ejusmodi casum, detrimenti nihil patiat. Quod si utraque legatio feliciter ierit, id ipsum afferetis ad demonstrandum, quantopere cordi nobis fuerit, ut ad Principem postulata nostra perferrentur, & quantam in ea ressem positam habuerimus. Utri priores in Regiam veneritis, fungemini legationis officio, prout hominum illorum, Aulaeque,

Principis, & rerum habitum formamque repereritis. Qui posteriores aderunt, hac se nota & tessera praebeant prioribus agnoscendos, si familiae nostrae nomen in primo congressu ter enuntiarint: eaque inter vos arcana significatio erit, nequa forte fraus fiat, neve ad consilia nostra excipienda & cognoscenda, legati nomen e mentibus aliquis sese vobis immiscere ausit. Legatione peracta, impetratisque supplicis & quoquo modo ad causam adjuncto Turcarum Imperatore, rem inter vos ita comparabitis atque partiemini: Excurrat statim e vestro numero unus ad nos in Germaniam, sive in quem alium locum delati erimus. Remanebit alius in Regia, nimirum, ad continenda illic & fovenda studia, quae conciliata erunt, ne vaneant aut immutentur, neve res ipsa differatur, quod perinde esset ac si nihil foret impetratum. Placet autem, huic diligentiae & curae praesse potissimum alterum e vobis, Ambrosi & Martine, scribentem subinde ad nos ea, quae dies feret. Tertius vero aliquis ire cum terrestribus copiis debeat, & affectari eas ab Constantinopoli per totum iter, isque de itineris progressu certiores nos faciat per litteras & nuntios quoties dandi & mittendi facultas erit. Epistolae porro omnes, quae, vel ex aula, vel ex itinere mittentur ad nos, erunt scriptae notis occultis, ne si fuerint interceptae spes simul omnis nostra intercepta perierit. Dona Principi, praeter quae misimus jam, vellemus quidem adhuc mittere, daremusque vobis perferenda pro maiestate ipsius, & munificentia nostra: sed praesentis fortunae conditione impeditur: atque hac ipsa excusatione utemini etiam apud Purpuratos, fidemque dabit, fore, ut recuperato imperio, singuli colantur donis, quae digna ipsorum fastigio, & magis erga nos meritis erunt. Nec praesentis tantummodo munificentiae daturi sumus dona: sed aliquot etiam millia nummum aureorum, si nonnullis eorum in singulos annos nostro nomine promittenda esse duxeritis, pactum promissumque id ratum habebimus, annuaeque tributa in Regiam mittemus.

Hisce monitis & mandatis, Ludovicus Sfortia, parito per scelus imperio, superites & extorris Turcicam illam legationem instruebat, inexpressibile flagitium admittens erga Metropolim hanc, quae tot perpeffa saevae ac irreligiosae dominationis calamitates, nihil tale viderat aut meminerat. Exciri Mahometem in Regna Catholicae Religionis ab Mediolani Duce? Adulationes, & preces, & munera, & tributa obsequiumque infimum ultro versa in communem hostem? iteratasque legationes hinc in Barbaram terram, in falsi Prophetae spurca domicilia, quo Christiani Principes antea junctis exercitibus ibant, ut depellerent humani generis monstrum & labem? At quo tanto pretio suscepimus hanc labem, quidve docuit confidere monstro? vetus, atque jam pridem insita mortalium animis superbia, quae infatuat animos, ut in hac humanae vitae scena eminere supra alios velint, atque ad ludicrum illud & inane fastigium etiam per scelera enitantur. Viderat urbs Mediolanum, atque haec Ambrosiana sedes, pertruleratque violenta Tyrannorum ingenia, & armatas in Metropolim sectas Haereticorum, obsessa templa, quae sitos ad necem Archiepiscopos, & quidquid aliud in Principatu impio, funestum, atrox, dirum accidere potest huic sacrae & Apostolicae potestati. Etiam legitimi iustique, sed regnandi artibus importuni Principes attulere luctum Urbi, & sicut gloriosi ac laeti plerique dies, ita infelices plurimi per omne tempus fuerunt. Nullum tamen, arbitror, acerbum magis ac triste tempus incidisse, quam ubi solita Regionum arcanorum vanitate, per susurros primo, deinde apertius paullo & liberius, postremo palam & publice fama haec manavit: fugitivum Principem mittere legationes ad Turcam, & Mahometanae Aulae stipendiarium esse factum. Scilicet, quid deinde futurum, si felicissime caderet res, annueretque postulatis Barbarus? feros auxiliares, truculentos socios, impia signa, rapacium copiarum ductores inhumanos, & uno verbo, Turcarum genus per ejusmodi legationes in Italiam acciri: quae collavies acerbior omni clade victoriam datura esset, etiam si res tam incerta, pro explorata jam & praesenti haberetur. Vincere talibus auxiliis, an vinci, calamitosius foret? explicari non posse. Nam utram in partem Mars anceps belli exitum in-

clinaret, praedae ac direptioni Barbaris Italiam fore. Quid si Mahometanus hoc patefacto aditu figere in Italia pedem destinaret? quantum id dedecus civitatis, unde causa, & initium huic malo? Nusquam esse gratuita Tyrannorum, ac ne Regum quidem auxilia, mercedemque illam, quae perfolvitur auro vel argento, nisi magnitudine summae inter instrumenta bellica destinetur, speciem tantummodo ac titulum esse consiliis intimis, majora semper & diversa quaedam spectari. Hic civium sermones, querelaeque & curacerant, postquam missam esse legationem rescivere.

Cacterum, ne Ludovico quidem ipsi libera religione animus erat: idque facile apparet in extrema litterarum earumdem clausula, per quas mandata legatis dabat. Cum enim antea posuisset, dari litteras ad Turcam, ut esset fides auctoritasque legationi, subita poenitentia mutatum id reperitur: pro litteris ejusmodi, pura folia se daturum ait, adscripto nomine signoque impresso: his, prout occasio ferret, uterentur. Scilicet, horror animum subierat, pudorque tanti dedecoris, idque diviticulum excogitavit. An vero, inter tantas fortunae minas, trepidus, anhelusque & confusus, dum eas litteras dictaret, scriberetve, excogitabat primo aliquid, deinde damnabat, atque hinc illa varietas & inconstantia potuit oriri? Sed non minus miseranda facies in iisdem expressa litteris cernitur egestatis, quae Regnatorem tot nuper opulentissimarum urbium circumstaret, quamvis alioqui, largus promissis, annua tributa Mahometano polliceretur. Nam in attribuendo assignandoque sumtu legatis, qui tam longum iter, aulamque tam opulentam simul & avaram, cum tantis promissis, de re tanta adirent, quingenti omnino aurei nummi perscripti pronuntiatique exstant, quantam hodie summam, semilixa, vel scriba paullo callidior, ex tam longinqua legatione sese abliguriturum speraret. Nos, dum hanc Ludovici Sfortiae fugam, causasque & initia calamitatis, injuriam calamitatemque alienam, dejectum Imperio justum heredem, venena in fratris filium, quaeve tragicum hunc dominatum antecessere, quaeve secuta sunt, exsequeremur: honestiora Pontificum negotia seposita hinc habuimus, ne contagione ejusmodi rerum inquinarentur, neve, si secus fieret, alterutra pars, haud perinde ad sui memoriam valeret.

Stephani Nardini Pontificatum exceperat vir omni Pontificia laude minime dispar, litteris etiam, & familiae splendore clarior: jamque non integre solum & sancte, sed magnifice & splendide per tales viros, quantum conditio temporum eorum sinebat, Sacra administrabantur. Nomen successoris Joannes: origo ex Arcimbolda Gente, quae multa pacis decora tulerat etiam priore aevo, unde ad nepotes gloria, & studium aemulandi, idque rursus novae gloriae alimentum, & ad posterum alios cura, vestigia majorum sequendi, magna hinc per Urbis Annales Arcimboldorum claritudo. Joannes ab adolescentia jus civile didicit, non sicuti pleraque nobilitas solet, Academiae titulum ad licentiam luxumque referendo, sed ex licentia luxuque juvenili assumendo id tantum, quo modestiae nomen grave inter lascivientes temperaret. Ne studia quidem ad communem illam formam fuere, quae syllabarum aucupes, praeconesque formularum ipso Juris prudentiae nomine indignos gignit alitque. Paullus, & Scaevola, ceterique disciplinae ejus antistites & conditores in manibus erant juveni, sicuti quidem inter gregales manavit primo fama, deinde etiam in Historiam venit. Traditum ita scriptumque est: praeter ipsos civilis prudentiae fontes, quos penitus animo comprehensos haberet, omnis veteris memoriae notitiam, quae nostris, quaeve Graecorum litteris contineretur, adfuisse ipsi: neque hanc absque delectu, cum, & in tanta Chronographorum turba politissimum quemque rerum gestarum explicatorem & in rebus ipsis, magnorum praesertim Imperatorum, Senatorumve facta & dicta, conversiones Imperiorum, illustrium virorum exitus, & maximorum motuum minimas causas, aliaque digna Principe viro sequeretur.

Etiam retulere consilii studiorum hujus Arcimbaldi, curam oblectamentumque fuisse ei, cognoscere Principum sui temporis consilia & vires, & ipsorum inter se dissidia, & quidquid occultius pararent. Colloquendo cum peritis, & opportune mutando sedem studiorum, & multorum undique litteras curiose lectitando, id assuebatur. Exactis per haec studia compluribus annis, varieque peregrinatus Arcimboldus, cum domum revenisset, facile de eo fama pervenit in aulam, & magnis statim Imperii muneribus admovetur. Senator primo, deinde Quaestorum Praefes, tum Consiliarius intimus, postea Legatus, Florentiam, Venetias, in Galliam, in Germaniam, Romam ivit super iis rebus, quae tunc Sfortiarum domum ac fortunam cum Rege, cum Caesare, cum Pontifice Maximo, cum utroque Senatu implicitam tenebant. Romae cum ageret apud Sixtum IV. captus admiratione viri, Pontifex ille Cardinalem creat, primo quidem Sanctorum Achillis & Nerei, deinde vero Sanctae Praxedis: ea sunt quasi cognomena Patrum: Romana consuetudo Titulos appellat. Ferunt admodum aegre tulisse Sfortiam, quod vir sibi talis creptus foret. Ereptum namque interpretabatur, quem sacer honos supra suum ipsius fastigium extulisset. Et raram est, ut Principes Regesve talia suorum incrementa rectis oculis adspiciant, nisi cum ipsi auctores exstiterent. Speciem tamen vultumque gratulantis induit, vel quia dignitas ea adulari jam cogebat, vel quia, tam spectatae virtuti proximus ad summum rerum humanarum apicem esse gradus videbatur. Fortasse etiam recordatio meritorum, & tantis experta rebus fides, subitos illos animi motus, quos in omnibus negotiis, malitia Principum ciet, ad sincerum verumque gaudium mutarant. Novus Cardinalis, ea statim opinione sui commoverat omnium animos, ut Perusium & Umbria ei cum Imperio traderentur, quae provinciae, potentiorum inter se inimicitias, quotidianisque caedibus prope versae in latrocinium ac rebellionem erant: nec Pontifici Maximo, nec hominibus ejus in ea parte magnopere obediebatur. Fuerant quin etiam interfecti nonnulli ex Pontificiis illis ministris inter exercendae quaestionis apparatus, sive dumprehendere quempiam tentarent, sive dum mandata alia exsequerentur. Et satis constabat, inita fuisse consilia in prioris legati caput, imbutosque sicarios inimicorum suorum sanguine, sacram etiam illam potestatem, veluti sicarium inimicumque unum destinasse caedi, nisi paratas insidias vimque imminentem, cautior ad fugam solertia Praefidis evitasset.

Referam inhumanum & horribile dictu, quod in ea Provincia ante Arcimbaldi adventum, leve quotidianumque habebatur. Hereditaria illa odia praepotentum provincialium, ac minus etiam potentum, sed crudelitate insigni, ardentibus ad vindictae dulcedinem ingeniis, eo excedebant, ut totae domus internecione deleantur: nec ante conquiescebant, quam ex inimica stirpe, quidquid etiam sexu, vel aetate invalidum, delessent ferro. Alliserat aliquis ad parietem parvos liberos hominis inimici, gravidamque conjugem obtruncarat, & quomodo rostra unguisve ferarum ostentatione venatoria postibus affiguntur, ita stirpis invisae reliquum unum infantem rabies eadem ad fores confixerat. Atque palmaria haec demum, gloriosaeque inter illos saevitiae facinora erant: cruenta vero illa officina calebat assidue fervebatque, vel mandati semper in alicujus caput, vel conducendarum operarum, vel insidias struendi. Haec disciplina juvenum erat, perseverabant senes, cum successor simul & ultor electus Arcimboldus ita coercuit gentem, ut nobile exemplum statueret etiam in posterum ad caeteros, si quos forte similis intestinus furor aliquando lacerare coepisset. Namque, priusquam in Provinciam iret, diligentissime firmavit arces & castella praefidiis, immissoque solutis ordinibus milite, mox ipse subsecutus cum validis equitum turmis, sanguinarios illos homines repentino terrore confudit. Truculenti alias & diri trepidabant aspectu Cardinalis, quem & gratiae impervium antecedens fama nuntiarat, & undique armatum videbant. Sed nihil magis exterruerat, quam

A quod, dissimulatione mira, sine strepitu ullo firmatae arces, sparsique per provinciam manipuli essent & communi omnes metu perculsi, factionum & certaminum, inimicitiarumque prope jam obliviscebantur. Postquam ea caligo animis offusa est, nihil quidem ab legato movebatur, unde conjectura aliqua posset oriri, quidnam ille acturus esset: appositi tamen speculatores & homines idonei passim observabant quidquid partium duces agerent ac moverent: collocutiones atque congressus nocturni sive diurni, commercia traiectionesque pecuniarum, consilia denique omnia referebantur in Aulam. Simul erant ad opportuna loca dispositae stationes armatorum, ne elaberentur aliqui, quos & fugam meditari compertum erat, & comprehendi, retinerique domitius habebatur. Qua versi in latrocinium globi aliquot, ad extremos provinciae fines constiterant, globis erat majoribus imperatum, ut regione vagarentur eadem: simul admoniti praefidiorum, & arcium praefecti, ut qua cuique proximum esset, cum suis in eos excurrerent: edictumque statim: qui exsul, quive capite damnatus, exsulem alium interfecisset, is ut impunitatem haberet omnium, quae commisisset antea, tutoque ac libere in patria commoraretur. Hac indagine Cardinalis legatusque Arcimboldus, cum Provinciales illos ex caede viventes cinxisset, vulgoque existimarent, satis fore ei, si quietam haberet Provinciam, ac nullum novum in ejus imperio flagitium admitteretur, ipse quidem, tamquam praesenti tranquillitate ac modestia paceque contentus aliquantisper quiescebat. Mox, sopita omnium fere expectatione, paucos insignes duces factionum, & scelerum capita, quos evadere nolebat ne absentes etiam Provinciae statum sollicitarent, unius horum momento omnes, unaque nocturna satellitum & militum impressione circumscriptos, in latumias & castella seorsim misit: jacebantque ibi per dies aliquot invicem ignari captivitatis alienae, ac se tantummodo quisque esse captum arbitrabatur. Ita comprehensis vincitisque flagitiorum & saevitiae Proceribus, caeteri quicquid exsilium sine publica noxa vel periculo perniciem egestatemque ultimam afferret, & edictis litterisque quotidianis, & missis viatore, & denuntiatione poenarum citabantur. Patuit his fuga: cumque caput & vitam quisque suam fortunis omnibus anteferebat, abiire sic multi cum vanis fugiendi artibus, nec sine vaniore laetitia quod Magistratum elusissent. Legati erat artificium, ut sine carnifice, & securi purgaret Provinciam, nec locus interea relinquebatur infami ac vulgatae in multos Principes querelae: crimina reosque conquiri, ut aerarium augeretur. Aufugiebant enim ultro, & capita devota poenis ultimis, voluntaria fortunarum amissione redimebant. Servitia, quorum manu atrocissimum quodque facinus patratum erat, amisso pabulo, vestigia dominorum sequebantur: si qui horum fuere segniores ad fugam, de his sumpta supplicia servilem in modum, & vili sanguine satisfactum exemplo. Latronum & exsulum veteranae cohortes instrumenta saevientibus, & modestis etiam calamitas, provinciaeque totius malum, primo statim Cardinalis adventu, sicut ad tepores solis nebulae dilabuntur, evanuerant. Namque promulgato edicto, quod occidenti socium, impunitatem praemiaque insuper dabat, aut inter ipsa latrocinia latebrasque, decollabantur a gregalibus subinde aliqui, & quotidiana exempla dissociabant caeteros, aut ab emissariis opprimebantur. Feroces Procerum animi, tabe carceris, & fortunae conditionem aggravante sumtu, & audita demum in vinculis provinciae totius trepidatione, fugaeque, vel captivitate, vel nece aliorum, ac suum inde periculum aestimantes consenescebant ac frangebantur rabie, moerore, metu. Conticuerat atque deferbuerat omnis repente furor, ac si quod imperium nutusve Cardinalis in publicum foret, sedulo cuncta atque obedienter fiebant tamquam a bene moratis, vel discipulis in magistrum, vel filiis in parentem.

Tunc ille, perstrictam & afflatam ceu fulguris ictu provinciam cernens, satis jam esse terroris, satisque minarum arbitratus, institit etiam tractare quietis vias, &

& fomenta adhibere animis, ut ferre concordiam vel-
lent. Cognitis inimicitiarum causis, & origine factio-
num, quae familias jam inde a principio alienassent in-
juriis etiam & damnis, quae essent accepta, & illata vi-
cissim, pacificatores ad reconciliandas eas familias adhi-
bebat idoneos, & auctoritatem ipse suam interponendo,
spem faciebat, tum honesti tutique reditus in patriam
illis qui aufugissent, tum maturae libertatis ac salutis iis
qui in custodia haberentur. Fortunae interim noxiorum
atterebantur. Corpora in vinculis degebant: & amicum
alias patriae nomen exsulibus horrore erat. Sed cuncta,
quae Arcimboldus in Romana illa legatione imperioque
fecerit aut instituerit, persequi non operae habeo, cum
ad ea, quae sunt hujus Metropolitanis instituti, vix suf-
ficiam.

Erat adhuc in provincia Cardinalis, cum Episcopus
Novariae mortuus multos ejus Ecclesiae cupidos excita-
vit. Namque Novariensis Ecclesia, praeterquam quod
late admodum patet, estque in amoena Insubriae parte
vectigalibus instructa satis amplis, adjunctam etiam ha-
bet Dynastiam, imperiumque locorum aliquot haud
ignobilium, & fertilissimi tractus. Ideo Pontificatum
eum atque jurisdictionem haud obscuris in Ecclesia meri-
tis homines, appetebant. Sed Pontifex Sixtus Arcim-
boldum praetulit. Sixto postea successit Innocentius
VIII. isque vacuum Nardini morte Metropolitim hanc
eidem mandat Arcimboldo, quam triennio rexit absens.
Nitebatur enim per ea tempora Romana res hujus prae-
cipue consiliis & auctoritate, nec ei discedere ab urbe
jam licebat, ibique est mortuus. Adoleverat ad omnem
eximiae virtutis gloriam disciplina & imitatione Joannis
Arcimboldi, frater ejus Guidus Antonius, non minus in-
genii studiorumque similitudine quam natura frater.
Quippe animadversum hoc in omni aevo compertumque
est, ut corporum, in familiis, ita etiam animorum esse
similitudines atque germanitates, & quomodo naevum
avi notamve aliam, post longum saeculorum ambitum
retulit nepos aliquando unus, ita vitia virtutesque, &
mores habitusve nepotum pravi sive honesti saepe rege-
neravere avos. In fratribus quidem id ipsum usu venire
tanto magis potest, ut referant alterius alter animum
corpuse, eaque naturae imitamenta passim spectantur.
Caeterum Arcimboldis haece fratribus etiam quae vano
nomine dicitur fortuna vim suam immiscuisse visa est,
ut eventis quoque rerum, & honoribus ac vitae cursu
congruerent inter se, itineribusque iisdem fere irent.

Fuit in Guido Antonio praeter Juris civilis pruden-
tiam studium illud litteraturae interioris, quod a Car-
dinale adhibitum fuisse retulimus, ut ipsum juscivile,
temporum & hominum vitio Barbarum prope atque in-
fiscatum expoliret. Fuit item animus ei, sicut fratri,
gubernator quidam, & apte compositus ex modestia si-
mul, & quidquid illud est, quod huic virtuti mansue-
tudinique diversum gubernatio populorum injungit. Ad
tractanda Principum negotia par cum fratre habili-
tas, & quidquid illud item in moribus & sermone re-
quiritur affine regnantium animis, ut minorum allo-
quia grate admittant. Ea, nimirum, habilitate & gra-
tia, naturaeque munere Ludovico Principi placuerat,
quoties inter illos nutantis fortunae motus, atque etiam
antequam nutare inciperet, mittere voluerat de impe-
rii rebus ad amicos Principes legatum. Ita Neapolim,
in Pannoniam, in Hispaniam, ac denique Romam est
missus. Sed & munera domi magistratusque gesserat eos-
dem fere, qui Cardinalis etiam animum in minore for-
tuna nobilitant, quosve ille nobilitat. Consiliarius
intimus fuerat utriusque Sfortiae: jura pacis, arbitria
belli, foedera & societates, & rem quoque familiarem
Principis tractarat.

Per tot munera pervagatus cum esset, velut struente
atque continuante fortuna illum fraternae similitudinis
tenorem in extremo quoque actu, evenerat, ut Romam
a Principe legaretur sub idem fere tempus, quo tempore
Cardinalis deceffit. Ibi, sicuti antea frater, ex Sfor-
tiae legato, Mediolani Archiepiscopus creatur. Et ut
in simili re parique negotio, idem etiam Principis animus

A erga novam hominis sui dignitatem fuit. Torvareputa-
bat mente Romanam indulgentiam erga domum hanc
Arcimboldorum, in qua summus urbishonos, Ambro-
sianusque Pontificatus continuata per fratres successione
retineretur. Amisso quoque ministro, & quod occasio-
ne legationis crevisset,angebatur. Sed postquam rediit
ille Mediolanum, Metropolitimque capeffivit, siebat ar-
tibus & lenitate novi Archiepiscopi, ut mansuefieret
atque verteretur in bonum, quidquid asperi, sive in-
jucundi erat. Super omnia commoverat animos splen-
dor, & magnificentia viri, & projecta cura pecuniae,
quae tabes ac venenum omnis honestae famae esse con-
suevit. Priores Archiepiscopi, sive incuria aedifican-
di, sive temporum ad eam rem inscitia, sive etiam per-
turbatione ac varietate honeste ac laxè minus aliquanto
habitarant, quam Urbis nomen, & amplitudo Metro-
politana, tantaque opes postularent. Sane voluerant
subinde aliqui veterum Pontificum, ut cuique animus
& otium obtigerat, dignitatis aliquid adjicere domici-
lio, atque dum id conantur, aliquoties etiam mutata
translataque Sedes erat. Nondum tamen, ut dixi, sa-
tis commode satisve decore ad hanc sacri Imperii maje-
statem habitabatur. Arcimboldus ei curae animum adje-
cit: & sicuti politior jam cultiorque aetas illa erat, im-
petrata etiam a Principe area, extulit aedes in ampli-
tudinem eam, qua contenta esse possit etiam haec tem-
porum nostrorum elegantia supergressa nimium & asper-
nata priores conatus. Templi maximi cultus ut auctior
majorque esset, ad veterem Sacricolarum numerum,
tredecim adjecit alios, & pecuniam, unde res divina
bis quotidie in perpetuum fieret, assignavit. Attribuit
quoque pecuniae magnam vim ea conditione, ut per-
ducendo ad fastigium operi infunderetur. Haec agentem
mors oppressit, nono anno postquam Archiepiscopus
creatus erat.

Successit deinde ei fratris filius, Octavianus nomine,
cum trigessimum aetatis annum, vel, ut alii malunt,
trigessimum alterum haud dum expleisset. Tanta indoles
virtutis fuit. Hujus animum, sive natura ipsius, sive
parentis voluntas flexit in alia studia, quam quae ma-
jores adamarant. Namque cognita Philosophiae parte,
quae versatur in subtilitate differendi, deinde ea, quae
posita est in naturae obscuritate moribusque hominum,
& vita, transgressus ad coelestia & divina, totum hunc
maximarum scientiarum cursum ita confecit, ut non
anteferretur solum aequalibus, sed esset etiam admira-
tioni illis, qui in eo genere aetatem consumpsissent. Ea
certe fama de juvene hoc manavit, atque ita nobis narra-
vere seniores, qui aiebant, sese puerilibus suis annis audi-
visse grandaevos alios memorantes auditum id sibi co-
gnitumque ex majoribus natu, cum ipsi adolescentes ad-
huc essent. Curricula illa utriusque Philosophiae felici-
ter emensus, sicuti fama eadem tenet, ac sicut etiam
litteris traditum est, conquievit in studio quodam etiam
politior, unde nitor & auctoritas, pondusve litteris
illis, quas antea sectatus erat. Voluit enim hoc assequi,
ut praeter Latini sermonis elegantiam & copiam, quam
semper ad studia illa severiora adjunxisset, Graecorum
etiam Hebraeorumque litteris, tum ad monumenta
utriusque linguae interpretanda, tum ad explicandos
animi sui sensus, instructus expeditusque esset. Seque-
batur jam eum fama, tamquam litterati gentium etiam
illarum homines concederent ipsi tempestate ea linguae
suae Principatum: atque cum publico hoc favore ma-
turam capeffendis honoribus juventam ferens, Romam
est profectus. Juvenis erat tunc annorum fere quatuor
& viginti, floremque illum aetatis, mite ingenium, &
dignitas oris adjuvant. Itaque, quamquam inciderat
in tempora non admodum amica virtuti, cumque Ale-
xandri VI. Pontificatus, aliis potius hominibus & in-
geniis favere videretur, omnia tamen est consecutus,
quae gratuito contingere possent: ac sub Pontifice alio
nihil fore ei impervium autumabat urbis rumor.

Pius III. Alexandro mortuo, regimen humani ge-
neris adeptus, id statim augurium animorum comproba-
vit, assumpto in Patrum locum juvene: ac sperabantur
cacte-

caetera cum mors eripuit Urbi Archiepiscopum, qui ostensus magis erat quam datus. In aliquot deinde annos duravit haec nobis calamitas, ut absente Archiepiscopo, per Vicarios regeremur, Pastorumque nomina audiremus magis quam ipsos videremus. Namque Principes Estenses, Hippolytus primus, & Hippolytus secundus, tum ob fortunae magnitudinem, in qua nati educatique erant, tum ob legationes amplissimas, aliaque Romana munera, quae occupabantur, haud magnopere rem hanc Mediolanensem curabant, inspiciebantve. Ita, per eos annos, disciplina solutior fuit, & squalabat Civitas, non Pontificum tantummodo desiderio, sed etiam importunitate novi, nec duraturi dominatus, cujus mala & turbas nulla commodius narratio repraesentaverit quam nomen ipsum Gentis. Ac tanto major erat ex ea gente clades vastitasque Mediolani, quia Rex ipse redierat in Galliam, quo praesente vix contineretur exercitus illius licentia: adeo, per se furentes, contemptu etiam absentis accendebantur. Imperator autem ipse Gallicorum exercituum, cui discedens Rex summam reliquerat omnium rerum potestatem, ejusmodi erat, ut si vel modestia exercitui, vel urbi otium maneret, posset ipse partem utramque in furorem agere factionum stimulis, & magni nominis invidia, rabieque & instinctu multorum qui fovebant ejus viri potentiam, sive detrectabant. Jacobus is erat Trivultius, animo excelsus, ut inimici interpretabantur, inquieto, opibus nimis. Ludovico infensus, Gallis ob multa belli pacisque decora invisus, neque aberat suspicio quasi plusquam civilia agigaret. Inter Mediolanenses fecerat sese Guelfarum partium caput, eamque sectam dum saevo favore effert, civilia certamina exercuerat, quomodo ne inter hostes quidem saevitur. Hinc dolor & ira Gibellinis adversae factioni, postquam arbitrio inimici se esse subiectos viderunt. Et animos ipse asperabat, exercendo per inimicorum injurias imperium, ejusque vim universam ad opprimendos adversarios conferendo. Ad haec, Civitas tota militaribus aliis injuriis foedelacerabatur, nusquam prohibente Trivultio, nisi cum injuriae pars ad Guelfos illos suos pertineret. Si citra nominis ejus damna dedecusve staret rapina vel libido, impune erat, & magnus alioqui vir Trivultius, imperiique severi, partium studio sic auferebatur. Ita, dum inimicitias & odiis indulgetur, illustres etiam familiae susceperant labe, quae vel inimicissimum animum aliquo sensu communis humanitatis movere possent, atque permissam eam Gallico exercitui licentiam sacrata quoque claustra sensere.

Trivultius demum ipse ardore animi progressus eo, ut quosdam ob tributa tumultuantes medio in foro sua manu obtruncaret, facinore hoc totam irritavit plebem, & ore vulgi Sfortia passim Gallis etiam audientibus poscebatur, seditiosa ea vox rebellandi principium & novorum malorum causa erat. Cumque cresceret quotidie, hinc intemperantia & saevitia Gallici dominatus, hinc fremitus & consternatio Gibellinorum, & in Sfortiam favor: ea res accendit exsuli Principi animum ad tentandam Imperii recuperandi spem celeriore aliquanto, quam quae Caesariana vel Mahometana ope inchoata erat. Non enim audiebat tantummodo voces adspernantium Gallici Imperii formam, atque faventium sibi: sed etiam ob indignitatem rerum, quae quotidie fiebant. Ulro relicta patria nobilissimus quisque ad eum ibat, ac, si redire vellet, pecuniam & arma, & vitam ipsi suam pollicebantur.

His erectus Ludovicus una cum Ascanio fratre, tumultuaria Helvetiorum & Belgarum manu, celeritate mira superatis montibus, navibusque conscensis, per Larium lacum urbi Novocomo succcessit. Eadem ibi alienatio in Gallos erat, quam Mediolani conciverant rapacitas & libido, duo aptissima instrumenta demolendis imperiis, etiam inveteratis, nedum, ut recens illud & nuperrime inchoatum adversus eam tabem impetumve stare posset. Itaque municipales, ut adesse Sfortiam fenserunt, nihil sane cunctati, faustis vocibus, venire justum legitimumque Principem jubent: armis, & in-

A festo clamore Gallos proturbant. Neque illi segniter cessere, statimque Sfortia sine sanguine oppidum receperat. Id Mediolani auditum, satis jam per se concitatum multitudinem armavit, imparque Trivultius absente magna exercitus parte, cum se noctu in arcem abdidisset, postridie excessit. Mox Cardinalis Ascanius & Ludovicus urbem intravere insigni levitate fortunae militaris, ad eripienda restituendaque imperia dominosque commutandos. Sed non pari facilitate caeterae urbes, vel aliquam etiam Sfortiae violentiam olim expertae, vel eandem pro Gallo fortunae commutationem ac levitatem metuentes, reducem Ludovicum admittebant. Jam ille Metropolim tenebat, & Gallicum adhuc retinere praesidium malebant Laus & Placentia, & quidquid terrarum in Transpadano tractu subiectum Metropoli esset. Velut ex rerum eventu capturae consilium cunctabantur, atque suspensos ex fortuna animos gerebant, ex iis, quae post fugam repente Ludovico tribuisset, quam incerta esset, aestimantes. Itali vero Principes, aut expectatione fluctuabant eadem, aut subsidia leviora pollicebantur, quam quae praesens necessitas rerum, & imminens rursus ex Gallia periculum postularet.

Instaurabatur ab Rege bellum apparatu majore: pudorque & dolor ob amissam Insubriae Metropolim, & ira in Mediolanenses, quo majora erant incitamenta Gallo, tanto plus minarum, Sfortiae caeterisque per Italiam dominationibus ea rerum facies ostendebat. Et Cremonae Episcopus missus ab Cardinale Ascanio ad Venetos, triste responsum retulerat: placere Senatui foedus, quod cum Galliae Rege ictum haberent, neque legationem praeterea ullam esse admissuros, quae adversus initam eam societatem mitteretur. Sanseverinas vero Cardinalis in Germaniam ad Caesarem eodem terrore destinatus, spem illam tardi nimium lentique moliminis haud magnopere movebat. Genuenses appellati precibus infimis, ut pristina erga Sfortiam obsequia fidemque resumerent, praecise abnuebant: itemque Florentini appellati de pecuniae summa quam olim eorum Reipublicae credidisset, prope inficiabantur. Gonzaga, cum in D. Michaelis ordinem ab Rege Galliae coopatus esset, Ordinis ejus religionem & insignia excusabat, quo minus ab Sfortia contra Regem suum staret ferretve arma. Irritum in tanto discrimine ac prope contemptum auxilium erant, Mirandulanus, & Carpenfis, & Corregiensis, & Rubeus, & Verminacus, nobilium quidem Regulorum atque Dynastarum nomina, sed nihil ad Gallici apparatus molem. Ne Senenses quidem cum certo pecuniae numero, momenti quidquam faciebant. Tanta vi Gallus ingruebat.

E Sed quamquam erant arcta omnia Ludovico, non tamen ei defuit miles: & bene gesserat rem, pugnaveratque manibus acquisitum proditionis, malum ultimum accessisset. Cum enim in utroque exercitu magnus Helvetiorum numerus esset, eaeque copiae ductores suae gentis haberent, composita inter eos duces fraude, Sfortia rerum humanarum ludibrium fuit, ac praebuit foedius aliquanto spectaculum, quam cum antea fugitivus ab urbe proficisceretur. Ad Novariam, instante hoste, barbari ferociter ac seditiose flagitare stipendium incipiunt: ne per solutum illico numeratumque sit, sese domum esse abituros minitantur. Non erat Principi ad manum, unde satisfaceret, relictusque Mediolani Cardinalis Ascanius in oppugnatione Arcis, anxie tentabat movebatque omnia, ut conficeret aliquid pecuniae, quod mitteretur ad exercitum. Id ipsum excusans ostendensque Ludovicus, prolato argento omni, quod in militari suo instrumento domesticaque suppellectile haberet, vasa illa tumultuantibus offert. Addebat preces, & lacrymas, haud minus efficaci ad humanum animum delinimento, si gens esset alia, vel nisi parata jam & meditata proditio penitus animos efferasset.

F Accepto, quod dabatur, argento, cum Sfortia ducere in aciem vellet, summae rei discrimen facturus, quod unicum esse remedium effugiumque malorum putabat, tunc vero Helvetii talia quaedam dicere coeperunt:

673
runt: Esse in contraria acie fratres consanguineosque suos, quorum nollent foedari sanguine: nec posse cum aliis suae nationis hominibus absque Principum auctoritate dimicare: super eare, quid mandati, quidve decreti ab domo afferretur, ipsis esse expectandum. Cum ejusmodi dictis abibant, ut sese ad Gallici exercitus Helvetios adungerent, unoque agmine omnes irent domum. Tunc Ludovicus obsecrare institit, ut quando ita decretum esset, finerent saltem ipsum quoque ire una, Helveticoque gregali cultu caeteris peditibus immistum abducerent secum atque conservarent. Fortasse nihil aliud maluerant proditores ipsi, statimque, annuentibus eis, Sfortia braccatus, & coeno foedatus inter calones, & lixas ibat deforme spectaculum fortunae Principalis. Per media Gallorum castra ducebatur, ut ipse credebatur, occultus & ignoratus: ut res docuit, monstratus hosti per eos ipsos qui tegentium & occultantium imagine ducebant. Ita comprehensus repente & detracta larva in custodiam datus, tam ignominioso consilii infelicitis eventu confudit etiam hostium animos, quibus tantae rei laetitia ex insperato oblata erat.

Neque Cardinalis Afcanii fuga felicius fuit. Is cognito fratris casu, victori & irato, & mox ad futuro hosti subducere sese cum properaret, nocturno fatigatus cursu quiescere paulisper ad Ripaltam voluit, & ejus rei causa divertit ad Conradum Landum, hominem sibi & vetustate amicitiae, & vero etiam affinitate conjunctum. Fugiebant una cum Cardinale potentissimus, & clarissimus quisque Gibellinorum, itemque e Nobilitate Mediolanensi viri graves, secuti Cardinalis aulam, & in varia ministeria adsumpti, prout cuique, maximarum rerum usus & oblectando Principi sermo eruditus, & artes bonae. Ea cohors affectata Cardinalem, per domum illam in hospitam fessâ corpora straverat, & securi de sua herilique salute partem quietis hauriebant. Sed proditori Placentino, rebus suis opportuna res visa, dum sopitos domi hospites haberet, gratissimum id munus exhibere Gallo. Nec mora: oblitus amicitiae, hospitique & sanguinis oblitus, accitis ab Placentia Carolo Ursino, & Soncino Benzono, qui in Veneto exercitu ordines ducebant, fessam eam inermemque, & semisomnem manum tradit. Varia inde & miserrima conditio captivorum fratrum fuit, quorum olim nomen & famam res Italiae cum admiratione respiciebant. Cardinalem primo Venetias duxere Benzonus & Ursinus, quibus a proditore traditus erat. Ibi aliquamdiu severe magis quam honeste custoditus, repetente dein Gallo deportatur Lugdunum, mox in Burgensem arcem ablegatur, quae biennio ante custodia Regis ipsius fuerat. Ludovicus ipse protinus e castris in urbem eandem Lugdunum cum valido praesidio raptatus, ut in conspectum Regis admitteretur, impetrare non potuit. Ostentui civibus fuit: dein intra arcem inclusus extabuit moerore, vir alioqui magnus, & dignus utique Principatu, nisi hunc ipsum scelere partum habuisset, ex quo factum est, ut mala principia similes eventus consequerentur.

Mediolanenses attoniti captivitate Sfortiarum, & exitio familiae, & alternantis fortunae ludis, Gallica vi, rebellionis sua, dolore hinc, poenitentiaeque & metu, per supplices Oratores polliciti fidem & obsequium in posterum, veniam in praeterita ab Rege impetravere. Sed haec ipsa fluxa irritaque erant, & quaedam ejusmodi rerum series parabatur, ut ab novo Principe venia esset petenda quod huic favissent. Namque dum Ludovicus in Gallia tunc carceris absque sumitur, Maximilianus Caesar in paternum imperium restituendi Maximiliani susceperat actionem, estque restitutus, ut paulo post etiam ipse caperetur, & paternae calamitatis simulacrum fieret. Anno tertio postquam erat ab Caesare restitutus, capitur ab Galliae Rege, atque super patris fere vestigia ducitur in Galliam, attributo triginta trium millium aureorum nummum vectigali in cultum & alimentum captivi Principis.

Haec vicissitudines & haec, profecto, scena, circa hanc Insubriae Metropolim spectabatur: ac sicuti truditur clavo clavus, ita Sfortia Gallum, & Gallus Sfortiam

A invicem extrudebant. Parabantur enim rursus eae vices, eratque futurum adhuc, ut ab Sfortia Gallus pelleretur Caroli Caesaris auxilio, atque hic ipse pelleret primo illum, deinde restitueret. Neque finis certaminum & varietatum aliarum, donec veris Sfortiarum stirpe rediret Mediolanense imperium ad Caesarem: atque ibi in conservatrice ac praefide Catholici nominis Domo diu illaceffum maneret.

Haec ipsa cum causis rerum atque consiliis trahentia secum conditionem, & fortunas, statumque Urbis, paulo post ordine cuncta exsequar.

B Nunc, Ludovico capto, dominantibus Gallis, acciderat hoc, ut indicto adversus Pontificem Maximum Concilio sedes urbs ipsa Mediolanum destinaretur: eaque res gesta est in hunc modum: Postquam Julius II. Pontifex Max. ingenii vehementia verso in arma Pontificatu, Majestatem illam galea thoraceque foedare visus erat, ac novo ad eam diem exemplo miscuerat sese palam factionibus, & odiis, & castris, feceratque sese quasi caeterorum Principum unum, & publicarum cladum partem: tunc Principes & Reges alii, quorum ille meruerat conciveratque odia, sive profanum adspersum Pontificem, sive ad suas ipsorum utilitates irasve titulo hoc usi, illam Concilii indicendi actionem movere atque ferre, clandestinis primo, deinde publicis consiliis atque sermonibus institerunt. Ea ultima necessitas est Ecclesiae desperatae: id vinculum, id frenum antiquitus repertum supremae potestati, quotiescumque Pontificis ipsius culpa & vitio Catholica fides detrimenti aliquid accipiat, neque aliter umquam illuc descenditur. Sed Julium hunc praeter illam armorum atque certaminum invidiam gravabat etiam sinistra Principum interpretatio, cum id ipsum, quod proferre fines Imperii, & amplificare Romanae Ecclesiae opes conaretur, ad privatae gloriae cupidinem referrent. Adeo, nimirum, in malam partem accipiuntur, tam bene quam male facta, ubi coepit aliquis esse invisus, & ubi censura iudiciumque rerum alienarum, cum aliqua etiam nostra privata cura peragitur. Nam alioqui magna, & excelsa quaedam erat cura Pontificis, vindicare Patrimonium Apostolicum, repetere armis quae per vim aut fraudem olim essent intercepta loca: dum id ageret, objectare periculis caput, & ad bombardae etiam ictus aliquando expositum manere. Caeterum, ubi adversus bellatorem Julium, telum illud acerrimum excogitavere Principes infensi, palamque Concilii terribile nomen intentabant: statim etiam inter Purpuratos erant studia faventium ei actioni, sive adversantium, prout scilicet quemque Cardinalem, Principum illorum aliquis, Pontifexve ipse addictum sibi obstrictumque haberet.

E Variè agitata, & jactata res eo demum adducitur, ut Mediolani congregati tres legati Caesaris, legati Regis Galliae, Principumque aliorum legati una cum factionis ejus Cardinalibus Concilio diem statuerent Cal. ipsas Septemb. anni hujus, qui motu hoc praecipue insignis a Christo nato millesimus quingentesimus undecimus agebatur. Ad eum diem conveniri Pisas jubebant, elegerantque prius conventui locum cum ob alias etiam opportunitates, sed praesertim ob memoriam prosperarum olim illis rerum cum de Pontificatu ambigeretur. Edixerant proposuerantque locis omnibus, Pontifex ipse Julius ut adesset: nisi faceret, interminabantur atque denuntiabant ea, quae interminari ac denuntiare mos est etiam Apostolicae potestati, quoties edicta promulgat. Tanta conjuratorum audacia perculerat haud dubie Pontificem Maximum, confunderatque: sed eodem spiritu ac fervore, quo arma tractabat, etiam ad jura exsequenda acer, indicto adversus Pisana conventicula legitimo Lateranensi Concilio, causam protinus adversariorum actionemque jugularat. Simul poenis acer, potentissimum quemque Cardinalem secessionis auctores profanat Apostolicis notis exauguratque, & sacro senatu movet in perpetuum, ordineque illo indignos declarat. Illi tamen cum affectis fautoribusque suis in Pisarum urbe perseverabant, patri decreta, sed non pari auctoritate facientes in Pontificem

ficem Julium, donec parva dictu & fortuita res deturbaret eos inde, Mediolanumque cum infana trepidatione compelleret, ut mox etiam hinc disiecto conventu dissiparentur.

Cum enim ea civitas jam inde a principio haud umquam concoquere hoc potuisset, quod Romanae secessioni semper ipsa sedes atque receptaculum fieret, ac propter eam causam tumultuari non desineret: mulierulae unius impudicae adversus Gallum militem clamor & quiritatio, paucos primo, deinde plures, postremo civitatem universam jam per se irritatam armavit. In eo tumultu, quidam etiam e familiaribus Cardinalium vulnerati sunt, aut interfecti, & crudesciente in singula momenta seditione, Patribus haud dubie ipsis periculum imminebat.

Itaque damnosum nimis ad Concilii dignitatem & famam existimantes, si quis e suo forte numero violaretur, postridie ejus diei, quo tumultuatum erat, altero suo congressu, quam secundam ipsi Sessionem appellabant, decretum fecere, ut relicta infesta urbe, Mediolanum inde transirent ad reliquas res consultandas atque perpetrandas, quarum rerum causa Concilium esset indictum. Quinto decimo die, postquam venerant Pisas, sublati repente rebus Mediolanum inde abibant, eratque per totum agmen minime simplex habitus animorum. Cardinales, & capita rerum, egregie, ut in malis consultum esse existimationi ac saluti arbitrabantur, quod repente confternatis ad arma Pisani, violentia & ira populi neminem ipsorum attigisset. In urbem iri opulentissimam, tranquille ibi ac tuto cuncta peracturos in Metropoli totius Insubriae, in Galliae Regis imperio, recentique dominatu, ubi flagrantissima erga novum Principem obsequia civium forent, ubi demum alterius Romae nomen & fama antiquitus federet. Aliis terrori ad exitum rerum erat nota Urbis religio, ne Pisanos ibi quoque motus invenirent: aliis id ipsum in spem trahebatur, si actio tam iniqua & irreligiosa consistere posset nusquam, semperque impediretur. Erant enim in eo numero plerique, quos, non ipsorum voluntas, sed Galliae Regis imperium ad celebrandum ejusmodi conventiculum adduxisset. Hi moras & impedimenta omnia ponebant in lucro: ac si Mediolani etiam, uti Pisis, tumultus non nihil oriretur, diem fortasse allaturam aliquid ad sanandos animos, resque componendas autumabant.

Non ego subijciam oculis, quaecumque adveniente impiorum coetu faceret omnis bene morata & Catholica Civitas: sed transferam huc testimonium auctoritatemque Francisci Guicciardini, apud quem de talium hominum in urbem nostram adventu reperi ita fere scriptum: *Cardinales, ubi pervenere Mediolanum, contemtionem sui nominis, atque peragenda rei difficultates reperere easdem, quae in Pisarum urbe conflictati erant. Clerus namque Mediolanensis, quasi, non Purpurati Patres, sed infanda capita & homines execrandi urbem intrassent: ita repente cuncta divinarum rerum officia cultumque sua sponte omisit. Multitudo autem ipsa, quotiescumque eorum aliquis egrederetur in publicum, non tacite praetereuntes execrabatur, sed contumeliosis alte vocibus personabat: terga passim obvertebant, & motu corporum indecoro, dignitatem illudebant eam, quam semper antea cum divinum aliquid adorare soliti fuissent. Cumque promiscue universos, & sibilis & probris insectarentur, infestissima irrisio Cardinalem Sanctae Crucis excipiebat, propterea quod ille, & supra caeteros emineret magnitudine nominis, ac fama, & ultimo Pisano confesso, caput Praefesque Concilio creatus esset. Exsequendo inde caetera scriptor idem refert, querimonias etiam, quae populi Mediolanensis indignatione jactatae assidue in Concilium actionemque totam, haud sine magna gloria civitatis vulgarentur. Sed repressit aliquantisper constantiam civium fregitque Gaston Fois, qui pro Galliae Rege praeerat Urbi, armaque & exercitum habebat. Is etiam domuit vi sua, & subegit praesenti terrore Sacerdotes, Clerumque universum, uti repeterent pristina sacrorum munia, neque quidquam in ulla divini cultus parte desideraretur. Hinc robur & fiducia Cardinalibus*

A instaurando Concilio, cui sedem circumspicere novam coeperant, jamque si sic res iret, poenituerat consilii, quo Pisarum urbem reliquissent.

Cum ex insperato quies auctoritasque nonnulla rebus eorum obtigisset, congregabantur statim diebus in Templum hujus urbis maximum, atque dedecus illud, cui novam aliquam cladem crebro cum gemitu Mediolanenses adspiciebant. Rursus tamen factio vicissim ipsa languebat, & obtorpuerant Cardinalibus animi, propterea, quod nullus ab Caesare procurator, legatiove nulla compareret quae momentum adderet decretis. Et dixerat quidem annueratque Caesar, adfuturam in tempore suam ex Germania manum: sed mutato nunc animo recedebat a causa sensim, & varias necendo moras, varicque declinando, id agebat, ut negotium diffiduumque illud quam lenissime relinqueret Gallo, caeterisve, quibus agere & prosequi ea magis placeret: ac dissolvendi Concilii principium id fuit.

Sed quomodo tandem haec parta de impiis victoria fuerit, utque Christi Vicarius, & diris, & armis, & vi tota Pontificatus animique sui ad extremum usque persequi rebelleis institerit, inter caeteras ejus aevi turbas, publici annales memoravere. Mediolani sedes atque domicilium rebellibus illis erat, donec, pulsus Gallis, restituto Maximiliano, fugarentur hinc una cum Rege abirent. Neque Mediolani per eos acta ulla in patriae annalibus extant, nisi, quod ipsum Sanctae Crucis Cardinalem referunt, in Templo maximo Summum Pontificem esse appellatum, & Martini nomen sumpsisse, cum antea Bernardinus Carvajalis vocaretur. Hunc, Ordo Columbinianus, qui D. Hieronymi Aedem in Urbe Monasteriumque habet, hospitem fuisse suum contendit, quamdiu ille Mediolani Concilii factionisque ejus causa moraretur. Ipsos inter tumultus aestusque tam infelici curarum, atque in medio circumfremantis populi strepitu, curam hanc fuisse Cardinali, ut templum illud, templique frontem piis imaginibus eximie picturatum, velut hospitii pretium exhiberet. Nazione Hispanus hic fuerat Carvajalis, quod familiae nomen hodie inter primas ejus Gentis claret, ac tunc nihilo obscurius humiliusve agebant. Aderant viro litterae & artes, quae Principem decerent, & honesta omnia, nisi deformarentur adipiscendi summi honoris cupidine. Ea transversum egit hominem, & dum primus esse mortali tentat, ad infimos prope est delapsus. Non viderat fortasse Roma ab condito Pontificatu ludibrium tale superbiae, quale postea spectatum ibi est tunc, cum Carvajalis hic, & facinoris collega Sanseverinas, Pontificis Leonis indulgentia restituerentur in Ordinem, unde Julius utrumque dejecisset.

E Scilicet, Principes olim & duo lumina Collegii, alter etiam ille, usurpato sacrorum Regno adoratus a suis, posteaquam Pontificem exorant, noctu in urbem admissi, postero die, pro purpureo firmate, nigra in tunica pileoque concolore, frequentissimis Vaticani locis per hominum ora traducuntur. Cardinales in sedem processere suam. Pontifex Maximus Apostolico folio sublimis eminebat: spectator, tantae Urbis populus & genus prope humanum aderat. Falsus ille Pontifex cum collega suo positus humi genibus ante solium procubere, dum facinori damando petendaeque veniae compositae preces recitantur. Sublevati dein, ad genua Cardinalium aliorum singulatim accedebant: ibi fine motu voceque ulla excipiebantur, donec per tota subsellia circumducti Collegio redderentur, & ipsi quoque considerent. Id inter caetera, contumaciae secessionisque piaculum fuit. Sed externa haec, & temporum etiam ordine dissipata, temporum rerumque nostrarum ordinem prope jam abrumpebant.

F Cum Rex Galliae, Sfortiam utrumque, sicut memoravi, alterum Helvetiorum fraude, perfidia Placentini proditoris alterum, in potestate vinculisque haberet: urbemque Mediolanum, & Metropolim hanc cui tutissimum adversus hostilia tentamenta castellum praefectis & armis infedisset, coeperat esse negligentior ad con-

continendos atque demerendos animos eorum, qui pro dito Sfortia victoriam ei simul in manum tradidissent. Ita gens, etiam si non irritaretur, facilis ad transferendam fidem, postquam contemptui se esse insuper videt, ad societatem cum Romano Pontifice incundam inclinatur. Fixum, destinatumque Pontifici Julio erat ejicere Mediolano Gallos Italiae tota, non tam odio in hostem Regem, quam gloriae cupidine, ut Italiae liberator ipse diceretur. Ideo gentem cum Helvetiorum inter caetera auxilia adungere sibi saepe ne quidquam conatus, ubi offensos alienatosque ab Rege esse animos cognovit, usus inclinatione voluntatum, & legationibus, & promissis, & praesenti pretio tenuit rem, ut haberet eadem in Gallos arma, quibus armis Galli antea totam conterrefacere Italiam potuissent. Simul, cum Rege Catholico Venetisque adversus communem eundem hostem ierat foedus. Ac primo quidem foederata illa arma infelices eventus habebant: magnoque ad Ravennam praelio victor Gallus, de summa rerum metum ingentem fecerat: Helvetique etiam cunctabantur. Mox fortuna versa est, & cuncta pro Pontifice adversus Gallos erant, ut quamprimum ejectio gentis fieret. Anglus & Aragonius, & Caesar ipse, suo quisque metu anxii si tantae Gallorum opes forent, in partem descendebant eam, quam, potentiae huic esse infestissimam, videbant. Et jam aderant Helvetii, praecipuus Gallorum terror, praecipuaque spes Pontificis, at eae copiae digressae in Mediolanensem agrum & cum Veneto exercitu conjunctae circumfunderent Gallum a tergo pellerentque. Summum vero peragenda rei adjuvmentum ipsi Mediolanenses irritati Gallorum moribus, & imperium illud acerbissime perferentes, tamquam exercitus aliquis habebantur. Jam enim propter quotidianas injurias, eo processerant indignatione ac dolore, ut Regi Praefecti, nullum nisi per neces & supplicia jus obtinerent, saevientique materiem assidue praebebat res illa Conventiculi, de cuius origine, & exitu antea demonstratum est. Nam cum ad finem usque Gallici dominatus, rebellium illorum secta Mediolani perseveraret: quamquam repressa, sicut memoravi, civium adversus eos libertas, per intervalla gliscebatur acrior infestiorque, nec ullis ab Clero populoque contumeliis in factionem totam abstinebatur. Rursus Cardinalem Medicaeum, Pontificis legatum, quem Rex ipse Mediolanum in custodiam miserat, colebant omnibus officiis, eaque erat universae civitatis pietas in captivum, ut contumelia inde in Regem appareret. Vulgo petebantur ab captivo illo Cardinale & legato piaculares absolutiones ad coelestem veniam, animaeque salutem, ut quisque, vel pro Galliae Rege tulisset adversus Pontificem Maximum impia arma, vel aliquo ministerio Concilii temeratus foret. Qui piacula ejusmodi contraxerant, neque fuerant absoluti, his, si interea morerentur, sacra sepultura denegabatur a populo Mediolanensi, omnesque in profano defodiebantur. Tradunt temporum eorum scriptores, tantum fuisse numerum eorum, qui absolutionis causa Legatum adirent, ut ad conficiendas patentes litteras non sufficerent homines, adsciti in id munus, ac subinde alios assumere scribas necesse esset.

Id Regis aegre tolerabatur, ac dum reprimere poenis ejusmodi concursus volunt: neque assequerentur, & civitatis animos asperabant magis, quae jam tota rebellionem spectabat. Sed nulla alia res magis erat apta & opportuna Gallis ejiciendis, quam Galli ipsi, discordes inter se: dissipati circa praesidia parvarum urbium: ad summam rerum, non quantum oporteret attenti: alienandis auxiliariis faciles: conscribendis novis militum copiis avari, quam etiam ipsi culpam in medio discrimine rerum invicem objectaverunt. Et nutantem sic afflictamque eorum fortunam stravit penitus evertitque Maximilianus Caesar properis ad Germanicum peditatum litteris & mandatis, ut ab Gallico exercitu discederent protinus atque redirent domum. Tunc etiam ipsi Gallorum duces desperare, posse ultra rem Mediolanensem ab se retineri ac defendi. Ingruebant enim magna

A vi foederatorum arma, & prope una eademque res fuit, excedere Mediolano Trivultium, caeterosque Regios Praefectos, & foedere sacro (hunc enim sibi titulum indiderant) junctas manus subire illuc. Cardinales capita Concilii ad primos perditarum rerum tumultus in Galliam aufugerunt. Medicaeum, Galli fugientes, cum rapido secum agmine ducerent, homines probi familiares ipsius, facta manu raptoribus eripuerunt, ipseque etiam vim adjuvit astu, & simulatione morbi, qua morari potuit agmen tantisper dum componeretur ordo peragenda rei. Quidam ipsum evasisse Mediolano, deceptis custodibus malunt, artificemque fugae Blasium Cribellum memorant.

B Pulsis in hunc modum Gallis, recepto Mediolano, statum urbis Octavianus Sfortia, Episcopus Laudensis, regebat interea, dum Maximilianus, Ludovici filius, reduceretur, sicuti Caesari foederatisque placuerat. Jam enim Veronae erat Maximilianus, ibique Caesaris jussu & auctoritate, possessionem adibat imperii paterni, Mediolanum venturus, ubi primum Episcopus Gurgensis, quem Caesaris nomine oporteret interesse actioni, venisset ab Roma, quo Lateranensis Concilii causa, nomine ejusdem erat profectus. Ut ille adfuit, deducitur Sfortia Mediolanum, accipiturque summa Civitatis laetitia, quamquam inesset timor & cura multorum animis, quos praesens potentia Gallorum externo imperio favere coegisset, quive etiam ultro illuc inclinassent. Cum ad portam urbis pompa pervenisset, paulisper dubitatum est inter Cardinalem Sedunensem & Catholici Regis Legatum, uter eorum, Portae claves Principi traderet, quae caeremonia rem ipsam continebat, utri etiam parti Sfortia, fortunam eam, in quam restituebatur, ferre acceptam deberet. Tandem acius tendenti Sedunensi cessit Hispanus, ut Helvetiorum genti blando mentum id daretur. Cum Sfortia restitutus in hunc modum esset, deinde Mediolani per aliquot dies is habitus & ea facies rerum erat, quasi natale quoddam hujus patriae tempus Civitas tota concelebraret. Principem enim receperant nativum: & quamquam sublatu veneno alter, paternumque veneficium ante oculos adhuc obversaretur, magistamen valebat in animis memoria Avi, in cuius mores abiturum esse juvenem sperabant. Neque Ludovicus scelere quaesitum imperium pessimis alioqui artibus exercuerat. Ac si nihil horum esset, laetabantur tamen, quod ex pristino servitio in qualemcumque statum evasisent. Adjuvabat vero ipse laetitiam hanc spemque communem pietate erga res divinas, comitate erga omnes, ac praesertim excelso dissimulans animo offensionem in eos, qui studuissent Gallis, ultroque necessitatem incusans, ne dissimulata ira in majus crederetur. Satis constitit, factionis Gallicae homines, tum ex Populo ipso, tum ex praecipua Nobilitate, quos conscientia praeteritarum rerum meditari fugam coegisset, perspecta novi Principis indulgentia, consilium id omisisse, ac domi esse retentos. Quidam etiam, cum vestigia secuti Gallorum abissent, redire, neque in cuiusquam bona saevitum. Fiebant haec modestia quidem & probitate juvenis, sed Principum etiam ipsorum consilio, per quos in Imperii sedem erat deductus.

E Substitere namque Mediolani consiliis agitandis disponendisque rebus aliquamdiu, Catholici Regis legatus, & Sedunensis, & Gurgensis, grandes natu homines, & regendis mortalibus atque tractandis Regum negotiis inveterati. Horum igitur prudentia primis diebus Maximiliani animum regebat, ne in magna potentia magnisque hominum culpis, aetatis etiam vitio quidquam fieret secus, atque tam lubricae res postulerent. Non ille tamen effugit occultae conjurationis initia eruptura haud dubie in necem, nisi ante tempus indicium emanasset, ut reservaretur ad ludibrium idem humanarum rerum, quo pater ipsius hostili in terra contabescebat.

F Sacramorus erat Vicecomes, partium Gallicarum acerrimus instigator, & multa hostilia pro Rege in Sfortias ausus. Non credebat istotam ex vero & sincero clementiam esse, quam Princeps Maximilianus ad ini-

tiarum adhiberet: siue credebatur, & sicuti sunt animi quidam implacabiles, manebat infensus & torvus. Assumptis in consilii societatem, quibus eandem esse suspicionem, eundemve animum sciret, corruptisque in eundem sensum nonnullis aliis, quorum solerti audacia spes facinoris patranda indigeret, conjurationem interficiendi Principis fecit. Negotio fuit eventus, qualis esse conspirationibus solet, eaque in suum caput deprehensa machinatione Princeps, Urbem ipsam Mediolanum adspernabatur oderatque, ac suam ibi tam infestam esse vitam sciens, Novariam hinc secessit. Sed Gallorum arma jam ipsum appetebant, momentis omnibus fremente Rege, quod amissa per suorum negligentiam urbe Mediolano, Italiae possessione dejectus foret. Et ille quidem Rex Galliae Ludovicus, dum totas adversus Maximilianum Regni vires ciet, in medio saevissimi belli apparatu mortuus, hunc etiam conatum una cum reliqua Regiarum curarum mole vanum reliquit. Caeterum ei successit, Italiae potiundae appetentior, ingenioque fervidiore Franciscus, qui vel capere ipse, vel capere Mediolanum certus, cum validissimo exercitu in Italiam descendit, auctus etiam Venetorum auxiliis, quae Respublica pro Sfortia nuper adversus Regem Ludovicum steterat. Mutabantur enim inter eas Italiae calamitates, foedera societatesque Principum una cum rerum ipsarum statu, & saevus ille ludus spectabatur, ut postquam alieno sanguine vicerant alios alii, mox adversus victoriam ipsi suam iidem pugnare vellent. Sic Veneti, cum pro Maximiliano confocia-
vissent nuper arma, nunc in eum ibant, ut prioris foederis eventum abolerent foedere novo. Pugnatum est ad Melinianum decimo ab urbe lapide cruenta utrimque pugna: sed vicere Galli. Rex Franciscus in loco victoriae Monasterium postea exstruxit, attribuitque Fratribus Celestinis, quod monumento ad posterum esset.

Misera, & magna Civitas toties victa, totque tam brevi tempore fortita dominos, ne nunc quidem stabile adesse quidquam videbat. Secuta tamen id quod adesse videbatur, legatos misit ad victorem Regem, qui dederent urbem, & patentibus ipsum exspectari portis nuntiarent: Populum Nobilitatemque Mediolanensem exspectare quid Regiae maiestati placeret. Confestim ille sequendo rerum cursum, Mediolanum venit, ibique Sfortiam victoriae cumulum adeptus, cinctum eum militari custodia ablegavit in Galliam, ne, vel interfectus, in saevitiae exemplum abiret, vel profugus obesset securitati rerum, quae longe aberat Regi. Jam enim hostis major ei imminabat, ab longa Caesarum stirpe procreatus, Caesarque ipse, paterna origine Germaniarum alumnus, ab aviae dote septemdecim provinciarum heres, materno jure Hispanias & tot secum regna trahens Carolus, cui vim geniumque victorem adversus Gallum eum Regem adfuisse, post eventum credidimus.

LIBER VIII.

NOVA hinc & continua circa Metropolim bella exsequar, quorum pars minima erunt Sfortiacae Domus reliquiae: resque agetur inter maximos duos orbis terrarum Reges, interjecto superstiti adhuc uno exsuleque Sfortia, dum restituitur iste, arceturve urbe, quae Caesarum primo sedes fuerat, deinde usurpata libertate, rebellis eorum & inimica, dein, domesticos inter tumultus, serva civium suorum, tum ab alienigena domino rapta & occupata, nunc demum egesta paulatim Tyrannide redigebatur ad jura veteris Imperii, & magnitudine sua Carolus Caesar, hoc Infubriae Regnum, parta nobis in perpetuum securitate, Domui stirpique suae assignaturus erat. Ac velut aequitatis etiam fama divinitus pararetur exsurgenti tunc ad Catholicae Religionis tutelam Imperio: Austriaca arma prius reducere extorrem Sfortiam: deinde, postquam orbitate ejus & senectate, res adhuc Mediolanensis ad externa vel intestina pericula prolabebatur, insuperque suspecta fides, & ingratus erga tantum beneficium animus offen-

debat, quasi perfidiam ulciscerentur, in eundem incubuere.

Gallus tamen etiam ipse, sua jura suasque actiones & veterum matrimoniorum vocabula habebat, aliave firmamenta causae: quae numquam Regibus desunt. Dabant & famae Rex uterque, patiebanturque divulgari tamquam arcanum, id quod potius tegere ipsi ac dissimulare debuissent, si causa utique belli ea esset. Angi, scilicet, ipsos mutua invidia & aemulatione potentiae: ideo, quidquid gereret tentaretve alter, alteri id esse impediendum: fama quoque ista volentibus etiam ipsis, civilium ingeniorum, & aulae susurris jactabatur. Re autem vera angebat animos nomen & magnitudo Urbis, civitatumque subjectarum, quae cum Metropoli sua Imperium aliud omne comparatione opportunitatum elevare, ac minuere per se viderentur, etiam si nulla Imperitantibus aemulatio esset. Sed antequam certamina haec duorum Regum, & infestiora pene inter ipsos consilia quam arma, stratosque Gallorum acervis Infubriae campos, Regias quoque captivitates, atque de urbe nostradam dimicatur, collatos in provinciam aetatemque unam, seculorum & terrarum prope omnium casus: haec antequam narrare aggrediar, Sacrorum quoque statum, qualis inter calamitates, vel exhaustas jam, vel exhauriendas ille fuerit, repetam.

Caput regimenque jam inde ab Hippolyto Estense sacris abfuerat rebus, & Estensis ipse, Gallica legatione, paternaque fortunae superbia semper absens, per conductos aliunde ministros, totum id pastorale munus obierat. Ita facta erat Urbs ceu profani populi coetus aliquis, populusque ipse peregrinitate infusa colluviem quodammodo barbarorum referebat. Namque Borbonius, & Odettus, & postea Lotrecus, & alii, qui pro Regibus suis res administrare Infubrum, homines innutriti ferro, & militares violentias, omniaque exercituum flagitia specioso necessitatum nomine appellare soliti, praedandi constuprandique licentiam, ceu stipendia praemiumve laborum militi ducibusque & praefectis, & fortasse sibi met ipsis offerebant eadem licentia. Miles ex variarum colluvione gentium, procul ab domo, procul ab sincerac religionis cultu, & longa egestate efferatus, etiam sub severo imperio praeceps ad scelera, contumaxque adversus omnia quae coercendis flagitiis excogitata sunt. Terra profecto haec haud immerito flos dicta terrarum aliarum, & amoenus hic opulentusque populus, atque per monasteria, per templa, tantum pretiosae suppellectilis, tantum sacrati auri vel argenti, non leve incitamentum militaribus injuriis esse potuerant, etiam si tam crebrae illae mutationes instabilesque victoriae, & alius ex alio dominatus, haud perinde immitem avidumque hostem invexissent.

Quanta igitur materies injuriarum saevitiaeque in Metropoli erat, tot modis Barbari desaevire in urbem, quae si sua arma haberet, poterat tremenda esse illis: tunc amissis una cum Principe armis, obtorpuerat metu, oderatque simul, & serviebat, & lacerabatur. Domus, & fortunae singulorum civium aliquamdiu suffecere furori: primisque diebus, & rapiebatur inde quidquid ad splendorem usumve penatibus adesse honestis solet, & postquam avaritiae fatisfactum erat, libidinem aliam corpora explebant. Mox utriusque libidinis causa, rerum, scilicet, corporumque sacrata claustra perfringebantur. Virgines incolae, vitando dedecori omissa rerum cura petebant longinquos abditosve secessus: & pudoris olim sanctimoniaeque domicilia turpis inquilinus profanabat. In re utique illa sexus infirmioris, tanta petulantia ejus externae Tyrannidis fuit, ut quamquam ablatis, sicut dixi, armis conciderant animi civium, egregia tamen facinora ediderint viri feminaeque vel in ipsa dedecoris patientia, vel ne dedecus paterentur, vel ut vindicarent, postquam passi erant. Nam, aut pater, fraterve, maritusve, cui filiam, vel sororem, uxoremve temeraverat Barbarus, aut mulieres ipsae petita ad flagitium verso in rabiem dolore constupratores adulterosque suos, vel dum concepta turpiter libidine aestuant, imminentque sceleri, vel ubi jam victrix impudicitia frustra reluc-

stantes ipsas expugnat, interfecere. Diripuit ab insul-
tantis latere pugionem una infelix puella, jugulumque
ejusdem hausit, & simul, ab moribundo ipsa jugulata
est. Tardior ad vindicandam injuriam, sed felicior alia
devolvit e fenestra grave pondus, ita ut eliso capite con-
cideret stuprator in limine domus, cui recentem labem
intulerat, labesque simul ipsa deleteretur. Aliqua sibi in-
tulit vim exanimisque collapsa horrore confudit impudi-
cum. Inexsuperabili declinatione recusabat alia, donec
ab irato eodem, & impudico obtruncaretur. Et mulie-
rum nostrarum adversus Barbaricas turpitudines facinora
quidem hujusmodi fuere. At viri, quos in communi ca-
lamitate proprius aliquis ejusmodi injuriarum attingebat
dolor, sicuti viros, sicuti Mediolanenses decebat, ege-
re, passimque in cloacis & ad loca spurciora reperiebantur
exanimis Barbari, suo mandantes ore ea per quae
peccarant. Quod foedum ac turpedictu, retuli tamen
ad omnis impudicitiae terrorem: exemplumque prodi
ac memorari istud ipsa rei indignitas postulabat. Non
enim homines illi amatoris ullis obsequiis artibusve quae-
rebant sibi aditum, si cujus forte formam adamassent:
sed qualiam mulierum Transalpinarum ingenia sub comita-
tis nomine aluntur, talem eum apud nos esse sexum ra-
ti, pecudum ritu irruebant. Tantaque ea protervia fuit,
ut juvenes nostri, non ferentes ignominiam, irrumpen-
rent in Regionum domos, uxoresque & filias eorum ra-
perent vicissim & mancipiis suis polluendas darent.

Hae vices reddebantur: unde irritatis dominantium
animis, miserior quotidie conditio fervientium fiebat.
Sed in eo insolentiae libidinumque certamine, non abe-
rat plebi diversum aliud contrariumque malum, fames,
quae apud perditam instabilemque mulierculam in fac-
vitiae diu inauditae exemplum excessit.

Isabella nomen fuit uni, quae vagos per viciniam in-
fantes puerulosve excipiebat, & dissectos in frustra con-
ditosque sale vorabat clam absque ullo feralis cibi horro-
re, sicuti carnes aliae manducantur. Ea, nonnullas sal-
samenti ejus ollas, cum domi haberet, accidit forte
hoc, ut felis, quod animal avidissime uncta omnia per-
sequitur, extractam ex olla puerilem unam manum cir-
cumferret absque flagitii intellectu, proximamque ei
carnificinae domum intraret, ex qua domo subtraham
paulo antea infantem secuerat Isabella asservaratque. Et
caeca omnis erat conjectura parentibus, quidnam fa-
ctum de puella foret, quove per errorem delata esset.
Inter querelas anxietatemque perquirendae infantis,
conspecta pecude, quae conceptam ore dextellam fe-
rebat, indicium primo id arripere, dein vestigia be-
stiolae observantes, dirum subire tectum, atque ibi
diverticula omnia perferutando reperere, quas dixi, ol-
las, & separata in olla nondum plane concisam infantem
suam. Confusae adhuc oris notae cernebantur, & com-
prehensa protinus venefica, nec sane inficiata quid-
quam, in rotam agitur, deinde crematur. Catharinae
Serona (id puellae nomen) lacera membra composita
puerili tumultu, ad D. Mariae Secretae valvas in supero
limine collocantur, atrocemque casum tabula subjecta
narravit. Atrox namque visum Gallico quoque magi-
stratui, poenasque cum expetivissent, memoriam
etiam prodidere.

Cacterum, toto illo Gallici dominatus tempore, quod
fuit annorum circiter duodecim: sicuti jus omne vitae
communis, ut demonstravi, interciderat, ita Sacrorum
quoque jura sublata & oppressa erant: ac praecipua vio-
lencia Lotrecus adversus Ecclesiae majestatem, omnia,
quae continentur Apostolico imperio, Pontificumque
nutu, sumpserat sibi & usurparat. Ille Sacerdotia de-
mandare quibus vellet, injicere Sacerdotibus manus,
fortunas & alimenta, & hereditates eorum arbitratu suo
dispensare, contemptor divinarum legum, & irrisor si
quid ab Roma denuntiaretur. Sed ne Clericorum qui-
dem interim instituta & mores erant Mediolani secus
atque tam importunae dominationis vi partem etiam cor-
rumpi hanc necesse consentaneumve erat. Non mode-
stia coloreque vestitus distinguebatur is Ordo a caete-
ris: ad Templum negligenter, & incondite agebant, ac

A si tecta eorum ingrederere, mariti parentesque vocita-
bantur. Nec multo plus litterarum in unoquoque repe-
rires, quam in patrefamilias & opifice sordidae artis.
Quotus quisque crederet, aut hunc illum esse Clerum,
qui artium optimarum studiis, & vitae sanctimonia cun-
ctis per Italiam gentibus ad Ecclesiasticae disciplinae
perfectionem antea praeluxisset: aut Cleri famam ejus-
dem ab majore mox gloria per terras omnes esse dissipan-
dam? Tunc utique, vel sua, vel temporis, vel impe-
ritantium culpa miser absurdusque repente factus erat.
Quis vero etiam crederet in tam perditis rebus, tamque
profligato & desperato urbis statu, aut posse ulla morta-
lium pectora concipere spiritum ullum pietatis, aut si
B quae pietas hinc Coelum pulsaret, locum ibi aditumque
esse inventuram? Attamen, si parante Deo praesidia
urbi salutemque rebus ex urbe ipsa, si hominibus
ipsis, quemadmodum in periculo, vel metu consueve-
re, propitiare annitentibus Numen, & quaerentibus
placamenta aliqua divinae irae, constat pleraque per
tempus illud funestum esse instituta Mediolani pie ac re-
ligiose, qualia vel in florentissima pace fierent atque in-
stituerentur. Nam primum omnium, cum ad D. Am-
brosii subterraneam Aedem opis exposcendae causa fre-
quentissime a civibus iretur, & inter piacula alia, largae
quotidie stipes egenis circum ea claustra certatim daren-
tur: paulatim ea tumultuaria pietas in ordinem discipli-
namque adducta est, ac sub ejus subterraneae Aedis no-
mine, factum aerarium, quod subsidio pauperibus esset.
C Ab eadem publica trepidatione, initiisque iisdem propa-
gata fuit alia sublevandae egestati Societas ad claustra D.
Marci, factaque Sodalitio sedes ibi in Aedicula, quae
Crucifixi dicitur. Crescente dein fama & auctoritate
Sodalitii ejus, cum Principes etiam urbis nomina illuc
darent, Franciscum quoque Regem cum Claudia uxore
& filiis duobus adscriptum inter caeteros lego. Namque
Regi ei Francisco, super ornamenta caetera, quae
inter alios urbis nostrae Reges aut Duces cum bona re-
cordatione coli nomen ejus possit, adfuerat etiam pietas
generosa, & sincera, & digna Christianissimo Rege,
non callida & infelix illa, ancilla necessitatum Regni,
ludibrium populis, ingrata Deo, fraudum comes, vel
fraus potius ipsa.

Portenta, quae sub brevi illius imperio viderat civi-
tas, & calamitates infandae, quas eo per ministros hic
imperitante pertuleramus, imputari debent bello, nec
omnia Gallorum genti, sed gentibus simul aliis, quae
in expeditionem eam secutae Gallos, & victoriae impe-
riique participes, vagae per provinciam, immittae per
urbem, Barbarica libidine simul & nuditate & violentia
D & contemtu religionum turpiter & crudeliter impieque
latrocinabantur. Semper ista quidem exercituum victo-
riarumque omnium fuere, nec miles postea Caesaris in
sua victoria continentior fuit. Praefectorum quin etiam
E Ducumve Gallorum, sicut impotentes & dissoluti ali-
qui fuerant: ita nonnulli specimen eximiae Religionis,
vereque Catholici sensus edidere. Sed in recenti crebris-
que mutationibus obnoxio imperio, in atrocibus bellis,
in infida pace, in terra aliena mistum ex pluribus genti-
bus exercitum, eumque aut exultantem parta nuper vi-
ctoria, aut mox educendum in aciem, coercere diffi-
cile fuerit etiam integro moderatoque Duci, qui, vel
nullos, vel sibi concordos Imperii collegas haberet. In
Gallica multitudine, praeter turbae militaris effrenem
intemperantiam discordia quoque & dissimilitudo Du-
cum, & eorum inter ipsos, tum vitia, tum virtutes ag-
gravabant rem, populusque interim & Respublica Me-
diolanensis plectebatur.

Cacterum, Jacobus Trivultius, & Gaston, & Car-
dinalis Sedunensis, & Octavianus Maria, Laudensis
Episcopus, qui, tenente Insubriam Gallo, pro Re-
gibus illis urbem exercitumque & Imperii summam
apud nos aliquandiu administrare, potuerant natali-
um quisque suorum magnitudine, vel sacri honoris ve-
recundia, vel indole etiam animorum ita esse affecti, ut
nihil indignitatis, nihilve injuriarum admitterent, ad-
mittive ab aliis paterentur. Gastonis certe, qui Galliae

Regifloris filius, & Trivultio particeps in administratione rerum fuit, tum res gestae mirifice ac divinitus, & insigni ad Ravennam victoria mors clarior, tum vero post mortem impensa cura in monumentum ei Regali sumptu faciendum, & ejus monumenti marmora irrita, quae apud D. Marthae virgines exstant: haec omnia credere prohibent, sordidum aut humile, irreligiosumve quidquam adfuisse ei, ut ad infanda illa conniveret. At hujus patriae civis Trivultius, ob exortas ei eum Ludovico Sfortia inimicitias transgressus in Galliam, & summa ibi adeptus, indeque cum imperio redditus urbi, debuit caritate respicere aliqua nativam tellurem, ne externa militari violentia diripi sic ac foedari eam pateretur, si utique ad tantos inhibendos impetus valeret ulla potestas, vel certe, si inhiberi eos potestati expediret, cujus firmamenta injuriae illae habebantur. Is origine Mediolanensis, transitione Gallus, cum in novo imperio potens rerum ferme omnium esset, viciesque cum hoste pugnasset, & par fere numerus victoriarum ejus celebraretur, tactus ad extremum desiderio patriae, quae naturalis cuique mollitudo est in ea Coemeterii Nazariani parte, quae Paradisus dicitur, sepulturae locum sibi & posteris elegit, sicuti alte suspensa illic hodie cenotaphia Trivultiorum cernuntur. Sacellum id dicavit Mariae Virgini victrici, testatus hoc ipso, quod res prosperae gestas ad eam referret: addiditque sacrorum cultum praedia & pecuniae summam, & Mystas septem, & alia quorum hodie vix ulla pars manet.

Parum attinuerat excoluisse piis operibus in mortis tempora urbem, quae vivente ac praesidente eo ingemuerat. Sed ne capita quidem beata praesentium indigenarumque sanctorum, vim arcuere, quae tunc Mediolani saeviebat. Habuit enim etiam aetas illa coelestis animas, quae furente in Metropolim tempestate, latenteis in occulto, acceptae Numini, ignotae mortalibus, & seculo dignae meliore, exitium quidem suis meritis ab Republica prohibere ultimum, non tamen ea, quae dixi, mala averterunt. Monasterium, quod D. Marthae nuncupatur, est venerandae in urbe antiquitatis, etiam ob incorruptam ab origine sui famam, & nullo umquam susurro, nullave suspitione violatos virginum earum honores longe venerabilis: ipsoque Gallicarum importunitatum tempore, cum nulla uspiam fatistuta latebra honestati esset, nihil omnino labis intra claustra illa fuisse illatum constat, nihilve tristius cuiquam earum accidisse, dum in agris quoque, sicut ferebant tempora, morarentur.

In eo Monasterio fuit Veronica Nigrona, quam Leo X. Francisci Regis rogatu rite Beatam appellavit, cum sub Pontifice Regeque illo fama vitae ipsius, & aliud ex alio quotidie miraculum, quamvis occupatos longe diversis negotiis animos, magnitudine rerum ac novitate perculisset. Namque statim ubi excessit, secuta signa haec feruntur: Dariae cujusdam virginis insanabiles tumores depulsi solo cadaveris contactu: Christophoro Laudensi consolidatus humerus, & sanata luxatio cum is quoque medicinam ab eodem contactu petiisset. Virgines duae Ordinis ejusdem, amissio ob tumorem incessu, deportatae Mediolanum, impetrare ut admoverentur, & redire illico ad usum crura. Gallorum etiam unus, qui Mediolanensi praeerat arci, nuncupato ob filiae salutem voto, quam diuturna tabes absumebat, filiae quoque ipsa delata illuc, ubi insensibile adhuc Veronicae corpus concursu civitatis frequentabatur, damnatus voti suspendit in Templo D. Marthae pretiosam vestem, & erogato in aliquot solennia sacra sumtu, admirabilem in Sanctis suis divinam vim publice adoravit. Nec deinde cessatum ab miraculis aliis, quam diu corpus exsequiarum causa jacuit in feretro, quod spatium quatrivium fuit, ut publicae pietati desiderioque satisfaceret: interimque nobiles viri, qui munus sibi illud ambitiose efflagitarant, in Templo excubias egere. Jacobina quaedam, cui naturale vitium respirandi difficultas & pectoris angustiae lethaliter ingravescerant, affluente illuc populo ad spem erecta, simul atque in conspectu cadaveris stetit, sensit meantem libere spiritum, & longo deinde vitae spatio

A perpetuum ipsa miraculum fuit. Maffeolae Glussianensi contractum foede brachium, & elapsi in pravum artus, pari miraculo, motum, & decorem, vimque suam recipere cum infelicia membra corpori beato applicuisset. Et ad intimos quoque sensus animosque mortalium penetrante cadaveris ejus potentia, fratres duo, qui furialibus accensi odiis, alter alterius haurire sanguinem parabant, condixerantque locum & diem quo stringerent gladios in mutuam necem, positis repente inimiciis, detestati scelus in sinceram & fraternam vere pacem coaluere, postquam soror eorum Luchina tragicam suae domus abominata calamitatem, flexo juxta exanime corpus poplite petierat, ut propulsatrix illa tot malorum, B etiam huic imminenti flagitio remedium pararet. At ubi subductum oculis fuerat, humique mandatum id Veronicae corpus, nihilo leviora impetrabant quisquis recenti adhuc talium rerum memoria spem opemque eandem tentabat. Paulatim inde, uti nequitia & secordia mortalium est, impietas oblivionem, oblivio diffidentiam genuit, & dum sperare miracula non audent, obtinere desierunt. Sed donec erga virginem admiratio calorque animorum vigeat, singulis civibus, ut cuique pia spes, & sine remedio calamitas aliqua erat, Veronicae velut manu salus e Coelo mitteretur. Borela Comarchus hac opere repente convaluit & phthisi, quae, cum medicos omnes fatigasset, pharmaca simul omnia consumpserat, & experimentis illis irritata inanibus quotidie saevior fiebat. Tunc invocata virgine, votisque nuncupatis, conspectus scilicet illico est ab lectulo profliliens, & consensu hilare equo per urbem circumvectus esse ferebatur. Isabella Crotta, Blanca Lucia Stanga, Blanca Marcellina, Camillus Falconius, & ingenti agmine alii, cum in malis quisque suis Tutelarem sibi Veronicam advocassent, exemplo etiam aliis fuere quo promptius eadem illa invocaretur. Captivo populo, miserae civitati, accisis Ecclesiae rebus, hoc per ea Gallica tempora subsidium fuit. Quo quidem tempore, in eodem D. Marthae Monasterio, praeter Veronicam D hanc, claruere mirifico spiritu ac divino, Michelina insuper, & Justina, & Thadea: & harum quoque enim vero diversus ab mortalium consuetudine animus, & in hac ipsa mortali vita affinitas cum coelo quaedam, postquam ab oculis abiit, intellecta est. Sed Veronicae majus nomen, & majora omnia, per quae nomen venit. Exstant Apostolicae litterae Leonis X. per quas D. Marthae Monasterio Pontifex ille concessit, ut Veronicam apud Ordinis ejus templa & aras, caeremoniis, & omni imaginum honore coli licitum esset, ejusque concessionis diploma Martinus Episcopus Maconensis, Francisci Regis apud Pontificem Max. eo tempore Legatus abstulit, cum haberet hoc ab Rege mandatum, ut negotium id in primis Romae ageret. Nam & diplomati ipsi exordium id fuit, optasse ista Regem, & preces de ea re suas mandasse Legato. Scilicet, in maximi belli rerumque commutandarum destinatione & cura, quam coquebant Pontifex & Rex, in vastis consiliis, inter mutuas suspiciones, in profundo animorum aestu, qui paulo postea ad hostilem infectionem & foedera inimica erupturus erat, tractabantur inter eos ista & curabantur.

E Caeterum, imminente bello, cujus exitu, Gallorum ejectione, Galli Regis captivitas, & novum ac duraturum Mediolani Imperium parabatur, antecessere omnia, per quae Numinis indignatio, & rerum finis externo portenderetur. Nam praeter ea, quae jam demonstrata sunt, mala urbis, perseverabat Mediolani publica fames, & intermissio per iram atque per solitudinem agrorum cultu, descensum naturali necessitate erat ad animalia etiam ea, quae tamen abstinetur cum ab illa calamitas cogit. Et epulis nutritos infelicibus mortales, languidosque, sicuti necesse erat, ad sui defensionem, lupi, fugitivum alias & silvestre animal, tunc immiscere se civibus ausi, corripiebant passim, & suo trepidantibus periculo qui debuerant feras propulsare, depascebant.

Die autem, qui Apostolorum martyrio facer fuit, accidit res, quae prodigium videri malorum imminendum potuerat, nisi malum ipsa gravissimum habita esset, ac si videretur atrocius expectari posse quidquam eo, quod casus ille tulerat secum. Tranquilla, & serena coeli facies erat. Sol emensus orbis nostri iter, ad occasum vergebat alteri mundo laturus facem. Pleraque nobilitas, & festo die greges artificum ab operibus feriati suis, Clerici quoque, peracto quidquid ad templa peragendum erat, & pilentis vectae suis matronae ditiores cum sobole alia comitatuque juvenili, missa nostratibus alienigenarum paria, prout Mediolanensibus junxerat Gallorum aliquem servitii necessitas, vel superbia imperii, consuetudoque diuturna, & familiare commercium etiam inter infensos, cuncti, ut fit, appetente vespere egressi in campum, qui Jovis arcis ab interiore parte subjectus, fruitur libero ac patente coelo, captabant auras, levamina caloris diurni, perque spatia illa ibant & redibant lente viam, confederantve in herba, sive alicubi corona stantium fiebat. Turba civium infelix, quae tantisper fortasse a calamitatibus quiescebat, dum suas ibi calamitates loquitur: hospites saevi qui tantisper cessaverant ab injuriis, dum injuriae materiem circumspiciunt ibi & prospectantur, omnes simul repentino coelesti casu percussi sunt, sive ut eximerentur malis, quae assidue multiplicia sustinebant, sive in terrorem aut poenam, aut in aliorum salutem, cum exemplo illo impiorum & sine, violentia minor restaret. Volitans coelo flamma ne, violentia minor restaret. Volitans coelo flamma fulminis in modum cecidit ante portam ipsam arcis, qua sulphurei pulveris cadi complures stabant forte constipati, ut nocte illa plaustris avcherentur. His illapsa cadis flamma comprehendit illico voracem ignis materiam, & reboatu ac fragore excitato ingenti trajecit in proximam turrim materiae plenam ejusdem, atque ibi violentius inter angustias luctando ignes, molem eam a fundamentis repente convulsam longe ac late per aera dissipaverunt, ita ut fervida saxa magni ponderis ultra quingentesimum ab arce passum quasi contorta ballistis inciderent. Minores lapides longius etiam volitare. Tunc enim vero, per totum campi spatium strages facta est, qualem, non nisi ab Numine fieri appareret. Saxa ingruentia e coelo capitibus inciderant, priusquam daretur cogitandi tempus undenam venirent. Et quia, e sublimi veniebant, quo flammea vis ejaculata marmor erat, non fracto sed aucto circa finem impetu, violentia ipsa properoque exitio moriendi sensum plerisque auferabant. Tristior conditio fuit eorum, qui minore aliquo ictu quassati ad aperto & lacerato ad vitalia capite, per aliquot deinde horas nulla in spe animam trahebant. Ac saevientibus etiam equis terrore simul & lapidum vi, fusae e carpentis mulieres, & pari alienorum equorum consternatione protritae, apertis quae tegenda erant, & dum ejulant humi, dum evolvuntur, eadem superne peste multae perierunt. Virorum quosdam, intellecta cladis origine, trepidantes, in circumjecta tecta cadens nihilominus undique saevus imber, dum se putant evasisse, oppressit. Totos & in circulis globos juvenum uti colloquentes stabant, non lapis unus, grandeve saxum, sed integra pars ruinae, sicut abrupta, & in altum projecta deciderat, involvit arietavitque in terram, & quibus citra mortem ruina illa acciderat, hi propter mutilata & inutilia membra caeteramque quassationem, ipsis postea mortuis invidere potuerunt. Periere intra arcem ad centum quinquaginta, Praefectusque ipse arcis, quam quidem ruinae continentes ab ea parte, ita nudaverant, ut nisi attoniti eo casu Mediolanenses plane animis concidissent, nihil negotii fuerit, etiam ex tam misero assurgere statu, & magis attonitos fluctuantisque Gallos dejicere inde patriamque liberare. Sed pars utraque in id intenta, quod Numinis irae tanto principio ultionem aggressae minitarentur, prope desierat persequi vel timere alteram.

Non sane ego nimium umquam incredibilia & prodigiosa secutus fuerim, satisque habeam in tradenda hac memoria antiquitatis, si fraudes & miseriae ipsorum inter se hominum, vel si quid etiam homines cum laude

A egerunt, & magnos patriae casus, qui, vel pace, vel bello evenere, memoraverim, ita ut cum fide accipiantur. Adversus miracula quidem superbi nimium saepe sunt animi legentium: atque, ut nostra facile simplicitas, & divinae magnitudinis gnara mens conquiescat, non eadem mansuetudo ad credenda ista civilibus ingeniis erit. Caeterum, approbatam rem aliam Pontificum auctoritate traditioneque communi, & hominibus spectatam illis, qui ad nostram aetatem vivere cum pueri tunc fuissent, transire atque omitti prohibet tenebitudo etiam illa, quam erga res omnes divinas habemus.

B Canobii, qui locus est in Verbani lacus littore, frequenti mercatu, & vetere Borromaeae Domus Comarchia insignis, ibi in publico hospitio, imaginem Christi Salvatoris, quae ex pariete suspensa pendebat, ferunt, diebus iisdem, quibus haec Mediolani clades accepta erat, magno repente tremore fremituque horribili ultro esse concussam: dein sacrosancti lateris hiatus vim sanguinis effusam, qui toto conclavi manaret, respergeretque adstantes: postremo ab hiatus eodem parvam costam excidisse: Antistitem Canonicosque loci & populum cum omnem, re nuntiata, advolasse illuc, ac postquam fuxerint spongiis omnem diligentissime cruorem, solenni pompa spongiis ipsas, tabulamque pictam, una cum costa, quae inde profilierat, templo intulisse. Addunt inde miraculum aliud: cum spongiarum earum sanguinisque contactu divinitus quotidie multa patrantur, & petendae opis causa templum illud undique adiretur, mercatorem unum, die quodam, Sacerdoti, qui rem divinam in ea ara faciebat, argenteum nummum dedisse spongiis costaeque admovendum, cumque ille admovisset, protinus esse occaecatum; haud dubie, quia mysteria illa tremenda circumforaneo aere profanarat. Haec, licet prope excedant fidem, firmitur tamen eorum testimonio, qui proximi temporibus illis fuerunt, & narrantes audire eos, qui ipsi spectaculo affuerant, inhorruerantque. Et nostra memoria D. Carolus, cum Dioecesim suo more lustraret, interrogatis ejus orae senioribus, & re comperta quae acciderat, cohortatus loci incolas, ut domum eam publice coemerent, arcem templo designavit ibidem ubi sanguis manarat.

D Nunc, prodigiis omissis, causas & initia belli expediam, quod bellum gessere inter se Reges, dum urbis Mediolani uterque imperium trahit: neque originem tantummodo exitumque contentionis, sed jura simul, & momenta causae explicabo, ut intelligatur, quid aequi, quid iniqui fuerit in utraque parte, imperiumque hoc ipsum, utri duorum Regum, finita (quod propediem fore apparebat) Sfortiarum domo, deberetur, etiam si non rerum eventus instar judicis fuisset.

E Nam nisi jus in armis pars utraque Regio more collocatum haberent, aiebant Regi Francisco homines sui, ipsaeque publice aiebat: aut rem Mediolanensem, Infubriaeque Principatum recuperandum esse sibi, aut Galliae quoque Regnum omittendum, & parte hac uxoriae hereditatis posse indignum videri, nisi illam quoque vindicasset. Quippe Valentinam, Joannis Galeacii filiam aviam suae uxoris, cujus dote haberet Regnum, ea conditione datam fuisse Ludovico Aurelianiensi, ut proles, quae ex ipsa nasceretur, succederet in Mediolanensis Imperii jura, quandocumque, finita fratrum stirpe, finis successionis Vicecomitum fieret. Conditionem eam, pactumque nuptiale illud, esse Pontificis Maximi auctoritate confirmatum. Id valere perinde, ac si

F Caesar ipse confirmasset, quandoquidem vacua tantisper imperii sede, ratum esse oporteret quidquid in ejusmodi rebus a Pontifice decerneretur. Etiam alia Pontificum decreta, transferendo, sive confirmando beneficiario juri, quod jus Caesarum Imperatorumve esset, nusquam in controversiam vocata esse. Bona omnium pace stabiles & legitimos manere Principatus, quoscumque suprema Sedis Apostolicae potestas, nullo Caesare adjudicavit. Item, Valentiniae sanguini datum a parte, confirmatum a Pontifice munus, Deo hominibusque approbantibus, se esse conservaturum exemplo ma-

majorum suorum, Caroli, & Ludovici, quorum alter, post Philippi Mariae Vicecomitis excessum, maternam hereditatem, strenue, licet improspere vindicare sit conatus, alter prospere vindicavit, & capto, qui alienum Imperium tenebat, Sfortia, fuerit etiam Apostolico diplomate restitutus in pristina jura, ipse postea ejus. Dicebatur contra: Philippi Mariae obitu, qui sine ulla virili stirpe decessisset, rediisse Metropolim in Romani Imperii arbitrium atque potestatem, unde olim alienata exciderat. Maximilianum Caesarem, Caroli Caesaris Avum diserte clareque revocasse, rescidisse, aboleisse, quidquid exturbator pupilli Sfortiae Ludovicus impetrasset antea emisisset. Magna injuria violari Apostolicae Sedis famam, ac dedecori supremum tribunal, si damna, & raptus, & alienae rei donationes inde expectentur atque referantur illuc, unde summi infimique mortalium praesidium & opem adversus talia petant. Ne Caesarem quidem ipsum dignum fore Maximiliano Avo caeterisque majoribus suis, si longo provisu reservatam sibi ab eis Insubriae hereditatem, cuncta ratione vel desidia esse apud alienos fineret. Reservasse namque Avum nepoti terrae ejus imperium, & rite etiam de manu in manum tradidisse tunc scilicet, cum Gallo prius tradidisset ea conditione, si unica Infans illius Claudia, quemadmodum Infanti item Carolo pacta esset, matrimonio jungeretur. Eo protinus dissoluto nuptiali foedere, Claudiaque desponsa alteri, rem simul fuisse inanem, & Carolum statim ab eodem Caesare avoque Maximiliano coram Philippo patre in jura Mediolanensis Imperii fuisse adscitum. Haec igitur, & alia assidue audiendo, sive dictitando cogitandoque exasperabantur juvenum Regum fervida ingenia, alteri quidem ad tuendam, alteri vero ad recuperandam terrae possessionem, quam uterque relictam sibi a majoribus crederet: sive credi ab aliis vellet. Et magnae rei eventus accenderat insuper auxerantque animos, hinc gloria, hinc ira, postquam mortuo Maximiliano, nomen Imperiumque Caesaris tenuerat nepos, irrito omni Regis alterius tentamento, quem VII-Viri Electores repudiaverant, ut alienigenam & externae fidei, praetulerantque Carolum originis suae, sanguinisque Caesariani, & opum magnitudine tantae moli parem, vimque & famam Imperio ipsi ultro additurum.

Tertius annus Regi Francisco erat parti per Insubriam Imperii, compositarum, ut ipse rebatur, Mediolani rerum, & illacescitae pacis, cum occultis agitata consiliis, & diu inclusa pectoribus machinamenta denique eruperunt: junctisque cum Pontifice Max. Caesar exercitibus ad Gallos ejiciendos, Italiamque, sicut ipsi ferebant, liberandam incubuere vitota. Namque Pontifex Leo, Mediceae nobilitatis natus in Domo, cujus nimia potentia, ne patriae quidem suae ferre libertatem posset, impatiens ipse otii, & magnitudine Pontificatus irritato magis quam expleto animo, studiorum quoque genere pronus in ancipitia lacescebat ultro magnas occasiones, & apud eum consilia novandarum rerum assidue agitabantur. Ac principio quidem, is animus, & pares animo opes ex Romano Imperio simul & Florentina Republica, quam Pontificis pater tenebat, conflatae, versis in Galliam studiis, ac prope inito illic foedere, cladem Caesari Hispanisque prope conflarent. Sed, dum occulti foederis arcanae conditiones in Gallia, Romaeve tractantur, controversia, vel difficultate exorta aliqua, hinc dissidentia glisciente inter partes, postremo irritatis palam alienatisque animis, consilia eadem, quae pro Gallo adversus Caesarem inclinarant, pro Caesare adversus Gallum steterunt. Fueratque tanti ad ea, quae agitabantur, praesidium Apostolicae Sedis adjunxisse sibi, atque Pontificem habuisse conjuratum, ut absque momento eo, rem torpere ipsam, & Regum haerere animos, atque a belli consiliis avocari necesse esset. Non enim id virium alterutri Regi eo tempore erat, ut posset tuto lacescere alterum: & Gallo loca ac propinqua Venetorum arma tegebant Insulorum fines, ne nuda apertaue Hispanis exercitibus provincia Mediolanum esset: & Hispani vicissim Neapolitanum

A Regnum vota altera sollicitudinemque Gallorum, si nihil ab Pontifice moveretur, egregie munitum habebant. Helvetiorum mercenaria auxilia copiaeque venales, non huic, aut illi Regi addictae, sed in partem eam pronae semper, quae praesentis pecuniae vi acrius instaret. Caeteri per Italiam populi Principesque, neque adeo per se tunc validi opibus aut armis, ut maximis duobus Regibus interjecti, dare vel adimere victoriam possent, neque ita affecti animis, ut unum magis, quam alterum invalescere Regem vellent. Hanc rerum aequalitatem faciendo bello alienam Apostolica arma Romanaeque opes parti alteri adjunctae disjecerant nunc, atque ex inutili illo torpore excitarent.

B Caeterum, Pontifex Leo, quamquam initum jam haud dubie cum Caesare foedus haberet, nec sensibus tantummodo intimis, sed etiam negotiatione tota conspirasset adversus Gallum, voluerat tamen ejus foederis initio, vires potius & arma, quam nomen & famam ad Gallos ejiciendos commodare Caesari, urbemque Mediolanum ita circumveniri posse autumabat, ut tentata simul & patrata re, conatus exitusque negotii tempore uno ingrueret atque ab sensu foederis initi averteret animos. An fortasse, incerto adhuc eventu latitans, nihili faciebat hoc, si re denique perfecta in parte operis ipse deprehenderetur: vel etiam, post eventum deprehendi ultro molitor & artifex Gallicae ejectionis volebat?

C Hujus autem repentinae irruptionis, quae callide instructa celaret apparatus suum, ut exitu prius quam motu aliquo sentiretur, disposita consilia in hunc modum fuerunt: Nobilissimus quisque Mediolanensium, qui, vel in exilium acti & proscripti Gallicis edictis, vel ob indignitates quae perferendae quotidie erant, exsules ultro ac fugitivi avios secessus in extremis patriae finibus quaesierant, adierantve finitimas urbes, aut, in Tridentinis Alpibus circa extorrem Sfortiam constipati motum desperatae urbis aliquem expectabant, hi simul omnes repentino, qua quibusque proximum esset, incursum, dispersos per varia Insulorum loca obtruncare Gallos debebant: praesertimque Mediolani strages futura regnantium erat in ipsa injuriarum sede & libidinum regno. Alios oportebat exsules ad Regium in Pontificiam per ea tempora urbem congregari universos: partibus ibi vicibusque desertis, & assumpta insuper alia militum manu, discedere globos ad sua quemque munia, defungique caede Gallorum, & patriae malis imponere magnum diem. Respiciebant cuncti nutum auctoritatemque Hieronymi Moroni, qui Francisci Sfortiae continuus ipsum quoque regebat, & cognita Pontifex ac Caesar prudentia viri ejus gratiaque, quam apud exsulem is teneret, cuncta cum eo composita, & communicata habebant: pleraque etiam reliquerant ipsius arbitrio & fidei gerenda, prout gnarus homo opportunitatum animorumque Provinciae & urbis maxime censuisset. Is inter caetera mandaverat Manfredi Palavicino, potentiorum exsulum uni, ut nocte quadam per Larium lacum furdo remigio delapsus cum idonea manu succederet ad moenia urbis Novocomi: paratam ibi prodicionem aditumque & cuncta in tempore affuturam monstraret. Ab altera parte, tempore eodem, missa ex Pontificiis Caesarianisque navibus classis contra Genuae portum objiciebatur in spem aut terrorem commovendis illic etiam rebus, sicuti turbata factionibus intestinis Civitas auxilia aliqua externa circumspectabat. Ordo insidiarum hic fuit, quae nullo felici exitu habiturae erant, credo, quia iusto potius bello debellari ejicique Gallos oporteret, ne tantus ille liberandae Italiae titulus, & actio tam praeclara turpi fraudum ullarum nomine dehonestaretur.

F Dum trepidant exsules, dum ad facinus accinguntur, excepere Galli indicia omnia rei, quae summa ope regenda erat, ultroque Scudus, qui Mediolani Regis nomine provinciam tuebatur, obviam ivit, & auctis per omnia loca praesidiis, crexit populares ad sui custodiam, atque ita illud tantae spei consilium repente discussum est. Ad Novocomum vero facta eruptione insidiatores oppressi, & Manfredus Palavicinus militari custodia ductus in urbem obtruncatusque est una cum Barptolemaeo Per-

Ferrario, quem a Morono sollicitatum fuisse constabat, ut pro salute patriae aliquid auderet, neque rem ad magistratum urbis ille detulerat. Adjicitur crimini, & supplicio patris filius, propter aetatem nullius consilii particeps ille quidem: sed ob detectas infidias, impetus & ira Gallorum etiam fortuita pro crimine arripiebat. Ita motus omnis, & conjuratio exsulum irrita fuerat. At Genuenses, ad foederatae classis adspectum erectis subito animis, & coepta rebellione compressi sunt ab Duce Fregoso, qui, cognito civium motu, sese & vim imperii strenue objecit, atque in ea etiam parte spes elusae. Spes deinde omnis in aperto Marte relinquebatur. Pontifex Leo, collata in violentiam manifestumque fervorem latendi arte, qua ad eam diem usus fuerat, abrupta palam omni cum Galliae Rege amicitia, cujus manebat adhuc species, quaesitaque nova specie, quasi tunc primum cum Hispano iniretur foedus, causando Gallorum in Apostolicam Sedem injurias, obsequium & beneficia Caesaris, armorum societatem, quae pacta & dissimulata erat, sanxit caeremoniis, atque de ea re statim in hanc sententiam edicta promulgantur: Pontificem & Caesarem ad pellendos urbe Mediolano, totaque Italia Gallos, arma, & imperium animosque conjunxisse, quod eam rem Apostolicae Sedi Ecclesiaeque Catholicae, & nomini Italo salutarem atque gloriosam fore statuerint: de ejus rei prospero exitu, uti omneis, enixe Deum obsecrarent, foederisque ipsius pro publica salute suscepti sanctum, & inviolabile nomen favore ac veneratione amplecterentur. Foederatorum deinde ipsorum nomini ac majestati, principio consentanea cuncta erant, belli duces, equitatus robur, peditum cohortes, stipendia & commeatus: & quacumque exercitus incedebat, reverentis animi erga agmen, quod Pontificis Leonis, & Caroli Caesaris missu ad liberandam ire Insubriam dicebatur. Summa copiarum fuit, equites quinque millia, peditum viginti millia & quingenti. Imperium & tota rei militaris potestas penes Mantuae Demarchum & Prosperum Columnam, sed ille huic parere jussus, moxque eodem imperii jure Davalus accessit. Unde postea aemulatio Ducum, & saepe discordia inter ipsos allatura exitium rebus, nisi in hostem iretur jam consilio Superum, jam mortalium irae ejectioni triumphoque destinatum.

Gallus tamen etiam ipse vicissim audito hoc rerum motu strepituque foederis, totas Regni vires ad defensionem Provinciae Mediolanensis impigre ciebat: & exercitum aliquanto validiorem habuisse fertur, Duces quoque nihilo deteriores nostris, Lautrecum & Scudum germanos inter se fratres, concordeseo vinculo, & continendis caeteris efficaces. Si pecunia, & quae temere invocatur fortuna, adfuisset, pars contraria in suam ipsorum perniciem inierat foedus, magnamque Pontifex & Caesar cum ignominia cladem accepissent. Sed apud juvenem Regem infensi fratrum gloriae Principes, & Regina Mater muliebribus angustiiis subsidia belli vertens in alios usus, fortes Lautreci conatus & magna coepta saepe turbaverunt, atque pene ad desperationem adduxere ipsum: interimque, si qua data erat opportunitas, fugacia occasionum momenta, e manibus elabebantur, admodum proclivi ad exitum itinere, cum Ducis culpae fortunam sua sponte vergentem aggravarent, fortuna quasi lacerasset culpas, quo celerior veniret clades.

Neque rursus in foederato exercitu ludibria sive vitia eadem defuere, qui, cum initio decorus tremendusque omni Imperatoria & militari disciplina incessisset, eique disciplinae consentaneus exitus communi omnium expectatione desponderetur, paulatim deinde perturbatione exorta, confusus attenuatissime rebus, irritatis animis, infauisto etiam expeditionum aliquot eventu, eo est redactus, ut & Gallorum potius quam Sedis Apostolicae, vel Romani Imperii exercitus videretur, &, qui Gallico exercitui finis fuit, eum quaeri ultro & provocari ab foederatis hisce appareret. Cum enim in aggredienda Metropoli, statuisent prius expugnare Parmam & Placentiam, scilicet, ut tuta ab tergo cuncta relinquerent, antequam

A negotio illo majore implicarentur: magnum id Imperatoriumque consilium, & sua sponte infelix fuit, & quo infelicius addita insuper ignominia esset, errores & dissidia Ducum fecere. Oppugnata per dies aliquot nequidquam Parma: diminutis exercitibus: abscessum a moenibus tunc, cum si paulisper institissent, capi urbs potuisset: flagitii ejus verecundia accensi mutuis odiis Duces, cum alius in alium culpam conferrent, omnesque verius deliquissent: prope alienatus a Caesare Pontifex, foedusque prope dissolutum: facta apud populos Imperatoriae existimationis jactura. Neque res alia ab foederato exercitu cladem ultimam prohibuit, quam Lautreci major infelicitas, & infortunia hostium majora, si nomine appellari licet isto, quidquid illud inevitabili potentia arcanoque impulsu, & modis occultis incubuerat genti Gallorum, ut Mediolano, Italiaque pellerentur.

B Postquam turbulente consultando, misere exsequendo, criminandoque invicem consumpsere Duces tempora illa inutiliter, dum jurgantur adhuc, tentant non nihil, haerentve, aut trepidantium modo subinde stationem mutant, adfuere decem millia Helvetiorum expectatum ante auxilium, & praecipua causa trepidandi, quia incertum fuerat, an venirent. Venere per Bergomatium fines: adventusque gentis & fortuita res etiam iter, quo minime sperabatur initio & aditu victoriam dedit. Quia enim circa eos Bergomensium fines conjungi exercitum utrumque oportebat, occasio inde nata est transeundi flumen Abduam, cujus ulterior ripa Mediolanensem agrum inchoat, finitve.

C Prosper Columna erat, ut dixi, in foederato exercitu arbiter omnium rerum, de quo homine secunda pleraque ad famam, nonnulla secus prodidit anceps fere circa magnos viros historia memoriaque hominum adeo recens ut nondum exolecat. Is, non apud caeteros modo Duces militaremque turbam invidia laborabat, quod Parmae oppugnationem in propinqua spe ejus capiendae urbis solvisset, verum etiam Romae atque in Hispania coeperat ea res esse infamis: indeque labor & inquietudo ipsi, ut consilium illud suum ingenti aliquo facinore & felici exitu Principibus iratis & communi famae approbaret. Speculatus ad Vaprium facile trajectu flumen incustoditamque ripam, inconsultis Davalo & Gonzaga, ut famam gloriamque rei solus haberet, vitata etiam per obrectationem omni Hispanorum militum ope, nocte intempesta, cohortes aliquot Italici generis, praeparatis in id ipsum ante scaphis trajecit. Ut primi qui transierant, locum tenere, alios subinde, atque alios Columna trans mittebat, & orta luce, plenam milite ripam, seque operis auctorem Ducibus reliquis exercituique universo ostendit. Tunc enim vero, E felici invento acclamavere etiam qui invadebant, & mox flumini pro se quisque varie insultanteis vestigia universi ibidem posuere. Acre certamen in ripa fuit, dum Galli fero ad dejiciendos qui primi transierant, accurrunt: & fratris missu Scudus ipse cum quadringentis aderat. Sed majora deinceps agmina transvehente flumine, opprimebantur. Diverso deinde tramite, tempore eodem, exercitus uterque, Galli ad custodienda moenia portaeque urbis, foederati ad spem conatumque irrumpendi tetendere. Gallus proprio agmine suburbia vicoseque insedit: nostri capto longiore ambitu, Meliniano ab municipio in Clarae Vallis prata processerunt. Ibi stativa habebant: melioreque jam fortuna, & specie etiam augustiore ob Cardinales Legatos, Medicaeum, & Sedunensem, quibus Cruces argenteae praeferebantur, imminuebant vicinae urbi foederata arma, cum res accidit, quam politica etiam subtilitate fastidicif scriptores quasi crederent, retulere: referamque ego Francisci Guiciardini fere verbis pene admirabilem casum.

F Apud Claram Vallem, in prato, dum Legati Cardinales, caeterique Principes exercitus federent ad inspicendas cohortes tendentium ordine Helvetiorum intenti, stetit in eorum conspectu quidam natu grandis: los habitusque plebeii hominis erat: & ab D. Saryri Paeoecia

roecia missum se esse vociferabatur. Pergerent, venirent: populum Mediolanensem, conspecto liberatore exercitu, protinus arma in Gallos esse capturum: id modo cum magna voce dixisset, abiit repente ex oculis, & quamvis acri postea Legatorum cura ad investigandum quisnam ille mortalium esset, nusquam est reperi-

Caeterum, Cardinales Ducesque caeteri, non nihil quidem etiam omine permoti eo, sed multo magis consilia sequentes sua, quae praesens forma rerum, & ex vicino conspecta cuncta hostium dabant, motis ab Clara Valle castris, appetente nocte subiere ad fossam, quae duabus portis, Ticinensi, & Romanae interjecta muniebat vallum, & vallo regionique ei Veneti pedites custodiae causa appositi erant. Hi, simul atque fistulatores conspexere Hispanos, quam de industria manum Davalus objecerat, dant impigre terga, valloque nudato, & statione relicta, liberum ab ea parte aditum irrumpentibus dedere. Mox, & priorum vestigia sequentibus aliis novosque sibi aditus aperiente exercitu, & effusa obviam ad accipiendos liberatores nobilitate, tumultuante populo, praesidiis labantibus, mutata omnium fide, plena omnia Caesarianorum fuere. Pontificii, cum in extremo agmine fuissent, captam jam haud dubie urbem ovantium specie intrabant. Gallis in tam repentina clade subsidium unicum erat fugere in arcem Jovis, cujus haud umquam neglecta, sive intermissa custodia fuerat. Inter tela, & gladios, & ingruentia etiam superne saxa, proripiebant sese eo milites, Duces, Magistratus ipsi, & dum evadere tendunt, vulnerabantur ab cive simul & ab hoste velut hostes in aliena urbe deprehenfi. Sua nuper tribunalia suasque domos respergebant sanguine, si quos ibi cunctantes deprehenderat victor: atque tam improvisa res obstupescerat animos ab vulnere pene sensu, cum omnia captivitatis exempla adesse viderent antequam captam esse urbem suspicarentur. Nec minus obstupescerat tam laeta fortuna victores, quod absque suo sanguine, absque difficultate ulla caput belli Metropolim prima irruptione cepissent.

Dederat autem foederatis tantam ex insperato victoriam ille qui plurimum in rebus humanis potest casus, quique in bello praesertim res saepe magnas & admirandas effecit. Namque foedo imbribus tempore, versis in coenum campis atque corruptis itineribus, non crediderant Galli, moturum hostem eo die castra, maxime propter bombardas, quae humido paludum, & profunda passim uligine, (sicuti Regio est illa) tarde transveherentur, etiam si coelestium aquarum proluvies illa non accessisset. Ea spe resoluti in socordiam Galli, fessique insuper recenti ad urbem cursu, aut nocturno ad Vaprium praelio, segniter obibant munia ipsa ad quae accurrerant. Sed Davalus interim, monstrata sibi forte per agrestis semita glareosa quadam, substructaque, & marginata, atque ob id firma plaustris, & expedita agmini, contempto pluviarum incommodo, traduxit repente tormenta, & exercitum, oppressitque inopinantis. Capta in hunc modum, vel potius liberata, Metropoli, subjectae urbes capiuntur vi eadem, exemplumque secutae, caesis pulsive Gallis, accepere nostros, & cunctae fere Caesaris nomen invocabant. Lotrecus & Scudus cum infelicibus reliquiis profugi ab urbe, vagati aliquamdiu per Bergomensium fines, & petito inde supplemento, Cremonam postea aggressi, prospero illic eventu, & fiducia Mediolanensis arcis, locorumque nonnullorum, strenue reparabant bellum.

Interea Pontifex Leo exstinguitur haud sine veneni fama, sive corrupto pincerna, uti creditum est, miscuere aliquid Galli: sive lautior victus, assidueque curae invexere febriculam, & homines suo more interpretati sunt. Morte ejus, atque perturbatione novorum comitiorum, Interpontificiique licentia, sustulere Galli animos: decessit ingens Caesaris auxilium, & magnis ad reliqua belli perficienda consiliis, atque apparatibus, nec pecuniae facultates, nec copiae militum eadem ab Roma aderant. Itaque, in ea rerum inclinatione, cum

A quidem etiam Caesar Transalpino alio adversus Regem eundem bello implicitus teneretur, metus ingens invaserat omnes Insubriae populos, ne fortasse desertirent in Gallorum potestatem, & acrius deinde premerentur eo jugo, quod excutere conati essent, quoque excusso nimium laetati.

B Parmam Lotrecus acerrime oppugnabat, habebat Cremonam: Novaria & Alexandria, Tritium, & Domusola, & Arona, praesidio Gallorum adhuc tenebantur: & praecipuus omnium terror ab Jovisarce Metropoli imminens hostis quasi minitabatur, repentina illa & nimium felici irruptione nihil esse actum. Dux Ferrariarum, qui Pontificis Leonis metu dubitarat, postquam ille excessit, nudato penitus animo, commodabat Gallis arma, ipseque prodierat adversus provinciae salutem armatus. Helvetii, decem millia suae gentis prius negata Regi Francisco concesserant nunc, eaeque copiae digressae Rhetis Alpibus in Orobios, & eodem usae titulo, qui foederatis fuerat, ad liberandam Insubriam, Hispanosque pellendos ire sese enim vero gloriabantur. Non res magis aliam spem populis inchoatae salutis absceiderat, quam auxilia ea repente addita Regi Gallo: quem rerum bellicarum more, ex afflictata fortuna perditoque statu, rursus Mediolani esse regnaturum credebant. Ad haec, incertus exitus comitiorum, ancipiti expectatione distraxerat curas, cum tam Gallicae quam Hispanae factionis contingere Pontifex posset, sicuti profane vaticinantes loquebantur. Quae vaticinatione & metu, Prosperus Columna, Cardinalem Eporediensem per Mediolanensis agri fines Romam ad comitia illa properantem, vi, seu dolis inhibuit: incertumque fuit, Caesaris jussu, an sua diligentia, rem eam atrocem ausus fuisset. Nec minus ipsi inter se Cardinales id coeleste negotium intra Conclave studiis humanis frustra impediabant, dum principes partium & factionissimus quisque, in Gallum, aut Hispanum praeponunt, ad momenta maxime belli hujus certamina ipsi sua contentionemque dirigentes, atque ita gratificantes Regibus. Sed hominum nequitia altitudine sua contemnens Deus, vertensque saepe in bonum, eo certe comitiorum tempore, si umquam alias, elusit simul, & coegit instrumentum esse rei, quam nemo futuram umquam existimasset.

Dum enim Medicaeus, & Columna, Primores Patrum, aut habere ipsi, aut arbitratu suo collocare summum honorem volunt, magnisque conatibus & artificijs ad suam nituntur uterque vota, & pleni artium earundem caeteri Cardinales, hunc, aut illum sequuntur, die quodam ad ferenda suffragia de more congregati, de Adriano Cardinale mentionem forte injecerunt. Erat is E natione Belga, homo moris antiqui, experts Italicae consuetudinis: & simplicitatem ejus, rudemque ad fraudes aulicas animum plerique adspersanteis, Barbarum appellabant. Fuerat pueruli Caesaris magister, & in ejus gratiam creatus a Leone Cardinalis, Hispaniae regna, hoc tempore, Caesare ipso absente, administrabat. Cum nullo alio consilio, quam extrahendi temporis causa agi de eo homine coeptum esset, laudesque viri, litterae, & apertus animus, & Apostolica innocentia memorarentur in speciem tantummodo, caeterum securo aemulatu, quia de absente, & abnuente, omnibusque ignoto & vicissim ignorante omneis, agebatur, incaluere repente universi, ac regente animos Deo, F Pontificem eum fecere, cum ne ipsi quidem, sententiae iudicii sui rationem intelligerent, cur tam dubiis Reipublicae temporibus, tam praesenti necessitate, petiissent regimen ab homine, qui nec vidisset umquam Italiam, & tanto maris terrarumque spatio discretus maneret. Pontifice renuntiato hoc, & ex Hispania accersito, irrita machinatio fuerat eorum, qui Sedis Apostolicae opes atque praesidium ad Gallos potius inclinare voluissent, Caesarque rem Mediolanensem majore animo amplexus, ante omnia id agebat, ut Franciscum Sfortiam ab Tridento reduceret Mediolanum, sisteretque Urbi, cujus assidue voce exposcebatur. Verum eae re-

ductio

ductio quomodo facta fuerit, & quibus etiam ea res adversus prohibentes Gallos indiguerit artificii, paullo post explicabo.

Nunc erecti Galli Leonis obitu, perturbatione Comitiorum, ac deinde spe novi Pontificatus elusa, cum eis, quae dixi, Helvetiorum auxiliis, ad recuperandam Metropolim incubuerant, ac positis castris Vercellensem inter Cumanamque portas, vi tota Lotrecus obsidebat oppugnabatque urbem miseranda rerum facie, cum Caesariani intra urbem a Gallis, Galli intra arcem a Caesarianis obsiderentur, atque duobus exercitibus interjecti cives malorum extrema sustinerent. Attamen, tanta erant Populi Mediolanensis in Gallos odia, tam jucunda expectatio flagransque desiderium propediem adfuturi Ducis, ut neque tumultuarentur ob calamitates, & cuncta pro defensione urbis strenue exsequerentur. Ulro quin etiam descripto per singulas Paroecias ostiatim milite, Ducibusque regionatim electis, ibant ad loca omnia, ubi plurimum laboris ac periculi ostenderetur, & voluntario illo delectu, praelia stationesve ipsi excipiebant, ut quies fesso Caesarianorum exercitui esset.

Refert Guiciardinus, idque ego in aliis Patriae monumentis reperi: fuisse eo tempore in urbe Andream Barbatum, hominem Augustinianum, plausibili concionum eloquentia, quem audire, populo Mediolanensi vacaret etiam inter eas miseras: cuius oratio lenimen quasi coeleste miseriarum haberetur. Namque magna vitae auctoritate Concionator Augustinianus, solidaque doctrina, & verborum vi, tum acer & severus, tum blandus & mitis, ad spectu quoque venerando, & ob jejunia torvo, Gallorum gentem assidue insectabatur, qui saevitia, & libidine, & moribus suis amoenam & piam, & ob merita saepe felicem, inclytamque Metropolim, facere Babylonem alteram tentassent. Libetratricia Caesaris arma, brachium excelsum ac forte Leonis, Pharaonem & Aegyptum, & promissae telluris bona jam in vicino: Aenobarbi quoque tempora, & seminem inhumanam filis, coque diro mysterio damnandam iterum aeternae solitudini patriam hanc, aliaque profana & sacra, vetera & recentiora, crebris concionibus arte sua miscebat Ecclesiasticus Orator, attollens partem urbi salutem ejectione Gallorum, deplorans atrociam dictu, quae sub imperio illo passi essemus, quaeve passuri etiam atrociora, nisi longius ejicerentur. Ad haec, Parmae & Placentiae parvarum Urbium novissima exempla referebat: quae si depellendae tyrannidi pertulissent obfessae vastationem agrorum, famem & caedes, quanto magis adversus eadem mala durare Metropolim oporteret? His accensi cives, quibus satis per se odii, satisque patientiae adversus imminentem urbi hostem esset, nihil recusabant perferre incommodi, nulla munia detrectabant. Conferebant ex privato quidquid pecuniae prior latrocinio subtraheretur adhuc occultarent. Inde stipendia exercitui aliquamdiu suppeditabantur, dum a Caesare, non quantum necesse esset, venit. Cumque aquarias molas, Lotrecus & Scudus circa urbem demoliti essent, manuiarias invenere sibi, quarum arte, injuria illa hostium elusa, frumenta terebant.

Urbis interim moenia quatiebantur & volitantes ab arce globi majore tamen terrore quam damno ferebantur, credo, quia inclusi illic, & obsessi Galli, aut timerent irritare nostros, aut parcere se crederent urbi, cuius nondum tota possessione excidissent. Erumpere enim etiam, accepto in arcem, ab exteriori parte, majore suorum numero, parabant, spe certa, pellendi Caesarianos urbisque capiundae, si utraque rex animi sententia cecidisset, ut & intro accipere suos, & una cum eis facere eruptionem possent. Quod ipsum, in tempore suspicatus Columna, ab utroque arcis latere per totam hortorum latitudinem, duas ingentis moles, hinc ad Cumanam, hinc ad Vercellensem portam opere subitario, & nocturno perduxit, & in molis utriusque capite propugnaculum excitavit. Ibi disposita tormenta cohortesque fistulorum prohibere poterant, ne qua in arcem subsidia reciperebantur, ac ne qua etiam eruptio ex arce fieret:

opusque fuit illud, tum subtilitate inventi, tum usu ipso praeclarum & militari fama celebratum diu: quod quidem etiam casus opportunus mirifice adjuvit. Cum enim ea ipsa nocte, quae faciendo operi destinata erat, plurima e coelo cecidisset nix, usus Columna beneficio illo, prototypa molium ex nive raptim instituit, simul ad facilitatem atque descriptionem perficiendi operis, simul ad tutelam operarum, ut exemplaris objecti molities ipsa frangeret ictus, si qua in fossiles ab arce tormenta diiploderentur.

In hoc statu res bellicae Mediolanensium erant, cum, Leone Pontifice mortuo, suffectus ei Adrianus, nondum inito Pontificatu, absens, nomine ipso factionis, & terrae, unde erat, nostris animum, hosti dolorem & stimulos addidisset. Mox Sfortia ipse ab Tridento aderat, maximum, ut dixi, levamen civitati, quae defensores inter & hostes adflicta, & oppressa, sub Principe denique nativo, & Caesaris ipsius auctoritate constituto, sese respiraturam sperabat. Distulerat autem Sfortiae adventum pudenda dictures, pecuniae difficultas, dum exsuli, propter quem tot millia in armis erant, modicus & necessarius ille sumptus ad familiam fortasse instruendam, iterve faciendum deesset: liberalitasque Caesaris adversus id incommodum frustra invocabatur. Scilicet, potentissimi Reges, ac Domini terrarum, quibus genus humanum servit, quorum gloriae ac cupiditati nationes armantur, quae auriferi amnes fluunt & montium dorsa perpetuo vehunt argenteas glebas, qui margaritarum denique piscatu provincias fatigant: hi parvam saepe pecuniam in thesauris suis frustra quaesire: ridetque interea cum sordido suo marsupio collybista & mercator dives. Sic nimirum etiam Sfortiae huic ad breve iter exigua summa non suppeditabatur a Caesare, qui, ut reduceret eum in patriam, tam grave ex longinquo bellum gerebat. Cardinalis denique Medicacus, qui Sedis Apostolicae nomine bello ei praeerat, adspersus in re tanta ridiculum id ac miserabile impedimentum, procrastinationesque Regionum, deprompsit ultro aureos nummos ad novem millia, misitque exsuli, conditione hac magnifica & prolixa, ut ne aliter quam melioribus postea suis rebus ille restituendi cogitatione sollicitaretur.

Ad id subsidium allevato animo, & laxatis utcumque rerum privatarum angustiis, Sfortia profectus ab Tridento, per Veronensem agrum, Mantuam, inde Placentiam venit. Ab Placentia Ticinum usque progreditur: ab Ticino Mediolanum sine mora iturus erat. Id modo inter Duces, praecipuosque amicorum ambigebatur, ex duobus itineribus, breve, & expeditum, an longius, eoque Gallis inexcogitatum sequeretur. Nam licet sex millia Germanorum peditum, equites trecenti, & valida exsulum manus, tenderent una praesidioque essent, placebat tamen reditus incruentus in patriam, & intentos ad prohibendum pugnandumque Gallos fallere cupiebant. Delecta tutiore via, per calles invios, per transversa, per directa, per nemorosa, per aperta, in pagum, qui, quoniam sex millia passuum ab urbe distat, Sextus ex eo dicitur, pervenere. Aversissima ab hoste via haec erat, egressusque Columna obviam novum Ducem, ab Sexto pago tranquillissime in Urbem deduxit. Fertur Lotrecus, post amissum Caesariani exercitus irruptione Mediolanum, nulli magis rei ingemuisse, quam ei, vel errori, vel calamitati, cum furto quodam itineris Sfortia introductus illuc foret: id quod assidue prospiciens ac timens, obsederat ipse quidem ab Ticino diverticula pleraque & egressus fere omnes: sed uti sit, ad caetera solers, in uno coecus aperuerat occasione viam, errore, qui tunc demum intelligeretur, cum jam id ipsum intelligere, molestum inutileque esset. Caetera deinde ad eundem modum frustrabantur Gallorum Duces, neque Lotreco, & Scudo, quidquam magis defuit quam fortuna, cum rebus aliis haud sane contemnendi essent, ita ut plerique Numen inane belli vetere verbo usurpantes, iniquum Martem esse illis dicerent: eaque de fratribus fama in utroque exercitu esset. Potius autem insensa providentia veri Numinis fuit, quae per ea Gallorum infortunia strue-

bat imperio alteri iter, ut reducto exsule, firmatoque Principatu, post ejus finem, Provincia Catholicae magnitudini accederet, augeretque eam, & vicissim ibi exhausto, quidquid perferendum erat, denique frueretur pace.

Sic absente Scudo Lotrecus, cum exclusus urbe cuncta camporum teneret, aditum exsuli redeunti in urbem, damno irreparabili dedit, & postquam ille cum militibus pecuniis ex Gallia redierat: intercepto per nostros, atque ad Aronam obfesso argento, irritus fratri jungitur. Mox uterque ad Bicocam, obscurum prius, & nobilem postea semper Gallica clade pagum, cum exercitus pene internecione dimicavere. Quo praelio perditas res, dum Lotrecus ad Regem exculaturus vadit, summum Scudi opus fuit, deditis ad quae defendenda relictus erat, pepigisse ut redire in patriam posset. Rediit cum exercitu, qui ad Bicocam superfuera cladi, & Regi jam Gallo ex tota Provincia treis tantummodo arces, Cremonensis, & Novariensis & maximum utique, sed breve momentum, Metropolitana haec, manebant. Quae ultima, sepulcrum potius bustumve Gallorum, quam arx diceretur, si emortuum jam pene praesidium, & quotidie immorientes reliqui, si pallores etiam luctusque vivorum, & desperatio, & rerum omnium penuria quae clausa ibi & secreta ab nostrorum oculis latebant, in aperto essent, qualia, cum deditio postea fieret, apparuere. Sed demersa profunde moles, alte imminens civium tectis, cincta lato fossarum ambitu, undique armata tormentis, fama etiam & superiorum temporum casibus ingens, intacta conditionibus, veluti inexpugnabile quiddam, relictum est, cum quid intus miseriarum esset, a nostris ignoraretur.

Ut autem cum exercitu suo Scudus in Galliam rediit, tunc, qui ibi relictus in praesidio fuerant, siue quia non possent sustinere diutius, siue etiam moerore victi, quod in aliena terra se esse destitutos viderent, nudavere ultro miseras suas, pactique, ut cum vestimentis, & armis abire sibi liceret, arcem permiscere Caesarianis: annuitque Caesar, ut ea Sfortiae traderetur. Id solum Duci defuerat, ad solidi Principatus speciem, & ut majorum suorum fortunam vere recuperasset. Ac res magna quidem, ingensque opus, haud sine praesenti Numinis ope effectum ita erat: scilicet, dejectis ex confirmata propemodum Insubriae possessione Gallis: restituta Metropoli sub imperium, quod pro nativo & domestico jam expetebatur: Sfortia post graves exsiliis sui acrumnas collocato in sede, ex qua avus ipsius & pater magnitudini Regum comparati essent: Cives tamen ipsi malis fere premebantur iisdem: & nisi quod barbaricae libidinis saevitiaeque exempla depulerant, nihil magnopere erat ex pristini status calamitate diminutum. Non enim, vel temporum miseria, vel aulae ministrorumque vitio, aera militaria procedebant, atque id ipsum pecuniae, quod ex Hispania, siue ab Neapoli ad exercitum mittebatur, lentum & mancum fere compilatumque veniebat, ut pene quasi veniens ex longinquo viator peregrinationis labore consumtus, sic pecunia illa multorum lacerata manibus in itineris fine exspiraret. Et magnanimitate sua Caesar tardus remissusque ad cognoscenda ista & vindicanda, furandi intervertendique licentiam alebat inter suos. Hinc licentia major, insuperque irae victoris & egentis exercitus, stipendiaque multorum mensum assidue requirens miles, rapere, spoliare, assueverat, ita ut accepta ab Hispanis salute, Mediolanenses praeda iisdem manerent.

Constat, Caesarianum cum exercitum aliquando ob stipendia tumultuantem, cum in hiberna dimitteretur, ivisse populabundos, ut nisi purpureae cruces (namque id insigne Caesarianis) distinguerent gentem, manipulos adesse Gallorum municipia, & pagi arbitrarentur. Nec abstinerebatur sacris, quae, religione populi, post Gallorum injurias instaurata statim & resecta, rursus militari violentiae sufficiebant, atque trahebantur ab iisdem, a quibus defendi & conservari talia oporteret: majestasque interim erat nulla quae prohiberet vim. Nam Sfortiae novo Duci etiam sua sponte mitis animus,

A tum vero mollior fiebat recentis exsiliis recordatione & verecundia quadam, velut in alieno imperio, quod armis recuperatum alienis, aliena manu datum sibi esset. Reliqui Duces exercitus, & Praefecti copiarum, obstricti legionibus, quarum virtute vicerant, cum nihil dare possent aliud, hanc fortasse praedandi veniam, ubicumque praeda esset aliqua, sicuti saepe mos Imperatorius fuit, dabant. Caesar ipse nimium absens: & absente, sicuti dictum est, adhuc Archiepiscopo, Sacra per ministros regebantur, quois id Pastorale munus alienigenis, Pastor etiam alienigena delegarat.

B Caeterum, ea populo Mediolanensi tolerabantur etiam jucunde, ut in malis, quia spoliatores circumspiciendo ipsos, non jam amplius cernebant Gallica illa ora, & petulanti rubore armatos vultus, quorum ipse adspectus civitati toti loco calamitatis antea erat. Decem millia nummum aureorum pronuntiavere Reipublicae nomine exercitui quae darentur, eoque blandimento mitigatus miles desierat velut in hostico agere, & victoriae fructus aliquo modo sentiebatur, nondum tamen verus ille, & duraturus. Vix totus ab ejectione Gallorum annus exierat, cum varii primum rumores, certi deinde nuntii attulere, Galliam omnem strepere novo armorum apparatu, jam jamque adfore exercitum, cujus incessu terram Italiam contremiscere oporteret. Vocabat Rex Franciscus ad arma omnes, dictitans palam, ad recipiendam Urbem Mediolanum esse mittendos, C praeparansque exercitui itinera & comitatus, rei etiam gerendae consilia disponens cum Imperatore novo, qui Bonivetus Galliae Almirarchus fuit. Interiore sensu tacitoque consilio statuerat in Italiam ipse transire, existimans, ducibus suis ad eam diem, non tam fortunam defuisse, quam curam: idque animi sui arcanum premebat alte ob discordem in eare matrem Reginam, quae filii caput objectari casibus nolebat. Verum, & ea, quae aperte moliebatur Rex, & id quod occulte parabat, rueret simul in ore famae: commotique Principes & Reges alii, quorum intererat, rem Mediolanensem, Italiamque totam, in eo manere statu, quo tunc esset: adversus Gallica arma cum Caesare confirmare foedus, pecunias, arma, exercitus, tormenta & naves contulere in unum, ut, siue terra, siue mari veniret Rex, communi animo obviam irent.

D Haec ipsa dum agitantur, & dum Mediolani, exturbulenta illa pace, tristisque ob militum insolentiam victoria, bellum etiam quam superiora omnia atrocius expectatur, Bonifacius Vicecomes Mediolanensis occidere Sfortiam est conatus, ob iram interfecti ejus jussu Hectoris Vicecomitis, quem ipse propinquo sanguine attingebat: & juvenem vulgo Monsignorinum appellabant. De ea caede, in Hectorem patrata, in Sfortiam tentata, pauca supra repetam, non solum, quia res utraque insignis ad memoriam fuit, sed etiam, quia caedes illa Monsignorini unde minime crederetur, exorto maximarum rerum motu, Sfortiam ipsum rursus in discrimen de summa imperii totius adduxit, indeque varietatum humanarum portenta exsistere, ut, & privatus homo cum Mediolani Duce bellum gereret, & reconciliatus postea Caesari, infereret Principum famae nomen domumque suam, ac ex domo eadem, fratres duo, alter summum militiae decus, alter summum Orbis regimen obtinerent.

E Hector, Vicecomes, cui Monsignorini cognomen, fumata fortasse prius, dein omnia toga, & Ecclesiae honorum rudimenta, tentata primis annis indiderunt, fuit ex Ducis Bernabovis sanguine, quem ille, sicut in ipsius Principatu memoravi, ob crebros mulierum amores late diffusum reliquit. Ex ea spuriorum stirpe procreatus hic, gloriabatur potius origine, quam erubescere, fumferatque inde ultro spiritus nimios ac feroces. Aderant divitiae, & magnae propinquitates, & catervae assedarum: hominesque assueti caedibus ipsius sumtu, multi palam, alii occulte, in urbe, in domo, foris etiam apud amicos ad nutum intenti herilem alebantur. Vastus animus, promptum ingenium, & capiendo consilio matura celeritas, sermo blandus, obvia munifi-

nificentia in omnes, miraque mistura, varius, iracundus, injustus, inconstans, idem exorabilis, clemens, misericors, excelsus, gloriosus, humilis, ferox, cautus, & omnia pariter, ubi res, ubi tempus postulare. Inde, Principum etiam externorum amicitia, veneratio populi in eum, & publicus favor, neque abnueret ei quisquam, iusta, siue injusta ingrederetur. Magna ejus merita fuerant in Sfortiam domo Principatuque extorrem, ac toto illo exsili tempore, tum apud exsules alios, auctoritate, tum apud Principem ipsum, consilio, ad eos qui domi remanserant, litteris & nutu, cum Principibus Italis, gratia & familiaritate, Gallorum quoque nulli contemptus aut rejectus, varie sic adjuverat quo maturius exsul in urbem Principatumque restitueretur. Ut cessare Galli, pristinaque cum Principe suo rediit aula, tunc Monsignorinus iste enim vero apud reducem velut suo beneficio Sfortiam, stare ante omnes, regnare sese gratia & auctoritate aequum censebat. Volebat in primis regere judicia & magistratus arbitratu suo, facinorosi semper alicujus fautor, semperque aliquem eripiens capitali supplicio, petens etiam praemia sibi & honores, ac volens utique anteire Moronum, a quo antea sese turpe arbitrabatur. Potiebatur enim aula Moronus, & in novo Principatu cuncta nutu illius fiebant. Cum nescio quid absurdi ac violenti die quodam apud eum tentaret, abnuensque Moronus, subnecteret etiam causas, quamobrem id fieri non posset, excidit hoc Monsignorino verbum: fore se aliquando apud ejusmodi Herum, cui non semper Magister ab tergo iret: addiditque; telam, quam ipse texuisset, esse retexturum eadem manu. Quid postea sermonis, quidve consiliorum super ea re fuerit Sfortiam inter & Moronum, nescitur. Monsignorinus certe paulo post mandato Moroni occiditur ab Jacobo Medicaeo, qui digredientem cum arcto comitatu alicunde eum speculatus, direxit vulnera, & patrata caede evasit.

Jacobus Medicaeus, prima juvenia ferox, iniquus, iratusque natalium suorum fortunae, ex qua nihil nisi inopem nobilitatem, & magnae stirpis inane nomen haberet, contractis olim in urbe inimiciis, & aemulo interfecto, profugus, adjuncta sibi exsulum manu, qui pulsi dominantium Gallorum injuriis, circa Larium lacum praedabundi vagabantur, caput sese fecerat ad Gallos ipsos quacumque posset ope infectandos, tempore scilicet eo, cum Sfortia rerum exitum expectans apud Tridentum federet. Ita, aperto sibi magnarum rerum itinere, cum juvenum suorum globo, die quodam ingressus urbem, tabellarium, qui ex Gallia litteras ad Regios ministros ferebat, obtruncarat luce palam, quo facinore, omnia Gallorum arcana Caesarianis & Sfortiae innotuisse ferebantur. Ad facinora deinde ministrumque cuncta, ubi praesentia & vigore animi opus esset, cum fere adhiberetur, tum vero post jactam illam temere ab Monsignorino vocem, potior nemo est repertus, cujus manu, Sfortia, & Moronus, suspectum sibi quidem semper antea, nunc scilicet etiam aperte minitantem eum tolli posse existimarent. Sublato in hunc modum Monsignorino, cum & minister caedis, & qui jusserat caedem, pariter anxii sollicitique essent, obsequiique, & mandati conscientia invicem animos inquietaret, hinc suspicione, ne prodito arcano, potentior quam hodie gens illa Vicecomitum ad arma iret, hinc metu, ne qui prodehere poterat rem, ipse tolleretur: Medicaeus ita procul ab coetu colloquiisque urbanis ablegatur in Mussensem arcem, quae ad radices montis in Larii lacus littore sita est. Ibi quid paratum interfectori esset, anceps opinio interpretantium fuit. Sed ille in tali tempore audendum ratus, data forte occasione, insedit firmavitque sibi arcem: atque ab eo principio, quae fortuna viri fuerit, in tradenda deinceps fortuna Sfortiae casibusque urbis exponemus. Nunc novos accipitesque casus, & incredibile bellum, quod ab ministro magnae caedis Medicaeo hoc imminerebat, portendere Duci visa est nova item ac pene incredibilis audacia Bonifacii Vicecomitis, ex cujus domo Monsignorinus fuit. Is namque, desiderio consobrini violentus, &

A avidus petendae ultionis, neque ambigens unde ea petenda esset, redeuntem ab Modoetia Principem stricto pugione aggressus, jugulum primo ipsum appetivit: deinde, cum ictus ille in irritum cecidisset, educto longiore gladio, laevum ejus humerum vulnerat, & quia circumfundebatur a Praetoria statim ipse cohorte, propriis sese praecipit, ac celeritate barbari equi quo vehabatur, inter tot armatos evasit intactus. Abisse in Subalpinos ad Sabaudiae Ducem memorant: ibi saluum fuisse sub Principis tutela, per cujus fines, adfuturo mox Gallorum exercitui iter parabatur. Sfortiam ex tanto periculo servarat minima dictu res, humilitas nempe parvulae mulae, quam ad illud suburbanum iter forte poposcisset. Ea scilicet, equi pariter equitisque assultu, & micante ante oculos ferro contremefacta subduxit conservatione sua vulnere sese, qui ipse humilior, venientes in caput alte ictus sefellit proceritate vulnerantis & leviter humero caesimque excepit. Magnus inde metus erat veluti per miraculum vivo & salvo Principi, ne conjuratio civium ea potius quam furor hominis unius fuisset: ac vitata urbe Modoetiam reversus pavebat etiam ibi umbras, suspectaque cuncta habebat. Moronus & Columna, ad ejus rei nuntios, protinus excitato satellitio turbavere quaestionibus urbem: iudicesque & scribae, importuno suo more confecere volumina, quae confessiones, & indicia multorum inerant, quasi genus omne Vicecomitum, & eis adnexi alii manifestae conjurationis tenerentur. Tormentis enim & carcerum vi, fraudibusque suis cogeant homines ea de se confiteri, quae ne cogitassent quidem: adeo non moliti essent. Re autem vera fuit nihil aliud, quam impetus, & ira Bonifacii illius, privatumve consilium, quo vitae suae discrimen contempsit, dum ulciscenda consanguinei necis, solatium animo praesens, gloriam nomini apud posteros quaereret. In eo fervore judiciorum, Episcopus Alexandriae, frater interfecti Monsignorini, sentiens in se quoque ire diligentiam & destinata Judicium, avertit ultro, seque in quaestionem obtulit, ne fortasse violentius duceretur. Nec ideo effugit injurias ac ludibria fori: & postquam profani Magistratus Episcopum rite interrogavere, licet etiam iniecit manum, atque in Cremonensi deinceps arce captivus ille erat. Et Mediolani quidem ob temeritatem hominis unius casumque Principis, bellum hoc in fortunas & capita civium gerebatur: hostes vero Galli, jam occupato Alpium transitu, bellum urbi aliud ferebant, ipsi quoque detecta in Regem suum conjuratione turbati inter se & paventes, quatenus ille exerceret iras. Quae conjuratio, non ficta calumniis & adulatione magistratuum, sed magnis, & infelicibus Borbonii consiliis instructa tenuerat nunc domi Regem eum, ipsumque Borbonium relicta patria fugientem manifestae rebellionis poenas adjunxerat Caesari, & inter nostros postea Duces ille fuit: nec tamen exitu meliore, quam qui fere transfugas & proditores Principum suorum, etiam apud eos, quos anteposuerat, sequi consuevit.

Galli, superatis Alpibus, solita felicitate gentis circa initia rerum, primo statim incursu cuncta trans Ticinum amnem tenere, mox ipsius quoque trajectu amnis, ingentis & fortunati nimium, ac prope incruenta expeditione, si extrema primis respondissent, ac nisi coecasset eos violentia & altitudo causarum inextuperabilium, quae solidam ullam umquam in hac terra contingere Gallo victoriam prohibebant. Nam alioqui tempore eo aperta ad urbem & obvia cuncta venientibus fuere. Princeps ipse vulnere licet levi debilitatus ob metum, & suspecta conjuratione, animo magis quam corpore aeger. Offensa, & pavida, & irata pleraque nobilitas terrore & acerbitate quaestionis, cum ob facinus unius, universi inquietarentur. Moenia quoque urbis quassata passim & fracta superioribus bellis per crebros hiatus ruinasque patefcenteis aditum hosti praebebant. Columna morbo implicatus jacebat, qui, siue fortuitus, siue infectus, ut creditum est, veneno, ultimus certe ei fuit. Reliqui Duces cum ob valetudinem adspemabantur, ob summum belli regimen oderant. Igitur ipse tan-

tum praesidii deprehensis in eo statu rebus afferebat, quantum poterat & natura cunctator ac lentus & moriturus brevi. Circa lectulum hujus, habito consilio de summa rerum, ad caetera discordes, & mutuis odiis infensi, communi animo sententiam hanc dixerant, ut relicta Metropoli, ad Novocomum, sive ad Ticinum evaderent fuga, prout hoc, sive illud iter, alterutro venientes Galli vacuum opportunumque reliquissent.

In tali discrimine servavit urbem cunctatio hostium prope fatalis, qui transgressi celerrime Ticinum, morati deinde circa flumen, post aliquot dies ad Clarae Vallis Monasterium transfudere segniter castra. Ibi, triginta millibus armatorum, occupatis late campis, & circummisso ad Modoetiam quoque minore exercitu, ne quid commeatum alicunde veniret, decreverunt expugnare lenta fame urbem, quam sine mora ulla capere potuerant, si, quemadmodum a Caesarianis factum antea erat, quo venerant die, intrare apertam desperatamque voluissent. Obsidionis mala cito vertere in ipsos, ita ut Mediolani tum ex antepreparato suppeteret annonae, tum equites nostri egressi praesidio ad ea, quae supportabantur, secundis etiam aliquot certaminibus affligerent Gallorum equitatum: ejusque detrimenti fama Gallum Imperatorem inter suos vexabat. Simul Helvetii, qui in eo exercitu erant, ob frigora tumultuantes, perpulere, ut castra retro Ticinum versus moveret, aegre cohibitis nostris, quo minus terga abeuntium lacerarent: quod si factum esset, non dubitant, quin torpida, & rigentia membra aegre molientes, atque profectionis etiam ejus ignominia consternatos (& erat nivalis forte dies) opprimere Caesarianus exercitus potuisset, recens nimirum ab urbanis hospitibus, unde spe optima & ignium tepore alacer in pugnam iret. Sed Columna, praeterquam quod cautus natura & lentus tuta consilia ex ratione, quam prospera ex eventu semper maluerat, etiam tabe morbi, & pavore supremorum alienatus fere a communi sensu abnuvit discrimen, & sicuti vocibus poterat intermortuis, differuit pauca in eam sententiam: contentos ipsos esse debere, quod cunctando & sedendo abire prope a moenibus hostem coegissent. Galli, quacumque irent, ferro & igni cuncta permiscerent, incenso Rosato municipio, praedati quidquid obvium fuerat, ad Abiatum consistere, qui locus quatuordecim millia passuum ab urbe est: & quia satis validam, uti tunc erant munimenta, arcem habebat, idoneus visus, ubi nova auxilia Helvetiorum, quae mittebantur ab Rege, exspectarent.

Firme sub id tempus, quo Gallus Imperator reducto ab Clara Valle caeterisque suburbanis locis exercitu, & amissa occasione capiendae urbis, nullum nisi tristem de tota expeditione nuntium mittere ad Regem poterat: Cardinalis Medicaeus, qui ipse in parte foederis adversus Gallos initi, Leonisque animorum heres fuerat, Pontifex Max. renuntiatur. Id accidit quinquagesimo die, postquam Adriano mortuo, Patres intra Conclave abditi, studia sua, & altercationes, & astus consumserant in eare, quae divino semper nutu peragitur: & mores negotiationemque mortalium excelsa Numinis benignitas ac providentia admittit illuc, unde tamen mortalitas tota arceatur. Nec sane Cardinales antea in ullo alio Pontifice tam intentis animis altercati erant. Creatus hic, Clementem VII. dici se voluit, vel appropinquante celebritate Divi ejus, vel, ut nominis mansuetudine spem omnibus faceret, nullius offensae, nullarum sese inimicitiarum memorem, paterno in genus humanum spiritu nova incuntem itinera vitae, capeffere fastigium illud. Nota tamen erant, & celebrata sermonibus, in Caesarem favor, in Gallos alienatio, studium rei Mediolanensis, & foederis necessitudo, quo sese olim urbis ejus causa illigasset. Ea Mediolanensibus, & defensori Mediolanensium Hispano spem animosque addiderant, Gallorum genti incusserant sollicitudinem atque invidiam, & moerorem, si semper insensum sibi, semper Hispanae factionis Pontificem habituri essent. Super omnia urebat animos recordatio Leonis odio-

A sa genti, quod eo scilicet Pontifice adversus Regem Franciscum ineunte foedera, Pontificatus opes ad arma conferente Hispanorum, ejecti Mediolano essent, quam nunc frustra repetentes urbem, in hostili terra conflictarentur. Pontificis nempe ejus consanguineum, gentilem, heredem, spiritus animosque retulisse eosdem, imbutum esse consiliis illius, & pari cupidine tollendi in perpetuum ex Italia Gallicum nomen, ne ad recuperandam urbem Mediolanum adspirare umquam possint. Eadem apud Regem Franciscum quamquam falsa agitantur. Hunc etiam angebat conscientia dati per ipsum veneni, vel certe, credito, tamquam dedisset. Successorem simul & ultorem adesse.

B Mediolani moritur iisdem diebus Prosper Columna, veneno amatorio, sicuti creditum est, illigatus, mansitque inter annalium monumenta Clarae meretricis nomen, quae deperierit virum. Eam Boniveto usque eo cordi fuisse, adeo, ut cum ab Clara Valle moturus castra esset, miserit in urbem Galeacium quemdam, qui viseret feminam, ac de inclyta pulchritudine ejus comperta & spectata oculis referret. Columnae morte, summa rei militaris redierat ad Carolum Lanojam, qui Neapoli pro Rege erat: jamque ille ob Gallorum adventum & Columnae valetudinem provinciae metuens, delegata Regni cura aliis, profectus inde cum valida equitum peditumque manu adventabat, ita moderans iter, ut

C ne prius ingrederetur urbem, quam Columna, qui jam nulla in spe trahebat animam, exspirasset. Id honori hominis dederat, caveratque laudabili modestia, ne propere intrando praecepisse imperium, & viventi quodammodo ducere voluisse funus videretur. Paulo post Borbonius ipse aderat transfuga Regis Galliae, sicuti dictum est, novus Caesaris amicus, anxia sedulitate ad probandam ostentandamque fidem, ne intentis in se totius aulae oculis & susurris, ulla, vel actione, vel voce, vel motu vacillans ambiguusve reperiretur, utque probaret omnibus hoc ipsum, quod a priori aula, non ingenii vitio, sed coactus invitusque descivisset. Vicissim Caesar absens, & occulto ejus nutu Sfortia, & Lanojus & Davalus, caeterique intenti, ne proditor ob-

D servari sese intelligeret, neve intelligere ipsi, aut meminisse viderentur illud, quod sui Regis desertorem in exercitu haberent. Inde, liberalitatis & diligentiae certamen, qualia solent initia esse omnibus, qui transire ad hostem. Borbonii transitione hujus, adventu Lanojae, foederatorum auxiliis, exercitus noster, cum, & ducibus, & milite instructus egregie esset, dividitur bifariam, & parte relicta una ad custodiam praesidiumque urbis, caeteri Ticinum transeunt ad ea recuperanda, quae hostes ab repentino Alpium transitu tenuerant: ipsi statim ad eadem defendenda concurrunt: pugnabaturque levibus praeliis, quorum taedio, &

E damno Bonivetus ad universam rei dimicationem venire concupivit. Sed detrectare nostri, non, quod animis, aut ulla virium parte inferiores essent, sed quia ferociam imitari Gallorum volebant, quos fatigari & dissolvere, compellique domum posse cunctando spes erat, sicuti etiam evenit. Bonivetus ingentia de se principio pollicitus Regi, ipso etiam expeditionis initio non infelix, mox occasione felici improvide abusus, fessus postea rebus ambiguus, sive infausus, relinquendae Italiae consilium cepit, rediensque in Galliam, nullius bene gestae rei gloriam ad Regem ex provincia Mediolanensi tulit, nisi quod quatuordecim millia nummum aureorum, quae Caesar ad exercitum mittebat, intercepisset. Abeuntes Subalpina Regione Gallos, quae etiam

F irruerant via, Eporoediam usque persecuti nostri, partem impedimentorum, & plerasque bombardas relinquere coegerunt. Quo minus etiam convertere agmen, atque in aciem adistere cogent, ea res obstitit, quia, nec totus exercitus ductus erat ad persequendum, & Venetorum auxilia, simul atque fines Sabaudiae Ducis attigerant, negaverunt habere se id ab Senatu suo mandatum, ut in ea terra vestigium ponerent: ideoque progredi ulterius recusare. Bonivetanae expeditionis in Mediolanenses exitus hic fuit, cujus infortunio Rex Gal-

Gallus irritatus, abruptis quae obstabant, venire ipse Mediolanum, & fortunam experiri decrevit. Quod decretum atque consilium optimi & generosi quidem, sed in re ista Mediolanensi semper infelicis Regis, qualia rerum humanarum, & fastigii Regalis ludibria ediderit, postea narrabitur. Juvenemque Regem, post pristinos infelices conatus, toto nunc potentiae suae molimine ingressum feliciter Italiae fines, capta statim urbe Mediolano, caetera obsidentem, & Neapolitani quoque Regni jam prope Dominum, mox, dum suo corpore miscet certamina, iternitque hostes, in medio fervore pugnae, suffosso equo stratum humi, captivum inde, & per alium aliumque carcerem ductum in victoris Caesaris aulam, cum vetere novoque Regno factum alieni juris, vitam denique & spiritum ab hoste deprecantem exhibebo.

Sed prius exponam Urbis nostrae casum longe foediorum etiam, quam ille hostis Regis fuit, exorta scilicet interim pestilentia, quae, dum Rex ille ab domo exercitum movet, dum transit Alpes, dum expedito agmine adventat, sine telo, sine sanguine, tabefuneribusque debellaverat urbem, & venienti infesto Gallorum exercitui, reliquias civium quasi devinctas & ligatas, patefactis moenibus, ac remoto omni portarum, obice obtulit. Initia mali ad Abiatum, quo Bonivetus ab Clarae Vallis Monasterio cum exercitu sese contulerat, exsistere. Inde, brevi confinio, facillique trajectu pervenire in urbem, & corripuere cuncta, manante scilicet paulatim per corpora, per domos contagione rerum earum, quas sordidi, & maridi putresque Galli, cum inde pellerentur, reliquerant. Ac primo quidem, milites nostri, rerum earum contactu, & aegri erant, & moriebantur. Postea, qui curant eos, quive invifunt, aut ministerio aliquo contrectant, propinqui, familiares, amici, etiam si nihil aliud, quam spiritum habitumve communicant, commercio illo trahebant lucem, atque ad alios deinde perferebant. Hi rursus, alloquio vel adspectu contaminabant plures, & a pluribus ad universos permeante morbo, citius quam credi posset, urbs tota exhaurebatur, populusque morientium erat, jacente passim alio mortuorum populo, cum ne solita quidem sepeliendi cura maneret erga id, quod semper ab superstitum oculis & communi luce submovebatur. Haec ipsa injuria cumulus alimentumque mali erat. Iacebant enim strata per vias, perque vacuas domos cadavera, & similem exitum expectantes eos, qui supererant, pestifero odore, nec minus tristitia, & praesentis imagine mortis, ut in eosdem ruere acervos quamprimum cuperent, quod unicum remedium calamitas ipsa afferebat. Sublata sensus humani consuetudo: & quos tabes illa infecerat, aut neglecti desertique moriebantur, aut, si quis affidere voluerat, fiebat ipse caeteris exemplum ne cunctaretur adfidere quisquis mori, & finire miseras vellet. Neque solita effugia dabantur in villas amoenosve secessus, cum etiam illi qui rure agebant, conditioni urbanorum inviderent, ac proripere sese eodem conantes, caderent in itinere ipso, & cadavera sua, ceu fugae vestigia infelices spargerent. Moriendi tamen celeritas, agrestibus juxta, & urbanis, levamento erat adversus rerum omnium egestatem, cum tota civitas, & vicina pariter ac longinqua rura, per aliquot jam annos, inter maximorum exercituum, lingua moribusque dissonas, licentia & rapacitate simillimas gentes, spoliata, & exhausta, & vastata, ne vulgaribus quidem & quotidianis alimentis sufficerent, adeo pharmaca, haustusque delicati, & mollior aegrotantium victus deesset. Vix amplius negotiatores, & olim opulenta nobilitas, ob recentium bellorum injurias deserto agrorum cultu, reque coarctata familiari, pestilenti illo tempore propulfabant famem. Egens vero semper populus, & miserrima pauperum multitudo contabuerat fame nisi velocius aliud malum remedio esset. Et miserabilis adpectus interea erat manducare volentium inimica palato, & in ipso manducandi conatu ob pestem alteram excurrente vita. Sed & aliae trifiores formae mortis traduntur, quas referam, ut ex comparatione temporis ejus agnoscat omnis populi Me-

A diolanensis aetas, quanto mitius in se agat Numen. Neque enim talia exempla coelestium irarum, vel rediisse umquam, vel in posterum reditura esse arbitramur.

Una, nec inhonesta, domus fuit, quae ante illam pestilentiae calamitatem, ab Gallo violentia & rapinis, ab Hispano tributis, & immodico exactionum pondere afflicta, nuditatem & famem aegre tolerabat. Ubi grassari morbus totamque depopulari urbem coepit, domum etiam hanc irrui inter primas, scilicet affectis jam corporibus animisque, & parvo illo sordiduloque grege conferto intra angustias humilis tecti. Omne ibi exanimis ab iis, qui forte ingressi erant, reperti sunt, sed alius alia facie lethi melioreque postea civitatis statu celebrata sermonibus res digna est visa pictoribus, qua certatim exprimenda specimen gloriamque artis ostentarent. Collapsa repente retro mater fregerat illis pavimento caput, & fusa per plagam viscera cernebantur. Duo lactentes adhuc infantes, nullo materni casus intellectu adrepserant ad notas sibi papillas, & emortuo illic lacte irriti mordebant alimenta sua ficcatosque fontes, & spiritum ultimum morfu exhalabant: caetera grandiuscula, & propter aetatem tamen secura proles circumfusa mortuae parenti, aut mandendo simpliciter terendoque dentibus aliquid exspirarat, aut incertum relinquebant in adspicientium animis, contagio, an fame, exspirassent. Ac deforme dictu: liberorum pater, mulieris maritus, victo malis animo, cunctantem mortem ultro accersierat, vitaeque suae attulerat vim, & pendentem ab jugulo nodum notavere, quo sese exanimarat. Talia viderat retuleratque vicinorum aliquis, funestam eam forte domum ingressus: casusque ille assuetudine quotidiana horribilium spectaculorum, quamdiu manebat pestis, in levi habitus, ubi haec abierat, salute urbi reddita, in novo deinde populo, materies, ut dixi, artificum etiam ingeniis fuit. Pleraque alia generis ejus, & narrabantur ab iis, qui publicae cladi superfuerant, & inde audita scriptores etiam litteris mandavere. Vigiles, qui excubias in arce agerent, exanimis in fossam esse delapsos: Praefectum ipsum arcis, dum circuit muros, custodiasque obit, repentino pestilentiae ictu praecipitatum, absumptum illic praesidii robur, ut nisi propugnacula, & bombardae, & turrets, & portae cataractae conspicerentur, nihil fere arcendo & deterrendo hosti ibi esset. Senatores, & Principes urbis, quosve alios, in tanto suae vitae discrimine cura aliqua publicarum rerum attingebat, dum congregantur utique consultandi causa: dum sententias dicunt: dumve ab inconsulto illo consilio redeunt domum, infimae plebis sorte corruentes, five domi manserant, pari exitu, reliquerant fere absque regimine urbem, & quibus saevitia morbi pepercerat, confuso jam nobilium ignobiliumque discrimine, auctoritas nulla eis, & providendi jubendive quidquam irritus labor. Dum cadunt atque coacervantur promiscue clari simul & obscuri, virorumque & feminarum cadavera sine ullo intuentium pudore jacent passim ita uti naturae simplicitas & miseria sese habet, ipsi etiam inter se vivi nihilo plus pudoris ac verecundiae retinebant. Tamquam mox amissuri vitam, ad id quod aderat praesensque erat, desperare & inverecunde plerique ferebantur: & certa ante oculos mors, quae supremi judicii terrore flagitia inhibere debuerat, eadem erat velut illico morituris incitamentum, ne scilicet usurpare cunctarentur lascivias, a quibus in perpetuum abirent. Valuit apud alios objecta oculis animoque species dissolvendae mortalitatis, futurae vermibus alimento, & abiturae in vermes, quodque longe terribilius, os immane Orci, praesens Tartarus, sempiternae flammae, & ex diverso, beatioris vitae praemia, quorum spe ac meditatione multi innoxie sancteque agebant: taliumque pia facta & mortes ipsae nobilitare deformem cum annum. Nam divino vere Spiritu feminae virique, pedibus nudis, cincti funibus colla, & voluntario frequenti verbere fundentes ab humeris sanguinem, exposcenteis flebili voce coelestem veniam adibant templa, interimque tamen urente intus peste

peste absumti nonnulli eorum cadebant, testati splendore oris, quod ejusmodi morte vitae poenis eximerentur in coelum, nec poena sed praemium ipsa esset mors. Jam inclytae animae subsidia urbis, apud suum pars utraque sexum, functae erant Apostolico munere: cibos & hortamina egenis tulerant: quid post mortalem hunc spiritum reliqui esset, docuerant ignaros, siue nihil tale cogitantibus injecerant alterius vitae curas, spemque aut metum. Jam veteris quoque Tobiae erga infepultos studio & caritate, quantum potuerant in tanta strage assequi, per se, per alios, ad laborarant, ne corpora exanimata in publico & aperto putrescerent, & Pastores isti haud dubie Urbis in tali tempore fuerant. Nam absente, sicuti dictum est, Pontifice Urbis, mercenarii ministri, quibus interim Civitas commendata erat, minime movebantur animarum clade: ac sicuti lupo superveniente, custos alieni gregis dat impigre terga, deseritque nihil ad se pertinentes oviculas: ita conductitii illi curatores, nulla alia quam sarcinarum & peculii sui sollicitudine ad prima pestilentiae signa, sublati callide rebus, abierant domum.

LIBER IX.

PLACATO tandem Numine, annoque circumacto pestilenti (is fuit humanae salutis millesimus quingentesimus vigesimus quartus) Populus & Respublica Mediolanensis, ignobili parvae urbis populo, quam Metropolitanae Majestati similior erat: & sicuti corpora momento uno dissolvuntur, tardis incrementis augefcunt, lente ab nova stirpe renascebatur. Rari & attoniti qui fieri parentes possent: vacuae pleeraeque domus: inania Procerum etiam tecta: parvi magnique penates juxta deserti: compita, & viae, & fora illa calcata tantae quondam multitudini herbescebant agresti simillima solo: & singuli civium velut attollentes ab tumulo caput, iratam adhuc fuscamque lucem adspicere sese putabant. Mansuevisse coelum, inhibita esse pestilentiae tela, tutam esse sibi vitam, vix fides. Et erant ista tamen, licebatque jam crescere, & novam sobolem reparare urbi, cui Rex Gallus imminabat, ut statim victor, postea captivus cladem ignominiamque inde aegre elapsus vincula, referret domum. Incitaverant destinata ejus Caesariani ipsi, illato in Regni fines bello, Massiliaque per quadraginta dies diverberata, & quassata, non tamen capta: quae oppugnatio postquam irrita fuit, confirmato ob eam remanimo, & ad veterem impetum addita recenti ira, parem eis animis offensioque exercitum celeritate mira in Italiam rapit. Simul Duces nostri, cognita profectione Regis, timentes urbi Mediolano, quam, & relictis illic praesidii tenuitate, & eo ipso quantulocumque praesidio, sicuti demonstratum est, absumto, apertam fore hosti prospiciebant, concitato ab Massilia navium cursu legentes oram prospera velificatione Monoeci portum tenuere. Ibi exposito exercitu, tormentisque membratim in jumenta impositis, pari fere cum hostibus gradu, diverso itinere procedebant, ita, ut eodem die Galli Vercellas, nostri Albam pervenirent. Inde, & hostes, nemine prohibente, trajecto Ticino, Mediolanum versus recta contendunt: & Caesariani praemisso jam ad providenda quae tempus moneret, Hieronymo Morono, quanta maxima poterant celeritate subsequentes, antevenire sese posse Gallum speraverant. Sed Moronus, ubi solitudinem urbis, vastaque & squalentia cuncta vidit, relato etiam mortuorum numero (centum quadraginta millia periisse constabat) squalens ipse & confusus, desperata defensione, ultro rogare & hortari cives institit, ut saevienti fortunae submitterent capita, neve Gallo venienti saevienti insuper materiem praebarent. Acciperent exercitum Imperiumque cui frustra resisteretur: Id Sfortiae, id Caesari gratius fore, quam si pauci & invalidi tot armatorum millibus offerrent sese trucidandos. Satis spectatam esse populi Mediolanensis virtutem: nunc saluti consulendum: generosa pectora melioribus suis & Reipublicae temporibus reservarent: memorem Sfor-

tiam fidei civium optimorum: si cedendo tempori conservare eos potuerit, adnixurum, ut pristina quoque ipsorum gloria recuperetur: vindicem fore Deum, nec homines vitio daturus, quod in manifesto discrimine cauta consilia temerariis antetulissent. Haec & alia praesentium miseriarum solatia & hortamenta, suadente desperatione Moronus admovebat civium animis, qui adventantium fama Gallorum undique excitati, concionis more circumsteterant virum, & in tam dubia re, quidnam ille afferret, suspensi ab ipsius ore expectabant. Ac caetera quidem ejus miserae consolationis peregit Moronus apud Populum Mediolanensem, quomodo quilibet etiam alius orator, desperatarum rerum ignominiam & pudorem elevare verborum arte potuisset. Illud vero novum & singulare, & ad Christianos animos maxime efficax attulisse est visus, quod in excusanda deferendae urbis necessitate, tenerimam illam Euangelii vocem usurpavit, qua Salvatorem in extremis suis rebus mortalitate succumbente esse usum tradunt. Praefatus enim, ut in paribus animi tormentis, verbum usurpare idem licitum sibi esset: *spiritus quidem promptus est*, inquit, *caro autem infirma*: & reliqua deinde, sicut exposui, subjecit.

Ab ea concione, datis quibusdam propere mandatis, & firmata, sicuti potuerat, arce, Mediolano egreditur: ac vitata militaris viae celebritate sese Ticinum confert, qua in urbe Caesariani duces cum Francisco Sfortia exercituque toto substiterant. Sub ipsa urbis ejus moenia Sfortiam reperit egressum impatientia diutius expectandi quid ipse renuntiaret. Ubi, perditas res, jamque tenentem Metropolitana moenia Gallum accepit, pauca cum Morono eodem secreto colloquitur: deinde recipiunt sese una intro ad Caesarianos, ipsos quoque intentos in nuntium, unde cuncta pendebant. Quidnam illud secreti sermonis, quaeve suspicandi causa Caesarianis fuerit, nescitur. Ex eo certe die, Sfortia & Moronus in Caesariano exercitu haud secus adspiciebantur, quam si Gallis Metropolim ipsi prodidissent. Et eae deinde suspensiones ab qualicumque ortae principio, caetera addita offensione animorum, siue, per artem & calumniam arrepto quolibet obtentu, in tantum excessere, ut apud Caesarem gravissimo rebellionis & ingrati animi crimine Sfortia accusatus infestam inter miseras & pericula vitam ageret, atque parta de Gallis victoria, pro hoste ipse haberetur: quas Principis infelicissimi calamitates, & ejus negotii exitum reliquosque Sfortiae casus ad finem usque vitae simul & imperii, in sequentibus libris demonstrandi locus erit.

Nunc, percussis repentino casu Caesarianis, Rex Franciscus sine certamine victor Metropolim instabat adeo non repugnanti, ut imperium accipere ejus, cum bonae prioris domini venia, communi ob recentem pestilentiam approbatione famae, Superum etiam quasi iussu parati illic cuncti essent. Ille enim vero, neque ingressus urbem, neque ingredi passus quemquam suorum, tantum collocato circa moenia praesidio & constituta obsidione arcis, gravi proposito edicto, ne quisquam Mediolanensem ulla injuria violaretur, infesta ad Ticinum signa repente convertit, ne urbem scilicet eam ab tergo relinqueret, idque caput esse belli dictitabat. Caesariani Duces, jam oppido probe communito, circa urbes divisi alias, in rei Ticinensis eventum intenti, sese ad Metropolim denuo recuperandam accingebant. Miserant Borbonium in Germaniam ad conducenda gentis ejus aliquot millia. Sfortiam & Moronum interim, neque ut palam irati tractabant, ne alieno tempore exasperarentur, neque ut incauti, ne suspecta jam eorum fide, locum novae fraudi aperirent. Angebantur difficultate pecuniarum, exiguis, ut semper, ac lentis ab Caesare subsidiiis, & mutata Pontificis voluntate, qui in minore sua fortuna, arcendis Italia Gallis, ut demonstravi, foederatus, abnuebat nunc omnem armorum societatem, Apostolicoque nomini indecoram esse profitebatur. Florentini item antea foederati & moniti jam ex foedere, quibus auxilium Metropolim res indigeret, consentanea quaedam alienationi Pontificis respondebant. Paria re-

referebantur ab Venetorum Senatu, qui prudentiae suae genere, consilium ex inclinatione rerum capere soliti, postquam cum magno exercitu prope victorem in Insubria sensere Gallum, jam amicitiam armae illius spectantibus, non teneri sese arbitrabantur foedere, quod fortuna inutile fecisset, & haud dubie immutati verba pro rebus dabant. Alienatis ita multorum animis, & ob res adversas, uti fit, quotidie magis detecta mutatione voluntatum, res una tamen exercitui nostro ducibusque Caesarianis adjumento erat, quod, nimirum, Rex Franciscus aggressus magno impetu Ticinensis urbis moenia, & praesidii robore, & oppidanorum virtute inde repelleretur. Atque dum Gallus ibi tempus terit, & nunc dimovendo avertendoque anni, nunc agendis cuniculis operibusque frustra fatigat militem, interim confirmati nostri Helvetiorum auxiliis, quae Borbonius adduxerat, & animorum fiducia, minime dubitabant, quin recepturi Metropolim brevi tempore essent, & excitata sic priore fortuna, dejecturi Italiae finibus Gallos. Spem quidem illam, ut Rex etiam ipse caperetur, utque tantum munus in Hispaniam ad Caesarem possent mittere, nondum credo agitabant.

Cum nostra hostiumque negotia in hoc statu essent, & Gallus, quia Mediolanum haberet in potestate, mox caetera sese habiturum speraret, Hispani, quia oppidi unius irrita oppugnatione detinerentur, frangerenturque hostes, propediem crederent fore debellatum: tempus id opportunum tentandae pacis inter Reges visum est Pontifici Clementi, dum scilicet pars utraque victoriae pignora manibus teneret, dum Rex etiam uterque vinci sese posse arbitrari posset. Sane Pontificis ejus animus initio fuerat, ne sese immisceret Regum armis, & dispari quondam studio molitus bella, factiones foederumque amplexus, famam nunc ingentem illam & Apostolicae majestati consentaneam adamarat, ut Pater humani generis, publicae pacis cupidus, barbarum inimicus omnium haberetur. Caeterum, securitatis etiam ipse suae causa, dederat hanc occulte Gallo fidem: cum bona sua pace Mediolanensem expeditionem eum semper esse obiturum, neque ab Roma quidquam umquam ad eam rem ei fore impedimento. Postea, Gallicas quoque copias eunteis ad Neapolitani Regni damna transfuderat per Ecclesiae fines, causatus apud Hispanos hoc ipsum, quod nisi exercitui infesto praebuisset iter, aversurus in se bellum fuisset. Demum haud procul jam aberat ab eo, ut Gallicae potius quam Hispanae factionis diceretur, indueratque in communem sese laqueum, nec ferme sentiebat. Implicatus ita & haerens, suspectansque multa & vicissim ipse suspectus mittebat crebras de pace legationes, in Insu-bres quidem, ad Gallum Regem, ad Lanojam, ad Davalum: in Hispaniam vero, ad Caesarem ipsum, eisque legationibus miscebat consilia, preces, & Apostolicos hortatus, & quidquid a Pontifice Maximo communis otii causa dici Regibus posset. Reputarent incerta belli, & longinquam ab domo militiam, & ancipites casus, & tot infidas ab utraque parte victorias, & tantum Christiani sanguinis haustum jam & hauriendum. Conditiones quoque proponebat, utiles utrique parti, sicut arbitrabatur ipse & honestas: ut Regis Francisci filius natu minimus, ab Caesare Dux Mediolani appellaretur: pro eo munere Caesar ipse pecuniae summam acciperet quantamcumque dari justum foret. Ita rem Mediolanensem, extra Gallici Regni corpus, & Caesarem, ejus dandi, vel adimendi Principatus auctorem fore.

Nusquam ea secundis auribus accepta sunt. Negabant Hispani, glebam unam Italici soli Gallis umquam esse relicturos, insuperque taciti indignabantur, quod consilia pacis & hortamenta sibi mitterentur ab eo Pontifice, qui relictis foederis fide, sese manifeste fecisset hostem, hostiliaque jam coeptasset. Rex Gallus, capta jam Metropoli, & Neapolitanae conquestionis vanitate vitioque nativo inflatus nihilo aequiorem sese ad Pontificis monita accipienda praebebat. Ea pertinacia Regibus, isque utriusque aulae consensus ad dirimendam hanc ferro litem, quasi, non Insubriam in eo discrimine, sed

A Regnum pars utraque suum, & omnem ad reliqua famam agicerent. Lanoja fuit unus in Hispana parte, qui, posteaquam circumfundi Neapolitano etiam Regno Gallos senserat, provinciae suae metuens, inclinaret nonnihil ad pacem animum, vel certe summam virium illuc transferre conaretur. Inde pugna sententiarum cum Davalo, contendente, si abscissum Mediolano esset, Insubriaque relicta Gallis, etiam Neapolitani Regni nullam irritamve fore defensionem, & nulla alia spe minitari Neapolitanis rebus Gallum, quam ut exercitum nostrum ab Metropoli abstraheret. Si manerent in Insubria, posse utrumque succedere, ut & deicerent Mediolano hostem, & Neapolim, eo, qui ibi esset, milite tuerentur. Insubria deserta, hanc simul Regnumque amitti, & profectioe ipsa fieri famae militaris irreparabile damnum, quod tristius foret etiam, quam Regna & provincias amisisset. Potiora haec visa Concilio, ipseque Lanoja, damnata priore sententia vincisse passus, provisus quibusdam ad firmanda praesidia Regni, totas huc vires animumque intendebat. Jam exercitus erat noster Gallico exercitu, nulla virium parte minor, fortasse etiam, Germanica auxilia, quae cum Borbonio & Franispergo, & Marco Sitico venerant, non aequaverant modo, sed excefferant hostium numerum. Decem millia peditum, duo equitum millia fuere veterani fere militis, quod robur fida Caesari pars Germaniae, & Ferdinandus ejus frater, accuratissimo delectu miserat, necessitate simul tanti discriminis, & gloria elatus, ut Germanicae militiae vim intentis in rei Mediolanensis exitum Principibus gentibusque omnibus ostentaret. Haec ad veterem exercitum addita subsidia, spem haud dubiam attulerant, si duae contrariae acies libero campo adstiterent, posse victoriam esse Caesarianorum, Gallosque profligari. Non minus virtutis in exercitu Gallorum erat, ducesque ibi, vel animi fortitudine, vel armorum usu, nominisque etiam gloria pares nostris. Sed apud juvenem Regem, Anna Momoransius & Philippus Ciabotus, ob amoena ingenia gratosque mores antestabant. Inde torvitas, & indignatio caeterorum, quibus saepe iratis, pleraque in exercitu negligebantur. Rex ipse Franciscus, acer sane bellator, sed numquam ita ad negotia intentus, ut voluptates oblivisceretur. Dum Ticinensibus adfidet muris: dum corona cingit urbem: dum admoventur scalae, scandereque frustra conatur miles: cum illis Anna & Philippo abditus Augustali, inter ludicra sermonibusque vagis terebat tempus. Laborabant adhuc uti semper pecuniae difficultate nostri: sed apud hostem, stipendia militum intercipiebantur avaritia quorundam & fraude nequaquam ibi tantum factitata, dum scilicet, ementito militum numero, redundantia aera praefectis cedunt. Abduxerat etiam ex Gallico exercitu sex millia Rhaetorum insigni facinore Jacobus Medicaeus, de cuius audacia initisque fortunae antea demonstravi. Is, patrata caede Monsignorini, praemium ejus navatae operae malum aliquod timens, eoque metu factus audacior, ac pericula ipsa magno discrimini remedium quaerens, ab sua illa solitaria Mussensi arce, quam sibi in tam ancipiti fortuna, prospere, sive secus conandi aliquid, sedem initiumque destinarat, perscribit significatque Davalo, posse ipsum, Clavenensi arce capta, efficere, ut Rhaetorum Procures, qui miserint auxilia Gallo, in metum ingentem de summa rerum suarum adducantur. Sic auxilia illa domum esse revocatu-
re, quid sibi mandatum sit, exspectare. Haud displicet Davalo res, laudatoque consilio viri, & missa ad eum pecunia, quo promptius libentiusque exsequeretur, monet dicta factis comprobare. Si succedat, honori atque emolumento id ei apud Caesarem etiam fore promittit. Exhibat matutinis horis ab arce quotidie Rhaetus, & ibi ante portam aliquamdiu inambulabat. Ea quotidiana consuetudo Praefecti nota Medicaeo: posuitque in vicina latebra insidias, ac prosi-liens inde ipse repente comprehendit hominem & multae simul injectae manus. Ad quem casum trepida captivi conjunx, cum reddi sibi maritum ex arce conclamaret, furca repente in ejus

oculis erecta, Medicaeus strangulari laqueo injecto ipsum jubebat, nisi porta patefacta illico esset. Ita, capta per Medicaeum arce, timentes Rhaeti, ne initium id belli esset adversus libertatem suam exorientis, quo exardesciente mox bello, depellerentur universo Vulturenae Vallistractu, sciverè suo more, ut Tecanus, qui ductor popularium in exercitu nostro erat, illico rediret domum, seque & copias illas patriae periclitanti restituere ne cunctaretur. Ea non parva lacuna facta erat in Gallorum exercitu: machinatorque fraudis Medicaeus, ab ea primum commendatione, innotuit Caesari simul, & incussit aliquam ducibus sollicitudinem, si homini tam prompto ad facinora, minitarique rebellionem auso, tantum etiam providentiae ad militaria opera esset.

Caeterum, ita, sicuti demonstravimus, aucti confirmatique nostri, ab Laude Pompeja, qua in urbe sese recollegerant, numero copiarum inito ad Melinianum processere. Inde Ticinum vadunt, & castris prope nostra castra positis tantulo intervallo, ut partis utriusque fistulatores invicem sese laceessere possent, plumbeaeque glandes hinc inde certo ac destinato ictu adigerentur, parvis illis certaminibus summae rei specimen auguriumque captabant. Castra Regis Galli in eum modum sita fuere, ut pars militum tenderet intra ferarum septa, quae veterum Vicecomitum oblectamenta, sexdecim milliaria campi peramoeni includunt, pars latius ab exteriori parte porrigeretur, diruerantque murum interjectum quanto necesse erat hiatu, ne ab ope mutua dirimerentur. His castris, uti dictum est, appropinquavere Caesariani, partim, conspecto per campos & prata exercitu, partim abdito nemoribus, ad D. Justiniae, ad D. Lazari, sicuti planities tunc ea patefcebat, obscurabaturve. Interfluebat dirimebatque munimenta flumen satis profundo alveo praecipitibusque ripis, cujus fons ex septo ipso manat. Accolae Vernaculam dicunt. Circa eum amnem crebra certamina erant, transire conantibus nostris, prohibente Gallo. Et munitiones alioqui caeterae castrorum, aggeresque, & fossae, & bellica arte reperta cuncta militum securitati, intra suum vallum partem utramque defendebant, ut neutri alteros ad pugnam compellere possent. Atque compertum postea est, secreto monitum fuisse Regem a Pontifice Clemente, ne pugnae discrimen adiret multis jam rebus impar: daret Hispanorum exercitui spatium, quo senescerent paupers atque debilitarentur: non posse diutius eos ob pecuniae angustias in eo loco sustentari. Nec utique poterant, & ideo cupiebant quamprimum praelio defungi. Ad X. Cal. Martias nocte, quam sacer Apostolo Matthiae dies, idemque natalis Caesari sequebatur, Davalus, & Borbonius, & Lanoja, mandant caeteris ordine praefectis, ut singulos milites tunica alba super extimam vestem injecta jubeant esse amictos. Id signum, & quasi tessera debebat esse, per quam inter se dignoscerentur, ne obscurum noctis & gladiatorum agitatio anceps, vulnera & ictus ab hoste in ipsos averteret. Ita praeconium missum: temporisque fere momento, sicut imperatum erat, steterè omneis ad nutum intenti Ducis. Tum de tertia fere vigilia ad sultatum est hostium castris, atque ab diversa parte praelio ostentato pars septum irrumpunt, alii Regiam stationem aggrediuntur. Et Rex ipse, audito strepitu, sentiens adesse discrimen, prodierat ultro ab statione illa, eduxeratque suos in liberiores campum, sperans equitatu superiores se esse. Pepulere primo Galli nostros, quia necdum universi irruperant & equestris procella vehementius ab latere incuberat. Mox Lanoja cum Germanico peditatu supervenit, inclamante Davalo, ut opem ferre properaret. Ejus adventu cessere nostris Germanis peditibus Gallorum Helvetii, qui primo impetu feroces aegre antea sustinebantur. Pugna erat atrox, magnumque discrimen etiam iis qui deinde vicerunt. Rex ipse ante alios terrorem & caedem eximio bellatore equo, & victrice per aliquod tempus machaera animoque elato circumferebat. Straverat humi multorum corpora equosque abscissas a brachiis manus, abscissaque brachia, & detruncatas ab reliquo corpore cervices: suorum quo-

A que nonnullos coecus sua & noctis caligine obtruncarat. Demum ipse lapsu faucii morientis equi in fossam effunditur. Tectus humeros fuerat argentea clamyde vincente tenebras noctis splendore suo: caetera ignotus quinam homo esset. Spe praedae treis gregarii milites illico circumstant, reculantemque dedere sese & obstantem interfecturi erant, ni Regem se esse dixisset. Tanto magis tenent inhihentque attoniti magnitudine suae fortis & subita reverentia in captivum. Accersebant deinde Borbonium, ut is exciperet Regem: qui, proditorem contumaci ore abominatus, etiamnum imperitans, venire potius Lanojam jubet. Ab eo exceptus, & cum somni honore, qui captivo Regi haberi posset, ductus in Hispaniam, quae deinde, libertate adepta, ob rem Mediolanensem hostilia, & infausta adhuc tentarit, in tempore exponemus.

B Captivitate Regis, consternato & fuso dissipatoque omni Gallorum exercitu, diei insequentis lux populo Mediolanensi victoriam aperuerat, & dilapsis repente etiam qui obsidebant arcem, nocte sese una potuisse liberari admirabantur. Galli, qui praelio affuerant, quive circa praesidia dispositi celerem acceperant famam cladis, catervatim, sive solutis ordinibus abeunteis, haud prius constitere quam relictas sibi ab tergo Alpes cernebant. Mediolani, pulso in hunc modum hoste, nullus in praesentia fructus tantae victoriae erat, inanemque laetitiam fecere populo ea quae secuta sunt. Jam Rex ille, qui C Metropoli provinciaeque bellum intulerat, ductus in Hispaniam ad Caesarem, Madriti in arce custodiebatur humanarum rerum & Regiae fortunae miserabile exemplum, cum Caesar victor ne adspicere quidem eum voluisset: unde moeror captivo, & ex moerore morbus, qua denique miseria impetravit, ut benigne inviseretur ab eo, quem armis ipse lacessiverat. Jam Regina Mater prius etiam abominata infaustum illud in Italiam iter filii, tanto nunc magis consilia belli consiliorumque auctores oderat. Et Gallia tota, caeso insuper, aut casibus aliis amisso nobilitatis flore, omnique propemodum amissa D militari sobole, poterat lugere magis, quam vindicare casum Regis: ac discordiis & moerore utique occupata desierat jam reparare vel minitari nobis bellum. Urbs tamen ipsa, quasi nocturna illa victoria, strageque hostium, & captivitate Regis nihil actum esset, oneribus adhuc exactionibusque immodicis, & quod omni onere acerbius, victicium legionum licentia & rapacitate vexabatur. Ab gregario egenoque milite simul, & ab ducibus opulentis, exauriebantur civium juxta & agrestium, dites pariter & vacuae jam domus. Carebant adhuc Pastore Mediolanenses, sicuti deinde etiam carere usque ad Joannem Angelum Arcimboldum, cui postea Cardinalis ille Hippolytus sua fessis absentia, & E conscientiae credo stimulis ictus, Ecclesiam hanc auctore Pontifice Maximo tradidit, cum Ambrosiana emolumenta curis semper intentus alienis diu ipse percepisset. Facile quilibet ex eo conjectaverit sacrarum rerum adhuc nuditatem, & miseras, quae in tanta militari protervia & turba male propulsarentur, etiam si suus Pontifex Metropoli praesens intentusque esset. Sfortia porro ipse, quem illa arma defenderant, quive unus defendere nunc urbem, ac tueri suos deberet, miserrimus vere mortalium erat, ac miseratione sui moerorem publicum augebat. Namque Ducibus Caesarianis, jam antea, quomodo narravi, suspectus, ceu prodidisset ipse Gallo urbem, sive innocens ab ea parte & aemulatione forte aliqua invisus, indeque apud Caesarem accusatus falso, perfidus amicus, occultus hostis habebatur: & velut in alieno adhuc imperio cuncta servientium mala sustinebat. Nec Caesari tantum erat obnoxius, cujus beneficio rediisset in urbem, cujus etiam armis & praesidio ad reliqua pericula casusque indigeret, sed mancipia ejus erant ipsi Regum instar: incredibileque dictu, Dux Mediolani nemini regnantium antea secundus, regionum hodie nutu supercilioque regebatur. Suspicatus etiam erat ipse, & sicuti scriptum lego, compererat, habuisse Lanojam illud a Caesare mandatum, ut, si fieri posset absque tumultu, sese detinerent ab-

derentque aliquo, ubi movendi quidquam adempta facultate vacuam relinqueret imperii sedem ad ea quae pararentur.

Quae ludibria, atque tam infestam Principatus & vitae conditionem effugere volens, agitasse fertur, de Hispanis, qui Mediolani erant, interficiendis, atque de eare cum Galliae Proceribus perniciose inita consilia habuisse. Nec ego de ea conjuratione certi quidquam affirmaverim, cum temporum etiam eorum scriptores, quibus notiora cuncta esse potuerunt, negotium illud omne haesitanter & ambigue tetigerint. Sed neque omittam ea quae scriptores iidem posuere pro certis, dum conjurationis crimen adversus Caesarem inter Sfortiam, & Davalum, & Moronum dividunt trahunturque, & ipsum adeo Pontificem, Venetosque Senatores suspicione nonnulla adspargunt, universi scilicet facinoris auctore & quasi proxeneta Morono, de cujus hominis apud Sfortiam gratia & potentia nonnihil etiam antea demonstravi. Is Gallicarum irruptionum tempore profugus una cum Sfortia, calamitatum omnium exsilique comes, dein exorta apud Caesarianos suspicione, socius criminis, post victoriam hoc tempore non contentus victoriae fructu, sua Principisque conditione inquietus, coquebat moliebaturque assidue multa animo, & molientibus nova aliis aptus opportunusque erat. Ingenium ei cum magnis virtutibus, nec extra vitia, quae ab virtutum ferme confinio oriuntur. Animus ingens cum superbia & fastu: belli pacisque artes cum fraude ac dolo: fides & obsequium erga Principem haud sine adulatione emolumentisque quotidianis: apud pares, apud superiores, modestia, & submissio: comitas erga infimos: iustitia in omneis: sed cuncta potentiam spectabant. Etiam patientia rerum adversarum, atque quotidianas inter offensiones, tenor semper idem oris, eorum interpretatione, qui talia intelligebant, ad vindictae cupidinem & expetitur inde solatium referebantur. Hunc, magnae cogitationis, per haec indicia compertum sibi Davalus, sive Davalum ipse pares animo fluctus volentem sagacissime odoratus, post colloquia nonnulla, post captos varie ambitus ad aegrum animum, ubi tuta res visa, socium sibi assumit ad ea, quae fortis uterque suae contemtu nova, & praecipitia experiri statuerant. Id modo incertum fuit, uter eorum jecerit prior tam periculosi sermonis aleam, aususque fuerit emittere primam illam funestam vocem, quam etiam audivisse, capitale foret. Sed, sive Moronus incoepit, sive Davalus: prodidit certe Regnicola hic homo Mediolanensem illum, & nostrati simplicitati Neapolitana fides illudit: apparuitque nostrorum hominum astutias fraudibus cedere externis, etiam ubi palmam in eo genere non nemo fortasse est assecutus: quae certe palma Morono illi tribuebatur. Regnicola igitur Davalus, primo quidem communicaverat consilia cum Morono, ut bona fide proderet absentem Caesarem, utque Hispanorum caede, firmato Sfortiae Principatu, eo deinde adnitente, Neapolitanum Regnum ipse adipisceretur. Verum, ubi gerendae rei difficultates, & pericula horrenda, summumque discrimen, inter consultandum primo, deinde inter molendum, occurrere animo, ne nihil plane lucratus esset, impedimenta ipsa, & vecordem jam fatali prope calamitate animum Moroni pro lucro arripuit. Ceu fidissimus homo Caesari, desert ultro per celeres nuntios ad eum, quam deprehenderit Moroni mentem: quid secum ille communicare ausus: qua adhuc spe & destinatione sustentetur. Nec unius esse Moroni flagitium illud, sed Sfortiam, interprete mancipio, deprompsisse quae ingrato adversus liberatorem suum animo concepsisset. Ut autem auderent uterque depromere, effectum esse arte sua, & provisu, quo speculatus inquietam utriusque mentem, tumultuantemque perfidiam, fingendo se quoque aegrum animi, & fortuna sua male contentum, illexerit ut portenta secum illa communicarent. Cognovisse etiam, parari adversus rem Hispanam Sfortiae ipsius instinctu novum foedus, eique foederi Pontificem Romanum addere arma & opes suas. Rem esse in magno discrimine, frustra captivum te-

Aneri Gallum Regem, frustra partem esse de Gallis victoriam, si Dux Mediolani finatur ille, qui per satellites suos id agat, ne Caesaris nomen audiatur in Italia, utque saturetur ipse caede eorum, quorum sanguine patriam atque Principatum ex miserrimo exilio recuperaret.

Contexta in hunc modum accusatione, Davalus, qui ipse maxime accusandus foret, missoque in Hispaniam Joanne Baptista Castaldo, familiari suo, qui Caesari cuncta ordine demonstraret, dum ille proficiscitur, prospiciebat deinde agebatque omnia, ut Sfortiam & Moronum publice atque testato arguere conjurationis posset. Cumque Sfortiam ipsum interim in colloquia eadem traxisset, mirifica insuper tentavit obtinuitque fraude, ut certus ab Roma cum Pontificiis litteris sibi mitteretur homo super iis rebus, quae adversus Caesarem foederis lege agendaessent. Ita, & testibus jam, & indicibus illigatos improvidos homines tenebat Davalus: jam res nota Caesari erat, & quotidie tamen Sfortia & Moronus cum socio eodem & proditore suo tamquam de re arcana secreto consultabant, fallacia atque errore etiam apud animum nostrum miserabili, nisi fraudulentum machinatoris exitus, qui propediem insecuturus erat, ex imagine moesta & tristi laetam jucundamque aliam offerret. Davalus enim ipse, dum irati Caesaris mandata in Sfortiam & Moronum postea exsequitur, mortuus est ephitisi, & marcidum illud livore ac malignitate pectus concepta fallaciarum labore tabes absumsit. Nunc laetus Castaldi reditu, & Caesaris mandato, rebellionis puniendae rebellis ipse strenue intentus erat. Mandaverat autem Caesar, ut propter irritatos victoriae recentis sui Principum Italorum timores: qui velle ipsum oppresso etiam Sfortia Italiam occupare totam suspicabantur, atque ob id inter se conjurabant, ea qua instituisset simulatione Sfortiam Moronumque detineret. Sic posse consilia melius hostium cognosci, & securitate injecta illis, spatium interea sese habituros, ad providenda & comparanda cuncta, quae adversus novi foederis pericula opponerentur. Miserat vero interim etiam diplomata, quibus Sfortiam Mediolani Ducem creabat auctoritate sua, sive ad dissimulandam animi offensionem, indiciumque tegendum, sive, ut tumentem illius animum hoc dato blandimento placaret: eaque mollior interpretatio fuit.

Mox Davalus, incertum, Caesaris jussu, an sponte sua privatoque consilio diversa quaedam orditur. Volebat adimere Sfortiae Metropolim, arcem, urbesque subjectas, & imperium hoc omne Mediolanense invadere Caesaris nomine, quasi pristinus possessor manifesto perduellus, ob id crimen omni jure excidisset. Oportune ad id etiam valetudo Sfortiae ipsi acciderat, anceps adeo & gravis, ut vulgo actum de ejus vita existimarent. Unus obstare posse Moronus videbatur, quia fessum animum Principis ille consilio & spe optima sustentaret, ne rebus succumberet adversis, neve frangeretur metu. Hunc ad se accersitum, & quam benignissime exceptum artifex doli, per speciem colloqui secretioris cubiculo inducit, ubi Antonius Leva, peristromata inter & parietem, obscuro in angulo compositus occultabatur, ut suis ipse auribus ea, quae ab Morono dicerentur, audire posset: audivitque cuncta & excepit, quasi res jam ipsa gereretur. Namque simplicissime Moronus ignarus adhuc fraudis, illato per duplicem illum proditorem sermone, assentiri interdum & laudare hanc illamve consilii viam: interdum addere de suo, & exponere tutiora, sive expeditiora quae sibi visa essent: ambigere nonnumquam: sciscitari modo aliquid, & super omnia, instare ne rerum dies verbis amplius & segni consultatione absumerentur. Interimque Leva Davali manibus in turpi illa collocatus latebra, voces etiam audierat, quibus ipse destinabatur neci. Nam inter caetera convenerat hoc, ut ille occideretur. Ab scena deinde illa fallacique colloquio mittitur Moronus in Ticinensem arcem, & Davalus eo confestim subit ad quaestionem de scelere habendam, cujus particeps auctorve ipse erat. Scilicet, impudentia & malignitate Tiberianis quoque tem-

poribus fortasse intolerabili, certe ab temporibus moribusque ducta iisdem, interrogabat reum, pariter reus sociusque conjurationis, & ex reo ac socio, repente inimicus, accusator, iudex. Respondebatque Moronus, non sicuti ira & desperatione deberet: plura scire Judicem, quam alios omnes, sed qualia verba missus fiducia pavor gignit: adhibebatque temperamentum, ut si qua reliqua esset salus, eam ne sibi libertate intemptiva abrumperet. Reperio quin etiam, scripsisse sua manu eum seriem universam conjurationis, prima postrema omnia, & quemadmodum inito adversus Caesarem foedere Sfortia, paratisque insidiis exercitui Hispano, nihil aliud quam idoneum gerendae rei tempus expectaret. Reticuit de Davalo ipso, quod unum tacitum atque dissimulatum prodesse sibi poterat. Debuerat namque placari Davalus facta significatione tam reverentis animi erga ipsum: atque ea modestia apud quemlibet alium utilis futura reo fuit. Sed callidus homo, ex Hispania oriundus, Neapoli natus, jam inde a puero stipendiis semper nutritus alienis, domi dives, potentiae majoris avidus, nihil praeterca curabat aliud: non humanitatis jura, non famam ad posteros: & jam eo processerat, ut ne parcere quidem aut elevare crimen posset. Interrogato reo, & extorta quam voluerat confessione, ipsum quidem in vinculis relinquit, augetque custodias, tamquam sceleris infensus, ac ne elaberetur. Sfortiam vero ipsum, ne quis gravior in urbe motus existeret, haud quamquam pari violentia statim aggrediaulus, rogat primo, ut publicae salutis atque securitatis causa tradi sibi jubeat arces quasdam Caesaris nomine custodiendas: deinde etiam, ut circumvallari arcem Jovis sineret, petit. Petebat simul uti dederet sibi Joannem Angelum Ricium, & Angelum Politianum, quorum uterque scriba intimus, hic Moroni, ille ipsius fuisset. Oportere utrumque interrogari de rebus iis, quas ipse adversus Caesarem molitus esse argueretur.

Sfortia adhuc morbo implicitus, & multo magis ob ejusmodi rerum statum detectamque conjurationem animo aeger, consilio praesidioque nudatus omni, neque negare audebat, & concedere omnia flagitiosum rebatur. Tritium, Leucum, Picatonem, has in Abduae fluminis ripa positas arces, sicuti petita erant, concessit: Jovis arcem, ipsum esse Caesaris conservaturum aiebat: Ricii opera ministerioque quotidiano indigere: velle apud se detinere Politianum, ut in tempore testem hunc Caesaris exhiberet earum rerum, quas Moronus se inscio atque aegrotante egisset. Non enim eandem esse suam & Moroni causam: & qua vixisset erga Caesarem fide, cum ea sese moriturum. Haec ab Sfortia respondebantur, litterisque etiam & libellis agebatur res: quae Davalus haud dubie vincebatur: sed vincebat ipse manifesta jam in eum quoque violentia, sparsoque per urbem & agros late exercitu: rursusque divinae justitiae telo est victus. Namque, dum adversus Jovis arcem pergit excitare munimenta quae destinarat, dum obsessum ibi Sfortiam tenet, dum etiam adacto in Caesaris verba populo Mediolanensi, omnique vetere dejecto magistratu, Caesarianos magistratus imponit, atque ita ceu parrator ingentium rerum, praemium hoc a Caesare promittit sibi, ut ne provinciae umquam hujus imperio & administratione dimoveretur, mors cum, quae jam est repraesentata, dimovit. Cujus tamen viri manibus detur etiam narratione hac nostra elogium, quod dedere scriptores alii: neque perfidia magis infamem neque bello clariorem ullum per ea tempora fuisse. Et Davalo quidem finis Mediolani obtigerat ille, mitior etiam, quam proditori Caesaris, proditori sociorum suorum obtinere debuisset: Metropolis autem, ab eo conatu, in quo eum vita destituerat, nullum, extincto quamquam auctore, calamitatibus inveniebat finem, atque conversis in unam urbem Regum gentiumque fere omnium armis, tempore uno, sicuti aliquando etiam alias, ab suo hostilique exercitu eadem patiebatur: & facti erant hostium loco, qui defendebant: populi quoque adeo pars inermis, dum adversus defensores suos, ob atroces injurias armatur, graviora quotidie mala indidem provocabat.

A Pontifex Maximus, & cum Galliae Rege Veneti, Sfortia Princeps, & Caesar ipse, finitimi longinque alii, quos ira, quos dolor & invidia, curave aliqua, & ex aliena felicitate damnum, & generi humano infestae regnantium necessitates stimulant, omnes uno conglobati armorum turbine, Urbem atque Provinciam, de qua dimicabant inter se, vastaverunt, & amens ob talia populus, sui vastator fuit. Id erat foedus, quod Caesaris metu sollicitati Principes, post victoriam ad Ticinum captivitatemque Regis agitare inter se coeperant, & liberato nunc Rege, obsessoque intra arcem Sfortia, tanto magis inire properabant, ne Caesar, addito ad Neapolitanum Regnum imperio Mediolanensi, appeteret etiam reliqua, & totius Italiae arbiter foret. B Dilata autem in hanc diem confirmatio foederis ejus fuerat ob plures & diversas inter se causas, necessitate rerum, dissidentia partium, fraudeque aliqua minime sociali, cunctatione etiam innoxia, & provisu, & spe, timoreque nonnullo: & super caetera, tardaverat rem idem qui nunc incitabat Sfortiae Moronique casus injectus prodicione Davali, patefactis quae secreto agebantur, & postquam detecta erant, celeritate assumta subsidio. Cumque cunctarentur adhuc & ipsa destinatione celeritatis, Gallo quidem Regi moram injiceret multis etiamnum vinculis illigata libertas: ut se carcere eximeret, proles data obsidio, & relicta apud Hispanum carissima pars sui, & pacta vicissim ipsi Caesaris soror: C Pontifici autem Senatuque Veneto obstaret imperii utriusque natura, & Rex Anglus (is quoque enim inibat foedus) lente ut ex longinquo moveretur: abruptum impedimenta eis cuncta res Mediolanensis in ultimum jam adducta discrimen, quae si apud Hispanum maneret, haud dubitabant, quin Italicis externisque imperiis periculum ab eadem potentia, ut dixi, immineret. Mittebat ad eos inclusus obsessusque Sfortia crebras ex arce litteras plenas ultimae desperationis, quae litterae, partim per intermissa custodiarum loca, fida manu & occulto itinere perveniebant eo, quo destinabantur, partim ab iisdem, qui ferebant, proditae, vel D quo alio casu interceptae nudabant arcis miseriae, & ea, quae semper ab obsessis teguntur. Vix mensis unius alimenta esse sibi: ex octingentis peditibus, quos secum initio habuerit, partem absumtam esse fame, & paucos qui supersint, fieri quotidie inutiliores: nimiumque multos esse prae annonae modo: si subsidium ultra dilatum sit, minimum malorum fore deditionem: dedita arce, videre ipsos, quantum Caesari ad opprimendam servitio Italiam restet. Maturando foederi, quod multa simul distulerant, haec fuere. Sed & Mediolani propter intolerandas exactiones, cum hostilia cuncta Caesarianos inter populumque essent, spem prope certam foederatis inter se hostibus ea res fecerat: si ad urbis moenia successum esset, posse obsidione eximi Sfortiam, E Caesarianosque depelli. Namque abdito & obsessio intra arcem Sfortia, versaque Metropoli in Caesaris ditio- nem, pecuniae fere nihil in militum stipendia a Caesare mittebatur, & Davalo successerat in rei militaris administratione Antonius Leva bellica laude ei par: magnae fortunae vitiis, & prodiga rapacitate damnosior etiam urbi. Tricenos aureos nummos singulis diebus publice exigentem sibi, ampliusque quotidie effundentem, non interea caruisse coacervandi seponendique cura ajunt. Et quota pars calamitatum unus homo tot inter duces legionum, quae capto Rege triumpharent Gallos, quae, cum Regem esse sibi Caesarem gloriari possent, post tantae victoriae fastum, nitebantur absentis Caesaris indulgentia, ducum suorum exemplo, & licentia in urbem, quam praedae sibi datam esse interpretabantur? F Quotidiana tributa exercitui huic alendo, quinum milium aureorum summam explebant: & sparsi per domos manipuli occupabant fortunas unde summa illa reficeretur. Itaque populus Mediolanensis, ob injurias & damna vimque sibi illatam, semel atque iterum concitato tumultu arripuerat arma, pugnaverantque in hospites suos & direpta praefecti rerum capitalium domo, minitati fuerant haud dubiam a Caesare ipso defectionem, nisi

nisi nobilium precibus & auctoritate placati inhibiti-
essent. Popularis igitur ille tumultus Principum inter-
ventu sedatus in praesentia, cum saepius deinde renova-
retur, opportuna res visa foederatis ad coepta profe-
quenda Metropolimque Hispano adimendam, qua libe-
rata, non Sfortiae tantummodo Principatum, sed im-
peria omnia libera & constituta fore aiebant.

At Caesar, posteaquam videt, Regem Gallum, non
modo spreta pactorum fide, quibus pactis liberatus ab
se dimissusque esset, verum etiam hostili post mutua pi-
gnora animo, neglectuque pignorum ipsorum, non re-
lictæ prolis, non desponsæ Eleonoræ memorem, rur-
sus ad arma ire, hostes assumere alios, caputque fieri
foederis, nimium quantum etiam ipse turbatus, tenta-
to ne quidquam, si forte disjicere foedus illud posset,
ubi vana ea spes erat, parare ac providere cuncta insti-
tit, ut negotio illo infestissimo quam minime laedere-
tur. Atque, ne in ipso quidem belli apparatu, quo
Caesaris interim Regna perstrepebant, destitueret ultro
compellare, nunc Regem, nunc Pontificem, ut ama-
biliter, & clementer, fraterneque vellent agere, po-
tius quam ut bello secum aeterno implicarentur. In
eam rem Ugo Moncada Romam a Caesare proficiscens
cum Mediolanum ex itinere divertisset, petito Sfortiae
ipsius colloquio, in arcem una cum Martino Carraciolo,
qui Romanae dignitatis vocabulo Protonotarius vo-
cabatur, admissus, egit dixitque multa, ut Principem
obsecrum, cujus gratia foedus hostile inibat, Caesari
reconciliaret. Si permitteret ejus sese fidei ac benignita-
ti, fore, aiebat, ut perditionis crimen, cujus insi-
mularetur, compendario judicio cognosceret dijudica-
retque Carraciolo, de cujus erga se animo dubitare
ille non posset. Et erat sane summa necessitudo Sfortiae
Principi cum Carraciolo hoc: unusque jam iste Caesa-
rianorum manebat, qui, vel casum fortunamque illius
respiceret miti aliquo sensu, vel ab ipso sine offensione
animi adspiceretur: poteratque sperare iudice ab illo
exitum causae fortasse meliorem, quam si res decernen-
da ferro permitteretur. Affirmabat etiam Moncada
multumque testabatur: non iudicium illud, sed ima-
ginem & umbram fore iudicii, ut ea, quae accidissent,
simulacro saltem aliquo regerentur, & in restituendo
imperio rescindendaque Davali actione, majestas & ju-
stitia Caesaris aliqua emineret. Moncada deinde Romam
ire pergit, ibique apud Pontificem Clementem multa
de pace est locutus. Summa sermonum fuit: Mandasse
Carraciolo Protonotario Caesarem, ut cognosceret
quam brevissime de iis, quae Franciscus Sfortia adver-
sus imperii sui statum egisse argueretur: ab ea cogniti-
one relinqueretur in eo statu, quo ante perfidiae crimen
fuisset. Ob eam rem, eamque causam, nihil opus esse
exitibili bello, & prope civilibus inter Christianos Prin-
cipes armis. Responsum a Pontifice est: jam rem in eum
locum esse deductam, ut arbitrii sui nihil amplius foret.
Si sibi esset integrum, facturum omnia libenter, quae
Caesari grata, & utilia posse esse arbitraretur. Ad bel-
lum inde haud dubie atrox res spectabat, parato etiam
utrimque exercitu, quantae partium opes, & quanta
discriminis magnitudo erat: & spatium comparandi
cuncta habuerant, dum ea, quae demonstravi, aguntur.

Sed apud Caesarianos infestissima una & capitalissima
res manebat, quae si relinqueretur absque remedio, sic
uti confirmaverat magna spe jam inde a principio foe-
deratorum hostium animos, ita victoriam illis esse datur-
a videbatur, nisi plaga sanata illa foret. Et remediis
exulcerabatur ipsis, gravioresque vim mali eam fecere
Hispani dum curant. De qua quidem seditione bello
intestino sic tradunt. Populus Mediolanensis, patiendo
quotidie graviora, & injurias ab Hispano milite voran-
do assiduas, se ipso contumacior factus jam eo processer-
at mutuis injuriis, ut vicissim timeretur. Non modo
ullum habere domi militem, hospitiumque & alimenta
praestare exercitui abnuebant: sed si quis in ulla urbis
parte solitarius miles, bini, & terni deprehensi erant,
ab juvenum nostrorum globo strenue interficiebantur.
Atque irritati illi manipularium suorum nece, multo-

rumque jam casibus & exitio cautiore facti, nusquam
fere nisi gregatim incedebant adoriebanturque nostros,
qui item agmina cogentes majora prodibant ultro, &
per compita quaerebant pugnam. Multae passim acies
dimicabant in urbe nusquam alias adeo incerta, domi-
nos, an hostem intra muros haberet, quippe cum,
& facerent hostilia, & paterentur iidem, qui Metropolim
tenebant. Tunc Antonius Leva, propinquante ma-
jore cum hostibus aliis discrimine, proscribit edicto
quos capita esse populi compererat, finita die, intra
quam exire portis deberent. Ob id edictum, tanto vio-
lentius armari plebes stationemque aggressi Hispanorum
magno impetu stragem dedere. Leva etiam ipse facto
eo magis irritatur, & diripiendam dare exercitui cum
promiscua caede urbem parat. Tutius id inter belli im-
minentis pericula melius fore, quam si Hispanus ex-
ercitus, pro amico & subiecto populo hostium gentem
circa se habiturus esset tunc, cum adversus undique cir-
cumfusus foederatorum exercitus rem geri oporteret.
Igitur, concitandae multitudinis ultro initium quae-
rens Leva, arripit repente e foro negotiatorem unum
obtruncari jubet, ideo, quia sedens in apothecae suae
limine, transenti forte sibi illac, neque aperuerat caput,
neque assurrexerat, contumacique insuper ore, & pro-
tervo obtutu contempsisse ipsum videbatur. Treis dein-
de alii, qui ad eum casum tumultuose vociferanteis
commovere sese voluerant, arrepti statim & occisi. Ea
tumultuandi materies principio oblata multitudini erat.
Mox Germanicae cohortes praedabundae per omnes
urbis vias, de industria occasionem dedere ad arma con-
clamandi. Satis sciebat Leva, promptum ad talia popu-
lum fore illico in armis, ideoque partem exercitus, quae
in suburbiis aestiva agebat, jussit silentio succedere
ad moenia, signoque accepto, gradum inferre & facere
uti caeteros vidissent. Populus, ad primos Germanica-
rum cohortium insultus, momento pene uno, in multa
agmina multasque acies tota urbe adsistit, existimans
cum urbano tantum milite esse pugnandum: alium ad
portas stare exercitum nesciebant. Praetorium, & tur-
rim juxta Archiepiscopi aedes primo impetu tenere,
ac neutro inclinata spe, cum caderent nostris plurimi,
nihilominus minor strages fiebat in parte, quae tumultum
eum optarat. Mox Germani, ex composito tectis inji-
cere ignes coeperunt, & dato signo, suburbana alia
acies accersiebatur. Jam fumabat incendiis urbs, & ma-
jore superveniente exercitu, nostri opprimebantur. Hinc
ferrum, hinc flammae, & vagitu mistus puerili, femina-
rum senumque ululatus, improvidam ad belli opera
multitudinem, & potius dolore animorum, quam ulla
militaratione & arte sese regentem subegere ut placare
quacumque conditione Levam repente averent. Misso
ad eum caduceatore conditiones haece pacis ferebant:
Abituros urbe principes plebis, ipsos, asseclasque eo-
rum, & quoscumque praeterea Hispanus vellet. Tradere
protinus arma, & polliceri, quod nusquam amplius
tributa detrectarent, neque eorum causa tumultuaren-
tur. Leva enim vero, quamquam periculosi ingenii po-
pulum excidio destinasset, agitabat animo tamen inte-
rim etiam pericula & damna, quae direptionem eam cla-
rissimae urbis sequi necesse esset. Nam, & ditatum prae-
da militem, posse contumacia, & luxu corrumpi lan-
guescereque autumabat, & in vasto ac nudo postea solo
frustra requisitum aliquid eorum, quae nunc recon-
ciliatis animis & sedato tumultu, ad tolerandas belli ne-
cessitates, multa & magna suppeditarent. Ita pax data
populo Mediolanensi, suppressique ignes, & in sua qui-
que tecta, non positis modo, sed etiam abjectis armis,
redire: fidaeque deinceps aliquamdiu hospitium militibus
erant, qui nuper incendere voluerant easdem domos,
& cum hospite ipso conferuerant manum.

Compositis in hunc modum utcumque rebus, & ex
quotidianis fere praeliis, novissimoque cruento tumultu,
reducta in aliquem tolerabilem statum urbe, spes
haud dubie magna foederatis decesserat, qui Mediola-
nensium ipsorum manibus vinci posse Caesarianos existi-
mabant. Nec sane alioqui res eorum satis ex animi sen-
tentia

tentia procedebat, orta etiam inter ipsos haud levi suspitione, quia Dux Urbini, qui Venetum exercitum ducabat, eratque rerum ipse ferme caput, cum trajecto statim Abdua flumine, debuisset copias admoveere urbi, Sfortiacque obsessio, & ad famem jam properedacto, subsidii ferre nonnihil, cunctabatur in ripa, sive traducto ad Melinianum agmine progressus inde circuibat declinabatque urbem, pro subsidio diu expectato spem vanam ostentans arci. Sane ille, cunctationis suae causam in concilio hanc afferebat, quod nollet exercitum committere discrimini antequam mercenaria auxilia Helvetiorum, ad quae conducenda, Jacobus Medicaeus, & Episcopus Laudensis fuerant missi, advenissent. Sed qui rem eam altius conjectare, existimarunt, Urbinatem, vel occulto Veneti Senatus admonitu, vel sua vetere recentique erga Pontificem Clementem offensio-
ne, sic esse pocrastinatum, sive, ut auctoritatem animumque huius affligeret, sive, ut Veneti ab ultima Sfortiae necessitate Cremonam Urbem extorquere possent. Et auxerat ipse suspitionem, posteaquam ducto denique ad urbis moenia exercitu, coeptaque Romanam inter & Tonsam portas acri oppugnatione, retulit subito castra ad Melinianum, obnuntiante multa, multumque reclamante Pontificis Legato, iratis Gallis, & Leva admirante ipso, undenam sibi tam laeta repente fortuna accidisset. Ita Caesariani liberati erant ingenti metu, Sfortiae spes elusae atque ex eo terribile antea foderis nomen evanescere paulatim contemni & elevari: ac simul, Mediolanensium calamitates non renovatae solum, verum etiam ad tragica pene & cum horrore abominanda exempla evectae, quas represserat lenieratque formidata apud Hispanum eadem quae nunc hostium fama contemnebatur. Atque universos Patriae casus ego jam inde ab initio operis apud monumenta requirens ea, quae ad veteris memoriae custodiam fidissima esse existimavi, referensque singula, prout narrator iste sermo vulgo usurpatur, portenta referam ea Scriptoris alieni verbis, qui aequalis ferme aevi ejus, debuit audiens talia commoveri misericordiae sensu erga tam indigna exempla, vel etiam debuit indignatione esse commotus adversus eos, qui Metropoli tam proterve, tam inhumane insultarent.

De ea Mediolanensium calamitate per mutuos timores repressa, per Caesarianorum elationem aucta, Franciscus Guiciardinus ita inquit: *Divisi milites in civium domos, non copiose tantum, & opipare, delicateque propter fastidium & violentiam alendi erant, sed libidinibus eorum insuper explendis pecunias ab hospite suppeditari oportebat. Adversus quod intolerabile malum, nihil remedii praeterquam in fuga relinquebatur. Sed eo deprehenso subsidio, miles Hispanus necebat vincla hospiti: feminas, parvosque pueros, ne possent abire, ligabant: & tristiora his silentur. Tabernae clausae omnes: nihil uspiam venale prostabat. Defossa ornamenta templorum, & quidquid aliud singuli occultarant, tormentis admotis proferebant eadem manus. Moestitia, & pallor, & desperatio in singulorum vultu eminebant: viri feminaeque elegantia alias nitidoque cultu, nunc squalore & illuvie deformes in pauperrima veste conspiciebantur. Exemplum incredibile varietatis humanarum rerum: urbem, quae olim divitiis & frequentia incolarum, artificum ingentis, finitimorum, externorumque commercio, religione, luxu, bello, disciplinisque scientiarum, & omni, vel publica, vel privata amoenitate, florentissima Italiae totius fuisset: eam nunc exhaustam peste & fuga, & hospitem injuriis, desertam oppressamque jacere, & fortitudinem inclutam gentis roburque virorum humilitate servili sic esse deformatum. Haec ferme Guiciardinus, alienigena, tamquam de sua urbe, deploranti similior, quam narranti, refert.*

Cacterum, urbem ita affectam recreaverat paulisper Borbonii ex Hispania adventus, quem, & magnis pecuniae facultatibus ad refovendam Provinciam stipendiaque persolvenda militi, instructum a Caesare esse, & fieri Mediolani Ducem, miscens falsa veris, sive divulgans majora vero fama nuntiabat. Attulerat autem ille in

A syngraphis, nihil amplius quam centum millia nummum aureorum, ingens privatis fortasse rebus laxamentum, inutile bello summam, quae voragine exercitus necessitatumque aliarum absorpta foret prius quam exacta & depromta. Dux Mediolani, neque fiebat ille, neque si fieret, attinuerat sperare quidquam misericordiae vel humanitatis ab homine transfuga, & Gallo, & proditore Regis sui, Mediolanenses tamen, ut in perditis rebus adsolet, faciles ad credenda & tentanda, quae, tempore alio, sicuti stolidi & vana adspernarentur, facto nobilium coetu, & jactatis inter se quae novo Principi dicenda essent, supplices ad eum accedere spe ipsa maxime miserandi, cum qua ad traditorem accedebant. Quae dixerit electus caeterorum consensu orator, minime necesse fuit probabiliter & accommodate excogitari, sicuti fieri aliquando in historiis solet. Nam, qui tunc in Italia scriptores rerum erant, attentius hoste Mediolanensium casus, sicuti civitates totae attentae simul erant, exceperere capita infaucae orationis & prodidere. Summa haec fuit: Populum Rempublicamque Mediolanensem, adventu Borbonii, quem dari sibi novum a Caesare Ducem audirent, pro eo ac debuerat, fuisse gavissuram, & solenni etiam pompa triumphoque testaturam id gaudium, si calamitates infandae, quibus oppressi tenerentur omnes, alium ullum quam doloris & moestitiae sensum, pompam aliam ullam quam lacrymarum, Populo Civitatisque jam reliquissent. Omnia, quae captis unquam urbibus acciderent ab irato hoste potuerint, sese ab Caesariano exercitu esse perpeffos: & cum nihil fieri crudelius potuerit, illud tamen sibi esse longe acerbissimum, quod propter civitatis erga Caesarem perfidiam, licentia permissa militi dicatur velut in rebelles. Atque non fuisse rebellium ea, quae facta ab sese memorare possint. Namque tenente urbem Gallo, coortos ad arma ipsos, faustis in Caesarem clamoribus animos turbasse hostium, & res eorum profligasse. Bis deinde hoste ab illo obsessos, ut Caesari conservarent urbem, pertulisse omnia, quae Caesar etiam ipse, si intra moenia eadem obsideretur, gloriae imperique sui causa perferre paratus esset. Cum nulla interim ab Caesare stipendia exercitui mitterentur, fortunas suas, muliebremque mundum ultro in stipendium obtulisse. Singulorum civium domos benigne apertas fuisse militi: corpora, non die, non nocte, stationibus, excubiis, periculis ullis extra teli jactum: magno illo ad Bicocam praelio, quo Gallorum arma fracta in perpetuum, aut debilitata sunt, si vere aestimetur, populum Mediolanensem fuisse inter victoriae causas, ejusque rei testimonium datum Metropoli prolixè ab Davalo & Columna: & Borbonium vidisse ipsum, qualem pro Caesare pugnam ediderit gens, quae nunc deleatur ut rebellis. Ultimos profecto tumultus, quae una desperatae plebis noxa obijci possit, ab nobilitate esse sedatos: nobilitatem persuasisse plebi, ut concitores suos ab sese ablegaret, & traditis armis cum modestia, & quiete clementiam Caesaris opperiretur. Sed oratorem eum, per quem ista dicerentur, scribunt, longius etiam dolore motuque animi proventum alia quaedam subjecisse propiora confidentiae & libertati, quam modestiae vel abjectioni supplicum. Diruerant, inquit, Aenobarbi manus, urbem hanc, idque sacvitiae hostilis furiosum exemplum viderat majorum nostrorum aetas. Sacvitum in nos est magis: Caesarisque milites crudeliora ausi sese nobis fecere Aenobarbos. Et illum utcumque furorem veteris Aenobarbi, dies unus, alterve, tertiusve consumpsit: nova haec militum insania insatiabilis aeterna est: paulisper mitigata surgit infestior: & quomodo flagrantibus assidue damnatis desperatio ipsa fit poena: sic nos, isti ne optare quidem malorum exitum volunt. En Mediolanenses clari victoriis quondam, & Caesaris ipsius testimonio laudata gens, certe defensatotius imperii viribus, & tanto impendio expetita illi inter subjectos: Metropolitanus populus imperii effector huius, domitorque finitimarum urbium, verberum vibices & catenarum vestigia ostentare possumus, quae dedecora, non hostes aliqui imposuere captivis, sed hospites enim vero nostri imponunt, dum per-

peti ista, quam exsuerere fidem placet. Te, Princeps, obsideramus, ut, aut abire nos hinc sinas quieturos in ea terra, in qua quiescere nos voles: aut statuas aliquem hisce miseriis modum: aut, si neutrum horum placuerit: agesane: dic praefectis militibusque tuis, ut bombardas, & tela, & quidquid armorum ad conficienda reliqua belli promptum habent, expediant in populum hunc, scilicet, ut uno tandem ictu tollamur rebelles. Quidquid virorum est cum uxoribus liberisque nostris procedemus in campum, & immota acies ibi expectabimus quidquid istud imperii securitas requirit.

Non erat Borbonio ingenium sensusve ullus, quem flectere misereabilia haec possent: sed ne irritatus quidem feritatis exprobratione, quae verbis inesse ultimis videbatur, siue irritatus, & alte amareque dissimulans, dixit, facta quae essent, infecta reddi non posse, & cordi fore Caesari, sibi, ut omnia deinceps recte administrarentur. Secutis postea diebus, accersendo ad se Principes eisdem civitatis, talia quaedam agebat: *Incommoda, quae accidissent, non Caesaris erga fideles amicos negligentia, non Praefectorum Hispanaeque nationis vitio, sed ob pecuniae inopiam accidisse. Frequens id in re militari malum & Catholicae Regiae propria temporibus hisce labe coegit, inquit, & facere milites ea quae nollent, & dissimulare Caesarem ea, quae punire vellet, & pati vos interim quae nuper haud sine magno nostro non dolore solum, sed pudore etiam ab oratore vestro deplorabantur. Nunc id agimus, idque molimur, ut nobilissima civitas redeat in pristinum statum, & sublata militum necessitate, simul obruatur quidquid antea licentiae, & injuriarum fuit. Atque ad sananda & tollenda quae oportet, est nobis quidem provisa pecuniae summa, quantam impliciti tot uno tempore negotiis Regii curatores transcribere huc potuerunt. Sed nequaquam ea lacunas explere omneis potest. Ad centum millia nummum aureorum, quae sunt nobis in promptu, si triginta alia vos adungere vultis, spes est, brevi calamitates & lamenta procul hinc fore. Ego certe exercitum educam hinc, & materies ablata malis erit. Si fallam: tunc ut hoc mihi caput ab reliquo corpore auferatur, siue, cum in aliquo discrimine belli rem geram, igni plumboque absumar.*

Talia dixerat Borbonius ut exitu postea suo nobile documentum caeteris etiam ipse ducibus fieret, ne perjurio populos fallant. Quem Borbonii casum ludibriumque vecordiae spectare Romani homines, haud sine risu etiam in media clade, tunc scilicet cum Hispanogallus, ad moenia urbis, in ipso petendae coronae muralis fervore, devolutus retro moribundus amensque per scalas rueret, & brachiis ludens, & crure, ranae instar, cuiusmodi mortis facies Homeri carminibus inest. Sed Caesarianus quoque exercitus interim risit, quia Galli Regis transfuga & proditor, in eo quoque Caesarem prodiderat, ut arma, quae pro salute & libertate Italiae acceperat, iis armis ad invadendam urbem Romam stolidè abuteretur. Verum haec aliquanto posterius acciderunt. Mediolanenses autem, fallaci promisso decepti, luctati cum tenuitate quisque sua, & exhaustis omnibus oculis, ut summam eam triginta millium conficerent, protulere ipsi quidem id quod poscebatur: sed nihilominus manebat unicuique miles in domo, non modestior interea, non mitior factus: nec facultas ulli jam eadem alendi militis manebat. Borbonii ea fuerat fides. Constat, ab hac frustratione proditoris, eum fuisse Mediolani cumulum aerumnarum, ut plerique, ne inter assidua tormenta animi agerent vitam, vel jacto in praecipuum corpore, vel injecto sibi in fauces laqueo, informe aliquod eiusmodi mortis genus eligerent: qui finire honestius voluerant, occubere ferro. Desperatio eadem in arce erat, nisi quod unicum ibi malum fames. Cui levandae, turbam inutilem, fere ad trecentos, ab ea parte, quae in hortos spectat, exposuere, tantaque negligentia obsidentium fuit, ut intacti omnes evaserint, & per media munimenta exeuntibus obstiterit nemo. Pueri erant, feminaeque, & imbecilli senes, qui humanae societatis vinculo aliquo validioribus adjuncti, postquam ultima necessitas ea vincula dissolvebat, coacti abire a suis, vicissim posito omni suorum desiderio abire. Famelicum id atque mi-

A ferabile agmen ad Melinianum in foederatorum castra processit, accenditque ibi multa indignatione militum animos, tum ad spectus eorum, tum vero pudor ipse, si multitudo imbellis erumpere ab obsessa arce potuisset, ipsi subsidium illuc intromittere nullum possent. Itaque, clamore, & strepitu, qualis esse tumultuantium solet, pervicere, ut singulorum ordinum ductores adirent Tribunos: & Tribuni Urbinatem, demonstrato seditionis periculo, referre rursus castra coegere Mediolanum versus: quatrduoque proximo, circum suburbana rura Casoretum & Lambratum, & inde usque ad D. Gregorii & Sancti Angeli Aedem missi Venetis Galli, & in utroque exercitu Romanae legiones steterunt tamquam haud ultra dilaturae quin irrumperent in arcem & necessaria tolerandae obsidioni intro ferrent. Urbinati tamen, cui, sicut dictum est, cuncta obediebant, mens eadem quae jam inde a principio fuit, manebat, ut scilicet, pro subsidio & ope quae tantis quaesita apparatibus fuerat, speciem semper inanem arci ostentaret. Consultando cum Tribunis, agitando multiplices vias aggrediendae rei, docendo in quae pericula iretur, de industria extrahebat tempus. Duces caeteri exercitus illius, videbant quidem cunctationem jam pene infamem Imperatoris Veneti, & cunctandi fortasse causas artemque suspicabantur, sed propter auctoritatem & opes, ingeniumque viri, arguere nemo unus audebat. Sfortia interim inclusus, non modo angebatur suorum fame, sed ipse quoque (rarum Principibus) experiri ac sentire coeperat, quid mali esset fames: additoque ad tormentum id dolore, quod sine exitu ullo spem auxilii propinquam videret, agitare coeperat, ut permitteret sese Borbonio, arcemque Caesari dederet moestus simul & infensus & animo corporeque languens. Jam super ea deditioe emissus ab arce Jacobus Philippus Saccus, qui Senatus postea princeps fuit, aliquoties commearat, & vicissim a Borbonio missi in arcem fuerant, qui solarentur aegrum animi Sfortiam: larga ei apud Caesarem & benigna cuncta pollicerentur.

D Cum in eo statu res esset, & concilia quotidie inter foederatos, de auxilio ferendo arci, reque tentanda, siue omittenda quotidie haberentur: Jacobus Medicaeus, ille jam in abrupta progressus & ex ancipiti mutatione fortunae pendens, voluit tentare nonnihil, & non sihe magno suo periculo etiam tentavit. Cum enim arce per dolum occupata Musfensi, neque receptum sibi ad Sfortiam reliquisset, & adjungendo sese foederatis, a Caesare etiam post magna merita descivisset, nec segni tutus esse quiete poterat, nec ad rem ullam suo Marte gerendam habebat opes, interimque omnes ipsius motus & dicta omnia suspecta erant, apud eos etiam, quibus sese tradiderat. Pecuniae quoque partem, nuper in Helvetios ad conducendas inde copias, cum Episcopo Laudensi missus inteventisse insimulabatur. Volens igitur in tam lubrica fortuna ad sese confirmandum conari & efficere aliquid, persuadet Helvetiis, qui jam in exercitu erant, & ab ipso regebantur, ut ab Urbini Duce deposcant sibi periculum penetrandi in arcem, subsidiaque inferendi. Pulcrum ei genti videbatur tantae rei gloriam occupasse, & cuius negotii causa, treis maximi exercitus confociati essent, id Helveticis armis esse confectum. Ipsum consilii auctorem rogant, ut legionis nomine verba faciat: & nihil ille cunctatus, ut qui legationem eam ultro quaesivisset, extollit in concilio avidam periculi gentem, seque Ducem ei fore periculo proficitur, & posse ita eximi arce Sfortiam, quod majus etiam foret, quam commeatum subsidia alia intulisse illuc. Cum in eam sententiam pleraque militariter a Medicaeo perorata essent, Urbinatem, ferunt, mota animo ira exarsisse, velut in disturbantem sic atque evertentem ea, quae ipse destinasset. Dissimulata ad praefens indignatione, paulo post parata habuisse vincla Medicaeo & ipsum, in tentorio, cum daretur aqua manibus, notasse turbati oris argumenta malignaeque cogitationis indices vultus, atque dissimulato intellectu, quasi necessitatis alicujus causa egressum inde, dum Principes ordine accumberent, innuissè

inuiffe suorum uni, ut sisteret sibi equum, eoque rap-
tim conscenso funestam eam coenam mutasse felici fu-
ga, neque usquam constitisse, donec Mussensi arce ru-
pibusque suis tegetetur. Et ille quidem cum tanto suo
periculo rem eam infenso Urbinate tentarat: Sfortia
vero destitutus omnibus vitae alimentis, cum ne diem
quidem jam unum durare posset, pactus sibi cum Bor-
bonio nonnulla, quae irrita fuerunt, arce excessit,
eratque deinde ad Laudem Pompejam, quam urbem
foederati habebant, eique attribuerunt.

Deditio arcis facta est ad x. Cal. Sextilis, Anno salu-
tis clō Io xxvi. qui annus Hispani Imperii princi-
pium Metropoli, non tamen finem ullum malorum affe-
rebat. Nam, & antea sine arce imperium id male inchoa-
batur, &, ut in novo lubricoque adhuc dominatu, mi-
litaris injuriae multae & magnae perferendae erant. Le-
vamenti non nihil dedit aversum paulisper alio bellum:
& res eae, quae genus humanum moestitia ac terrore
compleverunt, subsidio nobis fuere, ducto per Borbo-
nium exercitu ad diripiendam urbem Romam capien-
dumque Pontificem, & agendos in vincla Cardinales,
quo facinore inhorruere animi, & Caesar ipse, dolore
& ira contraxisse morbum dicebatur. Quod nisi aucto-
rem tantisceleris Borbonium vindex Deus in medio sce-
lere oppressisset, credidere gnari cogitationum Caesa-
ris, facturum fuisse eum, ut suae religionis famam,
edito magno aliquo in id rebelle caput documento sancir-
et. Sed, ut demonstravi, justitia Numinis antevertit:
portentumque illud hominis, ut omni deinceps aevo
memorable exemplum fieret, per scalarum gradus
praecipitavit plumbo absumentum & igni, sicuti devove-
rat ipse sese tunc, cum populum Mediolanensem perju-
rio impudenti fallebat. Is igitur annus, captivitate
Romana, bellorum externorum casibus, ambiguaque
etiam foederatorum inter ipsos & jam prope dissoluta so-
cietate, varius apud alios, turbidus, instarque prodigii
cujusdam, modica nobis quiete post receptam arcem
agebatur: ac nisi per milites in praesidio urbis relictos
staret, tota ad breve tempus parta quies urbi erat.

Interea Medicaeus, quem, ob minaces in Urbina-
tis supercilio notas, contempta ferali coena elapsum re-
pente tentorio castra fugisse foederatorum, memoravi,
cooperat ab Mussensi sua arce altius attollere animos &
nihil jam mediocriter meditabatur. Neque Caesarem jam,
neque Principes alios a quibus abierat, sed fortunam
qualemcumque suam respiciebat anceps & paratus sequi
quocumque ea vocaret. Hac mente despectans caetera,
Venetos legatos proficiscentes in Galliam, aggredi in-
tercipereque ausus, detinuit apud Mussum in arce, do-
nec pecuniae summam repraesentavere quam poscebat.
Aiebat, tantam se pecuniam erogasse de suo, cum in
Helvetios auxiliorum causa mitteretur, atque id ipsum
postea missis Venetias ad Senatum litteris excusavit.
Rupe deinde arceque minime contentus ea quam pericu-
lorum suorum initio occupasset, munitiora quaedam &
Principali cultu magis digna domicilia exquirens sibi, ne
in latebra semper illa, ferae ignobilis ritu occultaretur,
ad Montis Acuti arcem animum adjecit. Est eo nomine
collis in Mediolanensi agro, medius fere Brianteos in-
ter & Orobios, multa frugifera arbore, viteque confu-
tus: in summo vertice, tecta capacia quamvis amplae
nobilisque familiae in arcis emunita modum habet. Tunc
habebat eam arcem idque domicilium una cum subiecto
colle Alexander Bentivolus Joannis filius, quae familia
dominata Bononienfibus olim, Principatu amisso, fue-
rat ob propinquum genus a Francisco Sfortia collocata
ibi, priusquam hic quoque Principatum amitteret. Me-
dicaeus, posteaquam loci opportunitates ingeniumque
adamavit, per litteras simul, & per amicos coram,
Sfortiae ipsi demonstrat, segniter & incuriose Montem
Acutum a Bentivolo custodiri: si Caesariani oculos eo
adjiciant, posse ipsos nullo negotio & expellere inde Ben-
tivolum, & munimenta inexsuperabilia addere arci,
quam ubi in potestate haberent, circumjecta simul om-
nia habituros, atque ita de amoenissimo tractu actum
fore. Si fides sibi habita sit, non solum posse sua cura &

A vigilantia inde summoventi Hispanos, sed stationem quo-
que Leucensem ex propugnaculo eo infestam genti
ipsum esse effecturum. Ingenium, credo, Medicaei
nondum satis cuiquam innotuerat, & quidvis fortasse
aliud Sfortia suspicabatur hoc tempore quam ex interfe-
ctore Monsignorini novum hunc sibi parari hostem,
cum quo homine gesturus aliquando esset bellum,
ubi pacem, fortunamque pristinam a Caesare im-
petrasset. Sive ille, amissa Metropoli, de summa re-
rum anxius imperioque superites, & iterum jam prope
exsul, Montis Acuti fortasse ne meminerat quidem. Ut-
cumque sese ea res habuit, scripsit certe Sfortia ad Ben-
tivolum, ut ei qui epistolam ferret, tradita arce, abire
inde ne cunctaretur. Epistolam Medicaeus ipse feren-
dam acceperat. Sed existimans posse etiam accidere, ut
apud Bentivolum loci amor plus quam verecundia Prin-
cipis valeret, nocturnus eo cum militum manu accessit,
& excitato Bentivolo armatas ei obtulit litteras, ita, ut
ille Sfortiae mandata simul & parendi praesentem neces-
sitatem intueretur.

Arce in hunc modum occupata illa, Medicaeus ex-
ercet in vicina rura populosque Brianteorum quidquid
juris & imperii justus alius legitimusque Princeps in ma-
gna aliqua sua necessitate ad cogendas pecunias, exerci-
tumque suppleendum usurpare posset. Statim ei tribuna-
lia & magistratus, & forense ministerium, carceres quo-
que & carnifices, & multis locis erecta patibula erant,
ne quis detrectare novum imperium auderet. Milites,
& veteranos plerosque habebat, qui fortunae minoris
olim periculorumque focii, tanto promptius nunc ad gran-
diora sese attollentem sequebantur, & ex tota illa cir-
cumjecta regione conscribebat novos, qui ipsi a vetera-
nis ad omnia belli opera exercebantur. Ipse, obvia co-
mitate in omneis alloquioque sincero, nec minus effusus
beneficiis, quam poenis acer, caritate simul & metu
sanxerat terrarum earum obsequium erga se & fidem.
Nobiles Brianteos, prout ingenio prompti, vel stolidi
opulentia inutiles erant, varie etiam tractabat. Illi cu-
rationibus arcanisque consiliis admovebantur: hos saevo
ad Montem Acutum carcere cogeat indicare quid ubi
defodissent, nec dimittebantur, antequam accersierant
ab domo pretia redemptionis pro captu suae quisque for-
tunae, & in fortunas conditionemque singulorum accu-
ratissime inquirebatur. Quibus rebus constituta aliqua
tyrannidis forma, iustoque propemodum exercitu co-
cto, Medicaeus, magna quotidie inferebat detrimen-
ta Caesarianis, adeo quidem, ut Antonius Leva dicere
solitus fuerit, plus negotii sibi exhibuisse tumultuarias
istius cohortes, quam ipsa foederatorum arma. Quas
enim arces in Abduae fluminis ripa Venetorum terris ob-
jectas ad Bripium praesertim, Tritiumque Hispani ha-
beant, has ille crebris incurfionibus acerrime infesta-
bat, & obsidendo itinera effecerat, ne quid ab Leuco
Mediolanum, sive hinc illuc liberi & aperti esset: ac
ultra citroque commendi facultate erepta haud dubie
illam magni momenti arcem erepturus esse Hispano vi-
debatur.

Adversus hunc hostem Leva, vi simul doloque con-
nexus, ab utraque parte infelix fuit. Martinus erat qui-
dam ex ignobili Brianteorum pago (Mondonacum vo-
cant) idque Martino etiam cognomen. Asper homo &
violentus, infidus, nulla bona arte, sed in alienam pec-
uniam diligentia probatus Medicaeo electusque ad tri-
buta exigenda, tanto capitalior erat in eo magistratu,
quo plus utilitatis pervenire inde ad se simul videt. Sic-
uti fit, pari gradu procedebant, favor & benevolen-
tia heri in servum, & mancipii erga herum diligentia
magis quam fides, cumque ditaret quotidie Principem
exactor, vicissim ab illo iste ditabatur. Posse hunc mi-
nistrum esse Medicaei interficiendi Leva arbitratus, &
praesenti pretio, & majoribus in posterum promissis per
homines idoneos eum corrumpit. Non recusat agrestis
publicanus: sed callide reputans ipse secum, quod in-
terfecto hero transfuga proditorque vilis haberetur, trans-
ire cum alio insuper haud vili munere agitabat, occu-
pata, scilicet, perfurtum, traditaque Hispanis arce &
pago,

pago, qui Peregrinus dicitur. Latrunculorum habebat manum ad ea, quae parabat, adjunctam sibi & fidam. Hos tamquam iussu Medicaei captos, injectis catenis appetente vespera secum trahens, appellat ex itinere Praefectum arcis, familiarem sibi hominem, ut deponi apud sese patiat: & ipsum ea nocte futurum ibi coenaturosque una. Facile acceptus intro, solvit repente captivos: hi Praefectum ligaverereque gesta pulcherrime erat. Sed postero die Medicaeus, comperta fraude exactoris sui, mittit ad oppugnandam arcem, latrunculosque una cum proditore capiendos. Capti omnes, atque ad Montem Acutum illico raptati, statutis toto vertice furcis ordine suspenduntur. Martinus, quia primo tormentorum adpectu ediderat insuper ea, quae sibi cum Leva convenissent, genere alio supplicii punitus, ut apud incolas regionis ejus in terribile exemplum abiret. Singulos vivi artus rotae pondere fregere lanii, totosque dies dilata & continuata carnificina est, quo lentius ille moreretur.

Hunc exitum habuere insidiae, quas Leva in Medicaei caput excogitavit: & ipse tanto suo periculo irritatus in Hispanos, odio deinde nominis ejus ac metu, aditum sibi novum ad foederatos quaesivit, quod ut salutis suae consuleret, aufugerat e castris, & Venetae legationi injecerat moram, pecuniaeque nonnihil aucupatus inde sibi erat. Ita foederatorum ab eo tempore totus fuit, instinctor eis & minister contra Caesarianos, donec Leva, ob continua damna versus in viri admirationem, statuit per beneficia adungere Caesari, quem nec tollere dolo, nec aperto Marte superare potuisset. Subegere autem Levam, ut beneficiis vincere Medicaeum tentaret, astutiae horribiles viri ejus, & calliditate major fortitudo, roburque animi invictum, & belli fortuna conatibus ejus raro inimica: & quod denique appareret, si foederati hunc diutius in partibus suis hominem haberent, haud magnopere ad rei Mediolanensis securitatem profutura esse Caesari, vel dissidia eorum, vel quae inde data laxamenta Metropoli erant. Dum enim dissident illi cunctanturque, & parum sincera inter se fide rem agunt eam, cujus rei causa conjurarant, accepta ab eis pecunia Medicaeus, Rhaetica una conducta legione irrumpere in urbem tentavit, apertam tum forte & opportunam, quia Leva educto ad Melinianum exercitu, nihil fere praesidii ibi reliquerat. Quo minus ab legione illa, Medicaei ductu urbs caperetur, nulla res alia obstitit, quam ipsius Levae celeritas, qui comperto discrimine obviam ivit, & Rhaetorum contumacia, qui, praelio adventante, superiores locum tenere noluerunt, in quo ab duce collocati sternere impune Hispanos potuissent. Ille, hinc pertinacia suorum, hinc hostium impetu conjectus in vitae discrimen, atque deprehensus inter loci angustias, & Hispanorum tela, concitato quantum poterat equo, trajecit ingenti saltu carrum, quo obsepta via erat, intactusque evasit. Res gesta est ad Carratum pagum, qui distat ab urbe quatuordecim millia passuum Lambro flumini appositus, & imminet rupes, unde paratum Hispano exitum stabat, si parere voluisset gens obsequii ignara, & tunc irritata suspicione, tamquam ab ipso Medicaeo trucidanda Hispanis rupe in illa objiceretur.

Sed non, quemadmodum Medicaeus, tanto facinore infelicitate tentato, evaserat ex media Hispanorum acie, ita Hispani ex ipsius evadere manibus potuerunt, cum Mussensem arcem adimere ei paulo post tentassent. Hispanus erat Villaterellus apud Leucum Praefectus arcis, non Medicaeo tantum insensu ob ea, quae famam quotidie Caesarianorum ille obtinebat, sed nationi quoque suae iratus, quod ab novo homine (sic enim eludentes appellabant) tantopere insultari sibi paterentur. Hominem Medicaeo percarum iste habebat in custodia, Sardum cognomento. Quem ubi tentando varie, callidum audacemque cognovit, traxit paulatim in quemdam hujusmodi sermonem: si dimitteretur e carcere salutemque acciperet, ecquid posset ipse excogitare ac moliri, quo remuneraretur id munus? Ad ea Sardus dicere, nihil posse amplius ab se praestari, quam ut Mussensem arcem

A ei traderet, idque pro ea consuetudine ac familiaritate, quae sibi cum Medicaeo esset, facili negotio effecturum. Res magna visa Villaterello: sed tanti promissi vadem dari sibi aliquem poscebat. Captivus Palamedem Abdum Briantaeorum facile ditissimum, vadem fore pronuntiat: nec ille recusavit. Ita Sardus e carcere dimittitur, avideque deinde Hispanus promissa expectabat. Res inter eos ita convenerat, ut paratis ad invadendam arcem omnibus proditor Leucum usque excurreret: inde sublata secum in lembum Hispanorum cohorte perageret. Sed ille, statim ubi ex tetro carcere magnoque capitis periculo salvus in Medicaei venerat amplexum, aperuerat ei cuncta, & ubi tempus visum, ad illiciendos in retia Hispanos, simulata quadam sua protectione Medicaeus abierat palam ex arce nocturnusque redierat. Tunc Sardus ad Villaterellum exit, & lectissima Hispanorum corpora, in his Villaterelli ipsius fratrem, virtutis eximiae juvenem, sub titulo gerendae rei ad necem ducit. In ipso arcis ingressu obtruncati omnes, duobus exceptis, qui, cum porta cataracta demitteretur, nondum illato pede conspicati sociorum stragem aufugere inde maturarunt, & per montium eorum devia, per abrupta, prope exanimis in tutum pervenire. Hi postea beneficium coeleste agnoscere, cujus prope miraculo viverent salique essent, simul resperta cunctas humanas, contulere sese ad Franciscanos, & vitae reliquum cinerea in toga sancte ibi laudabiliterque egerunt. Villaterellus ipse, post tantam cladem, praefectura damnata & contempta illa, fratris praecipue desiderio moerens, impetrato ad sepulturam corpore, cum bona Levae pace, & venia, Lucio Brighello successori tuendam arcem reliquit.

Fraus igitur etiam ista Medicaei, sive Imperatoriae prudentiae successum appellare quis malit, cum ad pleaque alia nova, & tremenda viri ejus accessisset, occulte perculerat Levam, ut ex hoste facere amicum tacitus destinaret. Sed cunctantem adhuc, & in ancipiti consilio expectantem tempora Hispanum, ne id ultra differret, compulere ea, quae mox ad Leucum gesta sunt. In ulteriore fluminis ripa locus ille est, frequenti mercatu, & arcis fama satis notus: tunc quidem etiam maxima cura, simul Hispanis, uti tuerentur, simul foederatis, ut capere possent. Aditur ex Briantacis, ponte, quod Joannis Vicecomitis antiquum opus & quadrato lapide per decem pilarum intervalla fornicatum, Abduae nomen magnitudine sua auget. Posuit eam molem Archiepiscopus Joannes, cum potentiae Regum aequiparatus, Pontificatum simul & arma imperiumque urbis ipse haberet. Medicaeus, expugnato ponte disjectoque militum praesidio, qui tamquam arcem alteram eum tuebantur, premendo obsidione Leucenses, cogebat Levam mittere ab urbe eo subsidia, quae, nec terrestri per Briantacos itinere commicare poterant ob crebra regionis castella & arces, & si ab altera parte navibus venirent obsepto catenis lacu arcebantur. Cumque Leva extremo jam fere Leucensium periculo accensus, delectas cohortes, atque robur equitatus, Balbiano, & Torello, & Caesare Neapolitano ducibus misisset: Medicaeus vicissim, accito Venetorum auxilio, curulis insuper tormentis, & omni alia armatura, si quid forte ad justum praelii discrimen deerat, id quoque subsidium prohibere conatus obstando ad omnia loca, circumveniendoque agmen, & pugnando, cruentum id Hispano exercitui iter fecit. Quod nisi Venetorum copiae, quas ad angustae crepidinis fauces ipse collocarat, conspectis Caesarianis, terga repente dedissent, fama fuit, totam eam repente manum potuisse deleri: quippe, hinc classe, hinc ponte, hinc crepidine valido praesidio armatis, ut sicuti aditus in Leucenses, ita fuga retro impediretur. Relinquebatur una per Briantacos via, qua redire Mediolanum possent: sed redeuntibus illac, praelia parabantur eadem, quae venientibus afflixissent, tenente regionem Baptista, fratre Medicaei, & ipso cum septingentis, qui post Venetorum protectionem reliquerant, mox infecuturo. Verum enim vero, corrupta occasione nihil aliud quam infida foederis societates,

cietas, dum partes, nusquam in commune, sed sibi privatim consulunt, arcemque Leucensem illam, nec Veneti Medicaeo relinquere habendam, nec Medicaeus ad Sfortiae utilitatem capere admodum curat. Ob id enim, neque datus umquam impetus in eam est, impressiove facta, & Veneti locum deseruere, qui retentus haud dubie victoriam dedisset. Caeterum Leva, quamquam & penetrasse utique subsidium illud videt, & spem magnam defendendae arcis habebat, reputans tamen ipse secum ingenium, & artes, fortunamque Medicaei, & pleraque alia volvens animo, promere denique statuit id quod de reconciliando homine secreto agitabat. Loca, & arces, tractusque terrarum, quos illo defectionis tempore occupasset, confirmat ei Caesaris auctoritate: Mussi Demarchum appellat: attribuit etiam Leucum: copias & arma parata habere jubet, & praesto esse Caesari ad omnia quae res postulare.

Fueritne Levae consilium hoc reconciliandi Medicaei, an vero Caesar ipse mandasset, etiam qui tunc erant homines dubitare. Pro certo illud habitum est: Moronum, qui, post captivitatem, deserta infelici fortuna Sfortiae, sese Caesari addixerat, & nihil aliud quam gratiam hoc tempore Caesarianorum sequebatur, egisse de ea reconciliatione cum Leva, multisque rationibus demonstrasse ei, quemadmodum utile Caesari futurum esset, si hostis rebellis ille mitigaretur. Mitigatus autem ita erat, ut in curas bene merendi de Caesare simul & fortunae suae augendae divisum animum haberet: augebatque munimenta castellis: conciliabat sibi per hospitia, & affinitates animos eorum, unde preferendis finibus auxilii aliquid speraret: Venetos, ut imperio suo finitimos, utque Caesaris hostes assidue carpebat. Ad omnia, Caesaris nomen obtentui erat, & Alba Cruce (insigne Caesarianum id fuit) sibi suisque indita, abdicato rubro gestaminis ejus colore, foederatorum nomini sese hostem aperte profitebatur. Adversus eos, pro parte, in quam transisset, fieri cuncta volebat ille potius credi, quam credere homines poterant, siquidem cum aliquo judicio intuerentur viri animum, & quantum ei fortuna tribuisset, & conditionem temporum, quae erant ejusmodi, ut quod quisque tunc occupasset, id etiam postea esse habiturus videretur. Quin etiam, tunc fuere qui ita differerent: Sfortia propediem morituro, & propter Metropolim conflagratura bellis Italia, nusquam melius posse placari Principum animos componique statum rerum, quam si Medicaeus, uti jam esset in parte dominationis, ita relicta Venetis Cremona, & si quid omitti aliud interesset pacis, caetera obtineret. Alioqui, neque Caesarem umquam Gallo, neque Gallum Caesari esse concessurum, ut ad pristina Regna hoc adjecto Principatu tanto potentior fieret: tum ut eorum adipisceretur, caeteris omnibus formidabilem fore. Venetos praecipue hoc adhibito temperamento denique acturos quietem, cui genti calamitatis loco semper habitus fuisset adeo potens accola sub nomine Reguli, Regum opes amplexus. Pauperem Principem fore Medicaeum, qui absque ulla finitimorum injuria, nomen tamen famamque Ducis impleret: fore apud eum gratiae locum, fore beneficio, & subjectos interim, magis cum Principe, quam sine libertate, moderationem esse salubrem imperii habituros.

Homines quidem de animo fortunae Medicaei, & de eo, quod aliquando futurum esset, ita diserebant. Ipse vero nihilo humiliora volvens animo, quam quae sermonibus hominum tractabantur, tam prope a Principe quam olim ab exsule, in Lario lacu classem, exercitum in Briantacis, Venetorum Helvetiorumque finibus objectas terras, montium cacumina, vallium recessus, spatiaque camporum, & ubique arces, obsequium apud subjectos, apud externos famam, & haec omnia velut concessu Caesaris habebat, cui nuper hostis fuisset. Imperii sedes ei apud Montem Acutum modo, nunc apud Mussum, quae loca excoluerat, munierat, aderantque bombardae, partim quas conflaverat ipse sibi, partim quas ademerat Venetis: & donatas ei ab Leva fuisse nonnullas constabat. Jam egregie subnixa pluri-

busque munimentis insistentis domus: quatuor fratres, totidem sorores, & quas in fraternam sibi curam adoptarat, confobrinae duae: ipse laboribus & vigiliis attenuato corpore: sed florens integraque aetas subsidio erat. E fratribus, Baptista, & Gabriel, hic adolescens, ille jam virili robore, socii expeditionum participesque consiliorum erant. Augustus ad spem generis, familiaeque successionem reservabatur: Joannem Angelum, qui postea Pius IV. fuit, ad sacros honores ordine ententem exspectabat Ecclesia, dum maturam capeffendo Pontificatui aetatem afferret. E sororibus, duae Mediolani solennibus obligatae votis virginali aevum agebant: duae ad Mussum una cum duabus confobrinis constituta in Monasterii formam domo, procul ab militaris aulae strepitu habebantur: provideratque severus ad talia Demarchus, ne ministerio illic virili opus esset, ne quisquam illuc inferret pedem, excepto decrepito uno capularique Presbytero, qui sacrificii causa descendebat ad claustra illa quotidie, & ubi perlasset, abibat. Harum deinde alteram, Claram nomine, Vultheoderico Sittico nuptum dedit, cum Germaniae Procerum clarissimus Mussensi lacu renavigans domum, exceptus ab Demarcho splendidissime fuisset in hospitio apud eum, indeque orta inter ipsos amicitia & familiaritate, juvenis, postquam domum pervenerat, petere virginem institisset. Medicaea minor, cui Margarita nomen, paulo post data est Giberto Borromaeo Comiti Aronae, modesto juveni & pio, qualem praeparari D. Caroli patrem oportebat. Sed futuram ejus matrimonii gloriam, coelestemque fructum caeca ad rem tantam humanae mentis conjectura minime prospiciens bellator, avidusque rerum aliarum Medicaeus, quae fierat potius id nuptialis pacti compendium, ut inita cum Borromaeo necessitudine, Aronae arcem ab eo eblandiretur, quod tamen, neque conditionibus assequi ullis potuit, neque astu, cum utraque machina expertus conatusque esset. Haec fortuna Medicaei ab initiis orta illis, quae demonstrata sunt, aucta deinde, & adulta variis rerum eventis, & ipsius virtute, sicuti item demonstravi, ita sese habebat ad annum usque vigesimum septimum seculi ejus, videlicet 1510. ut ab eo tempore fluctuare inciperet, rursusque conflictata redigeretur in eum statum in quo Medicaeus fuit, cum vitae finis ei accideret.

Caeterum, anno illo, quem notavi, cum Caesari natus esset Philippus, avus Philippi IV. qui nunc regnat, conversa in tot Regnorum heredem humani generis gratulatione, vel invidia, vel si quae ob eam rem aliae regnantium curae commotae erant, etiam Mediolanenses ad spem erexere animos, posse per ejus Regii exortus laetitiam a Caesare impetrari, quae legatione missa alia pro misero urbis statu nequidquam implorassent. Namque cum sub Borbonii discessum ivissent ad Caesarem legati, petentes, ut exonerari militum parte urbem juberet, spreta ea, & rejecta legatio fuerat in contumaciae poenam, qua crebris aulae sermonibus tumultuati esse adversus Regios Praefectos, nationemque pulsasse Hispanam incusabantur. Nunc, ut dixi, spe animis sumpta nova, tamquam, ob Regios natales hilaritate & clementia cuncta apud Hispanum reniderent, mittitur Vallisoletum in Regiam ex vetusta urbis nobilitate Philippus Archintus, qui postea Mediolani Archiepiscopus fuit. Mandatum ei ab Decurionibus Urbis, primum omnium uti diceret: Populum Rempublicamque Mediolanensem ita laetatum esse Philippi Principis ortu, ut veluti natalem suum diem eum semper concelebratura sit. Vere enim Metropolim arbitrari sese renatam, propagata per eum Infantem successionem imperii, cujus desiderio, fideque erga illud, & pietate armati cives potuerint trucidare Gallos, evertere eorum tribuna- lia, ferre obsidiones, exire contra, & ad omnia loca pugnare, donec Rex ille captivus nonnulla etiam Mediolanensium opera fuerit in victricem aulam, attolita omni hostium gente, deportatus. Haec de se profiteri Mediolanenses, & si quis negare velit, defendere esse paratos, & posse nationes interrogari, quae rebus adfuissent. Quod si postea, constituto apud Insu- bres

bres Austriaco Imperio, & divisus per omnia urbis tecta militibus, nonnulla minus benevole Mediolanenses inter & Hispanos accidisse dicantur, illud quoque defendere esse paratos, quod nulla sua mala mente, sed mutuis irritationibus acciderint, & sicut in domo nonnumquam eadem inter fratres etiam taedia diuturnae consuetudinis res aliquando dedere odiosas, ita in militari contubernio potuisse contingere nonnulla, quae possint desferi magis, quam defendi. Verum enim vero, neque purgandi, neque deplorandi causa legationem eam decrevisse Mediolanenses: petere a Caesare confidenter, ut dum caetera terrarum gestiunt plauduntque regnatura Infanti, velit ipsorum quoque plausus & gestientem alacritatem esse sine squalore & luctu: velit urbem levare tributis, & onere insultuque quotidiano militari: simul annuat, ut ejectos urbe cives ob tumultus, patriae redonet, auctoritatisque Senatui pristina restituantur. Philippus Archintus Mediolanensium nomine haec ferme petierat. Responsum a Caesare est: displicuisse sibi civitatis ejus miseriae, invitumque credidisse quod haud immerito ea paterentur. Sed praeterita omnia male oblivisci: optare in posterum, ut obedienter manfueritque agerent: & hominibus ibi suis mandaturum, ut pro magnitudine, & nobilitate urbis benigne vicissim clementerque agant. Caesaris epistola ad Decuriones urbis, in eam sententiam data Archinto est: vidimusque nos autographum ejus exemplar inter Patriae monumenta, rem sane dignam publica custodia ob illustre Caesaris ipsius judicium de gloria splendoreque urbis. In eadem epistola erat: Caesarem, qua clementia, & magnitudine animi erga Regem Franciscum, Mediolanensium ipsorum virtute captivum, usus fuisset, ea se Mediolanensibus ipsis esse consulturum. Inter maximas Imperii curas esse hanc, ut civitas ea, populusque, & Clerus, depulsis praesentibus miseriis, rediret in eum statum, quo olim fuisse diceretur. Ideo, quae statim tribui possent, sine mora concessa esse, perscriptumque diligentissime ad Levam, ut praesidia ex urbe deduceret: satis praesidii in fide Mediolanensium fore: vel si ea abesset, ne arma quidem ulla adversus contumaces esse valitura.

Ab ea legatione Archinti Caesarisque mandato, commodiora omnia Mediolani aliquamdiu erant, exonerata urbe, ductisque alio in hiberna vel aestiva militibus, quae ad eam diem publica, & intoleranda Metropoli calamitas fuerat. Paulo post revocantur in stationem quique suam recrudescere circa urbem bello, quod coeptum simul finitumque est. Namque dum Caesarianus exercitus, Borbonii ductu alibi rem gerit, & eodem sublato Borbonio, coeptis tamen illius insinit, novae Gallorum copiae, Duce Borbonio altero qui Sanpaulanus dictus est, apud Valentiam transgressae flumen, perpopulatae Mediolanensem agrum municipiis urbibusque captis, ad Metropolim oblidendam nemine obstante tetenderunt. Adeo soluta & neglecta repererant omnia, vel securitate Caesarianorum, vel viribus in pericula alia dissipatis. Servavit in eo discrimine urbem, eadem quae non semel alias saluti fuerat, sive levitas, & inconstantia Gallorum, sive fortuna quaedam initiis eorum secunda, ad exitum fallax, & tunc maxime adversa, cum prope victoriam eis in manum dedit. Namque Sanpaulanus animo casuque usus eodem quo caeteri etiam ante ipsum Galli duces a moenibus captae jam fere urbis ultro abscesserant, retulit ab Landriano repente castra tamquam iturus ad invadendam Genuam, cum si pergeret huc ire, capere Mediolanum potuisset. Et Antonius Leva cum eo exercitu, quem habebat, urbe egressus persecutusque abeuntem, turbavit primo ac fudit, deinde etiam cepit: qui superfuere Galli, cum infana trepidatione petiere Alpes, & redire domum, nec res alia magis extulit Levam. Reliquerat hunc Mediolani Borbonius cum ipse Romam ad exitum dedecusque suum post illa, quae memoravi dedecora, proficisceretur: fuitque Leva inter Hispanos duces, qui Caesaris nomine Mediolani imperitarunt, virtute magis sua, quam origine par caeteris, Davali prope discipulus, Borbonio melior: & pietatis monumenta reliquit. D. Dio-

nyssi Aedem: & cum ea Aede Monasterium extruxere Servitae, erogata per ipsum pecunia, ut militare flagitium expiaretur, quo Monasterium Aedemque aliam Ordinis ejusdem demoliri necesse habuisset. Gessit bella consiliis nutuque, & nominis auctoritate potius quam manu, cum ob magnos articulorum dolores involutus ferme fasciis jaceret: ac si prodeundum utique erat, gestatoria sella circumferebatur, splendidissime armatus, & cristarum amoenitate fastuque dissimulans poenas. Tam felici victoria factus etiam elatior, flagransque ira in finitimos Venetos, quorum praecipue stimulis, novum illum ex Gallia factum esse impetum sciebat, dum, trajecto Abdua flumine, vastitatem eorum terris infert, nuntium accepit, haud equidem crediderim ei animo gratum, de pace, quae diu agitata convenerat, fessis obmutua damna Regibus, & anxio Pontifice, si tot malorum orbi Christiano causa ipse haberetur. Nuntiata pace, reducto ad urbem exercitu, quies armorum erat, atque erectis expectabatur animis, quo denique modo reconciliati inter se Reges componerent Orbem terrarum: quae summa conditionum fuisset habendae etiam in posterum paci, si pax fida umquam esse posset, ubi bellorum causae assidue existerent, & semel excisae renascerentur.

Mox fama accidit, venire petendo diademati Caesarem in Italiam, ut veterum more coronaretur. Barcinone subsisterat quamprimum inde trajecturus. Mediolanenses illuc Archintum destinavere eundem, qui priore legatione functus fuerat. Legandi iterum ea fuit causa, ut, & indicarent Caesari laetitiam gratulationemque civitatis ex eo, quod Imperatorem omnis memoriae clarissimum terra Italia acceptura esset, & ad gloriam ornamentumque urbis nonnulla peterent, quae priores etiam indulserant. Caesar, benigne audita legatione, legatque etiam ipsius prudentia, sicuti fama est, haud parum delectatus, concessit Jurisconsultorum praecipue Collegio multa quae manent hodie, nec factum modo nobilitati, sed etiam incitamentum virtutis addunt. Est id Mediolani Collegium fundatum antiquitus severa lege, ac superba, ne recipiatur ullus, qui suos ab origine ultima avos intactos omni natalium & vitae labe exhibere non queat: quae necessitas, nescio, an Principum quoque nonnullis molesta futura sit, si talia proferre documenta cogantur. Non pecuniae magnitudine, non gratia, claudicans & nova nobilitas aditum eo invenerit: exstantque exempla praedivitiarum candidatorum, quos suffragia omnia rejecere propter illiberalem majorum solertiam, atque mercimonio nonnullo contaminatos penates. Huic tunc Collegio nova decora quaerebantur, deditque ea Barcinone sedens adhuc Caesar. Inde ille Bononiam venit, coque Pontifex Clemens, & Pontificem affectati Cardinales, Legati praeterea Principum & Regum, Principesque multi una adfuere celebraturi coronationem Caesaris, pompamque visuri, qua nulla fortasse umquam, neque illustrior, neque spectabilior fuit, coronante Caesarem Pontifice, inter quos paulo antea hostilia cuncta facta erant: adstante purpuratorum corona, quos nuper una cum Pontifice captivos egerat Caesaris miles: adulantibus denique caeremoniae huic legatis eorum, qui Hispani nominis infectione gratiam inter se certatim, & gloriam apud alios quaerebant. In ea tantarum conversione rerum, vel mutatis omnium animis, vel compositis certe tamquam mutati essent, peti-tum a Caesare impetratumque est, ut Francisco Sfortiae venia praeteritorum concessa pristinum statum redonare vellet: statimque ille ab Cremona accersitus, Dux Mediolani iterum fiebat. Ob ejus rei gratulationem Archintus tertium legatus ad Caesarem ivit: cui deinde legato gratia apud Hispanos, odium apud Sfortiam peperit: & rursus Hispani hominem vexavere, postquam Archiepiscopus urbis factus capeffere Ecclesiam parabat. Numquam enim per eos inire honorem potuit: ac Bergomi prope exsul est mortuus. Verum, & quomodo suspitionibus apud regnantem Sfortiam ille conflictatus fuerit, & quomodo in Philippi regno Pontificatu prohibitus, postea ordine exponam.

Sfortia restitutus est in Mediolanense imperium ea conditione, ut quadringenta millia nummum aureorum intra anni spatium, decennio deinde proximo decem pensionibus quingenta millia Caesaris fisco perfolveret. Prior illa summa donec perfoluta esset, arcem Jovis urbemque Novocomum haberet Caesar: pernumeratis quadringentis millibus ea quoque restituerentur. Haec & alia dum fierent, Antonius Leva cum idoneo exercitu apud Insubres maneret. Quae ultima conditio, velut fidei pignus, stabilitumque rerum inducta, & rem prope evertit, & labefecit fidem. Semper enim Leva Sfortiae infensus fuerat, & Sfortia vicissim oderat Levam, invicemque alter alteri struxisse insidias dicebantur: & fama fuit: jam illectum provinciae dulcedine Levam, secretis apud Caesarem sermonibus agitasse multa, ne rem Mediolanensem ullo modo alienaret. Possit ipsum, retenta Metropoli, totam subigere Italiam, & qui Italiae potiretur, ad imperium omnium terrarum parum ei abesse. Cujus consilii ratio, licet ab Caesare sprete & repudiata fuisset, recordatio tamen ejus apud Sfortiae animum inter veterum irarum incitamenta assidue volvebatur, ut si caetera inter eos amica forent, possent hoc ipso irritari, alter quidem, quod sibi conscius esset, tam maligni consilii, quo Caesaris praeripere beneficium voluerat, alter vero, quod excitatae suae fortunae inimicum ac prope everforem imminens adhuc sibi legionibusque succinctum intra fines eosdem videret. Hinc crebra materies offensionibus mutuis, & veluti stante supra cervices inimico infestior pene vita novo Duci in Principatu, quam ipso fuerat exilii tempore, tunc cum Gallicis prius armis, deinde Caesaris ira Principatu arcetur. Sed exigendo etiam ipse tributa dissolvendis pensionibus, effecerat, ut Reipublicae status nihilo melior esset hoc tempore, quam cum Galli vel Hispani tributis urbem injuriisque vexarent. Et odio metuque Levae coeperat in singulos saevire cives, quoscumque vel deditos ei, vel aliquo ipsius beneficio devinctos esse compererat. Mitissimus antea Princeps, & ob mansuetudinem civitati semper expetitus coeperat nunc esse praecipad credenda deteriora: praecipitemque credulitatem poenae in suspectos sequebantur, exilia nempe & proscriptiones, & exilio vel proscriptione funestior dissimulatio in alios, quos in urbe retineri tutius videretur.

Ea nova calamitas nobilitati Mediolanensi exorta erat, manebatque donec origo mali tolleretur, placatis casu quodam inimicitiis, quas Sfortiam inter & Levam magnas, atque capitales fuisse demonstravi. Pacificator autem ille casus hujusmodi fuit: Philippus Archintus, quem ter ad Caesarem Reipublicae Mediolanensis nomine fuisse legatum ostendimus, quique Archiepiscopus postea futurus erat, egerat semper praecipua apud Levam gratia, & honores ante Sfortiae reditum obtinuerat ab eo, quoscumque ab Regio Praefecto in sua patria obtinere honestus civis posset. Ea beneficia & honores Archinto tributos torve intuens Sfortia, destinaverat hominem inter capita infida sibi, & inimici sui amicum amovere ex urbe decrevit. Dici ei jubet: melius fore si discedat ultro: diesque praefinita, intra quam excessisse finibus deberet. Enim vero, Archintus, repentinam eam vertendi soli necessitatem aegre admodum ferebat, sibi & familiae fore ignominiosam rebatur. Tum quia immerito res ea sibi accideret, etiam impavidus, & irato similior quam supplici, Franciscum Tabernam, juris praefectum intimumque Principi adit. Vixisse cum fide sese erga Sfortiam testatur, & nullius culpae rerum ejici patria, quae testis esse posset innocentiae fideique suae. Caeterum, non tam displicere sibi, quod sic immerito ejiciatur, quam quod injuria illa, pulcherrimi operis fructum interceptura esset, in quo tunc maxime ipse fuisset occupatus. Videntem enim sese & reputantem quam damnosa patriae, quam molesta Principi essent illa, sive odia, sive dissidia, sive suspiciones & offensae, quae cum Antonio Leva exercerentur, negotium id ultro habuisse susceptum, ut Principum animos pro ea quam habere videretur auctoritate reconciliaret: ac sperasse rem posse confieri, jam-

A que certissima pignora reconciliationis ejus, quod ad Levam attineret, manibus tenentem, atroci denuntiatione esse percussum. Studiosus homo, tum publici otii, tum Principis utilitatum, Taberna ille erat, ac pro eo studio magnopere angebatur, videns infensum Sfortiae esse Hispanum, qui, cum arma exercitumque haberet, Caesarique praeferebat auctoritatem, posse videretur in recenti dominatu obesse rebus & cuncta evertere, sicuti Davalus antea obfuisset, atque evertisset collega fraudis eodem. Itaque spe pacis injecta illa, simul audita defensione, vel potius querimonia Archinti, demonstrat Principi hominis innocentiam, eique persuadet, ut, & salutarem, egregiumque civem domi retinere velit, & ad conciliandum sibi Levam eo interprete utatur. Fuit deinde in urbe Archintus multa apud Sfortiam gratia ob id meritum, quia opus inchoatum absolvens, rationibus inducere suis potuit Hispanum, ut offensione deposita omni, & abjecto si quid hostile meditabatur conferret ultro sese ad Sfortiam & bona fide cum eo in gratiam rediret.

Minime dubitatum est apud prudentes, quin perniciies aliqua vi sive dolo confata Sfortiam maneret, nisi inimicitiae illae sublatae essent. Earum sine quievere civium etiam calamitates, quae, & oriebantur inde, & gliscente duorum Principum odio crescebant simul. Sfortia, casu magis quodam, & Archinti illius opera, quam ullo suo consilio depulsis periculis, quae ab inimico, sicuti demonstratum est, Leva, imminabant, ipso novi Principatus initio devenerat in pericula alia longe etiam graviora ob irreparabile damnum existimationis, turpemque notam ejus nomini imminentem, si Dux Mediolani ipse, propter quem, inter duos Reges tanta contentione dimicatum esset, cujus causa, multi Gallorum exercitus, multa Hispana agmina, Romanae legiones, auxilia Venetorum, omnia fere Christiani nominis arma in unum convoluta discrimen fuerant, nunc ab exsule Medicaeo, non proditioe aliqua, vel incurfu tumultuario, dolisve ullis, sed justis more belli opprimeretur. Nihil enim propius factum est, quam ut accideret istud: ac si qua deberetur venia nimium jam tricarum atque tumultuum assumendi mihi, nusquam ea justior, quam in parte hac operis fuerit, ubi tradentur res gestae Jacobi Medicaei, illius scilicet, qui D. Caroli avunculus, Pii I V. frater fuit, qui ultimis mandatis expiata superiore vita, & fororis filio dignum sese praebuit, & fratre, quem demum uterque expiantes addidere ornamenta publicis Ecclesiae rebus, & militariae aenea statua posita in templo maximo quotidianas ei hostias decrevere.

Medicaeus, audacia, & virtute sua, & prosperis rerum eventis in eam, quam demonstravi, fortunam eventus, ubi restitui Sfortiam, eamque restitutionem Bononiae agitari magno Principum studio accepit, proficiscitur ipse quoque Bononiam, & deprecatore Leva, cui debere sese cuncta profitebatur, petere a Caesare institit, ut fieret earum rerum auctor, quas sibi Leva concessisset, castellaque & arces, & loca omnia, sicuti jam ex pacto haberet, munere concessuque Regio posterius etiam ipsius haberent. Id cum praefice negasset Caesar, dixissetque placere sibi, ut Sfortiae cuncta restituerentur, reversus ille domum, ad bellum haud dubie imminens sese parabat, Principesque finitimos, quorum fidei sese antea tradiderat, invocabat, ut sibi praefidio essent. Sabaudi praesertim ope nitebatur, qui pollicitus erat se ei nullo modo defuturum. Is Episcopum Vercellarum ad Sfortiam misit, petens ab novo Duce, ut honesta aliqua conditione cum Medicaeo transigere vellet: id sibi gratum, & utilius fore ipsi, quam recuperato nuper patrio imperio bellum sumpsisse novum, quo, ne vicisset quidem expediret ob civium cladem sine qua non posset vincere. Sed ne victoriam quidem esse certam ob vim ingeniumque hostis, & locorum naturam, quibus ille sese tueretur. Ea cum ab Legato dicerentur, minime Sfortia abnuebat veluti cupidus homo otii, rebus accisis, & anxius praecipue pecuniae summa, quam Caesari ad diem perfolutam esse oportebat: festoque insuper tot praeteritis casibus animo, partem vitae suae extremam cum aliqua exigere pace aiebat. Apud Me-

Mediacum dispari de causa studium otii idem erat, nec leve lucrum ei, si absque armorum discrimine retinere posset ea, quae armis & dolo invasisset. Inclinatorum ita ad quietem animis, Sabaudus legatus conditiones haece pacis ferebat: Haberet Medicaeus Musium, & Leucum, & quidquid in Larii lacus ora jam teneret: cederet omni cis Abdum regione: Montem Acutum relinqueret: deduceret praesidia ex Brianteis, neu colles postea attingeret. Populis & terris quae ipsi relinquerentur ita imperitaret quomodo quilibet alius Princeps imperitat suis: vitae necisque arbitrium, arma & milites, & auri, argenti, aeris, flandi feriundi potestatem intra suos fines haberet, nulla in re subiectus obnoxiusve Duci, nullo in causis iudicisve respectu vel cura imperii majoris. Quas lites, causas, ipse magistratusve ejus alicubi judicassent, earum litium, causarum iudicia, concessionem item & privilegia, si cui ab ipso, vel a suis data essent, rata haberentur: neu rescindi & aboleri quidquam earum rerum ullo modo licitum esset. Persolveret Duci Medicaeus quadraginta millia nummum aureorum pecuniae praesentis: Dux Medicaeo modios aliquot salis & tritici in singulos annos absque pretio ullo exportationis daret. Cum haece pacis conditiones edidisset legatus, neque cuiquam esset dubium, quin res ita convenire posset, turbavit eam spes casus primo unus, deinde ipsius Medicaei mutata repente voluntas, additis insuper stimulis eorum qui bellum illud civili simillimum bello, quam patriae otium malebant.

Antonius Dugnanus erat ex Medicaei affeculis, carus admodum ei, ob promptum ingenium ad facinora: & quia multos in urbe consanguineos amicosque haberet, tanto pluris apud eundem fiebat. Forte hic, interea dum conditiones agitantur, ausus venire in urbem, & pro exploratore comprehensus Sfortiae iussu in vincula conjicitur. Medicaeus ob id factum percussus ira, dimissis in varia loca cum delecto equite fratribus suis, plerosque vicissim capit e nobilitate Mediolanensi, qui nullo tali metu, velut in media pace rusticatum exierant. Ea nobilium captivorum manu (& erant fere Principis familiares) ducta ad Montem Acutum atque abstrusa ibi in latumias, ad Bentivolum, qui pro Sfortia ipso regebat urbem, illico scribit: Dugnani captivitate se existimare bellum sibi esse indictum, accipereque denuntiationem, & quo animo acciperet, eodem animo iturum esse ad arma. Caeterum ita acciperet sciretque Sfortia: si quid gravius ab eo in Dugnanum forte consuleretur, id se etiam in captivis suis absque mora imitari paratum fore. Denuntiatio ea repente Dugnanum solvit, sospesque ille ad Mediacum est dimissus, & vicissim hic aperto ergastulo emisit suos. Quae dum fiunt, conticuerat omnis de pace actio, rursusque post dimissos utrumque captivos, resumitur eadem, deinde deseritur, rescindente scilicet Medicaeo caput illud, quod de quadraginta millibus in praesentia praesolvendis inter conditiones erat. Resciderat autem abnueratque Medicaeus id pactum, obstrepentibus praesertim amicis, quorum ille consilio & opera utebatur. Namque fore, aiebant, ut si ea pecuniae summa res Sfortiae angustas laxaret, nollet ille postea stare conventis, atque ad ea, quae concessisset, revocanda, subsidio illo armaretur.

Legatus Episcopus, ubi difficultates exoriri tantas, invicemque refractarios esse Sfortiam & Mediacum videt, ab utroque postulavit, ut sex mensium induciae essent. Sic posse mitigari animos, remque componi. Interea Medicaeus ab Sfortia nactus id quietis, ad negotium aliud longe maximum, gravissimumque mentem adjecit, si pellere ex Vallemthellina Rhactos, idque terrarum adjungere sibi posset: quod bellum accessio fuit ejus, quod cum Sfortia postea gessit, & dimicatio illa hanc trahebat.

LIBER X.

VALLEMTHELLINAM, cujus tractu & sinu Medicaeus hoc tempore exigere Rhactos parabat, incolae sic dictam putant ex nominis ejus

A castello, quod antiquissimum in eo tractu est, & antiquitati manet honos, eaque semper munimenta instaurantur. Clariora tradunt alii Valthellinensium initia: Vulturenam Urbem in faucibus Larii lacus sitam fuisse: nomen eam dedisse genti, Vulturenosque inde appellatos. Excurrit longitudo Vallis ab ipsis faucibus ingressuque primo, ad usque Alpium Rhaeticarum radices: colligit millia passuum sexaginta. Dimensio latitudinis incerta est, quia montium valliumque conterminarum extrema, prout cedunt aut prominent, nunc contrahunt spatia, nunc dilatant. Contermini sunt, ab Oriente, Tirolenses & Solani: a Meridie Bergomates, & Camuni: Pefclavenenses in Septemtrionem, Engadinique & Rhaeti miscent sese Vulturenis: ipsi vicissim, ad Occidentem, Larii lacus accolae attingunt. Per mediam Vallem rapido cursu fertur Abdum, cujus fons in summo Rhaeticarum Alpium vertice ortus, larga scaturigine tanti alvei gurgites implet. Regio vini terax est: proveniunt etiam sata quaecumque duci fulcus potuit: pascua, & glandiferi colles, id quod in alimenta incolarum deest, aegre explent. Incolae, vel alimentis contenti illis patrium solum fatigant, glebisque suis misera dulcedine perpetuo attinentur, vel peregre egressi per omnes Italiae urbes, patientiam eandem seignioribus urbanorum humeris commodant ad ferenda onera, eaque bajulorum Respublica est. Paucae familiae celebrantur antiquitus nobiles & opulentae: reliqua egentium multitudo.

Caeterum, de terra hac, ut inter valles alias, amoenam, & divitem, ut inter Italiae Regiones, paupere & infelici, tamquam de provincia nobili & magna, propterea quod extremum Italiae limitem aperit clauditque, saepe dimicatum fuerat etiam aevo simpliciore, cum nondum opportunitates, & compendia ista terrarum tam attente intelligerentur. Et postquam in Romanum Imperium cessere Itali, non minima cura limiti etiam huic tuendo Caesaribus fuit. Dein rupta Imperii reverentia, duces partium, cum turbarent certaminibus suis traherentque cuncta, Vallemthellinam simul appetivere tumultuariis illis armis: Guellicae & Gibellini, Vicecomites & Turriani, magnis motibus initia finemve inde sumserunt. Victis Turrianis, & exorto Vicecomitum dominatu, pars novi imperii fuit haec Vallisthellina, donec Bernabos, diviso inter filios imperio, partem Mastino eam attribuit paulo antequam ab Joanne Galeacio captus exstingeretur. Tunc paterni casus terrore, & dominatione patruelis profugus ad Rhactos Mastinus Vallemthellinam eis donat. Sed ea donatio quoniam ab exfule facta esset, irrita habita, depulsoque patruo Joannes Galeacius cum in avitum imperium ipse successisset, ad recuperandam Vallem, & deiciendos inde Rhactos animum adjecit: & vario postea semper circum eas rupes eventu dimicatum obstinatis barbaris ad ea obtinenda, quae semel usurpassent, & stimulante Principes nostros, praeter verecundiam, etiam religione, si Calvini, & Lutheri soboles impura sub oculis pene dominarentur. Non Philippus Maria, Joannis Galeacii filius, non post ejus mortem finitae domus fortunam Sfortia adeptus desistere actionem eam persequi armis.

Post Sfortiarum inde finem, dominante Hispano, inter alias imperii curas dilata res, five infeliciter tentata est, nimiumque magno Italici nominis dedecore genus infame Lutheri Metropolitanis finibus immiscebatur simul, & ereptam eam Metropoli partem occupabat. Aetate demum nostra, cum importunitas, & impudentia sectae impensius glisceret, essetque provecta eo, ut Catholicas familias, quae promiscue incolunt Vallem, ferro atque igni delere conjuravissent, id malum eaque conjuratio in capita impiorum vertit, auctore operis Gometio Ficeroa Feriae Duce, Catholicorum exercituum Imperatore, qui, caesis intra paucos dies Lutheranis, & liberata regione, veterem eam patriam Catholicis tuto secureque habitandam assignavit. Inde hostium foedera, Gallici incurfus, & suffecturae voluminibus aliis fraudes: dum regio horrida saxis, inclusa montibus

tibus patria infelicitum bajulorum, egestatis sedes, deficientis Italiae lacuna, sive rudimentum incipientis, asperitate cautibusque suis, & ipso faucium squalore, Regum prope populorumque omnium invidiam, arma, sollicitudines movet, dumque trucidato, vel pulso Lutheranorum coetu, asseritur Catholicae religioni, & devoluta rursus ad impios, eorum insuper furore vastatur. Tanta cura Principibus circa claustra faucesque illas: & cum ab Catholica parte interpretatio anceps civilibus ingeniis data esse videatur: studiumne tantummodo religionis, an vero cum religione, opportunitatum etiam aliarum amor moverit animos: nullam certe religionem jactare possunt, qui captata occasione ingressi illuc, nihil omisere quod impie nefarieque committi posset. Verum quaevisse ista & discrevisse, ne tunc quidem juvabit, cum narrandi, atque dijudicandi talia erit locus.

Caeterum Vallem thellinam hanc, in quam Medicaeus hoc tempore expeditionem parabat, D. Carolus etiam postea multum diverso conatu, tamquam Metropolitanae Imperii partem recuperare contendit: mirumque dictu, Avunculus ille D. Caroli, ductor exfulum, & exful ipse, profano tunc spiritu, & aviditate terrarum, praelia ciens illa, nescius futuri, simulacra praelii sanctioris edebat, quod bellum expugnandae impietati D. Carolus Archiepiscopus urbis in juga recessusque eos suo tempore illaturus erat. Et profecto, non sine Numine praecessit illuc Medicaeus, ut divinae providentiae miraculum ventura secula loquerentur, & aliquis ita diceret: *Interfector hominum Avunculus per saxa rupestresque illas cum exercitu arma & caedem exitiumque ferens incescit. Avunculi calcans vestigia sororis filius, cruce, pastoralique alloquio armatus, tulit hominibus salutem.* Montosa igitur & praerupta cavaque haec Italiae Germaniaeque confinia nondum tantis nobilitata casibus, ceu provinciam aliquam inclytam amplexus toto animo Medicaeus, consilia, & apparatus ad rem aggrediendam hosce habebat. Videbat primum omnium, aiebatque inter suos: si Regionis ejus potirentur, non modo inextinguibiles fore ipsos Sfortiae armis, sed aliis quoque metuendos ceu tenentes claustra provinciarum, arbitrosque transmittendi belli, vel ex Italia in Germaniam, vel inde in Italorum fines. Et ubi semel invasisent tenuissentque munimenta illa facta naturae sponte, suffecturos adversus quamvis numerosa agmina, cum satis frugum in praesidii alimenta praeberet ager, & imminentes tumuli castellorum explerent vicem, ex quibus intacti ipsi propellere subeuntes possent. Sed fortasse etiam quiete ibi regnatos, magnumque dictu fore, ut & terrori omnibus essent simul, & cum bona omnium pace Regionem tenerent, neque vi ulla hostili lacefferentur. Infectam esse Lutheranismo Rhaetorum gentem, rebellem Apostolicae Sedis, nomini Austriaco semper infidam: & Regem Galium, cujus praesidio gens ea nitatur, posse conciliari obiecta illecebra, si iter ei per suos fines ad invadendam denuo Insubriam darent.

Talia quidem ab Medicaeo sermonibus consiliisque agitabantur, cum ille expeditionem in Vulturenos sive in Rhaetos pararet: expeditionis autem apparatus erat hujusmodi: Mille pedites Italici generis: nationum aliarum fere quingenti: & quotidie plures affuebant jam assueti bello, impatientesque otii, quod Sfortia restituito prius, deinde pactis induciis repente exortum erat: legionem praeterea unam ex Germania Vultheodericus Sitticus adducebat: tormenta complura minoris formae subditis aptatisque rotis, ut in montium etiam cacumina facillime agi possent manu: belli Duces egregii: Georgius Capucianus Epirotarum equitum praefectus: Caesar Neapolitanus disciplina patris & ingenio suo multum laudatus inter bella. Tecanum quoque nobilem Rhaetum & inter primores gentis clarum militia corruerat occulte devinxeratque sibi, ut Rempublicam suam in medio discrimine proderet, quod tamen postea non successit. Aderat etiam ei Caravacca, homo Hispanus tanta subtilitate ad explorandas hostium res, atque tam varias & novas latendi artes perpetua meditatio-

A ne & solertia animi affecutus, ut in alienis castris versaretur ea securitate, qua quis domi suae ageret. Instructus ita Medicaeus, mittit repente Gabrielem fratrem cum septingentis peditibus in Vulturenos,isque prima irruptione Morbenium capit, captum validis undique sepimentis firmat, ut apertus antea pagus subito munitae urbis instar esset. Ea re cognita Rhaeti vario telorum genere armatos ad quatuordecim millia statim pago circumdedere. Sed agrestis & tumultuarius fere miles erat, atque rudis ad omnem oppugnandi artem multitudo. Stoliditate ingenta sese ultro ad omnia loca objiciebant, ubi promptissime vulnerari & cadere possent. Cecidere ad quingentos: reliqui dissipati, valle relicta Albitana Traonam ultra flumen concessere. Tecanus in ea oppugnatione plumbeo missili ab gregario milite percussus frontem, occubuit, cum fretus agili corporis robore, gallatoris instar utraque manu alte farissam tenens, sese intra septa ejaculari voluisset. Ingenuisse eo casu Gabrielem ferunt, & acceptum intro corpus cum multis lacrymis honeste sepelisse. Inde orta suspicio prodicionis apud Rhaetos tam valida ut nondum exolescat, eaque labes Tecani nomen inter barbaros secuta est.

Parta victoria, captaque in hunc modum Valle, Medicaeus, quacumque imperitabat, supplicationes in triduum more Romano decrevit, ipseque ivit ad templum supplicatum, & omnis alius honos Deo immortalis ob incruentam eam expeditionem aliquamdiu ad Montem Acutum totoque Brianteorum tractu habebatur. Parochi omnes, & Clerici, & quidquid hominum sacrorum in Monasteriis erat, circummissis ab Medicaeo edictis admonebantur, ut in suo quique templo populos docerent adorare Numen ob eam rem, quae divino beneficio tam prospere successisset. Tanta erat, vel pietas & religio Medicaei in media curarum aliarum infania, vel confusio miseriaque temporum, ut profanus homo Clericis talia imperitaret. Edicta autem ea, ab aliis ob metum cum reverentia obsequioque accipiebantur, apud alios irrita erant: & ille, vel quia non intelligeret adspiciendi causas, vel quia nollet intelligere, tamquam in contumaces severe animadvertibat. Quosdam & teruisse contentus intactos dimisit. Referamque id, quod puero mihi contigit, ut narrari audirem ab montium nostrorum antiquissimo homine, qui, spectaculo se adfuisse, aiebat. Spatiabatur ad Montem Acutum tempore matutino Medicaeus in arca, quae ibi subiecta arci & aedibus tunc fuit: nunc arbuta & vites occupavere locum. Precantis more rosarium tenens, globulos illos, uti fit, per intervalla trans mittebat: & fortasse preces erant. Interea lictores adducunt, sistuntque ei Presbyteros duos, qui sprevisse edicta, neque supplicationes indictas obire voluisse dicebantur. Steterant attoniti in conspectu Principis, cumque ille protinus afferri securiculam jussisset, perfusi necis horrore conabantur utique dicere & excusare non nihil. Mox, allata securi, innuit ei, qui attulerat, ut ramum illum quemdam prospectui officientem amputaret: dixitque Presbyteris: abirent affluerentque obedire.

Caeterum, tam prope, tamque feliciter capti Vultureni erant, ut miraculi pene loco haberetur, quod in magna hostium caede victor, duos tantummodo e militibus suis, lixam vero unum amisisset. Constiterat deinde exercitus ad Morbenium, & majores quotidie copias submittente Medicaeo, Gabriel idem a fratre antea missus pergebat constituere Vallis imperium:isque Traonam, & Clavennam, & Tiranum, intra paucos dies capta habebat eadem felicitate, qua principio Morbenium ipsum cepisset. Tunc Medicaeus, aucto ad fortunae magnitudinem animo, non dubitavit etiam legationibus de re gesta mittendis imitari Principum morem, & ea, quae auspiciis suis, fratris ductu gesta in Vulturenis essent, demonstravit Pontifici Maximo per Augustum, e fratribus tertio loco natum, qui Romae agebat: Caesari per Carracium Protonotarium: Senatui Veneto per Leonem Arigonum: Principibus Regibusve aliis per nuntios alios, perque litteras, quarum exempla vidimus. At apud Sfortiam, interprete Bentivolo,

volò, simulabat, communis utilitatis causa sese expeditionem eam fuisse in Vulturenos, & nova illa conquisitione contentum remissurum pleraque de conditionibus, & pacem, quocumque modo vellet ille, conventionem. Vicissim ab Sfortia simulabatur: quod Regione ea Rhaeti depellerentur, gratum sibi laetumque esse: namque fuisse Mediolani Ducum olim, nec debere ultra Barbaris relinquere. Talia invicem finxerant iactarantque mutuo infensi, interimque Sfortia diligentissime Caesarem monuerat, de subita impressione Medicaei in Vulturenos, & quid negotii foret, si ille ibi figeret pedem. Inde cuncta statim infesta Medicaeo: subducti Hispani, quos in exercitu habebat, denuntiaturumque Sittico: pro hoste ipsum fore, nisi dimitteret legionem, quam illius nomine conscripisset, ipseque maneret domi. Cum tot repente pericula Medicaeum exterruissent: hinc digrediens quotidie Caesaris iussu miles: hinc subtracta Germanica legio: simul instans ab tergo Sfortia ruptis induciis, & maiore numero defluentes e montibus Rhaeti: pretium ei fuit revocare Gabrielem ex Vulturenis, militesque, qui cum eo erant, ne repente ibi opprimerentur.

Omissis ita Vulturenis, bellum deinde aliquamdiu gerebatur inter Sfortiam, & Medicaeum aequo prope Marte, non sine admiratione hominum & fremitu, quia Dux Mediolani tanti terroris nomen etiam inter magnos antea Principes adversus exsulem nunc unum habere delectus, & emittere cogeretur ab urbe agmina tamquam adversus irrumpentes novo agmine Gallos: vel certe tamquam iuncta rursus hostium etiam aliorum arma Metropoli imminerent. Pugnatum est classe primum in Lario lacu; eoque praelio superior Medicaeus fuit: Sfortiani superstitibus concitatis in fugam navibus ad Gravedonam appulere. Ibi assumpta Rhaetorum manu, cuncta fere, quae Medicaeus circa lacustrem eam oram tenebat, invaserunt, validoque praesidio munire Belasium, quo nomine collis in promontorii faciem, medio fere spatio Leucum inter & Mussum, imminet lacui, qua flectunt sese undae Novocomum versus. Gestas navibus haec, praebente lacu aequoris vicem spatiaque classis, & fluctus, & quidquid etiam in pelago existere saevum atque atrox potest. At in Briantaeos terrestri dimicatione, non minus casuum, & periculorum, & caedis in utraque parte fuit. Summa rerum ad Montem Acutum confiterat, existimante Sfortia ne quidquam in Larii vel Abduae ora res prospere gestas fore, si arce ab illa Medicaeus, hinc Orobios, hinc Briantaeos tenebat. Itaque missis illuc exercitu, obsessa, & oppugnata, deinde capta est, quomodo pertinacissimas olim gentes, post omnia, quae pati potest humanum corpus, cessasse demum necessitati, litterae veterum prodidere: ibique civium Mediolanensium, quive secuti Medicaeum propugnabant arcem, quive ab Sfortia missi perire illa rebellium munimenta nitebantur, enituit prope ad miraculum, & cum horrore spectata est, five virtus, five quaedam ex virtute rabies. Criminalem quemdam Medicaei Signiferum ferunt, cum ipsius frater ad custodiam defensionemque propugnaculi unius appositus ex vulnere cecidisset, eoque casu perterriti caeteri fegnius jam repellerent scandere nitentem munimenta illa hostem, conspecto discrimine profiliisse illuc, & arrepto mortui fratris crure, projecisse cadaver e muro, ne tristis ea species averteret a pugna animos, & ipsum deinde pugnasse vi tanta, truces undique circumferentem oculos, ut Sfortiani plerique ad spectum ferre non possent. Idem postea captus perductusque Mediolanum, adeo commoverat animos admiratione virtutis, ut ingentium rerum promissa adhiberentur ei, si in Sfortiae militare castris, & fidus esse Principi vellet. Abnuentem dimitti iussit Sfortia, virtutem etiam in rebeli & transfuga admiratus. Crediderat enim Joanni Baptistae Speciano praefecto rerum capitalium, qui spectatorem se fuisse aiebat tunc, cum debilitatis commilitonum animis praesidioque labante ob Centurionis necem, infiliens ille in muros contemptor fraterni sensus in praelii discrimine, contemptor vitae capitisque sui, projiceret

A in medios hostes corpus exsangue fratris, idque strage hostium sepeliret, & undique incidentibus in ipsum telis pertinacissime tueretur locum, donec eo capto, propugnaculum simul locusque ille caperetur. Ob tantum animi robur, & quia pertinaci in Medicaeum suum fide majus constantiae specimen dederat, est dimissus. In Sfortiae exercitu pene par huic Franciscus Bernardinus Petrasancta celebrabatur. Eum quoque corpore uno multas aequantem hostium manus, & erexisse vexilla in muros, & deiecisse qui propugnabant, & scandere conantes alios manibus allevasse suis aiebant. Montem Acutum per dies aliquot oppugnatum ita atque obsessum, nocturno egressu deseruere inclusi conspecto pridie signo, quod Medicaeus ex objecti montis vertice sublaturum sese docuerat cum discedi inde vellet. Eo nunc edito signo, desperata defensione Montis Acuti vocaverat suos ad caetera tuenda, Mussum nempe & Leucum, & si qua alia ex Lario lacu, vel ex Abduae flumine spes maneret. Collatis in eam partem viribus, & reparata classe dum ab Musso Leucum navigant, obviae circa Mandellum Sfortianorum naves fuere, protinusque dimicatum. In ea pugna Gabriel Medicaei frater cecidit, quo luctu ad desperationem ille ferme est prolapsus. Juvenis erat annorum xxii. eximia corporis specie, sed indole animi, omnique bellica arte longe praestantior, negligentiaque sui, male cinctam illam, ideoque terribilem adolescentiam Caesaris referebat. Aperto pectore, nudus crura, capite intesto, vili parvoque cibo contentus, sed quoties expedierat, in Germanorum praecipue conviviis, effusissimus citra noxam deformitatemque potator, & pecuniarum idem ad belli usum accumulator occultus, quarum latebras moriens ultimis vocibus indicavit. Huic dum ducitur funus, annuere hostes, ut induciae essent, corpusque in D. Jacobi Aedem quae supra Leucum est, militari pompa delatum: atque mortualem eam caeremoniam quieti Sfortiani spectare e castris suis, & indoluisset multos constabat. Adeo grata fama juvenis ejus etiam apud hostes fuit. Templum postea ipsum, in quo situs ille fuerat, fratris expians Manes, Pius IV. auxit donis, quae ad salutem animorum fructumque vitae alterius indulgere maxima & amplissima mos est Apostolicae Sedi.

Medicaeus, ubi fratri dederat inferias, magno insuper aliquo Sfortianorum damno, sanguineque hostili parentare eidem volens simul, & obsidione eximere Leucenses, nocte, quam facer Virgini Martyrique Barbarae dies sequebatur, assumtis e suorum numero nonaginta duobus, quorum virtuti maxime confidebat, monitisque eis, ut alba tegmina singuli, pallio superinjecto atro assumerent, invocata Martyris ope, cujus pervigilio rem gesturus erat, feliciter hostium munimenta transgressus, alios somno demersos obruncat: semisopitos attonitosque alios, & aegre molientis arma proferunt ipse interim cum sua palliata acie intactus. Stricto deinde ferro sicuti ibat, per media hostium castra sibi aperiens viam, pervenit in Tribuni militum tentorium, ibique hominem reperit agentem impudice noctem eam ob amorem agrestis feminae, quam viro abductam trahebat secum, habebatque conjugali licentia. Exterritum tumultuoso ingressu Tribunum simul & sortum, cumque verbis increpans insuper adjecisset: *Siccine Sfortiae negotium geritur?* iniecit vincla Tribuno, captivumque abduxit. Alexander quidam is erat Mantuanus, qui magno postea pretio redemptus a suis, ob dedecus abiit domum, neque Mediolani amplius fuit. Sic nocte illa Medicaeus parentaverat fratri, solveratque prope obsidionem, & pari deinde per dies aliquot fortuna fere potiebatur iterum lacu.

Gabrielis Cerbelloni virtutem inter eas expeditiones plurimum enituisse ferunt, cum pene puer adhuc ille esset. Affine genus ei cum Medicaeo, atque propinquus ab materna origine sanguis erat: & utriusque fortunae socius consobrinus iste, alumnusque ejus in re militari, debuit etiam eidem ad famam praeconiumque virtutis harum litterarum testificatione congiungi. Fugerat una cum eo Gallicas indignitates, miseriaeque urbis, & ipsam de-

deformatam tum captivitate urbem. Una carus acceptusque Principi: rebellis & fugitivus una: calamitatum expeditionumque omnium comes: & simul atque per aetatem potens armorum esse coeperat, nihil sine eo Medicaeus gessit. Secutis postea temporibus, cum regente Urbem Valthio Medicaeus ob suspiciones exortas in Jovis arce detineretur, penetravit illuc alieno habitu, custodibus elusis, & salutis viam confobrinum ostendit. Rursus, postquam, mutata in melius fortuna, blandimenta in Medicaeum omnia ab Hispano regnante conquirebantur: particeps item ejus mutatae sortis fuit: ac vicissim ipse quacumque in parte Hispana arma essent, ceu praesidium aliquod singulare expetitus, praefuit militiae muneribus, quae illa regnantium natio relinquere apud Italum hominem posset. Tunc tanum quoque Regnum pro Rege administrare jussus, & tota mox ingruente Barbaria circumventus, luit captivitate illa tamquam flagitium inter Hispanos, quia imperitare ausus fuisset. Sed vir tantus, & tanta fortunae varietate conflictatus, in aetatis rudimento hoc tempore erat ea apud confobrinum opinione prudentiae, ut quotiescumque gravius aliquod discrimen aditurus iste esset, relinqueret ei obsignata consilia & mandata, quid geri tentarique oporteret, si casu forte aliquo ipse fuisset interceptus: atque nocte praefertim illa, cum plena hostium castra numero exiguo aggredere, docuerat secreto colloquio adolescentem, quam insilire deberet spei salutisque viam, si capi, vel perire ipsum contigisset.

Caeterum, post ejus nocturnae irruptionis eventum, post alia etiam prospere a Medicaeo gesta, post amissi fratris cladem, Episcopus ille Vercellensis, quem, a Sabaudiae Duce legatum in urbem de pace venisse, memoravi, prospiciens, hinc labantem Sfortiae vitam, imbellemque animum, & apud eum aptiora cuncta paci quam bello, hinc apud Medicaeum res incertas & in lubrico fortunam, & fractos Gabrielis nece spiritus, funestamque domum, speraverat in ea rerum & animorum inclinatione rem ipsam posse confici cujus causa missus ipse esset: neque spes eum fefellit. Repetita actione, & jactatis iterum conditionibus, pax denique convenit inter Franciscum Sfortiam Mediolani Ducem, & Jacobum Medicaeum gladiatorem primo, deinde exulem, postremo hostem, ac prope debellatorem Principis sui, & facta pace, post illius mortem in novo dominatu fidum Regi & carum. Summa conditionum haec fuit, adductis ad aequitatem capitibus, quae Medicaeum antea prope acquando fortunae Principis, ut iniqua & indecora offenderant animos remque turbarent. Nunc erant honestiora omnia, discrimenque agnoscebatur inter eum qui veniam dabat, & eum, cui venia fuerat opus. *Omitteret Medicaeus cuncta quae occupasset, Mussum & Lencum, loca alia omnia, terras omnes: instrumenta quoque belli, tormenta, naves, sulphurei pulveris copiam, pilas, & quidquid frumenti sive salis haberet. Perolveret Sfortia Medicaeo quadraginta millia nummum aureorum, mille annuos assignaret: Meliniani Demarchum appellaret ipsum, posterisque ejus: fratribus Medicaeis, & omnibus, qui paries secuti eas fuissent, redditus in patriam daretur, venia oblivioque praeteritorum esset.* Haec ita conveniant.

Sed maluit Medicaeus relicta patria conferre sese ad Sabaudiae Ducem, quam in ejus imperio vivere, cui rebellis fuisset: abiitque cum fratribus suis, datis etiam ab Sfortia militibus, qui ad extremos usque provinciae fines praesidio simul & ornamento essent.

Sfortia deinde ipse moritur, facto testamento, quo Caesari legabat imperium: & missa in Regiam legatione Mediolanenses, sese urbemque ei, & sua omnia illico permiscere, petentes simul, ut quanta fide & alacritate ipsi venirent in ditionem imperiumque ejus, tanta clementia, & benignitate Regum maximus civitatem populumque & Ecclesiam Italiae maximam suscipere ac tueri semper vellet. Principes legationis fuere, Maximilianus Stampia, & Philippus Archintus, de quo, postea Archiepiscopo Urbis, alibi dictum est, caeteraque de irrito ejus Pontificatu, postea, sicuti succedere, tra-

A dentur. Tam gratiae, & rebus opportuna suis legationi respondit Caesar omnia, quae renuntiata Mediolanum gratissima esse civibus possent: *Agnosceret se Mediolanensium suorum obsequium & plenam fidei voluntatem: agnosceret quod temporum culpa accidissent quaecumque essent vitio data civitati generosae, populoque nobili & gravi. Quoniam ea sua opinio de Metropoli esset, re etiam ipsa esset ut omnes intelligerent, nullam in imperio suo gentem esse, quam in pretio & caritate majore haberet. Ejus suae voluntatis animique pignus id referrent domum, quod omnes magistratus, omnia jura, quae Mediolanenses antiquitus tenuissent, tenere etiam in posterum juberet, formamque & leges manere civitati, quibus legibus fundata olim per tot saecula florens incolumisque steteret.*

B Haec in commune legatis responderat Caesar: Archinto deinde separatim dixit, velle se opera ejus uti: proinde ex aula ne discederet. Simul consiliarium suum eum creat: muneri tituloque huic convenientem & decorum in aula locum assignat. Fuit deinde apud Caesarem in eo munere Archintus, donec Pauli III. Pontificatu de re maxima & gravissima missus Romam, & Pontifici illi probatus, invitatione hortatuque ejus ad Ecclesiasticam vitam adjecit animum: idque principium ei honorum fuit, unde per gradus ad Patriae Pontificatum perventurus erat, ut in honoris denique ejus aditu prope exsul cum civium dolore exstingueretur. Nunc fausta ei secundaque cuncta erant: flagrans apud Pontificem Maximum cognitae virtuti dexteritatisque honos: quodque maximum omnium fuit; in Caesaris aula, inter Hispanos, homini Mediolanensi, nulla interrim malevolentia, quae praesenti, vel absenti, palam, five occulte noceret. Id namque demonstrare Caesaris testimonia de ipso: & invitatus ab se hominem dimisit, ne Pontifici negaret, cujus demerendi occasiones omnes tunc ultro conquirentur.

D Peracta Romana ea legatione, cum Archintus reditum ad Caesarem pararet, appellat eum benigne Pontifex Paulus, quod bona Caesaris venia facere queat, ut Romae esse deinceps velit, ac sperare ibi praemia, quae virtuti numquam defuerint apud Apostolicam Sedem: honeste sentire se de eo, nec dubitare quin ipsius opera publicis Ecclesiae rebus utilis esse possit. Ille praefatus pauca de eo quanti tale de se judicium Pontificis faceret, excusata Caesaris Majestate, dimittitur in praesentia quidem, & Caesari impigrenavare operam jubetur. Sed paulo post, dum renuntiata legatione, alia deinceps, atque alia Caesaris mandata exlequitur, adfuere Pontificis litterae, quae Apostolicae Sedi hominem concedi eum postulabant, litterisque eis acceptis Caesar hactenus dubitavit, ut Archinti voluntatem super ea re exquireret. Postquam is nihil arbitrii sui esse, nutusque heriles fore sibi pro imperio simul & pro voluntate, aiebat, hortatio Caesaris est infecuta, Romam uti proficisceretur: sic Pontifici Maximo placitum esse: ejus auctoritate se quoque commotum annuisse, ut viro egregio fidoque ministro careret. Ab eo colloquio Archintus Romanae protectioni sese accingebat.

E Sed antequam ex aula abiret, retulit ad Caesarem in supremo concilio, sanctioreque Senatu de lite Montisferrati, quae per eos dies magnis agitata contentionibus, & ad bellum prope deducta, Caesaris arbitrio componebatur: isque Archinto mandaverat, ut cognitae causae momentis, rei statum & sententiam suam exponeret, quo promptius aequa, & iniqua discernerentur. Cum enim Bonifacius, Montisferrati Marchio, & Joannes Georgius ejus patruus, ille lapsu & consternatione equi, hic morbo absumtus, uterque sine ulla liberum stirpe decessissent: treis simul exorti, Sabaudus, & Mantuanus, & Salutiensis, hereditatem adire volebant eam: & sua jura singulis erant, singulos armabat spes & fiducia praesidii alieni, cum instinctu & favore potentiorum unusquisque niteretur. De ea controversia exposuit Archintus apud Caesarem & Selectos, quidquid inspecto successionum & gentilitatis jure, originibusque examinatis, ad judicii ejus aequitatem pertinere statuisset. Romanam

mam deinde proficiscitur, & parato statim ad sacros honores aditu, Protonotarium Apostolicum Pontifex Maximus eum creat, non ex centum millibus illis, qui pretio definito parvoque aere nulli denegata vocabula emunt, sed ex nobilioribus inclytisque septem, qui jam inde a Clemente Primo, scribendis Martyrum casibus instituti, in tantam postea dignationem pervenere, ut Episcoporum dignitati antestarent, donec a Pontifice Pio, modus imponeretur. Mansit tamen honos vetustae origini, & ampla emolumenta titulum sequuntur, ac patrum nostrorum memoria Pius IV. cum D. Carolum, sororis filium admovere sibi & summis Ecclesiae rebus vellet, initia tantae spei ab rudimento hoc sumit, Protonotariumque creavit eum unum e septem. In eundem nunc ordinem numerumque Archintus ipso Pontificiae familiaritatis initio adscitus, per vestigia illa D. Caroli ad patriae Pontificatum ingrediebatur. Paulo postea, Praefectus Urbis ab eodem Pontifice est factus: eamque praefecturam ita gessit, ut severitatis, & innocentiae ejus pleraque exempla magistratum eundem inituri perhorrescerent, donec, sicuti caetera mortalium, ex fama praedicationeque communi exolvere.

Sed & comei inter facetos humanae vitae casus fuisse ingenium memorant: atque inter caetera tale quiddam narratur ex Romana illa praefecturalitteris mandatum ab iis, quibus custodire ista curae fuit. Peregrini duo homines in urbe, Hispanus quidem alter, alter vero Germanus, cum eidem mulieri assuevissent, eaque neutrius fortasse fati peperisset, quod natum erat, ambo vindicabant sibi, & ejus incertae prolis uterque dici sese parentem volebat. Cum cedere invicem nollent, ad praefectum Urbis in jusiere, ut alterutri partum ille adjudicaret. Archintus, scorto interrogato, mensibusque computatis, nihil tamen ad ejus judicii veritatem aliquamdiu extricabat. Demum circa patriam eorum, qui prolem sibi eam asserere vellent, callide, philosophatus, rationem iniiit, qua naturam quodammodo ipsam interrogaret. Relictus ob eam litem in materno tecto infans jam pede certo signabat humum, poteratque voces & nutus intelligere quosdam elementa quotidiani sermonis. Hunc in conspectum suum produci jubet. Ubi adfuit, mandat dari falsamenta nonnulla puerulo, atque sic irritata siti, pocula duo admoventur, ut tam ex vini, quam ex aquae capedine bibere posset. Ille, contracto ad Bacchi liquores vultu, vinumque adspersatus avidè lambebat aquam. Tunc vero Germanus (aderat enim uterque litigator) sublato incondito clamore negat ultro, suam esse prolem, atque is controversiae exitus fuit.

Severiore mox alia subtilitate nobilitata est praefectura illa Archinti, de qua item, sicuti accepi, referam. Juvat enim memorare ista, ut quoniam erepto nobis per hominum injurias interceptoque tali Pontifice, fructus simul animi ingenique ejus periere Urbi Ecclesiaeque huic: quales futuri fuerint saltem ex antea acta ipsius vita rebusque apud alios gestis, notitia aliqua exitet. Vir princeps Romae testamentum in haec verba fecerat: Ex duobus gentilibus meis, Lucio & Cajo, uter eorum major natu erit, mihi exasse heres esto. Cum autem essent isti Lucius & Cajus eodem die nati, alter quidem Viennae in Germania, alter vero Cordubae in Hispania: inde lites, & ut in magna hereditate, tota causidicorum rabulorumque turba occupata concursationibus, & jurgiis, & questu: Principesque ipsi urbis, studio & favore in hunc aut illum rabulis & causidicis tumultuose immiscebantur: neque contentioni finis erat. Archintus, uti totam Mathematicorum artem jam inde ab adolescentia egregie percalluerat, ab scientia studioque illo petit argumenta dijudicandae liti, quam nulla Jurisperitorum responsa dijudicare potuissent. Inspecta namque positione coeli plagarum exortivoque puncto, qua in parte sol prius oriretur, in ea natum hominem, majorem esse natu, demonstravit, quam qui eodem die in parte altera natus, diei lumen posterior usurpasset. Subtilis & vera ratio visa iudicibus est, atque testatoris voluntati ita satisfactum.

A Crescente deinde quotidie magis fama Archinti hujus, Sacerdotiis amplis ornavit eum Pontifex Maximus, & Sancti Sepulchri in Etruria Episcopum fecit: nec ideo tamen ex urbe dimittebatur: credo, quia magnis Ecclesiae negotiis fieret, magnisque necessitatibus, ut nota jam prudentia viri magnaeque virtutes honestandae simul & retinendae in aula essent. Ad consilia negotiaque omnia adhibebatur, & gravissimi cujusque consilii auctor ipse erat. Is Pontifici suavit, ut Carolum Caesarem & Regem Franciscum Nicaeam ad spem pacis exciret: cum Pontifice illuc est profectus: atque in agitando ibi pace, tum ab Regibus ad Pontificem, tum a Pontifice ad Reges commeasse quotidie Archintum constat. Ut vero ab irrita illa actione Nicaenoque congressu reditum est Romam, Camerinatensi expeditione legatus exercitui datus, sapientia & auctoritate recepit urbem majore gloria quam si acie dimicatum foret. Tum Vicarius Pontificis creatur, & pro Ecclesia priore quam obtinuerat, Salutensem ampliorem adeptus, id quoque quo nihil dare Pontifices augustius possunt, accepturus erat, nisi Paulum vita repente destituisset. Ab Julio III. successore Pauli, missus Venetias Archintus, quomodo ex ea legatione ad Mediolanensem Ecclesiae Pontificatum arcitus fuerit, postea demonstrabo. Nunchosce Archinti progressus, interjectis aliis patriae casibus temporibusque disjunctos, conjunxi uno narrationis tractu, ut expeditiora mihi ad narrandum cuncta essent, quae Mediolani evenere, postquam, Sfortia mortuo, Carolus Caesar imperium urbis tenuerat.

Namque ad primos de Sfortiae obitu nuntios simul & rumores, sicuti Caesar invadendae urbi erexerat sua sponte animum, & accepta dein Mediolanensium ipsorum legatione, tanto promptius incubuerat in eam rem adieratque possessionem imperii hujus: ita Regem Franciscum Gallosque proceres, vetus & toties infelix, & numquam satis punita libido lymphaverat ea spe, cujus temeritatem, Italiae terris abominata gens, & cladibus semper, & ignominia luisse. Itaque stimulis nunc acti iidem, aggrediendam esse Metropolim fremebant. At tamen cum modestia & ratione non nihil: missoque Mediolanum caduceatore, Rex Franciscus, dedi sibi urbem postulavit, antequam ab domo exercitum moveret. Verum, ubi Senatus populusque Mediolanensis, contempta postulati ejus levitate, Austriaca vexilla Caesarisque nomen locis omnibus attollebant, & eo imperio laeta civitas, quasi libertatem adepta gestiebat: rei ejus invidia frementes in Hispanum Galli, rursus armantur: bellumque novum inde exortum est, quod per viginti quinque annos varia fortuna exercuit Reges: ducenta millia mortalium absumsit: maria terraque infecit caedibus, & urbem, de qua dimicabatur, intactam reliquit. Non enim fuerat animus & audacia Gallis, per vestigia cruenta majorum suorum tendere in Insulas: sed omissa Metropoli, campisque circa eam, qui sepulcra semper suae gentis fuissent, incurfavere Subalpinos, quia Dux ille Caesaris sororem in matrimonio haberet, ejusque praesidio niteretur, laedi sic oppugnarique Caesarem existimantes, & Metropolitano quoque bello viam tutius ita aperiri. Caesar vicissim cum infesto exercitu transgressus est in Galliam: atque ut ad id bellum uteretur terrae ejus milite, quae causa belli erat, adscivit legiones ex agro Mediolanensi: primoresque urbis & ex reliqua nobilitate clarissimum quemque militia, duces esse legionibus, ac secum ire voluit, sive ut obsides publicae fidei illos haberet: sive ut spectatam jam satis cognitamque fidem ea vicissim animi sui significatione complecteretur. In eo Gallico bello Antonius Leva moritur absumtus moerore ob rem ibi male gestam: ejusque corpus, amici, quibus ipse mandaverat, deportavere Mediolanum, & in D. Dionysii aede, quam ab eo exstructam fuisse diximus, splendide sepelierunt. Imperium atque potestatem, quam ille Mediolani habuerat, dividi melius visum: divisaque est ita, ut exercitus, & arma, & res tota militaris Alphonso Davalo, quem Vasthium dixere, traderetur: urbis & provinciae gubernacula penes Carraciolum Cardinalem essent.

Carraciolus hic ille erat, qui sub Protonotarii nomine fidus Caesari saepe etiam antea in partererum & Historiae hujus fuit. Nunc Caesaris commendatione ac beneficio sacrum latum clavum adeptus, atque ob id beneficium aucta apud dignitatis & fortunae suae auctorem gratia, idoneus habitus erat, cui novae provinciae securitas & magnitudo in tanto rerum discrimine nitetur. Primam Caesari coronam ad Aquas Grani imposuerat: legationes obierat: & a Paulo III. fuerat in Patres, Caesare, sicut dixi, producente, cooptatus. Ita de eo perhibet ad dextram templi maximi partem juxta sacrarium tabula subjecta, vel potius insita monumento, quod posuit Cardinali Joannes Baptista frater ex atro marmore, cujus fulgor, atque coagmentatio, naturae illud, hoc artis opus, detinet elegantia, & majestate homines etiam, vel spectandi tantum causa ingressos templum, vel jam operum ibi aliorum admiratione fatiatis. Non enim tumulus ille res est una, quae alliciat oculos, sed faxa speculi vicem praebent: color micat ater: & prope inaedificatum parieti templum aliud cernitur, ut contrariorum quasi mistura possit esse spectaculo, si nihil aliud in artificii magnitudine spectabile admirandumve esset. Tum vero intentum operis descriptioni artificioque spectatorem gloria statuarum avertit. Hinc parens urbis Ambrosius, hinc Hieronymus stant juxta defunctum velut argumento litterarum, & sacrae doctrinae, quae Cardinalem deceret: superne Principes Apostolorum velut Ecclesiae propugnatori praesidium vicissim opemque pollicentur: ipse protenso supra cenotaphium corpore, in abolla & infula cubito levat caput ad instar fere dormitantis. Haec ex candido marmore simulacra moles illa nigra & funesta attollit, quae intuentes eruditi, caetera parum mirantur, & unum istud quaerunt: quomodo potuerit pecunia artifices invenire tam praeclaros. Sed me prope pudet admiratum esse ista, quasi putrescere cum pompa, & fastu, gloriosam esse rem & Historia dignam putarim.

Carraciolo hoc tenente urbem, Vasthio rem militarem administrante, Medicaeus una cum fratre suo Joanne Baptista, Mediolanum redierat, velut in novo imperio, spem gratiamque novam ibi sua in patria libere secuturus: & rediens in Hispaniam Caesar, benigne ipsum allocutus esse ferebatur. Agitassetne adhuc ille turbulenta aliqua consilia, rebusque novis impatiens aequi studuisset, an vero, quietum jam, experiendoque fatigatum, aliena inquietudo, malitiae, & livor, & falsae fortasse suspiciones in periculum adduxerint, incertum fuit. Vasthio certe perniciem ei machinabatur, & hominis absque tumultu comprehendendi rationem inierat hanc, si deliquerat ille, solertem & gravem, si immerito circumveniebatur, indignam atque perfidiosam. Natalitia Christi aderant, quorum dierum gratulatione mittunt invicem xenia cives, mutuoque invitatu exhilarantur. Vasthio jam antea communicatis cum Cardinale gubernante suspicionibus de Medicaeo suis, ita cum eo composuit rem, ut ipso Protomartyris die, seque & Medicaeos fratres, & aliam praeterea amicorum manum in Aulam ille invitaret; posse ita sub vespere convivio egredientes, circumfusa repente Praetoria cohorte comprehendi ducique in arcem: factumque ita est, & sesquianni deinde spatio Medicaei in vinculis fuere, donec interrogati & absoluti, vadibus tamen datis Caesaris jussu dimitterentur. Sunt autem dimissi multum concursante Protonotario, qui de fratrum capite sollicitus, & apud Nicacam Caesari supplex abstulit ab eo litteras, quae Vasthio redditae, fuere eis saluti, cum alio quodam modo dimittere eos hic pararet. Sed & alii plurimum solliciti fuerant, ne Medicaeis capita detruncarentur: mirumque videri potuit, quod ad eripiendos periculo eos exarere Principum etiam studia, quorum intererat sanciri exempla adversus rebelles: & prope Hispanorum inter ipsos pugna erat, de puniendis Medicaeis, aut dimittendis.

Alvarus Luna praefectus arcis, Mediolani apud Vasthio: & Granvelanus in Hispania causam eorum mirifice egerunt. Simul ex Germania, Rex Romanorum,

A adjuvante Sittico, deprecator fuit. Neque dedignatus est Florentiae Dux Alexander, cum super ea re litteras ad Vasthio scriberet, consanguineum suum appellare Medicaeum hunc: & gloriam inde petiisse videbatur. Amici quidem & propinqui, periclitante Medicaeo, velut socii discriminis ita laborabant: ipse vero nihil unquam interea dixit nisi bellatore spiritu: nec ulla commendatio cujusquam, ullumve testimonium perinde valuit ad innocentiae fidem, quam contumacia silentiumque ipsius. Rupit quin etiam minaciter fere vocem adversus Vasthio ipsum tunc, cum dimissus ex ejus conspectu abiret. Namque monente Vasthio in digressu, ut honeste deinceps integreque ageret, honoratum se virum esse respondit, & ei qui aliter sentiret, gladio probaturum. De captivitate Medicaei fratrumque ita accepimus, non tamen omittenda varietate, quae memoriam adeo recentem labefecit. Nam Gabrielem Cerbellonum eadem convivali fraude circumventum, & in eadem vincula abductum aliquis tradit: vult alius, eaque sententia verior est: non fuisse Gabrielem in arce captivum: sed, ut antea memoravi, caritate desiderioque consobrinorum, deceptis custodiis fugae artes ad eos introtulisse repudiatas ipsis eodem spiritu, quo vincula crimenque contemnebant. Voluerant enim, aut mori illic, aut cum gloria fama exire hac, ut falsi criminis invidia onerati, & Caesaris sententia ipsius absoluti fuisse dicerentur.

C Caeterum, cum dimissi, vadimonio interposito essent, jam Cardinalis Carraciolus provinciae administrator diem suum obierat humili accepto tumulo, dum illa, quae visitur hodie quaeve dicta est, sepulcri moles in templo maximo excitatur. Successerat ei Vasthio idem, qui militare antea imperium tenebat, & cum in eo munere, nullus ei successor a Caesare mitteretur, exercitum simul provinciamque habebat, quae ante Cardinalis obitum divisa inter duos fuere. Fuit Vasthio moribus optimis, animo excelsio, prodigus opum suarum, sed minime rapax alieni, neque malam ullam prioris Davali similitudinem in eo reperires, cum familia genisque idem esset. Nec abfuere belli artes quascumque seniori illi tribuit fama. Studiosus insuper artium bonarum, & ubi quid persuadere vallet, veterum dum facundiae par habitus. Jam simplicitas ei tanta, candorque animi tantus, ut Medicaeo ipso, post captivitatem, de qua demonstravi, familiarissime uteretur, & rebus deinde adversis sollicitudines cum eo suas, velut cum amicissimo homine communicaret. Oblitum quippe putabat cum praeteritae suae calamitatis & periculi, perinde atque oblitus ipse erat criminationum, quae non aliter quam conjectis in vincula reis dissolvi potuissent, eoque necessitate & arte fuisset usus. Sed Medicaeus alte condiderat animo memoriam ejus facti, ridebatque amarum, tacitusque & infensus ex colloctionibus arripiebat illis omnia, quae pro crimine vicissim objicere aliquando ei apud Caesarem posset: ac tanto plura ille quasi apud amicum quotidie effundebat. His moribus, & hac innocentia magnitudineque animi praeditus Vasthio cum ad provinciae gubernacula admotus fuisset, cunctaque Mediolanensium ei uni obedirent, res etiam Ecclesiastica sub tali Principe tantum spiritus & incrementi recipiebat, quanta erant damna, quantumve moeror ex diuturno Pastoris desiderio, qui per tot jam annos assidue absens tenebat Ambrosiana vestigia & fundos: operam vicissim Ecclesiae nullam impendebat. Mox etiam Vasthio, res adversae ac turbulentae occupavere primo, deinde abduxere: moerore demum senioque confectum eripuerunt Caesari simul, & nobis, Ecclesiae pariter & civitati: eademque mala, non tam Vasthio, quam civitatis & Reipublicae hujus fuere, pene ut ad pristina calamitatum humanarum exempla redigeremur.

Initium ortum ab Hispanis legionibus, quae apud Subalpinos oppositae Gallo, pro Caesare simul & Sabaudiae Ducem gerebant. Is miles, ob non perfoluta mensium aliquot stipendia, palam ex fuerat obsequium: & praefectos, manipuli, vel centuriae quaeque suos ad-

adspersatae relictis castris, aliae statim, aliae exemplum secutae, simul omneis ceu exercitus aliquis hostium, Metropoli circumfunduntur, & vastatis agris, qui circa urbem sunt, Urbi ipsi minitabantur. Vasthius & promissis, & denuntiatione Caesaris irarum, conatus mitigare vel compescere eos, ubi frustra esse cuncta, gliscereque in singula momenta seditionem videt, irruptionis metu armat cives: in singulas urbis regiones praefidia stationesque disponit. Ipse cum praetoris cohortibus idoneaque alia manu, campum juxta D. Eustorgii aedem capit, ut ad omneis obire subitos motus queat. Ad Sanctae Crucis aedem, ubi recta tunc Humiliatorum fuere, conterminaque Eustorgianis regio est, stationem Cremonensium habebat. Ibi in vicino, qua Turris Imperatoris dicitur, statio alia Germanorum erat. Connexae ita & armatae cohortes ad nuntum intentae ducis expectabant quam mox signum daretur, vel erumpendi in rebelleis Hispanos, vel obviam eundi per urbis vias, si irrumpere illi ausi essent. Sed cum Hispani contenti populatione agrorum, quacumque avocasset eos praedae spes, vagarentur, neque uspiam confisterent, & otiosa ideo stativa miles urbanus haberet, coepere, ut inter otiosos, & truces, & diversi generis, & vicinos, militaris joci primum, dein jurgia contumeliaeque verborum oriri: demum ad manus quoque deveniebatur. Germani interea, qui ad Turrim Imperatoris positi erant, Cremonensem forte unum longius ab suorum globo digressum interfecere. Cremonenses vicissim ab Sanctae Crucis aede vadunt agmine ad Turrim eam Imperatoris, ibique compotantes nacti Germanos, arripiunt ex temulenta illa statione treis quatuorve, & qua tigillum, arbusculave forte una invitarat, illic in vicino suspendunt. Praelia inde quotidiana inter ipsos, & ex praeliis licentia in urbem, ut armatae manus ad direptionem usque sacrarum rerum proterve grassarentur. Id malum Vasthius sedavit alio malo, centum millia nummum aureorum exhaustae tot injuriis civitati cum imperasset. Angebantur cives gravitate tributi: sed metus ex rebellium incursum, & damna defensionis graviora erant. Legiones, accepta pecunia quieverunt & abiire quo poena seditionis eas manebat. Poenae nunc miseriaeque omneis in populum Mediolanensem expetebant: & missi ad Caesarem Joanni Baptistae Archinto super calamitatibus urbis triste responsum datum. Nolebant aulici vera esse quae de legionum Hispanarum scelere ille attulisset. Granvelanus praecipue infestus fuisse legationi, & Archintum, ut liberius acerbiusque in vectum increpuisse dicebatur. Deinde, nimis etiam modeste peroratum esse cognoverunt: & in legiones eas Romano more animadversum, decimi cujusque supplicio sive expositis apud desertas insulas plurimis, ut illuvie fameque & miserabili exitu caeteris exemplum praeberent.

Militaris ea seditio casusque Vasthio calamitatis initium fuit, ut post aliud deinde infortunium, ex magna florentique fortuna, inimicorum quasi manu ad exitum vitae raperetur. Namque, cum nullum ex ipsius vita crimen arripere possent, fortuita criminantes, alienaque etiam flagitia vitio dantes ei, Caesaris aures animumque implebant, unde diminuta gratia, & ex eo moeror quem ferre non potuit. Ac Medicaeus inter caeteros torvo semper animo revolvens veteris offensae memoriam, seponebat accurate cuncta quae ad inimicum everendum possent usui esse, ac minime Longobarda Mediolanensique arte fingens amica verba & vultum, instigator & minister adversae factionis ipse erat: accideratque opportune ei ad exercenda odia in absentem, ut Gandavensium rebellionis causa transgresso in Belgium Caesare illuc evocaretur. Caesar inde compositis Gandavensium rebus, Genuam proficiscens, ut inde in Africam trajiceret, ex itinere venit Mediolanum: pertinetque ad Urbis, & Reipublicae gloriam, narrari, quae ille, civium, & Populi totius gratulatione acceptus Metropolim vicissim exhiberaverit, ac tantae majestatis adspectu ex omnium animis tot praeterita mala deleverit. Per Tridentinas Alpes in Veronensem agrum descende-

rat, tanto statim illuc Principum Italorum concursu, quanta magnitudo nominis ejus, & quam insueta res Italiae terris Caesar. Vasthius ad Dulcium usque progressus bis mille & quingentos equites ab Mediolano eduxerat secum, omnesque juxta viam, qua intrandum Caesari erat, disposuerat ordine in subjectis pratis, ut sicut exculti ad certamen ornatique stabant, ingredienti apparerent. Nobilissimi Mediolanensium erant una cum stativis turbis, quae ad provinciae praefidium perpetuo aluntur: eorumque adspectu laetus admodum Caesar dixisse ferebatur, & equos, & equites dignos esse fama urbis. Dimisso inde equitatu alio, qui ipsum ex Belgio secutus erat, itemque dimissis Principibus & Legatis, qui ad primos Italiae fines occurrerant, cum Octavio Farnesio genero suo, & Cardinale Mantuano pergebat venire Mediolanum versus. Urbs, tum copia artificum, tum civium ingenii haud umquam secunda populo gentive ulli, ad Caesarem accipiendum exculta in hunc modum fuit: Statim ab portae Romanae ingressu porta triumphalis attollebatur, adstructo ad adscensum ponte, statuis ab utroque latere erectis, quae totidem subjectas Metropoli urbes referebant: & dispositae eae sic fuerunt: Ad dexteram, in parte pontis ima, primoque aditu, Derthona stabat ferens humeris Apenninum, scilicet, quia ad montis radices posita urbs ea ultima Insulbrum est. Hanc, sicuti caeteras, basis quadrata & lata sustinebat: altitudo singulis decem cubitorum fuit: e gypso erant, sed auro superinducto spargebant late fulgorem. In proxima basi, discreta justo intervallo urbs Novocomum praegrandi Larium suum fundebat urna cum piscium proventu quos lacus alit. Inde Ticinum urbem inclutam studiis litterarum, & amoenitate coeli referebat statua jucundi oris onusta voluminibus. Metropolis ipsa juxta arcum altiore loco, ceu propugnatrix, & Regina caeterarum, induta thoracem, altero calcans pede galeam, altera tenens manu claves urbis, & sceptrum, & diadema coronando Caesari, manu monstrabat altera subjectas urbes novo ingredienti Domino tamquam commendaret. Posita haec simulacra ad dexteram fuere in spondis, quae per totam pontis longitudinem ab utroque latere praefixae cancellis excurrerant. Ad laevam oppositae illis, Alexandria, & Novaria, & Laus Pompeja, & Cremona steterunt singulae suo habitu, qui cujusque divitias, ingeniumve & originem indicaret. Turritum Cremonae caput: Alexandriae tempora & frontem spica corona cingebat: Laus Pompeja redimita Pampineo ferto tumentia ubera lacte ostendebat: & Novariam ara pateraeque, & acerrae, & sacrificialis omnis apparatus decorabat, propterea quod ea Nova Ara antiquitus dicta est. Inter harum urbium simulacra pons ducebat ad arcum, altitudine, & ornatu, arteque operis parem superbiae, & arti veterum Romanorum, qui adulatione erga Caesares primi haec instituere. Ipso in arcu, coronides & emblemata, foliaque columnis, flores, cauliculi, volutae, superiores inferioresque tori, trochili, scotiae, moduli, plinthis, scamilli, supercilia, cymatia, acroteria, tympana, transtra, zophori, denticuli, astragali, capreoli, istriae, teniae, guttae, apophyges, echini, scapi, & quidquid aliud in ejusmodi molibus ad elegantiam sive majestatem prisca aut recentiores excogitavere. Quod inane & vacuum in substructione illa, ornamenta haec relinquebant, id implebant simulacra victoriarum Caesaris, expressa coloribus: ut Mauros, ut Indos ille subegisset: ut domuisset rebelles: ut Regem Franciscum captivum suum dimisisset ab se redonassetque Regno. Arcus deinde alius fuit in pontis aditu, quo navigabilis fossa proximae turri jungitur. Ibi flumina, quae Provinciam rigant, marinis assimilata Tritonibus, quae vera, quaeve fabulosa de origine & natura ipsorum tradita sunt, sicut urbium etiam statuae, praeferebant habitu: atque non ingrata peregrinis historia illa exhibebatur. In summo Romano stadio, quod vocant, triumphalem tertiam portam nobiles Romani constipabant facti omneis e gypso & inaurati cum insignibus paludamentisque suis, prout eorum quisque Mediolani olim gesserant rem, sive

imperitarant. Ad fauces viae, quae tabernas aurificum hinc inde aperit, quarto in fornice, picta urbis primordia legebantur, & muliebres statuae colossae magnitudinis aderant monumenta victoriarum. Sed nulla horum operum magnificentia aequavit quadriforem arcum, qui contra templi maximi valvas quadrato fastigio equestrem Caesaris ipsius statuam alte erigebat. Victrici resupinaverat hasta Indum & Maurum, eademque manus nutantem in vicino Turcam appetebat. Austriacorum simulacra, quorum facta Latinae litterae admirantur, intuentia nepotis ingressum simul spectaculo erant. Cum exulta in hunc modum via esset, qua Caesari incessus parabatur, pompam tamen ornatumque majorem, effusa & intenta ad spectaculum civitas praebat. Cupidine videndi tot victoriis clarum, tot gentium Regem, sub quo, post diuturni servitii miseriae, pristinae civilis vitae bona fructumque recuperaturi essent, velut natali Reipublicae die festam agentes lucem, loca omnia conscendebant, unde prospectus aliquis pateret. Prae multitudine spectantium, occupabantur tectorum etiam culmina, fulcrisque passim erectis quasi nova urbs pendebat. Canonici templi maximi, Clerusque urbanus universus, Senatores simul, & Quaestores, & Magistratus reliqui, separatis agminibus, insignibusque discreti, ad portam processere qua Caesar exspectabatur. Ille ad x. Cal. Septembris anni ejus cio io xlii. paulo ante Solis occasum intravit urbem, cum in Clarae Vallis Monasterio quietem eo die cibumque sumpisset.

Tradunt, in ipso portae ingressu, conspecta cruce, sub qua Metropolitani Canonici tetenderant, defiliisse illico ad pedes, trophaeaeque illa nostrae salutis venerabunde amplectentem atque osculantem, & ipsum fuisse, qua erat pietate, lacrymarum aliquid in novo imperio Metropolitique adeunda, & omneis, qui viderant, ita commovisse, ut pari animorum teneritudine gaudioque collacrymarentur. Conscenso deinde rursus equo, per ea, quae dixi, spectacula, ad templum maximum, inde in Regiam processit. Sed non, sicuti brevi confinio ac diverticulo conjunguntur inter se Regia & templum, & sicuti breviori etiam prece Principes alios, expleto ibi ultimo illo pompae actu, statim in proxima Regia recta divertisse vidimus, ita flexerat in speciem genua Caesar abieratque. Multum quin potius ille precatus ad aram, multumque postea contemplatus, tum universae structuram aedis, tum partes singulas, prout ab senioribus Canonicis praecipua quaeque monstrabantur, specimen hoc populo Mediolanensi dederat animi, qui deponere etiam aliquando imperium, & intra sacra claustra reliquam vitam agere meditaretur. Postero deinde & secutis diebus, ad visenda contemplandaque eadem redibat: ac de statu interim rerum sacrarum, deque Metropolitana jurisdictione, & de absente etiam per tot annos Archiepiscopo pleraque percunctatus esse dicebatur. Sic tradidere scriptores, quibus tunc curae fuit observare eos Caesaris incessus, & excipere quae interim ab eo dicerentur. Idem retulere pari cura ordinem agminis, quo Caesar ab portae Romanae ingressu, in templum, & Regiam usque est deductus: insana vestium & equorum pretia, & certamen opulentiae Mediolanensium, non inter ipsos modo, sed cum gentibus populisque aliis, quacumque ille incessisset. Et parte non nihil etiam ista publicae hilaritatis narratio nostra recreabitur, quando semel contigit, ut post saeva bella, saeviores in pace dolos, in laeta haec atque innoxia digrederemur. Ducebat in primo agmine pompam Alvarus Luna, Praefectus arcis, holoserico caerulco indutus. Hunc fistulatores Hispani sequebantur in equis ad ducentos, suo, & equorum tegmine colorem eundem imitati. Post Alvarum Lunam ejusque turmas, trecenti nobiles viri familiares Caesaris equitabant, in quibus erant honorarii ephoebi triginta, Principum fere filii, vetere magnorum Regum consuetudine, ut sunt instrumenta servitutis etiam Principes. Huic Regiae ephoeborum cohorti, quasi gemellam aliam cohortem addiderant Mediolanenses e proceribus urbis intra tertium decimum aetatis annum: torques eis & cristae: gladioque succin-

cti distinctas argenteis clavis & obductas holoserico albo hastas tenebant. Vestimenta singulis ex auro gemisque contexta. Par habitus trecentis aliis nobilibus ab decimo octavo ad vigesimum annum, ut tantam in juvenum cultu opulentiam Hispani intuentes magnopere admirarentur, atque inter se etiam quaerere, quomodo tot defuncta casibus injuriisque civitas, toties direpta & vastata, tantas nuper apud Caesarem ipsum conquesta calamitates, sic repente dutescere atque luxuriari potuisset. Tam splendido juvenum agmini succedere Praetoriani spiculatores, ne ipsi quidem absque luxuria & fastu, cum saga braccasque, & pileos, ipsasque sarissas plurimo intermitente argento Vastius cunctis ad eandem formam dedisset: ac fulgore gestientes illo non sine admiratione Germani se ipsos intuebantur. Sexaginta erant: qui postquam transire bini, tum vero equestri nobilitate cives ducenti prodire. Hi quaterni in ordinem prodibant: post ordines singulos armigeri ibant cum herili lancea & crista, quam ex animi sui libidine, & ingenio unusquisque variaverat. Frontalia ephippiaque pretiosa equis, & in superiorum temporum quasi contumeliam jumenta ipsa vestita serico auroque conspiciebantur. Senatores, caeterique Magistratus urbis in longo Syrmate omneis. Dein Magnus Cancellarius, & Senatus princeps, & praefectus rerum capitalium, & aerarii praefectus sequebantur. Hic argenteos nummos ad populum jactabat Caesaris ipsius imagine percussos, monstranturque adhuc ea numismata ab posteris eorum, qui stipem ejusmodi aliquam arripere potuerunt. Extremum agmen fuere procures Aulae, Granvelanus, & Avila, Salernitanus, & Estensis, & Farnesius, Vastiusque, & Sabaudus cum hastatis Praetorianis aliis centum. Ea Principum cohorte antecedente, Toparchis duodecim interjectis, qui servorum a pedibus vicem explerent, sub umbella Caesar vehebatur, cingente latus Cardinale Contareno, subsequenter Principum legatis, totam claudente pompam equitatu Praetoriano, nocteque interim superveniente accensae faces renovaverant diem. Eximia interim erat species luctantium ignium cum splendore auri, perfringebatque oculos pugna illa duarum naturarum, & quasi certamen inter ipsas, utra splendidior esset. Et jucundior simul oculis animisque species erat alia, cum nobilissimi civitatis, ob Caesaris majestatem, summa pedisequorum persona, circumpedes irent, eminente inter famulares illos amictus atque incessus fastu, quem die illo deposuerant, rursus famulorum greges incederent onerati vestium sumtu, quo ne Principes quidem extra pompam abuterentur. Sed in tota scena diei noctisque illius nihil fuit, quod magis in se converteret omnium oculos, quam Caesaris ipsius simplicitas, & modestia, cultusque parum ab plebei hominis cultu abhorrens: mirumque dictu, ille, propter quem cuncta haec fiebant, cernebatur atro palliolo & vulgari pileo caput humerosque tectus ut nisi frontis honos & umbella monstrarent virum, quaerere spectantes possent, ubinam Caesar ipse esset. Admirationi quoque fuit, comitas, qua per totum iter cum Cardinale Contareno sermonem hilare confociarat. Hac civium gratulatione Caesar ingressus urbem, moratusque ibi per aliquot dies, levata oneribus civitate, multorum quoque merita privatis large remuneratus, habito per totam provinciam delectu eorum, quos secum in Africam ducturus esset, discessit quinto decimo die postquam venerat: ac laeti deinde novi imperii mansuetudine, & aequitate Mediolanenses, vicissim firmata erga id imperium fide, nomen olim amabile Vicecomitum & Sfortiarum, atque adeo ipsa libertatis suae tempora dedere oblivioni. Tantam Caesaris adventus, & brevis illa commemoratio fiduciam animis securitatemque attulerat.

Anno altero postquam ille venerat sic abieratque, locustae supervolitare agros, fortuitum naturae malum, & inter prodigia olim habitum Romanis. Innumbrabant multitudine sua coelum, & ubi arborum cacumina humumve infederant, frondosa & herbida cuncta depascebantur, earumque contactu velut ambusta tellus,

lus, vim omnem ejus anni frugiferam perdebat. Decuriones urbis ei malo avertendo, simul ab Archiepiscopi Vicario postulavere, uti supplicationes de more haberentur: simul praemia proposuere omnibus, qui plenos earum saccos in publicum referrent. Ad centum millia modiorum relata fuisse, ajunt, pestemque ita sublatam.

Si portendunt ista quidquam aut minantur, pertinuit haud dubie prodigium ad magnam insequentis anni cladem, quam Galli intulere Hispanis, & Hispani mox reddidere Gallo. Namque bellum, quod post Sfortiae mortem ab Rege Francisco, invadendae Urbis causa renovatum fuisse memoravi, aliquamdiu intermissum re-cruduerat nunc apud Subalpinos, ab qua parte orsi illi commodiore aditu sese Provinciam ingredi posse sperant. Ibi commissio ad Ceresolam praelio, duodecim millia e nostris cecidere: qua victoria elati Galli cum ab ea parte simul, & ab alia majoribus Petri Strotii ductu copiis Metropolim circumvenire voluissent, in ultimo tantae rei conatu ab Vasthio oppressi obscurum antea Stradelae nomen nobilitavere clade sua, & fauces eae sunt hodie nihilo tristiores apud Gallos, quam apud Romanos olim Trasimenus aut Cannae. Vasthii tamen, depulso quamquam hoste, laborabat acceptae cladis infamia: cumque, vel propter animi moerorem, vel ob militiae labores in morbum incidisset, & ab infenso semper Medicaeo per amicitiae simulationem inviseretur, tulit aetas illa fraudum humanarum exemplum, in quo referendo erubescere nos cogit patriae simplicitatis fama. Ac sane, non pudenda solum sed etiam miseranda res fuit, falli sic ab Medicaeo Vasthium, & illudi: mihi-que adhuc ex longinquo rem intuenti ipsam, sicuti inter eos agebatur, turbant animum indignatio simul & misericordia & pudor aliquis ob patriam, si talium artium aliquando altricem eam fuisse fatendum sit.

Crediderat Vasthii, bona fide Medicaeum rediisse secum in gratiam, & quoniam ab eo inviseretur aeger, tanto magis credebat. Fallacia igitur hac & magnitudine animi sui deceptus, communicabat cum eo cuncta, & libere etiam conquerebatur, incusans modo Proceres aulae, modo Caesarem ipsum, qui susciperet bella, & sine pecuniis, sine milite, geri ea vellet. Dum non persolvuntur stipendia militibus, extenuatas & inanes fuisse copias: dum plures imperitare volunt, male ab omnibus esse imperatum. Haec, & liberius alia dictitando, rogabat denique Medicaeum, ut, quoniam iturus ad Caesarem propediem ipse esset, vellet sibi apud eum esse patrocinio adversus inimicorum calumnias, quibus opprimeretur absens. Medicaeus, neque ut solaretur aegrum, neque ut in Regia defenderet absentem, sed ut valetudinis adversa rimaretur, ibat visere: laetabaturque malis inimici simul, & querimonias precesque ejus, velut tela in ipsum, implacabili, & exulcerato alte animo arripiebat falsus sermone & vultu quo plura eliceret. Ad Caesarem deinde profectus, depromsit cuncta, & maligne oneravit adeo felix in perfidia, ut Caesar, ob ea, quae audierat, in ordinem redigere Vasthium statuerit, & ille percussus decreto succubuerit moerori: quo morbum aggravante vitavit ignominiam, ejusque viri obitu damnum ingens fecere Mediolanenses. Refovebat enim miti imperio Provinciam, adeoque munificus etiam in sacra fuit, ut absentis Archiepiscopi damna quodammodo relevaret, eaque sub tali Praefide minus sentirentur. Mortuus est Viglevani, unde translato corpore in urbem, velut Reipublicae parenti funus duxere cives, Clerusque universus, & oratio de laudibus ejus in templo maximo (nam ibi sepeliebatur) facunde habita publicum moerorem recordatione tantarum virtutum auxit.

Provinciam deinde Ferdinandus Gonzaga regebat, dilectus a Caesare in id munus ob eximia belli pacisque decora, & Vasthii virtutibus parem animum, sicuti rerum etiam exitu pene similis fuit. Gonzagam hunc inter conditores Urbis merito numeravere, quicumque de Patriae rebus post ejus aetatem scripsere aliquid, & publica opera sunt monumento. Cura ei muniendae Urbis prima fuerat, ut quoniam munimenta alia vetustas la-

A befecisset, alia rudibus saeculis instituta damnaret usus recens, cuncta adversus novos oppugnationum impetus atque artes, valide & perite firmarentur. Itaque veteres demolitus muros, novam moenium descriptionem, quibus urbs hodie cingitur, instituit, inclusitque suburbia, ne maxima ea pars populi, quandocumque ingrueret hostis, aperta, & indefensa, sicuti olim, jaceret. Absoluta ea descriptione munimentorum, operisque publice imperatis, Gonzaga rogavit Archiepiscopi Vicarium, ut ponendo primo lapidi, inchoandaeque securitati urbis, Divinas quoque caeremonias auctoritatemque sacram adjungere vellet. Ita statuto die sacrificatum in templo maximo solenni ritu cum ea precatione, ut

B Metropolitana propugnacula, murique pro salute urbis inchoati prospere attollerentur. Dein pio agmine processum in campos, qui circa D. Dionysii Aedem late excurrunt. Ibi Gonzaga, Clero populoque circumstante primum lapidem in fundamenta coniecit, ac strenue inde urgebatur opus, donec munimenta, quae nunc rursus disfluente passim lorica, labare incipiunt, toto ambitu urbis steteret. Versatiles ponticulos ad navigabilis fossae labra appositos tolli placuit, eorumque loco fornicati pontes exstructi: Turrim ad portam Vercellensem quae erat, dirui tutius visum: item ad portam Cumanam turres aliae excidio datae, ne quando receptacula ea hostium essent, si qua violentia transgressa muros foret. Haec ad firmandam urbem pertinere: quae simul expoliebatur pari cura.

C Jam enim allatum erat: Principem Philippum, Caesaris filium in Belgas ire ad Patrem, iterque ei per Provinciam fore, & Mediolani aliquamdiu commoraturum. Tanto major sollicitudo, tum Praefidi Urbis Gonzagae, tum Decurionibus civibusque ipsis, ut Metropolim, sicuti ipsius fama dignum esset, magnifice splendideque excultam regnaturo juveni exhiberent. Forum quod Metropolitanae aedi praeiacet, vetustissima, & ruinosa D. Teclae aedes obscurabat, atque impediabat. Placuit eam complanari aedem, ut & translato in templum maximum, cultu ministerioque ejus, cultus Divae amplior in Metropolitana sede esset, & foro laxitas spatio

D illo exaugurato adjiceretur. Tum vias urbis dirigere ad lineam, aediumque frontes perpendiculo exaequare sunt aggressi: eaque instauratio, tota dedit urbe stragem veterum aedificiorum, dirutis porticibus, podium, fornicibus, transversisque tigillis, quae rudia & impolita prospectum impediabant. Cloacas receptacula purgamentorum omnium, quia sordibus, tetraque odore & adpectu foedabant urbem, operuere. Neque contenti removisse ista ab oculis, pleraque urbis loca decoranda picturis locaverunt. Muniebatur igitur urbs & ornabatur eodem tempore, non ad praesentis modo utilitatis, & elegantiae fructum, sed ut posteritas quoque omnis tutius honestiusque habitaret, cum de Principis adventu

E certior jam instantiorque fama coegit cura omissa lentiore apparari celeriter ea, quae ponenda ad tempus & exstruenda erant. Jam enim erat Genuae Princeps, & urbe in illa satis moratus, propediem inde moturus esse dicebatur, ut Mediolanum veniret. Alexandria, vile quondam nacla palcarum cognomentum, nunc ob munimenta similior nomini, prima est urbium, per quas ab Genua venienti Provincia Mediolanensis intratur. Eam urbem cum intraret Princeps, pleraque Metropolitana Nobilitas & Cleri primores obvii fuere una cum Joanne Berguaco, quem a Bruxellis miserant duae illius amicae, Eleonora & Maria: illa Galliae Regina, haec Pannoniae, quae tunc Belgio pro Caesare fratre praesidebat. Miserant autem muliebriter sollicitae de juvene, ad salutandum eum, & ut certa omnia de ipsius incolumitate legatus referret. Ab Alexandria Vogheriam: ex eo loco Ticinum accessit, perque suos fines eunti jam

F hinc Principi, non modo subditorum studia, sed etiam vestigia paternarum rerum occurrebant. Ticini in arce erant aenea tormenta praecipuae magnitudinis, spes olim & robur Saxoniae Duci, nunc monumenta cladis, quae, capto Saxone, Caesar in eam arcem ex Germania miserat. Ea Princeps inspexit, perite differens apud

suos, qui proximi stabant de longitudine ac diametro singulorum, de metalli temperatura & orishiatu, & quantos quaeque globos paterentur. Incisas etiam litterarum notas, quia propter aeruginem aut vetustatem confusae, non facile explicabantur, tum sedulo tergeri iussit, tum admota cera enotari: ac ferebatur interea de Germanici belli consiliis & tota illa rebellium conspiratione arcana quaedam, & ad eam diem occulta patefecisse.

Forte tunc in Academia Ticinensi versabatur Andreas Alciatus, Mediolanensis, scientia Legum inter primos, aut sane primus aevi, neque id optimum ejus viri fuit: sed interiores litteras in barbariem illam invexerat pene ad formam antiquitatis, poteratque loqui de Regum negotiis, & ob vitae auctoritatem alloqui Reges. Ei datum est negotium ut Reipublicae nomine peroraret apud Principem, quod fecit ille veterum Romanorum lingua, non quotidiani Oratoris ritu: Princepsque celerius multo quam vellet, orationem evolasse illam agebat. Summa haec fuit: *Hilaratam esse terram Insubriam adspectu juvenis, quem Superum favor, & Patris arma, & ipsius virtus, Regiae magnitudinis exemplum pararent. Urbem, in qua tunc esset maximi Patris magna proles, ambitu quidem, & specie minimam esse potentiae illius partem: obsequio & fide & teneritudine animorum erga Caesarem, Caesarisque filium, & si quid illud etiam ad rem attineret, antiquitate sua, nulli urbium aliarum concedere. Habitasse ibi Reges olim, & gessisse bella: nec procul a moenibus esse locum, in quo Rex Galliae captus, memoria hominum teste, terribile Gallicis exercitibus Hispanum Austriacumque nomen fecerit. In ea urbe, perinde atque in Metropoli ipsa caeterisque subjectis Metropoli terris, quotidie nuncupari vota pro Catholicae Domus incolumitate: & postquam ipse profectus ab domo sit, nullo non die Insubres a Superis petiisse, ut sospes rediret. Petere nunc ab ipso, ut cum in Regna, tam multa, & tam longinqua dividet curas, etiam meminisse fidei Longobardorum velit.* Haec ferme ab Alciato perorata.

Princeps inde Mediolanum ibat: cumque ad quintum ab urbe Ticino lapidem, monstraretur ei septum, intra quod inclusi cum Rege suo Galli, potiundae Insubriae spem atque cupidinem captivitate Regis, & exercitus internecione lussent: incescit animo cupiditas locum eum intrandi. Spectavit agri partem, in qua concurrisset acies dicebantur: silvam ex qua prodierant ad Gallorum perniciem insidiae: parietinas, qua subruti dolabris muri aditum Hispanis dedissent: fossam denique ipsam, in quam Rex effuso super ipsum equo prolapsus erat. Ea vestigia recentis victoriae Princeps inspexit, commoto simul animo ob sortem humanorum casuum, cum tanti Regis ignominia & periculum ante oculos obversaretur. Eadem imago mixtum dolore gaudium aliorum etiam pectoribus intulerat, neque alia sermonibus materies brevi hinc ad Carthusiense templum via. Posuere templum illud & ditavere Vicecomites nostri, tempore, quo rem Mediolanensem haud procul ab magnitudine Regii nominis obtinebant. Et miretur hodie quilibet Regum, opus quidem etiam ipsum, sed multo magis attributas Monachis opes, quae domus illa sufficeret gentium hospitio: nec in Principum adventu moveri ibi quidquam attinebit. Princeps, adorato ad templum Numine, Binasco: ex eo pago, postero die Mediolanum venit. Civitas opulenta, admiratrix Hispanorum, unica erga Caesarem fide, prodiga eadem contemptrixque auri, cedere nesciam alens nobilitatem, foecunda ingeniorum, connixa est, ut agnosceret Princeps Insubriae Metropolim, auferretque memoriam secum duraturam ultra fluxam in Regum animis talium obsequiorum gratiam atque recordationem. Stauerant tota passim urbe simulacra Caesaris victoriarum eminentibus figuris, vel pictura, cui artificum nomina pretium forent. Cernebatur fugiens ex Germania Solimanus cum illo trecentorum millium equitatu, quem a Caesare dissipatum, etiam pinxisse arduum videretur. Sexaginta millia Turcarum equitum caesa cadebant ante oculos: captae de Turcis urbes, Patrae, Corone,

A Tunetum, Hyppo, Tunetanum Regnum, Imperium Libyae, Mauritania tota restituta veteri Regi: dejectus Aenobarbus: viginti millia captivorum reducta in Patriam: purgata latrocinii maria: triremes hostium captae aut demersae, restituta Genuensibus libertas: trajectus Albis: Indiae patefactae, Saxonis immane corpus oneratum ferro: caeteraque rebellium Germanorum capita promissis in pectora barbis grandique capillo sub jugum ibant. Haec omnia, veluti tunc fierent, advenienti Principi Mediolanenses ad spectaculum simul, & exemplum proposuere. Urbem vero suam, sex hostium exercitibus fufis, toties a Caesare conservatam tanto splendidius fecerant, quanto major est unicuique genti circa rerum suarum memoriam ambitio & cura. Et ea quidem annalium instar fuere, five potius annales ipsi versi atque commutati in hominum ora & vultus. Genus erat aliud, quod per veteris Historiae symbola hosce Caesaris eventus atque res bello gestas includebat. Simul admonebant ambages variae Principis juvenis animum, quae post Patris finem publica fama & expectatio cum maneret. Ea mysteria fuere in arcu, qui stetit ad templi maximi valvas aemulus pene aedis ipsius majestati. Rutilo crine puer David strato ad pedes Gigante Goliath. Josue sistens imperio cursum solis. Cum Holofernis capite Judith: & pascens inter jumenta Nabucadnethsar, imagines & simulacra residuarum expeditionum. Ad introitum Regiae sedebat in pegmate celsissimo colossaeus Caesar, quem Princeps ipse venerabundus adiret. Effigies eadem, alibi armata erat, alibi pacis cultu. Depictam ita & ornata urbem inclinato in vespem die Princeps intravit, antegrediente varii generis equitatu & armatura, quae propria fuerat Regii agminis, quaeve ex provinciali copia extra ordinem accesserat. Sclopetarii, cataphracti, velites, suis quaeque turmae ordinibus tendebant. Tegmina & ornamenta turmis fuere ad Regiae familiae colorem & formam, five ex ducum ipsorum ingenio. Duces ipsi vestem auream in peregrinum habitum assimilaverant, quo magis conspicui forent.

D Hos armiger quemque suus antebat. Albae Ducis pueri viceraria turma succedebant. Senatus inde Mediolanensis, Magistratusque, & prima Urbis Nobilitas processere. Mox Aulae Principes, Hispani, alique gentium aliarum secuti Aulam, & summo quisque studio meditati, ne splendor alienus obscuraret suum. Regiae cohortes hastatae, in Germanicum & Hispaniense genus ad viarum latera discriminabantur. His proximi vadebant quinque & viginti nobiles ab juventae flore delecti, ab gratia quoque corporum & venustate formae. Candida ea cohors inaurataque farissis & amictu ducebatur ab Mutio Sfortia, cujus pater exciderat Imperii Mediolanensis jure, propterea quod absque matrimonii caeremoniis ille procreatus fuisset. Post juvenes eos incescere, Gometius Ficeroa, & cum Demarcho Inarimes Demarchus Astorgae, Dux Sinuessae, Castellae Admirarchus, Ferdinandi Gonzagae filius adolescens cum aequalibus quatuordecim in conchyliata tunica Principem antecedeat. Dux Albae suo loco subsequatur. Vexillum hinc Regium, & legati Regulorum aut civitatum. Princeps ad templi maximi valvas exceptus ab Sacerdotum Collegio atque in templum introductus ab solita precatione in Regiam divertit. Ibi per aliquot dies equestria certamina sunt exhibita, quorum arte Mediolanenses expressere confessionem Hispano: si tales in acie forent, esse robur militiae penes urbem hanc.

F Opportune congruerat, ut Principis adventus incideret in nuptias, quae Fabricio Columnae jungebatur Hippolyta Gonzaga, filia Ferdinandi. Ea res laeta juveni fuit ob solitam talium rerum hilaritatem: & nuptias ipse decorarat, haud dedignatus invisere sponsam, festis interesse dapibus, & modico saltatu choreas inire, quaeve alia celebrando matrimonio instructa erant. Laetitiam auxit adventus Alphonsi Aquilarii, qui missus a Caesare ad Principem prospera de eo & salva omnia nuntiarat, attuleratque mandatum, ut maturaretur iter. Hoc allato nuntio, Cardinalis Tridentinus ad paranda omnia domum praecessit, quae per eos fines ituro Principi

cupi grata esse possent. Duae sunt ab urbe Mediolano Tridentum viae: per Mantuae fines una, per Cenomanos altera, utque compendii brevioris haec, sic illa per suas terras secutura longius Hispanum erat. Princeps delecta priore via ad VIII. Idus Januarii Melinianum proficiscitur, qui locus abest ab urbe decem millia passuum, & Jacobo Medicaeo, sicut antea demonstravi, attributus domicilio nunc ejus nobilitabatur. Poterat jam ipse stare inter Principes, & hospitium illud, non magnifice modo sed etiam erudite portis & emblematis adornatum Hispani advenientes invenere.

Post Principis discessum laetus Gonzaga pergebat adde in perpetuum decora & munimenta Urbi, cum exorta in eum criminatio atrocior quam quae Vasthium absumserat, non quidem absumsit, peremitve ipsum, sed ab ejusmodi operum eleganti cura ad tristem, & necessariam sui defensionem avertit, diuque occupavit. Crimini maxime dederant inimici aemulique ejus, quod natus in familia assueta dominationi, animo elato, & ob magnas propinquitates inquieto, Regii praefecti vocabulum adspernaretur, affectaretque imperium urbis, nec Caesari, sed sibi Metropolim muniret. Favere Venetis, & quaerere sibi gratiae locum apud eos: remittere Mediolanensibus tributa: cum Ferrariae Duce plus habere necessitudinis conjunctiusque vivere, quam cum alienae factionis homine Caesarianum deceret. Id ipsum, quod interfecto a conjuratis Farnesio, Placentiae possessionem Caesaris nomine adiisset, provinciaeque fines protulisset usque ad Tanarum flumen, ut inutiliter & ambitiose factum criminabantur. Infestissima denique interpretatio erat, quod, mortuo sub idem tempus Pontifice Paulo, Cardinalem Salvium Florentinum patria, studiis, & propensione animi Gallum contemnens, sive dissimulans mandata, quae habuerat, commendasset Patribus, ut in Pauli locum ille subrogaretur. Haec omnia in suspitionem crimenque vocantes inimici, asperare Caesarem conabantur, irritisque aliquamdiu, & sermonibus, & libellis, animo ejus obrepebant. Jactando deinde saepius eadem augendoque, fecere, ut capitibus adverteret illis, monerique Gonzagam juberet: recte & ex dignitate sua facturum eum, si dilueret objecta & purgaret. Simul, cujusmodi essent ea, demonstrabat. Gonzaga datis ad Caesarem litteris, homineque remisso, quem rerum earum causa Mediolanum ille destinarat, defensione hac utebatur: Munientae curam urbis ideo suscepisse, quoniam in ejus rei consultatione post varias utrimque sententias, permisisset sibi Caesar liberam ejus negotii facultatem arbitriumque, & verbo hoc esset usus: quo notiora ei civium ingenia & conditio provinciae totius essent, hoc melius posse statuere quid tutissimum optimumve factu censeret. Mediolanenses praeterea ipsos reputantes superiora sua tempora, & tot hostiles incursus, ultro cogitationem habuisse munienti: voluisse id facere suo sumptu, & ea de causa vectigal in vini metretas quae importarentur, instituisse. Defectionem populi Mediolanensis timeri debuisse nullam, vel quia numquam antea descivissent, steteritque omnis eorum motus intra levem tumultum, vel quia subjectae urbes semper infensae Metropoli, spem & societatem subsidiaque rebellionis negent. Nullam sibi gratiam privatim apud Venetos quaeri. Curae esse tantum, ut pax, & concordia, quae cum eo Senatu sit instituta, conservetur, neve dissidia, inter accolae solita existant. Ferrariae Ducem consanguineum esse suum, nec posse naturae vincoli dissolvi. Cardinalis Salviani nomen, non inter Gallos, sed inter Caesarianos reperire sese in occultis illis litteris, quae ad classem utramque distinguendam inter alia imperii arcana sibi traditae fuerint. Tributa populo Mediolanensi lenius mitiusque quam olim esse imperata, non per ambitionem, artemve malam, sed ut civitati redactae ad extrema consuleretur. In Placentina expeditione, nullas suas, praeterquam obediendi & exsequendi partes, fuisse. Scripserat haec dixeratque Gonzaga sicuti erant, vel certe tanta confidentia, & libertate, ut conscientiae securitas intelligeretur.

A Criminatores tamen acrius infestiusque coorti, velut arreptis ex ipsa defensione facibus saeviebant apud Caesarem, moliebanturque omnia, ut ambustum secreti judicii flamma Gonzagam Provinciae administratione dimoverent. Horum scilicet demum instinctu Caesar excivit ad se reum: iussitque, tradita interim Provincia Gometio Ficeroae, ad dicendam causam veniret. Censores duo Mediolanum missi, Bernardus Boleus, & Franciscus Pacecus, qui postea Cardinalis fuit: his mandatum, ut quaestionem haberent de iis rebus, quas Gonzaga dolo malo egisse, tentasse argueretur. Ea cognitio propter hominis dignitatem famamque & genus occultissime exercebatur: palam vero in Magistratus alios inquirebant: ac notatis, quos probri compererant, innoxium fidumque Caesari Gonzagam pronuntiavere. Quin etiam intuentes publicorum operum utilitatem ornatumque urbis, & cuncta per eum eleganter & splendide renovata, sicuti monstrabantur, tum vero pietatem in sacra, justitiam in omneis, & orba suo Pastore Metropoli velut expletam eam quoque vicem sustentatione pauperum, & defensione sacrorum, cuncta ea, sicuti fuerant, & sicuti fama loquebatur, admirati Censores, in Regiam cum ampla testificatione perscribere. Unde major gloria Ferdinando huic apud Caesarem, livor aemulis: & tam accusasse, quam credidisse, hos illumque pudebat. Erat deinde Gonzaga Caesari assiduus primusque minister bello, quod induciis & Francisci Regis obitu paulisper intermissum, Rex Henricus etiam infeliciores patre, & petendae ex Hispano ultionis pene avidior, instaurabat.

Mediolani per eos dies absente Gonzaga, Ludovicus Biragus Galliae Regis apud Subalpinos Chiliarcha per dolum invaserat prope ceperatque Arcem, si satis providere compositus ordo insidiarum fuisset, vel potius nisi hoc etiam tempore pro salute urbis stetisset contra Gallos, benignitas & providentia Numinis, quae adversus eam gentem tutata Metropolim semper, ingrata & temeraria interpretatione saepe dicta casus fuit. Notum eum omnibus historiis tanto discrimine annum, ne mulieres quidem & pueri ignorare, ob Georgii proditoris calviam, quae in rotundae turris fastigio praefixa hastae ostentui fuit.

Ejus anni principio Cardinalis Hippolytus Estensis, nonnulla fortasse tactus religione, vel sermones certe hominum in extrema jam aetate metuens, abdicare se Mediolanensis Ecclesiae Pontificatu tandem decrevit potius, quam ut percipiendo sic emolumenta absens in flagitio dedecoreque illo exstingueretur. Abdicavit autem ea conditione, ut Joanni Angelo Arcimboldo, Episcopo Novariensi Ecclesiae traderetur: si diem suum ille obisset prior, jus omne ad se ipsum rediret. In ea Pontifex Julius auctor factus. Successerat enim hic nominis ejus tertius, tertio item Paulo: nec tertium fere Pontificatus annum excessit, ut trium hebdomadarum Pontifex Marcellus longiore dignus aevo post hunc regnaret. Praefuerat Arcimboldus Ecclesiae Novariensi quatuor & viginti annos. Clemens VII. eum ex Senatore Episcopum crearat, delectatus viri litteris & dexteritate, cum is Sfortiae legatum Romae ageret. Ab Estense, quae diximus conditione, productus, & Julio III. probatus, quartum annum Metropolitanae potestatis implere non potuit. Ejus morte redierat res ad Estensem, qui rursus suo more absens Ecclesiae vectigalibus fruebatur laborum curarumque expers. Cum Arcimboldi hujus obitu mors prope continuata Jacobi Medicaei moerore alio civitatem affecit: & propter viri claritudinem spemque de Cardinale fratre summam sacri etiam ordines indoluere. Mortuus est in aedibus suis ad Braidam, & funere amplissimo elatus ad Melinianum: rursusque inde ossa Mediolanum in Aedem maximam translata fratris Pontificatu. Vir propter exempli magnitudinem nulli aetati silendus, post abrupta sua initia desperatasque expeditiones, & gestum cum Principe bellum, constituta denique fortuna, quinquies Imperator alienorum exercituum fuit: Senarum urbem ab aliis frustra obsessam cepit: aperuit fratri viam ad id, quo nihil amplius mortalitas

talitas capit: parumque fuerat dedisse Pontifices Maximose suo sanguine, nisi per fororis nuptias, adscito in domum Borromaeo, Sanctos etiam dedisset.

Parabantur urbi Populoque Mediolanensi decora & subsidia haec: atque post paucorum adhuc annorum remissum ac fluctuans & inutile regimen futurum erat, ut cives duo sanguine inter se conjuncti: alter humani generis Apostolicum Principatum adeptus, singulari studio Patriae salutem amplecteretur: alter ab eo datus Patriae Pastor, faceret hanc disciplinae sanctioris exemplar, illatusque demum ipse Coelo, terrarum orbem & coelestium choros nominis sui gloria augeret. Pius IV. & Sanctus Carolus fuere isti, minime ambigua mortalium fama, quin Avunculum filius fororis magis multo quam Pontificatus ipse nobilitaverit, & ille vicissim hunc per fluxos honores opesque caducas induxerit in tantae sempiternae gloriae campos. Sed duo haec Mediolanensis Reipublicae lumina, nondum publicis illata rebus stabant adhuc tantummodo in limine earum, spemque & votum, nondum ipsius voti fiduciam ac robur expectatio publica conceperat.

Interea Cardinalis Hippolytus, post Arcimbaldi mortem ex pacto recepta Metropoli, Vicarium subinde aliquem dabat: Ecclesiae statum ipse obibat nusquam, & nihil perfecti aut emendati, vel in publicis caeremoniis ritibusque sacrorum, vel in eorum vita cernebatur, qui ista tractarent. Et Ferdinandus Gonzaga, cujus imperium & verecundia nonnihil ad disciplinam quoque constituendam valeret, ob calumnias absens, quidquid illud auxilii, & disciplinae fuisset, abstulerat. Gubernante eo Provinciam, uxor ipsius ob pietatem erga Sanctum Franciscum de Paula, Ordinis ejus homines Cumana via extra urbem benigne collocarat, qua nunc Sanctissimae Virginis aedem salutiferi latices & votivae tabellae nobilitant. Per idem tempus, Franciscani Minores, qui sibi ab legum suarum Observantia nomen indidere, commigrarunt in eum locum, ubi nunc Sancti Angeli Aedes Monasterio adjuncto pietatem civium & sanctimoniam Ordinis testatur. Non enim alibi quam apud pium ditem populum, talia domicilia Superum hominumve cultui exstruerentur, quale templum, & qualia tecta Fratres illic tenent: rursusque non nisi spectata probitas & innocentia aedificantium illa ex alieno tantas ab ullo populo stipes eblandiretur, quantas hodie molibus infumtas eis iidem illi qui contulere, admirantur. Antea, Ordini ei Monasterium Aedesque sacra non longe inde propius moenia fuerat antiqua & humilior: quae tecta cum in proferendo pomoerio murisque perducendis, dirui oportuisset, Patres translata huc materia, novam sibi & Divo sedem inchoavere: Antistesque Monasterii Pater Franciscus ex nobilissima Cusfanorum Domo tunc fuit: cujus familiae caput Marchio Augustinus, e Principibus Urbis, egregia propter opes magnanimitatemque fama, decessit aliquanto antequam ista in lucem ederemus. Aedificationem Monasterii Templique novam Gonzagae liberalitate plurimum esse adjutam ferunt, vel quia erat, ut demonstravi, cupidus excolendae urbis, animoque munifico erga publica omnia opera: vel quia dirutae prioris aedis religione aliqua sollicitaretur. Sancte integreque ita Mediolani versatus, & quibus dixi, criminibus ab obtrectatione & livore oneratus, deinde cum incremento famae purgatus, & defensus, nova sibi fortibus militiae factis egregiisque consiliis, apud Caesarem quaerebat praemia: & praemiis jam fruebatur eis, quae vel ad calumniae solatium, vel ad innocentiae testimonium data erant. Non tamen redditus urbi est, cui pietas hominis & praeclarus animus in ea, quae dicta est, solitudine, Pastoralis curae loco esse potuisset, & summa ei gratia cum Principe Philippo erat. Jam Caesar hunc Mediolani Ducem crearat, atque cum perscribi traditionis ejus auctoritatem juberet, ita in diplomate erat praefatus: *Tradere se PHILIPPO FILIO, Provinciam Mediolanum, quae esset recepta suis armis & defensa: quam vetusto Caesarum jure possideret.* Id satis visum ad coercendas linguas, quae super ea re musitantes, Procerum Imperii consensum re-

quirebant, & ex Gallia praecipue fremitus audiebantur. Diploma confectum est in Bruxellarum urbe, cum jam Vallisoleti Philippus ad moderanda Hispaniarum Regna conflitisset, iterum in transitu adita urbe, caeterum minore apparatu exceptus, quia propere ibat, accideratque fama, molestum fore Principi, si officia jam ulla morarentur iter, ac de ea re moniti Mediolanenses erant.

Equidem haud scio ego, quo possit ore quisquam umquam priscos narrare casus, quandoquidem in tam recenti memoria variant annales: nec tamen magni momenti res erat: sed volui semel notasse calamitatem Historiae, quae tam brevi aevo corrumpi possit & infuscari haud ulla re magis, quam scribentium culpa. Namque Capellonus, homo Gallus, in tradendo Principis reditu, cum Maximiliano patruelis suo rediisse ipsum refert, Mediolanique commemoratum alius addit. Alphonsus Ulloa, rerum Caroli scriptor, itinera illa sejungit, Principesque ivisse separatim mavult. Regii Chronographi, temporum eorum aequales, & participes rerum, tradunt, Maximilianum evocatum a Patre Ferdinando, dissimulata majestate excurrisse privato cultu: post breve colloquium, pari arte deceptis hominum judiciis remeasse, ut Mariam uxorem ex Hispania publice deportaret. Rursus in urbis monumentis memoria exstat, qua pompa Maximilianum una cum patruelis Philippo Mediolanenses acceperint, cum Principes in Hispaniam redirent.

Provincia interim Rectorem acceperat Ferdinandum Toletanum, cui viro potestas Mediolani major fuit, quam quanta permittitur aliis, qui a Catholico Rege cum imperio huc mittuntur. Vicarium in Italia Generalem appellabant, quod fere vocabulum & par potestas Exarchis fuit, cum Graecia nobis imperitaret. Anno salutis millesimo quingentesimo quinto Toletanus ille Mediolanum venit: vir severi imperii: sed a quo propter trucem & bellicis tantummodo rebus intentum animum res Ecclesiastica solatii nihil speraret. Paulo postea Caesar res omnes humanas pio animo pertaesus, quaesito sibi ad ultima meditando secessu, tradidit cuncta Filio, qui deinde feliciter regnavit, ejusque propensio animi erga Metropolim & multa comiter in provinciam, benigneque collata per totum ejus deinde Regni tempus extabant. Non securitas & quies, non alia populis expetita bona minus umquam defuere urbi, quam ex quo PHILIPPUS hic, accepto a Patre imperio, regnare coepit.

Sub ejus initia tamen etiam periculum Mediolani tumultu quam re majus fuit, conjuratis cum Paulo IV. Gallis, ad Neapolitanum Regnum invadendum, quod Pontifex ille, ad Sedem Apostolicam pertinere, aiebat: & quia Regno illi semper socia periculis urbs nostra fuisset, etiam itineris occasione ipsius, exercitum, qui in eam expeditionem ex Gallia proficisceretur, Mediolani tentaturum esse aliquid, incesserat metus. Ea suspicione Rex Philippus Toletanum quidem ad Neapolitani Regni tutelam transire jussit: urbis vero, & Provinciae gubernacula divisit inter Davalum juniorem, & Christophorum Madrutium, Cardinalem Tridentinum, cui viro commendatione Caesaris purpura data erat, fidusque habebatur. Sed rem militarem Davalus adiutore Joanne Baptista Castaldo administrare jussit: Cardinali civilium rerum concredita separatim cura est. Quae partium & imperiorum divisio, ab initio prudenter instituta, rerum exitu damnosa inutilisque reperta est: & infausito Triumviratui postea nomen fuit. Hi, cum triginta millia armatorum jam in Subalpinos descendisse, atque Neapolim versus iter habere cognovissent, ommissa discordia, quae mutuis inter se odiis infensos habebat, properi ac festinantes coeperunt agere ac parare omnia, ne subito ipsi incurfu opprimerentur. Suspiciabantur enim, ne Galli, tumultu quidem & fama Neapolim irent, re autem ipsa, animique & secreta destinatione peterent urbem Mediolanum, idque ab domo consilium attulissent. Erat hoc tempore Mediolani summa rerum omnium difficultas, quae res pertinerent ad gerendum bellum. Afflicta tot superioribus bellis & exhausta provincia, fessa

fecta urbs collatione pecuniarum: & plerique civitatis Principes, aut post arma respexerant otium, aut perierant in armis: nec minima calamitas, incommodum veribus, intestina, licet ad praesens dissimulata, dissensio, quae Cardinalem inter & Davalum, consilii quodcumque alter attulisset, inimicos faciebat. Attamen, externo metu urgente quasi certaminum suorum, uti dictum est, obliviscerentur, nonnulla, quae in praesenti periculo providenda erant, expedire communi consilio, quod civitas etiam ipsa alias experta discordes, admiraretur. Explevere subitariis operibus si quid absolutioni moenium deerat: Primores urbis ad portarum custodiam: cataphractos equites in provinciae finibus summa cura disposuere: munivere raptim urbes, Ticinum, Alexandriam, Cremonam: ad Valentiam, quae Padum flumini apposita est, tres cohortes Italarum, tres Hispani generis, totidem Rhaetos iussere praesidio esse, & castellum ibi excitavere cum eorum lacrymis, quorum aedes, fabrica illa deiecit. Armavere Mediolanensem viginti quinque millia, quae copiae, aut dimissae fuerant, aut, ob non persoluta stipendia ultro abierant a signis. Hispanum item Germanumque peditatum flagitiose diminutum explevere conferentis inter se consilia, quos raro antea congregienteis videres, aut si congregerentur, salutatio tristis, & breve alloquium erat. Ab Triumviris quidem ea parabantur.

Galli vero, trajecto Dora flumine, pars circa Padum subistere, pars tendere ad Casalem, quam in Monteferrato urbem habebant, atque per regionis ejus pagos divisi, nocturno tempore aggressi pontem, quem Hispani in Sura amne fecerant, post gravem pugnam cum Emmanuele Luna, qui ibi in praesidio erat, dissipavere pontem, & quatuor armatis navibus transmisere flumen. Iter deinde habebant ad Vercellarum urbem: quod ubi Cardinalis Tridentinus accepit, mittitur ab eo Joannes Ghevarrus cum fistulorum ala, prope urbem subsidium, priusquam hostium exercitus ad illa moenia circumduceretur. Sed cum Galli, mutato consilio, repente inde avertissent iter, viderenturque Alexandriam esse petitori, Ghevarrus etiam flexit, ut anteveniret Alexandriam, monente Lopezio Acunia, ne faceret: nam posse rursus Gallos flectere ad Vercellas, & ab Casale deinde prohibere subsidium. Ghevarrus tamen cum sua ala (quadringenti & quinquaginta equites erant) Alexandriam intravit. Galli, neque Alexandriam, neque Vercellas, sed ad Valentiam ivere, cumque Pontificis nomine ab oppidanis exercitui comitatum petissent, quia non dabatur, quare tormentis oppidum instituerunt, idque deditur quinto die postquam oppugnari coeptum erat. Ibi subistere per aliquot dies Principes Gallorum, vel ob necessariam quietem, ut reficerentur ex itineris labore, vel ob consilia, quae in terra hostium jam subiecta oculis, capienda erant. Consilia autem haec fuere: Brisacchius, ut in Taurinos ad duplicanda praesidia custodiasque intendendas rediret, ne avertis ipsis ad majorum rerum conatus, Triumviri Mediolanenses impetum eo aliquem darent: postea veniens ipse ad exercitum, Termensem ibi Dynastam relinqueret: is non desineret observare tempora & occasiones carpendi Mediolanensem Provinciam, & omnia quaecumque posset damna inferendi. In id ipsum, ab Santiaco Biragus, ab Casale, Bironus imminerent. Haec ad Valentiam consilia Galli inierant. Roganti Cardinali Tridentino, per legatum, quid ita, locum eum occupassent, atque repetenti Philippi Regis nomine, monentique ut abirent, responderunt, Pontificiae ditionis esse locum, & liberos illac apertosque aditus ab se praestari oportere. Pergit inde Ghisa dux exercitus ire in Placentinos, Neapolitanumque caepit iter, liberata ingenti metu provincia urbeque Mediolano, quam, si tunc invasisset, minime dubitant, quin aliquanto felicior potuerit esse repentina haec & fortuita expeditio, quam altera illa, quae gentem armarat. Adeo scilicet infirma fuere omnia, cum regentium inter se discordiis, tum provinciae ipsius conditione, ob superiora bella, quae sobolem militarem privatorumque fortunas

A affligerant. Enim vero suo raptus impetu & festinatione Gallus transit pacato agmine per Provinciae fines, admirantibus interea securitatem suam, qui cohorrerant praesentis terrore belli: variaque fuit fama, cur omissa, quae in manibus erat occasione, Galli sic abiissent. Difficulis, non omisisse negotium dicebantur: foederis lege praeventendam illis esse Neapolim: postea Mediolanum ituros. Vere fuit celeritas insita genti: & ubi longinqua penitus occupare animos, praesentia negliguntur. Cardinalis autem cum aemulatore suo collega, postquam id quod sibi expectabant, alio transire discrimen viderunt, terrorem ultro statuunt inferre hosti, quo celerius abiret, idque ipsum tentavere prave atque inconstanter, sicuti discordes oportebat. Nam Cardinalis cum exercitu collectio ac tyrone Binas cum usque progressus, tumultuaria illa manu passim a signis abeunte, retro vertit iter: & collega Davalus, missis ad insequendum Caesare fratre cum Italico equitatu, mandavit ei, ut ne Padum transiret. Atque cum debuissent in primis cavere, ne quid alendo hosti relinqueretur in agris, rerum omnium copia quasi de industria relicta in aperto est.

Ita Galli, neque laceffiti, neque laceffentes iere per hostium terram cum partis utriusque dedecore, nisi Gallus ad majoris spei certamina properus raperetur. Fama fuit etiam, Davalum, contemnentem Insubriae arma, & iniquo ferentem animo, quod sui nominis fortuna penderet ex tam exiguis viribus, egisse ob eam rem pleraque velut indignabundum, & velut invidentem eorum gloriae, qui defensori Regis vires esse ajebat. Ita III. Vires inter exercitumque Gallorum, dum jurgantur dissidentve illi, dum per Provinciae fines hic transit, haud levi periculo defuncta civitas erat: actantus ab repentino barbarico itinere metus fuit, ut postquam abierant Galli jurgiaque Praesidentium conticuerant, insidente animis tristi specie tempestatis ejus, habito novo per totam urbem delectu, viginti quinque millia civium armarentur, quod stativum praesidium Metropoli esset. Ei militiae factum nomen ex Parente Urbis Ambrosio, *Cohortesque Ambrosianae* appellatae, nimirum, quia in campo circa Basilicam, ad Cardinalem Tridentinum dabant nomina omnes, qui ferre arma possent: & militarem etiam egressi aetatem plerique adscribi in eum numerum petebant. Tantum Gallorum odium erat apud universos, ut memoria periculi recentis infensi etiam seniores degere ultro in armis vellent. Urbanae eae cohortes conscriptae sunt anno altero postquam Carolus Caesar, tradita filio rerum summa, in Hieronymianum Monasterium sese abdiderat. Atque hic demum annus fuit, quo Cardinalis Hippolytus circa vitae finem acrius oblatrante conscientia omittere Metropolim agitavit, non spe jam ulla, sicut olim respiciens ea quae omitteret, neque pacto aliquo interposito recepturus, sed constanter & serio, tamquam suae & Mediolanensium saluti tantae rei iacturam daret. Volebat tamen ita abdicare se Metropolitano jure, ut quae Sacerdotia, octo mensibus, diviso sic inter Sedem Apostolicam & Archiepiscopum anno, vacua esse contingeret, ea suae dispensationis manerent: idque a Pontifice Paulo indultum ei & concessum Rex Philippus postea abnuvit, nimirum, quia domus illa Estensium prior semper in Gallum fuisset.

Caeterum, permissio ei, ut viros idoneos nominaret, quatuor ipse commendavit, e quibus Archintus Pontifici statim absque exceptione ulla probabatur. Is Venetiis hoc tempore Legatum Apostolicum agebat, sub tribus jam antea Pontificibus Maximis eo munere perfunctus, & nuper accepto successore ob negotia, quibus apud Senatum eum agendis nova mandata certumque hominem mitti oportuerat. Ibi novus Archiepiscopus accepto nuntio de nominatione facta per Cardinalem, ac de judicio auctoritateque Pontificis scripsit ad Regem Philippum, & petiit, ut sibi ad capeffendam Metropolim benigne annueret. Non potuisse honorem alteri demandari, qui, majore, vel obsequio & fide

erga Regem suum, vel erga patriam studio & cura munus illud Pastorale obiret. In eandem sententiam scripsere Decuriones Urbis, congrueratque forte, ut ab Senatu Sfortia Moronus ad Regem eodem tempore legaretur. Ei data est epistola, scripta patrio fermone totidem verbis: CATHOLICE REX. Philippus Archintus illustri apud nos loco ortus, ad annum hunc aetatis suae sexagesimum innocenter & modeste vitam egit, atque in gravissimis Reipublicae muneribus cum magna laude versatus, Majestatis etiam Vestrae Parentem Caesarem Augustum commoverat opinione prudentiae, ut Consiliarium suum esse juberet atque haberet inter fideles intimosque servos. Nunc a Pontifice Maximo Archiepiscopus hic datur Urbi nostrae, quae per annos jam fere quinquaginta destituta Pastore suo inter superiorum temporum damna cladem etiam hanc lugebat. Petimus a Majestate Vestra supplices, ut quoniam felicissimo Regni ejus exortu caetera depulimus mala, quibus urgebamur, etiam ab Ecclesia depellere solitudinem ipsa annuente possimus, eaque datum Archinto Pontificatum ratum esse velit. Sunt litterae viro aptae regimini populorum: est animus imbutus Ecclesiastica disciplina & sacrarum rerum usu: vita, quae aliis instar esse disciplinae possit: talique Pontifice, si Majestas Vestra annuat, Populus, & Clerus, & Respublica Mediolanensis, faciem recipient eam, quae aliquando fuit, & quae Metropolim decet. Optimo & Maximo Regi precamur imperii & vitae spatia, quae Catholicae fidei propugnator meretur. Hanc Decurionum epistolam pertulit Bruxellas ad Regem ea legatio, quae de rebus forte aliis mittebatur.

Sed cum occupato ibi diversis curis Rege ob bella, & ambiguam Provinciarum fidem, Mediolanensium litteris postulatisque tardius adverteretur: post quintum ab ea legatione mensem litterae aliae petentes id ipsum mittuntur: eis quoque irritis, tertia mittitur epistola scripta in hunc modum: CATHOLICE REX. Cum superioribus diebus Sfortiam Moronum civem nostrum ad Majestatem Vestram Civitatis nomine supplicem mitteremus, mandatae cum primis ei preces fuerant super Philippo Archinto, quem datum nobis a Pontifice Maximo Pastorem, ut Majestas Vestra probaret admitteretque petebamus. Et huic nostro postulato, quia responsi nihil dabatur, aliae nostrae missae litterae, de negotio reque ea frustra supplicaverunt. Nunc novas mittendi preces, tertiumque supplicandi, necessitatem nobis fiduciamque praebent, hinc, Majestatis V. benignitas, hinc corruptior in dies disciplina Cleri, atque sacrarum rerum quotidie remissior apud nos cura, quia caput deest. Petunt a Majestate Vestra fidelissimi semper Mediolanenses, ne cunctetur huic malo remedium afferre vitricae suae dextra, scribendo, placere sibi, ut Archintus Metropolim capestat. Id & propter postulati aequitatem, & propter M. V. Religionem posse impetrari, magnopere speramus: ac veluti jam imperato, vitricem eandem dexteram gratis erga tantae rei munus animis veneramus. Haec ipsa Decuriones Urbis ad Regem scripsere: Cardinalisque Tridentinus, de moribus, & gravitate fideque Archinti congruentia testificabatur.

Distinebant adhuc Regem eadem curae, quae cognitionem & responsa distulerant: & in eodem aliquamdiu silentio res erat, admodum interim sollicito Senatu Decurionibusque Urbis, propterea quod ad eam diem, neque audita legatio esset, neque ad trinas jam scriptas publice litteras quidquam ex Regia rescriberetur. Adfuere deinde totidem epistolae Regis: ad Governatorem Urbis una, ad Decuriones alia, tertia ad Archintum ipsum, quem, & Reverendum Patrem, & Archiepiscopum, & amicum, inscriptione prima Rex appellabat: atque in omni deinceps parte litterarum, quamquam Regia brevitate scriptae illae essent, honorifica & prolixa cuncta legebantur. Exemplum earum hujusmodi fuit: Reverende in Christo Pater, Archiepiscopo, dilecte nobis. Acceperamus litteras tuas, quibus, & significabas nobis, quemadmodum Archiepiscopus Ecclesiae Mediolanensis a Pontifice Maximo factus esses, & petebas, ut tibi ad honorem incundum auctoritate nostra suffragemur. Sed tum occupati bello, tum volentis prius inquirere nonnulla, quae cognosci ad Dei cultum, & res nostras intererat,

A distulimus in hunc diem id quod ad possessionem Ecclesiae tibi decernendam arbitrii nostri fuit. Nunc scribimus ad Governatorem istius Provinciae nostrum, ut absque cunctatione ulla agat rem, reque nostro nomine in jura omnia Pontificatus Ambrosiani admittat, quemadmodum quidem ex ipso cognosces. Caeterum, sicuti nos fidei ac virtuti tuae libenter cuncta credidimus, ita tuum erit eniti ac providere vigilantia & sollicitudine omni, ut sacra pure ac sancte administrantur, & populus iste quotidie melior fiat. Et Archiepiscopo quidem ita scripserat Rex: ad Decuriones vero minime dissimilis forma litterarum fuit: Magnifici, fideles amici nostri. Redditae nobis fuerunt litterae vestrae datae ad III. Cal. Septembris, per quas exponebatis studium ejus rei vestrum, ut Philippus Archintus, quem Cardinalis Ferrariae Archiepiscopum suo loco renuntiavisset, collocaretur in possessione Pontificatus, & nos ut super eare mandata opportuna daremus, cum magna testificatione virutum ipsius Archinti orabatis. Itaque, & precibus vestris, & hominis virtute commoti, & in primis, quia diutius carere Pastore civitatem Ecclesiamque vestram minime decebat: mandavimus Governatori istic nostro, ut ei rei finem imponat, idque quomodo fieri velimus, ex ipso cognoscetis. Governator jam Provinciae urbisque erat Joannes Ficeroa, quem, dissolutum Triumviratu, Cardinaleque revocato, paulo antea miserat Rex. Ad eum epistola fuit hoc exemplo: Cum superioribus mensibus a nobis petatum esset, ut Philippum Archintum, novum Archiepiscopum, in possessionem Ecclesiae Mediolanensis induci mandarem: eam rem differri necesse fuit, ut certiora cognosceremus, tum de vita, & conditione Archinti ipsius, tum de rebus iis, quas Cardinalis Estensis eo abdicato Pontificatu sibi reservabat. Ac caetera quidem, & Mediolanensium ipsorum testimonio, & affirmatione Cardinalis Tridentini, reperimus qualia vellemus esse: Archintumque probamus, ut fidum nobis, & muneri suffecturum. Illud vero non placet: octo mensium Sacerdotia Estensi eidem dispensanda relinqui. Quamobrem, ita admittes collocabisque in sua Sede Archintum, ut Cardinalis Archiepiscopusque prior dispensatione illa Sacerdotiorum excludatur: atque totum hoc ut ex animi nostri sententia administraretur, curae tibi erit.

D Tempore, quo Mediolanum hae litterae perferebantur, non erat Ficeroa Governator ad Urbem: sed accepto in Subalpinis Regio mandato, Senatui scripsit, ut rem eam ordine exsequerentur. Simul acceptis ab Archinto litteris humanissime respondit: "Non potuisse honorem eum ulli demandari, quem ipse faceret pluriscarioremque haberet. Optare, ut laetus incolumis, quae diu gerere Pontificatum possit gloriosum ipsi, civibus, & patriae salutiferum. Aegre ferre, quod in ejusmodi tempus inciderit res, ut fructus sibi optatissimus eripiat, quo, spectator, & particeps, & minister esse publicae laetitiae solenniumque initiorum, ac novo Pontifici auspicanti Pastorale munus coram in-

E servire voluisset. Mandasse Senatui, ut vice sua omnibus fungantur officiis, quo sint expeditiora cuncta ei ad Ecclesiae regimen, salutemque populorum inchoandam. Quanto majorem Ecclesiae squalorem videat ex diuturno Pastoris desiderio, tanto magis id esse accelerandum."

F Hoc accepto responso Archintus, summa omnium voluntate & gratulatione Civitatis solennia parabat incundo Pontificatu, cum Regii Oeconomi exorta repente actio implevit suspitionibus animos, cunctaque turbavit, & Archiepiscopum optimum ex Metropolitana sede in exilium miseras haud sine publico luctu coniecit. Oeconomus Mediolani, jam inde ab Catholica dominationis initio vocatur inter alios Regios Magistratus e sacrorum ordine unus, qui Regis nomine fit auctor, quotiescumque, vel a Pontifice Maximo, vel ab Archiepiscopo, Sacerdotium impetratum adire quis velit: idque nomen, & ea potestas, exortis saepe controversiis, majori aliquando fuit, aut minori iure, quam hodie habetur. Fungebatur munere tunc eo Calaber Sacerdos, de quo homine sinistra fuit in urbe fama, tamquam, praeter asperitatem ingenii vitia quaedam alia Graecanica secum attulisset. Minimam ejus vitae labem esse

ajebant, quod sub Regiae praefecturae obtentu interciperet Ecclesiae vectigalia, & sibi, non Regi usurparet. Postquam is sensit Archintum jam inibi esse, ut jubente Rege, annuente Gubernatore Urbis, deducente Senatu, in Metropolitano solio collocaretur, dolore amens, per speciem suae fungendae vicis adit Senatum, & multa, quae commentus erat, profert, ut doceat, minui majestatem atque periclitari, si summum urbis Sacerdotium Archinto ei relinquatur. Scripta quin etiam edidit capita accusationis suae: quae comperta sibi, quae suspecta, quid insuper accidere posset, quid natura urbis, quid ingenia populi, quid conditio Pontificatus afferre damnosum Regi, sive anceps, cuncta ordine exponendo, commoverat Patres, non quidem ut assentirentur, sed certe ut Archintum ipsum de rebus ejusmodi commonefactum vellent. Et ille quidem audita criminatione, ad unumquodque caput ita respondit, satis ut Patribus appareret, neque in animo, neque in fortuna ejus & familia, neque in superiore vita quidquam esse eorum, quae ab calumniatore Calabro iactata erant. Itaque Regia mandata exsequenda, Pontificemque accipiendum consensu decernebant. Mox Calaber, sicuti pedum doloribus inhibebatur, fella gestatoria delatus in Curiam, tam truci spiritu, tam importuno ore causam egit, ut onerati Senatores & fatigati querimoniis atque denuntiationibus descenderent ad exceptionem denique eam: posse Archintum ita admoveri regimini sacrorum, ut praeter divina mysteria & aras, animarumque salutem, nihil aliud ille attingeret: caetera relinquerentur in suspenso, donec Ficeroa Gubernator in urbem redisset. Videbat Archintus infringi Ecclesiae auctoritatem, si sacer honor, & alimenta honoris, quae jure antiquissimo, & quotidianae consuetudinis humanorumque usum necessitate conjuncta inter se essent, tali ea divisione separarentur. Destitutum se opibus, quibus Archiepiscopi nomen & persona niteretur, etiam ad sacra cum dignitate obeunda invalidum fore: constanterque ideo abnuebat. Satis esse, abnuentem sacri honoris contumelias, in ea gloria exstingui, quam ex Infubriae Metropoli Pontificeque Ambrosiano Semiepis copum factum praebere sic ad ludibrium os, neque habentem ipsum adjumenta splendoris sui, neque aliis alimenta suppeditantem.

De ea ratione consilii sui, deque Oeconomi intercessionem, & injecto per eum impedimento cum ad Ficeroam scripsisset, ejusmodi responsum accepit, ut ipsum quoque rationibus Oeconomi non nihil esse commotum appareret. Rescripsit enim, nihil erratum fuisse Reverendum Patrem, si possessionem sacrorum quocumque modo adisset, ut fidem faceret, non emolumentum alicujus cura, sed Pastoralis studio sollicitudineque animarum id munus expetisse. Nunc etiam hortari, ut sicuti censet Senatus, divina complectatur, caetera non defutura ei cum primum ipse redisset: & reditum brevi. Hoc responso accepto, maluit adhuc Archintus expectare Gubernatorem, quam truncum, & mutilum, deformemque Pontificatum suscepisse. Postquam is rediit, tanto rursus fremitu, tantaque contentione Calaber Oeconomus exaggerabat damna simul & pericula Regiarum rerum ex Archinti Pontificatu, ut amplius deliberandum, consulendumque denuo Regem omnes censerent. Datis igitur ad Regem litteris, dum responsa expectantur, Pontifex Paulus, cognita interim Oeconomi intercessionem, Regionumque motu, Pallium Archinto transmisit. Est insigne id Metropolitanae potestatis, inter sollennia gestamen collo summa pectoris humerosque cingens: ac munere utique tali possessio Ecclesiae Mediolanensis, jus in Provinciales Episcopos, & cuncta alia iterum Archinto affirmabantur: quae tunc essent data cum Archiepiscopus ille crearetur. Simul Apostolicae litterae missae una cum eo insigni, quibus Paulus Gubernatorem monebat, injuriam, quae Archinto fieret, communem esse ei cum Apostolica Sede: damnosam Urbi, quae tali interim Pastore privaretur: ingrati Regi, qui probatum jam sibi, & acceptum, calumniis improbari alienis videret.

A Has litteras Pontificis jussu offerre Gubernatori Archintus debebat: sciebatque Gubernator ipse esse allatas: sed quanam esset sententia, vaticinandoangebatur. Crediderat, anathematis esse denuntiationem, & diras intentari ni pareret. Itaque, & sermonibus jecerat haud obscuris, melius fore, si litterae eae sibi non traderentur, & quoties crediderat adesse qui redderet, varie tergiversatus erat. Demum redditae sunt arte & via, quam Archintus lenissime fallacem excogitavit: aperta & lectae minus offenderunt, quia mitem tantummodo objurgationem, & paterna monita afferebant. Archintum tamen, quo minus nec auctoritate Apostolica sublevaretur, nec ei dies ipsa, qua cuncta mitigantur, nec leve alioqui Gubernatoris ingenium prodesset, multa assidue simul urgebant: Calaber furiose importunus semper, & elatior nunc ob successum: alienata Curia, atque audiendo saepius eadem suspenso jam etiam qui calumniatorem antea constantissime repulissent: perculsa civitas, & obiecto rebellionis crimine nutanteis etiam propinqui: Clerus ipse laetus praesenti licentia, & exoriente disciplinae severitatis infensus. Neque quidquam horum tam adversarium Archiepiscopo erat, quam homo unus e Clero, qui missus olim ab Estense Vicarius perseverabat adhuc in eo munere, & magnae cladis loco ducebat, si translatis rebus, ac mutato summo Ecclesiae regimine abeundum hinc foret. Instigabat iste Oeconomum, & ab Oeconomo vicissim infligabatur: uterque vero simul, nunc Senatui, nunc Gubernatori suggerebant iras causasve irarum: gnarusque Vicarius occultarum Ecclesiae rerum, prodebat Regiis arcana Pontificatus, docendo, quae jura quasve litteras adversus Majestatem depromere aliquando Archiepiscopus posset. Per eas artes & furta minister improbus, non praesentem tantummodo invidiam ejectionemque Archiepiscopo, sed gratiam sibi in posterum apud Hispanos, eorumque commendatione aditum ad munera honoresve alios quaerebat. Et materiem locumque crescendi praebuerat huic Archintus ipse actione una, quae prima ei & novissima Pontificalium fuit. Cum enim accepto Pallio promulgasset edictum, quo monebat scribas hominesque suos, ut conficerent rite documenta publica, formulasque custodirent Ecclesiasticae jurisdictioni convenientes: confestim Vicarius eam rem ad Oeconomum defert. Oeconomus Gubernatori aperit: ac demonstrat, haud alio pertinere id factum, quam ut consensus auctoritasque Regia tollatur ex omni jure sacrorum, ac invito Rege maximam eam urbis & provinciae partem teneat quisquis ab Romano electus urbem provinciamque turbare possit. Dum consulitur Rex, dum responsa ejus expectantur, irruisse in possessionem Ecclesiae Archintum, & Regi sic Regiisque illulisse. Si promulgare edicta actionibusve aliis usurpare potestatem pergat, haud leviolem fore indulgentiae culpam erga contumacem, quam contumaciae ipsius adversus Regem.

Non dici plura attinebat. Per Franciscum Crassum, qui postea Cardinalis fuit, monetur illico Archintus: quoniam Regis mandata super ejus Pontificatu expectentur, interim ei manendum esse extra provinciae fines: Excellentissimo Gubernatori sic visum: & ad dignitatem ipsius otiumque publicum id enim vero pertinere. Tradunt, Archiepiscopum eam denuntiationem excepisse tranquillo animo mansuetoque vultu, ac ne verbo quidem commutato uno, vertisse patrium solum: patriam universam, exceptis impiis, ita indoluisset, quasi capite in illo salus publica exfulatum iret. Bergomum abiit, opportunitatem credo Urbis, & Ecclesiae illius secutus, quod, & urbs esset Venetae ditionis, & Ecclesia numeraretur inter Provinciales alias, praesideque ac pastore tunc careret. Ibi, nec Regi Regiisque suspectum, in aliena terra, nec in orba civitate desidem fore. Progressus igitur quam placidissime in eam partem, ad extrema Mediolanensis agri, trajecto flumine quod interluit Bergomenfes, eos populos, ceu Metropolim alteram excolebat, haud magnopere jam memor Ecclesiae qua arcebat. Pontifex Paulus, recognita sicuti gesta

esset, ferire Apostolico fulmine Regios parabat: estque ab eo inhibitus collata in Oeconomi suspiciones culpa: & Regiae litterae propediem adfuturæ dicebantur, quæ exulem honorifice revocarent. Is, tertio mense postquam urbe excesserat, Bergomi moritur: atque allatis in ipso fere obitu litteris, quæ expectabantur, Mediolanenses, velut ereptum tertio jam sibi Archiepiscopum luxere. Innoxios Archinti mores, & acceptam Cœlo virtutem declaravere ea, quæ mortem insculta sunt, & obitu in ipso protervia Daemonum manifeste tumultuata est. Namque inter cætera studia proximis adjuvandis, & procurandæ multorum salutis, fuerat hic etiam spiritus & confidentia Archinto, obfidentes mortaliū præcordia Daemonas evocare & pellere exorcismis: multæque nobiles palme celebrabantur, quas profligato sic hoste retulisset. Bergomenſi negotiatori diviti & honesto filii fuere quinque Daemoniis obfessi totidem, & unusquisque eorum ab Daemone suo ita agitabatur, ut foeditatis & vecordiae certamen inter ipsos esse Daemonas videretur. Lymphatorum certe aliorum nulum unquam vidisse ajebant urbis ejus homines, quem amentia & furore cum fratribus hisce compararent. Post irritas multas Exorcistarum artes & fallacia promissa, aggreſſus Archintus infelicem eam miserrimi parentis prolem: grandiores quidem quatuor exemit Faunorum ludibriis, minimus vero natus qui erat, pertinacius adhuc obfidebatur, & actus a Daemone in fugam, ex patria domo proripuerat sese, Mediolanumque pervenerat paulo antequam Archiepiscopus moreretur. Secutus abeuntis vestigia filii pater, non equi velocitate, non sollicitudine sua potuit æquare furialem illius gradum, Mediolanique demum assecutus infelicem percunctatur quid ita consciverit fugam. Respondit ex puerili ore Daemon: factum id esse importunitate Exorcistæ, cujus violenta carmina stomacharetur. Neque enim, sicut ignobiliores alios spiritus ille pepulisset, ita vim eandem in se esse valituram. Dixerat hæc, & paulo postea, compellato patre puer, momento, inquit, isto Archintus exspiravit. Ei scilicet præſagio congruens deinde reperta est hora, qua Bergomi decesserat Archiepiscopus exsul. Celebre per ea tempora negotium fuit, auxeratque rei admirationem reddita puero etiam huic salus, postquam pater eum tumulo Pontificis admovit. Anno cło Io LVIII. ad XV. Cal. Sextileis obiit Archintus, precatus ultimis tabulis, ut sepulturae sibi locus Mediolani in Metropolitana aede concederetur. Si id impetrare non posset, locum eundem in Basilica Thebæi Martyris Alexandria Bergomensibus petebat. Inscriptionem quoque sepulcro composuit ipse mansuetudine eadem: scilicet, ut neque per ambitionem honores ultimos contempsisse videretur, neque propinqui vel amici, caritate in mortuum, vel adulatione in vivos ad inania delaberentur. Inscriptio fuit in hunc modum: "Hic est. titulus. monumenti. Philippi. Archinti. Archiepiscopi. Mediolanensis.", Sive in patria, quod magis optarat, sive Bergomi tumularetur, retineri sepulcralem eum titulum volebat. Cumque pensiles tumuli fierent tunc illustribus fere viris, despectans sese infra cæteros, mandavit intra terræ viscera cadaver abstrudi pauperum ritu.

Non idem populorum sensus erga id quod vile adeo ipsi & projectum: certaminaque & lites ob cadaver exstiteret. Bergomenſes, quia, & vivo Archiepiscopo terra illa ad exulandum placuisset, & ibi esset mortuus, vindicabant sibi Pontificis reliquias. Civitas nostra & natalium, & testamenti jure easdem repetebat. Pontifex Max. ex Alexandro Archinto, fratre mortui cognita causa, precibus dedit hujus, ut Mediolanum arca deportaretur: quæ deportata & aperta, corpus illud, sicuti compositum in ea fuerat, nulla corruptum tabe ostendit: annusque jam alter ab excessu exibat. Considerantes hujus Archinti instituta & mores animumque nonnulli, qui deinde D. Caroli Pontificatum, & Sancti Pontificis vitam, ab initio ad finem usque, præfentis & assidui Divo spectare, crediderunt, si vixisset ille diutius, neque prohibitus Pontificatu fuisset,

A formam Ecclesiæ, quam sub Borromæo instaurari posterior aetas vidit, sub Archinto prius jam tunc fuisse renovandam, & Archiepiscopos duos, qui temporum successione conjungebantur, rerum exitu dissimiles, similitudine inter se animorum aptissime potuisse comparari. Ac sane mihi etiam intuenti Pontificalia rudimenta, quæ posuerat Archintus, cum Sancti Sepulcri prius, deinde Salinarum Episcopus fuisset, multum Pastoralis vigilantiae, multumque sollicitudinis ex ea minorum Ecclesiarum administratione occurrit. Quos ille spiritus, si ad hujus, & Urbis & Provinciae magnitudinem adungere potuisset, credere licet, vel excolendis Ecclesiæ rebus, occupaturum eum fuisse gloriæ partem, quæ tota in Borromæum cessit, vel exculta jam Ecclesia, purgataque per ipsum urbe, majorem aliarum rerum campum divinis Borromæi artibus ita potuisse aperiri. Non quidem adierat ille traditos sibi populos, Etruscum illum priorem & Gallicanum alterum, Romanis nempe negotiis impeditus semper, & eodem retinente Pontifice, qui Ecclesiam utramque mandarât. Cæterum, etiam absens omne Pastorale munus implevit: & quia Salinarum præcipue urbi hæreticae contagionis periculum ex finitima Galliarum peste aderat, conscripto ad homines eos Catechismo, ita firmavit eruditique gentem adversus imminens malum, ut institutio ea præter elementa disciplinae, qua Sanctus Carolus postea constituit Metropolim hanc labantem. Insensus Ecclesiæ corruptelis erat, nec ea morum parte Borromæo ipsi dispar. Tradunt, obvio forte Purpuratorum uni, submisisse contemptim oculos, quia ille sui Ordinis insignia non præferret. Et sub Pauli III. obitum cum novo Pontifici creando comitia haberentur, Collegio totius litteras obtulit scriptum habentes, quæ vitia possent administraretur. Amavit unice patriam, & civium orandorum valde cupidus fuit, si quidem indolem aliquam virtutis præferrent. Eo studio Franciscum Sfondratum Pontifici commendavit, quem amissa uxore aptum Ecclesiæ rebus censebat: adeoque non est in ea existimatione deceptus, ut Cardinalis hic fieret, & illata semel in domum Purpura multiplicaret honorem, fastigiumque etiam inferret illud unde is honos datur. Namque Nicolaus Francisci filius item Cardinalis, ac deinde Pontifex Maximus fuit. Tantum nobilissima Domus Archinto debet. Sed Angelum quoque Medicæum, qui paulo postea sub Pii IV. nomine regnaturus in Ecclesia erat, produxit, plurimumque adjuvit auctoritate testimonii, & consiliorum prudentia ac fide, quo certior ad summa viam calcaret. Quæ ipsa retuli, ut intelligeretur: habuisse Archintum istud etiam e Sancti Caroli moribus, ut ad summos Ecclesiæ honores ipso potissimum duce atque adiutore clarissimi, & optimi civium pervenirent. Dabantque Archinto in id auctoritatem honores gesti, vita acta constanter, & cum dignitate, apud Cæsarem, apud Pontifices Max. gratia, consilia sæpe pacis ac belli penes eum: & amplissimorum munerum emolumenta repudiaret. Talis viri morte, Cæsarem ipsum, accepto nuntio, commotum fuisse, ajebant, & Oeconomo successuisse, cujus calumnia, & insectatione ille vexatus fuisset.

Tertio post mense moritur etiam Cæsar, anno quinquagesimo octavo postquam natus erat. Ejus memoriam mansuram in hominum animis & ore famæ, quamdiu litteræ & homines manebunt, non recoluisse hoc loco, injuria nostræ Urbis fuerit, quæ ipsius armis exempta Barbarico jugo, exculta saluberrimis institutis, muneribus privilegiisque aucta, & quod maximum omnium fuit, in Catholici Imperii corpus assumpta celebravit tanto luctu exsequias summi mortalium, quanta olim gratulatione adventum ejus celebrarat. Mediocre corpore ei, grata Regio honore facies obtigerat. Bellator animus puero, nataque tot victoriis indoles, otii studia non perinde adamavit. Sed litteræ, & Philosophi sub alio nusquam Rege pulcrius steterunt, incusabatque ipse postea, quod non didicisset. Locutus est linguis omnium fere gentium, quibus imperavit, & naturæ dono facundus


duserat. Multae secundae rese ei, sed nec adversa defue-
re per omnem vitam: orbemque terrarum ad utrasque
vices quodammodo diviserat ei fortuna, ut in diversa
parte contrarios eventus assignaret. Fuere dimicanti
Caesari prosperarum rerum sedes, Italia, Germania-
que, & Hispaniae Regna quoties rebellionem coepta-
vere. America simul, & qua novus orbis semiferis mor-
talibus habitatur, obnoxia vincenti Carolo semper fue-
re. Ambigui bellorum exitus per Graeciam, & Afri-
cam, Galliamque & Flandriam eadem quasi fortis dis-
pensatione contigerunt. Minus ad felicitatem fida pax
ei semper fuit: semperque magnae rerum iniquitates,
& magna discrimina lacerare Caroli Caesaris gloriam,
quoties quiescere voluerat. Pacem tamen ipsam sancte
integreque administravit, & arbitrium egit omnium fe-
re Europae rerum, propositi tenax ad cuncta quae de-
stinavisset, Catholicae Religionis defensor, qualem Ec-
clesia ipsa admirata est. Veluti proprium ejus fuit, appe-
ti conjuratorum insidiis & punire seu debellare conjura-
tos. Sic magni & occulti rebellium conatus, quos In-
dia, Hispaniae, & Belgium & Neapolis dedere, fan-
xerunt exemplo suo per terras illas aeternam fidem: &
exempla in omne aevum ibunt. Aperto Marte vicit
Franciscum I. Galliae Regem, captivumque habuit do-
mi & dimisit, quod gloriosius habitum est quam etiam
vicisse. Saxonem & Lantgravium, capita Germaniae
furentis, sub jugum missos, & coactos accipere leges,
vivere iussit, atque pristinam fortunam habere. Turca-
rum Imperatorem Solimanum nihil habentem ex Barba-
ro praeter nomen & sectam, cum universa prope Bar-
baria coortum & armatum in spes ultimas afflixit clade,
quam res Othomanae semper sentient. Ad aviti Imperii
fines adjecit: Americam, & Mexici Regna, & Re-

A gna Peruana, mortalitatemque illam, & alterum plane
Mundum expertem salutis & caligini damnatum collu-
stravit Evangelii luce: Provinciam praeterea Mediola-
num & Provincias alias, quas deinde largiendo aliis con-
stituit domos, quae nunc opulentia & majestate Regum
agunt. Unico matrimonio contentus fuit, & spreto ad
extremum gloria, quam tantis rebus meruerat, depo-
sito imperio quiescere voluit in piorum coetu, atque ibi
mortalitatem explevit, nondum ille quidem in termino
brevis aevi mortalium, si justum exigere cursum plenis
annorum spatiis liceret: sed maturaverant senectam la-
bores, & curae, delicata corporis constitutio laboribus
impar, animi vigor assidue curas accersens: unde nunc
ingruerant morbi, & super caetera, non ferre erat insa-
nos articularum dolores.

B Annus, quo Caesar decessit, fyderalis scientiae vani-
tate canebatur fatalis Principum Regumque funeribus,
civitatum excidio, conversioni rerum omnium huma-
narum, addebanturque minae aliae coelestes, fulgura,
terrae motus, & procellae cum multiplici strage homi-
num, & quidquid aliud pavet. Ei tam infaustae vatici-
nationi fidem adstruxerat Caesaris obitus, & credide-
rant provinciae subjectae Catholico imperio defunctas se
esse suis malis hoc ipso, quod mors propea Caesarem abs-
tulisset. Parentavere Mediolanenses ita, ut ob laetitiam
triumphumve ullum nusquam alias antea perinde specta-
culo fuerit omnibus Insubriae populis civitas, quam tunc
ob moerorem fuit: & spectantium animos ab ipsa con-
templatione moeroris avertebant funebrium operum
sumptus, quois in luxuriae faciem testati suum luctum
Metropolitani erant. Orationem habuit Franciscus Craf-
sus, tunc Senator, postea Cardinalis, eloquentiae &
dignitate vitae par muneri.







209

ANTI Q
ITALIÆ

TOM. II
P. I.

90